

*image
not
available*







THEOLOGIA

CHRISTIANA

DOGMATICO-MORALIS

AUCTORE

F. DANIELE CONCINA

ORDINIS PRAEDICATORUM.

TOMUS NONUS

DE SACRAMENTO POENITENTIAE,
EIVSQUE MINISTRO.




ROMAE, MDCCL.

SUPERIORUM PERMISSU.

PROSTANT VENALES VENETIIS

APUD SIMONEM OCCHI.



SANCTISSIMO PETRO APOSTOLORUM PRINCIPI.



*UM primum verbi divini
conciones in sacrosancta
Romana Basilica, TIBI,
SANCTISSIME APOSTOLORUM PRIN-
CEPS, dicata, habui, iam inde usque TE
in meum singularem Patronum & Advoca-
rum delegi. Tantam quippe in animo meo*
a ij de-

devotionem excitarunt tum prodigiosa augustissimi Templi sacra maiestas, tum florentissimi eiusdem Cleri & in divinis mysteriis celebrandis gravitas cum morum suavitate coniuncta, & in Dei laudibus pangendis exactissima disciplina, tum populorum undique illuc affluentium fervens pietas, ut continuo appendere excelso Throno tuo tributum aliquod deliberaverim, quod esset & religiosæ observantiæ, & grati animi erga TE mei perpetuum monumentum. Nihil vero prodire a paupertate mea TIBI sistendum acceptius potuit quam hic de Clavium tuarum potestate Commentarius. Symbolum, quod manibus tenes, facultatem ianuas cælestis Ierusalem aperiendi, & ligandi, solvendiue reos in hac terrestri peregrinatione repræsentat. TU supra humanæ naturæ conditionem elatus, & superno afflatu perfusus Christi divinitatem fassus audire meruisti: (a) Et ego dico tibi;

(a) Matth. xvi.

bi, quia tu es PETRUS, & super hanc
petram ædificabo Ecclesiam meam....
Et tibi dabo claves regni cælorum; &
quodcumque ligaveris super terram,
erit ligatum & in cælis; & quodcum-
que solveris super terram, erit solutum
& in cælis. *In hoc supremo dignitatis fa-
stigio constitutus, præclarissimi Ducis mune-
re perfunctus es, cum ab immani militum
cohorte subducere Magistrum tuum, distri-
cto ense, invictoque pectore non dubitave-
ris. Verum quia ad eminentiorem alterius
generis fortitudinis gradum evehendus fue-
ras, ruere TE Deus tremenda sua provi-
dentia permisit, ut & profundæ humilita-
tis, & perfectissimæ pœnitentiæ exemplar
omnibus nobis evaderes. Siquidem vix dum
lapsus TE agnovisti, cum, omni cunctatio-
ne sublata, tam acerbo dolore, tantaque
cordis amaritudine contractam sceleris ma-
culam abstergere curasti, ut dicere iure
possimus, TE sanctiorem surrexisse post rui-
nam,*

nam , quam fueras antequam cecidisses . Quid quod hanc severissimam pœnitentiam toto vitæ decursu excolere numquam destiteris ? Ad cuiusquæ galli cantum casus tuus menti occurrens , tam ampla TIBI fuit amarissimi gemitus materia , ut genæ tuæ lacrymarum continenter fluentium ardore pene exustæ fuerint . Quam heroicam pœnitentiam cumulare novis favoribus , & decorare ingenti gratiarum copia clementissimus Redemptor voluit . Nam & sola corporis tui umbra ægrotos sanabat , & Angelus divinæ resurrectionis testis , cum perferri faustissimum nuntium ad discipulos per mulieres iussisset , singularem TUI mentionem fecit : Ite , dicite discipulis eius , & PETRO (a) . Sed , quod excellentius est , idem ipse CHRISTUS confestim a resurrectione sua se TIBI primum visendum præbuit : Surrexit Dominus vere , & apparuit SIMONI (b) : ut hac visitatione af-
fli-

(a) Marc. xvi.

(b) Luc. xxiv.

fluctissimum animum tuum erigeret, & lacrymarum amaritudinem in alacritatem & letitiam commutaret. TU vero, ut quo erat erga TE liberalior, ac munificentior divinus Magister, eo gratior atque obsequentior eidem esses, in ipso ultimo agone ad crucis supplicium, immaniissimi Neronis contempto furore, triumphabundus perrexisti: & ut inaudita humilitatis argumentum perhiberes, non sublimi erectoque vultu, sed inverso corpore, ad terram depresso capite, stipiti affigi voluisti, ne parem cum DOMINO TUO sortiri gloriam videreris, sed ut & acerbioris doloris vim sustineres, & æqualitatem dominicæ Crucis declinares. O admiranda humilitatis, constantiæ, patientiæ, atque fortitudinis exemplum, quod Ecclesiæ Christi Sponsæ reliquisti!

Hæc pauca recensere de TE, SANCTIS-SIME-PETRE, libuit, ut Sacerdotes, quibus Clavium potestas absolvendi, & ligandi concredita est, a TE, quem ut Parentem,

&

Et Patriarcham iure suspiciunt, veneranturque, perdiscant, quæ sit vera christiana pœnitentiæ indoles, quæ pœnitentis sincere contriti dotes, atque prærogativæ. Enimvero si lapsum tuum illico consecuta est celerima pœnitentia, quin vel dies interfluxerit, suspectam profecto, Et fallacem habeant Sacerdotes oportet pœnitentiam in longum tempus protractam. Quid, si semel Et iterum Deo reconciliati peccatores relaberentur? Illa ne germana pœnitentia habenda est, Et ad tuæ amussim conformis, quam non amaræ lacrymæ, non vultus demissus, non animus humilis, sed pompæ, luxus, Et fastus comitantur? Qui TE lapsum, ut sibi de divina clementia blandiantur, repræsentant, num TE pœnitentem imitantur, dum non caritatis amore succensi, sed solo quodam pœnarum terrore correpti ad Clavium absolutionem suscipiendam accedunt? Quos non ideo peccasse pœnitet, quia infinitam Dei bonitatem proculcarunt, sed quia ar-

dere

dere verentur, & privari æterna felicitate reformidant. An Clavium tuarum potestate sancte utuntur Sacerdotes, earumque beneficium recte dispensant illis qui frequenter ruunt, & resurgunt, relabuntur, & absolutionem requirunt, quin ullum stabilis conversionis, & contriti animi solidum argumentum exhibeant; sed omnia defixi in malitia cordis signa perhibent? Isti pænæ formidine attriti respondere ne TECUM Christo Domino poterunt: Domine, tu scis, quia amo te? (a)

Ut vero hæc divini amoris flamma in corde meo, TE, invictissime APOSTOLORUM PRINCEPS, intercedente, accendatur, oro obtestorque. Tuum simul imploro patrocinium huic meo Commentario, quo pro legitimo, sanctoque Clavium tuarum usu, & administratione deprælior. Veram ego christianam pœnitentiam, ieiuniis, eleemosynis, precibus, & laboriosis virtutum operibus.

Tom. IX. b ri-

(a) Ioan. xxi.

ribus fecundam secernere ab adulterata, & afferere a fucata studui; quæ carnem non affligit, sed demulcet; vulnera non sanat, sed fovet; sensus non coercet, sed titillat; quæ peccantes ab insanientis mundi præstigiis non separat, sed novis quibusdam lenociniis voluptuosa oblectamenta cum Christi Evangelio, delicias sæculi cum crucis amaritudine copulare portentoso fœdere didicit. Et, quod omnem superat fidem, haud pudit nonnullos in istius blandæ, benignæ, & carni accommodatissimæ pœnitentiæ commendationem TE periurum, TE inconstantem obtrudere, ut disceres, inquiunt, cum aliis esse benignus; ac si evangelica benignitas in prodigendis Christi mysteriis, in pascendis divino pane flagitiosis, & vitiis saginatis, in absolvendis inveteratis & recidivis refulgeret. Lapsum tuum novæ benignitatis assertores exaggerant; & pœnitentiæ tuæ dotes alto obvolvunt silentio. Cum tuam, o SANCTISSIME PETRE,

pœ-

pœnitentiam severam, & amarissimam, carnem scilicet, & animum macerantem, suademus, & inculcamus imitandam, Rigoristæ continuo audimus, sibilis deridemur, & contemnimur ut Iansenistæ. Verum, si TU, qui de Herodis, Neronis, aliorumque tyrannorum persecutionibus felicissime triumphasti, validissimum patrocinium tuum impenderis, irriti erunt leviculorum hominum conatus, consilia vana, frustraneæ machinationes.

Perge porro, SANCTISSIME PETRE, columna, & firmamentum Ecclesiæ Catholicæ, & in hac temporum calamitate respice de celo super vineam istam. Suscita in Sacerdotibus tuis, præsertim illis quibus ligandi atque solvendi Claves committuntur, zelum pœnitentiæ & sanctitatis, spiritum fortitudinis & constantiæ, ut Dei armatura induiti, & vivæ fidei clypeo muniti, carnis prudentiam, & politicos respectus contemnentes, restituere ad primævum splen-

*dorem morum disciplinam audeant. Tandem
oro, & flens obsecro per eam fidem, & ope-
ram quam Ecclesiae in terris degens praesti-
tisti, ut impetrare mihi efficacissima tua in-
tercessione a Christo IESU digneris divinum
illud perseverantiae donum, quo ornatus, &
TU aperire iure queas, & ego ingredi Pa-
radisi ianuas faustissime valeam. Amen.*

Servorum tuorum infimus

F. DANIEL CONCINA O. P.

PRAE-

P R A E F A T I O.

I. **S**I diligentiam quam cuiusque argumenti tractatio postulat, ex rei quæ disputatur magnitudine, pondere, & necessitate metiri oportet, vereor ut ego adhibiturus sim parem, quæ huic, quem aggredior illustrandum, loco consentanea videri possit. Nullum quippe argumentum hæcenus pertractatum a me fuit, quod, siue necessitatem, siue commodum, siue difficultates, quæ illud circumstant, spectes, valeat cum eo quod nunc in manibus est, comparari. Baptismus, qui deperditam primi hominis lapsu innocentiam reparat, ceteris sacris mysteriis præit, una cum confirmatione, quæ insulam gratiam custodit, atque propugnat. Eucharistia dignitate & maiestate omnibus præstat. At quam sunt sensibus magis subiecta elementa, quibus hæc constant, tam facilius est, & a difficultatibus remotior eorumdem administratio. Verum, antequam naufragantibus post iustitiam baptismalem subsidium porrigatur, erigi tribunal debet, in quo Dei minister sedeat iudex, peccator adsit reus, & testis, ut rectum pronuntietur iudicium, impertienda ne sit, an deneganda peccatorum remissio. Nemo autem non videt quam astuti, quam intimi, quam potentes hostes ad hocce pervertendum iudicium conspirent. Comparatus ille ad benignitatem est, hic ad severitatem; & quem iste condemnat, alter absolvit. Quis autem est qui tuto pede pergere inter hæc duo obvia extrema *Rigorismi*, & *Laxismi* queat?

II. P. BALTHASAR FRANCOLINUS, doctus, probusque Theologus, dolet, & altius lamentatur, sæculo nostro immanem RIGORISMUM in Ecclesia dominari, atque in Catholicorum perniciem latius sævire. Quo malo, atque funestæ ruinæ ut occurrat, in præfatione ad suum Clericum Romanum disputationes se edere ait, quæ nimium rigorem, in administrando præsertim sacramento penitentia QUOTIDIE MAGIS INVALESCENTEM, insectantur, & sanctam benignitatem . . . propugnant. Tragicam Montanistarum, & Novatianorum scænam aperit, istorum-

rumque crudelem austeritatem ob oculos repræsentat. Montanistæ distinguentes scelera quæ in Deum, & quæ in proximum perpetrantur, hæc, secus illa remitti posse adfirmarunt; ut ex Tertulliano *Lib. de pud. cap. II.* colligitur. *Mundantur delicta quæ quis in fratrem, non in Deum admiserit.* Quæ distinctio non prorsus apta videtur; cum & flagitia adversus fratres nostros commissa, infinitam Dei maiestatem, qui eadem interdicit, offendant. Quare, alia substituta distinctione, delicta omnia duo in genera tribuerunt, alia gravia, gravissima alia, quæ condonari ab Ecclesia posse, sicuti prima, denegarunt; ut Tertullianus Montanista factus *loc. cit. cap. XIX.* ait. *Sunt graviora, & exitiosa, quæ veniam non capiunt, homicidium, idololatria, fraus, negatio, blasphemia utique, & mæchia, & fornicatio, & si qua violatio templi Dei.*

III. Antiqui Ecclesiæ Patres hæc gravissima crimina contra-ctiori sermone *capitalia* appellarunt, cuiusmodi sunt idololatria, mæchia, homicidium. Montanistæ, & Novatiani horum criminum remittendorum potestate destitutam Ecclesiam effutiere. Factum, non ius Ecclesiæ in disputationem eruditi viri adducunt, in contrarias, ut fieri solet, partes abeunt. Albaspinaeus, Petavius, Lupus, Iuveninus, Martene capitalibus delictis obstrictos, tametsi amaris fletibus, & laboriosis operibus eluere contractas maculas studuissent, ita eiectos olim ab Ecclesia fuisse contendunt, ut neque in extrema lucta absolutionis beneficium impertitum illis fuerit. Contra Morinus, Natalis Alexander, & alii sentiunt. Hanc secundam opinionem Cl. Vir Augustinus Orsi, Sacri Palatii Magister, docte iuxta, & erudite integra dissertatione pleno in lumine constituit, illis omnibus quæ pro adversa parte afferuntur argumentis penitus contritis. Verum hæc obiter.

IV Sed ut eo unde discessit, redeat oratio, P. Balsasar Francolinus repræsentare pergit *Rigorismum* depopulantem Ecclesiam Africanam, immigrantem in Græcam, Antiochenam præsertim devastantem, & Eustathio altero Rigoristarum duce, Paphlagoniam, aliasque Asiaticas regiones pessumdantem. Subdit feram hanc truculentam ex orientali in occidentalem Ecclesiam irruisse, Gallias, finitimasque regiones crudeli laniena discerpentem, & usquequaque pœnas, supplicia, furorem, atque omnium malorum gravissimam desperationem intulisse.

A sola, inquit, Romana Ecclesia exulavit semper *Rigorismus*. Montanistarum rigorem perculit Zephyrinus Papa : Novatianam austeritatem proscripsit Cornelius : Gallicanam feritatem prostravit Cælestinus : Samniticum, Campanum, & Picenum rigorem confixit Leo Papa, datis ad harum Ecclesiarum Episcopos litteris. Et tandem, ut a crudelissima peste caverent, omnes Ecclesias monuerunt S. Pius V. *aliique inde Pontifices, & novissime Alexander VIII. dum Baianas, Iansenianas, aliasque ab his impuris fontibus propositiones collectas damnarunt.*

V. Habes nunc, lector christiane, penicillo P. Francolini depictam teterrimam imaginem illius *Rigorismi* qui a primis Ecclesiae sæculis ad hæc usque tempora, veluti hydra immanis, Christi gregem dilaniare non cessat. Adeo Rigoristis infestam describit Romanam Ecclesiam, *ut aliqua, quamvis non essent mala, reiecerit aliquando eo solo nomine quod ab hoc hominum genere proponerentur.* Et reipsa invecta a Montano ieiunia improbavit, ne spiritum Montani comprobare diceretur.

VI. Porro ne imposterum Christiani in os, & fauces incidunt crudelis feræ, vocis sonitum extollit P. Francolinus, inclamatque : *Cave a Rigorismo, cave a Rigoristis, qui de regione longinqua veniunt ad te in vestibus ovium, in fronte modesta, in oculis submissis, in vultu demisso, in gestu composito, in toga decenti, in sermone suavi : cave etiam ab iis qui non veniunt, sed mittunt ad te . . . Rigorismum suum.* Ut vero securius declinare eiusmodi Rigoristas valeas, eorumdem characteres enucleate tibi patefacit his verbis., Spiritus indoles tetrica est, suspiciosa, artificiosa, ambitiosa, immisericors, tyrannica, uno verbo pharisaica. „ Habes ex his unde eos dignoscas, si nosti vitia Phariseorum. Quatuor illa potissimum erant, facies simulata, cor „ durum, animus malignus, vota ambitiosa . . . Quos igitur „ deprehenderis in facie sanctos, modestos, compositos „ ecclesiastice, in toto habitu comptos, sed habentes quid dubitent &c. habe illos ut nostrorum temporum Phariseos, „ & veri nominis Rigoristas.“

VII. Paucis perstrinxi specimen eorum quæ R. P. Francolinus de Rigorismo, & Rigoristis scribit in laudata sua præfatione ad Clericum Romanum. Et antequam ultra provehor, repetere interest me pro certo habere, recto pioque animo illum scripsisse, eoque conatus, molimina, atque studia sua col.

collineasse, ut animarum saluti consuleret, ut christianum populum facilius atque securius ad vitam æternam perduceret. Verum, quemadmodum ille optime advertit in suo ad lectorem Monito, de *Morino*, *Merbesio*, *Iurvenino*, de quibus sic fatetur: *Bona eos mente scripsisse non ambigo; sed id satis non est ut quæ scribuntur, utilia sint*: similiter mihi liceat asserere, sancta mente Francolinum scripsisse, me nullo modo dubitare; at non quod scripserit animo, sed quid scripserit, sub examen revocabo. Subdit Francolinus contra Rigoristas scribens: *Calori disputationis tribuatur, si quid excidit quod minus reverenter dictum videatur*. In id ego incumbam studio summo, ne quid minus officiosum adversus Francolinum, aliosque benignos Moralistas calamo mihi excidat. In eorum scripta dumtaxat inquiram, & si quæ falsa, & laxa offendero, pro meritis labefactare curabo. P. Francolinus Theologos qui probabiliora & tutiora in dubiis controversiis propugnant, *Rigoristas*, non Probabilioristas benigne appellat. Si hac mihi libertate uti liceret, Theologos qui minus probabilia, & improbabilia acriter defendunt, *Laxones*, vel *Laxistas*, compellare deberem. Sed absit ut usurpare hoc Francolini aliorumque Probabilistarum benignum ius ego velim. Mihi sat erit opiniones quas falsas reputavero, *laxas* & perniciosas appellare; Auctores vero earundem præconiis potius efferre quam censuris, aut vocabulis minus honorificis incessere. His delibatis, quæ ex P. Francolino rescripti, dispiciam paullulum necesse est.

VIII. Ac principio, ut id quod sentio, candide prodam, P. Francolinus & fallitur, & fallit Clericum suum, suosque lectores. Et ne vel tantillum imponere ipsi videar, quæro, num P. Francolinus calamum aquat in *Rigorismum* Catholicorum, an in *Rigorismum* hæreticorum, num in *Rigoristas* catholicos, an in *Rigoristas* hæreticos? Si in Rigoristas catholicos; cur eos hæreticis Montanistis, Novatianis, & Iansenistis accenset, iisdemque immiscet? Quo iure catholicos Theologos traducit, tamquam ambitiosos, tyrannicos, malignos, tetricos, efferatos? Quid Montanismum, Novatianismum, Pharisæismum in Ecclesiam catholicam quaquaversum ferocientem inducit? Si quis alterius mundi advena, Catholicorum prorsus ignarus, præstationem P. Francolini inclamantis, *Cave a Rigoristis, cave a Rigoristis*, lectitaret, videre sibi videretur delicatas matronas, &

matronulas, atque cuiusque cœtus viros perpetuis ieiuniis extenuatos, crudeli inedia impallescentes, disciplinis, & flagellis sauciato, vulnerato, plagoso in semetipso crudelissime sævire: existimaret nullam apud nos lapsis misericordiam post diuturnam ieiuniorum, fletuum, disciplinarum, precum, aliorumque operum pœnitentiam peractam, implorantibus absolutionem impertiri. Hanc trucem disciplinæ, in Ecclesia nostra dominantis, imaginem ex lectione P. Francolini sibi formaret. Si vero non in Rigoristas catholicos, sed in Rigoristas hæreticos invehitur P. Francolinus; quinam sunt eiusmodi hæretici qui hac tempestate Montani, & Novatiani crudelem severitatem redintegraverint? An Lutherani, & Calvini, qui ieiunia, abstinentiam, psalmodiam, & cetera laboriosa opera, & veræ pœnitentiæ disciplinam penitus exterminarunt? Quinam ergo sunt qui Montanisticum, & Novatianisticum rigorem instaurarint? Ianseniani? Hi scilicet. Sed istos quoque, qui pertinaciter proscriptos ab Ecclesia Romana Iansenii errores defendunt, tamquam schismaticos, & hæreticos Catholici detestantur. Ad me quod attinet, palmam sane non cedo P. Francolino, neque alteri cuilibet, si animi vota spectes, in reiiciendis Iansenistarum commentis; idque, occasione data, præstare opere pro modulo meo non prætermisi.

IX. Verum P. Francolinus non hæreticorum, sed Catholicorum Rigorismum se insectari non ambiguis indiciis perhibet. *Nos* (inquit loc. cit.) *regiones oculo morbo laborantes, Academias, Familias, Collegia. Hac suspicionem faciant. Ea vero celebris in fronte libri promissio tradendi doctrinam sacra Scriptura, Conciliorum, & Patrum, suspicionem augeat.* Quam caute, prudenterque scripta hæc sint, nempe damnati *Rigorismi* arguere Familias, id est sacros Regularium Ordines, Academias, & Collegia Catholicorum, an iustitiæ, nedum caritatis, id cohæreat, iudicent sapientes. Crudelis severitatis, & feræ tyrannidis suspicionem ingerit & augeat celebris in fronte libri promissio tradendi doctrinam Scripturarum, Conciliorum, & Patrum? Ita ne vero? At Patres ipsi, & Concilia posteriora, antecedentium Patrum, & Conciliorum traditiones, & doctrinam maiorum allegare semper consueverunt. Aberrandi occasio P. Francolino, ut mea minima præfert opinio, fuit, quod expressam Rigorismi notionem minime delineaverit. Cuius, amabo te, na-

turæ est *Rigorismus* ille quem ceu truculentum monstrum insectatur? Quænam illius *Benignitatis* indoles quam tot præconis exaltat P. Francolinus? *Rigorismus* iste est ne forsitan *Probabiliorismus*? Negas? Quænam ergo huiusce *Rigorismi* sincera imago? *Benignismus*, tot laudibus exornatus, erit ne forte *Probabilissimus*? Erit ne doctrina illa quæ longius a lege, & veritate abest, & propius accedit falsitati, & humanitati? Siles? Quid itaque est *Rigorismus* iste cavendus? Quid *Benignitas* amplectenda? Ediscere. In universo opere, nedum in præfatione, nullam sive *benignitatis*, quam veluti tesseram Romanæ Ecclesiæ designat, sive *rigoris*, quem tamquam feram pestiferam gregem Christi devorantem aggreditur, insectatur, atque iugulare toto virium conatu studet P. Francolinus, distinctam, expressamque ideam præfert. A quo igitur *Rigorismo* cavere sibi Romanus Clericus debet? Quænam illa *Benignitas*, quam complecti secure valet? Aerem verberat, & hostes fingit Cl. Auctor, donec genuinos harum vocum *Rigorismi*, & *Benignismi* significatus perspicue declaret. *Rigorismi* detestandi nomine intelligo ego doctrinam aut ab Apostolica Sede proscriptam, aut communi Patrum, & Theologorum sensui adversam? intelligo sævam illam duritiem quæ veniam peccatoribus sincere contritis impertire recusat. Contra, *benignitatem* illam approbo, & propugno quæ delinquentibus, tametsi gravissimorum scelerum multitudine onustis, aditum ad sacra mysteria non præcludit, sed liberaliter misericordiæ ianuam aperit, dummodo sinceræ conversionis, & christianæ pœnitentiæ argumenta exhibeant.

X. Rogo nunc P. Francolinum, omnesque *Benignitatis* præcones, & *Rigorismi* osiores, ut palam dicant, num ætate nostra vel unus Catholicorum Theologus designari possit qui aut praxi, aut scripto defendat, peccatori, tametsi inveterato, tametsi homicidæ, mœcho, blasphemæ, impio, non esse impendendam absolutionem, quando vera & sincera christianæ pœnitentiæ signa perhibeat? Ubinam ergo in catholica Ecclesia horrendum illud *Rigorismi* monstrum, quod teterrimis coloribus depingit P. Francolinus? In qua Familia, in quo Claustro, in quo Collegio, in qua Academia grassatur crudelis hæc pestis? In quo Theologorum, aut Confessariorum cœtu sævit, & furit *Rigorismus* iste? An in Confessariis nobilium matronarum?

naram, & nobilium magnatum? An in Confessariis mercatorum, & politicorum? An in Confessariis & Theologis Dynastarum, Principum; & Regum? An in Confessariis miseræ plebis? In qua Ecclesia grassatur severitas hæc inhumana? In quo Catholicorum libro morali, edito pro Confessariis instructione, propugnatur Rigorismus iste?

XI. Verum, ut in gravissima omnium causa, in qua de æterna Christianorum salute agitur, ad incitas redigam & P. Francolinum, & omnes Benignistas, ad communem omnium Theologorum, & etiam prudentum Catholicorum sensum causam hanc revoco. Ex una parte actores constituo P. Francolinum, & ceteros mollioris doctrinæ patronos, ex altera Antiprobabilistas. Clamat P. Francolinus cum ceteris: *Cave a Rigorismo, cave a Rigoristis*. Clamant e contrario adversarii: *Cave a Laxismo, cave a Laxistis*. Ut rectum iudices ferant iudicium, duo consulant. Primum experientiam visibilem luculentamque; alterum Moralistarum libros ex utraque parte editos. Ad primum quod attinet, oculos iudices convertant in cuiusque conditionis Catholicos, sacra mysteria frequentantes fere singulis mensibus, aut pluries in annum. Deinde inspiciant, an mares & feminae reciproco amore se se prosequentes, sibi vicissim urbanitate summa inservientes, ludis ferme continuis, colloquiis tenerrimis, harmonicis concentibus operam navent; an opipara convivia, comœdias, & cetera mundi oblectamenta continenter frequentent. Hinc colligant, num post plurimum annorum confessiones, & communiones ludis immoderatis, conversationibus promiscuis, pompis vanis, colloquiis subimpudicis penitus vale dixerint: num theatri, comœdiis, congressibus otiosis se abdicaverint, & professionem baptismalem, in qua Satanæ, & omnibus pompis eius renuntiarunt, exacte impleant: an modestiam, humilitatem, aliasque christianas virtutes, quoad fert humanæ naturæ imbecillitas, exerceant. Perpendant, num mercatores ab usuris, num artifices a fraudibus, num advocati a dolis, & cavillationibus abstineant post tot annorum confessiones, & fraudes. Convertant nunc oculos in paucos illos Christianos, sive peccatores, sive innocentes, qui singultibus, ieiuniis, elemosynis, aliisque laboriosis operibus contractas scelerum sordes eluere, divinam placare iustitiam, carnem comprimere, appetitiones coercere,

mundi oblectamentis se subducere student : & ad tribunal vocati rogentur isti , num ex toto corde dolentes & gementes. aliquem Confessarium , Theologumve in universa Italia offenderint hætenus , qui eos a sacris mysteriis crudeli immanitate reiecerit. Si vel unum ratione præditum indicaverint , sponte cadere caussa velim. Ergo , manifesta experientia spectata , Christiani ex una parte , magno in numero , in perpetuo vitiorum & communionum , scelerum & confessionum circulo versantur , quin umquam sincere convertantur . E contrario Christiani aut innocentes , aut sincere pœnitentes nullibi ianuam ad misericordiam , ad absolutionem obtinendam clausam inveniunt ; immo ubique ipsis sacramenta ministrantur , & ad eadem frequentanda suadentur . E tribunali igitur evidentissimæ experientiæ iudicium proferant sapientes , an non iure clamandum sit : *Cave a Laxismo , cave a Laxistis* . Iudicent quo iure clamet P. Francolinus cum ceteris : *Cave a Rigorismo , cave a Rigoristis* . Sententiam dicant , qua obstringantur & Francolinus , & ceteri , ut digito ostendant , ubinam sit inter Catholicos hæc , quam fingunt , crudelis Rigorismi chimæra . Si ab experientia ad libros provocant , non reiicimus appellationem , sed amplectimur libentissime . Illud tantum recordamur , ne Montanismus , aut Novatianismus , aut Iansenismus versute in scenam adducantur ; sed Catholicorum dumtaxat opera sub critice veniant . In medium appareant libri Morini , Merbesii , Genneti (quem rigidissimum , nedum rigidum , appellat P. Francolinus) . Natalis Alexandri , Pauli a Lugduno , Pontassii , Besombii , Antoine , Prodeant ex classe altera *Benignistarum* Caramuel , Diana , Leander , Bassæus , Zanardi , Ioannes Sanchez , Thomas Sanchez , Tamburinus , Castropalaus , Escobarus , Bonacina , La-Croixius , Burgaberus , Moya , Francolinus , & alii sexcenti Probabilistæ . Rogo ut vel unam ex prioris classis operibus propositionem obiciant quæ crudelem damnatumque *Rigorismum* redoleat . Ego vero ex postremæ classis libris non unam , sed centenas , & millenas dabo , quæ *Laxismum* redolent manifestum partim damnatum , partim , ut imbecillitati meæ videtur , damnandum . Peremptoriam nunc sententiam proferant sapientes iudices , quinam iure clamare valeant , & debeant : an P. Francolinus , *Cave a Rigorismo cave a Rigoristis* ; an alii , *Cave a Laxismo , cave a Laxistis* . Iudicent ,

an *Rigorismus*, five speculativus, five practicus, inter Catholicos, quem Francolinus, & alii permulti obtrudunt, sit nec ne mera chimæra, quæ disciplinæ frequentandi sacramenta, & Ecclesiæ universæ gravissimum inferat detrimentum. Contra iudicent, grassetur nec ne *Laxismus*, tum speculativus in libris plurium Casuistarum, tum practicus in administratione præsertim poenitentiae sacramenti. Hæc iudicanda prudentibus, & anticipationum vacuis iudiciis denuntio.

XII. Heinc quisquæ colliget, quam prudenter, quam iuste P. Francolinus catholicorum Theologorum doctrinam cum Montanismo, Novatianismo, Baianismo, Iansenismo confundere ausus fuerit. Cedo: si quis *Laxissimum* Casuistarum permisceret cum Nicolaismo, Gnosticismo, Pelagianismo, Lutheranism, Calvinismo; quas turbas non cierent, quos rumores ac tumultus non excitarent *Benigniste*? Et merito quidem: nam Catholicorum opiniones numquam cum hæreticorum erroribus confundendæ sunt. P. Francolinus in sua præfatione constitutiones S. Pii V. & successorum, decretum Alexandri VIII. adversus Baianos, & Iansenianos errores pluries obiicit. In his pontificiis constitutionibus reperitur ne vel una propositio damnata in materia morum, decerpta ex Moralistis catholicis Gallis, Hispanis, Germanis, Italis? E contrario decreta Alexandri VII. & Innocentii XI. adversus *Laxissimum*, excerptum e libris catholicorum Casuistarum, alto obvolvitur silentio. Ubique clamat: *Cave a Rigorismo, cave a Rigoristis*, ab Ecclesia catholica. exulantibus. Nullibi vero Clericum suum admonet ut caveat a *Laxismo*, intra sinum Ecclesiæ, & intra tractatus Theologiæ moralis serpente. Damnavit Alexander VIII. 31. propositiones Baianas, & Iansenianas, quarum nec unam docent, quatenus mihi constet, Morinus, Merbesius, Iuveninus, Gennetus, Natalis Alexander, qui iuxta Francolinum sunt *Rigorismi* primituli. Damnarunt Alexander VII. & Innocentius XI. centum & amplius propositiones extantes in libris *Benignistarum*: & præterea Alexander VII. novum opinandi modum, in christiana Morali recens excogitatum, tamquam vénéficum *Laxismi*, & corruptelarum fontem, improbavit. Et hæc omnia præterit P. Francolinus, qui unice detonat adversus *Rigorissimum* Montanistarum, Novatianorum, Iansenistarum, ut instruat Confessarios Romanos, Italos, ceterosque catholicos Theolo-

gos,



gos, & Confessarios in morum Theologia, & in pœnitentiæ sacramento administrando.

XIII. Quemadmodum P. Francolinum, ceterosque Moralistas cuiuscumque instituti christiano zelo succensos, pioque animo in salutis viam revocandi peccatores scripsisse, mihi certum est; ita plura quæ scripserunt, & arbitrarias declamationes adversus commentitium Rigorismum Theologorum catholicorum a veritatis via, legisque evangelicæ severitate aberrare, salvo meliori iudicio, existimo. Porro, ut ego, quoad fieri potest, utraque extrema, tum *Rigorismi*, tum *Laxismi*, in administrando pœnitentiæ sacramento declinem, Romanæ Ecclesiæ Conciliorum, maxime Tridentini, sanctorum Patrum tum antiquorum, tum posteriorum, & sanctorum, graviorumque Theologorum doctrinæ insistam. Dicat P. Francolinus, hanc celebrem promissionem Montanismi, Novatianismi, Baianismi, & Iansenismi suspicionem ingerere: nihil moror. Eiusmodi censuras relinquo prædicatoribus caritatis, & benignitatis novæ inventionis. Utinam Deus ob merita sacratissimæ passionis Filii sui gratiam suam mihi infundat, ut opere complere sincerissimam promissionem, & utraque reipsa vitare extrema valeam. Probabilistæ unice *Rigorismum* exaggerant, ad quem Christiani veluti ad æterni naufragii scopulum allidunt. Ego contra magnopere pertimesco *Laxissimum*, veluti sirenam blanditiis magnam Christianorum partem illicientem ad mortem sempiternam. Omnes a natura ipsa ita comparati sumus, ut a rigore & severitate, appetitionibus nostris repugnante, abhorreamus. Severitas nobis displicet, nosque mundo odiosos efficit. Quis est qui homines severos, truces, immanes non perhorrescat? Rigor immoderatus Phariseorum, Montanistarum, Novatianorum & cito evanuit, & paucos numeravit clientes. Communiter novatores, sublato evangelicæ legis rigore, leges carni, & sanguini accommodarunt, ut patet in Lutheranis, & Calvinistis. Qui Christi iugum suave iis qui Dei caritate ardent, ut Patres omnes interpretantur, exasperare & gravare contendunt, duplici stultitia laborant: altera, qua errando pereunt; altera, qua se torquent, & lacerant, ut æternum pereant. Contra blanditiæ, & opiniones æquo laxiores, si in altero mundo supplicia parant, saltem in hoc theatro auram, & acclamationem universalem sibi conciliant,

liant, & sensibus oblectamenta donant. Quamobrem Doctores sancti admonent, facilius in *Laxismi*, quam in *Rigorismi* extremum labi homines solere. Idque experientia, & rationum momenta, quæ obiter indicavi, evincunt, & infra *suus* ostendam.

XIV. Quis est, inquires, qui ambo hæc extrema non detesterur? Nemo sane, dum nativo vultu illa se se visenda præbent. At larvam induit securitatis, & iustitiæ *Rigorismus*, sub qua suam occultat tyrannidem. Exornatur clementiæ colore *Laxismus*, fulgetque splendor inter benignitatis, indulgentiæ, & misericordiæ fucos. Et prout quisque ad severitatem, aut clementiam comparatus est, in scopulum aut *Rigorismi*, aut *Laxismi* impingit. Divino opus est lumine, quo illudentes colores, & velatam utriusque extremi faciem deprehendamus. Ego sane ad clementiam, ut communiter homines sunt, ad commiserationem, benignitatem, & indulgentiam propensum me sentio. Quid, intra memetipsum alloquens dicere soleo, magis rationi & humanitati dissonum quam exilii nostri compedes æquo severius stringere, & iugum servitutis nostræ sponte aggravare? At cum evangelicæ legis sanctitatem, excellentiam, atque sublimissimam perfectionem serio considero, tum intelligo, vix fieri posse ut in *Rigorismi* anfractum incidam. Adeo quippe infesti, versuti, veteratores, cruceles sunt hostes cupiditatis, amoris proprii, concupiscentiæ, superbiæ, quibuscum belligerandum nobis est, ut facile minime sit, nimium nos esse rigidos aut in concupiscentiæ rebellionem subigenda, aut in cupiditate coercenda, aut in Satanæ fraudibus repellendis. Quare in id maxime incumbere omni studio debeo, ne fallaci misericordiæ & benignitatis imagine ludificatus ad *Laxismum* declinem. Ut a *Rigorismo* mihi caveam, natura ipsa adiuvat. Innumera sunt amoris proprii lenocinia, mundanæ gloriæ præstigia, dæmonis fraudes, quæ me vel invitum ad *Laxismum*, benignitatis, prudentiæ, & misericordiæ ementitis coloribus depictum, alliciunt, urgent, compelluntque. Preces, & quidem iuges Deo fundendæ sunt, ut per rectam veritatis semitam, quin ad dexteram, aut sinistram declinem, perducere me non dedignetur. Amen.

MONITUM PRIMUM.

Quoniam hoc in volumine plurimas Casuistarum opiniones, fuso benignitatis illitas, quas ego æquo laxiores existimo, recensurus sum, subiicere lectorum oculis iuvat IUDICIUM quod *P. Antonius Terillus*, Probabilismi reflexi facile princeps, & a Rigorismi suspicione, si quis alius, maxime alienus, in plurimos recentiores Casuistas tulit. Lectores siquidem, dum laxas opiniones, quas ego improbandas refero, legunt, in admirationem acti exclamant: Fieri ne potest ut viri Theologi tam monstrosa laxitatis paradoxa docuerint? Alii subinclamant, opiniones esse aut truncatas, aut alio sub aspectu propositas, vel artis rethoricæ phaleris transformatas. Si istos audias, nemo unus, neque hic, neque ille Moralista laxiorem doctrinam docuit. Generatim & univèrse fortassis fatebuntur, Moralistarum aliquos ad laxa paradoxa declinasse. Verum si reipsa ex hoc aut illo Casuista laxam doctrinam decerpas, continuo aut amore Instituti quod professus Casuista est, aut aliâ ratione ducti, vix umquam concedunt in *Casuista suo* reperiri doctrinam laxam. Porro ut hæc effugia penitus præcludam, & istorum, quoad fieri potest, ora obstruam, subiicio quæ sequuntur ex citato *P. Antonio Terillo*. Testimonium istius Auctoris alibi retuli. Sed placet monitum Platonis: *Non nocet his dicere quod bene dicitur, Quinimmo quæ pulchra sunt, & his & iter repetenda sunt*; dialog. vi. Hæc igitur scribit

P. ANTONIUS TERILLUS

in præf. ad tract. de consc.

CUM probabilitatem opinionum moralium, quæ non ita pridem ab omnibus pro secura conscientiæ regula habitata fuerat, a paucis annis mutatione plane repentina non solum in dubium vocatam, sed plurimum censuris, ut morum & omnis honestatis venenum, atque ut errorem grandis periculi, immo certi exitii plenum, damnatam fuisse animadvertissem, cœpi tantæ, tamque inexpectatæ mutationis originem attentius investigare; eamque tandem (si
,, Ian.

„ Iansenistarum consilia demas) aliam non fuisse quam ni-
 „ miam aliquorum Theologorum ac Casuistarum in opinando
 „ laxitatem , clare perspexi . Fuerunt enimvero ex recentiori-
 „ bus non pauci qui levissimis ratiunculis ducti , antiquorum
 „ Theologorum in opinando severitatem non modo clam car-
 „ pere , sed palam ausi sunt suis scriptis condemnare . Quod
 „ enim priores , doctiores , ac severiores Theologi unanimi
 „ sententia damnabant ut malum ; recentiores isti , ausu sane
 „ temerario , pro bono & honesto venditare non erubuerunt .
 „ Cum enim plus æquo famæ , vanæque de sua doctrina exi-
 „ stimationis essent cupidi ; mirum est quo ardore , atque ani-
 „ mi contentione ad scripta sua typis mandanda incubuerint .
 „ Nullus annus elabi poterat , quem ingens librorum recen-
 „ ter editorum multitudo suorum natalium annum in fronte
 „ notatum non præferret . Universalis hic scribendi modus in
 „ nulla materia , quam in re morali , lamentabilius grassatus
 „ est . *INNUMERABILES* sunt qui a 30. annis , summis ca-
 „ suum , rerumque moralium tractatibus bibliothecas imple-
 „ verunt . Quid autem facerent , ut ad famam , quam aucu-
 „ pabantur , pervenirent ? Non satis illis visum est , si ab a-
 „ liis dicta , novo ordine , novaque methodo , & ad legen-
 „ tium captum faciliiori digesta (quod tamen laude dignum
 „ fuisset) vulgarent . Ergo ad nova promenda animosiores ef-
 „ fecti , in opiniones laxiores oculos animumque coniecerunt ,
 „ gnari eas præ omnibus rudiori legentium vulgo mirum pla-
 „ cituras . Verum ne propter apertam ab unanimi antiquo-
 „ rum opinione defectionem temeritatis arguerentur , cœpe-
 „ runt rationes aliquas excogitare , quibus & suum a maio-
 „ rum doctrina recessum honestarent , & apud imperitum
 „ vulgus de suæ sententiæ veritate plausum aliquem obtine-
 „ rent . Hi ergo dum animo , ut in istis fieri solet , pro veri-
 „ tatis indagatione minus bene disposito ad confirmanda pru-
 „ rientis ingenii commenta incumberent , quidquid vel mini-
 „ mam veritatis speciem præseferbat , avidiore animo arripuif-
 „ se , atque in illo mire complacuisse noscuntur . Vidi ego
 „ ex hisce recentioribus nonnullos , viros ceteroquin egregios ,
 „ qui cum in rebus summi momenti , ad Dei legem & con-
 „ scientiæ obligationem pertinentibus , ab unanimi omnium
 „ sententia ad intolerabilem opinandi laxitatem declinassent ,
 „ Tom. IX. d „ aliud

„ aliud tamen, quo moverentur, quam argumentum a simi-
 „ li ductum, non habebant. Vidi, & exhorui. Quis enim
 „ non horreret, Dei præceptum ab omnibus prius agnitum,
 „ solidissimisque argumentis comprobatum, tam frivolo argu-
 „ mento e legis divinæ & ecclesiasticæ tabulis non minus im-
 „ prudenter quam impudenter eradi? Neque hic stetit quo-
 „ rumdam audacia: plurimi enim, etsi doctrina longe infe-
 „ riores, similem quoque arguendi modum sibi licitum exi-
 „ stimantes, ex laxis resolutionibus ad alias laxiores iter si-
 „ bi, rectius dixerim, & sibi, & aliis præcipitum aperue-
 „ runt; atque ita brevi effectum est ut plures laxitates, vere
 „ non ferendæ, in oculos legentium non sine plurimorum
 „ scandalo frequenter incurrerent. Nec defuere qui laudi si-
 „ bi verterent laxiores sententias in unum colligere, easque
 „ tamquam legitimas conscientiae regulas sub specioso proba-
 „ bilitatis tegmine venditare. Cum enim apud Auctores,
 „ iam in ore vulgi ob suam laxitatem celebres, resolutionem
 „ aliquam invenissent; illico eam pro vere probabili habue-
 „ runt; legerant enim apud gravissimos Scriptores, unius Do-
 „ ctoris auctoritatem ad probabilitatem suis dictis asserendam
 „ sufficere. Porro probabilitatem ad conscientiae tranquillita-
 „ tem sufficere, & rationibus efficacissimis ducti, & unanimi
 „ gravissimorum Theologorum auctoritate edocti nullatenus
 „ dubitabant. Unde factum est ut quascumque opiniones ex-
 „ presse ab Ecclesia non condemnatas apud quemcumque re-
 „ perissent, eas pro vere probabilibus & ipsi haberent, & a-
 „ liis pro regula ad conscientiae tranquillitatem opportuna tra-
 „ derent. Immo incredibile non est, eos subtili *SATANAE*
 „ insinuatione deceptos, sub humanitatis cuiusdam lenocinio,
 „ mutuique honoris specie quibusvis aliorum dictis probabi-
 „ litatem ideo attribuisse, ut quam ipsi prærogativam priori-
 „ bus ultro dedissent, eam ipsis posteriores non inviderent.
 „ Hac arte dolosus inimicus, postquam doctiores, qui & sibi
 „ invigilare, & aliis prospicere debuerant, prægustato plausu
 „ amplioris famæ, per laxarum opinionum evulgationem sibi
 „ certo acquirendæ, fascinaisset, per eos nimis incautos in
 „ campo moralis Theologiæ, optimo severarum opinionum
 „ tritico abunde sato, detestanda laxitatis zizânia superfemi-
 „ navit, & abiit: conscius quippe erat, ea absque boni tri-
 „ tici

” tici iactura numquam evellenda. Certam sibi proinde gratulatus est victoriam, quia norat se humana industria vix impediri posse, quo minus voti sui compos fieret. Quid enim? tolerandæ erant scandalosæ laxitatis opiniones nocivæ? At hoc ipsum erat quod omni cura, ut fieret, conabatur. Quid ergo? eradicandæ erant non tam emergentes gemmæ, quam adultæ vinculatæque cum tritico zizaniorum herbæ? At id absque tritici iactura, idest absque sincera doctrinæ radicitus non tam convellendæ quam evellendæ periculo fieri haudquaquam posse non iminerito gloriabatur. “

Qui clamores non excitarentur, si de *innumerabilibus* Casuistis talia scriberet Antiprobabilistarum aliquis? Porro si innumerabiles sunt Casuistæ qui paradoxa laxitatis evulgarunt, teste ipso P. Antonio Terillo; mirum haud esse debet, si ego plurimas ex præfatis Casuistis laxiores decerpserim opiniones. Neque P. Antonius Terillus de Casuistis Aethiopibus, Chinesibus, Africanis, aut Lutheranis, Calvinianis, Iansenistive loquitur; sed de Casuistis catholicis, qui manibus teruntur.

In excerptis autem propositionibus tenui meo iudicio laxis omnem diligentiam adhibui, ut & quoad sensum, & quoad verba sincere, & fide integra illas exhiberem. At decipi potui, non, ut spero, invidia, odiove imponendi, sed mentis, & oculorum imbecillitate. Quare rogo lectores, ut, partium studio posito, consulant libros a me citatos, & si ipsi me errasse iudicaverint, moneant, & spondeo palinodiam.

MONITUM SECUNDUM.

PROTESTATIO AUCTORIS.

IN dissertatione de dotibus Confessariorum dicturus sum, non levi damnationis æternæ periculo obnoxios fore Sacerdotes illos qui absque singulari vocatione munus administrandi sacramenti poenitentiae assequi student. Quam doctrinam mecum serio reputans dicebam: Quanto maiori periculo damnationis subiectus eris tute, qui officium docendi Con-

fessarios suscepisti? Id ne speciali vocatione aggressus es? Expendens negotii momenta, videre mihi visus sum, me alia omnia cogitantem, huc reipsa adductum esse, atque adeo a singulari Dei providentia susceptum onus proficisci. Consumpsi enim meliores annos tum in tradendis e cathedra disciplinis philosophicis, & theologicis, tum in concionibus recitandis e præcipuis Italiæ suggestibus, quin de christiana Theologia edenda cogitarem. Sors tulit ut animum ad opus istud moliendum applicarem. Post consului doctiores, atque morum probitate insigniores viros, omnesque, quorum aliqui dignitate summa refulgent, animos addidere, & calcaria admo-verunt, ut quod conceperam, executioni demandarem. Hæc sunt singularis vocationis meæ indicia. Solida ne sint, amoris proprii, ut facile contingere potest, illusiones, Deus solus iudex est. Interim, ut meliori quo fieri modo potest, mihi caveam, protestor, me apud Deum sponso rem esse nolle neque veritatis, & probabilitatis eorum quæ lectoribus ut vera, & probabilia propono; neque falsitatis, & improbabilitatis eorum quæ oppugno in hoc, & in ceteris omnibus opusculis meis. Sed ea dumtaxat propono, qualia imbecillitati meæ videntur. Quamobrem rogo, obtestorque lectores meos, ne quidquam aut mihi deferant, aut sententiis meis fidem adhibeant, propter auctoritatem meam, quam nullius omnino momenti esse scio, & volo. Si quid lectores invenerint quod Scripturis divinis, SS. Patribus, & Ecclesiæ doctrinæ, atque disciplinæ iudicaverint consentaneum, amplectantur: si quid contra, prorsus reiiciant, atque proscribant. Melius exprimere protestationem hanc meam nequeo quam verbis S. Augustini *Lib. de bon. persever. cap. xxi.* ubi hæc habet. *Neminem velim sic amplecti omnia mea, ut me sequatur, nisi in iis in quibus me non errare perspexerit. Nam propterea nunc facio libros, in quibus opuscula mea retractanda suscepi, ut nec meipsum in omnibus me secutum fuisse demonstrem, sed proficienter me existimo Deo miserante scripsisse, non tamen a perfectione capisse. Quandoquidem arrogantius loquor quam verius, si vel nunc dico, me ad perfectionem sine ullo errore scribendi iam in ista ætate venisse. Sed interest quantum, & in quibus rebus erratur, & quam facile quisque corrigit, quanta pertinacia suum conetur defendere errorem. Bonæ quippe spei est homo, si eum sic proficientem dies ultimus vite huius invenerit,*

ris, ut adiciantur ei quæ proficisci defuerunt, & perficiendus quam puniendus potius iudicetur.

M O N I T U M T E R T I U M.

Alias dixi, & repetendum sæpius est, me ex illis Casuistis potissimum opiniones excerpere qui communiter omnium manibus teruntur, cuiuscumque sint Instituti. Fateor, alios Casuistas easdem non raro docere opiniones; sed, cum in bibliothecis isti iaceant absconditi, idcirco eorumdem non memini. Deum testor, me non excerpere laxas opiniones ex hoc aut illo Casuista, quia est huius aut illius Instituti; sed quia communiter Confessarii talibus Casuistis utuntur. Istius veritatis testes sunt libri mei, in quibus non minus Dominicanorum, occasione data, opiniones refellere pro imbecillitate mea studui, quam cuiusvis alterius Instituti Theologorum. Immanis, & apertissima calumnia est, quam nonnemo evulgat ad invidiam, odiumque mihi constandum, eo scilicet vota mea pertinere, ut huius aut illius Instituti Casuistas vellecem, & lectionem dissuadeam. Falluntur isti, & propriam conscientiam certissime aggravant, dum eiusmodi imposturam mihi affingunt. Verum hæc Deo iudicanda relinquo; satisque mihi sit veritatem manifestasse.

M O N I T U M Q U A R T U M

S A P I E N T I S S I M I P O N T I F I C I S

B E N E D I C T I X I V.

PLura & saluberrima documenta edidit doctissimus Pontifex **BENEDICTUS XIV.** pro Confessariorum instructione in disponendis fidelibus ad dignam Anni sancti, qui recurrit, celebrationem. Unum horum isthuc transcribam ex epistola lingua vulgari ab ipso Pontifice summo primum exarata, cui titulus: *Lettera circolare della Santità di Nostro Signore BENEDETTO PAPA XIV. a tutti i Patriarchi, Arcivescovi, e Vescovi sopra la preparazione all' Anno santo*: in calce autem: *Datum ex Arce*
Ca-

Castri Gandulphi die 26. Iunii M^{DC}XLIX. Lubet ipsum textum originale lingua italica expressum rescribere, qui eiusmodi est,

„ La seconda cosa si è, che succedendo, come pur troppo
 „ va succedendo, che il Confessore nel suo ministero di con-
 „ fessare intendà dal penitente qualche cosa che abbia bisogno
 „ di qualche discussione, esso non tiri ad indovinare, ma pri-
 „ ma di rispondere prenda tempo, e consiglio. Sarebbe desi-
 „ derabile in ogni Confessore una eminente letteratura; ma
 „ una competente, e sufficiente letteratura è assolutamente
 „ necessaria: nè forse di più si può sperare, comprendendo la
 „ morale Teologia tante e tali questioni, che dipendono dal-
 „ la notizia de' canoni, e delle costituzioni apostoliche, che è
 „ moralmente impossibile che un uomo abbia presente tutto,
 „ e possa, come suol dirsi, rispondere in piedi a tutto, come
 „ dee fare chi ha una scienza eminente, senza aver bisogno
 „ di ricorso ai libri, come fa chi ha una scienza solo sufficien-
 „ te, giusta ciò che riflette il nostro Predecessore Innocenzo
 „ IV. nei commenti al cap. *Cum in cunctis ad num. 2.* sotto il
 „ titolo *de electione*, & *electi potestate*, ove scrive: *Scientiam au-*
 „ *tem reputamus eminentem, quæ subtiles quæstiones discutere, & defi-*
 „ *nire novit, & in promptu responsiones habet: ille habet mediocrem*
 „ *qui scit aliquo modo examinare negotia, quamvis ad omnia nesciat*
 „ *respondere, & qui in libris veritatem eorum quæ scire tenetur, scit*
 „ *querere; etsi in promptu omnia non habet.* Ridotto perciò il
 „ Confessore nelle questioni dubbie, o in quelle delle quali non
 „ ha notizia, a ricorrere ai libri, non diremo cosa nuova, se
 „ diremo, esservi pur troppo nella gran sarragine de' Scrittori
 „ chi pensa e scrive in un modo che è tutto alieno dalla sim-
 „ plicità evangelica, e dalla dottrina de' Padri. *Cum plures opinio-*
 „ *nes christianæ discipline relaxativas, & animarum perniciem inferentes,*
 „ *partim antiquas iterum suscitari, partim noviter prodire, & summam*
 „ *illam luxuriantium ingeniorum licentiam in dies magis excrefcere, per*
 „ *quam in rebus ad conscientiam pertinentibus modus opinandi irrepsit*
 „ *alienus omnino ab evangelica simplicitate, sanctorumque Patrum do-*
 „ *ctrina; & quem si pro recta regula fideles in praxi sequerentur, in-*
 „ *gens eruptura esset christiana vita corruptela.* Sono parole del no-
 „ stro Predecessore Alessandro VII. nel suo decreto dei 7. Set-
 „ tembre 1665. Ma senza entrare in verun dettaglio particola-
 „ re, e nelle inestricabili questioni che sopra il credito degli

„ Au-

„ Autori , e delle loro dottrine potrebbero eccitarsi , ci con-
 „ tentaremo di dire, che il buon Confessore nelle materie dub-
 „ bie non dee fidarsi della sua privata opinione, ma prima di
 „ rispondere si contenti di vedere non un solo libro; ma ne
 „ veda molti, veda fra questi i più rispettabili, e poi prenda
 „ quel partito che vedrà PIU' ASSISTITO DALLA RA-
 „ GIONE, E DALL'AUTORITA'. Così ci spiegammo nel-
 „ la nostra lettera circolare sopra le usure, che è la 143. nel
 „ Tom. 1. del nostro Bollario al §. 8. — *Suis privatis opinionibus*
 „ *ne nimis adhaereant; sed priusquam responsum reddant, plures Scri-*
 „ *ptores examinent, qui MAGIS inter ceteros predicantur; deinde eas*
 „ *partes suscipiant quas tum ratione, tum auctoritate plane confirmatas*
 „ *intelligent:* così ora ripetiamo, non dovendo la massima esser
 „ ristretta alla sola materia delle usure, ma dovendo estender-
 „ si ad ogni altra cosa che appartenga al foro sacramentale,
 „ ed alle regole della coscienza. “

„ Secundum pro Confessariis monitum hoc est, ut si con-
 „ tingat, sicut frequentius quidem contingere solet, Confessa-
 „ rium in suo ministerio aliquid a poenitente audire quod e-
 „ xamine opus habeat, caveat ne divinando definiat; sed ante-
 „ quam responsum præbeat, tempore congruo, & consilio rem
 „ expendat. Optanda in quolibet Confessario esset scientia emi-
 „ nens; sed mediocris & sufficiens omnino necessaria est. Nec
 „ ultra sperare licet, cum morum Theologia tot tantasque
 „ complectatur quæstiones, quæ a canonum, & apostolicarum
 „ constitutionum notitia pendent; adeo ut fieri vix possit ut
 „ homo præsentia omnia habeat, valeatque, ut dicitur, stans
 „ pede in uno, ad quodlibet respondere, quemadmodum præ-
 „ stare solent eminenti scientia præditi, qui opus minime ha-
 „ bent ad librorum lectionem confugere, quod facere consue-
 „ scunt ii qui sufficienti dumtaxat scientia pollent, ut animad-
 „ vertit Prædecessor noster Innocentius IV. in commentariis
 „ ad cap. Cum in cunctis num. 2. tit. de electione, & electi potesta-
 „ te, ubi ita scribit. *Scientiam autem reputamus eminentem quæ sub-*
 „ *tiles quæstiones discutere, & definire novit, & in promptu responsio-*
 „ *nes habet: ille habet mediocrem qui scit aliquo modo examinare nego-*
 „ *tia, quamvis ad omnia nesciat respondere, & qui in libris veritatem*
 „ *eorum quæ scire tenetur, scit querere, etsi in promptu omnia non*
 „ *habet.* Cum igitur Confessarius in dubiis quæstionibus, aut
 „ in

„ in iis quarum notitia caret, evolvere libros coactus sit, non
 „ sine delectu id præstet. Nihil quippe novi pronuntiabimus,
 „ si dixerimus, in tanta Scriptorum multitudine reperiri illos
 „ qui opinantur, scribuntque iuxta modum ab evangelica sim-
 „ plicitate, & Patrum doctrina prorsus alienum. Cum plures
 „ opiniones christiana disciplina relaxativas, & animarum perniciem in-
 „ ferentes, partim antiquas iterum suscitari, partim noviter prodire,
 „ & summam illam luxuriantium ingeniorum licentiam in dies magis ex-
 „ crescere, per quam in rebus ad conscientiam pertinentibus modus opi-
 „ nandi irrepsit alienus omnino ab evangelica simplicitate, sanctorumque
 „ Patrum doctrina; & quæ si pro recta regula fideles in praxi se-
 „ querentur, ingens eruptura esset christiana vitæ corruptela. Verba
 „ sunt Prædecessoris nostri ALEXANDRI VII. in decreto suo
 „ diei 7. Septembris 1665. Verum, prætermisissimis implicatissimis
 „ quæstionibus quæ excitari de Scriptorum auctoritate, eorum-
 „ que doctrinis possent, sat nobis erit Confessarium monere
 „ ne in dubiis controversiis propriæ adhærescat opinioni; sed
 „ antequam deliberet, evolvat, non unum, sed plures libros.
 „ Inter istos consulat præstantiores: postea illam amplectatur
 „ sententiam cui MAGIS suffragari rationem, & auctoritatem
 „ favere cognoverit. Ita docuimus in nostra epistola encyclica, de
 „ usuris, quæ est 143. in Tom. I. nostri Bullarii §. 8. Suis
 „ privatis opinionibus ne nimis adhæreant, sed priusquam responsum
 „ reddant, plures Scriptores examinent, qui MAGIS inter ceteros præ-
 „ dicantur; deinde eas partes suscipiant quas tum ratione, tum aucto-
 „ ritate plane confirmatas intelligunt. Idipsum nunc in memoriam
 „ revocamus. Nostra quippe sententia coerceri intra fenoris
 „ confinia non debet; sed ad ea omnia extendi quæ ad forum
 „ sacramentale, & conscientiarum regimen attinet. “

„ Tertium monitum est, ut Confessarii semper ob oculos
 „ habeant effatum Venerabilis Cardinalis Bellarmini: NON
 „ ESSET TANTA FACILITAS PECCANDI, SI NON ES-
 „ SET TANTA FACILITAS ABSOLVENDI: item propo-
 „ sitiones damnatas a nostris Prædecessoribus, & præsertim a
 „ Pontifice Innocentio XI. die 2. Martii 1679. & inter has se-
 „ xagesimam cum tribus sequentibus, unde haurire normam conce-
 „ dendæ, negandæ, aut differendæ absolutionis poterunt. Vi-
 „ deat autem diligenter Sacerdos, quando, & quibus conferenda, vel
 „ neganda, vel differenda sit absolutio; ne absolvat eos qui talis bene-

„ sic.

„fieri sunt incapaces, quales sunt qui nulla dant signa doloris, qui odia, & inimicitias deponere, aut aliena, si possunt, restituere, aut proximam peccandi occasionem deferere, aut alio modo peccata derelinquere, & vitam in melius emendare nolunt, aut qui publicum scandalum dederunt, nisi publice satisfaciant, & scandalum tollant. Verba sunt non Rigoristarum, sed Ritualis Romani.“

Haecenus maximus atque doctissimus Pontifex BENEDICTUS XIV. Quatuor in his tanti Pontificis aureis monitis summa animadversione digna occurrunt. Primum, rei moralis scriptores reperiri qui scribunt, & docent iuxta modum cum evangelica simplicitate, & Patrum doctrina pugnantem. Alterum, quod Pontifex summus monet, est, modum hunc opinandi, ab Alexandro VII. notatum, esse tamquam ingentis corruptelae fontem. Quamobrem tertio rursus admonet ut Confessarii post maturum controversiarum, quae in utramque partem disputantur, examen, eam deligant sententiam quae MAGIS fulcitur ratione, & confirmatur auctoritate: PIU' ASSISTITA DALLA RAGIONE, E DALL' AUTORITA'. Præterea, ut omnes intelligant, quam alte illius animo insideat hic magis probatarum opinionum delectus, in memoriam revocat se hanc eandem regulam præscripsisse in sua percelebri de fenore Decretali.

Ex quibus omnibus luculenter apparet, eo Romanæ Sedis doctrinam conspirare, ut Theologi, & Confessarii eam in animarum regimine sententiam præligant quam magis ratione, & auctoritate confirmatam cognoverint. Prudentissime BENEDICTUS XIV. neglectis invidiosis magis & minus probabilis vocibus, doctrinam magis probatam, ea quæ decebat Pontificem dignitate, eligendam declaravit. Huc Romanorum Pontificum Alexandri VII. Innocentii XI. BENEDICTI XIV. præceptiones, huc universæ Ecclesiæ Gallicanæ definitiones, huc doctissimorum Episcoporum, & Theologorum studia tendunt. Quid luculentius contra Probabilismum a Romana Sede expectatur?

Postremo loco, dum Pontifex maximus sententiam *Ven. Cardinalis Bellarmini* semper præ oculis habendam inculcat, recordatur nimiam impertiendæ absolutionis sacramentalis facilitatem. Hanc æquo indulgentiorem absolvendi disciplinam semper iam inde usque ab ecclesiasticæ disciplinæ remissæ primordiis lamentati Patres sunt: & hanc lamentationem pontificio zelo renovat

vat BENEDICTUS XIV. adducta piissimi Bellarmini sententia: *Non esset tanta facilitas peccandi, si non esset tanta facilitas absol- vendi.* I nunc, & cum Francolino obstrepito: *Cave a Rigorismo, cave a Rigoristis.* Quis in tanta huius sæculi sæce, atque in tanta peccandi effrenata libidine similes voces inaudiens, non excandescat? Patres, Concilia, Pontifices summi, doctiores piens- tioresque Theologi una voce clamant inclamantque, cavendum a *Laxismo*, & a *Laxistis*. Soli laxioris Ethices patroni non pauci commentitium Rigorismum comminiscuntur, & confingunt in catholica Ecclesia illo ipso tempore quo omnia ad extrema pro- labuntur. Tu interim christiane lector his blandiloquis aures claudito, & unanimes sanctorum Patrum voces ausculta, *Faci- litas venia incentivum tribuit delinquendi.*



I N D E X

*Librorum, dissertationum, capitum, paragraphorum,
& questionum quæ in hoc Tomo continentur.*

L I B E R P R I M U S
DE SACRAMENTO POENITENTIAE.

D I S S E R T A T I O I.

PRAELOQUIUM.

pag. I.

C A P U T I.

Propositiones ab Ecclesia proscriptæ, & laxæ Casuistarum quorundam. 2.

§. I.

Propositiones damnatæ. 3.

§. II.

Opiniones plurium Casuistarum quæ videntur æquo laxiores. 5.

§. III.

Opiniones Rigoristarum quæ P. Balisafari Francolino æquo rigidiores videntur. 23.

C A P U T II.

Nonnullæ quasiunculae de virtute poenitentiae distinctæ a sacramentali resolvuntur. 28.

Quæst. I. Quid sit poenitentia generatim accepta? ibid.

Quæst. II. Quotplex sit poenitentia? 29.

Quæst. III. An poenitentia sit virtus proprie dicta? ibid.

Quæst. IV. Utrum poenitentia sit virtus infusa? 30.

Quæst. V. Utrum quovis tempore lapsus in culpam mortalem fuerit necessariæ virtus poenitentia? ibid.

Quæst. VI. Quot gradibus ad poenitentia virtutem perveniat? 31.

Quæst. VII. Quinam sint poenitentia effectus? 33.

Quæst. VIII. An peccata per poenitentiam dimissa redeant per peccatum sequens? 34.

C A P U T III.

De existentia sacramenti poenitentia a Christo Domino instituti. 35.

§. I.

Reversentur hæreticorum errores adversus sacramentum poenitentia. ibid.

§. II.

*Poenitentia est verum novæ legis sacramentum a Christo institutum, quo iudiciaria Sac-
erdotis potestate peccata remittuntur.* 37.

CAPUT IV.

Nonnulla quasiuncula resolvuntur.

- Quæst. I. Quandonam sacramentum pœnitentiæ institutum fuit? 40.
ibid.
 Quæst. II. Sacramentum pœnitentiæ est ne omnibus post baptismum lapsis ad salutem
 obtinendam necessarium? ibid.
 Quæst. III. Cur pœnitentiam in sacramentorum numerum Christus retulit? ibid.
 Quæst. IV. Sacramentum pœnitentiæ diversum ne est a sacramento baptismi? 41.
 Quæst. V. Iterari ne sacramentum pœnitentiæ potest? 42.

CAPUT V.

Materia remota sacramenti pœnitentiæ sunt peccata detestanda post baptismum com-
 missa.

- Quæst. unic. Utrum sit aliquod scelus adeo enorme, ut sit irremissibile? 43.
ibid.

CAPUT VI.

De prima pœnitentiæ parte; nempe de contritione, quæ est materia proxima huius sa-
 cramenti.

- Quæst. I. Quid sit contritio generatim sumpta? 46.
ibid.
 Quæst. II. Quenam sunt contritionis proprietates? 47.
 Quæst. III. Quam magna & vehemens debeat esse contritio? 48.

CAPUT VII.

De præcepto naturali, & divino contritionis. Obligat ne mandatum istud ut statim
 ac homo peccavit pœniteat?

- Quæst. unic. Præceptum contritionis obligat ne statim ac homo peccavit? 50.
ibid.

CAPUT VIII.

Deserit ne in lege evangelica contritionis ex amore caritatis concepta præceptum? La-
 xæ opiniones Sporer, Viva, Lugo, & aliorum refelluntur.

- Quæst. I. Obligat ne hoc præceptum per se in articulo mortis tantum? 55.
ibid.
 Quæst. II. An sit nimium laxa sententia P. Sporer asserentis, non urgere præ-
 ceptum contritionis in articulo mortis respectu peccatoris iustificati per attritionem
 cum sacramento? 56.
 Quæst. III. An præceptum contritionis ex caritate concepta DESERIT in lege e-
 vangelica, supposito sacramentorum usu? ibid.
 Quæst. IV. Quoties per se obligat præceptum contritionis ex caritate concepta? 58.
 Quæst. V. Quoties obligat per accidens contritionis præceptum? 59.
 Quæst. VI. Quid dicendum de hac questione quam proponit P. Dominicus Viva
 quæst. III. art. I. num. 2. An peccator qui non potest aliquo anno confiteri ex de-
 fectu Confessarii, teneatur ad contritionem antequam annus elabatur? ibid.
 Quæst. VII. Utrum sit nimium laxa sententia de Lugo negantis præceptum contritio-
 nis in articulo mortis? 62.
 Quæst. VIII. Utrum sit nimium laxa opinio de Lugo asserentis, opinionem probabi-
 lem in conspectu alterius probabilis esse veram in universum, atque adeo in arti-
 culo mortis? ibid.

CAPUT IX.

De divisione contritionis in perfectam, & imperfectam, & utriusque natura.

- Quæst. I. Utrum hæc due contritiones specie differant? 63.
64.
 Quæst. II. An oporteat ut dolor qui in utraque contritione concipi debet, sit forma-
 lis & explicitus, & non tantum virtualis & implicitus in sacramento pœniten-
 tiæ? 65.
 Quæst. III. Utrum contritio extendi ad singula peccata debeat? 66.
Quæst.

Quæst. IV. *Utrum ad remissionem venialium necessaria sit contritio?*

ibid.

DISSERTATIO II.

De insufficientia attritionis formidolosæ, & necessitate caritatis initialis ad sacramentum pœnitentiæ valide suscipiendum?

PRAELOQUIUM : in quo quam sit momenti summi proposita controversia, quam diligenter a me enucleanda, quam serio a lettore, postis præiudiciis, expendenda, differitur. 68.

CAPUT I.

Status questionis aperitur, & varia sententiæ exponuntur. 72.

Quæst. unic. *Damnata ne est sententia hæc, quæ contritionem perfectam delentem culpam requirit ad sacramentum pœnitentiæ suscipiendum?* 73.

CAPUT II.

PRAEJUDICIA QUATUOR iuniorum Theologorum, qui pro formidolosa attritione pugnant, labefacienda. 74.

CAPUT III.

PRAEJUDICIUM PRIMUM. Evidenter falsum est quod aiunt formidolosæ attritionis assertores, Concilium Tridentinum definivisse attritionem servilem sufficere ad sacramentum pœnitentiæ. 75.

§. I.

Cardinalis Pallavicinus aperte testatur, nihil in Concilio Tridentino definitum esse circa diversas de attritione opiniones. ibid.

§. II.

Interpretamenta quibus Balthasar Francolinus, alique Casuistæ eludere conantur Car. Analis Pallavicini luculentissimum testimonium. 78.

§. III.

Utrum saltem Concilium Tridentinum faveat sententiæ attritionis servilis? 80.

§. IV.

Decretum Alexandri VII. Ex hoc inferitur, Tridentinum nullo modo favere attritioni formidolosæ. 83.

§. V.

Commentum P. Claudii La-Croix in decretum Alexandri VII. exponitur. 84.

§. VI.

*Quam sint falsæ, & intemperatæ censuræ PP. Dominici Viva, Balthazaris Franco-
lini, & aliorum plurium Casuistarum in sententiam exigentem amorem initialem.* 86.

CAPUT IV.

PRAEJUDICIUM SECUNDUM convellendum, genealogia utriusque sententiæ quam tenet P. Francolinus cum aliis Probabilistis. 89.

§. I.

Orsa genealogia sententia contritionis imperfectae repetit P. Francolinus a Donatistis; & Pelagianis. Illius incrementum Luthero, & Calvino: propagationem Baio, Iansenio, Castoriensi, Arnaldo, Merbesio, Lupo, Iuvenino, Genneto, aliisque adscribit. 21.

§. II.

Theologi qui interfuerunt sess. xiv. Concilii Tridentini testantur, attritionem servilem esse materiam dubiam sacramenti poenitentiae. 25.

§. III.

Theologi propinquiore Concilio Tridentino non adfirmant, controversiam hanc definitam in Concilio esse; sed dubitanter offerunt, attritionem servilem esse probabilem sacramenti poenitentiae materiam. 100.

§. IV.

CONSECTARIUM; quo evidenter ostenditur, iuniores Moralistas falli, & fallere lectores suos in hac causa. 107.

§. V.

Opinio attritionis servilis Salmanticae prodit, sicut & Probabilismus. Pari possu hae duae opiniones, seu sorores duae, crescere, & decrevere, ac in dies decrescunt magnopere. 109.

CAPUT V.

PRÆIUDICIUM TERTIUM, quo plures praecipui falso existimant, caritatem imperfectam in quocumque gradu, tametsi remissa, iustificare impium absque sacramento. 113.

§. I.

Caritas imperfecta non iustificat impium, sed disponit ad iustificationem obtinendam in sacramento poenitentiae. 114.

§. II.

Ex Concilio Tridentino, & eiusdem Catechismo evincitur, contritionem quae est dolor de peccato ob offensam Deo illatam, non semper excludere peccati maculam. 117.

§. III.

S. Thomas Aquinas caritatem inchoatam, a caritate perfecta distinguit, illamque praecedere iustificationem docet. 120.

CAPUT VI.

PRÆIUDICIUM QUARTUM, quo praeventi attritionis servilis patroni credunt sententiam exigentem ad sacramentum poenitentiae contritionem ex caritate inchoata conceptam severum Rigorismum redolere: o contrario putant, attritionis servilis opinionem suavem benignitatem spirare. Hoc PRÆIUDICIUM cum evangelica legis spiritu hostiliter pugnat. 124.

CAPUT VII.

De attritionis servilis insufficientia ad sacramentum poenitentiae rite suscipiendum. 130.

§. I.

Nonnulla de poenarum timore, & attritionis servilis honestate explicantur. ibid. Quæst. unic. An attritio ex gebenna & poenarum metu concepta bona, & utilis sit ad iustificationem. 131.

§. II.

Formidolosa attritio ex solo gebennæ & pœnarum metu concepta impar est reconciliando peccatori Deo in sacramento pœnitentiæ, quia non excludit voluntatem peccandi. 132.

§. III.

Auctoritate S. Augustini evincitur, attritionem formidolosam non excludere voluntatem peccandi. 133.

§. IV.

Ex auctoritate S. Thomæ ostenditur, formidolosam attritionem non excludere omnem voluntatem peccandi. 135.

§. V.

Diluuntur obiecta adversariorum. 136.

CAPUT VIII.

De necessitate amoris initialis, seu caritatis inchoatæ, quæ requiritur ad sacramentum pœnitentiæ rite suscipiendum cum sufficienti dolore. 143.

§. I.

Testimoniis Scripturæ divinæ probatur initialis amoris necessitas in peccatoris conversione. 144.

§. II.

Necessitas amoris initialis evincitur ex Tridentino. 145.

§. III.

Francolini, Honorati Turnely, & aliorum responsa refelluntur, & auctoritate Catechismi Tridentini, & S. Thomæ veritas confirmatur. 146.

§. IV.

Necessitas amoris initialis, seu caritatis imperfectæ in conversione pœnitentis ex S. Augustino, aliisque Patribus. 152.

§. V.

Necessitas caritatis imperfectæ ad sacramentum pœnitentiæ rite suscipiendum ex S. Thoma. 154.

§. VI.

Rationibus theologicis ex divinis Scripturis, Patribus, & præcipue ex S. Thoma hauritis evincitur necessitas amoris Dei initialis super omnia dilecti ad sacramentum pœnitentiæ rite suscipiendum. 158.

§. VII.

Auctoritate Theologorum, & celeberrimarum Universitatum necessitas dilectionis divinæ ad sacramentum pœnitentiæ rite suscipiendum confirmatur. 166.

CAPUT IX.

Diversi contrariæ sententiæ opinandi modi. Nonnullæ difficultates & obiecta resolvuntur. 174.

§. I.

Sententia quæ, exclusa caritate inchoatæ, defendit, sufficere amorem concupiscentiæ ad infusionem in sacramento pœnitentiæ obtinendam, evacuat præceptum caritatis. Honorati Turnely doctrina refellitur. Plura absurda eam consequuntur. Vera caritatis notio adversus Quietistas. 175.

§. II.

§. II.

Dihuntur adversariorum obiecla.

185.

§. III.

Obiecla ex Appendice ad Concilium Romanum, & ex opere BENEDICTI XIV. inferipto: De Synodo diocesana, repetita dihuntur, & ex iisdem improbat praxis attritionis servilis.

197.

CAPUT X.

Sententia formidolose attritionis in prop. 1. a Ven. INNOCENTIO XI. proscripta, evidenti ratiocinio contenta evincitur.

199.

§. L

PROPOSITIO DAMNATA.

Non est illicitum in sacramentis conferendis sequi opinionem probabilem de valore sacramenti, relicta tutiore, nisi id vetet conventio, aut periculum gravis damni incurrendi. Hinc sententia probabilis tantum utendum non est in collatione baptismi, Ordinis sacerdotalis, aut episcopalis.

ibid.

§. II.

Sub examen inducitur responsum P. Claudii La-Croix, & P. Martini Esparza, atque refellitur.

200.

§. III.

PP. Cardenas, Viva, & aliorum omnium adversariorum commune responsum ad decretum INNOCENTII XI. expenditur. Certitudo moralis attritionis servilis, & facti falsitas evidentissima, quam retractare tenentur adversarii, ne lectores decipiantur.

205.

§. IV.

CONCLUSIO PRIMA.

Adversarii, ut suam servilis attritionis opinionem liberent a censura decreti Innocentiani, aiunt esse moraliter certam, & oppositam improbabilem. Hæc autem CERTITUDO MORALIS elidens probabilitatem oppositæ sententiæ est evidentissima facti falsitas.

206.

§. V.

SECUNDA CONCLUSIO.

Tam evidens est opinionem formidolose attritionis contineri in 1. prop. INNOCENTII XI. quam evidens est unicam rationem qua adversarii conantur eam ab illa damnatione eripere, esse manifeste falsam, & arbitrarium commentum.

209.

§. VI.

ANIMADVERSIO

In gradum probabilitatis attritionis formidolose. Cl. BOSSUETI monitum.

210.

§. VII.

Percelebres Theologi Salmanticenses improbant ut imaginariam certitudinem moralem hæcenus confutatam Nova interpretatio quam doctissimi isti Theologi excogitarunt, ut a censura liberarent attritionis formidolose opinionem, sub examen inducitur, & ut inauditum PARADOXON reiicitur.

213.

S. VIII.

Ultimum responsum Salmanticensium. Utraque opinio attritionis servilis, & attritionis initialis probabilis; sed opinio attritionis pura formidolosa est TUTOR, ideo præferenda alteri opposita. Peregrinum paradoxon exponitur, & refellitur. 216.

S. IX.

Quam horrenda absurda sint quæ necessario doctrinam Salmanticensium consequuntur. 218.

S. X.

CONCLUSIO.

Adversariorum diffidio, & confessione opinio attritionis formidolosa continetur in L. prop. Innoc. XI. Aut suam retrahent opinionem adversarii: aut eam liberent aliqua solida ratione a diâ damnatione. Vindicatur Sac. Congregatio Concilii Tridentini contra assertionem P. Claudii La-Croix. 222.

CAPUT XL

Brevissima universæ dissertationis anacephaleosis. Una ex radicibus, eur permulti Christiani sacrilege confiteantur est defectus veri doloris de perpetrato peccato. Monita ad Confessarios. 227.

S. I.

MONITUM I.

Cur Christiani hodierni tam cito relabantur in peccata; eorumque Confessione plurima sacrilega sint. 228.

S. II.

MONITUM II.

Ad Confessarios.

230.

DISSERTATIO III.

In qua IMAGO christianæ iustificationis ex S. Paulo depingitur, & plures Casuistarum laxæ opiniones refelluntur.

CAPUT L

Nonnullæ quasiuncula de dolore, & proposito non peccandi resolvuntur. 232.

Quæst. I. An poenitens debeat elicere dolorem de peccato cum intentione confitendi? ibid.

Quæst. II. An dolor præcedere confessionem debeat, aut satis sit ut eliciatur post confessionem ante absolutionem? ibid.

Quæst. III. Quandiu dolor physice elapsus perdurare moraliter possit, ut sufficere ad absolutionem valeat? 197.

Quæst. IV. An in confessione venialium satis sit pro dolore voluntas suscipiendi hoc sacramentum sine actuali complacentia peccati? 235.

Quæst. V. An necessarius sit dolor de omnibus venialibus quæ in confessione explicantur? ibid.

Quæst. VI. Quid dicendum de opinione P. Viva & Tamburini asserentium sat esse ut motivum doloris necessarii ad sacramentum sit aliquod malum temporale? ibid.

Tom. IX.

f

Quæst.

- Quæst. VII. Quid dicendum de opinione P. Tainburini docentis non esse inculcandum peccatori ut doleat de illo peccato cuius magno afficitur amore? 236.
 Quæst. VIII. Requiritur ne propositum formale & explicitum non peccandi de cetero? 237.

CAPUT II

IMAGO IUSTIFICATIONIS CHRISTIANÆ sanctarum Scripturarum lineamentis depicta. Falsa imago iustificationis christianæ, quam plures Casuistæ delineant. Laxæ opiniones Francolini, Sporer, Viva, & aliorum plurimum. Quid sit propositum efficax firmum & stabile necessarium ad iustificationem. Debeat ne includere voluntatem vitandi occasiones propinquas & proximas. 239.

§. I.

Iustificationem christianam firmam & stabilem divinæ Scripturæ nobis representant. 240.

§. II.

Rationum momentis, & communi sensu iustificationis christianæ firmitas confirmatur. 241.

§. III.

Cur Christiani hac ætate non mirentur super fluxa pœnitentium vita, & sacramentorum atque relapsuum frequenti coniunctione. Quia via media invenia est, novaque iustificationis christianæ inventa idea. Illius viæ mediæ exemplum perhibet Morinus ex Iudeorum confessione repetitum. 247.

§. IV.

Quodnam sit propositum necessarium ad confessionem. Quæ illius conditiones. Include ne voluntatem firmam & constantem vitandi occasiones quæ ad peccatum impellunt, sive proximas, sive propinquas? Laxæ Francolini, La-Croix, Gobat, Sporer, Viva, & aliorum opiniones refelluntur. 254.

Quæst. I. Quid dicendum de opinione P. Patritii Sporer, qui docet propositum sufficere ad confessionem, licet pœnitens certo sciat se relapsurum? 255.

Quæst. II. Quid dicendum de censura quam P. Francolinus inurit Episcopo Genet, quia is vult propositum esse firmum & constans? 256.

MONITUM.

Quæst. III. Quid dicendum de opinione P. La-Croix docentis, probabilius videri necessarium esse propositum universale in posterum cavendi omnia mortalia? 259.

Quæst. IV. Quenam sunt occasiones quas vitare pœnitens tenetur, ut propositum dicatur efficax? 260.

Quæst. V. Quid de proposito vitandi occasiones proximas docent Doctores plures attritionis formidolosæ? 261.

Quæst. VI. Quid dicendum de regula quam proponunt PP. Sporer, Gobat, Caramuel, & alii circa propositum vitandæ occasionis in quam probabiliter scis te lapsurum? ibid.

Quæst. VIII. Quid dicendum de doctrina P. Gobat, qui defendit, non esse negandam absolutionem plebeis iuvenibus exutis in eodem lecto cum puellis cubantibus, & nolentibus proponere separationem? 262.

Quæst. VIII. Quid sit occasio propinqua, & an pœnitens propositum habere debeat illam vitandis? ibid.

Quæst. IX. Quid dicendum de opinione PP. Sporer, & Layman & aliorum, qui absolvendos docent non deferentes occasiones propinquas, in quibus peccare solent, dummodo proponant peccatum evitare? 263.

Quæst. X. Quid dicendum de opinione P. Viva, qui absolvendos adolescentes docet qui

• qui laborando cum feminis, consensu, sabbibus, & copula peccent; quia non habitant in eadem domo? 264.

Quæst. XI. Quomodo se gerere debent in occasione proxima necessaria constituti? 265.

Quæst. XII. Quid dicendum de opinione P. Viva, & aliorum Doctorum, qui in peccatore iustificando non requirunt expressos actus fidei, & spei? 266.

DISSERTATIO IV.

De Confessione.

CAPUT I.

Quid sit confessio sacramentalis. Hæreticorum errores paucis indicantur. 267.

CAPUT II.

Confessio sacramentalis instituta est a Christo Domino. Necessaria ex institutione Christi omnibus est qui post baptismum in peccatum mortale lapsi sunt. 269.

Quæst. I. Sacramentalis confessio est ne non solum utilis, sed etiam necessaria necessitate mediæ ad salutem iis qui post baptismum lapsi sunt in peccatum mortale? 273.

Quæst. II. An Gratianus, Durandus, Scotus, & aliqui alii Scholastici negaverint confessionis sacramentalis necessitatem? 274.

Quæst. III. Priscis Ecclesiæ sæculis enuntiabant ne aliqui interdum publice peccata sua? 275.

Quæst. IV. Quosnam obstringat divinum confessionis sacramentalis mandatum? 276.

Quæst. V. Quo tempore divinum confessionis præceptum obligat per se, aut per accidens? 276.

Quæst. VI. Qui in mortis articulo post diligens examen nullius peccati mortalis conscius est, obstringitur ne huic præcepto? 277.

Quæst. VII. Extra probabile mortis periculum obligat ne per se hoc præceptum? 277.

Quæst. VIII. Obligat ne divinum confessionis præceptum statim ac peccatum commissum est? 278.

Quæst. IX. An quando adest periculum oblivionis alicuius peccati mortalis, aut multorum mortalium, teneatur quis confiteri ante annum? 278.

Quæst. X. Qui recipere alia sacramenta volunt (præter Eucharistiam) tenentur ne divino iure confiteri? 279.

CAPUT III.

De confessionis conditionibus. 280.

Quæst. unic. Utrum mentiri in confessione sit peccatum mortale? 281.

CAPUT IV.

De integritate confessionis sacramentalis. 283.

Quæst. I. Integritas formalis est ne ad valorem sacramenti necessaria? 283.

Quæst. II. Quæ diligentia adhibenda in examine conscientie est? 284.

Quæst. III. Sufficit ne penitenti cui non constat peccatorum numerus, exprimere verisimilem plus minusve? 288.

Quæst. IV. Quando penitens confessus est se peccasse decies plus minus, si postea certo deprehendat peccasse duodecies, tenetur ne hæc duo peccata expresse confiteri? 288.

Quæst. V. Quot peccata comprehendunt eiusmodi clausule plus minusve, circiter? 288.

Quæst. VI. Qui diuturna consuetudine peccavit, satis ne eadem est tempus sui vitiosi status exponere, non explicato peccatorum numero? 288.

Quæst. VII. *An præter peccatum exprimendus sit effectus peccati?*

290.

CAPUT V.

De obligatione confitendi circumstantias peccatorum.

291.

Quæst. I. *Quid dicendum de opinione P. Gobat negantis debitum confitendi circumstantias mutantes speciem, dum peccator de eisdem non dubitat?*

ibid.

Quæst. II. *An Religiosus initiatus sacris Ordinibus explicare teneatur circumstantiam voti sollemnis?*

292.

Quæst. III. *An peccans cum novitio, vel novitia teneatur hanc circumstantiam patrefacere?*

293.

Quæst. IV. *An sponsi & sponsæ carnaliter se cognoscentes, aut alii cum eisdem se committentes debeant talem circumstantiam patrefacere?*

ibid.

Quæst. V. *Virgo quæ sponte fornicatur, tenetur ne hanc circumstantiam patrefacere?*

ibid.

Quæst. VI. *An Confessarius peccans cum pœnitente teneatur id fateri?*

294.

Quæst. VII. *Explicari ne debet in confessione persona dignitas?*

ibid.

Quæst. VIII. *Eunuchus, aut frigidus fornicatur: tenetur ne explicare circumstantiam impotentia ad copulam naturalem?*

295.

Quæst. IX. *Explicanda ne est circumstantia scientia, aut ignorantia in peccati commissione?*

ibid.

Quæst. X. *An opinio aliquorum Casuistarum negantium debitum manifestandi consuetudinem peccandi mortaliter in confessione, sit contenta in proposito. §3. damnata ab INNOCENTIO XI.?*

296.

Quæst. XI. *Quid dicendum de hac opinione P. Claudii La-Croix, nempe an illa quæ ex consuetudine mortaliter mala posita inadvertenter fiunt, sint confitenda?*

300.

Quæst. XII. *Quid dicendum de opinione P. Tamburini aientis, non esse manifestandos gradus consanguinitatis peccati commissi cum matre, aut consobrina?*

301.

CAPUT VI.

De obligatione confitendi circumstantias mortaliter aggravantes peccatum intra eandem speciem. Doctrina S. Thomæ vindicatur ab interpretamentis Salmanticensium, Moysæ, & aliorum plurium.

302.

§. Unicus.

Circumstantia mortaliter aggravantes peccati malitiam intra eandem speciem necessario aperienda sunt, ut integra confessio sit.

306.

CAPUT VII.

De ceteris circumstantiis.

318.

CAPUT VIII.

An peccata dubia confitenda sint. Laxiores PP. La Croix, Viva, & aliorum Probabilistarum opiniones refelluntur.

326.

Quæst. I. *Quid dicendum de opinione docente, te non teneri ad confitenda peccata certo commissa, quando dubitas an illa confessus fueris?*

327.

Quæst. II. *Utrum qui positive dubitat an peccatum commiserit, ita ut rationes probabiliores habeat quod non peccaverit, quamvis æque probabiles, immo forte probabiliores habeat rationes quod peccaverit, teneatur peccatum illud confiteri?*

328.

Quæst. III. *An peccatum mortale dubium debeat confiteri ut dubium?*

329.

Quæst. IV. *Quid dicendum de opinione quam contra communem Ecclesiæ doctrinam docet P. Dominicus Viva, nempe non esse obligationem confitendi peccata negative dubia?*

331.

Diluuntur sophismata casuistica.

335.

Quæst.

- Quæst. V. Quid dicendum de peccato quod fuit expositum ut dubium, & post de-
prehenditur ut certum? 337.
Quæst. VI. Quid dicendum de regula quam pro scrupulosis, eorumque dubiis pec-
catis assignat P. Busembau? ibid.

CAPUT IX.

- De causis ab integritate confessionis excusantibus. 332.
Quæst. I. An magna pœnitentium frequentia ratione alicuius solemnitatis excuset
ab integritate materiali confessionis? 347.
Quæst. II. An excusetur ab integritate materiali confessionis pœnitens qui habens
casus reservatos non potest tunc Superiorem adire? ibid.
Quæst. III. Utrum persona complicitis sit manifestanda in confessione? 341.
Quæst. IV. Licitum ne est declarare aut criminis socium, aut reum in confessione
propter aut pœnitentis, aut complicitis utilitatem? 343.

CAPUT X.

- De confessione moribundi sensibus destituti. Utriusque sententiæ fundamenta propo-
nuntur. Laxe opiniones P. Gormaz, Gobat, & aliorum refelluntur. 344.
Quæst. I. An moribundus qui pectus tundit, possit absolvi, licet non petat confessio-
nem loquela amissa? ibid.
Quæst. II. An moribundus sensibus repente destitutus, qui confessionem non petit,
nec speciale signum pœnitentiæ dedit, si tamen pie, & christiane vixerit, absolvi
possit saltem sub conditione? 345.
Quæst. III. Quid dicendum de opinione P. Gormaz docentis, absolvendos sub condi-
tione etiam illos qui destituti sensibus inique vixerunt, & in ipso actuali peccato
sensu amittunt? 349.
Quæst. IV. Quid dicendum de opinione P. Gobat, qua eludit suæ Societatis decre-
tum prohibens absolutionem moribundi destituti sensibus? 350.

CAPUT XI.

- De iterandis confessionibus. ibid.
Quæst. I. Datur ne confessio valida & informis? ibid.
Quæst. II. Quo in casu confessio reiteranda est? 351.

DISSERTATIO V.

De satisfactione, quæ est tertia sacramenti pœnitentiæ pars.

CAPUT I.

- De nomine, & necessitate satisfactionis humana. 354.
Quæst. I. Quid sit satisfactio sacramentalis? ibid.
Quæst. II. Necessaria ne est satisfactio Deo exhibenda in delictorum vindictam? 355.
Quæst. III. Quæ sunt operâ quibus satisfacere pro pœna temporalis Deo homo po-
test? 356.

CAPUT II.

- Varie de satisfactione quæstionculæ resolvuntur. 358.
Quæst. I. Utrum satisfactio executioni demandata ad essentiam pertineat sacramen-
ti? ibid.
Quæst. II. An satisfactio valeat in peccato mortali? ibid.
Quæst. III. Utrum satisfacere unus pro altero valeat? 359.
Quæst.

- Quæst. IV. Utrum homo possit satisfacere pro pœna uni peccato debita; & non alteri? 360.
 Quæst. V. Quinam sunt satisfactionis fructus? ibid.

CAPUT III.

De antiqua Ecclesiæ disciplina in satisfactionibus, seu pœnitentiis imponendis. 361.

§. I.

Paucis perstringuntur quatuor pœnitentium status occasione schismatis Novatiani. 363.

§. II.

MONITUM ANTICATHOLICUM. 365.

§. III.

De necessaria canonum pœnitentialium scientia. ibid.

§. IV.

EX ACTIS ECCLESIAE Mediolanensis parte quarta, ubi S. Carolus instruit confessarios quomodo sacramentum pœnitentiæ rite administrare debeant, CANONES PœNITENTIALES. 367.

CAPUT IV.

Quamquam exterior pœnitentiæ disciplina mutata sit, idem tamen Ecclesiæ spiritus perseverat. 386.

CAPUT V.

Expediat ne in præsens publica pœnitentia. 389.

Quæst. unic. Utrum peccata publica, pœnitentia publica expianda sint etiam etate nostra? ibid.

CAPUT VI.

De qualitate, quantitate, & tempore satisfactionis iniungendæ pœnitentibus. 392.

Quæst. I. Quotuplex sit satisfactionis genus? ibid.

Quæst. II. Quid observare Confessarius debet in medicinali pœnitentia iniungendâ? 393.

Quæst. III. In quantitate pœnitentiæ vindictivæ præscribenda respicere ne ad sacros canones, & criminum enormitatem Confessarii debent? 394.

Quæst. IV. Utrum pœnitentia iniuncta a Confessario impleri ante absolutionem debeat? 396.

Quæst. V. Utrum liceat aliquando Sacerdoti iniungere partem pœnitentiæ ante absolutionem implendam? 397.

CAPUT VII.

J. CAROLI BORROMÆI doctrina prædica ex Tridentino hausta Confessariis proponitur, tamquam norma iniungendæ pœnitentiæ satisfactoriæ. Adhortatio ad Confessarios. 331.

CAPUT VIII.

Cardinalis de AGUIRE pœnitentiæ imponendæ regulas proponit. 401.

CAPUT IX.

Sub examen inducuntur plures laxæ opiniones iuniorum Moralistarum La-Croix, Francolini, Sporer, Lugo, Ardeschini, & aliorum de satisfactione. 404.

Quæst. I. Quid dicendum de opinione Sporer, Lugo, & aliorum docentium, nullam, aut modicam iniungendam esse pœnitentiam, dum pœnitentes consentiant ad indulgentiam lucrandam? 407.

Quæst.

Quæst. II. Quid dicendum de opinione qua De Lugo defendit, non posse Confessarium obligare penitentem lucrantem indulgentiam ad satisfactionem, neque ut medicinalem? ibid.

§. I.

MONITUM ANTICASUISTICUM ex divina Scriptura, & Patrum doctrina. Testimonia quæ refert P. La-Croix, expenduntur. 408.

§. II.

Regula prædicta a Confessariis observanda in penitentis satisfactoriis iniungendis: Lugo, Tamburini, & aliorum regulæ reiciuntur. 413.

§. III.

REGULA PRIMA GENERALIS. 418.

§. IV.

REGULA SECUNDA satisfactionis iniungenda penitentibus nobilibus. ibid.

§. V.

REGULA TERTIA satisfactionis iniungenda penitentibus mercatoribus, advocatis; ceterisque eiusdem ordinis. 424.

§. VI.

REGULA QUARTA satisfactionis imponenda plebeiis, ceterisque postrema classi. ibid.

§. VII.

REGULA QUINTA satisfactionis iniungenda feminis. 425.

§. VIII.

REGULA SEXTA BENIGNITATIS servanda in satisfactione iniungenda penitentibus omnibus. 426.

§. IX.

Raro Confessarii æquo severiores, frequentissime æquo laxiores sunt in penitentis iniungendis. Querimoniae sanctorum Patrum cuiusque sæculi sunt adversus Confessarios non rigidos, sed laxos. 427.

CAPUT X.

De obligatione penitentium acceptandi satisfactionem impositam a Confessariis pro peccatis mortiferis. Plurium Casuistarum laxæ opiniones refelluntur. 429.

Quæst. I. Tenentur ne sub mortali penitentes acceptare penitentiam pro gravibus peccatis impositam? ibid.

Quæst. II. An penitens possit absque peccato mortali ante absolutionem declinare sententiam huius Confessarii, aliumque adire? 430.

Quæst. III. An probabilis sit opinio negans penitentem teneri ad satisfactionem impositam a Confessario suscipiendam? ibid.

Quæst. IV. An omittens penitentiam impositam pro peccatis mortalibus primo confessis, peccet mortaliter? 431.

Quæst. V. Quando penitentia iniungitur ob peccata venialia, vel mortalia prius confessis, tenetur ne penitens sub gravi adimplere? ibid.

Quæst. VI. Quo tempore implere satisfactionem debet? ibid.

Quæst. VII. Quid de commutatione penitentiae dicendum? 433.

Quæst. VIII. Debet ne penitens, ut commutationem penitentiae ab alio Confessario obtineat, peccata ob quæ imposita fuit, iterum confiteri? 434.

Quæst.

Quæst. IX. Quid dicendum de opinione quam refert P. La-Croix, de versuto peccatore eadem peccata iterum confitente, & tacente priorem confessionem, ut commutationem obtineat? ibid.

Quæst. X. Quanam sunt causæ excusantes a pœnitentia implenda? 435.

Quæst. XI. An pœnitentiæ ideo sint suspensæ, quia a mendicantibus iniunguntur? 436.

CAPUT XI.

De indulgentiis.

ibid.

Quæst. I. Quid indulgentiarum nomine intelligatur? 437.

Quæst. II. Quid sit Ecclesiæ thesaurus, & quæ illius bonæ? ibid.

§. I.

De indulgentiarum existentia.

438.

Quæst. unic. Est ne de fide extare in Ecclesiâ potestatem concedendi indulgentias, earumque usum salutarem fidelibus esse? ibid.

§. II.

Indulgentiæ remittunt pœnam temporalem sive iniunctam, sive iniungendam.

439.

§. III.

De utilitate, & effectibus indulgentiarum. Parum profunt iis qui quoad possunt laboriosis operibus satisfacere divinæ iustitiæ non curant. Plurimum Casuistarum laxa opiniones refelluntur.

440.

§. IV.

Breviter indicantur rationum momenta quæ evincunt, parum illis profuturas indulgentias plenarias qui pro viribus Deo satisfacere negligunt.

441.

§. V.

Plures quæstiuncule de his qui indulgentias concedere, & suscipere valent.

449.

Quæst. I. Qui sunt indulgentiarum legitimi dispensatores?

ibid.

Quæst. II. Valent ne indulgentiæ sine legitima causâ concessæ?

ibid.

Quæst. III. Quinam sint apti indulgentiis suscipiendis?

450.

Quæst. IV. Requiritur ne status gratiæ ad opera perficienda quæ in Bullis indulgentiarum iniunguntur?

ibid.

Quæst. V. Qui sunt in statu gratiæ, tenentur ne ad sacramentalem confessionem, ut fructum indulgentiæ assequantur?

ibid.

Quæst. VI. An si opera præscripta ad indulgentiam non solum in peccato, sed etiam cum peccato fiant, profunt ad indulgentiam?

ibid.

Quæst. VII. An quando in concessione indulgentiæ indeterminate, & absolute præscribitur elemosyna, faciendâ sit secundum qualitatem personæ?

ibid.

Quæst. VIII. An ad lucrandas indulgentias sufficiat quæcumque etiam minima, & brevis oratio?

451.

Quæst. IX. Possunt ne indulgentiæ extendi ad animas purgatorii?

ibid.

Quæst. X. Si pro anima defuncti offeratur sacrificium ad altare privilegiatum, evolas ne continuo anima in cælum?

452.

Quæst. XI. Quotuplex sit indulgentia.

453.

§. VI.

MONITUM circa praxim.

454.

LIBER SECUNDUS.

DE MINISTRO SACRAMENTI
POENITENTIAE.

DISSERTATIO I.

CAPUT I.

Quam sit sublimis Confessarii dignitas. De eiusdem dotibus generatim differitur. 458.

CAPUT II.

Spiritus fortitudinis, & libertatis, quo Confessarius exercere tenetur suum ministerium. Omnia, sive temporale emolumentum, sive Magnatum & Principum aut plausum, aut contempionem, sive populi ludibria despiciari debet. Germani characteres quibus Christus suos veros ministros a falsis distinguit. 460.

CAPUT III.

De caritate, seu probitate Confessarii, quibusve coniecturis hæc dignoscatur. 466.

CAPUT IV.

De prudentia Confessarii. Regula huiusce prudentia exercenda. 468.

CAPUT V.

De scientia Confessarii. Nonnulla P. La-Croix, Gobæt; & aliorum axiomata tamquam evangelica simplicitati contraria refelluntur. 475.

§. I.

Unde suam haurire scientiam Confessarius debet. 481.

§. II.

Evangelica legis spiritum assequi potissimum Confessarius debet. Excusatio qua obtruditur, non omnia contineri in Scripturis, vanissima. 486.

CAPUT VI.

Extrema laxitatis, & vigoris summo studio evitare Confessarius debet. Quam arduum quam difficillimum sit inter extrema hæc medium tenere. Singulari Dei gratia opus est. 493.

CAPUT VII.

Grevius semper fuit, & potissimum hodie est periculum, ne Confessarii declinent in laxissimi quam Rigorismi extremum. 496.

CAPUT VIII.

Sancti Ecclesia Patres cuiuscunque sæculi invehit acriter sunt præcipue contra nimiam indulgentiam & laxitatem Confessariorum; numquam vero, aut raro contra nimiam severitatem. 497.

CAPUT IX.

Postrema etatq; Sanctorum testimonia adversus Laxismum Confessariorum. Panum responsum P. La-Croix refellitur. 500.

CAPUT X.

Quatuor sapientes & doctissimi IESUITÆ Bellarminus, Elizalde, Camargo, De Albertis invehuntur contra laxitatem Confessariorum. 502.

s. I.

Ven. CARDINALIS BELLARMINUS Soc. I. 503.

s. II.

P. MICHAEL ELIZALDE S. I. 505.

s. III.

P. IGNATIUS DE CAMARGO S. I. 506.

s. IV.

P. ALBERTUS DE ALBERTIS S. I. CONSECTARIUM. 507.
510.

CAPUT XI.

Quam pauci sint Confessarii optimi. Quanta Christianorum obligatio eligendi Confessarium doctum & probum. Confessarii gravius urgentur seligere librum sanioris Theologiae, cui impensius studeant. 511.

s. Unicus.

Christiani Confessariorum suorum directionem sequentes, & Confessarii opiniones Cassistarum plurium amplectentes damnari aeternum possunt. 513.

CAPUT XII.

Questio singularis quam P. Michael Elizalde proponit, discutitur. Expediat ne habere Confessarium amicum & stabilem, praesertim Magnatibus. 518.

s. I.

Expediat ne Christianis praesertim Magnatibus & Dynastiis, habere Confessarium familiarem, seu stabilem? 520.

s. II.

SENTENTIA MEDIA. Auctoris iudicium. 524.

s. III.

MONITUM P. Michaelis Elizalde ad Confessarios, & penitentes. 525.

s. IV.

Gravi damnationis periculo se exponunt qui absque vocationis divinae signis sese audientibus confessionibus ingerere student. 527.

DISSERTATIO II.

De iurisdictione ministri sacramenti pœnitentiæ.

CAPUT I.

Solus ne Sacerdos sit sacramenti pœnitentiæ minister.

332.

CAPUT II.

Præter Ordinis potestatem requiritur in Sacerdote iurisdiclio a priori potestate distincta, ut valide absolvat.

333.

CAPUT III.

Nullus Sacerdos sive regularis, sive secularis audire confessiones potest secularium absque approbatione Episcopi.

334.

§. Unicus.

Nonnullæ difficultates de approbatione Regularium.

335.

Quæst. I. Utrum Regularis præsentatus Episcopo, & iniuste reiectus iurisdictionem acquirat, & valide absolvat?

ibid.

Quæst. II. Utrum Regularis approbatus ab Episcopo unius diœcesis, sit approbatus pro aliis diœcesibus?

336.

Quæst. III. An Regulares approbati ad audiendas confessiones secularium sint approbati ad confessiones Monialium?

ibid.

Quæst. IV. Utrum Regulares subire examen Episcoporum teneantur pro audiendis confessionibus?

ibid.

Quæst. V. An Regulares approbati ab Episcopo absque præsentatione Superiorum Regularium, ipsique infamis, vel repugnantibus valide absolvant pœnitentes seculares?

337.

Quæst. VI. An Regulares approbati in una diœcesi valeant absolvere fideles ad ipsos ex aliis diœcesibus venientes?

338.

Quæst. VII. An Superiores Regulares indigeant Episcopi approbatione?

ibid.

Quæst. VIII. Regulares possunt ne absolvere sine approbatione Episcopi seculares debentes in eorum domibus?

ibid.

Quæst. IX. Regulares iter agentes qui habent licentiam a suis Superioribus confitendi, possunt ne in locis ubi desunt Confessarii proprii Ordinis eligere in Confessarium simplicem Sacerdotem non approbatum?

339.

CAPUT IV.

De iurisdictione ordinaria, & delegata.

ibid.

Quæst. I. Qui habent potestatem ordinariam, possunt ne eam delegare?

340.

Quæst. II. An quilibet Sacerdos sine ulla approbatione habeat iurisdictionem remittendi venialia, aut mortalia rite confessæ?

ibid.

Quæst. III. Utrum omnis Sacerdos in articulo, & periculo mortis habeat iurisdictionem absolvendi a peccatis, & a censuris?

342.

Quæst. IV. Qui habet iurisdictionem ordinariam, aut delegatam, potest ne illam exercere in aliena diœcesi cum propriis subditis?

343.

Quæst. V. Quisnam sit proprius minister vagorum, & peregrinorum, & eorum qui habent domicilia in duplici parochia?

344.

Quæst. VI. An iurisdiclio acquiratur sola consuetudine?

ibid.

§ ij

Quæst.

- Quæst. VII. *Quandonam iurisdictione Confessariorum amittatur, vel impediatur?* ibid.
 Quæst. VIII. *An Episcopi limitare possint iurisdictionem ad tempus, ad personas, ad casus determinatos?* 545.
 Quæst. IX. *An iurisdictione morte concedentis expiret?* ibid.
 Quæst. X. *An delegatus possit subdelegare?* 546.
 Quæst. XI. *An error communis deficiente titulo colorato satis sit ut iurisdictione conferatur?* ibid.

CAPUT V.

De iurisdictione dubia, & probabili. Opinioniones Probabilistarum reuincuntur. 548.

§. I.

Recensita sententia P. Viva, La-Croix, & aliorum Probabilistarum, qui defendunt licitum esse administrare sacramentum penitentiae cum iurisdictione probabili, continetur in proposit. 1. Innocentii XI. 549.

§. II.

P. Michael Elizalde sophisma a benignissima pietate matris Ecclesiae repetitum solida doctrina convellit. 555.

§. III.

Iterum exploditur Probabilistarum opinio de licito usu iurisdictionis probabilis. 557.

CAPUT VI.

De casuum reservatione.

- Quæst. I. *Reservari ne peccata venialia possunt?* 558.
 Quæst. II. *An reservari peccata mortalia interna queant?* 559.
 Quæst. III. *Quinam sunt casus reservati Romano Pontifici?* ibid.

§. I.

Quinam subiecti sint casuum reservationi. An ignorantia excuset. Laxa P. Viva opinio refellitur. Sint ne reservata peccata dubia.

- Quæst. I. *Incurritur ne reservatio ab eo qui illam ignorat, aut dum actu peccat, ad eam non advertit?* 563.
 Quæst. II. *Quoniam peccata externa cadant sub reservatione?* ibid.
 Quæst. III. *An peccata intelligantur reservata quando dubitatur de illorum reservatione?* 566.
 Quæst. IV. *An qui ab inferiore Sacerdote absolvitur a peccato dubio in materia reservata, liberetur a reservatione, licet postea confitet esse certum?* 567.
 568.

§. II.

Quinam absolvere a reservatis casibus valent, & quomodo.

- Quæst. I. *An peregrinus veniens bona fide ex alia diocesi possit absolvi a reservatis?* 569.
 Quæst. II. *A quibus casibus absolvere Episcopi valent?* 570.
 Quæst. III. *An facultas a Tridentino concessa Episcopis absolventi ab hæresi occulta, revocata sit per Bullam Cæneæ?* ibid.
 Quæst. IV. *An Superior auditus reservatis valeat absolvere penitentem sacramentaliter, eumque ad inferiorem Confessarium remittere pro absolutione a ceteris peccatis mortalibus?* 571.
 Quæst. V. *An Confessarius carens potestate in reservata possit directe absolvere a non reservatis, & indirecte a reservatis?* 572.
 ibid.
 Quæst.

- Quæst. VI. *Confessarius carens potestate in reservata valide ne absolvit a non reservatis?* ibid.
- Quæst. VII. *Qui invincibiliter ignorat peccatum reservatum, aut Confessarius non advertit esse reservatum, absolvitur ne indirekte ab hoc peccato reservato?* ibid.
- Quæst. VIII. *Qui ex ignorantia inculpabili omittit manifestare superiori unum ex pluribus peccatis reservatis, esset ne talis peccati oblii sublatâ reservatione?* 573.
- Quæst. IX. *Qui facit confessionem irritam vel tempore iubilæi, vel superiori, exemptus ne est a reservatione?* 574.
- Quæst. X. *Qui confessus est animo lucrandi iubilæum, post mutat animum, recusatque opera implere, si in ea confessione inculpabili oblivione omittat aliquod reservatum, potest ne a quolibet Sacerdote absolvi?* ibid.
- Quæst. XI. *Si tempore iubilæi differatur absolutio pœnitenti indisposito; si post elapsum tempus iubilæi hic incidat in reservatum novum peccatum, potest ne absolvi virtute iubilæi?* 575.
- Quæst. XII. *Tenetur ne Superior concedere petenti sive per se, sive per alium facultatem, qua possit absolvi a reservatis?* ibid.
- Quæst. XIII. *Qui habet facultatem absolvendi a casibus reservatis summo Pontifici, habet ne facultatem absolvendi a censuris?* ibid.
- Quæst. XIV. *Utrum quilibet Sacerdos etiam non approbatus, vel excommunicatus absolvere possit in articulo mortis, & an absolutus, si convalescat, teneatur adire superiorem?* 576.
- Quæst. XV. *Quid agere Sacerdos debeat qui potestate destitutus per inadvertentiam absolvit a reservatis?* 577.

DISSERTATIO III.

De absolutione sacramentali impertienda, differenda;
& deneganda.

CAPUT I.

- Quenam absolutionis forma, deprecativa, an indicativa, obtinuerit olim in Ecclesia. Quæ nunc adhibetur in Ecclesia Latina, indicativa est. Eiusdem verba, & sensus exponuntur.* 579.
- Quæst. I. *Quibus verbis constet forma absolutionis sacramentalis?* 580.
- Quæst. II. *Quis sit horum verborum sensus: Ego te absolvo?* 581.
- Quæst. III. *Licetum ne est formæ absolutionis conditionem adicere?* 582.

CAPUT II.

De absolutione impertienda pœnitenti absenti, Quid hoc de re Dominicani tum antiqui, tum recentiores; quid lesuitæ, præsertim Doctor eximius P. Franciscus Suarez, ante & post decretum Clementis VIII. docuerint. 584.

§. I.

Necessitas scribendi.

ibid.

Status controversia:

386.

§. III.

Interpretationes P. Francisci Suarez in hoc Clementis VIII. decretum.

389.

§. IV.

Decreta summi Pontificis Pauli V. adversus interpretationem P. Suarez in Clementinum decretum.

390.

§. V.

Nodus difficultatis circa opinionem quam ante, & post decretum Clementinum docuit P. Suarez. Responsa Amici, Moyn, La-Croix, Gormaz, Reynaudi, & Viva.

391.

§. VI.

Interpretamenta P. Gasparis Iosephi Gagna in hac causa.

398.

§. VII.

Universa controversia paucis perstringitur.

603.

§. VIII.

Controversia dirimitur. P. Suarez ante decretum Clementis VIII. docuit probabilem esse opinionem postea proscriptam: idcirco interpretatus est decretum pontificium in favorem opinionis a se probabilis prius existimatae.

ibid.

§. IX.

CONSECTARIUM.

609.

§. X.

Defenditur P. Suarez contra Viva, La-Croix, Gormaz, Reynaudum, Fabrum; Amicum. Confessio epistolalis in sensu etiam diviso improbata est decretis pontificiis. Expungenda itaque est sessio restituta. Confessarii moneantur de improbabilitate talis opinionis, ne eadem utantur.

613.

CAPUT III.

Nonnullæ aliæ quasiunculae de absolutionis forma pronuntianda, & repetenda.

616.

Quæst. I. Quanam præsentia pœnitentis requiritur, ut impendi absolutio possit?

ibid.

Quæst. II. An Sacerdos qui e fenestra videt aut naufragantem, aut vulneratum animam agere, possit eum absolvere?

617.

Quæst. III. Quomodo se gerere Confessarius debet, quando oblitus est pœnitentem absolvere?

ibid.

Quæst. IV. Quando nam danda est absolutio?

ibid.

Quæst.

Index.

lv

Quæst. V. *Quandonam repetenda absolutio est?*

ibid.

CAPUT IV.

Vera peccatoris conversi idea, quam concipere Confessarius debet, ut absolutionem sacramentalem impertiri possit. 619.

§. I.

Imago veræ conversionis a peccato ad Deum ex Scripturis sanctis, ut absolutionem sacramentalem impertiri Confessarius valeat. ibid.

§. II.

Ex sanctis Ecclesiæ Doctoribus plena penitentis absolvendi conversio explicatur. 621.

§. III.

Pauci ex peccatoribus recidivis, & consuetudinariis revera detestantur peccatum: pauci exequi media volunt ad veram conversionem necessaria. 624.

§. IV.

Peccatores gravissimorum scelerum fontes, & præsertim consuetudinarii, facileque relabentes in fornicationes, in pollutiones voluntarias, & id genus crimina, communiter repente & brevi temporis intervallo non convertuntur. 630.

CAPUT V.

Theologi ultimæ ætatis sanctitate, & doctrina celeberrimi SS. Franciscus Xaverius; Thomas Villanovanus, Cardinalis Bellarminus, Cardinalis Aguirre, Cardinalis Denhoff, & alii docent probandos esse piorum operum exercitio peccatores frequenter relabentes, & consuetudine peccandi ligatos, antequam absolvantur. 636.

§. I.

S. Franciscus Xaverius S. I. Indiarum Apostolus. ibid.

§. II.

S. Thomas Villanovanus Augustinianus. 637.

§. III.

S. Carolus Borromæus. ibid.

§. IV.

Via Cardinalis Bellarminus S. L. 638.

§. V.

Cardinalis de Aguirre Ord. S. Bened. 640.

§. VI.

§. VI.

Cardinalis Denhoffius.

643.

CAPUT VI.

Omnes Concionatores, & sacri Missionarii e suggestu doctrinam hactenus explicatam docent. Ergo opposita plurium Casuistarum doctrina falsa est. 645.

CAPUT VII.

Plures quaestiones casuisticae de absolute impertienda, vel differenda peccatoribus relabentibus, consuetudinariis, & in occasione proxima versantibus. 653.

§. I.

De occasione proxima. Vario recentiorum distinctiunculae, Has P. Michael Elizalde falsae deridendas exhibet. ibid.

§. II.

Propositiones de occasione proxima ab Ecclesia damnatae veluti anti-evangelicae, paucis declarantur. 657.

§. III.

P. Dominici Viva interpretationes in ibidem 41. Alexandri VII. discutuntur. Doctor eximius P. Suarez a laxa doctrina vindicatur adversus Leandrum, & Viva. 658.

§. IV.

Plurium Casuistarum, Leandri, Hurtado, Tamburini, Gobat, Sporer, La-Croix, & aliorum opiniones laxae, Evangelio, Patribus, Conciliis, & Ecclesiae decretis adversae refelluntur. 664.

Quaest. I. An possit absolvi concubinarium usquedum expellat concubinam? 665.

Quaest. II. An possit absolvi concubinarium non eiecit e domo concubina, quod nequeat absque magno detrimento suae vitae, honoris, vel pecuniae? ibid.

Quaest. III. An possit absolvi concubinarium non eiecit e domo concubina, eo quod famam amitteret, si concubinam expelleret? ibid.

Quaest. IV. An possit absolvi non eiecit concubina concubinarium qui dicitur feminae dedit mutuo v. g. centum aureos, & credit illos esse amisurum, si domo illam expellat? ibid.

Quaest. V. An absolvi possit paenitens, qui adhuc post repetitam monitionem modo cum una, modo cum altera fornicatur? 666.

Quaest. VI. An possit absolvi Confessarius qui ex devotione excipit confessiones, in quibus audiendis crebro voluntarie polluitur? ibid.

Quaest. VII. An possit absolvi medicus, vel chirurgus qui in medendis feminis saepe peccant, si propositum cessandi a curatione non habeant? ibid.

Quaest. VIII. An possit absolvi hospita sine proposito non recipiendi hospitem, quocumque pluries peccavit, quando absque magno scandalo, aut detrimento non posset eum hospitio suo prohibere? ibid.

Quaest. IX. Absolvendi ne sunt comædi, cantatrices, & saltatrices? 667.

Quaest. X. An liceat adire occasionem in qua probabile est te lapsurum? 668.

Quaest.

Quæst. XI. An quando occasio proxima coniuncta est cum periculo formali peccandi, teneatur quisque eam vitare cum iactura omnium bonorum, fame, & etiam vite? 670.

Quæst. XII. Absolvendi ne sunt recidivi, quoties sponte accedunt ad confessionem? 674.

§. V.

Doctrina P. Claudii La-Croix de frequenti relapsu cum vero dolore, & proposito, tamquam falsa & laxa reticitur. 675.

CAPUT VIII.

Rigorismus in tribus thesibus proscriptis ab Alexandro VIII. contentus exploditur. 683.

CAPUT IX.

De officio Confessarii tum in examine, tum in absolutione pœnitentium, 685.

§. I.

Quam adhibere diligentiam Confessarius in pœnitentium examine, & in eorumdem christiana dispositione procuranda debeat. 686.

Quæst. I. Quid observare Confessarius debet in interrogatione pœnitentium? 690.

Quæst. II. Quid observare debeat Confessarius in interrogatione peccatorum carnalium? ibid.

Quæst. III. Utrum Confessarius interrogare valeat de socio criminis? 692.

§. II.

Confessarius tenetur docere, & monere pœnitentes eorum quæ ignorant, sive vincibiliter, sive invincibiliter. Laxæ De Lugo, Tamburini, Viva, & aliorum Moralistarum opiniones refelluntur. Quam sit diversa pulpiti doctrina, ab ea quæ a nonnullis pro confessionali docetur. 695.

Quæst. I. An quando pœnitens laborat ignorantia invincibili sive iuris, sive facti, teneatur Confessarius eundem admonere, & instruere? ibid.

Quæst. II. Quid dicendum de opinione Lugo qui ait, non esse a Confessario monendum bonæ fidei possessorem alienæ hereditatis? 697.

Quæst. III. Quid si Confessarius interrogaretur a pœnitente, ut veritatem pœnitentis? 698.

§. III.

Utrum Confessarii se accommodare opinionibus pœnitentium, velicis propriis, possint, & debeant. Doctrina Probabilistarum refellitur. 702.

CAPUT X.

De officio Confessarii tum in concedenda, tum in differenda absolutione sacramentali. 708.

Quæst. I. Dum Confessarius absolutionem impertit, tenetur ne adhuc scire & præsentia habere omnia & singula mortalia peccata manifestata a pœnitente? ibid.

Quæst. II. Quomodo se gerere Confessarius debet in puerorum confessione? Quæst. 708.

- Quæst. III. Quid in adolescentum absolutione observare Confessarius debet? 709.
 Quæst. IV. Quid advertere Confessarius debeat in absolvendis rusticis, rudibusque? 710.
 Quæst. V. Quomodo se gerere Confessarius debet in absolvendis iudicibus, advocatis, & mercatoribus? 711.
 Quæst. VI. Quomodo se gerere debet Confessarius in absolvendis patribusfamilias, filiisque familias? 712.
 Quæst. VII. Utrum Confessarius absolvere debeat tum viros, tum feminas vanas nimia vestium pompa ornatas? ibid.
 Quæst. VIII. Quomodo se gerere Confessarius debet in absolvendis viris, & feminis quæ hodiernas conversationes frequentant? 713.
 Quæst. IX. Quas regulas servare tenentur Confessarii in absolvendis feminis devotis? 714.
 Quæst. X. Differenda ne est aliquando absolutio? 715.
 Quæst. XI. Confessarius potest ne absolvere consuetudinarios, & recidivos prima vice, etsi nulla præceperit emendatio? ibid.
 Quæst. XII. Utrum Confessarius possit absolvere eos qui frequenter relabuntur in flagitia mollietis, & pollutionis? 717.
 Quæst. XIII. In quo sita sit benignitas cum eiusmodi peccatoribus adhibenda. Num falsa sit nonnullorum iuniorum benignitas? 719.
 Quæst. XIV. Utrum suspendere Confessarius debeat absolutionem periuris, & blasphemis consuetudinariis? 723.
 Quæst. XV. Quomodo se gerere debeat Confessarius cum debitoribus morosis seu solutionem & restitutionem procrastinantibus? ibid.
 Quæst. XVI. Quomodo se gerere debet Confessarius cum iis qui solum peccata venialia consentunt, si dubitat de eorum dolore, & proposito? ibid.
 Quæst. XVII. Quomodo se gerere debeat Confessarius in præscribenda confessione generali? 724.

CAPUT XI.

Diluantur nonnulla Benignistarum sophismata, & aliqua axiomata pro evangelico pœnitentiarum regimine assignantur. 725.

§. I.

Diluantur sophismata contra dilationem absolvendi frequenter recidivos, & consuetudinarios. ibid.

§. II.

Nonnulla axiomata ex probatissimis Auctoribus decerpta. 731.

CAPUT XII.

De sigillo confessionis.

- Quæst. I. Quo iure confessionis secretum custodiendum est? 736.
 Quæst. II. Ex qua confessione oritur sigilli huiusce obligatio? ibid.
 Quæst. III. Quando quis tenetur absque proposito recipiendi absolutionem, oriatur ne sigilli obligatio? 737.
 Quæst. IV. Quam gravis sit sigilli custodia, & an liceat aliquo in casu illud revelare? ibid.
 Quæst. V. Quænam sit huius sigilli materia? 738.
 Quæst.

Quæst. VI. Potest ne Confessarius loqui de auditis in Confessione ex licentia penitentis?	738.
Quæst. VII. Peccata publica cadunt ne sub confessionis sigillo?	ibid.
Quæst. VIII. Quid respondere debet Sacerdos rogatus an confessus fuerit meretricem, concubinam &c.?	739.
Quæst. IX. Frangit ne sigillum qui de auditis in confessione loquitur, nullam personam notando?	740.
Quæst. X. Confessarius qui diceret in tali oppido, communitate, collegio, conventu, Religione perpetrari gravia crimina, violaret ne sigillum?	ibid.
Quæst. XI. Potest ne Confessarius loqui cum suo penitente de auditis in confessione extra confessionem?	ibid.
Quæst. XII. Confessarius potest ne loqui cum penitente de aliquo defectu præcedentis confessionis, si penitens repugnet?	741.
Quæst. XIII. An Confessarius uti possit notitia habita in confessione ad exteriori gubernationem?	ibid.
Quæst. XIV. Confessarius scit e sola confessione, cum cui ille confitetur peccata sua, non esse Sacerdotem, debet ne in posterum abstinere a confessione illi faciendâ?	742.
Quæst. XV. Quomodo se gerere Confessarius debet quando interrogatur de auditis in confessione?	743.
Quæst. XVI. Quæ in foro externo servanda, dum de confessionis sigilli lites occurrunt?	746.
Quæst. XVII. Quinam tenentur ad secretum sacramentale?	747.

CAPUT XIII.

De sollicitatione.

Constitutio BENEDICTI XIV.

748.
ibid.

§. Unicus.

Nonnulla quasiuncula resolvuntur.

753.

Quæst. I. Denuntiari ne debent Confessarii sollicitantes masculos ad turpia?

ibid.

Quæst. II. Denuntiandus ne est Confessarius qui chartam provocantem ad venerem mulieri consentienti legendam tradit?

ibid.

Quæst. III. Sacerdotes qui fingunt se Confessarios, cum non sint, denuntiari ne debent, si sollicitent ad turpia?

ibid.

Quæst. IV. Denuntiandi ne sunt laici, vel Clerici fingentes se Sacerdotes si sollicitent ad turpia?

754.

Quæst. V. Quem sensum præferunt hæc verba: In actu sacramentalis confessionis, vel ante, vel immediate post?

ibid.

Quæst. VI. Quid produnt hæc verba: Vel occasione, vel pretextu confessionis?

ibid.

Quæst. VII. Est ne denuntiandus qui extra occasionem confessionis, nec confessionem simulans in confessionali sollicitat?

756.

Quæst. VIII. An sit denuntiandus qui in quocumque loco confessionibus audiendis deputato concitat ad turpia?

ibid.

Quæst. IX. Denuntiandus ne est non modo qui ad inbonestâ, sed etiam qui ad alia crimina sollicitat?

ibid.

Quæst. X. Requiritur ne, actus quibus incitatur ad turpia, esse mortales, ut sollicitatus teneatur ad denuntiandum?

ibid.

Quæst. XI. Sunt ne denuntiandi qui turpes sermones habent in dictis locis cum penitentibus?

757.

Quæst.

- Quæst. XII. *An sollicitantes pro aliis, vel per alias personas sint denuntiandi?* 757.
 Quæst. XIII. *An quando verba sunt dubia, vel femina non consentit, aut Confessarius sollicitatus a femina sit denunciandus?* ibid.
 Quæst. XIV. *An persona sollicitata, non præmissa correctione fraterna, sub mortali teneatur denunciare Sacerdotem sollicitantem?* 758.
 Quæst. XV. *An non solum persona sollicitata, sed etiam alii teneantur denunciare sollicitantem?* ibid.
 Quæst. XVI. *Tenetur ne persona sollicitata per seipsum denunciare aut Inquisitori, aut Episcopo sollicitantem?* ibid.

F I N I S.

LIBER PRIMUS

DE

SACRAMENTO POENITENTIAE.

DISSERTATIO PRIMA.

DE VIRTUTE POENITENTIAE.

PRÆLOQUIUM:



IU anceps fui, num orsa capere in hoc gravissimo & summi momenti argumento tractando deberem ab istius sacramenti ministro. Ut id præstarem, non levia rationum momenta suadere videbantur. Nullum quippe est sacrum mysterium, cuius recta administratio ab optimi ministri scientia, prudentia, & probitate ita pendeat quemadmodum istud. Sustinet

Confessarius personam doctoris, iudicis, & medici. Huiusce triplicis officii dotes non ita frequenter coniunctæ occurrunt. Non modo prisca Doctores, sed nobis quoque propinquiore, Antoninus, Bernardinus, Thomas de Villanova, Avila, Franciscus Salesius, Carolus Borromæus, Fredericus Borromæus, Bellarminus, Ludovicus Granatenfis, Bartholomæus de Martyribus, alique plures detonant, ex Confessariorum aut inscitia, aut imprudentia, aut perniciofa indulgentia, & blandiloquentia, Christianorum confessiones sacrilegio magna in parte pollutas esse, & Christianos permultos, qui sacramentum istud indigne frequentant, æternum perire. Neminem Sanctorum offendi qui invehatur adversus Confessarios ob nimiam in impertienda absolutione severitatem: omnes vocis sonitum extollunt contra immoderatam laxitatem. Ex Confessariorum absolvendi facilitate turmatim animas in gehennam prolabi, scelera horrorem exuere, delinquentes audaciores fieri, Dei sacramenta vilescere, & catholicam Ecclesiam extremam sustinere cladem, una voce inclamant. Hæc omnia adductis sanctorum virorum testimoniis.

Tom. IX.

A

in

in hac prima dissertatione ob oculos repræsentare decreveram; ut Confessarios præiudicatas quorundam iuniorum opiniones dedocerem, eosque ad veritatem investigandam, extremaque rigoris, alioquin non ita familiaris, & laxitatis, usquequaque grassantis, declinanda sub cursus initium adiectis stimulis perurgerem. Verum severius expenso consilio, deliberavi dissertationem hanc de Confessarii dotibus ad locum proprium, ubi de ministro pœnitentiæ infra sermo erit, tractandam remittere. In præsentia itaque communi methodo inhærens de virtute, & sacramento pœnitentiæ sermonem instituo.

C A P U T I.

*Propositiones ab Ecclesia proscriptæ, & laxæ
Casuistarum quorundam.*

DE more primum omnium extrema rigoris, & laxitatis patefacio; dum propositiones & ab Ecclesia proscriptas, & ex illorum Moralistarum libris qui manibus omnium teruntur, excerptas isthuc transcribo. Laxarum propositionum census amplius erit, quia Casuistæ non pauci in administratione huius sacramenti potissimum nimis indulgentiæ consilia dilatarunt. In ceteris quæ tractavimus argumentis, si plures cupiunt doctrinas laxas, aliqui non abhorrent a sententiis veris. Illi furta, & iniustitias detestantur; & hac in materia rigorem amant: isti luxuriæ spiritu abripiuntur; & hoc in genere mollem Casuisticam percipiunt. Contra aliis rigor in re venerea non displicet; sed in augendis divitiis, & rapiendis alienis, in usuris honestandis laxam Ethicem aucupantur. Illi supersticiosam severitatem in iis quæ naturali quadam inclinatione averfantur, ostentant; at quæ appetitionibus propriis accommodata sunt, dulci aliquo Probabilissimi blandimento sibi fucari curant ut licita. Verum in pœnitentiæ usu omnes amant benignos ministros, eosque in pœnis insigendis parcos desiderant. Qui pro criminum gravitate supplicia imponunt, Rigorismi censuram non evadunt; & qui infimo satisfactionis pretio thesaurum absolutionis larga manu dispensant, ut benigni, prudentes, & misericordes acclamantur. Quare mirum haud esse debet, si in hac præ ceteris materia numerus laxarum opinionum ingens sit.

§. I.

Propositiones damnatæ.

ALEXANDER VII. damnavit sequentes, quas ordine in decreto servato transcribo.

3. *Sententia asserens, Bullam Cænæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 28. Iulii in Consistorio Sacræ Congregationis Emin. Cardinalium visa, & tolerata est.*

4. *Prelati regulares possunt in foro conscientie absolvere quoscunque sæculares ab hæresi occulta, & ab excommunicatione propter eam incursa.*

5. *Quamvis evidenter tibi constet Petrum esse hæreticum, non teneris denunciare; si probare non possis.*

6. *Confessarius qui in sacramentali confessione tribuit pœnitenti chartam postea legendam, in qua ad venerem incitat, non censetur sollicitasse in confessione, ac proinde non est denunciandus.*

7. *Modus evadendi obligationem denunciandæ sollicitationis est, si sollicitatus confiteatur cum sollicitante, hic potest ipsum absolvere absque onere denunciandi.*

11. *Peccatâ in confessione omissa, seu oblita ob instans periculum vitæ, aut ob aliam causam, non tenemur in sequenti confessione exprimere.*

12. *Mendicantes possunt absolvere a casibus Episcopis reservatis, non obtenta ad id Episcoporum facultate.*

13. *Satisfacit præcepto annuæ confessionis qui confitetur Regulari Episcopo præsentato, sed ab eo iniuste reprobato.*

14. *Qui facit confessionem voluntarie nullam, satisfacit præcepto Ecclesiæ.*

15. *Pœnitens propria auctoritate substituere sibi alium potest qui loco ipsius pœnitentiam adimpleat.*

16. *Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.*

24. *Mollities, Sodomia, & bestialitas sunt peccata eiusdem speciei infimæ, ideoque sufficit dicere in confessione, se procurasse pollutionem.*

25. *Qui habuit copulam cum soluta, satisfacit confessionis præcepto dicens: Commisi cum soluta grave peccatum contra castitatem: non explicando copulam.*

38. *Mandatum Tridentini factum Sacerdoti sacrificanti ex necessitate cum peccato mortali, confitendi quam primum, est consilium, non præceptum.*

39. *Ula particula quam primum intelligitur, cum Sacerdos suo tempore confitebitur:*

41. Non est obligandus concubinarius ad eiiciendam concubinam, si hæc nimis utilis esset ad oblectamentum concubinarij, vulgo Regalo, dum deficiente illo, nimis ægre ageret vitam, & aliæ epule rædido magno concubinarium afficerent, & alia famula nimis difficile inveniretur.

INNOCENTIUS XL

1. Non est illicitum in sacramentis conferendis sequi opinionem probabilem de valore sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabili tantum utendum non est in collatione baptisimi, ordinis sacerdotalis, aut episcopalis.

56. Frequens confessio, & communio, etiam in his qui gentiliter vivunt, est nota prædestinationis.

57. Probabile est sufficere attritionem naturalem, modo honestam.

58. Non tenemur Confessario interroganti fateri peccati alicuius consuetudinem.

59. Licet sacramentaliter absolvere dimidiate tantum confessos, ratione magni concursus pœnitentium; qualis v. g. potest contingere in die magnæ alicuius festivitatis, aut indulgentiæ.

60. Pœnitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat se dolere, & proponere emendationem.

61. Potest aliquando absolvi qui in proxima occasione peccandi versatur, quam potest, & non vult omittere; quinimmo directe, & ex proposito querit, aut ei se ingerit.

62. Proxima occasio peccandi non est fugienda, quando aliqua causa utilis, aut honesta non fugiendi occurrit.

63. Licitum est querere directe occasionem proximam peccandi pro bono spirituali, vel temperali nostro, vel proximi.

64. Absolutionis capax est homo, quantumvis laboret ignorantia mysteriorum fidei; & etiamsi per negligentiam etiam culpabilem nesciat mysterium SS. Trinitatis, & Incarnationis Domini nostri Iesu Christi.

ALEXANDER VIII.

14. Timor gehennæ non est supernaturalis.

15. Attritio, quæ gehennæ, & pœnarum metu concipitur sine dilectione benevolentie Dei propter se, non est bonus motus, ac supernaturalis.

16. Ordinem præmittendi satisfactionem absolutioni, induxit non politia, aut institutio Ecclesiæ, sed ipsa Christi lex, & præscriptio, natura rei id ipsum quodammodo dicente.

17. Per illam praxim mox absolvendi ordo pœnitentiæ est inversus.

18. Consuetudo moderna quoad administrationem sacramenti pœnitentiæ, etiamsi eam
plu-

plurimorum hominum sustentantes auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu.

19. Homo debet agere tota vita poenitentiam pro peccato originali.

20. Confessiones apud Religiosos factae, pœneque vel sacrilegæ sunt, vel inva-
lide.

21. Parochianus potest suspicari de Mendicantibus, qui elemosynæ communibus
vivunt, de imponenda nimis levi, & incongrua poenitentia, seu satisfactione ob
questum, seu lucrum subsidii temporalis.

§. II.

Opiniones plurium Casuistarum, quæ videntur æquo
laxiores.

HAS ego propositiones, & ceteras omnes quæ in universo hoc opere retu-
li, non tamquam censor affero, sed sapientum, & eorum ad quos perti-
net, iudicio subijcio. Quam protestationem, tametsi pluries fecerim, iterum re-
novare placuit.

I. P. Dominicus Viva in *trutin. in propof. 1. Innoç. XI. num. 26.* „ Hinc cum vi-
„ deatur esse moraliter certum non requiri in sacramento poenitentiae . . . pro-
„ positum non peccandi de cetero formale, sed sufficere virtuale, ut videre est
„ apud Dicastillum, AC SUFFICERE ETIAM ATTRITIONEM SUPERNA-
„ TURALEM EX METU POENARUM TEMPORALIUM, ut a Deo vindi-
„ ce infligendarum, & alia huiusmodi; idcirco licite sequimur huiusmodi opinio-
„ nes PROBABILISSIMAS, omisso tutioribus. “ Vide infra *Lib. I. diff. 111. de*
inflig. cap. 1. num. ix. quæst. vi.

II. P. Patritius Sporer de *sacram. Part. III. cap. 11. sec. 11. §. 11. num. 174.* „ Præ-
„ ceptum contritionis etiam in articulo mortis non obligat hominem peccatorem
„ usu sacramenti cum attritione iustificatum, sed ipsa attritio cum sacramento
„ baptismi, vel poenitentiae universaliter semper est sufficiens dispositio ad iustifi-
„ cationem, adeoque etiam in ARTICULO MORTIS. Ita Henriquez, Vasquez,
„ Canus, pluribusque allegatis Cardinalis de Lugo *hic disp. vii. sec. 13. Dicastil-*
lus hic disp. vi. num. 19. Layman cit. Lib. V. tract. vi. cap. 31. num. 7. “ Vide in-
fra *Lib. II. diff. 11. de contrit. cap. vii. num. v. quæst. 11.*

III. Idem P. Sporer *loc. cit. num. 173.* „ Præceptum contritionis non obligat eos
„ qui usu sacramenti cum attritione iustificati sunt, aut iustificari volunt. Com-
„ munissima apud citandos infra. Ratio est, quia Christus in nova lege *singulari*

„ *privilegio*, aliud quoque medium iustificationis instituit, scilicet sacramenta mor-
 „ tuorum, baptismi, & poenitentiae, ut proinde modo solius contritionis perfecta
 „ NECESSITAS DESINAT: alioquin certe Christus instituens ac præcipiens con-
 „ fessionem sacramentalem, *medium per se satis durum, & difficile*, si INSUPER
 „ ETIAMNUM REQUIRERETUR CONTRITIO PERFECTA, & ipsa pec-
 „ catori satis difficilis, non alleviasset, sed multum aggravasset onus legis, ef-
 „ femusque PEIORIS conditionis modo Christiani quam veteres olim, qui ad so-
 „ lam contritionem obligati per eam iustificabantur. “ Vide infra *loc. cit. num. vii. quæst. 111.*

IV. Idem P. Sporer *loc. cit. §. 2. num. 175.* „ *Quando obligat? Per se quidem*
 „ *satis probabiliter in articulo, vel periculo mortis tantum.* “ Postea num. 177.
 „ *Præceptum contritionis per se tantum obligare in articulo mortis, & NUM.*
 „ *QUAM ante, docent gravissimi Doctores, D. Thomas, Caietanus, Sotus, Navar-*
 „ *rus, Medina, Adrianus, & aliis congestis probabilem ipse Suarez, ac mordi-*
 „ *cus defendit Dicastillus. . . Cum hoc præceptum poenale sit, & onerosum, non*
 „ *est extendendum, sed restringendum potius ad illa tantum tempora pro quibus*
 „ *eius obligatio certo nobis constat. At non constat nobis certo huius præcepti*
 „ *obligatio pro ullo tempore, præter quam in articulo mortis. Ergo &c. Vides*
 „ *probabilitatem huius sententiae.* “ Vide infra *loc. cit. num. vii.*

V. P. Georgius Gobatus *tract. vi. num. 139.* „ *Dico vi. Probabile quidem est nul-*
 „ *lum extare præceptum de contritione per se loquendo, elicienda ante articu-*
 „ *lum mortis; contraria tamen sententia (abstrahendo a perceptione sacramenti)*
 „ *est verisimilior, & in praxi sequenda. Prima pars probatur auctoritate, & ra-*
 „ *tionibus, quas pro ea adferunt Suarez disp. xv. sec. 6. atque Dicastillo cit. disp.*
 „ *part. 111. dub. ultimo. Qui Dicastillo mordicus defendit illam priorem partem,*
 „ *Suarezio habente eam solum pro probabili.* “ Vide infra *loc. cit. num. viii. quæst. 14.*

VI. P. Dominicus Viva *quæst. 111. art. 2. num. 8.* hanc quæstionem proponit.
 „ *An peccator qui non potest aliquo anno ex defectu Confessarii confiteri, tenea-*
 „ *tur ad contritionem, antequam annus elabatur?* “ Ita respondet. „ *Affirmat Do-*
 „ *minicus Soto . . . quia præceptum poenitendi divinum, quod ex se indetermi-*
 „ *natum est, iam ab Ecclesia est determinatum ad singulos annos . . . iuxta il-*
 „ *lam regulam: Qui non potest quantum debet, solvat quantum potest: & iuxta*
 „ *illam aliam: Qui non potest totum, reddat partem quam potest.*

„ Respondeo equidem cum Con. & aliis communiter **NEGATIVE**. Falsum est
 „ enim quod Ecclesia determinarit tempus illud indeterminatum poenitendi in
 „ genere, ad quod obligamur ex divino præcepto. Solum enim determinavit
 „ tempus confitendi indeterminatum. Cum autem in tali casu sit impossibilis

„ con-

confessio, non videtur peccator teneri ad contritionem. Et ratio ulterior est, quia cum conteri sit aliquod mere internum, non cadit sub præceptum Ecclesiæ, neque ratione sui, & directæ, ut patet, neque ratione alterius, & indirectæ, hoc est ratione sacramenti &c. "

Ad regulas adductas: *Qui non potest totum &c.* respondeo eas valere, quando totum, & partes sunt *homogeneæ* . . . non vero quando sunt *heterogeneæ* . " Vide infra *loc. cit. num. x. quæst. vi.*

VII. Idem P. Viva *ibidem* . „ Verum quidem est quod præceptum divinum contritionis obliget peccatores ad non differendum diu, & usque ad mortem poenitentiam. Hinc tamen non fit quod impotens aliquo anno suscipere sacramentum poenitentiae, teneatur saltem conteri. " Vide infra *loc. cit. num. xii.*

VIII. De Lugo *de poenit. disp. vii. sec. 13. num. 261.* „ *Utrum in articulo mortis sufficiat habere attritionem cognitam?* Quintum dubium magis difficile est, an ille qui suscipit sacramentum poenitentiae cum attritione cognita, debeat adhuc sub peccato mortali habere contritionem saltem in articulo mortis. *Affirmant multi, Suarez . . . Nugnus . . . Sanchez . . . Granado . . . Valentia &c. . . .* Contrariam tamen sententiam docent alii multi, *Conincb . . . Becanus . . . Layman . . . Fagundez . . . Faber . . . Diana . . . Turrianus . . . Salas*, & alii recentiores. 263. *Hæc posterior sententia semper mihi verior visa est.* "

IX. Idem de Lugo *loc. cit. num. 272.* „ Dices. Negari etiam non potest quod sit probabilis sententia contraria, quæ docet obligationem esse eliciendi contritionem propter illud periculum. Non potest ergo in re tanti momenti conformare se *prædictæ* cum nostra sententia, licet sit *probabilior*. Quia esto in aliis materiis possumus sequi sententias probabiles, & habere iudicium practicum iuxta illas ad licite operandum; id tamen locum non habet, quando id cederet in detrimentum salutis propriæ, vel aliorum. *Et ideo non possumus adhibere baptismum cum materia aut forma probabiliori, reliqua magis secuta & certa*, quia exponeremus periculo salutem æternam, si forte illa sententia esset falsa. Cum ergo probabilis sit sententia quam modo impugnamus, & illa sit magis secuta, non possumus practice amplecti nostram, licet, speculative loquendo, sit *probabilior*.

273. Respondeo aliter loquendum esse de sententia quæ negat attritionem cum sacramento sufficere; aliter de illa quæ obligationem ponit contritionis habendæ propter incertitudinem huius remedii. Prior quidem probabilis non est præ Tridentinum, ut diximus, neque habet fundamenta quæ ad probabilitatem sufficiant; immo a multis gravioribus censura notatur. Posterior vero probabilis est. Sed eius probabilitas non impedit iudicium practicum, quo aliquis posset in operando amplecti nostram sententiam. Regula enim illa, quod in ope-

„vando liceat sequi sententiam probabilem, *VERA EST IN UNIVERSUM*, & sermo sit de ultimo iudicio circa licitum vel illicitum hic & nunc. Nec obstat illa regula quæ dicit, circa materiam & formam sacramenti baptismi, & ordinis, saltem sacerdotii, non licere sequi sententiam probabilem. Nam ibi non est sermo circa licitum, sed circa valorem verbi gratia materiæ, vel formæ. “ Vide infra *loc. cit. num. xv. quest. vii. num. xvi. quest. viii. num. xvii.*

X. Henricus Henriquez *Lib. IV. Summe cap. vi. num. 5.* „ Qui cum attritione per absolutionem iustificatur, non tenetur ad præceptum connaturale de contritione formali, quia iam remedio per se instituto, & *COMPENSATIVO* ex applicatione meritorum Christi consecutus est remissionem, & in *AEQUIVALENTI* implevit priori, & meliori ratione finem totum, in quem contritio ordinatur. Contritio enim non remittit peccatum, nec compensat, nisi ut includit votum, & vicem sacramenti pœnitentiæ. Quare compensatione per sacramentum applicata magis contentus est creditor Deus, quam compensatione contritionis. Alias si contritio, dum haberi potest, esset necessaria, obligaret *PER SE*, etiam dum suscipitur absolutio, quia tunc haberi potest. Ac *subinde* Christus in lege evangelica non *LEVIGASSET ONUS*, SED *ADIECISSET GRAVE ONUS CONFESSIONIS* præter necessariam contritionem. “ Vide infra *diff. 11. cap. 1v. §. v. num. vii.*

XI. P. Dominicus Viva *in trut. in prop. xv. Alex. VIII. num. 20.* „ Nec lex gratiæ præstaret legi antiquæ, aut Mosaicæ, aut naturæ, in quibus sufficiebat contritio sine confessione sacramentali. *UNDE NON POSSET IUGUM CHRISTI DICI SUAVE, ET ONUS LEVE* . . . Ergo dicendum, contritionem in sacramento non prærequiri, sed sufficere meram attritionem ex mero pœnarum metu conceptam. “ Vide *loc. cit. num. viii.*

XII. P. Thomas Tamburinus *Lib. I. meth. conf. cap. 1. §. 4. num. 11.* „ Inter motiva attritionis, de quibus *num. 4.* diximus, licet aliqui non admittant aliud quantum, idest timorem mali temporalis, atque adeo qui peccata execraretur propter timorem infamiæ, carceris, ægritudinis, & similibus, quæ propter peccata incurri solent, legitimum dolorem pro sacramento confessionis per hos *Dolores* non afferret: quia huiusmodi dolor naturalis est (aiunt) non autem supernaturalis, & prout oportet ad gratiam supernaturalem obtinendam: tamen in *sententia probabilissima* etiam hoc motivum est sufficiens, si huiusmodi mala temporalia timeantur ut a Deo inflicta, seu infligenda. “ Vide infra *diff. 111. de iustif. cap. 1. num. x.*

XIII. Idem Tamburinus *loc. cit. §. 2. num. 5.* „ Unde, quando advertis pœnitentem tuum *valde* alicui crimini addictum, ne inculces doloris actum circa illud *pæculiare peccatum*. Periculum enim suberit ne illud ex animo deteste-

„tur, dum eius specialis memoria refrigeratur, quod in universum, & simul cum
 „aliis, detestandi difficultatem *vel nullam sentiet, vel exiguam.* “ Vide infra loc.
 „cit. num. xii. & seq. quæst. vii.

XIV. P. Patritius Sporer *Part. III. cap. 11. sec. 4. num. 310. pag. 204.* „Potest
 „enim quis vere dolere, & detestari peccatum, ac vere, & absolute proponere
 „se de cetero non peccaturum, seu firmum propositum, ac sufficiens concipe-
 „re abstinendi imposterum; tamen valde timeat, aut etiam existimet, immo
 „CERTO CREDAT se ob expertam voluntatis suæ inconstantiam, & fragilitatem
 „suam denuo relapsurum: non omnia peccata mortalia, vel hoc certum pecca-
 „ti genus non evitaturum. Unde si pœnitens dicat: *Omnino quidem doleo, ac*
 „*firmiter propono imposterum abstinere: interim tamen SCIO, iterum faciam, ite-*
 „*rum labor, iam toties expertus:* is tamquam BENE DISPOSITUS, præmis-
 „sa confirmatione, ac consolatione debita, ABSOLVENDUS est. Quia sen-
 „sus verbi, *Iterum faciam,* est tantum indicativus, seu enuntiativus ex par-
 „te intellectus. “ Vide infra *differt. 111. de iustif. cap. 11. §. 1v. num. 111.*
quæst. 1.

XV. Idem Sporer *Part. III. cap. 11. sec. 4. quæst. 2. §. 1. num. 324.* „Quando
 „enim solum est probabile te succubiturum in tali occasione tentationi, certe
 „etiam probabile est te non succubiturum. Occurrunt enim graves rationes ob
 „quas vir prudens iudicat te lapsurum in hac occasione; contra vero sunt et-
 „iam graves rationes aliæ, ob quas alius æque prudens iudicat te non la-
 „psurum: certe huius iudicium sequendo, sine nota temeritatis ob rationabilem
 „causam poteris te committere huic occasione, certo non commissurus, si sci-
 „res, vel CERTO crederes te lapsurum. Quare Confessarius non iudicabit ef-
 „se in occasione proxima peccandi, v. g. se inebriandi, fornicandi &c. qui in
 „tali loco decies tentatus succubuit solum ter, vel quater; secus, si octies, vel
 „septies, & bis vel ter tantum peccatum vitavit, & superior evasit. Quapro-
 „pter huic, non illi nolenti hanc occasionem relinquere, neganda erit abso-
 „lutio. QUIA Ioannes Caramuel *Theol. Reg. disput. xx. num. 1056.* vult etiam
 „dandam absolutionem illi qui toties fuit victor, quoties victus, referente, &
 „non contradicente P. Gobat *casu 16.* “ Vide infra *cit. loc. num. xvi. & seq.*
quæst. vi.

XVI. P. Georgius Gobat *tractat. v. cap. xxxii. sec. 2. num. 19. & 20. pag. 552.*
 „553. „Liquido scio crebro fieri, præsertim inter plebeios, & rusticos, ut eodem
 „in lecto puella cum proco cubent aliquot horas induti, & exuti, & tamen
 „nihil omnino impudicum agant, vel nonnisi oscula, & turpes attestationes
 „exerceant. Unde iudico, non posse a Confessario negari absolutionem omnibus
 „illis puellis plebeis (aliud ob varias considerationes sentio de nobilibus) quæ

non videntur habere propositum numquam amplius admittendi in lectum procum suum. " Vide infra loc. cit. num. xviii.

XVII. P. Dominicus Viva *quest. 411. artic. 4. num. 5.* „ Unde inferunt Perez , Leander, Lugo, alique, posse absolvi adolescentes qui versantur cum feminis laborando, vel *conversando cum iis que in eadem domo non habitant* : quia licet aliquando in tali occasione mortaliter peccent *consensu, tactibus, & etiam copula, ea tamen occasio censetur de se remota*. Quandoquidem non solent homines ex tali occasione SEMPER, AUT FERE SEMPER PECCARE MORTALITER. " Vide infra loc. cit. num. xxv. & seq. *quest. x.*

XVIII. P. Georgius Gobat *tract. vi. num. 261.* „ Dico vi. tametsi confessionem differendo usque ad articulum mortis, vel Pascha, certus sis te ob hanc dilationem esse obliturum multa crimina, haud tamen inde oritur tibi obligatio *confitendi* citius. Ita sane tenet communis sensus, ut reor, tum contentium, tum *Confessariorum*. " Vide infra *diff. iv. de confess. cap. 11. num. xxxii. quest. ix.*

XIX. Leander *tract. v. disp. 111. quest. xix.* (*Qui recipere alia sacramenta volunt (præter Eucharistiam) tenentur ne divino iure confiteri?*) hæc scribit. „ Sed certissime me respondeo, non teneri: quia nullum extat præceptum circa hoc impositum, ut clare colligitur ex Trident. . . . Sic Victor. Sylvester, Angel. P. Soto, quos citat, & sequitur Suarez, Fagundez, Lugo, Villalobos, & omnes communitur. " Vide loc. cit. num. xxxiii. & seq.

XX. P. Claudius La-Croix *Lib. VI. part. 11. num. 944.* „ Mors, exultio domus; privatio rationis, motus venereus dicuntur effectus peccati: & de illis queritur, an, & quando secuti sunt, etiam sint simul explicandi in confessione: an e contra satis sit dicere: Transfodi, intendens mortem proximi, Incendi domum proximi, Potavi prævidens periculum ebrietatis, Locutus sum turpia prævidens motus venereos, *tacendo quod omnia ista reipsa secuta sint.*

„ Probabilius videtur non esse obligationem per se loquendo consistendi talem effectum. Ita Vasq. Salas, Granad. Lugo, Bonac. &c. . . . Licet effectus fuerit in peccato, veluti causa prævisus, aut etiam intentus, tamen talis effectus proprie dici non potest peccatum, uti probatum est *Lib. V. num. 33.* cum neque in se sit peccatum, neque etiam externe compleat peccatum, secundum dicta 943. ergo non est obligatio illum consistendi, quia non est obligatio consistendi aliud quam peccatum. Nec obstat quod non retractarit causam. Nam sive retractarit, sive non, effectus manet suo modo æqualiter immutabilis, non tamquam culpa, sed tantum tamquam effectus culpæ præteritæ, uti explicatum est *Lib. V. num. 42.* Et consequenter talis homo satisfaciet dicendo, Proieci breviarium, prævidens me tanto tempore non posse orare, Porrexi proximo venenum intendens eius mortem: tacendo, an horas non orarit, & an

„ mors sit secuta nec ne .“ Vide *loc. cit. cap. iv. num. xxiii. & seq. quæst. viii.*

XXI. P. Gobat *trac. vii. num. 324.* „ Non contrahitur, adeoque confitenda non est malitia circumstantiæ *mutantis speciem*, nisi pœnitens, quando peccatum committebat, saltem dubitavit, an non adesset circumstantia talis, & an non contraheretur propter illam peculiare peccatum. Ita fert communis sensus Theologorum. *Utræ, mi bonæ vir*, frequenter hac regula, præsertim in excipiendis confessionibus rudium, & nominatim, quando malitia circumstantiæ est nota soli Doctorem vulgo.“ Vide *infra loc. cit. cap. v. num. iiii. quæst. i.*

XXII. P. Dominicus Viva in *Cur. Theol. mor. Tom. II. part. vi. quæst. v. num. 11.* „ Licet teneatur pœnitens respondere Confessario interroganti consuetudinem peccati, cum opposita sententia sit damnata ab Innoc. XI. . . . tamen per se loquendo non est aperienda huiusmodi consuetudo.“ Vide *infra loc. cit. num. xvi. quæst. x. & seq.*

XXIII. De Lugo *disp. xvi. sec. iv. §. 7. num. 202.* „ Ille qui per plura periuria comparat consuetudinem peierandi, eo ipso constituit se in periculo & occasione proxima peierandi postea. Ergo debet in confessione explicare illam circumstantiam consuetudinis, quatenus includit periculum morale, & occasionem proximam ad peccata subsequenda &c. . . .

„ Adhuc tamen regulariter non videtur necessario explicanda illa circumstantia : tum quia homines non attendunt communiter ad illud periculum morale sequentis peccati, quando aliquod peccatum committunt, nec facile discerni potest, quando consuetudo perveniat ad eum gradum, ut inducat occasionem moralem proximam aliorum subsequentium peccatorum : tum etiam quia exponere se periculo fornicationis verbi gratia, non habet malitiam speciem diversam ab ipsa fornicatione . Cum ergo explicuit in confessione præcedenti suam fornicationem, iam explicuit totam malitiam speciem illius peccati . Nam circumstantia illa periculi, quod subit alterius fornicationis, non addit malitiam speciem diversam, licet aggravet intra eandem speciem. Unde regulariter non videtur obligandus pœnitens ad fatendam necessario consuetudinem, nisi interrogetur.“ Vide *infra diff. iv. de conf. cap. v. num. xxi. & seq. post quæst. x.*

XXIV. Idem de Lugo *ibi num. 204.* „ Maior difficultas esse potest de consuetudine posterioris generis, quæ scilicet est causa faciendi similes actus absque deliberatione sufficienti, vel advertentia. In quo casu certum in primis videtur actus subsequentes sine deliberatione præsentis factos non esse nova peccata, sed solum esse peccata in sua causa, nempe in consuetudine præcedenti libere volita, seu esse effectus peccati, ut cum aliis probat Thomas Sanchez . . Suarez . . Unde non erit necesse iuramenta sequentia absque advertentia prolata in con-

„ *sessione explicare*, sed solum causam culpabiliter antea positam, nempe consue-
 „ tudinem illam volitam, aut permissam, ut notat idem Sanchez. “ Vide *loc. cit.*
num. xxiv. & seq.

XXV. P. La-Croix querit Lib. VI. part. 11. num. 973. *an illa quæ ex consuetudi-*
ne mortaliter mala postea inadvertenter sunt, fini consiendæ. Resp. num. 974. „ Si
 „ supponamus, quando ista sunt, nullam prorsus adesse advenientiam malitiæ;
 „ talia non habebunt ullam novam malitiam, uti constat ex dictis *Lib. V. a num. 16.*
 „ & consequenter cum ista in se non sint peccata, nec externe compleant pec-
 „ carum aliquod internum, sed tantum sint effectus peccati secundum dicta num.
 „ 944. *non est obligatio illa consiendi Quod verum est, secundum multos cum*
Dicañtil. quamvis illa consuetudo non sit retractata. “ Vide *loc. cit. num. xxvi. & seq.*
quest. xi.

XXVI. P. Thomas Tamburinus *Lib. II. meth. confess. cap. vii. §. 7. num. 48.*
 „ Dico, probabile esse, nec consanguinitatem ab affinitate ex S. Th. 2. 2. *quest.*
 „ xvi. art. 9. & Caiet. *ibid.* nec unum gradum ex his differre specie ab aliis.
 „ Sic Filliuc, dicens esse opinionem S. Th. Caiet. Soti, & fere Thomistarum,
 „ Griptus . . Megala . . uterque apud Dianam. Unde licet sine dubio gravius sit
 „ contra unum gradum delinquere, v. g. contra primum cum MATRE, quam contra
 „ alium, v. g. cum consobrina: tamen quia non mutatur species, puto non esse ea
 „ speciatim manifestanda in confessione. “ *loc. cit. num. xxviii. & seq. quest. xii.*

XXVII. Salmanticenses *tract. xxiv. disp. viii. dub. 4. §. 2. num. 202. pag. 140.*
 inquirunt. „ Secundo modo contingit Confessarium inquirere de his circumstantiis,
 „ non ob motiva aliqua specialia, & accidentalia, qualia proxime recensuimus;
 „ sed quia in ea opinione est, quod aggravantes notabiliter intra speciem debent
 „ in confessione explicari. Et tunc pœnitens, quia scit saltem *præfice*, & ex a-
 „ liorum testimonio nostram sententiam negantem esse tutam, communiorem, &
 „ probabiliolem contraria, non tenetur ad illam Confessarii interrogationem responde-
 „ re; sed potest cum reverentia dicere, se explicuisse quod debuit, & posse reticere
 „ quod tacet, nec ad amplius teneri: quia scit circumstantias notabiliter aggravantes,
 „ v. g. quantitatem rei ablata, de qua inquiritur, non esse materiam necessariam
 „ confessionis. Et his dictis nequit Confessarius illum amplius cogere: nec illi ex vi
 „ huius absolutionem denegare: quia pœnitens procedit secundum tutam & probabi-
 „ lem opinionem, atque adeo recte agit, & cum eo se potest AC DEBET Confessa-
 „ rius conformare. “ Vide intra *loc. cit. cap. vi. §. unic. num. vi. & seq.*

XXVIII. P. Dominicus Viva *quest. v. art. 4. num. 2.* „ Quare satis est in con-
 „ fessione dicere: Toties morose delectatus sum de copula illicita, non explican-
 „ do, an cum nupta, vel cum Moniali, consanguinea &c. vel toties morose de-
 „ lectatus sum de occisione hominum, non explicando, an sit circa patrem, vel

„ Sa-

„ Sacerdotem, vel inimicum, aut alterius conditionis. “ Vide *loc. cit. cap. VII. num. II. & III.*

XXIX. P. Claudius La-Croix *Lib. VI. part. 2. num. 1030.* „ Qui sine ullo desiderio personam *venereæ* aspicit, non tenetur dicere (in confessione) qualis persona fuerit. “ Vide *loc. cit. num. 1v.*

XXX. Idem La-Croix *ibid. num. 1031.* „ Qui sine desiderio *venereæ* attigit puellam, secundum Dianam . . . satisfacit dicendo se toties attigisse turpiter, nihil dicendo de partibus, in quibus attigit. „ Subdit: Alii *probabiliter* dicunt expremendum, si partem turpem attigerit. “ Vide *num. v.*

XXXI. Idem *ibid. num. 1040.* „ Qui fornicatus est cum tribus diversis, vel ter cum una, satisfacit dicendo, se ter fornicatum, nec tenetur dicere, an fuerit una, vel plures, an fuerint meretrices, an aliæ, dummodo non sit cooperatus ad impediendam generationem. Bonacina, Tamburinus. “ Vide *num. vi.*

XXXII. Idem *ibid. num. 1041.* „ Si Sacerdos fornicetur cum filia confessionis, S. Th. Sot. Sanch. & alii gravissimi Auctores, quos refert, & sequitur Averfa *quæst. 16. l. 14.* adhuc dicunt contrahi novam speciem malitiæ, quia ius canonicum vocat quoddam adulterium, vel incestum: & reipsa videtur esse species irreverentiæ, & sacrilegii in sacramentum. E contra esse simplicem fornicationem, ac posse taceri, quod fuerit *filia confessionis*, docent Ledesm. Vasq. Sa, Bon. Filliuc. I. San. Pontius G. Hurt. Ochag. Dic. Tamb. Dian. Lugo: quia ex confessione nulla oritur cognatio spiritualis, uñ certum est, nec apparet cur censeatur fieri irreverentia sacramento iam præterito, cum peccatum non habeat respectum ad illud. *Utraque sententia est probabilis. Prima est conformior iuri canonico; sed secunda videtur ex ratione probabilior.* “ Vide *loc. cit. num. VII. & seq.*

XXXIII. De Lugo *de pœnit. disp. XVI. sec. III. num. 142.* „ De circumstantia sollicitantis feminam ad fornicationem, an sit explicanda; an vero sufficiat facti fornicationem; placet quod cum aliis docet Valquez, non esse explicandam illam circumstantiam: quia illa malitia habetur, licet non ita gravis, quando aliquis non sollicitat: adhuc enim participat cum illa in suo peccato, & est causa cooperationis ad eius ruinam. “ Vide *loc. cit. num. ix.*

XXXIV. P. Dominicus Viva *quæst. v. art. 4. num. 10.* „ Si quis alium sollicitavit, & peccatum non est secutum, debet id in confessione explicari: si tamen peccatum est secutum, putat *probabiliter* De Lugo, & Tamburinus contra Sanch. & Bonac. non esse explicandum, quod primus invitaveris, quia quamvis graviter peccaveris invitando, adhuc tamen es particeps peccati illius, etiam si non invitaveris. “ Vide *loc. cit. num. x.*

XXXV. P. La-Croix *Lib. VI. part. 2. num. 1072.* „ Probabile est quidem, quod
„ oscu-

„ oscula, tactus, aspectus, turpiloquia, etiam publice facta in loco sacro, non ha-
 „ beant rationem sacrilegii; ideoque opus non sit dicere esse ibi facta, uti tenent
 „ Sanchez, Averfa, & alii cum Diana. “ Vide *loc. cit. num. xx.*

XXXVI. Leander *disp. viii. quest. xlii.* „ An si aliquis peccatum committit
 „ in die qua Eucharistiam sacram sumpsit, teneatur hanc temporis circumstantiam
 „ fateri? Probabilius respondeo non teneri per se loquendo, quia alias Sacerdos,
 „ qui quotidie celebrat, deberet in singulis peccatis explicare illam circumstantiam
 „ Missæ celebratæ illo die, quod nemo facit. Sic Homobonus, Lugo, Diana, Trul-
 „ lench. Valquez &c. Vide infra *loc. cit. num. xxix.*

XXXVII. Idem Leander *trakt. v. disp. viii. quest. xxv.* „ An debeat explicari
 „ effectus subsecutus, an vero sufficiat confiteri causam: v. g. an satis sit in con-
 „ fessione dicere, te letale venenum dedisse alicui, ut moreretur; an vero ne-
 „ cesse sit addere, quod interfecisti cum veneno? . . . Probabilius respondeo, suf-
 „ ficere confiteri actionem non internam voluntatis, sed externam, qua vene-
 „ num præparasti, & dedisti; *quævis* non confitearis effectum, seu mortem ex
 „ illo secutam: quia in confessione solum debent necessario explicari peccata: sed
 „ ille effectus, quando consequitur, non est actu peccatum, sed effectus peccati
 „ Sic Vasquez, Granados, Azor. Bonacina, Diana, Suarez, Curiel, quos omnes
 „ refert, & sequitur Lugo *disp. xvi. art. 2. num. 430. ubi doctissime de hoc puncto agit.* “
 Vide infra *loc. cit. num. xxx. & seq.*

XXXVIII. P. Dominicus Viva *quest. 11. art. 2. num. 3.* „ An qui certus est de
 „ peccato mortali commissio, dubitat tamen positive, an illud confessus fuerit, ita
 „ ut habeat rationem probabilem, quod confessus fuerit, & probabiles etiam, im-
 „ mo probabiliore ratione, quod non fuerit confessus, teneatur illud confiteri?
 „ Respondeo pariter negative cum communi Doctorum, quos citat Martinus Pe-
 „ rez contra Conink apud Dianam. “ Vide infra *loc. cit. cap. viii. num. 111.*
 & seq.

XXXIX. Idem P. Viva in *curf. Theol. mor. de poenit. quest. 11. art. 2. num. 6.*
 „ Respondeo fere communissimam antiquorum Doctorum sententiam fuisse, quod
 „ teneatur homo peccata negative dubia clavibus subicere. Et Thomas Sanchez
 „ id omnino certum reputat . . . Hac de causa P. Matthæus Moya nostræ Socie-
 „ tatis, qui fuit a confessionibus Mariæ Annæ Hispaniarum Reginæ, in selectis
 „ quæstionibus de sacramento poenitentiae, postquam asseruerat opinionem se con-
 „ trariam per triginta annos etiam in scholis docuisse, disc. 1. quæst. v. hæc ha-
 „ bet. Nihilominus re maturius considerata standum censeo pro contraria & com-
 „ muni sententia offerente obligationem peccati dubii: ad quod hoc uno efficaci argu-
 „ mento ducor, quia Sacramentum poenitentiae institui potuit a Christo Domino cum
 „ hac obligatione. Quod autem instituerit, suadet communis Catholicorum sensus, &
 „ tra-

traditio a tempore Apostolorum usque ad nostra continuata tempora, ratione cuius vel
ut INCONCUSsum DOGMA præceptum consistendi peccata dubia æque ac certa
non tam probarunt quam supposuerunt Doctores. Ut enim ait Augu^s. Lib. IV. con-
tr. Donat. Quod universa tenet Ecclesia &c. Hactenus P. Moya. His adde Lean-
drum, ac Tamburinum ipsum, quamvis patronos in benigniores opiniones. "

Num. 7., His tamen non obstantibus, puto probabilem esse ac TUTAM opi-
nionem contrariam, asserentem peccata dubia negativa non esse materiam ne-
cessariam sacramenti pœnitentiæ, quam sequuntur plurimi Auctores apud Men-
do, & Dianam, & alios ... quos usque ad viginti duos numerat Caramuel ...
Quibus adde Lessum, Sa, Loyman, Præpos. Amicum, Leandr. Haunoldum, nec
non Ferrandinum de scandalo quæst. lxxvii., ubi citat Revisores Societatis IESU
sentientes posse NUNC in scholis nostris hanc sententiam permitti, quam aperte &
ex professo Con. Marchant. Ioseph de Ianuario, Martinonius, & alii multi scri-
ptores iudicant probabilem: quamvis OLIM secundum nostras regulas permitti non
poterat; cum vix reperiretur unus scriptor qui illam aperte tueretur, ut iidem
Revisores apud Tamburinum testantur. NUNC TAMEN, ut notat Dia-
na, IN DIES MAGIS RADICES AGIT. " Vide infra diff. IV. cap. VIII. num.
xvii. & seqq.

XL. Idem P. Viva quæst. 11. art. 2. num. 7., Neque dicas praxim Ecclesiæ; &
consensum Doctorum per sexdecim sæcula uniformiter existimantium institutum
esse a Christo Domino sacramentum pœnitentiæ cum obligatione consistendi
peccata dubia, reddere nos certos de tali lege, & institutione.

Nam quamvis VERUM SIT quod usque ad præteritum sæculum VIX UNUS
AUCTOR reperiatur qui aperte NOS deobliget a consistendis peccatis negati-
ve dubiis; at non inde id ortum est, quia in sententiam obligantem omnes
scriptores calamo iverint, sed quia ab ea quæstione abstinuerunt. Cum autem
NUNC in terminis agitur, & plurimi sententiam deobligantem sequantur,
hæc reddita est PROBABILIS. " Vide infra loc. cit. num. xxxv. & seq.

XLI. P. Georgius Gobat tract. vi. num. 479., Negat P. Conink l. 6. num. 98.
esse probabilem opinionem arbitrantium, quando adest tanta multitudo conside-
ri volentium pro aliquo celebri festo, ut Sacerdos nequeat omnibus satisfacere
audiendo omnes integre, posse singulis dicere, ut aperiant solum graviora & mor-
talibus, reliqua differant ad aliud tempus. Censeo ego, salvo meliori iudicio,
eam opinionem posse probabiliter sustineri, casu quo multi ex longinquo adve-
nissent, obtinendæ alicuius grandis indulgentiæ confessionem, & communionem
requerentis causa. " Vide infra loco cit. cap. ix. num. 111. quæst. 1.

XLII. P. Ioannes Baptista Gormaz disp. v. de absol. sec. 2. §. 2. num. 266. pag.
775. & seq., Quapropter etsi forte quis ACTUALITER PECCANDO subito
,, de-

„destituatur sensibus, REGULARITER sine absolutione dimittendus non est;
 „cum rarissime contingat ut mortì vicinus non velit salutì suæ consulere, *saltem*
 „per attritionem, qua non constat interne carere, quamvis externe sit sensibus
 „privatus: per conditionem enim evitatur iniuria sacramenti &c. Sic Bonagra-
 „tia supra citatus. Vide Gobat tract. 7. num. 597. usque ad 625. Vide infra loc.
 cit. num. xvi. & seq.

XLIII. P. Claudius La-Croix Lib. VI. part. 2. num. 1255. §. 5. „Rigoristæ dicunt,
 „causam relaxandi disciplinam quoad poenitentias esse refrigercentem caritatem
 „fidelium. Sed contra est: nam potius inter causas fuit, 1. ne confessio ab hæ-
 „reticis impugnata velut impossibilis per duras poenitentias magis redderetur odio-
 „sa. 2. quia successu temporis plures fuere Sacerdotes, apud quos frequentarentur
 „confessiones ad emendationem utilissimæ, & qui in hoc foro interno aliter mede-
 „rentur peccatis per medicinas benigniores. 3. quia animadversum est, *benignas*
 „poenitentias plus prodesse quam rigidas, quod per benignas magis *allicerentur* fi-
 „deles ad sacramentum poenitentiae, & Eucharistiae. 4. quia occasione belli sacri
 „contra Turcas *inductus est usus indulgentiarum*, qui ... est modus satisfaciendi
 „pro peccatis *utilior*, & certior quam observatio canonum poenitentialium. 5. quia
 „successu temporis instituti sunt Ordines Religiosi, qui sunt status poenitentium
 „utilissimi. Vide Francolinum Cler. Rom. part. 2. cap. 1. Vide infra diff. v. de
 satisfactione cap. vii. num. 1. & seq.

XLIV. P. Patritius Sporer Part. III. cap. iv. quest. 1. §. 3. num. 45. pag. 237
 „Excusatur Confessarius, ut nullam, vel levissimam poenitentiam iniungat
 „Quando quis lucratur indulgentiam plenariam, potest dimitti sine ULLA ALIA
 „MINUTA poenitentia; cum per illam indulgentiam satisfiat debito poenæ. Et-
 „si autem id raro pro certo, sufficit quod *probabiliter* credatur. Vide loc. cit. num.
 vi. quest. 1.

XLV. P. Dominicus Viva quest. vi. de poenit. art. 1. num. 1. „Immo Lugo disp.
 „xxvii. sec. 2. num. 24. putat eum qui lucratur indulgentiam, non obligari ad poe-
 „nitentiam, *etiamsi detur in medicinam*: quia medicus non præcipit, sed suadet
 „remedium, & solus iudex præcipit poenam. Quare si non tenetur poenitens ra-
 „tione indulgentiæ ad poenam quæ præcipitur, nec tenebitur ad medicinam, quæ
 „solum suadetur, nisi forte aliquando ad illam obligetur iure naturali, ne facile
 „labatur. Vide loc. cit. num. vii.

XLVI. P. Sporer Part. III. cap. iv. quest. 1. §. 4. num. 548. „Sententia sane gra-
 „vium Doctorum Soti, Caietani, Sylvestri, Medinæ, ac Navarri Man. cap. xxvii.
 „num. 20. nimirum liberum esse poenitenti acceptare, vel repudiare poenitentiam
 „a Confessario impositam, etsi maxime post Tridentinum, non intrinsece, *samen*
 „extrinsece *probabilis*, ad hoc servire potest Confessario, ut NEMINEM sine abso-
 „lu-

lutione remittat qui eam sententiam secutus, noller acceptare pœnitentiam impositam, paratus Deo satisfacere in hac vel in altera vita, dummodo aliquam vel LEVISSIMAM pœnitentiam subire velit, v. g. aliquot *Pater & Ave*, tunctionem pectoris &c. " Vide infra *loc. cit. cap. VIII. num. v. & seq. quæst. III.*

XLVII. P. La-Croix *Lib. VI. part. II. num. 1788.* „ Putant *Lamas*, & *Stoz* ad hoc munus (Confessarii) satis DOCTOS esse illos qui integram SUMMAM CASUUM diligenter legerint, vel attente AUDIERINT *explicari*. Quod si quis de se ipso dubitet, sistat se examinаторibus ab Episcopo, vel Superiore constitutis; qui si eum satis scire iudicent, potest acquiescere, & cum fiducia in Deum aggredi functionem, quamvis omnium maximam, & gravissimam. „ *Stoz, Sporer.* " Vide infra *Lib. II. diff. I. cap. v. num. III.*

XLVIII. Idem La-Croix *ibidem num. 1795. pag. 284.* " *Reſte notat* GOBAT *trahat. VII. num. 321.* Confessarium debere scire SENTENTIAS PLURES, quæ vere probabiles sunt, circa materias morales, eo quod sæpe, ubi non agitur de valore sacramenti, non possit, nec expediat pœniterentes dirigere SECUNDUM UNICAM DOCTRINAM. " Vide *loc. cit. num. VI. & seqq.*

XLIX. P. Dominicus Viva *quæst. VIII. art. I. num. 7.* " Innoc. XI. an. 1679. voluit ut Episcopi non permittant venialium confessionem fieri simplici Sacerdoti non approbato ab Episcopo, aut Ordinario . . . Puto tamen cum Carden. & aliis apud *Croix*, quod non sit invalida, & quod non exponeretur periculo frustrationis sacramentum: cum enim probabile sit iurisdictionem conferri Sacerdoti immediate a Christo Domino; & cum iurisdictione probabili valide confertur sacramentum pœnitentiæ, ut dicemus quæſito nono; idcirco valide confertur sacramentum a simplici Sacerdote absolvente dumtaxat a venialibus, aut a mortalibus alias absolutis. " Vide *loc. cit. differt. II. cap. IV. num. VIII. & seq.*

L. Salmanticenses *trahat. VI. cap. II. punct. 2. num. 16.* „ Rogabis primo, an si contingat quempiam bona fide contentem de solis venialibus alicui simplici Sacerdoti, habere fortasse occultum, & invincibiliter oblitum aliquod mortale, adhuc confessio, & absolutio valeat, qua indirecte etiam mortalia remittantur? Negat Candidus . . . Affirmant tamen *probabiliter*, in casu posito adhuc confessionem, & absolutionem valere, qua indirecte etiam mortalia remittuntur, cum onere tamen confitendi mortalia invincibiliter oblita legitimo Confessario, cum postea venerint in memoriam, & aderit tempus præcepti confessionis. *Suarez, Granados, Leander, Henrix.* " Vide infra *loc. cit. num. XII. & seq.*

LI. Leander *trah. v. diff. XI. quæst. XIV.* „ An saltem possit omnis Sacerdos nul-

„ lo modo expositus valide absolvere pœnitentem qui bona fide constitetur pec-
 „ cata venialia, & mortalia simul ? . . . Probabilius respondeo, posse in utroque
 „ casu valide absolvere a mortalibus ; licet certior factus pœnitens, quod Sacer-
 „ dos ille non habeat iurisdictionem super mortalia, teneatur iterum confiteri. “
 Vide *loc. cit.*

LII. P. Dominicus Viva *quæst. v. 111. art. 1. num. 16.* „ Respondeo iurisdictionem
 „ conferri, non solum quando errori communi adiungitur titulus coloratus . . .
 „ sed etiam *probabiliter*, si error communis non coniungatur cum titulo colora-
 „ to; puta, si Sacerdos non habens iurisdictionem bona, *vel mala fide* exponat
 „ se confessionalis ad confessiones audiendas, communiter censetur Confessarius
 „ approbatus. Ita Diana, Mossesius . . . Debet autem hic error esse probabilis,
 „ non vero *supinus*, aut *crassus*. “ Vide *loc. cit. num. xxx. & seq.*

LIII. Idem Viva *quæst. v. 111. art. 2. num. 1. & 2.* „ Videtur non licere confi-
 „ cere sacramentum pœnitentiæ cum iurisdictione probabili, saltem quando pot-
 „ est haberi iurdictio certa. Nihilominus censeo licitum esse absolvere cum iu-
 „ risdictione probabili . . . Hinc sequitur ab Innocentio XI. in prima ex eius
 „ proscriptis thesibus non esse damnatam hanc sententiam: QUIA DEBUISSET
 „ APERTE ILLAM DAMNARE, si voluisset, quod non solum in iis quæ per-
 „ tinent *ad materiam, & formam sacramenti*, sed etiam in iis quæ pertinent ad
 „ *iurisdictionem* sequamur opinionem tutiorem, omitta probabili, ut *multi viri*
 „ *docti censent*. “ Vide *infra Lib. II. diff. 11. cap. v. num. 111. & §. 1.*

LIV. P. Franciscus Fegelli *Part. I. cap. 11. num. 21. pag. 14.* „ Praxis & usus
 „ *omnium Confessariorum* obtinuit ut impendant absolutionem cum iurisdictione
 „ probabili. Ergo ne tot eorum actus sint irriti cum maximo pœnitentium da-
 „ mno, recte iudicatur Ecclesiam certissime conferre iurisdictionem, si antea non
 „ dabatur. “ Vide *loc. cit. §. 1. num. x.*

LV. P. Dominicus Viva *in curs. theol. quæst. 1x. art. 3. num. 2.* hæc disposuit,
 & resolvit. *Quæritur secundo, an ignorantes reservationem, illam incurrant: &*
idem quæritur de non advertentibus ad illam dum ACTU peccant. Post multa
 sic concludit. „ Quare a primo ad ultimum nec reservationem, neque excom-
 „ municationem incurrunt qui illas ignorant; & quia communiter Doctores in-
 „ advertentiam actuale, & oblivionem æquiparant ignorantiae invincibili, & in-
 „ culpabili, inde fit *quod non advertens ad pœnam sive reservationis, sive censu-*
re, illam non incurrat, non secus ac si ignoraret. Unde Sanchez *Lib. IV. cap.*
xxii. docet, quod si quis, verbi gratia, in pœnam periculi vovisset ieiunare,
 „ quoties mentitur, si deinde mentiatur advertens ad votum non mentiendi,
 „ non vero ad pœnam impositam ieiunandi, peccaret quidem, sed non tenere-
 „ tur ieiunare, ex hoc scilicet principio, quod pœna extraordinaria, & medici-
 „ nalis

„ nalis non incurratur ab eo qui illam ignorat , AUT NON ADVERTIT ad
 „ illam. “ Vide *loc. cit. cap. vi. §. 1. num. 11. & seqq.*

„ LVI. P. Patritius Sporer *Part. III. cap. vi. sec. 1. §. 3. num. 735.* „ Quintanad-
 „ venas rotunde scribens : Ignorantia reservationis , sive iuris , sive facti , *etiam*
 „ *fit vincibilis* , excusat a reservatione . Et sane sequitur manifeste ex dictis . Si
 „ enim dubium de reservatione ab ea excusat , multo magis excusabit ignoran-
 „ tia reservationis *etiam vincibilis* . “ Vide *loc. cit. num. x.*

„ LVII. Idem Sporer *ibidem* . „ Bene observat Gobat , merito censens , Confes-
 „ sarium regularem non fore fidelem suo Prælato , si nactus pœnitentem impli-
 „ citum peccato reservato , sed reservationis ignarum , non dicat expresse : Te
 „ quidem absolvo hac vice (*scilicet ex probabili opinione DD. & benigna inter-*
 „ *pretatione mentis Superioris* , ne bona fide procedens idem peccatum morta-
 „ le bis debeas confiteri) scito impostertum te a me non posse absolvi sine ex-
 „ pressa voluntate Superioris . Quod ipsum consulere soleo Parochis , & Vica-
 „ riis de reservatis casibus episcopalibus sollicitis : *loc. cit.* “ Vide *cit. num. x.*
 „ & seq.

„ LVIII. P. Dominicus Viva *in trutina in prop. 41. Alex. VII. num. xvi.* „ Dabi-
 „ tatur hic , an possit absolvi qui in occasione peccandi proxima versatus est ,
 „ antequam illam tollat ; præsertim si in alia confessione id promisit , & deinde
 „ non stetit promissis ? Nonnulli cum Con. *disp. viii. de pœnit. num. 133.* Fill.
 „ Azor. Sanch. putant absolvi non posse extra casum necessitatis : immo Carde-
 „ nas *diff. xl. cap. v. art. 4. num. 108.* putat id colligi ex propositione 61. Innoc.
 „ Xl. ubi damnatur , quod absolvi possit qui in proxima occasione peccandi ver-
 „ satur , quam potest & non vult omittere . Et ratio videtur esse , quia qui ad
 „ sacramentum pœnitentiæ accedit , antequam occasionem illam tollat , censetur
 „ eam nolle eiicere , atque adeo sine debito proposito efficaci non peccandi de
 „ cetero accedere ; quandoquidem in hoc ipso quod occasio peccandi non tolla-
 „ tur , quando potest tolli , peccatur . Neque obstat quod dicat habere propo-
 „ situm tollendi : nam si solum proponit illam tollere de futuro , & non statim
 „ tollit , eo ipso vult de præsentis in ea occasione manere , atque adeo peccat ;
 „ sicut qui appropinquante leone proponit fugere , & non statim fugit , censetur
 „ velle in periculo mortis manere .

„ Communi tamen cum *Suar. disput. xxxii. sec. 3. Tabiena* , & alii censent ;
 „ posse huiusmodi pœnitentem absolvi semel ac iterum , si appareant hic &
 „ nunc vera signa doloris , & propositi efficacis tollendi statim occasionem pro-
 „ ximam : immo *Corduba* , *Calet.* & alii putant , quod possit etiam *tertia* , &
 „ *quarta vice absolvi* ; esto sæpe expediat absolutionem differre , quousque pro-
 „ xima illa occasio tollatur . Debet tamen omnino absolvi , etiam ante separa-

tionem ab illa, tum si instet mortis periculum, tum si dilata absolutione, cre-
 datur non habiturus ille opportunitatem redeundi, aut ex alia causa non red-
 iturus. Ratio, cur videatur posse prima & secunda vice absolvi, est, quia
 poenit poenitens aut immediate ante, aut audiendo concionem, aut audiendo i-
 psius Confessarii admonitiones, excitari ad verum, & efficax propositum non pec-
 candi, in quo casu est sufficienter dispositus. Sic passim absolvuntur poenitentes
 per hoc quod proponant restituere, quamvis ante confessionem non restituerint,
 prout poterant: quia ex admonitionibus Confessarii potest hic & nunc confur-
 gere verum propositum restituendi, quod ante confessionem vel erat debile,
 vel putabatur sufficiens, esto per aliquod tempus opportunum restitutio esset
 differenda. Ergo hoc idem fieri potest in eo qui tenetur proximam occasio-
 nem tollere. Neque ex propositione illa 61. Innoc. XI. eruitur, quod absol-
 vi non possit: nam qui proponit occasionem statim tollere, non potest dici,
 quod illam velit de praesenti; sicut nec dicitur velle periculum mortis qui
 appropinquante leone proponit fugere statim ac potest. Cautè tamen in hoc
 procedendum, eo quod passim huiusmodi propositum non est efficax in eo qui
 potuit antecesser occassionem peccandi tollere, & nondum sustulit. Vide
 Lib. II. de poenit. diff. 111. cap. VII. §. 111. per totum.

LIX. P. Martinus Torrecilla plures opiniones laxas de sacramento poeniten-
 tiæ docet. Advertendum tamen, ab aliis quoque Casuistis easdem defendi, quos
 ego citare prætereo brevitatis causa.

„ In propositione 57. damnata ab Innocentio XI. circa attritionem natura-
 lem, videtur non venire damnatum dicere, sufficere attritionem supernatu-
 ralem existimatam, etsi in re naturalis sit. “ Idem Torrecilla in prop. damn.
 ad prop. 57. Innoc. XI. trad. VII. concl. 3. num. 19. fol. 461.

LX. Idem Torrecilla Tom. III. consult. consult. 12. miscel. num. 2. fol. 454. „ Quan-
 do confessio est tantum de venialibus, non requiritur dolor, attritione illa de
 qua Tridentinum sess. XIV. cap. 111. sed sufficit quod poenitens ad confessionem
 accedat desiderio & voluntate confitendi, sine actuali peccandi complacen-
 tia. “

LXI. Idem Torrecilla Tom. II. Sum. trad. IV. disp. IV. sec. 1. cap. 111. num. 17.
 fol. 418. „ Peccata sub dubio, etsi stricte tali positivo, negativove, non sunt con-
 fitenda necessario. “

LXII. Idem loc. cit. trad. 1. disp. XI. cap. IV. §. 2. „ Grave saltem non est in
 confessione sacramentali (praesertim si ea sit generalis, licet voluntaria) firmu-
 lare peccata gravia præterita, numquam exposita in confessione, quasi ante
 acta esset. “

LXIII. Idem ibid. §. 7. num. 312. fol. 73. „ Qui in confessione omisit letale,
 „ quod

„ quod ex conscientia erronea vincibili tale non putabat, non tenetur eo an-
 „ madverso, confessionem repetere, sed tantum peccatum quod omisit, confi-
 „ teri. “

LXIV. Idem *ibid.* §. 10. num. 633. fol. 86. „ Generatim rudes & ignorantes ad
 „ confessionem perficiendam possunt admitti, etsi nullum præmiserint examen. “

LXV. Idem *Tom. II. Summ. tractat. 1. disput. 11. cap. 1v. §. 10. num. 643. fol. 87.*
 „ Confessor potest absolvere poenitentem, etsi certo sciat in peccato mortali es-
 „ se, quod nec interrogatus confitetur: credere enim debet iustam causam illud
 „ negandi habere. “

LXVI. Idem *Tom. II. Summ. tract. 1v. disput. 1v. sec. 2. cap. 1. num. 30. fol. 426.*
 „ In tribus casibus potest simplex Sacerdos actu administrare sacramentum poe-
 „ nitentiae. 1. Si confessio sit de venialibus. 2. Si sit de mortalibus iam confes-
 „ sis, immo & de oblitis in aliis confessionibus. 3. In periculo mortis, & proba-
 „ biliter, etiam praesente Parocho, vel Sacerdote approbato. “

LXVII. Idem *ibid.* cap. 111. num. 28. fol. 432. „ Quilibet Sacerdos approbatus
 „ potest in vi Cruciatæ absolvere toties quoties a casibus occultis Bullæ Cœnæ
 „ Domini, hæresi excepta. “

LXVIII. Idem *ibid.* sec. 111. cap. 1. num. 34. fol. 442. „ Parochus eligibilis est in
 „ Confessarium vi Cruciatæ, aut Iubilæi in tota diœcesi, imo & in alienis. “

LXIX. Idem *ibid.* tractat. 1. disput. 11. cap. 1v. §. 5. num. 289. fol. 57. „ Regu-
 „ lares privilegio Bullæ Cruciatæ uti possunt, ut independentes a Prælatiis suis
 „ a quolibet Confessario absolvantur, etiam a casibus in Ordine suo reserva-
 „ tis. “

LXX. Idem *ibid.* tract. 1v. disput. 1v. sec. 11. cap. 111. fol. 436. „ Probabile est
 „ Regulares approbatos posse adhuc vi suorum privilegiorum absolvere a casibus
 „ occultis Bullæ Cœnæ, excepta hæresi. “

LXXI. Idem *Tom. in propof. damn. tract. 11. conf. 1. a num. 34. fol. 97.* „ Sacer-
 „ dos saltem regularis limitate approbatus pro certo genere personarum, vel pro
 „ hoc, vel illo loco, virtute Bullæ Cruciatæ, vel Iubilæi eligi a quibuscumque illi-
 „ mitate ad confessiones potest. “

LXXII. Idem *in propof. damn. diœ. tract. 11. conf. 1. num. 37. fol. 97.* „ In pro-
 „ positione 13. ab Alex. VII. damnata, non venit comprehensa sententia dicen-
 „ tium, Sacerdotem approbatum pro determinato tempore, eo transacto eligibi-
 „ lem esse per Bullam, vel Iubilæum; immo & locum habere potest, quando
 „ limitatio temporis absque ulla causa fuit posita, vel mala, vel libera volunta-
 „ te Ordinarii. “

LXXIII. Idem *ibid.* tract. 1v. disput. 1v. sect. 111. cap. 111. num. 17. & 18. fol.
 446. „ Approbatio semel absolute concessa Regularibus, nisi sit iusta causa revo-



„candi, saltem ab eodem Episcopo concedente, neque iuste, neque valide re-
„vocabilis est. “

LXXIV. Idem *ibid.* num. 20. & 21. fol. 447. „Nulla alia censenda est causa
„sufficiens ut Episcopus revocare licite, & valide possit approbationem semel
„absolute concessam Regularibus, nisi quia Regularis scandalose vivit, errores
„seminat, omnimode infordecit, vel mente captus sit. “

LXXV. Idem *ibid.* num. 9. fol. 449. „Probabile est, Regularem ab Episcopo ap-
„probatum, etiamsi diocesim mutet, semper, & ubique approbationem illi du-
„rare, solummodoque concessione iurisdictionis illius Episcopi, ad cuius diocē-
„sim transit, indigere. “

LXXVI. Idem *Tom. de Episc. tractat. 11. quest. 111. sec. 2. difficult. 13. num. 82.*
83. & 88. fol. 208. „Regulares semel approbati ab Episcopo unius diocesis ne-
„queunt ab eodem, neque a successore eius novo examini subiici; immo nec
„Sacerdotes sæculares, nisi licentia ipsis fuerit absque examine concessa, vel
„si examen præcesserit, alia iusta interveniente causa, ut examini subiician-
„tur. “

LXXVII. Idem *in propof. damn. tract. 11. consult. 4. a num. 3. fol. 107.* „Sacer-
„dos regularis approbatus ab Ordinario suo ad audiendas confessiones Religioso-
„rum, ubi non est recepta constitutio Gregorii XV. *Inscrutabili*, potest ex vi
„talis approbationis audire confessiones Monialium, etiam earum quæ Episcopo
„subiiciuntur. Et ubi est recepta, id ipsum virtute Cruciatæ possunt. “

LXXVIII. Idem *Tom. III. consultation. conf. de pœnitent. num. 1. & 2. fol. 342*
„Episcopus qui in ingressu suo per publicum edictum præcipit ut omnes Con-
„fessarii tam sæculares, quam regulares examini præsententur, & quod dicto
„termino transacto a confessionibus cessent, non solum iniuste, sed nulliter pro-
„cedit. “

LXXIX. Idem *in prop. damn. tract. 11. de pœnit. conf. 1. num. 26. & 27. fol. 96.*
„Omnes Regulares, adhuc & Religiosi, ac Equites S. Iacobi, Calatravæ, & Al-
„cantaræ, & pariter Moniales virtute suorum privilegiorum possunt confiteri
„cum quolibet Sacerdote simplici, etiam ad annum præceptum adimplendum,
„ut minimumque hoc non venit damnatum in propof. 13. ab Alexandro VII.
„damnata. “

§. III.

Opiniones quæ P. Balthafari Francolino æquo rigidiores videntur.

Propositiones quas æquo rigidiores P. Francolinus in Merbesio, Genneto, & Iuvenino deprehendit, tales mihi visæ non sunt. Nihiloscius, ut iterum palam faciam me a partium studio liberum esse, easdem transcribere, atque lectorum iudicio subiicere operæ pretium existimavi, quales referuntur a P. Francolino, cuius etiam animadversiones referam. Præmittit P. Francolinus, se non tamquam censorem has propositiones rescribere, sed ut ex illis iudicet lector, an sit aliqua in scholis doctrina iusto rigidior. Inquit enim: *Si ergo eorum doctrina rigidior est, iam rigidior doctrina, ac proinde RIGORISMUS multorum est.*

Aliquot Boni Merbesii propositiones, excerptæ a P. Francolino in suo opere inscripto Francolinus vindicatus, cap. 11. pag. 123. edit. Venet.

I. Merbesius. *Veri nominis, contritio, seu conversio cordis ad sacramenti valorem necessaria, Dei super omnia dilectionem exigit.* In Summ. Christ. Tom. II. pag. 37.

II. Francolinus. „Quamvis postea dicat, sufficere dilectionem Dei initialem, seu inchoatam, & non perfectam, significat præcise non requiri dilectionem intensam; ceterum veram caritatem theologicam requirit. Constat enim quod caritas, etiam remissa, est vera caritas theologica, sicut calor remissus est verus calor.“

III. Merbesius. *Ad veram contritionem non solum requiritur dolor de universis peccatis mortalibus generatim, & confuse conceptus; verum etiam specialis & distinctus de singulis peccatis, tam quoad numerum, quam quoad speciem conceptus.* pag. 54. col. 1.

IV. Francolinus pag. 123. „Quamvis autem moneat satis esse ut id fiat unico actu, vult tamen ut is actus tendat in peccata singillatim recogitata, secundum speciem, & numerum.“

V. Merbesius. *Ab Sanctis Patribus quatuor afferuntur rationes ob quas Sacerdos penitentium reconciliationes differre teneatur. Si quis dixerit, id iam nec fieri posse, nec debere, tamen si priscis temporibus falsitatum; respondeo, quod*

olim facilitatum est, nostris etiam hisce temporibus esse faciendum, si eadem illæ rationes propter quas id olim usurpatum est, nostra etiam hac ætate vigeant. pag. 94. Affert autem ibidem solas has quatuor rationes. Prima, inquit, ut ex diuturnitate temporis, & difficultate curationis mali ab semetipso perpetrati magnitudinem peccator intelligeret. Secunda, ut ipse peccator reconciliationem, ad quam per tot gemitus, & labores pervenerat, affectus, studiosius peccatum effugeret, atque ita partem tot lacrymis gratiam diligentissime retineret. Tertia, ut inde liqueret, quanta obstinatos peccatores alia ex aliis peccare solitos, maneat supplicia, si tam ægre ad Deum reverti propterantibus, & pœnitentiæ labores obeuntibus, remissionis gratia conceditur. Quarta denique, ut intima cordis conversio soli cordium scrutatori bene perspecta, & cognita, tandem per aliquod saltem tempus inter pœnitentiæ labores exhibita, in Sacerdotum notitiam deveniret.

VI. Francolinus pag. 124. „Cum autem hæ rationes etiam modo vigeant, si „olui viguere, sequitur quod etiam modo debeat differri absolutio . . . Lo- „quendo de pœnitentibus qui habent inveteratum habitum peccandi, sic dispo- „rit (Merbesius.) *Eiusmodi homines non sunt cito absolvendi, quia nonnisi ægre admodum convertuntur ad Deum, sicut oportet. Nam, ut ait Sanctus Thomas 1. 2. quæst. lxxviii. art. 2. ad 3. „ille qui peccat ex habitu, semper gaudet de hoc „quod ex habitu operatur, quamdiu habitu utitur; sed quia potest habitu non „uti, sed per rationem, quæ non est totaliter corrupta, aliquid aliud medita- „ri, potest contingere quod non utens habitu, doleat de hoc quod per habi- „tum commisit; & sic plerumque tales pœnitent de peccato, non quia eis pec- „catum secundum se displiceat, sed propter aliquod incommodum quod ex pec- „catō incurrunt.* “ *Hæc Sanctus Thomas. Ergo cum peccantibus ex habitu vitio- so non displiceat peccatum secundum se, quatenus scilicet est offensa Dei, sed propter aliquod detrimentum, vel incommodum temporale, quod ex ipso percipiunt; ita affectis, sicut & quibuslibet aliis ita animatis, ad tempus deneganda est, & differenda sacramentalis absolutio, donec eorum conversio per dignos pœnitentiæ fructus ex inchoato saltem Dei amore concepta cernatur, & appareat.*

VII. Francolinus pag. 124. „Omitto quod hic Merbesius addit de suo verbum „illud *temporale*, quod non est in textu D. Thomæ, quem ipse allegat: quod- „que S. Thomas non agit ibi de accedentibus ad confessionem, ad quam qui „sponte accedunt, non solent dolere de peccato ad vitandum aliquod incom- „modum temporale, sed *saltem* ex timore gehennæ cum spe veniæ, & ut re- „concilientur cum Deo, adeoque cum aliquo amore Dei. Illud videtur into- „lerabile, quod tam multa is Auctor exigat, ut hi pœnitentes tandem absol- „vantur. “

VIII. Duo obiter in doctrina P. Francolini animadverto, minime ut sive Mer-
be-

bessii, sive Iuvenini, sive Genneti vindicias fuscipiam, sed ne imperiti errent. Utique in textu S. Thomæ non est illud *temporale*, sed est in P. Viva, & aliis infra citandis. Qui sponte accedunt (inquit Francolinus) non solent dolere de peccato &c. Spontaneus ergo accessus ad confessionale argumentum est sufficientis doloris pro sacramento fuscipiendo? Hanc doctrinam, quæ mihi videtur iusto laxior, quamque permulti Probabilistæ docent, infra resellam. Eam nunc indicasse sufficiat.

IX. Merbesius. *Contraria vitiosis habitibus adhibenda sunt remedia: ergo peperam agunt Confessarii qui ad profigandos superbiam, avaritiæ, libidinis, ebrietatis, & maledicentiæ habitus, qui radices habent altiores, aliquot dumtaxat preces iniungunt.* pag. 121.

X. Francolinus pag. 124. „Hos Confessarios sic generatim nec Sanctus Thomas, nec Sanctus Antoninus damnat, apud quos excusatur, aut etiam laudatur Confessarius benignius agens cum pœnitentibus infirmæ virtutis, in quibus „gravius onus pœnitentiæ exiguum contritionis ignem extingueret.“

XI. Merbesius. *Si pœnitens crebro in peccata letalia caderet, probari posset per duos menses, vel toto trimestri; quo exeunte, si vera prospiceretur emendatio professæ ex integra eius fidelitate, & ex vi qua peccata diuturna consuetudine insita ex animo revellere conatus esset, posset absolvi.* pag. 141. col. 2.

XII. Francolinus pag. 124. „Sed quid fiet cum illis qui aut redire non possunt amplius, aut redire non possunt tempore constituto, qui certe sunt innumeri?“

XIII. Merbesius. *Satisfactionem admissorum non potest pœnitens alteri reservare sæculo, ut in purgatorio impleatur.* pag. 165. col. 2.

XIV. Francolinus pag. 125. „Si sensus sit quod neque pars possit alteri sæculo reservari; propositio opponitur doctrinæ Raymundi, Humberti, Antonini, ut „patebit consulenti eorum Summas.“

XV. Merbesius. *Pœnitens cui certo confiteris sibi leviolem quam sua mereantur crimina, ex pravi Ecclesiæ satisfactionem ab Sacerdotibus impostam esse, ad aliam ultro assumendam tenetur, quæ quidem tota ad aliquam æqualitatem cum pena temporali pro peccatis debita, perveniat.* pag. 185. col. 1.

XVI. Francolinus pag. 125. „Addit rationem, quam dicebam, nempe præceptum naturale, & divinum satisfaciendi Deo per pœnam culpæ correspondentem. Quæ hinc angustia in miseros pœnitentes, qui de hoc ipso dubitabunt, „an vere careant hac certitudine, quique, ut prudenter iudicent, an ipsi servent hoc divinum præceptum, tenebuntur scrutari, quæ sit praxis Ecclesiæ „circa hoc. Et hinc iterum angustia.“

XVII. Merbesius. *Oportet quemcumque Sacerdotem, animas in pœnitentiæ tribu-*

nali

nali rite moderari, & regere cupientem, imbutum esse & instructum notitia canonum, seu regularum quas Sancti Patres, & Concilia ad plebenda mortalium flagitia & condiderunt, & promulgarunt: alioquin perumpet decretum Celestini Pontificis sanctissimi, insertum in corpus iuris, hisque verbis conceptum: Nulli Sacerdotum liceat suos canones ignorare, aut quidquam facere quod Patrum possit regulis obviare. pag. 182. col. 2.

XVIII. Francolinus pag. 125. „Utile profecto est hos canones perdiscere, & „ideo Confessarii monentur ut eos nosse satagant; at necessarium id esse, & lege præceptum, non probatur eo mandato Celestini, quod aut modo non adstringit, cum canones pœnitentiales non sint in usu; aut non loquitur de illis, cum eorum notitia non esset omnibus Sacerdotibus quos ibi alloquitur Celestinus, necessaria, & forte nec omnibus Confessariis. “

XIX. Rigorismi Merbesium arguit P. Francolinus. Sed audiant omnes iudicium quod de Summa Merbesii tulit sapientissimus Cardinalis de AGUIRRE differt. x. in Concil. Hispan. excur. 11. ubi hæc habet. „Merbesius Doctor Theologus, & valde versatus in canonibus sacris, ut ostendit Summa Christiana ipsius edita duobus vastis voluminibus Parisiis ann. 1683. . . . Non sum nec scios id opus a nonnullis inculari nimis severitatis sive rigoris. Sed fortasse, ut ita censeant, in plerisque rebus germana causa est, non quia sententia ipsius strictiores iusto sint, sed quod illorum conscientia laxa est; ut hic quodammodo locum habeat dictum illud vetus: *Pedes tui non calcant spinas, sed habent.* “

Gasparis Iuvenin propositiones.

I. Iuvenin pag. 503. edit. Lugd. col. 2. init. hanc statuit conclusionem: *Eo intentus debet esse peccati odium, quo graviora sunt crimina.*

II. Francolinus pag. 126. num. 5. „Additque id esse in præcepto secundum aliquos, quos, licet secundum aliquos non sit. Ipse autem iam ingerit scrupulum, dum vult ut ad amovendum scrupulum impensus, & sæpius debitam contritionis intentionem a Deo postulemus. “

III. Iuvenin. *Qui solo timore pœnæ dolet, de sua contritionis supernaturalitate cum fundamento dubitabit.* pag. 509. col. 2.

IV. Iuvenin. *Divinum præceptum confessionis obligat lapsum intra breve tempus, ita ut lapso non liceat in multum tempus secundum prudentem estimationem suam confessionem differre.* pag. 63. col. 2.

V. Francolinus pag. 127. „Hæc propositio est contraria omnibus Doctoribus, uno vel altero excepto, ut dictum est. “

VI. Iuvenin. *Iure divino est necessaria satisfactio lapsi post baptismum.* pag. 676. col. 2.

VII. Francolinus pag. 127. „ Et quidem condigna, ita ut levis iniungi non possit pro gravibus, ut postea probare contendit. Igitur cum Ecclesia non possit dispensare in præceptis divinis & naturalibus, male dispensavit in hoc, ut certe fecit æquissime. “

VIII. Iuvenin. *Periculum est ne viri nobiles, qui magno sue famæ desiderio tenentur, ruant ad duella, si in iis locis permaneant in quibus prævident suam famam, quam depereunt, adducendam esse in discrimen. Dimittendi sunt igitur absque sacramento, si ex iis locis discedere detrectent.* pag. 742. col. 2.

IX. Francolinus pag. 1227. „ Hoc periculum non videtur proximum, nec ea prævisio officere videtur, si alioquin habeant firmum propositum abstinendi ab omni peccato. Alioquin vix ullus miles nobilis potest absolvi. “

Rigorismus Francisci Genneti Episcopi Vasonensis.

I. Gennetus Tom. IV. tract. vi. cap. v. quæst. xix. „ Requiritur ut possit Confessarius prudenter iudicare contritionem penitentis includere quatuor circumstantias quas Tridentina Synodus censuit necessarias &c. *Tertia est firmum consensumque, seu non vacillans novæ vitæ propositum.*

II. Francolinus Lib. II. disp. x. num. 26. pag. 99. edit. Venet. „ At ipsi forte non vident suæ doctrinæ consequentias, ut certe eas non vidisse dicendus est Franciscus Gennetus in sua recentissima Theologia morali edita Parisiis anno 1703. Ex pluribus exemplis *rigidissimæ ipsius doctrinæ*, unde gravia sequantur absurda, unum afferam ex Tom. IV. tract. vi. de sacram. penit. ubi cap. v. quæst. xix. docet, ad veram contritionem, in hoc sacramento requisitam, esse necessarium *constans propositum* : non inquit, propositum, sed *constans propositum*, idque debere innotescere Confessario. “

III. En Rigorismus Genneti. Ad veram peccatoris in Deum conversionem non modo requirit *propositum* utcumque, ut fieri solet, sed *firmum, consensumque, seu non vacillans*. Hæc autem doctrina, clamat P. Francolinus, non rigida tantum est, sed etiam *rigidissima*. Rigorista ergo est S. Paulus, qui II. Cor. vii. docet : *Quæ enim secundum Deum tristitia est, penitentiam in salutem STABILEM operatur.* Et tamen hoc est potissimum exemplum quod affert P. Francolinus, ut demonstret doctrinam Genneti esse *rigidissimam*, nedum rigidam. Si quis diceret, oppositam P. Francolini doctrinam, nempe ad veram penitentiam sacramentalem sat esse *propositum inconstans, & vacillans*, esse laxissimam, ablueret ne a vero?

Bre-

Brevis Animadversio.

Conferat nunc lector præiudiciorum vacuus Rigorisum propositionum quas ex *Merbesio*, *Iuvenin*, & *Genneto* refert P. Francolinus, cum Laxismo propositionum quas ego §. antecedenti ex permultis Probabilistis recensui. Deinde concludat, quisnam potiori iure vocis sonitum extollere iure valeat, & debeat : an P. Francolinus, *Cave a Rigorisimo*, *cave a Rigoristis*; an ceteri, *cave a Laxismo*, *cave a Laxistis*. Verum luculentiora in universo hoc opere argumenta istius iudicii formandi dabimus.

C A P U T II.

Nonnullæ quæstiunculæ de virtute pœnitentiæ distinctæ a sacramentali resolvuntur.

I. **Q**UÆST. I. *Quid sit pœnitentia generatim accepta?* Resp. Pœnitentiæ significatus multiplex. Isidorus Hispalensis *Lib. VI. Orig.* a pœna, seu punitio-
ne originem eius repetit : & Auctor libri Augustino adscripti de vera, & falsa pœnitentia *cap. xix.* inquit : *Pœnitere idem est ac pœnam tenere, ut nempe homo semper puniat in se ulciscendo quod commisit peccando.* Alii nomine pœnitentiæ ea intelligunt quæ consilio, & voluntate facta displicere incipiunt.

II. Græci, quod Latini pœnitentiam appellant, *Metanœam*, *Exomologesim*, *Epi-
timion* vocant. *Exomologesim* idem sonat ac latine confessio ; *Metanœa* resipiscen-
tiam, *Epi-
timion* multam peccatis debitam significant.

III. Pœnitentia generatim accepta triplicem præfert significatum, I. Pœnitentiæ vocabulum latissime acceptum dolorem prodit de quacumque re, sive bona, sive mala, quam aliter factam quis vellet. II. Pœnitentia minus ample accepta est dolor ob crimen patratum, conceptus non Dei, sed sui ipsius causa. Hoc modo doluit Esau, quod propter unam escam hereditatem vendidisset. III. Est dolor de peccato, propterea quod est offensa Dei. Cum legitur in Scripturis sanctis, Deum alicuius rei pœnitere, id per translationem, & figuratam locutionem dici, omnes asserunt. Pœnitentia hæc non affectum, seu mutationem aliquam in ipso Deo, sed effectum prodit, quem delere Deus ipse decreverat. *Delebo*, inquit, *hominem quem creavi* : Gen. vi.

IV. Penes Theologos tria includit pœnitentia. I. Prioris vitæ resipiscentiam, seu mutationem. II. Vitæ prioris intimum dolorem, & detestationem. III. Pœnam seu punitio-
nem, quam peccator vel sponte sibi imponit, vel impositam sibi
li.

libenter sustinet, ut Deo satisfaciatur. Hinc constat, quam turpiter a veritate aberrant novatores Lutherani, & Calvinistæ, contententes pœnitentiam totam consistere in mentis mutatione, & proposito melioris vitæ incundæ. Quem errorem damnavit Tridentina Synodus *sess. xiv. cap. iv.* Ipsamet naturalis ratio evincit, intelligi haud posse resipiscientiam seu vitæ in melius commutationem sine prioris anteaclæ detestatione.

V. Quæst. II. *Quotuplex sit pœnitentia?* Resp. I. Pœnitentia tribuitur in veram, & falsam, Vera est internus animi dolor de peccato patrato, Dei causa concipitur cum detestatione præteritæ vitæ, & proposito melioris, & cum satisfaciendi deliberatione coniunctus. Falsa est illa qua quis affligitur non Dei, sed sui ipsius causa, puta quia commissa peccata aut infamiam, aut temporalia illi damna inferunt. II. Pœnitentia vera altera interior, exterior altera. Interior est ipsamet virtus pœnitentiæ, quæ describi solet *virtus qua peccator movetur ad odium, & detestationem sui peccati, ad firmum melioris vite propositum, & sui vindictam in compensationem iniuriæ Deo illatæ.* Exterior est sacramentum novæ legis a Christo Domino institutum, quo per iuridicam Sacerdotis absolutionem homini contrito, & confessio remittuntur peccata post baptismum commissa. III. Pœnitentia exterior alia publica, alia privata, & secreta. Interior alia actualis, seu actus ipse pœnitendi; alia habitualis, nempe propensio & facilitas ad exercenda doloris & resipiscentiæ officia. IV. Denique pœnitentia alia fit ante, alia post baptismum: & hæc altera mortalium, venialium altera. Qua de re lege S. Thomam *III. Part. quæst. xc. art. 4.* ubi perspicue hæc omnia explicat.

VI. Quæst. III. *An pœnitentia sit virtus proprie dicta?* Resp. Adfirmans sententia communis est, Scripturarum testimoniis nixa. Nam Deus *Ezechiel. xv. 11.* clamat; *Convertimini, ait Dominus Deus, & agite pœnitentiam ab omnibus iniquitatibus vestris.* Rursus *Matth. 111.* *Pœnitentiam agite . . . Fatite fructum dignum pœnitentiæ.* Item *Luc. vi.* *Cæpit Iesus prædicare, & dicere: Agite pœnitentiam.* Quæ divina lege præcipiuntur, ad virtutem proprie dictam pertinent. At nihil fere in Scripturis sanctis præcipitur frequentius quam de perpetratis flagitiis pœnitentia. Ergo hæc vera virtus est. Præterea dolor de peccatis eo modo & fine conceptus, ut extrema devitet, nequit non esse virtutis actus, ut inquit S. Thomas *III. Part. quæst. lxxxv. art. 1.* Nam qui lætantur, cum male fecerint, peccant; sicuti qui in dolore, ut in desperationis laqueum se coniiciant, ut Cain, & Iudas, scelus perpetrant. Ergo dolor, ad leges æquitatis, & christianæ moderationis mensuram conceptus, officium virtutis est. Nonnulla quæ obici solent, prætereo, utpote nullius momenti.

VII. Hæc pœnitentia virtus non generalis, sed peculiaris est, & revocatur ad utilitatem commutantem, non tamquam pars subiectiva illius, sed ut potentialis.

Nam

Nam pœnitentia dolet de malo commissio, quatenus est offensa Dei, cuius læsum ius reparare conatur. Hæc autem alterius violati iuris compensatio ad iustitiam commutantem attinet. Verum quia compensatio hæc non est ad æqualitatem; ideo pœnitentia non est pars subiectiva, sed potentialis tantum iustitiæ commutantis.

VIII. Quæst. IV. *Utrum pœnitentia sit virtus infusa?* Resp. Virtutes aliæ sunt acquiræ humanis actibus, ut iustitia, fortitudo, temperantia &c. aliæ infusæ, quas Deus gratuito infundit, ut sunt virtutes theologicæ, fides, spes, caritas. Adquæsitum respondeo, dogma fidei esse, virtutem pœnitentiæ per se infusam esse. Hæc veritas aperte revelata in Scripturis est. *Jerem. xxxi.* dicitur : *Converte me, & convertar : quia tu Dominus Deus meus. Postquam enim convertisti me, ego pœnitentiam.* Ezechiel sic Deum loquentem inducit. *Dabo vobis cor novum, & spiritum novum ponam in medio vestri . . . & dabo vobis cor carneum . . . & faciam ut in præceptis meis ambuletis.* Heinc Concilium Tridentinum *sess. vi. can. 8.* hanc veritatem definivit. *Si quis dixerit sine præveniente Spiritus sancti inspiratione, atque eius adiutorio hominem credere, sperare, diligere, aut pœnitere posse, sicut oportet, ut ei iustificacionis gratia conferatur; anathema sit.* Illa enim virtus infusa dicitur, inquit S. Thomas III. *Part. quæst. lxxxv. art. 5.* quam Deus in nobis, sine nobis, non tamen sine nobis dispositi ve cooperantibus, in primis producit. Eiusmodi est habitus pœnitentiæ, ut ex-Scripturarum testimoniis constat.

IX. Quæst. V. *Utrum quovis tempore lapsus in culpam mortalem fuerit necessaria virtus pœnitentiæ?* Resp. Necessitas duplex : medii, & præcepti. Necessitas medii duobus intelligi modis potest. Aliud est medium intrinsecum, necessariam natura sua cum fine connexionem habens, ut est gratia necessaria ad salutem. Aliud est medium necessarium institutione divina, ut est baptisumus : potuisset enim Deus alio modo hominem ad salutem regenerare.

X. Pœnitentia est necessaria necessitate medii, & præcepti divini, ut ex divinis Scripturis patet. *Matth. iv.* inquit : *Capit Iesus prædicare, & dicere : Pœnitentiam agite : appropinquavit enim regnum celorum.* Item Lucas *Act. iii.* *Pœnitimini igitur, & convertimini, ut deleantur peccata vestra.* Iterum Lucas in *Evang. cap. xiii.* inquit : *Si pœnitentiam non egeritis, omnes simul peribitis.*

XI. Adducta testimonia, & alia plurima, quæ brevitatís studio omitto, necessitatem tum medii, tum præcepti evincunt. Nam illud dicitur necessarium necessitate medii sine quo obtineri finis nequit. Porro æterna salus, quæ est hominis finis, ita a pœnitentia pendet, ut sine ea haberi non possit. *Si pœnitentiam non egeritis, omnes simul peribitis.* Hanc veritatem definivit Concilium Tridentinum *sess. xiv. cap. 1.* his verbis. *Fait quidem pœnitentia universis hominibus qui se mortali aliquo peccato iniqui inessent, quovis tempore ad gratiam & iustitiam assequendam*

necessaria, illis etiam qui baptismi sacramento ablui petivissent, ut perveritate abiecta, & emendata, tantam Dei offensionem cum peccati odio, & pio animi dolore detestarentur. Pœnitentia igitur ante omnem legem scriptam fuit peccatoribus necessaria ad salutem, atque adeo necessaria necessitate mediæ, & quidem intrinseci, cum sit natura sua cum fine coniunctum. Quamobrem Tertullianus Lib. de pœnit. cap. 11. ait: Deus post tot ac tanta delicta humana temeritatis a principe generis humani auspicata, post condemnatum hominem, post eiecsum paradiso, mortique subiectum, cum rursus ad suam misericordiam maturavisset, iam inde in semetipso pœnitentiam dedicasset &c. Ratio huiusce necessitatis mediæ intrinseci evidens est. Nam remitti peccata nullo modo possunt, nisi Deus in suam amicitiam reconciliet peccatorem. Repugnat autem quod Deus recipiat in suam amicitiam peccatorem impœnitentem. Quoniam tunc amaret hominem, quem a se aversum, & in peccato obstinatum cognosceret, & consequenter peccatum ipsum amaret; quod horrendum, & impossibile est.

XII. Quæst. VI. Quot gradibus ad pœnitentiæ virtutem perveniat? Resp. Sex veluti gradus a Theologis distinguuntur. 1. Dei nos convertentis operatio, 2. motus fidei, 3. motus timoris servilis, 4. motus spei, 5. motus caritatis, 6. motus timoris filialis. Hanc doctrinam tradit S. Thomas III. Part. quæst. lxxxv. artic. 5. Dicendum, quod de pœnitentia loqui possumus dupliciter. Uno modo quantum ad habitum; & sic immediate a Deo infunditur sine nobis principaliter operantibus, non tamen sine nobis dispositive cooperantibus per aliquos actus. Alio modo possumus loqui de pœnitentia quantum ad actus quibus Deo operanti in pœnitentia cooperamur. Quorum actuum primum principium est Dei operatio convertentis cor, secundum illud Thren. ult. Converte nos Domine ad te, & convertemur. Secundus actus est motus fidei. Tertius est motus timoris servilis, quo quis timore suppliciorum a peccatis retrahitur. Quartus actus est motus spei, quo quis sub spe veniæ consequendæ assumit propositum emendandi. Quintus actus est motus caritatis, quo alicui peccatum displicet secundum seipsum, & non iam propter supplicia. Sextus actus est motus timoris filialis, quo propter reverentiam Dei aliquis emendam Deo voluntarius offert.

Sic igitur patet quod actus pœnitentiæ a timore servili procedit, sicut a primo motu affectus ad hoc ordinato; a timore autem filiali, sicut ab immediato, & proximo principio.

XIII. Hanc ipsam doctrinam confirmat Tridentinum Concilium sess. vi. cap. vi. his verbis. Disponuntur autem ad ipsam iustitiam, dum excitati divina gratia & adiuti, fidem ex auditu concipientes, libere moventur in Deum, credentes vera esse quæ divinitus revelata, & promissa sunt: atque illud in primis, a Deo iustificari impium per gratiam eius, per redemptionem, quæ est in Christo Iesu; & dum

dum peccatores se esse intelligentes, a divina iustitiæ timore, quo utiliter conch-
siuntur, ad considerandam Dei misericordiam se convertendo, in spem eriguntur, su-
dentes, Deum sibi propter Christum propitium fore, illumque tamquam omnis ius-
titia fontem diligere incipiunt: ac propterea moventur adversus peccata per o-
dium aliquod, ac detestationem, hoc est per eam pœnitentiam quam ante baptis-
mum agi oportet: denique dum proponunt suscipere baptismum, inchoare novam
vitam, & servare divina mandata. Si hæc ad baptismum rite suscipiendum in
adultis requiruntur, necessaria quoque sunt ut peccatores sacramentum pœniten-
tiæ sancte suscipiant.

XIV. Divinam operationem primum omnium necessariam esse certum est,
cum Christus ipse Ioan. xv. testetur: *Sine me nihil potestis facere*: & rursus cap.
vi. *Nemo potest venire ad me, nisi Pater, qui misit me, traxerit eum*. Et Conci-
lium Tridentinum sess. vi. can. 11. hæc definit. *Si quis dixerit, sine prævenien-
te Spiritus sancti inspiratione, atque eius adiutorio hominem credere, sperare, di-
ligere, aut pœnitere posse sicut oportet, ut ei iustificationis gratia conferatur; ana-
thema sit*. Secundo succedit fidei motus, quem necessarium ad virtutem pœni-
tentia esse Scriptura ipsa testatur. *Sine fide* (inquit Paulus Hebr. xi.) *impossi-
bile est placere Deo*. Credere enim oportet accedentem ad Deum, quia est, &
quod inquirentibus se remunerator sit. Fides enim omnium virtutum fundamen-
tum est, religionis principium, corrigendi cordis initium, & prima iustificatio-
nis radix.

XV. Sequitur timoris servilis motus, quo peccator suppliciorum terrore con-
cussus a peccato recedere incipit, ut *Eccles. i.* habetur. *Timor Domini expellit
peccatum*. Qui sine timore est, non poterit iustificari. Quare Christus Dominus
Matth. x. ad hunc timorem sic excitat: *Timeate eum qui potest & animam, &
corpus perdere in gehennam*. Quartus gradus est motus spei, quæ ex divinæ mi-
sericordiæ intuitu concipitur, quaque erecti confidimus, Deum propter Christi
merita nobis propitium fore. Quintus gradus est motus caritatis, vi cuius pec-
cata nobis displicent, ut sunt Dei summe boni offensæ, & non tantum propter
suppliciorum metum, ut clarius infra. Quare scite Tridentinum subdit: *Sicque
Deum tamquam omnis iustitiæ fontem diligere incipiunt*. Et S. Thomas loc. cit.
ad 1. perspicue loquitur. *Nam peccatum prius incipit homini displicere, maxime
peccatori, propter supplicia, quæ respicit timor servilis, quam propter Dei offen-
sam, vel peccati turpitudinem, quod pertinet ad caritatem*. Sextus tandem gradus
est motus timoris filialis, quo pœnitens Deum tamquam patrem optimum re-
vereri incipit, satisfactionem offensæ illatæ offert, & peccatum in seipso pu-
nire constituit. Hec filiali timore percussus celebris filius prodigus dixit: *Sur-
gam, & ibo ad patrem meum, & dicam ei: Pater, peccavi in calum, & co-*

iam te : iam non sum dignus vocari filius tuus : fac me sicut unum de mercenariis tuis. Luc. xv.

XVI. Motus isti quos ex Tridentino, & S. Thoma descripsi, non sunt omnes ita absolute necessarii, ut omnes explicite & formaliter requirantur. Sed posito gratiæ prævenientis motu, qui semper est formaliter necessarius, ceteri in unico formali actu comprehendendi valent. Potest enim unico instanti peccator converti, ut patet in conversione S. Pauli Apostoli. Ideo autem Tridentinum, & S. Thomas post alios Patres eiusmodi actus in œconomia poenitentiae enumerarunt, quia iuxta consuetum divinæ providentiæ cursum hoc ordine concurrunt ad iustificationem. Motus isti veri meriti rationem ad iustificationem obtinendam non habent, prout præcedunt iustificationem : nam gratia ipsa iustificans est principium meriti. Porro motus isti, qui iustificationis gratiam præcedunt, sunt dispositiones veluti materiales, quæ nobis consentientibus, & per Dei gratiam operantibus, in animam introducuntur, & iisdem ad iustificationis gratiam per merita Christi IESU obtinendam præparamur. Quæ doctrina traditur a Synodo Tridentina *sess. vi. cap. viii.* his verbis. *Cum vero Apostolus dicit, iustificari hominem per fidem, & gratis ; ea verba in eo sensu intelligenda sunt quem perpetuus Ecclesiæ catholica consensus tenuit, & expressit, ut scilicet per fidem ideo iustificari dicamur, quia fides est humanæ salutis initium, fundamentum, & radix omnis iustificationis ; sine qua impossibile est placere Deo, & ad filiorum eius consortium pervenire : gratis autem iustificari ideo dicimur, quia nihil eorum quæ iustificationem præcedunt, sive fides, sive opera, ipsam iustificationis gratiam promeretur : si enim gratia est, iam non ex operibus : alioquin, ut idem Apostolus inquit, gratia iam non est gratia.* Pauca hæc delibavi de poenitentiae natura, & œconomia ; sed plura infra dicturus sum.

XVII. Quæst. VII. *Quinam sint poenitentiae effectus ?* Resp. Primus effectus poenitentiae internæ est remissio omnium peccatorum quantum ad culpam, quidquid in oppositum fabulentur novatores Lutherani, & Calviniani, quorum errorem damnavit Concilium Tridentinum. Innumera sunt Scripturarum testimonia, ut *Ezech. xviii. Ionæ iii. Isaia lv. Sap. x. II. Reg. xii.* quibus Deus veris poenitentibus omnium peccatorum remissionem promittit. Secundus effectus est remissio poenæ eternæ. Homo enim per poenitentiam fit ex iniusto iustus, & ex inimico amicus, ut sit heres secundum spem vitæ æternæ, quemadmodum inquit Tridentinum *sess. vi. cap. vii.* ergo reus æternæ damnationis remanere nequit. Poena tamen temporalis non semper tota remittitur ; sed hæc per opera poenalia, vel per indulgentias in hac, vel per purgatorii poenas in altera vita expiatur, ut suo loco explicabitur. Hanc veritatem definit Tridentinum *sess. vi. cap. xvi. can. xxx.* his verbis. *Si quis post acceptam iustificationis gratiam cuilibet pec-*

catori pœnitenti ita culpam remitti, & reatum æternæ pœnæ deleri dixerit, ut nullus remaneat reatus pœnæ temporalis exsolvendæ vel in hoc seculo, vel in futuro in purgatorio, antequam ad regna cælorum aditus patere possit; anathema sit. Plura sunt Scripturarum testimonia quæ aperte declarant, dimisso peccato, non semper dimitti totam pœnam temporalem. Peccata quoque venialia pœnitentia remittuntur. Non est tamen necessaria displicentia formalis, & actualis; sed sufficit virtualis cum proposito abstinendi a singulis, ut docet S. Thomas III. Part. quæst. lxxxvii. art. 1. ad 1. inquit: *Ad pœnitentiam peccatorum venialium requiritur quod homo proponat abstinere a singulis, non tamen ab omnibus, quia hoc infirmitas huius vitæ non patitur. Debet tamen habere propositum se præparandi ad peccata venialia minuenda; alioquin esset ei periculum deficiendi, cum desereret appetitum proficiendi, seu tollendi impedimenta spiritualis profectus, quæ sunt peccata venialia.* Peccata venialia remittuntur per asperionem aquæ benedictæ, quatenus includitur aliquis actus implicate, vel explicite reverentiæ erga Deum, aut displicentiæ, & detestationis eorumdem peccatorum.

XVIII. Quæst. VIII. *An peccata per pœnitentiam dimissa redeant per peccatum sequens?* Resp. Negat S. Thomas III. Part. quæst. lxxxviii. art. 1. simpliciter & absolute, peccata semel remissa per sequens peccatum, post pœnitentiam perpetratum, reviviscere: quia opus Dei irritari per opus hominis non potest. Sed peccatorum remissio opus Dei est: ergo frustrari opere hominis nequit. Adeo enormis tamen est peccati sequentis ingratitude, ut peccata dimissa redire dicantur secundum quid, & virtualiter, inquit loc. cit. S. Thomas. *Et hoc non est peccata dimissa redire simpliciter, sed redire secundum quid, in quantum scilicet virtualiter in peccato sequenti continentur.* Heinc consequitur tanto graviores esse ingritudinem peccati sequentis, quanto plura, & scelestiora fuerunt crimina per pœnitentiam dimissa. De quo lege S. Thomam loc. cit. art. 3.

XIX. Per pœnitentiam recuperantur quoque virtutes amissæ, non tamen semper in æquali gradu, sed interdum in maiori, aliquando in minori intensione. Merita insuper per peccatum sequens mortificata per pœnitentiam reviviscunt. Disputant scholastici Theologi, ad quem gradum merita mortificata per peccatum vi pœnitentiæ reviviscant? Sed paucis respondeo, merita per peccatum mortificata reviviscere per pœnitentiam secundum propriam cuiusque dispositionem, & cooperationem. Et hæc pauca de virtute pœnitentiæ delibasse sufficiat.

CAPUT III.

De existentia sacramenti pœnitentiæ a Christo Domino instituti.

I. **P** Rincipio, quid sit sacramentum pœnitentiæ, explicandum est. Definiri autem sic solet : *Est sacramentum a Christo Domino institutum, quo per iuridicam Sacerdotis absolutionem homini contrito, & confesso remittuntur peccata post baptismum commissa.* Primæ particulæ rationem genericam produunt, cum omnia sacramenta sint a Christo Domino instituta. Per sequentes particulas, *Quo per iuridicam Sacerdotis absolutionem remittuntur peccata*, exprimitur modus iuridicus ministerii, seu vera potestas in Sacerdote remittendi peccata, & non declarandi tantum ea esse remissa. Additur, *Peccata post baptismum commissa*: quia hoc sacramentum baptizatis solummodo dispensatur qui post baptismum peccant. Tandem ultimæ particulæ, *Homini contrito, & confesso*, significant duas partes veluti materiales huius sacramenti ex parte pœnitentis, nempe confessionem, & contritionem, a perfecta, & imperfecta abstrahentem, quæ odium peccati includit, propositum melioris vitæ, & satisfactionis Deo exhibendæ. Hæc omnia fuis infra explicabuntur. Consuetæ methodo nostro inhærentes paucis perstringemus hæreticorum errores, & postea dogmata Ecclesiæ catholicæ breviter, sobrieque declarabimus.

§. I.

Recensentur hæreticorum errores adversus sacramentum pœnitentiæ.

II. **C** ontendunt plures recentiores, quos inter P. Le Druin de re sacramentaria *Tom. II. quæst. 11.* & Gaspar Iuvenin, ante decimum sextum sæculum Christianorum neminem extitisse qui sacramentum pœnitentiæ negaverit. Inficiantur, ex albo sacramentorum sive a Montanistis, sive a Novatianis expunctam fuisse pœnitentiam. Contra sentiunt alii cum Bellarmino *Lib. I. cap. ix.* Sed dissidium istud levis momenti est, & facile componitur. Tam Montanistæ; quam Novatiani aliorum hæreticorum more, cum viderent nimiam adversus se concitari invidiam ob suos evulgatos errores, eosdem aut mutarunt, aut tempe-

rarunt . S. Ambrosius *Lib. I. de pœnit. cap. 11.* narrat , Novatianos Stoicorum quidam more omnia peccata paribus æstimasse mensuris , & æque eum qui gallum , ut aiunt , gallinaceum , atque illum qui patrem suffocaverit , perpetuo caleſtibus abdicandos myſteriis . Ab hac criminum æqualitate , quam nimis odioſam experti fuerunt Montaniſtæ , & Novatiani , reſecerunt , ut teſtatur S. Ambroſius *loci cit. cap. 111.* ubi ſcribit : *Sed aiunt ſe, exceptis graviſſimis criminibus, relaxare veniam leviſſimis.* At ſubdit huius diſtinctionis initio non meminiffe Novatianum . *Non hoc quidem auſus veſtri erroris Novatianus, qui nemini dandam pœnitentiam putavit.* Hæc hæreticorum varietas in cauſſa fuit cur in contrarias abierint opinioniones laudati Theologi . VValdenſes quoque, VVicleſiſtas, & Huſſiſtas ſacramentum pœnitentiæ negaſſe aliqui contendunt ; ſed oppoſita ſententia communis eſt . In hoc tantum errarunt iſti , quod vellent Sacerdotes improbos abſolvendi poteſtate carere .

III. Novatores Lutherani, & Calviniani, qui ex omnium fere antiquorum hæreticorum ſentina ſæces collegerunt, ex ſacramentorum numero pœnitentiam expunxerunt . Lutherus varius fuit . *Lib. de captiv. Babil.* circa initium ſcribit : *Principio neganda mihi ſunt ſeptem ſacramenta, & tantum tria pro tempore ponenda, baptiſma, pœnitentia, panis.* Verum ſub eiſdem libri ſinem ſibi minime conſtans hanc ſuam ſententiam retractavit . *Si rigide, inquit, loqui velimus, tantum duo ſunt in Eccleſia ſacramenta, nempe baptiſmus, & panis . . . Hoc pœnitentiæ ſacramentum, quod ego his duobus accenſui, ſigno viſibili, & divinius inſtituto caret, & aliud non eſſe duxi quam viam, ac reditum ad baptiſmum.* A Lutheri doctrina recedere videtur Lutheranorum diſciplina . Nam, ut narrat Clar. Boſſuetus *Lib. III. hiſt. var. Lutheranorum miniſtri* excipiunt peccatorum confeſſiones, & pœnitentes ſic interrogant : *Numquid credis remiſſionem quam tibi do, eſſe remiſſionem Dei ? Reſpondet pœnitens, Ita . Tum miniſter : Et ego ex Chriſti mandato remitto tibi peccata tua, in nomine Patris, & Filii, & Spiritus ſancti .* Zuinglius *Lib. de ver. & fal. relig. cap. de ſacram.* perſtriſte negat ſacramentorum numero accenſendam pœnitentiam eſſe . Calvinus *Lib. IV. Inſtitut. cap. XIX. ſ. 15.* conſueta ſua veſania debacchatur in Catholicos, quod pœnitentiam ſacramenti loco habeant . *Romanenſes, inquit, & Scholaſtici, quibus ſolemne eſt omnia perperam interpretando corrumpere, anxie in repetendo hic ſacramento deſudant : nec mirum videri debet : nodum enim in ſcirpo querunt .* Poſt ſ. 16. plenius evomit bilem ſuam hæc eruſtans . *Ac, ut iſtas belluas in ſua arena conſiciam, ſi ultimum hic ſacramentum queratur, nonne longe ſpecioſius incitari poterat abſolutionem Sacerdotis ſacramentum eſſe. quam pœnitentiam vel interiorem, vel exteriorem ? Tandem ſ. 17. ſacramentum pœnitentiæ cum ſacramento baptiſmi confundit . Aptiſſime itaque dixeris, ſi baptiſmum vocaveris pœnitentiæ ſacramentum . . . quod*

ne commentum esse nostrum putes . . . apparet . . . Ioannem prædicasse baptismum pœnitentiæ in remissionem peccatorum . Protestantes, qui apologiam confessionis Augustanæ amplectuntur, pœnitentiam ut sacramentum suscipiunt, cum in eadem expresse asseratur: *Vere igitur sunt sacramenta, baptismus, cœna Domini, absolutio, quæ est sacramentum pœnitentiæ.* Melanchthon, quemadmodum Lutherus, varius fuit; constanter tamen negat absolutionem; Sacerdotis esse actum iudiciale, sed nudum esse ministerium contendit declarandi peccata esse remissa confidenti. Marcus Antonius de Dominis *Lib. V. de Rep. Eccl. cap. xii.* docet sola peccata publica externa clavibus Ecclesiæ esse subiecta, secus peccata interna occulta: quæ sola, inquit, interiori pœnitentia sanantur.

§. II.

Pœnitentia est verum novæ legis sacramentum a Christo institutum, quo iudiciaria Sacerdotis potestate peccata remittuntur.

I. **L**uculenta sunt Scripturarum oracula, quibus a Christo Domino pœnitentiæ sacramentum institutum evincitur. Nam *Matth. xvi.* hæc habentur. *Tibi dabo claves regni celorum: & quodcumque ligaveris super terram; erit ligatum & in celis; & quodcumque solveris super terram, erit solutum & in celis.* Nec est quod reponas, hæc Petro dicta fuisse; cum subdat ibidem Evangelista: *Amen dico vobis: quæcumque alligaveritis super terram, erunt ligata & in celo; & quæcumque solveritis super terram, erunt soluta & in celo.* Luculentius Evangelista *Ioannes cap. xx.* hanc exprimit potestatem. *Accipite Spiritum sanctum: quorum remiseritis peccata, remittuntur eis; & quorum retinueritis, retenta sunt.*

II. Heinc evidenter elicitur, pœnitentiam verum & proprie dictum sacramentum esse. Nam ad sacramentum requiritur quod sit a Deo institutum, quod symbolo externo, & sensibili gratiam sanctificantem significet, producatque. Hæc omnia in citatis testimoniis habentur. Ritus externus est, & sensibilis: *Quorum remiseritis &c.* Quomodo enim pœnitens se aut absolutum, aut ligatum intelliget, nisi exteriori & sensibili iudicis decreto id percipiat? Quod ritus iste a Christo imperatus sit, perspicue ostendunt evangelica verba: *Sicut misit me Pater, & ego mitto vos. Accipite Spiritum sanctum: quorum remiseritis &c.* Non minus manifestum est huic ritui annexam esse gratiæ efficientiam. *Quorum remiseritis, remittuntur.* Si remittuntur peccata, ergo gratia infunditur, quæ peccatorum maculas delet. Hæc duo, peccata condonari, & redire cum Deo in gratiam, ita

coniuncta intime sunt, ut consistere unum sine altero nequeat. Quam doctrinam Concilium Tridentinum *sess. xiv. cap. 1.* his verbis proponit. *Dominus autem sacramentum pœnitentiæ tunc præcipue instituit, cum a mortuis excitatus, insufflavit in discipulos suos, dicens: Accipite Spiritum sanctum: quorum remiseritis peccata, remittuntur eis; & quorum retinueritis, retenta sunt. Quo tam insigni factio, & verbis tam perspicuis, potestatem remittendi, & retinendi peccata ad reconciliandos fideles post baptismum lapsos, Apostolis, & eorum legitimis successoribus fuisse communicatam, universorum Patrum consensus semper intellexit.*

III. Tam evidens est Patrum, quos citat Tridentinum Concilium, traditio, ut Calvinus ipse *Lib. IV. Instit. cap. xv.* fateri cogatur. *Equidem scio aliud COMMUNITER receptum esse, pœnitentiæ, & clavium beneficio nos obtinere post baptismum remissionem, quæ prima regeneratione per solum baptismum nobis datur.* Communiter sane receptum est, fuitque semper tum in occidentali, tum in orientali Ecclesia, pœnitentiæ sacramento peccata post baptismum commissa remitti. Et hoc evidentissime demonstrarunt innumeri Theologi catholici, adductis utriusque Ecclesiæ splendidissimis documentis. Pauca ego transcribam.

IV. Tertullianus, antequam Montanista evaderet, *Lib. de pœnit. cap. viii.* hæc scribit. *Pervicacissimus bos numquam malitiæ suæ otium facit, tunc maxime sævit, cum hominem plene sentit liberatum Igitur cum scias adversus gebennam, post prima illa intinctionis dominicæ monimenta, esse adhuc in exomologesi secunda subsidia; cur salutem tuam deseris? cur cessas aggredi quod scias mederi tibi?*

V. S. Cyprianus ad S. Cornelium P. M. epif. *liv.* *Statueramus iam pridem ... ut qui in persecutionis infestatione supplantati ab adversario, lapsi fuissent, & sacrificiis se illicitis maculassent, agerent diu pœnitentiam plenam: & si periculum infirmitatis urgeret, pacem sub illa mortis acciperent, quando permisisset ipse qui legem dedit, ut ligata in terris, etiam in cælis ligata essent, solvi autem possent illis, quæ prius in Ecclesia solverentur.*

VI. S. Pacianus Barcinonensis Episcopus *epif. 1.* Sympronianum Novatianum hoc pacto redarguit. *Solus hoc, inquires, Deus poterit: verum est; sed & quod per Sacerdotes suos facit, ipsius potestas est. Nam quid aliud est quod Apostolus dicit: Quæ ligaveritis in terris, ligata erunt & in cælis? Cur hoc, si ligare hominibus, ac solvere non licebat? An tantum hoc solis Apostolis licet? Ergo & baptizare solis licet, & Spiritum sanctum dare solis, & solis gentium peccata purgare: quia totum hoc non aliis quam Apostolis imperatum est ... Si ergo lavacri, & chrismatis potestas maiorum longe charismatum ad Episcopos inde descendit; & ligandi quoque ius adfuit atque solvendi: quod etsi nos id ob nostra peccata temerarie vindicamus; Deus tamen illud, ut Apostolorum cathedram tenentibus, non negabit.*

VII. S. Ioannes Chrysostomus *Lib. III. de Sacerdotio* fuso calamo dogma catholicum

licum confirmat; sed brevitatis studio hæc pauca verba transcribo. *Non solum Sacerdotes, cum regenerant, sed etiam postea condonandorum peccatorum obtinent potestatem.*

VIII. S. Ambrosius *Lib. I. de pœnit. cap. 11. & VIII.* plura de sacramento pœnitentiæ docet. *Cur baptizatis, inquit, si per hominem peccata remitti non licet? In baptismo enim utique remissio peccatorum omnium est: nec interest utrum per pœnitentiam, an per lavacrum hoc ius datum sibi Sacerdotes vindicent: unum in utroque ministerium est. Sed dices, quia in lavacro operatur mysteriorum gratia. Quid in pœnitentia? Nonne Dei nomen operatur?*

IX. S. Hieronymus *Lib. I. contra Pelagianos* ait, *duobus maxime sacramentis nobis sanguinem Christi applicari, in baptismo scilicet, & in pœnitentia, quæ imitatur baptismi gratiam.*

X. S. Augustinus *Lib. I. de adulter. coniug. cap. xvi.* inquit: *Si a catechumeno factum est homicidium, baptismo abluitur; si a baptizato, pœnitentia, & reconciliatione sanatur.*

XI. Quæ opponere hæretici solent, ex recensitis Patrum testimoniis omnia corruunt. Garriunt, laudata Evangelistarum oracula intelligenda esse, non de iudiciaria potestate, sed de Evangelii prædicatione. Quæ commentatio ineptissima est, & obvio Scripturæ sensui adversa, & ab omnibus Patribus reiecta. Insistunt. Lucas nullibi in Actibus Apostolorum pœnitentiæ meminit. Quamvis hoc verum esset, quid inde? Numquid omnia Apostolorum gesta Lucas descripsit? Numquid argumentum negativum infringere positiva, & apertissima testimonia valet? Apostoli toti fuerunt in baptismo administrando, quia convertendæ tum gentes erant; & Christianorum illius temporis innocentia raro egebat secunda post naufragium tabula. Præterea *Act. VIII.* Petrus ad pœnitentiam invitat Simonem Magum. *Pœnitentiam age ab hac nequitia, & roga Deum, si forte remittatur tibi hæc nequitia cordis tui.* Quæ verba ad potestatem clavium pertinere inde colligitur, quod Simon Magus iam baptizatus erat. Plura alia obtrudere novatores solent eiusdem fursuris. Utique Patrum sanctorum aliqui evangelicos textus præter sensum litteralem extendunt etiam ad correctionem fraternam, ad prædicationem Evangelii; sed in primis de clavium potestate eadem interpretati sunt, illorum nemine repugnante.

CAPUT IV.

Nonnullæ quæstiunculae resolvuntur.

I. Quæst. I. *Quandom sacramentum pœnitentiæ institutum fuit?* Resp. Cum Christus Dominus excitatus a mortuis insufflavisset in discipulos suos dicens : *Accipite Spiritum sanctum &c.* instituit præcipue hoc sacramentum. Tum enim contulit illis iudiciariam potestatem, ut declarat Concilium Tridentinum sess. xiv. cap. 1. Addit sacra Synodus, præcipue post resurrectionem institutum pœnitentiæ sacramentum : quia ante passionem illud Christus promissit, & prædicavit; potestatem tamen illis non contulit nisi post resurrectionem.

II. Quæst. II. *Sacramentum pœnitentiæ est ne omnibus post baptismum lapsis ad salutem obtinendam necessarium?* Resp. Sententiam adfirmantem definivit Tridentinum Concilium sess. xiv. cap. 11. his verbis. *Est autem hoc sacramentum pœnitentiæ lapsis post baptismum ad salutem necessarium, ut nondum regeneratis ipse baptis- mus.* Quandoquidem, si Sacerdotes iudices in Ecclesia sunt (ut illos esse probatum est) a Domino constituti, consequitur criminum reos permanere peccatores, si ad ipsos Sacerdotes, cum possint, non accedunt, ut absolvantur. Quamobrem pœnitentia a Patribus secunda post naufragium tabula nuncupatur. Quemadmodum enim cum navis confringitur, servandæ vitæ periculum in tabula, si occurrit, arripienda reponitur ad evadendum naufragium; sic violata iustitia baptismali, ad declinandam æternam damnationem, unica salutis spes in pœnitentia reposita est. Porro sicut medicina ægrotis, non sanis necessaria est; ita non iusti & innocentes, sed lapsi opus pœnitentia habent. Est vero necessarium lapsis post baptismum pœnitentiæ sacramentum necessitate medii, & præcepti.

III. Quæst. III. *Cur pœnitentiam in sacramentorum numerum Christus retulit?* Resp. Duplex a Catechismo Concilii Tridentini assignatur ratio. Prima est, ut firmior nobis esset obtinendæ veniæ spes. Anxii quippe, & perplexi nimium essemus de nostra interna pœnitentia, nostroque iudicio : idcirco clementissimus Dominus, ut huic nostræ anxietati sollicitudini præsidium afferret, pœnitentiæ sacramentum instituit, quo per Sacerdotis sensibilem veluti sententiam dimissa nobis esse peccata intelligeremus. Quid enim aliud est Sacerdotis absolutio quam eiusdem Christi Domini vox nobis, quemadmodum paralytico, annuntians : *Confide fili, remittuntur tibi peccata tua?* Matth. ix. Et hæc infinita Dei clementia non modo erigere fiduciam nostram, sed alacriores animosioresque ad pœnitentiam ferventius peragendam efficere debet, cum illam agere deberemus, ut S. Augustinus *hom. 1. inter l.* docet. *Sed fac incertum esse, utrum ignoscat Deus. Quid perdidit, cum suppli-*
cat

cat Deo, cum salutem perdere non dubitavit, cum offenderet Deum? Quis enim certus est quod etiam Imperator ignoscat? Et tamen pecunia funditur, maria transmeantur, procellarum incerta subeuntur: & pene, ut mors evitetur, mors ipsa suscipitur. Supplicatur deinde per homines homini: sine dubitatione sunt ista, cum sit dubium quo sine proveniant. Et tamen certiores sunt claves Ecclesiæ quam corda regum: quibus clavibus quodcumque in terra solvitur, etiam in cælo solutum promittitur: & multo est honestior humilitas, qua se quisque humiliat Ecclesiæ Dei; & labor non imponitur, & nullo temporalis mortis periculo mors æterna vitatur. Altera ratio est, quia salus nostra non nisi per Christi passionem & merita haberi potest. Idcirco congruum fuit, hoc pœnitentiæ sacramentum institui, cuius vi Christi merita nobis applicarentur ad peccata post baptismum perpetrata remittenda; totumque reconciliationis nostræ beneficium ab uno Servatore nostro proficisci intelligeremus.

IV. Quæst. IV. Sacramentum pœnitentiæ diversum ne est a sacramento baptismi? Resp. Sententia affirmativa dogma fidei est, quod Concilium Tridentinum sess. XIV. cap. 11. definitivè adversus novatores, præsertim Calvinistas. Hoc sacramentum, inquit, multis a baptismo differre cognoscitur: nam. præterquamquod materia, & forma, quibus sacramenti essentia perficitur, longissime dissident: constat certe baptismi ministrum iudicem esse non oportere, cum Ecclesiæ in neminem iudicium exerceat qui non prius in ipsam per baptismi ianuam fuerit ingressus. Et hanc veritatem confirmavit sacra Synodus can. 2. atque Patres omnes, Cyprianus, Athanasius, Pacianus, Chrysostomus, & Augustinus, quorum testimonia, alioquin obvia, prætereo.

V. Opponit Calvinus cum ceteris novatoribus. S. Marcus cap. 1. narrat Ioan-nem prædicasse dumtaxat baptismum pœnitentiæ in remissionem peccatorum. Præterea peccatorum remissionem baptismum consequentem, tribuendam esse ipsi baptismi, Apostolus ad Ephes. v. docet. Christus dilexit Ecclesiæ, & seipsum tradidit pro ea, ut illam sanctificaret, mundans lavacro aque in verbo vitæ, ut exhiberet sibi gloriosam Ecclesiæ non habentem maculam, neque rugam. Quibus verbis soli baptismi peccatorum remissio tribuitur. Et hoc confirmat S. Augustinus Lib. I. de nupt. & concupisc. cap. xxxiii. ubi relatis Apostoli verbis hæc ait. Sic accipiendum est quod ait Apostolus, ut eodem lavacro regenerationis, & verbo sanctificationis omnia prorsus mala hominum regeneratorum mudentur, atque sanentur; non solum peccata, quæ omnia nunc remittuntur in baptismi, sed etiam quæ posterius humana ignorantia, vel infirmitate contrahuntur; non ut baptismi, quoties peccatur, toties repetatur; sed quia ipso, quod semel datur, sit ut non solum antea, verum etiam postea quorumlibet peccatorum venia fidelibus impetretur. Hæc sunt quæ Calvinus exaggerat Lib. XII. Inst. cap. xix.

VI. Resp. Recensita Calvinii sophismata nullius sunt momenti. S. Ioannes appellat baptismum *pœnitentiæ*, quem ipse prædicabat, quia *vi propria* Spiritum sanctum non conferebat : idcirco Præcurzor Domini hortabatur Iudæos ad se confluentes, ut Agno Dei, tollenti peccata mundi, viam pararent. Baptismo adscribitur omnis innovatio & anterior, & subsequens, quia per ipsum Ecclesiam ingredimur, Christi membra evadimus, ex oleastro decerpti inferimur plantæ vitæ, a qua profluunt remedia, quibus sequentia peccata deleantur; sicuti generationi, & nativitati tribuuntur incrementa, robur, & morborum sanitas, & cetera bona quæ inde consequuntur. Valet itaque baptismus ad sequentem peccatorum remissionem, quia ab ipso principium spiritualis regenerationis & vitæ accipimus: quo baptismo sublato, cetera non prodescent sacramenta; illo vero, ut fundamento posito, sequentia sacramenta suos pariunt effectus. Et hæc est S. Augustini doctrina. *Quid enim* (subdit ille continuo post verba a Calvino obiecta) *prodesset vel ante baptismum pœnitentia, nisi baptismus sequeretur, vel posset, nisi præcederet?* Plura alia adducere sancti Patris testimonia possem, quæ prætermitto.

VII. Quæst. V. *Iterari ne sacramentum pœnitentiæ potest?* Resp. Adfirmans sententia est omnium Catholicorum, definita in Concilio Tridentino sess. xiv. can. 1. & a verbis evangelicis supra relatis hausta. Christus enim Dominus potestatem remittendorum criminum impertiit Apostolis, eorumque successoribus nulla adiecta restrictione. Et *Luc. cap. xvii.* dicitur: *Si peccaverit in te frater tuus, increpa illum: & si pœnitentiam egerit, dimitte illi: & si septies in die peccaverit in te, & septies in die conversus fuerit ad te, dicens, Pœnitet me, dimitte isti.*

VIII. Accedit omnium Patrum consensus. S. Ioannes Chrysostomus in *paranesis* 1. ad Theodorum Monachum lapsum. *Talis est erga homines pietas Dei. Numquam spernit pœnitentiam, si ei sincere, & simpliciter offeratur. Etiam si ad summum quis perveniat malorum, & inde tamen velit reverti ad virtutis viam, suscipit libenter & amplectitur, & facit omnia, quatenus ad priorem revocet statum.*

IX. S. Augustinus *ser. ccl. cap. v.* inquit: *Si iam de sanitate desperans, addis peccata peccatis, sicut scriptum est: Peccator cum venerit in profundum malorum, contemnit: noli contemnere, noli desperare: clama etiam de profundo ad Dominum; & dic ei: De profundis clamavi ad te Domine. . . De tali profundo Ninivites clamaverunt, & hanc propitiationem invenerunt: faciliusque est evacuata comminatio Propheta, quam humiliatio pœnitentiæ. Hic fortasse dicis: Sed ego iam baptizatus sum in Christo, a quo omnia mihi peccata præterita dimissa sunt; vilis factus sum nimis, iterans vias meas, & canis horribilis oculis Dei conversus ad vomitum suum. Quo ibo a spiritu eius, & a facie eius quo fugiam? Quo, frater, nisi ad eius misericordiam pœnitendo cuius potestatem peccando contempseras? Nemo enim recte fugit ab illo nisi ad illum: ab eius severitate ad eius bonitatem. . . . Quidquid feceris, quæ-*

quæcumque peccaveris, adhuc in hac vita es, unde te Dominus omnino, si sanare nolle, auferret. Cur ergo ignoras, quia patientia Dei ad poenitentiam te adducit? Qui enim clamando non tibi persuasit, ut non recederes, parcendo clamat, ut redeas. Aliqui Patres, qui iterari poenitentiam posse negant, poenitentiam publicam & solemnem intelligunt, secus privatam. Sed de hoc plura infra.

CAPUT V.

*Materia remota sacramenti poenitentiae sunt peccata de-
testanda post baptismum commissa.*

I. SACRAMENTUM poenitentiae, sicut cetera omnia novae legis sacramenta, diversis partibus constat, quæ materiæ, & formæ vocabulis appellantur. Materia sacramenti poenitentiae duplex, remota una, proxima altera. De illa nunc, de hac infra. Materia remota sunt peccata sive mortalia, sive venialia post baptismum commissa. Peccatum originale, vel actualia ante baptismum commissa, non sunt materia huius sacramenti; cum poenitentia sit secunda post naufragium tabula. Nec Ecclesia iurisdictionem exercet in eos qui baptismi tincti non sint.

II. Plura hic disputare Theologi solent de peccato fictionis in susceptione baptismatis, & de peccatis positive, & negative dubiis. Qui sicte exterius baptizatur sine animo recipiendi baptismum, nullo modo baptismum suscipit, ut communis sententia docet. Si quis vero reipsa & serio suscipiat sacramentum, & characterem baptismi, sed absque necessaria dispositione, sublato obice, reviviscit baptismus. De peccatis sive negative, sive positive dubiis infra, ubi de integritate confessionis sermo erit; disputabo, & laxas plurium Probabilistarum opiniones refellam.

III. Quæst. unic. Utrum sit aliquod scelus adeo enorme, ut sit irremissibile? Resp. Catholici omnes docent adversus Montanistas, & Novatianos, nullum reperiri peccatum, quantumvis gravissimum, ut idololatria, blasphemia, homicidium, quod poenitentia expiari, & ab Ecclesia remitti non possit. Plurima occurrunt Scripturarum testimonia quæ perspicue evincunt, omnia peccata expiari poenitentia posse. Verum hæc oracula nihil evincunt contra Novatianos, qui non negabant, Deum quodcumque scelus condonare posse homini poenitenti; sed inficiabantur Ecclesiam potestate præditam esse remittendi graviora scelera. Quamobrem SS. Patres, ut hanc profligarent hæresim, opponebant Montanistis, & Novatianis verba quibus Christus declaravit potestatem Ecclesiæ collatam. Quæcumque solveritis &c. Quorum remiseritis &c. nulla adiecta limitatione. Quare S.

Am-

Ambrosius *Lib. I. de pœnit. cap. 11.* sic urget Novatianos. *In eo igitur Patrem vestrum propria damnatis sententia, qui distinctionem peccatorum facitis, quæ solvenda a vobis putatis, & quæ sine remedio arbitramini. Sed Deus distinctionem non facit, qui misericordiam suam promisit omnibus, & relaxandi licentiam Sacerdotibus suis sine ulla exceptione concessit.* Damnabant Patres Novatianum, qui Stoicorum more paria omnia peccata effutiebant. Mitto Cypriani, Paciani, aliorumque Patrum testimonia.

IV. Ecclesia catholica vix ortam Novatianam hæresim damnavit. Eam Concilium Romanum coactum a S. Cornelio an. 251. declaravit *immanissimam, & a fraterna caritate alienam.* Et, missis aliis Conciliis, Synodus Tridentina *sess. xiv. cap. 1.* inquit: *Novatianos remittendi potestatem olim pertinaciter negantes, magna ratione Ecclesia catholica tamquam hæreticos explosit atque condemnavit.*

V. Plura opponebant Novatiani Scripturarum testimonia, quorum potissima hæc sunt. *Matth. xii. Omne peccatum, & blasphemia remittitur hominibus; spiritus autem blasphemie non remittitur. Et quicumque dixerit verbum contra Filium hominis, remittetur ei; qui autem dixerit contra Spiritum sanctum, non remittetur ei neque in hoc sæculo, neque in futuro.* Rursus S. Paulus ad Hebr. *cap. vi. Impossibile est enim eos qui semel sunt illuminati, gustaverunt etiam donum cælestē, & participes facti sunt Spiritus sancti, gustaverunt nihilominus bonum Dei verbum, virtutesque sæculi venturi, & prolapsi sunt; rursus renovari ad pœnitentiam, rursus crucifigentes sibi metipsos Filium Dei, & essentui habentes.* Hanc eandem doctrinam inculcat Apostolus ibidem *cap. x. Voluntarie enim peccantibus nobis post acceptam notitiam veritatis iam non relinquitur pro peccatis hostia.*

VI. Primum Matthæi testimonium directe cum hæresi Novatiana pugnat. Dicitur enim omnem blasphemiam, & omne peccatum remitti, quod Novatiani perfricte inficiantur. Blasphemia autem in Spiritum sanctum, quæ numquam remittitur, est, ut exponit S. Augustinus (*ser. 11. de verbis Evangel. in Matth.*) *peccatum impœnitentie contra donum Dei, & gratiam regenerationis, vel reconciliationis quæ fit in Ecclesia in Spiritu sancto.* Heinc peccatum hæreticorum, & schismaticorum, qui sunt extra Ecclesiam, & qui obstinate redire ad Ecclesiam recusant, irremissibile est, non absolute spectatum, sed adiunctum obstinationi, & obfirmatæ pertinaciæ hæreticorum, qui extra arcam perseverare volunt. Extra arcam autem Ecclesiæ peccatorum remissio, & salus haberi nequit. Neque hæc Augustini doctrina discrepat a doctrina aliorum Patrum, Hieronymi, Paciani, Ambrosii, asserentium blasphemiam in Spiritum sanctum illam esse quæ manifestæ veritati resistit, & Christi miracula dæmoni tribuit. Nam huc quoque Augustini doctrina pertinet. Qui a Christo se separant, & Ecclesiæ unitatem scindunt, manifestæ veritati oculos claudunt, & pertinaciter extra Ecclesiam degunt. Isti

bla-

blasphemant in Spiritum sanctum, nihilque illis pœnitentia extra Ecclesiam prodest. Et sic neque blasphemia in Filium, neque in Patrem, neque in Spiritum sanctum remittitur, ut ibidem subdit S. Augustinus. *Si quemquam extra Ecclesiam suorum pœniteat peccatorum, & huius tanti peccati, quo alienus est ab Ecclesia Dei; cor impœnitens habeat; quid ei prodest illa pœnitentia, cum isto solo verbum dicat contra Spiritum sanctum, quo extraneus est ab Ecclesia, quæ accipit hoc donum, ut in Spiritu sancto fiat remissio peccatorum?* Neque vel ipsorum hæreticorum, & schismaticorum peccatum irremissibile est, si redire intra Ecclesiæ arcem velint. Sed irremissibilis dicitur illorum pervicacia, qua Spiritui sancto resistunt, & in eundem blasphemant, dum extra Ecclesiam salutem obtinere præsumunt.

VII. Ad testimonium, quod ex Apostolo Paulo opponitur, respondent multi; impossibile eo loci idem significare ac difficile; sicuti cum dicitur Matth. xix. *Facilius est camelum per foramen acus transire quam divitem intrare in regnum celorum.* Alii respondent, Apostolum ibi negare baptismi, non pœnitentiæ repetitionem. Et hic sensus literalis, & obvius videtur. Impossibile enim est semel baptizatos rursus renovari ad illam regenerationis spiritualis gratiam quam per baptismum assecuti fuerunt. Sicut enim homo semel corporaliter nascitur, ita semel spiritualiter regeneratur. Gratiam quippe & iustitiam baptismalem dotes comitantur, quæ absunt a pœnitentia, quæ post baptismum peragitur. Per illam non culpa modo, verum etiam pœna temporalis tota remittitur; secus per hanc. Peccatum post baptismum patratum novam inducit perturbationem, & concupiscentiam personalem, quæ per pœnitentiam non deletur; sed plures malignæ reliquæ supersunt in anima, etiam post ablatam per pœnitentiam maculam culpæ. Impossibile ergo est lapsos post baptismum rursus recuperare gratiam; & iustitiam baptismalem; at impossibile non est eos obtinere per pœnitentiam gratiam reconciliationis & remissionis perpetrati delicti. Ne multa: iustitia baptismalis excellens, & præstantissima est; iustitia vero quæ per pœnitentiam habetur, longe inferior est. Apostolus vero scribens Romæ ad Hebræos baptizatos, & quasi vacillantes in christiana religione, quod non viderent adhuc impletas Christi promissiones omnes, ut eos in fide Christi roboraret, splendidissimum illud Dei donum in baptismo acceptum ob oculos illis refert, iisdemque dicit, impossibile illius recuperationem esse, si semel repellatur. Idcirco ad constantem perseverantiam, & persecutorum victoriam eosdem hortatur, animatque. In hac epistola pœnitentiæ sacramenti non meminit, quia circumstantiæ non se-
reabant.

VIII. Heinc patet responsio ad aliud testimonium Apostoli in eadem Epist. cap. x. ubi dicitur: *Voluntarie peccantibus nobis post acceptam notationem veritatis iterum moris*

relinquitur pro peccatis hostia. Hæc Pauli verba confirmant ea quæ hætenus dicta sunt. Post acceptam Christi fidem in baptismo, & iustitiam, quæ in sola Christi religione infunditur, non relinquitur *hostia*; idest, non superest altera baptismatis innovatio, & regeneratio. Huc tota tendit epistola Apostoli Romæ scribentis, & confirmantis fratres suos Ierosolymis degentes. Rescribam S. Ioannis Chrysostomi interpretationem in hunc locum *bom. xx.* ubi inquit: *Hic rursus nos adorantur qui tollunt poenitentiam, & quicumque cunctantur venire ad baptismum. Hi quidem dicunt, non esse eis tutum venire ad baptismum, siquidem non est secunda remissio; illi vero dicunt, non esse tutum eos qui peccaverunt, insigniri mysteriis, siquidem non est secunda remissio. Quid ergo dicemus utrisque? Quod hic non tollit poenitentiam, neque eam quæ per poenitentiam fit placationem; neque expellit, aut deiicit per desperationem eum qui lapsus est. Non est utique adeo inimicus nostræ salutis; sed secundum aufert lavacrum. Non enim dixit: Non est amplius hostia; hoc est, non est amplius crux secunda. Hoc enim vocat hostia. Hostiam enim Christus se in cruce obtulit æterno Patri. Nonnulla alia prætereo, quia de his infra sermo redibit.*

C A P U T. VI.

De prima poenitentiae parte, nempe de CONTRITIONE, quæ est materia proxima huius sacramenti.

Materia proxima sacramenti poenitentiae sunt tres poenitentis actus, nempe *contritio, confessio, & satisfactio*, ut definit Concilium Tridentinum *sess. xiv. cap. 111.* his verbis. *Sunt autem quasi materia huius sacramenti ipsius poenitentis actus, nempe contritio, confessio, & satisfactio. Qui, quatenus in poenitente ad integritatem sacramenti, & ad plenam, & perfectam peccatorum remissionem ex Dei institutione requiruntur, poenitentiae partes dicuntur.* Hoc idem prius definitum fuerat ab Eugenio IV. in *decr. pro instr. Arm.* In præsentiarum solam primam partem, contritionem videlicet, exponendam suscipio.

II. Quæst. I. *Quid sit contritio generatim sumpta?* Resp. Contritio universe spectata, prout a perfecta & imperfecta abstrahit, a verbo *contero* suum recipit nomen. Contero idem sonat ac divido, scindo, confringo aliquid in minutissimas partes. Sic contritio cor humanum peccato induratum, & tumidum contra Deum deprimit, subiicit legi Dei, & eo quo divina gratia vocat, insectat, ut habetur Ioelis 11. *Scindite corda vestra.* Concilium Tridentinum *sess. xiv. cap. iv.* sic eam definit. *Contritio animi dolor, ac detestatio est de peccato commisso cum proposito non*

peccandi de cetero. Appellatur contritio *animi dolor*, seu displicentia & tristitia animi ex Dei offensa orta. Contritio itaque intra animum tota consistit. Quare licet effusus exterius dolor, lacrymæ, & gemitus, quæ interiorē animi affectum consequuntur, bona sint, & laudabilia; tamen ad veram contritionem necessario non requiruntur. Dicitur *detestatio*, quia pœnitentia non modo est nova vita, seu resipiscencia, ut contendunt Lutherani, sed etiam anteaclæ vitæ odium. Additur *de peccato commisso*. Hæc particula indefinita, cum sit in materia necessaria, æquivalet universali, quæ ad omnia peccata mortalia, quibus Deus offensus est, extenditur, ut habetur Ezechiel. xviii. *Si impius egerit pœnitentiam ab omnibus peccatis suis quæ operatus est, & custodierit omnia præcepta mea, & fecerit iudicium, & iustitiam; vita vivet, & non morietur.*

III. Dicitur *cum proposito non peccandi de cetero*. Quoniam ad veram pœnitentiam non modo requiritur præteritas culpas, ut delendas, respicere; verum etiam præcavere futuras. Quare S. Gregorius Magnus *homil. xxxiv. in Evang.* inquit: *Pœnitentia est mala præterita plangere, & plangenda iterum non committere.* Hæc duo ita coniuncta sunt, ut unum consistere sine altero nequeat. Propositum istud expressum, & formale communiter esse debet, & non tantum virtuale, & implicitum. Concilium *loc. cit.* adiicit: cum voto præstandi omnia quæ requiruntur ad sacramentum pœnitentiæ rite percipiendum, nempe confitendi, & satisfaciendi. Votum istud necessarium est, cum & confessio, & satisfactio iure divino necessaria sint, ut infra clarius patebit.

IV. Obiectum ergo, seu materia contritionis sunt peccata præterita ipsius pœnitentis. Quamquam enim omnia peccata etiam aliena, & ipsum originale propter eorum fœditatem displicere debeant, de illis tamen contritio strictè dicta non est.

V. Quæst. II. *Quenam sunt contritionis proprietates?* Resp. Præcipuæ quæ assignantur, sunt istæ: libera, bona, supernaturalis, vera, sincera, magna, vehemens. Lutherus contritionem coactam esse, & in terroribus conscientie positam, quibus anima necessario commoveretur, effutiit. Heinc nec pœnarum metum, nec ipsam contritionem ad gratiam præparare, sed hominem hypocritam facere docuit. Quem errorem proscripsit Tridentinum Concilium *sess. xiv. can. v.* Prima itaque contritionis proprietas est, quod sit actus liber, & bonus. Præterea supernaturalis esse debet, tum ratione divini auxilii, sine quo nemo, ut oportet, conteri potest, ut Catholici omnes semper docuerunt contra Pelagianos; tum ratione motivi, a quo speciem capit. Si enim contritio ipsa supernaturalis est, eiusdem quoque motivum supernaturale sit necessum est. Contritio enim naturalis, ob aliquod naturale malum concepta, inepta est ad peccatoris conversionem. Talis fuit contritio & Antiochi descentis peccatum ob gravissimum quo

cru-

cruciabatur morbum; & Esau, qui amissam lugebat temporalem hereditatem; Plura concurrunt ad contritionis partum edendum. Nam præter divinum auxilium, & fidem, timor pœnæ æternæ, & amittendæ beatitudinis, peccati turpitudine, quatenus est offensa Dei, & tandem amor saltem inchoatus & initialis divinæ bonitatis influunt in contritionem. Diligenter tamen distinguendum est motivum contritionis ab occasione, qua quis excitatur ad pœnitentiam. Mortis temporalis timor, & urbis subversio, quam Ionas Ninivitis imminere annuntiavit, eos ad pœnitentiam peragendam impulerunt. Illorum pœnitentia non fuit concepta ex motivo temporalis damni; alioquin sufficiens minime fuisset ad divinam vindictam placandam; sed id occasio tantum fuit, qua excitati, ex supernaturali motivo veram pœnitentiam peregerunt.

VI. Vera, & sincera esse contritio debet, quæ non in solo verborum strepitu, non in fictis lacrymis, non in lectione alicuius formulæ in libello descriptæ consistit; sed in intima voluntate ab omni peccati affectu aliena. Quo facilius sibi blandiuntur peccatores veram se habere contritionem, eo difficilior deprehendi, vera ne, an falsa sit, potest. Quoniam, inquit S. Gregorius Magnus cap. 11. Regulæ pastoralis, sit aliquando ut aliud in imis intentio supprimat, aliud tractantis animo superficies cogitationis ostendat. Nam sæpe sibi de se mens ipsa mensitur, & fingis se de bono opere amare quod non amat, de mundi autem gloria non amare quod amat. Contritio ista dignosci a nobis non potest; cum donum Dei, & intimus animi actus sit. Ex peccati fuga, & bonorum operum exercitio colligere illam possumus. A fructibus eorum cognoscetis eos, inquit Matth. vii. Et Præcursor Domini clamabat Matth. 11. Facite fructus dignos pœnitentiæ.

VII. Quæst. III. Quam magna & vehemens debeat esse contritio? Resp. Contritio debet esse summa appetitiæ: quia Deum cunctis creaturis anteponit, & a divino amore suam ducit originem, eoque veluti fundamento nititur. Porro Deum super omnia diligere iubemur; atque adeo summo de eius offensa dolore contristemur oportet. Quemadmodum enim Deus inter omnia diligenda summum est bonum; sic peccatum inter omnia detestanda est summum malum: & sicut modus (inquit S. Bernardus Lib. de diligendo Deo) Deum diligendi est diligere sine modo; ita modus detestandi peccatum, est detestari sine modo. Heinc contritio non solum est summa appetitiæ, sed dici etiam potest summa intensiæ, dum summo voluntatis ardore in odium peccati, & amorem Dei fertur; & extensiæ, dum ad omnia & singula peccata extenditur, nulla adiecta temporis limitatione. Appetitiatio spectat obiectum, quod omnibus rebus anteponitur. Intensio respicit subiectum, seu gradum, & fervorem contritionis: extensio peccatorum multitudinem, diversitatem, & temporis perpetuitatem. Hæc omnia multis Scripturarum testimoniis demonstrantur. Deuter. iv. Cum quaesieris Domini-

num Deum tuum, invenies eum, si tamen toto corde quaesieris, & tota tribulatione animæ tuæ. Item Iocel. cap. 11. Convertimini ad me in toto corde vestro, in ieiunio, & in fletu, & in planctu: & scindite corda vestra, & non vestimenta vestra. Item Mich. iv. Dole, & satage filia Sion quasi parturiens. Rursus Isaias cap. lix. Rugiemus quasi ursi, omnes, & quasi columbæ meditantes gemitum. Tandem Matth. xxii. Diliges Dominum Deum tuum ex toto corde tuo, & in tota anima tua, & in tota mente tua. Quæ oracula amorem appetitativum, Deum ceteris omnibus præferentem, & doloris acerbicatem ad similitudinem mulieris parientis, leonisque rugientis significant; ut ex alio Matth. x. textu colligitur: Qui amat patrem, aut matrem plusquam me, non est me dignus: & qui amat filium, aut filiam super me, non est me dignus. Adeo firma, fortis, & constans contritio ista Dei amore formata esse debet, ut nihil ab eadem nos dimovere valeat, inquit S. Paulus Rom. cap. viii. Quis nos separabit a caritate Christi? An tribulatio? an angustia? an fames? an nuditas? an periculum? an persecutio? Certus sum enim quia neque mors, neque vita, neque Angeli, neque instantia, neque futura... neque creatura alis poterit nos separare a caritate Dei, quæ est in Christo Iesu Domino nostro. Et tamen P. Francolinus Rigorisimi arguit Gennerum, quod ad veram poenitentiam postulet propositum constans, & non vacillans.

VIII. Contritionis dolor summus esse debet in corde, quin necesse sit ut foras erumpat, & lacrymas emittat; quemadmodum supra indicavimus. Interdum enim lacrymæ ab oculis nostris ubertim effluunt, & acerbis sensuum dolore afficimur, quin internus animi dolor summus sit. Et contra sæpe animi dolor maximus, & vehemens est; & tamen nec unam exprimere lacrymam ab oculis valemus. Indoles, variæ sensuum affectiones, temperamenti corporis humani diversitas, & plura alia fontes lacrymarum aperiunt. Ab hac ergo exteriori, & lugubri sensuum inæstia haud pendet supernaturalis contritio, quæ siccis oculis summa, quemadmodum inter lacrymarum torrentes sista, esse valet. Nihilominus lacrymæ (inquit Catechismus Concil. Trid.) summopere optandæ, & commendandæ sunt. Præclara est enim ea de re S. Augustini sententia: Non sunt in te christianæ caritatis viscera, si luges corpus, a quo recessit anima; animam vero, a qua recessit Deus, non luges: atque huc spectant illa Salvatoris verba: Væ tibi Corozain, væ tibi Bethsaida: quia si in Tyro, & Sidone factæ essent virtutes quæ factæ sunt in vobis, olim in cinere & cilicio poenitentiam egissent: tametsi ad eam rem comprobandam satis esse debent clarissima Nivitarum, Davidis, Peccatricis, Apostolorum Principis exempla, qui omnes plurimis lacrymis Dei misericordiam implorantes, peccatorum veniam impetrarunt.

IX. Heinc colliges, siue amorem, siue dolorem appetitativum vix sine aliqua

intensione esse : & quo maior ad bona creata, & mundi illecebras propensio & affectus, eo intensiori conatu sciungenda, & convertenda in summum bonum voluntas est. Siquidem, ut S. Cyprianus *de lapsis* inquit, *quam magna deliquimus, tam granditer defleamus. Alio vulnere diligens, & longa medicina non desit. Pœnitentia crimine minor non sit.* Nullus tamen designari gradus intensiōis valet certus & determinatus, qui ad essentiam contritionis, vel amoris Dei necessarius dicatur. S. Thomas *Suppl. quæst. 111. art. 1.* explicat his verbis dolorem contritionis. *Dolor in contritione excedit omnes alios dolores : quia quantum aliquid placet, tantum contrarium eius displicet ; finis autem ultimus super omnia placet, cum omnia propter ipsum desiderentur : & ideo peccatum, quod a fine ultimo avertit, super omnia displicere debet.*

C A P U T VII.

De præcepto naturali, & divino contritionis. Obligat ne mandatum istud ut statim ac homo peccavit, pœniteat ?

Necessariam esse contritionem iure naturali, divino, & ecclesiastico, fatentur omnes. *De iure naturali* (inquit S. Thomas III. Part. quæst. lxxxiv. art. 7. ad 1.) *est quod aliquis pœniteat de malis quæ fecit, quantum ad hoc quod doleat se fecisse, & doloris remedium quærat per aliquem modum, & quod etiam aliqua doloris signa ostendat.* Necessitatem contritionis ex divino iure plura Scripturarum testimonia evincunt. Ezech. xviii. *Convertimini, & agite pœnitentiam ab omnibus iniquitatibus vestris :* & Luc. xxi. *Nisi pœnitentiam egeritis, omnes simul peribitis.* Hinc Concilium Tridentinum sess. xiv. cap. iv. declarat, *quævis tempore ad impetrandam veniam peccatorum contritionis motum fuisse necessarium.* Adeo luculenta est veritas ista, ut S. Augustinus *Lib. de duabus animabus cap. xiv.* scripserit, *posse quidem aliquem dicere, se non peccare ; at nullam esse barbariem quæ dicere audeat, non esse pœnitendum, si peccaverit.* Necessaria quoque est contritio iure ecclesiastico, cum semel in anno facienda sit confessio, quæ sine contritione valida esse nequit. Nulla ergo est apud Theologos disputatio de contritionis necessitate ; at non leve est penes illos dissidium circa tempus quo hoc præceptum urgeat. Quod mihi probabilius videtur, mox dicam.

II. Quæst. unic. *Præceptum contritionis obligat ne statim ac homo peccavit ?* Resp. Distinguunt obligationem per se, & per accidens. Priori modo, inquit Turnelius cum aliis permultis, obligat præceptum contritionis in articulo mortis,

tis, quia quisque tenetur consulere salutem suam, quam sine poenitentia obtinere nemo potest. Posteriori modo, inquiunt, obligat, cum urget præceptum percipiendæ Eucharistiæ, aut confirmationis. Hoc pacto ratiocinabantur plures de præcepto amoris Dei, antequam Innocentius XI. damnet has tres propositiones. 5. *An peccet mortaliter qui actum dilectionis Dei semel tantum in vitam eliceret, condemnare non audemus.* 6. *Probabile est ne singulis quidem rigore quinquennii per se obligare præceptum caritatis erga Deum.* 7. *Tum solum obligat, quando tenemur iustificari, & non habemus aliam viam qua iustificari possimus.* An damnata in his propositionibus sit doctrina rescripta ex Turnely de sacr. poenit. quæst. 111. quæst. 6. videlicet præceptum contritionis per se obligare dumtaxat in articulo mortis, per accidens vero cum tenemur iustificari, alii decident. Mihi sane, salvo meliori iudicio, necessaria consecutione, immo potiori iure, per se contritionis præceptum non tantum in articulo mortis, aut singulis quinquennii, sed frequentius urgere videtur, quemadmodum præceptum amoris. Immo si præceptum caritatis absolute & per se, non tantum aut mortis tempore, aut singulis quinquennii, sed frequentius ad amandum Deum obstringit Christianum, abstrahendo a peccato in illum perpetrato; strictiore sane iure obstringere contritionis mandatum videtur Christianum peccatorem. Exempti ne sunt peccatores a caritatis præcepto? Nemo dixerit. Porro impleri caritatis præceptum a peccatore nequit sine contritione de perpetrato peccato. Ergo sicuti proscripta est doctrina restringens præceptum caritatis ad mortis articulum, aut ad quinquennium; ita proscripta videtur doctrina limitans ad præfata tempora contritionis mandatum.

III. Alii Theologi docent præceptum hoc obligare saltem singulis diebus festis, quibus audiendum est Missæ sacrificium: alii quoties peccatum commissum memorizæ occurrit: alii statim post peccatum patratum. In hac opinionum varietate illud mihi certum videtur, sententiam illorum qui ad duos casus, nempe ad mortis articulum, & ad receptionem, aut administrationem sacramentorum, limitant contritionis mandatum, falsam esse, &, nisi mea me fallat opinio, vi iusti ratiocinii proscriptam, non secus ac doctrinam de caritate in rescriptis propositionibus contentam.

IV. Utrum vero obliget præceptum istud continuo ac homo peccavit, discutendum est determinare. Quætionem hanc fuscè discussi Tom. I. in Decalog. Lib. I. dissert. IV. cap. x. §. 2. Iudicium ibidem meum suspendi, & in hunc locum absolute pronuntiandum remisi. Dixi ibidem, argumenta sententiæ asserentis peccatorem, statim ac peccavit, obstringi ad actum contritionis, mihi apparere evidentissima, & ineluctabilia. Cur ergo, inquiet aliquis, iudicium tuum suppressum voluisti? Quia non ad omnia quæ imbecillitati meæ evi-

dentia apparent, amplectenda alios urgere lubet. Verum hæc per transennam.

V. Tempus nunc est id patefaciendi quod ipse sentio de hac gravissima questione. Dico itaque, præfatam sententiam, asserentem peccatorem debere statim, modo ibi explicato, a peccato recedere, & se se in Deum convertere, mihi videri probabiliorē, tum ob auctoritatem & Scripturarum, & tot Sanctorum Doctorum qui illam propugnant, tum ob rationum momenta, quæ mihi videntur efficacissima. Secus fortassis apparebunt aliis. Tu serio illa expendito *loc. cit.* ne ego actum agam, eadem huc transcribendo.

VI. Pauca in præsens obiter adiicio, seu clarius expono. Dixi ibi *ro statim* moraliter, non physice accipiendum esse. Addo hic dari materiæ seu temporis parvitatem in hoc negotio christianæ conversionis, sicut in ceteris præceptis. In hac itaque latitudine spectandæ sunt circumstantiæ peccatoris, ita ut diu non differatur conversio. Sic explicata, seu temperata sententia a nemine negari deberet. Nam communiter graviores Theologi docent, illum graviter peccare qui diu differt suam conversionem. Difficultas est, quid intelligatur per *ro diu*. Alii intelligunt mensem. Ego hebdomadam præter propter intelligerem. Advertat tamen christianus lector, nos nihil certi definire posse circa hoc temporis interval- lum. Ex Scripturis, ex Patribus, ex Conciliis scimus, peccatorem differenter suam conversionem peccare. Hoc certe scimus. Quantum vero temporis requiratur ad novum peccatum mortale patrandum, certo definire quis potest? Id solum dico, sententiam quam proposui, & circumscripsi, mihi videri probabiliorē. Quare semper præ oculis habendum est, quod peccatum suo pondere in aliud impellit, & perpetrata malitia ad aliam perpetrandam invitat; ut Scripturæ divinæ, Patres, experientia, & Concionatores omnes clamant. Admissa contraria recentiorum sententia, qua efficacitate Concionatores e suggestu revincere peccatores valent, ut non differant pœnitentiam de die in diem, sed statim se se convertant, ut periculum damnationis declinent; si consilium hoc tantum sit, & non præceptum? Quare sophisma est, &, ut mihi videtur, manifeste falsum, quod docent iuniores permulti; videlicet, communem fidelium sensum declarare hoc præceptum non urgere statim ac peccatum commissum est, neque cum peccatum sive speculative, sive practice memoriæ occurrit. Quoniam, inquit, fideles accusare se de hac circumstantia in confessione non assueverunt. Quot crimina peccatores, quot corruptelas, quot flagitiosas illecebras deglutiunt, quin ullum sibi scrupulum moveant? Communis fidelium sensus colligi debet ex Dei ministris, qui omnes uno ore contra pœnitentiam de die in diem differentes vehementi zelo declamant, non tantum ut meliora suadeant, & tutiora; sed ut luculentissimis argumentis evincant, obstrictos peccatores esse ad non protrahenda

nam poenitentiam, ut cæcitatibus & obstinationis abyssum declinent. Patefaciunt, quam horrendum sit, & detestandum quod homunciones persistent in Dei averfione, & inimicitia, quod nolint cum diabolo pactum sedus statim rescindere; sed contra fovere, & continuare, atque in inveterato peccandi habitu, & vitiorum cœno conquiescere, Deū vindictam provocare, & tandem damnationem sibi obstinate afciscere. Hic est omnium Concionatorum sensus communis. Quinam sensus præferendus? Concionatorum, an peccatorum, qui de hac dilatione non se accusant? Quid? Dicemus ne, omnes divini verbi ministros falli, & fallere populum fidelem, dum præfata e publico suggestu detonant zelo summo? Dicunt ne erunt Casuistæ, apostolicos viros concionatorie, oratorie, declamatorie loqui, secus scholastice, & casuistice? Alia ne est doctrina cathedræ apostolicæ a doctrina tribunalis poenitentis? Peccatores non se accusant de hac dilationis circumstantia, quia cæci sunt, quia luci divinæ oculos claudunt: non se accusant ex incuria interdum, & negligentia aliquorum aut Parochorum, aut Confessoriarum, qui, ut debent, poenitentes non instruunt. Divini verbi ministri ex Scripturarum, & Patrum documentis suas efficiunt conciones, neglectis Casuistis. Contra Casuistæ non pauci, neglectis Scripturis & Patribus, plures opiniones resolvunt ex auctoritate aliorum Casuistarum. Non me latet, Theologos quoque graves, nedum Casuistas, contrariam propugnare opinionem. Quid inde? Pro nostra, quam defendimus, stant Scripturæ divinæ, stant Patres, stant Theologi sane præstantiores, ut Thomas, Bonaventura, Alensis, Antoninus, Paludanus, ceterique, quos allegavi *loc. cit.* Stat denique communis Concionatorum sensus.

VII. Paritas præcepti confessionis, quam urgere adversarii solent, nullius momenti est. Præceptum enim istud est merum affirmativum. Nam S. Thomas in *IV. dist. xviii. quæst. 111. art. 1. quæstion. 4.* & habetur in *Suppl. III. Part. quæst. vi. art. 5.* docet, præceptum confessionis natura sua esse affirmativum; & solum per accidens obligare præter tempus præscriptum. Notanda sunt quæ ibi initio corporis articuli habentur. *Respondeo dicendum, quod cum propositum confitendi sit annexum contritioni, tunc tenetur aliquis ad hoc propositum, quando ad contritionem tenetur, scilicet quando peccata memorie occurrunt.* Conferas velim hæc cum iis quæ ex 2. 2. *quæst. lxii. adduxi loc. cit.* & inde colliges, S. Doctorem aperte docere nostram sententiam, quam probabiliorem existimamus. Clarius rem explico. Peccator tenetur statim se Deo reconciliare vel contritione, vel sacramento poenitentis, seu medio necessario ad suam iustificationem obtinendam. Quamvis igitur præceptum confessionis moras admittat; tamen ad poenitentiam peccator tenetur statim morali in sensu, seu plus minusve, ut dictum est, ac peccatum perpetravit, seu memoris occurrat. Sat vero erit ut propositum seu

votum confessionis, quod elicere, dum conteritur, tenetur, opportuno tempore impleat. In hoc, similibusque controversiis indulgendum non est argutationibus metaphysicis, & a paritatibus repetitis; sed bono sensu utendum, & id agere debemus quod Scripturæ, & Patres docent. AEque periculis subiacet qui ad extremum multiplicandi peccata, ac qui ad aliqd extremum dilabitur peccata tollendi. Quamobrem dixi, hanc sententiam post diligens, & diuturnum studium mihi videri probabiliorē. *Loc. cit. num. 39.* laudavi P. Contensonium *Lib. II. part. III. cap. 1.* pro hac sententia; sed nunc adverto, ipsum propendere quidem in hanc sententiam, sed eam absolute definire non audere; quemadmodum nec ego eam absolute definio, sed aio longe mihi esse probabiliorē contraria. Adiciit ibidem Contensonius, „periculosissimum esse pœnitentiam post lapsum „protrahere, cum sententia adfirmans dari speciale de peccato confessum contritione delendo præceptum, iis rationum ponderibus, iis muniatur auctoritatum momentis, iis præsertim S. i. homæ verbis satis apertis doceatur, quibus „(ut mea opinio, vel imbecillitas fert) satisfacere nequeo: & si tuum iudicium, lector cordate, ita adhibeas, ut alienum, nonnisi cognita causa, sequare, ultro fateberis, talia esse posterioris sententiæ argumenta, ut eis evidenter responderi posse plane dissidendum esse censueris. “ Et tamen argumenta omnia quibus hæc nostra nititur sententia, non indicat Contensonius; sed pauca, & quidem obiter perstringit. Consule itaque rationum momenta quæ *loc. cit.* fuso calamo expendi, & quod tibi visum fuerit verbo Dei, Sanctorumque doctrinæ magis consentaneum, amplectere. Hanc nostram sententiam, præter citatos, defendunt VVitalle de *contr. art. 2. assert. 4.* Bonus Merbesius de *pœnit. dissert. xv.* Oppones forte, hos esse Antiprobabilistas, & iuxta P. Francolinum Rigoristas. Audiamus ergo Probabilistas.

VIII. P. Ioannes Cardenas Probabilista, meo iudicio doctissimus, qui Probabilissimum adeo coercuit, & restrinxit, ut in praxi communiter saniori doctrinæ adhæreat, Caramuelem strenue exagitat, & laxiores opiniones profigat. Probabilistarum legi neminem qui in tam arcta confinia Probabilissimum revocaverit. Probabilissimum Cardenas speculative defendit, anticipationibus, quæ nobis intimæ sunt, præventus; ceterum in praxi, Probabilismo reiecto, ut plurimum nobiscum sentit. Hæc dixi in iustam perdocti viri laudem, ut veritati litem, & ut a partium studio me immunem esse patefaciam. Porro *cap. III. art. 2.* hæc statuit. „Secunda pars conclusionis suprapositæ est, hominem, STATIM ac labitur in „peccatum letale, teneri ad ponendum medium suæ iustificationis vel per contritionem caritate formatam, vel per sacramentum pœnitentiæ. Hanc conclusionem propugnant quatuordecim Doctores citati *art. 1.* “ Hanc conclusionem munit, & roborat P. Cardenas luculentissimis Scripturarum, & Patrum testimoniis.

niis. Verum, missis recentiorum Theologorum dissidio hoc, iuxta divinarum Scripturarum, Patrum, Concionatorum, atque adeo communem proborum fidelium sententiam peccatores qui diu differunt propriam in Deum conversionem, peccant. Quantum autem temporis spatium requiratur ut dilatio sit mortalis, res adeo certa non est. Ille, si differat per integram hebdomadam, peccabit mortaliter; iste ob varias circumstantias, vel inadvertentiam, vel ignorantiam non peccabit mortaliter. Illud certum maneat, præceptum poenitentiae, seu conversionis in Deum esse gravissimum, quod diuturna dilatione violatur: & hoc inculcare Concionatores debent, missis Probabilistarum plurium commentis.

C A P U T •VIII.

Questiunculae nonnullae resolutae. Desierit ne in lege evangelica contritionis ex amore caritatis conceptae præceptum. Laxae opiniones Sporer, Viva, De Lugo, & aliorum refelluntur.

I Naudita paradoxa refellenda hoc in capite mihi sunt. Iure naturali & divino obstringere peccatores contritionis mandatum, dictum est, atque iuxta probabiliorē sententiam teneri homines non diu differre post peccatum conversionem in Deum. Nunc plurium Probabilistarum opiniones expendendae sunt.

II. Quæst. I. *Obligat ne hoc præceptum per se in articulo mortis tantum?* Resp. P. Leander *trakt. v. disp. 1. quæst. xxxvii.* „Affirmant, inquit, solum in articulo, seu periculo mortis obligare, Vasquez, Caietanus, Hurtado, Diana, Villalobos. Citat etiam Lugo pro hac sententia Navarrum, Durandum, Sotum &c. „Affirmat etiam Bonacina, qui pro se citat Suarez, Filliucium, Molfesum &c. “Hactenus Leander. An citati Auctores revera hanc doceant laxam; & ut ego quidem arbitror, proscripam opinionem, alii videant. Ad Caietanum quod attinet, hæc in *Sum. verb. Contrit.* docet. *Tempus autem quo tenetur post commissum mortale quis conteri, quantum ad surgendum a morte peccati, & vitandum periculum repentinæ mortis ac damnationis, determinatum est ad STATIM, quia nec per momentum tutum est, licitumque stare in statu offensa & ira Dei.*

III. Illud certum est, plures benignioris Ethices patronos negare extra mortis articulum per se præceptum istud obligare. Quoniam arguantur hoc pacto. Rationes quæ probant non obligare hoc præceptum, continuo ac homo pecca-

vit, eadem evincunt quoque non obligare per se in quocumque tempore determinato. Verum hanc doctrinam proscriptam esse in tribus supra recensitis propositionibus damnatis ab Innocentio XI. iam dixi. Obligatur Christianus per se consulere propriæ salutis in articulo mortis, & non tenetur sibi consulere in vitæ decursu? Hæc ne benignissimi Probabilissimi axiomata? Diversa ne est Theologia mortis a Theologia vitæ? Tempus istius determinationis certum assignari nequit. Verum habet. Quid inde? Ideo ne omni tempore, sublato mortis articulo, exemptus homo est ab huiusmodi obligatione? Immo, quia præceptum absolutum, & indefinitum est, legitime inferitur eiusdem obligationem frequenter urgere.

IV. Urgeo fortius istius opinionis assertores. Ecclesia damnavit opiniones pugnantes præceptum caritatis non obligare per se extra articulum mortis, vel intra quinquennium. Ergo damnata quoque est opinio defendens præceptum contritionis non obligare per se extra articulum mortis. Probo consequentiam. Peccatores tenentur ne extra articulum mortis, & infra quinquennium implere præceptum caritatis? Ais? Ergo etiam præceptum contritionis: quia nequeunt Deum amare amore caritatis, nisi doleant de culpis patris. Adeo hæc duo connexa sunt, ut damnatio unius necessario inferat damnationem alterius.

V. Quæst. II. *An sit nimium laxa sententia P. Sporer, afferentis non urgere præceptum contritionis in articulo mortis respectu peccatoris iustificati per attritionem cum sacramento?* Resp. P. Patritius Sporer de sacram. Part. III. cap. 11. sec. 11. §. 11. num. 174 hæc docet. „Præceptum contritionis etiam in articulo mortis „non obligat hominem peccatorem usu sacramenti cum attritione iustificatum; „sed ipsa attritio cum sacramento baptismi, vel pœnitentiæ universaliter semper est sufficiens dispositio ad iustificationem, adeoque etiam in ARTICULO „MORTIS. Ita Henriquez, Vasquez, Canus, pluribusque allegatis Cardinalibus „de Lugo hic disput. vii. sec. 13. Dicastillus hic disput. vi. num. 19. Layman cit. „Lib. V. tract. vi. cap. 11. num. 7. “ Iudicet cordatus & christianus lector, sit nec ne nimium laxa doctrina hæc. Mihi videtur non modo laxa, sed laxissima, & æternæ Christianorum salutis perniciosissima: atque in recensitis damnatis thesibus continetur, ut mea minima præfert opinio. Vel ipse P. Sporer num. 175. oppositam sententiam vocat tutiorem, & in praxi sequendam, consulendam, & a Confessariis prædicandam. Probabilistæ plures, postquam laxas opiniones docuerunt, & in lectorum animos insinuarunt, adicere solent aliquod linimentum, & doctrinas veras, tamquam aliquid melius & tutius, consulunt.

VI. Quæst. III. *An præceptum contritionis ex caritate conceptæ DESIERIT in lege evangelica, supposito sacramentorum usu?* Resp. Adfirmat P. Sporer loc. cit. num. 173. his verbis. „Præceptum contritionis non obligat eos qui usu sacra-

„men-

menti cum attritione iustificati sunt, aut iustificari volunt. Communissima apud citandos infra. Ratio est, quia Christus in nova lege *singulari privilegio* aliud quoque medium iustificationis instituit, scilicet sacramenta mortuorum, baptismi, & poenitentiae, ut proinde modo solius contritionis perfectae NECESSITAS DESINAT: alioquin certe Christus instituens, ac praecipiens confessionem sacramentalem, medium per se satis *durum, & difficile*, si INSUPER ETIAMNUM REQUIRERETUR CONTRITIO PERFECTA, & ipsa peccatori satis difficilis, non alleviasset, sed multum aggravasset onus legis; essemusque PEIORIS conditionis modo Christiani quam veteres olim, qui ad solam contritionem obligati per eam iustificabantur. "Incredibilia videntur paradoxa ista; & tamen illa typis edita leguntur a Confessariis animarum curatioribus, & a mollioris Ethices Doctoribus defenduntur. Sermo est de contritione concepta ex amore caritatis theologicæ etiam in infimo gradu. Quemlibet enim amorem etiam remissum caritatis theologicæ iustificare peccatores extra sacramentum, Auctores isti contendunt. Quis autem profundo horroris ictu se percussum non experitur, dum audit in lege evangelica, quæ lex amoris est, contritionis ex amore caritatis conceptæ necessitatem defuisse? Nec minorem incutit horrorem ratio quam pro sublata contritione assignant. Christus instituit sacramentalem confessionem, quæ remedium *durum*, inquit, & *difficile* est. Quid? Si insuper requireretur contritio perfecta, Christus non alleviasset, sed multum aggravasset onus legis, essemusque peioris conditionis modo Christiani quam veteres olim, qui ad solam contritionem obligati per eam iustificabantur. In lege veteri contritio perfectissima iustificabat impium absque voto sacramenti poenitentiae. In lege evangelica non iustificat absque hoc voto, ut Tridentinum docet. Ergo Christus Dominus aggravavit, non alleviavit iugum evangelicæ legis? Lacrymis hæc defendenda amarissimis potius quam acri stilo plectenda iudico. Contritionem caritate conceptam omni tempore fuisse necessariam Tridentinum Concilium declaravit; & naturali divinoque iure præscriptam Catholici omnes habentus fassii sunt. Et hoc naturale divinumque mandatum Christus Dominus deletit, sustulit, abrogavit pro iis omnibus qui sacramentum poenitentiae frequentant? Hi omnes exempti a contritionis perfectæ præcepto sunt? Hoc mandatum naturale, & divinum illos dumtaxat paucos obstringit qui confiteri nequeunt? Hi soli conteri urgentur de peccatis ex amore divinæ bonitatis, & ex dolore offensæ eidem irrogatæ? Isti soli detestari peccata debent, propterea quod infinitam bonitatem læserint? Ceteri vero Christiani omnes, qui sacramentum poenitentiae frequentant, sat est ut ex solo suppliciorum timore, & amore beatitudinis obtingendæ peccata detestentur. Alioquin, si alitri essent ex amore divinæ bonitatis, & ex dolore offensæ eidem intentatæ peccata detestati, simulque iugo du-

dūro, & aspero sacramentalis confessionis obnoxii, peioris conditionis, quam Iudæi, forent. Et hæc doctrina, inquit P. Sporer, est *COMMUNISSIMA* apud citandos infra. Citat vero Henriquez, Vasquez, Canum, De Lugo, Dicastillum, Laymanum. An revera isti omnes talem doctrinam doceant, penes P. Sporerium fides esto.

VII. Pergit P. Sporer scribere alia plura, quæ laxa & falsa sunt, ne plus dicam. Hanc enim thesim proponit defendendam loc. cit. §. 2. num. 175. „ *Quantum do obligat? Per se quidem satis probabiliter in articulo, vel periculo mortis tantum.* “ Postea num. 177. „ *Præceptum contritionis per se tantum obligare in articulo mortis, & NUMQUAM ante, docent gravissimi Doctores, D. Thomas, Caietanus, Sotus, Navarrus, Medina, Adrianus, & aliis concessis probabilem ipse Suarez, ac mordicus defendit Dicastillus. Cum hoc præceptum pænale sit, & onerosum, non est extendendum, sed restringendum potius ad illa tantum tempora pro quibus eius obligatio certo nobis constat. At non constat nobis certo huius præcepti obligatio pro ullo tempore, præter quam in articulo mortis. Ergo &c.* “ Vides probabilitatem huius sententiæ. “ Quantum per summam iniuriam, & manifestam falsitatem impingat hoc laxitatis commentum scandali plenum S. Thomæ, ex iis quæ dicta sunt, patet. De Dominico Soto infra dicam. Plurima alia, quibus sanctorum Patrum doctrinam deludit variis distinctiunculis Auctor iste, nunc prætermitto. Subdit ibidem §. 4. longe probabilius esse, obligare etiam ante articulum mortis. Succensuri ne nobis erunt Probabilistæ, si dixerimus, vi Probabilissimi vel ipsa prima, & potissima naturalia, & divina mandata Scripturarum, & Patrum testimonia deludi, & proscindi? Ut falsitatem doctrinæ quam hætenus ex P. Sporer, & aliorum Probabilistarum sententia rescripsi, evidentius percipias, præ oculis habeto hanc prop. 7. damnatam ab Innocentio XI. *Tunc solum obligat, quando tenemur iustificari, & non habemus aliam viam qua iustificari possumus.* Præceptum autem caritatis impleri sine contritione aut implicita, aut explicita nequit, ut iam dictum est. Ergo damnatio unius infert damnationem alterius.

VIII. Quæst. IV. *Quoties per se obligat præceptum contritionis ex caritate conceptæ?* Resp. P. Georgius Gobatus tract. vi. num. 139. „ Dico vi. *Probabile quidem est nullum extare præceptum de contritione per se loquendo, elicienda ante articulum mortis; contraria tamen sententia (abstrahendo a perceptione sacramenti) est verisimilior, & in praxi sequenda. Prima pars probatur auctoritate, & rationibus, quas pro ea adferunt Suarez disp. xv. sec. vi. atque Dicastillo cit. disp. part. 111. dub. ultimo: qui Dicastillo mordicus defendit illam priorem partem, Suárezio habente eam solum pro probabili.* “ Probabilissimus omnia pro tribunali definit. Præceptum contritionis, iure naturali atque divino im-

impositum, non obligat ante articulum mortis vi opinionis, & quidem probabilis, inquit Gobat. Sed nota, *abstrahendo a perceptione sacramenti*: quoniam si confitearis, tum præceptum contritionis evanescit. Plures alias opiniones ab Ecclesia scriptas de præceptis fidei, spei, caritatis, & contritionis, quas, ut probabiles Casuistæ non pauci defendebant, mordicus contententes eiusmodi divina præcepta, quæ sunt fundamenta, & anima religionis christianæ, non obligare extra articulum mortis, aut intra quinquennium, retuli *Tom. I. in Decal. Lib. I. diff. iv. cap. ix.* & quæ ibi de frequentandis caritatis actibus dicta sunt, proportionem servata, de repetendis contritionis actibus dicenda esse collige; cum hæc duo ita connexa sint, ut caritas sine contritione saltem implicita reperiri non possit.

IX. Quæst. V. *Quoties obligat per accidens contritionis præceptum?* Resp. I. obligat, quoties sunt administranda sacramenta, vel recipienda. Tum enim aut contritio, aut confessio necessaria est. II. Quando urget gravis tentatio, quam sine contritione superare homo moraliter nequit. III. Urgente publica necessitate, dum prudenter rimetur, Deum ob peccata privata flagella immittere. IV. In gravi periculo vitæ, in bello, in navigatione procellosa, tempore grassantis pestis, aut terræmotus.

X. Quæst. VI. *Quid dicendum de hac questione quam proponit P. Dominicus Viva quæst. III. art. 1. num. 8. An peccator qui non potest aliquo anno ex defectu Confessarii confiteri, teneatur ad contritionem, antequam annus elabatur?* Resp. P. Dominicus Viva respondet his verbis. „ Affirmat Dominicus Soto .. quia præceptum poenitendi divinum, quod ex se indeterminatum est, iam ab Ecclesia est determinatum ad singulos annos *Qui non potest quantum debet, solvat quantum potest: & iuxta illam aliam: Qui non potest totum, reddat partem quam potest.*

„ Respondet equidem cum Con. & aliis communiter NEGATIVE. Falsum est enim quod Ecclesia determinarit tempus illud indeterminatum poenitendi in genere, ad quod obligamur ex divino præcepto: solum enim determinavit tempus confitendi indeterminatum. Cum autem in tali casu sit impossibilis confessio, non videtur peccator teneri ad contritionem. Et ratio ulterior est, quia cum conteri sit aliquod mere internum, non cadit sub præceptum Ecclesiæ; neque ratione sui & directe, ut patet, neque ratione alterius & indirecte, hoc est ratione sacramenti &c.

„ Ad regulas adductas: *Qui non potest totum &c.* respondeo eas valere, quando totum, & partes sunt homogenea non vero quando sunt heterogenea.

XI. Hinc collige, quam evidenter saltat lectores suos P. Sporer, dum pro laxissima opinione supra num. vi. citavit Dominicum Soto, qui, teste ipso Viva,

oppositum docet. Porro, missa intentione, quam piam suppono in Auctore fuisse, quæro, si quis vellet peccatoribus animos ad persistendum in malitia, qua alia via posset eos animare? Peccatores intra annum non tenentur conteri, & se convertere in Deum? Decipiunt ergo Concionatores fideles, eos urgentes ad celerem conversionem. Fallit eos Scriptura sancta, dum clamat: *Non tardes converti ad Dominum, & ne differas de die in diem*: Eccl. v. Iterum: *An divitiarum bonitatis eius, & patientiæ, & longanimitatis contemnitis? Ignoras quoniam benignitas Dei ad poenitentiam te adducit? Secundum autem duritiam tuam, & impoenitens cor thesaurizas tibi iram in die iræ, & revelationis iusti iudicii*: ad Rom. ii. Tenentur peccatores iustificari intra annum præcepto Ecclesiæ. Deficiente copia Confessarii, unica superest contritio: & ad hanc non tenentur? Quid significat hæc damnata propositio? *Tunc solum obligat, quando tenemur iustificari, & non habemus aliam viam qua iustificari possumus*.

XII. Damnabilior imbecillitati meæ, & salvo meliori iudicio, doctrina P. Viva, ac aliorum Probabilistarum videtur, quam contenta in damnata propositione. Damnata propositio ait, tunc solum urgere præceptum caritatis, quando tenemur iustificari. Tenemur iustificari singulis annis ex præcepto Ecclesiæ, ut faretur P. Viva. Et tamen damnata est propositio, quia *solum* tunc obligare mandatum caritatis propositio asserbat. P. Viva faretur peccatorem, de quo disputat, ex præcepto Ecclesiæ teneri ad iustificationem obtinendam intra annum: sed alia via non potest, nisi per caritatem, & contritionem, quia deficit Confessarius: & nihilominus neque tunc obligare divinum caritatis, & contritionis præceptum docet? Et hanc doctrinam cum *Coninck communem* appellat? Reponet forsitan P. Viva, deficiente copia Confessarii, non urgere præceptum iustificationis; quia præceptum contritionis, & præceptum confessionis non sunt *homogenea*; sed sunt *heterogenea*. Per has latebras, fundamentalium evangelicæ legum mandatorum obligationem effugere percontant? Si per integrum annum peccator perseverare in malitia sua potest, quin violet præcepta caritatis, & contritionis; eadem ratione poterit per biennium, per triennium, & per quinquennium. Et reipsa plures Probabilistæ hac argumentatione ducti sic docuerunt; sed damnata est eorum doctrina. Subdit ibidem P. Viva. „ Verum quidem est quod præceptum divinum „ contritionis obliget peccatores ad non differendum diu, & usque ad mortem „ poenitentiam. Hinc tamen non fit quod impotens aliquo anno suscipere sacramentum poenitentiae, teneatur saltem conteri. “ Si ex præcepto Ecclesiæ obligantis fideles ad poenitentiae sacramentum in annos singulos, aliquam accipere non possumus iuxta P. Viva, & alios Probabilistas normam stabilem determinandi saltem intra annum obligationem præceptorum divinorum caritatis, & contritionis; unde colligere poterimus regulam aliquam fixam prudentis & moralis

ralis determinationis? Obligat præceptum ad non differendum diu, & usque ad mortem. Peccator qui differt per annum integrum, per biennium, non differt diu? Vanæ ergo sunt omnes conciones, & declamationes Scripturarum, & sanctorum Patrum contra lapsos procrastinantes pœnitentiam.

XIII. Sed audias velim quid respondeat P. Sporer cit. Part. III. cap. 11. sec. 2; §. 3. num. 178. & seq. „Absterrent te gravissimæ SS. Patrum, & sacræ Scripturæ sententiæ, tam serio, & minaciter urgentes maturam pœnitentiam, & damnanter seram dilationem pœnitentiæ usque ad mortem.“ Adulterat Scripturarum sensum. Non modo usque ad mortem Scripturæ sanctæ, verum etiam de die in diem damnant conversionis dilationem. Sed audiamus responsam quod continuo ibidem subiicit. *At quidni commode intelligi possint ant de consilio sane optimo, ac saluberrimo; aut ad summum de præcepto, non debere nos nimis diu permanere in statu peccati mortalis?* Refutanda ne hæc sunt, & contemnenda, aut lugenda? Consilium ergo optimum, & saluberrimum continent tot Scripturarum, & SS. Patrum oracula, quæ dilationem pœnitentiæ execrantur? Sed iterum percontatur P. Sporer ibidem num. 179. „Quis Confessariorum ex PP. Augustinianis, Dominicanis, Franciscanis, Societatis &c. frequentissimi in confessionali, ab integro vel medio anno, in uno vel pluribus peccatis mortalibus hærentem interrogat &c. O abyssum scrupulorum, & anxietatum! An absque certo fundamento adstruendum? Addit Gobat, quod Prælati Ecclesiæ culpabilissime deessent suo officio in re maximi, & summi momenti, si illa rigida sententia foret vera, quandoquidem non dant operam ut ea prædicetur suis diocesanis.“

XIV. An Apostolus Paulus, an SS. Patres non sunt Prælati Ecclesiæ? An oracula Scripturarum non sunt manifesta? At hæc omnia pro consilii, non necessitatis, & debiti loco habes. An Concionatores omnes non exaggerant necessitatem celeris conversionis? Scriptura clamat: *Ne differas de die in diem*. Probabilistæ non pauci e contrario aiunt, differri pœnitentiam posse non modo de die in diem, non modo de hebdomada in hebdomadam, non modo de mense in mensem, sed de anno in annum, quin aliquod novum committatur peccatum. Nam Coninch, Lessus apud Gobat, ipso Sporer teste, & alii docent, differri posse per tres aut quatuor annos. Tandem P. Sporer, postquam laxas propugnavit opiniones, ibi §. 4. num. 186. hæc scribit. *Ego cum Tannero condemnarem peccati novi impenitentiam, qui ultra hebdomadam voluntarie & negligenter differret contritionem.* At quia Probabilistæ, probat omnes alias laxas opiniones, quas prolixè, & perturbate antea defenderat. Idcirco semper inculcandum duco lectoribus meis, ut, neglectis eiusmodi libris, divinis Scripturis studeant: succenseant mihi, quantum velint, Probabilissimi patroni. P. Sporer fusissime laxiores opiniones docet; postea sub finem disputationis immiscet cursim & obiter pauca quæ recensui

verba, quibus sana doctrina indicatur. Lectores aut fessi longa lectione, illa oscitant: prætereunt, aut ulcere laxitatis iam inquinati apti amplius non sunt ad illa amplectenda; cum vi Probabilissimi securam reputent doctrinam laxam ab eodem Sporer probatam. Post laudata verba renovat iterum doctrinam laxam, inquam, præceptum contritionis perfectæ non obligare eos qui per attritionem cum sacramento suscepto iustificati sunt; *saltem extra articulum mortis*: quia saltem extra articulum mortis *desit* in lege evangelica respectu illorum qui confitentur; præceptum contritionis ex caritate conceptæ.

XV. Quæst. VII. *Utrum sit nimium laxa sententia De Lugo, negantis præceptum contritionis in articulo mortis?* Resp. De Lugo de *pœnit. disput. VII. ser. 13. num. 261.* hæc scribit. „ *Utrum in articulo mortis sufficiat habere attritionem cognitam?* Quintum dubium magis difficile est, an ille qui suscipit sacramentum pœnitentiæ cum attritione cognita, debeat adhuc sub peccato mortali habere contritionem saltem in articulo mortis. Affirmant multi; Suarez... Nugnus ... Sanchez ... Granado ... Valentia &c. ... Contrariam tamen sententiam docent alii multi, Coninch ... Becanus ... Layman ... Fagundez ... Faber ... Diana ... Turianus ... Salas, & alii recentiores. 263. „ *Hæc posterior sententia semper mihi verior visa est.* “

XVI. Quæst. VIII. *Utrum sit nimium laxa opinio de Lugo, asserentis, opinionem probabilem in conspectu alterius probabilis esse veram in universum, atque adeo in articulo mortis?* Resp. Idem De Lugo *loc. cit. num. 272.* hæc docet. „ Dices. Negari etiam non potest quod sit probabilis sententia contraria, quæ docet obligationem esse eliciendi contritionem propter illud periculum. Non potest ergo in re tanti momenti conformare se *prædictæ* cum nostra sententia, licet sit *probabilior*. Quia esto in aliis materiis possumus sequi sententias probabiles, & habere iudicium practicum iuxta illas ad licite operandum; id tamen locum non habet, quando id cederet in detrimentum salutis propriæ, vel aliorum. Et ideo non possumus adhibere baptismum cum materia, aut forma *probabiliori*, reliqua magis *secura* & *certa*: quia exponeremus periculo salutem æternam, si forte illa sententia esset falsa. Cum ergo probabilis sit sententia, quam modo impugnamus, & illa sit magis *secura*, non possumus *prædictæ* amplecti nostram, licet, speculative loquendo, sit *probabilior*.

„ 273. Respondeo aliter loquendum esse de sententia quæ negat attritionem cum sacramento sufficere; aliter de illa quæ obligationem ponit contritionis habendæ propter incertitudinem huius remedii. Prior quidem *probabilis non est post Tridentinum*, ut diximus, neque habet fundamenta, quæ ad probabilitatem sufficiant; immo a multis gravioribus *censura notatur*. Posterior vero *probabilis est* (N. B. non ergo certa) sed eius probabilitas non impedit iudicium practicum

„ cum.

„ cum, quo aliquis possit in operando amplecti nostram sententiam. *Regula enim illa, quod in operando liceat sequi sententiam probabilem, VERA EST IN UNIVERSUM*, si sermo sit de ultimo iudicio circa licitum, vel illicitum hic & nunc. Nec obstat illa regula quæ dicit, circa materiam & formam sacramenti baptismi, & ordinis, saltem sacerdotii, non licere sequi sententiam probabilem. Nam ibi non est sermo circa licitum, sed circa valorem, verbi gratia, materiam, vel formam.“

§ XVII. Hæc serio meditare, christiane lector, tuæ æternæ salutis flagrantissimus. Ad Probabilismi *speculativi*, & *prædici* fallacissimam trutinam salus æterna Christianorum appenditur? In UNIVERSUM prævalet illa regula, quod liceat sequi opinionem probabilem? Excusatione aliqua dignus est De Lugo, quod ante propositionem damnatam a *Ven. Innocentio XI.* scripserit. Verum nullus nobis nunc de illius animo, menteque, quam piam, probamque supponimus, sermo: sed illius laxam improbamus doctrinam. Probabilismus ergo etiam in articulo mortis grassatur sub larva probabilitatis *prædici*, & *speculativi*? An ipsa propositio damnata non excipit baptismum, & sacerdotium? An attritio, sive formidolosa, sive amore initiali formata, non est materia huius sacramenti; qua deficiente nullum est sacramentum? An, si materia est dubia, non erit illicitus eiusdem usus? Quorsum ergo illa sophistica cavillatio circa licitum, & circa valorem? An Auditores damnatæ thesisi non loquuntur de probabilitate *prædici*, & de iudicio ultimo? Neque in articulo mortis præceptum illud naturale, divinumque urget? Desit in lege evangelica respectu illorum qui consentitur, præceptum contritionis etiam in extrema lucta? Neque in hoc puncto tenentur Christiani conteri de patris sceleribus ex dolore offensæ irrogatæ infinitæ Dei bonitati? Plura dicenda tuæ meditationi relinquo, lector cordate.

C A P U T IX.

De divisione contritionis in perfectam, & imperfectam, & utriusque naturam.

I. **C** Elebris est partitio contritionis in perfectam, & imperfectam. Perfecta est dolor summus de peccato patrato, ex amore Dei super omnia conceptus, seu caritate perfectus, cum proposito non peccandi de cetero, & voto suscipiendi sacramentum poenitentiae, ut colligitur ex Tridentino *sess. xiv. cap. iv.* ut indicatum est supra *cap. vi.* & nunc clarius explicandum est. Motivum unicum, unde contritio perfecta proficiscitur, est summa Dei bonitas offensa, seu ipse

ipse Deus infinite bonus peccato offensus, & super omnia dilectus. Heinc colliges, contritionem perfectam & incipere ab amore Dei, & includere semper caritatem; sicuti contra caritas includit contritionem. Quoniam sicut quælibet virtus, puta castitas, prosequitur bonum suum, & fugit ac detestatur malum oppositum; ita caritas, qua prosequimur infinitam Dei bonitatem super omnia, necessario nos movet, inclinaturque ad fugiendum, & super omnia detestandum peccatum, quatenus summum malorum est, & eiusdem infinitæ bonitatis offensivum; quodque ab illo summo bono nos separat. Quamvis igitur contritio non sit formaliter amor Dei, cum sit actus, non prosecutionis, sed fugæ & detestationis; includit tamen necessario caritatem. Immo sæpè hæc non implicite modo, verum etiam explicite & formaliter importatur. Disputare Theologi solent, utrum perfecta contritio eliciatur a caritate, & imperetur a virtute poenitentiae, aut contra. Sed non vacat disputationem hanc discutere. Contritio perfecta est actus elicitus a virtute poenitentiae, quæ vendicat Dei offensam, & imperatus a caritate, quæ amando Deum super omnia, & detestando necessario eiusdem offensam, imperat vindictam & satisfactionem præstandam a poenitentia. Hinc contritio perfecta, quia incipit ab amore Dei, *caritas perfecta* appellatur a Tridentino.

II. Contritio imperfecta, quæ etiam attritio dicitur, incipit a timore. Est enim dolor conceptus vel ex turpitudine peccati, vel ex gehennæ, & poenarum metu: & quia peccatum iniuria Dei est, illud detestatur, & pro eodem satisfacere Deo intendit.

III. Contritionis perfectæ expressa mentio fit in Scriptura Psal. I. *Sacrificium Deo spiritus contribulatus: cor contritum, & humiliatum Deus non despicies: & rursus* Plal. Cxlv. I. *Qui sanat contritos corde, & alligat contritiones eorum: & Luc. xv. Sanare contritos corde.*

IV. Docent Theologi plures, Scriptorum neminem ante sæculum xiii. vocem *attritionis* usurpasse. Primi omnium, qui hanc invexerunt vocem in scholas, fuerunt *Alexander Avenis, Albericus Magnus, & Guillelmus Parisiensis*: quæ postea latius manavit, & communis evasit.

V. Quæst. I. *Utrum hæc duæ contritiones specie differant?* Resp. Disputant in utramque partem Theologi, etiam ex Thomistis. Gonet, Cardinalis Gotti cum aliis, specie differre propugnant. Quoniam, inquiunt, actus qui eliciuntur a virtutibus specie diversis, sunt specie essentiali diversi. Contritio elicitur a virtute poenitentiae, tamquam eiusdem primarius actus. Attritio vero, inquit Cardinalis Gotti *quæst. xv. dub. 1. §. 3.* elicitur vel a timore servili, si sit ex metu gehennæ; vel, si sit ex turpitudine peccati, puta luxuriæ, elicitur a virtute morali cui talis turpitudine opponitur, ut a temperantia, a castitate. Sed, admittenda hæc sen-

tentia, iam non una, sed duæ virtutes pœnitentiæ specie diversæ admittendæ erunt. Sententia quæ mihi probabilior est, defendit, contritionem imperfectam; seu attritionem, quæ est pars prima sacramenti pœnitentiæ, specie non differre a contritione perfecta, ob oppositam rationem, quod uterque actus contritionis; & attritionis prodeat ab eadem virtute pœnitentiæ; & uterque actus idem obiectum formale respiciat, peccatum nimirum, ut est Dei offensæ, quæ per compensationem, & satisfactionem emendari & aboleri debet. Ergo ad eandem virtutem uterque actus pertinet. Quod autem perfecta contritio ex amore Dei proficiatur, & contritio imperfecta, seu attritio incipiat vel a turpitudine peccati, vel a timore gehennæ, & suppliciorum, & deinde assurgat ad detestandum peccatum, & de eodem dolendum ex amore initiali divinæ bonitatis, pœnitentiæ virtuti extrinsecus adveniunt ista, quæ illius speciem essentialem non variant. Docet S. Thomas, solos actus virtutis pœnitentiæ materiam præbere huic sacramento, & proxime ad eiusdem gratiam suscipiendam disponere. Quamobrem sacramentum, non timoris, non spei, non temperantiæ, sive cuiusque alterius virtutis, sed solius pœnitentiæ nuncupatur. Dicendum est (inquit S. Thomas III. Part. quæst. lxxxvi. art. 6. ad 3.) quod actus pœnitentiæ virtutis habet quod sine eo non possit fieri remissio culpæ, inquantum est inseparabilis effectus gratiæ, quæ operatur in omnibus sacramentis. Et ideo per hoc non potest concludi, nisi quod gratia est principalior causa remissionis culpæ, quam pœnitentiæ sacramentum. Sciendum tamen, quod etiam in veteri lege, & in lege naturæ erat aliquantulum sacramentum pœnitentiæ. Utraque igitur contritio, perfecta, & imperfecta, ab eadem oritur pœnitentiæ virtute: utraque respicit peccatum detestandum sub eadem formali ratione veluti intrinseca, iniuriæ nimirum irrogatæ Deo: & solum penes motiva extrinseca distinguuntur, quatenus contritio perfecta ab amore Dei, seu a caritate; & imperfecta a metu gehennæ, vel ex turpitudinis consideratione originatur: deinde contritio imperfecta ad amorem initialem progreditur. Plura rationum momenta; quæ evincunt, utramque contritionem ad eandem pœnitentiæ virtutem pertinere, infra fusius explicabo: quia utraque voluntatem peccandi excludat oportet. Ergo utraque & dolere de peccato, & detestari peccatum commissum debet sub universali, & illimitata ratione, quæ omnem affectum erga peccatum exterminet. Hæc autem ratio universalis esse nequit, nisi ratione offensæ Deo illatæ vindicandæ, & compensandæ, Nam horror turpitudinis ebrietatis non excludit affectum aut luxuriæ, aut avaritiæ; & purus gehennæ metus omnem affectum non excludit; cum ea quæ sunt ex metu, semper quidpiam involuntarii includant. Verum, ut dixi, fusius de hoc infra.

VI. Quæst. II. An oporteat, ut dolor qui in utraque contritione concipi debet, sit formalis, & explicitus, & non tantum virtualis, & implicitus in sacramento pœni-

tenia? Resp. Prima & princeps pars materiæ huius sacramenti est contritio, si-
ve perfecta, siue imperfecta, de qua infra. Dolor autem formalis, & expressus
est de essentia contritionis. Ergo dolor necessarius ad sacramentum poenitentiae
rite suscipiendum debet esse formalis, & expressus, & non sufficit virtualis. Si-
militer propositum non peccandi de cetero communiter, aliquibus casibus exce-
ptis, expressum, & formale sit necessum est, ut clarius infra dicetur.

VII. Quæst. III. *Utrum contritio extendi ad singula peccata debeat?* Resp. Non est
necesse ut tot numero contritionis actus repetantur, quot sunt numero peccata;
sed, ut explicando proprietates contritionis dixi, contritio debet esse universalis,
seu ad omnia peccata quæ post maturum examen memoriæ occurrunt, se exten-
dere debet. Et generatim de omnibus, etiam de iis quæ aut per oblivionem me-
morix non occurrunt, aut per ignorantiam non cognoscantur; immo de ipsis ig-
norantiæ peccatis dolere & conteri debemus. Lubet huc transcribere doctrinam
Catechismi Tridentini, in quo *Part. III. §. 29.* hæc habentur. *Maxime autem bor-*
tandi & monendi sunt fideles ut ad singula mortalia crimina proprium contritionis do-
lorem adhibere studeant. Ita enim Ezechias contritionem describit, cum ait: Reco-
gitabo tibi omnes annos meos in amaritudine animæ meæ. Etenim recogitare o-
mnès annos est sigillatim peccata excutere, ut ea ex animo doleamus. Subdit postea
§. 30. *sufficere univèrse quandoque peccata sua detestari.* Quoniam, inquit, cum Deus
nostræ salutis cupidissimus sit, nullam moram ad tribuendam nobis veniam interponit;
sed peccatorem paterna caritate completitur, simul atque ille se collegerit, & univer-
sa peccata sua detestatus, quæ deinde alio tempore, si facultas erit, singula in memo-
riam reducere, ac detestari in animo habeat, ad Dominum se converterit. In pecca-
tis luxuriæ, ut omnes admonent, diutius immorandum non est, ne illorum pu-
tidus fœtor mentem animumque inficiat, & lutulentæ exhalationes impuras flam-
mas succendant. Aliorum delictorum deformitatem, & cum divina bonitate, aliis-
que infinitis perfectionibus oppositionem, & repugnantiam meditari optimum est,
ut facilius dolorem, & detestationem vehementiorem concipiamus.

VIII. Quæst. IV. *Utrum ad remissionem venialium necessaria sit contritio?* Resp. Sen-
tentia adfirmans communis est. Quia etiam peccata venialia vere sunt peccata.
Porro divina Scriptura, nullo discrimine peccatorum gravium, & levium posito,
ad illorum relaxationem postulat contritionem. Unum & alterum testimonium
ex Patribus transcribo. S. Hieronymus *epist. xlv.* ad Rusticum *cap. iv.* inquit:
Septies cedit iustus, & resurgit. Si cedit, quomodo iustus? Si iustus, quomodo ca-
dit? Sed iusti vocabulum non amittit, qui per poenitentiam semper resurgit. S. Augu-
stinus *epist. xciii.* *Nec quemquam putes ab errore ad veritatem, vel a quocumque*
sive magno, siue parvo peccato ad correctionem, sine poenitentia posse transire.

IX. Sat est tamen ut contritio, & displicentia de venialibus sit virtualis, ut.

docet S. Thomas III. Part. quæst. lxxxvii. art. 1. inquires : Sicut peccatum mortale remitti non potest, quamdiu voluntas peccato adheret ; ita etiam nec peccatum veniale, quia, manente causa, manet effectus. Exigitur autem ad remissionem peccati mortalis perfectior poenitentia, ut scilicet homo actualiter peccatum mortale commissum detestetur, quantum in ipso est, ut scilicet diligentiam adhibeat ad rememorandum singula peccata mortalia, ut singula detestetur. Sed hoc non requiritur ad remissionem venialium peccatorum : non tamen sufficit habitualis displicentia, quæ habetur per habitum caritatis, vel poenitentiae virtutis . . . Unde sequitur quod requiratur virtualis quædam displicentia ; puta, cum aliquis hoc modo fertur secundum affectum in Deum, & res divinas, ut quidquid sibi occurreret quod cum ab hoc modo retardaret, displiceret ei, & doleat hoc se commississe, etiam si actu de illo non cogitaret.

X. Eiusmodi peccata venialia non abolentur solius aquæ lustralis asperzione, nisi accedat contritionis actus : non requiritur tamen ut sit specialis ; sed sat est ut sit generalis, ita ut quis generatim venialia detestetur. Quamobrem contritio de mortalibus non includit naturam suam detestationem venialium. Potest enim quis odisse mortalia, quin detestetur venialia. Requiritur itaque proprius de his levioribus dolor. Contritio vi sua delet venialia, quin opus sit voto sacramenti. Nec propterea superfluit pro his sacramentum : quia, si accedat, auget gratiam, & auxilia peculiariter obtinentur ad eadem pro loci, & temporis opportunitate vitanda.

DISSERTATIO II.

DE INSUFFICIENTIA ATTRITIONIS FORMIDOLOSÆ, ET NECESSITATE CARITATIS INITIALIS AD SACRAMENTUM POENITENTIAE VALIDE SUSCIPIENDUM.

P R A E L O Q U I U M,

in quo

Quam sit momenti summi proposita controversia, quam diligenter a me enucleanda, quam serio a lectore, positis præiudiciis, expendenda, differitur.

I. **S**I ulla est in universa Theologia christiana controversia impedita, & usquequaque subtilissimis commentationibus circumsepta; si ulla est scitu necessaria, & explicatione perspicua dispicienda, hæc sane est, quam nunc habemus in manibus. Et ne magnifico verborum apparatu te suspensum detineam, paucis habeto, christiane lector, gravissimum, & momentosissimum argumentum, unde æterna pendet plurimorum salus, tractandum. Disputatur; quænam sit vera & certa materia sacramenti poenitentiae. Adfirmant illi esse attritionem supernaturalem ex metu gehennæ, & poenarum, aut ex peccati turpitudine conceptam, cuiuscumque dilectionis benevolæ expertem. Negant alii hanc esse sufficientem, & certam materiam. Alterutra sententia falsa sit necessum est; cum plus una vera esse nequeat. Si reipsa attritio formidolosa, ut vocant, insufficientis materia sit, sacramentum nullum est; quemadmodum, si aqua qua administratur baptismus, naturalis non est, frustraneum est baptismi sacramentum. Et sicuti perirent omnes qui vera aqua tincti non essent; ita æternas daturi poenas essent peccatores omnes, hypothesi facta quod præfata servilis attritio insufficientis sacramenti materia foret. Neque hac in hypothese aut mirifica Probabilissimi vis, aut Auctorum multitudo, aut certitudo illa moralis quam plures comminiscuntur, aut ignorantia invincibilis præsidium aliquod afferrent. Defici-

cient-

ciente enim vera materia, nullum omnino est sacramentum : & peccatores qui sola attritione formidolosa, tamen supernaturali, peccata detestantur, si nullum sit ex veræ materiæ defectu poenitentiae sacramentum, quod se suscipere credunt, in infernum præcipientes ruere, nemine diffidente, tamquam compertum exploratumque fatentur omnes.

II. Serio nunc mediteris velim, an in universa Theologia gravior causa, an maioris momenti argumentum occurrat. In ceteris de actionum aut malitia, aut honestate controversiis fieri potest ut in utramque partem innoxie disputetur : ignorantia enim, si invincibilis sit, innoxiam saltem formaliter efficere actionem valet. In hac, quæ factum discutit, & in qua pro sufficienti, aut insufficienti sacramentalis absolutionis materia Theologi decertant, nulla ignorantia, persuasio nulla, quantumvis firma, ab æterna eripere damnatione valet peccatores, cum sola attritione præfata obcutes, si hæc insufficientis sit sacramenti materia.

III. Præiudicatæ igitur e scholis domove sententiæ delatæ exuendæ ; fundendæ Deo preces, implorandum cæleste lumen, quo animus a partium studio omnino vacuus assequi valeat, qui sit verus & sufficiens de commissio peccato dolor, sine quo nulla est absolutio sacramentalis, & irreparabilis est peccantium damnatio. In utramque partem disputari causam istam declaravit Alexander VII. ut infra patebit. Dubia itaque materia est quæ disputationis nostræ argumentum constituit. Probabilior una præ altera dici ; at neutra certa pronuntiari iure valet vi citati decreti. Verum quia heinc afflicta, & penitus prostrata causam quam intelligunt adversarii ob posterius decretum, quo Innocentius XI. tutiorem inter probabiles opiniones amplectendam in sacramentis perficiendis definivit ; ut suæ sententiæ providerent, ab ordine probabilitatis ad moralis certitudinis gradum eam extulerunt. Fuerit olim probabilior, fuerit communior inter Scholasticos sententia pro attritione formidolosa pugnans ; certa tamen moraliter dici nequit. Hæc moralis certitudo merum est commentum, ut infra patefaciam. Porro si evidenter certa non est, falsa esse potest. Si falsa, actum de peccatoribus christianis dumtaxat attritis est ; cum invalidum sit sacramentum, nulla opitulante ignorantia, aut morali persuasione. Contra, etiam si sententia quam ego propugnaturus sum, falsa esset, non propterea nullum evadit sacramentum ; cum certum sit penes omnes, attritionem ex Dei amore conceptam sufficere ad sacramentum rite perficiendum. Hæc ergo in praxi unice adhibenda.

IV. Quibus constitutis, nemo non videt de summa rei christianæ in hac disputatione agi, quæ extremam a me postulat industriam, ut pro viribus perspicue illam explicem, & vero in lumine, quoad possum, constituam. Persuasum mihi est me pro tuta, & unice segura causa disputaturum ; sed candidè fateor, me

magnopere vereri ut tantum mihi affulgeat lumen, viresque suppetant quibus veritatem, undique æquivocationum, distinctiuncularum, & sophismatum densissimis tenebris circumfusam, in apicum reducere valeam. Nihil novi me dicturum scio, & spondeo: omnis enim novitas, præsertim in sacramentorum materia a Christo Domino definita, venefica est, & exitialis. Eo tantum studium pertinet meum, ut quæ præclarissimi, doctissimique Theologi fuso calamo in utramque partem disputarunt, ad certa capita revocem, & ordinate digeram. Eam servare brevitatem curabo quam impeditissima controversia fert; sed malo esse in negotio summo prolixior quam cum dispendio veritatis contrahior. Quanto sint periculo cnoxii sive qui aut oscitanter, aut partium studio causam hanc gravissimam tractant, sive qui eam tractatam & discussam minus attente, aut anticipationibus occupati legunt, tibi, christiane lector, iudicandum relinquo. Illud tandem monere te magnopere interest, me obsequio summo obsecuratum decreto Alexandrino. In antecessum spondeo me ab omni censura longe semper futurum. Censuræ enim privatorum non meliorem, sed peiorem potius causam efficiunt. Solæ Superiorum censuræ decidunt litem. Adversarii statuunt, ut infra videbimus, nullam esse censuram, asserere alterutram opinionem falsam esse, improbabilem, & laxam. Huic doctrinæ non repugno. Distinguenda tamen opinio est a pluribus ratiunculis, & vanis commentis quæ iuniores non pauci excogitarunt ad suam opinionem tuendam. Immunem, ut dixi, ab omni censura opinionem volo; verum plures rationes quas adducunt in eiusdem præsidium, ut falsas, vanas, & arbitraria commenta rejiciam. Contendunt illi, opinionem attritionis formidolosæ ita esse moraliter certam, ut hæc certitudo elidat omnem oppositæ sententiæ probabilitatem: heinc inferunt esse tutam. Hanc moralem certitudinem esse arbitriam, directe decreto Alexandrino adversam, evidentissime demonstro. Rursus Concilium Tridentinum nihil definiisse *sess. xiv. cap. iv.* pro sententia attritionis formidolosæ, ipsorum adversariorum doctores, qui hac postrema ætate scribere, ingenue fatentur: & salum certum est. Heinc in antecessum vides, adversarios falso supposito niti, imaginariam ostentare certitudinem, ut suam propugnent sententiam, unde sacramenti valida administratio pendet. Tandem illorum alii, & quidem hac ætate, eo progressi sunt, ut propugnent præfatam opinionem esse *tutorem*: quod inauditum paradoxon ideo excogitarunt, quia post studium improbum, alia via a damnatione r. prop. docet Innocentii XI. eripete suam opinionem nescierunt.

V. P. Balthasar Francolinus præ ceteris iunioribus hanc controversiam fuso calamo, & acri studio tractavit. Sub finem prolixæ disputationis, quam duobus integris libris complexus est, ut suum revera acerbissimum stilum non adversus errores modo, verum etiam adversus Auctores, quos Rigoristas appellat, defendat,

dat, hæc Lib. II. de dolore ad sacram. pœnit. &c. cap. x. pag. 237. edit. Venet. respondet. Offendis aliquos mea scribendi ratio, eorumque palato visa est bilim sapere, & acrimoniam mordicantem. Sed hanc accusationem initio operis, cum præfaver, occupavi. Addo, **NON ALIO DICENDI GENERE USOS FUISSE PATRES IPSOS SANCTISSIMOS**, cum novaturientes impugnarunt. Aliis videor Doctores adversos in contemptum, & invidiam vocare, infamare, & parum civiliter refutare; quod non fecerunt illi ipsi qui contra hæreticos scripsere. At alia debet esse ratio scribendi contra hostes fidei manifestos; alia contra eos qui forte errant, sed præferunt sanctitatem: his, ut cognoscantur, qui sunt, detrahenda ab ore persona, horum falsa prodenda, ut ii ad quos spectat, etiam ex falsis iudicent de doctrina. Licita ergo hæc, honesta, & sancta sunt, dum pro benigno Probabilissimo, & suaviore Ethice scribitur? Iure ergo imitari hanc scribendi acrimoniam; quam usurpavit, & usurpari licite posse docet P. Francolinus, alii possunt. Absit tamen mihi ut imitanda proponam quæ hic docet P. Francolinus. SS. Patres acris stilo, opportunitate data, non contra personas, sed contra errores usos fuisse in præf. ad Tom. I. in Decal. ipse demonstravi. Auctor noster personas ipsas adoritur: inquit enim: *Aliis videor Doctores adversos in contemptum, & invidiam vocare, infamare, & parum civiliter refutare.* Quid ad hæc? Quam defensionem opponit? Qua via se se expedit? Ecce. *Alia debet esse ratio (subdit) scribendi contra hostes fidei manifestos.* Hos benigne, & urbane tractare convenit. Verum enimvero Rigiditas detrahenda larva est. Hos in contemptum, & invidiam vocare, infamare, & parum civiliter refutare, non est vetitum. Præferunt enim isti sanctitatem: idcirco hypocrisis ista auferenda. *Horum falsa prodenda, ut ii ad quos spectat, etiam ex falsis iudicent de doctrina.* Intellexistis? Interest Reipublicæ nosse malos. Qui sunt in quos tam vehementer P. Francolinus suum stilum armat? Sunt *Merbesius, Iuveninus, Farvaquesius*, duo Episcopi, *Vasconensis, Cassorienfis*, & alii. Hæc indicare volui, ut heinc discant adversarii mei, non paucos benignos Probabilistas longe acerbius acriusque scribere contra ipsos Auctores quam ego scribam, non contra personas, quod numquam feci, nec faciam Deo auspice; sed contra ipsos errores & opiniones, quas laxas, & Christianorum salutis perniciosas existimo. Falli in hoc me posse ultra fateor, oroque ut ignorantia mea corrigatur. At consuetam supplicationem simul repeto, ut noli mihi impingere, quod personas lædam, dum Auctorum falsas opinionates forti validoque pro tenuitate mea stilo labefactare nitor. Hæc pauca præfari volui, ut lectores ad diligens gravissimæ controversiæ examen disponerem.

C A P U T I.

Status questionis aperitur, & variae sententiae exponuntur.

I. **A**rgumentum praesentis disputationis est, sufficiat ne attritio supernaturali, ex gehennæ & poenarum metu, aut ex turpitudine peccati concepta; an vero requiratur amor caritatis inchoatæ, ut sit materia sufficiens sacramenti poenitentiae. Prima attritio *servilis*, seu *formidolosa*, altera *amoris initialis* appellari solet.

II. Ut vocum æquivocationem sub initium disputationis tollere incipiam, Auctores attritionis *formidolosa* haudquaquam excludunt, immo requirunt spei theologicæ amorem, qui concupiscentiæ nuncupatur, illamque in ipso timore gehennæ includi docent. Ne ulla suboriatur suspicandi occasio, me minus exacte illam describere, exponam propriis verbis Cardinalis de Lugo, qui inter præcipuos huiusce opinionis patronos habetur. Is autem *disput. v. sect. ix. num. 132.* inquit;

„ Quæ sunt hæc motiva attritionis? Communiter reducuntur ad duo capita

„ scilicet ad metum gehennæ, & poenarum, & ad turpitudinem peccati. Nam

„ hæc duo expressit Tridentinum ubi supra, agens de motivo propter quod com-

„ muniter concipitur attritio. Et quidem omnia motiva facile ad hæc possunt

„ reduci. Nam desiderium beatitudinis, vel aliorum donorum videtur compre-

„ hendi sub timore gehennæ, & poenarum. Idem enim esse videtur timere ca-

„ rentiam alicuius boni, ac desiderare illud. Deinde quæcumque alia malitia,

„ propter quam detestamur peccatum, videtur comprehendi in turpitudine pec-

„ cati: omnis ergo attritio est propter metum poenarum, vel propter peccati

„ turpitudinem.

133. „ Huic communi doctrinæ se se opponit Franciscus Sylvius *quest. 1. in Sup-*

„ *plem. art. 3.* ubi docet eam solum attritionem sufficere cum sacramento quæ

„ includat etiam dilectionem Dei super omnia, licet debilem, & imperfectam

„ quam dicit cum sacramento sufficere. „ Hæc sententia, subdit continuo de

„ Lugo, est contra omnes Theologos, & contra Tridentinum. Similia scribit ex eo-

„ dem de Lugo P. Dominicus Viva *quest. 111. art. 3. num. 1.* ubi inquit. „ Dico at-

„ tritionem differre a contritione per hoc quod ista detestatur peccatum ut ma-

„ lum Dei, & quia illi displicet; attritio vero detestatur ut malum peccatoris,

„ & quia sibi nocet. . . Et ideo ex Lugo, Suar. & aliis habetur verissima attri-

„ tio tam ex timore amissionis gloriæ, seu ex desiderio gloriæ, quam ex timo-

„ re gehennæ : & utrumque motivum a Tridentino comprehenditur sub timore „ gehennæ , quia gehenna per pœnam damni privat gloria æterna . “ Hic de Lugo , & P. Viva falsa miscent veris . Fallitur de Lugo , dum inquit , omnia motiva attritionis reduci ad timorem gehennæ , aut peccati turpitudinem ; ipsumque desiderium beatitudinis comprehendendi sub timore gehennæ . Nam hæc duo facillime separantur . Innumeri sunt peccatores qui , si declinare gehennam possent , nihil de beatitudine curarent , & quam libenter semper in hoc mundo viverent . Similiter errat P. Viva inquires : *Utrumque motivum a Tridentino comprehenditur sub timore gehennæ , quia gehenna per pœnam damni privat gloria* . Tridentinum conceptis verbis præter gehennæ timorem addit *cum spe veniæ* . Sed de hoc infra .

III. Præter has duas sententias succedit tertia , quæ , ut attritionis formidolosæ a de Lugo descriptæ , & a P. Viva , asperitatem delinuat , præter metum gehennæ postulat pro sufficienti attritione in sacramento amorem aliquem spei , quo Deus diligatur ut bonus nobis , sive ut finis noster , atque beatitudo . Hæc opinio , quæ plures habet assertores , verbis , non re , discrepat a priori opinione attritionis servilis . Quamvis enim plures Casuistæ , præsertim Probabilistæ non pauci , solum timorem , aut peccati turpitudinem extollant , ut Lugo , Viva , & alii ; tamen argumentis pressi ab attritione necessaria ad sacramentum non excludunt sive fidem , sive spem ; licet communiter isti spei amorem perspicue non exponant .

IV. Quarta sententia ad sacramentum pœnitentiæ suscipiendum requirit contritionem caritate perfectam , quæ culpam deleat apud Deum , seu coniunctam cum caritate habituali , & gratia sanctificante . Et hæc sententia plures habet ex antiquis Theologis assertores .

V. Quæres . *Damnata ne est sententia hæc quæ contritionem perfectam delentem culpam requirit ad sacramentum pœnitentiæ suscipiendum ?* Resp. Falsam illam communiter Theologi omnes , quibus subscribo , iudicant . At neque in Concilio Tridentino , neque alio Ecclesiæ decreto hæc sententia proscripta umquam fuit . Præfatam sententiam gravissimi Theologi ante Concilium Tridentinum propugnaverunt . Hugo a S. Victore *Lib. II. de sacram. part. xiv. cap. viii.* Ricardus Victorinus *Lib. de potest. absolvend. cap. vii.* Robertus Pullus *de sacram. part. v. cap. xiii.* Innocentius III. in *Psal. II. pœnit.* Guillelmus Antisiodorensis in *Sum. Albertus Magnus in IV. Sentent. dist. xvii. & xviii.* Alexander Alensis *Part. II. Sum. quæst. viii. memb. 1.* S. Raymundus *Lib. III. de pœnit. §. 8.* Vincentius Bellovacensis *Lib. VIII. specul. Hist. cap. xliii.* S. Bonaventura in *IV. dist. xviii. part. 1. art. 2. quæst. 1.* S. Bernardinus Senensis *Tom. II. serm. xxvii. de confess.* Gabriel Biel in *IV. dist. xiv. quæst. II. art. 2.* Alphonsus Tostatus *cap. v. Defensorii* . Guil-

lelmus Pepinus *ser. v. in can. Domini*, inquit : *Regula generalis Theologorum est ; quod Confessor neminem debet absolvere quem non credit verisimiliter a Deo absolutum*. Nemo Theologorum tribus integris sæculis ante Tridentinum notam hæresis huic sententiæ impegit, neque in Conciliis Lateranensi IV. Lugdunensi II. Vienenſi, Constantiensi, Basiliensi, Florentino de eadem quærela aliqua mota fuit. Immo nec ipsum Concilium Tridentinum aliquam in eandem censuram tulit, ut testatur Cardinalis Pallavicinus *Lib. IV. hist. cap. x.* atque gravissimi Theologi, qui eidem Concilio interfuere, Andreas Vega *Lib. XIII. in Concil. Trident. cap. xxxi. 11.* Ricardus Tapperus, ut colligitur ex historia *Concil. Trident. Lib. XII. cap. x.* Dominicus Soto in *IV. dist. xviii. quest. 111. artic. 2.* Relata sententia de perfecta contritione, quæ culpam deleat, non ita facile cum potestate clavium componi valet; quamvis hæc duo variis viis confociari illius Auctores studeant. Idcirco omnes Theologi iure nunc hanc sententiam reiiciunt, non quod sit ab Ecclesia peculiari decreto proscripta; sed quia reipsa falsa est, & clavium potestati derogare videtur. Si plura hac de re cupis, lege P. Druin *Tom. II. Lib. II. cap. 11.*

C A P U T II.

PRAEJUDICIA QUATUOR

Iuniorum Theologorum, qui pro formidolosa attritione pugnant, labefactanda.

I. **Q**UATUOR sunt prima & potissima PRAEJUDICIA quibus auctores *formidolosa*, seu *servilis attritionis* occupati suam opinionem, tamquam certam dividendunt, nostramque ut penitus improbabilem reiiciunt. I. Concilium Tridentinum definivit attritionem formidolosam sufficere in sacramento poenitentiae. II. Sententia hæc est fere omnium Theologorum, & contraria excogitata fuit a Baio, Iansenio, & a Iansenis propagata. III. Caritatis inchoatæ a caritate perfecta distinctio, qua contenditur hanc, secus illam delere peccatum, commentitia est; & *Baianismum* redolet. IV. Sententia, requirens amorem inchoatæ caritatis, *Rigorismum severum* præfert: contra opinio attritionis servilis ex suppliciorum timore conceptæ *suavem* spirat *benignitatem*: metus enim dulcis; caritatis amor austerus. Hæc sunt quatuor præiudicatæ sententiæ quæ in iuniorum pro servili attritione pugnantium animis fere inveteraverunt: & nisi in antecessum penitus evellantur, inanis omnino foret labor noster. Porro, ut id feliciter præstem, per distincta capita singula expendam, & in medium promam quæ præ-

stantissimi Theologi iam diu contra præfata præiudicia scripserunt, illaque exor-
nare pro imbecillitate mea curabo. Ad rem.

C A P U T III.

PRAEIUDICIUM PRIMUM:

*Evidenter falsum est quod aiunt formidolosæ attritio-
nis assertores, Concilium Tridentinum definiisse, at-
tritionem servilem sufficere ad sacramentum pœnitent-
tiæ.*

IN duabus potissimum sessionibus, nempe vi. & xiv. præfati Concilii sermo
fuit de contritione, & dispositionibus ad iustificationem in sacramentis baptis-
matis, & pœnitentiæ obtinendam. In priori, ut infra ostendam, in qua univer-
salis doctrina traditur, necessitas amoris divini asseritur. Idcirco servilis attri-
tionis assertores nihil ex eadem nobis opponunt. In unico decreto sess. xiv.
cap. iv. probari tamquam sufficientem ad sacramentum pœnitentiæ attritionem
servilem contendunt. Quod quam sit evidenter falsum, sequentia argumenta
declarabunt.

§. I.

*Cardinalis Pallavicinus aperte testatur, nihil in Concilio
Tridentino definitum esse circa diversas de
attritione opiniones.*

I HÆC Lib. XII. cap. x. scribit Eminentissimus Historicus. „ Quantum ex
„ Adis conicio, Theologorum mens erat ut error hereticorum damnare-
„ tur, tamquam inhonestum improbantium pœnæ. timorem: non item ut fer-
„ rent sententiam de scholastica quæstione, an huiusmodi timor, non solum ab-
„ que contritione animi perfecta (de quo controversia vix fuit) sed etiam ab-
„ que eo quod ullus exciteretur amor imperfectus, sufficiat ad remissionem pec-
„ catorum in sacramento. Id vero clare liquet ex ipsa probatione Concilii, quæ
„ huius articuli doctrinam firmat cap. iv. nimirum Niniuitarum pœnitentiam ex
„ timore profectam illis profuisse; cum certum esset, eo tempore, quo sacramen-
„ tum

„tum adhuc non extabat, eam formidolosam pœnitentiam minime sufficisse
 „per se ad peccatum delendum, sed vim tantummodo habuisse ad impetrandam
 „novam gratiam, cuius ope adiceretur caritatis affectus, quem omnes necessa-
 „rium fuisse fatentur ante novam legem ad iustitiam recipiendam. In Patrum
 „conventu id PAUCI attigerunt. ALIQUOD DUMTAXAT VESTIGIUM
 „COMPERIO OPINIONIS NEGANTIS NECESSITATEM AMORIS, in iis
 „quæ Granatensis disputavit. At vero Ioannes AEmilianus Hispaniensis Tude-
 „tanus Antistes extremum oppositæ sententiæ tenuit; hoc est, opus esse con-
 „tritione perfecta: nec tamen hinc argui peccata per sacramentum non remit-
 „ti, quippe quia sacramentum non invenit præeuntis contritionis efficacia-
 „tem. Siquidem, aiebat, ipsa contritio id præstat virtute sacramenti, cuius vo-
 „tum in ea continetur.

„Præterea oportet scire postea decretis doctrinam complexis verba hæc fuisse
 „adiecta: *Illam contritionem quam Theologi attritionem vocant, quod imperfecta*
 „*fit, & solum vel ex turpitudinis peccati consideratione, vel ex gehennæ, & pœ-*
 „*ndrum metu, qui servilis dicitur, concipitur; si voluntatem peccandi excludat,*
 „*& dolorem qualemcumque de commissis delictis exprimat; fuit hæc sancta Sy-*
 „*nodus, & declarat, non solum non facere hominem hypocritam, & magis pecca-*
 „*torem (ut quidam blasphemare non verentur) verum etiam SUFFICERE ad sa-*
 „*cramenti huius constitutionem, ac donum Dei esse, ac Spiritus sancti impulsus*
 „*verissimum, non quidem actu inhabitantis, sed tantum moventis, quo pœnitens*
 „*adiutus, cum SINE ALIQUO DILECTIONIS IN DEUM MOTU ESSE VIX*
 „*QUEAT, viam sibi ad iustitiam munit, & per eum ad Dei gratiam facilius*
 „*impetrandam disponitur. Sed laudatus Episcopus monuit, falso dici, huiusmodi*
 „*dolorem sine amore vix umquam concipi posse. Quod autem hæc attritio sa-*
 „*tis esset sacramento constituendo, ita ut homini attrito deleantur peccata ab-*
 „*solutionis supervenientis vi, variare Auctorum sententias, adeoque esse tollen-*
 „*dum. Quamobrem decretum, sicut nunc extat, reformatum est, & prout a no-*
 „*bis refertur.*“

II. Non est quod verba faciam, ut evincam, quantæ sit auctoritatis Cardina-
 lis Pallavicini historia, cum illam ex intimis scriptis Arch. vi apostolici iussu Ale-
 xandri VII. eidem subministratis confecerit. Plura nunc ex rescripta narratione
 animadvertenda occurrunt. I. Patribus unicum fuisse scopum, damnare hæreti-
 cos, qui gehennæ metum veluti vitiosum, & inhonestum reliciebant; nullo ve-
 ro modo dirimere Scholasticorum opiniones. II. Vix inter Theologos, & Patres
 disputatio fuit de attritione ex solo metu concepta, & amoris vacua. In Pa-
 trum conventu (inquit Purpuratus Historicus, qui acta sessionis legit) id pauci
 attigerunt. Aliquod dumtaxat vestigium comperio opinionis negantis necessitatem

amp.

amoris, in iis quæ Graæntensis disputavit. Neque dissidium de hoc esse poterat; cum vix aliquis Theologorum ante Tridentinum servilem defenderit attritionem ut sufficientem ad sacramentum. De quo ergo disputatum? III. Disputatio fuit, num esset necessaria contritio perfecta, an sufficeret imperfecta cum aliquo Dei amore coniuncta. Et quoniam Tudetanus Episcopus, contritionis perfectæ assertor, opposuit, *falso dici huiusmodi dolorem sine amore vix umquam concipi posse*; adiecitque *variare circa hoc Auctorum sententias*; & quia, uti dictum est, Patrum consilium fuit hæreticorum proscribere errores, intactis Scholasticorum opinionibus; idcirco reformatum decretum fuit, & verbo *sufficit* substitutum est verbum *disponit*. IV. Illud vero altius menti hæreat, in primo decreto disputationem fuisse de attritione coniuncta cum amore imperfectæ caritatis, ut heinc colligas, numquam, neque ante, neque post reformationem decreti Patribus persuasum fuisse, timorem separatim ab amore saltem initiali sufficere ad sacramentum. Nec obstat, in priori decreto appositam fuisse particulam *solum ex gehenna, & pœnarum metu concipiatur*; quia particula posita erat sub initium decreti, ubi sermo erat de attritione quantum ad suum exordium, & secundum se spectata: quo in statu bona, & utilis, non inhonesta, & perniciofa, ut volebant hæretici Lutherani, declarata fuit. Et hoc in sensu verum est attritionem suum initium sumere a solo metu, tametsi in suo progressu, & complemento non sit absque amore inchoato; sicuti homo inchoatur ex rudi materia, & postea ultra progreditur, & tandem suam suscipit perfectionem. Hæc vero attritio vocatur *Spiritus sancti impulsus, non adhuc inhabitantis, sed tantum moventis*.

III. Ex quibus omnibus constat, & quidem evidenter, noluisse Patres definire; quænam attritio sufficeret ad sacramentum pœnitentiæ; cum verbum illud *sufficit* abrogaverint, substituto verbo *disponit*. Quin nec ipsam sententiam exigentem contritionem perfectam, quam propugnabat Episcopus Tudetanus cum permultis aliis eximii Doctoribus, proscribere voluerunt, ut præscinderent a Theologorum variis sententiis, & solos novatorum errores damnarent. Porro si proscripta non fuit sententia contritionis perfectæ necessariæ ad sacramentum, numquid exclusa fuit sententia quæ requirit amorem imperfectum?

§. II.

*Interpretamenta quibus Balthasar Francolinus, alique
Casuistæ eludere conantur Cardinalis Pallavicini
luculentissimum testimonium.*

I. **P** Balthasar Francolinus, qui præ ceteris, duobus integris libris pro attritione formidolosa pugnavit, *Lib. I. cap. 1.* ut laudatum testimonium eludat, exquisita industria lectorem admonet, Purpuratum Historicum nullum non movisse lapidem, ut sententiam *attritionis servilis* labelsclaret. Quorsum? Quia in *Lycæo Romano* defenderat Pallavicinus necessitatem attritionis cum amore initiali conjunctæ; & hanc sententiam inseruerat suæ Theologiæ typis editæ. Heinc ea omnia in Actis Concilii expiscatus est quæ illustrando proprio partui asferre lucem existimavit. Lectori postea inferendum relinquit Francolinus, Eminentissimum Historicum suæ confirmandæ sententiæ amore succensum, sub eo aspectu narrationem proposuisse, unde percipere sibi subsidium contra sententiam formidolosæ attritionis poterat. Transcribo ipsius P. Francolini verba. „ Eam quidem (historiam „ Cardinalis Pallavicini) ipsi exceperunt cum ingenti plausu, utque in omnium „ manus facilius perveniret, ea pars *cap. x. Lib. XII.* in qua nonnulla circa præ- „ sentem controversiam auctor congerit, fuit e toto opere excerpta, typis man- „ data, & folio volanti per totum Belgium, & finitimas provincias divulgata. „ Id fecit Franciscus Farvacques, qui post multas, easque acerrimas disputationes „ hac super re editas cum Maximiliano Le Dent Societatis Iesu Theologo, mul- „ tosque hinc inde editos libros, & libellos, hanc historiam nactus, resum se re- „ perisse credidit quo NOS conficeret, & bellum quod sibi fuerat non nihil cruen- „ tum, absolveret. Hanc eandem historiam, seu historiæ partem in suos de con- „ tritione tractatus seu quæstiones transtulere reliqui, nempe Episcopus Cassorien- „ sis, Merbesius, Juveninus, & alii, eaque etiam ipsi putant everti penitus præci- „ pium, aut etiam unicum nostræ sententiæ fundamentum. Et hoc etiam intendebat PAL- „ LAVICINUS, qui cum in *Lycæo Romano* suam illam aliqualem amoris benevolæ „ necessitatem defendisset, eamque docuisset in sua Theologia postea in lucem edi- „ ta, cum postea historiam Concilii Tridentini scribere aggressus est, & præ ma- „ nibus habuit omnia eius Synodi acta, vestigavit in illis diligentissime quidquid „ suam sententiam confirmare suo iudicio posset, idque suæ historiæ, ut fecit, in- „ servit. Verum illud accidit quod accidisse minime crederem, nisi viderem, ut „ videlicet vir, ceteroqui ingeniosissimus, post accuratam actorum omnium syno- „ da-

„daliū lectionem, ea demum promeret quæ ipsi nihil, aut fere nihil, nobis ve-
ro plurimum profunt.”

II. Mirifica nec ne sit P. Francolini præfidentia, qua contendit se feliciter ipso Cardinali Pallavicino assequi actuum synodaliū germanum sensum, aliorum esto iudiciū. Numquam Francolinus aperte concedit, Casuistas Escobarium, Busembaum, Tamburinum, Castropalaum, ceterosque in laxis opinionibus propugnandis cæspitasse. E contrario Eminentissimus Pallavicinus in interpretandis actis Tridentini Concilii caligavit.

III. Plura implem folia, si omnia commenta sane vanissima expendere vellem quibus perdoctus Francolinus eludere hanc Pallavicini historiam adnititur. Factum negare non audent, nempe abrogatum esse verbum *sufficere*, substituto verbo *disponit*; sed veritate actuum synodaliū, unde illud extraxit Pallavicinus, coactus fatetur. Quid ergo reponit? Ea quæ reponere ii solent qui causam quam semel adoptarunt, pugnacissime defendere pergunt. Belligeravit P. Maximilianus Le Dent in Belgio pro attritione servili contra Franciscum Farvacquesum, quem bello non nihil cruento, inquit Francolinus, fauciverat: & Farvacquesius, ut inflicta sibi vulnera, Baianismi forsitan, & Iansenismi, obduceret, historiam Pallavicini in aprium adduxit, qua adversarium prostraret. P. Francolinus, ut superpetias ferat P. Maximiliano, comminiscitur cap. 11. mutatum fuisse decretum, non quod Patres Tridentini cognoverint in Scripturis contineri oppositum, sed ex aliis causis. . . . Sane nemo sapiens dicit a Patribus ignoratum id antea fuisse, assulisse autem illis lumen de celo, quo cognoscerent oppositum statim ac audierunt unum Episcopum id opponentem. Vin' meliora? Effugia sunt hæc nimium mirifica. Mutatum decretum Historicus asserit: & hoc nobis sat est. Rationum momenta quibus ad hanc mutationem inducti Patres fuere, Historicus indicat: & quæ Francolinus formiat, absona sunt, & arbitraria.

IV. Similia commenta obtrudit novissimus Scriptor Michael Poli in opusculo edito Patavii an. 1743. in quo Lib. I. cap. xlii. hæc scribit., Mens Patrum Concilii „ante admonitionem Tudetani certo & indubitanter erat pro *sufficientia attritionis* „. . . . Ergo omnes, vel fere omnes ante admonitionem Tudetani, post varias „disputationes, & diligentissimum examen huius controversiæ, convenerant in „sententiam pro *sufficientia attritionis*, adeo ut tunc crederent hanc veritatem in- „ter catholicæ Ecclesiæ dogmata numerandam esse. Certum est ex eodem Pallavicino, „rationem a Tudetano productam, ut ea verba omitterentur, hanc unam fuisse, „quia videlicet circa hoc variabant Auctorum sententiæ, & ob id tantum, & non „ob aliquam aliam rationem ea esse tollenda ex decreto. Ex quo motivo, & ex „verbis Tudetani vere non potest deduci, noviter subortam fuisse in Patribus Con- „cilii aliquam dubitationem circa *sufficientiam attritionis*. “

V. Hæc, tametsi proluxa, rescribere volui, ut heinc colligas, quanti sit faciendum integrum *opusculum* istud, cui adiecta est epistola gallice, & latine exarata, quæ est dignum sane patella operculum. Certo & indubitanter crediderunt Patres Tridentini *sufficientiam attritionis formidolosæ* esse veritatem inter *atholicæ Ecclesiæ dogmata numerandam*? Et propter oppositionem Episcopi Tudetani, & ne offenderent Scholasticos, *dogma istud* natalitiis tenebris sepultum voluere? Huccine impellit mollioris Ethices studium? Quæ scandala hic arguendi modus non ingerit novatoribus? Dogmata fidei severe expensa, & certo atque indubitanter cognita superasserunt Patres Tridentini, ut declinarent Scholasticorum invidiam? Hæc inaudita excogitanda commenta sunt, ut inter dogmata reponatur opinio *attritionis servilis*? Quod Patrum Tridentinorum consilia eo spectaverint, ut dogmata Ecclesiæ in discrimen ab hæreticis revocata definirent, neglecto examine opinionum quæ inter Scholasticos in utramque partem disputabantur, verum habet, & ex historia Pallavicini colligitur: Et hæc agendi ratio, spectata illorum temporum conditione, necessaria erat. Neque enim Tridentini Patres omnes tunc opiniones quæ in mundo obtinebant, severe expendere, & definire poterant: idcirco eo consilia sua contulerunt, ut novatorum, qui Ecclesiæ unitatem lacerabant, errores proscriberent: Quod autem Archipresbyter Poli, & Francolinus comminiscuntur, Patres Tridentinos severe expendisse sententiam asserentem *attritionem servilem sufficere* ad sacramentum pœnitentiæ, illamque certo & indubitanter credidisse ut *veritatem inter dogmata catholicæ Ecclesiæ numerandam*, & hoc dogma suppressisse propter Scholasticorum dissidium, commentum erroneum est, & scandali, ut mitissime loquar; plenum. Alia sophistica interpretamenta prætereo, ut inepta, & vana. Illud solum moneo, *opusculum Michaelis Poli* compendium esse doctrinæ P. Francolini,

§. III.

Utrum saltem Concilium Tridentinum faveat sententiæ attritionis servilis.

I. Evidenter ostensum est, Concilium Tridentinum non definisse, attritionem servilem *sufficere* ad sacramentum pœnitentiæ. Illud nunc disputandum, cuinam duarum opinionum faveat in decreto reformato, in quo hæc habentur, omisiss multis.

II. „ Illam vero contritionem imperfectam quæ attritio dicitur, quoniam vel „ ex turpitudinis peccati consideratione, vel ex gehennæ, & pœnarum metu com- „ munitur concipitur, si *voluntatem peccandi excludat* cum spe veniæ, declarat, „ non

„ non solum non facere *hominem hypocritam*, & *magis peccatorem*, verum etiam
 „ donum Dei esse, & Spiritus sancti impulsus, non adhuc quidem inhabitantis,
 „ sed tantum moventis, quo pœnitens adiutus viam sibi ad iustitiam parat. Et
 „ *quavis sine sacramento pœnitentiæ per se ad iustificacionem perducere peccator*;
 „ rem nequeat, tamen eum ad Dei gratiam in sacramento pœnitentiæ impetran-
 „ dam *disponit*. Hoc enim timore concussi Ninivitæ ad Ionæ prædicationem ple-
 „ nam terroribus pœnitentiam egerunt. “

III. Ex hoc reformato Concilii Tridentini decreto sic arguunt attritionis servilis defensores. Tò verbum *disponit* idem sonat ac *sufficit*. Quia Tridentinum non loquitur de dispositione remota ad gratiam impetrandam; cum etiam extra sacramentum habeat attritio talem dispositionem. Ergo loquitur de dispositione proxima.

IV. Magna opus est patientia, qua zelus cohibeatur contra eiusmodi argutatio- nem in re gravissima, summoque negotio. Quid? Tridentinum delevit verbum *sufficit*, ut abstineret a decisione controversiæ, & substituit verbum *disponit*, quod idem significat ac *sufficit*? An ab homine ratione prædito asseri hoc potest? Dispositio proxima idem significat ac sufficiens? Concilium Tridentinum definivit attritionem servilem proxime disponere? Definivit ergo id quod, ne desiniret, erasit, abrogavit, delevit. Substituit verbum *disponit*, quod idem significat, ac *sufficit*? Ergo decreti reformatio mera illusio fuit: quod dici absque extrema temeritate, & audacia nequit. Cedo: dispositio proxima idem ne significat ac sufficiens, an secus? Si primum; ergo reformatio decreti est chimærica. Si secundum; ergo non est dispositio proxima. Quid ad hæc? Quid? Respondet P. Dominicus. Viva in *trutina in prop.* 15. damnatam ab Alex. VIII. num. 34. his verbis. „ Licet expresse Tridentinum loc. cit. non dicat attritionem sufficere ad „ constitutionem sacramenti; hoc tamen *dicit implicite*, & *DILUCIDE*. “ Pulchre & venuste. *Dilucide* abrogavit verbum *sufficere*, & *dilucide* illud non abrogavit. Siccine deridendæ propinantur sacrosancti Concilii œcumenici sanctiones; post tam serium examen peractæ? Quæ esse cum his Auctoribus disputatio potest? Si Tridentinum voluisset idem significari per verbum *disponit* ac per verbum *sufficit*, superflue abrogasset verbum *sufficit*.

V. Insistunt. Attritio servilis *disponit* remote, etiam extra sacramentum. Ergo ad sacramentum *disponit* proxime; atque adeo sufficit. Ex vi quippe antithesis, *quavis sine sacramento* &c. *tamen eum in sacramento disponit*, vim & efficaciam Synodus tribuit attritioni servili coniunctæ sacramento, quam eidem non adscribit extra sacramentum. Hæc autem peculiaris efficacia esse nequit, nisi virtus proxime disponendi ad gratiam in sacramento obtinendam.

VI. Quam sit imbecillis & vana obiectio isthæc, verba ipsius Concilii clare

ostendunt. *Ad Dei gratiam in sacramento poenitentiae impetrandam disponit.* Sensus naturalis & obvius est. Attritio servilis in sacramento, seu cum sacramento coniuncta, minus remote disponit ad gratiam quam extra sacramentum. Attritio enim iuncta sacramento aliquid habet quo caret extra illud. Idcirco minus remote intra quam extra sacramentum, ad gratiam impetrandam disponit. Ergo disponit *proxime* ? ergo *sufficit* ? Ineptissimae sunt illationes istae, atque ipsi Concilio iniuriosae. Tridentinum quippe delevit verbum *sufficit*, ut nihil in hac *sess.* xiv. definiret super hac quaestione Catholicorum. Nonne iuxta omnes Theologos dispositiones ad formam aliae sunt remotae, aliae propinquae, aliae propinquiores, aliae proximae ? Attritio servilis extra sacramentum remote, in sacramento minus remote, propinque, propinquius, minime vero *proxime* disponit. Interpretatio hæc suapte natura obvia, & genuina est; in praesenti vero controversia necessaria. Alterutrum enim adversarii praestent necessum est: aut enim fateri debent, hanc interpretationem esse veram atque germanam; aut Concilium Tridentinum illuisse universae Ecclesiae delendo verbum *sufficit*, & substituendo verbum *disponit*. Ut enim mox dixi, idem significat in hac causa *disponit* proxime ac *sufficit*. Concilium delevit *sufficit*. Ergo substitutum verbum *disponit* non significat dispositionem proximam: alioquin chimærica & illusoria esset variatio. Patet ne ad effugium rima ? Revera hanc obiectiunculam obtrudere adversarii non audent, si adverterent, decretum illud ad damnandum Lutheranorum errorem unice formatum fuisse. Dispositiones enim ad iustificationem in sacramentis baptismi, & poenitentiae absolute necessarias iam explicaverat Concilium *sess.* vi. ut infra evincam. Illud tantum magnopere advertendum, conversionem peccatoris partum esse, qui initium, inchoationem, progressum, & perfectionem a variis motibus suscipit; & gradus isti magis ac minus remoti sunt. Porro hoc in decreto, adversus Lutheranos formato, omnino abstinere Patres a variis Theologorum opinionibus dirimendis. Tantum vero abest, Concilium Tridentinum favere attritioni servili, ut vix de ea disputatum fuerit. *Aliquod dumtaxat vestigium* (inquit Purpuratus Historicus) *comperio opinionis negantis necessitatem amoris, in iis quae Granatenfis disputavit.* Unus Episcopus Granatenfis aliquod *vestigium* prodidit opinionis negantis amoris necessitatem. Et iuniores Casuistae audent asserere, Tridentinum sin minus definiisse, saltem ita favere sententiae attritionis servilis, ut opposita probabilis amplius non sit?

§. IV.

DECRETUM ALEXANDRI VII.

*Ex hoc inferitur, Tridentinum nullo modo favere
attritioni formidolosa.*

I. **A** Deo incaluerat de attritione servili in Belgio disputatio, præsertim inter P. Maximilianum Le Dent S. I., & Franciscum Farvacquesium Ord. S. Augustini, ut ad censuras, quas ultro citroque iaculabantur, compescendas Alexander VII. anno 1667. sequens ediderit decretum.

II. „ Fer. 5. Maii MDCLXVII. SS. D. N. ALEXANDER PAPA VII. cum acceperit non sine gravi animi mœrore, Scholasticos quosdam acrius, nec absque fidelium scandalo inter se contendere, an illa attritio quæ concipitur ex metu gehennæ, excludens voluntatem peccandi cum spe veniæ, ad impetrandam gratiam in sacramento poenitentiae requirat insuper aliquem actum dilectionis Dei, asserentibus quibusdam, negantibus aliis, & invicem adversam sententiam censurantibus: Sanctitas sua, enixe cupiens pacis vinculum inter fideles servari, omnemque scissuræ fomitem extinguere, auditis votis Eminentissimorum & Reverendissimorum DD. Cardinalium Inquisitorum, nec non DD. Consultorum & Qualificatorum S. Congregationis eiusdem generalis Inquisitionis hoc præsentis decreto in virtute sanctæ obedientiæ, & sub poena excommunicationis latæ sententiæ huic sanctæ Sedi reservatæ, aliisque poenis eiusdem sanctæ Sedis arbitrio taxandis, præcipit cunctis, & singulis fidelibus, quocumque gradu, ac dignitate episcopali, & maiori, immo & cardinalitia subgentibus, ut si deinceps de materia attritionis præfatæ scribent, vel libros, aut scripturas edent, vel docebunt, vel prædicabunt, vel alio quovis modo poenitentes, aut scholares, ceterosque erudient, non audeant alicuius theologicæ censuræ, alteriusve iniuriæ aut contumeliæ nota taxare alteram sententiam, sive negantem necessitatem aliqualem dilectionis Dei in præfata attritione ex metu gehennæ concepta, quæ HODIE inter Scholasticos communior videtur, sive asserentem dictæ dilectionis necessitatem, donec ab hac sancta Sede fuerit ALIQUID hac in re definitum. “

III. An Ven. Innocentius XI. anno 1679. aliquid hac in re definierit, infra videbimus. Decretum istud eo unice tendit, ut, sublatis disertiis, maledictis, & censuris, quæ ultro citroque in Belgio intorquebantur, pacificam disputationem, & gravem, ut Theologos decet, restituat; ut bellum, quod nonnihil cruentum,

teste P. Francolino, P. Maximilianus *Le Dent* intentaverat P. Francisco *Farvacquesio*, omnino *incrumentum* redderet. Omnia quæ pro utraque sententia in hoc decreto referuntur, historica sunt, & nihil omnino ponderis uni præ altera sententiæ adiecit; sed utramque, ad meritum quod attinet, in proprio statu relinquit, & unice reciprocas censuras severe prohibet. Huc pertinet universi decreti scopus, ut omnibus compertum est.

IV. Ex hoc decreto evidenter colligitur, quam arbitraria sint commenta quibus innumeri iuniores Casuistæ contendunt, Concilium Tridentinum ita approbasse attritionem servilem, ut opinio contraria sit omnino improbabilis. At si revera improbabilis esset sententia *attritionis initialis*, & moraliter certa, & omnino secuta opinio attritionis formidolosæ, prohibuisset ne Alexander VII. ne quis alterutram sententiam censuris notaret? Sed de præsentia plurium Casuistarum in carpenda, & diffamanda sententia quæ in iustificatione peccatoris postulat caritatem initialem, mox dicam.

§. V.

Commentum P. Claudii La-Croix in decretum Alexandri VII. exponitur.

I. **P** Claudius La-Croix *Lib. VI. part. II. num. 875. pag. mibi 197.* sibi opponit decretum Alexandri VII. deinde hanc format argumentationem: „Dicere, opinionem quæ requirit dilectionem, esse absolute improbabilem, est „eam afficere censura, iniuria, & contumelia. Sed hoc prohibet Alexander „VII. Ergo. Resp. Decretum expresse loquitur de illa tantum opinione quæ requirit „*aliquam dilectionem Dei in attritione ex metu gebennæ concepta*. Hanc „autem opinionem nos (non) oppugnamus, sed fatemur aliquam Dei dilectionem „esse necessariam, unde ex hoc decreto confirmantur illa quæ diximus: „Itaque distinguo antecedens. *Sententia requirens aliquam dilectionem non potest „dici absolute improbabilis*; concedo: *requirens dilectionem ex motivo caritatis*; „nego. “ Peregre. Duæ opiniones referuntur in decreto, inter Theologos controversæ; quarum neutra censuris obnoxia est. Una, *quæ requirit aliquam dilectionem Dei in attritione ex metu gebennæ concepta*: & hæc sententia *non potest dici absolute improbabilis*. CONCEDO, inquit P. La-Croix, quia hæc dilectio non est ex motivo caritatis, sed spei: est amor castæ concupiscentiæ, qui necessario antecedit spem. Quænam altera in decreto contenta, quæ iuxta P. La-Croix sit *absolute probabilis*? Dicitur ne erit P. La-Croix neutram ex duabus opi-

opinionibus contentis in decreto esse *absolute probabilem* ? Itaque illa opinio quæ in attritione requirit aliquam dilectionem quæ non sit ex motivo caritatis, *non est*, ait P. La-Croix, *absolute improbabilis*. Ergo opposita, quæ nullam omnino requirit dilectionem neque concupiscentiæ, neque spei, illa opinio est quæ dici debet absolute probabilis. Atqui opinio quæ excludit spei dilectionem, excludit spem ipsam; cum, fatentibus omnibus, impossibile sit spem veram dari quam dilectio concupiscentiæ non præcedat. Porro opinio quæ asserit, spem non esse necessariam in attritione & dispositione ad iustificationem in sacramento obtinendam, est, quid ? Erronea, temeraria, hæretica ? Declarabit *novissimus Anonymus* illustrator P. La-Croix, quem ab imposturis, ut ille ait, & maledictis vindicandum suscepit, cuique supplementum adiecit. Concilium Tridentinum clare definit CUM SPE VENIAE. Sed alterum distinctionis membrum rescribamus. Opinio *requirens dilectionem ex motivo caritatis*; nego. Cedo: hæc opinio est ne una ex duabus in decreto contentis ? Si negas; ergo una ex duabus contentis in decreto excludit dilectionem spei, atque adeo spem ipsam. Altera vero, quæ admittit dilectionem spei, *non est absolute improbabilis*. Et hanc opinionem, inquit P. La-Croix, non oppugnamus. Bene habet. Cedo: quænam ergo ex duabus opinionibus, de quibus sermo est in decreto, non solum *probabilis*, non solum *probabilior*, non solum *probabilissima*, sed *moraliter certa est* ? Opinio quæ requirit aliquam dilectionem quæ non sit ex motivo caritatis, *non potest dici absolute improbabilis*, inquit P. La-Croix. Opinio quæ requirit aliquam dilectionem ex motivo caritatis, *est absolute improbabilis*. Ergo non solum probabilis, probabilior, probabilissima, sed moraliter certa est opinio quæ in attritione ex solo timore concepta nullam dilectionem spei, atque adeo neque spem ipsam requirit. Era in quos laqueos, in quos anfractus se sponte detrudunt adversarii. Huc prolabantur omnes qui contra veritatem belligerant. Ceterum P. La-Croix nimis crasse vel ipsum statum controversiæ ignorare videtur. Nam duarum opinionum quæ in decreto recensentur, altera requirit aliquam dilectionem necessariam ex motivo caritatis; altera hanc dilectionem excludit. Etenim Catholicorum nemo asserit, amorem spei, seu spem, quæ sine præcedente amore haberi nequit, non requiri ad iustificationem. Ergo manifeste errat P. La-Croix, dum inquit, in decreto Alexandrino mentionem haud fieri opinionis requirentis dilectionem aliquam ex motivo caritatis in attritione necessariam ad iustificationem.

§. VI.

*Quam sint falsa, & intemperata censura PP. Domini-
ci Viva, Balthazaris Francolini, & aliorum plurium
Casuistarum in sententiam exigentem amorem initia-
lem:*

I. **U**T methodo mihi præstitæ insistant, & quam perpetuo servare soleo (utinam illam servarent adversarii mei,) priusquam quidquam pronun-
tiam adversus P. Dominicum Viva, illius verba sincere & integre transcribo. In
suo cursu theologico *Tom. II. part. VI. quæst. 111. art. 2. num. 6.* P. Dominicus Vi-
va hæc scribit. „ Ex verbis Tridentini, si minus de fide, certum tamen morali-
„ ter est attritionem cum sacramento satis esse ad iustificationem . . . Non ne-
„ go, plures Doctores ante Tridentinum, immo aliquos post Tridentinum asse-
„ rere, attritionem non esse sufficientem ad iustificandum cum sacramento. Ve-
„ rum post Tridentinum tamquam IMPROBABILIS reicitur COMMUNISSI-
„ ME, ut constat ex iis quæ fusc dixi in trutina theologica . . . Fuit quidem
„ opinio probabilis ante Tridentinum suffulta auctoritate MAGNORUM viro-
„ rum, sed post Trident. OMNEM PROBABILITATEM amisit; *SICUT plures*
„ *opiniones quæ quondam probabiles fuerunt, postquam a Pontificibus damnate*
„ *sunt, probabilitatem omnem exuerunt.* “

II. Tandem aliquando coercitam, & limitatam videmus amplissimam Probabi-
lismi iurisdictionem. Omnem probabilitatem amisit doctrina caritatis inchoatæ
necessariæ ad peccatoris iustificationem in sacramento pœnitentiæ: & hanc pro-
babilitatem amisit, *SICUT illam amisere plures opiniones, postquam damnate sunt*
a Pontificibus. En quam modestæ, quam temperatæ, quam obsequiosæ erga Ale-
xandrum VII. sunt censuræ P. Viva. Eadem phrasi, immo acerbiori loquitur P.
Francolinus, ut infra ostendam, cum ceteris scripturariis Casuistis inferioris sub-
fellii.

III. Insurgit P. Dominicus Viva in sua trutina in *prop. 15.* damnatam ab Ale-
xandro VIII. *num. 33.* suasque censuras sic defendit a prohibitione decreti Alex.
VII. „ Ex quo perspicuum est præceptum istud in virtute S. Obedientiæ, ne cen-
„ sura ulla his opinionibus inuratur, non impedire quominus aliqua ex iis dici
„ possit improbabilis, & falsa, ut docent Theologi communiter. “ Admitto do-
ctrinam hanc. At cur eam non admittunt Probabilitæ in aliarum opinionum
censuris? Cur, quando reicimus tamquam improbabiles, falsas, & nimium la-
xas innumeras Probabilistarum opiniones, continuo obtredunt decretum Innocen-
tiii

tii XI. quo cavetur ne censura, nota, aut convicio notentur propositiones *que adhuc inter Catholicos hinc inde controversantur* ? Decretum istud, in quo nullæ opiniones sigillatim indicantur, extendunt Probabilistæ ad quamlibet laxissimam opinionem, quæ si ab uno, & altero Probabilista defenderetur, statim inter catholicos Doctores eam controverti contendunt. Alexander VII. sigillatim de hac duplici opinione loquitur : & P. Viva inquit, decretum istud non impedire *quominus aliqua ex iis dici possit improbabilis* ; ac si plures quam duæ fuissent opiniones de quibus erat disputatio. Prohibet enim Pontifex ne *alterutram sententiam* quisquam censura notare audeat. Verum hæc obiter.

IV. Admissa itaque doctrina P. Viva, licitum quoque nobis erit reicere vi solius decreti Alexandri VII. opinionem de attritione servili, tamquam *falsam, & omni probabilitate destitutam*. Violatores ne tunc nos erimus Alexandrini decreti ? At id de hac nostra opinione dici nequit, reponet P. Viva, quia opinio attritionis formidolosæ *communior est inter Scholasticos*. Ita ne vero ? Pontifex summus dixit an. 1667. *Que hodie inter Scholasticos communior videtur*. Notandum *re hodie*. An antea erat communior ? An postea ? Tempore Alexandri VII. Probabilissimus attingerat ultimam metam ; sed post damnatas ab eodem, & ab Innocentio XI. propositiones, continuo languere, & decrefcere cœpit, & *hodie* apud doctos, & a partium studio vacuus penitus defecit. Et hinc magnum decrementum passa est attritio formidolosa. Quamobrem *hodie* inter celebriores universitates, & sapientes viros, qui gravissimam hanc controversiam ad Scripturarum, Patrum, & præsertim Actuum Tridentinorum, non ad Casuistarum tribunal expendant, *communior videtur* sententia attritionis initialis, ut infra patebit. Aliud mirificum interpretamentum profert decreti Alexandrini P. Viva *cit. num. 33.* ubi ait, ALEX. VII. *asserere AUTHENTICE sententiam negantem necessitatem amoris in attritione esse inter Scholasticos communioem*. Videtur, inquit Pontifex, *inter Scholasticos communior*. Et *re videtur* præfert *authenticam* definitionem ? An hoc fit decipere lectores imperitos, ceteri viderint. Nihil quippe in hoc decreto *authentice* definitur ; sed factum historice narratur. Aliud non minus chimæricum commentum affingunt præfato decreto, quo historice refertur sententia, *an attritio ex metu gehennæ excludens voluntatem peccandi &c.* Et Casuistæ heinc inferrunt, Alexandrum VII. declarasse attritionem ex metu gehennæ conceptam excludere voluntatem peccandi. Hæc est manifestissima falsitas. Nihil enim ibi Pontifex declarat ; sed narrat sententiam, prout illam exponunt eiusdem Auctores, ut compertum omnibus est.

V. Quid plura ? P. Viva ultra pergit. Docet ita improbabilem esse sententiam nostram, & exuisse omnem probabilitatem, *sicut plures opiniones posuit a Probabilibus damnatas sunt*. Eodem ergo loco, iudice sedente P. Viva, habenda est

hæc nostra de attritione initiali sententia quo habentur propositiones ab Ecclesia damnatæ. Et dum talia scribit P. Viva, obsequium, & obedientiam exactissimam se præstare credit Alexandrino decreto. Iudicent autem æqui rerum æstimatores, quo partium studium, & impotens erga opiniones minus probabiles inveteratus amor impellat. Sed forte inquires, quo prætextu nixus talia asserat P. Viva. Respondet ille ibi num. 31. *Prohibitio autem illa Alex. VII. ne alterutra ex iis opinionibus censureretur, non inserit utramque opinionem esse probabilem, cum huiusmodi prohibitiones sæpe fiant in bonum pacis, & ad vitandas discordias, NON IN GRATIAM VERITATIS.* Peregre gie. An hæc interpretandi methodus præbeat IANSENISTIS eludendi diplomata pontificia anſam, penes eos sit iudicare quorum interest. Quisque impoſterum clāmītare poterit: Constitutiones S. Romanæ Sedis sæpe fiunt in bonum pacis, & ad vitandas discordias, non in gratiam veritatis. Hac admiſſa interpretatione, quo res recidat, nemo non videt. Peiora in hoc genere videbis infra de confessione epistolari adverſus Clementem VIII. & Paulum V. Perdocti Salmanticenses Scholaſtici Tom. XII. traſſ. xxiv. diſp. vii. dub. 1. §. 2. num. 9. indicatas cenſuras, collectas a P. Viva ex Lugo, Candido, Ardeſkino, Dicatſtillo, Francolino, aliisque referunt, inquietes: *Cenſuram in opoſitam ſententiam nullo modo approbamus vel admittimus. . . Nam præ oculis habemus, & reverenti obedientia ſuſpicimus, & ſuſcipimus decretum SS. D. N. Alex. VII. &c.*

VI. Sed inquires, cur tanto ſtudio contendant recentiores cenſuras falſitatis; improbabilitatis, & implicitæ damnationis inurere ſententiæ noſtræ. Quia Alexander VII. prohibet alterutram opinionem cenſura notari, *donec ab hac S. Sede fuerit ALIQUID in hac re definitum*: & quia S. Sedes, Ven. Innocentio XL ſedente, *aliquid* definivit, nempe tutiorem in perficiendis ſacramentis opinionem adhibendam eſſe; idcirco omni arte curarunt ut opinio quæ tempore Alexandri VII. ad ſummum erat extenſive communior inter Scholaſticos, evaderet non modo probabiliffima, ſed moraliter certa, & tutiſſima. Verum ex præſato decreto nos evidentiſſimo (niſi me amor fallat) ratiocinio opinionem formidoſæ attritionis improbare nunc valemus, tamquam contentam in prima propoſitione damnata ab Innocentio XI. Sed de hoc infra ſermo erit.

VII. Lubet tranſcribere quæ animadvertit Cl. BOSSUETUS in laudatum decretum Alexandrinum. *In opuf. de doſt. Conc. Trid. pag. 111. & ſeq.* hæc ſcribit - „Vetæ Pontifex ne ſe invicem cenſurent, taxent, theologicas cenſuras, &, ut „aiunt, qualificationes inurant, neve iniuriis, & contumeliis mutuo ſe proſcindant: iubet ut caritatis vinculum ſervent. Id quidem vel maxime pertinet „ad eos coercendos qui quotidie noſtram, hoc eſt Concilii Tridentini, de incipientis dilectionis neceſſitate doſtrinam paſſim infamant, tamquam eam quæ purum,

* pu-

putumque *Lutheranismum* aut *Calvinismum* inducere, aut redolere videatur.
 Sane contrariam partem a talibus quoque abstinere oportet . . . Ait Pontifex
 sententiam negantem . . . inter Scholasticos videri communio^{re}m. *Videri* sane, non esse. *Opinionem*, non autem scholæ decretum, aut dogma. *Communio^{re}m*, non proinde stabilem ac certam: *hodie* non ab antiquo: inter *Scholasticos* hodiernos certe, non Patres: quid tum postea? Melchior Canus vir doctissimus *Lib. de loc. theol.* . . . clare pronuntiat, nemine repugnante, aliud esse scholæ decreta, ac firma dogmata; aliud opiniones mobiles & fluctuantes. Nunc autem confitendum est, multas invaluisse opiniones quæ ab ætate ætatis auctoritate deficiant, pronis ad laxiora ingeniiis, & ad nova prurientibus auditorum auribus. An propterea putemus illi nunc quidem forsitan communi^{ori} opinioni aliquam conciliatam esse vel tenuissimam probabilitatis auctoritatem? Absit.

VIII. Hactenus ostensum est auctoritate Actorum Concilii Tridentini, & Cardinalis Pallavicini, & legitima interpretatione ipsius decreti Tridentini reformati, & decreto Alexandri VII. Concilium Tridentinum laudata *sess. xiv. cap. iv.* nec tantillum favere opinioni formidolosæ, cuius vestigium in solius Episcopi Granatensis voto deprehendit Eminentissimus Historicus Pallavicinus. Tanti autem Historici auctoritas prævalet in hac materia sexcentis Casuistis, qui Acta illa synodalia nec viderunt, nec examinerunt, sed plurimi mutuo se se describere.

C A P U T IV.

PRAEJUDICIUM SECUNDUM

convellendum, est genealogia utriusque sententiæ, quam texit P. Francolinus cum aliis Probabilistis.

L Ntequam genealogiam sententiæ propugnantis necessitatem amoris initialis, a R. P. Balthasare Francolino contextam rescribo, operæ pretium existimavi, propositiones damnatas, vulgo Baianas, quæ nobis opponi solent, ob oculos ponere. Sunt autem sequentes.

Prop. 31. *Caritas perfecta, & sincera, quæ est ex corde puro, & conscientia bona, & fide non ficta, tam in catechumenis, quam in pœnitentibus potest esse sine remissione peccatorum.*

Prop. 32. *Caritas illa quæ est plenitudo legis, non est semper coniuncta cum remissione peccatorum.*

Prop.

Prop. 33. *Catechumenus iusse, ac recte, & sanfte vivit, & mandata Dei observat, ac legem implet per caritatem, ante obtentam remissionem peccatorum, quæ in baptisimi lavacro demum percipitur.*

Prop. 70. *Homo existens in peccato mortali, sive in reatu æternæ damnationis, potest habere veram caritatem, & caritas etiam PERFECTA potest consistere cum reatu æternæ damnationis.*

Prop. 71. *Per contritionem etiam cum caritate PERFECTA, & cum voto suscipiendi sacramentum coniundam non remittitur crimen extra casum necessitatis, aut martyrii, sine actuali sacramenti susceptione.*

II. In his propositionibus sermonem haberi de caritate habituali, aut actuali perfecta, atque perfecta contritione, communis est Theologorum interpretatio. Unum & alterum allegare sufficiat. Doctor eximius Franciscus SUAREZ in *III. Part. ad art. 1. quæst. lxxxv. disput. iv. sec. 2. num. 1.* inquit: „Hic vero referri „posset nova quædam opinio Michaelis Baii, qui fatebatur quidem, *gratiam* & „*caritatem* in eodem momento infundi in quo homo habet actum contritionis, „vel dilectionis; peccata vero non statim remitti, etiam quoad culpam, donec „sacramentum baptisimi, vel pœnitentiæ reipsa recipiatur: ex quo plane sequi- „tur, talem actum non statim esse plene formatum. Illa tamen sententia sup- „ponit falsos errores, scilicet quod peccatum numquam remittatur usque ad „realem susceptionem sacramenti, & consequenter sine hac susceptione non pos- „se hominem salvari. Item posse, esse hominem in statu peccati, immo & con- „demnari CUM HABITIBUS GRATIAE, ET CARITATIS. “

III. Alter Theologus est omni exceptione maior, Cardinalis Bellarminus, qui *Lib. II. de pœnit. cap. xlii.* hæc de his propositionibus scribit. „Fuit Doctor quidam „ante paucos annos, qui in libro quem de caritate conscripsit, adversus communem „sententiam docuit, catechumenis pœnitentibus, quamvis PERFECTE conver- „sis, & caritate flagrantibus, non remitti peccata, sive reatum mortis æternæ, „nisi cum vel baptizantur, vel reconciliantur ministerio Sacerdotum, nisi forte „in mortis articulo. . . Scriptori illi catholico, qui veram PERFECTAMQUE „CONTRITIONEM cum reatu letalis peccati usque ad sacramenti perceptio- „nem manere contendit, opponimus primum &c. “

IV. Innumeros alios recensere Theologos possem qui eandem confirmant interpretationem. Quid quod interpretatione nulla opus est, cum obviis, & perspicuis sit propositionum sensus? In nulla quippe earum vel leve vestigium apparet sive caritatis inchoatæ, sive imperfectæ contritionis. Et tamen has nobis obtrudere propositiones minime erubescunt adversæ opinionis patroni.

V. P. Francolinus *Lib. I. cap. 1.* indicatis constitutionibus S. Pii V. & Gregorii XIII. adversus propositiones Baianas, redarguit Castoricensem, Juveninum, aliosque,

que, quod has constitutiones dissimulent. *Quamvis*, inquit, *nescio quas alias quorundam Pontificum, quas nobis contrarias putant, perpetuo nobis obtrudant.* Quam venusta sit phrasis ista, dici vix potest. *Nescio quas? Pontifices quidam? Non ergo appellari suis nominibus merentur Alexander VII. & Ven. Innocentius XI. qui diris devovere sequentes laxissimas, & scandali pleas opiniones quorundam Caluistarum?* 1. *Homo nullo umquam vite sue tempore tenetur elicere actum fidei, spei, & caritatis ex vi praeceptorum divinatorum ad eas virtutes pertinentium.* 2. *An peccet mortaliter qui actum dilectionis Dei semel tantum in vita eliceret, condemnare non audemus.* 3. *Probabile est ne singulis quidem rigoroſe quinquenniis per se obligare praeceptum caritatis erga Deum.*

§. I.

Orsa genealogiae sententiae contritionis imperfectae repetit
P. Francolinus a Donatistis, & Pelagianis. Illius incrementum Luthero, & Calvino, propagationem Baio, Iansenio, Castoriensi, Arnaldo, Merbesio, Lupo, Iuvenino, Genneto, aliisque adſcribit.

I. **F**idem superant omnem quae proposita sunt: idcirco verbis eiusdem Francolini demonstranda sunt. *Lib. I. de dolor. necess. ad ſuc. poenit. cap. VIII.* & ix. hoc ostendendum proponit. *Unde pretuda sit genealogia praedictae sententiae?* Donatus, subdit, omnium primus damnavit eos qui poenae timore ad cultum veri Dei trahebantur, *quisque proinde primus videtur esse in dicta genealogia parens.* Donatistis accessere Pelagiani, qui similiter putarunt, non bene homines a peccatis revocari metu poenae inferente quamdam violentiam.

II. Horum haereticorum errorem cumulavit Lutherus, qui *damnavit contritionem imperfectam, seu attritionem ex illis praecise capitibus*, quibus saepe adversarii, inquit Francolinus, nos redarguunt, quod videlicet is timor sit coactus. Ita ne vero? Ecquis Catholicorum damnavit umquam contritionem imperfectam? Ceterum errores Lutheri se penitus ignorare ostendit Francolinus. Audiat illum in Catholicos debacchantem *cap. xxii. in epist. ad Galatas. Sophistae caeci somniant, fidem non iustificare, nisi ornata sit operibus caritatis.* Quid de contritione ex timore concepta Lutherus blateret, infra dicam. Sed quid abrumpo genealogiae filium?

III. *Eandem* (sunt ipsa Francolini verba, non truncata, sed integre relata) *caritatis necessitatem ad bene poenitendum, & in univ. sum ad recte operandum satis insinuat Calvinus Lib. III. Inst. cap. xvi. §. 3. & cap. xviii. §. 2.* Propterea ne Haereticus Calvinus audit, quia caritatis necessitatem ad bene poenitendum, & re-

De operandum *insinuat*? Vetitum ergo interdictumque vel *insinuare* caritatem ad bene poenitendum, & in universum ad recte operandum? Opus ne aliquod vita aeterna dignum caritate destitutum? Utinam Calvinus caritatis officia insinuasset ad nostram comparandam iustificationem. Sed uni fidei iustificationem peccatoris ille adscribit *loc. cit.* a Francolino §. 8. & non 2. inquires: *Adducuntur & illa Pauli sententiae*: Si habeam omnem fidem, ita ut montes loco dimoveam, caritatem autem non habeam, nihil sum . . . *item*: Super omnia habete caritatem; quod est vinculum perfectionis. *Ex quo quibus duobus contendunt nostri Pharisei, caritate nos iustificari potius quam fide, virtute nimirum, ut ipsi aiunt, potiore. At nullo negotio diluitur haec argutatio* &c. Tantum ergo abest ut Calvinus caritatem insinuet ad bene poenitendum, ut Phariseos nos vocet, qui illam exigimus, perfectam quidem extra sacramentum, imperfectam vero cum sacramento. Dupliciter itaque errat Francolinus, & quod caritatis persuasionem ad recte poenitendum, sanctaeque operandum improbet, & quia Calvino adscribit id quod Calvinus insinuat.

IV. Cap. 1x. sic persequitur suam genealogiam Francolinus. Praedictos errores temperare sibi visus est Michael Baius, & post ipsam Iansenius Iprensis Episcopus; sed temperamentum fuit in solis verbis, non in verborum sensu. Comparat doctrinam Baii, & Iansenii cum Lutheri doctrina, ut genealogiae texturam perficiat, & catholicorum Theologorum nominibus, veluti floribus quibusdam, exornet. Subdit enim, ceteros Theologos catholicos, attritionis initialis defensores, ex fonte Baii, & Iansenii hanc epotasse doctrinam: & ut decretorie id statuat, adducit testimonium de-Lugo, mollioris Ethices singularis patroni, qui insignem Theologum Franciscum Sylvium Baianismi lue inquinare minime dubitat *disp. v. de poenis. sec. 8. num. 118.* his verbis. *Videri quod SYLVIVS eius propugnator desumpsit ipsam ex Molano, & Guillelmo Essio. Sed de utroque curandum non est: fuerunt enim discipuli Baii, cuius doctrinam quacumque via possent, tueri vellent.* Repetit Francolinus, Sylvium, Christianum Lupum, ceterosque iisdem prorsus argumentis hanc sententiam amoris initialis defendere quibus eam propugnarunt Baius, & Iansenius. Singularem parallelum instituit inter Lupum, & Iansenium.

V. Concludit hoc caput 1x. his verbis. „Nec is ego sum qui velim *haeresis notam, immo nec erroris* inurere adversariis. Id solum volo ostendere, qui sit fons „eorum doctrinae sententiaeque, qui sint illi quos sequuntur, quasque propositiones ex ipsis acceperint, nescio an probandas. An vero sit argumentum in materia inter Catholicos controversa, ex duabus sententiis eam reiicere quam omnes fere Doctores catholici tamdiu post Tridentinum secuti sunt, ut ostendi, „quamque ii qui sequuntur modo, sunt absque dubio omnes Catholici; eam vero amplius, & propugnare quam invexere *novatores*, iidemque, vel eorum „discipuli modo propugnant, iudicent alii.“

VI. Scilicet, resumo ego, alii iudicent, modestiam ne, prudentiam, gravitatemque, an prædientiam, nimiumque partium studium præferat Francolini scriptio. Interim ego sic urgeo Francolinum. Lutheranismus, & Iansenismus redolent ne hæresim, aut secus? Si negat; hæresim ipse pronuntiat. Si ait; cedo: nullam ne censuram affingit Catholicorum doctrinæ, dum adfirmat legitimam esse sobolem ipsius Lutheranismi, Calvinismi, & Iansenismi? Et dum talia scribit, obsequio summo nonne obtemperat decreto Alexandrino? Præterea manifestis antilogiis semetipsum conficit Francolinus, atque damnatæ hæreticorum doctrinæ notam Catholicis inurere, & non inurere studet. Conceptis verbis, & fuso sermone ostendere ille pertentat, eandem omnino sententiam in hac controversia docere Sylvium, Estium, Lupum, Merbesium, Iuveninum, & ceteros, *QUAM INVEXERE NOVATORES*. Insuper testatur se nolle iisdem neque hæresim *notam, immo nec erroris inurere*. Cedo: novatores aut docent errorem, aut secus. Si secundum; novatores, ad hoc quod attinet, non sunt; & calumnia teterrima tum novatoribus, tum Catholicis impingitur. Si primum; catholici Theologi eandem omnino sententiam docent ac novatores: & illis erroris notam non impingit? Rursus: aut Theologi a novatorum erroribus hanc sententiam defæcerunt, aut secus. Si secundum; idem quod prius. Si primum; ruit tota genealogia.

VII. Explicatis *cap. ix.* primordiis sententiæ attritionis initialis pergit *cap. x.* ad exponendam eiusdem propagationem. Inquirat, *abi, quando, & a quo potissimum fuerit hec sententia propagata, & propugnata*. Definit autem, eodem tempore cœpisse sententiam hanc propagari quo amplificatus est Iansenismus, & in iisdem quidem regionibus. Ab eo autem tempore per totum Belgium, & per finitimas regiones, mox per alias & se diffudit. *Per alias, inquam, non tamen per illas in quas nec LUTHERANISMUS, nec CALVINISMUS, nec BAIANISMUS penetravit. In has profecto nec ista sententia pedem intulit.* Et tamen, ipso Francolino teste, pedem intulerat in *Lyceum Romanum*, in quo eam docuerat Cardinalis Pallavicinus, ut vidimus supra *cap. 11. §. 11. num. 1.* adductis Francolini verbis. Meditentur lectores, quo partium studium præcipitem egit hunc Auctorem, qui contra gravissimum Alexandri VII. obedientiæ mandatum, Lutheranismi, Calvinismi, Baianismi, & Iansenismi tetra fuligine tingere doctrinam quam ab omni censura immunem voluit Pontifex summus, non reformidat. Sed genealogiam persequamur.

VIII. Qui hanc obligationem; pergit Francolinus, præ ceteris exaggeravit, fuit Antonius Arnaldus, post Ioannes Neercassel Episcopus Castoriensis, Ioannes Obstraet, Gummarus Huigens, Macarius Avermans. De Arnaldi vicibus plura scribit. Eiusdem e Sorbona eiectionem, & secessum in Belgium, ubi susceptus est ab Episcopo Castoriensi, cuius epistolas ad Arnaldum, & alia plura congerit, quæ incolatum Arnaldinum in Belgio spectant, atque genealogiam attritionis initialis

mi-

mirifice, & aptissime illustrant; & plura alia narrat de *Rosariis*, *Scapularibus*, *Chordulis*, aliisque id genus pietatis symbolis, de consiaternitatibus, de peregrinationibus, quæ sunt veluti suæ genealogiæ ornamenta. Synopsim quamdam perstringit Libri Castorienfis inscripti, *Amor pœnitens*.

IX. *Capiti 10. In Libro I.* finem imponit P. Francolinus hoc confectario, quo infest, omnes Theologos catholicos assertores attritionis initialis nullius esse auctoritatis. Cur? Quia Lutherus, Calvinus, Baius, Iansenius, Arnaldus, Castorienfis, a quibus hanc acceperunt sententiam, omni sunt destituti auctoritate. Omnes enim discipuli inferiores in doctrina, eruditione, & existimatione sunt laudatis magistris. Ergo nullam auctoritatem huic sententiæ adiacere valent, quantumcumque sit illorum numerus. Sunt hæc, inquis, supra quam dici potest, monstruosa paradoxa.

X. Ne quis adduci in suspensionem queat, quidquam per exaggerationem dictum esse, verba ipsa Francolini transcribo ex *loc. cit.* „ Quæro enim abs te, an aliquam auctoritatem habeant in doctrina fidei, & morum, qui prædictas propositiones distarunt &c.

„ *Cler.* Nullam prorsus auctoritatem habere possunt.

„ *Mag.* Ergo nec reliqui prædictæ sententiæ Doctores. Nullus enim ex ipsis tantam habet apud suos æstimationem, immo omnes longe minorem quam prædicti. Ergo neque illi qui *hos Doctores sequuntur*, quantumcumque sit eorum numerus, auctoritatem ullam huic sententiæ conciliare possunt. Non enim in doctrinam, in quam ex magistris nulla refunditur auctoritas, & æstimatio, refundi potest ex numero discipulorum, longe doctrina, & eruditione inferiorum.

„ *Cler.* At qui contingere potest ut tam multi, iique Catholici, piique sequantur hos Doctores omni prorsus auctoritate carentes?

„ *Mag.* At unde habes quod omnes qui eos sequuntur, Catholici sint?
Sunt igitur ex tam multis, quos dicis esse prædictorum magistrorum discipulos, separandi Iansenistæ a Catholicis. At quis hanc separationem faciet? Inimici suspecti sunt, aut esse dicuntur. Amici non loquuntur. Opera ipsa eos non ita facile distinguunt, & separant. Ceterum, si separatio fiat, o quam decrescet ille magnus numerus pro contritione pugnantium!

„ Verum sint etiam multi, iique Catholici, pii, doctique, qui prædictos Doctores sequuntur. Non enim ex vera eos auctoritate sequuntur, sed apparente.“

XI. Habes nunc sinceram imaginem *Francolinianæ genealogiæ* sententiæ attritionis initialis, seu contritionis imperfectæ necessariæ ad obtinendam in sacramento iustificationem. Paucis tibi illam perstringo. Hæc sententia, inquit P. Francolinus, originem suam arcessit a Donatistis, a Pelagianis, quam severunt Lutherus, & Calvinus. Incrementum illa a Baio, & Iansenio, & propagationem a Mola-

no, Castoriensi, Arnaldo, ceterisque Iansenistis accepit. Isti sunt magistri huius sententiæ. Quinam discipuli? Cardinalis Pallavicinus, Lupus, Huygens, Obstraet, Merbesius, Iuveninus, Le Drou, Natalis Alexander, & innumeri alii Theologi catholici. Omnes isti discipuli, *quantuscumque sit illorum numerus*, nullam auctoritatem huic sententiæ conciliare possunt. Quoniam non plus discipuli isti auctoritatis habent quam magistri. Magistri sunt Donatistæ, Pelagiani, Lutherani, Calviniani, Baiani, Ianseniani. Aliqua ne isti potiuntur auctoritate in Ecclesia, a qua præcisi sunt? Ergo potiore iure discipuli, tamen Catholici, omni profus carent auctoritate, qua fieri hæc sententia probabilis queat.

XII. Hoc est ratiocinium P. Balthasaris Francolini. Hæc genealogia sententiæ attritionis initialis. Tu forsitan expectabis, ut ego vividis coloribus depingam huius Auctoris, & similium ius illud quo catholicos Theologos hæreticorum assecras atque pedisequos declarant, atque diffamant, ut prudentiam & moderationem in promovenda laxiore Ethice, ut illorum obedientiam & obsequium erga Apostolicam Sedem, quæ eiusmodi acerbissimas censuras vetat, ut *Bibliothecam Iansenianam*, cui pro arbitrio inferunt catholicos Theologos laxioris Ethicæ oppugnatores, ob oculos ponam. At falleris. Hæc omnia doctioribus meditanda relinquo. Illud me torquet quod videam imperitos lectores, Parochos, & Confessarios in re omnium gravissima, qualis est sacramentaria, ex eiusmodi libris decipi, atque in extremum adduci discrimen, ut mox patefaciam. Illud, a te peto ego, ut non a quo veritas dicatur, attendas, sed num quæ proponitur, veritas sit, expendas. Numquid (inquit Augustinus contra Petilianum cap. 111.) *dicere non debemus, quod bonus Deus fecerit mundum, quia hoc etiam dicit Manichæus?* Traducat nos P. Francolinus cum aliis pro sua humanitate, prudentia, & iure, quod sibi vendicat, tamquam discipulos Lutheri, Calvini, Baii, & Iansenii: clamet nos illorum discipulos non plus auctoritatis habere quam habeant præfati magistri, qui ipso iudice doctiores fuerunt. Hæc omnia christiana patientia sustinemus, illique, & aliis condonamus omnia. Interim tu, lector cordate, quæ dicturus sum, expende.

§. II.

Theologi qui interfuerunt sessioni XIV. Concilii Tridentini, testantur attritionem servilem esse materiam dubiam sacramenti pœnitentiæ.

I. **M**issa sententia illorum qui & ante, & tempore Concilii perfectam contritionem postulabant ad pœnitentiæ sacramentum, illorum duntaxat alle-

allegabo testimonia qui attritionem sufficere concedunt; at simul admonent hoc dubium esse, & incertum.

II. Ruardus Tapperus, qui *sess. xiv. interfuit in expositione art. 4. Lovaniensis de contritione* hæc scribit. *Quod attritio sufficiat, quamvis verum sit, NON EST TAMEN CERTUM ATQUE INDUBITATUM.*

III. Melchior Cano, eiusdem Concilii Theologus, & a partium studio, si quis alius, vacuus, cuiusque testimonium ab omnibus suspicatur, *rekl. de pœnitent. part. v. ad 3. arg.* hæc testatur. *Respondetur, quod contritio ponitur pars sacramenti, quia est CERTA, ET INDUBITATA MATERIA.* Quod autem attritio sufficiat, *quamvis verum sit, NON EST TAMEN ADEO CERTUM ET INDUBITATUM: & ideo Concilium Florentinum, COMMUNISQUE SENTENTIA* tenens certum, relinquens incertum, *PONIT CONTRITIONEM* partem esse huius sacramenti. Quid ad hæc neoterici Probabilistæ? Tempore proximo ipsi Concilio Tridentino absolute communis sententia Catholicorum propugnabat attritionem incertam esse sacramenti materiam.

IV. Dominicus SOTO, celeberrimus Concilii Tridentini Theologus, in *IV. dist. xviii. quæst. 111. art. 2.* hanc proponit quæstionem. *Utrum ad sacramentum pœnitentiæ, ut gratiam conferat, requiratur contritio in se, vel saltem in opinione peccatoris, ut putet se esse contritum; an vero sufficiat attritio etiam cognita.* Et facta distinctione inter baptismum, & pœnitentiam respondet. *Sacramentum pœnitentiæ est eorum qui, cum per proprium actum, & voluntatem aversi sunt a Deo, eadem voluntate in ipsum convertuntur: at vero quem peccati, quatenus offensæ Dei est, non pœnitet, CERTE NON convertitur.* Nam ad amicitiam resarciendam requiritur pœnitentia offensæ amico illatæ. Accedit demum quod *DOCTRINA HAEC DE ATTRITIONE, quæ in sacramento fit contritio, licet sit vera, NON EST TAMEN ITA MULTUM VETUS.* Patres enim antiqui *SOLAM* contritionem agnoscebant necessariam ad confessionem. Revera cum qui mihi diceret, *non se pœnitere propter Deum, absolvere non audebam.* Ibidem paullo ante præmittit Soto. *In Concilio solum determinatur in genere, quod contritio est pars sacramenti. Quod autem contritio formata sit necessaria ut sacramentum sit perfectum, & efficax, vel attritio sufficiat ad substantiam sacramenti, THEOLOGORUM SCHOLIS RELICTUM EST EXPLICANDUM.* Dissertius idem Soto subdit *dist. xx. quæst. 11. art. 1.* scribens. *Arbitror, attritionem, nisi quæ existimetur contritio, NUMQUAM* sufficere ut per sacramentum conferatur gratia, eo quod accusatio, quæ debet esse signum pœnitentiæ, qua ratione offendit Deum, non est signum verum secundam conscientiam, & estimationem pœnitentis, quia loqueretur contra eam. Denique *dist. xix. quæst. 11. art. 3.* ait: *Quod attriti fiant contriti per sacramentum; solum est Scholasticorum collectio, quæ, quamquam vera sit, NON EST*

CER.

CERTE DIGNA CUI BILANCES NOSTRAE PERPETUAE SALUTIS, AUT DAMNATIONIS CONFIDAMUS.

V. Petrus Soto, novatorum strenuus debellator, qui Londini catholicam doctrinam e cathedra propugnavit, qui Academiam Delinganam adversus hæreticos instituit; qui lucubrationibus auro cedroque dignis Lutheranam, & Calvinianam impietatem labefactavit, qui denique inter celebratissimos Tridentini Theologos resplenduit, in suo opere *de instruct. Sacerd.* fuso sermone sacramentum pœnitentiæ illustrat, ejusque partes contritionem, confessionem, & satisfactionem perspicue dispicit; nullibi docet attritionem servilem sufficere, sed contritionem ubique necessariam asserit, solumque distinguit contritionem in perfectam, & imperfectam ex graduum intensiois diversitate. Plures instituit de contritione lectiones, nullibi vel obiter asserit, dolorem ex solo pœnarum metu conceptum, exclusa caritate, sufficere ad sacramentum. Liceat aliqua, tamen prolixiora, transcribere ex tam insigni Theologo, qui ubique lectorem ad caritatem stilo cœlesti unctione persuso inflammat. *Lecl. XVII.* primum inquit: „ Dicendum iam est „ de hac integritate, & perfectione pœnitentiæ, quid potissimum proponendum „ sit populo, cui certe nec difficiliora intellectu, nec executione ardua propo- „ nenda sunt, nisi cum summa cogit necessitas, & tunc, quantum fieri potest, „ ad caput intellectus, & affectus eorum accommodata . . . Igitur primo per- „ sectio ista doloris docenda est; sed ita ut non magna quædam & impossibilia „ doceri videantur, sed plane nec gravia, ut Ioannes inquit: *Mandata eius gra- „ via non sunt*: non, inquam, gravia innitentibus divinæ bonitati. Nam quæ „ apud homines, inquit Christus, impossibilia sunt, non sunt apud Deum. Quid „ igitur acturi sunt, dicatur &c.

„ Primum. Volentem vere, & integre pœnitere, ante omnia divinæ bonitati; „ ejusque gratiæ inniti oportet, & per humilem instantemque orationem ante „ omnia gratiam pœnitendi sibi a Deo postulet necesse est. Proponendæ sunt „ igitur Sanctorum, & Prophetarum orationes. “

VI. Integra hac lectione Sacerdotes, & populum docet veræ contritionis imaginem, & modum quo corda nostra disponi ad eam excitandam concipiendamque debent, tanta Scripturarum copia, ut sola lectio caritatis ignem succendat. *Diligentissime*, inquit, *curandum ut magni hoc donum pœnitentiæ & iustificationis æstimetur*: ita enim fiet ut *et ardentius petatur, et a Domino misericordius, et liberalius donetur* . . . Itaque timendum est populo christiano *et rudi, ne ex facilitate remissionis peccati, quam illi putant . . . minoris quam opus est faciat . . . Quare nullam popularem opinionem putamus diligentius eximendam ab animis Christianorum quam hanc tam minimam æstimationem, et tam parvam considerationem horum donorum Dei in remissione peccati. Hoc igitur agendum tribus præcipue mediis &c.*

VII. Sub finem prolixæ & aureæ lectionis hæc adiecit. *Sunt quædam circa hæc non pauca dubia & quæstiones SCHOLASTICORUM, quæ satis ex dilectis solvi possunt, vel non sunt admodum necessariae. Quare consulto eorum translationem omitto: satis sit eas vel proponere &c.*

Cum quæritur rursus, an ex attritione fiat contritio, & quid inter attritionem, & contritionem intersit, PARUM curandum est. Certe ex imperfecto dolore ascenditur ad perfectum, siue eadem operatio perfecta sit, & imperfecta (ut nonnumquam contingit successu temporis) siue sint diversa.

Denique & de sacramento pœnitentiæ quæritur, an ex attrito contritum faciat, & quomodo id sit intelligendum. Ubi sunt diversæ sententiæ, quam rem melius, cum de sacramento agitur, tractabimus. Interim tamen supradicta retinenda sunt, videlicet, siue vera caritate NUMQUAM remitti peccatum.

VIII. Tredecim circiter lectiones de confessione instituit pro instructione Sacerdotum, & populi christiani, omnia perspicue enucleat, & continenter necessitatem veræ caritatis ad digne hoc sacramentum suscipiendum inculcat. Leet. VII. de conditionibus necessariis confessionis sub finem hæc docet. Ex quibus duo accipiamus huic quæstioni necessaria. Primum, ut intelligamus (quod huius articuli proprium est) quam necessaria sit illa perfecta contritio (de qua supra locuti sumus) ad remissionem peccati, etiam cum ipso sacramento vel pœnitentiæ, vel quocunque alio.

IX. Distinguit leet. VIII. de confessione informi varios gradus & contritionis, & caritatis, seu duplicem perfectionem, aliam intensiōis, alteram apprehensionis: hanc, non illam necessariam ad sacramentum digne suscipiendum asserit. Defectus perfectæ contritionis dumtaxat, est non deprehendatur a pœnitente, vel Sacerdote, tantus tamen, & talis ut merito deprehendi debuerit, hoc est qui deprehenderetur, si uterque in eo negotio non negligenter, & minori cura quam par erat, se gessisset, reddidit etiam nullam confessionem. Et paullo post. Defectus perfectæ contritionis, qui deprehensus non est a pœnitente, vel Sacerdote bona fide & debita diligentia. (quæ videlicet probabiliter iudicata est sufficere) agentibus, est NONNUMQUAM fructum auferat absolutionis, non tamen nullam reddit confessionem, aut repetendam; sed est validum sacramentum, quod postea recedente fisione operabitur.

Denique post multa addit. Ut magis explicetur, consideremus quæ superius de perfecta contritione dicta sunt. Cum enim ad hanc requiratur veritas, & efficacia . . . & perfectio siue intensiōis, siue apprehensionis, & tandem ut prædominetur affectus ille divinæ dilectionis ceteris omnibus, ut dictum est, ex his pensandum est, quam perfectus sit hic dolor . . . Potest enim MULTOS HABERE GRATUS; sed satis est quod habeat veritatem, & efficaciam . . . Hæc ideo quam

potuimus diligentissime conati sumus explicare, ut admoneamus & pœnitentes ipsos, & spirituales iudices; ut non leviter hæc pertranseant. Est enim totius salutis nostræ cardo in vera mutatione animæ. Cum igitur hoc oscitanter facimus; & negligenter, tam medici spirituales, quam infirmi, certe gravissime timendum est ne socordia nostra omnia Dei beneficia convertantur nobis in perniciem, & ex quibus consecuturi eramus salutem, proveniat perditio; dum scilicet sit mensa eorum coram ipsis in laqueum, & in retributiones, & in scandalum: & obsecrentur oculi eorum, ne videant: quod idem sic dicere possumus: Fiat baptisnus eorum: fiat confessio eorum &c. Est igitur Confessori (ut Chrysostomum superius audivimus dicentem) opus sexcentis oculis, ut habitum mentis eius qui consistet, agnoscat, ut excitet ad pœnitentiam, ut ab admonitione, & oratione non desistat, quousque, quantum dabitur, agnoscat pœnitentem ascendisse ad perfectum contritionis, & caritatis.

X. Fredericus Naufca, Viennensis Episcopus, & Concilii Tridentini Assessor; anno proximo a celebratione sess. xiv. nempe 1552. Catechismum edidit, in quo cap. xlvii. hæc statuit. *Conversio, si vera fuerit, & perfecta, dici cœpit CONTRITIO, quam Deus gratiose nimirum acceptat, Propheta dicente: Cor contritum, & humiliatum Deus non despicias. Nec est ut absque eiusmodi quemquam possit absolvere, cum ipse reum non absolvat, nisi reus in se debito modo dispositus, sit capax absolutionis.*

XI. Franciscus Ricordatus Episcopus Attrebatensis an. 1567. quatuor annis post absolutum Tridentinum Concilium in Instructione pastorali cap. xlvii. latine redita ab Autore libri *de Mente Concilii circa contritionem & attritionem* &c. hæc scribit. *Verum quidem est peccati detestationem quæ timori pœnæ inimitur, posse ad veram & perfectam contritionem disponere; sed illa non sufficit ad remissionem peccatorum obtinendam, licet utilis . . . nisi metus cedat caritati: & loquitur de contritione quæ sit pars sacramenti.*

XII. Cornelius Mussus Episcopus Bituntinus in sua Synodo anno 1579. ait, illos recte & rite suscipere sacramentum pœnitentiæ qui, antequam ad mysticum sacra confessionis Iordanem accedant, lavandi mundandique a lepra peccati . . . se se per Dei gratiam non solum atterunt, sed minutatim **CONTERUNT**, contritione . . . consentitur Sacerdoti.

XIII. Ioannes Antonius Pantusa Episcopus Litterensis Tom. III. opusc. cap. xi. hæc statuit. *Licet contritio necessaria sacramento pœnitentiæ, sit odium peccati super omne odibile, quia pendet a dilectione Dei super omne diligibile; tamen in latitudine sua potest esse maior, & minor; & secundum diversos gradus participat diversimode fructum passionis Christi. Unde licet a culpa, & pœna omnes absolvantur, pœna tamen temporalis remissio non omnibus eodem modo fit, sed secundum mensuram contritionis.*

. XIV. Plures alios omitto, tum ut lectoris tedium, tum ut prolixitatem declinem. Hi, quos recensui, ineluctabile testimonium conficiunt omni exceptione majus, quo luce meridiana clarius evincitur falsitas facti, quod, ut verum, obtrudunt Moialistæ juniores, videlicet Concilium Tridentinum declarasse, attritionem servilem sufficere, vel proxime disponere ad sacramentum poenitentiae.

§. III.

Theologi propinquiore Concilio Tridentino non adfirmant controversiam hanc definitam in Concilio fuisse; sed dubitanter asserunt attritionem servilem esse probabilem sacramenti poenitentiae materiam.

Ioannes Maldonatus S. I. percelebris Theologus in *trakt. de poenit. cap. v.* inquit: *Querunt etiam Theologi, quando obliget praeceptum contritionis, cum sit affirmativum; & affirmativa praecepta non obligent nisi certo tempore. COMMUNIS opinio est non obligare, nisi QUANDO PRAECEPTUM CONFESSIO- NIS OBLIGAT: quia necesse est ut habeat contritionem QUI CONFITETUR.*

II. Ioannes Medina in *cod. de poenit. quest. iv.* scribit: *Videtur tenendum, quod poenitentia, sive contritio neque cum sacramento, neque sine illo potest valere ad salutem animae de lege ordinaria, nisi in DEUM SUMME DILECTUM sit relata.*

III. Bartholomæus Medina, Melchioris Cani in Cathedra S. Mariani succesor, 1. 2. *quest. xix. artic. 6.* ait: *In sacramento poenitentiae dicit OPINIO PROBABILIS, quod attritio cognita attritio ex parte materiae sufficit ad sacramentum poenitentiae. At CERTUM NON EST, an conficiatur sacramentum.* Sic fatur Probabilissimi inventor.

IV. Ludovicus Lopez anno circiter 1583. viginti annis a celebratione Concilii Tridentini edidit suum *Instructorium conscientiae*, in quo *Part. I. cap. ix.* hoc modo scribit. *AUDEO & hanc statuere conclusionem: PROBABLE EST, & non parum veritati, & Concilio Tridentino consona opinio affirmativa, scilicet quod ad impetrandam iulitiam, & remissionem peccatorum in sacramento poenitentiae, satis est attritio cognita, etiamsi poenitens non existimet probabiliter eam esse contritionem.* Lopez Probabilista fuit, eoque tempore scripsit quo Probabilismus vix in apicem apertare audebat. Idcirco inter pavorem, & audaciam vacillans Lopez audet, ut probabilem sacramenti materiam, invehere attritionem servilem.

V. Martinus Navarrus, sacrorum Canonum peritissimus valde celebris, qui vitam debebat tempore Tridentini Concilii, in *Manuali*, Romae anno 1579. sexdecim annis post Tridentinum edito, *cap. 1.* hæc scribit. *Infertur non esse veram illam*

opinionem quam nuper vidimus defendi in selectis quibusdam Comitibus ; videlicet sufficere ad condonationem peccati per sacramentum pœnitentiæ attritionem , quæ pœnitens dolet de peccato , etiam si sciat eam NON ESSE CONTRITIONEM , NEC DOLEAT PROPTER DEUM , VEL QUIA EUM OFFENDIT , sed propter infamiam , vel mala alia temporalia . Oportet enim IN PRIMIS ut pœniteat OB AMOREM DEI . Hanc controverſiam ſuſius verſat a num. 33. & ſeqq. Porro num. 37. hæc aducit : Decimo nono infertur ad illam magnam differentiam , quam Magiſter Sotus ponit inter pœnitentiam peccatorum ad ſuſcipiendum baptiſmum neceſſariam , & inter eam quæ neceſſaria eſt ad ſacramentum pœnitentiæ , videlicet quod ad ſuſcipiendum baptiſmum ſufficiat quæcumque pœnitudo . . . ad ſacramentum tamen pœnitentiæ requiri pœnitentiam de peccatis propter amorem Dei , & eo quod peccatum eſt eius offenſa , & quod a pœnitente putetur eſſe contritio . . .

Hæc doctrina , licet SATIS BONA videatur , quantum pertinet ad ſacramentum pœnitentiæ , quantum tamen pertinet ad ſacramentum baptiſmi admodum nova mihi viſa eſt . . . Quapropter equidem ſub debita correptione ſemper conſulere illis qui infideles adultos aliquos baptizant , ſive apud nos , ſive apud Indos , ut prius illos inducant ad pœnitentiam peccatorum mortiferorum , eo quod illis offenderint Deum , quoniam ſuper omnia amare , & honorare debuiffent . Nec auferem aſſerere , eis licere baptizare illos , quantumvis videant non pœnitere eos OB AMOREM DEI , ſed ob alias cauſas . Plura alia ſcribit num. 42. varias diſtinguit attritiones , & nullibi aſſerit , Concilium Tridentinum declaraviſſe attritionem ſervilem ſufficere ad ſacramentum pœnitentiæ . An id omiſiſſet , ſi tum temporis perſuaſio obtinuiffet , id Concilium præſtitiffe :

VI. Vix mirari ſatis poſſum P. Francolini præſidentiam , qui , ut quoquo modo imperitis ſucum facere queat , allegat *Lib. I. cap. VII. §. 2.* textum Navarri ex Manuali edito anno 1573. neglecta poſteriore editione anni 1579. Ut autem lector intelligat , deſiderandam eſſe in Francolino diligentiam , ſciat oportet , Navarrum hæc ſcribere in dedicatione eiufdem Manualis ad Gregorium XIII. *Manuale Confessariorum* , quod Sanctitati Tuae octogenarius ante circiter decem annos dicaveram , & poſtea ſer in hoc decennio reuſum , & nunc iam quanto ſerius & accuratius adeo pluribus in locis , quam putabam , emendatum , auctum , & ordinatum , & mundatum denuo eidem nonagenarius conſecro . Porro in hac purgata editione ea correxit quæ Francolinus minus diligenter obtrudit . Vincentii Iuſtiniani nomen ſuppreſſit Navarrus , & ſolum aſſerit cuidam recentiorum viſum eſſe &c. Obiectionem iſtius recentioris , nempe quod Concilium Tridentinum ſeſſ. XIV. cap. IV. aperte docet per ſacramentum pœnitentiæ dari gratiam attrito , correxit ; & aliis verbis obiectionem recentioris narrat . Sit recentior iſte Iuſtinianus Ord.

Præd. qui de hoc argumento nihil typis edidit. Navarrus in hac editione posteriore delevit illius nomen, & verba obiectionis, in qua asserbatur, Concilium docere, attrito conferri gratiam in sacramento, similiter abrogavit. Transcribenda omnia essent quæ ibi Navarrus scribit, ut luculentius Francolini diligentia emicaret. Addo, etsi omnia quæ Francolinus opponit, vera essent, illud tantum concluderent, Vincentium Iustinianum, non Navarrum asseruisse, attrito conferri gratiam in sacramento. At hoc non dixisse vel ipsum Iustinianum, evincit Navarri, qui forsitan ex falso rumore id audierat, correctio. Ut ut sit, Navarrus refellit obiecta recentioris, seu Iustiniani, & controversiæ illi his verbis finem imponit num. 44. *Sexto negamus sufficere ad absolutionem sacramentalem attritionem, sive pœnitentiam, qua peccator cesset a peccato propter solam pœnam inferni, quatenus pœna est, si nullus actualis, vel virtualis AMOR DEI, vel odium peccati, quatenus est IPSIUS OFFENSÆ, eum comitetur per dicta supra, præfertim num. 34. & 35.* Ex his omnibus collige, quanta sit Francolino hæc in causa fides adhibenda.

VII. Cardinalis Toletus in sua Summa editionis an. 1599. 1609. 1610. *Lib. III. cap. xv.* hæc docet. *Prima quidem attritio, si talis sit, ut cognoscat pœnitens se non detestari peccatum, ut est Dei offensa, sed tantum ut est alicuius mali causa, & pœna inferni, quamvis bonus actus ille sit, tamen non sufficit ad sacramentum: immo qui sic accederet, peccaret denno, & non impleveret præceptum, sed esset repetendum sacramentum. . . . Unde Confessarii maxime debent considerare, qualiter pœnitentes admittant ad confessionem: non enim sunt admittendi, nisi qui peccata detestantur, ut OFFENSÆ DEI sunt.* Editiones posteriores adulteratæ hæc ultima verba sic mutata præbent: *Nisi qui peccata detestentur ob debitum finem: priora vero penitus mutarunt.* Meditare zelum abolendi hæc verba, ut *offensa Dei*, quasi aut hæresim, aut errorem continerent. O utinam zelus similis in abolendis laxissimis non paucis opinionibus!

VIII. Mutationis causam prodit P. Francolinus *Lib. II. cap. vi. §. 2.* inquiens, Cardinalem Toletum retractasse hanc suam sententiam, quia in Collegio Romano asservatur Summa Sacerdotum manu ipsius Cardinalis scripta, in cuius margine legitur correctio ad mentem Concilii Tridentini. Quod, inquit, si scivisset Iuveninus, non fuisset inutiliter conatus Summæ Toleti antiquiores editiones recensere. Bona venia liceat mihi suspicari, sibilis a Iuvenino exceptum iri eiusmodi commentum, si viveret. Ego sane illud penitus reicio, ut arbitrarium, nullamque fidem adhibeo Francolino. P. Dominicus Viva in trutina in *prop. 15. Alex. VIII. num. 36.* scribit, quod Toletus ante Tridentinum fuerit in priori sententia requirente contritionem putatam, ac deinde advertendo ad verba Tridentini docuerit sufficere attritionem &c. Egregie. *Sessio xiv.* Concilii Tridentini absoluta fuit anno 1551.

Toletus obiit anno 1596. ætatis suæ 63. Tempore quo sessio XIV. Concilii Tridentini absoluta fuit, annos tantum duodeviginti natus erat Toletus. Quid ad hæc Francolinus, & Viva? An ante hanc sessionem anno ætatis suæ XVII. exaraverat Toletus opus suum? An non evidens est, post hanc sessionem elucubrassè *instructionem* præfatam? Non ergo ipsum latebat, dum opus suum scripsit, quid Tridentinum definierat in hac controversia. Ipso Francolino fatente, in corpore Summæ nulla est Concilii Tridentini mentio. In sola margine adiecta est eiusdem Concilii mentio. Ergo coniecturæ omnes additionem illam, si qua est, suppositiciam & spuriam evincunt. Præterea cur primum MS. non prodiiit cum hac correctione? Sileo plures alias coniecturas: indicatæ enim satis superque patefaciant fabulosa commenta redolere quæ P. Francolinus, & P. Viva narrant.

IX. Paulus Comitulus, cuius *Responsa moralia* prodire circiter an. 1609. hæc *Lib. I. quæst. xxxii. num. 7.* scribit. *PLURES MAGNIQUE THEOLOGI in penitente antequam absolvatur, contritionem veram caritate formatam requirunt. NEQUE USQUE ADEO CERTUM EST ATTRITIONEM penitenti ESSE SATIS. Quo circa Sacerdotis partes esse debent, veræ contritionis motum in corde penitentis auxiliante Deo elicere, ardentique eum cohortatione urgere, ut propter Deum peccata admissa excretur omnia.*

X. Doctor eximius P. Franciscus Suarez *Tom. IV. in III. Part. disp. xv. sess. 4. num. 17.* hæc docet, quæ, licet prolixa, lubet transcribere, ne solitis cavillationibus locus pateat. „ Licet sit *probabilis opinio* attritionem cognitam cum sacramento sufficere ad iustificationem, *tamen non est certa, & potest esse falsa.* Quod „ si fortasse in re ita est, *probabilis illa existimatio non sufficit ut homo salvetur.* „ Ergo qui sciens, & videns ita se mori permittit, voluntarie exponit se periculo ~~lo-~~ *mortali* æternæ damnationis. Nam ubi est morale dubium, est morale periculum præsertim in re tam gravi. Hic autem est morale dubium, *cum illa opinio NEC VALDE ANTIQUA, NEC MULTUM COMMUNIS SIT.* Neque „ habet locum hic distinctio de dubio practico, vel speculativo. Nam quando „ dubium est de re ipsa, seu effectu, an fiat, nec ne, tam dubium speculativum, quam practicum sufficit ad rem ipsam in periculo constitutendam. Videtur autem profecto caritas obligare hominem ne sit adeo negligens suæ salutis æternæ, ut eam tanto periculo exponat. Ergo obligat illum ad faciendum „ quod in se est, & conandum ad habendam contritionem. “

Num. 18. „ *Quæ sententia mihi SEMPER valde probabilis visa est, & NUNC etiam videtur:* quamquam videam multis viris doctis, atque etiam piis difficile „ ac rigorosum hoc videri: quia putant sententiam illam de iustificatione per „ sacramentum penitentiae cum attritione cognita esse adeo receptam, & auctoritate Concilii Tridentini munitam, ut videatur sufficiens ad tollendum morale

„ periculum. Item quia alias etiam non liceret homini umquam confiteri cum
 „ attritione cognita: quia exponit se morali periculo non recipiendi sacramen-
 „ tum, vel saltem non recipiendi gratiam. Tandem quia nimis coarctamus viam
 „ salutis, & iniicimus hominibus scrupulos, ut quoties insurgunt dubia circa sta-
 „ tum peccati, vel remissionem eius, teneamur contritiones iterare. “

XI. Hinc patet, quam ineptissima sint commenta, quibus elevare huiusce testi-
 monii vim conantur Attritionistæ. P. Francolinus *Lib. II. cap. vi. §. 2.* post va-
 rias arbitrarias interpretationes, supra quam dici potest, vanas, tandem huc se
 recipit. *Addo, quod verba recitata non dicuntur a Suario ex sensu suo; quod nec*
Merbesius, nec ali adverterunt. P. Francolinus tam manifestam falsitatem imperi-
 tis obtrudere nimis confidenter ausus est. Nullus dubito, quin omnes qui testimo-
 nium P. Suarez legerint, succensuri sint non Merbesio, non mihi, sed P. Franco-
 lino, qui non reformidavit publicum iudicium, dum tam peregrinum paradoxon
 evulgavit. Nec verbis opus est ut refellatur, sed sola testimonii lectio *sat est*.
 Perpendantur serio illa verba. *Cum illa opinio (attritionis cognitæ) nec VALDE*
ANTIQUA, nec multum COMMUNIS SIT. Rursus alia: *Quæ sententia MIHI*
SEMPER VALDE PROBABILIS VISÆ EST, ET NUNC ETIAM VIDETUR. Item
 alia: *PROPTER RATIONEM FACTAM, QUÆ ATUD ME EFFICACISSI-*
MA EST. Et tandem alia: *Tamen non est CERTA, ET POTEST ESSE FAL-*
SA. Et heinc collige, quo partium studium, & zelus emolliendæ divinæ legis
 abripiant.

XII. Verum habet, P. Suarez *disp. xx. sect. 1. num. 10.* hæc docere. *Sacramen-*
tum hoc habet virtutem ad iustificandum peccatorem per solam veram supernaturalem,
& integram attritionem dispositum: & in hoc sensu efficaciam habet ad efficiendum
hominem ex attrito contritum. Hanc conclusionem existimo *HOC TEMPORE* adeo cer-
 tam, ut non possit absque errore negari, loquendo, ut loquimur, absolute de efficacia,
 abstrahendo a modo quo id fit. Aliqui contendunt P. Suarezium sibi contradicere,
 & pugnantia loqui, si disputatio hæc vigesima cum quintadecima conferatur. Sed
 isti, ut mea præfert opinio, falluntur. *Disp. xv.* P. Suarez docet opinionem at-
 tritionis servilis & cognitæ non esse certam, non esse antiquam, nec multum com-
 munem; atque adeo posse esse falsam. Hic *disp. xx.* docet sententiam attritionis
 absolute veræ, & supernaturalis esse. probabiliorem, & hoc tempore adeo certam,
 ut non possit absque errore negari. Non potest, inquam, absque errore negari eiuf-
 dem probabilitas & certitudo. Idque constat ex iis quæ Suarez ipse adiicit sub fi-
 nem eiusdem *sect. 1. num. 26.* *Ex concessis a Navarro, & aliis, qui magis conse-*
quenter loquuntur, prædicum argumentum desumere possumus. Nam negare non pos-
 sunt, quin hæc opinio quam defendimus, prædicæ, ac moraliter probabilis sit. P. Sua-
 rez ergo non asserit, non posse absque errore adfirmari oppositum, sed non pos-
 se

se absque errore negari suæ sententiæ probabilitatem, præsertim suo tempore. Si-
quidem opinio quæ, dum scribebat *disp. xv.* nec erat valde antiqua, nec multum
communis, dum scribebat postea *disp. xx.* incrementum suo tempore acceperat.
Hæc dicta sint ad eximendum P. Suarezium a nota contradictionis. Ceterum, ut
ut res se habeat, mihi sat est ex adductis P. Suarez testimoniis evidenter consta-
re, controversiam de attritione servili in utramque partem disputatam tunc fuisse;
& opinionem pro *sufficientia* eiusdem attritionis, Suarezio teste, nec valde an-
tiquam, nec multum communem esse.

XIII. P. Gabriel Vasquez in 2. 2. *quæst. xix. art. 6. disp. lxiiii.* hæc habet.
*Qui ad sacramentum accedit cum sola attritione scita, licet non se exponat periculo ef-
ficiendi irritum sacramentum, exponit se tamen periculo frustrandi sacramentum effe-
ctu suo, in quo non minor est irreverentia contra religionem. Neque usque adeo cer-
tum est attritionem pœnitenti esse satis.*

XIV. Guillelmus Estius, qui obiit 1613. in *IV. diss. xvi. §. 9.* hæc habet. *Timor
gehennæ non sufficienter præparat ad peccati remissionem per sacramentum pœnitentiæ
consequendam, nisi accesseris dilectio Dei super omnia, ac detestatio peccati propter e-
ius offensam.*

XV. Gamachæus circa idem tempus de pœnit. cap. viii. scribit. *Etiam si sola at-
tritio a parte rei, & speculative sufficiat ad iustificationem; attamen practice, & re-
spectu nostri NON SATIS TUTUM videtur, ut scienter prudenter solam eiusmodi
attritionem in vitæ exitu adhibeamus. Homo enim debet salutem suam cum timore &
tremore operari, præsertim in periculo mortis, & quasi omnia tuta timere, nec tenta-
re Deum, aut se in probabile damnationis periculum mittere.*

XVI. P. Thomas Sanchez, mollioris Ethices singularis patronus, an. 1622. in
Decal. Lib. I. cap. ix. num. 34. postquam docuit *num. 33.* licitum esse in sacramen-
tis sequi opinionem minus probabilem, relicta probabiliore, hæc *num. 39.* subdit.
*Hoc tamen intelligerem, nisi pœnitens in mortis articulo esset, atque habere posset con-
fessionem: Tunc enim esset mortale & recipere, & ei pœnitentiæ sacramentum CUM
SOLA ATTRITIONE cognita ministrare propter grave æternæ damnationis pericu-
lum, cui ille exponeretur, si forte hæc sententia non esset vera; cum tamen gratia Dei
adiutus possit SECURUM contritionis remedium assequi. Tu heinc collige an Theo-
logia adhibenda in mortis articulo diversa sit a Theologia vitæ.*

XVII. Iacobus Boonen Archiepiscopus Mechlinienfis an. 1637. decretum confi-
dit, quo Confessarius mandat ut moneant, & disponant pœnitentes ad dolorem suo-
rum peccatorum non tam ex timore pœnarum, quam ex Dei amore, quo ipsum velut
suum bonum perfecte diligant, vel saltem ut fontem iustitiæ, qua scilicet iustifica-
mur, diligere incipiant, non tanquam servi timore pœnarum, sed tanquam filii ex
amore eius qui dilexit. . . Cum enim ex omnium Theologorum sententia in eorundem
sa-

sacramentorum administratione adhiberi semper debeant materiae & formae CERTAE, determinatae, ac, quantum fieri potest, securissimae . . . intelligamus vero inter c. athenienses Doctores adhuc disputari . . . an sufficiens censeretur illa contritio imperfecta, seu attritio qua tantum propter poenas peccata detestantur, pluribus quidem a Concilio Tridentino id affirmantibus, aliis nihilominus etiam ab eodem Concilio id negantibus, ne ista sententiarum diversitate salus poenitentium periculo exponatur, vobis mandamus &c.

XVIII. P. Gonet an. 1659. Tom. V. tract. v. disp. vii. art. 4. §. 3. num. 103. post defensionem sufficientiam timoris servilis, hæc adiecit. Cum non sit omnino certum ac indubitatum, attritionem solam cum sacramento iustificare; & PLURES Theologi non contemnendæ auctoritatis, non solum id esse incertum, sed etiam FALSUM existime ut quamvis opposita probabilior sit: nihilominus debet tunc poenitens (in mortis articulo) tutiorem partem eligere, & uti medio certissimo & tutissimo, nimirum contritione, ac ea supplere quicquid incertum aut dubium vel minimum esse potest . . . Debet ergo tunc elicere actum contritionis, ut sibi in periculo damnationis æternæ melior modo possibili subveniat, & prudens illud Augustini consilium sequi: In his quæ salutis sunt, TENE CERTUM, DIMITTE INCERTUM. Hanc regulam sequendam in re sacramentaria semper Ecclesia definivit.

XIX. Ioannes Dicaillus an. 1652. tract. viii. de poenit. disp. vi. docet, opus esse in mortis articulo conari habere contritionem, licet extra illum satis sit attritio . . . quia licet verum putent (Suarez, Sanchez &c.) attritionem etiam cognitam ut talem satis esse cum sacramento poenitentiae ad remissionem peccati; tamen non ita certum est, quin PLURES ET GRAVES DOCTORES putent non sufficere.

XX. Cardinalis de Laurea an. 1676. Tom. IV. in III. Sent. disp. xi. art. 4. num. 52. docet, indubitatum esse oportere quod in qualibet detestatione peccati, offensæ Dei, etiam ex motivo gehennæ, aut turpitudinis peccati, debeat adesse actus aliquis inchoatæ caritatis. Plura alia & urgentiora docet disp. xvii. art. 6. inquit: In utrinque (baptismi, & poenitentiae) susceptione est necessaria dilectio Dei.

XXI. Iacobus Platelius an. 1694. in Synop. part. v. inquit: Quamvis autem sententia nostra de sufficientia attritionis ex metu gehennæ sit aliquo modo moraliter certa ob notabilem excessum probabilitatis eius supra probabilitatem alterius; quia tamen NON EST OMNINO CERTA, in praxi curandum est ut quo potest certiori modo consulatur validitati absolutionis. Et rursus cap. vi. §. 5. Quia tamen hoc non obstantem semper manet illud, quod hæc sententia NON SIT OMNINO CERTA, ac proinde Sacerdos eam in praxim redegens, aliquo saltem modo exponat sacramentum PERICULO NULLITATIS; ideo in praxi debet poenitentem, si rudis, & minus instructus appareat, excitare ad actum contritionis, ut certius consulat valori sacramenti.

XXI. Quos hætenus laudavi in hoc paragrapho, uno, aut altero dempro, ex eorum censu sunt qui pro attritione pugnant: & nihilominus illi ipsi testantur suam opinionem

nem

nem non esse ita certam, ut in praxi omitti contritio aliquo Dei amore formata possit absque periculo frustrandi sacramentum, & exponendi propriam salutem æternæ damnationis discrimini. Quid, si centum & amplius Theologos allegarem qui opinionem de attritione servili, ut falsam, improbant? Verum de his infra.

§. IV.

CONSECTARIUM,

quo evidenter ostenditur, iuniores Moralistas falli, & fallere lectores suos in hac causa.

I. **A**dmonere lectores interest ut distinguant opinionem attritionis servilis a documentis quæ ad illam confirmandam eiusdem patroni promunt. In præsens illam relinquo eo in statu in quo illam voluit Alexander VII. videlicet ab omni censura immunem. Quare vi huius decreti nec improbabilem, nec falsam eam pronuntio: tantum abest ut aliqua censura notare illam ausim. Quid postea vi decreti posterioris Innocentii XI. dicendum de eadem sit, infra edisseram.

II. His delibatis, quæ hæcenus protulimus testimonia Cardinalis Pallavicini, & postea Theologorum, tum qui *sessioni* XIV. Concilii Tridentini interfuere, tum qui post Tridentinum ad hæc fere usque tempora scribere, ob oculos revoca. Pallavicinus testatur reformatum decretum, Theologorum nemo, qui illi sessioni interfuerunt, asserit definitam in Concilio Scholasticorum de contritione disputationem. Varie inter Theologos fervebant opiniones, de quibus a Concilio reduces singuli pro sua scribere. Plures pro contritione perfecta, alii pro contritione imperfecta, & alii pro attritione servili, cuius indicium prætulit Episcopus Granatensis. Illorum nemo, ut vel adversariorum opinionem refelleret, vel propriam confirmaret, sibi que victoriam ascisceret, in medium protulit Concilii definitionem, declarationemve. Immo plurimi propriam sententiam confirmant Scripturarum, & Patrum testimoniis, nulla Concilii mentione facta. Et novi Casuistæ non reformidant iactare Concilii definitionem, quam illi ipsi qui Concilio vel ut Theologi, vel ut Episcopi, & Assessores assistere, ignorarunt, & quorum summo opere intererat eandem obucere adversariis, ut istorum opinionem labefactarent, & pro se allegare, ut suam doctrinam ineluctabilem efficerent? Notitia huiusce declarationis reservata fuit modernis Moralistis? Quid plura? Non modo silentio præterierunt hanc conciliarem declarationem, quam novi Casuistæ tanta præsentia obtrudunt in præsidium attritionis formidolosæ; sed e contrario conceptus verbis asserunt dubiam esse & incertam hanc de servili attritione sententiam.

III. Quæ cum ita se habeant, quis nunc mirari satis valet De Lugo ; Amicum, Sporerium, La-Croixium, Francolinum, Abelly, Viva, Pitelli, & sexcentos alios huius postremæ ætatis Casuistas, qui incredibili, ut mitissime loquar, ausu apud imperitos disseminant, Concilium Tridentinum definisse, attritionem ex solo timore gehennæ conceptam *sufficere* ad sacramentum pœnitentiæ ? Quis non miratur illorum censuras in sententiam sacris Scripturis, SS. Patribus, Concilio Tridentino, eius Catechismo, & graviorum Theologorum doctrinæ apprimè consentaneam, quæ ad remissionem peccatorum in sacramento baptismi, vel pœnitentiæ aliquam imperfectam caritatis dilectionem necessariam postulat ? Minime verecundantur Moralitæ iuniores has censuras in prælatam sententiam pectora intrepido ferre. *Non potest sine nota defendi. Est evidenter falsa. Caret omni probabilitate. Repugnat Tridentini Concilii definitioni. Est Luiberti, & Calvini fœtus, cuius ova posuere Dominicus, & Pelagiani. Sententiam hanc propugnavit Baianiste, & Ianseniste, & ipsorum discipuli, qui maiori auctoritate non potiuntur quem magistri.* Hæ sunt censuræ quas benignissimæ Ethices patroni in sententiam laudatam intorquent.

IV. Omnes tamen recensitas censuras parvi ego pendo. Securitatis prærogativa, qua sententiam de attritione formidolosa, cuiusque caritatis vel imperfectæ vacua, insigniunt, maximum facessit negotium. Aiunt hanc suam opinionem esse *certam, tutam, tutissimam, a Tridentino definitam*. Recogites serio, lector, velim, hic controversiam esse de *materia præcipua, & necessaria sacramenti pœnitentiæ*. Si falsa sit opinio hæc, sacramentum pœnitentiæ nullum est ex defectu materiæ. Fundamentum potissimum, & fere unicum, cui hanc opinionem fidunt iuniores Moralitæ, est Concilium Tridentinum, a quo illam definitam asserunt. Sed evidentiissime, & luce meridiana clarius constat, Tridentinum non definisse, attritionem servilem *sufficere* ad sacramentum vel baptismi, vel pœnitentiæ. Possunt Theologi isti, per me licet, ex aliquibus Tridentini decreti verbis probabiliter in favorem attritionis servilis argumentari, Verum enimvero, dum aiunt Tridentinum Concilium id definisse, basilice fallunt, & falluntur in re gravissima. Porro si unicum fundamentum illius sententiæ ruit, ruat & ipsa necessum est.

V. Scio nunc meditare, lector christiane. Si falsa sit opinio attritionis servilis, ætæ de æterna plurimorum Christianorum salute est. Non Casuistarum multitudo, non Probabilium medicina, non ignorantia invincibilis præsidium adferunt. Damnatio irreparabilis est. Porro falsam esse plures & graviores Theologi, qui Concilio Tridentino interfuerint, testantur. Ceteri omnes, qui Concilio Tridentino propinquoires fuerint, incertam dubiamque consensunt. Unde ergo novissimi ætatis nostræ Casuistæ certitudinem illam moralem, qua eam ornant, hauserunt ? Unde? Enarrant, loquantur. Quid causæ est cur tanto studio hæc novam opinionem

cum

cum periculo æternæ damnationis Christianorum propugnent? Ut securius salutem animarum provideant? Hoc dicere nequeunt. Cur ergo? Videant ipsi, num amor defendendæ opinionis semel adoptatæ, num studium partium in causâ sit cur tanto impetu & conatu belligerent pro domestica opinione, quam incertam restantur communiter fere omnes Theologi usque ad annum circiter 1615. Proh Deum immortalem! Permisit ne Deus omnibus elapsis sæculis Ecclesiam in tenebris cæcutire in noscitiâ veritatis omnium gravissimæ, & necessitatis extremæ? Novis ne Casuistis, qui respectu antiquorum, sive sapientiam, sive sanctitatem spectes, pygmæi sunt coram gigantibus, revelavit Deus istius opinionis *certitudinem moralem*, quam præcis Theologis abscondit? Hæc meditare, & contemisce. Verum de hoc plura infra.

§. V.

Opinio attritionis servilis Salmanticæ prodiit, sicut & Probabilismus. Pari passu hæc duæ opiniones, seu sordes duæ, crevere, & decrevere, ac in dies decreverunt magnopere.

I. **P** Balthasar Francolinus; ut vidimus, genealogiam pluribus capitibus distinctam texit sententiæ attritionis, quam vocant *initialem*. Paucis ego perstringo genealogiam attritionis formidolosæ. Eiusdem vestigium se deprehendisse Cardinalis Pallavicinus asserit in scriptis Episcopi Granatensis. Ioannes Morinus, qui præ ceteris tractatum de pœnitentiæ sacramento incredibili eruditione exornavit *Lib. VII. cap. xv. num. 2.* hæc scribit. *Istius sententiæ Auctores fuerunt Malebrior Canus . . . & Henricus quidam Salmanticensis. Doctor. Ante hos legi neminem qui sic doceret, aut docere perhiberetur. Doctores Salmanticenses primi hanc sententiam amplexi sunt, & propagarunt. Navarrus Manualis cap. i. num. 3. non nihil miratur, quod eam in selectis comitiis viderit defendi, scribitque veram non esse. Oppositam Navarri, & Soti sententiam Ludovicus Lopez se amplexatum fuisse ait, sed postea opinioni Salmanticensium adhæsit: & dum illam tamquam probabilem defendit, se aliquid insolitum audere contra communem doctrinam fatetur. Alphonfus Vivaldus Candelabri aurei tit. vi. Salmanticensium opinionem utpote novam improbat. Henriquez *Lib. IV. cap. xxvi. num. 5. in adnotationibus ad Summam theolog.* narrat, quod in publicis alibus Salmanticens. Penna, & postea Gallo, Sancius, & alii doctissimi reputarunt ita certum, ut sine temeritate vel errore negari non possit. Hi omnes Probabilissimi, & quidem laxioris patris sui.*

re, ut doctissimus *Sancius*, sive *Ioannes Sanchez*, qui ob nimiam laxitatem prohibitus est.

II. Miraberis quod opinio servilis attritionis, quæ initio pudibunda, & tremebunda apparuit in lucem, potuerit medio circiter sæculo a Tridentinæ Synodi celebratione tam late manare, vexillum extollere, atque de contraria communi-que sententia quasi triumphum canere. Sed audi P. Iosephum Giballinum, qui *Lib. VI. de usur. cap. v. art. 2. num. 3.* hoc pandit arcanum. *Monco . . . plurimas sententias, ubi primum in scholis inductæ sunt contra opiniones receptas, & vulgares, non nisi timide admodum a suis Auctoribus fuisse prolatas, tum ne vulgus Doctorum offenderent . . . tum ne alii nondum bene discussas sententias damnaverent: & denique ne qui illis male intellectis abuterentur. Ubi vero aliquamdiu periculatius examinatæ sunt eiusmodi sententiæ, & discussa nube, luce veritatis persusæ, magno consensu recipiuntur, quæ primum NATÆ vix parentem pro-ducere audebant.* Consule opus nostrum de contractu trino *diff. 11. cap. 111. §. 2. num. 4.* ubi integrum hoc testimonium reperies.

III. Quo tempore prodiiit opinio attritionis servilis, eodem circiter, seu paullulum post, anno nempe 1577. in medium apparuit, & quidem in eadem Universitate Salmanticensi Probabilismus, & pari passu ambæ opiniones, ceu duæ consæderatæ sorores, primum trepido, & pavido, ut Giballinus ait, deinde libero, & celeri cursu Scholas & Academias spatio medii sæculi usque ad annum circiter 1656. occuparunt, doctissimis tamen Theologis pro antiqua doctrina contraria strenue semper obstitentibus. Animadvertit doctissimus MORINUS, hanc opinionem evasisse celebrem, & latius manasse, postquam doctissimi Suarez, & Vasquez eam probabilem existimarunt. *Sed præ ceteris hanc opinionem celebrem . . . reddiderunt duo Theologiæ scholasticæ clarissima, & famosissima lumina Franciscus Suarez, & Gabriel Vasquez, quos innumeri nunc sequuntur Theologi. Quamvis qui dissentiunt, nec numero; nec auctoritate, nec doctrina contemnendi sint.* Ab hoc tempore usque ad annum præter propter 1656. ita ambæ sorores dominabantur in Scholasticorum lyceis, ut absolutum quasi imperium sibi usurpasse viderentur. Siquidem hoc medii circiter sæculi intervallo orta (inquit doctissimus Habert de attrit. §. 3.) *Casuarum turba, opinio de sufficientia attritionis ex peccatorum metu concepta tantum sibi arrogavit, ut eius patroni contra fidem historiæ, quam verisimile est ipsos ignorasse, eam tamquam de fide tenendam; & a Concilio Tridentino definitam publice asseruerint, & contra sentientes, uti catholica doctrina impugnatores prosciderint.*

IV. At, divina providentia favente, Galliarum Episcopi, zelo sanioris doctrinæ succensi, & universi Cleri doctiores Parochi bellum implacabile Probabilismo indixere, mortiferis vulneribus eidem inflicis; & plurima eius monstrosa consecta-
ria

ria damnanda Summo Pontifici Alexandro VII. detulerunt. Catholicis hoc bellum agentibus manus adiungere Iansenistæ, qui probabilisticæ, & universæ laxioris Moralis opiniones, larva detracta, deridendas, contemnendasque vividis coloribus ob oculos repræsentarunt. Sunt quos sanioris doctrinæ instaurationem adscribere Iansenistis non pudet; propterea quod & ipsi cum Catholicis corruptam Ethicem scriptis insectati sunt. Heinc hoc sibi captare emolumentum existimaverunt, ut *Iansenismi*, & *Rigorismi* horridam larvam & Antiprobabilismo, & Antiprobabilistis impingere, atque invidiam, odiumque creare possent. Qua de re lege *Historiam Probabilismi & Rigorismi*, Tom. I. diff. 1. ubi fusius hæc narrantur, adductis documentis.

V. En initium certum decrementi Probabilismi. Quo tempore bellum contra Probabilismum prospero eventu fervebat in Galliis, eodem contra doctrinam servilis contritionis in Belgio conclamatum ad arma est. P. Maximillianus *Le Dent* pro attritione servili, Franciscus *Farvacquesius*, Christianus Lupus, & plurim alii pro attritione initiali acriter disputarunt; & eo pugna litteraria devenit, ut opus fuerit decreto Alexandri VII. quo cautum est ne quisquam alterutram opinionem aliqua sive censura, sive contumelia notaret.

VI. En certam epocham decrementi sententiæ attritionis servilis. Decreto Alexandrino declaratum, utramque sententiam libere discutari posse, censuris sublati, donec *aliquid a S. Sede hac in re definitum fuerit*. Si Tridentinum, si Romana Sedes quidquam definiisset in hac causa, numquid summus Pontifex adeo se vere, & sub formali præcepto prohibuisset ne alterutra opinio censura aliqua percuteretur? A publicato Alexandrino decreto duodecim annorum spatio opinio attritionis servilis extremas clades, & maximum decrementum passa est. Siquidem tum ferventiori studio, & liberiori calamo doctrinæ servilis attritionis principia, & consecraria Theologi doctrina, & probitate clari in mediam producere lucem, & altius exaggerare cœperunt. Ostensum tum est, non paucos Casuistas attritionis servilis assertores abolere prima religionis christianæ fundamenta, caritatis nempe, & pœnitentiæ virtutis præcepta. Propugnabant quippe Theologi non pauci, Christianos post innumera scelera exemptos esse a præcepto tum caritatis, tum contritionis, modo copia adsit suscipiendi sacramenti confessionis. Quin plures docebant, primum illud, gravissimumque caritatis mandatum non esse quid distinctum ab universi Decalogi observantia; neminemque teneri ad actum formalem & explicitum caritatis, neque mortis tempore, quoties attriti confessi sint. Quid? clamabant illi. Contritio, vel caritas necessaria erat in veteri testamento ad iustificationem. In novo sædere Christus confessionis sacramentum instituit, quod est gravissimum onus, loco contritionis, & dilectionis in veteri lege necessariæ. Ergo sustulit præceptum contritionis. Alioquin Christus

iu-

iugum suum non levigasset, sed nimium supra iugum Hebræorum aggravasset; si præter confessionem attritione formidolosa peractam, exigeret insuper dilectionem Dei super omnia, & dolorem ob offensam infinitæ bonitati irrogatam.

VII. Ne quis gratis hæc scribere suspicetur, in memoriam revocet quæ supra *diff. 1. cap. VII. ex Sporer, ex Viva, ex De Lugo adduxi*; & insuper hæc meditetur quæ Henricus Henriquez *Lib. IV. Summæ cap. VI. num. 5. scribit*. Qui cum attritione per absolutionem iustificatur, non tenetur ad præceptum connaturale de contritione formali, quia iam remedio per se instituto & COMPENSATIVO ex applicatione meritorum Christi consecutus est remissionem, & in AEQUIVALENTI implevit priori, & meliori ratione finem totum, in quem contritio ordinatur. Contritio enim non remittit peccatum, nec compensat, nisi ut includit votum, & vicem sacramenti penitentiae. Quare compensatione per sacramentum applicata magis contentus est creditor Deus quam compensatione contritionis. Alias si contritio, dum haberi potest, esset necessaria, obligaret PER SE, etiam dum suscipitur absolutio, quia tunc haberi potest. Ac subinde Christus in lege evangelica non LEVIGASSET ONUS, SED ADIECISSET GRAVE ONUS CONFESSIO-
NIS præter necessariam contritionem.

VIII. Hanc sane mirificam doctrinam communiter amplexati sunt; paucis deinceps, attritionis formidolosæ patroni. Ex novissimis unum laudare sufficiat P. Dominicus Viva, qui in *proposit. 15. Alexandri VIII. num. 20. recensitam doctrinam Henriquez his verbis probat*. Nec lex gratiæ præstaret legi antiquæ, aut mosaicæ, aut naturæ, in quibus sufficiebat contritio sine confessione sacramentali. UN-
„ DE NON POSSET IUGUM CHRISTI DICI SUAVE, ET ONUS LEVE . . .
„ Ergo dicendum, contritionem in sacramento non prærequiri, sed sufficere me-
„ ram attritionem ex mero pœnarum metu conceptam. “ In altera propositione dixit ex pœnarum temporalium metu. Uno ore Patres omnes clamant, iugum Christi suave dici, & onus leve ratione caritatis, quia omnia suavia & levia sunt amanti, ut pluribus in locis demonstravi, & veritas nota est vel ipsis tyronibus, qui primis labiis christianæ Theologiæ elementa degustarunt.

IX. Delatis his, & plurimis aliis laxioris Moralis paradoxis an. 1679. ad Innocentium XI. qui Probabilissimum in re sacramentaria, in materia iustitiæ, & in capitali principio probabilitatis exiguæ, aliisque ramis, quos eiusmodi planta emittit, damnavit; monstrosa commenta, quæ primum divinæ caritatis mandatum aut penitus de medio tollunt, aut ad quinquennium coardant, diris devovit: & tandem decrevit in sacramentis conferendis tutiorem partem amplectendam esse: ex quo necessario sequitur labefactatam esse opinionem de attritione servili.

X. Ecce itaque epocham splendidissimam non decrescendi modo, verum etiam
pro-

profigati Probabilissimi, & sententiæ attritionis servilis labefactatæ; ut vi evidentis ratiocinii infra ostendam. Paucis perstrinxim genealogiam attritionis formidolosæ, illius principium, incrementum, decrementum, & tandem exinanitionem. Doctrina probabilistica una cum illius forore attritione formidolosa ab universo regno Galliæ, a celebrioribus Universitatibus exulat: & ætatis nostræ doctiores Theologi omnes in divinis Scripturis, & SS. Patribus versati, & a partium studio alieni, tum Probabilissimum, tum attritionis servilis sufficientiam in sacramento pœnitentiæ rejiciunt, & improbant.

C A P U T V.

PRAEIUDICIUM TERTIUM,

quo plures præoccupati falso existimant caritatem imperfectam in quocumque gradu, tametsi remisso, iustificare impium absque sacramento.

I. Sapienter advertit S. Augustinus *Lib. de vera religione*, errores in Ecclesia Deum permittere, ut ex illorum confutatione veritas luculentius splendeat. Inquit enim *cap. VIII. S. Pater: Oportet multas hæreses esse, ut probati manifesti fiant inter vos. Utamur etiam isto divinæ providentiæ beneficio. Ex his enim hominibus hæretici sunt, qui, etiam si essent in Ecclesia, nihilominus errarent. Cum autem foris sunt, plurimum profunt, non verum docendo quod nesciunt, sed ad verum quærendum carnales, & ad verum aperiendum spirituales Catholicos excitando. Sunt enim innumerabiles in Ecclesia sancta Deo probati viri, sed manifesti non sunt inter nos, quamdiu imperitiæ nostræ tenebris delati dormire malimus quam lucem veritatis intueri. Quapropter multi, ut diem Dei videant, & gaudeant, per hæreticos de somno excitantur. Utamur igitur etiam hæreticis, non ut eorum approbemus errores, sed ut catholicam disciplinam adversus eorum insidias asserentes, vigilantiores, & cautiore simus, etiamsi eos ad salutem revocare non possumus.*

II. Apprime quadrat Augustini doctrina argumento quod tractandum suscepimus. Quidam enim ex una parte sacramentum pœnitentiæ, & clavium potestatem de medio tollere, ut Lutherani, & Calviniani; alii cum perfecta caritate consociare peccatum, ut Baianistæ; alii tandem præcepta prima & gravissima caritatis, & pœnitentiæ vel extenuare, vel penitus auferre, ut nonnulli Casuistæ, pertentant. Erroribus istis profigatis defendenda est doctrina catholica, quæ docet clavium potestate vere remitti peccata, caritatem perfectam

pugnare cum peccato mortali, & præcepta tum caritatis, tum poenitentiae dato tempore fideles astringere.

III. Porro illud in primis serio præcavendum est, ne, dum unum errorem declinare volumus, in alium incidamus. Quinque propositiones, vulgo *Baiana*, devitandæ supra cap. IV. rescriptæ sunt, & duas alias nunc subiicio nempe 57. *Unde in sacramento baptismi, aut Sacerdotis absolutione proprie reatus peccati dumtaxat tollitur, & ministerium Sacerdotum solum liberat a reatu.* 58. *Peccator poenitens non vivificatur ministerio Sacerdotis absolventis, sed a solo Deo, qui poenitentiam suggerens, & inspirans vivificat, & resuscitat. Ministerio autem Sacerdotis solum reatus tollitur.* Aliæ quinque supra relatæ eo pertinent, ut cum peccato consociet caritatem perfectam, sive habitualem, sive actualem.

IV. Attritionis servilis patroni, ut Bani errores declinent, in aliud extremum, ut ego quidem arbitror, declinant, confundentes caritatem imperfectam cum perfecta. Adeo obfirmate sibi persuadent, quamcumque dilectionem Dei super omnia iustificationem peccatoris inducere, ut, nisi hoc præiudicium in antecessum evellatur, vana apud ipsos sint omnia contra attritionis servilis sufficientiam argumenta vel luculentissima. Ad rem igitur.

§. I.

Caritas imperfecta non iustificat impium, sed disponit ad iustificationem obtinendam in sacramento poenitentiae.

I. **P**roposita thesis non scholasticis speculationibus, sed Scripturarum, Conciliorum, & sanctorum Doctorum testimoniis evincenda est. Præmitto tamen, vel ipsos Theologos scholasticos adversarios probare, quæ acturi sumus, debere; vel suis de virtutum tum acquisitarum, tum infusarum natura principiis nuntium remittere. Quod ut evincam, in medium produco doctrinam quam per celebres, & doctissimi Scholastici Salmanticenses Carmelitarum Excalceati in suo theologico cursu sane insigni ex communi Theologorum consensu tradunt *Tom. XII. tract. XXIV. disp. VII. dub. 1. §. 1. num. 8.* ubi hæc habent, quæ propriis ipsorum verbis transcribo. „Potest dari (inquiunt) attritio specificè supernaturalis, quæ sit efficax, & absoluta tam in detestando peccatum, quam in proposito illud evitandi de cetero: & potest dari etiam attritio specificè supernaturalis minus perfecta, quæ prædicta energia, sive efficacia inducendi effectus, aut constituitur: quia etsi attingat idem motivum vitandi vel sordiditatem culpæ, vel damnum poenæ; oritur tamen ex voluntate adeo languida & remissa,

„sa,

sa, ut vim non habeat inducendi effectum, atque neque concipiendi propositum simpliciter efficax, sed solam quamdam affectionem, & propensionem in suo genere laudabilem. Primam huius suppositionis ac distinctionis partem docent communiter Theologi. Secundam vero docet ipsa experientia tam in naturalibus, quam in supernaturalibus, cui etiam ratio suffragatur. Non raro namque in materia alicuius virtutis, v. g. temperantiæ, habemus actus talem materiam, & ex proprio virtutis motivo attingentes, ut cum quis statuit sobrie edere, aut caste vivere; & tamen tales actus non hærent firmiter voluntati, nec efficaciam habent ut inducant executionem. Sunt itaque actus honesti, attingentes materiam virtutis temperantiæ, ad eamque saltem reductivè pertinentes, & disponentes in suo genere ad actus perfectiores; sed tamen sunt imperfecti, & ad desideratum finem immediate non perducunt, quia procedunt ex infirma voluntate, pravi consuetudini contrariæ multum subiecta: unde tepescit animus, ne imperium efficax habeat, & executionem inferat. Idem proportionabiliter in supernaturalibus accidit, de quibus dubitari non debet, quod in supernaturali ordine dentur aliqui actus pertinentes de se, sive ex parte motivi, ad eiusdem ordinis virtutes, ut odium peccati, desiderium beatitudinis, propositum emendationis &c. pro quibus auxilia gratiæ desiderantur, & qui suo modo cor emolliunt pro conversione; desituantur tamen frequenter efficacitate, ut voluntatem trahant ad effectum, & ad executionem inducant: quia etsi honesti & supernaturales, sunt tamen imperfecti, & non omnino absoluti. Quod itaque in aliis tam naturalibus, quam supernaturalibus videmus, contingit etiam in supernaturali attritione: alia enim est efficax, & absoluta, effectumque proinde iuxta propositum inducens; alia vero quæ hanc perfectionem non habet, licet in eundem effectum inclinet. Quæ diversitas non in obiecta, nec in motiva revocanda, quippe possunt eadem proponi & attingi; nec etiam reducitur in auxilia sufficientia, quæ ad utrumque parantur, & conferuntur: sed quod una attritio sit absoluta, & efficax, gratiæ efficaciter ad id moventi tribui primario debet; & similiter quod altera sit honesta, & supernaturalis, atque in suo genere disponat, gratiæ etiam deferendum est; sed quod careat perfectione efficacitatis, & ad executionem non perveniat, revocari debet in defectum voluntatis creatæ &c.

Si quis autem inquireat, a quo principio, aut virtute eliciantur eiusmodi attritiones imperfectæ, quas descripsimus, respondendum est, idem dubium præsentari posse circa efficaces & absolutas: quippe ante iustificationem peccatoris nullæ in eo supponuntur virtutes, vel habitus insuli præter fidem, & spem. Fiunt itaque mediis auxiliis sufficientibus, & pertinent reductivè ad eas virtutes quarum motiva attingunt, ut attritio orta ex desiderio beatitudinis ad

„spem; & attritio orta ex timore amittendi beatitudinem ad eandem spem; &
 „attritio ex consideratione bonitatis divinae, & misericordiae erga nos ad timorem
 „initialem hęc.”

II. Utinam hac communi Theologorum doctrina vera, & summpere in hac
 caussa prae oculis habenda, bene usi fuissent perdocti Patres: lapsi certe non
 fuissent in illa paradoxa quae infra discutiam. Attritionem *timoris initialis* nos
 dicimus necessariam: quia, ut S. Thomas 2. 2. *quest. xix. art. 8.* inquit, *timor ini-*
tialis hoc modo se habet ad filialem, sicut caritas imperfecta ad perfectam. Com-
 munis ergo Theologorum doctrina est, attritiones, seu dolores, vel displicentias
 supernaturales, attingentes omnino idem obiectum, & sub eodem formali moti-
 vo, alias esse perfectas, alias imperfectas & remissas ex humanae voluntatis im-
 becillitate. Quae imperfectae attritiones, seu contritiones sunt, non produciunt
 ultimum effectum & executionem, non ex defectu obiecti, vel motivi, quod est
 omnino idem, sed ex remissione actus. Attritio initialis caritate imperfecta for-
 mata attingit idem omnino obiectum caritatis, nempe divinam bonitatem pro-
 pter se dilectam, & erga nos beneficentissimam; sed quia imperfecta, & remis-
 sa, non producit ultimum effectum, seu expulsionem maculae peccati. Excludit
 effectum ad peccatum; quia amat Deum super omnia; sed effectum ultimum &
 completum iustificationis non infert, quia efficacitate intensionis & fervoris ne-
 cessarii ad hunc effectum ultimum, inferendum caret. Distinguenda primum o-
 mnium est conversio ad Deum super omnia dilectum a remissione maculae pec-
 cati. Effectum illum caritas seu contritio imperfecta, hunc caritas seu contri-
 tio perfecta producit. Omnes actus, tum naturales, tum supernaturales, in-
 quunt ex communi Theologorum doctrina percelebres PP. Salmanticenses, at-
 tingentes idem prorsus obiectum formale sive fidei, sive spei, sive caritatis, si-
 ve temperantiae, sive iustitiae, sive castitatis, alii sunt perfecti, alii imperfecti,
 alii produciunt ultimum effectum, alii disponunt, sed non produciunt hunc ef-
 fectum. Hęc est doctrina, inquit Salmanticenses, communis Theologorum.
 Ergo, ipsis iudiciis, caussa nostra finita est. Ergo caritas imperfecta non ex-
 pellit maculam peccati; cum hęc expulsio maculae sit ultimus operis iustifica-
 tionis, pluribus actibus constantis, effectus.

III. Ut luculentior hęc doctrina fiat, illud semper prae oculis habendum,
 opus iustificationis maximum esse opus Dei, pluribusque motibus concutienda
 peccatorum hominum corda, antequam ex funello peccati sepulcro ad vitam
 resurgant divinam. Audit impius in scelerum cœno demersus, sibi eloquenti ora-
 tione representari immensam Dei bonitatem, eiusque infinitae amabilitatis prae-
 rogativas, illius iustitiam, munificentiam, & incredibilem clementiam: affici se
 experitur erga Deum super omnia diligibilem, atque in eodem sibi complacer.

Dilectio isthæc est veluti quoddam primum imperfectissimæ divinæ dilectionis lineamentum, quod rationem caritatis forte non attingit : quia S. Thomas in *Supplem. quest. v. artic. 3.* inquit : *Amor potest esse adeo remissus, quod non sufficiat ad rationem caritatis*. Deliberat suam cum Deo reconciliationem, & firmiter proponit ad pœnitentiæ sacramentum accedere; & dum in hoc opus maximo studio incumbit, dilectionis actus, divina opitulante gratia, elicit. Dilectio tamen hæc frequenter remissa est : idcirco ad iustificationem disponit, sed eam non inducit, non ex defectu obiecti caritatis, quod revera attingit; sed ex duritie humani cordis, quod communiter ab extremo amoris erga creaturam non transilit ad extremum oppositum ardentissimæ caritatis.

IV. Adeo apud quosdam scholasticos prævaluit opinio; quod nulla caritas in peccatore reperiatur, ut fere offendantur, dum oppositum doceri audiunt. Sed duo distinguenda sunt. Primum considerandus peccator est qui toto conatu summum iustificationis suæ, Deo illius cor tangente, negotium aggreditur, a peccatore qui in via sua mala perseverare pergit. Secundo distinguenda est caritas perfecta ab imperfecta. In peccatore qui in malitia perseverare vult, nulla unquam vera caritas sive imperfecta, sive perfecta reperitur. Verum in peccatore, serio & toto corde opus iustificationis suæ deliberante, Dei dilectio imperfecta illa est quæ illius cor emollire & præparare incipit ad finem intentum. Aliud itaque est confœderare caritatem quancumque cum peccato, ut simul cohabitent; aliud quammaxime diversum asserere ad expellendum peccatum a peccatore iustificando necessario requiri Dei dilectionem imperfectam, ut ad perfectam coniunctionem animæ cum Deo disponat. His præmissis, omni argumentorum genere exposita doctrina confirmatur.

§. II.

Ex Concilio Tridentino, & eiusdem Catechismo evincitur, contritionem, quæ est dolor de peccato ob offensam Deo illatam, non semper excludere peccati maculam.

I. **C**elebre Tridentini Concilii decretum *sess. xiv. cap. xv.* tributum est in partes duas. In posteriori parte, cuius initium est, *Illam vero contritionem imperfectam quæ attritio dicitur &c.* agitur de attritione ob gehennæ metum concepta. In priori parte, ut omnibus notum est, explicatur contritio, ut est vera pœnitentiæ virtus, quæ Deum offensum spectat. Porro de hac contritione, quæ ab aliqua Dei dilectione inseparabilis est, sic loquitur Concilium. *Docet præterea,*

etſi contritionem HANC ALIQUANDO caritate PERFECTAM eſſe CONTINGAT, hincemque Deo reconciliare, priuſquam hoc ſacramentum aduſ ſuſcipiatur; ipſam nihilominuſ reconciliationem ipſi contritioni ſine ſacramenti voto, quod in illa includitur, non eſſe adſcribendam. Quid, quaſo, hæc verba produunt? Aliquando dumtaxat contingit contritionem eſſe caritate perfectam. Si contritioni ſemper eſſet adiuncta caritas perfecta, numquid Concilium diceret aliquando dumtaxat id contingere? Ergo planum eſt, Concilium ſupponere, contritionem communiter non iuſtificare, etſi caritate aliqua imperfecta formatam.

II. Evidentiuſ confirmatur hæc veritas. Concilium ſeſſ. XIII. cap. VIII. can. XI. hæc habet. *Et ne tantum ſacramentum indigne, atque adeo in mortem, & condemnationem ſumatur, ſtatuit atque declarat ipſa ſancta Synodus, illis quos ſcientia peccati mortaliſ gravat, quantumcumque etiam SE CONTRITOS exiſtiment, habita copia Confessariorum, neceſſario præmittendam eſſe confeſſionem ſacramentalem.* Certum eſt hic ſermonem eſſe de contritione coniuncta cum caritate, ſeu de dolore ob offenſam Deo propter ſe dilecto irrogatam. Nemo enim Catholicorum aſſerit contritionem illam imperfectam, quæ attritio ſerviliſ dicitur, peccatum expellere. Porro ſi contritioni caritate formatæ ſemper adiuncta eſſet iuſtificatione peccatoris, numquid Concilium timeret ne contriti Sacerdotes indigne, & in damnationem ſumerent Chriſti corpus? Quid ad hæc mollioris Ethiceſ patroni? Numquid reponent, ideo confeſſionis præceptum imponere, quia nemini conſtat ſe veram contritionem habere; ideo ad maiorem cautionem confeſſionem præcipere? Vana eſt cavillatio iſthæc. Quoniam nemo quoque certuſ eſſe poteſt ſe veram & perfectam confeſſionem agere. At quia ſacramentum confeſſionis ſuapte natura peccata remittit, idcirco tamquam certum remedium confeſſionem præſcribit. E contrario quia iuxta Concilium aliquando tantum contingit contritionem ita eſſe perfectam, ut peccata remittat, ideo confeſſionem iubet. Reponent ne iterum, poſitivum hoc eſſe præceptum? Sed Patres Tridentini ideo confeſſionem iubent, quia indignæ & ſacrilegæ communionis periculum agnoſcunt. Ergo evidens eſt, Concilium Tridentinum ſupponere contritioni, tametiſ aliqua caritate formatæ, non ſemper adiunctam eſſe iuſtificationem.

III. Tridentini Concilii doctrinam luculentiuſ explicat eiſdem Catechiſmſ, qui II. Part. cap. v. diſtincte 79. ſſ. ſeu ſeſſionibus omnia quæ ad ſacramentum poenitentiae attinent, enucleate diſpicit. In toto hoc tractatu nec verbum eſt de attritione ſerviliſ. Scopuſ Theologorum qui hunc compoſuerunt Catechiſmum, quique Concilio interſuere, eo pertinet ut partes ſacramenti poenitentiae explicent ad communem fidelium captum. Et nullibi mentio fit attritionis ob gebennæ metum conceptæ. Tres partes diſtinguit, nempe confeſſionem, contritionem, & ſatisfactionem. Contritionem ſigillatim explanat a ſ. 23. uſque ad 37. & nec verbum

bum habet de attritione servili. Ubique asserit partem, seu materiam confessionis esse contritionem. Si Concilium statuisset attritionem servilem esse partem, seu materiam sacramenti pœnitentiæ, numquid eius Catechismus istius partis explicationem omisisset? Numquid attritionem ex timore gehennæ conceptam alto, & perpetuo silentio obvolvisset? Quis ratione præditus id asserere ausus fuerit?

IV. CATECHISMUS vero doctrinam Concilii de contritione non semper iustificante ita luculenter tradit, ut omnia effugia præcludat. Siquidem primo §. 27. statuit, contritionem perfectam esse caritatis actionem: Nam cum perfecta contritio sit caritatis actio, subdit, opus esse ut contritio vehementissimum animi dolorem coniunctum habeat . . . sit præterea non solum maxima, sed vehementissima, atque adeo perfecta. Deinde vim istius contritionis explicans §. 34. declarat, statim ut eam in mentibus nostris concipimus, peccatorum remissionem nobis a Deo tribui . . . Ex quo licet cognoscere veræ contritionis, de qua supra dictum est, eam vim esse, ut illius beneficio omnium delictorum veniam statim a Domino impetremus. Tandem materiam hanc concludit duobus ultimis §§. 36. & 37. ubi decernit, paucissimos esse qui hunc perfectæ contritionis gradum assequantur; & idcirco Deum, ut faciliorem redderet iustificationem, instituisse confessionis sacramentum. Inquit enim §. 36. Primum itaque docendum est, confessionis institutionem nobis summo opere utilem, atque adeo necessariam esse. Cur? Attente perpende. Ut enim concedamus, contritione peccata deleri; quis ignorat ADEO VEHEMENTEM, ACREM, ET INCENSAM esse oportere, ut doloris acerbitas cum scelerum magnitudine æquari, conferri- que possit? At quoniam PAUCI ADMODUM ad hunc GRADUM pervenirent, fiebat etiam ut a PAUCISSIMIS HAC VIA peccatorum venia speranda esset. Quare necesse fuit ut clementissimus Dominus faciliori ratione communi hominum saluti consuleret: quod quidem admirabili consilio effecit, cum claves regni cælestis Ecclesiæ tradidit.

§. 37. Confessio contritionem perficit. Etenim ex fidei catholicæ doctrina omnibus credendum, & constanter adfirmandum est, si quis ita animo affectus sit, ut peccata admissa doleat, simulque in posterum non peccare constituat, etsi huiusmodi dolore non afficiatur qui ad impetrandam veniam satis esse possit, ei tamen, cum peccata Sacerdoti rite confessus fuerit, vi clavium scelera omnia remitti, ac condonari. Hoc ultimum testimonium aut per summam oscitantiam, aut ignoranter laudatur in Theologia morali Seminarii Petrocoricensis Lib. II. tract. I. cap. v. ut truncatum & recisum a primo, quod decretorie reiicit adversariorum opinionem. Quare caveant lectores ne in rebus facti, seu in documentis citandis similibus Auctoribus fidem absolutam & cæcam præbeant.

V. Adeo hæc splendida sunt, ut penitus omnium adversariorum ora obstruant. Catechismus explicat contritionem, quæ est principalis pars materiæ sacramenti. Docet hanc contritionem esse caritatis actionem. Distinguit gradus istius contritio-

nis. Declarat *admodum paucos* esse qui ad hunc fervoris gradum, necessarium ad iustificationem inducendam extra sacramentum, perveniant. Quare necesse fuit ut *clementissimus Dominus* faciliori ratione communi hominum salutis consulere; quod *quidem admirabili consilio* effecit, cum *claves regni cælestis Ecclesiæ* tradidit. Quid præstat hoc sacramentum? *Contritionem perficit*. Quomodo? Quia si peccator huiusmodi dolore non afficiatur qui ad impetrandam veniam satis esse possit, ei tamen, cum peccata Sacerdoti rite confessus fuerit, vi clavium omnia scelera remitti ac condonari constat.

VI. Adeo decretoria & peremptoria hæc sunt, ut nullo eludi interpretamento valeant. Quare vel indicare piget leviora quædam commenta quæ obrudi solent. P. Francolinus *Lib. II. cap. 1. num. 38.* negat Catechismum loqui de dolore *intenso*, sed *appretiativum* tantum explicare. Deinde *cap. vi. §. 1. num. v.* videns datam responsum esse nimis ineptam, addit, Catechismum interpretandum esse *non de vehementia intensiois, sed extensiois*. Si interpretamentum istud prorsus vanum tibi videtur, melius non iavies in ceteris omnibus attritionis servilis patronis.

VII. Ex his omnibus patet, contritionem, & caritatem actualem adeo remissam iuxta Catechismum Tridentinum esse posse, ut in peccatore iustificando reperiri valeat ante absolutionem sacramentalem, quæ caritatem & contritionem remissam perficit, & iustificationem inducit; ut conceptis verbis Catechismus docet.

§. III.

S. Thomas Aquinas *caritatem inchoatam a caritate perfecta distinguit, illamque præcedere iustificationem docet.*

I. **H**AEC in II. Sent. dist. III. quæst. IV. ad 1. scribit. Dicendum, quod *actus caritatis potest dici dupliciter: vel qui est ex caritate; & hoc non est nisi in habente caritatem: vel qui est ad caritatem non sicut meritorius, vel generativus, sed sicut PRÆPARATIVUS; & sic actus caritatis ANTE CARITATEM habitam haberi potest, sicut fere iusta est ANTE habitum iustitiæ. Vel potest dici, quod in amicitia caritatis movetur animus ad amandum Deum ex similitudine gratiæ; sed in dilectione naturali ex ipso bono naturæ, quod etiam est similitudo summæ bonitatis. Et propter hoc dicendum, quod cum dicitur, quod habens caritatem diligit Deum PROPTER SE IPSUM, hoc propter denotat habitudinem finis, & efficientis, quia ipse Deus superaddit naturæ, unde in eius dilectionem tendit; sed cum dicitur de CARENTE CARITATE, quod diligit propter seipsum, hoc propter denotat habitudinem*

nem finis, & non efficientis. Adeo decretorium est testimonium istud, ut consueta distinctione de præcedentia naturæ & temporis eludi aut implicari aliquo modo nequeat. Sermo enim est de caritatis actu, qui non sit nec *generativus*, nec *meritorius*, sed *preparativus* ante caritatem habitam.

II. Hanc eandem doctrinam S. Thomas ibi *dist. xxviii. quæst. 1. art. 3. ad 2.* confirmat. *Dicendum, quod sicut aliarum virtutum actus dupliciter considerari possunt; vel secundum quod sunt a virtute, vel secundum quod antecedunt virtutem; ita etiam est de caritate: potest enim aliquis etiam caritatem NON HABENS diligere proximum, & Deum, etiam super omnia, ut quidam dicunt: & hoc diligere intelligitur ACTUS CARITATIS sub præcepto directe cadere, & non solum secundum quod a caritate (habituali) procedit.*

III. Apertissima sunt hæc S. Thomæ testimonia. Actus qui præcedit habitum seu virtutem caritatis, non est *meritorius*, non est *generativus*. Quid ergo est? *Preparativus* ad caritatem. Si non est meritorius; ergo neque iustificans. Singulas virtutes acquisite præcedunt actus proprii illarum virtutum. Actus castitatis antecedunt castitatem, & actus iustitiæ antecedunt iustitiæ virtutem; & sic de singulis. Et ex repetitis actibus generatur habitus, ut fert commune axioma. Virtutes infusæ non generantur actibus; sed tamen illas, quemadmodum acquisite, actus præcedunt, non ut *generativi*, sicuti sapientissime docet Angelicus, sed ut *disponentes*, & *preparantes*. Ergo, nisi adversarii inconcussa & communia principia subvertere velint, admittant necessum est in peccatore iustificando actus caritatis, qui disponent ad virtutem caritatis; sicut admittere coguntur actus iustitiæ qui disponent ad iustitiam, & actus castitatis qui disponent ad castitatem. Et sicuti actus castitatis directe non disponent ad iustitiam, aut e contrario; ita actus aliarum virtutum directe non disponent ad caritatem. Ergo sicut quælibet virtus acquisita suos actus præsupponit & disponentes, & generantes; ita caritas, & ceteræ virtutes infusæ præceduntur ab actibus eiusdem ordinis, & speciei, qui non generant virtutem, sed ad illam disponent & præparant.

IV. Hanc suam doctrinam confirmat S. Thomas in universa sua Summa. Pauca ex plurimis delibabo. 2. 2. *quæst. xix. art. 8.* hæc docet in argumento prolutorio, ut aiunt. *Perfectum, & imperfectum non diversificant substantiam rei. Sed timor initialis, & filialis differunt secundum perfectionem, & imperfectionem caritatis, ut patet per Augustinum.* Deinde in cor. art. hæc resolvit. *Sic non accipitur initialis timor, secundum quod distinguitur a timore servili, & filiali; sed accipitur, secundum quod competit statui incipientium, in quibus inchoatur quidam timor per inchoationem caritatis. Non tamen inest eis timor filialis PERFECTE, quia nondum pervenerunt ad perfectionem caritatis. Et ideo timor initialis hoc modo se habet ad filialem, sicut caritas imperfecta ad perfectam. Caritas autem perfecta, & imperfecta*

non differunt secundum ESSENTIAM, sed solum secundum STATUM. Quid significant ultima verba secundum statum? Duo sunt status, iusti, & peccatoris. Caritas perfecta, & imperfecta differunt secundum statum, non secundum essentiam. Ergo perfecta in iusto, imperfecta in peccatore iustificando.

V. Rursus I. 2. quæst. cxiii. art. 10. hanc eandem doctrinam luculentius confirmat. Est enim iste communis, & consuetus cursus iustificationis, ut, Deo movente interiorius animam, homo convertatur ad Deum, primo quidem conversione imperfecta, ut postmodum ad perfectam deveniat, quia CARITAS INCHOATA MERETUR AUGERI, ut aucta mereatur perfici, sicut Augustinus dicit (tract. v. in ep. Ioan.). Quandoque vero Deus tam vehementer animam movet, ut statim quamdam perfectionem iustitiæ assequatur; sicut fuit in conversione Pauli, adhibita etiam exteriori miraculosa prostratione: & ideo conversio Pauli tamquam miraculosa in Ecclesia commemoratur celebriter. In hoc articulo S. Doctor distincte explicat iustificationis ordinem. Et continenter suum principium capitale repetit, quod maximum opus istud ab imperfecta caritate orsa capit, præcedente tamen aliorum actuum, fidei, spei, timoris &c. apparatu. Deinde fit transitus ad caritatem perfectam, & statum iustorum. Et hanc doctrinam auctoritate Augustini confirmat. Caritas hæc imperfecta impium non iustificat, sed illum ad iustificationem præparat. Neque differt secundum essentiam, quia attingit idem obiectum formale, nempe Deum propter se dilectum, non effusive, inquit Angelicus, sed affective.

VI. Rursus III. Part. quæst. lxxxvi. art. 3. S. Thomas suam doctrinam explicat atque declarat. Peccatum mortale non potest sine vera pœnitentia remitti, ad quam pertinet deferre peccatum, in quantum est contra Deum; quod quidem commune est omnibus peccatis mortalibus: ubi autem est eadem ratio, & idem effectus. Unde non potest esse vere pœnitens de uno peccato qui non pœnitet de alio. Si enim displiceret ei illud peccatum, QUA EST CONTRA DEUM super omnia dilectum (QUOD REQUIRITUR AD RATIONEM VERÆ POENITENTIÆ) sequeretur quod de omnibus pœniteret. Unde sequitur quod impossibile sit unum peccatum remitti sine alio. Ad rationem itaque pœnitentiæ necessario requiritur displicentia de peccato, quia est contra Deum super omnia dilectum. Et loquitur Angelicus de pœnitentia cum sacramento necessaria, ut constet ex articulo præcedenti, ad quem hic se remittit.

VII. Cum hæc ita comperta & explorata sint, & non modo in Sententiariis; sed in universa Summa Angelica repetita, qui fieri potest, inquires, ut Thomistarum aliquis oppositum sentiat? Quia interdum aliqui non ex fonte aquas attingunt, sed ex rivulis, ex interpretibus; quorum si unus aberrat, quandoque aliqui minus periti errantem sequuntur. Quandoque vel unica expressione ambigua, aut æquivoca capiuntur; & illius falso sensu semel adoptato, eidem obfir-

mate

mate hærent, clausis oculis ad alia luculentissima testimonia, quæ rem totam conficiunt.

VIII. Opponent 1. S. Thomas caritati secundum speciem, & non secundum gradum acceptæ, vim iustificandi tribuit. Ergo falsa est doctrina hæcenus explicata. Resp. Distinguo antecedens. Caritati habituali, concedo; caritati actuali, nego. Obtrudi solet textus ex *III. Part. quæst. lxx. art. 4.* ubi inquit: *Minimagratia potest resistere cuilibet concupiscentiæ &c.* At ibi loquitur S. Doctor de gratia, & caritate infusa per baptismum; ut fusius infra explicabo, ubi evincam, absque crassa ignorantia, aut oscitantia opponi hunc textum non posse.

IX. S. Thomas in *IV. dist. xvii. quæst. 11. art. 5.* seu in *Supp. quæst. v. art. 3.* docet. *Dicendum, quod quantumcumque parvus sit dolor, dummodo ad contritionis rationem sufficiat, omnem culpam delet.* Resp. Hæc pauca verba truncata obtrudi solent contra manifestam S. Doctoris mentem. Quærit in hoc art. S. Doctor, *utrum parva contritio sufficiat ad deletionem magnorum peccatorum:* & respondet, quamlibet contritionem gratia sanctificante informatam, tametsi remissam, delere omnem culpam. En illius verba in argumento prolusorio. *Qualibet gratia gratum faciens delet omnem culpam mortalem: quia simul cum ea stare non potest. Sed quælibet contritio est gratia gratum faciente informatam. Ergo quantumcumque sit parva, delet omnem culpam.* De hoc ergo dolore in corpore huius articuli loquitur qui sit caritate habituali perfectus, ut ex toto articulo patet. Præterea toto cælo aberrant oppositores, si somniant S. Thomam loqui de contritione extra sacramentum. Numquid quælibet contritio, quantumvis parva, extra sacramentum scelera omnia delet, nisi sit sanctificante gratia informatam?

X. Opponent 2. S. Thomas *III. Part. quæst. lxxxv. art. 6.* hæc habet. *Adus, & habitus caritatis simul sunt tempore cum adu, & habitus pænitentia, & cum habitibus aliarum virtutum.* Ergo caritas actualis, quantumvis imperfecta, sine sacramento iustificat. Resp. Hæc omnia vera sunt, quando in sacramento impius iustificatur; extra sacramentum, nego, nisi caritas actualis sit incensa & vehemens, ut fuit in Saulo; quod raro admodum contingit. Quæ omnia patent ex iis quæ ibidem continuo Angelicus subdit. *In iustificatione impii simul est motus liberi arbitrii in Deum, qui est adus fidei per caritatem formatus; & motus liberi arbitrii in peccatum, qui est adus pænitentia.* Horum tamen duorum aduum primus naturaliter præcedit secundum. Nam adus virtutis pænitentia est contra peccatum ex amore Dei. Unde primus adus est ratio & causa secundi. Sic igitur pænitentia (quantum ad habitum) non est simpliciter prima virtutum nec ordine temporis, nec ordine naturæ: quia secundum ordinem naturæ simpliciter præcedunt ipsam virtutes theologice: sed quantum ad aliquid est prima inter ceteras virtutes ordine temporis, quantum ad eius adum, qui primus occurrit in iustificatione impii &c. Igitur iuxta S.

Tho-

Thomam actus virtutis poenitentiae, prout est motus liberi arbitrii, conceptus ex amore Dei contra peccatum, praecedit ordine temporis ceteras virtutes, quae in iustificatione infunduntur. Ceterum si contritio vehementissima, & summo opere incensa sit, tum actus, & habitus simul sunt tempore, ut alibi explicatum est. Tandem opus iustificationis duplici modo spectari potest. Primo, dum peccator laborat, conatur, & laboriosis operibus ad illud se se disponit. Secundo in ipso puncto & articulo in quo perficitur. In hoc secundo statu & articulo, in quo iustificatio perficitur, *actus, & habitus caritatis simul sunt tempore*. At sub priori consideratione actus poenitentiae ex amore Dei conceptae *ordine temporis*, nedum naturae, praecedit gratiam, & caritatem habitualem. Et idem evenit in attritione servili, quae iuxta adversarios coexistit sacramento, & gratiae habituali pro illo articulo temporis in quo fit iustificatio; licet prius existat respectu temporis quo peccator se ad sacramentum disponit.

XI. Plura huc in confirmationem doctrinae Tridentini, eiusdem Catechismi, & S. Thomae adferre testimonia possem tum ex Scripturis, tum ex Patribus, praefertim Augustino. Sed brevitatibus causa nunc illa omitto. Auctoritatem Augustini laudavit Angelicus, qui suam doctrinam ex Patribus, & Scripturis hausit. Praeterquamquod sermo hoc de argumento infra redibit, & alia obiecta diluam. Sat nunc mihi est demonstrasse, falso praedictio adversarios occupari, dum pro certo supponunt, nullam caritatem actualem praecedere iustificationem posse.

C A P U T VI.

PRAEJUDICIUM QUARTUM,

quo praeventi attritionis servilis patroni, credunt sententiam, exigentem ad sacramentum poenitentiae contritionem ex caritate inchoata conceptam, severum Rigorismum redolere: e contrario putant attritionis servilis opinionem suavem benignitatem spirare. Hoc PRAEJUDICIUM cum evangelicae legis spiritu hostiliter pugnat.

I. Quartum & ultimum praedictum labefactandum, est *Rigorismus*, quem affingere adversarii sententiae nostrae pertentant. In veteri testamento, inquit, sola contritio remittendis culpis sufficiebat. Christus Dominus instituit pro peccatorum remissione sacramentum confessionis in nova lege. Si simul contritio, ex amore Dei super omnia dilecti concepta, esset necessaria, Christus non

levigasset, sed aggravasset Christianorum iugum. Hoc autem dici nequit; cum ipse testetur: *iugum meum suave est, & onus meum leve*. Sententia igitur propugnans huiusce amoris necessitatem trucem præfert severitatem, & Lutheranismi, Calvinismi, Baianismi, & Iansenismi fuligine tincta est.

II. Non auderem tantum mihi opponere paradoxon, nisi propriis Auctorum verbis supra descripsissem. Penitus quippe atque penitus prima novi fœderis fundamenta & capita primâ effodit & subvertit. Prima enim & splendidissima prærogativa quæ novum a veteri fœdere distinguit, est spiritus amoris; ut S. Paulus clamat ad Rom. viii. iniquens: *Non enim accepistis spiritum servitutis ITERUM in TIMORE, sed accepistis spiritum adoptionis filiorum, in quo clamamus, Abba, Pater*. Clamant uno ore Patres divinæ dilectionis suavi unctione Christi iugum levigari. *Verum est quod ipse dixit: Iugum meum suave est. Quidquid enim durum est in præceptis, ut sit lene, caritas facit:* inquit Augustinus in Ioan. tract. xiii. Iterum idem S. Pater in epist. ad Rom. inquit: *Evidentissime duorum testamentorum distincta sunt tempora: illud enim ad timorem pertinet, novum autem ad caritatem*. S. Thomas in cap. iv. Matth. ait: *Petus erat lex timoris, nova vero amoris: & rursus 2. 2. quæst. cviii. art. 1. ad 3. subdit: Qui ex amore bonum operantur, proprie ad Evangelium pertinent. . . . Qui vero ex amore non moventur ad bonum, sed ex timore, etsi numero sint de Ecclesia, non tamen merito*. Et hic est omnium Patrum sermo. Omnium ergo Patrum doctrinæ adversatur recensita Casuistarum doctrina. Durum est confessionis auricularis iugum; sed caritas facit ut leve sit & suave. Ineptirem ipse, si fusius hoc ostenderem. In Iudæorum fortem miseram, & ad gravissimum synagogæ iugum Christianos reiciunt illi qui solo spiritu timoris eosdem dirigere contendunt.

III. Qui descriptum præiudicium obtrudunt, legis mosaicæ onera ignorant. Et ne præstitutos limites transiliam, an eos latet quæ offerre Iudæi pro peccatorum expiatione cogebantur? Quid quod vel ipsi quoddam pœnitentiæ sacramentum habebant, ut III. Part. quæst. lxxxvi. art. 6. S. Thomas docet. *Sciendum tamen, quod etiam in veteri lege, & in lege naturæ erat aliquammodo sacramentum pœnitentiæ, ut supra dictum est*. Porro supra quæst. lxxxiv. art. 7. hæc habet ad 2. *Dicendum, quod ea quæ sunt iuris naturalis, diversimode determinationem accipiunt in veteri, & in nova lege, secundum quod congruit imperfectioni veteris legis, & perfectioni novæ legis. Unde & pœnitentia in veteri lege aliquam determinationem habuit, quantum quidem ad dolorem, ut esset magis in corde quam in exterioribus signis, secundum illud Ios. ii. Scindite corda vestra, & non vestimenta vestra: quantum autem ad remedium doloris querendum, ut aliquo modo ministris Dei peccata sua confiterentur, ad minus in generali. Unde Dominus Levit. v. dicit: Anima, si peccaverit per ignorantiam, offeret arietem immaculatum de gregibus Sacerdoti, iuxta mensuram,*

ram, æstimationemque peccati : qui orabit pro eo, quia nesciens fecerit ; & dimittetur ei. *In hoc enim ipso quod oblationem faciebat aliquis pro peccato suo, quodammodo suum peccatum Sacerdoti confitebatur. Et secundum hoc dicitur Proverb. xxvii.* Qui abscondit scelera sua, non dirigitur; qui autem confessus fuerit, & reliquerit ea, misericordiam consequetur. Nondum autem erat instituta potestas clavium, quæ a possessione Christi derivatur; & per consequens nondum erat institutum quod aliquis doleret de peccato cum proposito subiiciendi se per confessionem, & satisfactionem clavibus Ecclesiæ sub spe consequendæ veniæ virtute possessionis Christi.

IV. Si pro quolibet ignorantie peccato arietem, & pro malitiæ cognitæ flagitio bovem offerre nunc deberent Sacerdoti, cui consentitur, Christiani, quot arietes, quot boves essent emendi? Iugum ne suavius istuc quam iugum amore prosequendi Deum? Sed iam video lectorem commotum iri, si longius produxero huius inauditi paradoxo deformitatem.

V. Ut vero experientia ipsa evincam, quam longe a veritate aberrant adversarii, dum Rigorismi notam impingere sententiæ nostræ non dubitant, percontor ab eis. Obstringit ne Christianos omnes caritatis primum altissimumque mandatum? Quidquid olim dixerint Casuistæ plures, nunc Ecclesiæ definitione constat, non in articulo mortis, non singulis quinquenniis modo, sed frequentius ad Deum amandum, & quidem amore caritatis, urgeri Christianos omnes. Quæro iterum. Quoties in annum obligabunt ad huius præcepti observationem fideles? Singulis mensibus? Oh! iugum exasperans. Quoties ergo? Quater, bis, semel? Minus non credo.

VI. Hoc posito, Christianos tribuo in classes tres. In prima colloco iustos, qui a peccatis mortiferis alieni, evangelicæ perfectioni operam navant sedulam. Omnes isti ad sacramentum poenitentiae frequenter accedunt. Et si aliquando in peccatum eos labi contingat, ferventem contritionem concipere student & adlaborant. In secunda eos constituo qui aut singulis mensibus, aut sex, vel quater in annum ad confessionis sacramentum accedunt. Hi quoque præceptum caritatis saltem confessionis tempore implebunt. Ad ultimam tandem classem eos reicio qui aut semel in annum, aut post quinquennium, vel decennium, aut ultra consentunt. Cedo. Aut isti sincere convertuntur ad Deum, aut secus? Si secundum; cessat omnis quaestio. Si primum; nonne a præcepti caritatis observantia ordiri suam conversionem debent? An dicturus eris, sacramentum confessionis abolevisse primum evangelicæ legis mandatum? Absit. An repones, peracta confessione, tunc eos impleturos caritatis mandatum? Esto. Sed præteritas omissiones huius præcepti compensare primum omnium astringuntur. Siquidem impii, qui reconciliari Deo cupiunt, ignorant, aut sciunt se diligendi Deum lege obstringi. Si hanc legem ignorant; Athei, non Christiani sunt. Si eam callent, & statim illam implere negligant; dispositi ne ad iustificationem iudicandi sunt?

VII. Aerem verberas, & extra chorum cantas. Disparata hæc sunt, & dissimila. Quid præceptum caritatis cum sacramento pœnitentiæ confundis? Quod caritatis mandatum implere Christiani debeant, *per accidens*, non *per se* ad sacramentum pœnitentiæ attinet. Nunc sermo est de dispositione per se necessaria ad pœnitentiæ sacramentum. Audio. Eiusmodi distinctiones *per accidens*, & *per se* minuunt ne iugum ferendum? Nostra in præsens quæstio est, num sententia quæ obligat peccatores ad caritatis præceptum implendum, *Rigorismus* oleat, seu iugum evangelicum aggravet. Nam si mihi concedis reipsa peccatores ab huius præcepti observatione suam ordiri debere conversionem, hoc pacto ratiocinor. Sententia postulans in conversione peccatoris amorem Dei super omnia, nihil imponit quod præstare aliunde Christiani non debeant. Igitur, ad praxim quod attinet, hoc divini amoris & contritionis iugum, quod nimis durum reputant Casuistæ iuniores, ferre reipsa Christiani debent. Quod vero aut per se, aut per accidens cervicibus iugo subdere debeant, nec minuit, nec auget aut severitatem, aut ponderis gravitatem. Distinctiones istæ in mente sistunt, nec quidquam præsidii afferunt illis qui reipsa ferre pondus & iugum debent.

VIII. Heinc apparere incipit quam sit absonum & monstruosum præiudicium illud quo adversarii obducti sententiæ attritionis initialis *Rigorismi*, & *Iansenismi* notam inurere minime reformidant. Moralistarum, & recentiorum Theologorum plures mirum in modum falluntur, dum *Iansenismum*, & *Rigorismum* inconsiderate obtrudunt, & tragicum bellum nolentes sœvent in Ecclesia. Iansenistæ defendunt necessitatem amoris ad sacramentum. Ergo negandum. Iansenistæ defendunt primum caritatis mandatum frequenter obligare. Ergo negandum. Iansenistæ defendunt præceptum contritionis. Ergo reddunt iugum Christi durius iugo Hebræorum. Quid heinc? Iansenistæ scandalum ex doctrinis laxis patiuntur, & inde magis obfirmantur in suis erroribus. Iansenistarum errores strenue refellendi sunt. Sed, ut victoria de illis obtineatur, purganda a laxis opinionationibus Moralis evangelica est. Ideo ne plures sententiæ quæ sanam Moralem promovent, negandæ sunt, vel Iansenismi accusandæ, quia Iansenistæ illas defendunt? Neganda ergo mysteria Trinitatis, Incarnationis, Eucharistiæ &c. quia Iansenistæ illa credunt. Vellem ut tandem aliquando nonnulli perciperent cladem quam inferunt Ecclesiæ ex eo quod saniori Morali teterrimam Iansenismi notam affingant. Verum hæc obiter, & plura suo tempore.

IX. Ut tandem excitentur, utriusque sententiæ prospectum nativis coloribus depingamus: & ubi sit aut Laxismus monstruosus, aut Rigorismus truculentus, videamus: Legis evangelicæ spiritus dilectio Dei est. Hæc est plenitudo legis. Hoc primum & maximum mandatum. Unica post naufragium tabula pœnitentiæ, quæ contritio cordis dicitur, quovis tempore necessaria necessitate mediæ, & præ-

præcepti. Duo hæc præcepta, ut minimum semel, his, ter quotannis obstringunt peccatorem. Sed, ut fortius argumentum urgeam, mitto nunc inquirere, semel ne in annum obligent. Certum est illa obligare & extra articulum mortis, & intra quinquennium. Finge mandata indefinita esse quantum ad temporis obligationem. De fide tamen est hæc præcepta obligare. Quæro nunc: quæ, amabo te, opportuniora tempora hæc duo implendi mandata quam illa in quibus symbola & sanctissimæ passionis Christi pignora accipere, & infiniti beneficii sanguinis in cruce effusi participes fieri peccatores debent? Amore prosequi Deum peccatores, & conteri ob admissa post sacrum lavacrum scelera devincti sunt. Ergo tum saltem implere hæc gravissima mandata tenentur, cum ad Deum reverti, & eidem reconciliari deliberant, & maximum iustificationis beneficium suscipere confidunt. Ubi vel umbra *Rigorismi*, si pro dispositione ad sacramentum id exigimus quod etiam aliis titulis Deo rependere impii debent? Tempera nunc tibi a speculationibus, quod hæc disparata sint, & unum per accidens, alterum vero se habeat per se. Mitte nunc disputationis gratia has distinctiunculas, & meditare id quod reipsa præstare & opere implere impii debent. Et nisi communi sensu destitutus sis, ipse fateberis, nihil nos in praxi exigere quod Christi iugum aggravat, quod severitatem redolet. Concludes, *Rigorismum*, & *Iansenismum*, quem impingere huic sententiæ audaciores quidam Casuistæ non dubitant, meram esse chimæram chimærarum, & calumniam putidissimam.

X. Oculos nunc converte in opinionem attritionis formidolosæ, cuius patroni hæc propugnant. Peccatores plurium annorum intervallo in omnium flagitiorum sentina sese volutarunt, in Deum odio perpetuo furentes, illumque sacrilego ore blasphemantes. Casu audiunt Concionatorem ex una parte gehennæ fornacem describentem, flammarum crudelissimam vim, sulphuris fœtorem, tenebrarum caliginem, & tremendissimam suppliciorum perpetuitatem; ex altera immensas æternæ felicitatis delicias, gaudia, & delectationes æternum duraturas. Timore tanti supplicii a Deo infligendi perciti, & spe consequendæ beatitudinis allesti dolent de peccato, quod & felicitatis descriptæ privationem, & gehennæ supplicium inducat: nulla dilectione Deum prolequantur; nullam ob offensam illius infinitæ bonitati irrogatam displicentiam concipiunt. Accedunt ad sacramentum, absolvuntur attriti, iusti evadunt, & Dei amici, quin ullum amicitiae actum, quo inveteratum contra Deum odium retractent, elicerint. Itius sententiæ aliqui defendunt in mortis tantum articulo peccatores ad contritionis actum obstringi; alii vel in hoc articulo negant. Extra hunc articulum communius illos a contritionis obligatione absolvunt.

XI. Quisque nunc hanc secundam cum prima sententiam conferat: quisque in utramque iudicium ferat. Quo prima divinæ caritatis legi propinquior est, & ab omni

omni rigoris umbra remotior; eo hæc secunda laxior, & servitutis spiritui, antiquæ legis proprio, vicinior apparet, si vis argumentationis spectetur. Utramque tamen ego ab omni censura iuxta Alexandrinum decretum nunc immunem relinquo; & quid iuxta Innocentii XI. decretum dicendum de utraque sit, infra expendam. Satis in præsentia mihi est priorem sententiam a tetra *Rigorismi*, & *Iansenismi* nota obiter vindicasse.

XII. Ceterum missis diffidiis, quæ hanc gravissimam causam proprius spectant; quod reipsa in praxi contingit, indicabo. Peccatores communiter a pœnarum timore, & amissione æternæ felicitatis principia suæ conversionis repetunt. Verum, ut mea minima præfert opinio, nemo impiorum in praxi vere ad Deum convertitur, quin reipsa Deum amet, quin reipsa doleat ob offensam Deo suo optimo, clementissimo, amabilissimo parenti illatam. Omnes Catholici, dum primis *christianæ doctrinæ* rudimentis a pueritia imbuuntur, & formulam perfectæ contritionis addiscunt; & dum gratia divina præventi ad Deum post commissæ scelera redire statuunt, pro virili ferventem concipere adnituntur contritionem: & qui revera convertuntur, & iustificantur, reipsa dolent, quia infinitam Dei bonitatem offenderunt. Et quamvis hæc cordium secreta nos lateant; tamen, quantum ex coniecturis, & effectibus sinceræ conversionis argumentari licet, nulla sincera & vera peccatoris conversio, & iustificatio actuali Dei amore vacua est. Et si omnes peccatores reipsa conversi, & iustificati interrogentur, an revera, dum primum conversi sunt, curaverint dolere ob offensam Deo optimo illatam, eumque amore prosequi studuerint, omnes uno ore adfirmabunt. Quare prolixæ disputationes pro attritione servili, peccatorum socordix, & conversionibus languidis, & minus sinceris fucandis, ut ego quidem arbitror, deservire videntur. Confessiones recidivorum, consuetudinariorum magna in parte sacrilegæ sunt, ut suo loco ostendam. Isti terrore gehennæ concussi, & desiderio æternæ beatitudinis aliquando excitati accedunt ad confessionem, absolvuntur, relabuntur; iterum consentunt, & iterum relabuntur; & in perpetuo confessionum, & scelerum circulo vitam agunt. Isti sane solo timore gehennæ, sola attritione servili opus maximum iustificationis ordiuntur; sed in exordio sistunt, & ultra non pergunt: ideo raro sincere convertuntur. Huc recidunt omnes hac de causâ disputationes.

CAPUT VII

*De attritionis servilis insufficientia ad sacramentum
pœnitentiæ rite suscipiendum.*

Convulsis, & penitus labefactatis *quatuor præiudiciis*, quæ percipiendæ veritati aditum præcludebant, ipsam nunc causam ingredimur. Hoc enim pacto spero fore ut lectores ad argumentorum, quæ & pro insufficientia attritionis, & pro imperfectæ caritatis actualis necessitate adducturus sum, efficacitatem, & veritatem assequendam apiores facti sint. Ut vero maiori qua valeo perspicuitate causam hanc discutiam, eam in partes tribuo.

§. I.

*Nonnulla de pœnarum timore, & attritionis servilis
bonestate explicantur.*

I. Timor triplex. Naturalis, quo quis, natura duce, mala temporalia reformidat. Mundanus, quo quis hominum respectu a malo abstinere; aut malum perpetrare; magisque æstimat commodum, aut incommodum temporale, quam reformidet Dei offensionem. Tertius timor divinus appellatur, qui Deum respicit. *Timeate eum qui potest & animam, & corpus perdere in gehennam: Matth. x.*

II. Timor Dei duplex, servilis, & castus. Servilis servorum est, dum quis non iustitiæ amore, sed gehennæ metu a peccato abstinere. Castus Deum, ut supremum Dominum, reveretur; & ne ei displiceat, a peccato se coercet. Timor iste duplex. Initialis, qui est timor culpæ cum formidine pœnæ coniunctus. Initialis dicitur, quia eorum proprius est qui in via Dei ambulare incipiunt. Filialis culpam respicit absque pœnæ timore. Igitur timor initialis ille est quo quis ad Deum convertitur, eique adhæret propter timorem tum pœnæ, tum culpæ. Timor filialis ille est quo quis ad Deum convertitur non pœnæ timore, sed ex amore iustitiæ & caritatis, revereturque Deum amantissimum patrem offendere. Ita S. Thomas 2. 2. quæst. xix. art. 2. docet. *Si ergo aliquis convertitur ad Deum, & ei inhereat propter timorem pœnæ, erit timor servilis. Si autem propter timorem culpæ, erit timor filialis: nam filiorum est timere offensam patris. Si autem propter utrumque, erit timor initialis, qui est medius inter utrumque timorem. Sed apprimè adnotanda Angelici verba, quæ præmittit. De timore nunc agimus, se-*

cundum quod per ipsum ALIQUO MODO ad Deum convertimur; idest, timor aliquo modo admodum imperfecto ad nostram conversionem disponit.

III. Timor naturalis malitiam, aut bonitatem recipit vel a pravo, vel a bono voluntatis affectu. Timor mundanus suapte natura malus est, cum bono, aut malo temporali Dei offensam præponat. Timor castus, sive initialis, sive filialis, sanctus est. *Timor Domini sanctus permanens in sæculum sæculi*: Psalm. xviii. *Time te Dominum omnes Sancti eius.*

IV. In timore servili duo distinguenda. Timor ipse, & eius servilitas. Timor pænæ bonus est. Formidare quippe pœnam, cuius contrarium bonum est, honestatem, & bonitatem præfert. Servilitas mala est; cum sit affectus peccati in animo latitans, quo, nisi pœna immineret, peccatum eligeretur. Heinc duplex timor servilis distingui solet: unus qui dicitur absolute servilis; alter qui nuncupatur serviliter servilis: iste malus est, ille bonus.

V. Quæst. unic. *An attritio ex gehennæ, & pœnarum metu concepta bona & utilis sit ad iustificacionem?* Resp. Responso affirmativa fidei est, definita in Concilio Tridentino sess. vi. can. viii. & iterum sess. xiv. cap. v. adversus Lutherum. Si quis dixerit gehennæ metum, per quem ad misericordiam Dei de peccatis dolendo confugimus, vel a peccando abstinemus, peccatum esse, aut peccatores peiores facere; anathema sit. Lege can. v. sess. xiv. Innumera sunt eum Scripturarum, eum Patrum testimonia quæ hanc veritatem confirmant. Eccl. i. *Corona sapientiæ timor Domini*. Prov. i. *Timor Domini principium sapientiæ*. Psalm. cxviii. *Confige timore tuo carnes meas*. Matth. x. *Time te eum qui potest & animam, & corpus perdere in gehennam.*

VI. Tertullianus *Lib. de cultu fem. cap. 11.* inquit: *Timor fundamentum salutis est; præsumptio impedimentum timoris.*

VII. S. Augustinus *serm. xvi. de verbis Apost. hæc docet. Modo, cum dicis mihi gehennam, timeo; ardere timeo; in æternum puniri timeo. Quid dicturus sum? Male times? Vne times? Non audeo, quemadmodum ipse Dominus ablato timore, subiecit timorem & dixit: Time te eum qui habet potestatem & animam, & corpus mittere in gehennam ignis: ita dico vobis, hunc time te. Cum ergo Dominus timorem iniecerit. . . dicturus ego sum, Male times? Ista non dicam. Plane time, nihil melius times, nihil est quod magis timere debeas. Sed interrogo te. Si te non videret Deus, quando facis, nec quisquam te vinceret in iudicio illius, faceres? Tu te vide. . . Inspice te ipsum. Faceres? Si faceres; ergo pœnam times, castitatem nondum amas, caritatem nondum habes. Serviliter times, formido mali in te est, nondum dilectio boni.*

VIII. Aliorum Patrum testimonia sileo, cum veritas explorata & manifesta sit. Attritio ex metu gehennæ concepta, tria includit, voluntatem fugiendi pœ-

nam, peccati detestationem, quæ medium est ad poenam vitandam, & ordinationem huiusce medii ad finem obtinendum, peccati scilicet fugam. Quid hic mali occurrit? An inferni poena mala non est, & odio digna? Ergo honestum est, & utile eam formidare, & odio persequi. Peccati detestationem quis inficiabitur bonam esse? Denique ordinatio fugæ peccati ad vitandam poenam se ipsa honestatem prodit.

IX. Tandem attritio, concepta ex gehennæ timore, fide præcedente, supernaturalis est, cum paret locum caritati, ut S. August. *trakt. ix. in I. Epist. Ioan.* docet. *Timor locum præparat caritati. Timor ideo intrat, ut caritatem introducat: & si nullus est timor, non est qua intret caritas.* Hæc repetit sexcentis in locis Augustinus. Quare merito Alexander VIII. has duas sequentes propositiones 14. & 15. confixit. 14. *Timor gehennæ non est supernaturalis.* 15. *Attritio quæ gehennæ, & poenarum metu concipitur sine dilectione benevolentia Dei propter se; non est bonus motus, & supernaturalis.* Argumenta Lutheri utpote futilia prætereo.

§. II.

Formidolosa attritio, & solo gehennæ & poenarum metu concepta, impar est reconciliando peccatori Deo in sacramento poenitentiae, quia non excludit voluntatem peccandi.

I. **P**rimum omnium doctrina præmittenda, quæ duo comprehendit. I. Quid significet exclusio voluntatis peccandi. II. Quod licet timor non excludat omnem voluntatem peccandi, non propterea malus est, sed bonus. Et hæc quæ dicturus sum, apprimè memoriæ sunt commendanda.

II. Et ad primum quod attinet, excludere voluntatem peccandi duplici modo intelligi potest. Primo *negative*, quæ exclusio haberi potest per somnium, per vehementem distractionem. Secundo *positive*; quod tum fit, cum in voluntate sunt alii affectus directe contrarii, quique directe pugnant cum affectibus peccati: puta affectus erga Deum super omnia dilectum pugnat cum quocumque affectu peccati: idcirco dicitur, illum excludere positive istum. Porro hanc positivam exclusionem peccati in sacramento poenitentiae necessariam esse, adfirmare omnes tenentur, ut Doctor eximius P. Suarez *Tom. IV. in III. Part. disput. xx. num. 6.* docet. Concilium Tridentinum expresse requirit attritionem quæ voluntatem peccandi excludat: non negative tantum per solam cessationem a tali voluntate: hæc enim modo qualibet cogitatio alterius rei voluntatem peccandi excludit; sed positive.

sive per formalem, aut virtutalem repugnantiam, veramque mutationem voluntatis dissentientis peccato, & consentientis gratia Dei.

III. Ut dixi, hæc positiva expulsio fieri nequaquam potest, nisi inter exclusum & inclusum sit insociabilis pugna, & directa oppositio. Inter timorem autem, & peccatum absolute, & secundum se, seu prout est offensa Dei, spectatum, & timorem pœnarum, quæ peccato debentur, non est directa oppositio. Timor enim directe pœnas respicit, a iusto iudice statutas, quasque ut timeamus, & Evangelium, & ratio ipsa suadet. Timor iste contumaciam coercet animi tormenta spernentis; & huic contumaciæ directe opponitur: iunctus fidei, & spei longe distat ab infidelitate, & desperatione; & ad considerandam divinam misericordiam, reverendamque iustitiam timentem convertit. Quæ omnia honesta & bona sunt. Verum timor iste non opponitur peccato absolute, & secundum se spectato, quatenus est offensa Dei. Quapropter nequit excludere positive peccatum istud, cui directe non opponitur. Hoc vero non est vitium timoris, quia officium istud ad timorem non attinet. Cuiuscumque enim virtutis & doni vis limitata est, & sphaera definita. Fides excludit infidelitatem, spes desperationem. At neque fides intemperantiam, neque spes iniustitiam, aut incontinentiam convellit. Et sæpe accidit ut & qui credit, sit iniustus, & qui sperat, sit incontinens, intemperans &c. Propterea ne spes, fides aliquid vitii continent, quia intemperantiam, iniustitiam, incontinentiam non excludunt? Minime gentium: quia cum iis oppositionem non habent; sed veræ virtutes sunt, quia eliciunt actus credendi, & sperandi, excluduntque infidelitatem, & desperationem, cui opponuntur. Similiter timor bonus est, & perutilis, quia pœnas a iudice statutas reformidat, & coercet impii contumaciam, cui opponitur: excludit etiam aliquam, sed non omnem voluntatem peccandi: quia non respicit peccatum absolute in se: cum hoc enim directe non pugnat, ut explicatum est. Nec propterea aliquid vitii contrahit, quia non producit totum illum effectum qui est supra eiusdem vires & facultatem, ut dictum est de aliis virtutibus. His delibatis, ad argumenta explicanda contra insufficientiam attritionis formidolosæ pergo.

§. III.

Auctoritate Sancti Augustini evincitur, attritionem formidolosam non excludere voluntatem peccandi.

1. S. Augustinus *serm. xv. de verb. Apost. cap. vi.* hæc habet. *Qui timore pœna non concupiscit, puto quia concupiscit. Terrore ingenti armorum,*
Tom. IX.

atque telorum, & circumdantis forsitan multitudinis, vel obviam euntis, etiam LEO revocatur a præda, & tamen LEO venit, LEO redit: prædam non rapuit, non militiam posuit. Si talis es, adhuc iustitia est: qua iustitia tibi consulis ne torqueris. Quid magnum est penam timere? Quis enim non timet? Quis latro, quis sceleratus, quis nefarius? Sed hoc interest inter timorem tuum, timoremque latronis, quod latro timet leges hominum; tu autem leges eius times, eius penam times quem fallere non potes. Nam si fallere posses, quid non fecisses? Ergo & concupiscentiam tuam malam non timor tollit, sed timor premit. Ad ovile venit lupus; latratu canum, & clamore pastorum ab ovili reversus est lupus: ipse tamen semper est lupus. Qui timore, inquit Augustinus, non concupiscit, reipsa concupiscit. Leo metu venit, leo redit. Prædam non rapuit, non militiam posuit. Semper est lupus prædæ avidus, semper latro. Similis autem leoni, latroni, & lupo est, Augustino teste, voluntas non peccandi formidine pœnæ.

II. In Psal. cxviii. conc. xi. hæc habet. Qui timore pœnæ, non amore iustitiæ opus legis facit, profecto invisus facit. Quod autem invisus facit, si posset fieri, mallet utique non iuberi: ac per hoc legis quam vellet non esse, non est amicus, sed potius inimicus; nec mundatur opere qui immundus est cogitatione, & voluntate.

III. Rursus epist. cxliv. Inaniter putat victorem se esse peccati qui pœnæ timore non peccat: quia etsi non impletur foris negotium male cupiditatis, ipsa tamen mala cupiditas intus est hostis. Et quis coram Deo innocens invenitur, qui vult fieri quod vetatur, si subtrahas quod timetur? Ac per hoc in ipsa voluntatis reus est qui vult facere quod non licet fieri; sed ideo non facit, quia impune non potest fieri. . . . Nam qui gebennas metuit, non peccare metuit, sed ardere. Ille autem peccare metuit qui peccatum ipsum, sicut gebennas, odit. . . . Tantum porro quisque peccatum odit, quantum iustitiam diligit: quod non poterit lege servare per litteram, sed spiritu sanante per gratiam.

IV. Iterum Lib. de nat. & grat. cap. lv. hæc habet. Sub lege est qui timore supplicii, quod lex minatur, non amore iustitiæ se sentit abstinere ab opere peccati: nondum liber, nec ALIENUS A VOLUNTATE peccandi. In ipsa enim voluntate reus est, qua mallet, si fieri posset, non esse quod timeat, ut libere faciat quod occulte desiderat.

V. Tandem Lib. III. contr. duas epist. Pelag. ad Bonifac. cap. iv. hæc docet. Illi etiam, quicumque ibi (in veteri testamento) erant, sola quæ ibi Deus pollicetur, terrena promissa sedantes, & quid pro novo testamento ea ipsa significant ignorantes, eorum adipiscendorum amore, & amittendorum timore Dei præcepta servabant; immo non servabant, sed sibi servare videbantur. Neque enim fides in eis TER DILECTIONEM operabatur, sed terrena cupiditas, metusque carnalis.

Sic

Sic autem qui præcepta facit, proculdubio invitatus facit, ac per hoc in ANIMO NON FACIT. Mavult enim omnino non facere, si secundum ea quæ capit, & metuit, permittatur impune facere; ac per hoc in ipsa voluntate intus est reus, ubi ipse qui præcipit, inspicit Deus. Innumera alia Augustini loca transmittito, ubi hanc doctrinam repetit.

VI. Adeo decretoria hæc sunt, ut nullum in adversariorum libris probabile responsum legerim. P. Francolinus, qui ceteris Casuistis fufius hoc argumentum tractat, eo se recipit, ut frequenter asserat, loca Augustini esse *benigne interpretanda*. Quoniam, nisi benigna & liberalis interpretatio accedat, doctrina Augustini erronea est, non ne? Immensam verborum farraginem congerit, ut laudata testimonia implicet; sed nihil vel verisimile opponit. Alii cavillantur, Augustinum loqui de timore inflicto ab homine, non a Deo: quæ interpretatio seipsa corrui. Communior responsio est, S. Doctorem loqui de timore remisso & inefficaci, secus de intenso & efficaci. Hæc responsio ceteris solidior non est. Naturam & vim timoris cuiuscunque gradus & intensiõis dispicit & expendit Augustinus. *Timor iste, quo non amatur iustitia, sed timetur pœna, servilis est, & ideo non crucifigit carnem &c.* inquit Doctor sanctus. Serio ponderentur adducta testimonia, & continuo evanescunt commenta omnia.

§. IV.

Ex auctoritate S. Thomæ ostenditur formidolosam attritionem non excludere omnem voluntatem peccandi.

I. Continuo post S. Augustinum adduco S. Thomam, qui Augustinus contrarius est, quique doctrinam Augustini ita præcise, & enucleate exponit, ut nulla eludi tergiversatione queat.

II. Hanc regulam ceu inconcussam 1. 2. quæst. vi. art. 6. statuit. *Quæ ex metu aguntur, mixta sunt ex voluntario & involuntario*. Id enim quod per metum agitur, in se consideratum, non est voluntarium; sed fit voluntarium in casu, scilicet ad vitandum malum quod timetur.

III. Item ibidem art. 7. ad 2. subdit. *Dicendum, quod in eo qui per metum aliquid agit, manet repugnantia voluntatis ad id quod agitur, secundum quod in se consideratur...* & ideo quod per metum agitur, quodammodo est involuntarium... Timidus agit contra id quod etiam nunc secundum se vult.

IV. Rursus ibidem quæst. cvii. art. 1. ad 2. hæc docet. *Lex vetus dicitur cohibere manum, non animum: quia qui timore pœne ab aliquo peccato abstinet, non simpliciter eius voluntas a peccato recedit, sicut recedit voluntas eius qui amore*

instituta abstinet a peccato : Et propter hoc LEX NOVA, QUAE EST LEX AMORIS, dicitur animum cohibere.

V. Tandem 2. 2. *quæst.* XIX. *art.* 9. hæc habet. *Timor servilis non est numerandus inter septem dona Spiritus sancti, licet sit a Spiritu sancto : quia, ut Augustinus dicit in Lib. de nat. & grat. cap. LVII. potest habere annexam voluntatem peccandi. Dona autem Spiritus sancti non possunt esse cum voluntate peccandi, quia non sunt sine caritate.*

VI. Michael Poli in suo *opusc. Lib. II. cap. IV. num. 4.* testimonium truncatum S. Thomæ ex *art. 7. cit. quæst.* XIX. rescribere non dubitavit, & eiusmodi est. *Timor servilis est, sicut principium extra disponens ad sapientiam, inquantum aliquis timore pænæ discedit a peccato.* Discedere autem a peccato non potest, subdit ille, qui voluntatem peccandi retinet. Hospitem, & omnino peregrinum in doctrina S. Thomæ se perhibet Auctor iste, dum talia obtrudit. Timor servilis est principium recessus a peccato ; sed ab eo, inquit Angelicus, *non simpliciter recedit*, ut patet ex eius testimonio *num. 4.* laudato. S. Thomas ex instituto probat, timorem non excludere voluntatem peccandi. Hæc omnia silet citatus Auctor : & pauca verba detruncata exscribit, ut imperitis fucum faciat. Laudat similiter *cap. V.* testimonium *Contensonii ex Lib. VI. diff. 1. corol. 12.* ubi obiter Contensonius de timore servili quamdam speculationem ingerit, quamque penitus reiicit *Lib. XI. part. 111. diff. unic. cap. 11.* ubi attritionis servilis opinionem labefactat. Sed hæc omnia dissimulat D. Poli, qui lacinias disparatas infarcit, ut perdoctam, eleganterque scriptam dissertationem *Ch. Francesconi* aliquo modo implicare valeat. Sed hæc per transennam.

VII. Plures alios Patres, & plura rationum momenta, quæ evincunt metum non posse natura sua excludere omnem voluntatis affectum erga creaturam, ad quam conversus peccator est, & inducere plenam conversionem ad Deum, expendam *cap. seq.*

§. V.

Diluuntur obiecta adversariorum.

I. **O**pponunt 1. Concilium Tridentinum *sess. XIV. cap. IV. & can. V.* damnat omnes qui asserunt, attritionem esse *extortam, coactam, non liberam, non voluntariam.* Si attritio ex metu concepta adiunctam haberet voluntatem peccandi, faceret hominem hypocritam, & magis peccatorem. Hæc scilicet erat doctrina Lutheri, ut constat ex Leonis X. Bulla *offert. 6.* ubi hæc habentur. *Contritio quæ paratur per discussionem, & collectionem peccatorum, qua quis recogit-*

tat annos suos in amaritudine animæ suæ, ponderando peccatorum gravitatem, fœditatem, amissionem æternæ beatitudinis, & acquisitionem æternæ damnationis, hæc contritio facit hypocritam, immo magis peccatorem. Plura similia habet in *serm. de pœnit.* Resp. Ex iis quæ *cap. 1.* dicta sunt, evanescit obiectio facta. Scopus laudati Tridentini decreti & canonis eo unice pertinet, ut Lutheri errores damnet, non ut Catholicorum quæstiones dirimat, ut omnes eiusdem Concilii docti Interpretes, & Historici testantur. Damnabat Lutherus omnem dolorem pœnarum metu conceptum; & eam solam quæ caritate excitatur, & perficitur, admittebat contritionem. Concilium ergo definivit, timorem gehennæ bonum esse & honestum, pœnitentiæ initium, atque ad caritatem viam parare. Adversarii partium studio adducti, Catholicorum doctrinæ invidiam vel nolentes creant, & Lutheranorum causam extollunt. Pugnat Lutherus pro contritione caritate perfecta. An damnandus Lutherus, quod caritatem in peccatoris conversione requirit? Nemo id dixerit. Sed illum anathemate Ecclesia percussit, quod blateraret contritionem quæ a timore gehennæ orsa sua capit, esse vitiosam, hominemque magis peccatorem efficere. Casuistæ hæc duo involvunt & confundunt: idcirco Lutheranorum causam meliorem nescientes efficiunt. Nam ex ea parte qua Lutherus pro caritate pugnat, quis non videt illius causam speciosam esse, & Evangelio consentaneam? Secernant ergo in hæresiarcha Luthero errorem a veritate. Damnent Lutherum, effutientem pœnitentiam timore conceptam vitiosam esse; at illum non damnent, dum caritatem commendat. Dolor igitur ex timore gehennæ conceptus, liber, voluntarius, honestus; bonus, supernaturalis, & perutilis ad pœnitentiam est. Hæc est veritas catholica contra novatores propugnanda. Ergo dolor iste, omni caritate absente: omnem voluntatem peccandi excludit? Ergo sufficiens est ad veram pœnitentiam? Hæc consequentia materia est disputationis nostræ. Illam nos negamus, eam adversarii propugnant.

II. Opponunt 2. Aut attritio ex solo metu concepta sufficiens est, aut mala est. Ideo enim iuxta vos non sufficit, quia voluntatem peccandi penitus non excludit. Sed quod voluntatem peccandi non excludit, malum est. Ergo attritio hæc aut voluntatem peccandi excludit, aut vitio laborat.

III. Resp. Tota argutatio isthæc sophistica est. Antecedens falsum: secunda propositio secundi syllogismi similiter falsa est. Alioquin omnes aliæ virtutes a contritione vitio inquinatæ forent. Sciant adversarii, aliud esse carere perfectione aliqua, aliud vitio infici. Nonne & ipsi fatentur, primordia rerum tum naturalium, tum supernaturalium imperfecta esse? Ideo ne mala, & vitiosa? Attritio ex solo metu concepta voluntatem peccandi aggreditur, & oppugnare incipit: idcirco bona, honesta, & utilis, quia disponit ad plenam victoriam. Ad-

yer-

versarii falluntur, & fallunt, quod opus iustificationis ad metaphysicas regulas revocent; cum sit totum quoddam morale sex actibus constans, ut Angelicus III. Part. quæst. lxxxv. art. 5. docet. Sextus, inquit, *actus est motus timoris filialis, quo propter reverentiam Dei aliquis emendam Deo voluntarius offert. Sic igitur patet quod actus poenitentiae a timore servili procedit sicut a PRIMO motu effectus ad hoc ordinato; a timore autem filiali, sicut ab immediato, & proximo principio. Quid? Quia primus imperfectus actus non producit effectum proprium ultimi perfecti actus, ideo vitiosus erit? Neque fides, neque spes sola sine dolore ad reconciliationem sufficiunt. Ergo vitiosæ? Quia puer non præstat viri officia, quia aurora non dispellit tenebras, sicut Sol, idcirco vitio sordent? Quam sit vana obiectio facta, nemo non videt.*

IV. Opponunt 3. Concilium Tridentinum sess. xiv. cap. iv. inquit: *Illam vero contritionem imperfectam &c. si voluntatem peccandi excludat cum spe veniæ, declarat non solum non facere hominem hypocritam &c. Si omnis vera attritio voluntatem peccandi excluderet, superflua foret illa particula conditionalis, Si voluntatem &c. Si nulla vera attritio voluntatem peccandi excluderet, similiter chimerica esset illa adiecta particula. Heinc colligunt Salmanticenses Scholastici disput. vii. dub. 1. §. 3. num. 23. attritionem inefficacem esse partem sacramenti poenitentiae: quam opinionem penitus falsam reputo. Verum hoc extra causam nostram est. Itaque*

V. Resp. Multi respondent, Concilium ibi loqui de attritione non solo metu concepta, sed de attritione mixta ex metu & amore; atque adeo excludere voluntatem peccandi, si amor adsit; secus, si absit. Ut sæpius diximus, Tridentinum in hoc decreto novatorum dumtaxat errores damnat, & honestatem, ac utilitatem attritionis servilis aduersus eosdem definit, intactis Catholicorum opinionibus. Attritio autem servilis mala esse potest, quia includere voluntatem peccandi valet, ut si ei adsit voluntas conditionata violandi legem, si impune liceret: vel si concipiatur ex metu, quo pœna formidetur tamquam principale malum, & oppositum bono proprio, quod tamquam ultimus finis diligatur. Fuisse explicat hanc doctrinam S. Thomas 2. 2. quæst. xix. art. 4. & 6. ubi ait, quod eiusmodi metus servilis malus est, & caritati contrariatur. Qui timor vocari solet *serviliter servilis*. En causam cur Concilium adiecit præfatam clausulam. Datur timor servilis malus, nempe cum includit affectum conditionatum peccandi. Ut bonus sit, honestus, & ad poenitentiam disponat, excludere hunc affectum actuale conditionatum debet; quæ exclusio vocatur negativa. Idcirco Concilium, definiens honestatem, & utilitatem attritionis formidolosæ, adiecit clausulam, *Si voluntatem peccandi excludat*; alioquin attritio servilis vitiosa esset. Heinc patet, quam inutilis & vana sit obiectio. Nam certum est, Concilium

in illo decreto damnare errores novatorum, contententium, attritionem metu conceptam esse vitiosam. Esset autem vitiosa, si voluntatem peccandi includeret. Quamobrem Concilium adiecit præfatam particulam. Quid heinc? Propterea ne attritio ex solo metu gehennæ excludit absolute & simpliciter ab ipso peccatore attrito habitualem affectum in peccatum? Tendit utique & hæc attritio ad excludendam ab ipso animo attrito voluntatem peccandi; sed eam absolute, & quantum sat est ad veram conversionem, non excludit. Hanc doctrinam defendunt adversarii ipsi, præsertim Salmanticenses cum pluribus aliis locis, ubi fuso ostendere conantur, attritionem inefficacem esse partem sacramenti pœnitentiæ: quæ attritio inefficax non excludit omnem voluntatem peccandi, ut ipsi fatentur. Nec propterea inferunt, talem attritionem esse vitiosam; immo defendunt partem esse sacramenti. *Dantur itaque, inquit, iuxta Concilium tres species, aut quasi species doloris de peccato commisso &c. . . Tertia imperfectissima, quæ non excludit voluntatem peccandi ob inefficaciam doloris . . . Et hæc ultima est quam vocamus attritionem inefficacem.* Lege plura apud eosdem, qui fuso calamo propugnant hanc attritionem inefficacem esse partem sacramenti pœnitentiæ. Tantum abest ut sit vitiosa.

VL. Opponunt 4. SS. Patres, & divinæ Scripturæ commendant gehennæ timorem, tamquam frenum, quo homo continet se a peccatis: idque perspicue docet Synodus Tridentina sess. vi. can. viii. *Si quis dixerit, gehennæ metum, per quem ad misericordiam Dei de peccatis dolendo confugimus, vel a peccando abstinemus, peccatum esse &c. anathema sit.*

VII. Resp. Gehennæ metus tum in Scripturis, tum a Patribus commendatur, quia inde initium ducit impiorum iustificatio, quia introducendæ caritati locum parat, & iuxta propriam virtutem ac vim a peccato reprimit tum interno, tum externo, excluditque negative voluntatem peccandi. At cum metus iste non spectet peccatum secundum se, & ut est offensa Dei, ideo efficere nequit ut impius peccatum absolute & secundum se avertatur. Disponit tamen & præparat animum, ut inquit Concilium Tridentinum sess. vi. cap. vi. quatenus peccatores hoc timore concussi, *ad considerandam Dei misericordiam se convertendo in spem eriguntur, fidentes Deum sibi propter Christum propitium fore, illumque tamquam omnis iustitiæ fontem diligere incipiunt, ac propterea moventur adversus peccata per odium aliquod ac detestationem &c.* Omnes illi gradus iustificationis habendi præ oculis semper sunt, ut cuique virtuti, & dispositioni suus tribuatur effectus. Inquit Eccles. i. *Timor Domini expellit peccatum*: expellit utique, sed media caritate, cui locum parat. Quemadmodum dicimur *iustificari per fidem*, quia, inquit Tridentinum sess. vi. cap. viii. *est salutis humana initium*. Similiter timor expellit peccatum, quia talis expulsionis initium est.

Hac

Hac doctrina explicantur cetera alia testimonia quæ ex Scripturis, & Patribus adduci valent.

VIII. Opponunt 5. Timor gehennæ vehemens & intensus id omne excludit quod est æterno supplicio dignum. Sed voluntas peccandi, sicut & peccatum ipsum, est æterno supplicio digna. Ergo timor servilis vehemens & intensus absolute & positive eam omnem excludit. Resp. Timor servilis intensus & vehemens excludit voluntatem peccandi, & omne id quod est æterno supplicio dignum, quantum potest, concedo; ultra suas vires & sphaeram, nego. Nulla causa, ut toties diximus, præstat plusquam potest, neque confinia suæ virtutis transilire valet. Porro voluntatis correctio superat timoris servilis potestatem. Quoniam timor iste non opponitur peccato absolute considerato. Voluntas autem peccandi expelli nequit, nisi ab actu contrario. Mala voluntas amore illicito & carnali prosequitur creaturam. Ergo, ut desinat esse mala, & revocetur ab hac carnali voluptate, & bona esse incipiat, amor cælestis & divinus directe oppositus necessarius est, ut inquit S. Augustinus in *Euchirid.* cap. xvii. *Regnat enim carnalis cupiditas, ubi non est Dei caritas.*

IX. Opponunt 6. Patrum plures, ut Clemens Alexandrinus, Basilii, Gregorius Nazianzenus, Hieronymus, Bernardus, & alii, tres salvandorum status distinguunt. Primum servorum, qui timore pœnæ coercentur: secundum mercenariorum, qui spe præmiorum alliciuntur: tertium filiorum, qui solo Dei amore flagent. Resp. Tres istos status Patres distinguunt, non quod servi, aut mercenarii caritate careant; sed quod alii præ aliis ferventiori caritate ardeant. Alii plus indigent, alii minus gehennæ supplicii incitari, urgeri, & acui.

X. Opponunt 7. S. Augustinus *Lib. de catechiz. rudib.* cap. xvi. hæc scribit. *Qui autem propter beatitudinem sempiternam, & perpetuam requiem, quæ post hanc vitam Sanctis futura promittitur, vult fieri Christianus, ut non eat in ignem æternum cum diabolo, sed intret in regnum æternum cum Christo, vere ipse est Christianus cautus in omni tentatione, ne prosperis rebus corrumpatur, & ne frangatur adversis, & in abundantibus fortis, & patiens: qui etiam proficiendo perveniet ad talem animum, ut plus amet Deum quam timeat gehennam, ut (etiam si dicat illi Deus: Utere deliciis carnalibus sempiternis, & quantum potes, pecca: nec morieris, nec in gehennam mitteris, sed tantummodo mecum non eris) exborrescat, & omnino non peccet, non iam ut in illud quod timebat, non incidat; sed ne illum quem sic amat, offendant, in quo uno est requies. Quis, rogo, locus clarior? inquit P. Francolinus *Lib. II. cap. 112. num. 2.**

XI. Resp. Qui non humana aliqua ratione, vel respectu, sed ut gehennam declinent, & cælestem beatitudinem sibi comparent, relicta infidelitate, religionem amplectuntur christianam, vere laudandi sunt, vere sunt Christiani in præ-

paratione, qua disponuntur, ut eo perveniant, quo *plus amet Deum quam timeant gehennam*. Usquedum enim plus timent gehennam quam Deum ament, numquid vere Christiani sunt? Si P. Francolinus, & ceteri adversarii in fonte suo testimonium legissent, illud opponere forsitan ausi non essent. Præmittit enim ibidem initio cap. xvii. *Sunt enim qui propterea volunt esse Christiani, ut aut promoveantur homines, a quibus temporalia commoda expectant, aut quia offendere nolunt quos timent . . . Sunt etiam alii, meliorem quidem spe, sed tamen non minore periculo, qui iam Deum timent, & non irident christianum nomen, nec simulato corde intrant in Ecclesiam Dei; sed in ista vita expectant felicitatem, ut feliciores sint in rebus terrenis quam illi qui non colunt Deum*. Tandem subdit ea quæ adversarii opponunt. *Qui autem propter beatitudinem &c.* Evidens est, hic S. Doctorem sermonem habere de rationum momentis, quibus Ethnici ducti amplectuntur religionem christianam. Et reiectis illis qui ob temporalia commoda, mundanosque respectus christianæ religioni nomen dare volunt, eos exultat qui ob gehennam declinandam, & beatitudinem sempiternam obtinendam Christi Ecclesiam ingrediuntur. Quoniam isti vere sunt Christiani, quia vero sine ducuntur ad christianam religionem amplectendam. Vere Christiani dicuntur etiam illi qui Christi fidem profitentur, licet per peccatum ab eodem se separent. Comparete itaque ad alios qui simulato animo accedunt, veros Christianos appellat S. Doctor illos qui spe beatitudinis accedunt ad baptismum. At nec verbum habet Augustinus, quo indicet, solam spem beatitudinis, & timorem gehennæ, sublata Dei dilectione, sat esse ad baptismum suscipiendum. Porro sexcentis in locis Augustinus perspicue docet, inculcat, exaggerat necessitatem caritatis. In hoc ipso, quod opponitur; testimonio eandem dilectionem insinuat. Quid quod in hoc ipso adducto testimonio, sophistice ab adversariis implicato, & truncato, amoris necessitatem prodire? Quid enim præferunt hæc verba: *Proficiendo perveniet ad talem animum, ut PLUS amet Deum quam timeat gehennam?* Qui plus nunc amat quam antea, non initium, sed incrementum amoris denotat. Tandem non ex uno truncato testimonio, sed ex integro illo pro rudibus catechizandis libro colligenda ea sunt quæ S. Doctor asserit necessaria ad suscipiendum baptismum. Legatur cap. 113. & 14 eiusdem libri, ubi in duobus præceptis caritatis contineri universam legem habetur, & xxi. & xxvii. altius Dei dilectionem inculcat. Si plura cupis, lege P. Le Druin, & le Drou, qui fusus hoc testimonium exponunt, & adversarios redarguunt, quod non bona fide illud oberudant.

XII. Opponunt 8. Tempore Alexandri VII. idest circa medietatem elapsi sæculi communior erat sententia attritionis servilis, ut ipse Pontifex in decreto suo testatur. Ergo hæc sententia præferenda.

XIII. Resp. Si consequentia hæc consisteret, innumeræ laxæ opiniones amplecten-

Atendæ forent, quæ olim apud Probabilistas Casuistas communiore erant. Iam supra palam feci, duas istas opiniones Probabilissimi, & formidolosæ attritionis, veluti confœderatas sorores duas, in eadem civitate Salmantina ortas, pari trepido passu primum prodiisse, post regiones plurimas & regna penetrasse, deinde decrevisse, & tandem fere ambas defecisse. Formidolosæ attritionis opinatio videbatur, inquit summus Pontifex, *communior*, penes quos? Penes Scholasticos, quemadmodum penes Scholasticos communiore, si multitudinem spectes, fuerunt opiniones plures postea damnatæ. Verum contraria doctrina semper communissima fuit, nedum *communior*, in Ecclesia: cum opinio formidolosæ attritionis nata sit Salmanticæ declinante sæculo XVI.

XIV. Tandem lubet adiciere quod animadvertunt viri præstantes. Martinus Navarrus in Manuali cap. xxvi. num. 289. hæc scribit. *Non videtur una opinio appellanda communis ad effectum præiudicandi alteri, eo solo quod plures eam sequantur, tamquam oves alia alias quæ præcedunt, sine iudicio sequentes, velut aves quæ unam volantem alia omnes sequuntur Communiorem enim ad hoc existimarem illam quam sex vel septem Auctores classici, rem ex professo tractantes, assererent, quam probatam a 30. sola fere auctoritate priorum ducis. Opinio enim communis, non ex numero opinantium, sed ex pondere auctoris fit.* In causa nostra ita evenisse experimento manifesto compertum est. Unus & alter quadraginta circiter annis post Concilium Tridentinum evulgare cœpit, opinionem servilis contritionis definitam esse in Concilio Tridentino. Ceteri plurimi clamare cœperunt: *Ita Concilium Tridentinum*. Lege centum Casuistas, qui tamquam dogma definitum in Concilio hanc opinionem divendunt. Versa hodie alea est. Post editam historiam Cardinalis Pallavicini, & post maturum examen decreti Tridentini, quod opponebatur, adeo comperta res evasit, Concilium nihil definiisse, immo nec favere præfatæ opinioni, quod vel ipsi adversariorum doctiores, ut *Honoratus Turnely quæst. v. art. 2.* nunc fateantur, Concilium abstinuisse ab hac opinione dirimenda. Tandem alteram causam doctissimus Morinus *Lib. VIII. cap. iv. num. 3.* assignat. *Homines enim ut plurimum in causa relaxationis disciplinæ & severitatis morum minuendæ ita comparati sunt, ut, quæ data porta, statim ruant.*

CAPUT VIII.

De necessitate amoris initialis, seu caritatis inchoatæ, quæ requiritur ad sacramentum pœnitentiæ rite suscipiendum cum sufficienti dolore.

L Abefactis præiudiciis, & reiecta opinione attritionis formidolosæ, illud nunc superest ut necessitatem amoris inchoatæ caritatis demonstremus. Quod ut feliciter præstem, illud est præmonendum, duos dumtaxat amores a Theologis distingui, unum amicitiae, alterum concupiscentiae. Recentiores vi argumentorum presci negare amplius amoris necessitatem non audent. Pugnant olim pro solo gehennæ timore; sicut etiam inferioris subfellii Casuistæ dolorem ex mero & solo pœnarum metu conceptum sufficere ad pœnitentiæ sacramentum defendunt.

II. Verum in præsentia acutis argumentorum stimulis agitati, ultra pergere, & aliquantulum proficere coacti sunt plurimi partium studio minus præventi. Admittunt tandem alii aperte, alii subobscuræ, & dubitanter aliquam Dei dilectionem, sed altetius virtutis a caritate. Vident ex una parte, adeo comperta esse Scripturarum, Patrum, & Conciliorum testimonia, quæ Dei dilectionem iubent, ut nullo modo ea eludere valeant, nisi consiteantur aliquam Dei dilectionem requiri ad veram peccatoris conversionem. Ex alio capite præiudicio detinentur illo quo existimant quamlibet caritatem etiam actuale, & inchoatam iustificationem inducere. Unde inferunt frustrari clavium potestatem, & sacramentum pœnitentiæ non esse amplius sacramentum mortuorum primam gratiam producens. Hoc præiudicium unica illis ratio est cur veræ caritatis cuiusque necessitatem insciantur. Idcirco operæ pretium duxi hoc præiudicium convellere, antequam causam ipsam ingrederer. Amor igitur quem ad veram peccatoris reconciliationem cum Deo necessarium demonstraturus sum, est amor veræ caritatis, non habitualis, non actualis perfectæ & vehementis, sed inchoatæ & remissæ, quæ non differt a caritate habituali & actuali perfecta nisi secundum statum, & gradum; ut conceptis verbis S. Thomas docet, & infra clarius & urgentius patefaciam.

§. I.

*Testimoniis Scripturæ divinæ probatur initialis amoris
necessitas in peccatoris conversione.*

I. **D**ivina testimonia alia evincunt divini amoris absolutam necessitatem; alia eundem amorem præcipiunt in reconciliatione peccatoris cum Deo; alia, ut opera nostra æterno præmio digna efficiantur. Hoc servato ordine, illa producam.

II. Deuteronom. vi. *Audi Israel : Dominus Deus noster Dominus unus est. Diliges Dominum Deum tuum ex toto corde tuo, & ex tota anima tua, & ex tota fortitudine tua ; eruntque verba hæc quæ ego præcipio tibi hodie, in corde tuo, & narrabis ea filiis tuis : & meditareris in eis sedens in domo tua, ambulans in itinere, dormiens, atque confurgens : & ligabis ea quasi signum in manu tua, eruntque & movebuntur inter oculos tuos ; scribesque ea in limine & ostiis domus tuæ .* Quid produnt hæc verba? Amorem moraliter, & quoad fert humana conditio, continuum, indeficientem, constantem, qui oblivionem non patitur, interruptionem positivam de-liberatam non sustinet, Idcirco vult inscribi in limine & ostiis domorum nostrarum. Quid? *Rigorismum* ne, *Tatiorismum* ne redolent hæc divina verba? Quis hodie tanta emphasi illa inculcare auderet, nisi a Deo prolata essent, absque censura? Sed progrediamur. Christus Dominus Matth. xxii. *Diliges Dominum Deum tuum ex toto corde tuo, & in tota anima tua, & in tota mente tua .* Hoc est maximum & primum mandatum.

III. In conversione peccatoris necessarium divinum amorem sequentia testimonia probant. Deuter. cap. iv. *Cum quaesieris . . . Dominum Deum tuum, invenies eum ; si tamen in toto corde quaesieris, & tota tribulatione animæ tuæ .* Item I Reg. vii. *Si in toto corde vestro revertimini ad Deum . . . servite ei soli, & eruet vos .* Iterum III. Reg. viii. *Si reversi fuerint ad te in universo corde suo, & tota anima sua . . . propitiaberis populo tuo ; qui peccavisti tibi .* Rursus II. Paralipom. xxx. *Dominus bonus propitiabitur cunctis qui in toto corde requirunt Dominum .* Tandem missis pluribus aliis Joel. ii. *Convertimini ad me in toto corde vestro . Scindite corda vestra, & non vestimenta vestra .*

IV. Reponent adversarii, hæc ad veterem legem attingere, quando institutum non erat sacramentum pœnitentiæ. Verum hoc nimium inane commentum contemni, non confutari debet. Quovis enim tempore contritionem necessariam fuisse, & esse, Concilium Tridentinum definit, eiusque Catechismus docet *Part. V. cap. v. num. 37. confessionem præcedere contritionem .* Et Christus Dominus Matth. x.

Qui

Qui amat patrem, aut matrem plusquam me, non est me dignus &c. S. Paulus I. Cor. xvi. *Si quis non amat Dominum Iesum Christum, sit anathema.* Luculentius S. Paulus II. Cor. vii. *pœnitentiæ sinceræ & veræ prærogativas explicat his verbis: Nunc gaudeo, non quia contristati estis, sed quia contristati estis ad pœnitentiam: contristati enim estis SECUNDUM DEUM, ut in nullo detrimentum patiamini in nobis: Quæ enim SECUNDUM DEUM tristitia est, pœnitentiam in salutem STABILEM operatur.* Qui solo timore gehennæ tristatur, noq secundum Deum, sed potius secundum seipsum tristatur.

§. II.

Necessitas amoris initialis evincitur ex Tridentino.

I. **S**upra probatum est, Concilium Tridentinum sess. xiv. cap. iv. nullo modo favere opinioni formidolosæ attritionis: quoniam decretum illud ad damnandos novatorum errores conditum fuit. In præsentia, eo decreto relicto, illa decreta expendenda sunt quæ absolute explicant dispositiones necessarias in peccatore iustificando.

II. Porro sess. vi. cap. vi. hæc habentur. *Disponuntur autem ad ipsam iustitiam; dum excitati divina gratia & adiuti, fidem ex auditu concipientes, libere moventur in Deum, credentes vera esse quæ divinitus revelata, & promissa sunt: atque illud in primis, a Deo iustificari impium per gratiam eius, & redemptionem, quæ est in Christo Iesu, & dum peccatores se esse intelligentes, a divinæ iustitiæ timore, quo utuntur, ad considerandam Dei misericordiam se convertendo, in spem eriguntur, fidentes Deum sibi propitium fore, ILLUMQUE TAMQUAM OMNIS IUSTITIÆ FONTEM DILIGERE INCIPIUNT, ac propterea moventur adversus peccata per odium aliquod ac detestationem, hoc est per eam pœnitentiam quam ANTE baptismum AGI OPORTET.*

III. Cardinalis Pallavicinus *Lib. VIII. Hist. Trident. cap. xiii. & xiv.* expendit laudatum decretum, & cap. xiii. ad illa verba, *Illumque tamquam omnis iustitiæ fontem diligere incipiunt*, narrat adiecta fuisse hæc verba, quia Archiepiscopus Turritanus, Claudius S. I. Lipomanus Veronensis Adjutor, & Pius Franciscanorum Præses admonere, ut aliquis *CARITATIS* alius insereretur. Et cap. xiv. narrat, quod cum aliqui animadvertissent sess. cap. vi. recenseret caritatem inter dispositiones quæ preparant animum ad iustitiam suscipiendam, & postea cap. vii. eandem statui veluti ipsius iustitiæ formam, responderunt, inquit, *decreti formatores in primo loco (nempe cap. vi.) sermonem esse de quodam ACTU CARITATIS; at in secundo (nempe cap. vii.) significari habitum.* Tanto itaque Historico teste, nomi-

ne dilectionis Concilium intellexit caritatem, & quidem initialem, qua iustificandi Deum diligere incipiunt.

IV. Subdit Purpuratus Historicus eodem *Lib. VIII. & cap. xiii.* Concilio visum fuisse cum fide, & spe iungere aliquem dilectionis actum : quia si poenitentia tota esset ex timore, sine amore iniustitia, & dolor esset propter timorem tantum, & non propter Dei offensam, infructuosa esset.

§. III.

Francolini, Honorati Turnely, & aliorum responsa resselluntur, atque auctoritate Catechismi Tridentini, & S. Thomæ veritas confirmatur.

I. **P**ura excogitarunt interpretamenta adversarii ad obscurandum rescriptum decretum. P. Francolinus plura exhibet responsa *Lib. I. cap. vi.* Primo refert responsa illorum (quos inter est P. Gonet *disp. vii. art. 2. §. 5. num. 64.*) qui aiunt, Tridentinum agere de dispositione, non ad baptismum, sed ad iustificationem extra baptismum. Quod responsum directe pugnat cum decreto, in quo dicitur, *Per eam poenitentiam quam ANTE baptismum agi oportet.* Refert aliam responsum, qua conceditur Tridentinum agere de dispositione præcedente baptismum; sed addunt, Concilium recensere omnes illos actus, non quia necessarii sint, sed quia regulariter loquendo semper habentur. Regulariter ergo semper habentur? At non sunt necessarii. Quis hoc revelavit? Concilium ergo non de dispositionibus necessariis, sed arbitrariis agit? Vin' lepidiora, ne dicam crassiora, commenta? Hac admissa cavillandi libertate, actum de omnibus decretis vel luculentissimis est. Etiam hoc responsum, non secus ac primum, seipso corrui. Tertia interpretatio, quæ videtur communior, est, nomine dilectionis Concilium non intelligere amorem caritatis, sed concupiscentiæ, vel gratuitum quemdam amorem, qui non sit super omnia.

II. Hæc tertia non est duabus præcedentibus felicior. Amor concupiscentiæ non consequitur, sed antecedit spem. Quia amamus aliquid nobis bonum, movemur ad illud sperandum. Et hæc est doctrina communis Theologorum, eamque doctiores ex adversariis probant. P. Suarez *III. Part. disp. iv. sec. 8.* ait : *Diligere Deum, ut omnis iustitiæ fontem, non est diligere amore concupiscentiæ, sed est diligere Deum ut auctorem gratiæ, & omnium supernaturalium bonorum, quomodo caritas diligit ipsum, etiamsi propter seipsum maxime diligit : & paullo infra : Nec vero dicit Concilium, hunc amorem pertinere ad spem, sed potius præsupponere spem, & post conceptam spem, per eum erigi hominem, & quasi sublevari ad diligendum Deum*

uti:

utique propter seipsum. Nam amor concupiscentiæ non sequitur proprie ex spe, sed ad illam potius supponitur. Idem docet Tannerus Tom. IV. disp. VI. quæst. 2. dub. 4. num. 74. ubi hæc habet. Certum est sermonem esse de amore CARITATIS, tum quia constat S. Thomam, cuius vestigia sequi voluit Concilium, de hoc amore locutum, ut superius dictum: tum quia amor concupiscentiæ erga Deum natura sua prior est spe, non posterior: qui proinde ex spe non oritur, sed spem antecedit. Eademque est COMMUNIS MENS & sententia Doctorum.

III. Omnes tum Philosophi, tum Theologi docent obiectum spei esse bonum arduum possibile haberi per auxilium Dei. Quamobrem spes non ad concupiscibilem, sed ad irascibilem appetitum attinet: irascibilis enim in ardua fertur.

IV. P. Francolinus loc. cit. num. 6. post tria relata responsa, hæc scribit. *Hæ tres sententia, & præsertim secunda, & tertia, sunt valde probabiles: quæ vero ex ipsis sit vera, incertum est. Illud est certum sine sufficienti fundamento asseri, requiri a Concilio . . . dilectionem potius caritatis quam concupiscentiæ.* Certum primum est, duas ut minus esse falsas. Nec enim plus una vera esse potest. Sed omnes tres falsas esse ex Concilii verbis compertum est. Spes quippe haberi nequit, nisi amor concupiscentiæ præcedat, ut omnes docent. Concilium post spem requirit dilectionem. Ergo dilectio ista ad spem informem revocari nequit: alioquin Concilium, quod omnia verba ad vivum resecavit, superflue addidisset, illumque tamquam iustitiæ fontem diligere incipiunt. Nisi communi sensui renuntietur, hæc verba post spei virtutem adiecta, ad spem revocari nequeunt.

V. Præfata tria responsa nec ipsi P. Francolino satisfaciunt: idcirco commentum excogitavit sane, ut mitissime dicam, inauditum & arbitrarium. Inquit num. 7. *Est certum quod ibi Patres non damnant doctrinam S. Thomæ . . . D. autem Thomæ, sequentibus Thomistis, pluries docuerat non prærequiri caritatem, seu contritionem ad baptismum ab adultis susceptum. Ergo &c.*

VI. Si levis aliqua controversia tractaretur, utcumque tolerari similia paradoxa possent; at cum de materia sacramentorum, de æterna Christianorum salute disputetur, necessitas subducendi imperitos a deceptionis periculo urget nos ut tam inane commentum explodamus. Non modo certum est Patres Tridentinos non damnasse S. Thomæ doctrinam; quæ certitudo Francolini testimonio non eget: sed certum est Summam S. Thomæ in illo Concilio post divinas Scripturas; præcedentia Concilia, & SS. PP. & summo in pretio habitam, & in gravioribus controversiis consultam, & (quod rem conficit) laudatum decretum formatum a Concilio fuisse ex doctrina S. Thomæ, ut testatur Dominicus Soto, qui Concilio interfuit in IV. dist. XIV. quæst. 11. art. 5. inquit: *Quare eadem Synodus illic cap. VI. ordinem hunc sex nostrarum actionum ex hoc loco S. Thomæ desumpsit, ubi contra Lutheranos, dicentes sola nos fide iustificari, decrevit potius PROXIMAM dispositionem*

nam esse motum CARITATIS, & pœnitentiæ. Legatur S. Thomas III. *Part. quæst.* lxxxv. *art.* 5. & cum iis quæ ibidem docet, Tridentinum decretum conferatur: & tunc constabit omnia ad unguem sibi respondere. Ibi autem Angelicus docet dilectionem esse *motum caritatis*, quo peccatum displicet secundum seipsum, & non iam propter supplicia. Hinc colligat Lector, quæ fides habenda P. Francolino in hac controversia sit. Decreta Tridentini formata esse ex doctrina S. Thomæ, non modo Dominicus Soto Doctor domesticus, sed Cl. Bossuetus, cuius verba infra dabo, patet. Quod Victoria, Dominicus Soto, & alii ex ambiguo textu S. Thomæ in Sententiariis, quem supra exposui, doceant ad baptismum non requiri contritionem putatam, bene vero ad pœnitentiam, perperam & per summam viam obtruditur a laudato Auctore. Nimium prolixus forem, si omnia eiusdem interpretamenta resellere vellem.

VII. Honoratus Turnely, præstantissimus alioquin Theologus, hanc controversiam versat eadem fere methodo ac illam de gratia. Ita utramque sententiam attritionis servilis, & initialis versat, ut conciliare illas simul vellet. Ita pugnat pro attritione fervili, ut simul illam perimat. Ut fucum faciat imperitis, pro thesi constituit *quæst.* v. *art.* 3. *concl.* 1. quod *attritio aliquem saltem inchoatum & initialem Dei amorem includere debeat.* Et ut id evincat, ea Scripturarum testimonia profert quæ Deum ex toto corde & ex tota anima diligendum demonstrant. Quæ loca aut præceptum caritatis evincunt; aut nulla sunt in Scriptura sancta testimonia quæ tale præceptum nobis declarent. Quæ ex Clero Gallicano, & ex Augustino allegat, penitus illius opinionem convellunt, ut infra ostendam. Recedere vult D. Turnely a ceteris attritionis formidolosæ patronis, quasi istorum aliqui negarent amorem spei, seu amorem quem spes præsupponit. Sed reipsa putamque illorum opinionem defendit, quam alioquin assuetam agnoscat; eamque alicuius amoris, quem modo spei, modo gratuitum, seu verius innominatum, vocat, fucio delinire curat.

VIII. Fatendum tamen, D. Honoratum Turnely, sicuti eruditione & doctrina ceteris communiter recentioribus attritionis servilis patronis prællat, ita præiudiciis minus obnoxium esse. Testatur ille *loc. cit. art.* 2. Concilium Tridentinum *sess.* xiv. nihil definitivisse in hac controversia, sive pro attritione servili, sive pro opposita. Quæ tanti Theologi confessio destruit certitudinem illam moralem, quam ex Tridentino hæcenus iactarant adversarii.

IX. Exscribendum tandem est responsum quo D. Turnely eludere conatur Tridentinum decretum a nobis adductum. Hæc itaque *loc. cit. art.* 3. *ad obiect. contr.* 2. *concl. pag.* mihi 158. scribit. *Fatemur Concilium præter fidem, & spem exigere dilectionem Dei; sed qualis illa sit, non aperte explicat. Quia generali potius voce dilectionis usi sunt Patres, non caritatis, non amoris super omnia, ne rem dirimerent*

controversam. Hanc equidem dilectionem DISTINGUUNT a spe. At quis certo asserere potest, an eam distinguant vel tamquam REM A RE, vel tantum ut effectum a causa, partem a toto, proprietatem a natura?

X. Si præstantissimus Doctor Sorbonicus ad tales angustias se redactum cognovit, ut recensitas, pace tanti viri dixerim, nugas, & verborum cavillationes excogitare coactus fuerit, quisque iudicet quam luculentum sit Tridentinum decretum. Fatetur D. Turnely, Concilium *dilectionem* a spe distinguere. Bene habet. Sed Theologi hætenus simul, & Philosophi duos tantum agnoverunt amores; *concupiscentiæ*, & *amicitiæ*, seu *benevolentia* & *caritatis*. Dilectio asserta a Tridentino est distincta a spei amore, qui est concupiscentiæ. Ergo est dilectio amicitiæ, seu caritatis. At quis certo asserere potest, inquit Cl. Turnelius, Concilium eam distinxisse *vel tamquam rem a re, vel tantum ut effectum a causa, partem a toto?* Illud certo scire possumus, hæc lepida commenta illorum Patrum mentem non occupasse. Distinguit Concilium Tridentinum, consistente Doctore Sorbonico, dilectionem Dei ab amore spei. Quid ultra quæris? Quod postea Concilium distinguat hanc dilectionem a spe vel tamquam rem a re, vel tamquam partem a toto? Illud speculationes quæ elapso sæculo fuissent deliciæ plurium Scholasticorum, verum hac ætate nostra eruditis Theologis fastidium ingerunt. Ineptirem ipse, si in eiusmodi chimæris convellendis diutius immorarer. Ipse P. Suarez, ut vidimus, fatetur Concilium loqui de amore caritatis: idque *loc. cit.* paulo post repetit, ubi interpretatur *can. 111. sess. vi.* inquiens: *Interrogo, an in hac definitione loquatur Concilium de dilectione caritatis? Existimo CERTE neminem negaturum.* Quare luculentum est, Doctorem eximium propugnare, Concilium loqui de dilectione non concupiscentiæ, sed caritatis. Nec est quod reponas, P. Suarez loqui de dilectione perfectæ caritatis: quoniam nomine perfectæ caritatis non aliud intelligit, nisi veram caritatem oppositam sive amoris concupiscentiæ, sive cuicumque dilectioni, quæ vera caritas non sit; minime vero intelligit caritatem incensam & perfectam quantum ad gradum, statum, & intensiorem. Responsum quas adversarii comminiscuntur, manifesta imbecillitas ostendit, Tridentinum decretum adeo evidenter favere nostræ sententiæ, ut nulla solida interpretatione exponi valeat.

XI. Roboratur amplius doctrina tradita aliis verbis, quæ *loc. cit.* addunt Tridentini Patres. Denique dum proponunt *suscipere baptismum, inchoare novam vitam, & servare divina mandata*. Deinde allegant in confirmationem testimonium *Matth. cap. ult.* ubi dicitur: *Erntes docete &c. decentes servare omnia quaecumque mandavi vobis*. Necessario itaque requiritur, inquit Concilium, non vacillans, & inconstans, ut Francolinus contendit, sed firmum ac constans propositum servandi omnia mandata, quæcumque Christus imposuit. Maximum au-

tem mandatorum Christi est præceptum caritatis, quo Deum ex toto corde diligimus. Ergo quicumque iustificari vult, firmiter intendat oportet observationem & executionem caritatis, qua Deus super omnia, & propter se amatur. Hæc autem sincera & constans deliberatio amandi Deum, intelligi sine amore Dei nequit; immo fructus est divini amoris. Ergo in hoc proposito firmo, & stabili servandi omnia mandata, & in primis caritatis, necessario aliquod amoris caritatis inchoatæ initium includitur.

XII. Pergunt ulterius Tridentini Patres *cap. vii. eiusdem sess. vi.* ubi hæc docent. *Hanc dispositionem, seu præparationem iustificatio ipsa consequitur, quæ non est sola peccatorum remissio, sed & sanctificatio, & renovatio interioris hominis per voluntariam susceptionem gratiæ, & donorum, unde homo ex iniusto fit iustus, & ex inimico amicus.* Genuina iustificationis imago hic describitur. Iustificatio non in sola peccatorum remissione sita est; sed insuper necessaria est *renovatio interioris hominis*, Quæ autem ratione hæc peragitur renovatio? *Per voluntariam susceptionem gratiæ*, Voluntas in hoc gravissimo iustificationis opere non mortua est, sed vivens, & libere suscipiens gratiam tum remittentem peccata, tum interiorem vitam renovantem. Hæc verba, *per voluntariam susceptionem gratiæ*, significant liberam, atque actualem consensionem voluntatis, ut Catholici omnes docent adversus novatores. Quid prædunt posteriora verba, *& donorum, unde homo ex iniusto fit iustus, ex inimico amicus*? Respondeant nunc omnes Attritionarii. Duo hostes transire ne ex inimicitia in sinceram & mutuam amicitiam valent, nisi ambo reciproco amicitiae amore sese prosequantur? Concilium Tridentinum definit, peccatorem fieri *ex iniusto iustum, ex inimico amicum*. Addit in hanc amicitiam libere hominem iustificandum consentire. Quid est amicitia Deum inter & nos? Caritas, respondent Theologi omnes. Consentit ergo voluntas libere in hanc mutuam Deum inter & nos caritatem. Quid est voluntaria & libera consensio in caritatem, nisi actus caritatis? Concipi ne hæc in mutuam caritatem libera consensio absque caritate potest? Ipsa ergo consensio in mutuam amicitiam est amicitia incipiens, est caritas inchoata. Adeo hæc luculenta sunt & obvia, ut solum illud chimericum præiudicium, a quibusdam Scholasticis inventum, quod quælibet caritas iustificet, in discrimen adducere illa valeat.

XIII. Cavillabuntur ne, hæc intelligenda esse de prioritare naturæ, non temporis, de consensione comitante, vel consequente iustificationem? Verum has distinctiunculas huic causæ aptatas ceu vanissimas labefaciunt ipsa Concilii verba, quæ expriment consensionem liberam in futuram iustificationem. Sed ad plenioram consutationem rescribo verba *cap. v. sess. eiusdem.* *Ipsius iustificationis exordium in adultis a Deo per Christum Iesum, præveniente gratia, sumendum esse, hoc est ab eius vocatione, quæ, nullis eorum existentibus meritis, vocatur, ut qui per*

per peccata a Deo averſi erant, per eius excitantem, & adjuvantem gratiam ad convertendum ſe ad ſuam ipſorum iuſtificationem, eidem gratiæ libere aſſentiendo & cooperando diſponantur; ita ut, tangente Deo cor hominis per Spiritus ſancti illuminationem, neque homo ipſe nihil omnino agat, inſpirationem illam recipiens, quippe qui illam abſcicere poſſet; neque tamen ſine gratia Dei movere ſe ad iuſtitiam coram illo libera ſua voluntate poſſit. Libere homo ſe movet, diſponit, & præparat ad ſuam futuram iuſtificationem, eidem libere aſſentitur, eam reſpuere valet, eidem cooperari debet. Deo itaque vocanti ad gratiam, ad iuſtitiam, ad amicitiam libero motu ſe præparat: Spiritui ſancto ad caritatem moventi, & excitanti voluntaria, liberrimæque electione conſentit. Huic ſancto Spiritui inſuſuro caritatem occurrit, cooperatur, atque præparatur, ut invitantem & offerentem acceptet & complectatur: quæ præſtari abſque aliqua incipiente & proficiente dilectione nullo modo poſſunt, ut omnibus compertum eſt.

XIV. Tandem Concilium can. xlii. ſeſſ. eiufdem hæc definit. *Si quis dixerit; ſine præveniente Spiritus ſancti inſpiratione, atque eius adiutorio hominem credere, ſperare, diligere, aut pœnitere poſſe, ſicut oportet, ut ei iuſtificationis gratia conferatur; anathema ſit.* Tota Concilii doctrina ſub unico proſpectu in hoc canone proponitur. Diſtincto ordine recensentur primum fides, poſt ſpes, tertio caritas, qua, ut dictum in decreto erat, *incipimus Deum diligere ut omnis iuſtitie fontem.* Ergo præter amorem ſpei, qui ſpem antecedit, requirit Concilium *incipientem caritatem*, qua Deum diligere incipimus *ut iuſtitie fontem.* Clariora hæc ſunt quàm eludi ulla probabilis cavillatione valeant. De his ſuſius infra, ubi imaginem iuſtificationis chriſtianæ depingam. Sapientiſſimus Boſſuetus de doctr. Concil. Trid. circa dilect. part. i. num. 14. teſtatur, *hanc doctrinam ex S. THOMÆ depromptam eſſe, immo ex eius verbis pene contextam.*

XV. Reponent ne iterum, hanc Tridentini doctrinam pro baptiſmo, non pro pœnitentiæ ſacramento ſuſcipiendo eſſe traditam? Quid? Minus ne ex parte pœnitentis requiritur diſpoſitionis in pœnitentiæ, quam in baptiſmi ſacramento rite ſuſcipiendo? Immo, quanto enormius eſt peccatum poſt baptiſmum commiſſum, tanto maior neceſſaria eſt in pœnitente diſpoſitio. Primus baptiſmus, inquit *Ven. Bellarminus*, eſt aquæ frigidæ; at ſecundus pœnitentiæ eſt laborioſus, & aquæ ferventis, atque excoquentis pellem. Cedo. Cur excludenda eſt a ſacramento pœnitentiæ caritas incipiens? Quia pœnitentia eſt ſacramentum mortuorum. Recte & bene. Numquid baptiſmus eſt ſacramentum vivorum? Quam iuſte clamat doctiſſimus Boſſuetus *loc. cit. pag. 32.* his verbis. *Quare hæc opinionum ludibria procul a ſchola gravitate, & auctoritate amandari deceret; ac revera certum eſt reſponſione nunc hæc, ne quid dicam gravius, haberi improbabilem, ac temerariam.*

XVI. Catechiſmus Tridentinus Part. II. cap. v. §. 9. eandem Tridentini, & S. Tho-

Thomæ doctrinam perspicue exponit. Docendum est etiam, quibus GRADIBUS ad hanc divinam virtutem liceat ascendere. Primum itaque Dei misericordia nos prævenit, cordaque nostra ad se convertit . . . Deinde hac lumine illustrati, per fidem ad Deum animo tendimus . . . Præterea motus timoris consequitur, & suppliciorum acerbitate proposita animus a peccatis revocatur . . . Huc deinde accedit spes impetrandæ a Deo misericordiæ, qua erecti, vitam, & mores emendare constitimus. Postremo CARITATE CORDA NOSTRA ACCENDUNTUR, ex qua liberalis ille timor probis & ingenuis filiis dignus oritur: atque ita unum illud veriti, ne qua in re Dei maiestatem ledamus, peccandi consuetudinem omnino deserimus. Hisce igitur quasi GRADIBUS ad hanc præstantissimam penitentia virtutem pervenitur. En quam perspicue doctrina Tridentini exponatur ab eiusdem Catechismo. Eamque prius tradiderat S. Thomas, ut fusius mox demonstrabo.

§. IV.

Necessitas amoris initialis, seu caritatis imperfectæ in conversione penitentis ex S. Augustino, aliisque Patribus ostenditur.

I. S. Sanctus Augustinus Lib. de fide, & bonis operibus perspicue docet necessitatem amoris in catechumeno baptizando. Siquidem cap. x. hæc scribit. Quid quod etiam duo illa præcepta, in quibus Dominus ait, totam legem, Prophetasque pendere, huic suæ opinioni suffragari arbitrantur? & sic ea commemorant, ut quoniam primum præceptum dictum est, Diliges Dominum Deum tuum ex toto corde tuo &c. secundum autem simile huic, diliges proximum tuum tamquam teipsum; primum pertinere dicant ad baptizandum, ubi dilectio Dei præcipitur; secundum autem ad baptizatos, ubi videntur esse mores conversationis humanæ: sic obliti quod scriptum est: Si fratrem, quem vides, non diligis; Deum, quem non vides, quomodo diligere poteris? Et illud in eadem epistola Ioannis: Si quis diligit mundum, non est caritas Patris in eo. Quo autem pertinent omnia flagitia morum malorum nisi ad mundi huius dilectionem? Ac per hoc illud primum præceptum, quod ad baptizandos pertinere arbitrantur, sine bonis moribus observari nullo pacto potest. Nolo pluribus innumerari. Tempore itaque S. Augustini extra controversiam positum erat urgeri catechumenos baptizandos ad Dei dilectionem præmittendam. Solum disputabatur, num ad ambo præcepta implenda obstringerentur: quod adfirmat, & evincit Augustinus. Quæ luculentiora sunt; si quæ cap. vi. docet, considerentur. Quid autem, inquit, aliud agit totum tempus quo catechumenorum locum tenent, nisi ut audiant quæ fides, & QUALIS

VITA debeat esse Christianis, ut cum seipsos probaverint, tunc de mensa Domini manducant, & de calice bibant? Id est, antequam sacris undis abluantur, ut evidens est ex iis quæ adicit S. Doctor, & fatentur eruditi omnes. Caritate igitur succensu accedere ad baptismum debebant catechumeni. Nemo per tot sæcula opposuit quod hodie continenter obruditur, baptismum nempe vivorum sacramentum evadere, si baptizandi caritate dispositi ad sacramentum accedant. Legantur ea quæ S. Doctor cap. ix. scribit de Eunuchio baptizato a Philippo, ubi fusius hanc doctrinam exponit.

II. Rursus *epist. cxlv. ad Anastasium*. Inaniter putat victorem se esse peccati qui pænæ timore non peccat: quia etsi non impletur foris negotium malæ cupiditatis, ipsa tamen mala cupiditas intus est hostis. . . Inimicus ergo iustitiæ est qui pænæ timore non peccat; amicus autem erit, si eius amore non peccet: tunc enim vere timebit peccare: nam qui gehennas metuit, non peccare metuit, sed ardere: ille autem peccare metuit qui peccatum ipsum, sicut gehennam, odit. Item *tract. v. in Ioannem*. Filii Dei discernuntur sola dilectione, & caritate a filiis diaboli. De novo in *expositione Epistolæ ad Galatas*: Non auferuntur peccata, nisi gratia fidei, quæ per dilectionem operatur. Sexcenta alia S. Doctoris testimonia rescribere possem, quæ prætereo.

III. S. Ioannes Chrysostomus *hom. iv. ad Cor.* inquit: Cum peccaveris, ingemisce; non quod pœnas daturus sis, nihil enim hoc est; sed quia Dominum tuum tam benignum, tam te amantem, tam denique tuæ salutis cupidum offenderis, ut Filium quoque suum tradiderit.

IV. S. Isidorus Hispalensis *Lib. II. Sent. cap. xxi.* Qui sola pœna supplicii in se vitia reprimat, quamvis non expleat opus peccati, vivit tamen in eo voluntas peccandi; doletque sibi esse illicitum quod lex prohibere dignoscitur. Ille ergo mercedem boni operis percipit qui amando iustitiam facit, non is qui tam solo metu pœnarum custodit.

V. S. Bernardus *tract. de diligendo Deo cap. xxi.* hæc habet. Est qui constituitur Domino, quoniam potens est; est & qui constituitur Domino, quoniam sibi bonus est; & item qui constituitur, quoniam simpliciter bonus est. Primus servus est, & timet sibi; secundus mercenarius est, & cupit sibi; tertius filius est, & desert Patri. Itaque & qui timet, & qui cupit, utrique pro se agunt: sola, quæ in filio est, caritas non querit quæ sua sunt. Quamobrem puto de illa dictum: Lex Domini immaculata convertens animas: quod sola videlicet sit quæ ab amore sui & mundi avertere possit animam, & in Deum dirigere: nec timor quippe, nec amor privatus convertiunt animam: mutant interdum vultum, vel actum, affectum numquam. Facit quidem nonnumquam & servus opus Dei; sed quia non sponte, in sua adhuc duritia permanere cognoscitur: facit & mercenarius; sed quia non gra-

tis,

is, propria trahi cupiditate convincitur . . . Sit itaque servo sua lex timor ipse ; quo constringitur ; sit mercenario sua cupiditas , qua & ipse ardeatur , quando ab ipsa tentatur , abstractus , & illeus : sed barum nulla aut sine macula est , aut animas convertere potest : caritas vero convertit animas , quas facit & voluntarias . Tertullianum , Basilium , Ambrosium , Nazianzenum , Hieronymum , Gregorium , & ceteros brevitatis studio omitto .

§. V.

Necessitas caritatis imperfectæ ad sacramentum pœnitentie rite suscipiendum ex S. Thoma .

I. **P**AUCA ex multis quæ Angelicus Doctor de pœnitentia disserit , promo . Et principio produco testimonium , quo eius universalis & perpetua doctrina magis confirmatur , nempe dolorem ex timore conceptum *simpliciter* non excludere voluntatem peccandi ; sed ad hunc effectum necessarium esse amorem iustitiæ . Hæc enim 1.2. *quest. cvii. art. 1. ad 2. docet . Lex vetus dicitur cohibere manum , non animum : quia qui TIMORE POENÆ ab aliquo peccato abstinere , NON SIMPLICITER eius voluntas a peccato recedit , SICUT recedit voluntas eius qui AMORE IUSTITIÆ abstinere a peccato : & propter hoc lex nova , quæ est lex amoris , dicitur animum cohibere . Lex nova lex est amoris seu caritatis , Qui timore pœnæ abstinere a peccato , utique aliquo modo voluntatem peccandi excludit , sed non simpliciter : & omnino hac unica voce elidit Angelicus omnia sophismata . Timor iste bonus est , supernaturalis est , præstat id quod potest ; sed eius vis excludere simpliciter , idest omnem voluntatem peccandi nequit . Hunc effectum solus producere amor iustitiæ valet .* Pergit Lib. IV. contra Gentes cap. lxxii. *Primum quod in pœnitentia requiritur , est ordinatio mentis , ut scilicet mens convertatur ad Deum , & avertatur a peccato , dolens de commisso , & proponens non committendum , quod est de ratione contritionis . Hec vero mentis reordinatio sine gratia esse non potest : nam mens nostra debite ad Deum converti non potest sine CARITATE .*

II. In disputatis de veritate *quest. vii. art. 11. ad 3. ait : Eiusdem autem rationis est quod voluntas feratur in appetitum contrarii , & in detestationem alterius . Nullus autem habens usum liberi arbitrii potest inchoare novam vitam , quæ est per gratiæ infusionem , nisi AMET , & appetat gratiæ bonum : & ideo oportet ut detestetur omne malum repugnans .*

III. Commentario in IV. Sent. dist. xx. *quest. 1. art. 1. questiunc. 1. ad 1. inquit : Antiochus veniam consecutus fuisse , si vere pœnituisset : sed non habuit veram*

pœ-

pœnitentiam, quia non ex AMORE iustitiæ de peccatis commissis dolebat, sed timore pœnæ quam expectabat, vel dolore pœnæ quam sustinebat. Et hoc etiam multis in fine pœnitentibus contingit; quia non est facile ut affectus quem homo toto tempore vitæ suæ inclinavit in aliquid, subito ad contrarium retrahatur.

IV. In III. Part. quæst. lxxxiv. art. 10. disputat, utrum sacramentum pœnitentiæ possit iterari; ubi confutat eorum illorum qui credebant caritatem semel habitam non posse amitti; quam hæresin renoverunt Calvinistæ. Hæc autem ibidem scribit. Cum enim ad VERAM pœnitentiam CARITAS requiratur, sine qua non delentur peccata &c. Ibi de sacramento pœnitentiæ S. Thomas loqui constat ex titulo articuli, & ex arg. 1. Videtur quod sacramentum pœnitentiæ non debeat iterari. Dicit enim Apostolus: Impossibile est eos qui semel &c. Ad sacramentum igitur rite suscipiendum caritas requiritur.

V. Luculentissima est doctrina quam tradit III. Part. quæst. lxxxv. art. 5. ubi inquit, utrum principium pœnitentiæ sit ex timore. Respondet vero his verbis. Primum principium est Dei operatio convertentis cor, secundum illud Tbren. ult. Converte nos Domine ad te, & convertemur: secundus actus est motus fidei: tertius est motus timoris servilis, quo quis timore suppliciorum a peccatis retrahitur; quartus actus est motus spei, quo quis sub spe veniæ consequendæ assumit propositum emendandi: quintus actus est MOTUS CARITATIS, quo alicui peccatum displicet SECUNDUM SE IPSUM, & non iam PROPTER SUPPLICA: sextus actus est motus timoris filialis, quo propter reverentiam Dei aliquis emendam Deo voluntarius offert. Sic igitur patet quod actus pœnitentiæ a timore servili procedit sicut a primo motu affectus ad hoc ordinato; a timore autem filiali sicut ab immediato & proximo principio. Hanc doctrinam repetit in Suppl. quæst. 111. art. 1. ad 4. Malitia autem in culpa mortali mensuratur ex eo in quem peccatur, in quantum est ei indigna; & ex eo qui peccat, in quantum est ei nociva. Et quia homo debet magis Deum quam seipsum diligere; ideo plus debet odire culpam, in quantum est offensa Dei, quam in quantum est nociva sibi. Qui Deum diligit amore caritatis, detestatur peccatum ut est offensa Dei; quemadmodum fatentur omnes. Ex amore autem concupiscentiæ oritur odium in peccatum, ut est nocivum sibi.

VI. Hæc est splendidissima christianæ pœnitentiæ pictura, quam distinctis, & vividis coloribus delineavit S. Thomas: ad cuius exemplar Concilium Tridentinum sess. vi. formavit vi. decretum, teste Dominico SOTO, cuius testimonio respondet facti veritas, cum doctrina sit prorsus eadem, eamque exposuit eiusdem Concilii Catechismus. Verum præter P. Soto attestationem lubet in medium adducere testimonium nulli exceptioni obnoxium sapientissimi BOSSUETI, qui de doct. Concil. Trident. circa dilect. pag. 90. hæc scribit. Non ergo immerito diximus

mus tantam esse sacrosanctæ Synodi Tridentinæ cum Sancto THOMÆ doctrinæ confessionem, ut ex hac illa quodammodo contexta esse videatur. Nec est quod vitiligatores aures obtundant, hic sermonem esse de pœnitentia extra sacramentum. Nam iam supra ostendimus, Concilium loqui de pœnitentia quæ præcedere sacramentum debet. Sed pudere Casuistas deberet talia obtrudere. Numquid sacramentum institutum est a Christo Domino, ut sinceram & nativam pœnitentiæ ideam, & ordinem conversionis creaturæ ad Creatorem turbet & pervertat? Sacramentum confessionis, inquit Catechismus Tridentinus, *perficit contritionem, & pœnitentiam.*

VII. Evidentius hanc suam doctrinam confirmat Angelicus art. 6. proxime sequenti, in quo eam pœnitentiā quam art. 5. a nobis hic rescriptam explicuerat, iterum confirmat, ut patet in argumento prolusorio, *Sed contra*, ubi hæc habet. *Sed contra est quod pœnitentia procedit ex fide, spe, & caritate, ut iam dictum est.* Et in margine notatur art. 5. Porro art. 6. hæc scribit. *Dicendum est; quod actus quidam laudabiles etiam tempore præcedere possunt actum, & habitum pœnitentiæ; sicut actus fidei, & spei informium, & actus timoris, servilis. Actus autem & habitus caritatis simul sunt tempore cum actu & habitu pœnitentiæ, & cum habitibus aliarum virtutum. Nam, sicut in secunda parte (quæst. cxiii.) habitum est, in iustificatione impii simul est motus liberi arbitrii in Deum, qui est actus fidei per caritatem formatus, & motus liberi arbitrii in peccatum, qui est actus pœnitentiæ. Horum tamen duorum actuum primus naturaliter præcedit secundum. Nam actus virtutis pœnitentiæ est contra peccatum EX AMORE DEI. Hic autem actus ordine temporis præcedit infusionem gratiæ sanctificantis, seu habituales, ut manifestum faciunt quæ sequuntur. Sic igitur pœnitentia (quantum ad habitum) non est simpliciter prima virtutum nec ordine temporis, nec ordine naturæ: quia secundum ordinem naturæ simpliciter præcedunt ipsam virtutes theologice: sed quantum ad aliquid est PRIMA inter ceteras virtutes ORDINE TEMPORIS. QUANTUM AD EIUS ACTUM, qui primus occurrit in iustificatione impii, seu ordine naturæ videntur esse aliæ virtutes priores.*

VIII. Fertipicua hæc sunt & manifesta. Actus virtutis pœnitentiæ, quæ contra peccatum ex AMORE DEI proficitur, præcedunt ordine temporis ceteras virtutes, atque adeo gratiam habituales cum virtutibus connexam. Cum hac quippe gratia virtutes infunduntur. Distinguendi itaque semper sunt actus qui disponunt ad virtutes & habitus, ab iisdem virtutibus, & habitibus. Nec est quod Sophistæ opponant ea quæ in rescripta doctrina Angelicus habet: *Actus autem & habitus caritatis simul sunt tempore cum actu & habitu pœnitentiæ, & aliarum virtutum.* Quandoquidem hæc referuntur ad momentum temporis in quo fit iustificatio, ut ex ipso textu patet, & ex 1.2. quæst. cxiii. art. 8. quem locum

cum ibi citat Angelicus. Porro ibi art. 8. inquit: *Prædicta quatuor, quæ requiruntur ad iustificationem impii* (nempe gratiæ infusio, actus fidei, motus liberi arbitrii in peccatum, & culpæ remissio) *tempore quidem sunt simul, quia iustificatio impii NON EST SUCCESSIVA*. Distinguenda igitur est iustificatio ipsa, in qua gratia habitualis infunditur, ab actibus quibus se impius disponit, & præparat ad eandem iustificationem. Quam doctrinam vel ipsi adversarii admittunt, cum & ipsi doceant attritionem servilem tempore præcedere iustificationem, quatenus impium disponit; & postea sacramento & gratiæ habituali coexistit pro illo temporis momento quo fit iustificatio.

IX. Totam doctrinam luculentius declarat Angelicus eadem 1. 2. *quæst. cxiii. art. 10.* ut alias vidimus, ubi hæc docet. *Est iste COMMUNIS ET CONSUETUS cursus iustificationis, ut, Deo movente interius animam, homo convertatur in Deum, primo quidem conversione imperfecta, ut postmodum ad perfectam deveniat. Quia CARITAS INCHOATA MERETUR AUGERI, UT AUCTA MEREATUR PERFICI, sicut Augustinus dicit. QUANDOQUE vero tam vehementer Deus animam movet, ut STATIM quamdam perfectionem iustitiæ assequatur, sicut fuit in conversione Pauli &c.*

X. Hanc ipsam doctrinam præmiserat ibidem art. 3. ad 1. inquiens: *Ergo dicendum, quod ad eandem virtutem pertinet prosequi unum oppositorum, & refugere aliud: & ideo sicut ad caritatem pertinet diligere Deum, ITA ETIAM DETESTARI PECCATA, per quæ anima separatur a Deo.*

XI. Rursus ibidem art. 7. ad 2. subdit: *Liberum arbitrium potest simul in duo moveri, secundum quod unum ordinatur ad aliud. Motus autem liberi arbitrii in peccatum ordinatur ad MOTUM LIBERI ARBITRII IN DEUM. Propter hoc enim homo detestatur peccatum, QUIA EST CONTRA DEUM, cui vult adherere, per dilectionem scilicet: ideo liberum arbitrium in iustificatione impii SIMUL DETESTATUR PECCATUM, ET CONVERTIT SE IN DEUM: SICUT ETIAM CORPUS SIMUL RECEDENDO AB UNO LOCO ACCEDIT AD ALIUM.*

XII. Hæc angelica doctrina luculentissimam reddit sententiam nostram penitus, penitusque oppositam opinionem labefactat. Cedo. Nonne adversarii postulant pro sufficienti dispositione ad sacramentum ut pœnitens excludat *omnem voluntatem peccandi*? Hoc de fide est definitum in Scripturis, & Tridentino. Recedit igitur peccator iustificandus a termino a quo, & simul, inquit S. Thomas, accedit ad terminum ad quem. Quisnam iste terminus ad quem? Bonum proprium? Propria beatitudo? Nugæ & cavillationes. Terminus iste Deus est; tamquam ultimus finis, inquit cum Scriptura sancta Angelicus, qui duos solos amores distinguit, concupiscentiæ, & amicitiae. Amor spei seu concupiscentiæ non respicit Deum tamquam ultimum finem propter se. *Ad eandem autem virtutem pertinet, inquit* S. Do-

S. Doctor, *prosequi unum oppositum, & refugere aliud*. Et ideo sicut ad caritatem pertinet diligere Deum; ita etiam detestari peccata, per quæ anima separatur a Deo. Verum de hoc plura infra, ubi propriis adversariorum principiis illorum sententiam profigabo.

XIII. Aut Concilio Tridentino, SS. Thomæ, & Augustino, & Catechismo Concilii Tridentini nuntium remittant; aut huic doctrinæ fascies tandem submittant, victisq; manus dent necessum est adversarii. Duplicem hic Angelicus cum Augustino distinguit conversionem: alteram *communem & consuetam*; alteram *peraram & perdifficilem*. Illa ab imperfecta ad perfectam caritatem gradum facit; hæc instantanea veluti est, cum scilicet *tam vehementer Deus animam movet*, ut *statim quamdam perfectionem iustitiæ assequatur*. Totidem fere verbis hanc doctrinam tradit Catechismus Tridentinus *Part. II. cap. v. §. 36.* ubi hæc habentur. *Ut enim concedamus contritione perfecta peccata deleri, quis ignorat illam adeo vehementem, acrem, & incensam esse oportere &c? At quoniam PAUCI admodum ad hunc GRADUM pervenirent, fiebat etiam ut a PAUCISSIMIS hac via peccatorum venia speranda esset. Quare necesse fuit ut clementissimus Dominus institueret confessionis sacramentum, quod perficeret contritionem, caritatemque imperfectam & remissam, atque adeo iustificante minorem; ut concludit idem Catechismus §. 37.*

XIV. Cum hæc tam splendida, tam luculenta & peremptoria sint; vix ferri patienter adversariorum vana & intempestiva sophismata possunt; præsertim dum obtrudunt S. Thomæ textulum aliquem truncatum, & in falsissimum sensum detortum: puta, cum obiciunt, quod *minima caritas delet peccatum*, ubi, ut alias ostensum est, & infra evidentius explicabitur, Angelicus loquitur de *caritate habituali*. Consule quæ diximus supra *cap. v. §. 2. & 3.* & tum colliges, partium studium eo abripere homines, ut ipsum Solem meridianum non videant.

§. VI.

Rationibus theologicis, ex divinis Scripturis, Patribus, & præcipue ex S. Thoma haustis, evincitur necessitas amoris Dei initialis super omnia dilecti ad sacramentum pœnitentiæ rite suscipiendum.

I. **E**T ut initium capiamus a rationibus ex Scripturis sanctis derivatis, primum maximumque mandatum dilectionem Dei super omnia imponit. Hoc præceptum, si verba divina spectentur, moralem continuationem, quoad fert humana imbecillitas, iubet. At ne nos Rigorismi arguant adversarii, sæpius in vitæ cursu, ne dicam in annos singulos, obligat. Porro nullum tempus, nulla circum-

cumstantia assignari umquam potest in qua præceptum illud magis urgeat, quam ubi, & quando agitur de recuperanda per pœnitentiam gratia, & amicitia Dei. Quandoquidem ideo peccator Dei inimicitiam in se concitavit, quia peccavit: & ideo peccavit, quia Deum non amavit. Ergo tum potissimum amore prosequi Deum urgetur, cum dolet de perpetrato peccato, seu dolet ob amicitiam Dei amissam, eamque reintegrare toto virium conatu studet. Qui hæc insciantur, non Scripturis sanctis modo, verum etiam ipsi communi sensui repugnant.

II. Quoniam vero plures recentiores Probabilistæ, ut vidimus *Tom. I. in Decal.* hoc primum maximumque mandatum ab imis suffodiunt, operæ pretium est distinctius eiusdem necessariam observationem demonstrare, præsertim dum pœnitens hoc sacramentum suscepturus accedit. Propositum omnia mandata servandi requirunt Scripturæ, & Tridentinum. Porro præceptum primum, maximumque caritatis, omnium mandatorum summam complectitur. Ergo istius summi præcepti observantia potissimum necessaria est, cum suscipitur sacramentum. Sufficit; inquiunt adversarii, *confuse, & implicite* velle servare mandata omnia. Numquid necessaria est expressa & distincta de singulis præceptis cogitatio, cum sacramentum suscipitur? Sane, spectata humanæ naturæ infirmitate, sæpe nec possibile est, nec necessarium de singulis cogitare mandatis. At ecce, exclamant Patres omnes, præsertim Chrysostomus, cuius testimonia *Tom. II. Appar.* refero, infinitam clementiam Dei, qui omnium præceptorum summam in hoc primo mandato complexus est. Quamvis ergo semper nec possimus, nec debeamus cogitare de singulis; numquid nec de hoc supremo mandato expresse cogitandum est vel illo ipso tempore quo iustificandi ad Deum accedimus? An non fatentur vel ipsi adversarii, cogitanda saltem esse illa præcepta adversus quæ peccatum est? At nemo peccat, nisi quia non dilexit. Nec sufficit aut semel in vita, aut singulis quinquenniis tantum diligere; sed frequentissimus eius usus sit oportet, ut ex Scriptura sancta ostensum est. Quare ex istius mandati neglectu principium peccandi S. Augustinus in *Epist. I. Ioan.* repetit. *Per hanc dilectionem peccata solvantur. Hæc si non teneatur, & grave peccatum est, & radix omnium peccatorum.* Ergo, ut fiat compensatio, & resarciatur læsum ius, necesse est ut propositum affectivæ exercendæ dilectionis excitetur. Sed, ut pressius urgeam adversarios, cedo: dum iustus in peccatum labitur, eximitur ne ab obligatione Deum diligendi? Ais. Quo iure? Quo titulo? Numquid quia peccavit? Numquid quia Christianus non est? Quia creatura Dei esse desit? Absit. Dilectionis ergo mandato supremo obnoxius est. Cum autem primum hoc mandatum semper urgeat, licet non pro semper; cur tempus illud excipis quo ad pœnitentiæ sacramentum accedit? Quid repouis? Non potest, cum sit peccatis irretitus? At clamat Concilium Tridentinum cum universa Patrum traditione: *Deus iubendo monet, & facere quod possis, & petere quod*

quod non possis, & adiuvat ut possis : sess. vi. cap. xi. Non potest? Numquid metum gehennæ seipso excitare potest? Numquid ad hunc metum provehendus non est speciali Spiritus sancti impulsu & motu? Numquid ille divinus Spiritus qui ad timorem movet, ad amorem non accendit? Numquid intus corda non ciet? An si resistat Spiritui sancto ad timorem excitanti, non peccat? Et non peccabit, si resistat Spiritui sancto ad amorem cienti? Numquid repones, ideo te non obligare pœnitentem ad amorem, ne citius quam oporteat, & ante actu susceptum sacramentum iustificetur? Sed hoc responsum nimis absurdum est, infra profligandum. Exulenter ergo vana commenta, & pœnitens aut amet, aut amorem petat; & petendo amare incipiat, ut Concilium definivit. Diligere incipit qui desiderat, qui nititur ut dilectionem habeat. Hæc incipiens dilectio præparat, disponit tantum ad iustificationem.

III. Sed, missa subtili disputandi ratione, veritatem exemplo & rationi, & sensui quam maxime consentaneo illustremus. Audi filium prodigum patrem alloquentem. Doleo pater, & quam valeo, vehementer doleo, quod peccaverim. Ante actæ flagitiosæ & sceleratæ vitæ veniam enixe rogo, efflagitoque. Ingentis hereditatis tuæ adeundæ amore deflagro, firmamque concipio spem eandem assequendi. Sed quia toties peccavi contra mandata tua, vehementer timeo ne illam sim amissurus: & ob hunc timorem subeundi tam grave damnum vehementer me pœnitet peccasse. Scias tamen velim, mi pater, quod intus in corde meo latitat, non amor erga te, erga bonitatem tuam, cuius nec levem, inchoatamque scintillam experior; sed solus timor damni sustinendi, sola spes opulenti patrimonii obtinendi unica mihi est ad te redeundi causa. Non te amo amantem; sed te timeo pœnas & supplicia minitantem. Non amo bonitatem tuam erga me profusissimam; sed reformido exheredationem meam mihi perniciosissimam. Hanc hereditatem concupisco: & ex hoc concupiscentiæ amore erga divitias tuas, spes in me confurgit easdem assequendi. Ama ergo pater filium te non amantem, sed pertimescentem. Ah fili nequam, & indignissime! Siccine patrem alloqueris? Apage in malam crucem. Ah clementissime pater! Tempera, quæso, parumper indignationem tuam. Si meus te sermo concitavit, causam cur ita locutus fuerim, audire, supplex deprecor, efflagitoque, ne dedigneris. Theologi illi, magistri illi quos tumet, o pater, pro conscientia meæ regimine mihi assignasti, hanc me docuere doctrinam. Isti præfatum sermonem altius animo meo imprimere conati sunt. Isti, isti, inquam, mihi suaserunt, haudquaquam necesse esse ut in hac mea pœnitentia, & reconciliatione te vel inchoatæ caritatis, & initialis amicitia dilectione prosequar; sed sufficere ut ob cladium, pœnarumque metum de peccatis meis doleam, amoreque concupiscentiæ erga infinitam hereditatem tuam mihi obveniendam ardeam. Hanc

servilem doctrinam, o pater, egomet, vel ipso lumine quo me tu magna clementia perfudisti, ut falsam communique sensui adversantem reputabam. Quid? ipse dicebam. Inimicus, offensorque evasi amantissimi patris mei: & novum amicitiae foedus cum eodem instaurabo, quin illum sincera caritate, suavique benevolentia redamem? Quid? Ille me caritate impense diligit: & ego ipsum, ob hereditatem possidendam, dumtaxat concupiscam? Dum talia effari audierunt Theologi tui, continuo vociferantes, me tetrici rigoris, stultitiaeque infirmularunt, & velut haereticæ sententiæ fautorem redarguerunt: quarum vocum strepitu perterritus, illorum tandem placitis auscultavi. Adiecerunt illi solummodo, ne illos gravare, ut mihi caveam, videar, postquam in ius hereditatis capiendæ restitutus, & plene, media absolutione, tecum reconciliatus fuero, me postea mortis tempore, singulisque quinquenniis, biennisiſve semel saltem te caritatis amore prosequi debere. Illos ergo, pater optime, redargue, increpa, in illos, non in me, animadvertito. Hæc est autem viva imago peccatoris qui solo gehennæ timore, & spe beatitudinis æternæ obtinendæ, & dolore amittendæ concussus ad Deum redit, ut cum eodem reconcilietur, omni amore vel initiali erga illius bonitatem sublato. *Ex inimico amicus fieri vult: & amare amicum Patrem non studet, non curat, non nititur?*

IV. Utiſque filius prodigus famis angustia, & siliquarum nausea excitatus ad patrem redire statuit. A tam remota causa illius conversionis principium manavit; at statim ultra progressus exclamavit: *Pater, peccavi in cælum, & coram te: iam non sum dignus vocari filius tuus.* Quin suæ conversionis initio sic se allocuturum Patrem decrevit. *Dicam ei: Pater &c. Peccavi in cælum, idest in Deum; similiter coram te, idest contra te.* Porro Deus per Prophetam Malach. 1. inquit: *Si ergo pater vester sum, ubi est amor meus?* Amore igitur erga Deum, patremque suum succensus prodigus doluit de offensa eidem irrogata, stolamque primam obtinuit a clementissimo patre.

V. *Secunda ratio ex Scripturis repetita eiusmodi est.* Ad veram poenitentiam necesse est ut peccator toto corde ad Deum convertatur. *Si peccaverint tibi, inquit Salomon, & reversi fuerint in toto corde suo, & in tota anima sua . . . propitiaberis &c.* Quomodo autem revertitur toto corde qui Deum non amat, si pes cordis amor est? Qui fieri potest ut toto corde ad Deum revertatur qui non modo Deum non amat, sed nec incipit illius bonitatem diligere; qui nec amore initiali, & inchoato in illum fertur?

VI. *Tertia ratio potissima ex S. Thoma proponitur III. Part. quæst. lxxxvi. art. 2. ubi sic dissertat. Offensa peccati mortalis procedit ex hoc quod voluntas hominis est aversa a Deo per conversionem ad aliquod bonum commutabile. Unde requiritur ad remissionem divinæ offensæ quod voluntas hominis sic immutetur, ut convertatur ad Deum cum detestatione conversionis prædictæ, & proposito emendæ: quod pertinet ad rationem*

nem pœnitentiæ, secundum quod est virtus. Et ideo impossibile est quod peccatum aliqui remittatur sine pœnitentia, secundum quod est virtus. SACRAMENTUM autem pœnitentiæ, sicut supra dictum est (quæst. lxxxiv. art. 3.) PERFICITUR per officium Sacerdotis ligantis, & solventis.

VII. Vita corcis amor, ut commune fert axioma. Amore peccator ad bonum commutabile, seu ad creaturam convertitur, & a Deo recedit. Hæc aversio a Deo, & conversio ad creaturam per solam aversionem a creatura, & conversionem ad Deum auferri potest. Siquidem amor erga creaturam auferri nequit, nisi per oppositum amorem erga Creatorem. Quoniam si amoris gradibus cor humanum volvitur, & inflectitur; si per amorem erga bona creata a Deo recedit: ergo per amorem directe oppositum regredi ad Deum debet. Amori autem erga bona creata solus amor erga Deum opponitur. Si quodlibet contrarium contrario tollitur, necessario sequitur vitiosum amorem versus bona creata auferri per solum amorem erga bonum increatum, nempe Deum, posse. Hæc est ineluctabilis ratio S. Thomæ, qui *loc. cit. art. 3.* confirmat hanc suam doctrinam, inquiring, necesse esse ut peccatum displiceat, *quia est contra Deum SUPER OMNIA DILECTUM, quod requiritur ad rationem VERÆ pœnitentiæ*: quæ verba refugium ad amorem spei, ad quem se recipere adversarii solent, omnino præcludunt.

VIII. *Quarta ratio.* Adultus, cum primum moraliter rationis usum assequitur, Deum amore prosequi, omnia sua in ipsum dirigere, eique ut ultimo fini se subicere, & ab eodem vitæ suæ rationalis primordia capere astringitur; ut omnes fatentur Thomistæ, & doctiores Theologi. Quanto igitur fortiori vinculo peccator, dum post patrata flagitia novam instituere vitam deliberat, amore in Deum se convertere tenetur? Quid? Puer baptizatus adultus, nullo inquinatus peccato, in Deum se amore referre tenetur; & peccator, qui propria voluntate rationem ultimi finis a Deo abstulit, eumque odio infectatus peccando est, & creaturis, suisque appetitionibus postposuit, se in illius restituere amicitiam potest, quin illum amare incipiat? Puer adultus, non quia peccavit, sed ne peccet, amare Deum obstringitur: & homo impius scelestusque, ut flagitiorum vulnera sanet, ut quod Deo per amorem perversum surripuit, restituat, liber ab omni dilectione Dei erit? Qui extra Thomistarum castra militat, se expedire ab hac argumentatione valent, suppositionem negantes. At nulla Theologo Thomistæ heinc evadendi latebra patet, nec rima ulla.

. IX. *Quinta ratio.* Christianus qui a statu gratiæ in peccatum mortale prolabitur, divini amicitiae iura violat, primumque caritatis mandatum infringit. Et si diu in peccato persistat, depravatisque scelerum habitibus irretiatur, sæpius hoc caritatis mandatum conculcat contemnitque. Hoc quippe præceptum, ut alias demonstratum est, peculiare amoris actus imperat. Quo posito, sic argumentor.

Qui

Qui odio ardet adversus proximum, absolutionis capax non est, nisi, odio posito, erga proximum amorem concipiat. Qui ebrietati, luxuriæ, iniustitiæ obnoxii sunt, ad absolutionem recipiendam dispositi non reputantur, nisi per contrarios actus erga temperantiam, iustitiam, & castitatem serantur. Et absolutioni suscipiendæ idonei iudicantur qui caritatis amore Deum offensam placare toto corde non student? Clarius expono rationis huiusce vim. Accedit ad Confessarium Petrus, qui plurium annorum spatio Paulum repetitis iniuriis, contumeliis, damnisque exagitavit. Formali, & expresso odio illum non est infectatus; sed ea omnia peregit quæ magnopere displicere Paulo certo sciebat, prævidebatque illum summopere offendendum, tristitia & mærore consiciendum. Quid tum Confessarius? Clamabit continuo: *Vade prius reconciliari fratri tuo*. Severe inquireret, num sincero amore illum prosequatur, eiusque amicitiam redintegrare studuerit, antequam eum absolvat. Accedit Sempronius, qui reciprocam cum Deo amicitiam scelerate infringit. Longo intervallo ea scelera patravit quæ Deo summopere displicere certissime sciebat. Sæpe insonare a Concionatoribus audivit, Christianos mortaliter peccantes rursus crucifigere Filium Dei. In hac Dei inimicitia diu persistit; sed timore inferni, & dolore amissæ æternæ beatitudinis dolet se peccasse. Quid tum Confessarius? Non inquireret, num Deum offensum amet? num inveteratam cum Deo inimicitiam amore depellere, & fracta amicitiae iura reparare dilectione sincera saltem initiali & imperfecta, quoad potest, studeat? Omnia hæc dissimulabit, & alto premet silentio Confessarius? Quid? Petrus amare Paulum offensum tenetur, ut cum illo reconciliationem, novumque amicitiae fœdus ineat: & Sempronius læsæ infinitæ maiestatis reus, qui Filio Dei mortem rursus intentare, eumque rursus toties affectu iniquo crucifigere, quoties mortaliter peccavit, ausus est, reconciliationem cum eodem denuo inibit, quin ipsum sincere amare incipiat, quin alto dolore pœniteat ob offensam infinitæ illius bonitati irrogatam? Sempronius ex inimico fieri amicus Dei poterit sine amicitiae amore? Solo amore concupiscentiæ, solo timore gehennæ divinum illud amicitiae & benevolentiae fœdus redintegrabit? Vulgare illud axioma, *Si vis amari, ama*, respectu divinæ amicitiae locum non habebit? Deus testatur: *Diligentes me diligite*. Cor est quod a nobis Deus postulat. *Fili præbe mihi cor tuum*. Quomodo autem offerri Deo cor istud valet, nisi amicitiae, & benevolentiae amore? Usquedum cor istud concupiscit, aut pavet, non tam Deum quam se amat: sibi cavere, non Deo placere studet. Si populi silvestres, & barbari a sophistarum præiudiciis vacui audirent, Theologos reperiri qui propugnant renovari inter Deum offensum, & hominem offensorem amicitiam posse, quin homo pro viribus prosequi amore Deum obstringatur: an non commoverentur? an immane paradoxon istud non reputarent bono communique sensui repugnans? Verum habet, inquires, dum hæc amicitia iniri extra sa-

cramentum debet, secus cum sacramento : quoniam Christus Iesus sacramentum pœnitentiæ instituendo abolevit mandatum primum caritatis, ne iugum aggravaret. Tam absurdum commentum supra reieci, & penitus labefactavi.

X. Confirmo argumentationem factam; sed veniam prius peto aliqua repetendi quæ iam dicta sunt. In gravissima controversia vix & repetitiones, & prolixitates vitari queunt. Qui voluntatem deliberatam & constantem non habent omnia mandata servandi, & præcipue primum, dispositi satis non sunt ad sacramenti effectum. Sed nemo mandata servare sine caritate initiali valet. Ergo hac destitutus indispotus ad sacramentum est. Prima propositio certa est. Absolveres ne pœnitentem qui fuit impudicus, ebrius, iniustus, insensus proximo, qui aperte fateatur se non amare sobrietatem, castitatem, iustitiam, caritatem erga proximum: qui esset grave esse iugum harum virtutum amorem; tamen si sponderet se præfata crimina non patraturum ob timorem gehennæ? Dicit ne bona voluntas potest quæ disposita non est ad amanda iusta, honesta, & quæ sunt Deo, & proximo grata? Qui solo timore pœnarum, & remunerationis spe se cohibet a vitiis, his virtutibus contrariis, amat ne virtutes ipsas? Si ais, licet falso, habeo intentum. Si negas, consequenter fateris hunc bonam non habere voluntatem. Laudabilis est eiusmodi timor, honesta & bona talis spes; & ambo disponunt ad maiora. Sed agere ultra propriam virtutem nequeunt. Succedat ergo amor necesse est, ut virtutes ipsas amet, & voluntatis propensione erga vitia pulsa, illam ad iustificationem disponat. Quapropter Tridentini Patres præter timorem, & spem amoris concupiscentiæ nixam, adiecerunt : *Incipiunt Deum diligere tamquam OMNIS iustitiæ fontem*. Deum utique diligendum Patres iubent, ut misericordem, ad parcendum pronum, ad curanda animæ vulnera potentem, ad remunerandum liberalem, & æternæ felicitatis dispensatorem : sub his enim respectibus quilibet Christianorum nequissimus fide catholica illustratus diligit amore concupiscentiæ æternam beatitudinem in Dei possessione sitam. Quis eorum qui credunt, non exoptat Deum possidere post mortem? Sed spes hæc informis est, quæ, licet bona sit, & supernaturalis, revocare peccatorem ab affectu suarum voluptatum, illumque in Deum convertere nequit. Verum solus amor erga Deum, *omnis iustitiæ fontem*, peccatorem avellit ab affectu carnali, & convertit in Deum. Cur, quæso, iubent Patres diligendum esse Deum tamquam *OMNIS iustitiæ fontem*, nisi ut dilectio Dei amorem ad omnes virtutes, ad omnem iustitiam, honestatem, sapientiam, & veritatem in pœnitente accendat? Voluntas quippe est quæ amat iustitiam, castitatem, & proximum, & Deum. Si has virtutes fastidit, non bona & disposita ad sacramentum, sed perversa remanet. Neque dicas, vi sacramenti infundendas esse eiusmodi virtutes. Quoniam, ut infundantur, præcedere dispositiones debent in eodem genere, & specie virtutum; ut alias dictum, & dicendum sæpius est.

XI. Hinc necessario consequitur, adversam opinionem pro servili attritione pugnantes penitus evacuare caritatis evangelicæ legem, primumque mandatum. Si enim absque caritate imperfecta, & incipiente obtineri iustificatio impij potest; salutem quoque æternam absque actuali dilectione consequi Christiani iustificati poterunt. Salus enim æterna denegari homini gratia habituali sanctificante ornato, lege ordinaria spectata, a Deo nequit. Gratia enim sanctificans germen gloriæ est, constituens filios Dei adoptivos homines iustificatos. Porro si filii, & beredes: beredes quidem Dei, coheredes autem Christi. Hæc absurda & monstra aut deglutiant, aut propriam opinionem improbent necessum est. Inveteratus peccator, qui toto vitæ suæ tempore nunquam Deum amavit, sed omnium scelerum iniquitate pollutus, timore gehennæ exagitatus, & spe beatitudinis succensus, flagitia sua confitetur, absolutionem omnium scelerum obtinet, nullo elicto caritatis actu. Sed repentina morte percussus, e vivis decedit, iustificatus absolutione sacramentali. Quo iste perget? In cælum? Inane ergo est, & superfluum primum maximumque caritatis præceptum, quod continenter ante oculos haberi, & in limine domorum inscribi Deus iubet? Si reponas non fore salvandum ob dilectionis omissionem; alterutrum concedere debes: aut hominem iustificatum gratia sanctificante excludendum a regno Dei; aut defectu caritatis non esse iustificatum. Si primum ais; ordinem a divina providentia præstitutum pervertis, & conturbas: si secundum affirmas; improbas opinionem tuam. Verum, quod absurdum & horrendum commentum videtur, ultro admittunt adversariorum plures, qui asserere minime dubitant, præceptum contritionis in lege evangelica obsolevisse, minimeque obligare vel in ipso mortis articulo respectu illorum qui eo tempore continentur. Ad hoc inauditæ laxitatis extremum novus opinandi modus illos detrusit.

XII. Missis pluribus aliis rationum momentis, ex Patrum doctrina manantibus, paucis rem concludo. Peccator non est ad sacramentum satis dispositus, nisi efficax, & firmum propositum habeat omnia divina mandata servandi. Nec sufficit simplex *velleitas*, & languida voluntas, quæ reipsa non vult, sed vellet. Hoc fieri omnes debent. Atqui voluntas efficax servandi omnia Dei mandata necessario includit propositum servandi primum, & universæ legis caput, præceptum scilicet caritatis. Implicat autem in terminis, ut aiunt, consilium efficax & deliberatum Dei diligendi sine amore Dei. Quid enim est velle sincere, & efficaciter Deum diligere, nisi reipsa Deum amore prosequi? Quamobrem sapienter Augustinus *trac. lxxiv. in Ioan.* docet. *Quomodo ergo Dominus dicit: Si diligitis me, mandata mea servate: & ego rogabo Patrem, & alium Paracletum dabit vobis: cum hoc dicat de Spiritu sancto, quem nisi habeamus, nec Deum diligere possumus, nec eius mandata servare? Quomodo diligimus, ut eum accipiamus, quem nisi habea-*

mus, diligere non valemus? Aut quomodo mandata servabimus, ut eum accipiamus quem nisi habeamus, mandata servare non possumus? . . . Restat ut intelligamus Spiritum sanctum habere qui diligit, & habendo mereri ut plus habendo plus diligit. Qui igitur Deum diligit, Spiritum sanctum moventem, & auxiliantem habet. Propositum enim diligendi Dei sine auxilio Dei haberi nequit. Præparatus animus Spiritu sancto intus movente, hac dilectione imperfecta & inchoata, suscepto sacramento diffunditur cum gratia sanctificante caritatis habitus per Spiritum sanctum tunc inhabitantem, & tum in dilectione magis magisque proficiet.

§. VII.

Auctoritate Theologorum, & celeberrimarum Universitarum necessitas dilectionis divinæ ad sacramentum poenitentiae rite suscipiendum confirmatur.

I. **A**Uctorum, quos recensurus hic sum, plurimos in fonte legi, alios apud præclaros Theologos laudatos inveni. Nulla vel levis suspicio mihi occurrit minus sincere laudatos esse quos non legi. Ut ordinem aliquem servem; primum eos commemorabo qui Concilium Tridentinum præcessere, deinde posteriores. Et ut brevitati consulam, & tædium declinem, loca librorum, in quibus hanc doctrinam docent, scribere omittam.

II. Ante Concilium Tridentinum Ricardus Viſtorinus, Hugo Viſtorinus, Robertus Pullus, Hugo Lothariensis, Magister Sententiarum, Bandinus, Casarius Heisterbacensis, Guillelmus Altrissidoriensis, Guillelmus Parisiensis, B. Albertus Magnus, Alexander Aletius, S. Bonaventura, S. Raymundus a Pennafort, Vincentius Bellouacensis, Robertus de Sorbona, S. Thomas Aquinas, Ioannes Bromiardus, Okamus, Ioannes Bacho, Thomas Argentinenſis, Marſilius ab Inghen, Ioannes Gerson, Ioannes Nyder, S. Bernardinus Senensis, Guillelmus Vorillonius, S. Antoninus, Gabriel Biel, Carlerius, Tarvisinus, Ioannes Maior, Pepinus, Ferrariensis, Caietanus, Adrianus VI., Celaia, Petrus Sutor, Verratus, Guillaudus, Spineus, Ekhus, Ioannes Doventria, Vivaldus, Liber Ritualis Condomensis Ecclesie, Concilium Senonense, Albertus Pigbius, Synodus Pſaviensis, Academia Lovaniensis, Concilium Moguntiacum, Ioannes Beetz, Godſchakus Reſenmundus, Driedo, Alphonsus Virveſius, Latomus, Chryſoſtomus Iavellus.

III. Ne quisquam suspicari de istorum Auctorum doctrina possit, legatur Carolus Vitasse *Tom. V. de poenit.* ubi non modo libros, & loca, sed proluxa istorum Theologorum testimonia exhibet, quæ brevitatis studio prætereo.

IV. Theologi post Concilium Tridentinum, quorum plures Episcopi fuere eiusdem

dem Concilii Assesores, *S. Ivator Alepius, Lipomanus, Ioannes AEmilianus, Cornelius Mussus, Fredericus Nausea, Franciscus Ricardotus, Franciscus Sonius, Martinus Ritbovius, Iansenius Gandavenfis, Ioannes Antonius Pantusa, Nicolaus Pollevæus, Hieronymus Burgenfis, Iacobus Naclantus, Gaspar Cassalius, Guillelmus Cassadorus, Ferdinandus Vellofillus, Leonardus Marinus, AEgidius Fuscariarius, Melchior Avosmedianus*. Hi omnes fuerunt Episcopi Concilii Tridentini, qui pro dilectione Dei necessaria in peccatoris conversione cum sacramento poenitentiae steterunt, & scripserunt. Illorum testimonia referunt Launonius, Carolus ab Assumptione, Farvacquesius, Vitasse, Henricus a S. Ignatio, & alii.

V. Theologi, quorum plurimi eidem Concilio interfuere, *Didacus Lainez, Petrus Soto, Dominicus Soto, Gentianus Hervetus, Iacobus Payva, Alphonsus Salmeron, Ruardus Tapperus, Ioannes Viguerius, Thomas Hecentalinus, Conradus Elingius, Ioseph Lansbergius, Ioannes Medina, Gabriel Putherbusus, Ioannes Bunderius, Franciscus Picardus, Edmundus Augerius, AEgidius Tapiarius, Adrianus Hequetius, Georgius Bussiis, Gabriel Prateolus, Martinus ab Eifengrein, Petrus Emmotta, Petrus Divollus, Franciscus Samarinus, Martinus Navarrus, Iosephus Angler, Philippus Faber, Didacus Stella, Petrus Possanienfis, Antonius Hiquæus, Ioannes Pontius, Ioannes Lenseus, Ioannes Molanus, Thomas Stapletonius, Vitus Miletus, Chrysosthorus Silvestranus, Ioannes Paulus Palanmelitarum, Hieronymus Torres, Iacobus de Grassiis, Iacobus Gualterius, Ioannes Macberentinus, Bernardus Rosignolus, Adrianus Mangotius, Ludovicus Carbo*.

VI. Omnes fere isti scripserunt a celebratione Concilii Tridentini usque ad 1600. circiter. Heinc intelliges, iure Doctorem eximium P. Franciscum Suarez testatum esse, ut supra adductis eiusdem verbis ostendi, opinionem de sufficiencia attritionis servilis nec esse *valde antiquam, nec multum communem*. Quod idcirco repeto, ut memoriae tuae altius hæreat, nullam in hac controversia fidem adhibendam esse, nupetis Casuistis illis qui, quo imperitiores, eo liberior evulgant, opinionem attritionis formidolosæ post Tridentinum semper fuisse moraliter certam & communem. Ex Suarez, & Vasquez eximiis Theologis opinio hæc magnam acquisivit auctoritatem, & dominari in scholis cœpit usque ad publicationem *Historiæ Cardinalis Pallavicini*. Quæ sane historia mortifere vulneravit præfatam opinionem, quæ semper ab illo tempore declinavit, & in dies ad suum occasum tendit.

VII. Sed persequamur censum Auctorum qui ad hæc usque tempora scripserunt. *Archangelus Rubens, Auctor Gemmæ Evangelicæ, Paulus Comitotus, Iacobus Iansonius, Innocentius Cibo Gbisi, Ludovicus Chironæus, Gregorius de Valentia, Guillelmus Estius, Ludovicus Blofus, Petrus Binsfeldius, Valerius Reginaldus, Ioannes a Iesu Maria, Gaugericus Hispanus, Matthæus Beuvelet, Franciscus,*

Sylvius, Hugo Matthoud. Istorum testimonia rescribunt Henricus a S. Ignatio, & Carolus Vitaſſe.

VIII. Ultima ætate contra attritionem formidolosam scripserunt sequentes ; Bonus Mèrbesius, Zacharias Pasqualigus, Marcus Vidal, Hugo Quarrens, Antonius Caignet, Ioannes Le Itiune, Biroat, Franciscus Tolosanus, Iulianus Hineufve, Ioannes Cabassutius, Christianus Lupus, Carolus ab Assumptione, Alexander VVite, Laurentius Neessen, Ioannes Launois, Franciscus Gennet, Vincentius Contensonius, Franciscus Farvacquesus, Macharius Avermans, Albericus Kerkovius, Nicolaus de la Verduze, Fredericus Gavardi, Leo, Florentius de Cocq., Iacobus Bondortius, Gaspar Iuveninus, Leonardus Vanroy, Aurelius Piette, Bouchatus, Natalis ab Alexandro, Le Druin, Ludovicus Habert, Henricus a S. Ignatio, Carolus Vitaſſe, Petrus Lambertus Le Drou, Thomas Milante, Laurentius Berti, Petrus Ballarinus, Bartholomæus Francesconi.

IX. Hi maiori ex parte integras dissertationes ; omni argumentorum genero refertas, adversus formidolosam attritionem edidere, & ex instituto controversiam verſarunt.

X. Animadvertendum, eorum quos recensui num. 2. 4. & 5. aliquos requirere contritionem perfectam, aliquos alios contritionem saltem putatam. Sylvium se retraxisse aliqui contendunt. Sed res tanti momenti non est, ut severiorem posulet discussionem. Illud unum certum est, omnes quos laudavi, opinionem attritionis ex solo metu gehennæ conceptam reiicere tamquam insufficientem ad sacramentum pœnitentiæ rite suscipiendum.

XI. Præter omnes hæcenus laudatos, lubet recensere aliquos celeberrimos Cardinales, quorum chorum ducit S. Carolus Borromæus, qui in Instr. de sacram. pœnit. hæc præscribit. *Antequam Confessarius . . . absolutionem tribuat pœnitenti ; videbit an PROPTER DEUM veram peccatorum suorum contritionem habeat . . . Quod si talem contritionem illam non habere intellexerit, illius desiderio accendere conabitur, hoc admonens, PROPTER DEUM ipsum usque adeo quantum potest ; eum peccata dolere oportere.* Vide Henricum a S. Ignatio num. 1766.

XII. Cardinalis Sarnanus in Summ. Theolog. pag. 152. Pœnitentiam certam non facit nisi odium peccati, & AMOR DEI, inquit Augustinus. Cardinalis Toleti verba supra rescripsi.

XIII. Cardinalis PALLAVICINUS in epistola ad Pastores Gandenses. *Equidem in hac questione, super qua compellare me vobis placet, an ad gratiam iustificationis assequendam in sacramento pœnitentiæ aliquis actus CARITATIS erga Deum, non quidem perfectus, sed imperfectus, & per se ad iustificationem insufficientis sit necessarius. Adfirmanti sententiæ SEMPER adhaesi, eamque in Academia Romanæ Societatis Iesu publice docui, adeoque in quodam tradita a me doctrina* de

de pœnitentia Breviario typis evulgavi. Quam opinionem aliqui ex eadem Societate præceptores amplexi erant, & ANTE, & post ME alius aliusque Theologia præceptor in eodem Gymnasio propugnavit. Porro, si dixerò solum Cardinalem Pallavicinum præstare in hac præsertim controversia centum Casuistis, sapientum iudicio a veritate non aberrabo. Quoniam ipse Acta Concilii Tridentini legit, & iussu summi Pontificis Alexandri VII. historiam illam celebrem scripsit.

XIV. Cardinalis Le Camus in constitutionibus synodalibus tit. vi. art. 6. & epistola pastorali præfixa Tom. IV. Theol. Mor. Genneti.

XV. Cardinalis BONA de principio vitæ christianæ Part. I. §. xix. & Part. II. §. xxxviii.

XVI. Cardinalis LAUREA Tom. IV. disput. xvii. docet: Inter ceteras dispositiones, requisitæ ad gratiam iustificationis, præ ceteris est dilectio Dei.

XVII. Cardinalis AGUIRIUS dissert. viii. in can. xii. Concilii Toletani III.

XVIII. Cardinalis DENHOFFIUS Episcopus Cæsenatensis in Instruct. pastorali an. 1669. §. 3. hæc docet. Dolor contritionis, qui pœnitentibus est necessarius, duobus conditionibus constare debet. Prima est, ut adsit aliquis actus amoris Dei; quod sane pergens accurate rationum momentis est probabilius. Hic autem amor quemlibet alium vitiosum perversumque rerum creatarum amorem pondere suo excedat necesse est; ita ut peccator amore, ut vocant, apprehensivo, Deum amet super omnes res quæ mortiferi criminis reum fecerunt, aut facere possunt. Hunc amorem huiusmodi esse debere demonstrat omnimoda necessitas expellendi e peccatore, am. memoratum amorem rerum caducarum, in quo propriè consistit peccatum letale: is enim amor emigrare non potest, nisi contrario expellatur, scilicet AMORE DEI, qui ob id debet esse PRÆDOMINANS: nam aliter quidem non vincet vitiosum rei peritura amorem. Neque obiici potest, quod omnis actus amoris Dei super omnia sufficiat ad iustificationem, atque adeo peccator semper futurus sit iustificatus ante absolutionem. Quoniam isthæc PRÆEROGATIVA CONCEDITUR DUM TAXAT AMORI DEI PERFECTO, NON AUTEM IMPERFECTO, qualem hic flagitamus: quæ perfectio non ex sola causa movente, sed ex intensione actus habetur, ut ANTIQUI THEOLOGI COMMUNITER adfirmant, qui explicando discrimen contritionis perfectæ, & imperfectæ, hanc luci exorienti comparant, illam vero iam exortæ, & clare relucenti. Unde patet eos existimare utramque esse eiusdem generis, nec aliter differre quam sicut PLUS ET MINUS. Agnoscit etiam CATECHISMUS decreto Concilii Tridentini in lucem editus, intensiorem illam necessariam in dolore contritionis, ut sit ad peccata mortifera extra sacramentum pœnitentiæ excludenda idoneus: vultque ut ad hunc effectum iam in gradu eminenti sit constitutus.

XIX. Cardinalis BELLARMINUS Lib. II. de arte moriendi cap. vi. inquit: Ad

Ad sacramentum pœnitentia vite suscipiendum . . . hoc requiro , ut ex toto corde displiceat tibi quod in Deum peccaveris . . . idque . . . AMORE DEI. Plura ex eodem referunt Auctores sententiæ nostræ . Unum ego transcribo ex *Lib. II. de pœnit. cap. xiv.* ubi ait : *Catechumeni , & pœnitentes , si Christum super omnia diligunt , ac vera Dei caritate flagrant , iam apud Deum remissionem consecuti sunt ; ad cuius remissionis sacramentum pie , religioseque anhelant . Si autem per INCHOATAM DILECTIONEM DEI (ut Concilium Tridentinum loquitur sess. vi. cap. vi.) paulatim disponuntur ad gratiam , non habent illi quidem remissionem peccatorum , sed neque ex eorum numero habendi sunt quos Apostolus execratur : ille siquidem eis tantum anathema dicit qui Christum NEQUE PERFECTE , NEQUE IMPERFECTE DILIGUNT .* Quis dixerit Apostolum non loqui de caritatis amore ? Porro hanc caritatem Bellarminus distinguit in perfectam , & imperfectam .

XX. B. Balthasar Francolinus *Lib. II. cap. vi. §. 11. num. 14.* hæc scribit .

Francolinus ,

Bellarminus

Lib. II. de pœnit. cap. xviii.

„ Bellarminus , qui scripsit de pœnit.
 „ an. 1583. *Lib. II. cap. xviii.* TRA-
 „ CTAT EXPRESSE hanc quæstionem
 „ his terminis . An attritio , sive imper-
 „ fecta contritio , quam certum est sine
 „ sacramento non sufficere ad iustifica-
 „ tionem , sufficiat cum sacramento :
 „ eum autem loqui de attritione con-
 „ cepta non ex caritate , patet non so-
 „ lum quia nomine attritionis tunc o-
 „ mnes id significabant , sed etiam quia
 „ loquitur de ea quam certum est sine
 „ sacramento non sufficere , quæ per i-
 „ pfum , qui late docet omnem carita-
 „ tem expellere peccatum , non est ea
 „ quæ concipitur ex caritate . Proposi-
 „ tiæ autem quæstioni respondet , NUL-
 „ LO MODO NEGARI POSSE , quin
 „ sola non sufficiat , ut in Concilio Triden-
 „ tino sess. xiv. cap. iv. declaratum est .

Titulus capituli hic est . *Solventur obie-
 ctiones .* Lutherus &c. integrum illud ca-
 put infumit in diluendis Lutheri obie-
 ctis . Sub finem capituli hæc adiecit .

Una quidem adhuc quæstio tractari PO-
 TUISSET . (N. B.) an videlicet attritio ,
 sive imperfecta contritio , quam certum est
 sine sacramento non sufficere ad iustifica-
 tionem , sufficiat cum sacramento , ita ut
 pœnitens ex attrito virtute absolutionis
 fiat contritus , & iustificetur . LUTHERUS
 enim id aliquando negavit , ut perspi-
 cuum est ex eius responsione ad dialogum
 Sylvæstri Prieratis , ubi de conclusione sex-
 ta loquens : Error est , inquit , quod attri-
 titus fiat contritus virtute clavium .
 Ceterum DISCIPULI , qui contritionem in
 terroribus constituunt , & soli fidei ex
 verbo absolutionis conceptæ , quæ terra-
 res illos consequitur , iustificationem ad-

„ Re-

scri-

„ Responderet ne tantus Doctor, tam scribunt, NULLO MODO NEGARE
 „ moderatus in ferendo iudicio, hoc POSSUNT, quin attritio & sola non
 „ modo: Declaratum est: idque tam sufficit, & cum absolutione sufficit; ut
 „ perspicue, ut nec ab hæreticis, quos in Concilio Tridentino sess. XIV. cap. IV.
 „ ibi alloquitur, negari possit, nisi vi declaratum est.
 „ disseet a Catholicis id non negari, &
 „ communiter doceri? “

XXI. Non eo hæc rescripti, ut ex hoc laudato testimonio in meas partes trahere doctissimum Cardinalem velim. Quorsum ergo? ut pateat, quam sincere & germane a P. Francolino testimonium Bellarmini citetur, Francolinus asserit, Bellarminum *expresse hanc questionem tractare*. Et Cardinalis Bellarminus dicit: *Hæc questio tractari potuisset, & occasione respondendi Luthero obiter & per transennam sola laudata verba, quibus suo capiti finem imponit, de hac controversia habet.* P. Francolinus litteris grandioribus narrat, Bellarminum absolute definire, NULLO MODO NEGARI POSSE. Bellarminus e contrario suam assertionem restringit ad discipulos Lutheri. *Ceterum discipuli (Lutheri) NULLO MODO NEGARE POSSUNT.* Tandem P. Francolinus, ut securius fucum imperitiis facere possit, pro certo statuit, Bellarminum non loqui de attritione concepta ex caritate imperfecta: & Bellarminus perspicue distinguit caritatem perfectam ab imperfecta; & hanc reperiri ait in catechumeno accedente ad baptismum, antequam iustificationem obtineat, ut evidenter constat ex testimonio Bellarmini a me supra num. 19. rescripto. Si enim Bellarmino de attritione ex solo pœnarum timore concepta sermo esset, & assereret Concilium Tridentinum declarasse, hanc attritionem sufficere, sane errasset; cum omnes docti cum Cardinali Pallavicino hodie fateantur, ab hac questione Concilium abstinuisse in illa sess. XIV. cap. IV. Sed Bellarminus, ut manifeste patet ex adducto textu, loquitur de attritione ex caritate imperfecta concepta. Iudicium lector proferat.

XXII. Cardinalis Monitanus DEOLERA in compend. theologic. qq. Cardinalis RICHELIVS in *Catechismo* suo docent, attritionem formidolosam non sufficere cum sacramento ad obtinendam iustificationem. Innumeros Archiepiscopos, & Episcopos recensere possem, qui hanc eandem doctrinam docent; sed, ne prolixior sim, eos prætereo.

XXIII. Doctissimus Episcopus BOSSUETUS, postquam integro opusculi de Doct. Conc. Trid. circa dilect. demonstravit sententiam nostram, sic concludit. *Hæc nos secuti doctissimos, ac maximos in Italia, in Gallia, aliisque provinciis Episcopos, fratribus & compresbyteris nostris Ecclesiarum rectoribus, aliisque ibidem verbum, & sacramenta administrantibus, episcopalis responsi loco, in manus docenda & u-*
 ten-

tenda tradimus : his ab universa fraternitate obediri oportere mandamus. An unus BOSSUETUS e cathedra episcopali loquens non præstat mille Dianis , Sporertiis , Vivigandis , La Croixiis , Tamburinis , Vivis , & his similibus ?

XXIV. Referre quoque possem plurimas catecheses ab Ecclesiis & Episcopis Italiæ , Galliæ , Hispaniæ , Germaniæ , Poloniæ , Belgii , in quibus formidolosæ attritionis insufficientia declaratur . Sed hæc quoque omnia silentio premo , & duarum Universitatum testimonia prodo ,

DECLARATIO CLERI GALLICANI.

Primum damnat an. 1706. hanc propositionem. *Attritio ex gebennæ metu sufficit etiam sine ulla Dei dilectione , sine ullo ad Deum respectu : quia talis honesta , & supernaturalis est.* Hanc propositionem hac percussit censura. *Hæc propositio , quæ a dispositionibus necessariis ad absolutionem excluditur quilibet ad Deum offensum respectus , temeraria est , scandalosa , & in hæresim inducit.*

XXV. Honoratus Turnely hanc solam censuram describit quæst. v. art. 2. suæque arbitrio interpretatur , Ea vero quæ sequuntur , omnino prætermittit . Hanc vero Clerus ille celeberrimus explicationem adiicit .

XXVI. *Post absolutas propositionum censuras , supersunt quedam pro rei gravitate enucleatius exponenda , & ab ipsis principiis in apertam lucem deducenda.*

Et quidem de dilectione Dei , sicut ad sacramentum pœnitentiæ , quæ est laboriosus baptismus , requisita , ne necessariam doctrinam omittamus , hæc duo in primis ex sacrosancta Synodo Tridentina monenda & docenda esse duximus ,

Primum , ne quis putet in utroque sacramento requiri , ut præviā contritionem , eam quæ sit caritate perfecta , antequam adu suscipiatur , hominemque Deo reconciliet ; alterum , ne quis putet in utroque sacramento securum se esse , si præter fidei , & spei adus non incipiat diligere Deum tamquam omnis iustitiæ fontem .

Neque vero satis adimpleri potest utrique sacramento necessarium vitæ novæ inchoandæ , ac servandi mandata divina propositum , si pœnitens PRIMÆ AC MAXIMÆ MANDATÆ , quo Deus toto corde diligatur , nullam curam gerat ; nec sit saltem animo ita preparato , ut ad illud exequendum , divina opitulante gratia , se se excitet , ac provocet ,

Placet etiam caveri a sacramenti pœnitentiæ ministris , ne in hoc pœnitentiæ sacramento , aliisque sacramentis conferendis sequantur OPINIONEM PROBABLEM de valore sacramenti , scilicet tutiore ; neve pœnitentes ipsorum fidei animam suam committentes , admonere cessent , ut in pœnitendo INCHOATÆ SALTEM DILECTIONIS DEI ineant viam , quæ sola secunda sit : graviter peccaturi in hoc salutis discrimine ex eo sola quod CERTIS INCERTA PRÆPONANT ,

XXVII

XXVII. Insuper sacra Parisiensis Facultas, ne quis cavillari posset, non ad caritatem, sed ad spem attinere requisitam in sacramento pœnitentiæ dilectionem, declaravit sequentem doctrinam a Patribus acceptam esse, suisque tradendam anno MDCCXVI. die XXI. Iulii.

XXVIII. Timorem gehennæ, etiam supernaturalem, quamvis sit bonus, & utilis; non excludere affectum peccandi, nec sufficere in adultis ad iustificationem, etiam in sacramento baptismi, & pœnitentiæ obtinendum; sed præter hunc timorem, adusque fidei, & spei, requiri amorem Dei, quo Deum, tamquam omnis iustitiæ fontem, ut docet Concilium Tridentinum, diligere incipiamus. Hunc amorem ferri in Deum, declarat sacra Parisiensis Universitas, tum ut in se summe bonus est, tum ut est summum bonum nostrum: quæ duo complectitur CARITAS inter virtutes theologicæ tertia: HOC SOLO AMORE converti voluntatem in Deum, & averti a creatura: amorem Dei super omnia, qui CARITATIS INCHOATÆ saltem adus sit, necessarium esse, ut ab adultis obtineatur remissio peccatorum in sacramentis baptismi, & pœnitentiæ.

XXIX. Plures propositiones hoc ipso an. 1716. die 23. Iulii excerptas ex libris M. Le Roux de attritione servili, eadem sacra Facultas Parisiensis censuris confixit. Eas exhibet Carolus Vittasse sub finem Tom. V. & alibi illas transcribam.

XXX. Subiocio articulos Universitatis Lovaniensis, quos an. 1677. nomine eiusdem Universitatis Franciscus Van-Vianen, Christianus Lupus, Martinus Steyaert, & Lambertus Le-Drou Romæ supremo S. Officii tribunali examinandos detulere; ut testatur Le-Drou diff. iv. cap. 1. Sunt autem sequentes.

1. Servilis gebennarum metus nequaquam in sua substantia malus est, sed bonus & utilis. Attamen ipse soli insitens attritio etiam cum sacramento non sufficit ad iustificationem: quia ad accipiendam hanc gratiam oportet credere, sperare, ac Deum propter se diligere.

2. Vera attritio debet esse dolor animi, ac detestatio de peccato commisso cum proposito non peccandi de cetero, excludens voluntatem peccandi; attamen non debet includere perfectam caritatem, quæ hominem Deo reconciliet, priusquam hoc sacramentum adu suscipiatur.

3. Nihilominus esse debet, licet imperfecta, tamen VERA DEI CARITAS; qua pœnitens Dominum Deum tamquam omnis iustitiæ fontem diligit, ideoque peccata sua detestetur, & oderit. Eam aliqui appellant CARITATEM AFFECTU SUPER OMNIA. Caritas perfecta non affectu modo, sed etiam effectû est super omnia, ut supra ex S. Thoma demonstravi. Præfati tres articuli Romæ discussi, ab omni censura immunes iudicati fuere.

CAPUT IX.

Diversi contrariæ sententiæ opinandi modi. Nonnullæ difficultates, & obiecta resolvuntur.

I. **Q**Uamquam formidolosæ attritionis origo supra patefacta sit; iuvat nihilominus duo præcipua illius capita in memoriam revocare. Novatores potestatem clavium negarunt. Hanc hæresim damnavit Concilium Tridentinum, definivitque dogma fidei esse, Sacerdotes Domini vere remittere peccata; & pœnitentiæ sacramentum iustificare pœnitentem dispositum, primamque gratiam sanctificantem producere. Propugnanda itaque veritas hæc catholica contra novatores.

II. Baius in aliud extremum lapsus est. Ita exaltavit clavium potestatem, ut caritatis virtutem enervaverit: docuit quippe caritatem perfectam sociari cum peccato posse.

III. Studium hos duos evitandi scopulos peperit attritionem servilem, cuiusque caritatis vacuum. Hæc via defenditur, inquit, perspicue contra novatores sacramenti pœnitentiæ efficacia, & virtus remittendi peccata, & producendi primam gratiam. Declinatur quoque error Baianus confederationis perfectæ caritatis cum peccato. Plures, immo communiter adversæ sententiæ patroni, ut longius ab his duobus erroribus recedant, ita acriter propugnant attritionem formidolosam ex solo gehennæ metu conceptam satis esse ad sacramentum, ut nullius amoris vel initialis expressam faciant mentionem. Hæc sola amoris vox illorum plurimum aures lædit in hac causa, reformidantes ne Baianismus, & Iansenismus latenter serpat, & ad animarum perniciem grassetur. Reipsa tamen quemlibet amorem initialem nec negant, nec negare ullo modo possunt; cum necessariam fidem, & spem, quæ necessario amorem præsupponit, ad iustificationem requirant. Sed amorem hunc plurimi nec nominant quidem, veriti ne in syrtim Baianismi & Iansenismi incidant. Idcirco attritionem ex solo pœnarum timore conceptam acriter propugnant.

IV. Alii eiusdem sententiæ patroni ex diuturna disputatione, & longo utriusque partis literario bello experrectiores facti, intellexere, salva fide amorem aliquem negari non posse. Quare, ut opinioni servilis attritionis aliquid invidiæ demerent, eam tandem sub amoris aspectu in publicum apparere curarunt. Varias huiusce amoris species invexere. Alii volunt simplicem complacentiam, sive amorem inefficacem sufficere. Sunt qui contendunt, quemlibet supernaturalis virtutis actum pro initiali amore habendum esse. Communis est illorum opinio quæ
de-

defendunt, amorem spei, seu concupiscentiæ, quo Deus amatur, non quatenus est bonus in se, sed quatenus est bonus nobis, satis esse ad obrinendam in sacramento iustificationem. Ex iis quæ hætenus dicta sunt, omnes istæ opiniones evanescent. Tamen maioris claritatis gratia, pauca adicere operæ pretium duco.

§. I.

Sententia quæ, exclusa caritate inchoata, defendit sufficere amorem concupiscentiæ ad iustificationem in sacramento pœnitentiæ obrinendam, evacuat præceptum caritatis. Honorati Turnely doctrina refellitur. Plura absurda eam consequuntur. Vera caritatis notio adversus Quietistas.

I. **N**onnulla præmitto, quæ viam ad ea quæ dicturus sum, sternunt. Communis est tum Philosophorum, tum Theologorum sententia, duplicem reperiri amorem, unum concupiscentiæ, alterum amicitiae, seu benevolentiae. Ille amat bonum sibi; hic bonum in se amore prosequitur. Divisionem hanc tradit S. Thomas 1. 2. quæst. xxvi. art. 4. inquit; *Motus amoris in duo tendit; scilicet in bonum quod quis vult alicui, vel sibi, vel alii; & in illud cui vult bonum. Ad illud ergo bonum quod quis vult alteri, habetur amor concupiscentiæ; ad illud autem cui aliquis vult bonum, habetur amor amicitiae . . . Id quod amatur amore amicitiae, simpliciter & per se amatur; quod autem amatur amore concupiscentiæ, non simpliciter, & secundum se amatur, sed amatur alteri . . . & per consequens amor quo amatur aliquid, ut ei sit bonum, est amor simpliciter; amor autem quo amatur aliquid, ut sit bonum alterius, est amor secundum quid.*

II. Deum inter, & hominem amor amicitiae ardor, media caritate, ut S. Thomas 2. 2. quæst. xxiii. art. 1. docet. Cum sit aliqua communicatio hominis ad Deum, secundum quod nobis suam beatitudinem communicat, super hanc communicationem oportet aliquam amicitiam fundari . . . Amor autem super hanc communicationem fundatus, est caritas. Unde manifestum est quod caritas amicitia quædam est hominis ad Deum.

III. Mutua inter homines amicitia non continuo ac inquit, fervet, nec repente firmitatem, statumque constantem assequitur; sed gradatim suam acquirit perfectionem. Porro ordo qui communiter in virtutibus acquisitis comparandis servatur, idem in virtutibus infusis relucet; ut alias dictum est, & nunc in memoriam revocamus. Actus imperfecti fidei fidem perfectam antecedunt; actus spei lan-

languidi ad spem robustam, & constantem; & actus remissi caritatis imperfectæ ad caritatem perfectam, & ardentem viam parant. Sola ne caritas, illico ac nascitur, confestim provecta & perfecta resplendet? Sola ne caritatis virtus antecedentes sui generis seu speciei dispositiones reiicit? Adversarii, si hoc asserant, prima & Philosophiæ, & Theologiæ principia evertunt. Porro sicut actus imperfecti fidei ad fidem, & non ad spem; & actus imperfecti spei ad spem, & non ad fidem; & actus imperfecti iustitiæ ad iustitiam, & non ad castitatem directe ducunt; & sicut actus imperfecti amoris concupiscentiæ ad amorem concupiscentiæ, & non ad amorem amicitiae: ita imperfecti actus amicitiae, seu caritatis ad perfectiorem caritatem directe, & immediate disponunt, Doctrina hæc in omnibus virtutibus tum acquisitis, tum infusis communis & certa est. Unam excipiunt adversarii caritatem. Cur? Ut suam propugnent opinionem. Negant caritati quod portiori iure caritati convenit. Omnium virtutum præstantissimam esse caritatem, Scripturæ sanctæ docent. Quo autem excellentior virtus est, tamen si infusa, eo maiorem requirit præparationem & dispositionem per analogiam ad virtutes acquisitas. Quare iure Patres, præsertim Augustinus, & Thomas, inculcant, a caritate inchoata & imperfecta ad provectam perfectamque fieri transitum. Hinc colliges obvium sensum illius axiomatis, *Ex attrito fit contritus*; idest, attritus dolore, qui ex caritate imperfecta prodit, fit contritus suscepto sacramento, in quo caritas perfecta infunditur. Duæ istæ caritates gradu & statu, non natura differunt. Idcirco transitus iste optime intelligitur. Adversarii naturæ ordinem invertunt, & conturbant: ex concupiscentia oriri amicitiam ipsi volunt. Differre specie propugnant attritionem, & contritionem: quia illam ex amore concupiscentiæ, hanc ex amore amicitiae manare satentur. Ergo iuxta ipsos hoc axioma, *Ex attrito fit contritus*, hunc prodit sensum: amor concupiscentiæ parit amorem amicitiae: una species alteram generat, iustitia castitatem parit, & paupertas liberalitatem. Quod si hoc & in naturalibus, & in virtutibus acquisitis rerum ordinem invertit; idem, proportionem servata, in virtutibus infusis evenire censendum est.

IV. Theologi nostri amorem initialem erga Deum ab ipso caritatis nascentis primordio, quemadmodum medium diem ab auroræ exorientis crepusculo repetunt. Et sicut dies plena a die nascente specie non differt; ita eadem est caritatis initialis, proficientis, & provectæ natura: quia idem omnino est utriusque obiectum, nempe Deus appetitiæ supra omnia propter se dilectus. At quomodo, inquires, fieri potest ut hic amor sit appetitiæ summus, unaque initialis? Ecce. Amor iste Deum spectat. Deus natura sua non amari modo, sed amari etiam super omnia debet. Amor itaque qui Deum propter se dilectum spectat, obiective summus sit oportet: quia obiectum natura sua summe & super omnia di-

diligi postulat. Si enim summus obiective non esset, Deum summe diligendum non respiceret: consequenter non magis Dei amor initialis dici posset quam te-
nebræ appellari lucis primordia valeant. Initialis autem & gradu remissus est ex
imbecillitate voluntatis. Et hanc doctrinam communi Theologorum consensu re-
spectu omnium aliarum virtutum confirmavi supra cap. v. §. 1. Vide ibidem di-
cta. His præmissis, ad id quod proposui, accedo.

V. D. Honoratus Turnely, inter adversæ sententiæ patronos Theologus præstan-
tissimus, *quæst. v. art. 3.* advertit, id quod iam innui, Theologos pugnantes pro
attritione servili non potuisse excludere amorem concupiscentiæ; cum Tridenti-
num apertissime definiat, dolorem attritionis iunctum esse debere cum *spe ve-
niæ*. Idque verum habet. At non minus verum est, ingentem Casuistarum mul-
titudinem amorem hunc alto obvolvere silentio, attritionemque ex *solo timore
gehennæ & pœnarum* unice inculcare. Unde necessario consequitur, hanc ma-
gnam Auctorum multitudinem male infeliciturque suam orasse causam; atque
adeo omnes istos nullius auctoritatis esse in hac controversia. Quod ideo com-
memoro, ne adversarii in multitudine Casuistarum glorientur, & ex hac multi-
tudine commentitiam moralem certitudinem suæ opinionationi asciscant, ut incau-
te, & contra ius faciunt.

VI. Præfatus Honoratus Turnely *loc. cit. concl. 1.* suscipit demonstrandum, *at-
tritionem aliquem saltem inchoatum, & initialem amorem Dei includere debere*;
quo nempe pœnitens diligere incipiat Deum tamquam fontem totius iustitiæ. Hanc
suam thesim evincit his sanctarum Scripturarum oraculis. *Diliges Dominum Deum
tuum ex toto corde tuo, & ex tota anima tua*: Matth. xxii. *Qui non diligit*;
manet in morte: Ioan. xii. *Si quis non amat Dominum nostrum Iesum Christum,*
fit anathema. Plura alia istiusmodi testimonia adducit.

VII. Deinde *concl. 2.* hanc thesim probandam suscipit. *Sufficit ad iustificationem
in sacramento pœnitentiæ obtinendam amor qui dicitur SPEI, quo Deus diligitur*;
quia bonus nobis, nostra beatitudo, finis ultimus. Hanc suam thesim certam esse
asserit ex testimoniis allatis conclusione antecedenti.

VIII. Acutiores ex una parte, & cautiores fuerunt Theologi quorum meminit
ipse Turnely, dum profundo silentio amoris necessitatem ad iustificationem in sa-
cramento obtinendam obvolverunt. Præsenferre ipsi, testimonia allata a Turnely
evidenter imponere caritatis amorem. Idcirco, ne proprio mucrone se iugula-
rent, eiusmodi testimonia Scripturarum non produxerunt ad offendendam neces-
sitatem amoris. Et dum a Theologis nostris præfata testimonia opponerentur;
responderunt, intelligenda illa esse, quando iustificari peccator debet ex sa-
cramento. Præceptum enim, arguantur illi, caritatis, quod allatis testimoniis
exprimitur, nullam habet cum sacramento pœnitentiæ connexionem. Urgebant

illa testimonia Hebræos, inquit, quando institutum non erat pœnitentiæ sacramentum. Si enim, concludunt illi, in nova lege necessarius esset ad iustificationem in sacramento obtinendam amor Dei, Christus Dominus non *levigasset* iugum suum, sed gravissimo confessionis mandato aggravasset; essentque Christiani peioris conditionis quam Iudæi ipsi. Hoc est istorum Theologorum sistema, falsum utique; sed tamen ad eludendam argumentationem, ex adductis testimoniis erutam, subtiliter excogitatum.

IX. Sed, clamat Turnely, argutatio istorum Theologorum evidenter falsa est, & Concilio Tridentino apertissime repugnat. Quoniam Tridentinum, postquam recensuit actus fidei, & spei, addit, *Deumque tamquam omnis iustitiæ fontem diligere incipiunt*. Post hæc verba sic ait *loc. cit. concl. 1. pag. mihi 130. Cl. Turnelius*. *En amor initialis, seu inchoatus, & imperfectus, quem Synodus requirit ad iustificationem perinde ac actus fidei, ac spei, quos necessario prærequiri nemo negaverit*. Ergo toto cælo aberrant illi qui amorem Dei initialem necessarium ad obtinendam in sacramento iustificationem negant. Concedo, inquit, consequentiam, eamque ineluctabilem assero. Ergo universa illa numerosa Casuistarum acies, quæ docet, attritionem solo gehennæ timore conceptam sufficere ad iustificationem in sacramento assequendam, prostrata, ipso perdocto Honorato Turnely teste, iacet.

X. Sub examen nunc veniat Turnely doctrina. Hanc assero caritatis primum gravissimumque mandatum penitus evacuare, atque de medio tollere; & *D. Turnely*, cupientem vitare plurium Casuistarum Scyllam, incidisse in Charybdim. Quandoquidem, si Scripturarum testimonia, quæ ex ipso *num. 6.* rescripti, non continent caritatis mandatum, provoco ut alia divina oracula afferat quæ hoc primum gravissimumque veræ caritatis mandatum contineant, & præcipiant. Si hoc oraculum, *Diliges Dominum Deum tuum ex toto corde tuo*, & alia similia quæ assertit Turnely, caritatem veram non præcipiunt; nullum est in universa sacra Scriptura testimonium quo caritatis mandatum probetur. Et hæc assertio ineluctabilis est.

XI. Non adeo retuso ingenio perdoctus Turnely fuit, ut non prævideret hoc immane absurdum. Idcirco illud declinare studuit his verbis, quæ rescribo, ne quis suspicari, me eidem vel tantillum imponere, valeat. Sic ergo respondet. „ Scio equidem hæc Scripturæ testimonia, si ad litteram urgeantur, non *imperfectum modo, sed etiam perfectum*, ac veræ caritatis amorem Dei, & conversionem peccatoris extra sacramentum exprimere. Verum *illa cum aliqua restrictione*, & *accommodate ad efficaciam sacramenti pœnitentiæ debent exponi*; „ ita ut contritio perfecta ex AMORE PERFECTO necessaria sit ad gratiam „ iustificationis extra sacramentum obtinendam; imperfecta vero EX AMORE

„ DEI

„DEI NON ITA PERFECTO sufficiat cum sacramento, quod instituit Christus
 „in subsidium infirmitatis humanæ.“

XII. Doctrinam hanc admitto ut veram; sed aio, eandem penitus penitusque evertere systema Turnely, eiusque sententiam funditus labefactare.

XIII. Aut D. Turnely nomine *amoris imperfecti*, quem præcipi laudatis testimoniis fatetur, intelligit amorem inchoatæ & imperfectæ caritatis, aut amorem concupiscentiæ castæ, qui est fundamentum spei. Si primum; victas manus dat, & nostram sententiam propugnat. Si secundum; prorsus evacuat caritatis mandatum, eludit manifesta divina oracula, & omnia principia in hac causa certissima conturbat, atque pervertit. Probo.

XIV. Fidei dogma est, præfata oracula, *Diliges Dominum Deum* &c. amorem veræ caritatis præcipere. Ergo aut imperfectum, aut perfectum. Non perfectum, ut vult Turnely: ergo imperfectum. Nulla hic ad evadendum latebra. Aut negandum, laudata Scripturarum testimonia præcipere amorem veræ caritatis; aut concedendum, ea præcipere actum veræ caritatis perfectæ, vel imperfectæ. Non primum: ergo secundum. Eluctari heinc nullo modo valet.

XV. Alia via hanc doctrinam, quam Turnely, & alii iuniores formidolosæ attritionis patroni sequuntur, falsissimam evinco. Sicut tres sunt virtutes theologice; ita tria de singulis virtutibus præcepta, & quidem distincta, dantur, quæ distinctos actus præscribunt. Multa sunt Scripturarum testimonia, quæ spei expresse & directe officia imponunt. *Inclinavi cor meum ad faciendas iustificationes tuas in æternum propter retributionem*: Psalm. cxviii. *Quærite primum regnum Dei*: Matth. vi. *Quoniam tu Domine singulariter in spe constituisti me*: Psalm. iv. & plura alia obvia sunt, quæ prætereo.

XVI. Concedo, immo iterum iterumque assero, illo ipso mandato, *Diliges Dominum Deum* &c. spei præceptum includi. Si enim tuus est Deus, ut a te possidendum diligere debes. Ideo in iusto spes a caritate inseparabilis est. Sed tum caritatis natura spem formatam antecedit: Quo in casu, si adversarii contendunt in laudatis testimoniis præcipi amorem spei, fateantur oportet, cum primis præcipi caritatis amorem, qui spem formatam præcedit, ut omnes fatentur. Sed de hoc paullo infra contra Quietistas.

XVII. Turnelius, & ceteri adversarii non loquuntur de amore spei formatæ caritate, sed de amore spei informis. Nunc ab ipsis percontor. Quid est iste amor spei? Ut iam ex S. Thoma, & omnibus tum Theologis, tum Philosophis dictum est, duo dumtaxat amores reperiuntur, concupiscentiæ, & amicitæ. Amor concupiscentiæ spem præcedit. Lubet transcribere doctrinam S. Thomæ ex *quæst. xxviii. de veris. in disput.* ubi pluribus articulis dispositiones exponit quæ iustificationem præcedunt. Porro *art. 4.* hæc docet. *Requiritur ergo quod non so-*

Am intellectus convertatur in Deum (per fidem) sed affectus. Primus autem motus affectus in aliquid est motus amoris . . . Qui quidem motus in desiderio includitur, sicut causa in effectu. Desideratur enim aliquid quasi amatum. Ipsa vero spes desiderium quoddam importat cum quadam animi erectione, quasi in quoddam arduum tendens. Sicuti ergo simul est motus cognitionis cum motu amoris; ita motus amoris cum motu spei, vel desiderii. Sicut enim apprehensum movet amorem; ita AMOR MOVET DESIDERIUM, SEU SPEM. Primum ergo fides illuminat intellectum impii. Hæc excitat amorem castæ concupiscentiæ. Hic amor movet ad desiderium seu spem. Doctrinam istam, ut supra ex Suarez, & Tannero adnotavi, Theologorum nemo hactenus negavit, aut negare iure valet, nisi omnia istius controversiæ principia conturbet.

XVIII. Edisserat nunc D. Turnely, & ceteri adversarii omnes, quid sit iste amor initialis spei, quem obtrudunt. Spes non est amor, immo ad appetitum non concupiscibilem, sed irascibilem attinet; ut omnes fatentur cum S. Thoma; qui 1. 2. quæst. xl. art. 1. inquit: *Et per hoc differt spes a desiderio, vel cupiditate, quæ est de bono futuro absolute, unde pertinet ad concupiscibilem, SPES AUTEM AD IRASCIBILEM* . . . Ergo patet quod spes differt a desiderio, sicut differunt passionibus irascibilis a passionibus concupiscibilis. Et propter hoc spes PRÆSUPPONIT DESIDERIUM; sicut & omnes passionibus irascibilis præsupponunt passionibus concupiscibilis, ut supra dictum est (quæst. xxv. art. 1.) ubi recipia ostendit, passionem concupiscibilis antecedere passionem irascibilis, additque: *Spes enim supra desiderium addit quendam conatum, & quendam elevationem animi ad consequendum bonum arduum.*

XIX. Nonne heinc evidens est, Turnesium, ceterosque adversarios, obtrudentes amorem spei pro dispositione ad sacramentum poenitentiae, falli, & fallere, & lucum manifestum facere imperitis? Spes quippe motus est appetitus irascibilis, seu conatus & animi erectione, qua homo sperans ardua aggreditur. Spes igitur ipsa amor non est; sed & amorem concupiscentiæ, & desiderium præsupponit. Quare sapienter Augustinus in *Enchirid. cap. viii.* inquit: *Spes sine amore esse non potest.* Nec enim animus conari. in arduum ferri, devincere obitacula, illudque aggredi posset, nisi amor concupiscentiæ erga illud bonum, impelleret animum ad talem conatum & impetum.

XX. Pervertunt itaque adversarii omnia huiusce causæ principia, dum pro dispositione ad sacramentum poenitentiae spei amorem obtrudunt. Nam amor spei necessario est ad ipsam spem, quæ sine præcedente amore concupiscentiæ concipi nullo modo potest. Dum ergo dicunt, necessarium esse ad iustificationem amorem spei, non aliud inferunt, nisi spem, sicuti & fidem, præcedere iustificationem debere; quod nemo Catholicorum negare potest. Nec adversarii advertunt, in quæ se absurda coniciant.

XXI. Accedit quod *D. Honoratus Turnely* sua interpretatione descripta non modo caritatis, sed spei quoque præceptum abrogat evacuatque. In his testimoniis * *Diliges Dominum Deum tuum &c. Qui non diligit &c.* amorem imperfectum efficacitati sacramenti accommodatum præscribi, asserit ille. Quem amorem initialem, seu imperfectum, non caritatis, sed spei esse contendit, Porro, ut diximus, *S. Thomas*, cui subscribunt ceteri Theologi, docet, spem esse motum animi efficacem & prævalidum. Ergo & desiderium, sive amor concupiscentiæ, cui spes hæret, & quem præsupponit; efficax & ardens sit necessum est. Alioquin, si amor concupiscentiæ, qui veluti fundamentum spei præcedit, initialis, & languidus est, spes quoque, quæ succedit, languida & inefficax erit. Præterea *D. Turnely* docet, amorem præscriptum in laudatis testimoniis esse initialem & imperfectum, non caritatis, sed spei. Ergo amor iste initialis & imperfectus ad amorem perfectum spei, non ad amorem caritatis perfectæ viam directe parat. Nam sicut actus imperfectus iustitiæ, non ad actum perfectum castitatis, sed ad actum perfectum iustitiæ immediate & directe disponit; licet una virtus indirecte plus minusve iuxta maiorem aut minorem connexionem disponat ad alteram: ita amor imperfectus & initialis concupiscentiæ spem præcedens, ad actum perfectum amoris concupiscentiæ, qui dicitur amor spei, quia spes eidem hæret, illumque præsupponit, viam parat. Numquid initium amoris concupiscentiæ est initium amoris amicitie? Numquid initium iustitiæ est initium castitatis? Fateor, intimam esse spem inter & caritatem coniunctionem, & quidem talem, ut in iusto una ab altera non separetur. Nihilominus duæ theologicæ virtutes sunt specie diversæ, quæ sub diversa formali ratione eundem Deum respiciunt; & una sine altera in peccatore reperitur. Et in præsens notiones utriusque virtutis expendimus. Licet igitur omnes tres virtutes theologicæ Deum respiciant, fides sub ratione veri, spes sub ratione boni ardui, sibi que futuri, & caritas sub ratione boni propter se dilecti, habeantque reciprocam consæderationem; tamen duæ primæ consistere separatæ sine tertia in peccatore valent. Debent ergo habere ea omnia quæ necessaria sunt ad propriam speciem; & initium unius virtutis directe & proxime ad perfectionem eiusdem, non alterius virtutis disponit, ut toties dictum est.

XXII. Tandem *D. Turnely* cum suis affectis manifeste pervertit sensum Concilii Tridentini, ut evidenter iam supra ostensum est, & obiter nunc revocamus in memoriam: in causa enim gravissima alicui repetitioni & prolixitati danda venia est. Concilium cit. sess. vi. cap. vi. inquit: *Disponuntur autem ad ipsam iustitiam . . . fidem ex auditu concipientes . . . In spem eriguntur, fidentes Deum sibi per Christum propitium fore.* En totum officium spei plenissime explicatum. Quid succedit? *Illumque tamquam omnis iustitiæ fontem diligere incipiunt:* id est,

iuxta adversarios, *sperere* incipiunt, *confidere* incipiunt, *Deum desiderare*, *Deum concupiscere sibi* incipiunt. Repetit ergo sacrosanctum Concilium superflua verborum sarragine in hoc ultimo membro quod perspicue in priori explicuerat. An illa non sunt luculentissima paradoxa? An hæc non sunt chimærica interpretamenta? An hoc non est deridendum hæreticis propinare sacrosancti Concilii Tridentini decretum? Quid quod Concilium hanc eandem suam doctrinam repetit, & fortius confirmat, eamque in *canonem* redigit? Etenim *can. 111.* inquit: *Si quis dixerit, sine præveniente Spiritus sancti inspiratione, atque eius adiutorio hominem CREDERE, SPERARE, DILIGERE, AUT POENITERE POSSE, SICUT OPORTET, ut ei iustificationis gratia conferatur; anathema sit.* Adeo luculentus est canon iste & decretorius, ut ad eiusdem conspectum corruant, atque in sumum abeant omnia adversariorum commenta. *Hominem credere, sperare, & diligere. Tū diligere* quid significat? *Sperare*, seu amorem spei, inquit adversarii. Peregre. Quid significat *res credere*? Fidem theologicam. Quid est alius fidei theologicæ? Est assensus supernaturalis firmus & certus omnem excludens dubitationem, datus rebus a Deo revelatis propter Dei revelantis auctoritatem. Concilium ergo in hoc verbo *credere* includit ea omnia quæ necessaria sunt ad verum formalem assensum fidei theologicæ. Perge porro. Quid perhibet *res sperare*? Spem virtutem theologicam. Quid est spes theologica? Est virtus supernaturalis, qua voluntas sperat æternam beatitudinem Dei auxilio obtinendam. Porro, ut vidimus ex Angelico supra *num. 14.* sicut bonum apprehensum per fidem excitat amorem concupiscentiæ; ita *amor movet spem*, & hoc præcedente amore animus erigitur ad arduum consequendum Dei auxilio nixus. Quemadmodum itaque Concilium in verbo *credere* comprehendit ea omnia quæ requiruntur ad actum fidei theologicæ; ita in verbo *sperare* includit quæ necessaria sunt ad actum spei theologicæ. Ut autem quis speret, primum præcedat fides oportet, quam consequitur amor concupiscentiæ, qui amor movet ad spem. Ergo Concilium in verbo *sperare* includit amorem concupiscentiæ necessarium ad spem. Dum itaque Concilium post *credere*, & *sperare* adiicit *DILIGERE*, hæc dilectio non ad spem, sed ad caritatem attinet. Ergo adversarii, negantes dilectionem caritatis necessario requiri ad iustificationem consequendam, pervertunt, elidunt, conturbant & decretum, & canonem Concilii Tridentini, theologiarum virtutum naturas, & notiones adulterant, confundunt, & prima istius causæ principia suffodiunt. Concilium post duas virtutes theologicas adiungit tertiam, nomine *dilectionis* expressam, quia caritas, amor, dilectio, benevolentia, amicitia est: & adversarii ad hanc caritatis, seu dilectionis vocem conveniunt, clamant, eam reformidant, illam ad peccatorem iustificandam necessariam nolunt.

XXIII. Quo severius expendo adversariorum doctrinam, eo illam deprehendo Scripturarum, Patrum, Conciliorum canonibus, & ipsi communi sensui repugnantior. Nobiscum illi fatentur, dolori ad iustificationem in sacramento penitentiae obtinendam necessario coniungendos esse fidei & spei motus. Deinde caritatem, quæ est trium virtutum maxima, excludunt? Iustificatio impii est maximum opus Dei, inquit S. Thomas: & in tantæ molis negotio caritas habere nullas partes debet? Sola caritate de peccatis dolemus propter Deum offensum: caritas est quæ operit multitudinem peccatorum: caritas, quæ ceterarum virtutum forma est, & sine qua nulla vera & perfecta virtus consistere valet: caritas, sine qua martyrium ipsum, teste Paulo Apostolo *I. Cor. xiii.* prodesse ad salutem non potest: caritas, quæ sola directe cum mundi & creaturarum amore pugnat: caritas, sine qua debite animus noster, ut inquit Angelicus, converti nequit: caritas hæc, inquam, a summo gravissimoque iustificationis nostræ negotio reiicienda est tamquam non necessaria? Hocine christianæ Philosophiæ rectum ratiocinium?

XXIV. Plura in confirmationem eorum quæ dixi, ex Cardinali Pallavicino ferre possem, quæ rem conficiunt, confirmantque prostratam omnino esse adversariorum causam. Pauca obiter indico. Eminentissimus Historicus *Lib. VIII. cap. xiii.* inter alia plura hæc scribit. „Quod attinet ad id quod dicitur de dilectione Dei (cap. vi. sels. vi.) advertendum est, per tenorem decreti prius delineati nullam fieri dilectionis mentionem; sed Salvatorem Alipium Archiepiscopum Turritanum, Claudium Saium Societatis Iesu, Lipomanum Veronensis adiutorem, & Pium Franciscanorum Præsidem admonuisse, ut aliquis caritatis adus infereretur; cumque id ad omnium Patrum iudicium relatum fuerit cum aliis præcipuis notis, ut indicavimus, viginti tres ex ipsis diserte comprobasse, adeoque INSERTUM DECRETO, sed postea aliis haud probatum, verum a Theologis strenue propugnatum, & per hæc verba retentum. *Non est sermo eo loco de HABITU CARITATIS; sed cum in particula quæ loquitur de penitentia, nulla fiat mentio AMORIS, visum est cum FIDE, ET SPE IUNGERE ALIQUEM DILECTIONIS ACTUM: quia si penitentia tota esset ex timore sine amore iustitiæ, & dolor esset propter pœnam tantum, non propter DEI OFFENSAM, infructuosa esset.* Deinde ad cap. vii. eiusdem sels. subdit cap. xiv. Purpuratus Historicus, quod quibusdam pariter animadvertentibus caritatem superiori capite (sexto) immoratam recenseri sub illius initium inter ea quæ preparant animum ad iustitiam suscipiendam; postea vero tamquam ipsius iustitiæ formam poni: responderunt decreti formatores, in primo loco (nempe cap. vi. sels. vi.) sermonem esse de QUODAM ACTU CARITATIS, cum inquit: aliqua dilectio in hominibus, non quidem obtinente,

„*sed exoptante iustitiam. At in secundo (idest cap. VII. eiusdem sect.) SIGNIFICARI HABITUM CARITATIS.*

XXV. Præterea plura alia brevitatæ studio. Heinc colligant, & aliquo sensu rangantur (utinam ad resipiscentiæ, & veritatis cognitionem) adversarii illi qui negant in antiquis Theologis reperiri distinctionem caritatis perfectæ, & imperfectæ, iustificantis, & non iustificantis. Quid frequentius in Augustino, Thoma, atque adeo in gravioribus Theologis, quam caritas inchoata, provecta, & magna? Sed mittamus Auctores, quibus familiare est in fide Casuistarum scribere, eorumque cogitationes transcribere.

XXVI. Notionem, & prærogativas evangelicæ caritatis paucis adversus Quietistas perstringo. Vita cordis amor, & Christianorum perfectio caritas est. Quo ardentior est caritatis amor, eo sanctiores hominum mores sunt. Amoris obiectum bonum, non quodcumque, sed possidendum a nobis. Bonum quod nullam ad nos relationem prodit, invidiam sæpe, non amorem excitat. Præclare 2. 2. quæst. XXVI. art. 13. ad 3. docet S. Thomas. *Unicuique erit Deus tota ratio diligendi, eo quod Deus est totum hominis bonum. Dato enim per impossibile quod Deus non esset hominis bonum, non esset ei ratio diligendi.* Deus principium, & finis est omnium creaturarum, quæ, dum a Deo recedunt, veluti lineæ a centro, per abrupta divagantur. Tanta est humani cordis amplitudo, ut explere eam & saturare solum infinita bonitas, quæ Deus est, queat. *Cur ergo (inquit Angelicus opusc. LXI.) per multa vagaris homuncio? Ama bonum in quo sunt omnia bona, & sufficit.* Caritatis amor benevolentia est, qua, ait Angelicus in III. dist. XXIX. quæst. 1. art. 3. *si posset Deo aliquid crescere, homo ex caritate plura faceret ad augendam Dei beatitudinem quam suam.* Non modo caritatis amor benevolentia, sed perfecta quoque amicitia est. *Amicorum omnia sunt communia: quæ communicatio caritati potissimum convenit. Deus caritas est, & qui manet in caritate, in Deo manet, & Deus in eo:* Ioan. Epist. I. cap. IV. Quemadmodum Deus in ordine naturæ bonorum naturalium distributione, ita in altiori gratiæ ordine, donorum supernaturalium effusione, & tandem in Empyreo intima unione beatis Spiritibus seipsum communicat.

XXVII. Caritas ergo amorem, amicitiam, & benevolentiam præfert. Notiones istas Theologi sigillatim considerant, & aliquando unam fusius altera exponunt. Dum amicitia ideam depingunt, solam infinitam Dei bonitatem amandam propter seipsam, absque ullo respectu ad commodum & utilitatem amantis asserunt. Quando vero amoris indolem delineant, animadvertunt, voluntatem humanam in Deum tamquam in summum bonum suum ita ferri, ut nisi Deus summum bonum hominis esset, rationem in Deo homo non inveniret quæ illum amare posset; ut ex S. Thoma iam indicavi.

XXVIII. Error Quietistarum in hoc situs est, quod has duas notiones, relationesque in caritate separent, veluti mutuo pugnantes. Commenti sunt, amorem quem *purum* vocant, omnem respectum & ordinem ad amantis felicitatem & commodum excludere; & ut *interessatum*, amorem hunc & imperfectione mixtum improbant. Sed hoc manifestum delirium, & dementiam innumeri, & præclari Theologi patefecerunt. Quoniam licet præsatæ notiones mente nostra distinguantur, ita tamen connexæ sunt atque coniunctæ, ut a caritate inseparabiles sint; immo reciproca societate, mutuoque fervore se se foveant, & alunt. Siquidem quo ferventior amore homo prosequitur infinitam Dei bonitatem, eo ardentius fertur in eiusdem possessionem. Spes sine caritate in peccatoribus reperiri valet, vocaturque spes informis, Deumque, ut sibi bonum tantum, spectat: caritas tamen sine spe consistere nequit, sed eam inseparabilem habet, eam animat; quemadmodum ceteras virtutes omnes dirigit, erigit, roboratque. *Caritas* (inquit S. Thomas in III. dist. xxix. quæst. 1. art. 4.) *non solum non excludit* (respectum ad beatitudinem) *sed etiam facit habere oculum ad beatitudinem*. Distinguenda igitur est spes informis peccatoris, quæ in solo concupiscentiæ amore fundatur, a spe iusti, quæ amore amicitiae ardet, resplendet, & sub reginæ caritatis imperio, & consilio in ultimo felicitatis æternæ centro conquiescere suspirat. Delirium est Quietistarum, desiderium & spem beatitudinis; divini amoris puritatem inficere & inquinare. Caritas regina est virtutum omnium, quæ ab eadem splendorem recipiunt, & perfectionem. Sub eiusdem regimine diriguntur, & cum inter ceteras spes sit ei propinquior, hæc potissimum ab illa inflammatur ad Dei possessionem comparandam. Plura dicenda occurrerent contra monstrosam Quietistarum commentum; sed transilirem instigati mei confinia.

§. II.

Diluuntur adversariorum obiecta:

I. Argumenta omnia adversariorum ab auctoritate Concilii Tridentini, ab efficacia timoris servilis iam supra diluta sunt: nec opus est ut iterum eadem ad incudem revocemus. Sunt enim penitus contrita: & hodie vel ipsi inter adversarios doctiores, tandem evidentia facti convicti, sincere fatentur, Concilium Tridentinum nihil definiisse in favorem attritionis formidolosæ.

II. OBJECTIO CELEBRIS, ET fere UNICA, quæ ab adversariis proponitur; contraria Scripturis, Concilio Tridentino, eiusdem Concilii Catechismo, Patribus, gravioribus Theologis, ipsique communi sensui ostenditur. Hæc omnia ex iis quæ dicta

dicta sunt, manifeste patent; tamen, ut summi momenti veritas magis resplendeat, operæ pretium existimo, denuo principium, cui unice adversarii suam fidunt causam, falsitatis manifestæ revincere.

III. Hoc itaque pacto argumentantur adversarii. Dolor qui requiritur ad sacramentum pœnitentiæ, disponere, non destruere sacramenti efficaciam debet. Sed dolor contritionis, caritate etiam imperfecta formatæ, destruit sacramenti pœnitentiæ efficaciam. Ergo esse non potest ad hoc sacramentum dispositio. Probo minorem. Dolor contritionis seipso delet omnia peccata: ergo destruit efficaciam sacramenti. Probatur antecedens. Contritio ex amore ultimi finis super omnia, & propter se dilecti pugnat cum omni, & quolibet peccato. Hanc propositionem adversarii, præsertim Salmanticenses Scholastici *Tom. XII. tract. xxiv. disp. vii. dub. 1. §. 2. num. 11.* tamquam principium extra disputationis aleam positum intrepide obrudunt. Consequentiam vero sic evincunt. Ad essentiam sacramenti pœnitentiæ attinet quod sin minus actu, saltem potestate valeat producere gratiam & iustificationem. Quod probant auctoritate Concilii Tridentini *sess. vii.* ubi hæc habentur. *Si quis dixerit, sacramenta novæ legis non continere gratiam, quam significat, aut gratiam ipsam non ponentibus obicem non conferre; anathema sit.* Confirmatur, inquit. Hoc sacramentum institutum est per modum medicinæ contra morbum peccati: est enim sacramentum mortuorum, quod resuscitat pœnitentem a morte peccati ad vitam gratiæ. Hoc est argumentum, quod adversarii magni faciunt, & cui suam fidunt causam; illudque proluxa verborum copia urgent Salmanticenses laudati maiori quo valent scholastico acumine.

IV. Nihil magis formidolosæ attritionis opinionem falsam patefacit quam argumentationis factæ imbecillitas. Antequam eidem recta occurrat, pauca præfari mihi liceat. Nolunt ergo adversarii, caritatem ad iustificationem obtinendam necessariam esse: quia caritas quæcumque, etiam imperfecta, nimium est operatrix, & actiuosa. Suspecta ergo caritas in hoc negotio ideo est, quia timetur ne opus istud acceleret, & sacramentum pœnitentiæ in nihilum redigat? Non modo igitur peccatores hortandi non sunt ad Deum, dum cōsuleri scelera sua volunt; amandum; sed moneri e contrario magis debent, ut quam strenue valent, sibi ab amando propter seipsum Deo caveant, ne dum suæ salutis cōsulere securius volunt, sacramentum Christi in nihilum redigant? O inauditum argumentandi genus, ne dicam monstrosus paradoxon! Quid, inquit, Declamatorem agis? Consulimus contritionem, etiam perfectissimam, nedum perfectam; sed illius necessitatem inficiamur. Consulitis ergo ut Christi sacramentum destruat? Falleris. Dum necessitatem caritatis negamus, sacramenti efficaciam defendimus: sat enim est ut sacramentum natura sua aptum sit iustificare impium; licet illum reipsa non iustificet, dum caritatis efficacia iustificatum invenit. Recte, & belle. At
omnes

omnes & catecheses, & christianæ doctrinæ, & Concionatores, & Confessarii hortantur impios ut ferventiorē quam possunt contritionem, & caritatem concipiant. Hortantur ergo ut ad exterminandum Christi sacramentum conspirent. Finge, votis & adhortationibus Confessariorum respondere eventum, nempe impios reipsa omnes caritate saltem imperfecta, antequam confiteantur, ardere. Actum tum est de Christi sacramento: in nihilum tum occidit. Consequentia falsa est: quia etiam tum sacramentum est aptum producere gratiam sanctificantem; tametsi non producat, non defectu sui, sed ob caritatis efficaciam prævenientem. Huc ergo tandem se recipiunt, ut dignitatem, & efficaciam sacramenti in sola potestate, & aptitudine ad remittenda peccata conspiciant. Hæc ne doctrina in tuto collocat adversus novatores clavium potestatem? Hæc ne responsio impedit ne ad extirpandam vim, & efficacitatem sacramenti pœnitentiæ conspirent & catecheses, & doctrinæ christianæ, & Dei ministri, dum inflammare ad Deum amandum student pœnitentes, antequam confiteantur? Nec est quod respondas, optandum etiam esse ut pœnitentes perfectissima contritione serveant, quæ iuxta nos quoque seipsa iustificat; nec propterea sacramenti destructio desideratur. Vanissima est argutatio isthæc contra sententiam nostram. Quoniam numquam nobis tantum venit in mentem commentum, quod Dei caritas etiam ardentissima Christi sacramento venefica sit, illudque destruat. Nos clavium potestatem perficere contritionem asserimus, quia est materia sacramenti, & absolutionis. Extra sacramentum vero, si perfecta sit, & vehementissima, iustificare illam dicimus impinim voto sacramenti adiecto. Hac via nos dignitatem, excellentiam, & efficacitatem sacramenti propugnamus, ut mox clarius explicabo. Adversariis autem relinquimus novum illud, & antiquitati sacræ inauditum paradoxon, quod amor Dei evertat, ac destruat Christi sacramentum.

V. Edisserant nobis eruditi adversarii, an per XII. sæcula in aliquo sanctorum Patrum repererint hanc doctrinam, qua asserunt contritionem evertere, & destruere sacramentum pœnitentiæ. Nonne istiusmodi doctrinæ novitas eiusdem falsitatem evincit? His paucis prælibatis obiectioni directe occurro, illamque nullo negotio diluo.

VI. Dico igitur, dolorem requisitum ad sacramentum debere ad illud disponere, minime vero illud destruere. Non modo nego, dolorem ex amore Dei initiati, seu ex caritate imperfecta conceptum gratiam habitualement & iustificationem ante sacramentum producere; sed miror etiam ab adversariis id opponi quasi ut principium certum; cum sit purum putumque commentum scholasticum hac ultima ætate inventum, commentum universæ antiquitati incognitum, Concilio Tridentino, eiusdem Catechismo, & omnium Patrum doctrinæ adversum. Dico itaque, sacramentum pœnitentiæ esse sacramentum mortuorum, & per modum

me-

medicinæ purgantis ac sanantis institutum esse. Dico, producere primam gratiam habitualement vivificantem, quæ diffunditur per Spiritum inhabitantem illis qui habent gratiam actualem seu vivificantem illam initialem quæ excitatur per Spiritum sanctum moventem : sine qua gratia, & initiali amore nemo potest credere, sperare, & diligere, pœnitentiam agere, sicut oportet ad hoc ut iustificationis gratiam consequatur. Quid hîscere adversarii valent?

VII. Obiiciunt 2. seu sub alio aspectu præfatum argumentum opponunt. Sacre Litteræ caritati absolute acceptæ, nulla facta caritatem prævalidam inter & remissam, perfectam & imperfectam distinctione, iustificationem tribuunt. Nam Prov. viii. dicitur : *Ego diligentes me diligo*. Item Ioan. xiv. *Qui diligit me, diligetur a Patre meo : & ego diligam eum, & manifestabo ei me ipsum*. Rursus Rom. xiii. *Plenitudo legis est dilectio*. Iterum Ioan. I. cap. iv. *Omnis qui diligit ex Deo natus est*. Tandem I. Petri cap. iv. *Caritas operit multitudinem peccatorum*. Adducere etiam in confirmationem solent aliqua truncata Patrum testimonia, quæ supra iam interpretati sumus.

VIII. Resp. Ut non minus istius quam prioris argutationis falsitas pateat, in memoriam reduco quod supra latius iudicavi, nempe S. Raymundum, S. Bonaventuram, Innocentium III. Rupertum, Toftatum, aliosque plurimos, quorum testimonia referunt Launoius, Morinus, Le Drou, Virasses, & alii, propugnasse necessitatem perfectæ contritionis ad sacramentum pœnitentiæ rite suscipiendum; quorum sententia nec ab Ecclesia umquam fuit proscripta, nec in Concilio Tridentino discussa, aliqua censura notata fuit, ut testantur eiusdem Concilii Theologi, præsertim Andreas Vega *Lib. XIII. cap. xxxiii*. Plura adduci solent in huius doctrinæ defensionem & confirmationem argumenta, quæ prætereo. Quæ ideo in mentem revoco, ut heinc adversarii colligant, quam infirma sit illorum argumentatio, quæ neque præfaram opinionem profigat. Ceterum falsam eiusmodi opinionem, ut alias dixi, cum communi hodie Theologorum consensu iudico.

IX. Ad obiectionem respondeo, divinæ Scripturæ testimonia iuxta traditionis, & SS. Patrum regulas intelligenda, & exponenda esse. Ut autem pateat obiectionis infirmitas, expende hæc alia divinæ Scripturæ testimonia. Paulus *Epis. ad Rom. cap. iii.* inquit : *Arbitramur hominem iustificari per fidem*. Item cap. viii. *Spe salvi facti sumus*. Rursus Eccl. i. *Timor Domini expellit peccatum*. Insuper Ioan. vi. *Qui credit in me, vitam æternam habebit*. Nulla in his testimoniis fidei actualis vel habitualis, informis aut formatæ mentio. Nulla timoris servilis, aut filialis, nulla spei actus, vel habitus distinctio. Quid heinc adversarii colligent? Numquid dicturi sunt, omnem timorem etiam servilem expellere peccatum? Omnem fidem, omnem spem actualem informem, imperfectam, impium iustificare? Absit. Cur? Quia aliis Scripturæ, & traditionis documentis constat præter fidem

fidem, spem, vel timorem, alia requiri ad iustificationem obtinendam. Similiter dicimus, caritatem habitualement, aut actualem perfectam vehementemque iustificare; actualem vero imperfectam non iustificationem inducere, sed ad iustificationem cum sacramento obtinendam disponere. Quid habent quod reponant? Præterquam quod in adducto testimonio ex Proverbiis sermo est de sapientia, quam oscitantes & inertes non indispiscuntur; sed illi dumtaxat qui eius amore & desiderio flagrant. Ioannes cap. xiv. iustis in dilectione perseverantibus æternæ gloriæ præmium promittit, ut ex integro textu constat. Paulus ad Rom. iii. ad caritatem referenda omnia legis præcepta docet. Petrus, & Ioannes in laudatis epistolis ad proximi amorem inflammant: quia caritas filiorum Dei prærogativa & nota est. Et qui diligunt, habent in se vitam & spiritum Dei, inhabitantem quidem, si caritate habituali, aut actuali incensa & perfecta ornati sint; moventem vero, si actu imperfecto & initiali ament. Sunt enim, ut fufius supra dictum est, in iustitia, & in vita spiritali fecernendi motus, gradus, actus, qui auxilio gratiæ actualis, & Spiritu sancto movente excitantur, quibusque homo sese ad gratiam habitualement disponit, a forma iustitiæ, quæ per gratiam habitualement, & Spiritum sanctum inhabitantem infunditur. Datur in vita spiritali; & in maximo iustificationis opere initium, progressus, magnitudo, & perfectio, iustitia inchoata, provefta, magna, & perfecta, ut Augustinus Lib. de nat. & grat. cap. ult. inquit: *Caritas inchoata, inchoata iustitia est: caritas provefta, provefta iustitia est: caritas magna, magna iustitia est: caritas perfecta, perfecta iustitia est*. Quare iure proscriptæ fuere Baianæ propositiones 62. & 63. quod negarent huius duplicis iustitiæ, & duplicis vivificationis distinctionem: & ceteræ aliæ, quas supra transcripsi, quia non distinguebant caritatem initialement ab habituali, perfectam ab imperfecta. Verum de hoc plusquam satis.

X. Opponunt 3. S. Thomas III. Part. quæst. lxx. art. 4. hæc docet. *Minima gratia potest resistere cuilibet concupiscentiæ, & vitare omne peccatum mortale, quod committitur in transgressionem mandatorum legis: MINIMA ENIM CARITAS plus diligit Deum quam cupiditas milia auri & argenti*.

XI. Resp. Hoc testimonium aut crassa oscitantia, aut non bona fide obruditur. In laudata quæstione, & quidem integra, de circumcissione, quæ baptismum portendebat, sermonem Angelicus habet. Art. 4. & ult. inquit, *utrum circumcisio conferre gratiam iustificantem*. Porro, ut adversarii, qui transcriptum testimonium obrudunt, aliquo pudore suffundantur, integram illius articuli corporis doctrinam transcribo. *Dicendum, quod ab omnibus communiter ponitur, quod in circumcissione peccatum originale remittebatur. Quidam tamen dixerunt, quod non conferebatur gratia, sed solum auferebatur peccatum... Sed hoc non potest esse: quia culpa non remittitur nisi per gratiam, secundum illud Rom. iii. Iustificati gratis per gratiam &c.*

Et ideo alii dixerunt, quod per circumcissionem conferebatur gratia, quantum ad effectus remotivos culpæ, sed non quantum ad effectus positivos: ne cogerentur dicere, quod gratia in circumcissione collata sufficiebat ad implendum mandata legis, & ita superfluous fuerit adventus Christi. Sed hæc etiam positio stare non potest. Primo quidem quia per circumcissionem dabatur pueris facultas suo tempore perveniendi ad gloriam, quæ est ultimus effectus positivus gratiæ. Secundo quia priores sunt naturaliter secundum ordinem causæ formalis effectus positivi quam privatiui; licet secundum ordinem causæ materialis sit e converso: forma enim non excludit privationem, nisi informando subiectum.

Ei ideo alii dixerunt, quod in circumcissione conferebatur gratia, etiam quantum ad aliquem effectum positivum, qui est facere dignum vitæ æternæ, sed non quantum ad omnes effectus: quia non sufficiebat reprimere concupiscentiam fomitis, nec etiam ad implendum mandata legis: quod etiam aliquando mihi visum est. (IV. dist. 1. quæst. 11. art. 4. quæstiunc. 3.)

Sed diligenter consideranti apparet, hoc non esse verum: quia minima gratia potest resistere cuilibet concupiscentiæ, & evitare omne peccatum mortale, quod committitur in transgressione mandatorum legis. Minima enim caritas plus diligit Deum quam cupiditas millia auri, & argenti.

Et ideo dicendum est, quod in circumcissione conferebatur gratia quantum ad omnes gratiæ effectus; aliter tamen quam in baptismo. Nam in baptismo confertur gratia in virtute ipsius baptismi, quam habet, in quantum est instrumentum passionis Christi iam perfectæ; in circumcissione autem conferebatur gratia, non in virtute circumcissionis; sed ex virtute fidei passionis Christi, cuius signum erat circumcisio: ita scilicet quod homo, qui accipiebat circumcissionem, profitebatur se suscipere talem fidem, vel adultus pro se, vel alius pro parvulis. Unde & Apostolus dicit Rom. iv. quod Abraham accepit signum circumcissionis signaculum iustitiæ fidei: quia scilicet iustitia erat ex fide significata, non ex circumcissione iustificante (al. significante.) Et quia baptismus operatur instrumentaliter in virtute passionis Christi, non autem circumcisio; ideo baptismus imprimis characterem incorporantem hominem Christo, & copiosorem gratiam confert quam circumcisio: maior enim est effectus rei iam præsentis quam spei.

XII. Nonne exploratum compertumque est, S. Thomam hic loqui de gratia sanctificante quæ in baptismo infunditur, atque adeo de caritate habituali? Cur adversarii ex recitati articuli corpore detruncarunt pauca adducta verba? Quia nihil melius in universis S. Thomæ operibus repererunt, quo facum facere imperitis possent. S. Thomas de iustificatione 1. 2. quæst. cxiii. decem articulis, & III. Part. a quæst. lxxxv. usque ad finem de sacramento, & de virtute poenitentiae sermonem habet: omnes quæ fere excogitari possunt difficultates perspicue discutit. Et adversarii ex tanta articulorum multitudine nec unicum textum, qui diffi-

difficultatem ingerat, opponere hactenus valuerunt? Ut vero intelligant suam de formidolosa attritione opinionem hostiliter pugnare cum doctrina S. Thomæ, Iubet illorum oppositionem potissimam ipsius S. Thomæ verbis referre.

XIII. S. Thomas III. Part. quæst. lxxxiv. art. 5. quærit, *utrum hoc sacramentum pœnitentiæ sit de necessitate salutis*: & sibi hoc argumentum secundo loco opponit. *Præterea Proverb. x. dicitur: Universa delicta operit CARITAS: & infra cap. xv. Per misericordiam, & fidem purgantur peccata. Ergo habendo CARITATEM, & fidem, & misericordiam potest quisque salutem consequi etiam sine pœnitentiæ SACRAMENTO.* En ipsissimum adversariorum argumentum, quo enecatam atque destructum probant ipsi pœnitentiæ sacramentum. Audiamus nunc S. Thomæ responsum.

XIV. *Ad secundum dicendum, quod ex quo aliquis peccatum incurrit, CARITAS, fides, & misericordia NON liberant hominem a peccato sine pœnitentia. Requirit enim CARITAS quod homo DOLEAT DE OFFENSA IN AMICUM COMMIS- SA, & quod amico studeat satisfacere. Requirit etiam ipsa fides ut per virtutem passionis Christi, quæ in SACRAMENTIS Ecclesiæ operatur, QUÆRAT JUSTIFI- CARI A PECCATIS.* Requirit etiam ipsa misericordia ordinata ut homo subveniat pœnitendo suæ miseriæ, quam per peccatum incurrit, secundum illud Proverb. xiv. *Miserus facit populos peccatum. Unde Eccli. xxx. dicitur: „Miserere animæ tuæ „placens Deo.“* Quid adhuc mutire adversarii audent? En ipsorum unicum principium penitus convulsam ab ipso S. Thoma, cuius perpetua doctrina est, actus cuiuscunque virtutis sive acquisitæ, sive infusæ præcedere ipsum habitum. *Nihil prohibet* (inquit 2. 2. quæst. cxiii. art. 1. ad 3.) *aliquos multa in bonos usus expendere, & habitum liberalitatis non habere; sicut & aliarum virtutum opera faciunt homines, antequam habitum virtutis habeant.* Consule quæ dicta sunt supra cap. v. §. 3.

XV. Verum, ut luculentius adhuc eluceat, quam sit ineptum sophisma quod obtrudunt, prolixitati veniam lector dabit, si illud denuo ex doctrina S. Thomæ refellam. Quærit Angelicus eadem III. Part. quæst. lxxxvi. art. 6. *utrum remissio culpæ sit effectus virtutis pœnitentiæ, quæ virtus ex amore Dei proficiscitur, ut perpetuo Angelicus docet.* Respondet autem hoc pacto. *Dicendum, quod pœnitentia est virtus, secundum quod est principium quorundam actuum humanorum. Actus autem humani, qui sunt ex parte peccatoris, materialiter se habent in sacramento pœnitentiæ. Omne autem sacramentum producit effectum suum non solum virtute formæ, sed etiam virtute materiæ. Ex utroque enim est unum sacramentum Unde sicut remissio culpæ fit in baptismo non solum virtute formæ, sed etiam virtute materiæ, scilicet aquæ, principaliter tamen virtute formæ, ex qua & ipsa aqua virtutem recipit; ita etiam remissio culpæ est effectus pœnitentiæ, principaliter quidem ex*
vir-

virtute clavium, quas habent ministri, ex quorum parte accipitur id quod est formale in hoc sacramento . . . secundario autem ex vi actuum pœnitentis pertinentium ad virtutem pœnitentiæ; tamen prout hi actus aliquantulum ordinantur ad claves Ecclesiæ; Et sic patet quod remissio culpæ est effectus pœnitentiæ secundum quod est virtus, principalius tamen secundum quod est sacramentum.

XVI. Ecce quam perspicue S. Thomas prælocavit omnes adversariorum obiectiones. Contritio se habet tamquam materia in sacramento pœnitentiæ, sicut aqua in sacramento baptismi. Porro sicut forma principalius concurret ad productionem primæ gratiæ baptismalis; ita absolutio Sacerdotis principalius efficit iustificationem peccatoris, perficitque ipsam contritionem, quæ se habet ut materia istius sacramenti. Tantum ergo abest, contritionem præiudicium inferre efficacitati sacramenti, ut sine illa consistere sacramentum non valeat; quemadmodum sine aqua perfici baptismus nequit. Compara simul omnia quæ in hac dissertatione ex S. Thoma adduxi; & tum evidenter colliges, Thomistarum neminem posse formidolosæ attritionis opinionem defendere, nisi nuntium S. Thomæ doctrinæ remittat.

XVII. Obiiciunt 4. Salmanticenses Scholastici *trah. xxiv. disp. v. dub. 1. §. 2. num. 12.* & cum iisdem adversarii ceteri. Inquirimus, an illi duo amores, perfectus, & imperfectus, sint eiusdem, an diversæ speciei? Si secundum, inquirunt, vicimus. Nec enim dubitamus posse dari in peccatore aliquem de peccatis dolorem, ortum ex divinæ bonitatis, misericordiæ, & providentiæ erga nos consideratione. Sed talis dolor attritionis metas non excedit. Si primum; redit absurdum quod iam obiectum est, nempe gratiam sanctificantem sociari cum peccato. Quod hac ratione theologica evincunt. Talis amor, cum sit caritatis, hominem a peccato avertit, & convertit in Deum ultimum finem. Hoc enim proprium est sanctificantis gratiæ & caritatis. Conversio aurem ad ultimum finem componi nequit cum aversione ab ultimo fine. Repugnat quippe hominem actu habere duos ultimos fines. Hæc tandem est ultima anchora, cui suam alligant sententiam.

XVIII. Resp. Perspicue respondemus, opinionem illorum qui amorem initialem necessarium ad sacramentum pœnitentiæ negant esse caritatis, sed alterius virtutis, aut esse quendam affectum languidum inefficacem, conceptum ex consideratione divinæ misericordiæ, inter vana commenta amandandum esse. Clare ergo & rotunde dicimus, amorem præfatum esse veræ caritatis, quæ Deum spectat propter se dilectum. Absque ambiguitate affirmamus, hanc caritatem inchoatam & imperfectam, non natura, non specie, sed gradu dumtaxat & intentione differre. Dicimus hanc caritatem actualem imperfectam avertere hominem a peccato, & convertere hominem in Deum, tamquam in ultimum finem propter se dilectum, *effeðive*, non *effeðive*: quæ distinctio ab ipso S. Thoma traditur.

XIX. Quid produnt hæ voces, *affektive*, & *effektive*? Vocabula hæc inventa sunt ad veritatem implicandam, suntque mera effugia ad argumenti vim declinandam. Ita ne vero? Obiectio facta, est merum commentum Scholasticorum plurimum arbitrio partum, omni Scripturarum, & antiquitatis fundamento destitutum. Distinctio data est ipsius S. Thomæ, ut ex adductis supra testimoniis constat, estque perspicua & obvia, cuius significatus clarus est & præcisus. Ecce caritas hæc actualis imperfecta excludit omnem affectum peccandi; idcirco dicitur *affektiva*: non abolet peccati maculam; & ideo non dicitur *effektiva*. Convertit impium in Deum *affektiva*: quia, cum excludat omnem affectum peccandi propter Deum super omnia dilectum, necessario convertit hominem in Deum tamquam in ultimum finem. Verum quia imperfecta, non efficit culpæ remissionem; & ideo non dicitur *effektiva*. Quid hic implicari, & involuti? Immo quid non perspicuum & pervium? Cedo: nonne attritio formidolosa excludere debet omnem voluntatem peccandi, ut sit ad sacramentum sufficiens dispositio? Dubio procul. Excludit omnem affectum erga peccatum? Ergo necessario consequitur, finem ultimum peccatoris non esse amplius peccatum. Si enim excludit omnem affectum erga peccatum; profecto peccatum non potest esse ultimus finis hominis sic attriti. En quomodo ipsa attritio *affektive* avertit hominem a peccato, admissa nunc disputandi gratia hypothesi, quod attritio ex solo timore concepta excludat omnem voluntatem peccandi: id enim nos manifestis rationibus demonstravimus falsum. Sed adversarii acriter defendunt, vanis quidem ratiunculis, attritionem servilem omnem voluntatem peccandi excludere, ne directe Concilio Tridentino bellum intentent. In eo enim dicitur: *Si voluntatem peccandi excludat*. Hæc igitur formidolosa attritio, excludens omnem affectum peccandi, avertit *affektive* hominem attritum a peccato, atque adeo *affektive* convertit in Deum. Neque enim homo attritus duos ultimos fines habere actualiter potest, ut ipsi iure & vere clamant inclamantque adversus nos. Quid ad hæc? Negabunt ne attritionem servilem excludere omnem voluntatem peccandi? Absit. Funditus evertent proprium sistema. Ergo peccatum, seu bonum proprium non est finis ultimus hominis attriti. Ergo tuac ultimus finis hominis attriti est Deus. Et ecce quomodo attritio servilis convertit hominem attritum in Deum tamquam in ultimum finem *affektive*, quatenus excludit omnem affectum erga creaturam; non autem *effektive* in Deum convertit, quia non efficit iustificationem.

XX. Falleris, reponunt acuti adversarii. Attritio expellit utique omnem voluntatem peccandi; at non propterea convertit attritum in Deum; cum non sit dolor ille propter Deum offensum, & super omnia dilectum. Ergo Deum tamquam *omnis iustitie fontem diligere non incipiunt*, ut diligendum definit Tridentinum. Sed persequamur sophisticas istorum speculationes. Quis ergo finis ultimus

talís homínis attrítus? Non peccatum, seu creatura. Ergo Deus. An pró aliquo temporis momento sine aliquo ultimo sine súspensus attrítus homo hærebit? Dum homo attrítus recedit a peccato, tamquam a termino a quo, ad quem terminum accedit? Neque enim relinqui *terminus a quo* valet sine acquisitione *termini ad quem*, ut omnes Philosophi fatentur. Edisserant ergo nobis advertarij, quis sit hic *terminus ad quem* convertitur homo attrítus? Non est Deus: non est creatura, seu peccatum. Quis ergo? Bonum proprium honestum ut in Deum referendum. Papæ? Audistín' sublimem & solidam Theologiam? Avertitur homo a peccato, & convertitur in bonum proprium, seu in honestatem illius virtutis cui opponitur peccatum. Quam sint lepida commenta isthæc, ex Scriptura luculenter patet. *Convertimini ad ME, ait Dominus exercituum, & convertar ad vos, dicit Dominus*: Zach. 1. Item Eccli. xvi. *Convertere ad Dominum, & relinque peccata*. Homines attritione formidolosa correpti relinquunt peccata, excludunt omnem peccandi affectum; at in Deum non se convertunt. O inauditum argumentandi genus! Convertentur, inquit, per sacramentum. Vanissima est, & Scripturæ divinæ repugnans cavillatio. Nam Deus per sacramentum infundendo gratiam habitualement per Spiritum sanctum inhabitantem convertitur ad hominem. Sed iuxta Scripturam sanctam conversio hominis ad Deum præcedere conversionem Dei ad hominem debet. Fateor, præceptum referendi omnia opera nostra in Deum adfirmans esse, & non pro semper urgere, satilque interdum esse operari propter honestatem virtutis, quæ suapte natura in Deum tendit; ut fuse explicui *Tom. I. Lib. I. diff. iv. cap. xii*. At in præsens sermo est de peccatore, qui avertere se a peccato, & in Deum se convertere positive tenetur. Porro cum excludere positive debet homo iste iustificandus affectum erga bonum proprium, ad quod per aversionem a Deo conversus fuerat, consequitur, ut si affectum erga bonum proprium suum ultimum finem expellere velit, debeat necessario se in Deum tamquam in finem ultimum oppositum convertere; cum nequeat vel habere duos ultimos fines actuales, vel aliquo temporis intervallo absque aliquo sine ultimo actualiter finalizante hæreere súspensus. Sed quo me abripi patior ad insectandas omnes nugas & tricas quas excogitare homines solent ad veritatem implicandam obscurandamque? Hæc redundantia gratia dixi, ut patefacerem, ad quas angustias, & sophismata se recipere adversarii debeant; simulque evincerem argumentum de duobus ultimis finibus, quod contra nos obtrudunt, esse ineptissimum sophisma. Siquidem & ipsi propugnare astringuntur, hominem attritum aversum actualiter a peccato esse, & conversum in Deum, quem iuxta Tridentinum incipiat diligere *tamquam omnis iustitiæ fontem*. Quare reipsa Honoratus Turnely, præstantissimus inter adversarios Theologus, *loc. cit. concl. 2.* hominem attritum asserit diligere Deum ut finem ultimum, & ut beatitudinem, & mercedem æ-

ternam per amorem spei, seu castæ concupiscentiæ. Verum ex alio principio hoc Turnelianum commentum profligavi: quia, etiam peccator, immo & Iudæus, potest diligere Deum ut beatitudinem suam, ut mercedem suam. Quæ omnia respeto, ut magis constet, adversarios & mutuo inter semetiplos pugnare, & ad principia vel evidenter falsa, vel incerta, & ambigua gravissimum hoc Theologiæ punctum revocare. Regredior in semitam.

XXI. Ultro igitur denuo fatemur, amorem initialem, & caritatem inchoatam, necessariam ad sacramentum, esse actum veræ caritatis, eiusdemque naturæ & speciei cum caritate perfecta, idemque specificè obiectum spectare; solutæque differre ex parte voluntatis, seu ex graduum, & intensiōis diversitate. Ergo actus huiusce caritatis imperfectæ expellit maculam peccati, iustificatque impium & Consequentiam hanc, ut manifeste falsam & vanissimam, reiicimus. Et ut eiusdem falsitas magis pateat, universæ doctrinæ specimen sub una oculorum acie perstringo his paucis propositionibus.

XXII. PROPOSITIO PRIMA. *Homo attritus, ut sit sufficienter dispositus ad sacramentum penitentiae, excludat necessum est omnem affectum prædominantem erga peccatum, omnem prævalentem voluntatem peccandi.* Hæc prima propositio certa & inconcussa est apud utriusque partis Theologos.

XXIII. SECUNDA PROPOSITIO. *Solus amor contrarius prædominans, & prævalidus excludere potest affectum prævalidum, & prædominantem erga peccatum, sive bonum proprium.* Hæc quoque secunda propositio, nisi primis communis sensus scintillis renuntietur, certa esse debet. Ceterum, si cavillari illam adversarii velint, nihil moramur; cum modo non illorum tricas repellamus, sed ideam doctrinæ nostræ delineemus.

XXIV. TERTIA PROPOSITIO. *Amor prædominans, qui excludit, atque terminat omnem amorem vitiosum prædominantem erga bonum proprium, seu peccatum, est amor caritatis saltem inchoatæ, quæ avertit hominem a creatura, & convertit in Deum, quem diligere incipit tamquam omnis iustitiæ fontem, suumque ultimum finem.*

XXV. Super hac sola tertia propositione disputari nos inter & adversarios potest. Illi enim contendunt amorem spei, seu concupiscentiæ castæ excludere omnem affectum prævalidum & dominantem erga bonum proprium, seu peccatum, & convertere hominem attritum in Deum tamquam ultimum finem. Nos e contrario asserimus, hanc doctrinam esse vanum omnino commentum, & nisi me omnia fallunt, invictis argumentis demonstravimus, solum amorem veræ caritatis parere hos duos effectus posse, nempe exclusionem affectus dominantis erga peccatum, & conversionem in Deum tamquam in ultimum finem.

XXVI. Porro, ut manu veluti tangeris, quam sit sententia nostra adversario-

rum opinatione superior, hæc expendito. Concedunt ipsi, saltem doctiores, & concedere coguntur omnes, hos duos effectus, nempe exclusionem omnis voluntatis peccandi, & conversionem in Deum diligendum tamquam omnis iustitiæ fontem, necessarios omnino esse pro sufficienti dispositione ad sacramentum poenitentiz. Ultro quoque concedunt, amorem caritatis inchoatæ hos duos effectus certissime parere. Hæc duo extra controversiam posita sunt.

XXVII. Quid ergo obmurmurant? Quorsum contradicunt? Quid clamitant? Quoniam, inquit, caritas hæc, tametsi inchoata, non modo parit præfatos duos effectus, sed ultra insuper pergit, utpote nimium actiuosa & operatrix: evertit sacramentum Christi, seipsa attritum hominem iustificat, atque adeo superfluum efficit poenitentiz sacramentum. Caritas enim sive perfecta, sive imperfecta, cum ex eodem *formali*, & *specifico motivo* concipiatur, atque Deum propter se super omnia dilectum respiciat, eiusdem naturæ & efficacitatis est. Caritas perfecta iustificat: ergo & imperfecta.

XXVIII. Verum commentum istud, quod Scholastici nonnulli medium circiter sæculum post Tridentinum, ceu sere *canonem*, invexerunt in scholas, nos evidenter supra reiecimus; & iterum, qua facilitate ipsi illud opponunt, eadem nos illud tamquam arbitrarium, directe, & evidentissime oppositum Tridentino Concilio, SS. Patrum, præsertim Augustini, & Thomæ, doctrinæ, vi iusti ratiocinii, ut nobis videtur, & salvo semper meliori iudicio, evidenter, relinimus, & improbamus.

XXIX. Ut itaque multa in pauca contraham, dico, caritatem actualem imperfectam tollere affectum peccandi; cum repugnet actum amoris Dei & actum peccandi societatem contrahere, simulque permanere. Nego vero hunc Dei amorem inchoatæ caritatis tollere maculam & reatum peccati: idque supra ostensum est Scripturarum, Patrum, Augustini, Thomæ, Theologorum, & Catechismi Tridentini auctoritate. Neque enim rationibus metaphysicis, sed indicatis auctoritatibus effectus iste demonstrari potest. Firmiter ergo inhærendum est Concilii Tridentini doctrinæ fufius per eiusdem Catechismum explicatæ, ubi patenter asseritur, contritionem ita perfectam & incensam, ut maculam peccati deleat, & iustificationem inducat, in *paucissimis* contingere: idcirco clementissimus Christus Dominus poenitentiz sacramentum instituit, quod hanc contritionem, quæ eiusdem materia est, perficiat, & sic faciliorem efficiat salutis viam. *Convertimini ad me, & ego convertar ad vos*. Paucissimi sine sacramento ita vehementer, & ferventer convertuntur, ut extra sacramentum Deus convertatur ad illos. Quapropter hoc sacramentum instituit, ut facilius hæc mutua societas, hæc suavissimum reciproce amicitiz socius ineatur, & firmetur. Hæc omnia obvia, perspicua, & Conciliorum, Patrum, ac graviorum Theologorum doctrinæ consentanea apprimè videntur.

§. III.

Obiecta ex Appendice ad Concilium Romanum, & ex opere Sapientissimi Pontificis BENEDICTI XIV. inscripto, De Synodo diœcesana, repetita diluuntur: & ex iisdem improbat praxis attritionis servilis.

I. **I**N Appendice ad Concilium Romanum adiectæ sunt instructiones non conciliares, in quibus *Part. III.* hæc habentur. *Il sentimento oggi COMUNE è, che il dolore, o contrizione PERFETTA è buona, ma non necessaria per la confessione: bastando il dolore imperfetto, cioè l'attrizione, o pura già spiegata di sopra, o al più quella che è congiunta con qualche principio di AMOR BENEVOLO VERSO DIO, il che rimane finora indeciso dalla Santa Sede.*

II. Sapientissimus Pontifex BENEDICTUS XIV. feliciter regnans in suo opere inscripto *De Synodo diœcesana Lib. VII. cap. XIII.* selecta eruditione more suo recenset istius controversiæ diffidia. Et principio num. 6. hæc docet. *Quamvis ante Tridentinum COMMUNITER Theologi docuerint, ad Dei gratiam in sacramento pœnitentiæ obtinendam satis esse contritionem imperfectam, quam iam tum attritionem nuncupabant, attritionis tamen nomine NUMQUAM dolorem intellexerunt de peccatis, aliunde excitatum, quam ex MOTIVO CARITATIS, seu omnino seiundum ab aliquo saltem remisso, tenui, debili, seu initiali amore benevolo Dei.*

III. Communis ergo Theologorum sententia ante Tridentinum propugnabat necessitatem amoris caritatis saltem inchoatæ ad iustificationem in sacramento obtinendam. Subdit autem Pontifex, Franciscum Victoriam, & Dominicum SOTO omniium primos docuisse attritionem servilem sufficere, dummodo hæc a pœnitente reputetur contritio; deinde Canum hanc opinionem extendisse ad attritionem servilem etiam sic cognitam. Hæc Cani sententia scholas omnes pervasit, & magni nominis patronos invenit, præsertim Suarez, & Vasquez. *Verum qui inter istos doctiores, & sapientiores habentur, pavidum quodammodo & meticulosi, ac magna cum cautela illi RECENTI opinioni subscripserunt, quam ipsemet Canus nonnisi DUBITANTER astruxerat, inquit Pontifex sanctissimus, qui allegat testimonia eiusdem Cani, Suarez, Gamachzi, Comitoli, qui clamant: Tene certum, dimitte incertum.* Tandem post plura concludit Pontifex summus num. 9. *Adhuc quippe sub iudice lis est.*

IV. Ex his duobus documentis sic argumentantur adversarii. Sententia attritionis servilis non improbat a duobus Pontificibus BENEDICTO XIII. & XIV.

Ergo licite defendi potest. Ergo æque probabilis est, immo communior quam opposita. Si communior, si probabilior, ergo præferri debet contrariæ.

V. Resp. Nego & pernego consequentiam. Duo laudata documenta simul cum decreto Alexandrino ab imis suffodiunt unicum attritionis servilis fundamentum. Evinco. Docent adversarii, attritionis servilis opinionem esse damnatam, si sit tantum probabilis, probabilior, & probabilissima. Idcirco constituunt esse *certam, indubitatam, & tutam*. Illorum verba infra adducam. Sed laudati Pontifices docent, non esse certam, indubitatam, & tutam, sed *item sub iudice pendere*. Ergo huius opinionis praxis improbatam manet. Probo consequentiam. Ven. Innocentius XI. definivit ex sententiis controversis tutiorem esse eligendam, dum de sacramentorum valore agitur. Alterutrum ergo fateantur adversarii necessum est, aut BENEDICTOS XIII. & XIV. sapientissimos Pontifices abrogasse, delevisse, & penitus de medio sustulisse decretum Innocentii XI. aut illorum opinionis praxim manere improbatam. Primum dicere nequeunt: ergo secundum. Miror, acutos eruditosque adversarios non advertere, citata duo documenta, quæ nimis incaute obtrudunt, illorum iugulum directe petere. Ipsi, ut suam opinionem subducant damnationi 1. *prop. Innocentii XI.* in libris casuistis intrepide docent, opinionem attritionis servilis esse certam, indubitatam, tutamque. Laudati Pontifices testantur controversiam hanc sub iudice pendere. Ergo hanc adversariorum securam, indubitatam, & tutam certitudinem, ut vanum, arbitrium, & ineptum commentum rejiciunt. Verum de hoc fusius *cap. sequent.* ubi adversarios ad extremas ultimasque redigam angustias, a quibus numquam eluctari poterunt, nisi velint aut decretum Innocentianum, aut praxim attritionis servilis reiicere.

VI. Obiiciunt aliud levioris momenti sophisma, nempe ingentem multitudinem Theologorum qui defendunt attritionis servilis sufficientiam. Tandem sententia contraria attritioni formidolosæ altrix pavoris est, & rigorismi, anxietatem inducit, & conscientias torquet.

VII. Resp. Hæc omnia non modo diluta, sed contrita penitus ex iis quæ dixi, sunt. Si, præcisa ingenti quidem Casuistarum, qui, ut dicunt Navarrus, & Laymanus, alios velut oves & aves sequuntur, multitudine, comparatio fiat inter utriusque partis Theologos, qui ex instituto controversiam tractarunt, fidenter assero, & graviore, & numerosiore a nobis stare. Ad id quod addunt, sententiam nostram, quæ suavissimam cum Deo amicitiam & benevolentiam promovet, angores, pavorem, & severitatem invehere, nihil reponimus præter id quod supra dictum est. Truculenta ne est divinæ bonitatis meditatio, & de illius offensione contritio? Dulcescit vero gehennæ pavor, & tremendæ fornacis horror? Sed in eiusmodi nugis repellendis diutius tempus terere non lubet.

CAPUT X.

*Sententia formidolosæ attritionis in prop. 1. a Ven.
INNOCENTIO XI. proscripta, evidenti ratiocinio
contenta evincitur.*

I. **H**OC postremo loco usum & praxim sententiæ attritionis servilis penitus profligandam suscipimus. Alexander VII. an. 1667. prohibuit alterutram sententiam censura aliqua notari, *donec ab hac S. Sede fuerit ALIQUID hac in re definitum*. Videndum igitur in præsentia est, num S. Sedes ALIQUID hac in re definierit. Quod expressam definitionem non ediderit super hac controversia, fatemur omnes, & factum evidens est. At dispiciendum superest, utrum ALIQUID a S. Sede emanaverit, unde evidenti ratiocinio inferri possit, sententiam attritionis servilis penitus profligatam a S. Sede fuisse. Adfirmo ego cum ceteris sententiæ nostræ patronis, & hoc pacto evinco.

§. I.

PROPOSITIO DAMNATA.

Non est illicitum in sacramentis conferendis sequi opinionem probabilem de valore sacramenti, relicta tutiore, nisi id vetet conventio, aut periculum gravis damni incurrendi. Hinc sententia probabili tantum utendum non est in collatione baptismi, ordinis sacerdotalis, aut episcopalis.

II. **O**Mnia responsa sedulo & diligenter legi, quibus adversarii ab hac damnata thesi suam eripere opinionem de formidolosâ attritione conantur. Et, nisi me amor fallat, nihil ne apparens quidem, nedum probabile, offendi, quod ab Innocentiano decreto eximat attritionem formidolosam. Et ut Lectores iudicium ferre valeant, omnia adversariorum effugia sincere enarrabo. P. Ricardus Arfdekin *Tom. II. part. 11. tract. 1. cap. 111. quest. xxxi. §. 2. pag. 158.* quem refert Archipresbyter Halæ Michael Poli in suo *opuscul. pag. 77.* hæc scribit. *Aio (inquit Arfdekinus) præcipue inquirendum, non quid TUTIUS, sed quid VERIUS. Displicet hoc? Rationem cape.* Non displicet, sed placet summopere, dummodo ratio prodatur quam capere valeam. *Nota igitur bene* (pergit Arfdekinus)

kinus) *utinam satis, breviusculam, clarissimamque verbuli nostri rationem. Si inquirendo attingas Theologus quid sit obiective verius, hoc ipso attinget quid sit tutius; non tamen e contra, ex eo quod aliquid sciatur esse tutius, inde constet esse verius.* Admitto breviusculam verbuli rationem, quæ funditus evertit Probabilissimum. Nam obiective & directe saltem verior non est Probabilissimus, sed falsior: ergo reiiciendus. Falleris, reponit Arsidekin, qui sic persequitur. *Retinenda est igitur firmiter prædicta annotatio in pluribus horum temporum controversiis de attritione in sacramento, de absolutione differenda, de usu probabilitatis, & aliis, in quibus pro vulgari argumento ista securitatis species assumitur.* Huc ergo recidit breviuscula verbuli ratio, ut *specie securitatis Probabilissimus, attritio servilis, & aliæ huius temporis controversiæ vestitiæ* incedant? Doctrina hæc *Arsidekini* applicata administrationi sacramentorum continetur, nisi fallor, in propositione damnata. Nam sermo est de doctrinis quæ hoc tempore in utramque partem disputantur, quarum neutra est tuta. Doctrina enim tuta extra disputationis aleam constituta est. De attritione servili acris controversia fervet. Porro dum agitur de valore sacramentorum, ex doctrinis controversis, non quæ verior, sed quæ tutior est, eligi debet. Ergo doctrina *Arsidekini*, sicut & *Michælis Poli*, & ceterorum, continetur vi ratiocinii evidentis in propositione damnata. Sed hæc generatim & velitationis gratia. Præcipua & singularia responsa exhibenda sunt.

§. II.

*Sub examen inducitur responsum P. Claudii La-Croix;
& P. Martini Elparza, atque refellitur.*

1. **S**inceritate summa responsa omnia transcribo Theologorum, qui pro servili attritione pugnant. P. Claudius La-Croix *Lib. VI. part. II. de contr. num. 874* hæc scribit. „ Consideratis omnibus quæ hæcenus attuli, sententia tenens attritionem *ALIQUAM* sufficere cum sacramento, videtur mihi esse prædictæ certa. Quod confirmo inde, quia si non esset prædictæ certa, sed tantum probabilior, aut etiam probabilissimæ, contineretur damnatione r. prop. per Innoc. XI. „ Non est illicitum in sacramentis &c. Atqui hac damnatione non continetur. „ Nam Martinus DE ESPARZA unus ex Theologis Romanis, quæ iussu Innoc. XI. cum aliis Consultoribus interfuit examini prop. damnatarum Romæ 6. Aprilis 1680. in Belgium scripsit in hæc verba. *Nulla quisquam sollicitudine CONEPTI debet circa sufficientiam attritionis in confessione propter prohibitionem 1. prop. ex 65. Ea propositio fuit reprobata propter suam illimitatam omn-*
plæ-

„plitudinem, & universalitatem, cum INDISTINCTIÖNE SPECULATIVE tan-
 „tum probabilis a probabili etiam PRACTICE, & RURSUM probabilis utcumque
 „a moraliter certa, aut etiam plusquam moraliter certa. Sententia autem de suf-
 „ficientia attritionis est prædixæ probabilis, & moraliter certa, atque, ut ego pu-
 „to, plus etiam quam moraliter certa. Accedit apud censores prædictarum pro-
 „positionum actum fuisse in terminis propriis de sufficientia attritionis, atque ex
 „consensu omnium qui aderamus, sententiam communem mansisse incolumem.
 Hactenus P. La-Croix, qui nec verbum aliud addit, quo in tuto collocet affi-
 dam opinionem suam.

II. Habes ex P. Martino Esparza mirificam, & præcisam methodum in pro-
 scribendis thesibus. Nisi Romanæ Sedis decreta omnes distinctiunculas, quas ex
 universo Probabilissimi armamentario humana mens excogitare valet, contineant,
 superflua omnino sunt, & in nihilum penitus occidunt. Propositio damnata in
 decreto est cum indistinctiōne speculative & prædixæ probabilis. Quid heinc?
 Quid? Nihil in illa propositione damnatum est. Cur? quia est cum indistinctiō-
 ne probabilis speculativi & prædixæ. Immo quia caret hac distinctiōne, damnata
 est. Ergo propterea nihil damnatum est. Quia, adiecta distinctiōne, iuxta P.
 Esparza propositio immunis a censura est. Nam ideo per ipsum damnata fuit,
 quia est cum hac indistinctiōne Probabilissimi speculativi, & prædixæ. Quisque er-
 go iuxta PP. Esparza, & La-Croix eludere confixam propositionem poterit di-
 cendo, damnatum in hac propositione usum Probabilissimi speculativi, non usum
 Probabilissimi prædixæ. Immo reipsa P. Esparza penitus eludit, & prorsus frustra-
 neam reddit propositionis damnationem. Dicat nobis P. Esparza, & cum ipso P.
 La-Croix, quid damnatum est in hac propositione? Usus probabilitatis speculati-
 væ, inquis. At est falsitas facti manifestissima, cum Auctores præfatæ proposi-
 tionis requirant non modo in sacramentis administrandis, sed pro qualibet hone-
 sta operatione elicienda usum probabilitatis prædixæ, ut constat ex eorum li-
 bris. Quid quod P. La-Croix, & P. Esparza mutuis antilogiis semetipsum penitus
 iugulant? P. La-Croix ait patenter: Sententia nostra, si esset tantum probabilior,
 aut etiam probabilissima, contineretur damnatione 1. prop. per Innoc. XI. Hæc La-
 Croixius. Contra P. Esparza in testimonio producto ab ipso La-Croixio asserit
 propositionem esse damnatam, quia est cum indistinctiōne speculative tantum pro-
 babilis a probabili etiam prædixæ. Contrà clamat La-Croix. Damnata dicenda
 foret, etiamsi probabilior, etiamsi probabilissima, nedum prædixæ probabilis esset.
 Non puto in universo Probabilissimo inveniri posse distinctiunculam aptam ad
 conciliandas eiusmodi contradictiones, & verborum prælia. Facti quoque falsitas
 manifesta est, quod adiecit P. Esparza, damnatam esse propositionem propter
 suam illimitatam amplitudinem, & universalitatem. Qua bona fide dici hoc pos-
 set,

est, si propositio limitatissima est? Certe in propositione sunt clausulæ istæ restringentes. *Nisi id veter lex, conventio, aut periculum gravis damni incurrendi. Hinc sententia probabilis tantum utendum non est in collatione baptismi, ordinis sacerdotalis, aut episcopalis.* Legatur Sanchez *Lib. I. cap. 1x. num. 33.* & alii Auctores damnatæ thesis, in quibus limitata, & restricta est.

III. Quid quod vel ex ipso testimonio P. Esparza, docti Belgæ damnatam tenebant in præfata thesi opinionem attritionis formidolosæ? Inquit enim P. Esparza: *Nulla quisquam sollicitudine CONCUTI debet circa sufficientiam attritionis in confessione propter prohibitionem 1. propof. ex 65.* Plura notatu digna in his paucis verbis occurrunt: quæ ut percipias, revocandum in memoriam est id quod supra narraui ex P. Francolino. Ardebat in Belgio bellum litterarium super hac controversia inter P. Maximilianum *Le Dent* S. I. & P. Franciscum *Farvacquesium* Augustinianum, qui teste Francolino cruenta vulnera susceperat ab acuto calamo P. Maximiliani *Le Dent*. Verum continuo ac prodiit opus immortale Historiæ Cardinalis Pallavicini, P. Franciscus *Farvacquesius* publicis typis cudi fecit quædam folia continentia ea omnia quæ ex actis Concilii Tridentini narrantur a Pallavicino contra opinionem formidolosæ attritionis. Quæ folia volare curavit *Farvacquesius* per universum Belgium. Epocha hæc posterior Alexandrino decreto est. Et heinc iacere cæpit opinio propugnata a P. *Le Dent*. Post prodiit decretum Ven. Innocentii XI. quod novum, & quidem mortiferum vulnus inflixit eidem opinioni. Docti Belgæ spectantes attritionem formidolosam tot confixam undiqueversum vulneribus, *concuti*, despondere animos, affligi, confundi cæperunt. Ut propriæ mæstitiæ & anxietudini aliquo modo consulere, continuo epistolas dederunt ad P. Esparza percelebrem Probabilistam. Quodnam istarum epistolarum testimonium perhibes? Quodnam? Numquid P. Esparza Romæ degens perspectam habere *concussionem* Belgarum poterat, nisi per litteras, aut nuntios? Numquid sponte scripsit P. Esparza, ne concuterentur Belgæ, nisi concussos prius agnovisset? Itaque, ut illos erigeret afflictos, & consolaretur mæstos, epistolam dedit scribens: *Nulla quisquam sollicitudine concuti debet propter prohibitionem* &c. Prohibitio ergo pontificia *concusserat* Belgas. Quos? Numquid hanc epistolam dedit P. Esparza ad Augustinianos? P. La Croix narrat, P. Esparza *scripsisse in Belgium*. Numquid ad provinciam ipsam Belgii P. Esparza scripsit? Omnes affirmabunt, P. Esparza suam epistolam *consolatoriam* scripsisse ad defensores opinionis afflicte. Debuisset P. La-Croix patefacere personam ad quam data epistola illa fuit. Nullus dubito quin P. La-Croix numquam publicasset hanc epistolam, si eam severius & cautius expendisset. Sed angustia pressus, ut suæ sententiæ consulere, novum eidem vulnus inflixit. Quandoquidem, si animo *concussi* Belgæ erant ob damnationem præfate thesis, evidens est Bel-

gas ratum habuisse, in eadem thesi *concessam* fuisse sententiam attritionis servilis. Et si Belgæ concussi non fuissent, P. Esparza dehortatus eos non fuisset ne concuterentur. Hæc omnia scribere coactus sum, ut viam mihi pararem ad propugnandum Sedis Apostolicæ decretum, & convellendum commentum, quo ipsum illudere pertentavit P. La-Croix. Paucis nunc rem perstringo.

IV. Luculentum est in præfata thesi damnatum esse usum Probabilissimi sive speculativi, sive practici in administratione sacramentorum, quando agitur de eorumdem valore. Quoniam vero P. Esparza fuit acerrimus Probabilissimi defensor, qui censuram celebrem scripsit adversus Reverendissimi P. Tyrſi GONZALEZ opus; ideo, ut & suo Probabilismo, & attritioni formidolosæ caveret, præfatum commentum *Probabilissimi speculativi, & practici* excogitavit.

V. Quid quod hac libertate admissa detorquendi decreta pontificia in sensa quæ propriis opinionibus favent, ex privatorum hominum relationibus, actum de omnibus Romanæ Sedis decretis est? Si, ut narrat P. Esparza, Consultoribus persuasum erat, attritionem servilem non esse in thesi contentam; cur non curarunt ut aliqua declaratio adiceretur; cum thesis iuxta obvium sensum ita clare includat attritionem servilem ex decreto Alexandrino sola probabilitate fultam, ut *concuſſeris* Doctores Belgas eiusdem patronos? Quid? Romana Sedes universæ Ecclesiæ sua proponit decreta, quæ perspicue veritatem retinendam, & falsitatem cavendam declarant; & homines privati scribere ad provincias audent, non esse iuxta obvium sensum intelligenda, ut concussos erigant, afflictosque consolentur? Sic scriptum fuit de constitutionibus Sixtinis, Pianis, Clementinis, aliisque plucimis, quas infra de confessione epistolari indicabo. Thesis damnata iuxta obvium sensum licitum usum probabilitatis practicæ defendebat. Quia, ut dixi, omnes Probabilistæ ad quamlibet actionem honestam hic & nunc peragendam, nedum in sacramentis perficiendis, probabilitatem practicam, distamen practicum postularunt. Decretum autem pontificium exterminatum a re sacramentaria definivit Probabilissimum sive practicum, sive speculativum; & tutiorem sententiam adhibendam imperat. Mera itaque commenta sunt quæ narrat P. Esparza, ut aliquo linimento consulat afflictioni Belgarum.

VI. Unum ex hac tota narratione summopere meditandum colligo. Illud autem est concussio & afflictio Belgarum ob publicationem decreti Innocentii XI. Quid? Affligimur, concutimur, dum prodeunt a Romana Sede oracula, quæ aberrationes nostras patefaciunt, quæ lucem veritatis ad fugandas mentis nostræ tenebras nobis afferunt? Quod nobis displiceat, quod concutiamur, quia erravimus, hoc bonum est, si fateamur aberrationes nostras, illasque improbemus. Tunc enim Paulus exultans scribit: *Gaudeo, non quia contristati estis, sed quia contristati estis ad pœnitentiam; contristati enim estis secundum Deum: II. Cor. vii.*

Ve-

Verum quod contrissemur, quod animo angamur, quia patefactus error nosse est, quia veritatis lux apparuit, quod diverticula quaeramus, & commenta captemus, quibus pontificia decreta ab obvio sensu veritatem pandente detorqueamus ad opinionationes nostras defendendas, quas damnatas nollemus, tunc tristitia nostra mundana est. *Saeculi autem tristitia* (subdit ibidem Paulus) *mortem operatur*. Dum hæc scribo, audio prodiisse scriptum contra decretum quo Romana Sedes proscripsit Bibliothecam Iansenistarum editam a P. De Colonia. Novum obedientiæ, & obsequii erga S. Sedem. Novum ædificationis monumentum exhibitum Iansenistis.

VII. Adversariorum aliquis forte dicturus erit, me nimium profligasse, & sub vario aspectu hoc P. La-Croix responsum exagitasse. Sed recogitare lector debet, num animadversiones a me factæ necessario ex documentis allatis a P. La-Croix, & P. Esparza proficiantur. Recogitet, num solidæ, num efficaces ad repellenda vana commenta, & propugnandum Romanæ Sedis decretum sint. Si eiusmodi fuerint, ut mihi videtur, animadversiones meæ, nihil curo adversariorum dicta, scommata, & censuras. Quia qui iudicat, Dominus est: & si propter hoc persecutionem patiemur, inquit piissimus Iesuita P. Michael Elizalde, beati erimus. Volui omni ex parte labefactare responsum unicum, quo in tuto collocare P. La-Croix sententiam suam studuit: quia patefacta talis responsi falsitate, necessario corrui illius sententia. Nihil dico de illa amplitudine qua asserit, *attritionem aliquam* sufficere ad sacramentum: nam aliqua attritio inefficax est, & secundum omnes Theologos insufficiens ad sacramentum; ut supra ex Salmanticensibus adnotavi. Hæc omnia illustrare debuisset novissimus *Anonymus*, qui *supplementum* edidit ad opus istius percelebris Casuistæ. Sed de hoc loco suo erit sermo.

VIII. Quamvis P. La-Croix nec verbum aliud addat, quo decretum pontificium feliciter interpretetur; lubet tamen aliam eiusdem doctrinam rescribere, quæ omnia a me dicta luculentius confirmat. Hæc ergo eodem *num. 874* scribit. „ Quamvis concederemus sententiam adversariorum (N. B.) esse probabilem, tamen non esset obligatio sequendi eam sententiam, per quam administratio, vel susceptio sacramenti sit obnoxia nimis scrupulis, & difficultatibus: „ *atque per sententiam adversariorum administratio, & susceptio sacramenti pœnitentia sit obnoxia nimis scrupulis, & difficultatibus*. “ Ecce. Licet Romana Sedes præcipiat ut inter opiniones probabiles, non probabilior, sed tutior in administrandis sacramentis adhibeatur; hoc intelligendum est, inquit P. La-Croix, quando administratio sacramenti, vel susceptio non est obnoxia scrupulis, & difficultatibus. Atque omnis doctrina tutior, quæ ab amore mundi, ab affectu illecebrarum seiungit, obnoxia est scrupulis & difficultatibus. Ergo hæc P. La-Croix do-

doctrina sane mirifica eludi possunt, ut mihi apparet, & Romanæ Sedis decreta, tametsi luculentissima, & leges omnes quæ humanas appetitiones coercent. Nam de omnibus decretis, maxime si adversentur opinionibus domesticis, dici poterit, quod ex eorum observantia oriantur scrupuli, & angustiae. Verum enimvero sententia quæ postulat amorem Dei initialem, doloremque conceptum ob offensam Deo summo bono irrogatam, scrupulorum laqueis iugulat, & difficultatum torsionibus lacerat fidelium conscientias? Tam crudelis est Dei amor, ut hæc pariat tormenta? Aliam commentationem adiicit ibidem Auctor iste, quam mox reiiciemus.

§. III.

PP. Cardenas, Viva, & aliorum omnium adversariorum commune responsum ad decretum INNOCENTII XI. expenditur. Certitudo moralis attritionis servilis est facti falsitas evidentissima, quam retrahere tenentur adversarii, ne lectores decipiantur.

I. IN ipso præloquio ad hanc dissertationem præmonui, me immunem ab omni censura velle opinionem attritionis formidolosæ, quia sic iubet decretum Alexandri VII. *donec a S. Sede fuerit ALIQUID definitum*. Nos autem contendimus *re' aliquid definitum* a S. Sede emanasse contra opinionem attritionis servilis. Nihil igitur in decretum Alexandrinum delinquimus; sed eidem paremus, dum evidenti ratiocinio demonstrare conamur, Innocentium XI. *aliquid* definiisse contra attritionem servilem. Præterea ibidem animadverti, aliud esse asserere opinionem aliquam esse falsam, & improbabilem; aliud longe diversum esse, si asseramus aliquam rationem, quam eiusdem patroni adducunt ad illam opinionem propugnandam, esse inane commentum. Hoc secundum in præsentia demonstrandum suscipio, nempe certitudinem moralem, quam adversarii sum tribuunt opinioni, esse, ut infirmitati meæ videtur, manifestissimam facti falsitatem. Sapientum iudicio subiiciò examinanda quæ distinctis conclusionibus dicturus sum.

§. IV.

CONCLUSIO PRIMA:

Adversarii, ut suam servilis attritionis opinionem liberent a censura decreti Innocentiani, aiunt esse moraliter certam, & oppositam improbabilem. Hæc autem CERTITUDO MORALIS, elidens probabilitatem oppositæ sententiæ, est evidentissima facti falsitas.

I. **U**T ea maiori quæ desiderari in controversia morali evidentia potest demonstrem conclusionem propositam, distinctis propositionibus illam expono.

II. PRIMA PROPOSITIO. *Adversarii adfirmant, sententiam attritionis servilis ita esse moraliter certam, ut contraria non sit probabilis, immo sit omnino improbabilis. Quamvis factum istud tam evidens sit, quam manifesta sunt adversariorum volumina; tamen pauca ex præcipuis Auctoribus testimonia transcribo.*

III. P. Dominicus Viva in Cur. quæst. 111. art. 2. num. 7. *Afferere, attritionem non esse sufficientem &c. Hæc opinio post Trident. tamquam improbabilis reiicitur communissime. . . Post Trident. omnem probabilitatem amisit. Rursus in trutina in prop. 14. Alexandri VIII. Prohibitio autem illa Alex. VII. ne alterutra ex iis opinionibus censureretur, non infert utramque opinionem esse probabilem. Iterum in prop. 1. Innocentii XI. num. 21. Opinionem de sufficientia attritionis, tum ad valorem, tum ad fructum sacramenti, non esse mere probabilem, AUT PROBABILISSIMAM, sed præcise & moraliter CERTAM, ut hic supponimus ex fuscè dicendis &c.*

IV. P. Cardenas in Cris. disput. 11. cap. VI. art. 2. quæst. 1. num. 61. *inquit: Dicendum tamen est, eam sententiam affirmativam de sufficientia attritionis non subiacere huic damnationi. Ratio est, quia decretum loquitur de MERE PROBABILIBUS: hæc autem doctrina non est MERE PROBABILIS, sed OMNINO CERTA, ET INDUBITABILIS propter definitionem Concilii Tridentini.*

V. P. Claudius La-Croix Lib. VI. part. 11. num. 873. *quærit, an sententia tenens attritionem (ex timore gehennæ) sufficere cum sacramento, sit præcise certa. Respondet. „ Amicus, Elparza vocant indubitatum, Ardekin dicit videri ita se- „ curam, ut amplius de ea prudenter dubitari non possit. Tanner. Conin. vo- „ cant satis certam. Præpos. Prado, Salas, Viva. . . moraliter certam. Suar. „ Less.*

„ Less. Rayn. Ferand, Diana, Martinon, Perez Midoz. Castropal. Dicastil. Ill-
 „ fung. absolute certam. Card. de Lugo, Sporer, Bolco communem, & certam.
 „ Filliuc. Orpega Henrix, Francol. certam in praxi. Fr. Lugo, Gonet, Mald.
 „ Le Dent tutam in praxi. Aversa tutam post Tridentinum. Gormaz practice
 „ & indubie certam. Estrix, & Cardenas certam, & omnino tutam. Leander,
 „ Paulus de Palatio. Seraphinus a Conceptione vocant certissimam. Bonæ spei,
 „ & Arriaga dicunt videri sibi esse fere de fide. Moya dicit esse veritatem inter
 „ fidei dogmata numerandam. Addit hoc certa fide esse tenendum. Stoz vocat ex
 „ fide catholica certam &c. “

VI. Concludit postea P. La-Croix num. 874. ut vidimus §. 2. Si hæc sententia non esset practice certa, sed tantum probabilior, aut etiam probabilissima, contineretur in damnatione 1. prop. per Innoc. XI.

VII. De prima igitur propositione nullus remanet ambigendi locus: & possem tot laudare testimonia, quot sunt Casuistæ qui scripserunt post publicatum decretum Ven. Innocentii XI.

VIII. SECUNDA PROPOSITIO. Hæc moralis certitudo, quæ constituit opinionem formidolosæ attritionis non modo communiorum, non modo probabiliorum, non modo probabilissimam, sed omnino certam & tutam, ita ut opposita non sit vere probabilis: eiusmodi, inquam, certitudo est facti falsitas manifestissima, commentum imaginarium, & ut lectorum aures excitem, est chimæra chimærarum, ut de simili opinione inquit P. Michael Elizalde. Ex hac iactata morali certitudine decipiuntur imperiti lectores, qui credunt citatos Auctores non posse divendere opinionem quæ sit dumtaxat probabilis, tamquam extra controversiæ aleam positam, & omnino certam, & tutam. Et heinc quæ absurda, quæ mala?

IX. Evinco hanc secundam propositionem. Primi Auctores sufficientiæ attritionis servilis, Cano, Soro, Medina, Lopez, Valquez, Suarez, Platelius, & ceteri doctiores eiusdem sententiæ patroni testati sunt non esse certam, sed dubiam, & incertam. Illorum testimonia supra produxi.

X. Centum & plures Theologi ex universo orbe catholico, & insignium Universitatum, quos supra recensui, permultis omisiss, doctissimi Cardinales Denofus, Aguirius, Le Camus, Monilianus, Noallius, & plures Archiepiscopi, & Episcopi, quos inter doctissimus BOSSUETUS; celebriores Universitates, Parisiensis, Lovaniensis; omnes fere Theologi Augustinianæ Religionis, doctissimi Patres Cistercienses ROMAE in Collegio S. Crucis in Hierusalem; eruditissimi Scholarum piarum præceptores, Romæ in Collegio Nazareno, accuratissima discussione præmissa, opinione attritionis formidolosæ reiecta, propugnant attritionem initialem, ut testatur præstantissimus Theologus Laurentius Berti Augustinianus Lib. XXXIV. cap. v. ubi etiam laudat præclarissimos Institutores Seminariorum Italiæ, Vero-

nenfis præsertim, & Patavini. Quid de Theologis *Ord. Præd.* dicam? Doctiores; quos ego agnosco, omnes sententiam hanc nostram propugnant. Præter illos qui typis sua opera evulgarunt, in MSS. hanc sententiam docent. Quid, si celeberrimi BENEDICTINI ORDINIS doctissimos Theologos recensere vellem? Plurimos ipse agnosco, quibuscum etiam necessitudo mihi intercedit, qui acriter, mordicusque hanc propugnant doctrinam. Sed unum pro mille laudare sufficiat sapientissimum Cardinalem AGUIRE.

XI. Tota hæc numerosissima insignium Theologorum, Cardinalium, Archiepiscoporum, Episcoporum, Universitatum multitudo satis non est ad constituendam sententiam vere probabilem? Catechismus Concilii Tridentini, qui conceptis verbis nostram docet sententiam, nec frustulum probabilitatis præbet? Probabilistæ docent, aut unum Theologum doctissimum, aut quatuor, vel sex doctos efficere opinionem probabilem. Et celebriores Universitates, & Conventus Cleri Gallicani, & centeni Theologi, & sapientissimi Cardinales, Archiepiscopi, Episcopi e cathedra loquentes, & integris dissertationibus pro sententia nostra pugnantes, nec micam probabilitatis suppeditant? Ecce? Quia non sunt Probabilistæ. Illa sola magna nomina, quæ mox supra *num. 9.* recensui ex P. La-Croix, constituunt opiniones probabiles, etiamsi numerum quinarium non excedant? Hoc eruditissimo sæculo tam monstruosa paradoxa evulgant Probabilistæ? Quid, si conferrem Casuistas, qui numerosum censum constant Auctorum pugnantium pro attritione servili, cum Theologis sententiæ nostræ? Quid, si laxas & damnatas propositiones, quas permulti illorum docent, cum sana Ethice istorum compararem? Et illi tantæ sunt auctoritatis, ut cum aliis aësculis eluant, destruant omnem probabilitatem sententiæ quam propugnamus?

XII. Quid plura? Ideo Auctores, præsertim Probabilistæ, defendunt, sententiam attritionis servilis esse moraliter certam, elidentem contrariæ sententiæ probabilitatem, quia in Concilio Tridentino definita est. Atqui post evulgatam Historiam Cardinalis Pallavicini ipsi Theologi præstantiores qui defendunt attritionem servilem, ingenuè fatentur, nihil Concilium de tali opinione statuisse; ut ex Honorato Turnely vidimus. Accedit, adversarios, qui laudatam certitudinem adscribunt suæ sententiæ, defendere attritionem servilem, ut vocant, puram, seu ex solo timore *gehennæ* conceptam. Atqui hodie ipsi Theologi præstantiores, qui ab attritione excludunt caritatem inchoatam, requirunt præter timorem amorem concupiscentiæ, quo Deus diligatur tamquam ultimus finis; & ut falsam reiiciunt sententiam attritionis mere formidolosæ, quam ut certam, ut tutam, ut indubitatam defendunt Casuistæ minus docti, quorum plurimi ut aves alias sequuntur aves, iniquiunt Navarrus, & Layman.

XIII. Tandem Alexander VII. decrevit, hanc controversiam in utramque partem

tem disputari posse censuris sublatis. P. Dominicus Viva in *trut. in propof. 14* Alexandri VIII. num. 31. respondet. *Prohibitio autem illa Alex. VII. ne alterutra ex iis opinionibus censureretur, non infert utramque sententiam esse probabilem, cum huiusmodi PROHIBITIONES SÆPE FIANE IN BONUM PACIS.* Hæc typis evulgant: & postea lamentantur, cum dicimus Casuistarum plures vanis commentis eludere pontificia decreta quæ illis non arident? Quo loco habenda sit hæc P. Viva assertio, sapientum esto iudicium.

XIV. Post Alexandri VII. decretum, quo cavetur ne alterutra opinio censura notetur, donec *aliquid* a S. Sede definitum fuerit, post duodecim circiter annos Ven. Innocentius XI. definivit, ex opinionibus controversis *tutorem* in perficiendis sacramentis amplectendam esse: & continuo opinio attritionis servilis, quæ prius consilia probabilitatis non egrediebatur, evasit certa, indubitata tuta.

XV. TERTIA PROPOSITIO. *Ergo luce meridiana evidentius est certitudinem moralem tutam, indubitam, descriptam in prima propositione, esse falsissimam, commentum vanum, chimeram chimerarum, iniuriosam decretis pontificiis, Universitatibus, Cardinalibus, Archiepiscopis, Episcopis, gravioribus Theologis, perniciosam imperitiis lecloribus, qui ex tali iactata certitudine decipiuntur. Ergo hæc moralis certitudo elidens probabilitatem oppositæ sententiæ, retrahenda, abolenda, exterminanda omnino est.* Ita vi ratiocinii, ex duabus propositionibus evidenter deduci, imbecillitati meæ videtur, salvo semper meliori iudicio, & obsequio erga adversarios.

§. V.

SECUNDA CONCLUSIO.

Tam evidens est opinionem formidolosæ attritionis contineri in 1. propof. Innocentii XI. quam evidens est unicam rationem, qua adversarii conantur eam ab illa damnatione eripere, esse manifeste falsam, & arbitrarium commentum.

I. PRIMA PROPOSITIO. Unica, & sola ratio quam adversarii post medium & amplius sæculum excogitarunt ad liberandam opinionem attritionis servilis a censura damnationis 1. propof. decreti Innocentiani, est *certitudo moralis* practica, tuta, & indubitata eiusdem opinionis. Si opinio attritionis formidolosæ

esset tantum probabilis, vel probabilior, aut probabilissima, fatentibus adversariis, hæc eorum opinio esset damnata in 1. *prop. decreti Innocentii XI.*

II. SECUNDA PROPOSITIO. Atqui veritas facti luculentissima, manifestissima universo litterario orbi est, *talem certitudinem moralem*, elidentem probabilitatem contrariæ opinionis, esse merum somnium, purum putumque commentum.

III. TERTIA PROPOSITIO. Ergo tam evidens est opinionem attritionis formidolosæ contineri in *prima propositione damnata ab Innocentio XI.* quam evidens compertumque est certitudinem moralem tutam & indubitatam, quam eiusdem opinionis iactant adversarii, esse apertissimam facti falsitatem, arbitrarium commentum, & inauditum paradoxon.

§. VI.

ANIMADVERSI O

in gradum probabilitatis attritionis formidolosæ.

CL. BOSSUETI monitum.

I. **D**isputationis gratia, & ut adversarios ad angustias redigerem, concedere volui, opinionem attritionis servilis esse probabilem, probabiliozem etiam. Nam, ipsis fatentibus, etiamsi esset probabilissima, contineretur in damnata 1. *prop. Innocentii XI.*

II. In præsentia addo, opinionem attritionis formidolosæ *hodie* esse minus communem, minusque probabilem; & sententiam nostram esse communiozem, esse probabiliozem, sive rationum momenta, sive graviorum Theologorum suffragia spectentur. Opinio attritionis servilis, ut iam supra dixi, pari passu cum sua sorore opinione Probabilissimi processit. Tempore Alexandri VII. ambæ communiozes inter Scholasticos: quoniam Theologi propugnatores ambarum sororum, probabilitatis, & formidolosæ attritionis, potentiores, & numerosiores erant Theologis qui cum Farvacquesio contra ambas sorores pugnabant. Verum post plura eiusdem Pontificis decreta ambæ sorores vulnera gravissima, & post decreta Innocentii XI. istum mortiferum passæ sunt. Circiter illud tempus sacra Theologia a plurium Scholasticorum nimis speculationibus expurgata, & ad avitam suam maiestatem, ad Scripturarum sanctarum, ad Conciliorum, ad Patrum præceptiones revocata fuit: & tum ex celebrioribus Universitatibus novæ opiniones, præsertim de Probabilismo, & de attritione servili, exulare cœperunt. Anno 1700. universus florentissimus & celeberrimus Clerus Gallicanus, in comitiis solemnibus

coactus, Probabilissimum exterminavit ab universo regno, & attritioni servili bellum indixit : & tandem anno 1716. attritionem initialem, seu caritate imperfecta conceptam, confirmavit.

III. Heinc, quemadmodum *hodie* docti & sapientiores Theologi, a scholarum & factionum præiudiciis vacui, Probabilissimum, qui circiter medietatem elapsi sæculi dominabatur in scholis, improbant, exagitant, profigant; ita non minori studio, & zelo formidolosæ attritionis opinionem improbare, refellere, & labefactare toto virium conatu adlaborant. Factum publicum narro, & orbi manifestum.

IV. Non modo ergo communior, probabilior, vel probabilissima non est attritionis servilis opinio; sed e contrario minus communis, minus probabilis una cum sua sorore opinione de Probabilismo est.

V. MONITUM doctissimi Episcopi Meldensis Iacobi BOSSUETI altius impressum omnium animis esse debet. Cum videret celeberrimus Episcopus, gradus episcopalis decus & ornamentum, inter Casuistas latius manare attritionis servilis opinionem, eam invictis argumentis, e Tridentino Concilio haustis, penitus protrivit, e sua diocesi exterminavit, atque apostolico zelo succensus alios Episcopos contra eandem animavit. Illius verba, quæ zelum episcopalem produunt, ex *cit. opusc. de doct. Conc. Trident. circa dilect. pag. 114. & seqq.* transcribo.

„ Ne ergo nos moveant communiores hodie, si forte, opiniones, cum etiam liceat oculis intueri, gliscente licentia, *quot prava quotidie communiora fiant*: quæ quidem nobis, quasi maioris numeri auctoritate deterritis, dissimulanda non sunt; *immo* vero, quo magis invalescunt, eo validius confutanda. Ipsa certe minoris probabilitatis assertio *tam nova* est, ut, ultro consentientibus illius auctoribus, vix demum anteacto sæculo in *hac temporum face natam esse constet*: antiquioribus, ac sanctis Scholasticis, Thomæ, Bonaventuræ, Antonino, ceterisque plene ignotam, & inauditam. An ergo eo quod *proutis in laxiora, ac paradoxa nimis* communior videatur: an, inquam, propterea *tam invalescere fiant Episcopi*; non autem omni ope propulsandam, & profigandam turent? *Ita de exclusa incipientis dilectionis necessitate dicendum.* Neque enim tanta in re hominum opinionibus, sed Ecclesiæ fide regi iubemur. Nec si vel maxime fel. m. Alex. VII. decreto validissimo, notaque, & ab omnibus acceptissima Sædis Apostolicæ auctoritate prolato veruisset ne illam sententiam ulla theologica censura prohibeamus; ideo nos tantam veritatem, tam clare, tam perspicue, a sacrosancta Tridentina Synodo declaratam tacere debemus: *immo vero, quo a pluribus impugnatur, tanto magis modeste quidem, ac pacifice, sed interim magno animo asserenda est*; ut adversarii Concilii Tridentini si non theologica qualificatione, veridica tamen assertionem dicantur.

„ Nec fas est Episcopos, tanto accepto deposito, iudicare secundum aliorum com-

„ *munierem, licet forte, opinionem, quod nihil aliud esset quam ut illis auctoribus per*
 „ *inanem probabilis speciem falsa securitas induceretur, & contra Domini interdi-*
 „ *ctum traditiones ac mandata hominum invalescere ficerentur.*

„ *Liceat & illud reverenter addere, utcumque Alexander VII. ab inferendis*
 „ *neganti sententiæ censuris propter bonum pacis continendos existimarit Epi-*
 „ *scopos, certe noluisse eam opinionem a successorum quoque suorum Innocentii XI.*
 „ *& Alexandri VIII. decretis ac notis præstare salvam: in quas incidisse, dum a-*
 „ *mandi obligationem generatim solvunt, dumque in sacramentorum materia probabi-*
 „ *lem tantum, non autem tutam sequuntur sententiam, supra demonstravimus.*

VI. Hæc meditentur illi qui mundano respectu, & politicis rationibus ducti; Christi Evangelium erubescunt, erubescendi sane a Christo iudice in die Domini. Non modo sententia formidolosa continetur in *prop. 1.* Innocentii XI. verum etiam in *v. in vi.* & in *vii.* eiusdem Pontificis, & in aliis Alexandri VII. & VIII. Si epim neque tum obligat cum ad sacramenta accedimus, primum caritatis mandatum; quandonam urgebit? Verum de hoc supra actum est. Non vos ergo moveat, o Confessarii, multitudo Casuistarum, quos non posuit Deus regere Ecclesiam suam, sed Episcopos. Episcopos igitur audite: Concilium Tridentinum, & eiusdem Catechismus, in quo toto nec verbulum unicum de astritionis servilis sufficientia reperitur, serio legiote. Quanti sit facienda plurium Casuistarum auctoritas, ex hac *certitudine morali*, ex hac *tutitate & securitate*, quam contra integras Universitates, contra sapientiores Episcopos, contra integrum Clerum Gallicanum asciscere suæ opinationi non dubitant, evidenter colligite. Enimvero si hac in controversia, in qua, si falsa sit illorum opinio, actum est de Christianorum salute, non verentur obtrudere, tamquam certum, tutum, & securum, beneficio unius distinctiunculæ Probabilismi speculativi & practici, quod est in controversia, quodque a sapientioribus improbat; ipsi iudicium pronunciate, quanto maiori ausu non venditabunt ceu probabiles opiniones quæ forte nulla vera probabilitate præditæ sunt?

§. VII.

Percelebres Theologi Salmanticenses improbant, ut imaginariam, certitudinem moralem hactenus confutatam. Nova interpretatio, quam doctissimi isti Theologi excogitarunt, ut a censura damnationis liberarent attritionis formidolosæ opinionem, sub examen inducitur, & ut inauditum PARADOXON reiiicitur.

I. **N**umquam nimis, quod numquam satis. Tam momentosa est quæstio ista, tam gravissima sunt consectoria quæ heinc proficiscuntur, ut nulla prolixitas vitiosa videri debeat. Ea maiori qua potui diligentia evolvi celebriores Theologos, patronos attritionis servilis, ut ea omnia expenderem quæ ipsi adducunt in præsidium suæ opinionis. Celeberrimi Theologi Carmelitæ Excalceati Cursum Theologiæ scholasticæ ediderunt, quem ego magni facio: nihil elaboratius, solidius, doctiusque in hoc genere, ut mea minima præfert opinio, hactenus in lucem prodit. Et quamvis nonnullas interdum illorum opiniones refello, non propterea minus suspicio tam insignium Theologorum auctoritatem.

II. Porro præclari isti Theologi *Tom. XII. Part. II. trad. xxiv. disp. vii. dub. 1. §. 6. a num. 51.* sibi opponunt *thesim* 1. ab Innocentio XI. proscriptam, & continuo referunt ea omnia quæ ceteri Theologi excogitarunt hactenus, ut attritionis formidolosæ opinionem a damnationis censura subducerent. Et quoniam res summi momenti est, illorum verba dabo.

III., Nec satisfacit (inquiunt) si cum Cardenas in Christi theolog. . . respon-
 „ deatur, doctrinam de sufficientia attritionis cum sacramento esse omnino cer-
 „ tam, & indubitatam propter definitionem Concil. Tridentini, atque adeo non
 „ contineri intra lineam præcise probabilitatis, quæ sola cadit sub decreto Innocen-
 „ tii XL &c.

IV., Hæc, inquam, responsio non satisfacit, nec sustineri potest: desert enim
 „ assertioni nostræ omnimodam certitudinem, fundatam in definitione Concilii Tri-
 „ dentini: quæ, si adesset, omnem de hac re inter Catholicos disceptationem
 „ extingueret. Sed fallitur ille Auctor . . . Et mirum plane foret, si res, ut
 „ Cardenas vult, se habet, tot viros Catholicos in hanc definitionem impegisse,
 „ atque graviter errasse. Philaletus *loc. cit.* refert centum Auctores, productis po-
 „ minibus, contrariam nobis sententiam instituentes. Et quidquid sit de hoc, as-
 „ sertionem non esse definitam in Concilio Tridentino **CONSTAT SATIS EVI-**

„DENTER ex decreto citato Alexandri VII. . . Perpendatur in primis, quod
 „nostram sententiam vocat *communio*rem, non certam, non *absolute* INTER
 „FIDELES *communem*. Quin immo additum est ly HODIE, quasi denotans *non*
 „semper fuisse *communio*rem. Communior autem sententia *non tollit* quod sibi op-
 „posita sit COMMUNIS, & probabilis. Sed, quod caput est, Pontifex prohibet
 „censuras in unam & alteram partem, *donec*, inquit, *ab hac S. Sede fuerit ali-*
 „quid *hac in re definitum*, palam supponens NIHIL hactenus definitum esse ab
 „Ecclesia circa istam controversiam. “

V. En novam ineluctabilem confirmationem commentitiæ & prorsus chimæricæ
certitudinis indubitæ, quam ex definitione Concilii Tridentini iactant fere o-
 mnes patroni formidolosæ attritionis. Rationum momenta quæ nos adduximus,
 & quæ Salmanticenses hic indicant, sunt luculenta, nullique cavillationi obno-
 xia. Accedit nunc auctoritas Salmanticensium, sane magni momenti, cum sit
 contra propriam ipsorum causam.

VI. Doctissimi isti Theologi, atque in scholastico certamine acutissimi mordicus
 propugnant attritionem servilem. Tamen veritatis evidentia victi, tria ingenue
 confitentur. Primum, Concilium Tridentinum *nihil* de hac controversia definivisse.
 Alterum, certitudinem moralem indubitam, quam suæ sententiæ tribuunt ad-
 versarii, esse imaginarium commentum, & patentem falsitatem. Tertium, quod
 licet in decreto Alexandrino dicatur: *Quæ HODIE inter Scholasticos communior*
VIDETUR: tamen non inferitur, fuisse absolute communem inter fideles: neque
 impeditur quominus opposita sit *communis*, & *probabilis*. Immo inferri posse vi-
 detur ex illo ipso decreto, hanc sententiam contrariam attritioni formidolosæ an-
 te *re* HODIE fuisse *communio*rem, quod aliunde verissimum est.

VII. Heinc argumentor. Si isti Theologi, qui toto virium conatu propugnant
 opinionem formidolosæ attritionis, aliquid verisimilitudinis deprehendissent in præ-
 fato recentiorum responso, nonne illud adoptassent? Hoc solum responsum, uni-
 cum remedium esset, quo liberari a damnatione posset servilis attritionis opinio,
 ut mox videbimus. Illud ut chimæricum improbant Salmanticenses Theologi:
 illud imaginarium, & evidenter falsum evincunt adducta argumenta. Ergo tum
 rationum, tum auctoritatis invictissimis momentis constat certitudinem indubita-
 tam, quam adversarii iactant, esse purum potunique effugium, & meram cavil-
 lationem excogitatam necessitate urgente defendendæ opinionis semel ardenti par-
 tium studio adoptatæ, & publico ac famoso in certamine propugnatæ.

VIII. Alterum responsum magis ineptum & falsum, excogitatum ad liberan-
 dam opinionem attritionis servilis a damnatione contenta in dicta 1. *prop.* refe-
 runt ibidem num. 52. Salmanticenses his verbis. „Nec iterum satisfacit, si cum
 „quibusdam iunioribus respondeatur, *decretum Innocentii XI.* in hac parte non

„urgere, quia solum reprobatur, quod in sacramentis conferendis liceat sequi opinionem probabilem, relicta tutiori; sed non dicitur in recipiendis. Cum autem conferre sacramenta pertineat ad solos ministros; solum convincitur ex prædicto decreto, quod ministri tantum obligentur sequi in sua administratione tutiorem partem, non autem eos qui sacramenta suscipiunt. Et aliunde, cum in sacramento poenitentiae dolor ex parte suscipientis se teneat, consequens videtur hunc non obligari ad securiorem dolorem.

IX. „Hæc, inquam, responsio minime satisfacit, quippe quæ est MERA FUGA SPECULATIVA, menti Pontificis in illa propositione repugnans. „Pluribus argumentis evincunt perdocti viri istius responsi futilitatem: & postea sic concludunt. „Confessarius non potest absolvere poenitentem, nisi moraliter certus sit de sufficientia dispositionis, quam pro suscipiendo sacramento habet: & nec licite, nec valide confert absolutionem, si sciat esse indispositum. Cum ergo tutior, ac omnino tuta dispositio ex parte poenitentis sit *dolor ex amore*, e contra vero *attritio* sit solum dispositio probabilis, ut argumentum opponit, sequitur poenitentem, illo amore omisso, non accedere recte dispositum: siquidem se exponit periculo frustrandi sacramentum, cuius valor non tantum a ministro, sed etiam a suscipiente dependet. *Perseverat itaque in suo robore obiecta difficultas.* „

X. Subdunt postea continuo, quæ sequuntur. „Et ea quidem proluxa & molesta nimis aliquando visa fuit (præfata difficultas) propter interminabiles ac reflexas hoc tempore comparationes inter propositiones probabiles, probabiliores, certo probabiles, certas, tutas, tutiores &c. Sed quod ad præsentem controversiam attinet, facillimo negotio evacuatur: quia Pontifex non prohibet quod in scribendo sequamur sententias probabiles... Hoc enim iudicium ita scribentium est speculativum, relinquens locum ut in praxi sequatur quis quod tutius sibi apparuerit. Quare ad argumentum respondetur, concedendas præmissas primi syllogismi. „

XI. Quæ autem sunt istæ præmissæ? Ecce. „Ubi agitur de valore sacramentorum, tenemur sequi sententiam tutiorem iuxta decretum &c. Sed agimus de valore sacramenti poenitentiae. Ergo &c. Atqui sententia negans sufficere puram attritionem, & affirmans requiri aliquem amorem Dei super omnia, est tutior comparative ad aliam defendentem puram attritionem sufficere... Ergo &c. „

XII. Respondent itaque, „negando consequentiam, quæ ex illis (præmissis) non colligitur. Nam maior refertur ad praxim, & usum sacramentorum; consequentia vero ad speculationem scribentium, & iudicium inter sententias, abstrahendo ab earum usu: unde nihil in vi formæ concludit ille discursus. „

XIII. Rescribere volui propria illorum verba, ne suspicari quisquam possit aliquid per exaggerationem a me proferri. Brevissima decisio Salmanticensium hæc est. Damnatus a S. Sede est usus & praxis attritionis servilis: quia cum sit opinio tantum probabilis, & minus tuta, ex pontificio decreto tenemur sequi in practica administratione sacramentorum contrariam sententiam tutiorem. At non damnavit Pontifex quod in scholis possit præfata opinio attritionis formidolosæ defendi *speculative, abstrahendo ab eiusdem usu*. Hoc est illorum responsum, quod ego non improbarem, si volumina in quibus eiusmodi speculationes scribuntur, sisterent intra Lyceorum confinia. Huc tamen veluti ad unicum asylum sese receperunt acuti doctique Theologi. Sed utinam hic pedem fixissent. At dati responsi illos poenituit, & inauditum paradoxon excogitarunt, quod oculis nunc subiicio.

§. VIII.

Ultimum responsum Salmanticense. Utraque opinio attritionis servilis, & attritionis initialis probabilis. Sed opinio attritionis pure formidolosæ est TUTIOR: ideo præferenda alteri oppositæ. Peregrinum paradoxon exponitur, & refellitur.

NON pauci in palæstra scholastica diu belligerantes, & manus cum adversariis frequenter in publicis certaminibus conferentes, talem ex eiusmodi conflictibus & pugnis litterariis comparare sibi fortitudinem, robur, & ausum solent, ut nullum reformident adversarium. Sunt veluti invictæ Romanæ legiones, quarum animis insculptum erat, numquam hosti terga dare. Similiter isti obarmati longissimis distinctionum catapultis, inquit Melchior Cano, aggre-diuntur, & repellunt vel invictissimos hostes. Ne plus iusto te admiratione defixum teneam, accipe cito insignium virorum inventum novum propriis ipsorum verbis, quod ibidem continuo exhibent *num. 53.*

II., Ut autem non videamur difficultatem *fugere, AUT (N.B.) TIMERE* vel in his quæ ad praxim spectant (& forte lector desiderabit) respondetur admit-tendo totum primum syllogismum, & negando absolute minorem subsumptam.
 „ *Nostra namque sententia non solum est probabilior, & communior; SED ETIAM*
 „ *TUTIOR quam contraria: atque ideo non solum speculative, sed etiam practice;*
 „ *& iuxta decretum SS. Innocentii XI. modis omnibus præferenda.*

III. Ab epocha Scholasticorum simile commentum non est auditum. Parcant mihi doctissimi viri, si in causâ gravissima, summoque negotio libere quod sentio,

rio, ad tantæ veritatis, quæ in manibus est, præsidium pronuntiavero. Ante oculos mihi sunt præclara Salmanticensium merita: illos ut splendorem & ornamentum Thomisticæ Scholæ veneror: eorumdem in Theologia conatus, acumen, & profunditatem suspicio. Verum quia quo maior est illorum auctoritas, eo facilius illis hac in causâ aberrantibus adhærere imperiti possunt; idcirco gravis corrigendi eorumdem erratum necessitas urget. Ad rem.

IV. Opinio ergo attritionis ex solo gehennæ timore conceptæ TUTOR EST opinione attritionis conceptæ ex amore Dei? Vel ipse P. Dominicus Viva clamât in *trist. in prop.* 15. *Alexand. VIII. num. 35. Nemo unus est qui dissentiat*, attritionem ex amore Dei conceptam esse *tutior*em. Quæ ergo ratione ducti Salmanticenses Theologi tantum commenti sunt paradoxon? En illorum rationes propriis ipforum verbis transcriptas, ne quidquam ipsis imponere videar.

V.,, Unum ex duobus contradictoriis ab illis (Auctoribus attritionis ex Dei amore conceptæ) necessario concedendum est . . . nempe vel amorem caritatis Dei super omnia, coniungi cum peccato mortali ante susceptionem in re sacramenti pœnitentiæ, ut ita salvent tale sacramentum efficere in pœnitente primam iustificationis gratiam: vel prædictum caritatis amorem non coherere cum statu peccati mortalis, sed illum saltem indirecte per modum dispositionis contrariæ expellere ante susceptum in re sacramentum: quippe inter expellere & non expellere peccatum non datur medium, cum contradictorie opponantur. Quare in quodcumque latus se vertant, unam ex prædictis viis arripere debent, & ad eam sunt compellendi. Quamlibet vero eligant, terribiles ipsis imminet hæresum, & errorum scopuli, atque voragines, ita ut non tam possint incedere, quam rueri.“

VI. Nos labantes, & ruentes erigit, ac sustinet Melchior Canus *Lib. IX. cap. v.* inquiens. Hoc vero sæculo fuisse etiam in Academiis multos qui omnem ferme Theologiæ disputationem sophisticis, ineptisque rationibus transegerint, utinam ipsi non fuissimus experti. Egit autem diabolus, quod sine lacrymis non queo dicere, ut quo tempore adversum ingruentes ex Germania hæreses oportebat Scholæ Theologos optimis esse armis instructos, eo nulla prorsus haberent, nisi arundines longas, arma videlicet levia puerorum. Ita irrisi sunt a plerisque, ac merito irrisi, quoniam veræ Theologiæ solidam effigiem nullam tenebant, umbris utebantur, easque ipsas utinam sequerentur. Hæc pauca interficere placuit, ut intelligant adversarii, nos puerorum crepitacula non formidare, nostraque in statione firmos esse, quin vel tantillum animos remiserimus; sed risu potius similia excipimus. Videamus nunc hæresum monstra, quæ nobis obicstant.

VII.,, Nam si eligant (persequuntur illi) primam, nempe amorem caritatis, coniungi cum statu peccati mortalis, coincidunt cum doctrina Michaelis Bii

„ . . . Si autem eligant secundam viam, in non minora discrimina se conii-
 „ ciunt. Nam consequenter asserere debent . . . sacramentum poenitentiae num-
 „ quam conferre primam gratiam &c.“

VIII. Hæ sunt hæresum syrtes quas obtrudunt. Arrige nunc aures, ut videas
 consequentiam quam eliciunt *num. 34.* Illa sententia circa requisita ad valorem
 „ huius sacramenti TUTOR, AC TUTISSIMA reputanda est quæ salvat sal-
 „ vanda ex necessitate fidei . . . Constat autem sententiam asserentem, pro sa-
 „ cramento poenitentiae sufficere solam attritionem (ex timore gehennæ conce-
 „ ptam) ita omnia salvare . . . Altera autem sententia, quæ requirit contri-
 „ tionem, sive amorem caritatis, hæc omnia turbat . . . *Ergo prima sententia*
 „ (attritionis servilis) *est LONGE TUTOR quam secunda* : & nullum debet ti-
 „ mere in sua praxi (quæ est inter fideles communis) imminens periculum, cum
 „ procedat iuxta notissima fidei principia : e contra vero secunda sententia vix
 „ cum eis conciliari valet, vix purgari ab erroribus Michaelis Baii, & aliis con-
 „ demnatis in Concilio Tridentino . . . *Ergo nostra sententia* (attritionis servilis)
 „ *TUTOR INCOMPARABILITER EST quam contraria* : præsertim cum ista
 „ non saveat ipsi poenitentiae sacramento, sed potius fideles ab eius frequenti
 „ usu deterreat ; cum alios pro eo suscipiendo dispositos non admittat quam ex
 „ amore Dei contritos . . . *Qua itaque ratione diceretur TUTOR in praxi, QUAE*
 „ *TAM APERTE SACRAMENTI PRAXIM OPPUGNAT ?*

§. IX:

*Quam horrenda absurda sint quæ necessario doctrinam
 Salmanticensem consequuntur.*

I. **PRIMUM ABSURDUM.** Principio hæc doctrina est contra OMNES Theo-
 logos catholicos, nemine excepto. Nemo unus hætenus dixit, opinio-
 nem attritionis formidolosæ esse TUTIOREM opposita, quæ postulat attritionem
 ex amore caritatis inchoatæ conceptam. •

II. **SECUNDUM ABSURDUM.** Incendio tradendæ sunt omnes *Doctrinae chri-*
stianæ, seu catecheses, quibus imbuuntur fideles in fidei articulis : nam in omni-
 bus communiter formula actus contritionis perfectæ, nedum imperfectæ, descri-
 pta est ; & ad eam exercendam, præsertim in sacramentorum frequentia, accen-
 dere fideles student.

III. **TERTIUM ABSURDUM.** Hæc doctrina Christi regnum, caritate par-
 tum, caritate erectum, caritate perfectum, funditus evertit ; cum ab eiusdem
 caritatis exercitio Christianos avertat & absterreat. Si enim actum caritatis Chri-
 stian¹

fiani non eliciunt, dum sacramentum pœnitentiæ suscipiunt; quandonam illum exercebunt? Si dum reconciliationem cum Deo inire student, Deum non amant; quandonam illum amore prosequuntur?

IV. QUARTUM ABSURDUM. Omnes communiter Theologi catholici docent, saltem in articulo mortis necessarium esse actum contritionis ex amore Dei. Omnes communiter docent, ut minus, tunc urgere caritatis præceptum: & id definitum ab Ecclesia est. Quia in illo tremendo extremæ luctæ momento, quod tutius est, exequi debemus. Si INCOMPARABILITER TUTIOR est attritio concepta ex solo timore gehennæ, quam contritio concepta ex amore Dei, ex caritate Dei; huic attritioni formidolosæ *incomparabiliter tutiori* adhærendum firmiter erit, tamquam tabulæ incomparabiliter securiori & tutiori, reiecta caritate, quæ destruit sacramentum Christi, quæ Baianos facit Christianos. En in quæ absurda monstrosa, & errorum portenta coniiciat inuestum a Salmanticensibus paradoxon.

V. Nec est quod opponas, aliud esse constituere præceptum necessariæ caritatis saltem inchoatæ; aliud longe diversum illam suadere per modum consilii, ad sacramentum suscipiendum. Omnes, inquit, illam suademus; sed illius necessitatem negamus. Argutatio hæc prorsus vana & inepta est. Si caritas quæcumque, etiam imperfecta, natura sua excludit peccatum, sive asseratur necessaria necessitate mediæ & præcepti, sive suadeatur per modum consilii; non propterea suam vim amittit, aut fortius acquirit robur: quandoquidem caritas a Deo; non a Theologorum disputationibus, suam vim & energiam arcessit. Ergo, sive asseratur necessaria, sive consulatur ut quid melius, semper elidit sacramenti efficaciam, semper evertit, & destruit sacramentum Christi. Numquam igitur licitum erit Christianos pœnitescentes ad divinam caritatem inflammare, dum consentitur, ut facta testâ custodiatur sacramenti integritas, & efficacitas, ne, sacramentum superfluum efficiatur. Quocumque se rotent adversarii, in laqueos incidunt; a quibus numquam se expedient, nisi servilis attritionis opinionem reiiciant.

VI. Sed quid ego diutius immoror in describendis absurdis sane monstrosis quæ recensitum paradoxon necessario consequuntur? Ipsa doctrina seipsa, eloquentius quocumque sacundo oratore, suum patefacit horrorem, & formidanda confectaria. Seipsa bellum indicit Scripturis sanctis, Patribus, Conciliis, præsertim Tridentino, eiusque Catechismo; ut evidenter demonstratum est.

VII. Argutationes vanissimas, quas Salmanticenses obrundunt, tamquam hæresum monstra, iam supra reiecimus, ut inepta puerorum terculamenta. Et primum mirari satis non subit, perdoctos viros ignorare, nullam hætenus censuram iniustam esse illi sententiæ, in Concilio Tridentino discussæ, quæ requirit contritionem perfectam pro dispositione proxima ad sacramentum pœnitentiæ. Si hoc

ipsos

ipſos non latuiſſet; auſi proſecto non eſſent obicere ſophiſticam illam cavillationem contra ſententiam attritionis ex imperſecto amore Dei conceptæ. Hoc vaniſſimo ſophiſmate decepti, inauditum *Tutoriſmum* affinxerunt opinioni formidoſæ attritionis. Paucis in memoriam revoco doctrinam ipſorum Salmanticenſium, quam in hac eadem controverſia tradunt ſ. i. num. 8. videlicet, dari attritionem ſupernaturalem duplicem eiufdem omnino naturæ ex parte obiecti formalis; & ſpecifici; quarum altera ſit efficax ad producendum effectum, altera ex infirmitate voluntatis ſit inefficax ad eum effectum: licet ambæ attingant idem omnino ſpecificè obiectum formale, ut ſupra fuſe explicui, tranſcribendo ipſorum verba. Similiter nos dicimus, duplicem præter habitualem dari caritatem actualem. Altera eſt imperſecta & inchoata, quæ peccatum non excludit, ſed diſponit proxime ad expulſionem eius per ſacramentum pœnitentiæ efficiendam. Hanc attritionem ſive contritionem ex Dei initiali amore cum peccato expellendo per ſacramentum coniungimus; quemadmodum adverſarii attritionem ſupernaturalem ex mere timore gehennæ conceptam ſimul cum peccato ſociant; cum hoc tamen diſcrimine, quod hanc inſufficientem, illam ſufficientem propugnamus. Altera eſt perfectæ, vehemens, ſuccenſa, quæ excludit peccatum. *At, quoniam PAUCI admodum* (inquit Catechiſmus Tridentinus) *ad hunc gradum pervenirent, ſebat etiam ut a PAUCISSIMIS hac via peccatorum venia ſperanda eſſet. Quare neceſſe fuit ut clementiſſimus Dominus faciliori ratione communi hominum ſaluti conſuleret: quod quidem admirabili conſilio effecit, cum CLAVES regni cæleſtis Eccleſiæ tradidit.* Hæc non eſt ſpeculatio ſcholæſtica, ſed eſt doctrina Catechiſmi Tridentini & Romani, & univerſæ Eccleſiæ; inquit BOSSUETUS. Provoco adverſarios, ut in univerſo hoc Catechiſmo, in quo 79. ſſ., ut alias dixi, exponitur doctrina neceſſaria pro praxi ſacramenti pœnitentiæ, inveniant unicum textum, in quo vel mentio fiat attritionis ex gehennæ timore conceptæ. Catechiſmus iſte Tridentini Concilii doctrinam de pœnitentia fuſo calamo exponit. Parochos, & fideles docet partes ſacramenti pœnitentiæ. Attritione ſervili alto preſſa ſilentio, ut dixi alias, & dicendum ſæpius eſt, ſolam contritionem nominat: alteram vehementem & incenſam ſeiſpſa iuſtificantem, quæ in *pauciſſimis* reperitur; alteram imperſectam, quæ ſacramentum perficit, tamquam eiufdem ſacramenti materiam. Quod ibidem refricant docti Salmanticenſes, *unum hominem non poſſe ſecundum ſuam præſentem providentiam habere duos ultimos fines*, adfirmamus & nos: & dicimus peccatorem qui ſuæ iuſtificationi inhiat, *voluntatem peccandi excludere*, ut Tridentinum docet. Ergo hæc voluntas averſa a peccato eſt converſa in Deum per eiufdem amorem initialem: quæ converſio eſt proxima & ſufficiens diſpoſitio, ut Deus convertatur ad hominem, eumque per ſacramentum iuſtificet. Tota hæc doctrina, hauſta ex Scripturis ſanctis, eſt Concilii Tridentini, eiufdem Catechiſmi,

mi, sanctorum Patrum, præsertim Augustini & Thomæ, graviorumque Theologorum auctoritate firmata.

VIII. Num. 55. sibi opponunt Salmanticenses, omnes adfirmare, attritionem initialem sufficere; de servili vero in utramque partem disputari. Ergo tutior illa quam hæc. Respondent distinguendo consequens. Illa est tutior *extensive*, concedunt; *intensive*, negant. Prolixa verborum farragine explicant hanc distinctionem. Paucis ego rem exhibeo. Dicunt, attritionem initialem tutiorem esse *extensive*, *ampliative*, idest ex *supererogatione*; secus *intensive*, nempe ex necessitate. Distinguunt *tutum*, & *tutius*, sed obscura valde, & implicata oratione, ut suum paradoxon obtegant. Confundunt propositionem *tutiorem* cum propositione *veriorem*.

IX. Paucis aberrationem detego, & quæ illustrandæ veritati, ac præsentī doctrinæ conferunt, explico. Aliqua propositio est *tutior*, ut ista: Contritio perfecta requiritur pro dispositione ad sacramentum: sed eius opposita: Contritio perfecta non requiritur pro dispositione ad sacramentum: est *verior*. Datur doctrina tuta, & doctrina tutior. Tutior est professio claustralis quam laicalis: sed hæc ruta est; & nemo ex necessitate ad illam suscipiendam astringitur. *Tutior* dispositio est ad sacramentum contritio perfecta. *Tuta* dispositio est ad sacramentum contritio ex caritate imperfecta concepta. Quando una doctrina est *tuta*, nemo tenetur ad tutiorem. Heinc quia doctrina quæ docet attritionem ex caritate inchoata conceptam sufficere, est tuta, nemo tenetur amplecti tutiorem de contritione perfecta.

X. Totum ergo negotium eo recidit, ut explicetur, quid sit propositio tuta. Ea vero est quam communiter omnes Doctores catholici adfirmant esse talem. Omnes Doctores catholici hodie adfirmant, attritionem caritate imperfecta formatam sufficere pro dispositione ad sacramentum: idcirco & est doctrina tuta, & non tenemur amplecti tutiorem de contritione perfecta: quia in præsentia Theologorum nemo docet illam esse necessariam. Quando autem fit comparatio inter *tutam*, & *tutiorem* doctrinam, nemo astringitur ad *tutiorem*, relicta *tuta*. Illa autem propositio non est tuta de qua gravis est inter Theologos catholicos controversia in utramque partem.

XI. Summus itaque Pontifex Innocentius XI. in suo decreto non iubet ut ex doctrinis tutis sequamur tutiorem: & hoc convenit apud omnes. Quid ergo? Iubet ut ex doctrinis de quibus Theologi catholici in utramque partem probabiliter disputant, illam amplectamur quæ est tutior: & de hoc quoque nullum dissidium. De attritione servili disputant Theologi, & quidem tum numero plurimi, tum doctrina illustres, in utramque partem: idcirco sententia de attritione servili non est tuta, sed ad summum probabilis; & si vis etiam disputationis gratia,

pro-

probabilior, & probabilissima. Nihilominus ex decreto Innocentii XI. amplectenda est opposita, quæ tutior est.

XII. Ex his omnibus luculentius constat, quam inauditum, quam absonum, & unanimes Catholicorum consensui repugnans sit Salmanticensium *paradoxon*. Nec unum ipsi Theologum citant qui tale somniaverit, aut probaverit commentum. Mirabuntur lectores omnes, Theologos adeo acutos, & doctos, quales meo iudicio sunt Salmanticenses, tam peregrinam & falsam parere, ac propugnare speculationem potuisse. Sed contingit interdum ut quo homines acutiores sunt, si errent, fidentius & turpius errent. Viderunt acuti Salmanticenses, responsa hætenus a Theologis inventa ad liberandam opinionem attritionis formidolosæ a damnatione 1. *prop.* Innocentii XI. esse evidenter falsa, vana, & chimærica. Ex alia parte illi hanc opinionem propugnandam adoptaverant. Quamobrem, ut susceptum onus sustinerent, & oppignoratam suam in hac causa doctrinam quoquo modo a censura liberarent, ex universo scholasticæ subtilitatis armamentario commentum hætenus omnibus incognitum in lucem eduxerunt.

§. X.

C O N C L U S I O.

Adversariorum dissidio, & confessione opinio attritionis formidolosæ continetur in 1. prop. Innocentii XI. Aut ergo suam retractent opinionem adversarii: aut eam liberent aliqua solida ratione a dicta damnatione. Vindicatur Sac. Congregatio Concilii Tridentini contra assertionem P. Claudii La-Croix.

I. **T**Ria hætenus excogitata commenta sunt, quibus a censura damnationis liberetur opinio formidolosæ attritionis.

II. Primum est certitudo moralis & indubitata, elidens oppositæ sententiæ veram probabilitatem. Hæc indubitata moralis certitudo est commentitia, & penitus chimærica; ut testantur illi ipsi Theologi qui opinionem attritionis servilis excogitarunt primi. Quid quod non antiqui modo, sed recentium adversariorum doctiores Salmanticenses, & alii testantur, & probant, hanc certitudinem moralem esse manifestum *paradoxon* Probabilismo partum. Ergo hoc ex capite certitudinis moralis indubitatæ opinio attritionis formidolosæ continetur in damnatione 1. *prop.* Innocentii XI.

III. Secundum commentum, quo præfatam opinionem a damnatione liberare
flu-

studuerunt, hoc est. Propositio comprehendit solos ministros *conferentes sacramentum*, non fideles sacramentum *recipientes*. Respondent Salmanticenses ipsi, hanc esse *fugam speculativam repugnantem Pontificis decreto*. Aberratio adeo crassa est, ut contemni, non refutari debeat.

IV. Commentum tertium, in præsidium attritionis servilis excogitatum a Theologis Salmanticensibus, est, quod hæc opinio sit tutior opposita. Verum hic est error manifestus contra omnes Theologos catholicos. *Nemo unus*, inquit P. Viva, & testimonium hoc verum est, hætenus negavit tutius & consultius esse concipere attritionem ex amore Dei.

V. CONSECTARIUM. Adversariorum igitur dissidio, & confessione illorum opinio est damnata. Quoniam, ut demonstratum supra est, si opinio attritionis formidolosæ sit tantum probabilis, vel probabilior, vel probabilissima, est damnata, fatentibus omnibus adversariis, qui, ut a damnatione illam subducant, aiunt esse moraliter certam, indubitam, & tantum non dogma fidei. At hæc indubitata certitudo, ut probavi, & facti falsitas evidentissima, est chimæra apertissima; quemadmodum fatentur vel ipsi adversarii *Salmanticenses*, & quotquot præiudiciorum vacui bono sunt præditi sensu. Hoc idem adfirmant omnes illi Theologi qui secundum commentum excogitarunt, nempe 1. propositionem Innocentii XI. intelligendam esse de ministris *conferentibus*, non de fidelibus *recipientibus* sacramentum. Quod commentum respuunt omnes Theologi *propugnatores certitudinis moralis chimericæ*.

VI. Ambo hæc duo commenta improbant Theologi Salmanticenses, aientes utramque opinionem esse tantum probabilem, sed hanc de attritione servili esse *tutior*: quod interpretamentum omnes ad unum Theologi catholici execrantur ut manifestum errorem.

VII. Ergo adversarii ipsi, non secus ac ædificatores Babelicæ turris, propriam sententiam lacerant, destruunt, damnant. Nam, dum unus trullam exhibet, alter cœmentum porrigit: illi iactant esse certam & indubitam; isti pernegant hanc certitudinem, & defendunt solam probabilitatem, sed tutiorem: alii erroris evidētis damnant hoc *tutioris* commentum: alii denique fatentur hanc opinionem nec esse certam, nec tutiorem; sed non propterea comprehendī in 1. *prop.* Innocentii XI. quia hæc propositio damnata restringitur ad ministros *conferentes*, non extenditur ad Christianos *recipientes* sacramentum. Sed hanc esse *fugam speculativam*, & crassam cogitatiunculam, ceteri adversariorum testantur. Ergo consequentia ineluctabili concluditur, ipso adversariorum dissidio, & confessione opinionem formidolosæ attritionis contineri in 1. *prop. damn.* per Innocentium XI.

VIII. Ad hæc omnia adde argumentationes a nobis factas, & nostrorum Theologorum auctoritatem, ut plenissimam illius quod proposui, evidentiam habeas.

IX.

IX. Alterutrum eigo adversarii præstare coguntur. Aut solidam, certam, & perspicuam præbere interpretationem, qua ostendant suam opinionem non contineri in 1. *prop.* Innocentii XI. aut eam publice retractare. Nulla hic ad evadendum latebra. Responsa hætenus data, sunt ipsorum contrariis attestationibus commentitia, falsa, chimærica. Ergo aut novum solidum responsum, aut retractatio.

X. P. Claudius La-Croix *Lib. VI. part. 11. num. 859.* hæc scribit. „ Si sententia „ nostra esset falsa, Pontifices, & Cardinales *Concilii Tridentini* Interpretes, cum „ sciant nos **PRAECIPUE NITI** *Tridentino*, declararent oppositum *pro officio* „ *suo*, & cavendo damno animarum: sed non declarant &c. “

XI. Eo ergo se nunc recipiunt, ut dicant, suam sententiam *permitti* publice doceri? Ubi nunc est illa iactata certitudo indubitata? Ubinam modo est illa *Tridentini Concilii* definitio ita aperta, ut nostra sententia *amiserit omnem probabilitatem*? Sententia attritionis formidolosæ nritur *præcipue Tridentino*? Ergo præcipue falsa est. Quoniam omnes nunc eruditi fatentur, nihil de sufficientia attritionis formidolosæ statuisset Concilium.

XII. Ad rem. Pontifices, & Cardinales Concilii Tridentini Interpretes peculiari & expressa damnatione non confixerunt opinionem attritionis formidolosæ, quia eiusmodi prohibitiones non multiplicant absque necessitate. Sciunt ipsi *Ven. Innocentium XI.* præcepisse ut ex doctrinis inter Theologos catholicos probabiliter in utramque partem controversis tutiorem sequamur. Hoc pontificium decretum abundantissime fidelium conscientiis consulit, & regulam certam, tutam, securamque præscribit; cui si Theologi debita obedientia, & simplicitate a studio partium libera hæreant, tute ipsi incedunt, & secure fideles dirigunt in via mandatorum Dei. Hæc est ratio cur Cardinales Concilii Tridentini Interpretes novas non emittant censuras, & declarationes.

XIII. Inclamat ibidem P. La-Croix *num. 858.* „ Non est credibile quod Spiritus sanctus, qui regit Ecclesiam, permissurus fuisset praxim sententiæ nostræ; „ si falsa esset, cum damno tot animarum prævalere; maxime cum sententia „ nostra toties fuerit a *Rigoristis* S. Sedi exhibitæ cum potentissimis instantiis, ut „ damnaretur; & tamen Pontifices numquam reprobarunt: speciatim Alex. VII. „ & Innoc. XI. *aliique prompti* ad damnandas propositiones periculosas. “

XIV. Displicet forte illa SS. Pontificum *promptitudo*? Respondeo, Spiritum sanctum, qui regit, æternumque reget Ecclesiam, illuminasse Ven. Innocentium XI. ut præciperet amplectendam esse *tutiorem doctrinam* in sacramentorum administratione. Et hac via providit fidelibus qui in simplicitate cordis ambulant, qui decreta pontificia iuxta obvium germanumque sensum, missis cavillatoris dissimulaculis, obsequenti animo fulcipiunt. Quid, si hic recenserem constitutio-

nes Pianas , Sixtinas , Innocentianas , Clementinas adversus usuras , adversus supersticiosos ritus , adversus ieiuniorum laxitates , captiosos commentis delusas ? Quot vanis distinctiunculis , quot fucatis artificii ipsas propositiones damnatas ab Alexandro VII. & Innocentio XI. a damnationis censuris subducere non tentarunt Casuistæ nonnulli ?

XV. Vêrum , ut extranea mittamus , ob oculos revocentur futilissimæ speculationes , invecatæ ad implicandam hanc *i. prop.* Innocentii XI. Quam sint chimærica & ridicularia quæ expendimus commenta , satis superque ostensum est. Ne ergo imperiti lectores decipiantur in lectione eorum quæ bona fide , & pia intentione scripsit *P. La-Croix* , animadvertant , Romanam Ecclesiam sanctissimas præscripsisse regulas , certissimas , & tutissimas pro certa sacramentorum administratione. Et ut adversariorum plures aliquo afficiantur sensu , cedo : nonne Romana Sedes imperat ut *tutores doctrinas* in controversiis de sacramentorum valida administratione sequamur ? Quid autem ? Erumpunt in medium longis distinctionum arundinibus stipati Casuistæ plures , inclamantes : Regula tradita ab Ecclesia est cum *indistinctione probabilis tantum speculative* , a *probabili tantum prædicae* : & rursus *probabilis utcumque a probabilis moraliter certo*. Insuper nulla facta est hæcenus a Romana Sede distinctio inter *probabile directum* , & *probabile reflexum* : inter *propositionem probabiliter probabilem* , & *certo probabilem* : inter *probabilitatem tenuem* , & *probabilitatem magnam* : inter *opinionem probabilem* , *probabiliozem* , *probabilissimam* , *tutam* , *minus tutam* , *tutiozem* , *tutissimam* : inter *probabile remotum* , *radicale* , *proximum* , *immediatum* &c.

XVI. Quia Romana Sedes ad suum supremum tribunal has nugas & quiquilias serio expendendas non traduxit ; quia suos sapientes seniores non occupavit in harum distinctiuncularum examine ; quia sua anathemata non intorsit contra eiusmodi umbratica commenta : ideone providentia summa non consuluit fidei salutem ? Si omnia plurium Casuistarum arbitraria inventa prohibere Romana Sedes deberet , sufficiens pro congruo illorum examine tempus non haberet ; etiam si cetera alia negotia gravissima negligeret , & huc suas curas , & apostolicam sollicitudinem omnem intenderet.

XVII. Romana itaque Sedes commenta a non paucis iunioribus inventa non proligavit . Præterea nullam *peculiarem definitionem* edidit , qua expresse alterutram sententiam sigillatim aut damnet , aut probaret . Idcirco dictum est in Appendice adiecta ad Concilium Romanum , nihil a S. Sede hac super re definitum esse . Quia nihil re ipsa expressum & singulare prodiiit . Quid inde ? Propterea ne corrumpit decretum Innocentii XI. præcipiens ut in re sacramentaria sequamur sententiam tutiozem ? Quamvis ergo non sit expressa & peculiaris definitio Ecclesie , damnans opinionem attritionis formidolosæ ; tamen si evidentissimo ratiocinio de-

monstramus, & demonstratum est, ut mea minima præfert opinio, talem sententiam contineri in damnatione diſcæ 1. *prop.* iure inferimus improbandam esse. Caveant ergo leſtores sophismata quorundam Casuistarum inclamantium, hanc, vel illam propositionem non esse ab Ecclesia damnatam. Unde inferunt esse & licitam, & tutam. Quod supra num. 13. retuli ex P. La-Croix, nempe Alexandrum VII. & Innocentium XI. *alioqui promptos ad damnandas propositiones*, non proſcripſiſſe hanc de ſervili attritione, ex quo inferit eam esse tutam, est vanum sophisma, quod proſtigavit ipſe ſummus Pontifex Innocentius XI. in-
 quiens in ſuo decreto: *Non intendens tamen Sanſtitas ſua per hoc decretum alias propositiones in ipſo non expreſſas, & Sanſtitati ſuæ quomodolibet, & ex quacumque parte exhibitas, vel exhibendas ullatenus approbare.* Falſum itaque est ratiocinium P. La-Croix. Hæc opinio fuit exhibitæ Pontifici ſummo cum *potentiſſimis inſtantiis*; & tamen non eſt prohibita. Ergo vera? Ergo tuta? Ergo ſecure poſſumus illam ſequi? Conſectaria falſa ſunt, niſi aliunde rationes adducantur quibus ſententiæ veritas probetur.

XVIII. Tandem, ut omnia adverſariorum ſuper hoc puncto ſophismata evaneſcant, ſumma & divina Eccleſiæ providentia in cuſtodiendo evangelico grege ab erroribus, & in præſcribendis tutis ſecuriſque pro eiſdem regimine regulis altius ſpectanda, & conſideranda eſt. Innumeræ ſunt opiniones quæ in utramque partem diſputantur circa validam ſacramentorum adminiſtrationem. Si Eccleſia ſingulas has opiniones diſpicere, & in ſingulas cenſuras intorquere voluiſſet; ingens conſaſſet volumen, & longiſſima temporis intervalla neceſſaria fuiſſent. Quid egit Romana Sedes, ut & dignitati ſacramentorum, & fidelium ſalutis conſuleret? Hac ſola brevi & perſpicua regula: *In conferendis ſacramentis, veſtigiâ opinione probabili de eorum valore, tutior præferatur*: hac, inquam, breviffima, perſpicua, & obvia regula non unam, ſed ſexcentas damnavit propoſitiones, omnes nempe illas quæ in utramque partem inter Theologos probabiliter diſputantur, & non ſunt tutiores, dum agitur de valore ſacramentorum. Aut hoc concedere omnes debent; aut fruſtraneum omnino efficiunt decretum pontificium. Duæ ſunt opiniones de attritione neceſſaria ad ſacramentum: altera, quæ requirit aliquem amorem Dei propter ſe dilecti; altera, quæ poſtulat dolorem ex ſolo gehennæ metu conceptum. Ergo illa quæ ex his duabus opinionibus probabiliter controverſis eſt tutior, probatur; & quæ eſt minus tuta, proſcribitur. Nihil hætenus quod vel levem probabilitatis ſpeciem præferat, excogitarunt adverſarii, ut ſuam opinionem ab hac 1. *prop.* damnatione ſubducerent: & nihil umquam in poſterum, ut ego quidem arbitror, producent, quo eluſtari hinc valeant.

CAPUT XI.

Brevissima universæ dissertationis anacephaleosis. Una ex radicibus, cur permulti Christiani sacrilege confiteantur, est defectus veri doloris de perpetrato peccato. Monita ad Confessarios.

I. **A**tritionis servilis sufficientis ad sacramentum pœnitentiæ opinionem ortam vidimus in Universitate Salmantina una cum sorore altera opinione Probabilissimi circiter idem tempus. Utriusque nativitatem & infantiam trepido, & incerto passu processisse contemplati sumus. Canus, Vega, Medina, Lopez, Soto, & ceteri attritionis parentes testati sunt illam incertam esse, atque *dimittendum incertum, tenendumque certum*; ut omnia iura clamant.

II. Quadraginta circiter annos ambæ sorores dominium apud Scholasticos amplificarunt; sed post medium proxime præteritum sæculum ambæ, altera in Galliis, altera in Belgio, mortifera vulnera passæ sunt. Cardinalis Pallavicini Historia publici iuris facta, & emanato decreto Ven. Innocentii XI. extremam cladem sustinuerunt. Hac tandem ætate, quemadmodum Probabilismus, ita opinio formidolosæ attritionis communiter doctioribus Theologis displicet. Primum opinio hæc a se stare Concilium Tridentinum non modo contendebat, sed secure jactabat: & hoc falso præsidio munita, seu huic falso supposito nixa, scholas plures occupavit. In præsens vel ipsi adversariorum experrectiores, evidentia facti convicti, nihil definiisse in favorem præfatæ opinionis Tridentinum consentiunt. Si, fatentibus doctioribus adversariis, commentitium est primum, & fere unicum fundamentum cui opinio innitebatur; corruat & ipsa necesse est.

III. Alterum præfatæ opinationis principium est infociabile cuiuscumque caritatis, & peccati regnum. Nullam vel minimam actualem caritatem in peccatore iustificando reperiri posse clamant: quia quælibet caritas, licet actualis, & remissa, seipsa peccatum expellit, & iustificationem producit. Convertit enim peccatorem in Deum ultimum finem. Si autem conversus in ultimum finem est, ergo iustificatus; cum duos ultimos fines habere homo non possit. Hoc vanissimum sophisma, tamquam *canonem*, obtrudunt inter plures Scholasticos constitutum. Heinc inferunt, necessitatem caritatis ad iustificationem destruere Christi sacramentum, & clavium potestatem de medio tollere.

IV. Per tredecim Ecclesiæ sæculorum intervallum similis arguendi forma inaudita fuit. Si id quod sentio sincere proferre debeo, neminem puto qui serio & Scripturas sanctas, & Patres, & Concilia super hoc argumento legerit præ-

iudiciorum vacuus, repertum iri qui talem argutandi formam audire possit, quin commoveatur. Quid? Regnum Christi regnum est caritatis. Christus, Apostoli, Sancti omnes suadent, inculcant caritatem: ad hunc amoris ignem accendendum totam divinam eloquentiam exerunt: & simul pœnitentiam suadent, iubent, & urgent. Duo ne contradictoria Christus, & Evangelistæ præcipiunt? Pugnancia ne Christus, & Apostoli imperant? Caritas est quæ novum a veteri testamento distinguit, ut omnes Patres cum ipso Christo Iesu testantur. Timor character erat veteris, amor prærogativa est novi fœderis. Hoc caritatis primum possimumque mandatum frequenter urgere Christianos ad caritatis officia in Deum & proximum, fides docet. Porro quodnam tempus ad id magis aptum & opportunum, quam cum homo ex inimico Dei amicus fieri, quam cum pignora passionis Christi, & maximum reconciliationis ac iustificationis beneficium suscipere debet? Peior, inquiunt adversarii, Christianorum quam Iudæorum conditio foret; si præter confessionis auricularis, onus quæque caritatis Christus imposuisset. Audiri ne hæc, & typis prodita legi absque horrore valent? Hæc paradoxorum portenta excogitari oportebat, ut attritionis formidolosæ opinio prævaleret apud vulgus. Prima christianæ religionis fundamenta suffodienda erant, ut scholastica speculatio, nempe hominem conversum in Deum tamquam in ultimum finem propter se dilectum, eo ipso, absque sacramento pœnitentiæ esse iustificatum; consisteret: quam speculationem invictissimis argumentis falsam esse, vanam, & repugnantem evidenter Scripturis, & universæ antiquitati, ostensum hæcenus est. Nec sæpius dicta, sunt denuo repetenda.

§. I.

M O N I T U M I.

Cur Christiani bodiæni tam cito relabantur in peccata, eorumque confessiones plurimæ sacrilegæ sint.

ID potissimum in causa est cur tot Christiani in perpetuo vitiorum circulo sordescant, quod solo fornacis gehennalis horrore perterrefacti, & spe acquirendæ æternæ felicitatis allecti, sed virtutis, atque divinæ bonitatis amore prorsus arescentes, ad sacramentum accedunt. Gehennæ poenarumque timor honestus, bonus, & supernaturalis est: conceptus ab anima, fidei lumine perfusus; præparat caritati locum, si ultra peccator progrediatur, Deumque fontem omnis iustitiæ diligere incipiat. Ceterum, si in mero timore sistat amittendæ hereditatis æternæ, & perpetua subeundi tormenta, caret principio penitus excludente

pcc-

peccati affectum. Timor extra propriam sphaeram transilire, aut ultra suae indolis vim agere minime valet. Suapte indole cito transit, cum sit naturæ, cui horrenda & formidanda obicit, adversus. Elapsa gehennæ, & tormentorum terribilissima imagine, amor voluptatis intus latitans, & ad tempus quodammodo coercitus, foras erumpit, suumque exercet imperium. Obvia in ipsa humana societate occurrunt exempla. Mercator qui solo timore amittendæ famæ iustitiam exercet; uxor quæ sola mariti formidine fidem thori servat; servus qui solius pœnæ metu a furto abstinet, & ceteri similes frequentissime in sua relabuntur vitia. E contrario mercatores qui iustitiæ, uxores quæ castitatis, servi qui fidelitatis, & ceteri omnes qui virtutis amore succensi sunt, perquam raro iniusti, adulteri, infideles, mendaces evadunt. Veritas hæc affulsit Ethnicis ipsis, quorum innumera proferre testimonia possem. Unum ceteroquin obvium ex Horatio *Lib. I. epist. xvi.* subiicio.

Oderunt peccare boni virtutis amore.

Tu nihil admittes in te formidine pœnæ.

Sit spes fallendi, miscebis sacra profanis.

II. Impiorum nemo est qui gehennam non perhorrescat, qui alteram vitam beatam non speret. Ut internos morsus, & latratus conscientiæ quadantenus suppressant semel, ter, vel etiam quater quotannis ad sacramenta accedunt, non virtutis amore, sed formidine pœnæ. Idcirco, paucis elapsis diebus, ad vomitum redeunt, & in consueto vitiorum cœno volutantur. Hoc solum argumentum, ab ipsa quotidiana, manifesta, & obvia experientia arcessitum, sat esse deberet ad evincendam amoris Dei & virtutis necessitatem. Amor voluptatis, divitiarum; bonorum, illecebrarum nos a Deo avertit; & amor oppositarum virtutum ad Deum nos convertit, ut Augustinus *epist. cxiv.* inquit. *Quemadmodum ad peccandum nullus nos cogebat timor, sed ipse libido voluptasque peccandi; sic ad iuste vivendum non nos supplicii metus urgeat, sed ducat delectatio, caritasque iustitiæ.* Cur peccatores vitiorum luto fixi hærent, nisi quia impurissimo illecebrarum amore ardent? Cur iusti constantes in via mandatorum Dei ambulant, nisi quia iustitiæ amor in cordibus eorum dominatur? *Tantum quisque peccatum odit* (inquit Augustinus *epist. cxlix.*) *quantum iustitiam diligit.* Inimicus ergo iustitiæ est qui pœnæ timore non peccat: amicus autem erit, si eius amore non peccat. Omne odium in amore fundatur. Ergo odium peccati proficisci ex iustitiæ amore debet: quia, ut S. Augustinus *Lib. II. contra adversar. leg. cap. vii.* scribit, *desiderium peccandi non extinguitur nisi contrario desiderio recte faciendi, ubi fides per dilectionem operatur.* Hæc est omnium Patrum doctrina, manifesta experientia confirmata. Labet adiciere auctoritatem Cl. BOSSUETI, qui *cit. opus. pag. 44.* hæc scribit. *At revera si quis attendat tot post penitentiam lapsus, facile depre-*

bendet horum esse fontem, quod de Deo diligendo nec in frequentanda poenitentia cogitent, frigidamque & exsuccam agant poenitentiam. Hæc est illa poenitentia quam indifferenter, nulloque vero, ac sincero affectu actam Synodus Nicæna improbat, fontem, & altricem peccatorum, non verum, ac firmum eorum remedium.

§. II.

M O N I T U M II.

A D C O N F E S S A R I O S.

I. **S**AEpe numero Confessarii clamitant, eos qui moralem Theologiam scribunt, praxim audiendi confessiones non callere. Accedunt, inquit, poenitentium plures, adeo rudes, agrestes, bardique, ut quid sit virtutis amor, quid Dei dilectio, penitus ignorent. Instruendi, inquires, sunt, & accendendi ad Deum amandum. Oleum & operam perdimus. Horas integras infumimus, & omnia rationum momenta proponimus quæ ad Deum amandum, detestandumque peccatum inducere valent. Infinitam Dei bonitatem, quoad possumus, ob illorum oculos depingimus. Creationis, conservationis, & redemptionis immensa beneficia illis recordamur. Sæpe sic eos alloquimur. Finge hominem repetiri iustum, innocentem, intaminatum, ab omni vitiorum labe purissimum: præterea adeo liberalem, ut ingentes divitias, quibus redundat, in civium commodum & utilitatem effundat: adeo misericordem, ut continenter ægrotos visitet, afflictos erigat, mæstos consoletur, oppressos defendat, viduas, pupillos, mendicos alar, protegat, eosque in domum suam ad habitandum recipiat. Eius amplum palatium pauperum, egenorum, infirmorumque domus est. Illius amor in patriam, in cives omnes adeo ardens est, ut pro illorum beneficio mortem oppetere paratus sit. Offensas, iniurias, contumelias sibi irrogatas inaudita clementia remittit, & obliviscitur. Cives omnes illum amant ut patrem, colunt ut iustum, venerantur ut benefactorem liberalissimum. Finge te furore abreptum, hominem hunc pium, iustum, innocentem, & tot dotibus ornatum proditorie occidisse. Cedo: an tam nefarium scelus, tam ferale homicidium serena mente recogitans, acerbò dolore confectus diu noctuque non lugeres, propterea quod hominem adeo bonum, adeo iustum, innocentem, misericordem crudeliter occidisses? Quid hîcis? Ecce. Quoties tu mortaliter peccasti, Dei Filium occidisti. *Rursus crucifigentes Filium Dei*, inquit Paulus. Quoties peccasti, toties pravo affectu mortem intentasti Christo Iesu, qui, ut te redimeret, acerbissimam mortem passus est. Et tu dolore amarissimo non conficeris? &c.

II. Hæc & similia familiari sermone, & verbis ad eorum captum accommodatis, tantæ efficacitate referimus, ut vel lapideæ corda emolliant. Sed omnia frustra. Vix aliquid veri timoris gehennalis excitare in eorum pectore valemus. Hæc ignorant Theologi qui in cellis suis facillime scribunt. In tribunali parumper sedeant: & tum intelligent, perdiscentque, quam difficile sit caritatis ignem succendere in hominum cordibus. Talia sermocinantes Confessarios ipse audiui. Sed istos non dissimiles a suis pœnitentibus, quos describunt, iudicavi. Attritio necessaria ad sacramentum donum Dei est: illam Deus infundit. Tu partes tuas imple. Si adeo stupidi sunt pœnitentes, ut nihil commoveantur super peccatis suis; illorum cæcitatæ, & obdurationis indicium est; horumque numerus non exiguus est. Quomodo cum istis gerere te debeas, infra dicam. Interim tu, quæ efficacia iudicaveris ad inflammanda in Deum illorum corda, opportuna oratione expone, divino auxilio invocato: & noli timere, quia Deus, non tu, corda vivificat. Contingit ut in corde amor ardeat, licet foras non emitat flammæ. Sed tu ex fructibus, & operibus cognosces illos. Et hæc de gravissima controversia, quæ natura sua facilis & pervia est, solisque Casuistarum tricis, & partium studio implicatissima evasit, dicta sufficiant.



DISSERTATIO III.

IN QUA

IMAGO CHRISTIANAE IUSTIFICATIONIS
EX S. PAULO DEPINGITUR, ET
PLURES CASUISTARUM LAXAE
OPINIONES REFELLUNTUR.

CAPUT I.

*Nonnullae quaestiunculae de dolore, & proposito non
peccandi resolvuntur.*

I. **P**OST prolixam disputationem nonnullas alias quaestiunculas de dolore præcedente confessionem, & de proposito non peccandi de cetero brevissime resolvemus.

II. Quæst. I. *An penitens debeat elicere dolorem de peccatò cum intentione confitendi?* Resp. Negant Cardinalis de Lugo, Averfa, Reginaldus, Tamburinus; Gobat, Sporer, Moya, Illfung, & alii. Sed opinio hæc reiicienda est, ut minus probabilis. Quoniam dolor iste actio est sacramentalis. Ergo per intentionem penitentis subiicienda est formæ sacramentali; sicut ad hoc ut ablutio sit proxima baptismi materia, necessaria est intentio baptizandi. Porro non solum in ministro, sed etiam in suscipiente necessaria intentio est. Non sunt tamen hæc metaphysice discutienda. Quoniam eo ipso quod quis confiteri velit, doleatque de peccatis, dolor illius respectum dicit ad confessionem. Quare penitentium mentes non sunt torquendæ, num dolorem habeant relative ad confessionem; sed iuvandi potius, ut reipsa doleant. Plura disputare hac de re Casuistæ solent; sed illa, ut nullius momenti, & quæ potius tricia metaphysicis rem implicant; prætereo.

III. Quæst. II. *An dolor præcedere confessionem debeat; aut satis sit ut eliciatur post confessionem ante absolutionem?* Resp. Omnes adfirmant, dolorem præcedere absolutionem debere; cum sit materia eiusdem proxima: & peccator sine dolore penitens non est. Disputant vero in utramque partem, utrum antecedere confessionem, quæ dolorosa dicitur, debeat: Navarrus, Toletus, Vasquez, Hurtado,

Dia-

Diana, Bonacina, Fagundez, Suarez, Lugo, Sporer, Gubat, Moya, Abely, Henricus a S. Ignatio, Tamburinus, & alii multi docent, sat esse ut subsequatur confessionem, & antecedit absolutionem. Castropalaus, Conink, Bonæpei, & alii sustinent debere præcedere. Cum in sacramentorum administratione tutior doctrina adhibenda sit, licet prior sententia probabilis valde sit, præsertim ob Auctorum multitudinem; tamen, cum secunda probabilis sit, & tutior, hæc præferenda est. Heinc pro praxi, si pœnitentes deprehendantur non satis contriti, inflammentur ad contritionem, & post elicitum dolorem, iterum in genere de peccatis antea narratis se accusent, parati illa repetere, si opus foret. Et hoc sat est & tutum. Ceterum Confessarii instruant pœnitentes suos, ut antequam ad tribunal accedant, aliquod opportunum tempus infumant in dolore concipiendo: doceant illos, quæ puncta, seu quas concipere considerationes & meditationes debeant, quibus ad dolendum de peccatis excitentur. Neque enim ita facile est ut uno momento, confessionem inter & absolutionem, peccatorum corda emolliantur. Instruendi igitur sunt ut pie devoteque dolendi rationes recogitent, implorentque hoc doloris bonum ferventi oratione a Deo.

IV. Dolor iste ita perdurare moraliter debet, ut pœnitens vi illius absolvendus sit. Cum enim materia sit absolutionis; præsens moraliter sit oportet, ut materia iuncta cum forma sit. Disputant vero Auctores, quamdiu dolor physice elapsus perdurare moraliter possit, ut sufficere ad absolutionem valeat. Diana refert plures, asserentes sufficere dolorem ante plures annos elicitum, dummodo retractatus non fuerit. Quæ opinio quam sit laxa, & inepta, nemo non videt. Alii dicunt, posse præcedere per mensem. Escobarius, Diana, Arriaga admittunt præcedentiam longi temporis. Alii dicunt sufficere dolorem ante quatuor, sex, & plures etiam dies elicitum. Sed quid ego tempus tero in his opiniunculis recensendis? Dolor moraliter præsens sit oportet. Plures dicunt moraliter præsens esse, licet diu præcesserit: quia, inquiunt, iudicium sacramentale institutum est ad modum iudicii forensis, quod censetur moraliter unum, licet sententia diu post causæ discussionem proferatur. Quemadmodum igitur in iudicio forensi præcedentia discussionis causæ etiam ad plures dies, vel hebdomades non officit morali unitati iudicii; similiter in iudicio sacramentali præcedentia confessionis, vel doloris, etiam ad plures dies, vel hebdomades, morali eiusdem unitati non obstat. Idque patet ex antiqua Ecclesiæ praxi, secundum quam inter confessionem & absolutionem temporis intervallum non breve interfluebat, quo pœnitens pietatis operibus exercebatur. Ita plurimi recentiores ratiocinantur, quibus subscribit Henricus a S. Ignatio *Lib. V. cap. clxxx. num. 2251*. Sed perperam hæc producuntur. Nam etiam in præsens post confessionem absolutio differtur. Propterea ne renovati dolor non debet, dum sacramentum administratur? Tuta igitur praxis est,

est, ut pœnientes recepturi absolutionem dolorem instaurare adnitantur. Quod enim quis suscipiat absolutionem vi doloris quem ante plures hebdomades, immo ante mensem concepit, ut contendunt citati Auctores, opinio mihi laxa est, & a veritate aliena. Minus opportune, ut dixi, opponitur prisca Ecclesie consuetudo, iuxta quam confessio temporis intervallo interdum etiam longo præcedebat absolutionem. At numquid absolutionis tempore pœnientes non contestebantur? Concedo analogiam quamdam inter civile & sacramentale forum. Discussio enim causæ sententiam præcedat oportet: & licet inter discussionem causæ, & prolationem sententiæ tempus fluat, necesse haud est causæ discussionem repetere. Hæc omnia fatemur. Negamus vero non esse renovandum tempore absolutionis dolorem elicitum ante dies, aut hebdomades, aut mensem.

V. Unum dolorem sufficientem materiam esse plurium absolutionum docent plures Casuistæ. Quare, si pœnitens, inquit, post susceptam absolutionem recordetur alicuius peccati mortalis, illud confiteri tenetur, & novam impertire Sacerdos absolutionem debet, quin necesse sit ut pœnitens novum concipiat dolorem: quia moraliter prior perseverat. Nec est quod opponas ad novam absolutionem novam requiri confessionem: ergo etiam novam contritionem. Quia respondent disparitatem manifestam esse. Ad novam sententiam nova requiritur causæ discussio, Ceterum sicut idem peccatum potest denuo subiici potestati clavium; sic idem dolor moraliter præsens potest duplici formæ inservire. In aliis sacramentis eadem ablutio, eadem unctio non possunt duobus formis inservire: quia eiusmodi actiones semel præteritæ non persistunt moraliter; sicut dolor in hominum cordibus perseverat. Quamvis probabilia hæc sint, tuta tamen dici nequeunt. Ideo, cum in sacramentorum administratione tutiora sequi debeamus, ad novam absolutionem renovandus dolor est: eo vel maxime quod absque ullo gravamine pœnitentis id fieri possit. Renovatio, hæc instantanea est, & breviori intervallo renovari dolor potest quam peccatum confiteri. Missis itaque casuisticis tricis, tutiora in hoc summo negotio sequere: & pœnitentem novum delictum consistentem, novaque absolutione indigentem, ad renovandum novi manifestati peccati dolorem urge. In administratione sacramentorum bono sensu, & christiana prudentia opus est. Quando opportunum tempus adest instantanei doloris renovandi, cur omittenda renovatio est? Si urgeat necessitas, aut periculum imminet; tunc absque formali & explicita renovatione impertiri absolutio potest, & debet, ut sapienter S. Leo *epif. lxxxii.* ad Theodorum Foroiulensem Episcopum ait: *His qui in tempore necessitatis, & in periculi urgentis instantia, præsidium pœnitentiæ, & mox reconciliationis implorant, nec satisfactio indicenda est, nec reconciliatio deneganda: quia misericordie Dei nec mensuras possumus ponere, nec tempora definire, apud quem nullas patitur veniæ moras vera conversio, dicente Spiritu Dei*

per Prophetam : Cum conversus ingemueris, tunc salvus eris . . . In dispensandis itaque Dei donis non debemus esse difficiles, nec accusantium se lacrymas, gemitusque negligere, cum ipsam pœnitendi affectionem ex Dei credamus inspiratione conceptam. In his ultimis verbis difficultas residet. Cum prudenter credimus pœnitentium lacrymas & gemitus ex Dei inspiratione & amore proficisci; tum beneficium impertiri absolutionis debemus. Unde autem eruere id possumus, nisi ex fructibus eorum?

VI. Quæst. IV. *An in confessione venialium satis sit pro dolore voluntas suscipiendi hoc sacramentum sine actuali complacentia peccati?* Resp. Ex iis quæ supra fufius exposui, constat ad sacramentum pœnitentiæ non sufficere actum amoris, in quo dolor virtualiter includatur; sed necessarium esse formalem dolorem, sive dolor iste sit contritio perfecta, sive imperfecta. Id docent Scripturæ, Concilium Tridentinum, & communiter Theologi. Ad propositum quæsitum respondet P. Tamburinus cum P. Francisco Quiros affirmative: quia in hac voluntate consistendi includitur quædam virtualis detestatio peccati. Concilium autem Tridentinum, subdit, requirit solum in confessione mortalium expressam detestationem. Hanc opinionem communiter Theologi improbant, ut testatur vel ipse P. Viva quæst. 111. art. 3. num. 2. Necessarius quippe dolor est etiam in venialium confessione, cum sit sacramenti materia.

VII. Quæst. V. *An necessarius sit dolor de omnibus venialibus quæ in confessione explicantur?* Resp. Communis sententia docet, non esse necessarium dolorem universalem de omnibus venialibus culpis quæ manifestantur in confessione. Venialia enim peccata non sunt materia necessaria, sed solum idonea. Quare sat est ut de aliquo veniali verum, & formalem dolorem concipiat pœnitens, & propositum expressum illud evitandi, quando de solis venialibus fit confessio.

IX. Quæst. VI. *Quid dicendum de opinione asserentium, sat esse ut motivum doloris necessarij ad sacramentum sit aliquod malum temporale?* Resp. P. Viva in trut. in prop. 1. Innocentij XI. num. 26. docet, sufficere attritionem supernaturalem ex metu pœnarum temporalium, ut a Deo vindice insigendarum, concluditque: *Licite sequimur huiusmodi opiniones probabilissimas, omisso tutioribus.* Sed Romana Sedes iubet ut in sacramentis sequamur tutiores sententias omisso probabilibus, *et etiam probabilissimis.* Cedo præterea: unde habes hanc opinionem esse probabilissimam? In materia præsertim sacramentaria, cum sit institutionis divinæ, non ex speculationibus casuisticis, sed ex Scripturis & Conciliis decidi controversiæ debent. Hæc autem si consulamus, non probabilissima, sed improbabilis potius & falsa dicenda est.

X. P. Thomas Tamburinus de more maiore perspicuitate hanc opinionem defendit *Lib. 2. method. conf. cap. 1. §. 4. num. 11.*, Inter motiva attritionis, de quibus
„ bu-

„ bus *num.* 4. diximus, licet aliqui non admittant aliud quartum, idest timorem
 „ mali temporalis; atque adeo qui peccata execraretur propter timorem infamiae,
 „ carceris, ægritudinis, & similia, quæ propter peccata incurri solent, legiti-
 „ mum dolorem pro sacramento confessionis, per hos *Doctores*, non afferret: quia
 „ huiusmodi dolor naturalis est (aiunt) non autem supernaturalis, & prout o-
 „ portet ad gratiam supernaturalem obtinendam: tamen in *sententia probabilissi-*
 „ *ma* etiam hoc motivum est sufficiens, si huiusmodi mala temporalia timeantur,
 „ ut a Deo infligta, seu infligenda.“

XL. Quis pœnitentiam agit fornicationis, furti, homicidii ob timorem vel mor-
 bi gallici, vel carceris, vel infamiae infligendæ a Deo. Dolor ex hoc timore
 conceptus sufficit ad sacramentum pœnitentiæ. Quoniam, dum concipitur ma-
 lum a Deo infligendum, iam dolor evadit supernaturalis. Hanc opinionem præ-
 fertim post decretum Innocentii XI. reputo laxam, & in 1. *propos.* contentam.
 Fatetur Tamburinus, *Doctores* oppositum docere. Ergo est sententia controversa.
 Ergo tutior amplectenda. Excusandus Tamburinus est, quod ante decretum scri-
 pserit. At P. Viva interpretatus decretum est, & transcripta voce *Probabilissima*
 prius a Tamburino pro arbitrio usurpata, a decreti damnatione liberavit opinio-
 nem laxissimam, non *probabilissimam*. Opponit P. Tamburinus. Tridentinum non
 definit, dolorem concipiendum *ex timore solum gehennæ, vel alterius pœnæ spiri-*
tualis seu æternæ, sed addit in universum ex timore pœnarum. Fallitur Tamburinus
 cum aliis huiusce opinionis patronis. Concilium dicit: *Ex gehennæ, & pœnarum me-*
tu. Propositio est copulativa. Cur ergo omittis *gehennam* primo loco positam, ac
 per particulam *ET* copulatam cum pœnis? Pœna debita peccato mortali est æ-
 terna: ergo de malo æterno a Deo infligendo timere debet pœnitens. *Nolite*
timere eos qui occidunt corpus . . . sed potius timete eum qui potest & animam, &
corpus perdere in gehennam: Matth. x. Sic docent Evangelistæ, sic Concilium Tri-
 dentinum. Laxissimam appellavi hanc opinionem, ut mitissime loquerer. Cete-
 rum, si ad legitimum tribunal deferatur, nullus dubito quin sit severa censura
 plectenda. Quoniam & Scripturis divinis, & Patribus, & Tridentino, & gravio-
 ribus Theologis adversatur.

XII. Quæst. VII. *Quid dicendum de opinione P. Tamburini, docentis non esse in-*
culcandum peccatori, ut doleat de illo peccato cuius magno officitur amore? Resp.
 Ipsa ratio naturalis dicat ut illud vulnus præcipue curetur quod profundiores ra-
 dices agit, & intimius vitæ insidiatur. Omnes quos legi, & Patres, & Theologi,
 & Concionatores inculcant ut quisque debellare potissimum studeat passionem
 dominantem, affectum regnantem. *Non ergo regnet peccatum in vestro mortali cor-*
pore, ut obediatis concupiscentiis vestris: Rom. vi. clamat Paulus Apostolus. P.
 Thomas Tamburinus *Lib. I. meth. conf. cap. 1. §. 2. num. 5.* scribit: „ Unde quan-

„ do advertis pœnitentem tuum *valde* alicui crimini addictum, ne inculces doloris actum circa illud *peculiare peccatum*. Periculum enim suberit ne illud ex „ animo detestetur, dum eius specialis memoria reficitur, quod in universum, „ & simul cum aliis detestandi difficultatem *vel nullam sentiet, vel exiguam*. “

XIII. ANIMADVERSIO. Meditare genium novæ benignitatis quo tendat. In memoriam revoca quæ alibi docet Tamburinus cum pluribus aliis de non monendo pœnitente eorum quæ difficillime derelicturus est. Noli, inquit, inculcare ut tuus pœnitens doleat de illo peculiari peccato cui *valde addictus est*. Ille effictum deperit amasiam; iste impotenter calumniatur; hic avaritiæ addictissimus est; ille ambitionis æstu ardet. Cave, o Confessari, ne inculces ut pœnitentes tui de his peculiaribus delictis, erga quæ impotenter feruntur, peculiarem doloris actum eliciant: quoniam periculum *suberit* ne illa ex animo detestentur. Ecquid? Non est ergo necesse ut ex animo pœnitens detestetur illud suum peccatum singulari dilectione amatum? Eh! Adhuc sine intellectu es? Sat est ut *in universum, & simul cum aliis* de illo doleat. Ecce? Quia peccatum istud regnans, & dominans in corde pœnitentis, & latitans, ac veluti absconditum inter aliorum scelerum turbas facile pœnitens tuus detestabitur: tunc detestandi *difficultatem vel nullam sentiet, vel exiguam*. Ceterum si hanc suam dilectam culpam, quæ veluti eiusdem amasia est, nudato vultu videat, *periculum suberit* ne illam ex animo detestetur. Doleat ergo de hac amata culpa *in universum, & simul cum aliis*.

XIV. Clamitabunt ne benignioris Ethices patroni, detruncatum esse Tamburini textum? At integrum *num. 5.* rescripti, nec apice dempto. Nihil vel præcedit; vel subsequitur quod laxissimæ, ut mitissime loquar, doctrinæ horrorem temperet. Mussitabunt ne, me sילו satyrico hæc paradoxa defricare? An expectant a me ut panegyricum sermonem texam in commendationem horrendæ doctrinæ? Utinam tanta essem eloquentia præditus, qua labefactare pro meritis possem doctrinam hanc, quæ imbecillitati meæ pestis apparet animarum. Animadvertite lectores omnes, doctrinam hanc non esse opinionem aliquam particularem, sed principium capitale, cuius usus universalis est in pœnitentium directione. Si pœnitentes sese munire non adnuntur præcipue adversus illa flagitia quibus *valde addicti sunt*, & in quæ maiori impetu feruntur; actum est de illorum salute. Doctrinæ P. Tamburini praxis maioris fere partis pœnitentium ætatis nostræ respondet. Consistentur Christiani frequenter, sed communiter in eadem peccata quibus sunt *valde addicti*, relabuntur: quia sincere, ex toto corde, & toto virium conatu illa non detestantur. De iisdem dolent in *globo, & in universum cum aliis*, quibus non sunt *valde addicti*: idcirco peccatum regnans semper communiter regnat.

XV. Quæst. VIII. *Requiritur ne propositum formale & explicitum non peccandi de*

esse

cetero? Resp. P. Tamburinus continuo *loc. cit. §. 3. num. 7.* subdit: *In probabili a-*
liorum opinione satis est implicitum, hoc est illud quod involvitur in ipso actu detesta-
tionis seu displicentiæ. Hanc opinionem docent etiam Diana, Gormaz, Lugo,
 Valquez, & plures alii. Sed falsa aperte est. Oppositum enim docent S. Thomas
 in *IV. dist. xvii. quæst. 11. art. 1. & III. Part. quæst. lxxxvi. art. 2.* Scotus, Alber-
 tus Magnus, Durandus, Caietanus in *addit. ad III. Part. quæst. 1. art. 1.* Soto in
IV. dist. xvii. quæst. 11. Cano de *pœnit. part. 1. &* permulti alii. Cardinalis Bellar-
 minus *Lib. II. de pœnit. cap. vñ* hæc scribit. *Sed nobis communis ac trita a veteribus*
via semper visa est tutior, ac commodior. Probatur igitur ad contritionem requiri
explicitum & formale propositum visæ melioris. Utinam hanc tritam a veteribus
 viam perambulare omnes novi Casuistæ vellent. Gormaz, & alii Probabilistæ
 Bellarmini doctrinam circumvenire student, quasi pro ipsis stet. Sed falluntur, ut fatetur
 ipse P. La-Croix *Lib. VI. part. 11. num. 894.* Ratio evincens propositi expressi neces-
 sitatem evidens est. Concilium Tridentinum præter dolorem, utique efficacem,
 absolutum, & universalem, propositum requirit. Si propositum necessarium ad
 sacramentum in dolore continetur, frustra Concilium expresse propositum requi-
 rit. Hoc non est dicendum. Ergo propositum expressum & formale necessarium
 est. Quod reponunt, intelligendum Concilium de proposito implicito incluso in
 contritione, est arbitrium & inane commentum. Verum est, dolorem effica-
 cem, universalem, & absolutum includere virtuale propositum; immo est ipsum
 virtuale propositum. Sed Concilium præter hunc dolorem efficacem requirit pro-
 positum, quod non sit ipse dolor, sed aliquid distinctum: alioquin superfluum
 foret quod Concilium requireret propositum præter dolorem efficacem, si propo-
 situm istud esset ipse dolor efficax.

XVI. Hæc ratio ex ipso Concilio hausta cuique bono sensu prædico obvia &
 manifesta est. Et tamen P. Claudius La-Croix *Lib. VI. part. 11. num. 893. defen-*
dit probabiliorem esse oppositam sententiam: quia Tamburinus, Gormaz, Diana,
Lugo, & alii eiusmodi illam propugnant. Sed non est quod tempus impendam
 in convellenda opinione quam in praxi & ipse La-Croix reiicit, & reiicere omnes
 debent.

XVII. P. Dominicus Viva, *quæst. 111. art. 3. num. 1.* ex Conink docet, pro-
 positum formale & expressum esse necessarium, quando dolor procedit ex motivo
 particulari turpitudinis talis peccati. Quando vero dolor procedit ex motivo uni-
 versali, tum sat esse propositum virtuale, subdit cum Suarez, Lugo, Layman,
 Tamburino, & aliis. Cur? Quia, inquit, Tridentinum docet, tres esse partes sa-
 cramenti, nempe contritionem, confessionem, & satisfactionem. Si requireretur
 propositum formale explicitum, non tres, sed quatuor essent partes. Hoc non
 est dicendum. Ergo non requiritur propositum expressum & formale. Hæc argu-

mentatio vanum sophisma est. Tres utique sunt huius sacramenti partes. Sed contritio duobus constat, nempe dolore de peccato commisso, & proposito non peccandi de cetero; ut Tridentinum Concilium clare & conceptis verbis explicat. Et sicut ad contritionem sive perfectam, sive imperfectam non sufficit dolor virtualis; ita neque propositum virtuale; sed ambo expressa Concilium requirit.

XVIII. In praxi itaque quisque elicere propositum debet, & quidem firmum, & constans non peccandi de cetero: quia non solum præcedere absolutionem debet peccati præteriti, & præsentis detestatio, sed etiam futuri, cum proposito illud vitandi. Quare si quis de hoc proposito cogitans, illud omitteret, clare ostenderet se indispositum esse ad sacramentum, voluntatemque peccandi conservare; adeoque dimittendus sine absolutione esset. Contingere tamen casus potest in quo pœnitens ita acerbò dolore & vehementi contritione abreptus sit, ut nihil de proposito cogitet: ceterum, si adverteret, firmissimam ederet resolutionem non peccandi. Item hoc accidere in repentino mortis articulo potest. Casus tamen isti perrari sunt. Confessarii prudentia opus est, qua secernantur veri contriti a fictis attritis.

C A P U T II.

IMAGO IUSTIFICATIONIS CHRISTIANÆ sanctorum Scripturarum lineamentis depicta. Falsa imago iustificationis christianæ, quam plures Casuistæ delineant. Laxæ opiniones Francolini, Sporer, Viva, & aliorum plurium. Quid sit propositum efficax, firmum, & stabile, necessarium ad iustificationem. Debeat ne includere voluntatem vitandi occasiones propinquas & proximas.

I. **N**E, dum genuinam christianæ iustificationis imaginem delineare aggredimur, erremus, a tribus scopulis cavendum nobis est. Primo habenda præ oculis est hæresis Calvinistarum, aliorumque novatorum, asserentium, iustitiam christianam esse *inamissibilem*. Hic error ad omnia scelera viam aperit latissimam. Hæresis opposita est Novatianorum, negantium veniam lapsis, & contententium plura crimina esse irremissibilia. Hæresis hæc desperationis laqueo Christianos peccatores iugular. Tertium extremum est non paucorum recentium Casuistarum, qui quamdam christianæ iustificationis volubilis, inconstantis, instabilis, in dies evanescentis imaginem fallacissimam effinxerunt. Inter hos scopulos

se-

secura, tuta, firma, & constans inambulat, syrtes declinat, procellas superat; persecutiones intrepide spernit, carnis illecebras, & dæmonis mundique præstigia superat, repellitque iustificatio quam Christus in animas medio sacramento, sanguine suo parto, inducit. Quæ proposui, distinctis §§. explico.

§. I.

Iustificationem christianam firmam, & stabilem divinæ Scripturæ nobis representant.

I. **O**Mnium cælestium donorum præstantissimum iustitia est, qua Deus in profundum maris, ut Michæas loquitur, proicit omnia peccata nostra, & effundit super nos aquam mundam, sanguinem Filii sui in Crucis ara effusum, quo ab omnibus inquinamentis nostris mundati & liberati, eiusdem Filii coheredes, & gloriæ Sanctorum consortes efficimur. Impiorum iustificatio omnium gratiarum, virtutum, & beneficiorum Dei maximum & excellentissimum est. Iustitiæ istius ardore Iudæorum, & Paganorum multitudo succensa, eiusque amore capta, tormenta & cruciatus invicta fortitudine ultro adiit. Tanto illi donati thesauro, tamquam invicti heroes, continuo in arenam pro Christo descendebant intrepidi. Tigres, leones, & ferociiores bestias despiciebant; illarumque epulas fieri minime pertimescebant. Neque modo homines sapientiæ gloria præstantes, sed pueri, atque virgines, equuleorum, plagarum, & crucis ingenti cupiditate flagrabant: non ignes, nec vulnera sentiebant; sed cruciatus atrocissimos, tempestates, infinitasque procellas forti animo subibant. Homines illi erant eodem ac nos luto compacti; & nos eisdem ac illi disciplinis imbuti, iisdem præfidiis suffulti, eodem divinissimo cibo alti, eodem pretiosissimo sanguine potati, eadem iustitia sanctificati sumus. Porro iustitia hæc tunc in nobis refulget, cum, voluntate nostra neglecta, omnem vitam nostram ad Dei voluntatem conformamus: & non sensus nostros, sed Christi spiritum sequimur; atque cum Paulo Apostolo exclamamus: *Vivo ego, iam non ego; vivit vero in me Christus*. Hoc autem asserere revera possumus, dum, humanis sensibus coercitis, & extincta cupiditate, & mundi illecebris, ac voluptatibus penitus expulsi, divino flagramus amore, & incitatione quadam mentis ad cælum aspiramus, Deique amplexus anhelamus. Hanc cum Deo coniunctionem firmam constantemque parit iustificatio nostra, ut sanctissima illa Christi precatio declarat: *Pater, inquit, sancte, serva eos quos dedisti mihi, ut sint unum, sicut & nos*. A Patre implorat, efflagitatque ut nostri amoris coniunctio divinæ naturæ coniunctionem, quoad fieri potest, imitetur. Declarat enim post pauca, ardentissimum caritatis suæ desiderium non fuisse tantum

Apo.

Apostolorum, quibuscum vixerat, amore coarctatum, sed in nos omnes diffundi. *Non pro eis rogo tantum, sed pro eis qui credituri sunt, ut omnes unum sint, sicut tu Pater in me, & ego in te, ut & ipsi in nobis unum sint.* Ex hac animorum cum divina mente colligatione, summa tranquillitas, & mentis quies nascitur, & omnium curarum huius mundi studium evanescit: idcirco in litteris sanctis quietis nomine iustitia declaratur: quia tum Deus, tum iusti ipsi in eadem requiescunt. Quandoquidem sicut artifices excellentes, cum opus, in quod plurimum operæ & studii contulerunt, absolutum intuentur, animis relaxantur, & sollicitudine omni liberati exultant; ita Deus ipse, cum in hominis anima iustificationis formam perfecit, & absolverit, a tanti operis molitione conquiescit, & illius perfectione mirifice delectatur. Si enim requievit die septimo, quod mundum a se perfecte conditum animadverterit; multo profecto magis, inquit Paulus Olorius *Lib. X. de iust.* quiescit, & pleniore voluptate perfunditur, dum opus omnium maximum, ut ait S. Thomas 1. 2. *quest. cxiii. art. 10.* cuius gratia omnia molitus est, expletum considerat. Quid enim aliud in vita Christus gessit? Cur tot labores sustinuit? Quorsum crucem, & mortem subivit, nisi ut hominum animas iustitiæ ornamentis excoleret, nisi ut cælestem amoris ignem in hominum visceribus accenderet? Quare apud Isaiam inquit: *Propter Sion non tacebo, & propter Hierusalem non quiescam, donec egrediatur ut splendor iustitia eius, & salus eius ut lampas accendatur.* Quo in loco, subdit laudatus Olorius, demonstrat quietem suam esse in iustitia nostra constitutam. Ut enim olim Iosue cum multis nationibus signa contulit, atque ingentes exercitus ad internecionem delevit, ut tandem populum in quietis sedibus locaret, atque laboribus summis cum amplissima laude perfunctus, a bello gerendo conquiesceret; sic & Christus, postquam humani generis hostes invicta virtute repressit, prosligavit, & extinxit, eos omnes qui sub illius imperio militant, in ipsius iustitiæ possessione constituit, ut ipse ex laboribus suis fructum quietis percipiat, & illi qui in fide, & caritate permanent, similiter divinæ iustificationis fructu cum summa vitæ tranquillitate poriantur, atque fruantur.

II. Porro si impiorum hominum iustificatio meta est & finis in quem Christus infinita suæ passionis merita collineavit: quis est qui non videat, quam firmum, quam stabile, quam perpetuum sit oporteat mutuum hoc sœdus sanctissimum; Deum inter & hominem sancitum, & sacratissimo Filii sui sanguine obsignatum, confirmatumque? Heinc Christus *Ioan. xiv.* inquit: *Si quis diligit me, sermonem meum servabit: & Pater meus diliget eum; & ad eum veniemus, & MANSIONEM apud eum faciemus.* Tota ergo Trinitas in anima iustitiæ dono ornata, veluti in propria domo a se excitata & perfecta, non dies, non hebdomades, non menses, sed semper se permanfuram, ceu in deliciarum palatio, spondet. Ma-

gnum istud ædificum tanto laborum molimine a Christo erectum, ab hostium insidiis, & persecutorum furore omnes tres divinæ personæ custodiendum protegendumque susceperunt. Sola hominis, qui gratuitum istius iustitiæ donum accepit, pravitas & perfida perduellio infringere sacrum istud mutuae benevolentiae fœdus, rescindere reciprocae pacis vinculum, & divinæ habitationis fulgentissimum tabernaculum, & sanctissimæ Trinitatis sedem in suo corde locatam diruere atque prosternere valet.

III. Verum Apostolum Paulum audiamus, qui firmitatem, atque stabilitatem ceu proprios iustificacionis nostræ characteres & prærogativas describit *II. Cor. cap. vii.* his verbis. *Quæ enim secundum Deum tristitia est, pœnitentiam in salutem STABILEM operatur.* Pœnitentia, inquam, quæ secundum Deum, non secundum hominum speculationes, & arbitraria figmenta concepta est, stabilem operatur sanctitatem. Itaque (inquit *I. Cor. xv.*) *fratres mei dilecti, stabiles estote, & immobiles, abundantes in opere Domini semper, scientes quod labor vester non est inanis in Domino.* Hanc ipsam reconciliationis, cum Deo initæ per mortem Filii eius, firmitudinem & constantiam inculcat Colloquens *cap. i.* *Et vos, cum effectis aliquando alienati, & inimici sensu in operibus malis, nunc autem reconciliati in corpore carnis eius per mortem, exhibere vos sanctos, & immaculatos, & irreprehensibiles coram ipso; si tamen permanetis in fide fundati, & stabiles, & immobiles a spe Evangelii quod audistis.* Ubique intonat; & altius hanc stabilitatem, & perseverantiam in divino contracto fœdere commendat, ut coronam assequantur. Huiusce vero stabilis & constantis animi Deo devincti effectus, victorias, & de quibuslibet hostium sævientium insidiis triumphos exponit, Romanos alloquens *cap. viii.* hac gravi & vehementi oratione. *Quis ergo nos separabit a caritate Christi? An tribulatio? an angustia? an fames? an nuditas? an periculum? an persecutio? an gladius? (Sicut scriptum est: Quia propter te mortificamur tota die, æstimati sumus sicut oves occisionis.) Sed in his omnibus superamus propter eum qui dilexit nos. Certus sum enim quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a caritate Dei, quæ est in Christo Iesu Domino nostro.*

IV. Hactenus S. Paulus duo uberrima eloquentiæ vi declaravit. Primum, doctes & characteres reconciliationis nostræ cum Deo esse stabilitatem, firmitudinem, & immobilem perseverantiam. Alterum, istius constantiæ, & stabilitatis fructus in omnium inimicorum, tribulationum, angustiarum, & persecucionum victoria, & triumphis esse locatos. Verum tertium, quod nobis referat, æthanum terrore, & pavore omnes qui iustitiæ beneficio ornati sunt, configere debet. Est enim, supra quam dici potest, formidandum atque tremendum. Quodnam istud? Ruina & exi-

& exitium funestissimum quod iis imminet qui reconciliationis initum pactam, qui amicitiae sanctum foedus violant & abruptum. Paucis rem habeto.

V. Paulus catenis Romae victus nuntium accepit, Ecclesiam Hierosolymis ex solis Iudaei conflata languescere, tentationibus concuti, atque gravissimo periculo amittendae iustificationis acceptae obnoxiam esse. Continuo epistolam ad Hebraeos inscriptam Hierusalem mittit. Synopsim universae epistolae huius perstringere deberem, ut veram ideam depingerem stabilitatis iustitiae christianae. At instituti ratio id non finit. Aliqua tantum dabo. Iudaei Hierosolymitani ad fidem conversi gravissima tentatione pulsabantur; quod elapsis 30. circiter annis a Christi morte, eiusdem praedictionum eventum nullum viderent. Templum, sanctuarium, altare, candelabrum, Sacerdotum multitudo, summus Pontificatus, populi frequentia ex universa Iudaea ad templum, ad sacrificia magna pompa celebrata, solemnitas ritus Moisaicae legis, cantus, symphoniae, & cetera omnia avitae religionis, quam cum lacte suxerant, mysteria & caeremoniae undique coruscabant. Ipsi autem parvum manipulum efficientes, pro templo parvum cubiculum, pro altari tabulam, pro candelabro lucernam, pro aureis argenteisque vasis ligneum forte poculum habentes, illinc a perfidis fratribus Iudaeis dominantibus, hinc a Gentilibus exagitati, angustiiati, oppressi, vix privatim & submissa voce celebrare in suis domibus laudes Deo audebant. Tot inter procellas ac tempestates quodammodo vacillabant. Paulus sua epistola praesidium affert. Novi testamenti Christi supra vetus Moisaicum praestantiam incredibili eloquentia describit, cuius templum non materiale, ut Moisaicum, est, sed vivum omni lapide pretioso excellentius. *Christus vero* (inquit cap. 111.) *tamquam filius in domo sua, quae domus sumus nos, si fiduciam & gloriam spei usque in finem firmam retineamus.*

VI. Postquam vero eos erexit ad sublimem novi foederis maiestatem, & mysteria divina consideranda, animavitque ad fiduciam constantem locandam in Christo Iesu, qui infirmitatibus nostris compati, auxiliari, & succurrere paratus est, transit ad miseram illorum qui a statu iustitiae in peccatum prolabantur, infelicitatem, extremamque refurgendi difficultatem exponendam. *Impossibile est enim eos* (ait cap. vi.) *qui semel sunt illuminati, (per baptismum fidei) gustaverunt etiam donum caeleste, (sacratissimum nempe Christi corpus) gustaverunt Spiritus sancti, (per sacramentum confirmationis) gustaverunt nihilominus bonum Dei verbum, virtutesque seculi venturi, & prolapsi sunt, rursus renovari ad poenitentiam, rursus cruciungentes sibi metipsos Filium Dei, & ostentui habentes. Quam veritatem ut ad illorum captum accommodet, aliusque in eorum cordibus imprimat, hanc eis praebet similitudinem ab ipsa rerum natura repertam. Terra enim saepe venientem super se bibens imbrem, & generans herbam opportunam illis a quibus colitur, accipit benedictionem a Deo; proferens autem spinas ac tribulos, re-*

proba est, & maledictio proxima : cuius consummatio in combustionem. Confidimus autem de vobis, dilectissimi, meliora, & viciniora saluti; tamen ita loquimur. Sic ne loquuntur Confessarii plures, qui imbrem sanguinis Christi, & eiusdem corporis epulum iis pluries in annos singulos dispensant qui præter propter eisdem semper pariunt tribulos? Reponunt, sat esse ut pauciores tribulos edant; licet ex plurium annorum cælesti & fecundissima cultura exculi, numquam evulsis vepribus, herbam, & fructus dignos æterna vita edant, ambulentque constantes in via mandatorum Dei.

VII. Ex hoc Apostoli textu Novatiani pœnitentiæ remedium negabant. Sed hoc delirium convellit Apostolus ipse in epistolis ad Corinthios, ad Galatas, aliisque, in quibus uberrime pœnitentiæ vim, & efficaciam explicat, & lapsos ad pœnitentiam hortatur, & impellit. In hac epistola ad Hebræos stabilitatem, & firmitudinem iustificationis exponit, atque altius fratrum suorum, qui iusti erant, cordibus insculpere conatur. Nec opportunum & tempestivum existimavit hoc loco pœnitentiam recordari: quoniam non alloquebatur lapsos, quos pergeret; sed iustos, ne deciderent. Quare, ut eos constantes, fortes, & robustos efficeret, solidaretque, iustitiæ dotes, & prærogativas exponit, unaque gravissimam summamque difficultatem eam recuperandi amissam ob oculos refert. Duplex est Patrum expositio huius vocis *impossibile*. Alii interpretantur *difficile*, aut *difficillimum*. Alii in obvio & literali sensu vocem hanc accipiunt, inquires, impossibile esse rursus renovari lapsos post baptismum ad pristinam illam innocentiam quam semel infusam in sacro lavacro acceperunt. Siquidem licet per pœnitentiam deleatur novum peccatum; tamen communiter, præciso aliquo raro casu, remanent cicatricum, & vulnorum novi peccati vestigia, & malignæ reliquæ, quæ vires extenuant, debilitant, & faciliorem ad relapsum viam aperiunt. Utraque interpretatio confert ad manifestandam iustitiæ stabilitatem, & firmitatem, quam hic Apostolus declarat.

VIII. Sed persequamur sermonem Pauli, qui *cap. x.* iterum eandem veritatem repetit & exaggerat. *Teneamus, inquit, spei nostræ confessionem indeclinabilem....* Voluntarie enim peccantibus nobis post acceptam notitiam veritatis, iam non relinquatur pro peccatis hostia. Terribilis autem quadam expectatio iudicii, & ignis emulatio, quæ consumptura est adversarios. Irritam quis faciens legem Moysi, sine ulla miseratione duobus vel tribus testibus moritur: quanto magis putatis deteriora mereri supplicia qui Filium Dei conculcaverit, & sanguinem testamenti pollutum duxerit, in quo sanctificatus est, & spiritui gratiæ contumeliam fecerit? Scimus enim qui dixit: *Mibi vindicta, & ego retribuam: & iterum: Quia iudicabit Dominus populum suum.* Horrendum est incidere in manus Dei viventis. Rememoramini autem pristinos dies, in quibus illuminati, magnum certamen sustinistis passionum: & in altero quidem op-

prebuit, & tribulationibus spectaculum facti; in altero autem socii taliter conversantium effecti. Nam & vindictis compassi estis, & rapinam bonorum vestrorum cum gaudio suscepistis, cognoscentes vos habere meliorem, & manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est, ut voluntatem Dei facientes, reportetis promissionem, Adhuc enim modicum aliquantulum, qui venturus est, veniet, & non tardabit. His ultimis verbis prædicit Apostolus imminentem civitatis Hierusalem, templi, & altaris excidium, desolationem, & funestissimam destructionem, quæ quinque circiter annos post hanc exaratam epistolam contigit, Qua horrenda catastrophæ prædictiones a Christo factæ altius in eorum mentibus impressæ fuerunt, atque Ecclesiam illam ex primitiis electi populi coactam confirmarunt.

§. II.

*Rationum momentis, & communi hominum sensu
iustificationis christianæ firmitas confirmatur.*

I. Iustitia christiana natura sua stabilis, firma, & constans est. Hanc suam stabilitatem haurit ab ipsa infinita passionis & meritorum Christi efficacia. Hæc iustificatio natura sua efficit ut homo iustus quietem, & felicitatem suam in mandatorum universæque divinæ legis observatione inveniat, & experiatur; ut lætus ambulet in viis domini; ut patienter iniurias, contumelias, & persecutiones sustineat; ut invictis tentationibus, adversanti fortunæ, & persecutionibus resistat. Immensa illa Dei misericordia quæ culpas remittit, quæ gratiam suam victicem impertit, quæ peccatores pœnitentes ad suam extollit amicitiam, his characteribus stabilitatis & constantiæ animarum iustificationem munit, exornatque. Nimium vilem, & omnipotenti Dei misericordia indignam ideam concipiunt illi qui iustificationem Christianorum depingunt labilem, flexibilem, continuo relapsuum, & absolutionum circulo mixtam. Deus enim amicos suos, atque dilectos filios, fortes, magnanimos, sinceros, fideles, constantes, & omnium insanientis mundi illecebrarum contemptores, atque invictos triumphatores constituit. Hæc & uberiora privilegia filiorum Dei dignitas postulat. Quid? Filii Dei, electi Dei illi vocabantur qui plurium annorum intervallo hodie iusti, cras perduelles; hodie amici, cras proditores; hac hebdomada pœnitentes, altera hebdomada prævaricatores? Filii Dei, electi Dei isti, qui totam vitam suam agunt hac perpetua confessionum, & relapsuum vicissitudine denigratam? Tales ne habere filios Deum decet? Istæ ne filiorum Dei dotes, & prærogativæ?

II. Communem Christianorum sensum, & proxim ipsam consulamus. En homi-

nem exterius præferentem pietatis, & virtutis speciem, quocum tamen nulli tibi intercedit familiaritas. Vides illum in manifesta scelera lapsum, nulla urgente vehementi occasione. An non continuo illum, ut hypocritam versutum, & sepulcrum dealbatum, improbas? Unde tale iudicium? Nonnisi ex intimo sensu stabilitatis, firmitatis, & constantiæ quam iustificatio christiana sibi vindicat. Amicum habes: cuius castissimos mores, viræ probitatem, sinceritatem, iustitiam, vitamque undiqueversum intaminatam plurium annorum intervallo perspectam habuisti. Longius probus amicus proficiscitur. Post aliquot annos occasio se præbet aliquid de amico absente rescindi. Continuo interrogas, rogas, quomodo se habeat, quæ sit illius consuetudo. Responsum accipis, hominem vasrum, flagitiosum, veteratorem, libidinosum factum. Insistis. Verum ne hoc? Absit ut credam. Scio te ludere, & iocari. Serio, reponit alter, assero hominem illum iniquum scelestumque esse. Quid tum? Heu, exclamas, heu! Quam tremenda, quam formidanda sunt iudicia Dei! Unde, quæso, hæc tua difficultas & repugnancia ad credendam hominis iusti mutationem? Unde tanta animi admiratio, & conturbatio? Profecto non aliunde, nisi ex intimo illo instinctu, quo iudicas, iustitiam christianam, insusam per Spiritum sanctum inhabitantem, & sacratissimi Christi sanguine obsignatam, stabilem esse, & difficile mobilem.

III. Revocandum tamen sæpe in memoriam est id quod sub initium admonuimus ad præfocandas cavillatorum oscias, nempe iustitiam christianam non ita esse in anima iusti immobilem, & stabilem, ut sit etiam inamissibilis; quemadmodum delirantes Calviniani fabulantur, experientia manifesta, nedum sancto Dei verbo repugnante. Indoles & natura iustificationis est, quod sit stabilis; ac modus quo animæ christianæ hæret, est, ut possit per peccatum amitti. Animadvertendum insuper est, non omnia tempora æqualia, non omnes circumstantias easdem esse relative ad hanc iustitiam. Iustitia hæc plus & minus pro temporum diversitate, & varios excipere gradus valet. Primis illis Ecclesiæ catholicæ aureis sæculis gratia iustificationis abundantior & copiosior erat; atque adeo fortior, firmitior, atque robustior, sic exigente truculentissima persecutorum immanitate, & sævitia in Christianos. Porro iustitia illa continuo Eucharistiæ epulo alta, iugi precatione nixa, continua sanctarum Scripturarum meditatione, assidua bonorum operum praxi, & omnium virtutum exercitio sulca, sanctissimis fratrum exemplis roborata, ignitis sanctorum Pastorum eloquiis, & instructionibus succensa, & inflammata, miraculorum præditiis munita, leonum, tigrarum, & bestiarum omnium feritatem, & blandientis fortunæ præstigia incredibili fortitudine & heroica magnanimitate proculcavit, & derisit, iuxta temporum calamitatem, & pro ingruentium circumstantiarum & tentationum diversitate, infinita Deus clementia & liberalitate thesauros gratiæ suæ distribuit, & præsidia impertit, ita ut

ita ut numquam desit in necessariis, numquam abundet in superfluis. Cessant ne ætate nostra persecutores, vilipendia christianæ religionis exularunt, tentationes desciscendi a professione baptismali evanuerunt. Verum, cum numquam defuturæ sint adversus Christi Ecclesiam persecutiones, ab eisdem immunis non est ætas nostra, nec erunt posteriores filii Adam. Idcirco clementissimus Deus sincere pœnitentibus gratiam iustificationis infundit iis exornatam prædiis quæ opportuna & efficacissima sunt ad illud perseverantiæ singularissimum donum custodiendum. Quocumque igitur tempore iustificatio christiana, quam Scripturæ sanctæ, & præsertim Paulinæ epistolæ nobis depingunt, natura sua stabilis, firma, constans est; quamquam aut humana infirmitate, aut hominum pravitare, aut tentationum insidiis amitti possit, & quandoque amittatur; ut infelici experientia compertum est. Quæ hæcenus dicta sunt, Patrum testimoniis confirmanda essent. Verum hoc præstabo infra, dum de differenda recidivis absolutione sermo erit.

§. III.

Cur Christiani hac ætate non mirentur super fluxa pœnitentium vita, & sacramentorum, atque relapsuum frequenti coniunctione. Quia via media inventa est, novaque iustificationis christianæ inuenta idea. Istius viæ mediæ exemplum perbibet Morinus ex Iudeorum confessione repetitum.

I. **U**T itaque characteres stabilitatis iustificationis christianæ magis compertos habeamus, præter testimonia Scripturæ sanctæ, & SS. PP. sat est consulere ipsum humani cordis tribunal. Sed dux distinguendæ imagines, quas iustificationis christianæ homines concipere solent. Prima est, quam descripsi, iustificationis nempe veræ, quæ hominem iustum, Dei filium, castum, sincerum, liberalem, misericordem, ceterisque christianis virtutibus ornatum constituit; & sub hoc fulgido aspectu oculis hominum talem repræsentat. Et hunc, si in manifesta crimina, sublata aliqua vehementi circumstantia, & occasione gravissima imbecillitatem humanam pulsante, prolabatur, communiter homines iudicant hypocritam fuisse, aut tremenda Dei arcana venerabundi reformidant: quoniam, ut dixi, persuasum omnes habent, viros Dei reipsa iustos, difficile atque adeo perituro in aperta flagitia relabi. Hæc est prima idea, quam Christiani prudentes, bonoque sensu prædicti divinæ iustificationis concipiunt.

II. At diversa prorsus, & omnino opposita idea est quam iustificatorum ætatis nostræ formant non pauci Casuistæ. Et principio tute iudex esto, lector cordate. Avarum inveteratum ad tribunal pœnitentiæ, demisso capite, manibus iunctis spectas contentem. Quid inde? Speras ne ipsum imposterum, peracta confessione, & communione, iustum, liberalem, promptum ad mutuum gratuitum impertiendum, ad elargiendam pauperibus eleemosynam paratum fore? Si avarus ipse bona fide respondere vellet, fateretur, se talem futurum imposterum qualem se olim præbuit. Idem esto iudicium de luxurioso, de blasphemo, de ambitioso, & quocumque alio inveterato peccatore. Et si aliud contingat, loco quasi miraculi habetur. Videmus itaque ætate nostra avaros, libidinosos, prodigos, mimos, saltatrices, amafios, amafiasque, lufos, fraudulentos, periuros, fornicatores, mœchos, molles bis vel quater in annum ad misericordiæ tribunal, ad eucharisticum convivium accedere. Provincias percurrunt Dei ministri, apostolicas missiones exercentes, & Dei verbum seminantes: accurrunt ingentes cuiusque status turbæ: horrendam fornacis gehennalis imaginem teterrimis pictam coloribus vident, & eloquentiæ robustæ arte exaggerata dira tormenta & æterna supplicia inaudiunt: tot pœnarum timore perterrefacti continuo confitentur, absolvuntur; communicantur. Vix profecti sunt sacri Missionarii, iidem ac antea pœnitentes; iidem mores, eadem consuetudines, libidines, mendacia, periuria, fenora, flagitia præter propter eadem. Et tot pœnitentium millibus quinque ne in centum exuunt corruptos mores, vitamque meliorem instituunt? Communis & omnibus pervia experientia iudex esto.

III. Ex quibus hoc pacto ratiocinor. Cedo: cur, dum primam sinceram christianæ iustificationis ideam tibi formas, aut perhorrescis Dei iudicia, si vides hominem quem revera iustum credebas, flagitia perpetrare manifesta & gravia; aut hypocritam inferi fuisse, qui externo fidei pietatis simulacro fucum imponebat apicis? E contrario, cum ex una parte hodiernas pœnitentium iustificationes frequentissimas, & ex altera parte continuatos, nedum frequentes relapsus contemplaris, nihil commoveris? Nonne hinc necessario consequitur, iustificationes hodiernas diversi generis, diversæ speciei, & naturæ a iustificatione primi generis esse? Iustificatio quam Scripturæ divinæ, & præcipue S. Paulus, describunt, homines reipsa sic iustos, & evangelicis virtutibus præditos constituit, ut mirum apud ipsum humani sensus tribunal videatur, si homo revera iustus in mortifera labatur flagitia, excepto aliquo raro casu. Iustificationes pœnitentium ætatis nostræ vix quinque in centum ita iustos efficiunt, ut commoveantur homines, si illos videant in scelera pristina relapsos. Quod vero evidenter sciant, hodiernos pœnitentes communiter eadem semper plus minusve oberrare chorda, & in eodem vitiorum luto revolvi, nulla defunguntur admiratione; immo tantum non si-

bi effingunt, iustificationem ætatis nostræ in perpetua sacramentorum, & relapsuum vicissitudine sitam esse.

IV. Igitur si intimum hominum sensum secretius in animo latitantem introspicimus, iustificationes pœnitentium ætatis nostræ apud ipsum humani cordis occultum forum fictæ & larvæ maiori ex parte apparent. Sed unde, inquis, evenit & quod vel ipsi fere prudentes viri nihil super his fictis iustificationibus commoveantur, & quod ipsi pœnitentes, tametsi suorum relapsuum a multis annis frequentium consilii, bona fide sacramenta frequentent, & quod sibi mentientes quodammodo credant, se, dum continentur, & Eucharistiam sumunt, iustos fieri? Unde tam blanda hallucinatio, tantâ deceptio?

V. Ex illo humani moris torrente, reponit Augustinus, ex illa universali, & prævalente consuetudine quæ secum abripit vel ipsos quandoque sapientes, nisi vigilantiores se custodiant: ex illa denique VIA MEDIA quæ ab uno & amplius sæculo invecsta est. Duas vias oppositas Evangelium Christi perhibet: alteram angustam & arctam; alteram latam & spatiosam. Per illam veri iusti, sibi & mundo mortui, similes imagini Filii Dei, casti, iusti, misericordes, caritate fulgentes, & omnium virtutum exercitio splendidi ambulant. Hi revera iustorum & sanctorum loco plus & minus habentur. Per hanc scelesti, improbi, & obstinati peragrant. Prioris viæ pauci, posterioris multi. Præter has duas vias, ut dixi; invecsta est *via media*, quæ non minus a prima ac cælum a terra distat, quæ reductive & reipsa ad secundam attinet. Hæc via media ingentem comprehendit Christianorum multitudinem. Istius viæ Christiani corpus oppipare nutriunt, sensus demulcent, voluptati, illecebris, & selectioribus mundi deliciis indulgent; suas habere amasias honestulas, & torosulas volunt; ieiunia, cilicia, carnis & sensuum crucifixionem, humilitatem, contumeliarum tolerantiam, & ceterarum virtutum praxim sin minus detestantur, nullum certe inire cum eis commercium volunt. Ut tamen a peccatoribus improbis, & obstinatis, qui laxatis habenis per viam latam percurrunt, aliquo modo recedere sibi blandiantur, suas recitant precatiunculas, pios libellos legunt, suas congregationes frequentant, spiritalia quædam exercitia libenter peragunt, & ad sacramenta sæpius accedunt. Recedunt ergo a lata improborum via. Primam sane non ingrediuntur: quia via sanctorum, & filiorum Dei est. Mediam ergo inter utramque viam calcant, non in Evangelio contentam, sed hominum opinione excogitatam.

VI. Doctissimus Ioannes Morinus *Lib. IX. de administrat. pœnit. cap. 34.* pluribus allatis documentis evincit id quod nos supra ex S. Thoma indicavimus, videlicet Iudæos consuevisse sua peccata confiteri. Porro *num. 3.* animadvertit, tres illos distinxisse vias: duas extremas; quarum prima est sanctorum hominum, altera improborum; *tertiam mediam*, per quam ambulant illi qui nec sunt perfecti impro-

bi, nec perfecte iusti. En illius verba. *Iudæorum recentiorum, & antiquorum celebre est effatum, tria esse hominum genera, perfecte iustorum, perfecte impiorum, & intermediorum: Deum tres libros habere: in primo perfecte iustos describi; in secundo perfecte impios; in postremo intermedios. Deum initio anni omnium hominum actiones celebri iudicio examinare, perfecte iustos tum statim primo libro inscribi, malos secundo, intermediorum autem iudicium in decimum diem mensis suspendi; si perfectam pœnitentiam egerint, iustis, si non, impiis adnumerandos.* Huius narrationis documenta adduxit ex R. Schem Tob. & ex Mose Cordubensi.

VII. Num istius doctrinæ imago obtineat apud plures Christianos, tu, lector cordate, iudex sis. Cedo: nonne Christiani qui exacte se iunia servant, qui linguam ab omni turpi sermone coercent, qui modestiam, iustitiam, caritatem, ceterasque virtutes excolunt; qui a comœdiis; ludis, pompis vanis, seminarum conversatione omnino abstinant; qui vitam suam ad sanctarum Scripturarum, & sanctorum Patrum libros conformant, vocantur *perfecte iusti*, & veluti sancti habentur? Nonne e contrario Christiani qui pellices publice alunt; qui sensibus habenas laxant, a templis, a sacramentis frequentandis, a Dei cultu longe vivunt; qui vitam suam ad impiorum libros exigunt, *perfecte improbi* existimantur? An non ceteri Christiani qui *viam mediam* tenent inter has duas extremas, qui nempe templa, sacramenta, & plura devotionis officia frequentant; qui manifesta, & graviora scelera perhorrescunt; delicatiora tamen flagitia perpetrant, mundi illecebris, voluptatibus, exquisitis deliciis fruuntur; ludis, comœdiis, seminarum colloquiis familiarissimis indulgent, eisdem inserviunt, & sensibus suis, & carni mirifico artificio satisfacere student, vitamque suam ad mollioris Ethices libros quosdam conformare didicere: nonne, inquam, Christiani isti nec perfecte iusti, nec perfecte improbi, sed *intermedii*, tepidi, honesti, qui iuxta regulas boni & æqui, contemptis Rigoristarum essatis, mores suos informant, appellantur? Iudæi, si homines intermedii severam egerint pœnitentiam, iustis; sin minus, improbis accensent. At Christiani intermedii, Iudæis ipsis cæciores, sibi blandiuntur per suam viam mediam se cælorum regnum indepturos.

VIII. Potro sicut *media* est illorum *via*, sic *media* est illorum iustificatio; & quemadmodum illorum *via* non evangelica, sed mundana appellatur, sic illorum iustificatio non christiana, sed humana prorsus & commentitia est. Ad hanc viam excogitandam hominum malitia coegit. Sacramentorum ministri aliqui, humanæ salutis zelo flagrant, pia & sancta intentione, ut sentire nos convenit, cum adducere homines nequirent ad severam, exactamque evangelicæ professionis observantiam, Evangelium delinire, levigare Christi iugum, illudque attemperare humanæ imbecillitati studuerunt; sicut S. Augustinus *conc. 1. in Psal. xcviij. docet. Hac est enim in hominibus magna, & usitata perversitas, quia cum debeant*
vive-

vivere ipsi secundum voluntatem Dei, Deum volunt vivere secundum voluntatem suam; & cum ipsam nolunt corrigi, illum volunt depravari, rectum non arbitrantur quod ille vult, sed quod ipsi volunt.

IX. En referatam causam cur hodie nulla defigaris admiratione, quod videas homines hac hebdomada ad poenitentiae tribunal, ad mensam eucharisticam, altera hebdomada ad mensam lusoriam, & feneratoriam, ad inserviendum amafis, & cum eisdem saltandum, si occasio ferat, ad spectanda theatra, & ad omnia mundi praestigia, aliquo probabilisticæ benignitatis fūco tecta, frequentanda: & iterum ad confessionale, ad altare, iterumque ad mundi idola. Non commoveris super hoc portentoso sacramentorum, & relapsuum fœdere: quia ab ipsa infantia huic spectando circulo assuetus, honestam ætatis nostræ consuetudinem reputas. Accedit plurium Casuistarum, & Confessoriorum auctoritas. Clamant isti tum voce, tum scriptis, reflexere ætate nostra *aurea sacula*, quæ antiquorum æmulantur sanctitatem. Quandonam, inquiunt, maior sacramentorum frequentia? Quandonam tanta temporum magnificentia, tam splendidus cultus, tanta sacrificiorum multitudo, tam harmonicus cantus, tanta sacrorum vasorum opulentia, tanta monasteriorum, collegiorum maiestas, tanta Sacerdotum copia? Quandonam apostolicæ missiones, spiritualia exercitia, & cetera christianæ pietatis officia maiori fuerunt in usu?

X. Quid ergo erocitant *Rigoristæ*, immisericordes, truces, ambitiosi, tetrici adversus florentissimam ætatis nostræ disciplinam? Qui sunt hi *Rigoristæ*? Quos deprebenderis (respondet P. Balthasar Francolinus in præf. ad Cler. Rom.) in facie sanctos, modestos, compositos, ecclesiasticæ in toto habitu comptos, sed habentes semper quid interrogent, quid inquirent, quid dubitent, quid obiciant, quid non probent, quid refectent, quid restringant, quid addant, quid emendent, semper inquiscentes, semper descentes nostram ætatem, nostros mores, nostram doctrinam, habentes numquam quod excusent. quod indulgeant, quod laudent, NISI AUT SUA SUNT, AUT SUORUM, quos evehere curant, ut evehantur ipsi, ET DOMINENTUR IN CLERIS, AUT PROTEGANTUR; habe illos ut nostrorum temporum Phariseos, & veri nominis RIGORISTAS.

XI. Breve digressionem sibi postulat discipulus P. Francolini, cuius est in hoc opere interlocutor. Quærit, quinam reipsa sunt qui hac ætate nostra dominari in cleris anhelant? Quinam illi qui nihili pendunt, nisi quæ aut sua sunt, aut suorum? Quinam illi qui evehere suos student, ut evehantur ipsi ad altiora ministeria, & regimen illorum a quibus protegantur? Quinam illi qui, ut suorum defendant opiniones nimium ab Evangelio exorbitantes, tot rumores, tot turbines, tot tragœdias concitant, tot volumina edunt? Hæc & alia longe plura, quæ in adducto P. Francolini testimonio continentur, a magistro suo discipulus

re-

resolvenda rogat. Mihi enim neque petere, nequeolvere illa licet. Miror dumtaxat cautam prudentemque P. Francolini scribendi rationem adversus non *Fratrem*, aut *Fraterculum* quempiam, ut aliqui suorum loquuntur, sed adversus Cardinales, Episcopos catholicos, doctrina, & pietate præstantissimos, quos inter eminent Episcopus Gennettus, Cardinalis Norisius, ambo in *Bibliotheca Iansenistarum* inscripti, ut ceteros nunc fileam. Pharisei autem, subdit discipulus, spiritum legis divinæ, eiusdemque prima & summa capita negligebant, ut novas suas traditiones, & opiniones promoverent, inculcarent, propugnarent rigore summo, & incredibili severitate, quod revera dominarentur in cleris. Absit a me ut alicui vel minimo Catholicorum, Phariseorum docendi agendique methodum vel remote adscribere velim, & ausim. Iudicium istud Deo reservatum est. Solum ego rogo sapientes, ut expendant, quam prudens & cauta sit P. Francolini, qui benignitatem, & suavitatem ubique clamat, scribendi ratio.

XII. En unam ex causis cur non commoveris super instabili & fluxa plurimum ætatis nostræ iustificatione. Moralistæ ipsi invehuntur in Theologos qui inculcant pœnitentibus ut præcipue doleant de illo peccato regnante, & dominante cui sunt valde addicti, ut propositum firmum & constans concipiant abstinendi ab hoc tali peccato. Clamant Benignistæ, ut recitatis Francolini verbis infra ostendam, Theologos istos esse Rigoristas, Tutoristas. Quid ergo mirum, si Christiani his præiudiciis educati, existiment iustificationem divinam, & sanctitatem sitam esse in hac confessionum, & relapsuum successione? Consuetudo postea, tot Casuistarum auctoritate fulta, frequentandi sacramenta, & fruendi mundi deliciis causam confirmat cur tu non mireis, quod iustificatio christiana hodie non pariat mundum, ambitionis, deliciarum, & voluptatum contemptum, neque accendat amorem Dei, & eiusdem legis suavem observationem, efficiatque iustificatos stabiles & firmos in viis Domini. Auctoritas, ut dixi, plurimum Casuistarum, & Confessoriorum, qui æream prædicant ætatem nostram, qui frequentiam sacramentorum cum comœdiarum, spectaculorum, chorearum, ludorum, pomparum immodestarum, aliarumque mundi insanientis corruptelarum frequentia copulant, & consœderant, omnem aufert admirationem. Quid? An nos decipient, inquis, Dei ministri? An hæc consuetudo, tantorum virorum auctoritate firmata, corrupta, vitiosa, sacrilega reputanda erit? Magna, clamat Augustinus, tentatio. Hac ipsa tentatione premebantur sancti Christiani Ecclesiæ Hierosolymitanæ, ut ex Paulo Apostolo enarravi. Sola divina Pauli eloquentia liberare a tam vehementi tentatione fratres suos valuit. S. Augustinus testatur, se gravissimas persecutiones, & contumelias passum, ut sur temporis Christianos ab errore eriperet, quod adversarii aliter opinantes illos in suavi & benigna vivendi consuetudine firmos & constantes detinerent. Non propterea tamen clamare cessavit Doctor sanctus: Propter bo-

minum errores, qui per vaniloquas seductiones, & pravas consuetudines nobis molestam pro vobis curam inferre non cessant, tacere non possumus : ser. clvii. de temp. Iam inde usque possessio propriæ libertatis adversus divinæ legis controversa præcepta opponebatur. Solum eo malorum lapsi tunc non erant, ut peculiare de hoc systema constituerent. Sunt aliqui [persequitur Augustinus ser. iv. ad Frat. in erem.] qui spiritu libertatis vivere volunt : & si in aliquo reprehenduntur, latrant ut canes, mordent ut serpentes, dolent ut paturientes, dicentes malum bonum, & bonum malum. Neque tum defendebant malum, aut licitum assererebant peccatum ; sed opinionum blanditiis malum ut bonum depingebant, & contra adversantes latrabant ut canes, mordebant ut serpentes. Nolunt enim (subdit Augustinus tract. xc. in Ioan.) mali sua facta damnari ; & hoc habet veritas, ut talia facta damnentur. Tantum igitur oderunt veritatem, quantum oderunt suas pœnas, quas talibus irrogat veritas. Concludit vero Doctor sanctus cit. ser. clvii. Cavete ista, dilectissimi : Cogitate quid scriptum est Eccles. xviii. Post concupiscentias tuas non eas. Iluc omnia recidunt.

XIII. Sophismata ætatis aureæ nostræ, eiusque præstantes dotes ; & cetera temporis nostri privilegia, quæ obtruduntur, quam sint manifestæ experientiæ repugnantia, nemo, qui cæcus non sit, ignorat. Vides, lector cordate, a sancta Petri Sede avulsa regna & nationes : vides in dies amplificari hæreses, schismata, impietatem, incredulitatem : vides, & manu tangis catholicæ religionis spiritum decrefcere, restringi, coarctari, & in deteriora semper tendere, quæ sunt luculentissima mundi ad finem properantis argumenta. Cave ergo ab hac ætate aurea, quam plures obtrudunt. Cavete ista dilectissimi. Paulum audite, Paulum legite, Evangelium Christi meditamini. Ubique inclamatur, iustificationem Christianorum firmam & stabilem esse. Olim iustificatio christiana innumeros paganos idololatrias transmutabat in martyres, qui crudelissima supplicia invicta fortitudine pertulere. Ex numerosa Ecclesiæ Hierosolymitanæ multitudine vix unum iustificatorum legimus relapsam. Aliarum Ecclesiarum lapsi, ut sinceræ pœnitentiæ testimonium perhiberent, aut sponte ad tyrannum properabant, ut sanguinis effusione relapsum suum expiarent ; aut perpetua, & publica pœnitentia indulgentiam implorabant. Hæc manifesta exempla & confirmabant stantes fratres, & erigebant lapsos. Hodie iustificationes frequentantium confessiones pluries in anno non avellunt a suis maionulis, a natis, theatris, & spectaculis. Christi sanguis, unde suam arcessit firmitatem iustificatio, non minoris efficaciz & virtutis hodie est quam tempore suæ effusionis. Derogant, & summo pere detrahunt medicinæ efficacitati, & remedio a Christo instituto pro expellendis peccatis, qui in eiusdem reiteratione collocant virtutem. Remedium quod nonnisi sanitatem transitoriam, & cito deficientem tribuere valet, languidum

dum & inefficax reputatur : & hodie in sola reiteratione confessionum Casuistæ plures collocant iustificandi virtutem ? Plura hic dicenda forent quæ nunc fileo. Reiterandum remedium est, ut præservetur anima a peccatis, ut augeatur, & robustior sanitas evadat. Reiterandum cum iis qui ex imbecillitate, & tentatione urgente relabuntur. Reiterandum cum obstinatis & scelestissimis peccatoribus, qui mundo, carni, & sanguini valedicere, & viam arctam ac angustam Christi percurrere sincere & ex toto corde parati sunt. Sed Paulum imitemini, qui Corinthium incestuosum, priusquam absolveret, satanæ tradidit, ut salvus fieret, qui cum fornicatoribus, avaris, idolis amasiarum servientibus nec cibum sumere, nedum ad sacram mensam admittere permittit. Novis itaque Doctoribus, qui a Paulo dissentientes de frequentia sacramentorum, & exterioris devotionis fucato splendore gloriantur, cum Paulo respondete. *Non est bona gloriatio vestra. Nescitis, quia modicum fermentum totam massam corrumpit ? Expurgate vetus fermentum, ut sitis nova conspersio, sicut estis azymi Itaque epulemur non in fermento veteri, neque in fermento malitiæ & nequitiae, sed in azymis sinceritatis & veritatis* Nunc autem scripsi vobis non commiscere : si is qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax : cum eiusmodi nec cibum sumere. Numquid dicturi sunt nonnulli novi Casuistæ : *Communis opinio Doctorum oppositum docet ? Disciplina hæc obsolevit, & alia id genus.*

§. IV.

Quodnam sit propositum necessarium ad confessionem ? Quæ illius condiciones. Includit ne voluntatem firmam & constantem vitandi occasiones quæ ad peccatum impellunt, siue proximas, siue propinquas ? Laxæ Francolini, La-Croix, Gobat, Sporer, Viva, & aliorum opiniones refelluntur.

Q Uamvis nonnulla iam supra dicta sint ; tamen quia causa magni momenti est, clarius eam enucleare expedit. Propositum necessarium ad confessionem est voluntas, imposterum non peccandi. Nemo ad confessionem accedit, quin propositum istud iacet, & ostendet : & tamen pauci sunt qui revera illud habeant. Animadvertit, non Gennæus, non Merbesius, Iuvenin, Natalis ab Alexandro, sed P. Paulus Segneri in suo Christiano instructo. *Part. III. serm. xiv. num. 4.* tam magnam esse pœnitentium multitudinem qui carent vero, & ad confessionem necessario proposito, ut integrum populum formet. *Populus. bis.*

labii me honorat; cor autem eorum longe est a me: Matth. xv. Addit ex S. Theresia in itinere perfectionis, dæmonem nulla alia via tot animas Christianorum lucrari, quam hac, qua curat ut Christiani confitentes non velle, seu valide confiteantur. En quo recidat, teste ipso P. Segneri, misera illa ostentatio, & vana gloriatio frequentium confessionum nostri temporis.

II. Tres postulat prærogativas propositum ad confessionem necessarium. 1. ut sit firmum, & stabile: 2. ut sit universale: 3. ut sit efficax. Primum itaque ad hanc firmitatem non sufficit velleitas, seu voluntas languida, & conditionata; sed requiritur deliberatio absoluta, & firma, quæ revera excludat voluntatem peccandi, quæ nullius boni amore, nulliusque mali timore peccatum amplecti imposterum velit. Non debet tamen Confessarius proponere, neque pœnitens formare hypotheses istas: Quid agerem, si mihi mors crudelissima intentaretur, aut ingens patrimonium offerretur, ut denuo patrata flagitia, aut alia committerem? Non sunt, inquam, eiusmodi hypotheses singulares communiter formandæ: quia aliquorum pœnitentium phantasiam debilem conturbare possent. Communiter sat est ut quisque generatim omnia mala perferre, & omnia bona contemnere firmiter paratus sit, potius quam mortaliter peccare, quin necesse sit ut ad hoc, vel illud acerbissimum malum descendat. Pœnitentes vero robusti, & fortes etiam martyrium sibi proponere possunt, & sæpe optimum consilium erit id concipere ad voluntatem solidandam, & concupiscentiam, ceterasque passiones cohibendas.

III. Quæst. I. *Quid dicendum de opinione P. Patritii Sporer, qui docet propositum sufficere ad confessionem, licet pœnitens certo sciat se relapsurum?* Resp. Hæc scribit P. Sporer *Part. III. cap. 11. sect. 4. num. 310. pag. 204.* „Potest enim quis „vere dolere, & detestari peccatum, ac vere & absolute proponere se de cetero non peccaturum, seu firmum propositum, ac sufficiens concipere abstinendum di imposterum; tamen valde timeat, aut etiam existimet, immo CERTO „CREDAT se ob expertam voluntatis suæ inconstantiam, & fragilitatem suam „denuo relapsurum: non in omnia peccata mortalia, vel hoc certum peccati „genus. Unde si pœnitens dicat: *Omnino quidem doleo, ac firmiter propono imposterum abstinere; interim tamen SCIO, iterum faciam, iterum labor, iam tertius expertus sum*: is tantquam BENE DISPOSITUS, præmissa confirmatione, „ac consolatione debita, ABSOLVENDUS. Quia sensus verbi *iterum faciam*, est „tantum indicativus, seu enumerativus ex parte intellectus. „Etiam si pœnitens certo credat, sciatque se relapsurum in peccata mortalia, vel hoc certum peccati genus non evitaturum, est optime dispositus, & præmissa consolatione absolvendus? Cur? Quia sensus verbi est tantum indicativus, seu enumerativus ex parte intellectus. Quid, si hæc audissent sancti Apostoli: Quomodo enim hæc duo

duo componi simul possunt? Certo credis, & scis te relapsurum; & una sincere & firmiter promittis te non relapsurum? Sincere & ex toto corde promittis donare Patritio centum aureos; & simul certo credis, & scis te non daturum? Unde hoc monstrum? Clamat in Confessionibus Lib. VIII. cap. ix. S. Augustinus. Imperat voluntas sibi, & non fit quod imperat? Ergo non ex toto corde imperat. Sed ideo pœnitens hoc scit, quia conscius est suæ præteritæ inconstantiae, & imbecillitatis. Audio. Pœnitens iste sincerus saltem est, tametsi sacrilegus. Scit præteritas confessiones fuisse sacrilegas ex defectu veri propositi: ideo sincere fatetur, credere, & scire se relapsurum: quia scit reipsa se non relicturum amantiam, senora, & illicitas cupiditates. Et tales revera sunt confessiones innumerabilium Christianorum, qui ex lectione similium Casuistarum firmantur in suis depravatis corruptelis. Pronuntiant se firmiter peccatum nolle; sed ob expertam voluntatis suæ inconstantiam & fragilitatem, sciunt & credunt se, sicut antea, fore adulteros, fornicatores, periuros, &c. Subdit ibidem P. Sporer: *Secus, si sensus esset optativus, seu volitivus ex parte voluntatis, significans scilicet adualem aliquem affectum voluntatis ad peccatum in futuro; quod valde notandum. Papæ? Hoc solum deficeret, quod sensus esset optativus, quo optaret, & peccatum deperiret.*

IV. Quæst. II. Quid dicendum de censura quam P. Francolinus inurit Episcopo Gennet, quia is vult propositum esse firmum & constans? Resp. P. Balthasar Francolinus in suo Cler. Rom. Lib. II. calum. x. dist. x. num. 26. pag. 99. Venet. edit. Episcopum Gennet appellat rigidissimæ doctrinæ Auctorem, præsertim quod pro contritione requirat propositum firmum ac stabile. Hæc sunt P. Francolini verba. „Franciscus Gennetus in sua recentissima Theologia morali, edita Parisiis an. 1703. ex pluribus exemplis RIGIDISSIMAE ipsius doctrinæ, unde gravia sequantur absurda, unum afferam ex Tom. IV. tract. vi. de sacram. pœnit. ubi cap. v. quæst. xix. docet, ad veram contritionem in hoc sacramento requisitam esse necessarium constans propositum: non inquit propositum, sed constans propositum, idque debere innotescere Confessario, antequam absolvat.“

V. Redarguit iterum P. Francolinus Gennetum, quod moneat non esse sæpe credendum lacrymis peccatorum. Hæc sunt Francolini verba loc. cit. „His enim non esse credendum satis docet cap. v. quæst. xxi. Audi PULCHRAM rationem: Nam sæpe lacrymæ proveniunt (inquit Gennet) ab humano prorsus affectu, vel ex imaginatione obiecto aliquo insolito commota.“

VI. Ex his doctrinis Episcopi Genneti plura absurda elicit P. Francolinus: deinde ibidem num. 27. exclamans concludit: Quis umquam audivit tam AESURDAS doctrinas, tam SEVERAS?

VII. Heu! quis umquam audivit tam absurda paradoxa contraria, & tam la-

ta? Doctrina Gennetti est ipsissima S. Pauli, cuius testimonium Gennettus ipse adducit. *Quæ secundum Deum est tristitia, pœnitentiam operatur STABILEM.* Et Francolinus vociferatur: *Quis umquam audiuit tam absurdas doctrinas?* Absurdâ pe S. Paulus Apostolus docet? Absurda immo, quæ elicit P. Francolinus, non ex doctrina S. Pauli, & Gennetti, sed ex novo opinandi modo, ab evangelica simplicitate, & Patribus alieno, profisciscuntur. Excusandus, concludit Francolinus, Gennettus, quod has consequentias non vidit. *Sed eas consequentias videt optime demon, qui sub hac specie rigide pietatis VOS decipit, & latens venenum securius miscet:* ibidem num. 27. Laxam Francolini opinionem transcripsit P. La-Croix *Lib. VI. part. 11. num. 1824.* ubi inquit: „Inferes secundo, etiam audiendum non esse Gennettum *Tom. 1^o. l^oc.* ubi docet, pro hoc sacramento requiri *constans propositum*, &, quod constans sit, debere innotescere Confessario, antequam absolvat. “ Non debet ergo Confessarius prudenter iudicare, pœnitentem absolvendum habere constantem voluntatem non peccandi imposturum? Nequaquam. Ergo sufficit illum habere voluntatem inconstantem, ut hodie habere permulti pœnitentes solent, qui continentur, & post triduum, aut quadriduum eadem repetunt flagitia, & in perpetuo sacramentorum, & relapsuum circulo vitam agunt. Scilicet, Cedo: aut debet habere pœnitens voluntatem constantem, aut inconstantem. Si primum, *doctrinam rigidissimam* doces, inquit P. Francolinus cum P. La-Croix. Si contra nos dicamus, doctrinam Francolini, & La-Croix esse laxissimam, lamentantur, turbas cieht. Quæro: si vos ipsi adverteretis, eam qui accipit pecunias mutuas, voluntatem inconstantem restitutionis habere; illi ne pecunias crederetis? Doctrina Francolini, & La-Croix non modo laxa, sed Concilio Tridentino, & Ecclesiæ contraria apertissime mihi videtur. Pœnitens habere debet voluntatem constantem, sortem, &, ut S. Paulus dicit, *stabilem* non offendendi Deum, ut sit rite dispositus ad absolutionem: idque ex signis probabilibus iudicare Confessarius debet. Aliud est, quod pœnitens post hanc voluntatem constantem relabatur; aliud est, quod, dum constituitur, habere non debeat voluntatem constantem.

M O N I T U M.

VIII. Tanto me horrore commotum ex talibus doctrinis sentio, ut omittere non possim quin christianum lectorem moneam, atque exorem ut ipse iudicium ferat, num præfatæ doctrinæ omnino hodiernæ praxi respondeant. Factum evidens est, plurimos hodie pœnitentes recurrentibus quotannis quibusdam solemnitatibus confiteri, & elapsis testis, & confessionibus suas inveteratas corruptelas persequi. Ipsi pœnitentes reipsa, ut dicit P. Sporer, *certo sciunt*, se in eadem

vitia relapsuros propter experientiam diuturnam propriæ fragilitatis, & malitiæ. Ipsi sciunt, proprium propositum non esse constans & firmum. Et hoc non est ab illis exigendum iuxta P. Francolinum. Tu, lector, lege ex una parte *Sporer*, *Tamburinum*, *Francolinum*, & *La-Croix*: lege ex altera Gennettum, & S. Paulum. Compara doctrinam *Sporer*, *Francolini*, & *La-Croix* cum praxi hodierna plurium pœnitentium, qui pluries in annos singulos consententur, quin mores suos corruptissimos emendent. Rogo omnes ut propriis oculis periculum faciant. Si ego deceptus fui in eorum transcribendis doctrinis, in antecessum retracto deceptionem meam. Quod ideo dico, quia licet attentissime legere eum cuiusmodi libros, tamen semper vereor ne oculi me fallant. Incredibilia enim videntur mihimetipsi eiusmodi paradoxa cum Scripturis sanctis, & cum sensu communi pugnantis. Tu autem abstine, si vales, a lacrymis talia legendo. Mollioris Ethicæ benigni patroni vocant *rigidissimam doctrinam* quam docet S. Paulus. Si vero nos absonas illorum opiniones appellemus *laxissimas*, lamentantur. Sed hæc levia sunt. Illud nos torquet, quod Confessarii, & fideles hos Auctores legentes firmantur, & animos resumunt ad continuandum confessionum, & relapsuum circulum. Christiani, ut vidimus, internum conscientiæ tribunal consulentes, *iustificatiōem* in anima Christi meritorum virtute per Spiritum sanctum inhabitantem infusam, firmam, stabilemque, qualem describit S. Paulus, concipiunt. Illi ipsi sciunt hanc stabilitatem non ab humana infirmitate, sed ab infinita passionis Christi efficacia, ab ipsius gratia victrice repetendam esse. Sciunt continuis precationibus, viva fide, & firma fiducia imploranda auxilia, quibus adversus recalcitrantis concupiscentiæ impetus, adversus mundi, & satanæ præstigia hæc iustificationis stabilis, firmitas conservetur. Hæc omnia Christiani lumine fidei illustrati norunt; immo in hac persuasione firmantur honestorum hominum exemplo. Quandoquidem compertum illis est, uxorem revera fidelem, & castam non adulterari, amicum ingenuum non mentiri, mercatorem vere iustum a fraude abstinere &c. Verum dum legunt *PP. Tamburinum*, *Sporer*, *Francolinum*, aliosque similes Doctores, intelligunt, minime requiri *propositum stabile*, neque *persuasionem firmam* non relabendi in peccatum, neque concipiendum esse peculiam dolorem de peccato, cui valde addicti sunt; sed e contrario cum certa scientia futuri relapsus componi dispositionem sufficientem ad sacramentum. Horum Casuistarum auctoritate freti supprimunt internum iudicium fidei lumine excitatum, & propositum concipiunt ac voluntatem non peccandi, quam præterita experientia docti sciunt se cito violaturos. Nonne heinc sequitur, deplorabilem ætatis nostræ vicissitudinem confessionum, & relapsuum in eadem flagitia fere per totam vitam auctoritate eiusmodi Casuistarum fulciri, & roborari? Iudicet prudens lector, sint ne legitima consuetudina hæc, & alia

alia plura laxitatis portenta, quæ inde proficiuntur, quæque nunc prætereō.

IX. Quæst. III. *Quid dicendum de opinione P. La-Croix, docentis probabilius videri necessarium esse propositum universale imposterum cavendi omnia mortalia?*
 Resp. Secunda prærogativa propositi sufficientis ad confessionem est universalis voluntas abstinendi ab omnibus & singulis peccatis mortalibus; secus de venialibus dicendum est, ut optime S. Thomas III. Part. quæst. lxxxvii. art. 1. ad 1. docet. *Pœnitentia de peccatis mortalibus requirit quod homo proponat abstinere ab omnibus & singulis mortalibus. Sed ad pœnitentiam peccatorum venialium requiritur quod homo proponat abstinere a singulis, non tamen ab omnibus, quia hoc infirmitas huius vite non patitur. Debet tamen habere propositum se preparandi ad peccata venialia minuenda. Alioquin esset ei periculum deficiendi, cum deferret appetitum proficiendi, seu tollendi impedimenta spiritalis profectus, quæ sunt peccata venialia.*

X. P. Claudius La-Croix Lib. VI. part. 11. num. 898. hæc scribit. „Probabilius „ videtur pro absolutione a mortalibus requiri propositum universale imposterum „ cavendi omnia mortalia.“ Contrariam sententiam, videlicet non esse necessarium propositum universale abstinendi ab omnibus mortalibus, defendunt Aversa, Gaspar. Hurtado, & Thomas Hurtado, Platellius, Dicástillo, qui priorem sententiam vocat singularem, ut narrat ipse La-Croix. Hanc secundam opinionem, ut manifeste falsam & laxam, Scripturis divinis, sanctis Patribus, atque Concilio Tridentino aperte contrariam, relictimus. Similiter opinionem P. La-Croix, ut falsam reiicio, quatenus asserit *probabilius videri* requiri propositum universale vitandi omnia peccata mortalia. Non probabilius, sed certum est, requiri propositum universale abstinendi ab omnibus & singulis culpis letalibus. Porro, cum P. La-Croix asserat solum *probabilius videri* necessarium esse propositum istud, iuxta eiusdem principia sequitur, probabilem, licet minus, esse opinionem contrariam, quæ aperte falsa & laxa est, ut mitissime loquar. Nam si probabile est, propositum non esse universale, ergo probabile est pœnitentem posse conservare affectum erga hoc aut illud peccatum: & en manifestum errorem. Hinc patet, frequenter P. La-Croix proponere opiniones contrarias, ut beneficio Probabilissimi eam lectores feligant quæ eorumdem appetitionibus accommodatior fuerit, dummodo sit vere probabilis. Et primum, non asserit citatus Auctor absolute probabiliorem sententiam, requirentem propositum universale, sed *videri probabiliorem*. Deinde quid iuvat asserere esse probabiliorem illam sententiam, quando iuxta P. La-Croix licitum est sequi oppositam minus probabilem? Alia laxa ibidem docet hic Auctor. Nam num. 899. ad obiectionem oppositæ opinionis, inquit: „ Si „ dolor sit ex motivo universali, sufficit propositum particulare de non iterandis

„ peccatis COMMISSIS : “ *resp. hoc quidem esse probabilius* “. Verum hoc non modo non probabilius, sed, ut mea minima præfert opinio, certo falsum & laxum est. Sat est propositum de non iterandis fornicationibus *commissis*; at probabilius est, non requiri propositum expressum & universale vitandi adulteria, pollutiones, furta, & cetera flagitia futura, antea non perpetrata: Hoc probabilius tantum est? In praxi tamen, subdit, videtur eliciendum formale propositum universale de cavendis omnibus mortalibus.

XI. Tertia prærogativa propositi necessarij ad confessionem est, ut sit efficax. Hæc tertia conditio est omnium potissima. Propositum efficax significat, ut id efficiatur quod proponitur. Hinc S. Thomas in *Psal.* xlviii. sapienter ait: *Propositum optime manifestatur per operationem*. Proposita itaque illa, quæ reipsa non inducunt abstinentiam a peccatis, præciso aliquo accidentali casu, non efficacia, sed inefficacia sæpe sunt. Si inefficacia, confessiones invalidæ, vel etiam sacrilegæ. Sæpe dixi hoc evenire, quia non nego & iustos ipsos relabi in peccata posse, ut sæpius admonui. Communiter ergo proposita inefficacia sunt, & commentitia, quando pœnitentes frequenter in eadem relabuntur peccata præter propter sicut antea. Illa vero efficacia dicuntur, quæ reipsa abstinentiam a peccatis pariunt, ita ut pœnitentes novam vitam instituunt: qui tamen in aliquo inopinato casu, aut occasione non prævisa & urgente relabuntur. Ne multa: pœnitentes fidei communiter in eadem consueta mortalia peccata relabuntur; & solum accidentaliter, & pro aliquo tempore, ac circumstantia abstinent interdum a peccatis, aut eadem diminuunt. E contrario pœnitentes veri & iusti communiter a peccatis mortalibus reipsa abstinent, & viam mandatorum Dei constantes percurrunt, & lætantes: interdum dumtaxat in scopulos, & offendicula incurrunt, & gravi tentatione pressi relabuntur; sed continuo resurgunt, & constantiores evadunt.

XII. Veri pœnitentes reipsa iustificati, ut sua proposita inviolate servant, declinant pericula, & occasiones peccandi; falsi pœnitentes præfata vitare recusant. En paucis descripti characteres veræ & falsæ pœnitentiæ. Rigidam hanc doctrinam dicent benigni Probabilistæ; oppositam nos appellabimus falsam & laxam. Inquit enim 1. 2. *quest. xx. art. 4.* S. Thomas: *Non est perfecta voluntas, nisi sit talis, quæ opportunitate data operetur*. Et Deus *Exod. 1.* inquit: *Convertere ad Dominum, & minue offendicula*.

XIII. *Quest. IV. Quanam sunt occasiones quas vitare pœnitens tenetur, ut propositum dicatur efficax?* Resp. Duplex occasionum genus. Aliæ *remotæ*, quæ ubique occurrunt in universo orbe. Has vitare nemo tenetur, *aliasquin* (inquit Paulus 1. *Cor. 5.*) *debueratis de hoc mundo exiisse*. Aliæ appellantur *proximæ*, quæ natura sua, spectatis omnibus circumstantiis, ad peccatum inducunt, vel in quibus

bus homo constitutus aut raro, aut numquam a peccato abstinere. Istarum occasionum alie sunt liberae, alie necessariae. Primi generis illae sunt quas libere homo aut querit, aut retinet, ut concubinarium, qui libere concubinam retinet, eamque libere dimittere recusat. Accessus ad talem domum, tabernam &c. ubi communiter in peccatum quis labitur aut luxuriae, aut ludi illiciti, aut ebrietatis, aut blasphemiae. Secundi generis occasiones sunt, a quibus homo separari non potest saltem moraliter; ut filiifamilias, alique servituti obnoxii. Insuper alia est occasio proxima absoluta, ut habitatio cum pellice, concubina &c. Alia relativa, quae respectu unius erit occasio proxima, spectatis circumstantiis talis personae, secus respectu alterius. Colloquium familiare cum tali puella, muliere &c. erit occasio proxima Titio, secus Sempronio.

XIV. Quaest. V. *Quid de proposito vitandi occasiones proximas docent Doctores plures attritionis formidolosa?* Resp. Volumen implerem, si omnes propositiones laxas quas docent Auctores formidolosa attritionis, recensere vellem. Lege *Tom. II. in Decal. diff. 1x. cap. 1.* ubi plura reperies laxitatis paradoxa. 1. Mulieres absolvendas docent, quae non proponunt nudata ubera modeste tegere. 2. quae nolunt moderari superfluum & maximum ornatum. 3. quae nolunt dimittere fucos & vanos faciei artificiales colores. 4. docent. posse famulos inservire pellici, eique subministrare cibos calidos provocantes ad venerem. 5. posse domino, & amantissimum lectum sternere citra culpam venialem, & floribus fulcire citra mortalem. 6. posse conducere pellicem in domum sui domini, etiamsi praevideant peccaturam. 7. posse ferre munuscula, turpis amoris incitamenta, ad concubinam. 8. licitum esse locare domum alicui petenti ad fornicandum. 9. licitum esse donare iudicis concubinae, ut intercedat apud ipsum. Ut dixi, nullus esset scribendi finis, si singula recensere paradoxa vellem. Illorum aliquas generales regulas proponam.

XV. Quaest. VI. *Quid dicendum de regula quam proponunt PP. Sporer, Gobat, Caramuel, & alii circa propositum vitandae occasionis in quam probabiliter seis te lapsurum?* Resp. In hac materia Probabilissimus suas exerit vires. Haec docet P. Sporer *Part. III. cap. 11. sec. 4. quaest. 2. §. 1. num. 324.* „Quando enim solum est „probabile te succubiturum in tali occasione tentationi, certe etiam probabile „est te non succubiturum: occurrunt enim graves rationes ob quas vir prudens „iudicat te non lapsurum: certe huius iudicium sequendo, sine nota temeritatis „ob rationabilem causam poteris te committere huic occasioni, certe non com- „missurus, si scires, vel CERTO crederes te lapsurum. Quare Confessarius non „iudicabit esse in occasione proxima peccandi, v. g. se inebriandi, fornicandi „&c. qui in tali loco decies tentatus succubuit solum ter, vel quater; secus si „offies, vel septies, & bis, vel ter tantum peccatum vitavit, & superior evasis. „Quapropter huic, & non illi nolenti hanc occasionem relinquere neganda erit

1. absolutio. QUIA Ioannes Caramuel *Theolog. Reg. disp. xx. num. 1056.* vult
 „ etiam dandam absolutionem illi qui *toties fuit videtur, quoties videtur, referente,*
 „ *et non contradicente* P. Gobat *casu 16.*

XVI. Hac mirifica doctrina animati luxuriosi, ebrii, & ceteri consuetudinarii, adibunt pellicem, tabernam, aliamve occasionem quater vel ter in diem, in biduum, in triduum &c. bis, vel ter se abstinébunt; bis vel ter peccabunt. Immo, ut securius absolutionem obtineant, octies in diem visitabunt pellicem, & semel vel bis peccabunt. Tum enim non solum secundum Gobat, & Caramuclem, verum etiam secundum ceteros similes Doctores minus benignos, & cautiore absolvi poterunt, & eucharistico epulo nutriri. Si perconteris a recensitis Casuistis, unde acceperint trutinas, aut regulas absolvendieos qui bis, qui quater, secus illos qui sex in occasione libere constituti peccant; reponent, quia ita sui Doctores docent. Hæc ne paradoxa S. Pauli doctrinæ, & bono sensui consentanea? Sed ultro pergamus.

XVII. Quæst. VII. *Quid dicendum de doctrina P. Gobat, qui defendit non esse negandam absolutionem plebeiis iuvenibus exutis in eodem lecto cum puellis cubantibus, et nolentibus proponere separationem?* Resp. Georgius Gobat *trakt. v. cap. xxxii. sec. 2. num. 19. et 20. pag. 552. et 553.* hæc docet. „ Liquido scio, crebro fieri, „ præsertim inter plebeios, & rusticos, ut eodem in lecto puella cum proco cubent aliquot horas induti, & exuti, & tamen nihil omnino impudicum agant, vel nonnisi oscula, et turpes attrellationes exercent. Unde iudico, non posse a Confessario negari absolutionem omnibus illis puellis plebeiis (aliud ob varias considerationes sentio de nobilibus,) quæ non videntur habere propositum numquam amplius admittendi in lectum procum suum.“ Nulla opus est eiusmodi doctrinæ confutatione: suo etenim naturali horrore lectores commovet. Plura alia ex hoc P. Gobat, aliisque formidolosæ attritionis Auctoribus in dissertatione de absolutione transcribam.

XVIII. Quæst. VIII. *Quid sit occasio propinqua, et an penitens propositum habere debeat illam evitandi?* Resp. Occasio propinqua ea est quæ licet absolute præcisa a circumstantiis, aut a relatione ad personas, non sit ad peccatum graviter impellens; tamen, omnium circumstantiarum plexu spectato, ita graviter allicit ad culpam, ut nonnisi magna difficultate, & cautione homines a peccato abstinere soleant. Verum similes occasiones, quæ a pluribus propinquæ appellantur, sunt reipsa occasiones proximæ respectivæ. Eiusmodi sunt frequentatio comædiarum, theatrorum, hodiernæ familiares conversationes marium & mulierum, quædam officia, servitia, occupationes, ut militum, mercatorum, cauponum, ancillarum, famulorum &c. Discrimen tamen est inter eiusmodi occasiones. Comædiæ, & spectacula, quæ hodie communiter sunt, spectata omnium circumstantiarum præ-

xi, sunt communiter occasiones criminosa, ut ex instituto evincam. Ceteræ autem sunt occasiones propinquæ, seu verius proximæ respectivæ. Propositum has occasiones vitandi habere veri pœnitentes debent. Nam Scripturæ sanctæ, & Patres omnes clamant, vitandum esse periculum, & præcipue propinquum, idest grave, labendi in peccatum.

XIX. Quæst. IX. *Quid dicendum de opinione PP. Sporer, Layman, & aliorum, qui absolvendos docent non deferentes occasiones propinquas, in quibus peccare solent, dummodo proponant peccatum evitare?* Resp. P. Sporer hæc scribit III. Part. cap. 11. sect. 4. §. 1. num. 322. „Unde absolviendi sunt milites, mercatores, famuli, ancillæ &c. quibus ex officio, negotio, domo &c. imminet propinquum peccandi periculum, quo sæpius peccare solebant, si absque magna difficultate, vel damno notabili dimittere nequeant, dummodo serio proponant peccatum vitare, imposterum. Ex communi Layman cap. 14. num. 9.“

XX. Si peccare sæpius solebant, iam occasiones eiusmodi sunt ita propinquæ, ut fere proximæ relativæ dicendæ sint. Semper enim præ oculis habenda sunt duo proximarum occasionum genera, ut animadverti supra. Aliæ absolutæ, quæ natura sua tales sunt respectu omnium: aliæ relativæ, quæ spectata imbecillitate huius, vel illius personæ, proximæ appellantur, ut ibidem explicatum est. Rescripta doctrina, communis inter Doctores, ut ipsi loquuntur, Casuistas, duplici ex capite falsa est. Et principio, quando pœnitentes sæpius peccare solebant, ut dicunt isti Doctores, absolutio differenda est, licet proponant emendationem. Siquidem quando sæpius peccare solent, suspendenda absolutio est: quia tum speciem pravi habitus præferunt. Deinde aut occasio est proxima, aut secus. Si primum; secundum omnes Doctores eiusmodi pœnitentes capaces absolutionis non sunt. Si secundum; potiori ratione dispositi ad sacramentum non sunt, quia tum sæpius peccare solent non ex efficacia occasionis fragilitatem pulsantis, sed ex impetu meræ malitiæ ad solita flagitia abripientis. Peccatores enim qui sæpius peccare solent, seu qui in more habent sæpius peccare, sive ex efficacia occasionis, sive ex spiritu malitiæ peccent, non possunt reputari sufficienter dispositi ad sacramentum suscipiendum. Quia non adest fundamentum formandi prudens iudicium eorundem sinceræ conversionis. Nam si occasio non sit vehemens, tum illorum malitia obfirmata in causa est cur sæpius solent peccare. Si occasio sit vehemens, & proxima, deferenda est, nulla difficultate suffragante.

XXI. Exaggerare novi Doctores solent magnam occasionis deferendæ difficultatem, & damna quæ inde consequuntur. Hæc sunt peccatorum artificia ad excusandas excusationes in peccatis. Sæpe hæc difficultates, hæc notabilia damna sunt commentitia. Cedo: si hæc doctrinæ, quas novi Casuistæ excogitarunt, consistenter, male consulti fuere primi Christiani sanctissimi, qui bonorum proscriptio-

ptionem, exilia, carceres, dira supplicia, & mortem ipsam sustinuerunt, ut peccatum, & occasionem peccandi evitarent. Si hæc doctrinæ consisterent, inconsulti; ne dicam insani, fuere duodecim circiter sæculorum Christiani, qui, ut emendationis & sinceræ conversionis argumenta exhiberent, plurium annorum intervallo ieiuniis, & flagellis carnem macerabant, lacrymas fundebant amarissimas, & continuis precibus absolutionem implorabant.

XXII. Sine magna difficultate occasio peccandi deferi nequit. Ergo, inquirunt communiter recentes Doctores, non tenentur eam Christiani deferere. Ita ne vero? Absque ergo magna difficultate assequi regnum cælorum valent? Falsa ergo sunt Christi Domini oracula: *Amen dico vobis, quia dives difficile intrabit in regnum cælorum*. Iterum dico vobis: *Facilius est camelum per foramen acus transire quam divitem intrare in regnum cælorum*. Matth. xix. Iterum per Marc. x. clamat: *Quam difficile qui pecunias habent, in regnum Dei introibunt*. Quid? Obstupefcis? Miraris ne Rigorisimi tantum? Discipuli autem (pergit Marcus) *obstupefciebant in verbis eius*. At Iesus rursus respondens ait illis: *Filioli, quam difficile est confidentes in pecuniis in regnum Dei introire*! Quid tandem. præferunt hæc oracula? Si oculus tuus scandalizat te, erue eum &c. Si manus tua scandalizat te, abscinde eam &c. Matth. v. Sic Doctores Evangelistæ. Et Doctores Casuistæ communiter docent, occasionem proximam respectivam, seu graviter ad peccandum provocantem, non esse deferendam, quod id sine magna difficultate, & notabili damno præstari nequeat. Absque ergo magna difficultate, & notabili damno ducere in regnum cælorum pœnitentes suos volunt?

XXIII. Officia mercatorum, militum, famulatus, ceteræque professiones iuste & sancte exerceri valent. Qui has profitentur artes, & similes, quæ licitæ natura sua sunt, utpote ad humanam societatem servandam institutæ, vitam christianam ducant, remediis a Christo institutis utantur: & quo difficilius artes exerceri sine peccato possunt, eo serventius divina implorant auxilia, & frequentiora pietatis officia peragant: & tum iuste ac sancte licitas artes exercebunt. Si vero tanta est imbecillitas, ut his etiam præsiidiis muniti nequeant artes exercere, quin sæpius peccare soleant; tum aut occasiones deferendæ, aut amittendum regnum æternum. Nulla hic ad effugium via media. Per hanc viam mediam laudati Casuistæ perducere sine magna difficultate ad regnum cælorum pœnitentes suos contendunt. Verum commentum istud cum Evangelio hostiliter pugnat.

XXIV. Quæst. X. *Quid dicendum de opinione P. Viva, qui absolvendos adolescentes docet qui laborando cum feminis, consensu, tactibus, & copula peccant, quia non habitant in eadem domo?* Resp. P. Dominicus Viva quæst. lxxi. art. 4. num. 5. hæc scribit, „Unde inferunt Perez, Leander, Lugo, alique, posse absolvi adolescentes qui versantur cum feminis laborando, vel conversando cum iis quæ in

„ eadem domo non habitant : quia licet aliquando in tali occasione mortaliter peccent consensu, tactibus, & etiam copula, ea tamen occasio censetur de se remota .
 „ Quandoquidem non solent homines ex tali occasione SEMPER, AUT FERE SEMPER, PECCARE MORTALITER.“

XXV. Audistis doctrinam adolescentibus, & puellis accommodatissimam? Non semper, aut fere semper homines cum feminis, quibuscum conversantur, peccare mortaliter solent. Et verum quidem habet, cum nec equi admittarii id soleant. Quia ergo semper, aut fere semper homines laborantes, & conversantes cum feminis mortaliter non peccant, ideo absolvi debent? Cur? Quia occasio non est proxima, sed remota. Eccur non est proxima, sed remota? Quia in eadem domo non habitant. Audisti pulchram rationem? clamat P. Francolinus, in dissimili casu contra Merbesium. At quando peccant tactibus, consensu, & etiam copula, una sane habitant.

XXVI. Rescriptæ doctrinæ P. Viva falsitas patet ex iis quæ dicta sunt. Nam si occasiones remotæ sunt, peccant ex malitia; licet non semper, aut fere semper: si occasiones proximæ sunt, evanescit lis. Quod adolescentes, & puellæ; feminæque in diversis domibus habitent, quid, quæso, refert, si laborantes, aut conversantes simul consensu, tactibus, & etiam copula peccent mortaliter; quamquam non semper, aut fere semper? Verum de his satis.

XXVII. Quæst. XI. Quomodo se gerere debent in occasione proxima necessaria constituti? Resp. Illæ occasiones dicuntur necessariae, seu involuntariæ, a quibus exire homo nequit absque manifesta aut infamia, aut scandalo, aut gravissimo detrimento. Hæc, ut dixi, plus iusto exaggerari a consuetudinariis solent; & Casuistæ nimis facile eiusmodi difficultatum simulacra probant, & pavent. Reperiuntur filii familias, cum sorore, cum famula sæpe mortaliter peccantes. Ausugere domo nequeunt. Quid agendum? Obvia sunt remedia, & quidem natura sua efficacia. Vigiliæ, preces iuges, ieiunia, disciplinæ, sacramentorum frequentia, lectio assidua Scripturarum habeantur: colloquia familiaria, aspectus mutui severissime declinentur. Durus est hic sermo. Fateor. Verum Christus tonat: Si oculus, si manus scandalizat te, erue, absconde, fuge. Hoc fieri sine ingenti difficultate nequit. Audio. Sed absque difficultate, & quidem magna, ac violenta, regnum cælorum, quod vim patitur, non obtinetur. At pauci absolventur: pauci frequentabunt Ecclesias. Verissimum. At paucos salvandos Christus testatur. Numquid absolutiones iusto facilius impertiendæ, ne populorum concursus ad Ecclesias minuatur? O nos mortalium omnium infelicitissimi, si id egerimus! Plura de his occasionibus in dissertatione de absolutione sacramentali.

XXVIII. Quando ii qui sunt in eiusmodi occasionibus involuntariis, præscripta remedia exequi negligunt, neganda iisdem est absolutio. Benigni Casuistæ plurimi
 totia

totis lateribus clamant, Deum omnibus etiam obduratis, excæcatis, obstinatis auxilia sufficientia ad peccata cavenda, ad occasiones vincendas semper conferre. Non ergo tam ex imbecillitate, quam ex malitia homines isti peccant.

XXIX. Quæst. XII. *Quid dicendum de illorum opinione qui in peccatore insistendo non requirunt expressos actus fidei, & spei?* Resp. Hæc scribit P. Dominicus Viva quæst. 111. art. 4. num. 11. „ Respondeo cum Leandro . . . Sanchez, „ Bonacina, Filiuccio, Valentia, contra Hurtadum, Turrianum, & alios, non „ requiri hos actus expressos, cum numquam fideles, nec Confessarii fuerint de „ iis solliciti, sicut sunt solliciti de dolore. Quare vel sufficit actus fidei, & „ spei præteritus non retractatus, vel actus fidei, & spei imbibitus in ipso dolore.“

XXX. Concilium Tridentinum sess. vi. cap. vi. inquit: *Disponuntur autem ad ipsam iustitiam, dum excitati divina gratia & adiuti, FIDEM auditu concipiente . . . a divine iustitiæ timore, quo utiliter concutiantur . . . in spem eriguntur &c.* Et postea can. 111. *Si quis dixerit, sine præveniente Spiritus sancti inspiratione, atque eius adiutorio hominem credere, sperare, diligere, aut pœnitere posse sicut oportet, ut ei iustificationis gratia conferatur; anathema sit.* Ita Concilium Tridentinum. Sed Leander, Sanchez, Valentia, Bonacina, Viva, & alii interpretantur Concilium, & dicunt, hæc omnia imbibiti in ipso dolore concepto ex timore gehennæ. Quia nec fideles solliciti sunt de eiusmodi actibus fidei, & spei, nec ipsi Confessarii. Et hæc fidelium, & Confessariorum consuetudo seu negligentia fat est ut citati Doctores definiant, tales actus non requiri.

XXXI. Oro nunc lectores meos, ut serio, & partium studio vacui expendant universam doctrinam, quam Doctores plurimi formidolosæ attritionis tradunt pro dispositione ad præstantissimum maximumque iustificationis opus necessaria. Severe meditentur, quemadmodum citati Doctores ad unicum dolorem ex timore gehennæ, minus, ex timore carceris, aegritudinis, infamiae a Deo infligendæ conceptum ceteros actus ad tantum opus necessarios restringant; & fidem, spem, dilectionem, propositum virtualiter imbibiti in hoc solo dolore contendant. Eorum doctrinæ respondet tot fictorum pœnitentium praxis. Fornacis infernalis, sensibus terrificæ, imaginem concipientes terrore corripuntur, pectus tundunt, lacrymæ fundunt, ad Confessarium pavidum & tremebundum accedunt, & absolvuntur. Discedunt: violentus terror, imago inferni evanescunt: & cum nullus sit amor virtutis, nulla viva & expressa fides, nulla firma fiducia, redeunt post breve tempus ad vomitum, sicut antea. Colliges tandem, quantæ sint auctoritatis citati Doctores, qui in hac sacramentaria materia tam laxa docent. Et tamen hi Doctores sunt ii qui cum aliis tantam sibi arrogant auctoritatem, ut contra omnes Theologos præcedentes Concilium Tridentinum, contra Theologos qui eidem Concilio interfuerunt, & contra graviores huius ætatis Theologos, contra celebriores Universitates opinionem formidolosæ attritionis tutam & inconcussam efficere contendunt.

DISSERTATIO IV.

DE CONFESSIONE.

CAPUT I.

Quid sit confessio sacramentalis . Hæreticorum errores paucis indicantur .

PRæceptum annuæ confessionis sulo calamo exposui *Tom. V. Lib. IV. id.* cisco brevis erit dissertatio hæc, cum plura explicata sint *loc. cit.* In præsentia itaque mihi sermo erit de confessione, prout est pars sacramenti pœnitentiæ. Tria confessionum genera Theologi distinguunt. I. Fidei, de qua confessione Christus *Matth. x.* inquit : *Qui me confessus fuerit coram hominibus, confitebor &c.* II. Laudis, ut habetur ibidem *cap. xi. Confiteor tibi Pater, Domine cali, & terra, quia abscondisti &c.* III. Peccatorum, de quorum confessione hæc *I. Ioan. cap. i.* leguntur : *Si confiteamur peccata nostra, fidelis est, & iustus, ut remittat nobis peccata nostra.* Fidei confessione Christi evangelicam doctrinam exterius profiteamur. Heinc martyres, qui ob Christi doctrinam persecutiones, & tormenta sustinere, sancti *Confessores* appellati sunt ; & locum, ubi illorum sacra corpora requiescunt, *Confessionem* Latini, *Martyrium* Græci appellare solent. Confessione laudis infinitam Dei clementiam, bonitatem, caritatem ; iustitiam, & beneficentiam incredibilem erga homines extollimus, & manifestamus.

II. Confessio peccatorum ; quam Græci *exomologesim* seu accusationem appellant, definit Catechismus Concilii Tridentini *Part. II. §. 38. esse peccatorum accusationem, quæ ad sacramenti genus pertinet, eo susceptam, ut virtute clavium veniam impetremus.* Animadvertit, recte dici *accusationem*, ut inde colligamus, non ita commemoranda esse peccata nostra, quasi eadem ostentemus, sicut qui lætantur, cum male fecerint ; vel tamquam rem gestam otiosis auditoribus delectandi causa exponamus ; sed animo se se accusandi ita patefacienda sunt, ut ea etiam in nobis vindicare cupiamus. Tandem concludit *venia impetrandæ* causa nos peccata confiteri, quod hoc iudicium longe differat a forensibus capitalium rerum quæstionibus, in quibus confessioni pœna, & supplicium, non culpæ liberatio, & errorum venia constituta est.

III. Percelebris Ioannes Morinus *Lib. IX. de administ. pœnit. cap. xxxiv. & xxxv.* ostendit

ostendit confessioni subiectos olim Iudæos fuisse, quam peragebant in festo Expiationum mensis septimi, de qua *Levit. xvi.* hæc habentur. *In hac die expiatio erit vestri, atque emundatio ab omnibus peccatis vestris.* Plura adducit documenta, quibus ostendit Iudæos sua confiteri peccata. Exemplum profert confessionis tum generalis, tum privatæ, quam agere Iudæi in more habent. *Generalis* (inquit Morinus cap. xxxvii.) *illa confessio, quam capite præcedente ex Iudæorum præcipuis doctoribus, & ritualibus exhibuimus, nihil derogat privatæ confessioni, qua quis peccata quæ in proximum commisit, illa confitetur, & ab eo veniam deprecatur. . . Generalis enim illa confessio quotannis in festo expiationis a tota synagoga, & ab unoquoque privato saltem semel ex divino præcepto solemniter editur; particularis vero, ut occasio se se præbet, quotidie edi potest.* Lege plura apud ipsum. Unde colliges, quam turpiter fallantur, & fallant Casuistæ illi qui, ut propugnent opinionem formidolosæ attritionis sufficientis ad sacramentum istud, arguantur hoc pacto. Si necessaria esset attritio ex amore Dei, vel contritio, Christus non levigasset suum lulum, sed aggravasset; essentque Christiani peioris conditionis quam Hebræi, qui exempti a confessionis onere erant. Quod commentum sane peregrinum supra explosi. Daniel Huetius in quæst. Alnetanis *Lib. II. cap. xx.* evincit, apud ipsos Ethnicos usum obtinuisse confitendi patrata scelera, eaque pœnitentia expiandi.

IV. Ex his patet perditissimos novatores cæciores esse Iudæis, & Paganis, dum blaterant, confessionem Romanæ Ecclesiæ ritum esse tyrannicum, *truculentam* conscientiarum carnificinam. Inter eos qui primum confessionem negarunt, connumerari a pluribus solent Novatiani, & Montanistæ. Sæculo ix. ineunte nonnulli effutiere peccata soli Deo esse aperienda, quorum errorem damnavit Concilium Cabilonense II. VVicleffus confessionem instituti ecclesiastici asseruit, & ut superfluum contritis reiecit; ut constat ex articulo cum aliis proscripto a Concilio Constantiensi *sess. viii.* Lutherus more suo constans & furens, modo ut *cruentissimam carnificinam* confessionem detestatur; modo summo opere ut efficax conscientiarum remedium commendat. Lutherani in confessionibus Augustana, & VVittembergensi non abolent prorsus confessionem sacramentalem, sed eam ad aures Sacerdotis fieri, non esse divini iuris contendunt. Calvinus Lutheranis accedit *Lib. III. cap. iv.* Fatetur priscum esse confessionis usum, eamque singularem parere fructum; sed fabulatur ante Innocentium III. & Concilium Lateranense nullum de confessione extasse præceptum. Quem errorem Dallæus Calvinista, vir sane acutus, quatuor integris libris, aggestis undique sophismatibus, & documentis adulteratis, & in erroneum sensum detortis, in crustare conatur.

CAPUT II.

*Confessio sacramentalis instituta est a Christo Domino .
Necessaria ex institutione Christi omnibus est qui
post baptismum in peccatum mortale lapsi sunt .*

I. **M** Iſis pluribus veteris testamenti perspicuis testimoniis, in quibus peccatorum confessio commendatur, sat est referre Christi Domini institutionem, quam describunt Evangelistæ. Nam *Matth. cap. xvi.* sic Christus Petrum alloquitur. *Tibi dabo claves regni calorum : & quodcumque ligaveris super terram, erit ligatum & in calis ; & quodcumque solveris super terram, erit solutum & in calis .* Rursus *cap. xviii.* omnes Apostolos alloquens Christus subdit : *Amen dico vobis, quaecumque alligaveritis super terram, erunt ligata & in calo ; & quaecumque solveritis super terram, erunt soluta & in calo .* Tandem *Ioan. cap. xx.* *Accipite Spiritum sanctum : quorum remiseritis peccata, remittuntur eis ; & quorum retinueritis, retenta sunt .* Potestatem hanc iudiciariam esse evidens est. Porro, ut iudex iustam proferat sententiam, qua solvat solvandos, & liget ligandos, delicta perspicua habeat necesse est. Ex peccatoribus alii sunt ligandi, idest non absolvendi, & alii absolvendi a peccatis. Hanc distributionem ipsemet Christus præscribit. Fieri autem nequit ut absolvendi fecernantur a ligandis, seu a non absolvendis, nisi iudex crimina agnoscat. Agnoscere autem crimina nequit, nisi peccatores eadem patefaciant. Ergo ex Christi institutione necessaria est confessio sacramentalis omnium peccatorum mortalium.

II. Hanc rationem Concilium Tridentinum *sess. xiv. cap. v.* his verbis exponit : *Constat enim Sacerdotes iudicium hoc incognita causa exercere non potuisse, neque equitatem quidem illos in pœnis iniungendis servare potuisse, si in genere dumtaxat, & non potius in specie, ac figillatim sua ipsi peccata declarassent .* Præclare S. Augustinus in *Psal. xxi.* inquit : *Quando homo detegit, Deus tegit ; cum homo celat, Deus nudat ; cum homo agnoscit, Deus ignoscit .*

III. Accedunt alia Scripturarum testimonia. Nam *Matth. xix.* hæc habentur. *Multi credentium veniebant confitentes, & annuntiantes adus suos, idest peccata sua.* Rursus *Iacob. cap. v.* *Confitemini alterutrum peccata vestra.* Quem locum de confessione sacramentali intelligunt Alcuinus, Beda, Hugo Victorinus, & alii gravissimi Auctores.

IV. Ineptissimæ sunt novatorum cavillationes, quibus blaterant ministris Ecclesiæ collatam esse potestatem declarandi tantum peccata dimissa esse apud Deum. Quandoquidem qui ligat, & absolvit, non declarat tantum, sed reip̃sa aut remittit.

mittit, aut retinet peccata. Præterea hoc effugio non eluditur necessitas pandendi singula peccata gravia: quod scilicet maxime pernegant perdit homines. Nam, ut sententia sive declarans, sive absolvens iusta sit, præcognosci delicta a iudice debent. Ceterum quam sit inane hoc commentum, ut dixi, verba Christi demonstrant. Neque enim Sacerdos dicit: *Declaro te absolutum, sed absolvo te a peccatis.*

V. Optime advertit Tertullianus de præscript. cap. xvii. *Nil proficit congregatio Scripturarum, nisi plane, ut stomachi quis ineat everfionem, aut cerebri. Ista hæresis non recipit quasdam Scripturas: & si quas recipit, adiectionibus, & detractionibus ad dispositionem instituti sui intervertit: & si recipit, non recipit integras &c.* Ergo (subdit cap. xvi.) non ad Scripturas provocandum est, nec in his constituendum certamen, in quibus aut nulla, aut incerta victoria est, aut parum certa: & non alia cum hæreticis ineunda disputatio, nisi an Christiani sint? Ubi enim (persequitur cap. xix.) apparuerit esse veritatem disciplinæ, & fidei christianæ, illic erit veritas Scripturarum, & expositionum, & omnium traditionum christianarum.

VI. Edisserant Lutherani, & Calviniani, sint ne ipsi Christiani? Aiunt. Atqui religio christiana pro dogmate fidei haber, confessionem sacramentalem necessariam ex institutione Christi esse homini post baptismum in mortale peccatum lapsus. Nam omnes Christiani, tum Latini in suis Ritualibus, tum Græci in suis Euchologiis, tum Orientales omnes, Constantinopolitani, Alexandrini, Antiocheni, Copti, Arabes, Aethyopes, Maronitæ, Iacobitæ, Eutychiani, Nestoriani, omnes hæretici, schismatici, Catholici hoc dogma semper, non intercisa temporum serie, professi sunt, & profitentur. Illarum sectarum, & nationum authentica documenta in medium adduxere catholici Theologi, quin aliquid solidi reponere umquam potuerint novatores. Aliqua ex pluribus SS. Patrum testimonia transcribam.

VII. S. Irenæus apostolici ferme temporis Scriptor *Lib. I. cap. xiii.* narrat, Marcum præstigiatores pocula amatoria propinasse mulieribus, ut ad flagitia pandenda alliceret, additque: *Hæ sæpissime converse ad Ecclesiam Dei id confessæ sunt, & secundum corpus se ab eo contaminatas, nec non miro ipsius amore exarsisse.*

VIII. Tertullianus eiusdem sæculi Scriptor *Lib. de poenit. cap. ix.* inquit: *Tantum relevat confessio delictorum, quantum dissimulatio exaggerat. Confessio enim satisfactionis consilium est, dissimulatio contumaciæ. Huius igitur poenitentiae secundæ, & unius, quanto in arcto negotium est, tanto operosior probatio est; ut non sola conscientia proferatur, sed aliquo etiam actu administretur. Is actus, qui magis Græco vocabulo exprimitur, & frequentatur, exomologesis est, quo delictum Do-*

mino confitemur, non quidem ut ignaro, sed quatenus satisfactio confessione disponitur, confessione pœnitentia nascitur, pœnitentia Deus mitigatur. Itaque exomologesis prosteruendi, & humiliandi hominis disciplina est. Et, ne Sophistæ novatores cavillari valeant, Domino tantum, non Presbyteris confessionem faciendam, doceri a Tertulliano, continuo adiiicit, illos qui Domino confitentur, Presbyteris advolvî, & caris Dei adgeniculari. Et ne ulla pateat ad effugium rima, redarguit eos qui ab exomologesi abstinere pudoris magis inmemores quam salutis, velat illi faciunt qui in partibus recundioribus corporis contrahâ vexatione, conscientiam medentium vetant, & ita cum erubescencia sua pereunt. Fieri confessionem Domino concludit, cum sit Sacerdoti: quia in uno & altero Ecclesia est, Ecclesia vero Christus: ergo, cum te ad fratrum gēua protendis, Christum contredas, Christum exoras. An ad gēua Sacerdotis provolvî, & exomologesim agere, superare instum pudorem, aperire occulta vulnera, in fratre Ecclesiæ ministro Dominum contredare: an, inquam, hæc omnia præferunt confessionem generatim, & publicam, aut factam corde soli Domino? Adeo luculentum est Tertulliani testimonium, ut Pamelius in adnotationibus asserat, Lutheranum Rhenanum fateri, Tertullianum docere confessionem secretam Sacerdoti faciendam.

IX. S. Cyprianus Lib. de lapsis hæc habet. Confiteantur singuli, quæso vos fratres dilectissimi, delictum suum, dum adhuc qui delinquit, in sæculo est, dum admitti confessio eius potest, dum satisfactio, & remissio facta per Sacerdotes apud Deum grata est. Et paullo post hæc subdit in laudem eorum qui vel levia crimina occulta confitentur. Quanto & fide, & timore meliores sunt qui, quamvis nullo sacrificii, aut libelli facinore costricti, quoniam tamen de hoc cogitaverunt, hoc ipsum apud Sacerdotes Dei, dolenter & simpliciter confitentes, exomologesim conscientia faciunt, animi sui pondus exponant, salutarem medelam parvis licet & modicis vulneribus exquirunt? scientes scriptum esse: Deus non deridetur. Quid luculentius postulare Lutherani audent?

X. Origenes eiusdem sæculi Scriptor homil. 11. in Psal. xxxvii. ad illa verba, Iniquitatem meam annuntiabo &c. inquit: Pronuntiationem iniquitatis confessionem peccati frequentius diximus. Vide ergo quid edocet nos Scriptura divina: quia oportet peccatum non celare intrinsecus: fortassis enim sicut ii qui habent inclusam indigestam escam, aut humoris vel flegmatis stomacho graviter & moleste imminenti, si vomuerint, relevantur; etiam ii qui peccaverint, si quidem occulant, & retinent intra se peccatum, intrinsecus urgentur, & propemodum suffocantur a phlegmate vel humore peccati; si autem sui accusator fiat, dum accusat semetipsum, & confitetur, simul vomit & delictum, atque omnem morbi digerit causam. Tantummodo circumspice diligentius, cui debeas confiteri peccatum tuum: proba prius medicum, cui debeas causam languoris exponere, qui sciat infirmari cum

cum infirmante, flere cum fiente, qui condolendi, & compatiendi noverit disciplinam: ut ita demum, si quid ille dixerit qui se prius & eruditum medicum ostenderit, & misericordem, si quid consilii dederit, facias, & sequaris: si intellexerit talem esse languorem tuum qui in conventu totius Ecclesiae exponi debeat, & curari . . . multa hoc deliberatione, & periti medici illius consilio procurandum est. Numquid ægrotus univérse tantum, & generatim, & non speciem, & omnes etiam minutas morbi sui qualitates medico exponit, ut opportunum morbo suo curando applicari remedium possit?

XI. S. Ioannes Chrysostomus, cuius auctoritate turpiter abutuntur novatores, *homil. 11. de cruce & latr. & in orat. de Samaritana* prope finem hæc habet. Qui enim homini detegere peccata erubescit, Deo vero cernente facere non erubescit, neque confiteri vult, & pœnitentiam agere, in illa die, non coram uno, vel duobus, sed universo terrarum orbe spectante traducetur. Nemo erubescit se peccatorem fateri, cum omnes peccatores simus. Quisque erubescit, dum occulta, & putida vulnera retegere debet. Lege, ne longior sim, Chrysostomum *homil. ix. in epist. ad Hebr. Lib. II. cap. 111. & Lib. III. cap. v. de Sacerdotio*.

XII. S. Augustinus *ser. cccxcii. ad coniugatos* hæc scribit. Qui post uxores vestras vos illicito concubitu maculastis, si post uxores vestras cum aliqua concubinis, agite pœnitentiam, qualis agitur in Ecclesia, ut oret pro vobis Ecclesia. Nemo sibi dicat: Occulte ago, apud Deum ago: novit Deus, qui mihi ignoscat, quia in corde meo ago. Ergo sine causa dictum est: Quæ solveritis in terra, soluta erunt in cælo? Ergo sine causa sunt claves datæ Ecclesiæ Dei? Frustramus Evangelium, frustramus verba Christi? Promittimus vobis quod ille negat? Lege opus de vera & falsa pœnitentia, ubi luculentissima sunt testimonia: & quamquam opus illud supposititum sit inter opera Augustini locatum; tamen Auctoris est antiquissimi, quod sufficit ad retundendam, comprimendamque Lutheranorum audaciam. Mitto Basilium, Ambrosium, Gregorium, & innumeros alios Patres, quos futo calamo collegerunt Bellarminus, Gravina, Natalis ab Alexandro, Boucat, Vittasse, Le-Druin, & plures alii Theologi catholici, qui Theologiam polemicam præclare illustrarunt.

XIII. Ex paucis adductis testimoniis pudere Lutheranos, & Calvinianos deberet, fabulantes dogma confessionis privatæ, faciendæ Presbyteris tempore Innocentii III. produisse in lucem. Sola adducta testimonia meridiana luce clarius mendaces & impostores illos patefaciunt. Præterea, siluissent ne omnes Ecclesiæ tum occidentalis, tum orientalis Episcopi, si quid novi in gravissima hac re sacramentaria imperasset Innocentius III.? Designent Lutherani, & Calviniani vel unum qui reclamaverit. Longius producere argumentationem hanc possem, & praxim omnium Ecclesiarum rescribere. Sed brevitati studens,

dens, omnia prætereo. Obvia enim sunt, & ab aliis permultis Theologis præstita.

XIV. Opponent 1. novatores. Ante Concilium Lateranense, ab Innocentio III. celebratum, nullum erat de sacramentali confessione in Ecclesia præceptum. Ergo novum dogma est. Resp. Tridentinum Concilium *sess. xiv. cap. v.* his verbis diluit commentum istud. *Neque enim per Lateranense Concilium Ecclesia statuit ut Christi fideles confiteantur; quod iure divino necessarium, & institutum esse intellexerat; sed ut præceptum confessionis saltem semel in anno ab omnibus, & singulis, cum ad annos discretionis pervenissent, impleatur.*

XV. Opponent 2. Socrates *Hist. Eccl. Lib. V. cap. xix.* Sozomenus *Lib. VII. cap. xvi.* Nicephorus *Lib. XII. cap. xxviii.* narrant, Nectarium Constantinopolitanum Episcopum sustulisse Presbyterum Pœnitentiarium, excipiendis fidelium confessionibus præfectum, propter scandalum mulieris, quæ cum Diacono stuprum perpetraverat. Factum istud ita exaggerat *Lib. III. Inst. cap. iv. §. 7.* Calvinus, ut delirans his verbis Catholicos urbanissime alloquatur. *Hic, hic aures aſui isti arvigant. Si lex Dei erat auricularis confessio, qui ausus esset Nectarius eam restringere, ac convellere?* Resp. Saltem tempore Nectarii procacissimi homines fateri coguntur obtinuisse confessionis auricularis disciplinam in Ecclesia. Non est ergo novum inventum Innocentii III. Missis pluribus & eruditis Theologorum responsis, paucis perstringo communem interpretationem. Presbyter ille non modo confessionibus excipiendis, sed etiam publicæ pœnitentiæ imponendæ præfectus a Nectario fuerat occasione Decianæ persecutionis. Illius munus erat excipere testium depositiones, & publicum reum plectere, peccatis publicis statutas pœnitentias indicere pœnitentis consensu, ut is maiori suffunderetur pudore. Patefacto mulieris stupro, consentaneum existimavit Nectarius temporis illius conditioni amovere Presbyterum Pœnitentiarium, statuitque ut impoſterum pœnitentes, occultis flagitiis inquinati, non essent arſtati adire publicum Pœnitentiarium Presbyterum, sed cuicumque alii iurisdictione prædito confiteri possent, & sacra celebrare mysteria. Nectarius ergo certum pœnitentiæ canonem abrogavit, nullo vero modo sustulit sacramentalem confessionem. Sed quod fractam Calvinianorum frontem penitus confundere debet, est perpetua post Nectarium ad hæc usque tempora confessionis auricularis disciplina, quæ in Ecclesia Constantinopolitana, aliisque universi Orientis sacri obtinet. Verum quid furdis, & obstinatis canimus? Obrudunt quoque nonnulla Chrysostomi, Nectarii in Ecclesia Constantinopolitana successoris, loca, in quibus sanctus Episcopus præscribit ne peccata coram multitudine pandantur, sed ut soli Christi Sacerdoti manifestentur.

XVI. Quæst. I. *Sacramentalis confessio est ne non solum utilis, sed etiam necessaria necessitate mediæ ad salutem iis qui post baptismum lapsi sunt in peccatum*

mortale ? Resp. Adfirmant Catholici omnes ; & constat ex iis quæ dicta sunt : Nam Christus Dominus peccatorum remissionem potestati clavium illigavit. *Quorum remisistis* &c. Sacerdotes autem potestatem clavium exercere nequeunt , nisi confessione culparum præcedente. Et quamquam vehemens contritio , ac caritas incensa valeat iustificationem inducere ; tamen id non præstat absque huius sacramenti voto : quia Christus iussit ut pœnitentes se Sacerdotibus subiciant ; & , nisi id , cum possint , præstent , ob violatum divinum præceptum iustificationis beneficium non assequantur . Accedunt documenta summorum Pontificum , Conciliorum , & Patrum , quæ non utilem modo , verum etiam necessariam definiunt sacramentalem confessionem .

XVII. Quæst. II. *An Gratianus , Durandus , Scotus , & aliqui alii Scholastici negaverint confessionis sacramentalis necessitatem* ? Resp. Ioannes Dallæus , scriptor inter Calvinistas acutus , integro volumine in *IV. Libros* digesto , hoc argumentum de sacramentali confessione discussit , seu verius , innumeris cavillationibus obscurare tentavit . Opponit *Lib. I. cap. 111.* inter alia auctoritatem Magistri Sententiarum , qui *Lib. IV. dist. xvii.* proponit hanc quæstionem , utrum liceat soli Deo peccata confiteri , an vero oporteat confiteri etiam Sacerdoti . Et respondet : *Quibusdam visum est sufficere , si soli Deo fiat confessio sine iudicio sacerdotali , & confessione Ecclesiæ .* Similiter Gratianus *II. Part. Decreti dist. 1. de pœnitent. caus. xxxiii. quæst. 111.* quærit , an sola confessione cordis deleri peccata possint , inquit : *Utrum sola cordis contritione , & secreta satisfactione , absque oris confessione , quisquam possit Deo satisfacere .* Duas vero refert opiniones , alteram adfirmantem , alteram negantem ; & ipse nihil definit , sed iudicium lectori relinquit his verbis . *Quibus auctoritatibus , vel quibus rationum firmamentis utraque sententia innitatur , breviter exposuimus : cui autem harum adhaerendum potius sit , lectoris iudicio reservatur .* Præterea Glossator Gratiani Semeca in titulum *de pœnit. dist. 11.* docet , *melius dici confessionem institutam fuisse a quadam universali Ecclesiæ traditione , potiusquam ex novi , & veteris testamenti auctoritate .*

XVIII. Resp. Argumentatio Dallæi inepta omnino est. Ultro fatemur , aliquos extitisse qui contra hoc dogma erraverunt , seu in dubium revocarunt confessionis auricularis necessitatem iure divino præcipi . Errarunt aliqui . Quid inde ? Propterea ne dogmatis veritas vacillat ? Errarunt Catholicorum aliqui sine hæresis nota : quia nondum illorum tempore Ecclesia adeo expresse , quid reipsa ius divinum imperet , declaraverat ; ut in pluribus aliis evenit . Magister Sententiarum refert aliquos , quos confessionis auricularis necessitatem iure divino præscriptam negare non puduit . At simul refert alios Theologos , qui pro dogmate confessionis eiusdem pugnarunt , quorum unus fuit ipse , qui laudata *dist. xvi.* *lit. D.* sic concludit . *Ex his , aliisque pluribus indubitanter ostenditur , oportere*

Deo

Deo primum, & deinde Sacerdoti offerre confessionem; nec aliter posse perveniri ad ingressum paradisi, si adhuc facultas.

XIX. Ad Gratianum quod attinet, principio plures contendunt, illum errasse. Nonnulli cum Clarissimo I. C. Antonio Augustino aiunt, totum hoc suppositum Gratiano fuisse. Alii volunt, Gratianum locutum de efficacia, non de necessitate confessionis, ne præiudicium afferret sententiæ asserenti sola contritione peccata deleri. Alii docent, Gratianum defendisse confessionem auricularem iure divino præscriptam; eius vero necessitatem Ecclesiæ decreto definitam: & quia nondum latum fuerat Ecclesiæ decretum, ideo Gratianum absque hæresis nota potuisse de eiusdem confessionis necessitate hæsitare. Sed res tanti non est, ut fusioem exigit sermonem. Etiam si admitteremus, Gratianum minus caute locutum; quid emolumenti percipere inde novatores valent? Numquid dogma catholicum ab huius, vel illius Scriptoris opinione pendet? S. Bonaventura in *IV. diff. xvii.* præ ceteris Gratianum ab errore vindicat, eiusque mentem clare exponit.

XX. Scotum, & Durandum minus considerate locutos, Estius asserit. Scotus in *IV. diff. xvii. quest. unic. art. 1.* docet, confessionem institutam fuisse a Christo Domino illis verbis, *Quorum remisistis &c.* Negat vero hinc inferri eiusdem necessitatem. Nam sacramenta confirmationis, & extremæ unctionis instituta a Christo sunt; nec propterea sunt omnino necessaria. Aliunde tamen hanc ille necessitatem colligit, nempe ex caritatis præcepto, quo tenemur uti remedio ad delenda peccata facili, cuiusmodi est confessio. Sit nec ne ratio isthæc valida; aliorum esto iudicium. Illam efficacem Scotus existit navit. Durandus in *IV. diff. xvii. quest. viii.* iure divino necessariam asserit confessionem. Nihil ergo Daltæus ex unius, aut alterius Scholastici opinandi modo minus exacto colligere potest contra dogma quod universa profitetur Ecclesia. Alia Daltæi commenta; quibus vel ipsius S. Thomæ doctrinam hæc de argumento implicare, & in discrimen adducere vellet, non audet tamen absolute id præstare, contemno ut vanissima.

XXI. *Quest. III. Priscis Ecclesiæ sæculis enuntiabant ne aliqui interdum publice peccata sua?* Resp. Affirmans responsio colligitur ex Irenæo *Lib. I. cap. xiii.* Origene *homil. 11. in Psal. xxxvii.* ubi hæc habet. *Si intellexerit (Confessarius,) & præviderit talem esse languorem tuum, qui in convntu totius Ecclesiæ exponi debeant, & curari, ex quo fortassis & ceteri edificari poterunt, & tu ipse facilius sanari; multa hoc deliberatione, & periti illius medici consilio procurandum est.* Aliquando ergo confessionem publicam factam esse, singulari tamen prudentia & consilio, clare constat. Plura alia testimonia, & exempla ex Cypriano *epist. xii.* ad Pomponium, ex Climaco *grad. 4. scal. parad.* aliisque pluribus, lege apud

Morinum *Lib. II. cap. ix. & seq.* Tridentina Synodus *sess. xiv. cap. v.* ait, Dominum non prohibuisse *quin aliquis in vindictam suorum scelerum, & sui humiliationem, cum ob aliorum exemplum, tum ob Ecclesie adificationem delicta sua publice confiteri possit.* Declarat tamen, nullo mandato divino publicam hanc confessionem præscriptam fuisse: immo nec ulla lege ecclesiastica id aliquando statutum fuit.

XXII. Hinc colligunt Theologi, ad essentiam confessionis sacramentalis haud pertinere ut secreto fiat; cum publice interdum fieri posse, Concilium declaret. Ad illius essentiam attinet ut peccata manifestentur Sacerdoti. Modus illa manifestandi secreto, aut publice, disciplinam spectat. Nulla lege sive divina, sive ecclesiastica statutum umquam fuit ut peccata occulta publice enuntiarentur. Immo Concilium Tridentinum *loc. cit.* subdit: *Nec satis consulte humana aliqua lege præciperetur ut delicta, præsertim secreta, publica essent confessione aperienda.* Denique id consentaneum non esset evangelicæ legi, cuius *ingum suave est.* Quæ de re lege doctissimos Petavinum in animadversionibus ad Epiphanium, Morinum *Lib. II. cap. x. & seq.* Aliqua Ecclesiarum exempla, unde eruitur, Antistites nonnullos interdum præcepisse pœnitentibus ut publicam ederent peccatorum confessionem, nullo modo inferunt, obtinuisse universalem eiusmodi publicæ confessionis disciplinam. Solum animadvertunt eruditi Theologi, quod Sacerdotes magna prudentia, & habitâ temporis ac personarum ratione, aliquando iuebant ut pœnitentes post peractam secretam occultorum criminum confessionem, & publicæ pœnitentiæ impositionem manifestarent palam aliquod flagitium, quando prævidebatur id fieri in ædificationem, non in scandalum fidelium posse. Præcedebat secreta sive occultorum, sive publicorum criminum confessio: & ea tantum scelera palam aperiiebantur, quæ iuxta prudens Confessarii iudicium absque famæ dispendio, & fidelium scandalo manifestari expediens erat.

XXIII. Quæst. IV. *Quosnam obstringat divinum confessionis sacramentalis mandatum?* Resp. Omnes adultos qui post baptismum in peccatum mortale lapsi sunt. Soli quippe adulti baptizati clavibus Ecclesiæ subiecti extant. Infideles, cum baptismo careant, non subiacent Ecclesiæ potestati. Infantes ante rationis usum non sunt doli capaces. Illud igitur est reliquum, ut soli adulti baptizati qui mortaliter post baptismum peccant, sine divino confessionis præcepto adstricti.

XXIV. Quæst. V. *Quo tempore divinum confessionis præceptum obligat per se, aut per accidens?* Resp. Omnes communiter adfirmant, per se obligare in probabili articulo mortis. Quoniam si aliquando hoc divinum mandatum obligat, (certum autem est obligare) profecto in articulo mortis obligat; cum potissimum illo tempore quisque teneatur salutis suæ consulere. In levioribus tamen infirmitatibus, in quibus nullum apparet probabile mortis periculum, hoc præceptum non urget.

XXV. Innocentius III. & S. Pius V. in Bulla *Super gregem* prohibent medicis vi-

sis-

fitare infirmos. post tertium diem, nisi confiteantur; quod intelligendum est, quando probabile mortis periculum adfit.

XXVI. Quæst. VI. *Qui in mortis articulo post diligens examen nullius peccati moralis conscius est, astringitur ne huic præcepto?* Resp. Astringitur tum ratione scandalii, quod manare inde posset; tum ob vitandæ præsumptionis periculum. Quis enim sibi ita blandiri valet, ut certus sit peccata quæ iudicat venialia, non esse mortalia? Quis a peccatis, & quidem mortiferis, ignorantiae immunem certo se reputare valet? Quis securus est, præteritas confessiones fuisse validas?

XXVII. Quæst. VII. *Extra probabile mortis periculum obligat ne per se hoc præceptum?* Resp. Adfirmans sententia communis est. Quoniam adfirmativa præcepta non modo obligant in extrema necessitate, verum etiam cum prudenter iudicatur necessaria illorum observatio. Porro extra mortis articulum necessaria est huic divini præcepti observantia: ergo præceptum obligat. An verisimile est Christum Dominum voluisse hanc suam legem obligare dumtaxat periculo mortis urgente? Finis enim legis huius est ut homo alienatus a Deo per peccatum, cum eodem per confessionem reconcilietur.

XXVIII. Obligantur præcipue huic præcepto milites, quando mox cum hostibus dimicandum est. Similiter astringuntur confiteri illæ mulieres quæ nondum puerperii dolores experiri sunt, & quæ non sine gravi periculo parere solent. Item illi qui periculosas navigationes subeunt, & omnes qui se in eis circumstantiis collocant ex quibus mors secutura probabiliter timetur.

XXIX. Quæst. VIII. *Obligat ne divinum confessionis præceptum statim ac peccatum commissum est?* Resp. Communis sententia negativa est. Quia præcepta adfirmativa licet semper obligent, non tamen ad semper. Nemo tamen negat dilationem periculo subiectam esse. Quanta vero dilatio requiratur ad constituendum peccatum mortale, penitus ignoro. Ultra annum ex præcepto Ecclesiæ nemo differre confessionem potest. Dum autem intra annum sæpius in peccatum relabuntur Christiani, non audeo definire, quando peccent mortaliter ob nimiam velius aut alterius mensis dilationem. Quod non obligentur statim post perpetratum peccatum, ultro concedo. Verum si nimium differant, a culpa eos non liberabo. Percontaris, quandonam reputanda sit nimia dilatio, ut constituat peccatum mortale? Iterum respondeo, me truginas istas non habere, quibus gradus malitiæ ponderem. Perpetratum scelus ad alia perpetranda invitat, & commissum peccatum suo pondere in aliud impellit. Naturæ lex, ad quam non docti, sed formati sumus, docet suadetque ut quamprimum procuremus reconciliationem cum eo quem graviter læsimus. An si filius cum offenso patre, vel amicus cum læssito amico reconciliari, atque in eiusdem redire gratiam procrastinaret, in omnium proborum censuram non incurreret? Quanto maiori autem reprehensionem

sione dignus est peccator qui reconciliationem cum offenso Deo Patre suo differt? Quid ergo disputamus, utrum sit peccatum mortale differre per mensem, per duos menses &c? Quæstiones hæ sunt quæ mentem nostram fugiunt. Legem ipsius naturæ, prudentiam christianam, summam negotii gravitatem, confectaria, quæ ex dilatione aut acceleratione confessionis sequuntur, expendamus: & tum intelligemus, confessionem, quæ opportunissimum, & efficax remedium est ad hanc reconciliationem ineundam, non esse multum differendam.

XXX. In memoriam tamen revoca ea quæ *diff. 1.* dicta sunt, nempe Christianum statim (moraliter in sensu ibidem exposito) ac mortaliter peccavit, teneri se convertere in Deum aut contritione, aut confessione, ceu medio apto ad hanc veram conversionem. Quare si diffidat de sua ferventi contritione, & caritate, tum, ut ego quidem cum gravissimis Theologis sentio, tenetur uti remedio confessionis, ut a peccato resurgat. Et si hoc remedium in defectu perfectæ contritionis negligat, tunc peccat. Neque reponas, pœnitentes se non accusare, neque Confessarios interrogare de hoc peccato omissionis. Quoniam respondeo, hoc ex utroque ignorantia proficisci. An hæc ignorantia excusabilis apud Deum sit, Deo, non mihi, non tibi, notum est.

XXXI. Quæst. IX. *An quando adest periculum oblivionis alicuius peccati mortalis, aut multorum mortalium, teneatur quis confiteri ante annum?* Resp. Leander *tract. v. disp. 111. quæst. xv.* sententiam negantem ut probabiliorem defendit; & pro eadem citat Valentiam, Vasquez, Sylvestrum, Soto, Lugo, Reginaldum, & alios. Tum quia, inquit, fere omnes in anni decursu toties peccamus, ut in Quadragesima veri numeri non meminerimus: tum quia nulla lege ad id obligamur; & sine lege non est asserenda obligatio: tum denique quia Concilia Florentinum, & Tridentinum obligant ad ea tantum peccata confitenda quorum meminimus.

XXXII. Relatam sententiam falsam, & laxam existimo; & rationes adductæ ineptæ sunt. Utique laudata Concilia ad ea tantum confitenda peccata nos astringunt quorum recordamur. Ad impossibile ne Concilia nos astringant? Sed quid ad rem nostram ratio isthæc? Ideo ne Concilia nos liberant a debita diligentia adhibenda ne mortalium criminum obliviscamur? Nulla lex nos obligat ad præcavendam peccatorum mortalium oblivionem? Immo ius ipsum naturæ ad id nos astringit. An non peccaret minister, qui prævidens debitorum, aut creditorum oblivionem, eadem scriptis consignare negligeret? An non peccaret ille qui prævidens oblivionem curandi vulneris, quod illius vitæ insidiatur, curationem procrastinaret? Quando igitur prudenter quis prævidet oblivionem multorum præsertim criminum, tenetur, ut ego quidem arbitror, confessionem intra annum anticipare. Nonne tenetur quis confiteri, quando confessio reputatur medium

dium ad superandam gravem tentationem, ad evitandum peccatum, ut docent vel ipsi benigniores Casuistæ? Quo iure ergo omitti potest, dum est medium certo necessarium ad evitandam peccati, immo, ut *Leander* asserit cum suis, multorum criminum oblivionem? Mox adiciam auctoritatem Catechismi Tridentini. Laxius scribit P. Georgius Gobat *trakt. vi. num. 261.* „Dico vi. tamen confessio-
nem differendo usque ad *articulum mortis*, vel Pascha, *certus* sis te ob hanc
dilationem esse obliturum *multa crimina*; haud tamen inde oritur tibi obligatio
consistendi citius. Ita sane tenet communis sensus, ut reor, tum consentientium,
tum *Confessoriorum*.“ Communis sensus, Probabilissimi præiudicii non præven-
tus, tam laxam opinionem execratur. Eam labefactavit Catechismus Tridentinus,
seu universæ Ecclesiæ, cuius verba mox producam.

XXXIII. Quæst. X. *Qui recipere alia sacramenta volunt* (præter Eucharistiam) *tenentur ne divino iure confiteri* Resp. *Leander trakt. v. disp. 111. quæst. xix.* hæc scribit. „Sed *certissime* respondeo, non teneri, quia nullum extat præceptum circa
hoc impositum; ut clare colligitur ex Trident. . . . Videt. Sylvestre, Angel,
P. Soto, quos citat & sequitur Suarez, Fagundez, Lugo, Villalobos, & omnes
communiter.“

XXXIV. Audisti Leandrum asserentem, communiter omnes Casuistas propo-
gnare, liberos esse fideles a confessione præmittenda, dum alia suscipere sacra-
menta præter Eucharistiam tenentur. Audi nunc Catechismum Concilii Tridenti-
ni *Part. II. cap. v. §. 45.* ubi hæc habentur. *Verum si quid salutis nostræ ratio pos-*
sulet consideremus, profecto quoties vel mortis periculum imminet, vel aliquam rem
transigere aggredimur, cuius transigatio homini peccatis contaminato non conveniat, vel-
uti cum sacramenta administramus, aut percipimus, toties confessio prætermittenda non
est. Atque idem OMNINO, cum veremur ne nos alicuius culpæ, quam admiserimus,
oblivio capiat. Neque enim peccata confiteri possumus, cum non meminimus; neque
peccatorum veniam a Domino impetramus, nisi ea pœnitentiæ sacramentum per confes-
sionem deleat.

XXXV. Colligas heinc, lector, velim, quam sit pluribus Casuistis fidendum? *Leander* cum Villalobosio, cum Lugo, cum Fagundez, & communiter omnibus,
ut ipse ait, respondet *certissime*, nos non teneri confessionem præmittere, dum sa-
cramenta recipimus: idque docere Tridentinum asserit. Porro Catechismus, qui
explicat Tridentini doctrinam, oppositum *certissime* docet. Casuistæ plures nobis
succensent, cum plures illorum opiniones falsas & laxas pronuntiamus; cum cla-
mamus, eorum permultos, Patres, & Concilia non raro aut negligere, aut in
sensu falso interpretari. Habes hic exempla duo præsentis, & antecedentis sen-
tentię. Utramque *Leander* Tridentini auctoritate confirmat; & imperiti lectores
decepti manent. Nam utramque improbat eiusdem Concilii Catechismus, cuius

auſtoritas præualeat omnibus citatis Cauiſtiſ. Quod Leander ait, *omnes communiter* defendere talem opinionem, ſi intelligit omnes communiter Probabiliſtas, ei licem intentare nunc nolo; ſi intelligit omnes Theologiſ, falſum eſt. Theologi ſenioris doctriinæ aſſertoreſ doctriinam propugnant Catechiſmi Tridentini.

C A P U T III.

De confeſſionis conditionibus.

I. **S**acramentalis confeſſionis conditiones, & qualitates hiſ verſibus a Theologiſ communiter exprimuntur.

Sit ſimplex, humilis confeſſio, pura, fidelis:

Atque frequens, nuda, diſcreta, libens, verecunda:

Integra, ſecreta, lacrymabilis, accelerata:

Fortis, & accuſans, & ſi parere parata.

II. Conditio I. ſignificat ut ea tantum explicentur peccata quæ ſpectant peccati quantitatem & qualitatem manifeftrandam, præciſis epiſſodiis, narrationibus prolixis, & præambulis ineptis. Hæc enim fieri abſque peccato veniali vix contingit; niſi excuſet mentis imbecillitas, ut in feminis, & ſcrupuloſis. Sed feminæ etiam ſæpe venialiter peccant in hac materia, quod non ſemper ex ſtudio exprimendi culpæ malitiam, ſed potius longa colloquia habendi cum Confeſſario protrahant confeſſionem. Quo in caſu tam mulieres, quam Confeſſarii permittentem ſuiſ prænitentibus feminis narrationem a confeſſione peregrinas, ſermocinationeſque ineptas, peccant plus minus iuxta diverſitatem narrationum. In hoc ſancto tribunali omnia, quoad fieri poteſt, gravia, ſimplicia, præciſis omnibus ſuperfluitatibus, eſſe debent. Superfluarum ſermocinationum ſæpe in cauſa ſunt Confeſſarii, qui non docent prænitentem modum ſerium ſimplicemque conſtendi. Sæpe in confeſſionali narrant feminæ ſua negotiola, ſuas tricas, & domeſticas vices omnino a confeſſione extraneas; & Confeſſarii aliqui hæc omnia libenter audiunt. Et tum ambo peccant, & ſacrum illud tribunal profanant. Neque excuſantur, quod vel ante, vel poſt confeſſionem hæc peragantur; cum nihil ibi loqui liceat, niſi quod ſacramentum perficiendum ſpectat. S. Antoninus III. Part. iii. xiv. §. 12. prudens exhibet conſilium. *Confeſſio debet eſſe ſimplex, ut dicantur præciſe peccata cum circumſtantiis ſuis, nec immiſceantur ſuperflua. Quod difficile eſt, & præcipue idiotis, dicere peccata ſua, quin addant multa ſuperflua. Non tamen hoc habet vitare confeſſionem, ex quo dicant hoc intentione, ut declarent factum ſuum: Prudens tamen Confeſſor debet, quantum commode poteſt, huiuſmodi narrationeſ ſuperfluaſ facere reſecare. Et qui indigent conſolatione propter tribulationeſ, vel conſilio*

pro-

propter dubia, post confessionem factam, & absolutionem talia dicantur, & non miscantur in confessione, ne contritionis vim diminuunt. Nihil opportunius, nihil prudentius.

III. *Conditio II. Humilis* sit confessio in gestu, in habitu externo, in flexo utroque genu, in capite nudato sine chirothecis, sine ense, quem soli Religiosi militares deferre licite valent. Quare mulieres, quæ vano & superbo ornatu accedunt, reiciendæ sunt. Prius, inquit S. Thomas de Villanova, ornatum tuum depone. III. *Pura* ob purum & rectum finem obtinendi gratiam sacramentalem, non ob vanam gloriam, ob captandam sanctitatis famam. IV. *Fidelis*, absque furo, mendacio, & artificio. V. *Frequens*, plus minusve iuxta necessitatem, & prudens Confessarii iudicium. VI. *Nuda*, absque pallio, æquivoco, & colore veritatem obscurante. VII. *Discreta*, in verbis honestis, in modo explicandi peccata diversa, in eligendo doctum & prudentem Confessarium. VIII. *Libens*, seu spontanea, & libera. IX. *Verecunda*, cum modestia, & pudore de peccati malitia, & Dei offensa. X. *Integra*, explicando numerum, speciem, circumstantias mutantibus speciem, & notabiliter aggravantes, ut infra dicitur. XI. *Secreta*, ad evitandum scandalum, infamiam &c. Licet enim absolute confessio publica interdum impediri non possit, ut supra dictum est; tamen consuetudo Ecclesiæ obtineat, & quidem rationabiliter, ut sit secreta. XII. *Lacrymabilis*, idest cum vero dolore cordis. XIII. *Fortis* in proposito abstinendi a peccatis, & perseverandi in manifestatione cuiusque sceleris, tametsi enormis, quin ullus pudor os claudat. XIV. *Accusans*, & non excusans peccata. XV. *Accelerata*, absque dilatione nimia post patratum peccatum. XVI. *Parere parata* Confessario aut iubenti manifestationem circumstantiarum, aut præscribenti opportuna remedia, & congruam satisfactionem.

IV. *Quæst. I. Utrum mentiri in confessione sit peccatum mortale?* Resp. Distinguendum est. Vel mendacium est de re nullo modo ad confessionem attinente: & tum peccatum erit aut veniale, aut mortale iuxta materię gravitatem. Quod enim mendacium proferatur in confessione de re quæ nullo modo attinet ad confessionem, neque ideo ibi proferatur, ut inde mentiens sibi maiorem fidem compararet, non videtur inferre irreverentiam talem sacramento, ut mendacium officiosum de re levi, civili, omnino extranea confessioni, ex veniali fiat mortale.

V. Vel mendacium est de re quæ ad confessionem pertinet: quod pluribus contingere modis potest. I. Negando veniale, quod patravit. II. Negando commissionem peccati mortalis, quod licet patratum sit, tamen pœnitens hic & nunc confiteri non tenetur. III. Confitendo aliquod veniale, quod non fecit. IV. Negando aliquod mortale, quod fecit, & tenetur confiteri.

VI. Ad primum quod attinet, dum pœnitens interrogatus a Confessario, an

com-

commiserit aliquid veniale, negatque se illud commisisse, tametsi revera commiserit, respondet Leander *trakt. v. disp. 111. quest. x111.* hunc peccare tantum venialiter; cui subscribunt Diana, Viva, & alii plures. S. Thomas 2. 2. *quest. 1. x1x. art. 1.* ait: *Si confiteri noluerit veritatem, quam dicere tenetur, vel si eam mendaciter negaverit, mortaliter peccat.* Docet ibi Angelicus, mentiri in iudicio etiam fori civilis esse peccatum mortale. Caietanus hanc doctrinam fuscè propugnat in commentariis in hunc locum. S. Thomas ibi non distinguit mendacium in re levi, vel gravi. Sed gravitatem mendacii repetere videtur ab inobedientia contra mandatum Superioris. Contrariæ autem opinionis Auctores respondent, Confessarium ius non habere exigendi confessionem venialium peccatorum, quæ pœnitens confiteri non astringitur. Quæ ratio valida videtur. Verum tanta est sacramenti sanctitas, tanta est reverentia eidem debita, ut ego non auderem liberare a gravi culpa talem pœnitentem mendacem. Utrique confiteri venialia non tenetur; at astringitur fateri veritatem Superiori pro tribunali interroganti, & præcipienti confessionem veritatis. Quare anceps sum, & non definiò esse mortale id quod mihi compertum non est. Hunc tamen pœnitentem obligarem ad pœnitendum de tali mendacio, saltem ut dubie mortali. Quia ratio contrariæ opinionis non est ita evidens, ut controversiam dirimat: & in re sacramentaria, tametsi non agatur de valore, tutior pars mihi arridet. Et sane si mendacium hoc extra confessionem est iuxta omnes veniale, in confessione malitiam singularem induit. Laudati Probabilistæ suas trutinas in promptu fere semper habent definiendi hoc esse mortale, hoc veniale. Trutinæ istæ mihi defunt: & ideo non decido absolute esse peccatum mortale tale mendacium. Dubito & vereor ne sit mortale ob peculiarem irreverentiam adversus sacramentum. Et in praxi, si Confessarius sit prudens, non interrogat ex arbitrio; sed quia iudicat notitiam talis culpæ venialis conducere ad cognoscendum statum pœnitentis: vel interrogat ob aliquam circumstantiam, quæ eiusdem interrogationis convenientem rationem habet. Et ideo discrimini se committit pœnitens negando veritatem iudici interroganti, magistro docenti, medico sanare eum volenti, & a futuris morbis eundem custodire. Tandem si pœnitens non vult veniale pandere, clare respondeat se ad hanc interrogationem nolle respondere, quia non tenetur. Idem de secundo casu dicito.

VII. In tertio casu distinguendum est. Si pœnitens se accuset de veniali quod non patravit, & hoc peccatum subiiciat clavium potestati tamquam unicam sacramenti materiam, dubio procul peccatum mortale perpetrat: quia nullum tunc efficitur sacramentum ex defectu materiæ. Si vero præter veniale confictum, & mendaciter manifestatum, de aliis venialibus se pœnitens accuset, plures cum Leandro *quest. xiv.* negant tunc pœnitentem mortaliter peccare. Adfirmat vero Caietanus cum aliis. Casum hunc vix contingere posse iudico. Nam vel pœni-

tens

tens se accusat de veniali peccato, quia revera credit se illud commississe; & tunc nulla est quæstio: vel data opera fingit veniale quod non commissit, illudque subicit clāvibus; & hunc dementem reputo. Quare casum, ut vanum & commentitium, reiicio. In quarto casu omnes adfirmant tunc pœnitentem peccare mortaliter.

C A P U T IV.

De integritate confessionis sacramentalis.

I Ntegritas confessionis duplex, materialis, & formalis. Illa omnia prorsus peccata commissæ manifestat, quin vel unius oblivio contingat. Hæc omnia peccata quæ hic & nunc memoriæ occurrunt post diligens examen, patefacit. Si aliquid omittit, non ex malitiâ, sed ex oblivione, aut ignorantia inculpabili id evenit. Integritas materialis non semper est ita necessaria, ut nulla ab eadem excusare causa possit: nam excusat oblivio inculpabilis, ignorantia invincibilis, impotentia &c.

II. Quæst. I. *Integritas formalis est ne ad valorem sacramenti necessaria?* Resp. Adfirmant omnes, & est veritas de fide contra Lutherum. Probat S. Thomas in IV. dist. xvii. quæst. 111. art. 4. quæstionc. 2. & in Suppl. quæst. ix. art. 2. hac obvia similitudine. In medicina corporali oportet quod medicus non solum unum morbum, contra quem medicina dari debet, cognoscat, sed etiam universaliter totam habitudinem ipsius infirmi; eo quod unus morbus ex adiunctione alterius aggravatur, & medicina quæ uni morbo competeret, alteri nutrimentum præstaret: & similiter est in peccatis, quia unum aggravatur ex adiunctione alterius, & illud quod uni peccato esset conveniens medicina, alteri incentivum præstaret: cum quandoque aliquis contrariis peccatis infestus sit. Et ideo de necessitate confessionis est quod homo omnia peccata confiteatur quæ in memoria habet: quod si non faciat, non est confessio, sed confessionis simulatio.

III. Hanc veritatem definit Concilium Tridentinum sess. xiv. cap. v. his verbis. Cum universa mortalia peccata etiam cogitationis, homines iræ filios, & Dei inimicos reddant, necessum est omnium etiam veniam cum aperta, & verecunda confessione a Deo quærere. . . . Qui vero secus faciunt, & scienter aliqua retinent, nihil divinæ bonitati per Sacerdotem remittendum proponunt. Si enim erubescat ægrotus vulnus medico detegere, quod ignorat, medicina non curat. Colligitur præterea etiam eas circumstantias in confessione explicandas esse quæ speciem peccati mutant, quod sine illis peccata ipsa nec a pœnitentibus integre exponantur, nec iudicibus innotescant: & fieri nequeat ut de gravitate criminum recte censere possint,

sint, & poenam quam oportet, pro illis poenitentibus imponere. Unde alienum a ratione est docere, circumstantias has ab hominibus otiosis excogitatas fuisse, aut unam tantum circumstantiam consueviam esse, nempe peccasse in fratrem. Plura alia ibidem præscribit sacra Synodus, quæ legere poteris.

IV. Quæst. II. Quæ diligentia adhibenda in examine conscientia est? Resp. Duo extrema in hoc gravissimo negotio vitanda sunt. Diligentia quæ anxietudinem, angorem, torturam conscientiarum inducit, quæ mentem perturbat, vitanda est. Negligentia e contrario in prudenti, & seria recognitione peccatorum prorsus declinari debet. Quia sicuti diligentia nimium anxia, quæ scrupulos inducit, perniciosa est; ita negligentia prudentis discussionis nullam efficit confessionem. Porro ut hæc duo opposita extrema vitentur, illa diligentia adhibeatur quæ adhiberi in gravi, & momentoso civili negotio solet. Aliqua ego hic subiiciam monita in examine servanda.

V. MONITUM I. Primum omnium fundendæ Deo ferventes preces sunt, quibus divinum imploretur lumen ad fugandas mentis tenebras. Fidei actus eliciantur, quibus firmiter credatur hoc sacramento peccata remitti. Excitetur spes obtinendæ veniæ. Accendatur caritas erga Deum offensum. Contritio antidotum est contra venenum peccati. Si cupis exacte omnia flagitia evomere, excita in corde tuo ferventem contritionem, quæ, cum simul cum peccato stare nequeat, omnium scelerum vomitum pariet. Quo erit serventior contritio, eo erit exactior confessio. Plus temporis in dolendo, quam in examinando impendito: quoniam dolor ad examen viam parat, illudque facillimum efficit. Verum de hoc plura infra.

VI. MONITUM II. Quisque spectare suum statum, conditionem, & professionem debet. Quisque enim poenitens duplicem veluti personam prodit, alteram christianam, alteram civilem. Quatenus Christianus est; legem Dei in Decalogo contentam mente percurrat, ut colligat quid contra illa mandata deliquerit. Septem vitia capitalia ob oculos sibi proponat, & expendat, num aliquod ex iisdem admiserit. Deinde sub examen inducat suam alteram personam, humanam, civilemque societatem respicientem. In hac societate quisque plus minuisse aut imperat, aut paret. Hæc duo serio expendantur, num scilicet recte imperaverit, vel recte paruerit; & quam vitæ rationem servaverit in hac mutua societate. Postea descendat ad professionem peculiarem mercatoris, scribæ, iudicis, advocati, patrisfamilias, filisfamilias, uxoris, mariti, domini, servi, ancillæ, artificis, Religiosi, Parochi, Confessarii, laici &c.

VII. MONITUM III. In primis quisque in hoc examine eo dirigere suam diligentiam & studium debet, ut suam passionem, quam *dominantem* appellare solemus, ad iudicium severum revocet. Singuli habemus dilectam Rachelem, quam

quam diligimus, & sub cuius palliolo, & velo idola, non Laban, sed nostra latent. Penitus itaque ultimi animæ nostræ recessus subeundi, & lustrandi diligenter sunt; & videndum, quinam sit appetitus qui principatum in corde nostro retinet, qui imperat, qui operationes, studia, conatus, & molimina nostra moderatur. Et hic appetitus princeps ad torturam severam vocetur, & quæ inde consequi solent, examini subiiciantur.

VIII. MONITUM IV. Severius peccata spiritus quam carnis examinentur. Adulteria, fornicationes, pollutiones, ebrietates, & cetera eiusmodi, materialia cum sint, facile sub oculos veniunt. At peccata superbiz, invidiz, simultatis, ambitionis, dominandi libido, & amor ille insitus & versutissimus, atque vaserimus refulgendi in theatro huius mundi supra ceteros, & alia eiusmodi eo a nobis difficilius cognoscuntur, quo versutius sagacissimus amor proprius hæc vitia fucat, honestat, & sancta, omnia quæ vehementer appetimus, definit. Quare potissimum penitus radices, & consecraria funestissima, quæ inde proficiuntur, introspectienda sunt. Hoc esto exemplum. Ambitio aut dominandi, aut coruscandi supra ceteros, plausum captandi, multitudinis conciliandæ, & amor placendi omnibus, ut omnes nobis obsequium præstent, plausum canant, nosque extollant, hæc sola ambitio omnes alias passiones ad huic negotio inserviendum cogit. Hæc occultissima ambitio, hic astutissimus amor nostri linguam moderatur, vel ut sileat, quando necessaria esset increpatio, & libera redargutio; vel ut loquatur ad velificandum, dum esset tacendum; leges relaxat, Theologiam inflectit, attemperat & propriis, & alienis appetitionibus. Ut eiusmodi occultissima vulnera, quæ sensim sine sensu serpunt, deprehendantur, lux divina imploranda est.

IX. MONITUM V. Spectanda est indoles, temperamentum, status, qualitates propriæ. Qui nimium anxius est, & meticulosus, a severiori abstinere discussione debet. E contrario qui a natura ita comparatus est, ut omnia facilia sibi persuadere soleat, impensius examinare conscientiam debet. Sed semper insistendum in torquenda passione principe. Plurimi reperiuntur, ut alias dixi, & repetendum sæpius est, qui scrupulosi, & delicatissimæ conscientiz haberi volunt, quique mentem torquent in iis discutiendis culpis quarum amore minime capti sunt. Longum & tædiosissimum catalogum texunt illorum defectuum a quibus aut ferre alieni sunt, aut facile ab iisdem se coercent. Quæ vero sibi magnopere placeant, subdissimulant; immo undique accitis coloribus, & fucis eadem honestant. Quo sunt severiores in iis perscrutandis culpis fere peregrinis, eo acutiores sunt in palliandis vitiis quorum amore flagrant. Scrupulorum neminem agnovi, qui dilectam suam Rachelem, vitiorum gravidam, serio repudiaverit. Rachelis huius pallium scindatur in partes, & continuo apparebunt idola: quidquid argute-

tur Tamburinus, qui cum turba aliorum scelerum hoc flagitium, cui pœnitens valde addictus est, confundendum docet, quin peculiarem dolorem concipere de eo debeat.

X. MONITUM VI. Examen istud facillimum erit, si pœnitens sincero corde negotium agere suum velit. Recogitet primum omnium, Deum non irrideri, illique omnia comperta esse. Ab eodem lumen imploret, illique prius cor suum patefaciat, vulnera secretiora aperiat omnia, & brevi manu supputationes peccatorum omnium perficiet. Qui rarius consentitur, severius examinare conscientiam suam debent.

XI. MONITUM VII. Hæc sex generalia monita præmissi, ut ex illis eruerent prudentes valeant regulas particulares, propriæ conscientie excutiendæ consentaneas. Neque enim præscribi hic pro singulis regulæ præcisæ queunt, cum hæc pendeant ex pœnitentis indole, & qualitate, ex circumstantiis temporis, ex diuturna peccandi consuetudine, ex frequentia relapsuum &c. Quare non una est omnium diligentie mensura, sed varia iuxta pœnitentium diversitatem.

XII. MONITUM VIII. Non probo regulam quam constituit P. Viva *quæst. v. artic. 2. num. 3.* ad cognoscendum, quandonam confessio fuerit invalida ob defectum examinis. „ Si quis (inquit) examinando diligentius conscientiam, reperit „ plura esse peccata quorum erat oblitus, quam ea quæ confessus est, potest si „ bi persuadere quod non præmiserit examen debitum. “ Et si repererit tertiæ, aut quartæ partis delictorum se oblitum esse, concludet ne tunc se sufficiens præmisisse examen? Nemo non videt, quam fallax sit præfata regula. Assigna tu ergo meliorem, inquires. Respondeo generalem præstitum non posse pro omnibus; cum a variis circumstantiis id pendeat. Pœnitentes qui vere contriti ad sacramentum accedunt, communiter examen sufficiens adhibent in peccatis recognoscendis. Plus temporis pœnitentes, ut dixi, impendant in vero concipiendo dolore de commissis sceleribus, in proposito firmo & stabili confirmando vitæ melioris, quam in longiori delictorum scrutinio. Dum animus sincere ad Deum conversus est, dum cor acerbo tactum dolore est, peccata omnia e tenebris conscientie erumpunt, & veluti monstra ad flammarum conspectum fugiunt, sic peccata doloris ardore fugantur. Cor, & mens sibi mutuo respondent. Et quo vehementior fuerit cordis contritio, eo clarius mens dignoscet peccata confitenda. Primum itaque omnium cor emolliendum est, ne impuræ contaminati cordis exhalationes mentem obscurent, & tetra caligine obducant. Accedunt idiotæ, & plurimi absque debito examine, quia dolore vacui sunt. In corde vere contrito; & ad Deum converso habitare peccata nequeunt; sed continuo alio pergunt: Prudentes itaque Confessarii imbuant pœnitentes suos, ut primum omnium a Deo impetrent verum de peccatis dolorem, & continuo lumen simul habeant.

XIII.

XIII. MONITUM IX. Gravissimum periculum insufficientis examinis non in eo situm est quod pœnitentes nequeant numerum deprehendere, & speciem criminum, quæ evidenter peccata sunt, ut adulteria, fornicationes, periuria, furta, blasphemias, ebrietates, & similia, quorum malitia nullo tegi colore valet: sed periculum frequentissimum in hoc vertitur quod quisque sibi certum vitæ tenorem præstituit, a quo difficillime recedere vult, & ea omnia honestat, & fucat quæ huiusce vivendi consuetudini opportuna existimat. Periculum gravissimum est, non tam ut celet peccata cognita, aut eorumdem obliviscatur, quam ne cognoscat esse peccata quæ revera peccata sunt. Periculum gravissimum est ne peccatum loco virtutis habeat. Singuli propriæ professionis, & vivendi consuetudinis vitia exquisitis artificijs colorant: & de his nullum confessionis tempore examen instituunt. Mentem torquent in illis criminibus numerandis quæ nullum excipiunt fucum; e contrario oculos prorsus claudunt, ne vitia quæ sub honestatis larva intus serpunt, deprehendant. Differunt potentes debitorum solutionem, dilapidant prodigi ingentia patrimonia. Fastum, luxum, ambitionem alunt, & in triumphum ferunt plurimi mercenariorum, & artificum sudoribus & sanguine. Divitias accumulunt alii, & senora multiplicant. Feminae vanitates, & pompas paganicas, immodestas, ad venerem provocantes, in publicum deferunt, ut pulitolorum turbas sibi concilient, & amentium adoratorum obsequia capient. Paucae, & pauci sunt, qui, dum conscientiae suae lustrant, has vitæ corruptelas vitiosas agnoscant; sed contra ut honestas sæculi consuetudines excusant.

XIV. MONITUM X. Heinc collige, cuius generis & naturæ sit illa doctrina quam ex non paucis Probabilistis supra adduxi, nempe sat esse ut pœnitentes dolorem necessarium ad sacramentum eliciant in ultimo instanti absolutionis sacramentalis. Si enim non contritus, non in Deum conversus, non amore Dei tactus conscientiae examen instituit, peccata accusat, & confessionem perficit; periculum est ne plurima peccata ignoret, dissimulet, prætereat. Quid? An contendis necessarium esse dolorem ante examen? Ineptissima redargutio. Non disputo nunc, quid sit necessario agendum; sed quid expediat illis qui falsis anticipationibus præventi peculiari lumine indigent, ut peccata sua dignoscere, detestari, & confiteri valeant. Monita præbeo, & regulas consulo, ad quas respicere plurimi pœnitentes debeant, ut verum conscientiae suæ statum perspectum habeant. Suadeo ut isti primum omnium Deo preces fundant, ut ab eodem & mentis lumen crimina manifestans, & cordis dolorem, quo peccata execrentur, implorent; & deinde hoc lumine perfusi, & hoc dolore tacti propriæ conscientiae latebras penetrent, angulos secretiores, & intimiores recessus subeant, excutiant, mudentque, & omnia Dei ministro christiana sinceritate patefaciant.

XV. Quæst. III. *Sufficit ne pœnitenti, cui non constat certus peccatorum numerus, exprimere verisimilem plus minusve?* Resp. Confessio non est conscientiarum tortura, & carnificina, ut novatores blaterant, sed suave levamen, & remedium. Sat est ut ea sinceritate Sacerdoti conscientię statum referent pœnitentes qua infirmitatem corporis gravem, & variis implicatam morbis repræsentarent. Quando post diligens & maturum examen numerum præcisum deprehendere nequeunt, sat est ut dicant: *Peccavi decies, centies, plus minusve, circiter* &c. Ita communitè Auctores.

XVI. Quæst. IV. *Quando pœnitens confessus est se peccasse decies plus minus, si postea certo deprehendat peccasse duodecies, tenetur ne hæc duo peccata expresse confiteri?* Resp. Negat Leander *trakt. v. dist. v. quæst. ix.* pluresque citat. Quoniam, inquit, hæc duo comprehensa intelliguntur in illis clausulis, *plus minusve, circiter*. Adfirmant vero, si pœnitens omisisset præfatas clausulas. Adhuc tamen, quod si peccata essent quindecim, aut sexdecim, tunc teneretur pœnitens ad eadem confitenda. Hæc opinio mihi non probarur: quia peccata proposita ut dubia, si deprehendantur postea fuisse certa, debent subiici clavis, ut infra ostendam.

XVII. Quæst. V. *Quot peccata comprehendunt eiusmodi clausulæ plus minusve, circiter?* Resp. Leander *loc. cit. quæst. x.* varias refert opiniones. Alii continent, sub illis particulis comprehendi tantum duo aut tria peccata. Alii docent, has clausulas extendi usque ad quartam summæ partem. Si peccata fuerint quadraginta, & dixerit pœnitens, se commisisse peccata triginta *plus minusve, circiter*, ac postea deprehenderit certo fuisse quadraginta, non tenetur ad hæc decem confitenda. Quam opinionem refutat Lugo, inquit Leander. Alii docent, in dictis clausulis comprehendi quinque in centum, & non amplius. Sed hoc, inquit Leander, licet verum sit in magna summa, in parva esset nimis rigidum.

XVIII. Quæstiunculæ istæ arbitrarie sunt, quas dum lego, genium meditor plurimum Casuistarum, qui in hoc gravissimo negotio sæpe pro ingenio definire intrepide solent quod definitionem certam non admittit. In his casibus illud spectandum, num pœnitens sincere exponat animæ suæ statum, & quantum fert humana imbecillitas, peccatorum numerum, speciem, & circumstantias manifestet. Quoniam inquit Concilium Tridentinum *sess. xiv. cap. v.* post ea quæ supra ex eodem rescripti: *Reliqua autem peccata, quæ diligenter cogitanti non occurrunt, in universum in eadem confessione inclusa esse intelliguntur, pro quibus fideliter cum Propheta dicimus: Ab occultis meis munda me, Domine.* Hæc est regula, missis dictorum Casuistarum commentis, cui adhærendum est.

XIX. Quæst. VI. *Qui diuturna consuetudine peccavit, satis ne eidem est tempus sui*

sui vitiosi status exponere, non explicato peccatorum numero? Resp. Adfirmant plures, & plures negant. Sed distinguendum est. Pœnitens meliori quo potest modo exponere statum suum debet. Si pœnitens post diligens examen numerum deprehendere nequit peccatorum; tum sat erit exponere statum suum, non explicato numero. Exprimat tempus quo versatus in peccato est, & peccandi frequentiam, & species diversas. Si vero post diligens examen pœnitens deprehendere numerum valeat, puta toties in diem, in hebdomadam, in mensem, talem exponere numerum tenetur: quia, ut dixi, debet, quoad potest, animæ suæ vulnera aperire. Si meretrix sit, debet exponere species diversas; ut si fuerit congressa ordine præpostero, cum Religiosis, cum Sacerdotibus, cum consanguineis, cum uxoris &c. A talibus vix desiderari numerus actuum internorum potest; cum sint in continuo statu peccandi: neque torquendæ illorum mentes sunt circa horum criminum numerum; sed insistendum in emolliendo corde, & in amore Dei, odioque contra peccatum accendendo.

XX. Qui concubinam diu domi habuit, eaque ut uxore usus est, si possit numerum fornicationum deprehendere, exponere illum tenetur. Si vero hunc numerum cognoscere nequeat, sufficit declarare tempus sui vitiosi status, & circumstantiarum species. Qui numerum inscienter auxit peccatorum, dicendo, se decies peccasse, si postea deprehendat se peccasse tantum septies, non tenetur communiter hoc decrementum manifestare; nisi aliqua circumstantia id postulet.

XXI. Qui uno actu pluribus detraxit, sicut plura commisit peccata, ita eadem exprimere debet, declarando numerum personarum quas infamavit. Quid dicendum, dum quis aut malum imprecatur, aut detrahit monasterio, vel familiæ? Si detractor, aut imprecator intendit singulas personas sua detractioe afficere, numerum personarum exprimere debet. Si communitati dumtaxat detrahit, aut imprecatur, sufficit illi exprimere communitatem. Similiter qui una actione plures occideret, singulos occisos declarare teneretur. Qui pluribus actibus furatur quatuor, deinde decem, deinde viginti &c. scuta, singulas actiones exprimere; & si diversis personis furatus sit, omnes manifestare debet. Qui furatus est 500. & bona fide confessus est se furatum esse 300. si postea certo resciat se furatum esse 500. non satisfacit, si dicat in altera confessione, se furatum esse 200. quia neutra vice suum exposuit peccatum, nempe ius violatum in 500.

XXII. Qui in peccato mortali aut absolvit, aut communicat plures personas, harum numerum exprimere astringitur. Qui continuato actu peccat per horam, unum peccatum perpetrat: at, si actus interruptat, & resumat, tot committit peccata exprimenda in confessione, quot actus multiplicavit. Qui a modico tempore confessus est, puta ab una vel altera hebdomada, & peccatorum exteriorum

rum mortalium numerum exprimit consueta clausula, *plus minusve*, præbet signum suspicandi, immo iudicandi, aut examen factum esse absque debita diligentia, aut hominem esse iniquitatis mancipium.

XXIII. Quæst. VII. *An præter peccatum exprimendus sit effectus peccati?* Resp. In peccato considerari & actus internus, & actus externus, & effectus actum externum consequens possunt. Voluntas comburendi domum completur per ignis applicationem: voluntas occidendi, per vulnus mortale: mors, combustio domus dicuntur effectus peccati. Disputant Casuistæ, utrum eiusmodi effectus fiat in confessione manifestandi; an sufficiat dicere: Transfodi, intendens mortem proximi; incendi domum proximi; locutus sum turpia, prævidens motus venereos, silendo quod effectus isti reipsa evenerint.

XXIV. P. Claudius La-Croix *Lib. VI. part. II. num. 944.* docet, probabilius videri, non esse obligationem per se loquendo confitendi: & pro hac sua opinione laudat Vasquez, Granados, Lugo, Bonacinam, Tamburinum, Dianam, Gobat, & alios: & his rationibus hanc evincere opinionem conatur. Si talis effectus nullo modo fuerit prævisus, non est obligatio illum confitendi. Hæc prima ratio futilis est. Quia primum, quando ponitur actio occisiva, quam naturaliter consequitur homicidium, ponens talem actionem, effectum prævidere astringitur. Deinde ex alio capite deficit argumentatio. Non tenetur quis confiteri effectum quem non prævidit: ergo neque quando illum prævidit. Consequentia falsa est. Neque melior est secunda ratio. Non tenetur aliquis confiteri effectum, si sequatur post retractationem causæ. Hoc quoque absolute negatur. At etiam gratis admissio, non inde sequitur, liberum esse a confessione, quando prævidet, & intendit consecutionem effectus. Audiamus tertiam rationem, quæ unica est, cui hæc opinio innititur. „Mors, exultio domus, privatio rationis, motus venereus dicuntur effectus peccati: & de illis quæritur, an, & quando secuti sunt, etiam sint simul explicandi in confessione; an e contra satis sit dicere: Transfodi, intendens mortem proximi; potavi, prævidens periculum ebrietatis; locutus sum turpia, prævidens motus venereos, *tacendo quod omnia ista reipsa secuta sint.*

„Probabilius videtur, non esse obligationem per se loquendo confitendi effectum. Ita Vasq. Salas, Granad. Lugo, Bonac. &c. . . Licet effectus (inquit) fuerit in peccato, veluti causa prævisus, aut etiam intentus; tamen talis effectus proprie dici non potest peccatum, uti probatum est *l. 5. num. 33.* cum neque in se sit peccatum, neque etiam externe compleat peccatum secundum dicta *num. 943.* Ergo non est obligatio illum confitendi, quia non est obligatio confitendi aliud quam peccatum. Nec obstat quod non retractarit causam. „Nam si retractaret, si non, effectus manet suo modo æqualiter imputabi-

„lis,

„lis, non tamquam culpa, sed tantum tamquam effectus culpæ præteritæ, uti
 „explicatum est l. 5. a num. 42. Et consequenter talis homo satisfaciet dicendo :
 „Proieci brevium, prævidens me tanto tempore non posse orare ; porrexi
 „proximo venenum, intendens eius mortem : tacendo, an Horas non oravit, &
 „an mors sit secuta nec ne.“

XXV. Hæc opinio mihi falsa, & laxa videtur : & rationes quæ adducuntur a
 P. La-Croix, aliisque ab eodem citatis, vanæ sunt. Nam licet mors, domus
 combustio, privatio rationis non sint in se peccata ; sunt tamen peccati effe-
 ctus. Et hoc sat est, quia horum effectuum notitia variat causæ statum. Sub-
 dit ibidem P. La-Croix. Per accidens sæpe addi debent tales effectus secuti : im-
 mo, inquit, *pœnitentes communiter addunt tales effectus secutos, in quo non sunt*
prohibendi, sed potius suaviter iuvandi. Papæ ! Hoc unum deesset quod etiam
 forent prohibendi. Cedo : cur pœnitentes communiter confitentur eiusmodi effe-
 ctus ? Quia sequuntur intimum naturæ sensum, & lumen illud signatum in fron-
 tibus eorum, ignorantque novas istas quorundam Casuistarum speculationes.

C A P U T V.

De obligatione confitendi circumstantias peccatorum.

I. **C**ircumstantia id appellatur quod accidentaliter circumstat actum huma-
 num, qui speciem capit ab objecto aut bono, aut malo. Circumstantia
 alia physica, ut si quis hominem pugione, veneno, sclopo &c. occidat. Alia
 moralis, quæ in genere moris mutat speciem, seu addit novam malitiæ spe-
 ciem, ut si quis occidat patrem, Religiosum &c. præter enim homicidium adest
 crimen parricidii, sacrilegii &c. Obligatio est confitendi circumstantias non phy-
 sicas, sed morales, quæ speciem mutant, ut ex Concilio Tridentino dictum est,
 & fatentur omnes. Septem enumerantur circumstantiæ, hoc versiculo con-
 tentæ.

Quis, quid, ubi, quibus auxiliis, cur, quomodo, quando.

II. Circumstantia *quis* pœnitentis prodit statum, qualitates, professionem, ut
 si sit Clericus, Sacerdos, Monachus, uxoratus, voto astrictus, advocatus, iudex,
 paterfamilias &c.

III. Quæst. I. *Quid dicendum de opinione P. Gobat negantis debitum confitendi*
circumstantias mutantes speciem, dum peccator de eisdem non dubitat ? Resp. P.
Georgius Gobat trad. v. 11. num. 324. „Non contrahitur, adeoque confitenda non
„est malitia circumstantiæ mutantis speciem, nisi pœnitens, quando peccatum
„committebat, saltem dubitavit, an non adesset circumstantia talis, & an non

T ij „con-

„contraheretur propter illam peculiare peccatum. Ita fert communis sensus Theologorum. *Utere, mi bone vir*, frequenter hæc regula, præsertim in excipiendis confessionibus rudium, & nominatim, quando malitia circumstantiæ est nota soli Doctorum vulgo. “Peccatores, dum adulterantur, fornicantur, aut incestum perpetrant, voluptate sceleris animum absorptum habent; & quidquid aliud, præter circumstantiam mutantem speciem, cogitant. Nemo ergo communiter tenetur manifestare circumstantias speciem mutantem. Nam P. Gobat dicit: *Nisi puniens, quando peccatum committebat, saltem dubitavit*. Vix est qui, quando peccatum committit, ad circumstantias variantes speciem advertat, vel dubitet. Sed, ut dixi, peccator, flagitii voluptate abreptus, in hanc animum, sensus, & corpus intenta prorsus habet. Quod ante, vel post scelus patratum cum sorore, cum aliena uxore, cum virgine Deo consecrata, sciat debitum circumstantiæ specie diversæ manifestandæ, nihil refert. Debet, *quando peccat*, saltem dubitare, ut teneatur confiteri. Et nisi saltem dubitet, non tenetur eam confiteri. Et in tam laxæ doctrinæ confirmationem allegatur communis Theologorum sensus, Qua fide? Quo fundamento? An communem Theologorum nationem constituunt aliqui Casuistæ mollioris Ethicæ? Quid conturbas conscientias? *Utere, mi bone vir, frequenter hæc regula*, inquit P. Gobat. Cavete Confessarii omnes, repono ego, ab hac regula, tamquam a laxissima opinione.

IV. Quæst. II. *An Religiosus initiatu sacris ordinibus explicare teneatur circumstantiam voti solemnitis?* Resp. Salmanticenses *trakt. vi. cap. viii. punct. 4. num. 34* respondent his verbis. *Variant Doctores*. Qui sunt hi Doctores? *Diana, Maffesius, Villalobosus, Megala, Castropalaus, Antonius a Spiritu sancto, Leander*, alique similes, qui negant claustralem fornicatorem debere exprimere circumstantiam voti solemnitis. Theologi graviores, Soto, Medina, Azorius, Nunnus, Layman, alique adfirmant. Hæc secunda mihi vera est, prior falsa & laxa. Iuxta intimum naturæ sensum status monachalis, hominem solemniter voto Deo consecrans, circumstantia est gravissima. Speculationes, quibus citati Casuistæ arguantur, votum solemniter non differre specie a voto simplici, atque adeo satis esse dicere, Peccavi contra votum castitatis, nullius sunt momenti. Ad speculationes arbitrarias revocanda non est confessio sacramentalis. Neque immoror in eis convellendis. Similiter falsam & laxam cenfeo opinionem alteram, quam defendunt Diana, Lugo, Sanchez, nempe circumstantiam Sacerdotis, aut Subdiaconi non esse explicandam: quia maior consecratio non variat speciem: & idem dicendum docet Lugo apud eosdem Salmanticenses de eo qui, licet ipse votum non habeat, peccat tamen cum persona votum habente. Quam opinionem probabilem quoque iudicari saltem per principia extrinseca a Gabriele a S. Vincentio doceant iidem Salmanticenses ibidem. Quænam sunt hæc principia extrinseca?

Castitæ. Verum licet debito obsequio suspiciendi sint Doctores isti; tamen, nisi rationes solidas pro suis assertionibus promant, eas nobis probabiles nullo modo reddent. Quare ut falsæ & laxæ reiiciendæ nobis videntur præfatæ opiniones.

V. Quæst. III. *An peccans cum novitio, vel novitia teneatur hanc circumstantiam patefacere?* Resp. Salmanticenses respondent ibidem num. 55. multos satis probabiliter negare, quia non habent votum castitatis, nec privatim emissum. Hanc opinionem defendunt apud ipsos Lugo, Megala, Diana, & alii. Opposita est probabilior: quia licet novitius, aut novitia votum non habeant castitatis, sunt tamen in tyrocinio ad illud edendum solemni ritu: sunt primitiæ, & hostiæ destinatæ in solemni sacrificio Deo immolandum. Violare has sacras victimas, & hostias Deo placentes communi sensui præfert enormem deformitatem.

VI. Quæst. IV. *An sponsi, & sponse carnaliter se cognoscentes, aut alii cum eisdem se committentes, debeant talem circumstantiam patefacere?* Resp. Cardinalis de Lugo disp. xvi. sec. 4. num. 176. triplicem refert opinionem. Prima negat, quam defendunt Megala, Pontius, Vivaldus, Layman, Leander, Azorius, Viva, & alii. Secunda adfirmat. Hanc propugnant Lopez, Sarmiento, Ledesma, Homobonus, Sylvius, Pitignanus, Naldus, Petrus Fey, Molina, Conink, Rebellus, Gutierrez, La-Cruz apud D. Dianam. Tertia media docet explicandam esse hanc circumstantiam a sponsa, vel a peccante cum ipsa, non a sponso, nec ab ea quæ cum ipso peccavit. Hanc tenet Sanchez, & pro eadem refert Dianam, Rodríguez, Fillucium, Fagundez, Villalobosum.

VII. Dico igitur, sententiam docentem debitum manifestandi hanc circumstantiam tum a sponso, tum a sponsa, verisimiliorem mihi videri: & hanc unam propugno, tertia reiecta, ut arbitraria, cum lex Dei æque sponsum ac sponsam obliget; & prima, ut minus probabilis. Sponsa enim, tametsi nondum tradita sit sponso, eidem ius in proprium corpus spondit, exequendum solum post contractum matrimonium, sive quantum ad voluptatem præambulam, sive quantum ad consummatam, sive quantum ad amplexus, & oscula. Ergo dum eiusdem integritatem violat per copulam fornicariam, deterius efficit quod promissit. Quid? Equum contractu promissorio vendidisti Petro, opportuno tempore tradendum. Ante traditionem eidem oculum eruis: & non peccas peccato iniustitiæ?

VIII. Quæst. V. *Virgo quæ sponte primo fornicatur, tenetur ne hanc circumstantiam patefacere?* Resp. P. Dominicus Viva quæst. v. art. 3. num. 5. Multi putant, inquit, debere explicari præsertim a feminis. Sed plurimi id negant. Et lectori relinquit ut eligat quod mavult. Sententiam adfirmantem defendunt Bonacina, Fagundez, Villalobosus, Azorius, Fillucius, Archangelus Turreblanca, Nunnus, Sylvius, Angelus, Tabiena, Lopez, Ledesma, Granados, & alii apud Leandrum, inquirunt Salmanticenses num. 57. ubi pro eadem referunt Candidum, citantem Va-

lentiam, & Caietanum. Subdunt vero Salmanticensēs : Negant autem probabiliter Sanchez, Vasquez, Conink, Navarra, Suarez, Megala, Leander cum Cardinali de Lugo, Dicastillo, Antonio a Spiritu sancto. Hanc secundam falsam reputo, & primam defendo. Virginitatis enim amissio peculiaris iactura est ; & quemadmodum puella subiecta parentibus magnam illis infert iniuriam consentiendo in proprii corporis violationem illis invitis ; ita gravem iniuriam Deo, a quo thesaurus virginitatis custodiendæ accepit, irrogat.

IX. Quæst. VI. *An Confessarius peccans cum poenitente teneatur id fateri ?* Resp. Quæstio non est de Confessario sollicitante aut in confessione, aut ante, vel post ; sed de Confessario qui nullo modo abutitur aut confessione, aut directione, quam exercet in poenitentem eam invisendo prætextu confessionis ; de Confessario qui, nullo respectu habito ad confessionem, sed sublatiis technis, & versutiis peccat oblata occasione cum poenitente cuius confessiones audit.

X. Respondent Salmanticensēs loc. cit. num. 59. *Duæ sunt sententiæ probabiles, & oppositæ.* Prima adfirmat, quam defendunt Soto, Viguerius, Turcremata, Navarra, Gallego, Alexander de Nevo, Tabiena, Armilla, Vivaldus, Lopez, & alii, quos refert & sequitur Thomas Sanchez, Candidus, Nunnus, Conink, Fagnandez, & alii. Secunda sententia negat esse ibi specialem malitiam, & circumstantiam explicandam in confessione. Hanc defendunt Cardinalis de Lugo, Bonacina, Ochagavia, Pontius, Gaspar Hurtado, Diana, Dicastillo, Gabriel a S. Vinc. Villalobosius. Electionem alterutrius opinionis remittunt Salmanticensēs arbitrio lectoris, ut beneficio Probabilissimi magis sibi arridentem eligat. Ego secundam reiicio ut falsam & laxam, & primam amplector ut veram. Quid ? Confessarius iudex, doctor, medicus, lupus evadit, animam cuius directionem habet, devorat ; & id non est circumstantia manifestanda in confessione ? Eam non sollicitat ante, vel post confessionem ; nullo modo abutitur officio Confessarii ad seducendam poenitentem. Bene habet. Et quia extremum ac ultimum sceleris portentum, quo fidem ipsam suam in suspensionem adducat, non perpetrat : ideo ne liber erit a circumstantia sceleris, quia non extremi, non ultimi, patefacienda ?

XI. Quæst. VII. *Explicari ne debet in confessione personæ dignitas ?* Resp. Si Prælati, Episcopus, Generalis &c. publice peccent, fornicentur &c, ut inde scandalum oriatur, talem circumstantiam manifestandam esse, omnes docent. Quæstio ergo est, num, secluso scandalo, patefacienda sit personæ dignitas. Si peccatum sit internum, non video rationem cur dignitas personæ exponenda sit. Ad peccatum externum fornicationis, adulterii, ebrietatis &c. quod attinet, Salmanticensēs ex Sanchez, Filiucio, Villalobosio, de Lugo, Dicastillo, & aliis docent, Episcopum, aut Prælatum Religionis fornicatorem non obstringi ad aliam circumstantiam manifestandam præter illam voti, quod in subdiaconatu emisit. Hac opi-

pinio, quam etiam P. Viva *quæst. v. art. 3. num. 1.* defendit, & falsa, & laxa mihi videtur; & nullus dubito quin doctioribus talis appareat. Et primum in praxi fornicari, adulterari absque gravissimo complicitis scandalo nequit sive Episcopus, sive Prælatus regularis. Deinde sicut dignitas Episcopi, Prælati &c. peculiare sibi vendicat obsequium; ita talem deturpare potissimum lulentissimo carnis vitio dignitatem, singularem præfert deformitatem in confessione exponendam.

XII. Si Episcopus, Prælatus regularis, Parochus, & similes, incitatores, aut cooperatores sint in suarum ovium peccatis, specialiter peccant contra proprium officium, quo salutem curare tenentur animarum quarum regimen susceperunt; ut docent vel ipsi citati Auctores.

XIII. Gubernator civitatis, iudex; rector populi, & similes, qui furta, & iniustitiæ crimina impedire tenentur ex officio, si ipsi furentur, *non tenentur hanc circumstantiam in confessione declarare*, inquit Salmanticenses *loc. cit. num. 63.* sed solum manifestare debent circumstantiam, si omittant aliena furta impedire. Et pro hac opinione referunt Cardinalem de Lugo, Dianam, Henriquez, & alios. Et custos vineæ, inquit, debet manifestare fures, non tamen seipsum. Lepidam hoc mihi videtur paradoxon. Rectores, & gubernatores populi tenentur manifestare omissionem impediendi aliena furta; & liberi sunt a manifestanda circumstantia furti proprii? Utrique, inquit. Cur? Audi venustam rationem: *Quia licet constituantur ad hoc ut impendant furta, & delicta aliorum; non tamen ut impendant sua*, inquit *loc. cit.* Salmanticenses cum suis citatis Auctoribus. Libertatem ergo furandi vi officii gubernator civitatis habet a populo, vel a suprema potestate? Negas? Ergo præter peccatum contra præceptum, peccat contra proprium officium. Si peccat contra proprium officium: ergo hanc peccati circumstantiam manifestare tenetur. Ut falsam quoque reiicio alteram opinionem, quam ibidem *num. 64.* docent Salmanticenses cum Lugo, Diana, Dicastillo, Leandro, & aliis, videlicet Sacerdotem percutientem laicum etiam cum sanguinis effusione, non teneri in confessione manifestare se esse Sacerdotem: quia, inquit, non videtur adesse specialis malitia. Sacerdos percutiens Christianum cum sanguinis effusione, non perpetrat malitiam peculiarem a malitia percussione? Unde hoc eruitur? Ex Scriptura, ex Patribus? An non clamant Patres, vel ipsas laicorum nugas in Sacerdotibus delicta fieri? Ipse communis hominum sensus in tali sanguinaria percussione, a Sacerdote Christi peracta, monstruosam deprehendit deformitatem.

XIV. Quæst. VIII. Eunuchus, aut frigidus fornicatur: tenetur ne explicare circumstantiam impotentiae ad copulam naturalem? Resp. Negat P. Filliucius; sed opposita sententia communis est. Quia tale peccatum est contra naturam, & speciem diversam contrahit a simplici fornicatione.

XV. Quæst. IX. Explicanda ne est circumstantia scientiæ, aut ignorantiae in peccati

commissione? Resp. Negant Navarrus, Lugo, Vasquez, Salas, Valentia, Hurtado, & alii, quos citant, & sequuntur Salmanticenses *loc. cit. num. 66*. Quoniam notitia præcipitur relative ad opus; & ignorantia non constituit speciale peccatum. Nam eiusdem speciei & malitiæ moralis est peccatum cum ignorantia culpabili, & cum scientia admissum; & solum datur diversitas penes modum voluntarii. Quædam tamen maior malitia semper est in eo qui scienter, quam in eo qui ignorantia, licet culpabili, obductus peccat. Tum vero explicanda ignorantia est, quando censura imposita esset iis dumtaxat qui scienter præceptum violant. Si ignorantia esset invincibilis, explicanda esset. Similiter ignorantia quæ vincibilis est, non semper est peccatum mortale: quia licet comparati notitia præcepti queat; tamen tot adesse obstacula possunt, ut ignorantia vincibilis levem contineat malitiam: & tum explicanda hæc circumstantia esset; cum id quod est mortale scienti legem, possit esse veniale eam vincibiliter ignoranti. Nec enim semper ignorantia vincibilis mortifera est respectu omnium, si legis cognitio difficilis sit. Quando quis exponitur periculo peccandi cum femina, cuius statum ignorat, videlicet an sit soluta, vel coniugata, vel voto castitatis astricta, exponere hanc circumstantiam debet. Similiter quando ignorantia affectata est ad finem peccandi liberius, manifestari debet, præsertim si subest periculum peccandi in alia specie diversa. Qui voto castitatis astrictus est, si suo consilio, aut auxilio alios inducit ad fornicandum, hanc circumstantiam manifestare tenetur; ut docent communiter omnes.

XVI. Quæst. X. *An opinio aliquorum Casuistarum negantium debitum manifestandi consuetudinem peccandi mortaliter in confessione, sit contenta in propositione 58. damnata ab INNOCENTIO XI.?* Resp. P. Claudius La-Croix *Lib. VI. part. 11. num. 968*, respondet, per se loquendo non esse aperiendam talem consuetudinem: & pro hac opinione citat Suarez, Vasquez, Reginaldum, Lugo. Hanc eandem opinionem defendunt Salmanticenses *tract. vi. cap. viii. punct. 4. num. 67*. & citant præter recensitos Castropalaum, Dianam, & alios. Ratio, quam ex aliis citatis Auctoribus assignat P. La-Croix, eiusmodi est., Nemo per se loquendo tenetur bis confiteri idem peccatum: peccata autem præterita, per quæ est causata consuetudo, sunt ante hac confessæ, uti supponitur, & peccatum præsens non aggravatur, sed potius minuitur ratione præcedentis consuetudinis, quæ aliquo modo minuit libertatem. Ergo non est necessarium facere mentionem peccatorum præteritorum, vel illius consuetudinis. "P. Dominicus Viva in *Curs. Theol. mor. Tom. II. part. vi. quæst. v. num. 11*. "Licet teneatur pœnitens respondere Confessorio interroganti consuetudinem peccati, cum opposita sententiâ sit damnata ab Innoc. XI. . . . tamen per se loquendo non est aperienda huiusmodi consuetudo."

XVII. Per se loquendo hæc doctrina falsa est, & in propositione 58. damnata ab Innocentio XI. contenta. Quid? Peccatum ex consuetudine inveterata minuitur? Minus ergo peccat qui ex prava consuetudine blasphemat, peierat, fornicatur, quam qui semel vel bis hæc flagitia perpetrat? Undenam doctrina isthæc? Scripturæ, & Patres ardenti zelo invehuntur adversus peccatores vitioso habitu irretitos. In medium S. Thomas, qui ex Scripturis sanctis, & Patribus suam Summam confecit, prodeat ad novam doctrinam profligandam.

XVIII. Hæc autem docet Angelicus 1. 2. quæst. lxxviii. art. 2. ubi inquit, *utrum qui peccat ex habitu, peccet ex certa malitia*: cui quæsito hoc præbet responsum. *Quandocumque utitur habitu vitioso, necesse est quod ex certa malitia peccet*: quia unicuique habenti habitum est per se diligibile id quod est ei conveniens secundum proprium habitum: quia sic fit ei quodammodo connaturale, secundum quod consuetudo, & habitus vertitur in naturam. Hoc autem quod est alicui conveniens secundum habitum vitiosum, est id quod excludit bonum spirituale. Ex quo sequitur quod homo eligat malum spirituale, ut adipiscatur bonum quod est ei secundum habitum conveniens. Et hoc est ex certa malitia peccare. Unde manifestum est quod quicumque peccat ex habitu, peccet ex certa malitia.

XIX. Iterum S. Thomas præfatam doctrinæ falsitatem labefactat 1. 2. quæst. lxxvi. art. 4. ad 1. his verbis. *Ignorantia, secundum quam omnis malus est ignorans, non est causa peccati, sed aliquid consequens ad causam, scilicet ad passionem, vel HABITUM inclinantem in peccatum*. Hæc autem ignorantia, seu inadvertentia consequens habitum non diminuit (ut falso asserit P. La-Croix cum ceteris) sed augeat malitiam, ut evincit cit. quæst. lxxviii. art. 4. ad 1. *Dicendum, quod ignorantia electionis, de qua obiectio procedit, neque excusat, neque diminuit peccatum. Unde neque maior ignorantia talis facit esse minus peccatum*. Quid luculentius contra doctrinam P. La-Croix, & P. Viva, & aliorum Probabilistarum, aientium iniquam consuetudinem blasphemandi, peierandi &c. malitiam minuere? Distinguenta est inadvertentia antecedens ab inadvertentia & ignorantia consequenti. Illa vel minuit, vel tollit voluntarium, & malitiam: hæc, utpote volita & libere electa, non minuit, sed augeat iniquitatem. Cedo: habitus vitiosus aut tollit potestatem advertendi, aut secus. Si ais primum; in hæresim incidis. Si secundum; ergo non minuit, sed aggravat crimen. Consule meam *epistolam* 11. adversus blasphemias ex consuetudine, ubi Patrum testimoniis præfatam opinionem profligavi. Si vera esset doctrina P. La-Croix, & P. Viva, male agerent Episcopi reservantes sibi casum blasphemix ex consuetudine prolatæ.

XX. Sophismata adversariorum seipsis corrumpunt. Utique nemo tenetur bis confiteri idem peccatum. Sed dicimus, consuetudinem blasphemandi, peierandi, fornicandi esse circumstantiam vitiosam, & iniquam, distinctam ab ipso actu crimi-

noso : quia inclinatur, & firmatur in malitia. Hinc colliges, quam sit laxa sequens doctrina.

XXI. De Lugo *disp. xvi. sec. 4. §. 7. num. 202.* inquit : „ Ille qui per plura per-
„ iuria comparat consuetudinem peierandi, eo ipso constituit se in periculo, &
„ occasione proxima peierandi postea. Ergo debet in confessione explicare illam
„ circumstantiam consuetudinis, quatenus includit periculum morale, & occasio-
„ nem proximam ad peccata subsequenda &c. . .

„ Adhuc tamen regulariter non videtur necessario explicanda illa circumstan-
„ tia : *tum quia homines non attendunt communiter ad illud periculum morale sequen-*
„ *tis peccati*, quando aliquod peccatum committunt, nec facile discerni potest,
„ quando consuetudo perveniat ad eum gradum, ut inducat occasionem moralem
„ proximam aliorum subsequentium peccatorum : *tum etiam quia exponere se peri-*
„ *culo fornicationis, verbi gratia, non habet malitiam specie diversam ab ipsa forni-*
„ *catione.* Cum ergo explicuit in confessione precedenti suam fornicationem, iam
„ explicuit totam malitiam specificam illius peccati. *Nam circumstantia illa peri-*
„ *culi, quod subiit alterius fornicationis,* non addit malitiam specie diversam, li-
„ cet aggravet intra eandem speciem. Unde regulariter non videtur obligandus
„ poenitens ad fatendam necessariam consuetudinem, nisi interrogetur.

XXII. Hæc doctrina, ut mihi videtur, penitus eludit propositionem §8. damna-
tam a Ven. Innocentio XI. *Non tenemur Confessario interroganti fateri peccati ali-*
„ *cuius consuetudinem.* Probabilista Ioannes Sanchez, huius propositionis auctor, præ-
ceteris laxavit in christiana Ethice habenas, cum neque Confessori interroganti de
consuetudine respondendum esse docuerit. Lugo, La-Croix, Viva cum ceteris do-
cent, non videri per se aut regulariter obligandos poenitentes ad manifestandam
consuetudinem. Et en elusam damnationem propositionis. Obligandi non sunt
poenitentes? Ergo Confessarii non debent interrogare de consuetudine. Hæc do-
ctrina praxi plurimorum fidelium respondet. Videmus consuetudine, habituque
vicioso irretitos sacramenta frequentare, quin se de consuetudine prava aut accu-
sent, aut interrogentur : idcirco vix umquam corriguntur, vix umquam mores
mutant. Omnes tantam lugemus corruptelam. At quid mirum, si corruptela
persistit, cum sit plurium Casuistarum auctoritate munita? Si per se poenitentes
consuetudinem pravam blasphemandi, peierandi, fornicandi manifestare non tenentur;
per se Confessarius interrogare de consuetudine non astringitur. Si con-
suetudinem, mortalis infirmitatis radicem, ignorat Confessarius; quomodo curare
ægrotos valet? Quid mirum, si ægroti numquam sanantur, cum ægritudinis causa
tranquilla perseveret in corde? *Exponere se,* inquit Lugo, *periculo fornicationis*
non habet malitiam specie diversam ab ipsa fornicatione. Transeat, non esse mali-
tiam specie diversam. Sed dicimus esse malitiam mortaliter aggravantem : mali-
tiam,

tiam, quæ statum pœnitentis, eiusque infirmitatem tam magnopere auget, ut, nisi hæc venefica radix curetur, desperata sit salus infirmi.

XXIII. Dixi, doctrinam P. Claudii La-Croix, Lugo, & aliorum, negantium debitam manifestandi consuetudinem, contentam esse in propositione 58. damnata ab Innocentio XI. Hoc autem evinco, & quidem evidenter. Confessarius in ea solum inquirendi iure pollet ad quæ manifestanda pœnitens obstrictus est: neque de iis interrogare Confessarius valet a quibus manifestandis pœnitens liber est. Confessarius interrogare de consuetudine pœnitentem iure potest. Ergo manifestare consuetudinem pœnitens astringitur. Quid ad hæc? Tenetur, inquit, pœnitens fateri consuetudinem, si interrogetur; secus, si Confessarius taceat. Iocamini. Effugium istud vanum est, & pura putaque verborum cavillatio. Debitum pœnitentis respondendi Confessario interroganti præsupponit debitum manifestandi. Nisi enim præcederet debitum manifestandi, neque Confessarius interrogare posset, neque pœnitens respondere teneretur. Interrogat Confessarius, ut statum agnoscat pœnitentis. Peregre gie. Ergo pœnitens obstrictus debito est manifestandi statum suum medico spiritali: & super hoc debito pœnitentis aperiendi statum suum Confessario fundatur ius Confessarii interrogandi de tali statu. Manifestari status pœnitentis nequit, ni pateat eiusdem consuetudo. Ergo redit argumentatio, videlicet quod ius Confessarii interrogandi de consuetudine fundatum sit in debito pœnitentis consuetudinem manifestandi. Ne multa: debitum manifestandæ consuetudinis præcedit ius Confessarii de consuetudine interrogandi. Ergo etiamsi Confessarius omitteret interrogationem, non propterea pœnitens liber esset a debito consuetudinis manifestandæ; cum debitum istud absolute afficiat pœnitentem, qui respondere minime teneretur interroganti, nisi præcederet debitum manifestandi. Ergo debitum manifestandi præcedit & ius interrogandi, & debitum respondendi. Ergo evidenter doctrina P. La-Croix, Lugo, Viva, & aliorum contenta est in propositione 58. damnata ab Innocentio XI. seu eadem est, ut ego quidem sentio, cum propositione damnata. Opponent auctoritatem Doctorum. Sed ego oppono auctoritatem Pontificis summi. Doctores, qui scripsere ante Innocentium XI. opponi nequeunt: quia illi, si scivissent propositionem damnandam, aliter dubio procul scripsissent, ut sentire nos convenit. Qui post damnatam propositionem scripserunt, quia non putarunt damnatam esse doctrinam antecessorum, illam propugnare operæ pretium existimarunt. Verum de hac propositione fûsus *cap. seq. num. 4.*

XXIV. Duplex consuetudinis genus Lugo cum ceteris distinguit. Altera consuetudo est, inquit, quæ ad similia peccata inducit patranda cum advertentia, novaque libertate: & de hac consuetudine hætenus locutus est. Altera consuetudo est, quæ inducit quidem ad similes actus postea ex habitu faciendos, sed absque

absque nova advertentia, aut libertate nova ad novum peccatum. De hac consuetudine hæc scribit idem Lugo *ibi num. 204.* „ Maior difficultas esse potest de „ consuetudine posterioris generis, quæ scilicet est causa faciendi similes actus „ absque deliberatione sufficienti, vel advertentia. In quo casu certum in primis „ videtur, actus subsequentes sine deliberatione præsentis factos, non esse nova „ peccata, sed solum esse peccata in sua causa, nempe in consuetudine præce- „ denti libere volita, seu esse effectus peccati, ut cum aliis probat Thomas San- „ chez . . . Suarez . . . Unde non erit necesse iuramenta sequentia absque adverte- „ tia prolata in confessione explicare, sed solum causam culpabiliter antea posi- „ tam, nempe consuetudinem illam volitam, aut permissam, ut notat idem San- „ chez.“

XXV. Non erit necesse periuria, blasphemias, & alia ex tali consuetudine sine advertentia perpetrata manifestare? Sat erit manifestare consuetudinem? Hæc consuetudo adimit libertatem, quia adimit advertentiam actualem? Hæc doctrina, ut Patrum, & Scripturarum documentis palam feci in *ett. epif. 11.* nisi mea me opinio fallat, inducit Ignorantismum Pelagianorum, & Philosophismum. Qui actu de Deo non cogitat, Deum non offendit, est doctrina ab Alexandro VIII. damnata. Qui peierat, qui blasphemat sine actuali advertentia, actu non peccat inquit Lugo, & P. Viva in *prop. 60. Innoc. XI. num. 18.* cum aliis non paucis Casuistis. In quo differt hæc secunda a prima doctrina damnata? Diversitatem ego ignoro, & puto reipsa non dari. Quid? Homo, habitu vitioso irretitus, libertatem amisit in patrandis peccatis eiusdem habitus? Non perpetrat nova peccata, quia actu non advertit? An non possunt actu advertere homines? An hæc advertentiæ omissio non est libera? Peccarunt dumtaxat libere consuetudinem efficiendo? At plurimi homines communiter non attendunt, inquit Lugo, ad hanc consuetudinem, eamque repetitis actibus contextunt, quin advertant. Malitia ergo consuetudo ipsa vacabit, sicut peccata ex eadem manantia nova malitia actuali carent ex defectu advertentiæ? Hoc posito, peccatores habitu depravato irretiti melioris conditionis erunt quam peccatores ex fragilitate humana delinquentes. Si nova periuria, blasphemias, fornicationes ex consuetudine patratæ non sunt nova peccata: ergo nulla dantur peccata ignorantie vincibilis. Nam qui peccant ex ignorantia vincibili, peccant absque actuali advertentia: si enim actualis adesset advertentia, ex malitia, scienter, & non ignoranter peccarent. Hæc autem doctrina, cum de medio tollat ignorantie delicta, hostiliter pugnat cum Scripturis sanctis; ut suso calamo demonstratur *Tom. II. Apparatus ad Theologiam Christianam.*

XXVI. Quæst. XI. Quid dicendum de hac opinione P. Claudii La-Croix, nempe an illa quæ ex consuetudine mortaliter mala posita inadvertenter sunt, sint consistenda?

Resp.

Resp. P. La-Croix proponit hanc quæstionem *Lib. II. part. 11. num. 973.* ubi sic respondet *num. 974.* „ Si supponamus , quando ista fiunt , nullam prorsus adesse „ advertentiam malitiæ , talia non habebunt ullam novam malitiam , uti constat „ ex dictis *Lib. V. art. 2. num. 16.* & consequenter cum ista in se non sint peccata , „ nec externe compleant peccatum aliquod internum , sed tantum sint effectus „ peccati secundum dicta *num. 944.* non est obligatio illa confitendi Quod verum est , secundum multos cum Dicast. quamvis illa consuetudo non sit retractata. “

XXVII. Iudicent cordati piique lectores de hac doctrina . Infirmi- tati meæ admirationem sane ingerit . Aristoteles dicit , admirationem setum esse ignorantie . Ignorantem scilicet me fateor , neque tanti sum , ut hunc opinandi modum cum Scripturæ sanctæ , & Patrum doctrina consœderare valeam . Blasphemias , periuria , fornicationes , quæ ex consuetudine mortaliter mala sunt , si nulla adsit advertentia , neque sunt peccata nova , neque sunt confitenda ? Utinam ignorare talem opinionem mihi datum fuisset , sicut ignoro illam cum Evangelio coniungere . Idcirco sapientibus iudicium relinquo .

XXVIII. Quæst. XII. *Quid dicendum de opinione P. Tamburini , aientis non esse manifestandos gradus consanguinitatis peccati commissi cum matre , aut consobrina ?*
 Resp. P. Thomas Tamburinus *Lib. II. meth. confess. cap. VII. §. 7. num. 48.* ait : „ Dico , probabile esse nec consanguinitatem ab affinitate ex S. Thom. 2. 2. quæst. „ xvi. art. 2. & Caiet. ibid. nec unum gradum ex his differre specie ab aliis . „ Sic Filliuc. dicens esse opinionem S. Th. Caiet. Soti , & fere Thomistarum . „ Griptus . . Megala . . uterque apud Dianam . Unde licet sine dubio gravius sit „ contra unum gradum delinquere , v. g. contra primum cum MATRE , quam contra „ alium , v. g. cum consobrina ; tamen quia non mutatur species , puto non esse speciatim manifestanda in confessione . “

XXIX. Hæc P. Tamburini , & Filliucii doctrina falsa & laxa est . Vix rusticorum , aut idiotarum aliquem reperire est , qui , si concubuerit cum matre , cum sorore , horrendam malitiæ circumstantiam non percipiat . Citati autem Auctores eximunt ab obligatione manifestandi vel ipsum primum gradum consanguinitatis . Quare si quis peccavit cum propria matre , sat erit ut dicat , Commisi incestum , non declarando cum matre , aut sorore &c. Vide quæ *cap. seq. num. 9.* dicturus sum ex S. Thoma .

CAPUT VI.

De obligatione confitendi circumstantias mortaliter aggravantes peccatum intra eandem speciem. Doctrina S. Thomæ vindicatur ab interpretamentis Salmanticensium, Moyæ, & aliorum plurium.

I. **O**Mnes Catholici docent, circumstantias mutantes speciem esse confitendas; cum id definitum in Concilio Tridentino sit. Disputatur dumtaxat de circumstantiis quæ intra eandem speciem *notabiliter* malitiam peccati aggravant. Furaris aut unum aureum, aut centum, aut mille. Peccatum est intra eandem speciem furti; at furtum mille aureorum est *notabiliter* gravius quam furtum unius aurei. Similiter peccatum incestus non differre specie, sive sit cum matre, sive sit cum sorore, sive cum nepte, aut consobrina, plures docent; sed malitia aggravatur iuxta graduum diversitatem.

II. Disputant in utramque partem Theologi & numero, & doctrina spectabiles. Plures Probabilistæ, & præsertim P. Moya, impingere ausi sunt S. Thomæ, quod liberet fideles a debito manifestandi in confessione circumstantias *notabiliter* aggravantes. In hanc hallucinationem lapsi sunt vel ipsi doctissimi Salmanticenses scholastici, nedum morales. Et quoniam Theologos istos de doctrina S. Thomæ optime meritos pluris facio quam ceteros; idcirco adversus istos vindicandum S. Thomam suscipio. Si enim ostendero, vel hos clarissimos Theologos, in propugnanda S. Thomæ doctrina nemini secundos, ad hoc quod attinet, caligasse; continuo evanescent omnia commenta Moyæ, & aliorum, laxam doctrinam sancto Thomæ impingentium.

III. Salmanticenses scholastici igitur *Tom. XII. tract. xxiv. disp. vi. dub. 4.* contendunt, S. Thomam negare debitum manifestandi circumstantias mortaliter aggravantes intra eandem speciem. Quod ut evincant, opponunt ex *IV. disp. xvi. quæst. III. art. 2.* hoc testimonium. *Quidam enim dicunt, quod omnes circumstantiæ, quæ aliquam notabilem quantitatem peccato addunt; confiteri necessitatis est, si memoria occurrant. Alii vero dicunt, quod non sint de necessitate confitende, nisi circumstantiæ quæ ad aliud genus peccati trahunt; & hoc probabilius est.* Hic sistunt præclarè Theologi, atque a se stare S. Thomam definiunt. Verum, si integra doctrina spectetur Angelici Doctoris, non video, unde de eiusdem patrocinio in hac causa gloriari Salmanticenses valeant. Sic enim continuo persequitur S. Thomas. *Sed addendum est, quæ ad aliam speciem mortalis trahunt. . .* Cuius *RATIO EST* (N. B.) *quod venialia non sunt de necessitate confessionis,*

SED

SED SOLUM MORTALIA, quæ quantitatem infinitam quodammodo habent: & quia circumstantiæ quæ aliam speciem peccato non tribuunt, vel quæ tribuunt quidem, SED NON MORTALIS PECCATI, non sunt de necessitate confessionis. Ita tamen eadem confiteri perfectionis est, sicut & de VENIALIBUS dictum est. Hic triumphum canunt perdocti Salmanticenses, & ita luculenter S. Thomam laxam opinionem, quam ipsi propugnant, docere contendunt, ut relatum testimonium nullam excipiat legitimam interpretationem. Et reipsa Thomistarum plures ita sentiunt. „ Nemini Thomistæ (inquit Natalis Alexander *Lib. II. cap. v. art. 6. §. 1.*) religioni sit ab ea S. Thomæ opinione discedere quam iunior propugnauit, & quam ipse eiuraturum fuisse, ac retractaturum verisimile est, si post Synodum Tridentinam scripsisset. Unde selecti ex Ordine Dominicano Theologi, qui Concilii Catechismo adlaborauerunt, contrariam opinionem asseruerunt Ecclesia approbante. “ Quamobrem laudati Salmanticenses perspicue fatentur num. 88. se non semel admiratione suspensos hæsisse, graves aliquos Thomistas, ut Gonet, Labat, & quosdam alios controversiam hanc versantes . . . non sibi opposuisse hanc S. Doctoris sententiam, eamque, utcumque possent, explicuisse. Verum modo admirationem deponimus, attendentes ad eorum evidentiam, & illorum discipulorum reuerentiam, quod noluerint eis aperte refragari, sed veluti furtim capefferint aliam viam.

IV. Ut admirationem depositam resumant perdocti Patres, paucis ego laudatum testimonium expono. Triplicem malitiam adiacere circumstantiæ peccato valent: primam, quæ mutat speciem: secundam, quæ non pertingit ad peccatum mortale, sed sistit intra venialis peccati confinia: tertiam, quæ speciem quidem non mutat, constituit tamen peccatum mortale. S. Thomas in adducto testimonio docet, necesse haud esse ut circumstantiæ quæ aut non mutant speciem, aut non adiaciunt malitiam constituentem peccatum mortale, in confessione manifestentur. Adeo evidens est, huc tendere Angelici Præceptoris doctrinam, ut ii soli qui mollioris Ethices lenocinio capti sunt, refragari queant. Cedo: quid produnt hæc verba quæ totam articuli illius doctrinam regunt? Cuius ratio est, quia venialia non sunt de necessitate confessionis, sed solum mortalia, quæ quantitatem infinitam quodammodo habent. Ad horum verborum conspectum infumum abeunt omnia insignium virorum interpretamenta. Clamant perdocti homines, S. Thomam expresse agere de circumstantiis quæ aliquam notabilem quantitatem peccato addunt. Verissimum habet. Sed hæc verba scribit sub initium articuli, & post laudata verba rationem promittit cur circumstantiæ non sint confitendæ, inquiens: Cuius RATIO EST, quia venialia non sunt de necessitate confessionis. Post laudata verba adiacit, confitenda esse solum mortalia quæ quantitatem infinitam quodammodo habent. Nihil ne discriminis inter aliquam quantitatem notabili-

tabilem, & quantitatem infinitam? Peccatum mortale quantitatem quodammodo infinitam habet, inquit Angelicus. Peccata venialia alia levia, alia intra idem genus gravia, quæ addunt *quantitatem notabilem*, sed non *infinitam*: ideo non sunt mortalia. Tandem post opposita verba subdit Angelicus. *Circumstantiæ aggravantes, quæ aliam speciem peccato non tribuunt, vel quæ tribuunt quidem, sed non peccati MORTALIS, non sunt de necessitate confessionis*. En constantem & perspicuam Angelici mentem eo unice spectare, ut definiat, circumstantias quæ aut non mutant speciem, aut non addunt *malitiam peccati mortalis*, non esse de necessitate confessionis. Unde legitime & evidenter inferitur, S. Thomam docere, circumstantias quæ malitiam constituentem peccatum mortale adiiciunt, necessario exprimendas in confessione esse; circumstantias vero quæ confinia venialis peccati non transiliunt, non esse de confessionis necessitate.

V. Porro, ut laudata doctrina clarior fiat, hoc ponamus exemplum. Gravis materia furti sint sex iulii. Addantur duo iulii. Circumstantia hæc levem quantitatem superaddit. Adiciantur quatuor, vel quinque. Circumstantia hæc superaddit notabilem quantitatem, sed intra terminos peccati venialis. Addantur decem, viginti, centum, mille. Circumstantia hæc non addit quidem diversam peccati speciem; tribuit tamen malitiam peccati mortalis, quod *habet quantitatem quodammodo infinitam*. Et hæc circumstantia iuxta S. Thomam est necessario in confessione manifestanda. En genuinam, perspicuam, & constantem doctrinam S. Doctoris. Antequam huic brevissimæ interpretationi finem impono, lubet iterum viros admiratores paullulum premere, & ad respondendum provocare. Cur S. Thomas negat circumstantias esse in confessione manifestandas? Respondet Angelicus: *Quia peccata venialia non sunt de necessitate confessionis*. Alia ne ratio in universa adducta doctrina? Nulla prorsus. Ergo necessario consequitur, circumstantias augentes malitiam quæ constituit peccatum mortale, esse in confessione aperiendas. Quid ad hæc Salmanticenses?

VI. Alii textus quos obtrudunt Theologi isti, illorum & admirationem, & opinionem penitus profligant. Opponunt, D. Thomam ibidem ad 1. hæc docere. *Dicendum, quod determinata quantitas peccati non potest Sacerdoti innotescere, quia nec ipse peccator scit. Unde sufficit quod sciat quantitatem quæ ex specie peccati consurgit*. Peccator ergo qui scit quantitatem in specie furti, iuxta S. Thomam, tenetur eam manifestare. Quantitatem vero malitiæ quam ignorat, declarare neque potest, neque astringitur. Explorata hæc sunt, & pervia. Falsa ergo est Salmanticensium sententia.

VII. Insistunt 3. S. Thomas in scripto ad Annibaldum *dist. xvi. quest. unic. artic. 3.* ait: *Circumstantia quæ novam rationem peccati mortalis addit, de necessi-*

te est confitenda; alia autem non. Mitto, scriptum istud supposititium esse, quod eruditos Theologos latere non debuisset. Sed respondeo, nihil adduci posse luculentius in confirmationem nostræ datæ interpretationis. Tot rationes peccati mortalis multiplicantur in furto, quot sunt in eodem materiæ graves in genere furti. Ponamus materiam gravem furti esse unum scutum Romanum. Qui centum scuta furatur 99. rationes peccati mortalis superaddit. Furtum enim centum scutorum, unico actu a Petro perpetratum, æquivalet centum furtis, quæ centum personæ diversæ committerent, singulæ surripiendo unum scutum. Ideo qui unico actu centum scuta furatur, centum rationes mortalis peccati superaddit.

VIII. Insistunt 4. S. Thomas *opusc. xii. ad Lectorem Bisuntinum art. 6. scribit. Circumstantias vero aggravantes quæ in aliud genus peccati non trahunt, non tenetur homo confiteri, SICUT NEC VENIALIA, licet laudabile sit quod ea homo confiteatur.* Testimonium istud evidentius confirmat ea quæ dicta sunt, nempe Doctorem Angelicum docere, circumstantias quæ venialem tantum malitiam addunt, non esse confitendas; e contrario patet faciendas eas esse quæ malitiam peccati mortalis adiciunt.

IX. En ex illis ipsis S. Thomæ testimoniis quæ in sui præsidium Salmanticenses allegant, illorum prostratam sententiam. Quid, si referre huc vellem plura ex eiusdem Summæ principia, quæ laxam opinionem prorsus labefaciunt? Doce-re videtur S. Thomas 2. 2. *quæst. cliv. art. 9. ad 2. unam esse incestus speciem, si-ve cum consanguinea, si-ve cum affine.* Hoc ego non concedo, sed oppositum colligi ex doctrina S. Thomæ contendo: & Vincentium Baronium *diff. 11. sect. 3. §. 2. contra Moyam consentientem habeo.* Id tamen aperte defendit Caietanus in hunc locum. Numquid dicturi sunt Salmanticenses, iuxta S. Thomam non esse manifestandam circumstantiam incestus cum propria matre; sed solum dicen-dum, incestum perpetratum esse si-ve cum matre, si-ve cum affine in tertio; aut quarto gradu? Non puto illos tantam laxitatem attributuros Angelico Do-ctori, qui ibidem ad 3. ait: *Unde Philosophus dicit de animalibus, quod quidam equus, quia deceptus fuit, ut matri commiseretur, seipsum præcipitavit qua-si præ horrore, eo quod etiam animalibus aliquibus inest naturalis reverentia ad parentes.*

X. Quamvis ostensum sit, Angelicum non modo non favere opinioni negati-ti obligationem confitendi dictas circumstantias, sed e contrario illam improba-re; tamen gratis concedere volo, ambiguum esse S. Doctoris mentem. Hoc enim est quod ad summum contendere Salmanticenses possunt. In hac autem hypo-thesi expedit. ne ambigua aliqua testimonia tanti Doctoris in laxam opinionem, nulla prorsus solida ratione sustam, detorquere? Quid? Nulla firma ratione sul-

citur opinio negans debitum patefaciendi circumstantias aggravantes? Nulla omnino. Ad rem.

XL Prima ratio quam Salmanticenses allegant, est auctoritas S. Thomæ. Hanc vanam esse iam ostendi. *Secundum motivum*, inquit num. 89. *ob quod propositam assertionem amplectimur, consistit in multitudine & auctoritate gravium Doctorum*. Multitudo laxas opiniones amplecti solet. Arguebat olim S. Basilii adversarium: *Multitudine mendacium defendis?* Tantum mihi otii non est, ut expendam textus Alberti Magni, S. Bonaventuræ, S. Antonini, aliorumque paucorum opera. At Vincentius Baronius, & Suarez contendunt, hos sanctos viros docere debitum consistendi circumstantias, quæ mortaliter, secus quæ venialiter aggravant malitiam. Ad alios Auctores quod attinet, sola auctoritas Catechismi Tridentini, quam mox referam, prævalet sexcentis Dianis, Leandris, Palais, Killefoniis, Villalobosiis, Accaciis, Pitigianis, Tamburinis, ceterisque similibus.

XII. *Tertium motivum* (inquit Salmanticenses num. 90.) *est: cum confiteri circumstantias notabiliter aggravantes sit onus admodum grave, nisi certo constet de lege, non est tantum iugum imponendum. Lex enim in dubio legis lata, ut tradunt Sanchez, Tapia, Arauxo &c. non obligat*. Hæc doctrina ex fodina Probabilissimi hausta est, quam falsam, & laxam alibi ostendi.

XIII. *Quartum motivum* (addunt num. 92.) *quod contraria sententia parit innumerabiles scrupulos & anxietates satis perplexas, ac insuperabiles in fidelibus*. Hic est locus topicus probabilisticus, & lepidum interpretamentum, quod toties obtruditur, quoties sanioris Ethicæ regulæ inculcantur. Quam sit vanum, ex nostræ sententiæ explicatione continuo apparebit. Hæc sunt quatuor rationum momenta quæ perdoctos Theologos impulerunt ad negandam necessitatem manifestandi circumstantias notabiliter aggravantes. Hæc rationum momenta vocantur ab iisdem num. 87. *prudentialia*. Nos & prudentiæ christianæ, & bono sensui, nedum Scripturis, Patribus, & Conciliis, illa repugnare mox ostendemus.

§. UNICUS.

Circumstantiæ mortaliter aggravantes peccati malitiam intra eandem speciem necessario aperiendæ sunt, ut integra confessio sit.

- I. **Q**uoniam in tradendis conscientiæ regulis, & præsertim in re sacramentalia, non tam rationes humanæ, & metaphysicæ, quam Concilia sacra, quæ

quæ Ecclesiæ doctrinam fidelibus exponunt, consulenda sunt; ideo primum omnium in medium adduco declarationem Catechismi Romani, qui decretum Concilii Tridentini interpretans, hæc *Part. II. cap. v. §. 47.* præferibit. „ *Peccatorum circumstantiæ, dum quis confitetur, sunt patefaciendæ. Sed in confessione, ne summa illa cura, & diligentia adhibenda est, quam in rebus gravissimis, ponere solemus; omneque studium in eo conferendum, ut sanemus animæ vulnera, & peccati radices evellamus. Neque solum peccata gravia narrant, do explicare oportet, verum etiam illa quæ unumquodque peccatum circumstant, & pravitatem valde augent, vel minuunt. Quædam enim circumstantiæ adeo graves sunt, ut peccati mortiferi ratio ex illis tantum constet: quare hæc omnia confiteri semper oportet.* Si quis enim hominem interemerit, explicandum est, utrum ille sacris initiatus, aut profanus fuerit: itemque, si cum muliere concubuit, matrimonii ne lege libera, aut alterius uxore, aut propinqua, aut alicuius voti sponione Deo consecrata, aperiat necesse est. Hæc enim diversa peccatorum genera constituunt; ita ut primum quidem simplex fornicatio, alterum adulterium, tertium incestus, quartum sacrilegium, a divinarum rerum Doctoribus appelletur. Furtum etiam in peccatis numerandum est. Verum si quis aureum nummum furetur, levius omnino peccat quam qui centum, vel ducentos, vel ingentem aliquam auri vim, præsertim vero qui sacram pecuniam abstulit. Quæ etiam ratio ad locum, & ad tempus pertinet: quorum exempla notiora sunt ex multorum libris, quam ut a nobis commemorentur. HÆC igitur, ut diximus, ENUMERANDA SUNT. Quæ vero pravitatem rei magnopere non augent, sine crimine omitti possunt.“

II. Hanc meditari doctrinam debuissent perdocti Salmanticenses, missis Villalobosiis, Leandris, Dianis, Palais, ceterisque. Et quainquam prolixitate valde nimia innumeras speculationes agglomerent; nihilominus nec meminere istius Catechismi, cuius Auctores & S. Thomæ, & Concilii Tridentini doctrinam apte callebant, & eam populo fideli, ac præsertim Parochis explicabant. Heinc omitto plures alias Synodos, Vornatiensem, Londinensem, & Patrum testimonia brevitate studio; cum mihi longa superfit via, & tempus desit. Unum dumtaxat adiicio. S. Carolus Borromæus *Ad. Part. IV. in instr. Confess.* hæc docet. *Confessarius esse debet instructus, quanam sint circumstantiæ peccati mutantes speciem, quæ notabiliter aggravantes. Quia tam istæ, quam illæ circumstantiæ necessario explicandæ sunt in confessione.* Hæc duo sola splendidissima documenta certam, & ineluctabilem efficiunt sententiam nostram. In horum conspectu omnium Casuistarum, qui pro contraria opinione citantur, auctoritas nec levissimam efficit probabilitatem.

III. Transcribenda quoque hic essent verba Ritualis Romani, iussu Pauli V.

approbati, in Rubric. de pœnit. ubi hæc habentur. *Quod si pœnitens numerum; speciem, & circumstantias explicatu necessarias non expresserit, Sacerdos eum interroget.* Sed occurrunt Salmanticenses num. 96. se respondere posse, hæc verba non esse *præceptiva*, sed *exhortativa*. Peraggregie. At subdunt, se non egere hac responsione: quia Rituale intelligendum est de illis quæ mutant speciem. Sed Rituale ipsum hanc retundit cavillationem, inquires: *Speciem, & circumstantias*. Quid? Rituale præcipit ut manifestentur peccatorum *species*: deinde, ut declarentur *circumstantie*. Et hæc circumstantiæ produunt malitiam non aggravantem, sed specie diversam? Non videtur dignum tantis viris interpretamentum.

IV. Alia documenta nostram confirmant sententiam. Innocentius XI. hanc propositionem num. 58. damnavit. *Non tenemur Confessario interroganti fateri peccati alicuius consuetudinem.* Confessarius ius non habet de iis interrogandi quæ manifestare pœnitens non tenetur. Hæc duo, ius interrogandi, & debitum manifestandi, ita sunt indivulsa, & coniuncta, ut consistere primum absque secundo nequeat. Porro consuetudo fornicandi, consuetudo peierandi, furandi &c. non est circumstantia, quæ speciem mutet, sed solum quæ intra eandem speciem malitiam aggravat. Damnata est doctrina, negans debitum interrogandi. Ergo damnata est doctrina negans debitum manifestandi. Nec est quod cavilleris, damnatam esse doctrinam negantem debitum respondendi. Quoniam rogo: cur damnata esse doctrina negans debitum respondendi? Edissere. Nisi præcederet debitum manifestandi, imponi ne onus respondendi iure posset? Numquid Pontifex, qui propositionem damnavit, aliquid novi imposuit? Nemo id dixerit. Sed quod forum, & iudicium sacramentale natura sua postulat, declaravit Pontifex summus. Ergo dum proscripsit doctrinam inficiantem debitum respondendi Confessario interroganti, diris devovit doctrinam negantem debitum manifestandi consuetudinem. Et in hoc debito manifestandi fundatur debitum respondendi Confessario interroganti. Alioquin, sublato debito manifestandi; nullum ius adest in Confessario interrogandi: nullo debito astringitur pœnitens respondendi. Hæc doctrina perspicua, solida, ineluctabilis est.

V. Salmanticenses scholastici innumeras infarciunt speculationes, ut hanc causam implicatam efficiant. Num. 202. dicunt, Confessarium interrogare debere pœnitentem 1. quando peccatum circumstantia affectum, est reservatum ab Episcopo; ut si furtum mille aureorum esset casus reservatus. Sed hoc, inquiunt, non oritur ex gravitate circumstantiæ notabiliter aggravantis. Unde ergo? Ex hoc, subdunt, quod Confessarius nequeat aliter statum pœnitentis cognoscere. Sed hoc est accidentale, si circumstantia notabiliter aggravans intra eandem speciem consideretur *secundum se, in genere, & præcise* . . . Unde non opponitur no-

stræ:

frae assertioni, quæ per se etiam & in genere, ut doctrinale decet, procedit. Exnlet ergo a foro pœnitentiæ doctrina negans debitum manifestandi circumstantias aggravantes. Argutatio facta, supra quam dici potest, vana est. Confessarius potest, & debet pœnitentem interrogare de circumstantia aggravante, ut pœnitentis statum perspectum habeat, & pœnitens tunc respondere tenetur? Sed unde oritur status pœnitentis, nisi a malitia circumstantiæ notabiliter aggravantis? Infirmus tenetur exponere infirmitatis suæ statum, & non tenetur patefacere radicem veneficam, quæ talem statum parit? Non tenetur pœnitens patefacere radicem, quæ nisi evellatur, sanari nequit; & qua evulsa continuo convalescit? Si hæc paradoxa perniciosissima fidelium salutis non sunt, quænam erunt?

VI. Salmanticenses *tract. xxiv. disput. viii. dñb. 4. §. 2. num. 202. pag. 140.* inquirunt. „Secundo modo contingit Confessarium inquirere de his circumstantiis, non ob motiva aliqua specialia, & accidentalia, qualia proxime recensuimus; sed quia vult, vel quia in ea opinione est, quod aggravantes notabiliter intra speciem debent in confessione explicari. Et tunc pœnitens, quia scit saltem *prædictæ, & ex aliorum testimonio* nostram sententiam negantem esse tutam, communionem, & probabiliorē contraria, non tenetur ad illam Confessarii interrogationem respondere; sed potest cum reverentia dicere, se explicasse quod debuit, & posse reticere quod tacet, nec ad amplius teneri: quia scit circumstantias notabiliter aggravantes, v. g. quantitatem rei ablata, de qua inquiritur, non esse materiam necessariam confessionis. Ex his dictis nequit Confessarius illum amplius cogere: nec illi ex vi huius absolutionem denegare: quia pœnitens procedit secundum tutam & probabilem opinionem, atque adeo recte agit, & cum eo se potest, AC DEBET Confessarius conformare.“

VII. Aut nihil sapio, aut hæc doctrina sacrum pœnitentiæ tribunal turbat, invertit, & in damnata proposit. 58. continetur: Non tenemur Confessario interroganti fateri peccati alicuius consuetudinem. Porro, ut evidentius pateat, resciptam doctrinam contineri in hac damnata thesi, revocandus in memoriam est primus casus, in quo solum dicunt laudati Patres, & pœnitentem teneri manifestare circumstantiam aggravantem, & Confessarium de eadem interrogare. Quando occurrit casus iste? Quando peccatum est reservatum. Hæc sunt illorum verba ibidem pag. 139. *Demus in aliquibus diocesis furtum mille aureorum esse casum, sive peccatum superiori reservatum. Pœnitens qui illud commisit, debet tam requisitus, quam non interrogatus illam circumstantiam manifestare, ut Confessarius scias quomodo se gerere debeat in absolvendo.* Addunt, teneri quoque pœnitentem Confessori interroganti de consuetudine, puta furti, respondere, ut aliquo modo eludant propositionem damnatam. Et propterea addunt, hanc obli-

gationem aut interrogandi, aut respondendi non fundari in gravitate circumstantiæ, sed in alia radice, nempe casus reservati. Inquiunt, *consuetudinem peccandi per se loquendo non esse necessario explicandam in confessione*; sed solum per accidens, si esset reservata, & necessaria ad cognitionem status pœnitentis. Ceterum ista, inquiunt, sunt *accidentalialia*.

VIII. Conferas nunc velim hanc doctrinam cum ea quæ adducta est num. 6. quod scilicet pœnitens non teneatur respondere, si interrogetur de quantitate furti: *Quia scit circumstantias notabiliter aggravantes, v. g. quantitatem rei ablatae, de qua inquiritur, non esse materiam necessariam confessionis &c.* Igitur, nisi furtum sit in aliqua diœcesi reservatum, etiam interrogatus pœnitens non tenetur illud fateri; sed potest *cum reverentia dicere, se explicuisse quod debuit*. Porro, hoc principio admisso, quod, sublata reservatione vel consuetudinis, vel furti, non teneatur pœnitens respondere interroganti, nedum manifestare ex se furti quantitatem, quandonam casus erit in quo pœnitens teneatur manifestare circumstantias aggravantes? Consuetudo est solum circumstantia aggravans intra eandem speciem. Hanc fateri ex se non tenetur. Ergo neque interroganti Confessario tenetur respondere: quia, subdunt, pœnitens *scit saltem prædicte, & ex aliorum testimonio* (nempe Dianæ, Killesonii, Leandri, Palai &c.) *non tenevi ad illam Confessarii interrogationem respondere*. Præterea pœnitens, præciso casu reservato, præfata doctrina persuasus poterit semper *cum reverentia* respondere, se explicuisse quod debuit. Immo, inquiunt, nequit *Confessarius illum amplius cogere, nec illi absolutionem ex vi huius denegare*. Ecce hoc? Quia *Confessarius debet se cum pœnitente conformare*. Iudicent nunc sapientes, num hæc doctrina contineatur in dicta proposit. 58. proscripta; num perturbet tribunalis confessionis ordinem. Iudex subicere suum iudicium rei iudicio debet? Consule quæ supra dicta sunt, ut iudicare felicius valeas, num præfata doctrina contineatur in decreto Innocentii XI.

IX. Alteram propositionem, huc spectantem damnavit Innocentius XI. nempe 1. *Non est illicitum in sacramentis conferendis sequi opinionem probabilem de valore sacramenti, relicta tutiore, nisi &c.* Agitur in præsentī de valore sacramenti; cum confessio integralis sit pars materiæ necessariæ sacramenti pœnitentiæ. Sententia adfirmans circumstantias aggravantes esse materiam necessariam, tutior est opinione negante. Ergo proscriptus est usus opinionis negantis necessitatem manifestandi circumstantias aggravantes in confessione.

X. Salmanticenses loc. cit. num. 205. duplici via eluctari heinc conantur. Respondetur, inquiunt, primo, nos solum discutere, num circumstantia notabiliter aggravantes sint *materia necessaria confessionis: in qua difficultate, quæ certe speculativa est, & in actu signato discutitur, sequimur partem negativam probabili-*

rem utique, & communioem. An vero in praxi, & adu exercito, confessionis consulenda sit, difficultas diversa est, & in qua unicuique relinquitur exequi quod sibi tutius, securius, aut etiam perfectius censuerit.

XI. Næ istud egregium responsum? Morum regulæ speculative, & in adu signato discutiuntur? Ex quo conatus isti tendunt? Quis tanti laboris finis? An hoc anam non præbet hostibus nostris in invidiam adducendi scholasticam Theologiam, quasi hæc in aere verberando occupetur? Communior, & probabilior est opinio negans necessitatem circumstantias manifestandi? Distinguo. Probabilior est probabilitate casuistica, arcessita a Dianis, a Leandris, a Killesoniis, a Tamburinis, aliisque, qui in adu signato conscientie regulas discutiunt; transeat. Probabilitate theologica, hausta ex Scriptura, ex Ecclesie decretis, ex Catechismo Concilii Tridentini, & gravioribus Theologis; nego. Verum hæc obiter, & dicis caussa. Sat quippe nobis est, perdoctos hos Theologos nobis vias manus dare, ultro confidentes in praxi manifestandas esse circumstantias mortaliter aggravantes.

XII. Verum quemadmodum in controversia de attritione formidolosa post effugium ad asylym disputationis speculative abstrahentis a praxi, arma resumplerunt ad propugnandum illud inauditum paradoxon, quod attritio servilis tutior sit materia sacramenti; ita nunc, ne vilitatis pavorisque notam incurrant, subdunt: Sed quia nihil etiam huiusmodi formidamus in eiusdem sententie praxi, respondetur secundo &c. Tanta verborum farragine, & subtili acupine involuta responsio est, ut vix percipere eam lectores possent, si, ut iacet, rescriberem. Paucis illam do. Aiunt ergo ad sacramentum necessariam esse confessionem moraliter integram; & hanc facere eum qui confitetur ea omnia quæ cognoscit necessario confitenda, quamvis supprimat ea quæ vel certo, vel probabiliter, probabilitate omnino certa cognoscit non esse de necessitate confessionis. Viden' quæ distinctionularum præsidia suppeditat Probabilismus? Vel ipsi cordatiores Probabilitæ improbant in quacumque materia opinionem tantum probabiliter probabilem; & nunc in materia sacramentaria obtruditur probabilitas certo probabilis? Quid heinc? Hæc probabilitas certo probabilis efficit opinionem tutam. Ergo frustraneum evadit pontificium decretum, quod ex opinionibus controversis præcipit tutiorem amplectendam. Falleris, reponunt. Tutior utique est sententia quæ defendit, manifestandas circumstantias mortaliter aggravantes. Sed tamen tanta, ut sic loquamur, TUTITAS, aut securitas non est necessaria, sed fiet ex redundanti quadam supererogatione. Quis ad eiusmodi TUTITATIS catapultam arma non poluerit? Tu lector iudica, qua simplicitate & maiestate gravissimæ de re sacramentaria quæstiones dirimantur. Adeo enim arbitrarie, & commentitiæ mihi apparent eiusmodi distinctionulæ, ut refelli gravi oratione ne-

queant ; sed sola iusta derisione contemnendæ videntur , salva erga Auctores reverentia .

XIII. Sententia igitur nostra perspicue , & conceptis verbis traditur ab ipso Tridentini Concilii Catechismo , munitur decreto Innocentii XI. & tandem invictis rationum momentis confirmatur . Et principio iterum sub oculos revocamus sententiæ nostræ germanum sensum . Dicimus itaque , circumstantias quæ mortalem malitiam non augent , non esse confitendas . Materia furti mortiferi scutum Romanum sit . Furaris scutum , & præterea quatuor , sex , octo , novem iulios . Hæc circumstantia non est necessario manifestanda : quia se sola non constituit peccatum mortale in hypothese quod gravis materia furti sit unum scutum Romanum . Cur hoc ? Quia , respondet S. Thomas , peccata venialia non sunt necessario confitenda . Si contra , non unum , sed duo scuta furtis , tunc addis circumstantiam , quæ seipsa separata a peccato mortali furti , constituit peccatum mortale . Uno actu occidis tres homines , aut deliberate cupis occidere : tum circumstantia necessario est confitenda : quia unius hominis occisio est peccatum letale . Ne multa : quando accessio malitiæ ad peccatum mortale seipsa mortalis est , necessario aperiri debet , secus quando est venialis . Hæc est summa Angelici Præceptoris doctrina , quam sic confirmo .

XIV. Qui confiteri scienter recusat accessionem mortalis malitiæ , non facit confessionem formaliter integram : quia scienter reticet malitiam , quæ , licet coniuncta peccato mortali sit , tamen æquipollenter , ut dicitur , est peccatum mortale . Qui enim furatur centum nummos aureos , quorum singuli constituunt furtum mortale , perpetrat furtum quod æquivalet centum furtis mortiferis . Actus voluntatis , quo decem personas concupiscis , æquivalenter est decem actus . Idque evidentius patet , si personæ moraliter specie differant , ut una sit mater altera filia , illa monialis , hæc soror , illa mulier , hic masculus . Unicus actus quo has personas concupiscis , æquivalet decem actibus specie diversis , quorum unus in matrem , alter in filiam , alter in sororem , alter in monialem &c. tandat . Facit ne confessionem formaliter integram qui non confitetur quot personas specie diversas uno actu impudice concupivit ? Negas . Ergo non facit confessionem formaliter integram qui non confitetur , quot personas numero distinctas unico actu libidinose appetiit . Probo consequentiam . AEque astringeris confiteri peccata mortalia specie , ac numero distincta . Hæc propositio certissima penes omnes est . Ergo æque confitenda est virtualis multiplicatio numerica , quam virtualis multiplicatio specifica . Cedo : cur astringeris confiteri multiplicationem virtualem specificam ? Non sane alia ratione , nisi quia teneris manifestare omnia peccata diversa secundum speciem . Ergo teneris confiteri virtualem multiplicationem numericam , quia astrictus es confiteri omnia peccata formaliter

le-

secundum numerum distincta. Debitum manifestandi omnia peccata specie formaliter distincta infert necessitatem confitendi omnia peccata virtualiter tantum secundum speciem multiplicata. Ergo debitum manifestandi omnia peccata secundum numerum formaliter distincta infert necessitatem confitendi omnia peccata virtualiter distincta secundum numerum. Ergo qua ratione quis astringitur manifestare omnes personas specie diversas, quas unico actu concupivit vel occidere, vel impudice cognoscere, eadem ratione obstringitur manifestare omnes personas numero distinctas, quas vel impudice deperit, vel occidere desideravit. Præterea. Si adderetur species nova, & non malitia mortalis, esset ne confitenda? Nequaquam. Ergo tota manifestationis ratio non est species differens, sed adiecta malitia mortalis. Ergo, ubi fuerit malitia dupla mortalis, sive sit eiusdem, sive alterius speciei, manifestanda est.

XV. Propositam rationem confirmat Concilium Tridentinum *sess. xiv. cap. v.* ubi definitur, *oportere a pœnitentibus omnia peccata mortalia, quorum post diligentem sui discussionem conscientiam habent, in confessione recenseri, etiamsi occultissima illa sint . . . Colligitur præterea etiam eas circumstantias in confessione explicandas esse quæ speciem peccati mutant, quod sine illis peccata ipsa nec a pœnitentibus integre exponantur, nec iudicibus innotescant, & fieri nequeat ut de gravitate criminum recte censere possint, & pœnam quam oportet, pro illis pœnitentibus imponere. Unde alienum a ratione est docere, circumstantias has ab hominibus otiosis excogitatas fuisse; aut unam tantum circumstantiam confitendam esse, nempe peccasse in fratrem.*

XVI. Ex his ultimis verbis compertum est, Concilium adversus novatores dogma catholicum circa confessionem declarasse. Definivit autem, omnia peccata & quantum ad speciem, & quantum ad numerum, etiamsi occultissima, manifestanda Sacerdoti esse. Cur? Quia sacramentum istud institutum est per modum iudicii, in quo Confessarius ut iudex recognoscere rei delicta, ut congruas imponere pœnas; & ut medicus circumstantias morbi perspectas habere debet, ut applicare idonea remedia possit. Quæ sane ratio æque infert necessariam notitiam peccatorum quantum ad speciem, & quantum ad numerum.

XVII. Salmanticenses huic argumento, ex Concilio repetito, post magnam verborum congeriem adversus Suarez, qui illud proponit, respondent tandem num. 98. hoc pacto. *Si relata Concilii verba, & motiva in eis expressa æque militarent in circumstantiis intra speciem notabiliter aggravantibus, ac in circumstantiis mutantibus speciem; fieret tam de fide esse necessitatem confitendi illas ac istas . . . Consequens vero est evidenter falsum.* Ergo &c. Quæ, malum, isthæc argutandi ratio, quæ prima theologica principia turbat, atque pervertit? Nulla imposterum argumentandi ratio ex Scripturis, ex Conciliis, ex Patribus solida

erit : quia si illatio legitima esset , ad fidem attineret , inquit Salmanticenses : Sed quod expresse revelatum in Scripturis , definitum in Conciliis , confirmatum a Patribus non est , ad fidem non attinet . Ergo quidquid inde deducitur , ineptum est , quia ad fidem non attinet ? Ita ne argumentari Theologos decet ? Percontandum ab istis Theologis esset , quid sit conclusio theologica ? Verum , ne insultare viris quos magni facio , videar , paucis dico , illorum responsum esse ineptissimum . Fatemur , sententiam nostram ad fidem non attinere ; sed dicimus , adeo evidenti ratiocinio ex doctrina fidei definita in Concilio deduci , ut nihil opponi possit , nisi scilicet vana sophismata , quæ obtrudunt citati Auctores . Reponi etiam solet , in legibus positivis non consistere argumentum deductum a paritate rationis . Quod effugium non minus futile est , quam præcedens : quoniam non a paritate argumentamur : neque Concilium aliquam legem positivam condidit in laudato decreto , ut nimis crasse opponitur ; sed naturam iudicii sacramentalis , quod Christus instituit ad aliorum iudiciorum normam , declaravit .

XVIII. Insistunt . Si æque necessario manifestandæ essent circumstantiæ mortaliter aggravantes intra speciem , ac aliæ mutantes speciem , cur Concilium utrumque non definivit ? Iam dictum est , Concilium doctrinam catholicam adversus novatores definivisse , iis missis quæ in utramque partem a Theologis catholicis disputantur . Hic enim fuit scopus & finis Concilii , ut omnes docti satentur . Sed quod omisit Concilium , supplevit eiusdem Catechismus , perspicue declarando necessitatem manifestandi circumstantias aggravantes mortaliter intra eandem speciem . Et pudere deberet quemlibet Theologum , doctrinam docere evidentissime contrariam doctrinæ eiusdem Catechismi , qui tanta in universa Ecclesia auctoritate pollet .

XIX. Accedit quod , quamvis Concilium aperte non definierit hanc controversiam , ea tamen principia posuit unde laudatus Catechismus elicit necessitatem manifestandi utrasque circumstantias , & quantum ad speciem , & quantum ad accessionem malitiæ intra eandem speciem . Quid quod sæpe circumstantiæ addunt malitiam mortalem numericam longe graviores malitia mutante speciem ? An furtum mille aureorum graviores non prodit malitiam furto unius aurei in sacro loco patrato ? An conflagratio integræ familiæ enormior longe non est quam incendium unius sacræ vestis valoris unius aurei ?

XX. Sed quam sit absurdorum plenissima contraria opinio , videamus . Hæc opinio latronum , prædonum , & grafsatorum atrocitati , ac rapinis favet ; sævitque in miseros latrunculos , quos , si decem parvula furtula unius ducati repetitis actibus perpetrant , cogit ad hæc decem pandenda furtula Sacerdoti : contra , grafsatores & prædones , qui unico actu centum millia aureorum furantur , ab

que-

onere manifestandæ tantæ iniquitatis portentum eximit, solumque obligat ut manifestent furtum mortale, puta unius ducati, aut unius aurei. Immo sævior hæc opinatio est in homunculum qui bis furripuit unum aureum, quam in prædonem qui ærarium expilarit, & centena millia talentorum corrogarit. Huic enim favorem impertit, ut dicat unica vovula se letale peccatum furti patrassè; illum ad duo furta mortifera aperienda adigit. Quid plura? Auctores istius sententiæ ius dant prædonibus, grassatoribus, & famosis latronibus, imbutis doctrina Diannæ, Killefoniæ, Leandri, Caramuelis, aliorumque talis opinionis patronorum, ut contendant cum Confessario, exigente quantitatis pecuniæ sublatæ notitiam. Animos illis adiiciunt, ut cum *reverentia dicant, se explicuisse quod debuerunt, & posse reticere quod tacent*. Neque hic gradum sistunt; sed in ipsum Confessarium sæviunt, quem obstringunt ut se conformet cum iudicio prædonum, & grassatorum, eosque absolvere debeat. *Nequit Confessarius illos amplius cogere, nec illis absolutionem denegare, quia procedunt secundum opinionem probabilem, & tutam; atque adeo se debet Confessarius conformare cum illis: concludunt citati Auctores*. Sed picturam istius opinionis persequamur. Qui uno istu decem occidit homines, dicat, iniquiunt benigni Theologi, *Semel homicidavi*. Qui uno actu concupivit adulterari cum centum uxoribus, aut fornicari cum centum feminis, dicat: *Semel animum habui adulterandi, fornicandi*. Qui uno pravo consilio induxit centum homines, aut mulieres *ad homicidandum, ad furandum, ad meretricandum, ad blasphemandum*, dicat: *Semel induxi ad meretricandum, ad blasphemandum &c.* Qui coivit cum matre, cum filia, cum sorore, admissa sententia Tamburini, Filiucii, & aliorum, aientium gradus consanguinitatis specie non differre, dicat, *Commisi incestum*. Femina quæ rem habuit cum Episcopo, cum Prælate regulari, cum claustrali, dicat: *Rem habui cum homine ligato castitatis voto*. Qui statuit toto anno non ieiunare, non audire Sacrum, non recitare horas canonicas, dicat: *Semel habui animum non ieiunandi, non audiendi Sacrum, non recitandi horas canonicas*.

XXI. Quis tam immania paradoxa credere posset, aut animo fingere, nisi typis publicis edita legerentur? Si ad vulgus indoctum, si ad intimum animæ christianæ sensum hæc causa deferatur, quod iudicium pronuntiabit in hanc opinionem? Cum Tertulliano ergo in *Testimonio de anima adversus gentes cap. 1.* clamemus: *Consiste in medio anima . . . Sed non eam se advoco quæ scholis formata, bibliothecis exercitata, academiis & porticibus Atticis passa, sapientiam rusticas. Te simplicem, & rudem, & impolitam, & idioticam compello, qualem habent qui se solam habent, illam ipsam de compito, de trivio, de sextrino totam. Imperitia tua mihi opus est, quoniam aliquantula peritia tua nemo credit. Ea supposito quæ tecum in hominem inseris*. Et paulo post, nempe *cap. v.* sic persequi-

quitur. *Hæc testimonia animæ, quanto vera, tanto simplicia, quanto simplicia, tanto vulgaria, quanto vulgaria, tanto communia, quanto communia, tanto naturalia, quanto naturalia, tanto divina, non pusem cuiquam frivolum, & frigidum videri posse, si recogitet naturæ maiestatem, ex qua censetur auctoritas animæ. Quantum dederis magistra, tantum adiudicabis discipula, magistra natura, anima discipula. Quidquid aut illa edocuit, aut ista perdidicis, a Deo traditum est, magistro scilicet ipsius magistræ.*

XXII. Quid? Ad vulgi, ad animæ idiotæ tribunal controversias theologicas defer? Sic nugati nonnulli sunt adversus opus meum, inscriptum *La Quaresima Appellante*. Sed nugæ istas in præfatione ad idem opus deridendas propinavi. Dicimus, morum regulas ad tricas scholasticas non esse revocandas; sed ipsum naturæ lumen, & intimum animæ sensum, fidei lumine persusum, & Scripturarum, Patrumque doctrina imbutum, consulendum. Quandoquidem interdum præiudicia domo delata, partium studia, scholarum anticipationes aliquando ita quorundam Casuistarum, & Scholasticorum mentem obnubilant, ut eas opiniones in medium proferant quæ ipsius animæ idioticæ iudicio paradoxa formidanda videantur. In semitam a diverticulo revertamur.

XXIII. Adversæ sententiæ argumenta iam ex Salmanticensibus supra indicavi; quæ ad quatuor capita revocantur. 1. ad auctoritatem S. Thomæ. 2. ad Auctorum multitudinem. 3. quod sententia nostra onus admodum grave imponat. 4. quod hæc sententia scrupulis, & angustiis animas torqueat. Obiter hæc ibidem dilui, nunc paucis iterum patefaciam, quam vana, quam arbitraria, & patenter falsa sint quæ adversarii obtrudunt. De duobus primis nihil adiciam. S. Thomam nullo modo adversariis favere, sed a nobis stare, palam feci. Ad Auctorum multitudinem quod attinet, iterum dico, Albertum Magnum, Bonaventuram, Antoninum falso a parte contraria laudari. Ceteris vero Casuistis, etiam si sexcenti, nedum triginta essent, unius Catechismi Tridentini auctoritas prævalet, atque illorum auctoritatem penitus elidit, & labefactat, ita ut nullo modo in praxi probabilis dici ea opinio possit. Duo ultima, quæ obiiiciuntur, a loco topico Probabilissimi repetita, pleno in lumine colloco, ne quidquam dissimulare videar.

XXIV. Opponunt itaque 3. Salmanticenses. Manifestatio circumstantiarum intra eandem speciem iugum est admodum durum, & sævum, quod imponendum non est, nisi certo constet de lege. Lex autem non constat; cum videamus gravissimos, & plurimos Scriptores oppositum docere. Præterea, si lex adesset, illam explicuisset, aut allegasset Concilium Tridentinum: quod non fecit. Resp. Legem indicasse Tridentinum, eamque perspicue declarasse eiusdem Catechismum, iam ostendi. Ad multitudinem Auctorum quod attinet, similiter responsum est. Auctores qui ipsa hanc opinionem docent, nullius sunt auctoritatis, si cum

præfato Catechismo, & Theologis qui nostram propugnant sententiam, comparentur. Quid quod ætate nostra omnes graviores Theologi, a quibus citandis superfluo brevitatis causa, nostram docent sententiam?

XXV. Opponunt 4. Augmentum malitiæ non modo ex obiecto, sed etiam ex intensione, continuatione, & delectatione, cognitione, & libertate actus proficiscitur. Pœnitens itaque expendere, & ad trutinam revocare deberet gradum intensiōis, delectationis, libertatis, & cognitionis malitiæ: & ecce scaturiginem apertam scrupulorum, anxietatum, turbationum, angustiarum in his discernendis. Quis enim, non dico idiotarum, sed neque sapientum definire gradum intensiōis, continuationis, & delectationis audebit?

XXVI. Resp. Hæc spectra tetricis coloribus depingere, altius exaggerare, & augere minime erubescunt adversarii, ut invidiam sanæ doctrinæ consensent, & horrorem. Uno verbo dico, puras putasque chimæras has esse, ad desperatam causam tuendam confictas. Quis Theologorum qui nostram propugnant sententiam, assertit, intensiōem delectationis, libertatis, cognitionis &c. circumstantias communiter esse necessario manifestandas, nisi in actus externos erumpant, unde certo dignosci valeat mortalis accessio malitiæ? Bona fide oranda causa est. Quia nos gradus intensiōis, delectationis, libertatis &c. actuum latent; quia istorum malitia humanæ mentis aciem etiam doctiorum, nedum idiotarum fugit: ideo ne occultandæ sunt circumstantiæ mortaliter aggravantes, quarum malitia sensibus ipsis obvia est? Manifesta falsitas est, sententiam nostram scrupulis, perplexitatibus, & angustiis conscientias torquere. Quoniam omnes uno ore fatemur, illas dumtaxat circumstantias confitendas esse quarum letalis malitia nobis nota est, & verbis eam exprimere valemus. Ubi ergo illa scrupulorum scaturigo? Ubi ingum illud truculentum, horridum, sævum, quod imponimus? Hæc ne sincera & simplex disputandi ratio?

XXVII. Sed, ut ad ultimas angustias adversarios redigam, quæro: cur latro qui mille aureos, aut centum mille, aut centum, aut quinquaginta furatus est, aut concupivit furari, exprimere non debet? Quænam occultationis causa? Quia non adest lex ad id urgens. Hoc est in questione. Immo legem adesse natura ipsa testatur. Cur manifestare ille non debet, se uno actu occidisse, aut concupivisse occidere decem homines, fornicari cum decem feminis &c? Cur, si quis amavit feminam, odio habuit proximum per diem integrum, per hebdomadam, per mensem: cur, inquam, hæc omnia manifestare non debet? Ubi in hac manifestatione scrupulorum, anxietudinum, angustiarum spectra, quæ finguntur in veritatis detrimentum?

XXVIII. Ex his omnibus patet, opinionem negantem debitum manifestandi circumstantias mortaliter aggravantes, esse purum putumque combinentum metaphy-

physicum, ut *par. vi. de pœnit.* inquit Melchior Cano. Missis ergo tricis metaphysicis, & ineptis speculationibus, confessio sacramentalis sit sincera & simplex; & eas circumstantias quisque manifestet quas bono præditus sensu cognoscit mortaliter aggravantes. In ipso foro civili de furti gravitate inquiritur, ut pro rei surreptæ quantitate congrua pœna imponatur. Et Confessarius scire debet quantitatem furti, ut pœnitentiam convenientem præscribat. Aequalem pœnitentiam imponet ne & latrunculo unius aurei, & latroni qui centum, qui mille aureos surripuit? Sed quid ultra absurda, & paradoxa huiusce opinionis urgemus, cum undique prostrata sit & contrita?

XXIX. Oppones 5. Ecur in hac gravi causâ solos Salmanticenses tum scholasticos, tum, morales refellendos suscepisti, cum sint de Schola Thomistica optime meriti, & insignes S. Thomæ interpretes? Resp. Quia istos præ ceteris magni facio. Quia istorum auctoritas prævalet aliis. Quia cum Theologi adeo acuti & celebres nihil solidi excogitare potuerint, ut afflictam causam propugnarent, heinc patet, opinionem negantem debitum manifestandi circumstantias mortaliter aggravantes esse penitus falsam & improbabilem.

XXX. Oblitus fui resolvere aliam Salmanticensium obiectiunculam, quæ hæc est. Non tenetur quis manifestare circumstantias minuentes malitiam: ergo neque aggravantes. Argutatio digna erat oblivione. Quis Theologorum dicere ausus fuerit, nos non teneri ad manifestandas circumstantias notabiliter minuentes malitiam mortalem, sive quæ efficiunt aut ne peccatum sit mortale, aut ne peccatum mortale non habeat novam malitiam mortalem? Nisi hæc manifestentur, Confessarius deciperetur in re gravi. Hæc obiectio confirmat quæ dixi, adversam opinionem carere probabili fundamento.

C A P U T VII.

De ceteris circumstantiis.

I. **D**E circumstantia *Quid.* Ad hanc circumstantiam revocatur quantitas, & qualitas peccati, & persona in quam peccatur. Disputant iuniores, aperienda ne sit persona de qua quis morose delectatur, quæ manifestanda esset; si opus accessisset. Opinionem negantem defendit Vasquez, cui subscribunt Reginaldus, Sayrus, & alii. Adfirmantem defendit Lugo cum aliis.

II. P. Dominicus Viva *quæst. v. art. 4. num. 3.* inquit: „ Equidem cenfeo utramque opinionem esse probabilem, primam tamen esse probabiliorē. “ En Probabilissimum, verum & falsum æqualiter comprehendentem. Utramque probabilem censet P. Viva; sed primam iudicat probabiliorē. Si quis veneret delectatur

tur morose cum matre, cum sorore, cum filia, cum moniali, *probabilius* iuxta P. Viva est quod non tenearis sateri circumstantiam personæ. Hæc sunt verba P. Viva „ Quare satis est in confessione dicere : Toties morose delectatus sum „ de copula illicita, non explicando, an cum nupta, vel cum moniali, confan- „ guinea &c. vel toties morose delectatus sum de occisione hominum, non ex- „ plicando, an sit circa patrem, vel Sacerdotem, vel inimicum, aut alterius „ conditionis.“

III. Hanc opinionem, quam P. Viva indicat probabiliozem; ego reiicio ut la- xiozem, falsam, & improbabilem. Sensus communis eam execratur. Multas a- lias quæstiunculas de hac morosa delectatione instituunt Viva, La-Croix, & alii, quas prætereundas duco, quod legentium mentem inquinant. Intimus naturæ in- stinctus hæc peccata detestanda, & patefacienda, si perpetrentur, dicit.

IV. P. Claudius La-Croix *Lib. VI. part. 11. num. 1030.* inquit : „ Qui sine ullo „ desiderio personam *venereæ* aspicit, non tenetur dicere (in confessione) qualis „ persona fuerit.“

V. Idem P. La-Croix *ibidem num. 1031.* „ Qui sine desiderio *venereæ* attigit puel- „ lam, secundum Dianam „ satisfacit dicendo se toties attigisse turpiter, nihil di- „ cendo de partibus in quibus attigit. „ Subdit : „ Alii *probabiliter* dicunt exprimen- „ dum, si partem turpem attigerit. „ Relinquit lectori, ut eligat quod sibi proba- biliter, & commode cadit, quin de more suum iudicium proferat. Ecce non est exprimendum, *venereæ* aspexisse matrem, filiam, sororem, monialem ? Cur ex- primere ille non debet, an manum *venereæ*, an mamillas, an genas, an verenda tetigerit ? Quænam reticentiæ ratio ? An Rigorismum sapit hæc simplex nar- ratio tactus talis, qualis fuit ? Sed ultra pergamus.

VI. Idem P. La-Croix *ibidem num. 1040.* „ Qui fornicatus est cum tribus diver- „ sis, vel ter cum una, satisfacit dicendo, se ter fornicatum, nec tenetur dice- „ re, an fuerit una, vel plures, an fuerint meretrices, an aliæ, dummodo non „ sit cooperatus ad impediendam generationem. Bonacina, Tamburinus. „ Si ter peccat cum eadem, potest esse consuetudo peccandi. Sed hanc per se non tene- tur fornicator manifestare, inquiunt Probabilistæ. At si sunt tres semina diver- sâ, sunt tria scandala diversa. Sed cur fornicator exprimere non debet has tres personas ? Quia iugum suave est, & non debet aggravari, inquiunt. Ita ne ve- ro ? Hæc opinio falsa est, & improbabilis.

VII. Idem P. La-Croix *ibidem num. 1047.* „ Si Sacerdos fornicetur cum filia con- „ fessionis, S. Th. Sot. Sanch. & alii gravissimi Auctores, quos refert, & sequi- „ tur Aversa *quæst. xvi. l. 14.* adhuc dicunt contrahi novam speciem malitiæ : „ quia ius canonicum vocat quoddam adulterium, vel incestum ; & reipsa vide- „ tur esse species irreverentiæ & sacrilegii in sacramentum. E contra esse sim- „ pli-

„ plicem fornicationem, ac posse taceri, quod fuerit filia confessionis, docent Le-
 „ desm. Vafq. Sa, Bonac. Filliuc. I. San. Pontius. P. Hurt. Ochag. Dic. Tamb.
 „ Dian. Lugo: quia ex confessione nulla oritur cognatio spiritualis, uti certum
 „ est, nec apparet, cur censeatur fieri irreverentia sacramento iam præterito,
 „ cum peccatum non habeat respectum ad illud. *Utraque sententia est probabilis.*
 „ *Prima est conformior iuri canonico. Sed secunda videtur ex ratione probabilior.*“

VIII. Intellexistis? Utraque probabilis. Elige quæ tibi commode cadit. Secun-
 da commodior, & probabilior, inquit P. La-Croix, ex ratione. Prima conformior
 iuri canonico? Secunda conformior rationi? Quid? Pontifices ergo, & Patres iu-
 ris canonici, conditores ex arbitrio, ex auctoritate, non ex ratione regulas con-
 scientiæ condunt? Melius ergo rationem comprehenderunt Tamburinus, Diana,
 Lugo, Filliucius, quam Pontifices, & Patres? Doctrina conformior est iuri cano-
 nico; sed iuxta Casuistas est probabilior. Et Probabilistarum plures nobis succen-
 sent, si dixerimus, hunc modum opinandi improbandum esse? Dico igitur, opinio-
 nem quam P. La-Croix probabilior appellat, esse laxiorem, falsam, & impro-
 babilem. Episcopi communiter hunc casum sibi reservant. Ergo iuxta communem
 Ecclesiæ sensum præfata opinio improbabilis est. Quid quod sapientissimus Ponti-
 fex BENEDICTUS XIV. abstulit auctoritatem Confessariis absolvendi ab hoc cri-
 mine, sibi que eam reservavit? ut infra dicitur.

IX. De Lugo de poenit. disp. xvi. sec. 3. num. 142. „ De circumstantia sollicitan-
 „ tis feminam ad fornicationem, an sit explicanda; an vero sufficiat fateri for-
 „ nicationem, placet quod cum aliis docet Vafquez, non esse explicandam illam
 „ circumstantiam: quia illa malitia habetur, licet non ita gravis, quando ali-
 „ quis non sollicitat: adhuc enim participat cum illa in suo peccato, & est
 „ causa cooperationis ad eius ruinam.“ Hæc opinio falsa, laxa, & improbabilis
 est. Qui feminam sollicitat ad fornicandum, peccat sollicitando contra caritatem.
 Qui cum femina consentiente fornicatur, peccat contra sextum præceptum. Pla-
 ra ibi, & alibi laxiora De-Lugo docet: quod ideo dico, ut caute, & cum at-
 tentione legatur.

X. P. Dominicus Viva quest. v. art. 4. num. 10. „ Si quis alium sollicitavit, &
 „ peccatum non est secutum, debet id in confessione explicari: si tamen pecca-
 „ tum est secutum, putat probabiliter De Lugo, & Tamburinus contra Sanch.
 „ & Bonac. non esse explicandum, quod primus invitaveris, quia quamvis gra-
 „ viter peccaveris invitando, adhuc tamen es particeps peccati illius, etiam si non
 „ invitaveris.“ Addit tamen probabilior videri opinionem contrariam. Sed,
 cum iuxta ipsos tuta sit etiam opinio minus probabilis, nihil iuvat ad tollendam
 laxitatem, quod dicatur unam esse probabilior altera, quando asseritur proba-
 bilem esse præfata opinionem Lugo, & Tamburini.

XI. Blasphemix contra Deum, B. Virginem, & Sanctos explicandæ sunt in confessione, quidquid dicant Azorius, Tamburinus, & Viva.

XII. P. Dominicus Viva *quest. v. art. 4. num. 7.* „ Quando quis odit proximum, desiderando illi infamiam, mortem, paupertatem, aut aliud malum, *probabile* „ est huiusmodi mala non esse in confessione explicanda, sed satis esse, si pœnitens dicat, se toties graviter odisse proximum. Ita Leander, Lugo, Valentia, „ Bonacina, “

XIII. Hæc opinio falsa, laxa, & improbabilis est. Eccc non sunt explicandæ hæ circumstantiæ? Quia reticentia commodior est. Alia assignari ratio non potest.

XIV. P. Dominicus Viva *ibidem num. 9.* „ Qui sodomiam exercet, probabilius „ explicare debet, fuerit ne agens, an patiens, quia agens committit etiam pollutionem. *Verum* Diana ex Alphonso de Leone putat non esse hoc explicandum, *sicut nec si cum mare, an cum femina.* “ Hanc laxam Dianæ opinionem non refellit P. Viva, sed solum dicit contrariam opinionem esse probabiliorem. Et Probabilista beneficio Probabilissimi eliget minus probabilem.

XV. Plurima alia dicenda forent de hac circumstantia *quid*; sed patent ex aliis tractatibus. Ob oculos tantum ponam thesım 25. damnatam ab Alexandro VII. *Qui habuit copulam cum soluta, satisfaciit confessionis præcepto, dicens: Commisit cum soluta grave peccatum contra castitatem, non explicando copulam.* Hæc damnata thesıs legitimus fetus est opinionis negantis necessitatem confitendi circumstantias aggravantes intra eandem speciem. Quoniam, argumentatur auctor thesıs Caramuel, copula exterior non addit malitiam specie diversam; sed solum est circumstantia intra eandem speciem, Ergo si circumstantiæ aggravantes non sunt confitendæ, neque copula. Plures excogitarunt distinctiunculæ, quibus a damnatione huius thesıs subducerent opinionem negantem debitum manifestandi circumstantias aggravantes. Dicit P. Viva in *trist. num. 5.* in hanc thesım, esse confitenda peccata secundum numerum, & patefaciendum præter internum, etiam externum actum, eo quod copula pertineat ad *individuationem* numeri. Bene habet. Sed etiam quantitas centum aureorum *individuat* furtum. Cur ergo non est manifestanda? Plura dicere possem; sed satis sit admonuisse lectorem de hac thesi.

XVI. De circumstantia *Ubi*. Hæc locum indicat, mutatque speciem, ut si quis in loco sacro effundat sanguinem humanum, fornicetur, polluat, furetur, violetque immunitatem ecclesiasticam. Qui in loco sacro furatur rem sacram, sacrilegium duplici titulo perpetrat, ratione & rei sacræ, & loci sacri. P. Viva ex Fagundez, & Diana monet lectorem, sat esse, si dicat in confessione, Commisit furtum sacrilegium. Ego moneo hanc opinionem falsam esse: quia est duplex mortalis malitia, licet contra eandem virtutem religionis. Qui furatur in loco sacro rem profanam, puta crumenam a divite orante, sacrilegium perpetrat, ut

communiter Auctores docent. P. Viva tamen de more advertit, *De Lugo, Lefsum, Henriquez, probabiliter* putare, non esse sacrilegium, nisi quando res posita est in Ecclesia ratione custodiæ, vel securitatis; aut si sit Ecclesiæ commoda. Sed commentum hoc arbitrarium est, communi Canonistarum, & graviorum Theologorum sententiæ contrarium.

XVII. P. Claudius La-Croix *Lib. VI. part. 11. num. 1090.* narrat utramque opinionem: & introducit Dicastillum, qui agnoscit *parem fere in utraque sententia probabilitatem*; attamen magis in primam inclinat. Verum sola prima vera, & probabilis; falsa altera, & improbabilis.

XVIII. Homicidium perpetratum in Ecclesia etiam sine sanguinis effusione sacrilegium est. Qui in Ecclesia existens occidit alterum extra Ecclesiam, sacrilegus est; quidquid in oppositum P. Viva ex Leandro, & Fagundez dicat. Similiter sacrilegus est qui extra Ecclesiam existens occidit telo alium intra Ecclesiam extantem. Qui alium percutit enormiter cum effusione sanguinis, sacrilegium committit. Requiritur tamen, inquit P. Viva, cum Suarez, ut effusio sanguinis sit magna: quia effusio *copiosum fluxum significat*. Vulnus etiam mortale pugione inflictum paucas guttas sanguinis emittit. Hic ergo qui pugione enormiter ferit in Ecclesia, non erit sacrilegus? Sed quænam erit istius magnæ effusionis mensura? Etiam P. La-Croix *num. 1016.* cum Lugo, Stoz, Tamburino, & aliis docet, non sufficere aliquas guttas effluere. Sed has opinioniones ut falsas reiicio. Ad sacrilegium sat est enormis percussio, accedente sanguinis effusione. Immo addo, non modo sacrilegum esse qui percutit cum sanguinis effusione, per quam polluitur Ecclesia; sed etiam illum qui enormiter laicum percutit, illosque qui publicas pugnas peragunt in Ecclesia: quia locum sacrum inhonorant, & gravissimam irreverentiam irrogant, ut ex se constat.

XIX. Circa effusionem seminis, Vasquez, Diana, & alii, quos refert P. La-Croix, pollutionem in Ecclesia occulte factam negant esse sacrilegium. Sed hæc opinio nulla prædita est probabilitate. Ipse P. La-Croix oppositam, quam defendunt Suarez, Sanchez, Lugo, Bonacina, Dicastillo, iudicat esse probabiliorem. Sacriliegium ergo perpetrat qui pollutionem voluntariam in Ecclesia exercet sive privatim, sive publice. Persequitur suam historicam casuum narrationem P. La-Croix. Quod dictum est, inquit, de pollutione, dicunt Auctores secundæ sententiæ contra Auctores primæ, etiam de copula illicita occulta in loco sacro commissa. Nihil Auctor iste opponit contra tam laxam opinionem Vasquez, & Dianæ, qui liberant ipsam fornicationem in Ecclesia occulte peractam a circumstantia sacrilegii. Narrat similiter idem La-Croix, Vasquez, & Sa defendere, copulam coniugalem non esse sacrilegam in loco sacro exercitam. Quæ opinio falsa est. Si, necessitate urgente, diu manere in Ecclesia coniuges deberent, tum copula

ad evitandam incontinentiam a sacrilegio immunis esset. Fatetur & ipse *La-Croix*, talem copulam probabilius non esse sacrilegam interveniente necessaria vitandæ incontinentiæ causâ.

XX. *P. La-Croix Lib. VI. part. II. num. 1072.* „ Probabile est quidem quod o-
„ scula, tactus, aspectus, turpiloquia, *etiam publice facta in loco sacro*, non ha-
„ beant rationem sacrilegii; ideoque opus non sit dicere esse ibi facta, uti tenent
„ Sanchez, Averfa, & alii cum Diana.“ Hæc opinio intimo meo sensui horro-
rem ingerit. Pusillum, & meticulosum Probabilistæ citati me dicturi forsitan erunt.
Esto. At unde colligunt osculari feminas, earum mamillas tangere, aliasque par-
tes, *etiam publice* in Ecclesia, non esse sacrilegium? Ego dico esse sacrilegium,
& quidem scandali plenum. An hic cum Tertulliano appellandum non est ad
tribunal animæ idioticæ, ut in talem opinionem iudicium dicat? Tum solum,
subdit *P. La-Croix*, committeretur sacrilegium, quando *quis meretricem ante alta-
re publice impudice tangeret*; si quis *surpem comædiam in templo exhiberet*. Si igitur
post altare, vel longius ab altari in medio Ecclesiæ meretricem, aliamve fe-
minam impudice quis tangeret *publice*, liber esset a sacrilegio; non deberet ex-
primere, se id peregrisse in loco sacro? An hæc sint paradoxa, communi sensui
repugnantia, aliorum esto iudicium. Imbecillitati meæ talia apparent. Plura a-
lia recensere possem, quæ prætereo.

XXI. De circumstantia *Quibus auxiliis*. Hæc circumstantia indieat media, seu
consilia, suasiones, quibus aliquis utitur ad peccandum; ut si quis induxit filium
ad occidendum patrem, quæ circumstantia explicanda est; cum præter homici-
dium sit parricidium. *P. Viva* inducit Doctores dubitantes, an debeat explicari
peccati species ad quod pravo exemplo inducitur. Lugo, & Navarrus, ut ille
inquit, negant, si solum indirecte malum exemplum influit in proximi ruinam.
Verum *Suarez, Sanchez, Vasquez* adfirmant absolute explicandam esse hanc cir-
cumstantiam, sive directe, sive indirecte quis exemplo pravo alterum inducat ad
peccandum.

XXII. Quis fregit ieiunium comedendo carnes, debet ne explicare carniû es-
um? Respondet *P. Viva probabiliter* ex Granado negative: quia fractio ieiunii,
sive fiat per duplicem comesturam, sive per esum carniû, opponitur eidem vir-
tuti. Sed cur non debet explicari fractio duplicis præcepti? Confessio *simplex* sit
oportet. Quomodo autem simplex, nisi sincere peccatum narretur, sicuti reipsa
contigit? Verum de hac simplicitate infra.

XXIII. Circumstantia *Cur finem* prodit propter quem quis peccat; ut si quis
furatur adulterandi causâ, furtum tunc eligitur tamquam medium ad exe-
quendum adulterium. Peccatum ex se veniale letale evadere potest pro-
pter finem pravam; sicuti cum quis mentitur, ut feminam inducat ad forni-

nicandum. Leviora sunt quæ de hac circumstantia disputari solent, idcirco illa prætereo.

XXIV. Circumstantia *Quomodo* plura includit, nempe culpæ durationem, contemptum, consuetudinem &c. Occidisti hominem. Quomodo? Post necem sævisti in cadaveris membra, dilacerasti, iecur excerpisti &c. Hæ sunt circumstantiæ ferinæ sævitiei explicandæ. Qui furtum per vim patravit, rapinam commisit. Porro rapina infert iniuriam personæ præter furti iniustitiam.

XXV. De temporis duratione hæc docent Casuistæ laxiores. Qui per annum animum habuit *homicidandi*, non restituendi, non tenetur fateri hanc circumstantiam; sed sat est ut dicat, consensu semel in homicidium, non restitui rem alienam. Quod quis aut per diem, aut per annum iniquo animo pauperum debita, mercenariorum sanguinem, mercatorum vivum in manu retineat, perinde est? Quæ sequuntur damna, *per accidens* se habent? Modo loquimur, inquirunt, per se. Sic confessio per se erit simplex, in praxi versuta per accidens. Hoc paradoxon supra refelli.

XXVI. Plura dicenda forent de actuum interruptione. Interrumpuntur autem actus interni per voluntariam retractionem, per cessationem sive voluntariam, sive involuntariam. Quare quando animus pravus per diem, per hebdomadam, per mensem, per annum durat, vix fieri potest quin animus interrumpatur, & reviviscat, & actus multiplicentur. Difficile autem est hanc interruptionem, & multiplicationem discernere. Idcirco etiam hoc ex capite colligitur necessitas manifestandi circumstantiam aggravantem durationis temporis, ut scilicet videntur scrupuli, & anxietudines. Manifestentur interruptiones, & repetitiones actuum, qui memoriæ occurrunt, & simul duratio temporis animo candido & sincero, prout reipsa factum accidit. Opposita via sexcentis laqueis anima iugulatur. De consuetudine peccandi dictum est supra, sicut & de ignorantia.

XXVII. Contemptus, & inobedientia adversus mandata superioris sunt circumstantiæ explicandæ in confessione. Quia aliud est peccatum violati mandati; aliud contemptio, & formalis inobedientia contra ipsum superiorem. Spectandum tamen est, num contemptus sit de re levi, aut de gravi. Quandoque etiam si res quæ præcipitur, levis sit, contemptus potest esse gravis; & e contrario interdum res præcepta gravis erit, & contemptus levis. Quare expendendæ sunt omnes circumstantiæ.

XXVIII. Circumstantia *Quando* indicat tempus quo peccatum patrat. Peccasti die festivo. Hæc circumstantia aggravat peccati malitiam, mutatque speciem. An, & quomodo oporteat eam exprimere in confessione, vide *Tom. V. Lib. I. diff. 11. cap. 1.* Disputatur inter Auctores, num hæc accessio malitiæ sit nec ne

ne mortalitatis : idcirco qui scrupulos evitare cupit, assuescat confiteri eiusmodi circumstantiam. Confite ibi dicta.

XXIX. Quid, si quis peccavit illo ipso die quo Eucharistiam sumpsit? Negant plures talem circumstantiam esse patefaciendam, Vasquez, Henriquez, Diana, Trullenchus, quos sequitur Leander *dis. viii. quest. xlii.* ubi hæc habet. „ An „ si aliquis aliquod peccatum commisit in die qua Eucharistiam sacram sumpsit, „ teneatur hanc temporis circumstantiam fateri? Probabilius respondeo non tene- „ ri per se loquendo : quia alias Sacerdos, qui quotidie celebrat, deberet in singu- „ lis peccatis explicare illam circumstantiam Missæ celebratæ illo die; quod nemo fa- „ cit. Sic Homobonus, Lugo, Diana, Trullench. Vasquez &c. “ Transcribo horum benignistarum verba, ne quis suspicetur me illis imponere, ut continenter fabulantur & calumniantur nonnulli. Sacerdos qui peccat mortaliter, non tenetur fateri se quotidie celebrasse; & heinc inferitur, non debere Christianum manifestare se peccasse illo ipso die quo Eucharistiam sumpsit? An non est per se loquendo, & regulariter necessaria hæc notitia, ut status talis pœnitentis comperitus sit? Quodnam maius indicium sacrilegam fuisse communionem, quam flagitium patratum illo ipso sanctæ communionis die?

XXX. Exponere ne oportet effectum scelus consequentem? Hoc dubium proponit Leander *tract. v. disp. viii. quest. xxv.* „ An debeat explicari effectus subsecutus, an vero sufficiat confiteri causam; v. g. an satis sit in confessione dicere, se letale venenum dedisse alicui, ut moreretur; an vero necesse sit addere, quod interfecisti cum veneno? . . . Probabilius respondeo, sufficere confiteri actionem non internam voluntatis, sed externam, qua venenum præparasti & dedisti; *quævis non confitearis effectum, seu mortem ex illo secutam: quia in confessione solum debent necessario explicari peccata; sed ille effectus, quando con- sequitur, non est actu peccatum, sed effectus peccati.* Sic Vasquez, Granados, Azor. Bonacina, Diana, Suarez, Curies, quos omnes refert, & sequitur Lugo, *disp. xvi. art. 3. num. 430. ubi doctissime de hoc puncto agit.* “

XXXI. Occisores itaque, præfata doctrina imbuti, non obstringuntur dicere, homicidavi, ut eorum vocabulo utar; sed ictu letali vulneravi Sempronium, pugnavi Paulum? Non tenentur fateri, se reipsa occidisse, mortemque secutam esse? Verum hæc supra confutavi; & hanc opinionem rescipsum, quia clarius laxitatem doctrinæ prædit.

CAPUT VII

An peccata dubia confitenda sint. Laxiores PP. La-Croix, Viva, & aliorum Probabilistarum opiniones refelluntur.

I. **S**I in qualibet fere quæstione adversus Probabilistas nobis dimicandum fuit; in hac controversia instaurandæ vires sunt, Sed primum omnium dubii peccati, de quo disputandum est, divisionem, & notionem præmittamus oportet. Dubitare tripliciter potes. 1. de ipso peccato. 2. de qualitate peccati. 3. de confessione peccati. 1. dubitas v. g. an peccaveris in hac aut illa materia, alioquin mortali. 2. scis te peccasse; sed dubitas, an peccatum sit mortale, vel veniale. 3. scis te peccasse mortaliter; sed dubitas, an confessus fueris.

II. Dubium S. Thomas describit *quæst. xiv. de verit. art. 1.* his verbis, *Quandoque intellectus noster non inclinatur magis ad unum quam ad aliud, vel propter defectum moventium, sicut in illis problematibus de quibus rationes non habemus: vel propter apparentem æqualitatem eorum quæ movent ad utramque partem; & ista est dubitantis dispositio, qui fluctuat inter duas partes contradictionis.* Dubium itaque proprie dictum tum est, quando intellectus inter rationes, quæ utrimque æqualiter occurrunt, tum ad affirmandum, tum ad negandum, anceps manet nulli determinatæ parti assentiendo. Hæc autem iudicii suspensio non est mera negatio, sed positiva intellectus attentio ad utrumque rationum extremum, in quorum neutro videt rationes prævalere potius pro uno quam pro altero. Hoc dubium vocant *positivum*. Alii tamen hoc ipsum dubium vocant *negativum*, propterea quod intellectus suspensus hæret, & in neutram partem iudicium fert. Sed hæc acceptio falsa, prima sola vera est. Dubium quod *negativum* communiter vocant, est, quando ex neutra parte rationes occurrunt quæ intellectum ad ratiocinandum impellant; ut si proponatur, an arenæ maris sint pares. Verum dubium istud improprium est, & larva dubii; cum sit mera nescientia & ignorantia, Exemplum prioris dubii positivi, quod unice dubii rationem habet, sit. Dubitas, an contractus sit usurarius. Consulis quatuor Doctores pios & doctos, qui asserunt esse fenebrem. Consulis alios quatuor eiusdem omnino doctrinæ, & probitatis, qui asserunt esse iustum, immunemque a fenore. Hæc sunt paria momenta probabilitatis extrinsecæ. Si occurrant æqualia rationum pondera, sunt paria momenta probabilitatis intrinsecæ. Inter hæc paria rationum momenta hæret anceps intellectus; sicuti statera seu bilanx inter æqualia pondera. In præsentia de dubio vere *negativo*, quod revera in mera ignorantia situm est, aut

ant de dubio levibus ratiunculis suscitato, quod inter scrupulos & suspiciones rejicitur, disputatio nulla. Dubium positivum, in æquali rationum pondere situm, est præsentis disputationis materia.

III. Quæst. I. Quid dicendum de opinione docente te non teneri ad conficienda peccata certo commissæ, quando dubitas, an illa confessus fueris? Resp. P. Dominicus Viva quæst. 11. art. 2. num. 3. quæstionem talem proponit. „An qui certus est, de peccato mortali commissæ, dubitat tamen positive, an illud confessus fuerit, ita ut habeat rationem probabilem, quod confessus fuerit, & probabiles etiam, immo probabiliores rationes, quod non fuerit confessus, teneatur illud confiteri? Respondeo pariter negative cum communi Doctorum, quos citat Martinus Perez contra Conink apud Dianam.“

IV. Qui sunt hi Doctores? Pauci Probabilistæ, & quidem laxioris Ethices. Ne hiscere quisquam valeat, in medium adduco testimonium Collegii Salmanticensis, & quidem scholastici. PP. isti Tom. XII. part. 11. tractat. xxiv. dub. 6. §. 1. num. 178. pag. 173. hæc scribunt. „Præmittere oportet quæ sunt faciliora, & communia. Huiusmodi censemus, cum qui certo scit se aliquod mortale commississe, & dubitat, an illud confessus fuerit, obligari ad eius confessionem. Ita Navarrus, Suarez, Sanchez, Dicastillo, & alii communiter. . . . Unde vel ipse Caramuel, qui in his rebus censetur alius laxior, aut liberior, cum scripsisset quosdam Iesuitas Viennæ defendisse ibidem huic communi doctrinæ contrariam, & Caramuelem pro se allegasse, renuit palam, se excusavit, atque asseruit se aliter philosophari de dubio, aliter de peccato mortali certo commissæ, & dubia confessione, ut videri potest in Theologia fundamentali fundament. 66. fol. 556. edit. 3. Lugd.“

V. Ergo P. Viva imponit dupliciter lectoribus, dum ait, suam opinionem communiter Doctores defendere. Primo quia etiam si omnes Probabilistæ eam docerent, hi non constituunt *communitatem Doctorum*. Secundo quia vel ipsi doctiores Probabilistæ communiter oppositum docent; cum vel ipse Caramuel tam laxam opinionem detestetur. Reponet P. Viva, citatos Doctores loqui de peccatis negative dubiis: quam opinionem & ipse defendit num. 9. Sed hæc distinctiuncula cavillatoria est, ut infra dicam.

VI. Ratio cur pœnitens certus de peccato patrato, & dubius de confessione; teneatur illud confiteri, evidens est, inquiunt Salmanticenses. Quoniam debito certo non satisfit per dubiam solutionem. Sed per peccatum certum contrahitur obligatio certa illud in confessione manifestandi, uti de fide est. Ergo huic certæ obligationi non satisfit per dubiam confessionem.

VII. Sophismata ex Probabilismo repetita, quæ ex Lugo, & aliis Probabilistis allegat P. Viva, vana sunt, eaque perdocte diluunt Salmanticenses; tametsi Pro-

babiliſimo aliquo modo ſaveant. Et primum adducunt propoſitionem damnatam ab Innocentio XI. *Probabiliter exiſtimo iudicem poſſe iudicare iuxta opinionem minus probabilem*. Si uſus minoris probabilitatis damnatus eſt in foro civili, quanto magis in foro ſacro? Confirmant hanc rationem Salmanticenſes ibidem num. 181. Si occurrant rationes æqualiter, adhuc manet dubium, & urget præceptum conſtituti. Ergo idem a fortiori dicendum eſt, quando, licet occurrat motivum probabiliter ſuadens hominem fuiſſe conſeſſum peccatum de cuius conſeſſione dubitat, adeſt tamen aliud longe probabilius, quod diſſet oppoſitum. Patet conſequentia. Nam ſi motivum probabile excuſans vincitur per aliud motivum oppoſitum accuſans, æqualiter probabile, ita ut perſeveret dubium, & obligatio conſtituti, multo magis ſuperabitur per motivum longe probabilius.

VIII. Volui, non meis, ſed ipſorum Salmanticenſium verbis oſtendere laxitatem opinionis P. Viva, ne quiſquam ſuſpicari auſit, a me aliquid per exaggerationem dici adverſus Auctores quos reſello. Errare poſſum; ſed extremam adhibere præfertim in hoc puncto diligentiam ſoleo, ne errem. Non mihi latet, ex immenſa ſodina Probabiliſmi erui diſtinctiunculas poſſe ad obſcurandam veritatem hanc evidentiffimam; ſed eas omnes contemno ut ineptas. Laxam opinionem P. Viva docet etiam P. La-Croix *Lib. VI. part. 11. num. 602.* & pro eadem citat Gobat, Stoz, Boſco, & plures alios ſimiles Doctores. Si iſtorum Doctorem convulſa ſophiſmata videre cupis, lege Salmanticenſes *loc. cit.*

IX. Quæſt. II. *Utrum qui poſitive dubitat, an peccatum commiſerit, ita ut rationes probabiles habeat, quod non peccaverit, quamvis æque probabiles, immo forte probabiliores habeat rationes quod peccaverit, teneatur peccatum illud conſiteri?* Reſp. Totidem verbis proponit hanc quæſtionem P. Dominicus Viva *loc. cit. num. 2.* & hanc perhibet reſolutionem. *Reſpondeo cum communi Doctorem negative.* Cum communi Doctorem? Sunt vero hi Doctores ad ſummum ſoli Probabiliſtæ. Soli ergo Probabiliſtæ conſtant communitatem Doctorem? Certum eſt omnes inclytæ nationis Gallicæ, omnes integrarum Religionum Dominicanæ; & Auguſtianæ Theologos, item celebriores Ieſuitas, & cuiuſcumque inſtituti doctiſſimos viros docere oppoſitum, & acriter improbare opinionem horum Probabiliſtarum. At iſti non ſunt Doctores? Quæ ergo eſt iſta communitas Doctorem quos citat P. Viva? Sunt ne Sanchez, Alcozer, Bizozet, Burghaber, Kazemberger, Stoz, Gormaz, Elcobar, Buſembau, Caſtropalaus, Caramuel, Tamburinus, Diana, Paſqualigus, Bonacina, Leander, La-Croix, La Cruz, Lopez, Zanardi, & alii ſimiles? Quando hi defendunt aliquam opinionem, P. Viva ait: *Ita communiter Doctores*. Tot Parochi, tot Conſeſſarii minus periti, & fide bona pro certo habentes eiufmodi libros veritatem, ſaltem ad factum quod attinget, narrare, dum legunt, *Ita communiter Doctores docent*, credunt communi-

ter & Doctores, & Theologos Ecclesiæ id docere; atque adeo clausis oculis opinionones adoptant.

X. Hæc opinio P. Viva communiter defenditur a Probabilistis. Si vellem eadem refellere, deberem confutare ipsum Probabilismum. Hoc autem integro Tom. II. Apparatu præsto. Illud nunc obiter dico, præfatam opinionem probabilisticam esse paradoxon adeo communi sensui repugnans, ut solum partium studium possit mentis oculos claudere, ne illud videatur. Quid? Quando intellectus suspensus hæret inter duo æqualia rationum pondera, peccaverit nec ne, tum adversariis fatentibus, ut mox dicam, tenetur confiteri peccatum dubium: quando vero accedit maius probabilitatis momentum, quod inclinat intellectum ad iudicandum se peccasse, tum liber est ab onere illud confitendi: quia Probabilismi vis impellit intellectum ad reflectendum, & media reflexione dispellit omnes dubiorum nubes?

XI. Hæc disputatio de obligatione confitendi peccata dubia, admissio Probabilismo, superflua est. Vix enim umquam iuxta Probabilistas occurrit peccatum dubium. Quandoquidem dubium negativum est mera nescientia, seu ignorantia: & de hoc dubio nulla disputatio, ut dixi. Si dubium sit positivum, tum occurrunt ex utraque parte oppositæ rationes dubitandi: & hoc in casu dicunt Probabilistæ, quod, licet rationes probabiliores ostendant peccatum patratum fuisse, tamen si pro parte opposita occurrant rationes minus probabiles, tum per iudicium reflexum deponitur dubium, & formatur dictamen practicum de peccato non commissum; quamvis iuxta iudicium directum probabilius sit fuisse commissum. Sed, misso inani commento, doctrina communis antiquorum exponi debet.

XII. Quæst. III. *An peccatum mortale dubium debeat confiteri ut dubium?* Resp. Adfirmant omnes antiqui Theologi, & viri sancti. Angelicus Doctor in IV. dist. XXI. art. 3. ad 3. hæc docet. Dicendum, quod quando aliquis dubitat de aliquo peccato, an sit mortale, tenetur illud confiteri dubitatione manifestata: quia qui aliquid committit, vel omittit, in quo dubitat esse mortale peccatum, peccat mortaliter discrimini se committens. Et similiter periculo se committit qui de hoc quod dubitat esse mortale, negligit confiteri. Non tamen tenetur asserere illud esse mortale, sed cum dubitatione loqui, & iudicium Sacerdotis expectare, cuius est discernere inter lepram & lepram.

XIII. Salmanticenses tam morales, quam scholastici, qui ultimi fuso calamo versant controversiam, testantur hanc sententiam esse communem omnium Theologorum, etiam ipsorum Probabilistarum. Videatur Sanchez, inquit loc. cit. §. 2. num. 184. referens quadraginta Doctores, dicens rem esse certissimam. Diana, subdunt, qui cuncta probabilia sustinere solet, oppositam censet improba-

bilem. Leander etiam, pergunt, in eligendis *sententiis minime scrupulosus*, dicit esse certissimam. Dicastillo observat hunc videri communem Ecclesiæ sensum, & Prado hunc esse totius Ecclesiæ usum.

XIV. Pro contraria opinione referunt iidem Salmanticenses Caramuelem laxioris Ethices facile principem, Ferrentinum, Verde, Martinonium Tyrsum. Hi pauci, sane laxones, ausi sunt adversus communem in Ecclesia doctrinam cervicem erigere, & calamum acuere.

XV. Quamquam communiter omnes Probabilistæ, ut constat ex testimonio Salmanticensium, defendant communem Ecclesiæ doctrinam; istorum tamen plures illam implicant & elidunt Probabilismi fucis. Explicandum itaque est, in quo omnes conveniunt, & in quo dissentiunt. Notionem dubii Probabilistarum plures cavillantur. Quando intellectus omnino anceps, & suspensus hæret, ita ut nequeat ob æqualia rationum pondera in alterutram declinare partem, tum dicunt intellectum dubitare: & hoc dubium appellant *negativum*. Et in hoc communiter omnes conveniunt, quod Christianus hoc modo dubitans se peccasse mortaliter, teneatur peccatum confiteri: quia tum dubium deponere nequit. Si vero probabilior ratio evincat peccatum esse commissum, & simul e contrario appareat ratio, minus licet probabilis, tum vocant dubium positivum directum: & in hoc casu plures Probabilistæ docent, vi Probabilismi reflexi deponi dubium posse, & cessare obligationem peccati confitendi.

XVI. Laudati Salmanticenses scholastici *loc. cit. num. 193.* hunc secundum modum, tamen si Probabilismo Salmanticæ orto non infensi, improbant tamquam inane commentum. Hæc sunt illorum verba. „Dubium de quo agimus, non est negativum, sed positivum, fundatum in motivis apparentibus ac prudentialibus, sed relinquentibus animum in æquilibrio, eo quod sint æqualia, & unum aliud non superet. Ex quo patet non quamlibet probabilitatem sufficere ad deponendum prædictæ dubium de gravitate peccati, & ut homo excusetur ab obligatione illud confitendi. *Et inde a fortiori constat quod si distamen de gravitate peccati sit probabilius quam distamen a gravitate excusans, opus sit tale dubium confiteri.*“ Quare isti Theologi in hoc puncto execrantur Probabilismum. Verum a commento Probabilismi supersedere in præsentia lubet, & a cavillationibus, quibus doctrina Ecclesiæ eluditur distinguenda dubii positivi, & negativi: & doctrinam penes ipsos Probabilistas communem explicare pergo.

XVII. P. Dominicus Viva *quæst. 11. artic. 2. num. 6.* hæc & ipse de obligatione confitendi peccata negative dubia scribit. „Respondeo fere communissimam antiquorum Doctorum sententiam fuisse, quod teneatur homo peccata *negative dubia* clavibus subiicere. Et Thomas Sanchez id omnino certum reputat . . .

„Hac

„ Hac de causa P. Matthæus Moya nostræ Societatis, qui fuit a confessionibus
 „ Mariæ Annæ Hispaniarum Reginæ, in selectis quæstionibus de sacramento
 „ pœnitentiæ, postquam asseruit opinionem se contrariam per triginta annos et-
 „ iam in scholis docuisse *dis. i. quæst. v.* hæc habet. *Nihilominus re maturius*
 „ *considerata, standum censeo pro contraria & communi sententia asserente obli-*
 „ *gationem peccati dubii: ad quod hoc uno efficaci argumento ducor: quia sacra-*
 „ *mentum pœnitentiæ institui potuit a Christo Domino cum hac obligatione. Quod*
 „ *autem instituerit, suadet communior Catholicorum sensus, & traditio a tempo-*
 „ *re Apostolorum usque ad nostra continuata tempora, ratione cuius velut IN-*
 „ *CONCUSSUM DOGMA præceptum confitendi peccata dubia æque ac certa non*
 „ *tam probarunt, quam supposuerunt Doctores. Ut enim ait August. Lib. IV. con-*
 „ *tra Donat. Quod universa tenet Ecclesia &c.* Haftenus P. Moya. His adde
 „ Leandrum, ac Tamburinum ipsum, quamvis patronos in benigniores opinio-
 „ nes. “

XVIII. Quis nunc vocare in disputationem audebit obligationem confitendi peccata dubia negative, si vel ipsi benigniores Probabilistæ communiter omnes farentur esse doctrinam Ecclesiæ? Quis sibi in animum induceret, P. Dominicum Viva posse post talem confessionem in oppositum hiscere? Et tamen arrige aures.

XIX. Quæst. IV. *Quid dicendum de opinione quam docet P. Dominicus Viva, nempe non esse obligationem confitendi peccata negative dubia?* Resp. Continuo postquam P. Dominicus Viva falsus est obligationem confitendi peccata negative dubia, hæc quæ sequuntur, docet *num. 7.* „ His tamen non obstantibus pu-
 „ to *probabilem* esse ac TUTAM opinionem contrariam asserentem, *peccata du-*
 „ *bia negative* non esse materiam necessariam sacramenti pœnitentiæ, quam se-
 „ quuntur plurimi Auctores apud Mendo, & Dianam, & alios . . . quos usque
 „ ad viginti duos numerat Caramuel . . . Quibus adde *Lessium, Sa, Luyman,*
 „ *Præpos. Amicum, Leand. Haunoldum,* nec non *Ferrandinum de scandalo quæst.*
 „ *lxxvii. ubi citat Revisores Societatis IESU* sentientes, posse NUNC in scholis
 „ nostris hanc sententiam permitti, quam aperte & ex professo Con. Marchant.
 „ Ioseph de Ianuário, Martinonius, & alii multi Scriptores iudicant *probabilem:*
 „ *quamvis OLIM secundum nostras regulas permitti non poterat; cum vix repe-*
 „ *riretur unus Scriptor qui illam aperte tueretur, ut iidem Revisores apud*
 „ *Tamburinum testantur. NUNC TAMEN, UT NOTAT Diana, IN DIES*
 „ *MAGIS RADICES AGIT.* “

XX. Securis ad has veneficas radices, quæ inficere communem Ecclesiæ doctrinam pertentant, ponenda est, ne, ut vaticinatur Diana, in dies magis crescat. Olim in inelyta Societate IESU vetitum erat laxam opinionem doceri in scho-

scholis ; nunc publicis typis a P. Viva cuditur , ut in dies magis radices agat : Si ego talia scriberem , clamarent adversarii , me Iesuitis detrahare , imponere , calumniari . Et sane quæ P. Viva scribit de sua Societate nunc annuente , defendi sententiam contra communem Ecclesiæ doctrinam , quam olim vetaverat , ego publicare non auderem . Nec illa rescripsissem , nisi necessitas dedocendi imperitos urgeret . Fatetur P. Viva , doctrinam esse fere omnium antiquorum , quæ docet obligationem consistendi peccata dubia negative . Fatetur , ipsos Probabilistas benigniores , ne dicam laxiores , Sanchez , Leandrum , Tamburinum defendere illam ut certam . Quid plura ? Vel ipse P. Matthæus Moya in suo opere , damnato ob coacervationem opinionum laxarum , ait , quod hanc doctrinam suadent *communior Catholicorum sensus , & traditio a tempore Apostolorum usque ad nostra continuata tempora , ratione cuius velut INCONCUSSUM DOGMA præceptum* confitendi peccata dubia , *æque ac certa , non tam probarunt , quam supposuerunt Doctores* . Hoc idem testantur omnes fere Theologi , & ipsi Probabilistæ , immo ipse P. Viva ,

XXI. Et contra Apostolorum traditionem , contra totius sacræ antiquitatis doctrinam , contra communem omnium Theologorum , & doctiorum fere omnium Probabilistarum sententiam , & contra suæ ipsius Societatis diu firmatas regulas audet P. Dominicus Viva proponere christiano populo , tamquam *probabilem* , immo tamquam TUTAM , falsam , improbabilem , & , ut mitissime loquar , laxitatis plenam opinionem ? Hanc invexere Caramuel , Ferentinus , Martinonius , Verde , Ianuarius laxioris Ethices patroni . Eam detestantur communiter Theologi omnes , & perillustis Societas nec in scholis olim dictari illam permisit . Sed nunc , inquit P. Viva , *in dies magis radices agit* . In quo solo , in quibus scholis , quibus agricolis , & cultoribus *radices* hæc laxa opinio *agit in dies* ?

XXII. Clamant , me hæc æquo altius exaggerare : & ego repono , mihi verba deesse , quibus pro dignitate animadvertam in opinionem contrariam , ipso P. Viva ex Moya , ex Sanchez , aliisque fatente , Ecclesiæ doctrinæ , & communi fidelium sensui . Repeto meam sinceram , & verissimam protestationem , me videlicet non contra personam , & contra Auctorem , sed contra opinionem falsam , laxam , improbabilem , quamque manifestum errorem appellare possem , cum sit contra communem Catholicorum doctrinam , scribere , Eo unice oratio mea pertinet , ut lectores cautos efficiam in legendis his Auctoribus , immo ut a similium lectione abducam . Quoniam frequentes sunt in eiusmodi Auctoribus aberrationes , & laxæ opiniones , quarum radices se amplificare velle indicant : ego , ne radices istæ , quas animarum saluti exitiales , & veneficas reputo , latius grassentur , vocem extollo , & funditus eas evellere pro imbecillitate mea studeo . Si opinio P. Viva sit probabilis , & tuta , me corrigant , redarguant , increpent

pent omnes, quos, ut de me optime meritos, colam suspiciamque. Si contra ego falsitatem & errorem improbo; meam sententiam foveant, animique, quo id præsto, Deo iudicium relinquunt. Plusquam falso pro hac laxissima opinione citat P. Viva S. Antoninum, Tabienam, & Paludanum, quos apud Dianam de more, & apud Mendo legit. An vere citet Laymanum, & Lessium, ceteri videant. Laymanum ab hac laxitate vindicant Salmanticenses *loc. cit. num. 195*. Sed P. Viva patronos multiplicare studet, ut latius serpent radices suæ opinionis.

XXIII. P. Claudius La.Croix *Lib. VI. part. 11. num. 598*. fuso calamo colligit more suo omnes opiniones veras, & falsas, probabiles, improbables, & beneficio Probabilismi fere omnes ut probabiles proponit. *Num. 606*. adfirmat, quod communem Ecclesiæ doctrinam doceat S. Thomas, *Catechismus Romanus, alique Auctores gravissimi; & prope innumeri, quorum 40. recenset & sequitur Sanchez*. Continuo tamen pro nova opinione, negante debitum consistendi peccata negative dubia, refert *Todtf, Stoz, Caramuel. Con. March. Num. 607*. rescribit brevissime rationes primæ sententiæ adfirmantis: & *num. 608*. rationes fuso calamo exponit secundæ opinionis negantis debitum consistendi peccata negative dubia. *Num. 609*. sic concludit. „ Sententia adfirmans obligationem consistendi mortalia negative dubia, est, *spectata auctoritate, probabilior*; uti patet ex „ dictis *num. 607*. spectatis tamen præcisè rationibus intrinsicis, negans *videtur probabilior*; ut patebit comparanti rationes *intrinsicas allatas num. 607*. & „ 608. “

XXIV. Audistin? *Todtf, Stoz, Caramuel, Con. March.* rationes validiores, profundiores, robustiores excogitarunt, penitus rem penetrarunt quam S. Thomas; quam Patres Catechismi Romani, seu Tridentini, quam omnes antiqui Patres, quam omnes ætatis nostræ Theologi, tum Antiprobabilistæ, tum Probabilistæ. Ideo, si auctoritatem spectes, prior est probabilior: quia multitudo & gravitas Auctorum superat. Si vim & firmitatem rationum mediteris, secunda probabilior est. Unum & alterum responsum, quod præbet ad 8. & 9. argumentum prioris sententiæ, referre lubet. Fideles communi conscientiæ sensu ducti consistentur peccata dubia. Respondet. *Fideles etiam consueverunt imperfectiones, venialia, & mortalia positive dubia: neque tamen ideo est obligatio illa consistendi*. Antiqui docent hanc obligationem. Respondet. *Antiqui plurimi non examina- runt (sicut Todtf, & Stoz) eam questionem: & qui eam examinarunt, perique loquuntur æqualiter de positive dubiis*. Peregrege. Antiqui ergo, satente P. La.Croix, damnant Probabilismum.

XXV. Dubio procul antiqui, & moderni Theologi, Probabilismi præiudiciis vacui, æque loquuntur de peccatis mortalibus & positive, & negative dubiis in sensu

sensu distinctionis invec̃tæ . Igitur iuxta hanc opinionem Stoz, Todif, Caramuellis, Martinonii, quam intrinsecus P. La-Croix probabiliorẽ* iudicat, fideles non tenentur confiteri neque peccata mortalia *positive dubia*, neque peccata *negative dubia*. Ergo sublatum omne debitum est confitendi omnia peccata mortalia dubia?

XXVI. Tandem P. La-Croix num. 10. fatetur, sententiam affirmantem obligationem confitendi peccata negative dubia, esse absolute probabiliorẽ . Sed quid emolumenti adfert hæc maior probabilitas, cum iuxta Probabilitas tam minor, quam maior probabilitas tuta sit? Ceteroquin P. La-Croix non refellit, ut improbabilem, opinionem negantem debitum confitendi peccata negative dubia. Ex quibus omnibus infertur, iuxta opinionem quam probabilem, immo intrinsecus probabiliorẽ recognoscit P. La-Croix, non esse confitenda peccata mortalia *sive positive, sive negative dubia*. Hæc omnia recensere volui, ut pii cordatique lectores iudicium ferant tum in methodum tractandæ christianæ Moralıs, tum in benignum genium horum Auctorum relaxandi in dies vel ipsam doctrinam quam communem & antiquorum, & ipsius Ecclesiæ illi ipsi ore proprio confitentur. Hæc sola meditatio excitare tandem aliquando lectores deberet.

XXVII. Vener. Cardinalis Bellarminus, doctrinæ & sanctitatis fama celeberrimus, quem ego pluris facio quam sexcentos Casuistas similes illis quos citant PP. La-Croix, & Viva, *Lib. III. de pœnit. cap. 1.* opinionem negantem debitum confitendi peccata mortalia dubia tribuit Martino Luthero, inquiens. *Martinus Lutherus . . . serm. de pœnit. docet non esse confitenda venialia, nec omnia mortalia, sed ea tantum quæ sunt manifeste mortalia . . . Dubitari solet quid per manifesta peccata, quæ sola ad confessionem pertinere voluit, Lutherus intellexerit.* Et post varias interpretationes concludit. *Quare id solum restat ut de dubiis intellexerit; qui certe non PARVUS EST ERROR.* Ioannes Eckius, Lutheri malleus, *Lib. IX. de pœnit. cap. xi.* hanc Lutheri opinionem vocat *errorem in veritatem catholicam*. Præclarus Christi martyr Ioannes Frischerus Rossensis Episcopus in refutatione articulorum Lutheri *art. 8.* inquit: *cacum & insanum esse qui ob unius Lutheri sententiam velit tanto discrimini se exponere, quatenus ea peccata quæ vel novit, vel dubitat esse letalia, Sacerdoti non aperiat.*

XXVIII. Quid ad hæc La-Croix, Viva, & alii? Dicturi ne erunt, Bellarminum Lutherum non valide confutasse, quia non distinxit peccata mortalia *positive, & negative dubia*? Verum est neque Bellarminum, neque S. Thomam, neque aliquem antiquorum similes distinctionibus, quæ veritatem obnubilant, quæ auferunt reipsa obligationem confitendi quæcumque peccata, sive *positive*, sive *negative dubia*, adhibuisse. Sed tam Bellarminus, quam S. Thomas, & ceteri omnes simplici sermone declararunt, omnia peccata mortalia dubia esse confitenda, missis cavillatoris distinctionibus. Exceptis scrupulosis, qui dubium pro
levi

levi coniectura, aut nescientia accipere solent, vel ipsi idiotæ, bono sensu præditi, sciunt quando dubitant. Idcirco omnes antiqui ante natum Probabilismum absolute pronuntiarunt, peccata dubia esse confitenda.

XXIX. Catechismus Concilii Tridentini *Part. II. cap. v. §. 50.* paucis verbis fideles instruit in hac materia. *Ea enim, inquit, confessio esse debet, quæ nos tales Sacerdoti aperiat, quales nos ipsos novimus: certa pro certis, ac dubia pro dubiis demonstret.* Sic confessio est nuda, simplex, aperta. Hanc doctrinam Catechismus eruit ex Patribus, & ex Concilio Tridentino declarante obligationem confitendi omnia mortalia *quorum habetur conscientia*, seu *memoria*: qua expressione non modo certa, sed dubia quoque peccata comprehenduntur. Qui enim dubitat se peccasse mortaliter, conscientiam eiusdem habet, & etiam memoriam.

XXX. Paucis indicantur rationum momenta. I. In dubiis tutior pars est eligenda, ut omnia iura clamant. Nec regula ista consilii est, ut Probabilistæ cavillantur, sed præcepti. II. Tempore mortis confitenda sunt peccata dubia, ut fatentur ipsi Benignistæ: ergo etiam in vitæ cursu; nisi dicere velint aliam *pro nunc*, aliam *pro tunc* esse christianam Theologiam. III. A condita evangelica lege obtinet lex confitendi omnia mortalia: ergo lex est in possessione. IV. Lex favorabilis amplificari debet. Eiusmodi est confessionis lex: ergo includit peccata dubia. V. Qui dubitat, commiserit ne homicidium, contrahit irregularitatem. Qui dubitat, sit ne baptizatus, debet sub conditione baptizari. Ergo qui dubitat, num peccaverit, tenetur confiteri. VI. Consuetudo Christianorum obtinet dubia peccata confitendi. Hæc sola fidelium praxis dissipat omnia casuistica sophismata. VII. Traditio apostolica ad hæc usque tempora continuata confirmat hanc veritatem, ut vel ipse P. Moya fatetur.

~~CAPUT VIII.~~ Diluuntur sophismata casuistica.

XXXI. Primi qui post *Martinum Lutherum* suscitaverunt contrariam opinionem, quam *non parvum errorem* Ven. Bellarminus appellat, fuerunt Caramuel, Henriquez, Conink, Martinonius, Marchantius, quos potius quam Eminentissimum Bellarminum, quam Catechismum Romanum, S. Thomam, & universam antiquitatem, & istius ætatis communem doctrinam, sequi maluit P. Viva, cui accedit, sin in totum, saltem in partem *La-Croix*.

XXXII. Opponunt 1. In dubio melior est conditio possidentis libertatem, & innocentiam. Resp. Conscientia renascitur subiecta legi, quæ prius possidet. Axioma istud, quo passim abutuntur Probabilistæ, obtinet solum in materia possessionis agrorum. Axioma istud non obtinet tempore mortis: ergo neque in vitæ decursu.

XXXIII.

XXXIII. Opponunt 2. Obligatio non est certior fundamento cui innitur. Fundamentum consistendi peccata dubia est dubium. Ergo dubia obligatio. Resp. Argutatio hæc puerilis & cavillatoria est. Fundamentum consistendi peccata dubia non est dubium, sed certum. Aliud est, quod peccatum sit dubium; & aliud, quod lex sit dubia. Lex confessionis est certa de fide: & hæc lex certissima consistendi comprehendit tam certa, quam dubia peccata mortalia. Ergo argutatio a peccato dubio ad legem dubiam ineptissima est.

XXXIV. Opponunt 3. In iudicio forensi non admittitur accusatio dubia: ergo neque admitti in iudicio sacramentali debet. Resp. Futilis est paritas ista. Peccata occulta, five interna, five externa, non sunt materia iudicii forensis. Ergo neque iudicii sacramentalis? Hæc sunt iuniorum quorundam argutationes. Iudicium forense in fontis accusatione spectat condemnationem, & supplicia accusati. Hæc autem infligi iure nequeunt, nisi certæ & indubitæ præcedant probationes. Iudicium sacramentale sit in rei commodum, & absolutionem. Sic potius argumentari debuissent. In iudicio super infirmitate corporis sanandi exponuntur morbi dubii. Ergo in iudicio spiritali iustificandæ animæ manifestari peccata dubia debent. Iudicium sacramentale quantum ad aliqua, secus quantum ad omnia, imitatur iudicium forense.

XXXV. Nulla est obligatio consistendi votum dubium: ergo neque peccatum dubium. Resp. Nego antecedens. Quando ergo urgent æqualia, & gravia rationum pondera de voto emisso, vel non emisso, eadem fere controversia est, ac de peccato dubio commisso, vel non commisso. Addo, etiamsi concederetur non urgere legem implendi voti dubii, non inde inferri sùre posset, non urgere legem consistendi peccata dubia. Lex confessionis universalis est a Christo Domino instituta, cui Christiani baptizati subiecti omnes sunt. Votum personale est ab ipso vovente editum. Quare illud posset, non esse recommendandum, aliquem se voluisse peculiari lege obstringere, nisi certo id constet. Similiter in casu reservato dubio recurrendum est ad superiorem; quidquid dicat P. Viva cum aliis.

XXXVI. Opponit 4. P. Dominicus Viva *quæst.* 11. *art.* 2. *num.* 7. „Neque dicas præxim Ecclesiæ, & consensum Doctorum per sexdecim sæcula uniformiter existimantium institutum esse a Christo Domino sacramentum poenitentiae cum obligatione consistendi peccata dubia, reddere nos certos de tali lege, & institutione. „ Nam quamvis VERUM SIT quod usque ad præteritum sæculum VIX UNUS „ AUCTOR reperiatur qui aperte NOS deobliget a consistendis peccatis negative „ dubiis; at non inde id ortum est, quia in sententiam obligantem omnes Scriptores calamo iverint, sed quia ab ea quæstione abstinerunt. Cum autem NUNC „ in terminis agitur, & plurimi sententiam deobligantem sequantur, hæc red- „ dita est PROBABILIS. “

XXXVII. Magna, immo maxima, opus patientia est, qua cohibeatur zelus. Confitetur P. Viva, vix UNUM ante præteritum sæculum *nos deobligasse* a consentendis peccatis dubiis. Exemit ab hoc onere Christianos ante duo & amplius sæcula Martinus Lutherus: quod non parvum errorem Bellarminus vocat. Hunc non parvum errorem suscitavit, elapso scilicet sæculo, Henriquez, Caramuel, Martinonius, quos secuti sunt *Todtf, Stoz, Viva*. Unanimis consensus Doctorum per septemdecim sæcula, traditio Apostolorum, praxis fidelium non efficiunt sententiam certam? Caramuel, Martinonius, Henriquez, Ferrentinus, Todtf, Stoz, La-Croix, Viva, & alii pauci laxiores Casuistæ elidere valent certitudinem sententiæ quam veluti *inconcussum dogma* appellat vel ipse Moya, Benignissimi facile post Caramuelem princeps?

XXXVIII. Hæ sunt argutationes quas P. Claudius La-Croix tanti facere non dubitavit, ut asseruerit hanc opiniunculam, *speciatis rationibus præcise intrinsicis, probabilior*. Hinc, & ex pluribus aliis collige similium Auctorum genium. Dicat P. Zech, me cacodæmone Saulis agitatum scribere: quia Deus est, non Probabilistæ, qui me, & alios iudicaturus est.

XXXIX. Quæst. V. *Quid dicendum de peccato quod fuit expositum ut dubium, & post deprehenditur ut certum?* Resp. Negant Probabilistæ plures, Leander, Bresserus, Arriaga, Marin, Tamburinus, Caramuel, Lugo. Horum rationes fuso calamo rescribit P. Viva quæst. 11. art. 3. attamen num. 3. fateatur, in praxi amplectendam esse sententiam adfirmantem. Ratio est, inquit, quia sententia negativa, quam sequebatur P. Pellizarius, quamvis non sit damnata, nihilominus ab eo codice est expuncta a sacra Indicis Congregatione, quæ non vult illam tolerare: quare in praxi ab ea abstinendum. Non modo prædica, sed etiam speculative falsa est sententia ista ob diversitatem iudicii quod formatur de peccato dubio, & certo. Plures speculationes opponit De Lugo, quas omnes si expendere vellem, plura implenda folia essent. Eas prætereo; cum & ipse De Lugo fateatur in praxi sequendam esse sententiam adfirmantem. Quorsum ergo tot paritates, tot argutiones?

XL. Quæst. VI. *Quid dicendum de regula quam pro scrupulosis, eorumque dubiis peccatis assignat P. Busembau?* Resp. P. Hermanus Busembau de conscient. cap. 111. apud P. La-Croix inter regulas quas pro abigendis scrupulis præscribit, hanc statuit. IV. *Assuefacere se ad sequendas sententias mitiores, & MINUS ET- IAM TUTAS*. Fillius. Scrupulosi ergo adeant Dianam, Leandrum, Caramuelem, Zanardum, Tamburinum, & similes, ubi passim sententias & mitiores, & minus etiam tutas pleno calamo exhibitas invenient. Spiritum & vim istius regulæ considero primum in 1^o *Assuefacere*. A teneris unguiculis ergo assuefiant scrupulosi seligendis opinionibus mitioribus. Secundo meditator illud auctarium

minus tutas. Nam omnes opiniones laxæ sunt minus tutæ. Hæc regula viam aperit, ut mihi videtur, absurdis non paucis: neque hac via auferuntur scrupuli, sed potius multiplicantur laquei. Assueti enim viæ molliori, & laxiori difficillime revocantur in viam arctam, & angustam. Quare consilium istud, quo suadetur ut homines scrupulosi *assuescant* adhibere opiniones *mitiores*, & *minus tutas*, mihi videtur omnino fallum. Nam scrupuli sunt falsæ hominum imaginationes, quibus plus iusto aggravant sibi legem: quia apprehendunt esse peccatum, quod iuxta legem non est peccatum. Ergo legis veritas declaranda illis est, ut scrupuli tollantur.

XLII. Regula P. Busembau, ut mea præfert opinio, scaturigo est omnium scrupulorum. Nam homines assuesciti opinionibus mitioribus, & minus tutis, quando postea oculos aperiunt, deprehendunt multa se patrasse peccata, quæ opinionibus mitioribus, & minus tutis præventi virtutes reputabant. Distinguendi sunt iusti delicatæ & intaminatæ conscientiæ a scrupulosis. Primi ita exacte Dei legem servant, & christianæ perfectioni inhiant, ut hominibus mundanis scrupulosi appareant; sed revera scrupulis carent. Secundi, qui reipsa scrupulis affliguntur, communiter vitam ducunt ad amissum regulæ P. Busembau. Meticulosi sunt, & scrupulosi in precationibus, in horis canonicis recitandis; verum in iis omnibus quæ propria commoda spectant, non scrupulosi, sed laxi frequenter sunt, gulæ, pecuniis augendis, & deliciis degustandis libenter indulgent.

XLII. Regula quæ mihi prudens & tuta videtur, hæc est. *Assuescere se ad sequendam veritatem, & viam arctam, & angustam, quam Christus Dominus nobis patefecit.* Raros vidi vere sanctos scrupulis agitados. Plures animæ sanctæ sterilitate spiritus, magnoque terrore & pavore angi, Deus interdum permittit, ut sanctiores fiant, eluantque leves maculas. Ceterum istæ animæ raro affliguntur pavore, num hoc mortale sit nec ne. Plura huc transcribere possem ex S. Theresia.

XLIII. Frequenter scrupulis agitantur qui ex prava vivendi consuetudine sincere & constanter ad Deum convertuntur. Cum istos dæmon nequeat ad consueta vitia amplius allicere, illorum phantasiam dubiis torquere conatur. Dubitant hi, num sint integre confessi; num illam, aut hanc circumstantiam, numerum, vel speciem expreserint; fuerit nec ne vera contritio; & sexcentis similibus dubiis vexari solent. Hæ sunt dæmonis insidiæ, & fraudes, quibus odiosum & asperum efficere iugum Christi pertentat, ut hac via conversæ animæ, susceptæ melioris vitæ iædio ac pondere oppressæ, facilius in antiqua scelera, & carnalia oblectamenta relabantur. Confessarius prudens, paucis liberet animas istas ab his fraudibus. Signum moraliter certum, quod præteritæ confessiones fuerint validæ, est præsens vitæ integritas. Quoties itaque Christianum conversum vi-

deç

det a pravis, & inveteratis habitibus omnino liberum per confessionem, siue generalem, siue particularem, debita diligentia factam, prohibeat illi ne recogitet quidem de præterita vita. Quotidie opponit, se dubitare, an illud, an hoc peccatum confessum fuerit; an hanc, aut illam circumstantiam exprefferit: ne audiat quidem, præsertim post unam aut alteram vicem. Curet ut illud tempus quod in his perquisitionibus terit, infumat potius in piis meditationibus, & precationibus, quibus animam suam in proposito melioris vitæ arreptæ confirmet, & roboret. Confessio non carnificina animæ est, ut blaterant novatores, sed saluberimum, & efficax remedium. Qui bona fide, & ea diligentia quæ adhiberi in gravi negotio solet, suam fecit confessionem generalem, vitamque revera mutavit pravam in christianam, nullo modo anxius imposterum esse debet neque de numero, neque de specie peccatorum, neque de alio quocumque dubio, quo in discrimen adducatur integritas confessionis factæ. Illud videat Confessarius, & expendat, num conversio sit vera, & stabilis. Si hanc veram & fortem deprehenderit, cetera contemnat, tamquam aut diaboli artificia, aut tetri humoris melancholici perturbationes.

C A P U T IX.

De causis ab integritate confessionis excusantibus.

I. **P**rima causa excusans ab integritate materiali confessionis est physica impotentia, ratione cuius excusantur. I. Qui hic & nunc laborant ignorantia invincibili. II. Muti, qui per gestus, & signa declarare peccata sua nequeant. III. Qui inter confitendum in deliquium incidunt; si differri absolutio nequeat. IV. Si extranei ignorent idioma Confessarii, & non sit alius qui calleat pœnitentis idioma, neque differri confessio possit. An necessitas implendi præceptum annuæ confessionis sufficiat, aliqui adfirmant, & ego ignoro. Si, sublato periculo, post aliquod tempus posset reperiri Confessarius gnarus linguæ pœnitentis, differenda confessio mihi videtur, ut impleatur præceptum integritatis materialis. V. Qui, imminente naufragio, incendio, prælio, tempore destituuntur integre confitendi. VI. Quoties est periculum in mora. Tum enim explicari aliquod, vel plura peccata debent, aut pauciora, prout tempus, & circumstantiæ permiserint, & absolutio impertiri. Si plures sint pœnitentes, ut milites periculoso & inopinato conflictu impetiti, debent singuli aliquod signum præferre doloris, & Confessarius omnes simul absolvere potest, dicendo: *Ego absolvo vos &c.*

II. Altera causa est impotentia moralis, ratione cuius liber est ab integritate materiali. I. Sacerdos qui absque fractione sigilli nequeat pandere aliquod pecca-

tum. II. Infirmitas morbo contagioso infectus, cuius confessio nec a longe audiri; nec prope absque periculo potest. Tum enim audito uno, aut altero peccato, absolvi potest. III. Aegrotus, cuius vires graviter extenuarentur in exacta peccatorum recognitione, examine, & manifestatione. IV. Quando poenitens quicumque prudenter timet sibi, vel Confessario grave detrimentum, confessioni extrinsecum, manifestatione huius, aut illius peccati. Tum enim reticere tale peccatum potest, alteri confitendum, si debitum urgeat aut annuæ confessionis peragendæ, aut sacramenti administrandi.

III. Quæst. I. *An magna poenitentium frequentia ratione alicuius solemnitatis excuset ab integritate materiali confessionis?* Resp. Plures iuniores adfirmarunt, quorum opinionem probabilem censet Gobat *tract. vi. num. 479.* ubi hæc habet. „ Negat „ P. Conink *Lib. VI. num. 98.* esse probabilem opinionem arbitrantium, quando „ adest tanta multitudo confiteri volentium pro aliquo celebri festo, ut Sacerdos „ nequeat omnibus satisfacere audiendo omnes *integre*, posse singulis dicere, ut „ aperiant *solum graviora* e mortalibus, reliqua differant in aliud tempus. Censeo „ ego, salvo meliori iudicio, eam opinionem posse probabiliter sustineri, casu „ quo multi e longinquo advenissent, obtinendæ alicuius *grandis* indulgentiæ, confessionem, & communionem requirentis, causa. “ Hanc opinionem damnavit Innocentius XI. in hac 59. thesi. *Licet sacramentaliter absolvere dimidiate tantum confessos ratione magni concursus poenitentium, qualis v. g. potest contingere in die magnæ alicuius solemnitatis, aut indulgentiæ.* Qua vero fronte Missionarii quidam; ut plura hominum millia ad sacramenta admitterent, suis auditoribus e suggestu inculcaverint ut graviora peccata confiterentur, post huius propositionis damnationem, fasis mirari profecto non possum.

IV. Quæst. II. *An excusetur ab integritate materiali confessionis poenitens qui habens casus reservatos non potest tunc superiorem adire?* Resp. Adfirmarunt plures: quorum opinio contineri videtur in superiori proscripta thesi. Putarunt enim posse poenitentem inferiori Sacerdoti manifestare sola non reservata peccata, & ab iisdem absolvi cum onere adeundi superiorem pro reservatis; vel posse primum soli superiori manifestare reservata, & ab iisdem absolvi, & ad inferiorem redire pro confitendis peccatis non reservatis. Quam opinionem communiter Auctores improbant. Quia neque superior, neque inferior potestatem habent dimidiandi confessionem, cuius integritas est de iure divino, a qua sola urgens, & gravis necessitas excusare potest.

V. Contendunt Lugo, Conink, & alii, posse superiorem absolvere a solis reservatis, & poenitentem remittere ad inferiorem pro aliis, quando superior hic & nunc non posset audire integram confessionem, & poenitens carere diutius absolutione non posset, atque nullus tunc adesset alius Confessarius. Verum vix

contingere casus potest. Quia si superior nequit audire integram confessionem, auferat reservationem. Alii aiunt, iustam causam confitendi inferiori non reservata cum onere confitendi superiori reservata, esse necessitatem tuendi vitam, vel famam, aut vitandi scandalum. Verum & casus isti rarissimi sunt. Si tamen reipsa contingerent, puto esse sufficientem causam excusantem ab integritate; ut infra de reservatis dicam. Ceterum falsam reputo opinionem quam ex De Lugo, Leandro, Lopez, & aliis refert, & defendit P. Viva *quæst. v. art. 7. num. 7.* nempe licitum esse dimidiare confessionem, si longo tempore esset differenda confessio, quamquam non urgeret præceptum annuæ confessionis: quia, inquit, *diu privari fructu huius sacramenti est notabile nocumentum. Ita communius Doctores apud De Lugo.* Sed mihi videtur, communioem opinionem horum Doctorum contineri in thesi damnata proxime relata. Damnavit Ecclesia opinionem dimidiandi confessionem ob acquirendam indulgentiam in magna solemnitate ab illis qui forte e longinquo veniunt tanti thesauri comparandi, & sanctificandæ animæ causa. Et sola privatio fructus huius sacramenti causa sufficiens erit dimidiandi confessionem? Hæc opinio mihi damnata laxior apparet. Nec est quod reponatur, Doctores istos obligare pœnitentem ad manifestanda inferiori reservata, & non reservata cum onere adeundi postea superiorem pro reservatis. Nam hæc manifestatio, facta inferiori non habenti potestatem in reservata, non tollit quin confessio sit dimidiata ex defectu iurisdictionis in Confessario. Plura congerit R. Viya, ut hanc veritatem implicet. Sed omnia frustra.

VI. Quæst. III. *Utrum persona complicitis sit manifestanda in confessione?* Resp. Quando Confessarius inveniri potest cui ignota sit persona complicitis, dubio procul tenetur pœnitens hunc adire Confessarium, ut samæ complicitis consulat. Quando talis minister non invenitur, manifestanda est persona complicitis, ut confessio fiat integra. Hæc semper fuit Ecclesiæ praxis. Nam sacri canones pœnas præscribunt certis determinatis criminibus infligendas. S. Basilii *epif. ad Amphilochem cen. xxv.* inquit: *Qui cum propria ex patre, vel ex matre sorore pollutus est, in domum orationis ne permittatur accedere, donec ab iniqua, & nefaria actione desistat. Postquam autem in horrendi peccati sensum, & animadversionem venerit, triennio deficiat.* Item can. lxxix. *Si qui in suas novercas insaniunt, sunt eidem canonis obnoxii cui & ii qui in suas sorores insaniunt.* Eiusmodi peccata declarari nequeunt, non manifestata complicitis persona. Item dicendum de peccatis mariti cum uxore, & uxoris cum marito communibus. Quæ peccata severioribus pœnis plectuntur a sacris canonibus, ut colligitur ex Venerabili Bedæ *cap. 11. de remed. peccat.* ubi refert antiquos canones. *Si uxoratus ancillam suam compresseris, annum unum pœniteat. . . a sua se abstinat. Illa, si invita passa est, quadraginta dies pœniteat.* Ratio patet. Integritas Confessionis iuris divini est. Hæc autem integritas postulat

ut manifestentur species, & numerus peccatorum. Ergo quoties circumstantiæ aut mutant speciem, aut malitiam mortaliter intra speciem multiplicant, aut formaliter, aut virtualiter patefaciendæ sunt, declarata complicitis persona, quando aliter consistere integritas confessionis nequit.

VII. Facile eludunt iuniores citatos canones, arguentes eosdem loqui aut de peccatis publicis, aut de manifestatione confusa & generali. Sed falluntur. Nam multa sunt peccata enumerata, quæ nonnisi secreto perpetrari solent, nullo teste præsentem præter complicem. Præterea Morinus *Lib. II. cap. XII. & seq.* canones refert qui expresse de occultis peccatis loquuntur. Quod, subditur de manifestatione confusa, verum habet, quando id fieri potest. Ceterum fideles oppidorum & pagorum vix possunt manifestare circumstantiam, quin Confessarii deprehendant complicem. At in magnis urbibus manifestari circumstantia complicitis potest, quin Confessarius cognoscat talem complicem. Semper enim custodienda, quoad potest, est fama proximi. Quare dicimus, debere pœnitentem vel adire Confessarium cui ignota sit complicitis persona; vel disserre, si commode possit, confessionem.

VIII. Opponunt 1. numquam licitum esse detrahere famæ & honori proximi. Sed qui complicem in confessione manifestat, detrahit famæ, & honori proximi. Ergo licitum non est complicem in confessione prodere. Resp. Qui peccat, tenetur confiteri peccatum suum. Christianus peccati socius ius amittit ad suam famam respectu confessionis. An Christianus iste peccati socius subditus non est legi divinæ integritatem Confessionis præcipienti? Ergo dum consentit in peccatum, ipso facto consentit in manifestationem talis peccati pandendi Confessario? Ius ne habet peccati particeps ne peccati socius confiteatur iuxta divinæ legis præscriptum? Quis hoc dixerit? Ergo ius non habet ut socius pœnitens occultet peccati speciem, quæ ad integritatem pertinet confessionis. Peccati socius ius habet ne peccatum occultum manifestetur extra confessionem; at ius non habet ne in confessione manifestetur: quia lex confessionis iubet ut peccati species declaretur. Dum socius consentit in peccatum, subiicit se huic legi præcipienti talis peccati manifestationem. Cum pœnitens manifestat peccati speciem, quæ complicem prodit, non complicitis infamiam, sed animæ suæ salutem intendit. Ergo detractionis reus non est, ut S. Thomas 2. 2. *quæst. lxxxiii. art. 2.* inquit. *Contingit tamen quandoque quod aliquis dicit aliqua verba, per quæ diminuitur fama alicuius, non hoc intendens, sed aliquid aliud. Hoc autem non est detrahere per se, & formaliter loquendo, sed solum materialiter, & quasi per accidens. Et si quidem verba per quæ fama alterius diminuitur, proferat aliquis propter aliquod bonum necessarium, debitis circumstantiis observatis, non est peccatum, nec potest dici detraçtio.* Quanto minus detraçtio dicenda est manifestatio criminis in confessione? Quod-

nam

nam famæ detrimentum subit peccati socius propterea quod alter socius pœnitens in aurem Sacerdotis declaret peccatum? Numquid Sacerdos quidquam exterius agere valet quod in eiusdem personæ complicitis detrimentum cedat? Quod si hæc persona peccati socia aliquid famæ in opinione Sacerdotis amittit, sibi imputare debet, quæ in peccatum consentiendo consensit in eiusdem famæ maculam. Nihili duxit famam suam prodigere penes socium, cum quo peccavit: & postea audebit derogare divinæ legi de integritate confessionis, ne in opinione Sacerdotis aliquid suæ famæ decreseat?

IX. Opponunt 2. Sacerdos qui nequit confiteri peccatum suum, nisi revelando personam cuius confessionem audivit, non tenetur illud confiteri. Ergo neque pœnitens declarare peccatum valet, quoties manifestanda est persona peccati eiusdem particeps. Resp. Paritas inepta est. Quia numquam sigillum confessionis violare licet; sed est religione summa colendum. Persona autem peccati socia nullum ius habet, quemadmodum probatum est, ut peccatum, in quod libere consensit, reticeatur.

X. Quæst. IV. *Licetum ne est declarare aut criminis socium, aut reum in confessione propter pœnitentis, aut complicitis utilitatem?* Resp. Omnes adfirmant, licetum esse pœnitenti propter propriam suam utilitatem criminis socium aut simpliciter reum declarare, ut ab importunis eius sollicitationibus ad malum sese liberet, & peccandi occasionem declinet. Iure ipso naturæ quisque propriæ salutis consulere primum omnium debet, etiam si inde per accidens malum consequatur alterius. Quare qui sollicitantur ad mala a ministris sacris, hos Episcopis, seu legitimis superioribus manifestare licite possunt, & debent. S. Augustinus autem superiores homin. ult. inter 50. monet, multos Christianos propterea sacere & sufferre aliorum peccata, quæ noverunt, quia documentis sæpe deseruntur, & ea quæ ipsi sciunt, iudicibus ecclesiasticis probare non possunt. Quamvis enim vera sint quedam, non tamen iudici facile credenda sunt, nisi certis indiciis demonstrantur. Prudentes itaque, maturi, & summopere cauti superiores sint oportet in recipiendis eiusmodi delationibus. Aliqui frequenter sunt nimium creduli; aliqui sæpe nimium increduli. AEque peccatur in nimia facilitate, ac in nimia difficultate credendi.

XI. Pœnitens non modo in proprium, sed etiam in complicitis commodum & utilitatem manifestare superiori crimen eiusdem potest, ut ad frugem revocetur meliorem. In huius rei confirmationem plura exempla Morinus Lib. II. de pœnit. cap. VII. adducit. Unum transcribere liceat ex S. Augustino hom. XLIX. inter 50. ubi hæc habet. *Nolo talem patientiam habeant christianæ mulieres: prorsus zelent viros suos non propter carnem suam, sed propter animas illorum. Omnino ego moneo, ego præcipio, ego iubeo: Episcopus iubet, Christus in me iubet . . . Nolite viros vestros permittere fornicari. Interpellate contra illos Ecclesiam. Non dico iudices pu-*

blicos, non Preconsulem, non Vicarium, non Comitem, non Imperatores, sed Cbristum. In ceteris omnibus ancilla estote virorum vestrorum, subditæ ad obsequium.... Sed, ubi ventum fuerit ad illud negotium, ubi vos Apostolus æquavit, dicens: Uxori vir debitum reddat, similiter & uxor viro... clamate pro re vestra.

XII. Duo tamen extrema summa vigilantia cavenda sunt in hoc perdifficili negotio. Unum & potissimum, ne sacramentale sigillum in suspicionem veniat violationis, & in invidiam, odiumque adducatur sacramentum. Hæc consideratio prævalere omnibus debet. Plura de hoc dicentur, cum de sigillo confessionis sermo erit. Alterum, quod caveri magnopere debet, est, ne fictis confessionibus, & calumniis adversus probos viros, larva pietatis & religionis obtectis, locus detur.

XIII. Non modo criminis socius, sed etiam persona quæ est obiectum criminis, declaranda in confessione est, quando sine hac declaratione confessio integra non esset. Frater forori, filius matri venenum propinavit ad fetum necandum, ex flagitioso concubitu conceptum: debet tunc propinator veneni has personas pandere, ut integra sit confessio.

C A P U T X.

De confessione moribundi sensibus destituti: Utriusque sententiæ fundamenta proponuntur. Laxæ opiniones P. Gormaz, Gobat, & aliorum refelluntur.

I. **C**ommunis sententia docet, moribundum qui, absente Confessario, petit confessionem, absolvendum esse, etiam si, adveniente Confessario, ob amissam loquelam nullum exhibeat signum. Ita determinavit Concilium Carthaginense IV. cap. VII. his verbis. *Is qui pœnitentiam in infirmitate petit, si casu, dum ad eum Sacerdos invitatus venit, oppressus infirmitate obmutescat, vel in phrenesim versus fuerit, dent testimonium qui eum audierunt, & accipiat pœnitentiam. Et si continuo moriturus credatur, reconcilietur per manus impositionem, & infundatur ori eius Eucharistia.* Hoc idem præscribit Rituale Romanum, Pauli V. iussu editum. *Si inter confitendum, vel etiam antequam incipiat confiteri, vox & loquela egro deficient, nutibus, & signis conetur Sacerdos, quoad poterit, peccata pœnitentis cognoscere. Quibus utcumque in genere, vel in specie cognitis, vel etiam si confitendi desiderium vel per se, vel per alium ostenderit, absolvendus est.* Idem declaravit Concilium Arausicanum I. can. XII. Leo Papa epif. xci.

II. Quæst. I. *An moribundus, qui pectus tundit, possit absolvi, licet non petat confessionem loquela amissa?* Resp. Negant plures recentiores, ut Bonacina, Megala,

& alii benigniores Probabilistæ; sed ex relatis Conciliis, & Rituali Romano opposita sententia adhibenda est.

III. Quæst. II. *An moribundus sensibus repente destitutus, qui confessionem non petiit, nec speciale signum poenitentiae dedit, si tamen pie, & christiane vixit, absolvi possit saltem sub conditione?* Resp. Convenit penes omnes, iis tantum absolutionem impertiendam esse quos prudenter præsumitur vero dolore correptos poenitere de peccatis suis. Quare publici peccatores, hæretici, schismatici, apostatæ, concubinarij, meretrices, & similes, qui vitæ statum non mutarunt, absolvendi non sunt. De Christianis disputatur qui sacramenta frequentarunt, irreprehensibilem duxerunt vitam, quoad fert humana imbecillitas. Non modo graviore Theologi, verum etiam benigniores Probabilistæ communius negant.

IV. Adfirmantem sententiam defendunt *Ioannes Hesselius, Alphonsus Salmeron, Gabriel Loterius, Homobonus, Bartholomæus Faustus, Philippus Servius, Petrus Henrix, Bosco, Scildere, Theophylus Reynaudus, Torreblanca, Machadus, Remigius, Martinus de S. Ioseph, Ioannes Pontius, Leander, Pellizzarius, Neesen, Huggenius, Havermans, Florentius Coquius, Merbesius, Gennetus, Iuveninus, Van-Roy, Gabriel a S. Vincentio, Ioannes Morinus Lib. X. de poenit. cap. x. Henricus a S. Ignatio Lib. V. num. 297.*

V. Ioannes Morinus, qui præ ceteris hanc controversiam illustravit, omni argumentorum genere hanc secundam sententiam confirmare studet. Et primum in medium promit Sacerdotale Romanum, Venetiis editum an. 1560. apud Ioannem Variscum, in quo folio 60. hæc habentur. *Talis infirmus aut iam amisit loquelam, vel usum rationis, puta quia phreneticus; aut non. In primo casu si bene vivebat, ut bonus fidelis, & frequentabat confessionem, & communionem, & huiusmodi, quamvis non petierit sacramenta, quia ex insperato talia acciderunt; vel etiam si malus, & obstinatus diu perseverans in peccatis est, & diu non confessus, si petiit Sacerdotem, ut confisteretur, ostendit se facere velle omnia quæ debet, & interea factus est mutus, vel phreneticus, & periculum est in mora, debet præsupponi contritus, & faciente aliquo confessionem generalem pro eo, sicut fit in populo, Sacerdos faciat absolutionem ab omni sententia, & peccato, & potest iniungere circumstantibus aliquid pro eo faciendum, vel heredibus, aut consanguineis pro eius anima, si volunt acceptare: deinde debet dari ei Eucharistia, quamvis non sit confessus.* Librum hunc videre minime potui. Si genuinum opus sit, magnæ est auctoritatis.

VI. Præcipuum documentum, quo suam firmat sententiam Morinus est auctoritas S. Augustini *Lib. I. de adulter. coniug. cap. xxvi.* ubi inter plura alia hæc habentur. *Catechumenis in huius vita ultimo constitutis, si morbo, seu casu aliquo sic oppressi sunt, ut quamvis adhuc vivant, petere tamen sibi baptismum, vel ad interrogata respondere non possint, prohi eis quod eorum in fide christiana nota voluntas est, ut eo*

modo baptizentur quo modo baptizantur infantes, quorum voluntas nulla adhuc patuit . . . Quia nempe non solum incredibile est, nec in fine vitæ huius baptizari catechumenum velle; verum etiam si voluntas eius incerta est, multo satius est nolenti dare, quam volenti negare, ubi velis, an nolis, sic non apparet, ut tamen credibilis sit, eum, si posset, velle se potius fuisse dicturum ea sacramenta percipere sine quibus iam credidit non se oportere de corpore exire.

VII. Ultra pergit S. Doctor, & non solum catechumenos, sed etiam illos ipsos baptizandos vult qui adulterina coniugia retinent. Siquidem cap. xxviii. hæc adiecit. *Ego non solum alios catechumenos, verum etiam ipsos qui viventium coniugii copulati retinent adulterina consortia, cum salvos corpore non admittamus ad baptismum, tamen, si desperati iacuerint, nec pro se respondere potuerint, baptizandos puto, ut etiam hoc peccatum cum ceteris lavacro regenerationis ablatur. Quis enim novit, utrum fortassis adulterinæ carnis illecebris usque ad baptismum statuerant detineri? Si autem ab illa desperatione potuerint vivere, aut facientes quod statuerunt, aut edocili obtemperabunt, aut de contemptoribus fiet quod fieri etiam de baptizatis talibus debet.*

VIII. Subdit continuo Augustinus ibidem, nullo interiecto verbo, eandem baptismatis, & reconciliationis causam esse, inquires. *Quæ autem baptismatis, eadem reconciliationis est causa, si forte pœnitentes finiendæ vitæ periculum præoccupaverit. Nec ipsos enim ex hac vita sine arrha suæ pacis exire velle debet mater Ecclesia.* His verbis finem imponit Lib. I. de adulterinis coniugiis.

IX. Ad hæc testimonia respondent prioris negativæ sententiæ Auctores, S. Augustinum loqui de iis qui signum suscipiendi baptismatis perhibent. Et sane argumentum ab exemplo catechumenorum arcessitum, non videtur inferre absolutionem dandam iis qui nullum pœnitentiæ peculiare indicium exhibent. Nam catechumenatus ipse via ad baptismum est, & peculiare voluntatis suscipiendi baptismatis argumentum. Quare si etiam pœnitens esset in aliquo pœnitentium; aut silentium, aut consentientium &c. gradu, concedenda eidem absolutio esset; quemadmodum catechumenis baptisma, si præoccupati repentino morbo loquelam & sensus amittant, impertitur. Verum S. Doctor pressius casum stringit, ac de eo loquitur de quo nullum apparet signum, sed *incertum est, nec apparet, an velit, an nolit*: quæ hypothesis non admittit aliquod signum exterius, quod manifestet talis moribundi voluntatem. Porro Augustinus ait: *Profit eis quod eorum in fide christiana iam nota voluntas est.* Quæ verba solum indicant voluntatem notam, non ex aliquo signo peculiari ipsius moribundi; sed solum ex statu aut catechumeni, aut pœnitentis. Quæ status ratio præsumendi fundamentum videtur sufficiens, talem moribundam sensibus destitutum, velle aut baptizari, aut per absolutionem reconciliari.

X. Duo itaque hic diligenter secernenda sunt voluntatis aut baptismi, aut absolutionis signa peculiaria exteriora. Unum, quod exhibeat moribundus aut voce, aut gestu aliquo : & huius generis signum nullum adesse nunc supponitur . Alterum, quod perhibet ipsius moribundi singularis status, aut catechumeni, aut pœnitentis : & hoc signum, a conditione status moribundi repetitum, sufficere sive pro baptismo, sive pro absolutione, docere S. Augustinus videtur . Illud tamen animadvertendum, S. Doctorem non ita propugnare hanc suam opinionem, ut certus de ea sit. In hanc se inclinare testatur ; ita tamen ut qui aliter sentiunt, in suo sensu abundant . De arcano enim disputatur, soli Deo noto : & nemo alterutram sententiam certam asserere potest. Sic enim *cit. cap. xxvi.* fatetur Augustinus. *Non tamen propterea damnare debemus eos qui timidius agunt quam nobis videtur agere oportere, ne de pecunia conservo credita improbius quam cautius iudicare voluisse iudicemur. Satis quippe in talibus respiciendum illud Apostoli ubi dicit : Unusquisque nostrum pro se rationem reddet Deo. Non ergo amplius invicem iudicemus. Sunt enim qui vel in his, vel etiam in aliis observandum putant, quod dixisse Dominum legimus : „ Nolite sanctum dare canibus, neque proicere margaritas vestras ante porcos.“*

XI. Plura quoque in confirmationem huius sententiæ adduci rationum momenta solent. Nam ex disciplina & traditione Ecclesiæ habemus non requiri pro absolutione, saltem conditione adiecta, signum certum contritionis pœnitentis; sed sat esse signum probabile, vel etiam dubium. Nam certum est, vel ipsis sceleratissimis peccatoribus, in extremo agone aliquo signo petentibus absolutionem, quolibet Ecclesiæ sæculo impertitam illis fuisse. Certum est autem eiusmodi sceleratorum peccatorum suspectam, dubiam, & incertissimam omnium Patrum consensu esse pœnitentiam seu contritionem. Communi proverbio fertur : *Pœnitentia fera raro vera.* Similiter publicam pœnitentiam per septem, per decem annos plus minusve agentibus, si in tali statu corriperebatur repentino morbo sensus omnes auferente, impertita semper fuit absolutio; ut variis exemplis perdoctus Morinus *Lib. X. cap. v.* ostendit : quia ipse pœnitentium status sufficiens reputabatur signum contritionis in mortis articulo. Quidni igitur sufficiens pœnitentiæ signum erit sacramentorum frequentia, & vitæ probitas, quam in præfatis moribundis publice, & in omnium conspectu præcessisse supponitur ? Inquit enim Concilium Carthaginense III. *Ægrotantes, si pro se respondere non possint, cum voluntatis eorum testimonium sui dixerint, baptizentur. Similiter & de pœnitentibus agendum.* Et Concilium Arausicanum *can. xii.* subdit : *Subito obmutescens baptizari, aut pœnitentiam accipere potest, si voluntatis præteritæ testimonium aliorum verbis habeat.*

XII. Opponunt i. prioris sententiæ patroni. Concilium Tridentinum requirit pro

pro materia huius sacramenti confessionem, & contritionem &c. Ergo, hac materia deficiente, nullum est sacramentum. Respondent secundæ sententiæ defensores, in hypothesi facta non adesse quidem confessionem formalem, & expressam lingua aut nutu; sed virtualem æquivalentem, testimonio probæ vitæ præteritæ patefactam. Nec esse in mortis articulo, inquit, adeo morose, & subtiliter inquirendum de materia voce, vel gestu sensibili; sed morum potius testimonium spectandum. Porro minus dubium videtur probæ vitæ antea factæ testimonium sensibile, & oculis omnium subiectum, quam vox scelerati, in illo agone post turpem vitam absolutionem petentis, cui iuxta omnes conceditur. Sapienter Melchior Canus *releß. de pœnit. part. vi.* admonet, in praxi huius sacramenti habendam esse potius rationem eorum quæ ad mores, & ad salutem animarum pertinent, quam ad metaphysicas, sive speculativas quæstiones.

XIII. Opponunt 2. Sacra Facultas Parisiensis an. 1665. die 3. Februarii proseripit propositionem Amadæi Guimæni, in qua hæc ipsa sententia continetur. Respondet Turnely, & alii, merito fuisse proscriptam Moyæ opinionem, quia inquit ille: *Rarissime evenit ut tam cito sensibus quis, dum aliu peccat, destituatur, ita ut vicinus morti non velit suæ saluti consulere per aliquam attritionem.* Loquitur P. Moya de peccato publico quocumque; contenditque cuilibet etiam publico peccatori indiscriminatim laxandam esse absolutionem, ut narrat citatus Honoratus Turnely *quæst. ix.* Et hanc nimium laxam opinionem iure damnavit sacra Facultas Parisiensis. Vult enim Moya, quemlibet sceleratum præsumendum esse in articulo mortis contritum. Quæ opinio toto cælo distat a sententia quæ docet, illi Christiano sensibus destituto impertiendam saltem sub conditione absolutionem, cuius antea factæ vitæ probitas, & sacramentorum frequentia perhibent testimonium longe minus incertum, & dubium quam sit vox scelerati confessionem petentis in illius agonis extremo.

XIV. Hæc sunt utriusque sententiæ præter propter argumenta. Quodnam iudicium nostrum? In Animadversionibus ad Ioannem Pontasium *verb. Absol. cas. 5.* dixi, decisionem illius paullo acerbiorē esse. Sed nunc penitus revoco, & retracto omnia quæ ibidem scripsi. Quoniam post severius examen non leve mihi facessit negotium, quod Christus instituit confessionem per modum iudicii sensibilis & humani. Hoc est salutis remedium pro eorum qui post baptismum mortaliter peccaverunt. Porro quando Deus alicuius salutem vult, eadem voluntate vult media. Admissa ergo hypothesi, Deum salutem velle huius aut illius peccatoris, videtur dicendum, quod eidem Deus tempus concessurus sit quo implere media a Christo Domino præscripta possit ad æternam salutem necessaria; vel asserendum, illo tempore Christianum pium, probumque ad se Deum vocare, quo cognoscit esse eum gratia sanctificante præditum. Hæc potius de infinita

Dei clementia præsumenda videntur, quam quod velit iustificare impium absque vel perfecta contritione, vel confessione signo sensibili manifestata. Et sane argumenta sententiæ negantis videntur validiora: quia sacramenti materia necessaria sunt actus pœnitentis. Si hi desunt, deest materia necessaria, sine qua perfici sacramentum nequit. S. Augustinus loquitur de moribundo qui statum pœnitentiæ profiteatur, qui voce, & operibus absolutionem petierit; sicuti de catechumeno, qui in via peculiari constitutus est ad baptismum suscipiendum.

XV. Quæst. III. *Quid dicendum de opinionibus P. Gormaz, docentis, absolvendos sub conditione etiam illos qui destituti sensibus male vixerunt, & in ipso actuali peccato sensus amittunt?* Resp. Quamvis probabilis sit opinio illorum qui defendunt, Christianos sensibus destitutos absolvendos esse, quando eorundem proba & bene morata vita haberi prudenter possit pro signo & testimonio voluntatis consistendi, atque adeo pro materia satis probabili sacramenti administrandi; tamen iidem Theologi præfatæ opinionis defensores negant impertiendam absolutionem illis Christianis sensibus destitutis, qui iniquam duxerunt vitam. P. Ioannes Baptista Gormaz *disp. v. de absol. sec. 2. §. 2. num. 166. pag. 775. & seq.* „ Fit sexto etiam „ esse absolvendum eum de quo non constat an vitæ discrimen præviderit, *sive* „ bene, *sive* male vixerit, & invenitur sensibus destitutus, & morti proximus: quia „ vita, & fides christiana, quam professus est, fundamentum præbet, ut iudice- „ mus in tali discrimine velle absolutionem, & sacramentum, sine quo credidit; „ vel timet non posse salvari. “ Igitur sive bene, sive male vixerit, absolvi potest moribundus sensibus destitutus? Scilicet, inquit P. Gormaz. Ecur? Quia credidit. Sed male vixit. Quid interest? Credidit. Ergo præsumendum est illum velle absolutionem. Peregrege. Omnes qui damnantur, vellent a damnatione, seu a peccatis, propter quæ damnantur, absolutionem. P. Gormaz suam hanc opinionem transcripsit ex P. Matthæo Moya, quem ibidem citat *num. 263.* Sed hanc opinionem, tamquam falsam & laxam, damnavit sacra Facultas Parisiensis: & opus ipsum Moyæ damnatum est.

XVI. Laxiorem, & scandali plenam opinionem docet idem P. Gormaz ibidem. „ Quapropter, cisi forte quis ACTUALITER PECCANDO subito destituatur sensibus, REGULARITER sine absolutione dimittendus non est; cum rarissime contingat ut morti vicinus non velit salutem suam consulere, *saltem per attritionem*, „ qua non constat interne carere, quamvis externe sit sensibus privatus: per conditionem enim evitatur iniuria sacramenti &c. Sic Bonagratia supra citatus. „ *Vide Gobat tract. vii. num. 597. usque ad 625.* “

XVII. Scelerati ergo Christiani *actualiter peccando*, actualiter in duello, in fornicatione, in adulterio, in blasphemis sensibus destituti, mortique proximi absolvendi, & quidem *regulariter* sunt? An hæc non sunt paradoxa quæ fidelium au-

res offendunt? Quid ad hæc R. P. *Franciscus Zech*? An dicturus est, me vocare celeberrimam Academiam, in qua hæc docuit P. Gormaz, cathedram pestilentiae, propterea quod absurda, quæ laxam, & falsam sententiam consequuntur, recorder? Suspicio ego & personam P. Gormaz, & multo magis illius percelebreni Academiam. Laxam dumtaxat, ut micissime loquar, doctrinam improbo, & re-futo: si tamen refutatione indiget, quæ natura sua horrorem, & scandalum, ut mihi videtur, ingerit.

XVIII. Quæst. IV. *Quid dicendum de opinione P. Gobat, quæ eludit suæ Societatis decretum, prohibens absolutionem moribundi destituti sensibus?* Resp. P. Gormaz citat P. Gobat. Et P. Gobat citat *trac. vii. num. 602.* hoc decretum suæ inclytæ Societatis his verbis. „VI. Merito inhibuere recentissime Superiores Societatis no-
„stræ suis ne imposterum doceant hanc propositionem: *Moribundus, etsi nullum*
„*signum det, aut dederit contritionis, adeo ut Sacerdos nec sciat, nec prudenter pu-*
„*tare possit præcessisse sensibilem aliquam confessionem, absolvi potest.*“ Duo excogi-
tavit P. Gobat, ut hoc prudens decretum eluderet. En illius verba *loc. cit. num.*
604. „Porro circa ordinationem illam nostri Ordinis, de qua *num. præced.* disse-
„ruimus, notanda sunt duo. Primum, quod loquatur de casu quo non potest
„prudenter præsumi, quod dederit signum. . . . Alterum, quod ordinatio *expres-*
„*se solum prohibeat ne illa sententia DOCEATUR, non autem expresse ne PRA-*
„*CTICETUR.*“ Vin' pulchriora? Quid? Si vel ipsius Societatis decreta lepidis e-
luduntur commentis; quam expectare obedientiam decreta extranea, valent? Alto
prætereo silentio consecraria quæ hinc sponte sua profisciscuntur. An dicent, tex-
tum P. Gobat minus sincere esse productum? Oro omnes ut legant in fonte &
Gobat, & Gormaz, & La-Croix, & Viva, & omnes quos in hoc opere cito.

C A P U T XI.

De iterandis confessionibus.

1. **Q**uæst. I. *Datur ne confessio valida & informis?* Resp. Sacramentum vali-
dum, & informe a Theologis vocatur quod habet omnes partes essen-
tiales ad valorem, sed propter subiecti indispositionem non confert gratiæ effe-
ctum. Thomistarum plures dari confessionem *validam, & informem* propugnant
hoc S. Thomæ in *IV. Sent. dist. xvii. quæst. 111. art. 4.* testimonio nixi. *Dicendum,*
quod confessio est actus virtutis, & pars sacramenti. Secundum autem quod est actus
virtutis, est actus meritorius proprie; & sic confessio non valet hinc caritate, quæ est
principium merendi: sed secundum quod est pars sacramenti, sic ordinat consentem
ad Sacerdotem, qui habet claves Ecclesiæ, qui per confessionem conscientiam confren-

ita agnoscit; ET SECUNDUM HOC confessio etiam potest esse in eo qui non est contritus, quia potest peccata sua Sacerdoti innotescere, & clavibus Ecclesiae subicere: & quamvis tunc non percipiat absolutionis fructum; tamen recedente fictione percipere incipiet; sicut etiam est in aliis sacramentis. Unde non tenetur reiterare confessionem qui filius accedit; sed tenetur postea suam fictionem confiteri.

II. Heinc argumentantur communiter Thomistæ, præsertim Gonet, Salmanticenses, Cardinalis Gotti, & ceteri, vim potissimum collocantes in iis verbis, *sicut etiam est in aliis sacramentis*. Baptisma, recedente fictione, producit gratiam. Ergo & pœnitentia. Validum baptisma est, etiam si suscipiatur cum actuali affectu ad peccatum mortale, & sacrilege: ergo valida sacramentalis confessio, tametsi pœnitens de peccatis quæ confitetur, gaudeat, & in eisdem se complacet. Erroneum hoc videtur commentum. Non sunt igitur præfata verba rigide interpretanda. Salmanticenses excogitarunt duplicem attritionem supernaturalem: aliam inefficacem, quam volunt partem sacramenti; aliam efficacem, quam dicunt dispositionem ad effectum sacramenti. Sed hæc nobis videtur mera scholastica speculatio prorsus arbitraria. Nam attritio inefficax non excludit voluntatem peccandi. Attritio autem quæ huius sacramenti materia est, excludere omnem peccandi affectum debet; ut Concilium Tridentinum decisit. Thomistarum alii dicunt, confessionem validam & informem esse ex defectu examinis. Alii docent, confessionem validam & informem esse, quando attritio non est universalis. Tandem alii, quos inter Cardinalis Gotti, defendunt confessionem validam & informem esse, quando quis bona fide existimat verum dolorem se de peccatis habere, qui talis non sit apud Deum.

III. Omnes isti modi mihi falsi sunt. Quare imbecillitati meæ nullus apparet casus in quo confessio sacramentalis valida sit, & informis. Possem singulos recensitos modos valide refellere; sed res tanti non est, ut otio abutar. Audes ergo a communi Thomistarum sententia recedere? Audeo, quando deprehendere nequeo ab ipsis veritatem stare. Unde colligere Probabilitatæ debeo, me non partium, non instituti, non simularis studio, sed unius veritatis, quæ mihi talis apparet, amore scribere. Ignorantiæ in ea deprehendenda arguere me valent; at simul sinceritatem meam probent oportet.

IV. Recedes ergo etiam a S. Thoma? Absit. Tanta est erga S. Thomæ ingenium prope divinum reverentia & obsequium, ut si quid ille doceret quod ego assequi non possem, profundo silentio & obsequio venerarer. Sed id hæcenus non accidit. Laudatum testimonium sic exponi potest. Qui apud eundem Confessarium peccata sua semper deponit, si fide confiteatur ex defectu veri doloris sufficientis, non tenetur iterum declarare ea peccata in præcedente confessione patefacta, quæ iam subicit clavibus, sed solum manifestare fictionis peccatum. Si

vero alium Confessarium adeat ; tum non fictionem modo , sed omnia quoque peccata declarare tenetur. Sic interpretatur S. Thomas D. Antoninus III. *Part. tit. xiv. cap. xix. §. 5.* ubi inquit. *Potest sustineri opinio S. Thomæ loquendo de illo qui confitetur ei cui prius ; & non oportet iterare confessionem prius factam , licet fidam , etiamsi Sacerdos non recoleret peccata sibi prius dicta. Quia nec quando confessio est integra , oportet quod recolat actu de principio usque ad finem. Et maxime quia hic sufficit absolvere ab omnibus , & iniungere pœnitentiam pro fictione , & pro aliis , quod faciat pœnitentiam tunc sibi iniundam.* Huic S. Antonini interpretationi subscribit Natalis ab Alexandro *Lib. II. reg. 18.* ubi variis S. Thomæ , & S. Antonini testimoniis illam confirmat. Et profecto S. Thomas III. *Part. quæst. xc. art. 1. & in Suppl. quæst. viii. art. 2.* docet contritionem , & confessionem ad essentiam sacramenti pertinere. Nec veri discipuli S. Thomæ aliquem ambiguum eiusdem Doctoris textum ex sententiaris libris , quos iuvenis scripsit , urgere debent : nam plura eorum quæ iuvenis docuerat , in Summa Angelicus temperavit , & luculentius exposuit. Quare Sylvius contendit , præfatam opinionem S. Thomam retractasse. Non tanti facio hanc quæstionem , ut operæ pretium existimem eam severius discutere. Sat mihi est hæc pauca obiter indicasse.

V. Quæst. II. *Quo in casu confessio reiteranda est ?* Resp. Innumeri sunt casus in quibus reiteranda confessio est. Quando confessio fuit invalida , semper repetenda est. Solus autem prudens & doctus Confessarius deprehendere potest confessiones validas a fictis & sacrilegis , aut ex defectu doloris , aut ex culpabili negligentia in conscientia excutienda .

VI. Ex parte pœnitentis confessio invalida est. 1. si desit dolor sufficiens. 2. si pœnitens scienter reticeat aliquod peccatum mortale , aut ex malitia , aut ex verecundia . 3. si negligentia mortaliter culpabili omiserit debitum examen . 4. si ob finem mortaliter prævum confiteatur . 5. si graviter mentitus fuerit in confessione . 6. si conscius excommunicationis sive maioris , sive minoris , eandem occultet . 7. Hæc facillime cognoscuntur. Sed radix plurium sacrilegarum confessionum , quo est occultior , eo est universalior. Quænam hæc ?

VII. Qui Confessarios aut semidoctos , aut nimium benignos sollicite quæritant , ut absolvantur a peccatis in quæ frequenter relabuntur , argumentum valde probabile præbent , eorum confessiones esse sacrilegas. Consule quæ diximus supra de firmitudine & stabilitate iustificationis christianæ : & inde deprehendes , magnam confessionum partem sacrilegiis pollutam esse. Ad morum itaque reformationem oculos converte. Si ex frequentia confessionum veram morum reformationem non agnoscit , non ambigat Confessarius , nullas fuisse confessiones. Quid significat vera morum reformatio ? Quod pœnitentes absolute abstinèant a peccatis mortiferis , quod occasiones , quod mundi oblectamenta , ipsa evitent . Excipe eventus con-

tin-

tingentes, fortuitos, ex aliquo inopinato occasionis graviter allicientis occurſu, ex aliqua vehementi tentatione proficiſcentes. Ceterum confeſſiones illorum qui præter propter in eadem relabuntur peccata, qui aut illecebras comœdiarum, ſpectaculorum, ludorum, aut alloquia familiaria mulierum, aut vanas pompas, luxum, & ſaltum, convivia oppipara, & ceteras mundi conſuetudines vanas derelinquere nolunt, ſed eas contra perſequuntur, & in eodem vitiorum cœno volutantur, quamvis & diligens examen, & ſincerus dolorem, & auctoritatem Confeſſariorum abſolventium oſtendent, ſacrilegas fuiſſe plerumque ne dubites: quidquid in oppoſitum ſabulentur laxiores nonnulli Caſuiſtæ. Quando ſimiles ad pedes tuos accedunt, ſi ſincero dolore tactos deprehenderis, ad repetendas confeſſiones illos compelle. Multi hanc confeſſionum repetitionem ut iugum duriffimum apprehendunt; ſed falluntur. Da mihi peccatorem ſincere converſum, Dei amore flagrantem, & toto corde contritum: ego breviffimo tempore illius confeſſionem tibi exactam ſpondeo. Amor Dei, veraque contritio antidotum eſt, quod adeo efficaciter ad vomitum omnium mortalium peccatorum diſponit, ut homo vere contritus Deique amator nequeat in corde hoſpizium peccato mortali concedere. Multi per plures dies mentem torquent in luſtrandis conſcientiæ latebris, in ſupputandis peccatorum numeris. Ego veſſem ut dies, & hebdomadas inſumerent in precationibus, in meditationibus bonitatis, iuſtitie, & divinæ miſericordiæ; gravitatis offenſæ Deo irrogatæ, æternitatis formidandæ; in ieiuniis, lacrymis, eleemoſynis illæ ſunt diſpoſitiones quibus ad veram contritionem & pœnitentiam præparare ſe pœnitens debet. Haſ diſpoſitiones examen conſcientiæ facile conſequitur, & quidem exactum, quod nequeat in corde vere contrito latitare peccatum; ut alias fuſius dictum eſt, & dicetur infra.

VIII. Ex parte Confeſſarii invalida poteſt eſſe confeſſio, atque adeo repetenda ex defectu vel ordinis, vel iuriſdictionis, vel ex ignorantia; aut ſi Confeſſarius non abſolviffet propter vel inadvertentiam, vel malitiam. Si ſomno captus audiſſet confeſſionem: ſi eſſet excommunicatus notorius. Verum plura de hoc infra, ubi de miniſtro pœnitentiæ.

DISSERTATIO V.

DE SATISFACTIONE,

quæ est tertia sacramenti pœnitentiæ pars.

CAPUT I.

De nomine & necessitate satisfactionis humanæ.

I. **H**ANC tertiam sacramenti pœnitentiæ partem pernegant Lutherani, & Calvinistæ post Audianos, & quosdam Manichæos. Contendunt quippe novatores, ut alias dictum est, firmissima in Christum fiducia noxam omnem, & omne pœnæ debitum remitti: quia Christus pro omnibus cumulate satisfecit. Istorum errores anathemate percussit Synodus Tridentina *sess. xiv. can. 12. 13. 14. & 15.* quos legere potes, quin illos rescribam.

II. Satisfactio absolute accepta est debiti cuiuscunque solutio. Satisfactio de qua in præsentî, est solutio debiti ex delicto contracti. Triplex ex peccato mortali patrato reatus, offensæ Deo irrogatæ, pœnæ æternæ, & pœnæ temporalis. Post condonatam offensam, seu culpam, & pœnam æternam, eluenda remanet pœna temporalis.

III. Quæst. I. *Quid sit satisfactio sacramentalis?* Resp. Communiter definitur, quod sit pœnæ acceptatio, & voluntaria permissio a Confessario iniuncta ad redintegrandam amicitiam cum Deo per peccatum laesam, & ad compensandam iniuriam ipsi irrogatam. Satisfactio rationem habet pœnæ, a qua pœnitentia communiter præ aliis duabus partibus nuncupatur. Ieiunia, elemosynæ, preces, & quæcumque alia pietatis opera incommoda; & molesta sunt corpori in hoc statu naturæ corruptæ. Oratio, si sit brevis, puta unius psalmi, vix pœnæ rationem habet; si vero sit diuturna, permolesta corpori est. Quamobrem meminerit Sacerdos satisfactionem esse pœnam, vi cuius a restitutione differt. Pœnitentiam igitur imponat quæ pœnæ nomen obtineat. Dicitur *acceptatio*, & *voluntaria pœnæ permissio*, quia invita, & coacta, non esset Deo accepta. Additur a *Confessario iniuncta*, ut sacramentalis satisfactio a pœnitentiis quas sponte suscipimus, distinguatur. Ultimo adicitur, *ad redintegrandam cum Deo amicitiam*. Peccatum enim amicitiam, & iustitiam lædit. Peccator autem reparare utramque debet.

IV. Quæst. II. *Necessaria ne est satisfactio Deo exhibenda in delictorum vindictam?* Resp. Negant novatores, sed adfirmant Catholici omnes. Obvia & luculenta sunt Scripturarum testimonia. Ioelis Prophetæ cap. 11. inquit Dominus: *Convertimini ad me in toto corde vestro, in ieiunio, fletu, & planctu.* Et Ionæ cap. 111. de pœnitentia Ninivitarum dicitur: *Vidit Deus opera eorum, qui conversi sunt a via sua mala; & misertus est Deus.* Iob cap. ult. *Ago pœnitentiam in favilla, & cinere.* Matth. 111. *Facite ergo fructus dignos pœnitentiæ.* Daniel cap. 1v. sic Regem alloquitur: *Quamobrem, Rex, consilium meum tibi placeat, Peccata tua elemosynis redime, & iniquitates tuas misericordiis pauperum: forsitan ignoscet delictis tuis.*

V. Confirmat hæc omnia Apostolorum, & universalis Ecclesiæ traditio. S. Paulus I. Cor. ix. ait: *Castigo corpus meum, & in servitutem redigo, ne, cum aliis prædicaverim, ipse reprobus efficiar.* Tertullianus Lib. de pœnit. cap. vi. inquit: *Quam porro inceptum, quam pœnitentiam non adimplere, & veniam delictorum sustinere, hoc est pretium non exhibere, & ad mercem manum emittere? Hoc enim pretio Dominus veniam addicere instituit.* S. Cyprianus Lib. de lapsis mollem & laxam nonnullorum illius ætatis disciplinam carpit, qua venia delinquentibus, & pax concedebatur: quam opinandi praxim appellat novum genus cladis, malum fallens, blandam perniciem: *pacem præposteram, & periculosam esse dantibus, & accipientibus nihil profuturam.* Et rursus epist. xxxv. ad Cornelium: *Datur opera, ne satisfactionibus, & lamentationibus iussis delicta redimantur, ne vulnera lacrymis abluantur.* Quæ zeli iacula non contorqueret in aliquorum opinandi modum, quo ætate nostra opera satisfactoria ad nihilum fere rediguntur? S. Hieronymus in Ioelē clamat: *Qui peccator est, & quem remordet propria conscientia, cilicio accingatur, & plangat sua delicta. . . & cubet, vel dormiat in sacco, ut præteritas delicias, per quas Deum offenderat, vitæ austeritate compenset.* S. Augustinus serm. l. nunc coelst. *Non sufficit mores in melius commutare, & a factis malis recedere, nisi etiam de his quæ facta sunt, satisfas Deo per pœnitentiæ dolorem, per humilitatis gemitum, per contriti cordis sacrificium, cooperantibus elemosynis.* Et ut plura omittam, SS. Pontifices Pius, & Gregorius XIII. hanc 77. inter Baianas thesim damnarunt. *Satisfactiones laboriosæ iustificationum non valent expiare de condigno pœnam temporalem restantem post culpam condonatam.*

VI. Plura obiciunt novatores, quæ nullo negotio diluuntur. Scripturæ testimonia, quæ ex Ezech. cap. xviii. & Isaia cap. 1. afferuntur, significant, Deum culpam remittere, & pœnam æternam pœnitenti, non vero temporalem absque laboriosis operibus. *Iustificati gratis* (inquit Apostolus Rom. 111.) *per gratiam ipsius, per redemptionem quæ est in Christo Iesu.* Gratuita est peccatorum remis-

sio ex parte Dei. Quid inde? Propterea ne liberi sumus a satisfactione ex parte nostra pro temporali pœna exhibenda? Negant una voce Patres omnes: idque perspicue constat ex adductis Scripturarum testimoniis.

VII. Insistunt. Satisfactio Christi fuit infiniti pretii: ergo superflua est omnis satisfactio humana. Resp. Negatur consequentia. Necessariam dicimus satisfactionem humanam: quia licet Christus Dominus satisfecerit, & quidem superabundanter vel pro ipsis pœnis temporalibus; tamen hæc satisfactio nobis non communicatur, nisi mediis laboriosis operibus, Christo ipso sic disponente, & iubente, ut ex Scripturis, & Patribus constat.

VIII. Quæst. III. *Quæ sunt opera quibus satisfacere pro pœna temporali Deo homo potest?* Resp. Tria, nempe oratio, ieiunium, & eleemosyna. Ad hæc tria genera revocantur cetera bona, ut habet S. Augustinus *Lib. de perfect. iust.* inquit: *Sub ieiunio quippe comprehenditur universa corporis castigatio: sub eleemosyna benevolentia, & beneficentia vel dandi, vel ignoscendi: sub oratione omnes regulæ sancti desiderii.* Oratio includit ea omnia quæ divinum cultum spectant: superbiam deprimit, & animum Deo subicit. Ieiunia, & aliæ corporis constitutiones cilicia, disciplinæ, & cetera id genus concupiscentiam cohibent. Eleemosynæ cupiditatem, avaritiam, & concupiscentiam oculorum coercent.

IX. Oratio delectat, ut inquit *cap. v. S. Iacobus*. *Tristatur aliquis vestrum?* oret. Ergo non est opus pœnale. Resp. S. Thomas in *Suppl. quæst. xv. art. 3. ad 1.* inquit: *Qualibet oratio habet rationem satisfactionis. Quia quamvis habeat suavitatem spiritus, habet tamen afflictionem carnis. Quia, ut dicit Gregor. super Ezech. dum crescit in nobis fortitudo amoris intimi, infirmatur proculdubio fortitudo carnis. Unde & nervus femoris Iacob ex luctu Angeli emarcuisse legitur Gen. xxxii.*

X. Ad præfata tria bonorum operum genera revocantur etiam illa quæ nobis a Deo infliguntur flagella, & calamitates, ut Tridentinum *sess. xiv. cap. ix.* declarat, inquit, *tantam esse divinæ munificentie largitatem, ut non solum pœnis sponte a nobis pro vindicando peccato susceptis, aut Sacerdotis arbitrio pro mensura delicti impostis, sed etiam (quod maximum amoris argumentum est) temporalibus flagellis a Deo inflictis, & a nobis patienter toleratis, apud Deum Patrem per Christum Iesum satisfacere valeamus.*

XI. Piis quoque operibus sponte susceptis placatur divinæ vindictæ furor, eiusque iustitiæ satis fit, ut S. Augustinus in *Psal. l. ad illa verba, a delicto meo munda me*, explicat hoc pacto. *Quo merito? Medicus est, offer mercedem. Deus est, offer sacrificium. Quid dabis, ut munderis? Vide enim quem invocas: iustum invocas, edit peccata, si iustus est: non poteris auferre a Domino Deo iustitiam eius: implora misericordiam, sed attende iustitiam. Misericordia est, ut ignoret pec-*

peccanti : iustitia est , ut puniat peccatum . Quid ergo queris misericordiam ? Peccatum impunitum remanebit ? Responderis David , responderint lapsi , responderint cum Davide , & dicant : Non , Domine , non eris impunitum peccatum meum : novi iustitiam eius cuius quero misericordiam : non impunitum eris : sed ideo nolo ut tu me punias , quia ego peccatum meum puniam : ideo peto ut ignoscas , quia ego agnosco .

XII. Excusant se Christianorum multi , & impares ad pœnitentiam satisfactoriam , nempe ad ieiunia , cilicia , flagella &c. sustinenda se se deprædicant . At divina flagella , & calamitates , velint , nolint , perpetuantur necesse est . Porro clementissimus Pater , quamdiu in hac mortali vita degimus , nos erudit , & castigat : quia , ut Propheta Amos cap. 111. ait , *si eris malum in civitate quod Dominus non fecerit* . Plura nobis ille positive immittit , infirmitates , aeris intemperiem , egestates , amicorum , & propinquorum mortes : plura alia permittit , & sua sapientia ordinat , aut ad iustorum profectum , aut ad peccatorum vel conversionem , vel vindictam ; ut persecutiones , calumnias , bonorum direptiones ; hostium vastationes , exilia , carceres . Hæc omnia perpeti homines debent in dies . Cur illa in peccatorum vindictam non sustinent ? Quam allegare excusationem valent , nisi pravam voluntatem ? Et tamen hac malorum voluntaria , & constanti tolerantia satisfacere pro peccatis divinæ iustitiæ possent . Unde reluctatio ? Non aliunde , nisi ex cæcitate , qua obducti homines nolunt super peccatis suis recogitare . Quandoquidem , *si nosmetipsos diiudicavimus* (inquit Apostolus 1. Cor. xi.) *non utique iudicemur* . Dum iudicamur autem , a Domino corripimur , ut non cum hoc mundo damnemur . Iniungunt Sacerdotes pœnitentias : aliquas sponte suscipiunt fideles . Sed plura clementissimus Pater sibi servat peccata puniendâ morbis , calamitatibus , penuria , miseria , aliisque huiusmodi , quæ omnia si homines forti animo sustinuerint , gratissimam satisfactionem Deo offerent .

XIII. Christiani itaque qui sincero corde dolent de culpis suis , semper parati sint necessum est ad compensandas offensas Deo illatas , & cum Davide sancto clamare debent : *Quoniam ego in flagella paratus sum* . Nullum est flagellum , ad quod sustinendum paratus non sit Christianus sincere contritus : & eo libentius perfert , quo certior est , calamitates omnes dispensari ab optimo & clementissimo Patre , qui omnia suaviter disponit . Ipsi ergo (inquit Ambrosius in laudat. Psal.) *nos committamus parati ad curandum , quo velis curari medicamento* . Nemo dicit medico corporis sui , quemadmodum sit curandus . Novit medicus quæ singulis vulneribus medicamenta conveniant , cuius ulceris putredo ferro sit amputanda , ne in totius corporis serpat exitium . Si dixerit medicus medicinæ genus , quo curari ager debeat , & ille assidiat , discedit medicus , & ægrotum decubant .

quit . . . *Medicina Christi correptio est : corripit enim Dominus quem vult convertere . Illud vero animare nos omnes ad hanc saluberrimam poenitentiam debet , quod declinare has calamitates nullo modo possumus . Voluntaria dumtaxat perperſio easdem leviores efficit , atque in noſtrum commodum , & utilitatem convertit . Qui in tribulationum fluctibus colluſatur , naufrago aſſimilatur , qui natando curat ne caput aquarum undis obruatur . Angitur ille , & laborat ; ſed evadendi naufragii ſpe erectus , undas & fluctus intrepide ſindit , & ſuperat ; & eo ſe feliciorē reputat , quo infeliciores ſunt alii , quos in profundum ob illorum ignaviam demerſos videt . Qui enim amore Dei , & deſiderio ſatiſfaciendi divinæ iuſtitiae , iſtius vitæ ærumnas ſuſtinet , iſdem mente ſuperiori innatat , & corporis imbecillitatē ſpiritus robore ſuſtentat ; & quo ſerventiorē Dei amore flagrat , eo leviores experitur tribulationes . Contra vero impii , qui has calamitates inviti & rebelles perferunt , eas acerbiores experiuntur . Præclare more ſuo hanc diverſitatem S. Auguſtinus *Lib. III. de civit. Dei cap. viii.* explicat . *Tantum intereſt , qualis quiſque patitur : nam pari motu exagitarum , & exhalat horribiliter cœnum , & ſuaviter fragrat unguentum : ſub uno igne aurum ruſilat , palea fumat : ſub eadem tribula ſtipula comminuitur , frumenta purgantur . . . Ita una eademque vis irruens bonos probat , purificat , eliquat : malos damnat , vaſtat , exterminat .**

XIV. Hæc pauca de ſatiſſactione generatim ſpectata diſta ſufficiant . Plura novatorum ſophiſmata reſellenda eſſent ; ſed propria futilitate evaneſcunt . Quod obtrudunt , ſatiſſactionem humanam derogare ſatiſſactioni Chriſti , commentum eſt novatorum cæcitate dignum ; ut pateſcit Concilium Tridentinum *ſeſſ. xiv. cap. viii.* Satiſſactiones enim quas Chriſtiani poenitentes Deo offerunt , a Chriſto Domino omnem accipiunt valorem , ut ſupra dictum eſt .

C A P U T II.

Variae de ſatiſſactione quæſtiunculae reſolvuntur .

I. **Q**UÆST. I. *Utrum ſatiſſactio executioni demandata ad eſſentiam pertineat ſacramenti ?* Reſp. Sententia negans communis eſt . Satiſſactio enim ſacramentum quantum ad eſſentiam perfectum præſupponit . Producit enim ſacramentum gratiam ante ſatiſſactionis executionem : quod præſtare non poſſet , niſi partibus eſſentialibus conſtaret . Moribundo ſenſibus deſtituto nulla imponitur ſatiſſactio ; & tamen ſacramentum eidem , ſi petierit , impertitur . Dicitur tamen pars integralis eiſdem .

II. QUÆST. II. *An ſatiſſactio valeat in peccato mortali ?* Reſp. In peccatore tria di-

distinguenda sunt. 1. Actus peccati, qui transiit, & macula, seu reatus, qui superest in anima. 2. Reatus iste, ut alias dixi, triplex est, nempe culpæ, pœnæ æternæ, & pœnæ temporalis. 3. Affectus, seu complacentia & voluntas peccandi. Quibus delibatis, dico 1. Reatus peccati numquam dimittitur neque intra; neque extra sacramentum, nisi exclusa voluntate peccandi. 2. Qui satisfactionem a Sacerdote impositam implet cum affectu & voluntate peccandi, non satisfacit divinæ iustitiæ pro pœna temporali; sed ipsam divinam iustitiam lædit. Eadem quippe actione nemo potest Deum sibi propitium reddere, & offendere. Hæc communia sunt. Difficultas in hoc vertitur, num qui est in statu peccati mortalis, possit satisfactionem sacramentalem implere? Adfirmant communiter recentiores, Merbesius, Iuvenin, Turnely, Le-Druin, & plurimi alii: idque colligunt ex antiqua Ecclesiæ disciplina, quando satisfactio præcedebat absolutionem. Et ipsa confessio est pars essentialis sacramenti, quamvis in statu peccati mortalis facta.

III. Contrariam sententiam defendunt S. Thomas, S. Bonaventura, S. Antoninus, Soto, Ledesma, Suarez, Lugo, Toletus, & alii. Hanc sententiam conceptis verbis docet Tridentini Concilii Catechismus Part. II. cap. v. num. 73. *Sed duo præcipue in satisfactione requiruntur. Primum est, ut is qui satisfacit, iustus sit, ac Dei amicus. Opera enim quæ sine fide, & caritate fiunt, nullo modo Deo grata esse possunt. Alterum &c.* Eadem docet S. Thomas in *Suppl. quæst. xiv. artic. 2.* ubi inquit: *Oportet . . . quod opera satisfactoria sint Deo accepta, quod dat eis caritas; & ideo sine caritate opera facta non sunt satisfactoria.* P. Le-Druin respondet, S. Thomam, & Catechismum intelligendos esse de caritate actuali imperfecta, sine qua neque confessio est pars essentialis, neque satisfactio pars integralis sacramenti. Quomodo enim obtinere a Deo condonationem pœnæ temporalis valet actio illa quæ Deo accepta non est? Sed hæc responsio consistere nequit. Catechismus conceptis verbis loquitur de caritate habituali, quæ iustos efficit, & amicos Dei constituit. Et hoc in sensu loqui videtur S. Thomas. Facile hæc duæ sententiæ conciliantur, si opus satisfactorium ab eiusdem merito distinguatur. Secunda sententia loquitur de satisfactione meritoria, quæ sine caritate perfecta haberi nequit. Prima defendit eum qui in peccati mortalis statu exequitur opus satisfactionis, implere præceptum satisfaciendi, nec opus esse ut iteret satisfactionem; quemadmodum perspicue S. Thomas docet *loc. cit. ad 2.* Utraque igitur sententia suo in seipsa vera est.

IV. Quæst. III. *Utrum satisfacere unus pro altero valeat?* Resp. Si satisfactio sit medicinalis, ad morbos pœnitentis, & peccatorum reliquias curandas destinata, certum est neminem pro altero satisfacere posse. Si spectetur, quatenus est peccati solutio, similiter certum est posse unum pro altero satisfacere; ut com-

munitur docent omnes, & præsertim Catechismus Tridentinus *Part. II. cap. v. num. 76.* & praxis universæ Ecclesiæ indulgentias concedentis confirmat. Lege S. Thomam in *Suppl. quæst. xiiii. art. 2.*

V. Quæst. IV. *Utrum homo possit satisfacere pro pœna uni peccato debita, & non alteri?* Resp. S. Thomas in *Suppl. quæst. xiv. artic. 1.* negative respondet. Quia sicuti nemo valet de uno peccato, & non de altero conteri; ita neque satisfacere pro uno, altero retento, potest. Dicendum, quod quidam dixerunt, quod potest de uno peccato satisfieri sine alio, ut Magister in littera dicit . . . Sed hoc non potest esse. Cum enim per satisfactionem tolli debeat offensa præcedens, oportet quod talis sit modus satisfactionis qui competat ad tollendam offensam. Offensa autem ablatio est amicitie restitutio. Et ideo si aliquid sit quod amicitie restitutionem impediat, etiam apud homines satisfactio esse non potest. Cum ergo quodlibet peccatum amicitiam caritatis impediat, quæ est hominis ad Deum, impossibile est ut homo de uno peccato satisfaciatur, alio retento; sicut nec homini satisfaceret qui pro alapa ei data se ei prosterneret, & aliam similem daret. Turnely, & alii oppositum sentiunt, hac ratione ducti, quod uni peccato est statuta pœnæ mensura, & non alteri. Sed hæc vana sunt: nec pœnitens distinguere solutionem pœnæ inflicte huic peccato, a pœna debita alteri peccato valet.

VI. Quæst. V. *Quinam sunt satisfactionis fructus?* Resp. Plures numerantur tum a Concilio Tridentino *sess. xiv. cap. viii.* tum ab eiusdem Catechismo *Part. II. cap. v. a §. 68.* Et principio peccatorum reliquæ per satisfactionem evelluntur. Quodlibet peccatum post se venefica relinquit vestigia, ad quæ delenda requiruntur contraria pietatis opera. 2. Opera satisfactoria cohibent a peccatis futuris, & concupiscentiam, ceterasque appetitiones frenant. 3. Satisfactiones sunt argumenta sinceræ detestationis peccatorum. Cor nostrum inscrutabile est, cuius profunditas nos ipsos latet. Blandimur nobis, peccata nos detestari illo ipso tempore quo peccatorum causas fovemus. Ex fructibus dumtaxat pœnitentiæ plantam dignoscimus. 4. Per satisfactionem iram Dei avertimus, ut Augustinus *serm. cclxxviii.* inquit. *Si tu te punire volueris, parcat ille. Qui autem agit bene pœnitentiam, suus ille punitor est. Sit oportet severus in se, ut in eum sit misericors Deus.* 5. Hac pœnarum satisfactione, & calamitatum perpeffione Christo Iesu capiti nostro similes evadimus. 6. Pœnis satisfactoriis Ecclesiæ satisfacimus; quæ sicuti publicis peccatis graviter offensa fuit, ita publicis solutionibus redintegritur. 7. Solvitur debitum pro reatu temporali, qui post remissam culpam remanet.

CAPUT III.

*De antiqua Ecclesiæ disciplina in satisfactionibus,
seu pœnitentiis imponendis.*

I. **E**X plurimis documentis, quæ antiquæ disciplinæ imaginem referunt, pauca brevitatis studio excribam. Et, ut ab Apostolorum ætate initium capiam, S. Paulus hac pœna incestuosum Corinthium punivit, ut *I. Cor. vii.* legitur. *Omnino auditur inter vos fornicatio, & talis fornicatio, qualis nec inter gentes; ita ut uxorem patris sui aliquis habeat. Et vos inflati estis: & non magis luctum habuistis, ut tollatur de medio vestrum qui hoc opus fecit. Ego quidem absens corpore, præsens autem spiritu, iam iudicavi ut præsens eum qui sic operatus est, in nomine Domini nostri Iesu Christi, congregatis vobis, & meo spiritu, cum virtute Domini nostri Iesu, tradere huiusmodi Satanae in interitum carnis, ut spiritus saluus sit in die Domini nostri Iesu Christi.*

II. Data fuit hæc epistola an. 24. post passionem Domini, seu anno circiter 57. æræ vulgaris. Unde colligitur non parvo temporis intervallo incestuosi pœnitentiam perdurasse. Nam solum in secunda ad eosdem Corinthios epistola *cap. ii.* legitur indulgentia eidem concessa. *Sufficit illi qui eiusmodi est, obiurgatio hæc, quæ fit a pluribus: ita ut e contrario magis donetis, & consolemini, ne forte abundantiori tristitia absorbeat qui eiusmodi est. Propter quod obsecro vos ut confirmetis in illum caritatem. Ideo enim & scripsi, ut cognoscam experimentum vestrum, an in omnibus obedientes sitis. Cui autem aliquid donastis, & ego: nam & ego quod donavi, si quid donavi, propter vos in persona Christi, ut non circumveniamur a Satana: non enim ignoramus cogitationes eius.*

III. S. Ioannes Evangelista iuvenem latrocinii famosum, nonnisi post diuturnam, & laboriosam ieiuniorum pœnitentiam, & carnis macerationem Ecclesiæ restituit; ut narrat Eusebius *Lib. II. Hist. cap. xvii.* In antiquissimo Pastorum libro Hermæ Angelus pœnitentiæ doctor sic respondet. *Protinus putas aboleri delicta eorum qui agunt pœnitentiam? Non proinde continuo; sed oportet eum qui agit pœnitentiam, affligere animam suam, & humilem animo se præstare in omni negotio, & vexationes multas, variasque perferre.*

IV. Tertullianus *Lib. de pœnit. cap. viii.* & *ix.* plura de satisfactione scribit, inquit: *Confessio satisfactionis consilium est; dissimulatio contumaciæ. Satisfactio confessione disponitur, confessione pœnitentia nascitur, pœnitentia Deus mitigatur. Itaque exomologesis prosternendi, & humiliandi hominis disciplina est, conversationem iniungens misericordiæ illicem. De ipso quoque habitu, atque vidu mand-*

dat, sacco, & cinere incubare, corpus sordibus obscurare, animum mœroribus deicere, illa quæ peccavit, tristi tractatione mutare Plerumque vero ieiuniis preces alere, ingemiscere, lacrymari, & mugire noctes diesque ad Dominum Deum suum, Presbyteris advolvi, & caris Dei adgeniculari, omnibus fratribus legationes deprecationis suæ iniungere. Et, ut plura præteream, ob oculos refert quæ perferunt incommoda, ut ambitioni, superbizque capeffendi magistratus, & quamlibet dignitatem morem gerant. Sed enim illos (pergit Tertullianus) qui ambitus obeunt capeffendi magistratus, neque pudet, neque piget incommodis & animæ, & corporis, nec incommodis tantum, verum & contumeliis omaibus eniti in causa votorum suorum. Quas non ignobilitates vestium affectant? Quæ non atria nocturnis & crudis salutationibus occupant? Ad omnem occursum cuiusque maioris personæ decrescientes, nullis conviviis celebrés, nullis comessionibus congreges, sed exules a libertatis, & latitiæ felicitate: idque totum propter unius anni volaticum gaudium: nos quod securium virgarumque petitio sustinet, in periculo eternitatis tolerare dubitamus? Et cosigationem vultus atque cultus offenso Domino præstare cessabimus, quæ gentiles nemine omnino laeso sibi irrogant? Hanc Tertulliani argumentationem infra urgebo adversus matronulas, & barbatulos, atque pullitulos nostri temporis, noctes insomnes ducentes, ut ludis, theatris, & saltationibus dent operam.

V. S. Cyprianus *Lib. de lapsis* fuso sermone in illius ætatis palpones, & blandiloquos æquo benigniores invehitur. *Putas facile eum misereri tui quem tuum non esse dixisti? Orare oportet impensus, & rogare, diem luctu transgere, vigiliis noctes ac fletibus ducere: tempus omne lacrymofis lamentationibus occupare, stratos solo adbarere cineri: in cilicio & sordibus volutari, post indumentum Christi perditum, nullum iam hic velle vestitum: post diaboli cibum, malle ieiunium, iussis operibus incumbere, quibus peccata purgantur, elemosynis frequenter insistere. Post plura in Confessarium adulatorem iacula vibrat. Qui peccantem, inquit, blandimentis adulantibus palpat, peccandi fomitem subministrat, nec comprimit delicta, sed nutrit. At qui consiliis fortioribus redarguit, simul atque instruit fratrem, promovet ad salutem. Quos diligo, inquit Dominus, redarguo, & castigo. Sic oportet & Dei Sacerdotem non obsequiis decipientibus fallere, sed remediis salutaribus providere. Imperitus est medicus qui tumentes vulnere sinu manu parcente contrectat, & in altis recessibus viscerum virus inclusum, dum servat, exaggerat. Aperendum vulnus est, & secandum, & putraminibus amputatis medela fortior curandum. Vociferetur & clamet licet, & conqueratur ager impatiens per dolorem: gratiasaget postmodum, cum senserit sanitatem.*

VI. Arrige aures, lector, animumque in hæc quæ sequuntur, intendito. Emerse enim (persequitur ibi S. Martyr) fratres dilectissimi, novum genus cladis, & quasi

quasi parum persecutionis procella saevierit, accessit ad cumulum sub misericordiae titulo malum fallens, & blanda perniciēs. Contra Evangelii vigorem, contra Domini ac Dei legem, temeritate quorundam laxatur incautis communicatio: irrita, & fallax pax, periculosa dantibus, & nihil accipientibus profutura. Non quarunt sanitatis poenitentiam, nec veram de satisfactione medicinam. Poenitentia de peccatoribus excussa est, gravissimi, extremique delicti memoria sublata est. Operiuntur morientium vulnera, & plaga letalis altis & profundis visceribus infixæ, dissimulato dolore, contegitur. Similia habent SS. Pacianus, Ambrosius, Augustinus, ceterique Patres, quorum testimonia brevitatis studio omitto.

§. I.

*Paucis perstringuntur quatuor poenitentium status .
occasione schismatis Novatiani.*

I. **Q**uamquam duobus primis Ecclesiae christianae saeculis acerbissima & severitatis plena ad Evangelii vigorem exacta fuisset satisfactionis disciplina; nullus tamen praestitutus modus fuerat & mensura. Sed, ut in praesens, arbitrio & prudentiae Antistitum, & Parochorum commissum erat poenitentiae formam praefigere. At, confato schismate Novatianorum, negantium collatam a Christo Domino Sacerdotibus remittendorum criminum potestatem, Ecclesia, ut ius sibi a Christo tributum assereret, expressius satisfaciendi pro patris delictis formam constituit. Quatuor itaque distinguit poenitentium gradus, videlicet *Flentium, Audientium, Substratorum, & Consistentium.*

II. Primus gradus *Flentium* erat, qui sacco, & lugubri veste induti, cinere aspersi, in exteriori porticu Ecclesiae constituti, crimina sua publica confessione patefaciebant, & fidelium Ecclesiam ingredientium genibus advoluti, supplicabant ut pro se apud Deum, & Episcopum intercederent.

III. Secundus gradus erat *Audientium*, qui in vestibulo Ecclesiae ianuis contiguo locati, lectiones sacrae Scripturae, Episcoporum, aut Sacerdotum sermones audiebant, & ante offertorium cum catechumenis ab Ecclesia expellebantur.

IV. Gradus tertius comprehendebat *Substratos*, qui intra templi ambitum ad ambonem usque recipiebantur. Ambo erat parvulum aedificium instar pulpiti nostri, & eodem loco erectum. In hac statione pro Episcopi arbitrio permanebant, & digni poenitentium nomine iudicabantur. Hoc in ordine positi, Scripturarum lectione, & meditatione, ieiuniis, lacrymis, & continuis precationibus delicta expiantes, manuum impositionem seu absolutionem recipiebant. Hinc *manuum impositio* Poenitentia dicta est.

V. Quartus gradus erat *Confitentium*, qui sic nuncupabantur, quod in Ecclesia consistebant omnium orationum participes, & mysteriis assistebant, a quorum tamen participatione excluderentur, usquedum, expletis pœnitentiæ laboribus, pristinum dignitatis gradum cum reliquis fidelibus, & ius communicandi affectu fuissent.

VI. Nullum extat decretum, quo temporis spatium definitum fuerit, quantum quisque temporis in qualibet infumere statione debuisset; sed pro criminis gravitate & diversitate stationem abbreviatam, aut protractam legimus. Pro homicidio voluntario viginti pœnitentiæ anni decreti erant, ut testatur S. Basilii *epist. ad Amphil. can. lvi.* Episcopi iuxta pœnitentium fervorem modo temporis spatium coercebant, modo ab infima ad supremam stationem pœnitentes perducebant.

VII. Quarto sæculo Nestorius Patriarcha Constantinopolitanus hanc pœnitentiæ disciplinam in Oriente abrogavit. Latini vero usque ad sæculum vii. illam retinere; sed postea paulatim, ut evenire solet, in-desuetudinem abiit. Quamquam vero in utraque Ecclesia ab hac publica disciplinæ forma descitum sit; nihil tamen de eiusdem secreto agendæ austeritate imminutum fuit.

VIII. Græci, & Orientales omnes summo semper in pretio habuere canonicas SS. Gregorii Thaumaturgi, Basilii, Gregorii Nysseni epistolas, & Conciliorum canones, modum satisfactionis præscribentes, ita ut satisfactionis impositionem *canonem* appellarent. Qui plura hoc de argumento scire cupit, legat Morinum de pœnitentia, & Renodotium de perpetuitate fidei. Non minus vigilantes horum canonum observatores fuerunt Latini. Concilii Moguntini Patres sæculo nono graviter inveci sunt adversus quosdam illius temporis laxiores Confessarios, qui ab antiquorum canonum severitate desciscientes, leviores imponebant satisfactiones. *Modus tempusque* (inquiunt can. xxxi.) *pœnitentiæ peccata sua confitentibus, aut per antiquorum canonum institutionem, aut per sanctorum Scripturarum auctoritatem, aut per ecclesiasticam consuetudinem imponi debet a Sacerdotibus. Nam qui pro peccatis gravibus leves quosdam & inusitados imponunt pœnitentiæ modos, consuunt pulvillos, secundum propheticum sermonem, sub omni cubito manus; & faciunt cervicalia sub capite universæ ætatis ad capiendas animas.*

IX. Hoc circiter tempore prodire nonnulli Casuistæ, laxitatis præcursores, qui *libellos pœnitentiales*, contra antiquorum canonum severitatem suco benignitatis illitam temperantes, edidere. Auctores nomen suum occultum voluere, quia nondum eo malorum prolapsa res erat, ut laxioris Ethices defensores in apicem, larva posita, se traducere auderent. Concilium Cabilonense II. transcripto Concilii Moguntini decreto, præfatos *libellos pœnitentiales* abrogavit: quorum, inquit, *ceteri sunt errores, incerti auctores*. Num in præsentia & errores, & au-

dores aliqui certi sint, aliorum, & maxime Episcoporum iudicium esto. Vestigiis Synodi Vormatiensis, & Cabillonensis institit Concilium Turonense III. quod can. xxii. hæc præscripsit. *Episcopis, & Presbyteris diligenti cautela pertrahendum est, quatenus hominibus sua sibi delicta contentibus, tempus abstinendi adscribant, & iuxta modum peccati pœnitentibus abstinencia indicatur. Quoniam varie ab aliquibus Sacerdotibus, & indiscrete hæc iudicia proferuntur: Ideo necessarium nobis videbatur, cum omnes Episcopi ad sacrum palatium congregati fuerint, ab eis edoceri, cuius antiquorum liber pœnitentialis potissimum sit sequendus.* Et tandem Concilium Romanum, sub Gregorio VII. Pontifice maximo coactum, hæc statuit. *Falsas pœnitentias dicimus quæ non secundum auctoritatem sanctorum Patrum pro qualitate criminum imponuntur.*

§. II.

MONITUM ANTICASUISTICUM.

COntinuo ac pœnitentiæ disciplina laxari cœpit, illico sancti Episcopi, doctrina, & morum sanctitate præclari, ad antiquorum canonum, & ad doctrinam sanctorum Patrum, qui, quo propinquiore Apostolis extitere, eo abundantiori lumine cœlesti perfusi erant, & e limpidiore fonte doctrinæ puritatem hauserant, provocarunt. E contrario Casuistarum ætatis nostræ non pauci, neglectis antiquorum & canonum, & Patrum regulis, benignitatem sæculi opponunt. Obsoletam penitus antiquam disciplinam aiunt. Facile nunc peccata condonari, palam docere non erubescunt. Quæ non ideo recordamur, ut Casuistis de Ethica christiana optime meritis quidquam impropere, sed ut lectores pili excitentur ad antiquorum doctrinam investigandam. Quamobrem in illorum commodum, & prosectum antiquos pœnitentiales canones huc transcribere operæ pretium existimavi.

§. III.

De necessaria canonum pœnitentialium scientia.

I. Sapientissimus Pontifex BENEDICTUS XIV. in suo percelebri opere de Synodo &c. Lib. VII. cap. lxii. plura scribit de utili canonum pœnitentialium scientia. In ipso capitis titulo inquit: *Immerito nimis severitatis insinulatur consuetudo, præscribens Sacerdotibus assiduam lectionem antiquorum canonum pœnitentialium.* Deinde eorundem diligens studium his verbis commendat. „Tanta
„di-

„ diligentia maiores nostri disquirebant, quæ unicuique peccato esset imponenda
 „ pœnitentia, ut si enorme aliquod audiretur perpetratum crimen, quod vel ra-
 „ tione sui, vel ratione adiectæ circumstantiæ quamdā peculiarem & gravio-
 „ rem redoleret nequitiam, & turpitudinem, simul statim convenirent Episcopi
 „ ad deliberandum, quo pœnitentiæ genere esset illud expiandum: reque mature
 „ discussa, ac tandem deliberata, singuli parœciis suis, quod communi consensu
 „ statutum fuerat, significabant. . . . Quam autem aut Episcopi, aut Pontifices
 „ maximi certo crimini semel imponendam statuerant pœnitentiam, in codicem
 „ referebatur, qui *Liber pœnitentialis* est nuncupatus. “

II. Animadvertit postea doctissimus Pontifex, plures ex istiusmodi libris periisse. Plures tamen, subdit, sapientissimo Dei consilio ad nos pervenerunt. Antonius Augustinus, rei sacræ peritissimus, Pœnitentiale Romanum, in novem titulos distributum, simul cum libris pœnitentialibus Bedæ, & Rabani in lucem edidit, opportunis notis adiectis. Muratorius binos Pœnitentiales, ex Italicis bibliothecis Capituli Veronensis, & Monasterii Bobiensis depromptos, edidit *Tom. V. Antiquit. Italicar. med. ævi, diff. lxxviii*. Alios edidit Morinus in *Append. ad tract. de pœnit. Martene Tom. II. de antiq. Eccl. rit.*

III. Hac nostra ætate, qua fideles a pristino morum nitore, & sanctitate defecerunt, tot interdum sceleribus onusti ad sacramentale forum accedunt, ut si iniungenda iuxta antiquos canones pœnitentia esset, eorundem vitæ cursum excederet, inquit Pontifex maximus. Improbat deinde *num. 5.* atque redarguit laxones illos qui, dum audiunt Episcopos in suis synodalibus constitutionibus studium canonum pœnitentialium inculcare, ut inde Confessarii hauriant aliqualem pœnitentiæ pro criminum diversitate imponendæ proportionem, continuo inclamant *Rigorismum, & Tutiorismum*; & contra ipsas sanctissimas sanctiones turbascent, clerum, & populum commovent. *Quod aliquando factum scimus*, inquit Pontifex sanctissimus. Quem ausum plane intolerabilem, & a nemine cordato viro ferendum declarat.

IV. S. Carolus Borromæus, inquit ibidem Pontifex summus, canones pœnitentiales simul collegit, atque per decem Decalogi præcepta distribuit. Hanc ego collectionem huc in Confessoriorum commodum transcribendam duxi.

§. IV.

E X A C T I S
ECCLESIAE MEDIOLANENSIS,
PARTE QUARTA,

ubi S. CAROLUS instruit Confessarios quomodo
sacramentum pœnitentiæ rite administrare
debeant,

C A N O N E S P O E N I T E N T I A L E S,
*quorum cognitio Parochis, Confessoribusque necessaria est,
dispositi pro ratione ordineque Decalogi.*

Patres docuerunt, quam necessaria admodum sit Sacerdotibus qui in audiendis pœnitentium confessionibus versantur, canonum pœnitentialium scientia. Et enim si omnia quæ ad pœnitendi modum pertinent, non prudentia solum ac pietate, sed iustitia etiam metienda sunt; certe norma hæc e canonibus pœnitentialibus sumatur oportet. Sunt namque ii quasi regulæ quædam, quibus cum ad culpæ commissæ gravitatem recte dignoscendam, tum ad imponendam pro illius ratione veram pœnitentiam Sacerdotes Confessarii ita diriguntur, ut, ubi singula, & quæ ad peccati magnitudinem, & quæ ad pœnitentis statum, conditionem, ætatem, intimumque cordis contriti dolorem pertinent, accurate perpenderint, tum demum pœnitentiam iudicio, ac prudentia sua moderentur. Atque hæc quidem, omnisque alia, quæ multiplex est, huius necessariæ cognitionis ratio a Patribus explicata facit ut, quemadmodum loco suo supra dictum est, canones pœnitentiales, pro Decalogi ratione dispositi, in ultimam libri partem referantur, unde aliqua eorum notitia ab ipsis Confessariis Sacerdotibus sumi possit.

P R A E C E P T U M P R I M U M.

Dominum Deum tuum adorabis, & illi soli servies.

C A N O N E S P O E N I T E N T I A E,

si quis contra hoc præceptum aliquo modo peccarit.

Qui a fide catholica desciscens, intimo summoque prævaricationis suæ dolore affectus ad Ecclesiam redierit, pœnitentiam aget annis decem.

Quo temporis spatio decurso, ei communio præstari debet.

Qui dæmoni immolaverit, in pœnitentia erit annis item decem.

Qui more gentilium elementa coluerit; qui vel segetibus faciendis, vel ædibus extruendis, vel arboribus conferendis, vel nuptiis contrahendis, inanem signorum fallaciam observaverit; pœnitentiam aget annos duos feriis legitimis.

Qui ritu paganorum observarit, calendas Ianuarii; in pœnitentia erit annos item duos per legitimas ferias.

Qui festa gentilium celebrarit, pœnitentiam aget itidem annos duos legitimis feriis.

Qui seriam quintam in honorem Iovis honoraverit, pœnitens pane, & aqua visitabit dies quadraginta.

Qui convivii gentilium, & escis immolatiis usus erit, publicam pœnitentiam aget.

Qui comederit de idolotyro, pœnitens visitabit pane, & aqua dies triginta.

Qui cum Iudæo cibum sumperit, pœnitens erit dies decem pane, & aqua visitans.

Qui auguriis, & divinationibus servierit, quive incantationes diabolicas fecerit, pœnitens erit annos septem.

Mulier incantatrix pœnitentiam aget annum; vel, ut alio canone cavetur, annos septem.

Qui herbas medicinales cum incantationibus collegerit, pœnitentiam aget dies viginti.

Qui magos consuluerit, quive domum suam induxerit aliquid arte magica exquirendi causa, in pœnitentia erit annos quinque.

Qui ædes magicis cantionibus lustrat, aliudve tale admittit; & qui ei consensit, quive consulit; in pœnitentia erit annos quinque.

Qui tempestatum immissor erit, pœnitentiam aget annos septem, tres in pane & aqua.

Qui vero crediderit, particepsve fuerit, annum unum per legitimas ferias.

Si.

Si quis ad fascinum præcantaverit, pœnitentiam aget Quadragesimas tres in pane & aqua.

Si quis ligaturas, aut fascinationes fecerit, pœnitens erit annos duos per legitimas ferias.

Si quis fortilegus erit, pœnitentiam aget dies quadraginta.

Si quis in codicibus, aut in tabulis forte ducta res futuras requisierit, pœnitens erit dies quadraginta.

Respicens furta in astrolabio, annis duobus.

Si quis aliquid comederit, aut biberit, aut super se portaverit ad evertendum iudicium Dei; pœnitentiam aget ut magus.

Si quis Clericus, vel Monachus, postquam Deo voverit, ad sæculum redierit; pœnitentiam aget annos decem, quorum tres in pane & aqua.

P R A E C E P T U M II.

Non assumes nomen Dei tui in vanum.

C A N O N E S P O E N I T E N T I A E,

si quis contra hoc præceptum aliquo modo peccarit.

Quicumque sciens peieraverit; quadraginta dies in pane & aqua, & septem sequentes annos pœniteat, & numquam sit sine pœnitentia, & numquam in testimonium recipiatur; & post hæc communionem percipiat.

Si quis sciens peierat in manu Episcopi, vel Presbyteri, vel Diaconi, vel in cruce consecrata, altarive; pœnitentiam aget annos tres; in cruce non consecrata, annum unum.

Qui periurium in Ecclesia fecerit, pœnitentiam aget annos decem.

Qui sciens peierat domini impulsu; pœnitens erit Quadragesimas tres, & ferias legitimas. Dominus autem, quia præcepit, quadraginta dies in pane & aqua, & septem sequentes annos.

Si quis sciens peieraverit, aliosque in periurium induxerit; pœnitens erit dies quadraginta in pane, & aqua, & septem sequentes annos: & tot periuria ieiunabit, quot homines in periurium induxerit.

Si quis suspicatur se ad periurium induci, ex consensu iurat: pœnitentiam ager dies quadraginta, & septem annos sequentes, & numquam sine gravi pœnitentia erit.

Si quis per cupiditatem periurium fecerit; carinam in pane & aqua ieiunet, & quamdium vivit omnes sextas ferias. Item

Si quis per cupiditatem peieraverit, omnes res suas vendet, & pauperibus distribuet, & Monasterium ingressus iugi se penitentia subdet.

Si quis coactus, necessitateque aliqua impulsus periurium commiserit; in penitentia erit Quadragesimis tribus. Item

Si quis coactus peieraverit; penitens quadraginta diebus pane & aqua victitet, ac præterea omnibus sextis feriis.

Si quis seductus ignorans, & postea cognoscit, penitentiam aget annum unum, vel Quadragesimas tres, vel dies quadraginta.

Qui compellit alium ut falsum iuret, quadraginta dies in pane & aqua, & septem annos in penitentia erit.

Si quis iusiurandum, quo se Regi, & domino suo se adstrinxerit, violaverit; in Monasterio penitentiam aget omnibus diebus vitæ.

Si quis se iureiurando obstrinxerit, ut cum aliquo litiget, nec pacem cum eo reconciliet; penitentiam aget dies quadraginta in pane & aqua, per annum a sacra communione segregatus; ad caritatem vero celeriter redeat.

Si quis per capillum Dei, aut per caput eius iuraverit: si semel nesciens fecerit, penitens aqua & pane septem dies victitet; si secundo, ac tertio monitus idem fecerit, dies quindecim.

Si per cælum, aut per aliam aliquam creaturam, dies item quindecim.

Si quis blasphematur, tamdiu penitens erit, quamdiu impenitens permanfit.

Si quis Deum, vel Beatam Mariam Virginem, vel aliquem Sanctum publice blasphemaverit; pro soribus Ecclesiæ diebus dominicis septem, in manifesto dum Missarum solemnia aguntur, stet; ultimoque ex illis die sine pallio, & calceamentis, ligatus corrigia circa collum: septemque præcedentibus feriis sextis in pane & aqua ieiunet, Ecclesiam nullo modo tunc ingressurus; singulis item septem illis diebus dominicis, tres, aut duos, aut unum pauperem pascat, si potest, alioquin alia penitentia afficiatur: recusans, Ecclesiæ ingressu interdicatur; in obitu, ecclesiastica sepultura careat. Dives a magistratu mulctetur pœna solidorum quadraginta, alioqui triginta, seu viginti.

De hoc detestabili peccato extat sanctio Leonis decimi Pontificis, in Concilio Lateranensi, sessione nona.

P R A E C E P T U M III.

Sabbata sanctifices.

C A N O N E S P O E N I T E N T I A E,

si quis contra hoc praeceptum aliquo modo peccarit.

Qui opus aliquod servile die dominico, festove fecerit, penitentiam agat tres dies in pane & aqua.

Qui die dominico opus terrenum fecerit, qui navigarit, aut equitarit; dies septem penitentiam agat.

Si quis per contemptum in dominica ieiunaverit; penitens erit hebdomadam unam; si iterum, dies viginti; si praeterea tertium, dies quadraginta.

Si quis ante Ecclesias, vel die festo, saltationes (quas ballationes vocant) fecerit; emendationem pollicitus, penitentiam agat annis tribus. In graeco codice: Clericus deponatur, laicus excommunicetur.

Si quis praeclus Missae interfuerit, penitens erit dies tres in pane & aqua.

Si quis sacram communionem sumpserit post aliquam vel minimam degustationem, penitentiam agat dies decem in pane & aqua.

Si quis in Ecclesia confabuletur, cum divina fiunt, penitens erit dies decem in pane & aqua.

Si quis festa Pascha, Pentecostes, Natalis Domini (nisi infirmitate impediante) alio loco celebrarit quam ubi domicilium habet, penitens erit dies item decem in pane & aqua.

Si quis ieiunia a sancta Ecclesia indicta violarit, penitentiam agat dies viginti in pane & aqua.

In Quadragesima carne sine inevitabili necessitate vescens, in Pascha non communicet, ac praeterea a carne abstineat.

Qui in Quadragesima ieiunium violaverit, pro uno die penitentiam agat dies septem.

Si quis ieiunium quatuor temporum non custodierit, penitens erit dies quadraginta in pane & aqua.

Qui neglexerit in quatuor his solemnitatibus, die Coenae Domini, in Pascha; Pentecoste, & in Natali Domini sacram communionem sumere; agat penitentiam in pane & aqua dies viginti.

P R A E C E P T U M IV.

Habeas in honore parentes.

C A N O N E S P O E N I T E N T I A E;

si quis contra hoc præceptum aliquo modo peccarit.

Qui parentibus maledixerit, quadraginta dies pœnitens sit in pane & aqua.

Qui parentes iniuria affecerit, tres annos.

Qui percusserit, annos septem.

Qui expulerit; tamdiu pœnitens, quamdiu in impietate permanferit.

Si quis contra Episcopum pastorem, & patrem suum insurrexerit; uno in loco, Monasteriove pœnitentiam agat omnibus diebus vitæ suæ: addit Gratianus, ut in primis omnia bona eius præscriptione (*f. proscriptione*) publicentur, deinde in uno Monasterio &c.

Eadem pœnitentia afficiatur qui contra Presbyterum.

Si quis contra Episcopum pastorem, & patrem suum conspiraverit; gradu suo amovebitur: item si insidias tetenderit.

Si quis in eo conspiraverit, ut Episcopi doctrinam, vel præcepta irrideat, vel subfannet; agat in pane & aqua pœnitentiam dies quadraginta.

Qua pœnitentia etiam afficiatur, si quis ita conspiraverit, ut eius ministrorum præcepta contemnat.

Si quis item Presbyteri, Parochie sui præcepta irriserit; pœnitens item erit dies quadraginta in pane & aqua.

P R A E C E P T U M V.

Non occides.

C A N O N E S P O E N I T E N T I A E,

si quis contra hoc præceptum aliquo modo peccarit.

Qui Presbyterum occiderit, pœnitentiam agat annos duodecim. Item

Si quis Sacerdotem voluntarie occiderit; carne, & vino abstineat cunctis diebus vitæ suæ, quotidie, exceptis festis, dominicisque diebus, ieiunet: non æquitet, non arma ferat, non Ecclesiam ingrediatur quinque annis; sed pro eius foribus stet.

Post quinque annos Ecclesiam ingrediatur licet; nondum vero communicet, sed

fedi

sed inter audientes sit . Decimi anni cursu confecto, communicet, & equitet licet.

Qui vel ipse, vel de eius consilio, aliquem ecclesiastici ordinis hominem, aut Psalmistam, aut Ostiarium, aut Lectorem, aut Exorcistam, aut Acolythum, aut Subdiaconum, aut Diaconum, aut Presbyterum; per singulos ordines singulariter penitentiam agat : pro Psalmista carinam unam, nempe quadraginta dies in pane & aqua: pro Ostiario itidem : pro Lectore itidem : pro Exorcista similiter : pro Acolytha similiter : pro Subdiacono similiter : pro Diacono similiter . Quapropter omnis qui interfecerit voluntarie Presbyterum, ita penitere debet, ut octo homicidia commissa, & numquam debet esse sine penitentia .

Si quis Presbyter Presbyterum occiderit, penitentiam agat annos viginti octo.

Si quis Presbyterum armis contra se intruentem occiderit, penitens erit annos decem .

Si quis patrem, aut matrem, fratrem, aut sororem occiderit ; toto vitæ suæ tempore non suscipiat corpus Domini, nisi in obitu, abstineat a carne, & vino, dum vixerit, ieiunet secunda, & quarta, & sexta feria : item

Si quis parricidium fecerit, idest patrem, aut matrem, sororem, patrum, amitam, aut materteram, occiderit : si casu, neque per iram fecerit ; ut homicidii sponte commissi penitentiam agat : si sponte, & iratus; pro foribus Ecclesiæ per annum stabit, Deum orans. Anno peracto, in angulo Ecclesiæ per annum item stabit; quibus peractis, si penitentia fructus in eo conspicietur, sacrae communionis particeps fiet. Carne abstinebit tota vita: quotidie ieiunabit præter dies festos : a vino, cervisia, mellita, abstinebit dies hebdomadae tres. Pedibus, quocumque ierit, iter faciet : armis numquam utetur, nisi contra paganos : uxorem si non habet, numquam ducet : item

Qui voluntarie genitorem suum, aut genitricem occiderit ; extra patriam septem annis exul fiat ; tunc demum usque ad mortem cum fletu, & gemitu peniteat ; si autem nolenti accidit, decem annis peniteat iudicio Sacerdotis .

Qui voluntarie filium suum, vel filiam suam, vel germanum, aut germanam suam occiderit ; quinque annis extra metas ipsius terræ exul fiat : deinceps viginti annis peniteat . Qui vero voluntarie avum suum, vel aviam suam, vel nepotem suum, vel patruum, avunculum, seu amitam, sive materteram, aut filium, vel filiam germani sui, aut germanæ, seu consobrinum suum, sive consobrinam suam occiderit, idest a tertia usque ad septimam : si vero tertia fuerit, duodecim annis inermis peniteat ; si quarta, undecim annis peniteat ; si quinta, decem ; si sexta, novem ; si septima, octo annis peniteat . Si autem nolens, arbitrio Sacerdotis peniteat . Qui voluntarie patrem suum, aut matrem, vel filium, aut filiam de sancto lavacro, seu fratrem, sive sororem in Christo, aut dominum

suum, vel dominam, seu uxorem suam occiderit; quinque annis extra metas ipsius terræ exul fiat: tunc demum quindecim annis inermis pœniteat. Si vero nolens, septem annis pœniteat. Qui vitricum suum voluntarie occiderit, aut novercam, seu privignum, sive privignam, vel socerum suum, aut socrum suam, seu generum suum, sive nurum; decem annis pœniteat. Si vero nolens, quinque annis pœniteat.

Si quis filium non sponte occiderit, ut homicidii sponte commissi pœnitentia afficietur.

Quæ mulier filios suos necavit, peracta septennali pœnitentia, in Monasterium detrusa, monasticam vitam perpetuo regulariter aget.

Si qua mulier post partum filium, filiamve sponte interfecerit; pœnitentiam aget annos duodecim, & numquam erit sine pœnitentia.

Paupercula si ob difficultatem nutriendi id commiserit, annos septem.

Si qua mulier sponte abortum fecerit, pœnitentiam aget tres annos; si nolens, quadragesimas tres: item

Mulier partum suum perdens voluntarie ante quadraginta dies, pœnitens erit annum; si vero post quadraginta dies, annos tres; si vero postquam editus est in lucem, tamquam homicida.

Quæ sceleris occultandi causa filium necavit, pœnitentiam aget annos decem.

Qui nolens filium oppresserit: si post baptismum, pœnitentiam aget dies quadraginta in pane & aqua, oleribus, ac leguminibus: abstinebit ab uxore dies totidem: deinde pœnitens erit tres annos per legitimas serias, tres præterea quadragesimas in anno observabit. Si ante baptismum, quadraginta dies, & supra, & quinquennii præterea pœnitentiam explebit.

Cuius parvulus sine baptismo per negligentiam moritur, tres annos pœniteat; unum in pane & aqua. Infans infirmus, & paganus commendatur Presbytero: si moritur absque baptismo, deponatur; & si per negligentiam parentum fuit, annum unum pœniteat.

Cuius filius sine confirmationis sacramento moritur; parentes, quorum negligentia id factum est, pœnitentiam agent annos tres.

Si quis explendæ causa libidinis, vel odii meditatione, ut ex eo soboles nascatur, homini, aut mulieri aliquid fecerit, vel ad potandum dederit, ut non posset generare, aut concipere, homicida teneatur.

Occidisti uxorem tuam, legitimo matrimonio sociatam, sine causa mortis; non tibi resistentem, non insidiantem quoquo modo vitæ tuæ, non invenisti eam cum alio viro nefariam rem facientem; sed incitatus a diabolo, impio inflammatus furore, latrocinii more, atrocior, & crudelior omni bellua, eam gladio tuo interemisti, & nunc post mortem eius addis iniquitatem filiorum tuorum improbe præ-

prædo : qui matri non pepercisti, & filios tuos ideo orfanos fecisti, ut superinduceres mortis causam post mortem : & per unum homicidam, & reprobum testem incusare vis mortuam : hoc nec Evangelium, nec ulla divina, humanaque lex concedit, ut unius testimonio etiam idoneo aliquis condemnetur, vel iustificetur. Quanto magis per istum tam flagitiosum, & scelestum nec illa viva debuit condemnari, nec tu poteris post eius mortem excusari? Prius causa criminis subtiliter erat investiganda; & tunc si rea fuisset inventa, secundum legis tramitem debuit excipere ultionis vindictam: nam si verum (quod absit) fuisset, sicut ille adulter mentitus est; post septem annos pœnitentia peracta dimittere eam per approbatam causam poteras, si voluisses : occidere eam nullatenus debuisti.

Duo consilia proponimus tibi : accepta tecum deliberatione duorum eligere (*elige*) magis quod placeat, & miserere animæ tuæ : & tu hic in isto angulo (*angusto*) tempore positus, ne sis tu ipse tuimet homicidia (*homicida*) & in æternum pereas. Relinque hoc malignum sæculum, quod te traxit ad tam immensissimum peccati facinus; multorum fratrum precibus adiutus, observa cuncta simplici animo, quæ tibi ab Abbate fuerint imperata, si forte ignoscat infinita Dgī bonitas peccatis tuis: istud consilium, ut certissime scias, levius, ac salubrius est, ut sub alterius custodia lugeas descendenda peccata. Secundum autem consilium tale est. Arm^o depone, & cuncta sæcularia negotia dimitte, carnem, & sanguinem omnibus diebus vitæ tuæ non comedas, excepto uno die Resurrectionis Domini, & uno die Natalis Domini. Ceteris temporibus in pane & aqua, & interdum leguminibus, & oleribus pœniteas. In ieiunio, & vigiliis, & orationibus, & eleemosynis persevera omni tempore. Vinum, & medonem, & mellitam, & cervisiam numquam bibas, nisi in illis tribus diebus. Uxorem ne ducas, concubinam non habeas, adulterium non facias, absque coniugio in perpetuo permanes. Numquam te in balneo laves, equum non ascendas, causam tuam, & alterius in conventu fidelium non agas; in conviviis lærantium numquam sed eas : in Ecclesia segregatus ab aliis Christianis post osium humiliter stes; ingredientium, & egredientium orationibus te suppliciter commendes. Communionem sacri corporis, & sanguinis Domini cunctis diebus vitæ tuæ indignum te existimes; in ultimo termino vitæ tuæ pro viatico (si observaveris consilium) ut accipias tibi concedimus. Sunt & alia multa duriora, quæ tibi iuxta pondus tanti facinoris essent adicienda; sed si hæc omnia, quæ supra misericorditer dicta sunt, perfecto corde Deo auxiliante perfeceris, & custodieris, confidimus de immensa clementia Dei, remissionem tuorum peccatorum te habiturum, & secundum boni, iustique pastoris imperium resolvat te sancta Ecclesia ab hoc vinculo peccati in terris, ut per ipse gratiam, qui eam suo sanguine redemerat, sis solutus in cœ-

lis. Sin autem aliter feceris, & sanctæ matris Ecclesiæ salubre consilium despereris, ipse tibi sis iudex; in laqueo diaboli, quo irretitus teneris, maneat: sanguisque tuus sit super caput tuum, & sub indissolubili anathema (*anathemate*) permaneat; donec Deo, & sanctæ Ecclesiæ satisfacias.

Si mulier maritum suum causa fornicationis veneno interfecerit, aut quacunque arte perimere faciat; quia dominum, & seniore suum occidit, sæculum relinquat, & in Monasterio pœniteat.

Qui mortem sibi consciverit, pro eo nullam in Missa commemoratio fiat, neque cum psalmis eius cadaver sepeliatur.

Si quis sponte hominem occiderit, ad ianuam Ecclesiæ semper erit, & in obitu communionem recipiat: si casu necavit, pœnitentiam agat annos septem, ex alterius canonis præscripto, annos quinque.

Si quis hominem necare voluerit, neque hoc scelus patrare potuerit; ut homicida pœnitentia afficietur.

A L I U S C A N O N

De homicidio voluntario.

Si quis homicidium sponte commiserit, vel odio, possidendæ hereditatis causa; primo ieiunet in pane & aqua; deinde pœnitentiam agat annis septem, primo anno post illos quadraginta dies, a vino, caseo, pisce abstinebit; in secundo & tertio, similiter ieiunet; tertiam autem, & quintam seriam, ac sabbatum redimere potest. Reliquis quatuor annis ieiunabit in singulis tres Quadragesimas; primam ante Pascha, alteram ante diem festum sancti Ioannis Baptiste, tertiam ante Nativitatem Domini.

Si quis fecerit homicidium pro vindicta parentum, ita pœnitentiam agat ut homicida voluntarius. Itidem pro vindicta fratris.

Qui pro vindicta fratris, annum unum, & in sequentibus duobus annis tres quadragesimas, & legitimas ferias.

Si quis per iram subitam, aut per rixam hominem necarit, pœnitentiam agat annos tres.

Si quis iussu domini homicidium perpetravit; dies quadraginta in pane & aqua, & præterea septem annos sequentes per legitimas ferias ieiunabit.

Qui in bello publico iussu Principis legitimi tyrannum interfecerit, pœnitens erit tres Quadragesimas per legitimas ferias.

Qui liber iubente maiore suo innocentem occiderit, pœnitentiam agat annum unum, & sequentes duos, tres Quadragesimas, & legitimas ferias.

Qui homicidii auctor fuit, ob consilium quod dedit, erit in pœnitentia quadraginta dies in pane & aqua cum septem sequentibus annis.

Qui insidiatus est alicui, ut ab aliis occidatur, licet ipse non occiderit; pœnitentiam aget quadraginta dies in pane & aqua, & septem sequentes annos observabit.

Qui accusavit aliquem, ob eamque accusationem occisus est, quadraginta dies in pane & aqua cum septem sequentibus annis in pœnitentia versari debet. Sin autem ob accusationem debilitatus est; tres Quadragesimas pœnitebit per legitimas ferias.

Qui insanus homicidium perpetravit, leviozem pœnitentiam explebit.

Qui publice pœnitentem occiderit, tamquam de homicidio sponte commissio duplicem pœnitentiam aget.

Qui furem aut latronem interfecerit; quadraginta dies ab Ecclesiæ ingressu abstinabit, & præterea in tertia feria, & in sexta, & in sabbato ieiunabit.

Si quis casu homicidium fecerit, pœnitens erit quadraginta dies in pane & aqua : his peractis biennio ab oratione fidelium segregatus non communicabit, neque offeret. Post biennium in communionem orationis suscipietur, offeret autem, non tamen communicabit. Post quinquennium ad plenam communionem recipietur : a cibis abstinabit arbitratu Sacerdotis.

Qui hominem tamquam feram aliquam latentem inopinato occiderit, quadraginta dies pœnitentiam aget in pane & aqua, & quinque sequentes annos arbitratu Sacerdotis.

Si plures homines unum per rixam adorti occiderint, quicumque eorum plagam ei inflixerit, tamquam homicida pœnitentiam aget.

Qui homicidio, quod postea factum est, consenserit; pœnitentiam aget annis septem, tres in pane & aqua; sin autem voluerit, nec vero potuerit; tres tantum annos. Si quis nolens homicidium patravit, pœnitebit quinque annis, & duobus in pane & aqua.

Si quis aliquem vulneraverit, vel ei aliquod membrum præciderit; pœnitentiam aget anno uno per legitimas ferias; sique cicatrix gravis est, ut vulnerrum deformem reddit (*reddat*); quadraginta etiam dies pœnitebit in pane & aqua.

Si quis istum proximo dederit, nec nocuerit; tridui pœnitentiam aget in pane & aqua : Clericus unius anni & mensum sex.

Si quis aliquem per iram percutiens debilitaverit; soluta medicamenti impensa, si laicus est, pœnitens erit quadraginta dies in pane & aqua; si Clericus, duas Quadragesimas; si Diaconus, septem mensibus; si Presbyter, uno anno.

Si quis Episcopus homicidium fecerit, in pœnitentia sit quindecim annis, dignitatisque gradu amoveatur, vitæque suæ cursum peregrinando conficiat.

Presbyter pœnitens erit annos duodecim : quatuor ex his in pane & aqua, & Sacerdotis gradu privetur : Diaconus annos decem; tres ex his in pane & aqua; Clericus inferioris ordinis annos septem; tres in pane & aqua.

Si

Si quis fratri suo, quem oderit, reconciliari non vult; tamdiu in pane & aqua pœnitentiam ager, quoad reconcilietur.

P R A E C E P T U M VI.

Non furaberis.

C A N O N E S P O E N I T E N T I A E,

si quis contra hoc præceptum aliquo modo peccarit :

Qui furatus est aliquid de Ecclesiæ supellestili, vel thesauro; quod sustulit; reddet; & tres carinas cum septem sequentibus annis pœnitebit.

Qui sacras Reliquias furatus est, illis restitutis, septem carinas ieiunabit.
Pecuniam ecclesiasticam furatus, quadruplum reddet; si quid item de ministerio Ecclesiæ aliquo modo surripuerit, pœnitens erit annos septem.

Si quis vel ecclesiasticas obligationes rapuerit, vel rapientibus consenserit; quadruplum restituat, & canonicè pœnitens erit.

Sacrilegus, rerumve ecclesiasticarum inuasor, uno anno extra Ecclesiam Dei maneat: secundo anno pro foribus Ecclesiæ sine communione maneat; tertio anno in Ecclesia inter audientes sit sine oblatione; carneque, vinoque abstineat, præterquam in Pascha, & die Natali: quarto anno, si fructuosus triennio pœnitentiæ fructus extiterit, communioni fidelium restituatur, ea lege ut spondeat, se in posterum tale quidquam non commissurum, ac præterea sine esu carnis, & potatione vini, usque ad septennium pœnitens permanebit.

Qui Ecclesiam incenderit, illam restituet, pœnitentiam ager annos quindecim, & pretium det pauperibus. Idem qui incendio consenserit.

Si quis malo studio, vel odio, vel ulciscendæ iniuriæ causa, incendium commiserit, committive iusserit, curaverit, aut incendiario auxilium, vel consilium scienter dederit; excommunicatur; si mortuus erit, christiana sepultura carebit. Nec vero absolvetur, nisi damnum pro facultatibus resarciverit; iuretque, se in posterum tale facinus numquam admissurum. Pœnitentia præterea hæc ei constituetur, ut Hierosolymis, aut in Hispania in servitio Dei totum annum permaneat.

Si quis sepulcrum violaverit, pœnitens erit annos septem, e quibus tres in pane & aqua.

Qui sepulcrum infregerit, ut defuncti sepulti vestimenta furaretur, pœnitens erit annos duos per legitimas ferias.

Qui de oblationibus quæ Ecclesiis factæ sunt, aliquid retinuerit, pœnitens erit dies quadraginta in pane & aqua.

Qui

Qui decimam sibi retinuerit, aut dare neglexerit; quadruplum restituet, & pœnitentiam aget dies viginti in pane & aqua.

Qui hospitalis domus administrator aliquid de administratione subtraxerit; restituet quod abstulit, pœnitensque erit annos tres.

Qui pauperem oppresserit, eiusque bona abstulerit; reddet ei suum, & pœnitens erit dies triginta in pane & aqua.

Clericus furtum capitale faciens, septennii pœnitentiam explebit, laicus quinquennii; & quod furatus est, reddat.

Si quis per necessitatem cibum, vel vestem furatus sit, in pœnitentia erit hebdomadas tres; si reddiderit, ieiunare non cogitur.

Qui fregerit noctu alicuius domum, aut aliquid auferet; pretium reddet, & pœnitentiam aget annum in pane & aqua; si non reddit, annos duos.

Si quis furtum de re minori semel, aut bis fecerit; restituta re, pœnitentiam aget annum unum.

Qui rem inventam non reddit, furtum commisit: idcirco tamquam de furto pœnitentiam aget.

Si quis ufuras accipit, rapinam facit: ideoque quicumque illam exegerit, pœnitentiam aget annis tribus, uno in pane & aqua.

P R A E C E P T U M VII.

Non mœchaberis.

C A N O N E S P O E N I T E N T I A E,

Si quis contra hoc praeceptum aliquo modo peccarit.

Si laicus solutus cum femina soluta concubuerit, pœnitens erit annos tres, & quanto sæpius, tanto maiori pœnitentia afficietur. Idem qui cum ancilla coierit.

Uxor, cōscio viro mœchata, ne in obitu quidem communicabitur: si dignam pœnitentiam egerit, post decem annos sacram communionem sumet.

Si quis uxorem nolentem adulterium perpetrare coegerit, pœnitentiam aget dies quadraginta in pane & aqua, & septem præterea annos, e quibus unum in pane item & aqua.

Si quis coniugem fornicari consenserit, diebus omnibus vitæ in pœnitentia erit arbitrio periti Sacerdotis.

Vir solutus, si cum alterius uxore adulterium commiserit, pœnitentiam aget annos septem, mulier quinque.

Mu-

Mulier soluta cum alterius marito adulterium patrans, pœnitentia afficietur decennali; ille quinquennali.

Si quis maritus semel lapsus est, pœnitentiam aget annos quinque.

Si sæpius mœchatus est, in fine mortis est conveniendus: sique promiserit se cessaturum, dabitur ei communio.

Qui sæpe fornicatur, laicus cum laica, pœnitentiam aget tres annos.

Si quis uxorem simul, & concubinam habuerit, in pœnitentia erit annos septem, & amplius pro ratione culpæ.

Maritus si ancilla concubina utitur, pœnitentiam aget annum unum, Quadragésimas tres, & legitimas ferias tribus mensibus. Illa, si invita violatur, quadraginta dies; si consentiens, Quadragésimas tres, & legitimas ferias.

Qui cum uxore sua turpiter concubuerit, pœnitens erit quadraginta dies.

Si quis adolescens cum virgine peccaverit; pœnitentiam aget annum unum.

Qui puellam, aut mulierem libidinose obtrectaverit, si Clericus est, quinque dies; si laicus, tres dies pœnitentiam aget; Monachus, vel Sacerdos, a ministerio suspensus, pœnitens erit dies viginti.

Si quis in balneis cum muliere se laverit, pœnitentiam aget triduo.

Qui concupierit virginem, quam postea uxorem duxerit, pœnitentiam aget annum unum per legitimas ferias; si vero non duxerit, annos duos per legitimas ferias.

Si quis mulierem aliis desponsatam in matrimonium duxerit, eam dimittet; & pœnitens erit quadraginta dies in pane & aqua cum septem annis sequentibus.

Vidua, quæ stuprum admiserit, pœnitentiam aget annum totum, & præterea in altero anno dies ieiuniorum.

Si quis cum uxoris suæ sorore per imprudentiam fornicationem admiserit; pœnitentiam sibi indictam aget, si probaverit, se tale scelus inscianter fecisse. Cum duabus sororibus fornicatus, pœnitentiam aget toto suæ vitæ tempore. Item

Qui cum duabus sororibus, vel cum noverca, vel cum sorore sua, vel cum amita, vel cum nuru, vel quod denique incestum admiserit; ab ingressu Ecclesiæ abstinebit annum unum: quo anno præter festos dies pane solum, & aqua utetur, arma non feret, osculum nemini præbebit, sacram communionem nisi pro viatico non sumet, sex deinde annis Ecclesiam ingreditur; sed carne, & vino, & sicera non utetur, nisi festis diebus. Postea vero duobus annis quando carne vescetur, a potu vini abstinebit: quod si biberit, carne non vescetur, nisi dominicis diebus, & præcipuis festis: deinde usque ad obitum perpetuo præter festos dies a carne abstinebit. Tres legitimas ferias singulis hebdomadis ieiunabit, & Quadragésimas tres singulis annis legitime custodiet.

Qui

Qui incestum fecerit, ei alii annorum duodecim, alii quindecim; alii decem, alii septem pœnitentiam constituunt.

Quicumque Sacerdos spirituales filiam violaverit, dignitatis honorem amittet; & perpetuam pœnitentiam agat.

Qui item Sacerdos hoc facinus admiserit, omni muneris sui functione multatus, pœnitentiam etiam peregrinando agat annos quindecim: deinde in Monasterium abiens toto vitæ tempore ibi Deo serviet: semina autem res suas in elemosynam pauperibus conferet, in Monasterioque Deo serviet omnibus vitæ suæ diebus.

Si Episcopus hoc admiserit, pœnitentiam agat annos quindecim.

Qui Monialem violaverit, pœnitens erit annis decem.

Presbyter, si fornicationem admiserit, sponte confessus pœnitentiam agat annos decem hoc modo: tribus mensibus a ceteris remotus pane & aqua ieiunabit, diebus autem festis modico vino, pisciculis, & legumine utetur: sacco indutus humi cubabit, diu noctuque misericordiam Dei implorans. Deinde unum annum & sex menses in pœnitentia, ieiunioque panis, & aquæ explebit, præter festos dies, in quibus vino, & sagimine, caseo, ovisque canonice uti poterit. Finito primo anno & dimidio, sacræ communionis particeps fiet, psalmos in choro ultimus canet, officia minora geret. Postea vero quam septimum pœnitentiæ annum expleverit, omni quidem tempore præter paschales dies, singulis hebdomadis per legitimas ferias in pane & aqua ieiunabit.

Qui cum brutis coierit, pœnitentia afficietur annorum decem, & diuturniori etiam pro personæ conditione.

Qui contra naturam coierit; si servus est, scopis castigabitur, & pœnitebit annos duos; si liber est, & matrimonio iunctus, annos decem; si solutus, annos septem: pueri dies centum: laicus matrimonio coniunctus si in consuetudine habet, annos quindecim: si Clericus, de gradu amotus, ut laicus pœnitentiam agat: qui cum fratre tale scelus admiserit, ab omni carne abstinere, pœnitensque erit annos quindecim: si Clericus, diuturniori, & graviore pœnitentia afficietur.

Mulier in se, aut cum altera fornicans, pœnitentia afficietur duorum annorum. Vir se inquinans primo dies decem; si iterum, dies viginti; si tertio, dies triginta: sique nefarie agere perget, pœnitentiæ accessio ei fiet; si puer, dies quadraginta; si maior quindecim annis, dies centum.

Puer parvulus oppressus a maiore, hebdomadam ieiunabit; si consenserit, dies viginti; si coinquinatus erit, dies centum; si voluntatem suam expleverit, annum unum.

Qui complexu feminæ, vel osculo polluitur, pœnitentiam agat dies triginta; qui contactu invecundo, menses tres.

Qui

Qui concupiscit mente, sed non potuit; dies decem poenitentiam aget.

Qui turpiloquio, aspectuque polluitur negligens, nec vero peccare voluit; poenitentiam aget dies viginti: si vero impugnatione tentationis, & cogitationis inquinatur, poenitebit item dies viginti.

Quicumque Ienocinium exercuerit, poenitentiam aget annos duos per legitimas serias. Item

Qui hoc facinus admiserit, sacram communionem non accipiet nisi in fine.

Si quæ mulier cerussa, aliove pigmento se oblinat, ut aliis viris placeat; poenitentia afficietur annorum trium.

P R A E C E P T U M VIII.

Non falsum testimonium dices.

C A N O N E S P O E N I T E N T I A E,

si quis contra hoc præceptum aliquo modo peccarit.

Qui affirmarit verum quod falsum est; poenitentiam aget ut adulter, ut homicida, qui sponte id facinus admiserit.

Qui falso testimonio consenserit, poenirens erit annos quinque.

Qui proximo falsum crimen obicit, poenitentia afficitur ut falsus testis.

Qui proximo peccatum imputarit, priusquam seorsum eum arguerit; primum illi satisfaciens, poenitentiam aget tres dies.

Si quis contra proximum lingua lascivus erit, triduana poenitentia expiabitur.

Si quis murmuraverit, iudicio Sacerdotis poenitentiam aget pro culpæ gravitate.

Si quis convicium manifestum fratri intulerit, diuturna expiabitur poenitentia pro modo peccati.

Si quis facile detraxerit, falsumque in hoc dixerit; poenitens erit dies septem in pane & aqua.

Qui falsitatem, fraudemve in ponderibus, & mensuris admiserit, poenitens erit in pane & aqua dies viginri.

Falsarius, in pane, & aqua poenitentiam agat quamdiu vivit.

P R A E C E P T U M IX.

Non concupisces rem proximi tui.

C A N O N E S P O E N I T E N T I A E;

si quis contra hoc præceptum aliquo modo peccarit.

Rem alienam nefarie concupiscens, avarusque pœnitens erit annis tribus.

Qui aliena furari concupiscit, furtum est; qui item aliena rapere cupit, rapina est: qui res Ecclesiæ furari appetit, sacrilegium est: ideo cum nefarie concupiscendo graviter peccet, ut peccati mortalis pœnitentiam agat Sacerdotis arbitrato.

Qui rem aliquam proximi pretiosam invenire cupit, ut illam sibi retineat, mortale peccatum concipit, cuius pœnitentiam agat, ut supra dictum est de furto.

P R A E C E P T U M X.

Non desiderabis uxorem proximi tui.

C A N O N E S P O E N I T E N T I A E;

si quis contra hoc præceptum aliquo modo peccarit.

Si quis concupiscit fornicari; si Episcopus, pœnitens erit annos septem; si Presbyter, quinque; si Diaconus, vel Monachus, tres, & quibus unum in pane & aqua; si Clericus, aut laicus, annos duos.

Si quis in somnis ex immundo desiderio polluitur; surgat, & cantet septem Psalmos pœnitentiales.

Si Clericus, aut laicus ex mala cogitatione, concupiscentiaque semen effuderit; pœnitens erit dies septem.

C A N O N E S P O E N I T E N T I A E

De septem peccatis capitalibus.

Capitalia peccata, quæ principalia etiam vocantur, utpote e quibus omnia vitia principium habent, sunt superbia, vanagloria, avaritia, luxuria, invidia, ira, gula, & acedia.

Pro

Pro capitali, mortaliq̃ue crimine pœnitentia septem annorum indicitur, nisi peccati gravitas, & personæ status severiorem, diuturnioremq̃ue pœnitentiam requirat.

Pro capitali crimine pœnitentiam ager, laicus annos quatuor, Clericus quinque, Subdiaconus sex, Diaconus septem, Presbyter decem, Episcopus duodecim.

Sed demonstrata iam paullo ante sunt pœnitentiæ, quæ ex canonum disciplina constituuntur fere pro peccatis mortalibus, quæ ex his septem capitalibus vitiis originem trahunt. Pro gula autem vitio sunt hi præcipui pœnitentiæ canones.

CANONES POENITENTIAE

De gula, & ebrietate.

Sacerdos imprudenter ebrius factus, pane, & aqua pœnitentiam agat dies septem; si negligenter, dies quindecim; si per contemptum, dies quadraginta.

Diaconus, & alius Clericus ebrius factus, arbitrio Sacerdotis pœnitens erit.

Monachus ebrius, pane, & aqua mensibus tribus; si Clericus, viginti dies.

Laicus ebrius graviter arguatur, & pœnitentiam agere a Sacerdote cogatur.

Qui humanitatis gratia alium inebriare cogit, pœnitentiam aget dies septem; si per contemptum, dies triginta.

Qui ad bibendum invitat plusquam naturæ satis est, pœnitentiam agat.

Qui præ ebrietate, & crapula vomitum fecerit, si Presbyter, aut Diaconus, pœnitentiam agat dies quadraginta.

Si Monachus, aut Clericus, dies triginta.

Si laicus, dies quindecim.

Si laicus, item a vino, & carne abstineat dies tres.

Si quis gulæ causa ante horam legitimam ieiunium fregerit, duos dies pœnitentiam agat in pane & aqua.

Si quis nimio cibo se ingurgitaverit, ut inde dolorem senserit, unum diem pœnitentiam agat in pane & aqua.

CANONES POENITENTIAE

De variis peccatis.

Si quis Sacerdos Missam canit, neque communicat; per annum pœnitentiam agat, nec vero interea celebret.

Sacerdos excommunicatus, si celebrat; tribus annis pœnitens sit, hebdomadisque singulis, feria secunda, quarta, & sexta, a vino, & carnibus ieiunet.

Sacerdos, Sacerdotii sui gradu, ordineque in perpetuum amotus, si celebrare audet, privatur communione corporis, & sanguinis Iesu Christi, usque ad ultimum diem, & in excommunicatione est, viaticum tantum in fine sumens.

Si gutta sanguinis Christi in terram cadit; Sacerdos in pœnitentia sit quinquaginta dies; si super altare, & ad pannum unum transit; diebus duobus; si usque ad pannos duos, diebus quatuor; si usque ad tres, diebus novem; si usque ad quatuor, viginti diebus.

Si incaute dimisit, quamvis nil nefandi acciderit; tribus mensibus a sui muneris administratione amovetur.

Qui per ebrietatem Eucharistiam vomit; si laicus est, quadraginta diebus; si Clericus, sexaginta; si Episcopus, nonaginta diebus; si infirmus, pœnitentiam agat diebus septem.

Scienter rebaptizatus, si propter hæresim hoc scelus admittit, pœnitentia afficiatur septem annorum, quarta, & sexta feria ieiunans, tribus item Quadragesimis pane & aqua.

Si vero pro munditia hoc facere putarit, eum pœniteat tribus annis: quod si ignoranter, non peccat; sed ideo non promovendus, licet sit excellens.

Si Episcopus, Presbyter, Diaconusve sponte est rebaptizatus, quamdiu vivit; pœnitens sit; alii vero Clerici, & Monachi, & Moniales, ab hæreticis volentes rebaptizari, pœnitentiam agant duodecim annis.

Sacerdos qui interest clandestinis desponsationibus, per triennium ab officii sui administratione amovetur.

Sacerdos qui pallii altaris mortuum involvit, pœnitens sit decem annis & quinque mensibus; Diaconus autem annis tribus, & sex mensibus.

Qui legata pia Ecclesie non solvit, uno anno pœnitens erit per legitimas ferias.

Qui vir faciem suam transformaverit habitu muliebri, & mulier habitu viri; emendationem pollicitus, annis pœnitens sit tribus.

Infirmos, aut vinctos visitare negligens, pœnitentiam aget dies decem, pane & aqua visitans.

DECLARATIONES.

Confessarius, cum ex iis que conscripta sunt, intelligat pro ratione & tempore, & personarum diversas pœnitentias fuisse, earumque redimendarum certam rationem adhibitam esse; arbitrio tamen suo illis omnibus mitigandis, moderandisque aget, ut initio traditum est.

De pœnitentia per legitimas ferias constituta, Confessarius animadvertat, eo nomine intelligi feriam secundam, quartam, & sextam; canonum legibus pœnitentiæ, ieiunioque præscriptam.

Carinæ ieiunium, quod aliquando pœnitentiali canone cavetur, id appellatur quod per quadraginta dies in pane & aqua fiebat, ut sæpe numero Buchardus interpretatur. Carinam alii dicunt, quidam carenam; alii carentenam, alii quadragenam.

Pœnitentia per tres Quadragesimas indicta, ita intelligitur, ut cui imponebatur, is sin anno pane & aqua ieiunaret Quadragesimas tres: quarum prima est ante diem Natalem Domini; altera ante Pascha Resurrectionis; tertia, quæ scilicet per dies tredecim ante diem festum sancti Ioannis Baptistæ agebatur, quemadmodum ex Concilii Salcgustadiensis decreto perspicui potest.

C A P U T IV.

Quamquam exterior pœnitentiæ disciplina mutata sit, idem tamen Ecclesiæ spiritus perseverat.

I. **L**EX satisfaciendi pro patratæ delictis divina est. Facite fructus dignos pœnitentiæ: Luc. 111. Eadem nunc ac olim satisfaciendi necessitas. Idem spiritus, eadem Ecclesiæ mens in præsentis sæculo ac in primo. Porro sicut lex satisfaciendi divina est, ita divina lex est, ut delictorum enormitati quantitas respondeat satisfactionis, iustitiæ regulis absolute spectatis. Facite fructus dignos pœnitentiæ. Qui itaque secus agerent, & pro gravissimis, aut continuatis sceleribus, blasphemis, adulteriis &c. leves imponerent pœnitentias, de eorum numero essent de quibus Christus IESUS indignanter pronuntiat Matth. xv. *Cæci sunt, & ducet cæcorum: cæcus autem si cæco ducatur præstet, ambo in foveam cadunt;* & Ieremias Propheta cap. vi. clamat: *Curabant contritionem filiarum populi mei cum ignominia dicentes, Pax pax, & non erat pax.*

II. Ipsa satisfactionis notio hanc veritatem confirmat. Quid enim satisfactio est nisi rei debitæ integra solutio, & iniuriæ alteri illatæ compensatio secundum iustitiæ æqualitatem? Perspicue hoc declarat Lib. I. *Cur Deus homo* cap. xi. S. Anselmus, inquit: *Peccare quippe nihil aliud est quam Deo non reddere debitum . . . Hunc honorem debitum qui Deo non reddit, auferi Deo quod suum est, & Deum exbonorat, Quamdiu autem non solvit quod rapuit, manet in culpa: nec sufficit solummodo reddere, quod ablatum est; sed pro consumelia illata plus debet reddere quam abstulit. Sicut enim qui lædit salutem alterius; non sufficit,*

si salutem restituat, nisi pro illata doloris iniuria recompenset aliquid; ita qui bonorem alicuius violat, non sufficit bonorem reddere, si non secundum exbonorationis factam molestiam aliquid, quod placeat illi quem exbonoravit, restituat. . . Sic ergo debet omnis qui peccat, bonorem, quem rapuit, solvere; & hæc est satisfactio quam omnis peccator debet Deo facere.

III. Hanc satisfactionem, quam olim Ecclesia a Spiritu sancto directâ voluit; etiam hodie vult, nempe solutionem debiti integram, quoad fert humana imbecillitas. An hodie minorem iniuriam adulterium, homicidium, fornicatio, periurium, blasphemia Deo irrogant quam olim? Severior ne duodecim primis Ecclesiæ sæculis divina iustitia quam ætate nostra? Clementior ne Deus nunc quam olim? Exterior ergo tantum satisfactionis forma mutata est, secus spiritus & substantia eiusdem. Sanctissimi Patres, & Episcopi tot sæculis canonicas satisfactiones poenitentibus imposuerunt, non ex arbitrio, sed criminum gravitate, & divinæ iustitiæ læsione spectatis. Mutata tempora sunt; at Ecclesiæ spiritus idem perseverat. Vetus rigoris remissionem benigne tolerat clementissima mater; at non propterea diminutum est satisfactionis debitum.

IV. Quid quod hominum morbi, infirmitates, concupiscentia, ceteræque effrenatæ appetitiones non blandiori mitiorive remedio nunc ac olim egent? Satisfactiones autem non modo institutæ sunt, ut violata divina iura refarciant, verum etiam ut peccandi propensionem coerceant, & flagitiorum radices evellant. Numquid in præsentia minori zelo Ecclesia ardet spirituales fidelium morbos sanandi? Inventa ne aliqua nova medicina superbæ depressendæ, concupiscentiæ frenandæ, avaritiæ extinguendæ? Sicuti novus opinandi modus irrepsit, quo quisque suas propugnat cogitationunculas; ita ne inventa nova ars est, qua carnis rebellio sine labore & dolore comprimatur; qua superbia, ambitio, fastus, & ceteræ depravatæ cupiditates absque difficultate, & quidem gravissima coerceantur? Amentes ne fuerunt tot sæculorum poenitentes, qui sine necessitate ieiuniis, flagellis, cinere, & cilicio in corpus proprium sævierunt? Nec est quod reponatur, id ex redundantia præstitisse. Quoniam, nisi eiusmodi remediis sordes animæ expiarent, ad sacram mensam non admittebantur.

V. Falluntur ergo, & quidem turpiter, qui antiquos canones tantorum Patrum auctoritate, & reverentia consecratos, existimant sic abolitos esse, ut Sacerdotes, nullo ad eisdem respectu habito, pro gravissimis flagitiis leves quasdam poenitentias possint iniungere. Quem perniciosum abusum, & sacrilegam corruptelam semper deploravit Ecclesia, quæ semper pristinum inculcare fervorem, quoad patitur temporum calamitas, non cessat illo ipso tempore quo miliores ætatis nostræ satisfactiones tolerat. Ex multis documentis unum transcribo ex Concilio Parisiensi VI. ubi *Lib. I. cap. xxxii.* hæc habentur. „ Quoniam

„ multi Sacerdotum partim incuria, partim ignorantia, modum pœnitentiæ rea-
 „ tum suum contentibus, secus quam iura canonica decernant, imponunt,
 „ utentes scilicet quibusdam codicillis contra canonicam auctoritatem scriptis, quos
 „ Pœnitentiales vocant, & ob id non vulnera peccatorum curant, sed potius sa-
 „ ventes palpant, incidentes in illud propheticum : *Va qui consuunt pulvillus*
 „ *sub omni cubito manus, & faciunt cervicalia ad decipiendas animas* : omnibus
 „ nobis salubriter visum est ut unusquisque Episcoporum in sua parochia eisdem
 „ erroneos codicillos diligenter perquirat, & inventos igni tradat, ne per eos ul-
 „ terius Sacerdotes imperiti homines decipiant. Sacerdotes porro qui aut mune-
 „ ris, aut timoris, aut certe favoris causa, tempora, modumque pœnitentiæ ad
 „ libitum pœnitentium indicunt, audiant quid Dominus per Ezechielem Prophe-
 „ tam terribiliter dicat : *Hæc dicit Dominus Deus : Quia locuti estis vana, & vi-*
 „ *distis mendacium : ecce ego ad vos &c.* “

VI. Compertum itaque exploratumque, spiritum mentemque Ecclesiæ nullam
 subisse mutationem; & idem nunc ac olim satisfactionis debitum esse: cum nec
 divina iustitia mitior, nec Dei misericordia maior, nec peccatorum malitia le-
 vior, nec carnis, & humanarum passionum victoria faciliior, aut blandior eva-
 ferit. Forma, methodus, ratio satisfactionis, & solutionis debiti variata est; ve-
 rum divinæ iustitiæ iura violata æque in præsentia, ac primis Ecclesiæ sæculis,
 refarcienda sunt. Olim absolutionem solutio præcedebat; nunc subsequitur: olim
 gradus quatuor in solutione servandi præscripti erant; nunc penitus obsolescere:
 & hanc mutationem ratam habet Ecclesia. Olim quantitas satisfactionis, pro
 quolibet peccato mortali solvendæ, taxata erat; & ab ea recedere Confessariis
 vetitum erat. Hanc taxationem numquam alio decreto mutavit Ecclesia, sed
 prudentiæ Sacerdotum reliquit, ut pro temporum, & personarum diversitate at-
 temperare rigorem valeant, semper tamen respectu habito & ad antiquos cano-
 nes, & ad criminum maiorem, vel minorem enormitatem, ut ex Concilio Tri-
 dentino, eiusque Catechismo, & aliis Conciliis mox palam fiet. Aliqua ergo an-
 tiquæ disciplinæ in exhibenda pro peccatis satisfactione habenda ratio est. Ab-
 rogati sunt gradus penitentium, anticipatio solutionis ante absolutionem, &
 nonnulla alia exterioris morositatis signa obsolescere. Summa insuper clementia
 tolerat Ecclesia mensuræ olim præscriptæ pœnitentiæ solvendæ diminutionem.
 Tolerat, inquam, ut Sacerdotes queant penitentium imbecillitati attempera-
 re & ieiuniorum asperitatem, & precationum diuturnitatem, & eleemosynatum
 quantitatem. At summis votis cupit benignissima mater, ut, quantum humana
 infirmitas sinit, Confessarii studeant ad antiquorum canonum normam pœniten-
 tium suorum mores informare; illosque animare ad dignos pœnitentiæ fructus
 divinæ iustitiæ exhibendos. Quoniam Ecclesiæ spiritus idem semper fuit, est, &
 erit,

erit, ut penitentes debita, quoad possunt, Deo solvant, & opportunis remediis carnem, & concupiscentiam frenent.

VII. Multa hic promenda essent contra non paucos novissimos Casuistas, qui antiquorum canonum auctoritatem tantum non contemnunt, ex S. Carolo Borromæo. Sed pauca adiciam. *Exulcerantur* (inquit S. Archiepiscopus in oratione ad Concil. Mediolanense VI.) *animi quorundam diditantium: Non ferunt hæc tempora veterum canonum, & antiquæ Ecclesiæ medicamenta. Immo ardentius prosequamur, quoniam hæc una medicina est præstantissima, maximeque opportunum id remedium, ut quibus olim rationibus disciplina ecclesiastica sata, & propagata fuit, iisdem ipsis & instauretur, & propagetur.* In concione vero ad Concilium II. *filios perditionis* appellat illos qui aiunt: *Non ferunt hæc tempora veterum canonum severitatem. Sic iam diu viximus: sic vixerunt, ita egerunt qui ætate antecesserunt: vitæ institutum nihil est quod mutemus. At nos hæc, atque adeo alia huiusmodi contemnamus &c.* Matthæus Giberti Episcopus Veronensis in suis constitutionibus cap. xviii. tit. 6. *Confessarii canones penitenciales quasi quasdam regulas ediscant... ut sciant illos postea sapienter & discrete moderari, secundum peccati circumstantias, & contritionis qualitatem.* Sic locuti SS. Episcopi ætati nostræ propinquiore. Hos audito, secus Casuistas illos qui oppositum docent.

C A P U T V.

Expediat ne in præsens publica penitentia.

I. **P**rimum penitentiae publicæ tria delicta obnoxia legimus, nempe idololatriam, homicidium, & adulterium. Post ob mortui pravitatem alia adiecta fuere. Disputant Theologi in utramque partem, fuerint ne peccata occulta penitentiae publicæ obnoxia? Utraque pars non contemnenda argumenta promit, quæ recensere operæ pretium non existimo. Sunt qui utramque sententiam conciliant exemplo hodiernæ disciplinæ. Canones hodierni, qui in atrociora quædam crimina penas excommunicationis & irregularitatis decernunt, ipso facto subeundas, æque ligant homicidas, simoniacos &c. occultos, ac publicos: cum solo discrimine, ut tum solum suspendatur effectus, cum servari nequit absque infamiae, aut alterius gravioris incommodi periculo. Idem ergo dicendum de veteri disciplina videtur. Verum, ut ut hac de re sit, illud auctiendum nobis est, expediat ne in præsens penitentia publica?

II. Quæst. unic. *Utrum peccata publica penitentia publica expianda sint etiam ætate nostra?* Resp. Affirmativa sententia mihi vera videtur. Et, missis antiquis Patrum documentis, pauca illorum produco qui sunt ætati nostræ propin-

quiores. Principio tamen auctoritas S. Pauli I. ad *Timoth.* v. præcedat. *Peccantes coram omnibus argue, ut & ceteri timorem habeant.* Memoria commendanda est ratio hæc, ut & ceteri timorem habeant. Cardinalis Gropperus in Institutione catholica dolet, quod pœnitentia publica inexcusabili prorsus negligentia, aut imperitia Sacerdotum in Latina Ecclesia iam in totum pene exolverit. Oportet ut qui publice peccat, publica mulctetur pœnitentia.

III. Petrus Soto, strenuus adversus Lutheranos Ecclesiæ catholicæ vindex, & Tridentini Concilii Theologus in *Institut. Sacerdot.* sec. 2. gemebundus scribit: *Si hoc fieret, hoc exemplo viderent omnes, quanti peccata fiant in Ecclesia, & quam dura sit pro illis suscipienda pœnitentia: atque ita ab eis deterreretur populus, & ad Dei timorem excitaretur.* Aperte enim videmus, quantum horum obliteratio in Ecclesia detraxerit dignæ estimationi peccatorum, & timori Dei. Quapropter cuperent multi illa pœnitentiæ publicæ tempora restituui.

IV. Legati missi a Carolo IX. ad Concilium Tridentinum inter alia reformationis capita, hæc proposuerunt, inquit Carolus Vittassius. *Quoniam sepe ob unius enorme delictum affligeretur universus populus, quem de proximi peccatis sollicitum esse oportet, restituantur Ecclesiæ catholicæ, non solum illa antiqua propter graves, & publicas offensas pœnitentia publica; sed etiam ad iram Dei placandam ieiunia, & luctus publici.*

V. Et re ipsa Concilii Tridentini Patres hæc pia, & iusta Gallorum vota exaudiere. Nam sess. xxiv. cap. viii. de reform. hæc statuerunt. *Apostolus monet publice peccantes palam esse corripiendos. Quando igitur ab aliquo publice, & in multorum conspectu crimen commissum fuerit, unde alios scandalo offensos, commotosque fuisse non sit dubitandum; huic condignam pro modo culpæ pœnitentiam publice iniungi oportet, ut quos exemplo suo ad malos mores provocavit, suæ emendationis testimonio ad rectam revocet vitam.*

VI. Catechismus eiusdem Concilii II. Part. cap. v. §. 67. hæc habet. *Præterea pœnitentiæ nostræ exempla alios docent, quomodo ipsi vitam instituere, & pietatem sequi debeant. Cum enim pœnas pro peccatis nobis irrogatas ceteri homines intuentur, & summam cautionem sibi in omni vita adhibendam, & mores pristinos corrigendos esse intelligunt. Quare (N. B.) sapientissime illud ab Ecclesia observatum est, ut cum ab aliquo publice flagitium commissum esset, publica etiam pœnitentia ei indiceretur, ut ceteri timore perterriti, deinceps peccata diligentius vitarent: quod etiam in occultis criminibus, quæ graviora essent, interdum fieri solitum erat. Sed in publicis, ut diximus, hoc perpetuum fuit, ut qui ea commiserant, antequam publicam pœnitentiam suscepissent, non absolverentur. Interim vero Pastores pro eorum salute Deum rogabant, atque ut ipsi etiam pœnitentes idem facerent, eos hortari non desinebant.*

VII. Patres Tridentini Concilii, eiusdemque Catechismi publicæ pœnitentiæ imponendæ necessitatem in verbis S. Pauli Apostoli fundant, & in ipsa peccati publici natura. Publicum enim scandalum publica auferri pœnitentia debet. Porro ita hanc publicæ pœnitentiæ iniungendæ necessitatem commendant, ut solis Episcopis facultatem tribuant commutandi interdum hanc publicam pœnitentiam in secretam, quando & temporum, & personarum circumstantiæ ita postularent.

VIII. Tridentini Concilii doctrinam omnes celebriores Ecclesiæ promovere curarunt. In Italia S. Carolus Borromæus continuo post absolutum Concilium Tridentinum in Concilio Mediolanensi I. hæc statuit. *Idem* (Confessores) *quemadmodum a sacra Tridentina Synodo iussu est, publice peccantibus publicam pœnitentiam imponant. Neque illud pœnitentiæ genus, nisi data ab Episcopo facultate, secreta alia pœna commutare audeant.* Et hoc vehementius urget in aliis posterioribus Conciliis III. & V. & in monitis ad Confessarios, ubi & ipsis Regularibus idem vetat.

IX. Tridentini Concilii doctrinam ad exemplum S. Caroli promoverunt Cardinalis Moronius an. 1565. in Synodo Mantuana *can. xv.* Ptolomæus Gallius Cardinalis in Sipontina an. 1567. Paulus de Aresio Cardinalis in Placentina an. 1570. Cyprianus Palavicinus in Genuensi an. 1674. Dominicus Bollandus in Brixienfi an. 1674. Marfilius Columna in Salernitana an. 1579. Alexander Vidicionus Episcopus Lucensis in Statutis an. 1586. Antonius Maria in Amerina an. 1596. Hieronymus Bernerius in Ausculana an. 1596. Petrus Uzimbardus in Aretina an. 1597. Ioannes Fontana in Ferrariensi an. 1612. Bonifacius Caietanus in Tarentina an. 1614. Caracciolus in Propeensi an. 1618. Franciscus Iustinianus in Tarvisina an. 1619.

X. Carolus Vittasse de satisfactione recenset Synodos Gallicæ, Hispanicæ, Germanicæ, aliarumque nationum. Denique plures Theologi, etiam mitiores, unaque doctiores hanc ipsam doctrinam propugnant. Tannerus *Tom. IV. disput. vi. quæst. vii. concl. 6.* Aegidius Conink *Tom. II. disp. x. dub. 8. concl. 6.* Valquez in *III. Part. disp. xxxvi. sect. 6.* omnes Soc. Iesu percelebres Theologi. Doctor eximius Suarez laudat pro hac sententia S. Thomam in *IV. disp. xiv. quæst. 1. art. 5. quæstiunc. 1. ad 1. & disp. xvii. quæst. 111. art. 4. quæstiunc. 4. ad 4.* Alensem *IV. Part. quæst. 14. mem. 6. art. 1.* Paludanum *disp. xiv. quæst. vi.* Argentinensem *art. 3.* Durandum *quæst. 1v.* Dominicum Soto *disp. xix. quæst. 11. art. 5.* S. Antoninum *III. Part. tit. xiv. cap. xvii §. 6.* & alios. Graviorum autem ex iunioribus Theologi, Morinus, Merbecius, Iuveninus, Natalis ab Alexandro, Habert, Vittasse, ceterique plures in eandem concedunt sententiam.

XI. Hactenus doctrinam certam, & regulas generales ex Scripturis, Patribus,

& Conciliis haustas dedi. Quid vero in praxi expediat, definiri generatim nequit. Totum hoc ex prudentia christiana Sacerdotum pendet. Id semper præ oculis habendum, quod scandalum publicum, & damna spiritalia proximo irrogata compensanda omnino sunt. Quando vero circumstantiæ tales occurrant quæ ab hoc debito eximant, ad prudentes, doctos, piosque Confessarios attinet iudicare.

C A P U T VI.

*De qualitate, quantitate, & tempore satisfactionis
iniungendæ poenitentibus.*

I. **Q**uest. I. *Quotuplex sit satisfactionis genus?* Resp. Duplex satisfactionis genus poenitentibus iniungendum distinguitur a Concilio Tridentino. Alterum ad novæ vitæ instaurationem, & infirmitatis sanitatem ordinatur. Alterum præteritorum criminum vindictam, & castigationem spectat. Prior medicinalis pœna, posterior vindicativa appellari solet. Medicinalem peritus medicus, vindicativam æquus & integerrimus iudex præscribit: idcirco Confessarius in hoc sacramento. & medici, & iudicis personam sustinet.

II. Medicus corporum ille est optimus, non qui plurimos infirmos visitat, non qui nominis celebritate clarus nobiliores visitat ægrotos, & infirmorum aures erudit de medicina sermonibus, & blandiloquentia demulcet; sed qui plures sanat infirmos. Similiter optimus Confessarius ille non est qui doctius, accuratiusque de conscientiæ casibus disputat, aut plurimorum poenitentium turba numerosa circumdatus omnes absolvit; sed qui poenitentium morbis sanat, & congrua sanitati confirmandæ remedia præscribere novit, ut satis *Lib. sequent.* dicturus sum.

III. Porro, ut Confessarius intelligat, quantæ necessitatis sit poenitentæ medicinalis applicatio, præ oculis habeat Tridentini *sess. xiv. cap. viii.* verba sequentia. *Magnopere a peccato revocant, & quasi freno quodam coercent hæc satisfactoriæ pœne, cautioresque, & vigilantiores in futurum poenitentes efficiunt; medentur quoque peccatorum reliquiis, & vitiosos habitus male vivendo comparatos contra viis virtutum actionibus tollunt. Neque vero securior ulla via in Ecclesia Dei unquam existimata fuit ad amovendam imminentem a Domino pœnam, quam ut hæc poenitentia opera homines cum vero animi dolore frequentent. Accedit ad hæc, quod dum satisfaciendo patimur pro peccatis, Christo Iesu, qui pro peccatis nostris satisfecit, ex quo omnis nostra sufficientia est, conformes efficiamur, certissimam quoque inde arrham habentes, quod si compatimur, & conglorificabimur.*

IV. Heinc colligant Confessarii, num per unum & alterum B. Virginis Rosarium, Litanias, Psalmum habitus vitiosi expellantur. Videant, quid ad concupiscentiam coercendam, ad libidinem domandam profint breves quædam precatuiculæ. Quid ergo præstare Confessarius debet? Mox dicam.

V. Quæst. II. *Quid observare Confessarius debet in medicinali pœnitentia iniungenda?* Resp. Primum omnium penitus tenetur inspicere, quodnam vitium capitale occupet pœnitentis cor, & sedem veluti in eodem locatam habeat; uno verbo; quodnam sit vitium, seu passio dominans & tyrannidem exercens. In illo spectabit superbiam, in hoc avaritiam; in uno inanem gloriam, in altero luxuriam; in hoc acediam, in illo iram &c. Interrogabit pœnitentes, cur lapsi sint in talia odii, vindictæ, furti, libidinis, intemperantiæ flagitia? Reponet ille: Quia contemptui habitus fui & despiciatui, famamque meam læsam existimavi. Ecce superbiam. Reponet alter: Rapui, defraudavi, debita non solvi: quia, inquit ille, sustinere statum meum debeo: quia, reponet alter, & alii mihi damna intulere. Respondet alter: Fornicatus, mechatus sum, quia efflicti depereo illam, quia æstu libidinis ardeo. Et hæc dicit: Consensi in fornicationem, in adulterium, quia alia via in publicum ornata, ut meum decet statum, prodire nequeo. Hi avari, superbi, inanis gloriæ cupidi, ambitiosi, luxuriosi sunt.

VI. Quamvis ergo eadem flagitia forinfecus in pœnitentibus appareant, non iisdem curanda remediis sunt: quia ex diversa radice venefica proficiscuntur. Do exemplum. Homo adulterium, aut fornicationem perpetrat ex impetu libidinis: socia mulier ex impetu superbiæ & ambitionis, ut inde pretium seu munera capret, quibus luxum, & vanas pompas foveat. Ergo fornicatori, seu adultero crebra ieiunia, & disciplinæ (barbarum nomen) iniungi debent. Adulteræ e contrario seu fornicatrici vestium humilitatem & modestissimum ornatum præscribere, luxum, pompas, fastum, accessum ad publicos congressus interdicerere se vere debes. Avaro liberales eleemosynas, & primum omnium debitorum promptam solutionem, & damnorum compensationem. Ne multa. Vitio dominanti, quod deprehendis in pœnitente, oppositæ virtutis officia præscribe, habita semper & personarum, & temporum ratione. Communiter vero omnibus, plebeis & idiotis exceptis, præscribe pias meditationes passionis Christi Iesu, æternitatis, vitæ brevitat, fugacis & elabentis vanitatis &c. sanctorum librorum lectiones, quotidianum conscientie examen, actuum amoris Dei, & contritionis exercitia, confessionis frequentiam sub pio doctoque Sacerdote, propositorum in dies singulos innovationem, iaculatorias preces, & id genus similia. A doctrina P. Tamburini, docentis, non esse inculcandum pœnitentibus ut: præcipue doleant de flagitiis quibus sunt valde addicti, prorsus caverò. Illius verba supra adduxi, & refutavi. Sed audi in *Instrucl. fastam. pœnit.* S. Carolum Borromæum. *Eam pœnitentiam*

imponet, ut in hebdomada mane certis diebus (id quod in singulos dies etiam faciendum esse, gravissime B. Chrysostomus monet) sancta meditatione propofita folemnnem illam fponfionem quam per compadres in baptifmo fande fecerunt, redintegrent, intime Deum precando : in qua precatione firmo ftabilique animi propofito ftatuant fe Chriſto Domino adherere, renuntiareque iterum atque iterum feculi pompis, operibus tenebrarum, & diabolo in primis, cui fe adverfarios eſſe & profeſſi ſunt, & profitentur perpetuo.

VII. Altius meditandam inculca folemnnem baptifmatis profeſſionem Chriſto Domino adherendi, pugnandique adverſus mundum, carnem, & diabolum, illis poſſiſſimum qui honorem & honeſtatem iaſtant, quos pudet haberi mendaces, fidei datæ fraſtores, & perduelles : illis feminis, quæ nihil impenſus proſequuntur quam pompas, & vanitates, quibus folemni ritu in baptifmate renuntiarunt.

VIII. Quæſt. III. In quantitate pœnitentiæ vindictivæ præſcribenda reſpicere ne ad ſacros canones, & criminum enormitatem Confeſſarii debent? Reſp. Negant Caſuiſtarum plures; ſed adfirmant Concilium Tridentinum, eiufdem Catechiſmus, innumeræ Synodi & provinciales, & diœceſanæ, S. Antoninus, S. Carolus Borromæus, ceterique Sancti, & graviore Theologi omnes. Concilium Tridentinum ſeſſ. xiv. cap. viii. hæc præſcribit. *Debent ergo Sacerdotes Domini, quantum ſpiritus & prudentia ſuggeſſerit, pro qualitate criminum, & pœnitentium facultate ſatisfactores, & convenientes ſatisfactiones iniungere, ne ſi forte peccatis conniveant, & indulgentius cum pœnitentibus agant, leviffima quædam opera pro graviffimis delictis iniungendo, alienorum peccatorum participes efficiantur. Habeant autem præ oculis, ut ſatisfactio quam imponunt, non fit tantum ad novæ vitæ cuſtodiam, & infirmitatis medicamentum, ſed etiam ad præteritorum peccatorum vindictam, & caſtigatorem.*

IX. Clara hæc ſunt & luculenta. At quomodo ſcire Confeſſarius poteſt menſuram pœnitentiæ criminum gravitati congruæ? Reſpondet eiufdem Catechiſmus Part. II. cap. v. §. 79. his verbis. *In irroganda autem ſatisfactionis pœna Sacerdotes nihil ſuo arbitratu ſtatuendum eſſe, ſed omnia iuſtitia, prudentia, & pietate dirigenda exiſtimabunt. Atque ut hæc regula peccata metiri videantur, & pœnitentes ſuorum ſcelerum gravitatem magis agnoſcant, operæ pretium erit, cis interdum ſignificare, quæ pœnæ quibuſdam delictis ex veterum canonum præſcripto, qui pœnitentiales vocantur, conſtitutæ ſint. Igitur univerſæ ſatisfactionis modum culpæ ratio temperabit.*

X. Animadvertas velim, Tridentini Concilii doctrinam non ad diſciplinam attingere, ſed authenticam eſſe divini mandati interpretationem. *Debent ergo Sacerdotes &c.* Hanc Concilii doctrinam univerſalis Eccleſiæ traditio confirmat. Curſum aliqua delibo. Cyprianus *Lib. de lapſis* inquit : *Pœnitentia crimine non fit minor.*

S. Ba-

S. Basilii in *Psal.* xxxix. hæc inter alia scribit : *Mignum est & grave peccatum ? Multa opus habet confessione, lacrymis amarulentis, peracri contentione vigiliarum, indivulso, & continenti ieiunio. Levis est, nec intoleranda offensus : huic quoque exæquetur pœnitentia.* S. Ambrosius ad Virginem lapsam *cap.* viii. inquit : *Grandi pluge alta & proluxa opus est medicina. Grande scelus necessariam habet satisfactio-*
nem. Hac voce loquuntur Patres omnes.

XI. Tridentinum Concilium inquit : *Quantum spiritus, & prudentia suggerit.* S. Thomas in *Suppl. quæst.* xvi. art. 4. ad 1. respondet, *quod arbitrium illud debet esse divino instinctu regulatum.* Doctrina hæc, alioquin Confessariis omnibus formidanda, summpere meditanda est. Vacuum omnium humanorum affectuum sit oportet iudicium illud. Non amor alliciendi, non timor amittendi pœnitentes, non gloriola & aura mundi, sed sola spiritualis pœnitentis salus, & Dei gloria dirigere iudicium illud debet, non secus ac iudicium impertiendi absolutionem, & dispensandi vota. En rationem quam ibidem assignat S. Thomas in corp. *Dicendum, quod Sacerdos operatur in usu clavium sicut instrumentum, & minister Dei. Nullum autem instrumentum habet efficacem actum, nisi secundum quod movetur a principali agente. Et ideo dicit Dionysius in fine eccles. hierar. quod sacerdotibus utendum est virtutibus hierarchicis, quomodo divinitas eos moverit. In cuius signum Matth. xvi. ante potestatem clavium Petro traditam sit mentio de revelatione divinitatis ei facta : & Ioan. xx. præmittitur potestati remissionis Apostolis datæ Spiritus sancti donum, quo filii Dei aguntur. Unde si quis præter illum motum divinum uti sua potestate præsumeret, non consequeretur effectum, ut Dionysius dicit (ibid.) & præter hoc a divino ordine averteretur, & sic culpam incurreret. Et quia pœnæ satisfactoriæ insigendæ, medicinæ sunt, sicut medicinæ in arte determinatæ non omnibus competunt, sed variandæ sunt secundum arbitrium medici non propriam voluntatem sequentis, sed scientiam medicinæ; ita pœnæ satisfactoriæ in canonibus determinatæ non competunt omnibus; sed variandæ sunt secundum arbitrium Sacerdotis, divino instinctu regulatum. Sicut ergo medicus aliquando prudenter non dat medicinam ita efficacem, quæ ad morbi curationem sufficiat, ne propter debilitatem naturæ maius periculum oriatur; ita Sacerdos divino instinctu motus non semper totam pœnam quæ uni peccato debetur, iniungit, ne infirmus aliquis ex magnitudine pœnæ desperet, & a pœnitentia totaliter recedat.*

XII. Potissimæ regulæ in imponenda pœnitentia servandæ, explicatæ hic ab Angelico sunt. Non modo ad criminis enormitatem, sed etiam ad pœnitentium personas, seu personarum qualitatem, nempe ad naturæ imbecillitatem, ad paupertatem, ætatem, & præsertim vitiosas propensiones, & veneficas radices respiciendum est. *Quia* (subdit S. Thomas in IV. dist. xx. quæst. 1. art. 1.) *peccato unus difficilior potest resisti quam peccato alterius; sicut invenit pro fornicatione imponitur*

nitur maior pœnitentia quam seni, quamvis minus peccet : vel quia in uno peccatum est periculosus, sicut in Sacerdote, quam in alio : vel quia multitudo magis prona est ad illud peccatum.

XIII. S. Carolus Borromæus, regulas, quas in præscribendis pœnitentiis servare Confessarii debent, exponit. Et in primis antiquorum canonum scientiam commendat, atque Confessariis inculcat, ut inde iniungendæ pœnitentiæ normam arceßant. Hæc enim docet in Instruct. Confess. Patres, inquit, docuerunt, quam necessaria admodum sit Sacerdotibus qui in audiendis peccatorum confessionibus versantur, canonum pœnitentialium scientia. Etenim si omnia quæ ad pœnitendi modum pertinent, non prudentia solum ac pietate, sed iustitia etiam metienda sunt, certe norma hæc e canonibus pœnitentialibus sumitur oportet.

XIV. Prudentia vero summa Confessarios monet ut antiquorum canonum severitatem attemperent, deliniant, minuunt, prout fragilitas pœnitentium, & temporum ratio, & aliæ circumstantiæ postulant. Canonum pœnitentias (inquit in Instruct. pœnit.) ut tempora ferunt, pro caritate, & prudentia sua minuet, prout peccati, & peccatoris circumstantiæ requirent; in quibus rationem etiam habebit contritionis eius qui peccavit. Demonstrabit tamen iis qui gravius peccarint (quo magis scelerum suorum magnitudinem agnoscant) quanta ipsis pœnitentia ex canonum regulis imponenda esset. Nec vero putent sua peccata levia esse, quia parva illis pœnitentia data est; sed hoc factum esse, ne eam quæ pro culparum ratione iniungenda erat, deserant cum periculo salutis suæ. Proinde pœnitentes ideo hortandi erunt, ut præter pœnitentiæ opera imposita, plura etiam alia præstare conentur. Nihil sapientius dici potest. Peccata hodie non minus quam olim, ut alias dixi, lædunt divina iura; nec minores hodie quam priscis temporibus pœnitentias exigit iustitia divina.

XV. Quæst. IV. Utrum pœnitentia iniuncta a Confessario impleri ante absolutionem debeat? Resp. AEmulanda est Ecclesiæ disciplina. Absolute sacramenti ratio postulat ut pœnitentia impleatur tempore a Sacerdote præscripto. Nullum autem in Scriptura præceptum est ut impleatur sive ante, sive post absolutionem. Quamobrem Sixtus Papa IV. an. 1478. hanc Petri Oxomenis thesim diris devovit. Non sunt absolvendi pœnitentes, nisi peracta prius pœnitentia imposita. Rursus Alexander VIII. inter plures propositiones sequentes damnavit. 16. Ordinem præmittendi satisfactionem absolutioni induxit non politia, aut institutio Ecclesiæ, sed ipsa Christi lex; & præscriptio, natura rei idipsum quodammodo distans. 17. Per illam proximæ absolvendi ordo pœnitentiæ est inversus. 18. Consuetudo moderna sacramenti pœnitentiæ, etiamsi eam plurimorum hominum sustentet auctoritas, & multi temporis diurnitas confirmet, nihilominus ab Ecclesia non habetur pro usu, sed abusu. Has theses P. Viva tribuit Arnaldo, & Estio. In nullo tamen Moralistarum, neque in Merbesio, neque in Gennetto, neque in Natali Alexandro, neque in Iuvenino, neque

que in Antoine, neque in ceteris catholicis Casuistis, qui *Rigoristæ* imperite nuncupari a Benignistis solent, reperiuntur. Merito autem proscriptæ sunt, cum nulla lex divina, ut dictum est, ordinem præmittendi satisfactionem absolutioni præcipiat. Inhærendum ergo Ecclesiæ disciplinæ quæ hodie obtinet.

XVI. Quæst. V. *Utrum liceat aliquando Sacerdoti iniungere partem penitentia ante absolutionem implendam?* Resp. Sæpe occurrunt rationes ob quas non modo possit, sed debeat Sacerdos iniungere penitentias congruas ante absolutionem implendas. Quando penitentes irretiti sunt habitibus vitiis; quando soliti fuere negligere penitentias in præcedentibus confessionibus iniunctas; quando signa sufficientia veræ conversionis non exhibent; quando ieiunia quadragesimalia, cum possent, non servarunt, quando longas inimicitias foverunt: in his & similibus casibus debet Sacerdos ex fructibus prænitentium eorundem contritionem colligere: antequam eos solvat, liget, & congruas penitentias imponat ante absolutionem implendas; ut fusius infra de absolutione impertienda recidivantibus, & consuetudinariis dicam.

C A P U T VII.

S. CAROLI BORROMÆI doctrina practica ex Tridentino hausta Confessariis proponitur tamquam norma iniungendæ penitentia satisfactoriæ. Adhortatio ad Confessarios.

I. Singularis Dei providentia S. Carolum Borromæum, ceu antiquæ sanctitatis imaginem, nostræque pietatis exemplar, excitavit, qui Concilii Tridentini doctrinam latius explanaret, ne perniciofa plurium Sacerdotum lenitas, sacri illius Cœtus canones & decreta paucis concepta obscurare posset. Quare licet non pauca hætenus istius celeberrimi Cardinalis & Archiepiscopi documenta dederim, pretium operæ existimo eiusdem regulas, quas Confessarii in penitentiis, criminum enormitati, quoad licet, paribus, imponendis servare debent, isthuc transcribere.

II. Hæc autem S. Archipræsul Confessariis, & Parochis servanda *Ad. Part. IV. in instr. penit.* præscribit., Maxime videant ne pro peccatis gravibus levissimas penitentias imponant, id quod & Confessoribus, & penitentibus periculosum est; cum id a sacris litteris, & a Conciliorum decretis, & a SS. Patrum sententia alienum sit. Nam divinæ litteræ ab iis qui penitentiam agunt, hoc flagitant, ut fructus dignos penitentia faciant, utque ad Dominum convertantur in ieiunio, fletu, & plañctu. Et vero qui peccatis gravibus leves quosdam

penitentiae modos imponunt, hi, canon inquit, *consuunt pulvillus secundum propheticum sermonem sub omni cubito manus, & faciunt cervicalia sub capite te universae aetatis ad capiendas animas.* Immo Concilium Tridentinum docet alienorum peccatorum participes fieri eos Confessores qui, dum cum penitentibus indulgentius agunt, levissima quaedam opera pro gravissimis delictis iniungunt.

III. Hac generali regula Parochos, & Confessarios monet, ne se decipi patiantur a blandiloquentia illorum Casuistarum qui nimia indulgentia consuunt pulvillus sub omni cubito manus. Non eos excitat, ut a tetro Rigorismo, sed a nimia lenitate, in quam natura ipsa propendet, sibi caveant. Porro ne datam præceptionem generalem in vanos detorquere sensus, ut consuecunt, queant, peculiarem satisfactionum iniungendarum normam adiicit continuo ibidem inquis., Ut verbi gratia penitens vestium sericarum usu, aut ornamento, conviviorum apparatu, venatione aliquo certo tempore abstineat. Ut egentibus hominibus cibum suppeditet, ac ministret: pedes item lavet. Ut peregrinos pro facultatum ratione hospitio excipiat. Ut in publica domo, hospitali, locove pio aliquot dies operam navet. Ut visitet qui in carcere sunt, eosdem consoletur, & cum per facultates potest, aliat certo præstituto tempore. Ut se per aliquot dies in Monasterium aliquod, aliumve semotum locum abdat, ubi penitens vivat. Ut aliquot diebus carne, & vino item abstineat. Ut certis diebus, præsertim feria quarta, sexta, & sabbato, ieiunet; vel etiam vescatur solum pane, & aqua potu utatur. Ut certo aliquo tempore non equitet, ut humi aliquamdiu iaceat, cubetve. Ut cilicium aliquot dies induat, & alia eiusmodi.

IV. Quamquam recensita regula singulares imponendarum satisfactionum modos spectet, nihilominus sanctus Archipræful enucleatius declarat pro culparum, personarumque diversitate penitentias præscribendas esse, sic ibidem pergens. Ita ut superbis humilitatis opera, carnis voluptatem sectantibus ieiunia, abstinentiam, cilicii gestationem, aliamque corporis macerationem pro peccati gravitate indicat. In oratione negligentibus, ut singulis diebus mane saltem, & vespere orationi vacent. Feria secunda, & aliis certis feriis pro defunctis orent: certis item devotisque diebus devote visitent stationales, & præcipue devotionis Ecclesias, & altaria, præsertim in Quadragesima, & Adventu. Mundi pompas, choreas, aliaque opera Satanae consecrantibus eam penitentiam imponet, ut in hebdomada mane certis diebus (id quod in singulis dies etiam faciendum esse gravissime B. Chrysostomus monet) sancta meditatione sibi proposita solemnem illam sponsonem quam per compadres in baptismo sancte fecerunt, redintegrent, intime Deum precando: in qua precatione firmo, stabilique animi proposito statuunt se Christo Domino adherere, renuntiareque iterum sæculi pompis, o-

» pe-

„ peribus tenebrarum , & diabolo in primis , cui se adversarios esse & professi sunt , & profitentur perpetuo.“

V. Ne vero mollioris Ethices patroni nonnulli cavillari possint , hæc ex solis antiquis canonibus penitentialibus derivata esse , atque adeo obsoleta , sciant , sanctum Carolum regulas istas ex ipso œcumenico Tridentino Concilio , seu ex limpidissimo fonte , hausisse. Tridentinum vero hanc doctrinam , ab Evangelio , ab Apostolis , a Patribus , a prioribus Conciliis acceptam , & hominum malitia , & plurium Sacerdotum ignavia quandoque neglectam , redintegrasse , atque confirmatam Pastoribus populo Dei inculcandam tradidisse.

VI. Paucis Tridentini Concilii capita , unde ultimæ ætatis nostræ Apostolus Borromæus suas præceptiones accessivit ; perstringam. Sacra Synodus *sess. xiv. can. 13. & 14. & cap. viii.* contra Lutherum , fide catholica credendum sanxit , pœnitentiam , non in melioris vitæ constitutione tantum , sed in pristinis peccatis lugendis , ieiuniis , eleemosynis , aliisque pietatis operibus sitam esse , Patrum antiquorum , & ipsius Evangelii auctoritate allegata. *Facite fructus dignos pœnitentiæ.* An aperta & Ecclesiæ , & Concilii iudificatio non esset Lutheri , & novatorum de pœnitentiâ hæreses verbis damnare , re tamen & facto probare , uti faciunt illi qui pro enormium flagitiorum satisfactione paucas precationes , levesque pectoris tunctiones imponunt ? Sublit ibidem Concilium : *Debent Sacerdotes Domini . . . pro qualitate criminum &c. Quod divinæ iustitiæ ratio exigere videtur* , Breviloquentia Tridentini Patres rationem reddendæ satisfactionis pro criminum enormitate ab ipsius divinæ iustitiæ legibus repetunt ; immo addunt ibidem . *Et divinam clementiam decet ne ita nobis absque ulla satisfactione peccata dimittantur , ut occasione accepta peccata leviora putantes , velut iniurii , & contumeliosi Spiritui sancto in graviora labamur , thesaurizantes nobis iram in die iræ.* Procul dubio enim magnopere a peccato revocant , & quasi freno quodam coercent hæc satisfactoria pœnæ , cautioremque & vigilantiores in futurum pœnitentes efficiunt .

VII. Non iustitiæ modo , sed ipsius divinæ clementiæ ratio postulat ut tales affligentes satisfactiones pœnitentibus , gravissimis flagitiis onustis , iniungantur , quæ eos a repetendis culpis absterreant , coerceantque . Iudicium , o Confessarii , vosmetipsi ferite , num leves precationes , paucae coronulæ , aliqua rosaria comprimere carnem , exagitare sensus , perterrefacere animum pravis habitibus inquinatum valeant , & tantum incutere terrorem , ut & culparum enormitatem patefaciant , & in eadem relapsum impendant . Ipsi iudicate , an leves pœnitentiæ , quæ pro adulteriis , fornicationibus , periuriis , aliisque istiusmodi sceleribus hodiernum & a non paucis Casuistis præscribuntur , & a plurimis Confessariis reipsa iniungi solent , non adimant sceleribus horrorem , & non adiciant peccatoribus ad eadem renovanda animos . Ipsimet iudicate , an hæc hodierna plurium indulgentia

tia occasionem non præbeat peccatoribus, sicuti Tridentinum ait, *ut in graviora peccata labantur, & Spiritui sancto iniurii & contumeliosi audacius evadant*. Ita Concilium, ita Patres omnes *clamant & Facilis venia* (inquit Ambrosius in Plal. cxviii.) *incentivum tribuit delinquendi*. Medicus ipse, si serpentis interior inveniat vulneris cicatricem, cum debeat rescare ulceris vitium, ne latius serpat, tamen a secandi, urendique proposito lacrymis inflexus ægroti, medicamentis tegat quod ferro aperiendum fuit: nonne ista inutilis misericordia est, si propter brevem incisionis vel exustionis dolorem corpus omne tabescat, vitæ usus intereat?

VIII. Luculentius ibidem Concilium declarat, huc spectare satisfactionum impositionem debere, *ut vitiosos habitus male vivendo comparatos contrariis virtutum actionibus tollat*. Quis communi sensu præditus asserere ausus fuerit, inveteratos luxuriæ; superbix, avaritiæ, ebrietatis, maledicentiæ habitus eradicari posse aliquibus precibus lætitandis? Quis non videat, voluptuosis severas carnis afflictationes, superbis humilia officia, maledicis alieni honoris compensationes, avaris largiores eleemosynas iniungendas esse? Ita sanxit ibidem Concilium. *Neque vero ulla via in Ecclesia Dei umquam æstimata fuit ad amovendam imminentem a Domino penam, quam ut hæc pœnitentium opera homines vero animi dolore frequentent*. Quæ sunt opera hæc quæ cum dolore frequentare pœnitentes debent? Audi Deum ipsum III. Reg. cap. xxi. loquentem, & narrantem Achabi pœnitentiam. *Cum audisset Achab sermones istos, scidis vestimenta sua, & operuit cilicio carnem suam, ieiunavitque, & dormivit in sacco, & ambulavit demisso capite*.

IX. Tandem quorsum sacrum Concilium adversus novatores peccatorum confessionis necessitatem, *non in genere dumtaxat, sed in specie, & sigillatim* sanxit? Audi quam assignat sess. xiv. cap. v. rationem. *Constat enim Sacerdotes iudicium hoc incognita causa exercere non potuisse, neque æquitatem quidem illos IN POENIS INIUNGENDIS servare potuisse, si in genere dumtaxat, & non potius in specie ac sigillatim sua ipsi peccata declarassent*.

X. Rigorismi notam inurent Casuistæ aliqui œcumenico Tridentino Concilio? An Rigoristam traducunt S. Carolum Borromæum? An universæ Ecclesiæ, a qua descripta doctrina manavit, Rigorismi labem aspergent? An clamabunt alii, Lutheranismum re & facto invehere illos qui levissimas iis peccatoribus, & peccatricibus, quæ illecebrosam, luxuriosam, superbam vitam ludis, obscænis colloquiis, comædiis, comessationibus deditam vivunt, satisfactiones, pauculas nempe aut psalmodum, aut rosariorum orationes, imponunt? An dicturi sunt, istos Sacramentum pœnitentiæ in sacramentum confessionis seu narrationis scelerum transformasse? Ut gravissimus Theologus ait, *versamur his temporibus in enumeratione peccatorum, non in detestatione*.

XI. Expergiscimini tandem aliquando, o Confessarii. Os meum, o viri Dei, & mi-

ministri præclari, pateat ad vos. Mentem vestram vos torquetis in evolvendis *Summis*, & *Summulis*, & *Medullis recentibus* Casuistarum plurium, ut discatis quid sit mortiferum, quid veniale, quæ circumstantiæ mutant species, quæ aggravantes: ne multa: toti estis in deprehendis morbis, & ægritudinibus. Quantum vero temporis hæcenus impendistis, ut quæ sint efficaces medicinae, quæ valida medicamina, quæ opportuna medendis peccantium infirmitatibus remedia, perdisceretis? Frustra vera & valida morbis curandis antidota in plurium horum librorum lectione inquiritis. Immo nimium ibi blandas dulcesque offendentis medicinas, quæ vulnera non curant, sed fovent, quæ morborum radices non evellunt, sed amplificant. Quid de illis medicis ipsi diceretis qui morbis pernoſcendis totam navarent operam, medicinarum vero & remediorum, quæ sunt sanandis ægrotis consentanea, studium negligenter? Aures ergo arrigite: & vocem Patrum Tridentinorum, sanctorumque Thomæ de Villanova, Francisci Saleſii, Caroli Borromæi, Ven. Bellarmini, & aliorum Episcoporum serio audite: remedia quæ isti præscribunt, modum, rationemque medendi infirmas oves vestras ab his addiscite. Sanctorum Patrum, & Episcoporum ore ad vos Ecclesia loquitur. Si vocem Ecclesiæ audieritis, si eiusdem sacros canones memorietis, & usui commendaveritis, sanabuntur oves vestræ, & felices vos eritis Paſlores.

C A P U T VIII.

Cardinalis de AGUIRE penitentia imponendæ regulas proponit.

- I. **Q**Uoniam summi momenti est argumentum quod tracto; ideo operæ pretium existimavi sapientum virorum auctoritate illud confirmare. Doctissimus Cardinalis de AGUIRE, non celeberrimi Benedictini Ordinis modo, sed Purpuratorum etiam Patrum illustre decus, & ornamentum, *dissert. viii. de insauratione præcorum canonum, excurs. 4.* omni argumentorum genere evincit, „ quis existimet illos prorsus antiquatos fuisse, oportet in primis habere præ oculis, „ lis doctrinam illam S. Thomæ quodlib. ix. art. 15, loquentis de aliis similibus, „ bus, quibus pluralitas beneficiorum prohibetur (ac proinde de aliis similibus, „ cum eadem ratio sit) his verbis. *Quantum ad hoc quod iura illa antiqua continent ius naturale, abrogari non possunt per contrariam consuetudinem, utpote „ irrationalem. Quantum autem ad hoc quod solum de iure positivo continent, „ possunt esse abrogata: præcipue si dissimulantes hanc contrariam consuetudinem,*

„ in quorum potestate est ius positivum mutare , intendunt per talem dissimulatio-
 „ nem antiqua iura mutare . Idiptum dici debere circa antiquos canones pœni-
 „ tentiales, eadem auctoritas, & ratio manifesta extorquent. Verum præterea ex-
 „ hibebo nonnulla testimonia gravissima, nostro tempori proximiora, quibus eo-
 „ rum studium , consideratio , & observantia accommodata hisce sæculis lauda-
 „ tur, & commendatur etiam circa pœnitentiam sive satisfactionem proportionem
 „ imponendam . “

II. Plura S. Caroli Borromæi testimonia allegat . Animadvertit, præcorum ca-
 nonum observationem refriguisse, præsertim post celebratum Concilium Viennense
 Generale sub Clemente V. sed postea magna ex parte instaurandos canones
 curasse Patres Tridentinæ Synodi potissimum *sess. xxii*. Transcribit decreta, ea-
 que exponit, sicut & declarationes eiusdem Catechismi.

III. Deinceps *excurs. 5.* hæc adiicit . „ Quidquid vero sit de solemnitate illa ;
 „ & diuturnitate satisfactionum , præcis canonibus præscripta in vindictam gra-
 „ viorum criminum . . . saltem exacta eorum notitia deservire in praxi potest
 „ Confessariis tum ad aliqualem proportionem servandam in pœnitentiis impo-
 „ nendis ; tum præterea ut ipsis pœnitentibus repræsentent malitiam & gravita-
 „ tem quorumlibet peccatorum mortalium , quibus non solum inimicitia cum
 „ Deo contrahitur , & æterna mors, sed etiam in hac vita mortali tam longa ,
 „ tam terribilis, tam formidanda vindicta imponebatur per sacros canones . Il-
 „ lam olim Christiani post baptismum lapsi exacte subibant , & humillime tole-
 „ rabant, non solum in foro externo , sed interno quoque , ut loquitur doctissi-
 „ mus Archipræsul Antonius Augustinus &c. . . Ad hoc enim tenemur omnes
 „ iure divino sæpe in sacris libris expresso de faciendis dignis fructibus pœniten-
 „ tiæ ; immo & forsitan iure naturali , quod dicat Deo graviter offenso deberi
 „ dignam satisfactionem iuxta gravitatem , & numerum peccatorum . . . Perma-
 „ nent similiter adhuc , & æternum permanebunt decreta illa , & dogmata Ec-
 „ clesiæ circa pœnitentiam a Sacerdotibus administrandam , & a lapsis post ba-
 „ ptismum agendam , quæ videntur spectare ad ius divinum , & continentur in
 „ allegata , ac lectu dignissima *sess. xiv. Concilii Tridentini* . “

IV. Post excerpta Concilii verba sic pergit . „ Exscripsi verba hæc Concilii
 „ Tridentini , quamvis omnibus obvia in eius actis , ut etiam hoc loco legeren-
 „ tur . Magnus enim timor est , plurimos Confessarios aut ea non legere , aut
 „ non considerare , dum experimento constat , ab iis absolvi sæpe , imposita le-
 „ vissima satisfactione , multos reos gravissimorum scelerum , quorum ipsi parti-
 „ cipes efficiuntur , teste Concilio . Nequeunt enim non communicare peccatis
 „ alienis, nec vitare possunt indignationem iustam Dei , quando tam exiguo ,
 „ tam nullo fere zelo divini honoris tanguntur , ut gravissimas divinæ maiesta-
 „ tis

„tis iniurias minime vindicandas curent acri quodam supplicio, & quodammodo „iniriuræ proportionato. Videntur quoque tum Confessarii ipsi, tum pseudopœni- „tentes, qui eorum debilitatem agnoscunt, pro nihilo reputare offensas graves „illatas Deo, quasi perfunctoria quadam, & nullius pene momenti satisfactione „expiari possint. Insuper & pœnitentibus tribuunt Confessarii prædicti anam „relabendi tam levi satisfactione iniuncta.“

V. Hanc ego præcipue rationem serio meditari Sacerdotes Dei, & animarum curatores vellem. Videbant olim a primis unguiculis Christiani fornicationes, adulteria, periuria, blasphemias, mollietiei crimina, severa & diuturna pœnitentia castigari. Oculis spectabant pœnitentes cinere aspersos, ciliciis & disciplinis obstrictos, inter gemitus, & planctus squallidos, sacramentorum frequentia interditos. Ex lugubri spectaculo, quod ab infantia videre assueti erant, horrorem concipiebant maximum adversus flagitia: & dum mortaliter peccabant, semetipsos enormis sceleris fontes, seque severo dignos supplicio reputabant. Contra evenit ætate nostra. Confessarii, legentes Casuistas plurimos, non modo vestigium non offendunt sacrorum canonum; sed inactivas in iisdem legunt contra Theologos illos qui aliqua saltem in parte renovare eorumdem observantiam vellent. Atque adeo addiscunt ex Casuistis, quod paucis precatiunculis in Ecclesia, ubi sunt plenariæ indulgentiæ, recitatis, exactius satisfacit Deo quam severa & diuturna canonica pœnitentia: & his arbitrariis opiniunculis imbuti, sceleratissimis adulteris, fornicatoribus, periuris, feneratoribus paucas pro satisfactione preces imponunt. Christiani similiter tantam absolvendi facilitatem, & tam levium satisfactionum praxim spectantes, omnem peccandi horrorem exuunt, & vix malum esse peccatum existimant.

VI. Verum arrigite aures, o Confessarii, & serio audite doctissimum Cardinalem, qui loc. cit. sic persequitur. *Rogo ego Sacerdos nimium indignus (& ego indignissimus rogo cum ipso) & olim, ac diu forsan minus caute versatus in excipiendis confessionibus multorum, & remissus in satisfactionibus imponendis: rogo, inquam, per viscera misericordiæ IESU CHRISTI quosvis alios Confessarios, ut reflectamus omnes ad prædicta verba Concilii Tridentini, immo Spiritus sancti in ea dogmatica sessione loquentis. Consideremus identidem illorum gravitatem: & si forte in ea parte deliquimus, ac alienorum peccatorum participes facti fuimus ob imbecillitatem ac desidiam nostram, faciamus dignos pœnitentiæ fructus, studeamusque de cetero ut & alii pariter illos faciant. Alioquin & ipsi pseudo-pœnitentes ob desidiam nostram relabentur, dicereturque de nobis multo potiori iure quam de Sacerdotibus quibusdam Hispaniæ in hoc canone xii. Concilii Toletani III. Scæpius laicis tribuendo desidiose pœnitentiam, ad lamentanda rursus facinora post acceptam pœnitentiam relabuntur.* Hæc pauca ex præstantissimo Cardinali,

non minus morum sanctitate, quam purpura celebratissimo, delibasse sufficiat.

CAPUT IX.

Sub examen inducuntur plures laxæ opiniones iuniorum Moralistarum, La-Croix, Francolini, Sporer, Lugo, Ardeskini, & aliorum, de satisfactione.

I. **P** Claudius La-Croix *Lib. VI. part. 11. num. 1255. §. 5.* hæc scribit. „ *Rigoristæ dicunt* causam relaxandi disciplinam quoad poenitentias esse refrigerantem caritatem fidelium. *Sed contra est*, nam potius inter causas fuit „ 1. Ne confessio ab hæreticis impugnata velut impossibilis, per duras poenitentias magis redderetur odiosa. 2. Quia successu temporis plures fuere Sacerdotes, apud quos frequentarentur confessiones ad emendationem utilissimæ, & „ qui in hoc foro interno aliter mederentur peccatis *per medicinas benigniores*. „ 3. Quia animadversum est, *benignas poenitentias* plus prodesse quam rigidas, „ quod per benignas magis *allicerentur* fideles ad sacramentum poenitentiae, & „ Eucharistiæ. 4. Quia occasione belli sacri contra Turcas *inductus est usus indulgentiarum*, qui . . . est modus satisfaciendi pro peccatis *utilior & certior* „ quam *observatio canonum poenitentialium*. 5. Quia successu temporis instituti „ sunt Ordines religiosi, qui sunt status poenitentium utilissimi. Vide *Francolini* „ num. Cler. Rom. *Part. II. cap. 1.* “ Fusius has rationes exaggerat P. Balthasar Francolinus *cit. Lib. II. cap. 1. Cler. Rom.*

II. Non ergo quia caritatis, & poenitentiae servor reſrixit; sed quia reservet caritas, quia ardet spiritus sanctitatis ætate nostra; ideo laxata est disciplina sacrorum canonum? *Rigoristæ dicunt, causam relaxandi disciplinam esse refrigerantem caritatem fidelium.* Sed hæc sunt somnia Rigoristarum. Ita ne vero? *Rigoristæ ergo sunt Patres Synodi Tridentinæ, eiusdemque Catechismi?* *Rigoristæ sanctissimi Ecclesiæ Episcopi, S. Carolus Borromæus, Cardinalis Denof, & Cardinalis Carpegna, qui canones poenitenciales, collectos a S. Carolo, Romæ sub Innocentio XII. edi curavit?* *Rigoristæ Cardinalis Aguire, universus Clerus Gallicanus, qui horum canonum, & Instructionum S. Caroli observantiam inculcant?* Hi ne omnes *Rigoristæ?* Sed loquantur Patres Catechismi Tridentini II. *Part. cap. v. §. 67. Verum postea tantum de veteris disciplinæ severitate remissum est, atque ita CARITAS REFRIXIT, ut iam plerique ex fidelibus ad peccatorum veniam impetrandam nullum intimum animi dolorem, atque gemitum cordis necessarium putent; sed illud satis arbitrentur, si speciem tantum dolentis habeant.*

Si ergo cum sanctis Patribus omnibus asseramus, disciplinam satisfactionis mitiorem evasisse ex caritatis remissione, tetram *Rigorismi* notam nobis impingent PP. Francolinus, & La-Croix? Et hi sunt Scriptores modestissimi?

III. Sed breviter in examen veniant rationes Francolini, & La-Croix. Non est, inquiunt 1. laxata disciplina, quia *refrinxerit caritas*; sed ne confessio, ab hæreticis impugnata *velut impossibilis, per duras pœnitentias redderetur odiosa*. Næ ista egregia ratio? Sancti ergo Ecclesiæ Patres antiquæ aureæ ætatis, qui adversus Novatianos, negantes scilicet clavium potestatem, ad supremum rigoris gradum disciplinam satisfactionis promoverunt (nusquam enim magis quam sæculo III. satisfactionis rigor comparuit) impossibile reddiderunt sacramentum pœnitentiæ? Sed ultra pergamus ad 2. rationem. Sacerdotes multiplicati arcanum invenere medendi animabus per *medicinas benigniores*? Hoc *benignitatis* antidotum potentius, validius ad expellendos animarum morbos latuit tredecim sæculorum Patres? Scilicet, reponit P. La-Croix. Audi 3. rationem. *Quia animadversum est, benigniores pœnitentias plus prodesse quam rigidas, quod per benignas magis allicerentur fideles ad sacramentum pœnitentiæ, & Eucharistiæ*. Fausta animadversio! Magis ergo confirmatur, universam antiquitatem ante novum opinandi modum tenebrarum caligine circumfusam fuisse. Alliciuntur sane fideles per benignas medicinas aliquare præcationum ad frequentandas confessiones, & Eucharistiæ. Quid, si reponerem cum Cardin. Bellarmino, S. Thoma Villanovano, S. Francisco Salesio, & Sanctis aliis infra citandis, *allici peccatores per benignas pœnitentias, & faciles absolutiones ad frequentanda sacrilegia*? Enimvero numquid hæc repetita applicatio *medicinarum benignarum* sanat infirmitates? Numquid mors reformat? Quod in aliqua circumstantia opportunior sit benigna quam severa satisfactio, nemo nec antiquorum, nec iuniorum sanæ mentis negavit umquam. At regula absoluta, & generalis, qua intrepide P. La-Croix cum Francolino præfert pœnitentias benigniores severioribus, adversa mihi videtur communi Ecclesiæ sensui, salvo meliori iudicio.

IV. Ratio 4. severiore digna examine esset. *Quia, inquit, occasione belli sacri contra Turcas indultus est usus indulgentiarum, qui secundum dicenda a num. 1314. est modus satisfaciendi pro peccatis UTILIOR, AC CERTIOR quam observatio canonum pœnitentialium*. Quis hæc legere valet, quin scandalum patiat, & concitationem? Qui ergo contritus & confessus post patrata adulteria, fornicationes, blasphemias, homicidia &c. ingreditur, solemnisi festi occasione, templum, visitat altaria, preces recitat per unam aut alteram horam, ne dicam per quadrantem, ut indulgentias lucretur, securus Deo satisfacit quam si per septem, per decem, per viginti annos, quam si per totam vitam ieiuniis, flagellis, lacrymis, & gemitibus carnem suam crucigeret coram universo fidelium cœta?

Uſus indulgentiarum eſt modus ſatisfaciendi pro peccatis *utilior, ac certior quam obſervatio canonum pœnitentialium* ? Certiores ne ſunt pœnitentes, ſe aſſequi indulgentias viſitando Eccleſias, quam certiores ſint ſe ſatisfacere illi qui ieiuniis, flagellis, eleemoſynis, lacrymis, & prolixis meditationibus carnem ſuam aſſi-
gunt, concupiſcentiam deprimunt, appetitiones coercent ? *Utilior, & certior eſt modus indulgentiarum quam obſervatio canonum pœnitentialium* ? Quid igitur Concilium Tridentinum definivit : *Debent ergo Sacerdotes pro qualitate criminum &c. convenientes ſatisfactiones iniungere, ne . . . leviffima quædam opera pro graviffimis delictis iniungendo, alienorum peccatorum participes efficiantur* ? Levius ne opus quam viſitare aliquod templum acquirendæ indulgentiæ cauſſa ? Quid ergo Tridentini Patres iterum ſeſſ. xxv. in decreto de reform. cap. xvi. ſtatuerunt : *Sciant univerſi, ſacraſſimos canones exacte ab OMNIBUS, & quoad eius fieri poterit, indiſtincte obſervandos* ? An inter ſacros canones, pœnitentiales non numerantur ? Temperatum illorum rigorem omnes aiunt. At eorundem neglectum ſuadere, quod indulgentiarum uſus ſit utilior, ac certior modus ſatisfaciendi, non videtur errore vacuum. Quid ? Errarunt ergo propinquiore ætatis noſtræ Patres, præſertim Antoninus, Carolus Borromæus, Thomas Villanovanus, Patres & Concilii, & Catechiſmi Tridentini, & ceteri omnes poſteriorum temporum Doctores ſancti, uno ore canonum pœnitentialium ſcientiam Confeſſariis inculcantes, monenteſque ut illos fidelibus recordentur, ut illorum rigorem temperent, prout in Domino iudicaverint ? Si uſus indulgentiarum *modus utilior ac certior eſt quam obſervatio canonum pœnitentialium* ; exulent ab Eccleſia catholica ieiunia, diſciplinæ, cilicia, ploratus, & gemitus. Omnes Confeſſarii mittant ſuos pœnitentes, enormium flagitiorum fontes, poſt peractam confeſſionem, ad lucrandas indulgentias leviffimo onere recitandi aliquot precatiunculas ad altare alicuius Sancti, cuius feſtum celebratur. An iſte novus opinandi modus ſit & evangelicæ veritati, & ſanctorum omnium Patrum doctrinæ adverſus ; an tum hæreticis, tum fidelibus ſcandalum præbeat ; meum non eſt iudicare : illi ad quos pertinet, iudicium ferant.

V. Ratio 5. non eſt minus venuſta. *Quia ſucceſſu temporis inſtituti ſunt Ordines religioſi, qui ſunt ſtatus pœnitentium utiliſſimi. Vide Francolinum Cler. Rom.* An ſæculis quibus florebat canonum pœnitentialium obſervantia, non reſulgebant innumeræ ſanctorum Monachorum, & Anachoretarum phalanges ? Sanctiores ne, pœnitentiores ne, pauperiores ne noſtræ ætatis Clauſtrales, quam antiqui Cœnobitæ, & Anachoretæ, viventes tempore quo ſeverior vige-
bat pœnitentialium canonum diſciplina ? Aſperior ne Religioſorum ultimæ ætatis veſtitus forma ? Severiora ne ieiunia ? Austerior ne temperantia ? Humiliores ne domorum fabricæ ? Longior ne a ſæculi negotiis ſeparatio ? Maior ne divitiarum,

&

& humani favoris contemptio? Verum sint, per me licet, sanctiores antiquis moderni Claustrales: propterea ne adulteri, fornicatores, homicidæ, avari benignioribus medicinis sanari valent? P. La-Croix ad P. Francolinum remittit lectores suos. Verum, si omnia Auctoris istius commenta expendere vellem, nimium volumen excresceret. Nonnullas Doctorum sententias præter morem congerit P. La Croix, de quibus paullo post dicam.

VI. Quæst. I. *Quid dicendum de opinione Sporer, Lugo, & aliorum, docentiam; nullam aut modicam iniungendam esse pœnitentiam, dum pœnitentes consentunt ad indulgentiam lucranda?* Resp. P. Patritius Sporer *Part. III. cap. IV. quæst. 1. §. 3. num. 45. pag. 237.* hæc scribit. „Excusatur Confessarius, ut nullam, vel levissimam pœnitentiam iniungat. . . Quando quis lucratur indulgentiam plenariam, potest est dimitti sine ULLA ALIA MINUTA pœnitentia; cum per illam indulgentiam satisfiat debito pœnæ. Etsi autem id raro pro certo, sufficit quod probabiliter credatur. “ Credere probabiliter debet Confessarius, singulos in particulari pœnitentes suos rite confessos esse, & gratia sanctificante præditos: idcirco poterit omnes dimittere absque ulla minuta pœnitentia. Hæc opinio falsa & laxa est. Seraphicus Patriarcha Franciscus, lumine cælesti perfusus, intellexit ex 24. millibus hominum Affisum confluentium quatuor aut sex, ni fallor, lucratos fuisse indulgentiam illam plenariam. Debitum satisfactionis exhibendæ Deo certum & liquidum est, & iure divino solvendum. Indulgentiarum affectio incertissima: & pauci sunt qui eas assequantur. Debitum autem certum solutione incerta non extinguitur. P. Sporer hanc suam opinionem adoptavit ex Lugo *disp. xxvii. sect. 2. a num. 21.*

VII. Quæst. II. *Quid dicendum de opinione, qua de Lugo defendit, non posse Confessarium obligare pœnitentem lucrantem indulgentiam ad satisfactionem neque ut medicinalem?* Resp. Ut consuetos clamores, & imposturas, quibus nonnulli vociferantur, me Casuistarum opiniones truncatas promere, declinem, hanc de Lugo opinionem ob oculos pono, prout illam rescribit P. Dominicus Viva *quæst. vi. de pœnit. art. 1. num. 1.* his verbis. „Immo Lugo *disp. xxvii. sect. 2. num. 24.* putat, eum qui lucratur indulgentiam plenariam, non obligari ad pœnitentiam, etiamsi detur in medicinam: quia medicus non præcipit, sed suadet remedium, & solus iudex præcipit pœnam. Quare si non tenetur pœnitens ratione indulgentiæ ad pœnam, quæ præcipitur, nec tenebitur ad medicinam, quæ solum suadetur; nisi forte aliquando ad illam obligetur iure naturali, ne facile labatur. “

VIII. Verba de Lugo *loc. cit.* hæc sunt. „Dicunt, pœnitentiam non solum imponi ad satisfaciendum, sed etiam in medicinam &c. . . Respondetur, imponi quidem frequenter ut medicinam. Confessarius tamen non potest obliga-

re, nisi quatenus illam imponit in poenam peccati. Sicut licet iudex debeat procurare quod poena delinquentis sit talis, ut simul sit medicina in futurum; non tamen posset imponere illam poenam, nec verberare reum, si poena fuisset a Principe condonata. Sic Sacerdos, qui simul est medicus, & iudex, potest punire peccata imponendo poenam pro illis, quam, quia medicus est, debet simul curare, quod sit talis, ut sit etiam remedium, & medicina in futurum. Ceterum si poena totaliter condonetur, non potest obligare ad medicinam: quia medicus ut medicus non obligat, sed consulit. Quod semper intelligendum de medicina, non simpliciter necessaria ad vitanda peccata futura.

IX. Ratio ista est, supra quam dici potest, venusta, & acuta. Medicus ut medicus consulit, non iubet. Ergo quid? Ergo si Confessarius ut iudex remittit poenam satisfactoriam, nequit ut medicus iniungere poenitentiam medicinalem, opportunam ad curandos animæ morbos. Ecceur? Quia medicus ut medicus non iubet, sed consulit. Consilia autem Confessorum implere poenitentes non tenentur; sed tantum præcepta Confessarii ut iudicis. Confessarii autem sub præcepto iniungere poenitentias valent solum ut iudices, nequaquam ut medici. Ergo quando non iniungunt poenitentias satisfactorias, ut iudices, non possunt iniungere poenitentias medicinales, ut medici: quia in confessionario dignitas iudicis prævalet officio medici. Iudicium lector ferat in hanc doctrinam: ego enim infra in eam pauca dicam.

§. I.

MONITUM ANTICASUISTICUM

*ex divina Scriptura, & Patrum doctrina. Testimonia quæ refert
P. La-Croix, expenduntur.*

I. Admissa recensita doctrina La-Croix, Sporer, de Lugo, & aliorum plurimum recentiorum, actum est de tertia sacramentali parte. Christiani communiter continentur illis festis & solemnibus diebus in quibus hodie omnes fere Ecclesiæ, ubi confessiones fiunt, indulgentiarum privilegio fruuntur. Confessarii ergo nequeunt ulla poenitentias neque *minutas*, neque ut *satisfactorias*, neque ut medicinales iniungere, excepto casu, inquit Lugo, in quo remedium ad vitandam aliquam occasionem proximam, graveque periculum peccandi esset simpliciter necessarium. Quia hæc obligatio (inquit loc. cit. num. 24) non oritur ex præcepto Confessarii, sed ex iure ipso naturali. Verum & hic singularis casus

com-

communiter eluditur. Quia, inquit Probabilistæ plures, si probabile est te lapsurum in peccatum, constitutum in tali periculo; probabile etiam est te non lapsurum. Et tum nec iure naturali, nec ex præcepto Confessarii astringeris ad suscipiendam pœnitentiam neque ut satisfactoriam, neque ut medicinalem. Quam ſunt & Scripturis sanctis, & Patrum, & Concilii Tridentini doctrinæ, & Ecclesiæ catholicæ spiritui recensitæ opinioniones casuisticæ adversæ, nemo non videt.

II. P. La-Croix præter morem aliqua Sanctorum dicta congerit, quæ benignitatem præferunt; sed graviora, & frequentiora, quæ & severitatem satisfactionis inculcant, & crudelem laxitatem, ac sævam benignitatem Confessoriorum altius exaggerant, silentio obvolvunt. Producit ex P. Francolino *Lib. III. cap. 11. §. 2. de discipl.* testimonium S. Antonini, qui *III. Part. tit. xvii. cap. xx.* inquit: *Est Sacerdos non possit gaudere de omnimoda purgatione eius, saltem gaudeat quod liberatum a gehenna transmittat ad purgatorium. Itaque nullo modo debet permittere, peccatorem desperatum recedere a se, sed potius imponat ei unum Pater noster, vel aliud leve, & quod alia bona opera quæ feceris, & mala quæ toleravit, sint ei in pœnitentiam.* S. Bernardinus Senensis de Confess. ait: *Potius imponat unum Pater noster, vel quod semel de septimana vadat ad Ecclesiam, vel aliquid levius.* Nonnulla alia similia refert La-Croix ex Bernardo, Francisco Salezio, S. Thoma de Villanova, & Gersonio.

III. Illudit lectoribus, nisi fallor ego, P. La-Croix, dum ex recensitis exemplis regulam generalem erueret, & suadere Confessariis studet in confirmationem laxioris disciplinæ de satisfactione iniungenda. Omnes tum antiqui, tum recentes cum Tridentino Concilio ajunt, *rationem habendam esse pœnitentis.* Si infirmus pœnitens sit, aut debilis, ieiunius, ciliciis, disciplinis; si pauper, eleemosynis gravari non debet. Omnes fatentur, numquam occasionem desperationis porrigendam esse pœnitentibus; sed animandos pusillanimes, recreandos mœstos, erigendos afflictos, qui velint sincere se se in Deum a via mala convertere. Hæc omnia certa sunt apud omnes. Quid inde? Propterea ne regula generalis constituenda laxandæ absolute disciplinæ indiscriminatim respectu omnium? Dixi, P. La-Croixium, Francolinum, & alios non paucos fucum facere lectoribus, dum Sanctorum dicta pro aliquo casu detorquent ad generalem regulam confirmandam; & alto silentio obvolvunt quæ iidem sancti Doctores absolute docent contra laxatam satisfactionis disciplinam. Debuissent PP. Francolinus, & La-Croix post transcriptum testimonium ex S. Antonino *III. Part. tit. xvii. cap. xx.* producere in medium quod ibidem *seq. cap. xxi. §. 5.* scribit. *Quamvis pœnitentiæ iniungendæ a Confessore pœnitentibus hodie sint arbitraria, & ad arbitrium iudicis; idest Confessoris imponendæ. . . tamen ut Sacerdos circa huiusmodi dispensationem cautius arbitretur, notandi sunt casus in quibus per CANONES certa pœnitentiæ im-*

imponuntur. Nam & CANONES pœnitentiales tenetur scire Sacerdos, alias vix in eo nomen Sacerdotis constabit: dist. xxxviii. Quæ ipsius. Si Sacerdos ignorans canones, Sacerdotis nomen indigne sustinet; quid dicendum de novissimis Doctoribus casuistis esset, qui eosdem canones ignorantes tractatus edunt de sacramentali pœnitentia? Quid de iis Casuistis dicendum, qui sacrorum canonum ignorantiam promovent re ipsa; cum doceant utiliorem & certiorum modum inventum hodie esse satisfaciendi per indulgentias quam per canonum observantiam?

IV. Opponunt Francolinus, & La-Croix S. Bernardini Senensis in favorem disciplinæ benignæ dictum, quo erigi afflicti, & pavidus debent. Sed rescribere debuissent quæ S. Bernardinus docet *Tom. III. serm. 117. post §. Domin. ubi inquit: Occurrit in confessione, sicut in mercatoribus vendentibus pannos eiusdem bonitatis, conditionis, & solutionis, & unus vendit pannum suum pro minori pretio quam alter: certe ille mercator habebit maiorem concursum qui vendit minori pretio quam qui vendit maiori. Ita hodie (N. B.) accidit in confessione. Quia Confessores qui dant minores pœnitentias, habent maiorem concursum quam dantes magnas, & sic fit mercatura de pœnitentiis: & sic peccatores accipiuntur, & (N. B.) mittuntur ad inferos; & isti qui vadant ad tales qui dant minores pœnitentias causa evitandi bonos Confessores, causa non habendi congruas pœnitentias, & magnas, non plus contritionis habent quam DIABOLUS. Quia Confessor cæcus non facit conscientiam femina de suis vanitatibus, nec quarit, nec examinat (N. B.) de debitis circumstantiis peccatorum; sic mergitur in profundo, & se mergendo, te pariter trahit ad æternum supplicium, nisi per medium iustitiæ tibi consulat. Nec valet dicere: Ista est consuetudo patriæ, quod femina vadant caudatæ: nec enim est consuetudo approbata, sed corruptela.*

V. Hæc rescribere ex S. Bernardino debuissent laudati Auctores. Si Christiani; qui causa habendi minores pœnitentias vadunt ad Confessarios æquo benigniores, non plus contritionis habent quam diabolus; quali contritione, & animarum zelo arderent illis Confessarii qui benigniores darent pœnitentias, ut allicerent ad confessiones, morum reformatione neglecta?

VI. Opponit P. La-Croix cum P. Francolino pauca verba S. Thomæ Villanovani, quæ vitanda extrema rigoris, & laxitatis significant. Sed cur simul non rescripsere prolixam illam & vehementem S. Præfultis declamationem adversus Confessariorum laxitates in pœnitentiis iniungendis? *Quid (clamat S. Archiepiscopus ser. vi. Quadrag. post 14. Dom.) Quid Ecclesiam Domini hodie perdit, nisi Confessariorum, & Pastorum blandiens adulatio, delinens, demulcensque assentatio? . . . O miseri animarum non curatores, sed interfectores, non consultores, sed deceptores! Quid respondebitis Domino pro grege quem vestris blanditiis deceptis*

fis,

stis, vestris consiliis iugulastis? Hæc rescribenda fuissent, & plura alia quæ infra dabo.

VII. His cursim delibatis, nunc ostendendum breviter est, indicatas recentiorum opiniones repugnare Scripturis sanctis, & communi Ecclesiæ doctrinæ. Et principio ipse summus Pontifex Innocentius III. cap. *Cum ex eo* de pœnit. & rem. ait, *per indiscretas & superfluas indulgentias, satisfactiones sacramentales enervari*. Ergo, inquit Lugo *loc. cit. num. 23.* ideo enervantur, quia aufertur obligatio implendi pœnitentias: *alioquin, si manet obligatio implendi illas, saltem ratione medicina, nihil prorsus enervabitur satisfactio*. Consecutio hæc ineptissima, & sensui Ecclesiæ hostiliter repugnans est. Quid? Ecclesia indulgentiarum concessione aufert pœnitentias medicinales, quibus concupiscentia coercetur, superbia deprimitur, & carnis rebellio redigitur in servitutem? Ut mea minima opinio præsert, hæc doctrina omnia iura naturalia & divina, ipsasque Scripturas pervertere videtur. Nam ex una parte indulgentiæ plenariæ obviæ in Ecclesia sunt; ex altera parte usus indulgentiarum est modus certior satisfaciendi, & aufert de medio vel ipsas pœnitentias medicinales, efficacissimas ad passiones frenandas. Hi sunt canones novi, quos citati recentiores pro fidelium conscientiis moderandis edidere. Tu, lector cordate, vide num hæc nova doctrina hodiernæ praxi respondeat.

VIII. Nos e publico suggestu totis lateribus declamamus, pœnitentias exteriores, sicut, proportionem servata, interiores, esse de iure tum naturali, tum divino. Siquidem tam corpus, quam anima in peccata externa conspirant. Ergo sicut animus per dolorem internum conteratur necessum est, ita corpus per exteriorem pœnitentiam affligatur oportet. Ratio ista ex ipso naturali divinoque iure hausta est. Clamat quippe Paulus Rom. vi. *Sicut enim exhibuistis membra vestra servire immunditie, & iniquitati ad iniquitatem; ita nunc exhibete membra vestra servire iustitie in sanctificationem*. Verum Christiani, indicatis Casuistarum opinionibus imbuti, derident conciones nostras; nullumque, aut parvum colligimus profectum.

IX. Clementissima mater Ecclesia usu indulgentiarum adiuvat pœnitentes, non sovet otiosos. Nec ipsi iusti semper assequuntur plenarias indulgentias, sed ii dumtaxat qui laboriosis operibus aptos ad tantum beneficium se reddidere; ut sapienter advertit Cardinalis Caietanus *tratt. x. de indulg. contra Lutherum*. Quemadmodum enim in purgatorio degentes illi nostris adiuvantur suffragiis qui sibi, dum vixerunt, ut prodesse meruere; ita de indulgentiarum thesauro illi participant qui pro viribus satisfacere propriis operibus non prætermittunt. Cedo: est debitor qui totum solvere debitum nequit, potest tamen partem. Occurrit ditissimus, & liberalissimus Christianus, qui suis divitiis iuvare hunc debitorem deliberavit ad integram debiti solutionem domino exhibendam. Quid tum debitor?

Quid?

Quid? Quia invenit benefactorem tam splendidum, tam liberalem, debiti partem, quam propriis bonis solvere ipse poterat, solvere recusat. Ad summum paucos solidos numerare contendit eo fine ut benefactor suus totum & integrum solvat debitum alioquin gravissimum. Vah debitorem vaferrimum, nequissimum, indignissimum! En veram imaginem & descriptæ doctrinæ casuisticæ, & Christianorum qui propriis ieiuniis, elemosynis, precibus, meditationibus, vigiliis, sin totum, saltem magnam debiti partem solvere possent, & omnia solvere recusant; sed contendunt clementissimam benefactricem Ecclesiam ex thesauro meritorum Christi, Martyrum, & Confessorum integrum debitum solvere. Ad summum ipsi paucos solidos, seu precatiunculas ad aliquod altare recitare consentiunt, ut thesaurus ad totam solutionem numerandam aperiatur. Quis hanc audacem, & stultam imaginationem, commentumque vanissimum non improbat? Intelligis nunc quam sint communi sensui adversæ opiniones Sporer, La-Croix, Francolini, Lugo, & cæterorum?

X. Missis itaque similibus Casuistis, audi piissimos, unaque doctissimos Cardinales & Episcopos. Baronius ad an. 1078. num. 71. ait: *Sedis Apostolicæ indulgentias iis communicari qui, quantum suppetunt vires, bene operari non præmittunt; non autem ignavis, otiosis, ac negligentia torpescuntibus.* Piissimus Bellarminus, Soc. Iesu splendor & ornamentum Lib. II. de Indulg. cap. vi. inquit, *indulgentias dari diligentibus, negari negligentibus.* Cardinalis Le-Camus const. synod. tit. v. art. 3. de indulg. primum ait, *perversam esse doctrinam, qua indulgentiarum sacrilegus fit abusus, cum peccatoribus persuaderetur, quod ad faciendam pœnitentiam minime teneantur:* paullo post docet, quod iubilæa, & indulgentiæ a SS. Pontificibus iis solis concedantur qui ad proficuum eorum usum disponunt se se per veram pœnitentiam, quique caritate iungente, ut magnus quidam Pontifex ait, *membra sunt Christi, ita ut applicatio meriti sanguinis Iesu Christi, Sapientiarumque cum ipso in cælis regnantium SUPPLEMENTUM SIT insufficientiæ satisfactionum nostrarum.*

XI. Arrige aures, lector, animumque in hanc doctrinam intendito, quæ tam vera est, quam falsæ, quas indicavi, opiniones Casuistarum. Indulgentias clementissima Ecclesia mater dispensat in supplementum insufficientiæ nostræ; minime vero nos liberat quin illam debiti partem solvamus quam paupertas nostra solvere valet. Falsitas ergo, ut mitissime loquar, est manifesta, quod usus indulgentiarum debitum auferat pœnitentiæ satisfactoriæ. Alioquin, ut iam dixi, rependendumque sapius est, peccatores vel sceleratissimi liberi omnino essent a quavis pœnitentia tum satisfactoria, tum medicinali, illa quæ in bulla indulgentiarum præscribitur, excepta. Quia in magnis præsertim civitatibus vix est hebdomada, ne dicam dies, absque indulgentia plenaria in hac aut illa Ecclesia. Superflua quoque essent suffragia pro defunctis, quibus in articulo mortis impertita esset

indulgentia plenaria. Et licet certum non sit illos plenarias indulgentias fuisse affectos, sufficit, inquit P. Sporer, *probabiliter* credere, illos indulgentias eiusmodi obtinuisse, ut ab onere satisfactionis exempti iudicentur. Quæ hinc necessario proficiuntur absurda, & tertiam sacramenti partem sublatam esse, & Christianos ad peccandum anam accipere, & alia id genus, nemo non videt.

XII. Tandem præfatæ Casuistarum opiniones videntur Ecclesiæ invidiam conflare, eiusque splendori tenebras offundere. Quandoquidem hæretici anam inde arripiunt calumniandi Ecclesiam, quod suis indulgentiis incentivum præbeat delinquenti, viamque aperiat latissimam ad pœnitentiæ disciplinam abolendam. Clamabunt: Quid tantopere contra protestantes vociferantur Catholici ob negata opera satisfactoria? Illi ipsi tandem aliquando ad visitationem unius templi parum distantis totum negotium pœnitentiæ satisfactoriæ revocant & restringunt. Nos facillime respondemus, hanc esse novatorum calumniam: quia opiniunculæ quorundam Casuistarum non sunt doctrina totius Ecclesiæ. Quomodo heinc eluctari citati Casuistæ valeant, ipsi viderint. Calumnias istas labefactavit Tridentinum Concilium *sess. xiv. c. 8.* sicuti vidimus supra.

§. II.

Regulæ practicæ a Confessariis observandæ in pœnitentiis satisfactoriis iniungendis. Lugo, Tamburini, & aliorum regulæ reiiciuntur.

I. **H**Actenus dictum est, Confessarios debere pro qualitate criminum, & pœnitentium facultate convenientes pœnitentias iniungere, ne pro gravissimis delictis leves pœnitentias imponendo, alienorum peccatorum participes efficiantur, ut Tridentinum Concilium definivit. Porro, ut aliquam satisfactionis iniungendæ mensuram statuere Confessarii valeant, debent, sicuti Catechismus Tridentinus, S. Carolus Borromæus, alique sancti Episcopi docent, sacros pœnitentiales canones callere, & inde aliquam regulam pro taxatione formanda eruere. Licitum est istorum canonum rigorem temperare *arbitrio* (inquit S. Thomas in Suppl. quæst. xviii. art. 4. ad 1.) *divino instinctu regulato.*

II. Hæc omnia optima sunt & vera, inquit. At quid in praxi agendum? Consuetudo universalis fere obtinet levissimas pœnitentias imponendi. Ieiunia aut in pane & aqua, aut consueta, acceptare pœnitentes recusant. Eleemosynis erogandis pauci idonei sunt. Tempus precationibus impendendum deest. Hæc autem sunt tria satisfactionis genera iniungenda. Si ieiunia iniungimus, abeunt absque abso-

absolutione pœnitentes, & Confessarios ineptos inveniunt & indoctos, a quibus absolvuntur.

III. De Lugo *disp. xxv. de pœnit. sec. 5. num. 60.* monet. „ Primo loco attendebet ad utilitatem spiritualem pœnitentis, ne scilicet laquei ei iniciantur, ut „ nova peccata committat. Ex hoc potissimum capite excusari potest *hodierna praxis, qua leves pœnitentiæ imponuntur pro gravissimis peccatis*: id enim sæpe fit „ propter spiritualem infirmitatem pœnitentium, quia gravioribus pœnitentiis „ scandalizabuntur, & *vel confessionem fugient, vel certe Confessarios ineptos adhibunt*, qui eos curare nesciunt. “ Hæc & alia de Lugo verba transcribit P. Tamburinus *Lib. IV. inerb. confess. cap. 1. n. 12.* ubi sic concludit: *Hæc prudenter de Lugo.*

IV. Prudens ergo regula est *leves pœnitentias imponere pro gravissimis peccatis*? Imprudenter ergo Tridentini Patres id cavendum monent. At nisi leves pœnitentiæ imponantur pro gravissimis peccatis, pœnitentes *confessionem fugient, vel certe Confessarios ineptos adhibunt, qui eos curare nesciunt.* Hæc periodus arcani secunda est. Iniunguntur ergo leves pœnitentiæ pro gravissimis flagitiis, ne pœnitentes fugiant? Confessarios ineptos adhibunt, qui eos curare nesciant? Confessarii ergo apti, docti, eruditi sciunt curare morbos inveteratos, habitus altius radicales, levibus, blandisque medicinis? Cedo: Confessarii inepti aut proportionatas delictis pœnitentias imponent, aut leves. Si primum; imbuti sunt Conciliorum, & Ecclesiæ doctrina. Si secundum; idem præstabunt quod docti, & apti. Verum habet. Sed isti Confessarii mellis suam loquendi rationem, vim persuadendi, alliciendi, hortandique pœnitentes, methodumque delicatam præscribendam pro spirituali cura ignorant. E contrario Confessarii docti, & eloquentes, licet leves imponant pro gravissimis peccatis satisfactiones, nihilominus mellis suis exhortationibus ad frequentanda sacramenta invitant, alliciuntque.

V. Cum hæc serio ad sanctarum Scripturarum, Patrum, & Concilii Tridentini, eiusque Catechismi normam perpendo, undique angustii me exagitatum sentio. Illinc clamari audio: Damna bis ne tot Confessariorum praxim? Heinc vocem tonantem sentio: Erravit ne Paulus, erravit Ioannes, dum tam severe puniere incestuosum, & sorem? Errarunt ne Ecclesiæ Patres, Cyprianus, Gregorius Thaumaturgus, Basilii, Ambrosius, Augustinus, & duodecim sæculorum Doctores, postremæ ætatis nostræ Patres Tridentini, Carolus Borromæus, S. Thomas de Villanova, Bellarminus, Denhof, Aguire, ut mittam anteriores, Thomam Aquinatem, Bonaventuram, Antoninum, ceterosque innumeros Episcopos, & Cardinales sapientissimos?

VI. Sanctissimi Ecclesiæ Patres, Apostolis propinquiore, furentis persecutionis tempore Christianos infirmos, non indulgentiæ lenocinio, sed pœnarum severitate

coer-

coercebant. Ob unum peccatum mortale nunc 10. nunc 15. annos, flagellis, ciliciis, ieiuniis in pane & aqua, cinere aspersos, & ad Ecclesiæ fores plangentes, prostratos, publicæ contemptioni expositos, plectebant delinquentes. Unde, quæso, tantæ severitatis disciplinam, nisi ab Apostolis, atque adeo ab ipso Christo didicere? Non verebantur sanctissimi viri isti pœnitentium fugam, nec eorundem desperationem; sed hæc erant illorum ratiocinia. Peccatum letale animæ infirmitas mortalis est, quæ mentem obtenebrat, cor corrumpit, passiones omnes ad tumultum, ad rebellionem concitat & armat, in ultimos animi recessus venenum effundit, profundiores radices agit, illecebrarum & voluptatum carnalium appetitiones irritat, & peccatorem mundi ac diaboli servituti vinculis fortioribus devincit. Quis porro mentis compos sibi in animum induxerit, ut credat paucis momentis, aut diebus has radices evelli, hæc vincula frangi, has veneficas qualitates & maculas ablui posse? Neque enim expelli hæc omnia possunt, nisi contrariis virtutum officiis, nisi fortissimis propositis, nisi carnis & passionum constellatione, & quidem diuturna. Quid quod peccata plurima non modo peccantes ipsos, sed ceteros quoque inficiunt, fascinant, & ad peiora patranda flagitia provocant? Ergo necessaria est satisfactio, quæ criminis gravitati aliquo modo respondeat. Necessarium est remedium, quod infirmitatis gravitatem & periculum patefaciat, tum peccatoribus ipsis, ut resipiscant, tum sanis & innocentibus, ut sibi caveant. Et revera tum Christiani, recogitantes quod ob unicum adulterium interdicta sacramenta erant, & propestantes adulteros, fornicatores, periuros pœnitescentes cinere aspersos, barba & capillis hirsutos, ieiuniis, & flagellis macilentos, lacrymantes, & plorantes, horrorem peccati, eiusque enormitatem concipiebant, Hæc severæ pœnitentiæ spectacula præsentia æternas futuras pœnas, & perpetuam visionis Dei privationem portendebant. His imaginibus præventi iuvenes longius a peccandi periculis se continebant: & revera numquam rariora & pauciora peccata quam tempore quo severa canonum pœnitentialium disciplina vigeat.

VII. E contrario ætate nostra res succedit. Vident iuvenes, vident adolescentes, ut iam dixi, & dicendum sæpius est, Christianos in theatris, in comœdiis, in saltationibus procari, fornicari, mœchari, & simul pluries quogannis confiteri, absolvi aliquarum precationum pœnitentia peracta. Vident, non per annos, sed per lustra plura in perpetuo & confessionum, & relapsuum circulo amassos, amassasque circumvolvi. Numquam frequentia sacramentorum maior; numquam scelera latius quam ætate nostra manarunt. Quid heinc? Christiani pueri & iuvenes, istius consuetudinis, consociandi sacramentorum frequentiam cum frequentia relapsuum in eadem scelera, imaginibus alti & educati, nullum peccati horrorem concipiunt. Quid sit Dei offensa, penitus ignorant; & cœpit apud ipsos licitum

tum fieri quod publicum est. Familiaria, splendida, & fere laude digna crimina iisdem apparent. Si Confessarius, Tridentini doctrina imbutus, pro criminum qualitate pœnas imponat, ut ait De Lugo, scandalizantur, fugiunt, & alios adeunt Confessarios. Hi, ut fugientes oves colligant, eos absolvent.

VIII. Unde (repeto) amabo te, Patres nostri sanctissimi hanc satisfactionis formam didicere? Unde, nisi ab Apostolis ipsis, quibus proximi fuere, atque adeo ab ipso Christo? Unde nos religionem christianam accepimus? A Patribus, a maioribus nostris, atque adeo ab Apostolis, & a Christo Domino. Exterior pœnitentiæ disciplina variationi obnoxia est; at spiritus pœnitentiæ, peccati gravitas, magnitudo diviniæ offensæ, debitum satisfaciendi immutabilia sunt. Religio nostra, lector cordate, non est inventum humanum, ad regulas prudentiæ politiciæ expolitur; sed donum Dei est nobis sub deposito custodiendum, a Christo, ab Apostolis, a Patribus, ab Ecclesia traditum.

IX. Omnia quæ opponuntur in præsentia, & naturæ imbecillitas, & concupiscentiæ rebellio, & ad malum pronitas, severissime examinarunt Patres, præsertim Cyprianus adversus Lucianum. Variationem disciplinæ exteriorem, nempe præmittendi absolutionem satisfactioni, & negligendi ritus illos plangentium, prostratorum, consistentium, aliosque satisfactionis non modo tolerat, sed probat Ecclesia. Tolerat etiam diminutionem rigoris pœnitentiæ quam iniungi canones pœnitentiales præscribunt, ut alias dictum est. At numquid probat Ecclesia quod pro gravissimis peccatis leves imponantur pœnitentiæ, ut plures recentiores Casuistæ cum Lugo docent? Numquid probat Ecclesia, quod solis indulgentiis peccatorum infirmitates curentur?

X. Verum, ut recentiores Casuistæ citati intelligant, quam sint illorum recentis opinioniones non modo antiquis, verum etiam modernis Patribus adversæ, unum ex plurimis in medium produco doctissimum, unaque piissimum Cardinalem Bellarminum, cui nihil præter antiquitatem deest, meo quidem iudicio, ut Pater Ecclesiæ sit & appelletur. Gemit, & plorat ipse super laxata pœnitentiarum disciplina. Sic enim *conc. ix. Dom. iv. Adventus* de satisfactione scribit.

„Olim, cum multo melius Christiani intelligerent necessitatem pœnitentiæ quam
 „nos faciamus; cumque apud se cogitarent, ac perpenderent, quanto facilius
 „hic in terris quam in purgatorio satisfieri possit, pœnitentias longissimas atque
 „asperrimas septem, quindecim, viginti, triginta annorum, interdum totius vitæ
 „libentissime admittebant, & explebant, & toro illo tempore ieiunabant frequen-
 „ter, orabant frequentius, non utebantur balneis, non equis, non curribus, non
 „vestibus pretiosis: abstinebant a ludis, iocis, theatris: denique tota vita eorum
 „nihil nisi luctus, & humilitas, & pœnitentia erat. . . *At vero hodie ita deli-*
 „*cati, ita teneri effecti sumus, ut vix paucorum dierum ieiunia pro multis sceleri-*

„bus, atque delictis sustineri possint. Cistia vero, & cineres, vigiliae, humicubatio-
 „nes, flagella, & aliae carnis afflictiones non solum in moribus nostris, sed vix
 „IAM IN LIBRIS reperiuntur.

XI. Et post allata testimonia Concilii Tolotani ad Scripturam sanctam causam
 appellat, sic persequens sermonem suum. „Sed quid ait Scriptura? *Qui timet*
 „*pruinam, irruet super eum nix.* Nos exiguae, & brevis poenitentiae austeritatem
 „formidamus; & in poenas atrocissimas, & longissimas purgatorii, vel gehennae
 „incurremus. Legi aliquando, extitisse nobilem quemdam adolescentem delica-
 „tum, qui, cum vitam valde severam arripuisset, & eo nomine ab amicis, &
 „affinibus reprehenderetur, eique corpusculi infirmitas, & teneritudo obiiceretur,
 „sapientissime respondit in hunc modum: Ego propterea vitam istam duram, &
 „laboriosam arripui, quod meae imbecillitatis & teneritudinis optimae conscius
 „essem. Cum enim cogitarem tam tenerum corpusculum non bene ferre posse
 „purgatorii, vel gehennae supplicia, ego delicatus haec minora & meliora elegi,
 „ut illa graviora, & maiora evaderem.“

XII. Porro sic concludit sapientissimus Purpuratus. „Unde igitur tantus tepor
 „in nobis, tanta teneritudo, nisi ex eo quod solitudinem cordis non intramus; quod
 „non intelligimus, nec intelligere cupimus quid sit Deum offendere? Et quid hinc
 „sequitur, nisi ut quamplurimi TURMATIM in gehennam descendant, & non so-
 „lum ex his qui non consentiunt, sed etiam qui male consentiunt? Vere dico vobis,
 „dilatavit infernus animam suam, & descendant ad eum sine numero.“

XIII. Rigorista ne Bellarminus? An sola Bellarmini auctoritas non praevalet
 sexcentis Tamburinis, La-Croixiis, Sporeriis, Vivis, & his similibus? Sed Bellar-
 minus haec in concionibus docet. Fateor. Alia ne in pulpito, alia in confessiona-
 rio doctrina theologica? Fulgentiori ne luce caelesti perfusi fuere Caramuel, Dia-
 na, Leander, Escobar, Tamburinus, quam Bellarminus, quem publicae adoratio-
 ni cito proponendum solemniter speramus? quam S. Carolus Borromaeus? quam
 Patres Tridentini? quam ceteri Sancti? Verum ne quis suspicari valeat, nos
 ad rigidiora declinare, regulas practicas in poenitentiis iniungendis servandas
 pro nostra tenuitate dabimus. Haec enim generatim & univérse locuti su-
 mus.

§. III.

REGULA PRIMA GENERALIS.

XIV. **P**rimum omnium serio introspiciat Confessarius cordis conversionem : statum pœnitentis , eius mores , consuetudines , indolem , habitus expendat . Si deprehendat pœnitentem sincero cordis dolore tactum , & ex signis colligat eum vere , sincere , & constanter esse in Deum conversum , virtutis amore captum , & vitiis horrore perterritum ; lætus sit , & absque ulla anxietudine convenientes pœnitentias imponat pro criminum enormitate . Pœnitentes enim sincere conversi , parati cum Davide in flagella sunt . Nulla est pœnitentia quam isti libenter non suscipiant , si conscii propriorum criminum gravitatis vere contriti fuerint . Quid ? Omnes sincere conversi mortem potius subire atrocem vellent quam peccata patrare : & postea recusabunt ieiunia , disciplinas , cilicia , preces , elemosynas , & similia , ea moderatione præscripta , quæ nec sanitati , nec statui officiant ? Immo isti omnia quæ præstare valent , quam libentissime , carne licet repugnante , suscipient . Verum habet , inquis , quando revera contriti sint . At si reipsa vere contritos & conversos , amoreque virtutis & peccati odio succensos non deprehendis , absolutionem iisdem impertiri nequis . Sunt , reponis , attriti quantum sat est ad absolutionem ; sed delicati , imbecilles , parum in virtute firmati . Si rigidas iisdem iniungo pœnitentias , iugum excutiant , & in desperationem labuntur , latiusque frena iniquitati remittunt . Præstigia , & fascinia hæc sunt . Extrema , reponis , laxitatis , & rigoris vitanda . Audio . Omnes vociferantur , via regia , idest media , incedendum , declinatis extremis . Sed paucissimi sunt qui hanc viam mediam noscant ; sed quisque pro arbitrio fingit . Idcirco sequentes regulas dabo .

§. IV.

REGULA SECUNDA

satisfactionis iniungende pœnitentibus nobilibus .

XV. **F**inge , Christianos altioris subfellii , nobilesque plurimos hanc vitam ducere . Vestium luxum , & pompas induunt , opipara convivia parant , gulæ , ludisque indulgent . Nobilium matronarum congressus , theatra , comœdias frequentant . Maiori noctis parte vigilant , saltant , potant , tripudiant . Fornicationes & adulteria frequenter perpetrant , ut cetera flagitia , periuria , odia , in-

vi-

vidiamque sileam. Finge, inquam, hanc esse istorum vitam. Quæ pro adultæriis, fornicationibus, pollutionibus, tactibus, aspectibus, alloquiis impudicis, & turpibus opera satisfactoria his iniungenda? Hanc ego illis iniungerem pœnitentiam. Primum omnium matronulas amafias obligarem ut pompas, luxum, fastumque deponerent, ut intra domi confinia se continerent, a virorum familiaribus congressibus omnino seiunctas; ut humilem, modestamque, & proprio statui consentaneam vestitus formam imposterum induerent. Idem, proportionem servata, præscriberem viris. Hæc non tam sunt opera iniungenda in pœnam criminum, quam officia vi professionis christianæ implenda; nihilofecius loco pœnitentiæ iniungerem. Poss adderem, ut quot horas insumere consueverunt in theatris, ludis, conversationibus, totidem impenderent partim in christianis meditationibus, in sanctorum librorum lectione, aliisque opportunis precationibus, partim aut in re domestica curanda, aut in honesta applicatione proprio statui convenienti. Deinde pro numero fornicationum, adulteriorum, aliorumque criminum ieiunia servanda præscriberem. Si nobiles pœnitentes essent formosuli, & torosuli, seu firmæ valetudinis, ieiunia plus minusve iuxta & criminum, & pœnitentium conditionem iniungerem in pane & aqua: si valetudinis non adeo robustæ forent, consueta ieiunia præscriberem, adderemque eleemosynas moderatas, Ecclesiarum, & sacramentorum frequentiam plus & minus pro circumstantiarum varietate.

XVI. Quid est quod contra hanc satisfactionis regulam obtrudere vel benigniores Casuistæ valeant? Rigorissimum redolet, inquiunt, & vix quinque in centum ex nobilibus pœnitentibus se huic regulæ subiicient. Sed quid allegare contra illam iure valent? Vigilant ultra mediam noctem, ne dicam ad auroram fere usque, ut mundo, ut diabolo inserviant: cur nequeunt saltem temporis medietatem impendere, ut divinam vindictam piis meditationibus placent? Torquent corporis sanitatem libidine & crapula: cur non poterunt concupiscentiam ieiuniis coercere? Foveant carnis appeitiones lectisterniorum mollitiæ: cur duriori cubatione comprimere carnis rebellionem recusant? Si pecuniis abundant, ut in flagitiorum pretia solvant; cur impotentes erunt ad eleemosynas? Valetudinarii ab implendis ieiuniis, pauperes ab eroganda eleemosyna excusare se iure possunt. Verum modo de iis solis sermo est qui sanitate, & pecuniis abundant ad opera mundi & diaboli peragenda, & quidem graviora, & sanitati molestiora quam quæ ego præscribo pro delictorum solutione iure divino debita. Nihil ergo solidi opponere valent, cur ego pœnitentiæ mensuram dimiguere debeam, aut possim. Disciplina hodierna benigna est. Regula a me præscripta benignissima est. Canones pœnitentiales modo quatuor, modo septem, modo quindecim annos in continuis vigiliis, ieiuniis, eleemosynis, cinere, & cilicio transigendos

imponunt. Ego ita tempero hunc rigorem, ut imponam pro quolibet adulterio quatuor ieiunia in pane & aqua, aut ieiunia consueta : si medietatem temporis insumpti in theatris, ludis, conviviis, saltationibus, applicandam decerno precibus, meditationibus, nosocomiorum & infirmorum visitationibus, aliisque piis operibus, nec vigesimam partem satisfactionis a sacris canonibus taxatæ impono. Quin non modo tempero, sed vix partem minimam antiquæ poenitentiae iniungo.

XVII. Insistunt. Hanc poenitentiam; licet moderatam, non suscipient poenitentes. Et ego quæro causam repugnantiae. Impotentiam ad ieiunandum, ad eleemosynas, ad vigiliis, ad visitationem infirmorum obtrudere vere nequeunt; cum vigilent in theatris, & ludis, visitent amasias, pecuniola tributa eisdem solvant, & libidine corporis sanitatem extenuent. Hæc omnia comperta & manifesta sunt. Ergo, dum præfata ieiunia, eleemosynas, meditationes, infirmorum visitationes, aliaque pietatis opera recusant, sunt poenitentes hypocritæ, larvati, sepulcra dealbata, mendaces excusantes excusationes in peccatis. At fugient, & adibunt alios Confessarios blandis poenitentiis eosdem absolventes. Verum habet, & reipsa sic evenit. At, positis iis quæ dicta sunt, sacrilegæ sunt absolutiones, nullæ confessiones, & poenitentes eiusmodi turmatim in gehennam descendunt, inquit Bellarminus. Quoties enim debitores solvere quod revera possunt, recusant, ficti, mendaces, & clementia indigni sunt.

XVIII. Quid quod præfatas poenitentias non modo implere astringuntur, ut delictorum poenam solvant, verum etiam ut malignas morborum reliquias aboleant, ut contra peccata futura se muniant? Necessariæ sunt poenitentiae istæ, non solum ut satisfactoriæ, sed etiam ut medicinales: quoniam contraria contrariis curantur. Quid? Libidinosos torosulos absque ieiuniis, avaros & prodigos absque eleemosynis, luxus, pomparum, ambitionis, vanitatis idololatrias absque humilitatis exercitio, absque vestitus modestia curabis, ad Deum convertes, per viam paradisi duces? Chimææ chimæarum istæ sunt. Ignorarunt Apostoli, ignorarunt Patres omnes, ignorarunt Concilia omnia hanc medendi artem. Sed, ut ad incitas te redigam, hæc praxis, qua permulti Confessarii uruntur imponendi poenitentias leves pro gravissimis peccatis, reformat ne reipsa dictorum poenitentium mores, luxum, & pompas matronarum; eliminat ne adulteria, fornicationes, pollutiones, avaritiam, superbiam, & cetera crimina? Heus tu! Contendis ne impeccabiles fieri poenitentes? Non id contendo; sed aio, sacramentum poenitentiae iustificare peccatores contritos: iustificatio autem christiana permanens, & natura sua stabilis est. Relabi interdum possunt, sed raro id occurret: quia qui vere iusti sunt, omnia quæ enumeravi, peccandi illicia, & pericula declinant, a mundi, & diaboli præstigiis, seductionibus longius vivunt.

Con,

Contra vero moderni pœnitentes hodie continentur, communicant, & post paucos dies, ne dicam cras, eandem vivendi formam resumunt, ad amasias, ad theatra, ad ludos, ad convivia, ad saltationes, ceterasque mundi illecebras, non secus ac antea redeunt. Næ isti pœnitentes veri?

XIX. Rufus insillit. Facillime hæc omnia in cella sua Theologus scribit. At, si interdicamus pœnitentibus altioris ordinis theatra, comœdias, spectacula, ludos, comestationes, familiarem cum matronulis conversationem, eisdem intervenire & famulari; si iisdem luxum, pompas, vanitatem vestium prohibeamus; si pro adulteriis, fornicationibus &c. ieiunia, & quidem in pane & aqua, eleemosynas, ægrotorum vilitationes, lectionem Scripturæ sanctæ, & meditationes iniungamus; vacua prorsus confessionalia nostra similium pœnitentium remanebunt, deserta templa. Ita eveniet. Quid inde? Sacrilegia ne, & crimina criminibus accumulanda, ne huiusmodi pœnitentium concursus amittatur? An nostram, non Dei gloriam; an propria emolumenta, non animarum salutem querimus? At si confiteri quater saltem in annum omittunt, peiores sunt, habenasque ad omnia scelera laxant, aut Confessarios ineptos adibunt. Tu de tua administratione sacramentorum, non de alienis sceleribus rationem redditurus eris. Tuum est impedire ne sacramenta profaneantur. Si pœnitentes obstinatioribus evadere sponte velint, ipsi, non tu, pœnas dabunt.

XX. Praxis iniungendi pro gravissimis peccatis leves pœnitentias est potissima omnium malorum scaturigo. Hoc benignitatis illicio maiora saltem impedire mala Casuistæ, & Confessarii plures sibi blandiuntur, sic ratiocinantes. Dum pœnitentes sacramenta frequentant, suasque devotiones festis solemnioribus exercent, ut minus, pauciora flagitia perpetrant, populum ædificant, religionis cultum fovent, & tandem seniores facti, veri pœnitentes evadunt, & in osculo Domini decedunt.

XXI. Hoc est præstigium, hæc hallucinatio omnium gravissima. Religio nostra, ut dixi, non est humanum inventum ad politica boni & æqui artificia excogitatum; sed sacrum mysterium, & præceptorum depositum, nobis custodiendum a Christo Iesu, ab Apostolis, a Patribus traditum. Similium ratiociniorum, & eiusmodi praxis vestigia nulla vel in Scripturis, vel in Patribus, sive antiquis, sive ætati nostræ proximis apparent. Casuistæ, & Confessarii, qui eiusmodi praxi maiora pio zelo impedire scelera sibi illudunt, ad omnia scelera, & ad ipsius religionis iacturam atque exitium viam nolentes aperiunt. Nam & scelorum horrorem auferunt, & peccandi incentivum præbent. Ex hac larvatæ benignitatis praxi iusti fideles scandalum patiuntur: ceteri fideles sibi persuadent christianam professionem sitam esse in perpetuo scelorum, & confessionum circulo. Ad sacramentum pœnitentiæ requiri non morum emendationem, sed oris promissionem

credunt : sinceram pœnitentiæ imaginem prorsus ignorant , & spectrum fucatæ pœnitentiæ sibi formant . Et hac erronea persuasione decepti , sacrilegiorum sæpe plautris onusti , in æternam fornacem corruunt . Tandem hæretici derisui habent similes auriculares confessiones cum perpetuis criminibus fœderatas .

XXII. Paucis nunc expositam habes lugubrem funestamque novæ benignitatis praxim , omnium malorum perniciosissimam . Quis tibi , inquis , talis horrendæ piæturæ colores porrexit ? Patres omnes . Non versamus modo , lector christiane , aliquem casum particularem excogitatum a Casuistis , qui aiunt , Doctores temporum tractare casus temporum , sed punctum disciplinæ explicamus , quod ipsis primis sæculis in discrimen adductum fuit . Audi ergo iterum unum pro omnibus Cyprianum , mirum in modum omnia quæ dixi , confirmantem , *Lib. de lapsis prope medium* , ubi sic clamat . *EMERSIT enim , fratres dilectissimi , novum genus cladis , & quasi parum persecutionis procella sevierit , accessit ad cumulatum sub misericordie titulo malum fallens , & BLANDA perniciës . Contra Evangelii vigorem , contra Domini ac Dei legem , temeritate quorundam laxatur incautis communicatio : irrita & falsa pax , periculosa dantibus , & nihil accipientibus profutura . Non querunt sanitatis patientiam , nec veram de satisfactione medicinam . Pœnitentia de pectoribus excussa est , gravissimi , extremique delicti memoria sublata est . Operiuntur morientium vulnera , & plaga letalis , altis & profundis visceribus infixæ , dissimulato dolore , conegitur .*

XXIII. Sic loquuntur Patres sancti , sapientiæ divinæ luce perfusi . Plura ibi adiicit Cyprianus , quæ infra dabo . Quid ad hæc nonnulli Casuistæ , novæ praxis propugnatores ? Habenda est temporum & personarum ratio . Fateor . Et ut undique versum (lubet enim rem hanc plenius excutere) pateat praxis huiusce blanda perniciës , paucis te urgeo . Fieri ne potest ut pœnitentes venerea lue inquinati , crapulæ , intemperantiæ , pompisque addicti , illicio muliercularum capti , avaritiæ , & superbiæ æstu ardentes , blandis medicinis , & mitissimis antidotis curentur ? His utere . Longins amanda ieiunia , cilicia , flagellâ , cineres , elemosynas , vigilias , & cetera severa remedia , quæ his ægrotis medendis ut necessaria præscribunt divinæ Scripturæ , Apostoli , & Patres cuiusque ætatis omnes . Hæc omnia negligito , hæc omnia longius proiicito , si paucis precatiunculis , levibusque pectoris tunctionibus curare recensitas ægrotorum infirmitates vales . Quis enim medicus adeo aut demens , aut ferox , qui , cum sanare aut levibus , aut nullis medicinis infirmos valeat , severa & molestissima adhibere remedia velit ? Quis chirurgus tam satuus , & furens , qui potens solo oleo curare vulnera , infundere acetum ex mera sævitia constituat ? Eam ergo benignam benignissimam pœnitentiam iniunge quæ ad restituendos veræ , & non fictæ sanitati infirmos

tuos opportuna & efficax est. Quid benignius, quid mitius, quid suavius desiderare a me potes?

XXIV. Verum enimvero, si divinæ Scripturæ, si Concilia, si Patres omnium sæculorum, si Sancti ætati nostræ proximi, si experientia luculentissime evincunt, hanc casuisticam praxim esse ineptissimam & ad solvendam delictorum pœnam, & ad curanda perita vulnera; si ipsa quotidiana visibilis experientia testatur, eiusmodi leves & blandas pœnitentias aliud non esse quam peccandi incentiva, quam decipiendi præstigia, quam ultimum omnium malorum exitium: quid mihi auctoritatem quorundam Casuistarum obtrudis? Sis cum pœnitentibus nobilibus, & pauperrimis etiam benignus, mansuetus, blandissimus: totis eloquentiæ nervis, ac blandiloquentiæ vi ad sinceram stabilemque conversionem hortare: & si id affectus fueris, magnus mihi eris Apostolus. At tandem aliquando intellige, te Aethiopem lavare, & aquam cribro colligere, si credis fœtida luxuriæ ulcera curari, indomitas effrenatasque avaritiæ, superbiæ, & invidiæ passiones aliquibus precationibus, mellitisque sermonibus aut coerceri, aut deliniri. Frenis validissimis ieiuniorum, disciplinarum, elemosynarum, & meditationum æternitatis tremendæ opus est ad tam efferas cohibendas belluas. Verum eo malorum res nostra devenit, ut nec remedia, nec virtutum pœnas pati amplius velint homines plures. Obdurati peccatores, ut conscientiarum aculeos quoquomodo retundant, ad Confessarios accedunt, scelera pandunt; at delictorum debita solvere, & remedia, quibus revera sanentur, audacissime respuunt: Casuistæ vero, & Confessarii non pauci, pio salvandi omnes Christianos zelo succensi, eas blandas medicinas applicant quæ latuerunt Patres nostros. Omitunt moderatas pœnas iniungere; fidemque adhibent excusationibus pœnitentium, qui difficiliora superant, & graviora subeunt incommoda, ut mundo, & diabolo inserviant. Caveant itaque Confessarii ne animas proprias damnationi æternæ exponant falsa persuasione salvandi alienas. Peccatores robusti ad iugum iniquitatis portandum, & infirmi ad sustinendum iugum Christi, quamvis consueantur, diaboli, non Dei filii sunt. Nihil negligas, ut eos Deo lucreris; at noli sacramentorum sanctitatem profanare, & Evangelii vigorem infringere benignitatis illæ obtentu: quia benignitas hæc & tibi, & pœnitentibus his fidei perniciofa est, quando morum reformatio sacramentorum frequentiam non consequitur.

§. V.

REGULA TERTIA

*satisfactionis iniungendæ poenitentibus mercatoribus,
advocatis, ceterisque eiusdem ordinis.*

XXV. **M**ercatores, & advocati avaritiæ vitio obnoxii sunt. Quemadmodum enim qui cum feminis conversantur, labendi in peccata luxuriæ periculo subiacent; sic qui pecunias quotidie tractant, easque ut accumulent, commercia exercent, facile avaritiæ præligiis capiuntur. Eo vero periculosius est vitium istud, quo occultiores sunt latebræ quibus absconditur. Istis igitur iniungendum primo est quotidianum conscientiæ examen super iis quæ ad suas attinent professiones. Rationes instituant, debitaque cum Deo contracta suppulent ea solertia & diligentia qua solent propriæ negotiationis contractus, credita, & debita scripturæ consignare. Eleemosynæ istis iniungendæ semper sunt, prout illorum status fert.

XXVI. Advocati, & qui curiæ inserviunt, fraudibus, insidiis, dolis subiecti sunt, indigentque & hi quotidiano conscientiæ scrutinio, & caritatis exercitio erga proximum. Iniungendum istis ut pauperes oppressos defendant, protegantque. Hæ sunt pœnitentiæ medicinales contra vitia quæ comitari professionem solent.

XXVII. Confessarius itaque duo præ oculis habere debet. 1. Statum seu professionem pœnitentis, & peccata sive omissionis, sive commissionis quæ patrari a talibus solent; & præsertim in omissiones inquirat eorum qui præsent alius: istorum enim plurimi ob peccata omissionis, quæ ut aquam bibunt, damnantur. 2. Expandat peccata personalia. Si enim hi fornicatores, adulteri, periuri fuerint, communes pœnæ ieiuniorum, eleemosynarum, meditationum, vigiliarum indigendæ sunt.

§. VI.

REGULA QUARTA

*satisfactionis imponendæ plebeiis, ceterisque postremæ
classis hominibus.*

XXVIII. **Q**UI aut in agris, aut in officinis continenter laborant, famulanti-
tur, inserviunt, non sunt communiter apti sive ieiuniis, sive
eleo-

eleemosynis. Dixi communiter : nam & istorum plures valent eiusmodi præstare opera, quæ iniungi poterunt pro criminum gravitate, & circumstantiarum diversitate.

XXIX. Pœnitentiæ istis iniungendæ, erunt communiter preces, mane & sero diligenter recitandæ, nunc brachiis decussatis vel extensis, & genibus nudatis, nunc prostrato corpore pro criminum maiori vel minori gravitate. Iubeat ut victimas laborum omnium Deo offerant singulis diebus, & ut hanc oblationem sæpius per diem innovent, aspirationes frequenter repetant, & sero Deo gratias agant ; ut incommoda, molestias, adversitates forti animo in propriorum criminum pœnitentiam sustineant. Si isti in aliquod nefandum crimen labantur, poterit prudens Confessarius iniungere ut pane & aqua contenti sint : si id labores non permittant, poterit iubere abstinentiam a vino, aut ab obsonio, aut humicubationem : ea denique imponat quæ affligendæ concupiscentiæ opportuna iudicabit.

§. VII.

REGULA QUINTA

Satisfactionis iniungendæ feminis.

XXX. **F**eminarum vitia sunt ambitio, luxus, pompæ, fastus, nuditas pectoris, & nimia pulchritudinis ostentatio, scandala seductionis. Feminis igitur quæ contra christianæ modestiæ regulas se se ornant, quæ viros versuta arte ad peccandum alliciunt, ornatum vanum primum omnium interdicat. Si scandalo viris fuere, si lapsæ sunt in carnis peccata, in adulteria, in fornicationem, non modo vestitum modestum, quem vel ipsa femina innocens & casta induere tenetur, sed humilem etiam, & quantum status patitur, vilem, & pauperem præcipiat. Hæc est propria feminarum pœnitentia, opportuna ad coercendam earundem ambitionem, luxum, vanitatem, ambitionem, superbiam, & ad reparanda scandala, nuditate, fucis, & ementita venustate inducta.

XXXI. Deinde in criminum vindictam ieiunia, & quidem severa, plus minusve pro flagitiorum diversitate præscribat, preces, vigiliæ, & meditationes, prout expediens iudicaverit. Oculorum evagationem prohibeat, solitudinem, sexui aliquin propriam, præscribat.

§. VIII.

REGULA SEXTA BENIGNITATIS

servandæ in satisfactione iniungenda pœnitentibus omnibus.

XXXII. **P**lenus suavitatis, mansuetudinis, comitatis, & quasi dixerim illecebrarum sit Confessarius oportet. Altius menti infixum habeat S. Pauli monitum ad Gal. vi. *Si preoccupatus fuerit homo in aliquo delicto, vos, qui spirituales estis, huiusmodi instruite in spiritu lenitatis.*

XXXIII. Medicina corporalis, etiam si infirmus reluctante voluntate illam deglutiat, parere sanitatem potest. At si peccator curari renuit, nihil medicinæ si-ve severæ, si-ve benignæ profunt. Benignitas itaque Confessarii huc collineare omnem industriam suam debet, ut pœnitentem persuasum efficiat necessitatis implendi pœnitentiam præscriptam. Porro, ut ex parte sua ea omnia patientia summa præstet, hoc pacto alloqui pœnitentem poterit. Nemo te melius vulnera infirmitatis tuæ, & radices agnoscit. A tot annis in hoc vitiatorum cœno volutatus es. Remedia, quæ hæcenus adhibuisti, vana, & inania. Confessiones ob relapsuum frequentiam probabiliter sacrilegæ. Ego, qui in hoc negotio nihil prius cordi habeo quam animæ tuæ salutem, quam summopere aveo, post seriam considerationem, pœnitentiam quam præscripsi, iudico necessariam. Quid est quod illam respuis? Vis ne æternum perire? Salvari ergo sincere constanterque vis? Curandus ergo necessario est animæ tuæ morbus, & Deo offenso satisfaciendum. Porro si medicina, quam pro infirmitatis cura exhibeo, nimium tibi aspera est; habes ne tu aliam meliorem, & sanitati recuperandæ efficaciorē? Si habes, illam expone. Tute iudex, sicut accusator, causæ tuæ esto. Ego meum tuo iudicio subicere volo. An eris animæ tuæ proditor, & deceptor? Si pœnitens suggererit pœnitentiam quam tu opportunam iudicaveris, eam illi præscribe, in-quiens: Utinam possem absque ulla pœna te iustum efficere, & curru, ut vulgo dicitur, in cælum ducere. Pœnitentiam quam tunc ipse tibi imponis, ego probo. Si ineptam agnoveris, ostende eidem, quam sit deceptus. Nullum non moveas lapidem, ut pœnitentem tuum veritatem doceas, instruas, & ad curandam infirmitatem suam inflames.

XXXIV. Benignitas ergo tua non casuistica, sed evangelica sit: id est, lenitas, quam Apostolus commendat, non est indulgentia assentatrix, ut satisfactiones ad genus pœnitentium minuat, ne pœnitentes fugiant, scandalumque patiantur; sed est spiritus mansuetudinis & caritatis, quæ omnia suffert, ut lucre-

tur fratrem suum. Ostende quanta passus haecenus sit, ut vitiis & diabolo inferiret, ea rationum momenta illi expone quæ supra descripsi. In his, & similibus sita sit lenitas, & suavitas tua. Longius a te abeat benignitas illorum Casuistarum qui solo indulgentiarum usu, & levibus quibusdam pœnitentiis curare mortiferas infirmitates contendunt. Si hanc methodum servaveris, etiam si pœnitentem tum lucratus non fueris, tamen a te edificatus discedet, & forte verbi Dei semen, quod hodie seminasti, tempore dabit fructum suum. Tandem considera paucos esse electos, multos pœnititos. Quare non omnes qui ad sacramentum accedunt, ex illis sunt qui sanari debeant. Cave ergo ne sacramenta polluenda exponas. Plura alia adiciere possem; sed prudens Confessarius ex iis quæ dixi, sufficienter colliget quas cuque pœnitenti applicare satisfactiones debeat.

§. IX.

Raro Confessarii æquo severiores, frequentissime æquo laxiores sunt in pœnitentiis iniungendis. Querimonie sanctorum Patrum cuiusque sæculi sunt adversus Confessarios non rigidos, sed laxos.

XXXV. **R**igor cum humana natura pugnat. Rigorista odium, invidiam, contemptionem universi humani generis subit. Ergo qui nimium rigorem ex arbitrio exercet in pœnitentes, aut monstrum humanitatis est, aut dementia, vel crassa ignorantia laborat. E contrario benignitas, clementia, suavitas secundum naturam est; plausum, acclamationem, favorem, & totius mundi præconia sibi comparat. Ergo Confessarii natura sua propensi sunt ad benignas pœnitentias iniungendas: natura sua propensi sunt ad declinandam Rigorismi invidiam odiumque, & ad promerendas laudes, acclamationes, & plausum universalem, ut fusius dicam infra.

XXXVI. Increpationes Tertulliani, Cypriani, Basilii, Ambrosii, & aliorum Patrum adversus Confessarios laxos, & palpones supra dedi. Nunc aliorum paucas rescribam.

XXXVII. S. Leo Papa epif. lxxix. inquit: *Abiicienda prorsus pestifera hæc a pastoralis vigore patientia, quæ sibi met, peccatis aliorum parcendo, non parcat. Hormisdas Papa epif. quæ habetur Tom. V. Biblioth. PP. clamat. Quæ est ista inimica benignitas, palpare crimina, & vulnera eorum usque ad diem iudicii incurata servare? Vere dico, quia illi ipsi quibuscum periculosa & falsa misericordia indulgere videmur, cum ante tribunal Christi pro tantis peccatis damnandi advenierint, contra nos ipsos causas dicendi sunt, dicentes, quod, dum aut asperitatem lin-*

linguæ eorum expavimus, aut falsa blandimenta, & periculosas adulationes ipsorum libenter accepimus, nos eos, dum inutiliter indulgemus, in peccatis permanere, aut ipsa etiam peccata augere permiserimus.

XXXVIII. Petrus Damianus, non minus sanctitate quam 'purpura celebris, in suo Gomorrhiano acriter invehitur Confessarios benigno-laxos. *Hæc (inquit cap. 11.) impia pietas non vulnus amputat, sed, ut augeatur, fomitem subministrat . . . Cave ab his (subdit cap. x1.) quicumque es, ne te frenarum carmen mortifera suavitate demulceat, ne navim tuæ mentis in scyllæ voraginis profunda demergat.* Et tandem fer. lxx. In pœnitentiæ virtute caligant oculi plurimorum; qui vel discretionem privati, vel assentatione seducti, privatam gratiam præferunt veritati. Gratiam & favorem inire ab hominibus potens illicium est.

XXXIX. Cardinalis Camusius in *const. synodal. tit. vi. artic. 6. sec. 6.* omnium malorum sentinam ait esse Confessariorum laxitatem. Nullum abusum Concilia, sanctique Episcopi novissimorum seculorum tantopere deplorarunt, sicut pœnitentiæ relaxationem, cuius non superest nisi exterior superficies, & nomen apud Christianos: eo quod paucissimi sint Sacerdotes qui salutare, & convenientes imponant, sicut & peccatores qui eas acceptent. Hunc abusum Sancti pronuntiant causam esse malorum omnium, & scandalorum, quæ in domum Domini turmatim introeunt, omnemque decorem sponsæ ipsius deformaverunt.

XL. Episcopus Attrebatensis in *regul. pœnit.* quas 30. Episcopi adoptarunt, *reg. 145.* hæc habet. Si Confessarii impensius vacarent legenda Scripturæ sacræ, quæ verus fons est Moralis christiana, ubique deprehenderent, pœnitentiæ conversionis esse sociam. Si vitas lustrarent Sanctorum, ex ipsis nec unum invenirent absque labore salutem consecutum. Si Patres de pœnitentia tractantes consulerent, in omnibus rigorem inspicerent. Si veteres omnes hac de re agentes evolverent, nullum ex ipsis comperirent mollioris erga criminosos præceos patronum. Si ergo inolles quisque Confessarius suum agendi modum conferat cum doctrina Scripturæ, Conciliorum, Patrum, circa qualitatem doloris, & satisfactionis; vel Scripturam, Concilia, Patres damnabit, vel molliorem suum agendi modum, si propriam amet salutem, emendabit.

XLI. Heu! quoties hoc formidandum dilemma mecum lacrymabundus profunda meditatione revolvi, expendi, expavi. Aut Scripturæ, Concilia, & Patres omnes improbandi; aut recentiorum Casuistarum plurimi reiiciendi. Clamant Scripturæ, Concilia, & Patres omnes: Cave a Laxistis, cave a Benignistis Prophetis, qui consuunt pulvillos sub omni cubito carnis, qui favorem hominum captant. Contra vociferantur Casuistæ plurimi: Cave a Rigorismo, cave a Rigoristis, cave ab illis qui imponunt onera importabilia, & in animas fragiles sæviant. Hic tremebundus & cogitabundus mecum ratiocinor. Cui parti adhære-

bo ? Scripturis ? proculdubio, Conciliis, & Patribus. At etiam Casuistæ laxiores a se stare Patres, Concilia, & Scripturas contendunt. Quid mihi ergo agendum ? Quid, si errem in puncto a quo pender æternitas ? Mentem converto ad disciplinam practicam, ad ipsam sacramentorum frequentiam, & mores pœnitentium. Hæc omnia sub oculos cadunt. Et video luce meridiana clarius, Laxissimum quaquaversum dominari, grassari, & inundare. Rigorissimum nullibi, sive in praxi, sive in libris Catholicorum, qui communiter sunt in manibus, comperio. Post hanc maturam seriamque meditationem errare Casuistæ plures in nimia indulgentia mihi videntur. Et cum Scripturis, Conciliis, & Patribus concludo : Cave a Laxistis, cave a Benignistis illis qui pro gravissimis peccatis leves iniungunt pœnitentias. Testimonia SS. Bernardi, Antonini, Thomæ de Villanova, Caroli Borromæi, Cardinalis Bellarmini supra dedi, & infra dabo.

C A P U T X.

De obligatione pœnitentium acceptandi satisfactionem impositam a Confessariis pro peccatis mortiferis. Plurimum Casuistarum laxæ opiniones refelluntur.

I. **Q**uest. I. *Tenentur ne sub mortali pœnitentes acceptare pœnitentiam pro gravibus peccatis impositam ?* Resp. Salmanticenses morales *trab. vi. cap. x. punct. 4.* non teneri pœnitentes, ex aliis Casuistis advertunt, ad eam acceptandam, quando constaret esse iniustam ; astringi vero illos, quando non constaret de excessu. Animadversio hæc quam sit cauta, ceteri iudicent. Pœnitentes ne iudices mensuræ pœnitentiæ injungendæ ? At possunt occurrere Confessarii indocti, & imprudentes, qui iniustas pœnitentias imponant ? Non repugno. Sed ne tunc quidem pœnitentes evadere iudices debent, sed doctum adire Confessarium, qui recte iudicet. Quid, si pœnitentiæ forent iniustæ, quia nimis leves ? Iniustitia enim tam ob defectum, quam ob excessum contingere potest.

II. De satisfactione iusta disputant recentiores. Pro opinione negante obligationem sub peccato mortali pœnitentiam acceptandi, citantur ab iisdem Salmanticensibus Scorus, Gabriel, Io. Medina, Ruiz, Navarrus, Armilla, Zerola, Villalobosius, Caietanus, & alii. Hæc opinio prorsus falsa & laxa est.

III. Communis & vera Theologorum sententia defendit, astringi pœnitentes sub mortali ad acceptandam pœnitentiam impositam pro culpis mortiferis a Confessario. Hoc luculentum ex Evangelio est, cum Christus Dominus facultatem impertierit solvendi, & ligandi. Concilium autem Tridentinum *sess. xiv. cap. viii. c. can. xv.* potestatem ligandi exponit de iniunctione satisfactionis. Nulla autem esset

esset ligandi potestas, si liberi ab acceptatione pœnitentes forent. Nec in re aperta vacat diutius inmorari.

VI. Quæst. II. *An pœnitens possit absque peccato mortali ante absolutionem declinare sententiam huius Confessarii, aliumque adire?* Resp. Salmanticenses *loc. cit. n. 59.* negant cum Lugo, Castropalao, Suarez, Coninch, posse id fieri absque rationabili, & legitima causa. Verum, inquirunt, non peccabit mortaliter pœnitens, si inchoatam confessionem relinquat, & alium Confessarium legitimum & prudentem quærat; sed erit tantum culpæ venialis, & cuiusdam irreverentiæ, & indecentiæ reus. Ego distinguere. Si pœnitens evidenter advertat, Confessarium esse ignorantem, nescientem distinguere inter lepram & lepram, & ineptum ad conscientiam suam dirigendam; tum nullius culpæ reum reputarem pœnitentem qui, debito obsequio servato, sine absolutione abiret, & quæreret Confessarium doctum, & pium. Nonne Confessarius potest absque irreverentia contra sacramentum dimittere pœnitentem indispositum? Cur ergo non poterit pœnitens absque irreverentia contra sacramentum recedere, si evidenter illi constaret, Sacerdotem ineptum esse ad iudicium formandum? E contrario si pœnitens abrupter confessionem, ut inveniret alium Confessarium, qui iniungeret minores & benigniores pœnitentias ob gravissima crimina; tum non liberarem hunc pœnitentem a gravi culpa, immo tamquam indispositum ad sacramentum iudicarem.

V. Quæst. III. *An probabilis sit opinio negans pœnitentem teneri ad satisfactionem impositam a Confessario suscipiendam?* Resp. P. Patritius Sporer *Part. III. cap. 19. q. 1. §. 4. num. 548.* „Sententia sane gravium Doctorum, Soti, Caietani, Sylvestri, Medinæ, ac Navarri *Man. cap. xxvi. num. 20.* nimirum liberum esse pœnitenti acceptare, vel repudiare pœnitentiam a Confessario impositam, et si „maxime post Tridentinum non intrinsece, *tamen extrinsece probabilis ad hoc servire* potest Confessario, ut NEMINEM sine absolutione remittat, qui eam sententiam secutus, nollit acceptare pœnitentiam impositam, paratus Deo satisfacere in hac, vel in altera vita, *dummodo aliquam vel LEVISSIMAM pœnitentiam subire velit, v. g. aliquot Pater, & Ave, tunsionem pectoris &c.*“

VI. Præfata opinio, non modo sive intrinsecus, sive extrinsecus probabilis non est; sed est evidenter falsa, improbabilis, & Concilio Tridentino manifeste contraria. Hæc enim opinio destruit forum pœnitentiæ, aufert a Confessariis potestatem ligandi. Quoniam si pœnitentes non tenentur parere, Confessarii nequeunt præcipere. Clausula adiecta nimis inepta & perridicula est. *Dummodo aliquam vel levissimam pœnitentiam subire velit, v. g. aliquot Pater, & Ave, tunsionem pectoris &c.* Qui fornicationes, adulteria, aliaque gravissima scelera perpetravit, tenetur subire aliquam satisfactionem levissimam, nempe *tunsionem pectoris*, levissimamque: *aliquot Pater & Ave*. Iudicent pii doctique lectores, an eiusmodi opinionem

sine

sint omnium malorum origines. Tot Confessarii minus periti, legentes eiusmodi Doctores, reipsa imponunt levissimas pœnitentias pro gravissimis delictis, & absolutionem impertiunt peccatoribus evidenter indispositis. Apti ne ad sacramentum pœnitentiæ illi sunt qui recusant, quoad possunt, Deo satisfactionem reddere, & medicinas ad curandos inveteratos morbos necessarias audacter respuunt?

VII. P. Thomas Tamburinus *Lib. IV. Meth. cap. 11. num. 7.* refert Victoriam, & Vasquezium, docentes, esse de fide, quod Sacerdos possit obligare ad aliquam pœnitentiam, & Suarez dicit contrariam opinionem esse temerariam. Nihilominus P. Tamburinus resolvit. „ Aliis vero videtur etiam post Tridentinum esse „ probabilis, quia non videtur Tridentinum damnare voluisse opinionem quam „ doctissimi viri sequebantur . . . Ex qua opinione sequitur quod si esset pœni- „ tens aliquis qui nolle acceptare, paratus in purgatorio solvere, non esset ex „ hoc præcise censendus indispositus (nisi forte recusaret pœnitentiam etiam par- „ vam, quod esset signum non veri doloris) nec propter hoc solum esset sine ab- „ solutione dimittendus. “ Quid, si Cyprianus, si Chrysostomus, si Ambrosius talia audissent paradoxa? Citatur pro hac opinione Caietanus. Si eam docuit, manifeste erravit; sicut errare aio Sporer, Tamburinum, & alios talia docentes.

VIII. P. Claudius La-Croix *Part. II. num. 1260.* docet cum P. Busembau, esse absolvendum pœnitentem qui velit acceptare levem pœnitentiam, inquit *Immo, notat Busembau cum aliis apud Lobn. non esse dimittendum pœnitentem qui admittere vult pœnitentiam saltem levem.* En quomodo iuxta istos Casuistas pœnitentes constituuntur iudices pœnitentiæ imponendæ. Non est dimittendus pœnitens qui admittere vult pœnitentiam saltem levem? At pœnitens iste enormium criminum reus est, laborat morbis gravissimis, indiget validis medicinis. Nihil refert. Videntur ne sacramentum reddatur odiosum, & ne pœnitentes in desperationem labantur. Profecto cavere Sacerdos debet ne aut sua imprudentia, aut nimio rigore odiosum efficiat sacramentum, aut in desperationem detrudat pœnitentes. Verum si pœnitentes satisfactiones proportionatas & criminum malitiæ, & eorum morbis acceptare nolint, sed velint *saltem pœnitentiam levem*, non sunt dimittendi? Isti ne sincere attriti, vel contriti? Isti ne ingenui debitores, qui, quod possunt, reddere nolunt? Eiusmodi ne opiniones Evangelio, Concilio Tridentino, & Ecclesiæ spiritui consentaneæ?

IX. Quæst. IV. *An omittens pœnitentiam impositam pro peccatis mortalibus primo confessis peccet mortaliter?* Resp. Communis sententia docet, quod pœnitens teneatur sub mortali implere pœnitentiam gravem iniunctam pro peccatis mortiferis primo confessis; si vero omitteret partem levem totius pœnitentiæ, a mortali eum excusat. Quid, si pœnitentia tota imposita pro peccatis mortalibus primo confessis sit in se levis, puta psalmi *Miserere*? Peccabit ne tum mortaliter pœni-

pœnitens illam omittens? Negant Salmanticensēs *trad.* vi. cap. x. punc. 4. num. 61. & citant de Lugo, Coninch, Aversa, Bonacina, Castropalaum, & alios. Quoniam, inquiunt, levis materia non suscipit gravem obligationem.

X. Præfata sententia duplici titulo mihi falsa est. Primo quia Confessarius leviem pœnitentiam pro peccatis mortalibus primo confessis iniungens, alienorum peccatorum particeps efficitur. Secundo quia pœna pro mortiferis delictis primo confessis imposita suapte natura gravis est. Et licet Confessarius imponeret pro dictis criminibus psalmum *Miserere*; hæc tamen pœnitentia, cum sit tota pars sacramenti, pœna gravis esset. Delicta enim gravia, numquam antea subiecta clavibus, gravem postulant pœnam. Errat Sacerdos, existimans taxatam pœnam unius *Miserere* esse gravem. Propterea ne levis evadit pœna? Levis utique est pœnitentia unius psalmi *Miserere* absolute considerata; peccatque Sacerdos, nisi circumstantiæ excusent, in hac pœnæ mensura constituenda. At error, & peccatum Sacerdotis non tollit quin pœnitentia imposita sub ratione satisfactionis debite peccatis mortiferis primo confessis sit gravis, ut sic dicam, formaliter. Nam multa. Pœnitens qui omitteret totam pœnitentiam iniunctam pro peccatis mortalibus primo confessis, peccaret; ut ego quidem arbitror. mortaliter, sive pœna ista materialiter & in se gravis esset, sive levis: quia sub ratione satisfactionis, & prout est pars integralis sacramenti, gravitatem præfert.

XI. Quæst. V. Quando pœnitentia iniungitur ob peccata venialia, vel mortalia prius confessa, tenetur ne pœnitens sub gravi adimplere? Resp. Negant Suarez *dis. xxxviii. sec. 7.* Granados *trad. xii. disp. vi.* Lyman *de pœnit. cap. xv.* Diana *P. III. trad. iv.* Filliucius, Villalobosius, & alii, quos citant Salmanticensēs *loc. laud. n. 62.* quia, inquiunt, nimis durum esse videtur quod pœnitens subeat gravem obligationem ob peccata levia, aut peccata iam confessa, & punita. Locus iste topicus, arcessitus a nimia duritie aut rigore, pluries explosus est. Sacramenta instituta a Christo Domino non sunt affectibus humanis administranda, sed iuxta regulas ab eodem, & ab Ecclesia præscriptas.

XII. Præfata sententia mihi falsa est, & opposita vera, quam defendunt & ipsi Salmanticensēs, allegantque plures iuniores. Ratio evidens est: quia licet peccata aut venialia, aut mortalia iam confessa, non sint materia necessaria; posito tamen quod confiteri pœnitens velit, & sacramentum suscipere, partes quas sacramentum requirit, implere debet. Satisfactio autem pars est integralis sacramenti pœnitentiæ. Ergo pœnitens ad eam implendam astringitur. Gravitas istius obligationis, non a duro, vel blando, ut cum Elizalde loquar, sed a sacramenti natura repetenda est.

XIII. Quæst. VI. Quo tempore implere satisfactionem pœnitens debet? Resp. Leander, Diana, & alii Probabilistæ docent, posse per annum pœnitentem satisfactionem differre

terre, quando Confessarius tempus non definit. Hæc opinio, ut ex se patet, & falsa, & magnopere laxa est. Quando Confessarius tempus definit, intra hoc tempus agenda satisfactio est. Quando tempus non præfinit, cum primum pœnitens potest, solvere debitum astringitur.

XIV. Si Confessarius pœnitentiam illiget huic diei, v. g. veneris; vigilie B. Virginis, aut alterius Sancti, tali die exequi pœnitentiam, sive ieiunium, sive preces, sive quid aliud pœnitens debet. Si pœnitens aut ob impotentiam, aut ob malitiam, aliamve causam omittat tali die pœnitentiam, aliqui Casuistæ exemplum ab onere implendi alio tempore talem pœnitentiam asserunt; sed talis opinio falsa est. Quia licet pœnitentia illigetur tali diei ob specialem cultum erga B. Virginem, passionem Christi, aliumve Sanctum; hic tamen non est finis præcipuus; sed est quædam circumstantia, qua neglecta, aut spreta, consistit finis primarius satisfaciendi. Pœnitens tenetur implere iniunctam satisfactionem omnibus circumstantiis circumscriptam, puta preces flexis genibus & nudatis, capite inclinato, tali die &c. uti præscriptum a Confessario est. Qui oblitus est implere ieiunium feria sexta impositum, alia feria sexta illud exequi tenetur.

XV. Quæst. VII. *Quid de commutatione pœnitentiæ dicendum?* Resp. Primum certum est, pœnitentem non posse sibi iniunctam satisfactionem aut commutare, aut alium substituere qui loco sui satisfactionem impleat. Quamobrem Alexander VII. damnavit hanc 15. thesim. *Pœnitens propria auctoritate substituere sibi alium potest qui loco ipsius pœnitentiam adimpleat.*

XVI. Confessarius quisque commutare pœnitentiam valet, audita tamen peccatorum, ob quæ imposita pœnitentia fuit, confessione. Quid, si pœnitentia imposita sit a superiore ob peccata reservata? Salmanticenses *tract. vi. cap. x. punct. 6. num. 73.* reputant esse *probabile* quod inferior Confessarius queat commutare satisfactionem impositam a Superiore ob peccata reservata: & laudant *Antonium a Spiritu sancto, Castropalaum, Bonacinam, Sa, & alios.* Sed hanc opinionem rejiciunt graviores Theologi, Suarez, Valentia, Gonet, & alii plures, & quidem merito. Quoniam sicut delictum, ita & eiusdem pœna superiori reservata est: accessorium enim sequitur principale. Nec alicuius momenti est, quod obtrudunt, peccata reservata semel confessa non esse amplius reservata. Quid enim ex hoc inferitur? Quod si iterum subiiciantur clavibus, iterum valeat Confessarius alia pœnitentia punire. Ceterum pœnitentia, imposita a superiore ob hæc peccata reservata, nullo modo subiacet amplius iudicio inferioris Confessarii. Nam peccata ut reservata puniri debent peculiari pœnitentia. Porro solus superior peccata reservans est iudex pœnæ iisdem debitor.

XVII. Confessarius extra confessionem commutare pœnitentiam nequit, sive a se, sive ab alio Confessario impositam: quia pœnitentia hæc sacramentalis est.

Continuo post impertitam absolutionem, antequam pœnitens discedat, poterit in aliquo casu Confessarius proprio pœnitenti commutare, augere, minuere pœnitentiam: quia idem iudicium reputatur. Absolute tamen ante absolutionem hæc omnia præstare Confessarius debet.

XVIII. Disputant Casuistæ, num, facta commutatione pœnitentiæ, possit pœnitens, quam maluerit, eligere. Adhærant Salmanticenses *loc. cit. num. 77.* cum Suarez, Bonacina, Lessio, & aliis: quia, inquiunt, commutatio est facta in favorem pœnitentis. Absolute hoc verum reputo. At in praxi, si pœnitens exequi primam pœnitentiam valet, cur commutationem petit? Neque enim ista commutatio arbitraria est, ut pœnitens pro libito eligere alterutram valeat; sed ideo commutatur, quia prima absque gravi & peculiari difficultate executioni mandari non potest. Quare si primam pœnitens eligeret, indicaret se commutatione non indiguisse. Ceterum, ut dixi, semper primam implere potest.

XIX. Quæst. VIII. *Debet ne pœnitens, ut commutationem pœnitentiæ ab alio Confessario obtineat, peccata ob quæ imposita fuit, iterum confiteri?* Resp. Negant Marchantius, Diana, Leander, & alii plures, aiuntque sufficere ut pœnitens, declarata pœnitentia, exponat rationes cur implere eam nequeat: quia, inquiunt, in hac commutatione non agitur de peccatis ob quæ iniuncta pœnitentia fuit, neque de iustitia qua imposita est; sed de infirmitate, difficultate, aut morali impossibilitate talem pœnitentiam implendi, seu de rationibus cur commutari illa debeat in aliam. Hæc opinio probabilis in praxi reputatur, saltem per principia extrinseca, a Salmanticensibus *loc. cit. num. 79.* a Busembau, Laymano, & Lugo, ut testatur etiam P. La-Croix *num. 1295.* nec hanc practicam improbabilitatem refellit, sed tantum ait contrariam esse longe probabiliorem. Quare iuxta principia probabilistica poterit pœnitens alterutram eligere.

XX. Secunda sententia, quam communiter Theologi defendunt, sola vera est; & prior penitus falsa, & probabilis per principia sive intrinseca, sive extrinseca. Ratio est manifesta. Quia alter Confessarius ideo commutare pœnitentiam potest, quia recognoscere causam valet. Causam autem recognoscere nequit, peccatis incognitis. Præterea quomodo prudens, & proportionata hæc commutatio esse potest, nisi constet, quæ vindicta debita peccatis sit, & quæ medicina necessaria sit pœnitenti? Si commutatio fiat ab eodem Confessario, sufficit ut notitiam peccatorum habeat, & status pœnitentis; licet notitia non sit adeo exacta.

XXI. Quæst. IX. *Quid dicendum de opinione quam refert P. La-Croix, de vero futo peccatore eadem peccata iterum confitente, & tacente priorem confessionem, ut commutationem accipiat?* Resp. Communis sententia est, Confessarium, sive eundem, sive diversum debere scire, se velle commutare priorem pœnitentiam. Quia, nisi revocetur prior obligatio, semper remanet. Nequit autem revocare il-

lam

lam Confessarius, nisi sciat, se velle revocare. Sed occurrit pœnitens versutus, & vaser. Confessus est peccata sua, accepit pœnitentiam quæ ei non arridet. Adit alterum Confessarium, constat eadem peccata, & tacet priorem confessionem. Accipit pœnitentiam: eam cum prima confert, deinde eam quæ sibi magis arridet, eligit. Licite ne fieri hoc potest? Respondet P. La-Croix. „ Tamen „ Dicastillo num. 119. purat non esse improbable quod confitens eadem peccata „ possit tacere, & postea peragere pœnitentiam quam voluerit, primam, aut secundam „ tantum.“ Hoc pacto agere emptores solent: officinas explorant, mercium pretia percontantur, & ubi minus deprehendunt pretium, ibi emunt. Quare merito dicit S. Bernardinus Senensis: *Occurrit in confessionibus, sicut in mercatura &c.* Si hic secundus Confessor graviorem impeteret satisfactionem, posset adire tertium Confessarium, confiteri sua peccata, & tacere duas priores confessiones, & post tertium, quartum, & quintum, donec tandem inveniret aliquem benignissimum medicum, qui suavem medicinam præscriberet. Et quod priora sacramenta mutila absque parte integrali maneant, nihil refert. Hanc Dicastilli opinionem, quam more suo lectoribus proponit, quin illam refutet P. La-Croix, falsam, improbabilem, pœnitentium versutæ faventem, sacramentorum dignitati infestam, salvo meliori iudicio, existimo.

XXII. Causæ commutandi pœnitentiam sunt, inquit P. La-Croix ibidem num. 1300. ex Lohner, si pœnitens a tempore iniunctæ pœnitentiæ lucratus sit indulgentias; si multa bona opera fecit; si cum maiore fervore, aut cum minori periculo peccandi executurus est hanc novam materiam &c. Regulæ particulares assignari nequeunt. Causa vera commutandi pœnitentias est maior spiritualis profectus pœnitentis, quatenus opportunior illius statui, & infirmitati præberi medicina valet. Indulgentiarum acquisitionem non reputarem iustam causam commutationis. Libenter tum viri, tum mulieres Ecclesias circumirent, altaria visirarent, aliquibus precationibus recitatis, ut declinarent ieiunia, eleemosynas, aliaque pietatis opera, quæ carnem affligunt, quæ concupiscentiam cohibent, quæ superbiam ambitionemque humiliant. Quare Confessarius in commutatione hac statum, infirmitatem, & indigentiam pœnitentis in primis consideret; eamque substituât pœnitentiam quæ & delictis, & infirmitati curandæ, & vitibus pœnitentis cognoverit aptiorem.

XXIII. Quæst. X. *Quanam sunt causæ excusantes a pœnitentia implenda?* Resp. Salmanticenses *loc. cit.* num. 80. respondent, primam esse, si constet pœnitentiam esse iniustam; laudantque Conink, Layman, Palaum, & alios. Addunt ex Layman, quemlibet vitum, probum & doctum, immo ipsum pœnitentem, si talis sit, posse iudicare, utrum Confessarius erraverit pœnitentiam imponendo. Quisque communiter se doctum, probumque reputat in hac materia. Quare causam istam,

Ee ij. ut

ut ineptam, & periculi plenam, reiicio. Secunda causa est, si poenitenti sit moraliter impossibilis executio poenitentiae impositae. Si tamen dividua poenitentia sit, eam implere partem debet quam potest. Tertia, si poenitentiae impositae, puta Religioso, uxori, servo, peregrinandi, ieiunandi &c. superior, maritus, domini impediunt executionem. Verum tum peti commutatio a Confessario debet. Si poenitens oblitus poenitentiae sit, tum adire Confessarium debet, ut, si recorderetur, poenitentiam patefaciat. Si etiam Confessarius oblitus peccata fuerit, tum denuo confiteri peccata debet, ut congruam poenitentiam accipiat; & manifestare, an oblitio fuerit nec ne culpabilis.

XXIV. Quæst. XI. *An poenitentia ideo sint suspectæ, quia a Mendicantibus iniunguntur?* Resp. Hanc calumniam impactam olim fuisse Mendicantibus, constat ex thesi sequenti, quæ est 23. ab Alexandro VIII. damnata. *Parochianus potest suspicari de Mendicantibus, qui de elemosinis communibus vivunt, de imponenda nimis levi, & incongrua poenitentia, seu satisfactione ad quæsum seu lucrum subsidii temporalis.* Vetusta hæc calumnia est, quam primum omnium Mendicantibus impexit Guillelmus a S. Amore; eamque profigarunt B. Albertus Magnus, S. Thomas, S. Bonaventura, & tandem innovatam proscrispsit Alexander VIII. Sicuti extremæ temeritatis est & malitiæ tale de Mendicantibus iudicium formare; ita iis summopere vigilandum est, & cavendum ne ullam similis suspicionis occasionem exhibeant. Et hanc diligentiam, & cautionem illos adhibere, præsumere omnes tenentur. Illorum professionis sanctitas, vitæ austeritas, doctrinæ soliditas, continua inter doctos conversatio, & alia. plura rationum momenta, quæ P. Viva in commentariis in hanc propositionem indicat, evincunt calumniæ atrocitatem. Plura tamen ibi narrat de S. Thoma P. Viva ex Moya, ex Cardenas, quæ vera non sunt.

C A P U T XL

De indulgentiis.

I. **P**AUCA verba de indulgentiis faciam. Concilium Tridentinum sess. xxv. hæc in suo decreto statuit. *Cum potestas conferendi indulgentias a Christo Ecclesie concessa sit, atque huiusmodi potestate divinitus sibi tradita, antiquissimis etiam temporibus illa usa fuerit; sacrosancta Synodus indulgentiarum usum christiano populo maxime salutarem, & sacrorum Conciliorum auctoritate probatum, in Ecclesia retinendum esse docet, & præcipit, eosque anathemate damnat qui aut inutiles esse asserunt, vel eas concedendi in Ecclesia potestatem esse negant: in his tamen concedendis moderationem, iuxta veterem, & probatam in Ecclesia consuetudinem, adhiberi cupit; ne*

ni.

nimia facilitate ecclesiastica disciplina enervetur. Abusus vero &c. Tria Concilium statuit. 1. potestatem a Christo Ecclesiæ datam concedendi indulgentias. 2. salutare maxime eas esse christiano populo. 3. in harum largitione moderationem, certosque fines tenendos.

II. Primi, qui Ecclesiæ potestatem concedendi indulgentias negarunt, fuerunt Montanistæ, & Novatiani. Post, nempe sæculo xir. Valdenses, sæculo xv. VViclefistæ, & Hussitæ, sæculo xvi. Lutherani bellum adversus indulgentias instaurarunt.

III. Quæst. I. *Quid indulgentiarum nomine intelligatur?* Resp. Indulgentia est remissio pœnæ temporalis, quæ post remissam culpam luenda remanet, extra sacramentum concessa ab eo qui potestate præditus est. Est 1. remissio pœnæ temporalis, quia per indulgentias neque culpa, neque pœna æterna remittitur. 2. extra sacramentum, ut distinguatur. ab illius pœnæ remissione quæ fit per sacramentum. 3. ab eo qui potestate præditus est, quia bona communia in thesauro Ecclesiæ reposita dispensari nequeunt, nisi ab eo qui auctoritatem habet.

IV. Quæst. II. *Quid sit Ecclesiæ thesaurus, & quæ illius bona?* Resp. Thesaurus Ecclesiæ sunt bona spiritualia, quorum distributio Ecclesiæ concedita est. Bona hæc sunt Christi Domini merita, & Sanctorum omnium. Merita Sanctorum in thesauro Ecclesiæ reponuntur, non ut aliquid addatur meritis infinitis Christi IESU; sed ut pateat Sanctorum communio in Ecclesia, quæ est corpus mysticum Christi Domini, & ipse eiusdem caput, quod perficit membra sua, quibus veluti instrumentis utitur. Omnia enim Sanctorum merita ab ipso capite Christo valorem suscipiunt, & cum meritis Christi coniuncta, non sunt aliquid maioris pretii, aut exultationis, quam sint Christi merita separata ab illis; cum hæc sint emanationes ab ipso Christo, qui ut caput fidelibus membris spiritum tribuit & motum.

V. Disputant Theologi, concurrant ne dicta merita ad indulgentias per modum impetrationis, aut solutionis; sed hæc disputatio levioris momenti est: utroque enim modo concurrere, probabilius videtur. Quod primo modo concurrant, nulla est disputatio. Quod similiter secundo modo operentur, etiam constare videtur: quia iusti non pro se tantum, sed etiam pro aliis satisfacere valent quantum ad debitum pœnæ temporalis; immo & mereri de congruo peccatoribus possunt pœnitentiæ donum. Hæc autem iusti non præstant, nisi in virtute meritorum Christi, cuius spiritu aguntur, tamquam eiusdem membra viva. Siquidem *hic est unus* (inquit Augustinus Lib. cont. Parmen.) *verusque mediator noster, & advocatus, pro quo nullus interpellat, sed ipse pro omnibus, aliquando quidem per membra corporis sui, quæ pro se invicem sollicita sunt.*

§. I.

De indulgentiarum existentia.

VI. **Q**Uæst. unic. *Est ne de fide extare in Ecclesia potestatem concedendi indulgentias, earumque usum salutarem fidelibus esse?* Resp. Adfirmant Catholici omnes, & utramque partem definivit Concilium Tridentinum in rescripto decreto. Et prima pars constat ex Evangelio Matth. xvi. *Quæcumque solveritis super terram, erunt soluta & in cælis.* Ex quibus verbis Patres omnes colligunt potestatem collatam Apostolis, & eorum successoribus iniungendi pœnitentibus satisfactorias pœnitentias, & relaxandi. Testimonia Patrum brevitatis causa omitto, cum obvia sint.

VII. Hæc eadem veritas confirmatur ex apostolica, & perpetua traditione. S. Paulus II. Cor. 11. erga incestuosum Corinthium hac usus indulgentia est, ne, inquit, *abundantiori tristitia absorberetur.* Quæ verba S. Ioannes Chrysostomus hom. 14. in II. ad Cor. sic exponit. *Ex ea re docemur, quod non solum ad peccatorum naturam, verum etiam ad mentem, habitumque pœnitentium oportet moderari disciplinam.* Indulgentiarum usum sæculo 11. probavit Tertullianus Lib. ad martyres cap. 1. antequam ad Montanistas transfiret. S. Cyprianus scribit, ad martyrum preces Ecclesiam in more habuisse remittere pœnas pœnitentibus. Insuper martyres monet, ne indiscriminatim pro omnibus, sed pro iis tantum indulgentiam postularent qui exemplo incestuosi Corinthii pœnitentiæ fructus ederent. Credo (inquit episc. x111.) *ut qui libellum a martyribus acceperunt, & auxilio eorum adiuvati apud Dominum in delictis suis possunt, si premi infirmitate aliqua, & periculo cæperint, exomologesi facta, & manu eis a vobis in pœnitentiam imposita, cum pace a martyribus sibi promissa ad Dominum remittantur.*

VIII. Quoniam vero multi plus iusto benigniores & laxiores etiam tum reperiuntur, qui indulgentiarum usu fovebant ignaviam pœnitentium, hæc Cyprianus episc. x. addit. *Credideram quidem Presbyteros, & Diaconos, qui illic præsentibus sunt, monere eos & instruere plenissime circa Evangelii legem, sicut in præteritis semper sub antecessoribus nostris factum est, ut Diaconi ad carcerem commeantes martyrum desideria consiliis suis, & Scripturarum præceptis gubernarent. Sed nunc cum maximo animi dolore cognosco, non tantum illic vobis non suggeri divina præcepta, sed adhuc potius inveniri, ut ea quæ a vobis ipsi & circa Deum caute, & circa Sacerdotem Dei honorifice fiunt, a quibusdam Presbyteris resolvantur. . . Illi contra Evangelii legem, contra vestram quoque honorificam petitionem, ante alicuius pœnitentiam, ante exomologesim gravissimi atque extremi delicti factam, ante manum ab Episcopo*

scopo, & Clero in pœnitentiam impositam, offerre lapsis pacem, & Eucharistiam dare, idest sanctum Domini corpus profanare . . . Oro vos, quibus possum precibus, ut Evangelii memores, & considerantes quæ & qualia in præteritum antecessores vestri martyres concesserint, quam solliciti in omnibus fuerint, vos quoque sollicite, & caute petentium desideria ponderetis, utpote amici Domini, & cum illo postmodum iudicaturi inspiciatis & actum, & opera, & merita singulorum; ipsorum quoque delictorum genera, & qualitates cogitetis, ne si quid abrupte & indigne vel a vobis promissum, vel a nobis factum fuerit, apud gentiles quoque ipsos Ecclesia nostra erubescere incipiat. Hunc eundem abusum eliminandum Tridentini Patres decreverunt, ut hæreticis blasphemandi ansa eriperetur.

IX. Sæculo iv. Concilium Ancyranum, & Nicænum cum iis pœnitentibus indulgentius agendum statuerunt qui & labores, & fervorem pœnitentiæ præferabant. Quam disciplinam confirmarunt SS. Basilii, Gregorii Nysseni, & Concilium Quini-Sextum sæculo vii. Sæculo viii. indulgentiarum usus latius patuit. Sæculo vero xi. & xii. magnopere invaluit occasione Terræ sanctæ recuperandæ a Saracenorum tyrannide.

X. Secunda pars necessario primam consequitur. Nam quis effutire audebit; potestatem a Christo impertitam inutilem esse? Quis dixerit, frustra hac potestate usos Apostolos fuisse? Nec veritas hæc longiore indiget probatione; cum & ex iis quæ dicta sunt, proficiscatur, & sit in Concilio Tridentino definita.

§. II.

Indulgentiæ remittunt pœnam temporalem, sive iniunctam, sive iniungendam.

XI. **U**T iam indicavi, indulgentiæ nec culpam, nec pœnam æternam remittunt. Quoniam culpæ, & pœnæ æternæ remissio est effectus sacramenti, vel contritionis perfectæ extra sacramentum. Remittunt ergo indulgentiæ pœnam temporalem. At disputant in utramque partem Theologi, num remittant solum pœnas iniunctas in confessione, an etiam iniungendas. Utraque remitti docet S. Thomas in Suppl. quæst. xxv. art. i. *Quidam dicunt, quod non valent ad absolvendum a reatu pœnæ quam quis in purgatorio secundum iudicium Dei meretur; sed valent ad absolvendum ab obligatione qua Sacerdos obligavit pœnitentem ad pœnam aliquam, vel ad quam etiam obligatur ex canonum statutis. Sed hæc opinio non videtur vera. Primo quia est expresse contra privilegium Petro datum, cui dictum est (Matth. xvi.) ut quod in terra remitteret, in cælo remitteretur. Unde remissio quæ fit quantum ad forum Ecclesiæ, valet etiam quantum ad forum Dei. Et præterea Ec-*

*clesia huiusmodi indulgentias faciens magis damnificaret quam adiuvaret : quia remitteret ad graviores pœnas, scilicet purgatorii, absolvendo a pœnitentiis iniunctis. Et ideo aliter dicendum, quod valent & quantum ad forum Ecclesiæ, & quantum ad iudicium Dei ad remissionem, & absolutionem, sive sit iniuncta, sive non. Hanc sententiam communiter Theologi defendunt. Siquidem potestas data a Christo Domino Matth. xvi. absoluta est, & nulla limitatione coercita. Nec occurrit in traditione aliquod fundamentum restringendi hanc potestatem ad pœnas in sacramento iniunctas. Quamvis enim interdum reperiantur indulgentiæ concessæ sub hac formula *de pœnis iniunctis*; communiter tamen & absque hac formula conceduntur. Bonifacius VIII. in extrav. *Antiquorum*, Clemens VI. in extrav. *Unigenitus*, Sixtus IV. in extrav. *Quemadmodum*, & alii Pontifices summi in suis Bullis hanc formulam omittunt, & plenissimas indulgentias, nimirum quantum clavium potestas se extendit, concedunt. In hypothesi vero quod indulgentiæ concederentur sub hac formula *de iniunctis*, Cardinalis Bellarminus *Lib. I. de indulg. cap. vii.* negat illas extendi ad pœnas iniungendas; Suarez *disp. l. sec. 3.* & alii plures adfirmant. Mihi probabilior apparet sententia Bellarmini. Verum fidium istud parvi momenti est.*

§. III.

De utilitate, & effectibus indulgentiarum. Parum profunt iis qui, quoad possunt, laboriosis operibus satisfacere divinæ iustitiæ non curant. Plurimum Casuistarum laxæ opiniones refelluntur.

XII. **C**asuistarum non pauci fallam, ut ego quidem arbitror, ideam indulgentiarum formant, & opera satisfactoria ita extenuant, ut fere de medio tollant. P. Claudius La-Croix cum P. Francolino, & aliis plurimis docet; ut vidimus supra, usum indulgentiarum esse modum utiliorem, & certiorum satisfaciendi pro peccatis, quam sit observatio canonum pœnitentialium. P. Leander colligit omnes Casuistarum laxiores opiniones, quæ, si admittantur, exularent ab Ecclesia opera satisfactoria præter illa quæ præscribuntur in Bullis indulgentiarum. Istorum opiniones paucas infra dabo.

XIII. Ut istarum opinionum falsitas sub initium pateat, vera idea indulgentiarum iuxta sensum & spiritum sanctæ matris Ecclesiæ exhibenda est. Itaque nos peccatores impares sumus ad pretium solvendum pro debitis contractis cum divina iustitia ob peccata post baptismum commissa; partem tamen istius debiti nostris laboriosis operibusolvere valemus. Clementissima mater Ecclesia thesau-

rum meritorum Christi, B. Virginis, & Sanctorum aperit, ut id suppleat quod nos ob infirmitatem & imbecillitatem reddere non possumus. Indulgentiæ igitur sunt in supplementum infirmitatis nostræ. Nos non liberant ab ea solvenda debiti parte quam possumus; sed suppleant id quod, attenta nostra imbecillitate, reddere non valemus. Duo hic habes summopere adnotanda. I. Indulgentias valde salutares, & utiles esse: quia Deo solvunt illam temporalis pœnæ partem quam in hac vita vix possumus, & in altera gravissimis suppliciis purgatorii solvere deberemus. II. Hoc pacto indulgentias non enervare Ecclesiæ disciplinam; non fovere pœnitentium ignaviam; sed imbecillitatem nostram erigere, spiritum inflammare nostrum, ut id quod possumus, alacrius, & celerius reddamus.

XIV. Cardinalis Caietanus sapienter more suo & contra Lutherum articulum indulgentiarum propugnat, & pro fidelium instructione optimas tradit regulas *tract. de indulg. quæst. 1.* ubi hæc habet. „Sunt (pœnitentes) duplicis ordinis. „Quidam solliciti ad satisfaciendum per seipsos pro peccatis suis; quidam negligentes satisfacere per seipsos. *Primi* condignas pœnitentias vel petunt a Confessoribus sibi imponi, parati eas implere; vel sponte illas assumunt, dum continuo student per sua sancta opera satisfacere, ieiunando, orando, eleemosynas dando &c. *Secundi* vero levissimam pœnitentiam aut rogant, aut læti suscipiunt, & cum illam impleverint, quam sciunt esse minimam, non curant amplius de satisfaciendo: & hi sunt quibus indulgentiæ non profunt iudicio meo. Nullus enim, indignus aliena satisfactione pro pœna sibi debita, conficitur veraciter fructum indulgentiæ. Sed quilibet negligens satisfacere per se ipsum, est indignus aliena satisfactione pro pœna propriis peccatis debita. Ergo nullus, negligens satisfacere per seipsum, acquirit fructum indulgentiæ. Præterea in qualibet bene ordinata Republica, quantumcumque rationabilis adesset quandoque causa dispensandi communem thesaurum in cives gravatos ære alieno, negligentes tamen solvere, indigni censerentur aditorio thesauri. Ex eo enim quod possunt de suo solvere, & non curant, indignos se reddunt tali sublevamine: & nisi tales pro indignis haberentur, foveretur negligentia, quoniam alii horum exemplo ad similem negligentiam provocarentur. Legis autem est facere, non negligentes, sed virtuosos. Cum igitur Ecclesia sit a Deo ordinata, æquum non est, ut spiritualis dispensatio thesauri negligentes satisfacere pro dignis habeat: hoc enim vere esset enervare satisfactiones pœnitentiales. Non profunt igitur indulgentiæ negligentibus satisfacere per se ipsos, quoniam indigni sunt indulgentia Parati autem ad satisfaciendum per se ipsos sunt, non qui negligunt per seipsos satisfacere; sed illi soli quorum voluntas sic est ad satisfaciendum parata, quod non retardat opus, nisi impedita.”

XV. Hæc Cardinalis Caietani doctrina adeo est & Ecclesiæ spiritui, & communi sensui conformis, ut hæc sola sufficiat ad labefactandas plurium Casuistarum opiniunculas. Celeberrimus Episcopus Bossuetus in sua *Instruct. pro indulg.* ex ipso sacro Tridentino Concilio regulas haurit, Caietani doctrinæ contentaneas, quæque mirum in modum Ecclesiæ spiritum patefaciunt. Animadvertit *punct. 1.* Ecclesiam spiritum rigorismi nobis explicare in præfato Concilio *sess. xiv. cap. 11.* ubi hæc habentur. *Alius est præterea baptismi, alius pœnitentiæ fructus. Per baptismum enim Christum induentes, nova prorsus in illo efficiamur creatura, plenam, & integram peccatorum omnium remissionem consequentes: ad quam tamen novitatem, & integritatem per sacramentum pœnitentiæ sine magnis nostris fletibus, & laboribus, divina id exigente iustitia, pervenire nequaquam possumus; ut merito pœnitentiæ laboriosus quidam baptismus a sanctis Patribus dictus fuerit.*

XVI. Post hoc testimonium populum suum alloquitur ferventissimus Episcopus his verbis, quæ ex Gallico idiomate sic latine reddo. „Audite, filii, Ecclesiæ matris vestræ verba. Illa vobis proponit magnos fletus, magnosque labores, baptismi, ma laboriosum: illa vos edocet, divinam iustitiam id exigere. Hic Ecclesiæ rigor a suo primo spiritu oritur, qui numquam extinguetur. Nec ipsa umquam cessabit bellum indicere laxitati. Quid refert cum Concilio mollitiem detestari hæreticorum, qui sanctos satisfactionum rigores reiecerunt; si nos in similem languorem incidamus, & id re ipsa contemnamus quod verbis confitemur?“

XVII. Post breves, sed unctione cælesti perfusas, divinoque igne succensas adhortationes, Concilii rationes, quibus sacros Ecclesiæ rigores iustos evincit, populo suo proponit doctissimus Episcopus *punct. 2.* Primam rationem a divina iustitia, alteram ab ipsa clementia Dei Concilium repetit *sess. xiv. cap. viii.* his verbis. *Sane & divina iustitiæ ratio exigere videtur, ut aliter ab eo in gratiam recipiantur qui ante baptismum per ignorantiam deliquerint; aliter vero, qui semel a peccati, & dæmonis servitute liberati, & accepto Spiritus sancti dono, scienter templum Dei violare, & Spiritum sanctum contristare non formidaverint.*

XVIII. Altera ratio ab ipsa Dei clementia arcessita, quamque continuo ibidem Concilium subiicit, eiusmodi est. *Et divinam clementiam decet, ne ita nobis absque ulla satisfactione peccata dimittantur, ut, occasione accepta, peccata leviora putantes, velut iniurii, & contumeliosi Spiritui sancto in graviora labamur, re-sauvantes nobis iram in die iræ.* Duas alias rationes ibi adiecit Concilium, nempe pœnas satisfactorias nos a peccatis patrands coercere, simileque Christo efficere; quas brevitatis gratia omitto. Deinde concludit Concilium, debere Sacerdotes Dei pro criminum gravitate, & pœnitentium facultate convenientes pœnitentias imponere.

XIX. Hæc rationum momenta adeo ineluctabilia sunt, ut nulla queant subti-

li interpretatione eludi. Quoniam vero vix umquam pœnitentiæ criminum gravitati æquales aut imponuntur a Sacerdotibus præsertim ætate nostra, aut sponte suscipiuntur a nobis, sive ob virium imbecillitatem, sive ob vitæ brevitatem, sive ob spiritus languorem, diminutumque caritatis fervorem; idcirco clementissima mater nostra thesaurum suum aperit, ut nostram suppleat inopiam, & integrum pœnarum debitum, quod ob indicatas causasolvere integrum non valemus, ipsa reddat. Porro quis sibi in animum induxerit, ut credat, Ecclesiam, dum inexhausti thesauri sui divitias pro nobis effundit, velle aut fœcundæ nostræ interfervire, aut peccandi liberius ansam præbere? Hæc autem præstaret, si nos ab solvenda, quam possumus, pœnarum parte eximeret.

§. IV.

Breviter indicantur rationum momenta, quæ evincunt, parum illis profuturas indulgentias plenarias qui pro viribus Deo satisfacere negligunt.

XX. **A**rgumentum quod tractamus, non a ratiunculis humano cerebro excogitatis, sed ab ipsis divinis Scripturis, & Ecclesiæ traditione pendet. Porro Evangelium intonat: *Facite fructus dignos pœnitentiæ*. S. Paulus non indulgit Corinthio incestuoso, nisi post durtumam, austerissimamque pœnitentiam; & hanc Pauli disciplinam æmulati semper sunt SS. Ecclesiæ Patres. Sanctum hunc Ecclesiæ rigorem, a divinis Scripturis haustum, nemo Catholicorum improbare ausus fuit. Ab Apostolorum tempore ad sæculum circiter xiv. nullam plenariam, & generalem pro omnibus indiscriminatim fidelibus indulgentiam concessam legimus. Pontifices autem, qui plenarias dispensare indulgentias cœperunt, & illi qui eandem usum frequentiore effecere, testati sunt, se nolle sacros pœnitentiæ rigores relaxare, nec Ecclesiæ disciplinam enervare. Quid heinc necessario consequitur? Hoc sane, quod Ecclesia divitias thesauri sui illis distribuere intendit qui, quoad possunt, satisfacere suis laboriosis operibus non omittunt.

XXI. Et profecto alia via non patet, qua immunem ab omni censura vindicemus adversus hæreticos frequentem hodiernum indulgentiarum usum, nisi, ut meæ imbecillitati videtur, asseramus, Ecclesiam hodie facile dispensare eiusmodi plenarias indulgentias, iuxta cuiuscumque dispositionem, fervorem, studiumque satisfaciendi propriis laboriosis operibus. Quid enim discriminis inter Catholicos, & hæreticos esset, si per indulgentias plenarias liberi nos essemus a satisfactionum onere? Nullum ferme, nisi quod hæretici plenariam indulgentiam a Christo ob-

ob-

obtinerent media Sacerdotis benedictione ; nos vero hanc plenariam indulgentiam assequeremur a Christo medio summo Pontifice cum onere aut recitandi quinque *Pater*, & *Ave*, aut flectendi genua ad benedictionem Superioris, aut offerendi aliquod numisma in eleemosynam. Porro quis non videat levissimum esse discrimen istud ? Quis, hoc tantillo discrimine dumtaxat admisso, Catholicorum argumenta adversus novatores propugnare poterit ? Rationabile ne fuisset bellum, pro articulo satisfactionum adversus Lutheranos, & Calvinistas susceptum, si res tandem huc recideret, ut nos vel brevissima precatiuncula, vel levissima eleemosyna, aut aliqua genuflexione, plenarie pro gravissimis sceleribus satisfacere Deo possemus ?

XXII. Quid quod a nimia crudelitate, & tyrannidis specie excusari non posset antiqua Ecclesia XII. & fere XIV. sæculorum, quæ indulgentias non dispensando, fideles non exemit ab operibus satisfactoriis. Idem tunc ac nunc thesaurus divitiarum meritorum Christi, B. Virginis, & Sanctorum : eodem omnino divino Spiritu Ecclesia regitur in præsentia ac olim. Adulteria, fornicationes, homicidia, & cetera mortifera crimina non sunt nunc minoris malitiæ ac erant olim. Nec minor in Deo, & in Ecclesia clementia, aut severior iustitia olim ac nunc. Ergo eodem spiritu nunc Ecclesia ac olim indulgentias dispensat, onere nempe relicto satisfaciendi pro viribus Deo operibus satisfactoriis : & solum, ut dictum est, divitiis thesauri sui supplet inopiam nostram ; illudque pretium Deo exhibet quod reddere paupertas nostra nequit. Doctrina hæc hausta est ex ipso Concilio Tridentino, ut constat ex recitatis decretis, & in decreto *sess. xxv.* hæc perspicue docent Tridentini Patres de indulgentiis. *In his tamen concedendis moderationem iuxta veterem & probatam in Ecclesia consuetudinem adhiberi cupit ; ne nimia facilitate ecclesiastica disciplina enervetur.*

XXIII. Quando indulgentiarum usus frequenter esse cœpit, qui eas sibi acquirere volebant, iis peregrinationes, suscipiendæ militiæ labores, pericula, expensæ, & innumera sustinenda incommoda erant. Si, ut contendunt Casuistarum plures, fideles gravissimorum scelerum rei, peracta confessione, plenariam indulgentiam obtinerent visitando hanc aut illam Ecclesiam, nimium facilis esset indulgentiarum acquisitio. Quis dissitas peregrinationes ad celebriora sanctuaria, ad loca sancta susciperet ? Quis hoc anno sancto, quo scribimus, Romam pergeret ; iubilæi lucrandi causa ? Licet enim suspendantur hoc anno indulgentiæ ; tamen ; antequam annus incipiat, & continuo ac deserit, tantumdem indulgentiarum acquirere fideles possent. Immo minus provide suspenderentur indulgentiæ, si tam facile acquiri possent, visitando vicinam Ecclesiam, ac pergendo Romam. Hoc autem suspicari de Ecclesia absurdum est. Ergo indulgentiæ plenariæ pro sunt pro dispositione, & fervore suscipientium.

XXIV. Denique, si per plenarias indulgentias, hodie ubique fere obvias, exempti pœnitescentes essent ab operibus satisfactoriis, extrema consequeretur morum dissolutio. Adulteri, fornicatores, periuri, blasphemæ, ceterique scelestiores in dies peiores evaderent. Nam opera satisfactoria non modo debitum pro pœna temporali solvunt; sed simul illos cohibent, ne in futura relabantur peccata. Sublatis autem his validissimis remediis, humanæ appetitiones impotentius sceleribus habenas laxarent; & torpor, socordia, otium, mollietis usquequaque grafsarentur. Neque dicas, Casuistas ipsos benigniores confiteri necessitatem satisfactionum medicinalium. Nam tum solum asserunt imponendas esse pœnitentias medicinales, cum aliquod grave periculum particulare relapsus iure naturali auferendum est, ut vidimus supra. Nec advertunt, peccatum quodlibet mortale malignas in anima qualitates relinquere etiam post deletam per sacramentum maculam. Idcirco peccatores omnes medicinalibus pœnitentiis modo magis modo minus pro criminum, & status diversitate indigent. Quare si consisterent plurium Casuistarum opiniones, quod indulgentiæ plenariæ liberant pœnitescentes ab operibus satisfactoriis, funestissima consequerentur absurda, & hæreticis amplior pateret locus nobis insultandi, quod voce defendamus dogma pœnitentiæ satisfactoriæ, reipsa autem a nobis parvi fiat & contemnatur.

XXV. Oppones. Cur indulgentiæ plenariæ nuncupantur, nisi quia omnem pœnam temporalem prorsus pleneque remittunt? Resp. Indulgentiæ idcirco vocantur plenariæ, quia totam pœnam remittunt, si potestas Ecclesiæ concedentis spectetur: idest, Ecclesia aperit suum thesaurum, plenamque remissionem temporalis pœnæ ex parte sua impertitur; ita ut si fideles sint optime ad tantum beneficium parati, plenum, & integrum illud suscipiant. At dicimus, illos fideles dispositos ad hoc beneficium suscipiendum non esse qui sua opera satisfactoria coniungere ad plenam debiti solutionem recusant. Plenaria dicitur indulgentia, quatenus plene & integre supplet id quod tibi deficit ad integram satisfactionem. Est plenaria, non excludendo, sed includendo opera tua satisfactoria. In memoriam revoca exemplum indicatum a Cardinali Caetano. Christianus civis ditissimus patrimonium fundis fructiferis, & numquam interituris ditissimum Reipublicæ legat, ut singulis annis pauperum civium debita solvantur. Si debitores reperirentur qui, sin minus totum, saltem debiti portionem solvere possent, & recusarent, vellentque pecuniis suis lautius vivere, splendidius vestire, & deliciis affluere, ut ex publico ærario integri debitum solvatur: Vah, clamares, debitores versutos, vafros, & nequissimos! Indigni hi sunt dicto privilegio, immo ob eorum nequitiam severe plectendi. Ideo ne piissimus testator ærarium suum legavit Reipublicæ, ut similibus debitorum versutiam, socordiam, mollietiem, ignaviam, & avaritiam foveret? Mens testatoris fuit illis succurrere debitoribus

quâ

qui reapse solvendo non sunt, nihilque non agunt, ut propriis pecuniis debita sua solvant; at penuria oppressi aut parum, aut nihil reddere valent.

XXVI. Similes omnino his debitoribus versutis sunt illi pœnitentes qui ex clementia Ecclesiæ thesaurum suum aperientis ad supplendum id quod illis deest pro integra debiti satisfactione, ingrati, & versuti facti, sensus demulcent suos, corpus laginant, illecebris & oblectamentis indulgent, ut integrum debitum ex inexhausto thesauro meritorum passionis Christi, & Sanctorum solvatur. Possent isti propria ieiunia, elemosynas, vigiliæ, flagella, disciplinas, aliaque pietatis opera contribuere ad solvendam debiti portionem. At inquirunt: Thesaurus Ecclesiæ inexhaustus est, Pontifices summi eiusdem dispensatores plenariam nobis impertunt debitorum remissionem, paucarum precum conditione adiecta. Quid ergo scire in corpora nostra ultra debemus? Hi ne privilegio Ecclesiæ digni? Illis ne Ecclesia merita passionis Christi, & martyrum applicare intendit? Prudentes ne Reipublicæ moderatores illi forent qui indiscriminatim pœnas gravissimis sceleribus debitas remitterent?

XXVII. Insistis. Superflue ergo sunt plenariæ indulgentiæ. Falleris. Plenaria est ex parte concedentis: plenaria est ex parte suscipientis, quando is tanto devotionis fervore, tanto caritatis affectu, & tantis pietatis operibus se disponit, ut ei reipsa tota remittatur pœna. Plenaria semper est respectu concedentis; at raro plenaria est respectu suscipientis: quia raro contingit ut pœnitentes ea exquantur quæ ad plenariam remissionem necessaria sunt.

XXVIII. Si plura cupis, lege *Cl. P. Eusebium Amort* amicum meum, qui in suo de indulgentiis integro volumine fuso calamo *Part. II. sect. 4.* hanc spartam illustrat, cuiusque sæculi adductis testimoniis sanctorum Ecclesiæ Patrum, & graviorum Theologorum, quos ad septuaginta numerat; illorumque testimonia refert, quæ omnia in fonte se attente legisse testatur §. 261. excepto Cardinali Denhoff Episcopo Cæsarenensi. Istius ego testimonium unicum transcribam ex §. 10. suæ percelebris pastoralis instructionis, quam in manibus habeo. Est autem eiusmodi.

XXIX. „ Cavete vobis ab abusu, quem Sacerdotes nonnulli invehunt, qui
 „ tempore iubilæi, aut occasione plenæ indulgentiæ, gravissimorum criminum
 „ reis levissimas satisfactiones decernunt, hoc nimirum obrentu, quod eiusmodi
 „ indulgentiæ, si opera in concessionibus summorum Pontificum assignata accurate
 „ persolvantur, simul cum culpa pœnam etiam penitus aboleant. Hæc
 „ enim agendi ratio, adversatur menti S. Ecclesiæ: quæ quidem cupit filiis suis
 „ beneficio indulgentiæ opem ferre, ut pœnæ debitum, exsolvant; cui solvendo
 „ impares sunt, nonnulli quidem virium inopia, alii vero vitæ termino prohibi-
 „ ti: quare complures non adimplent pœnitentiam delictis suis convenientem:

„ sed,

„ sed eximere non vult ab obligatione legis divinæ, quæ idoneos pœnitentiæ
 „ fructus facere iubet; neque desides reddere aut tardiores in operibus satisfac-
 „ tionis, quæ tantopere & in sacris Scripturis, & a sanctis Patribus commenda-
 „ ta sunt, sedulo exercendis. Ideo Concilium Tridentinum tradit, nusquam esse
 „ in Ecclesia semitam tutiorem, qua liceat evadere supplicia quæ Deus peccan-
 „ tibus minatur, quam ut crebro quis in huiusmodi operibus pœnitentiæ agendis
 „ occupetur, idque cum verò & sincero doloris affectu. Neque vero securior ul-
 „ la via in Ecclesia Dei umquam existimata fuit ad amovendam imminentem a Deo
 „ pœnam, quam ut hæc pœnitentiæ opera homines cum vero animi dolore frequen-
 „ tent. Sessio XIV. cap. VIII. de pœnitentia.

„ Hanc Ecclesiæ mentem multoties indicant summi Pontifices in suis indulgen-
 „ tiarum litteris, quibus eas impartiri se vere pœnitentibus aiunt: his verbis si-
 „ gnificantes sinceram omnium delictorum detestationem, firmum animi propo-
 „ situm deinceps non relabendi, & voluntatem Deo apposite satisfaciendi. Quum
 „ lapsus ad hunc modum animo est comparatus, & suis partibus sedulo defun-
 „ gitur, ut divinam iustitiam placare queat, Ecclesia velut pia mater in auxi-
 „ lium accurrit, ut indulgentiæ beneficio, quod restat debiti, solvat: vel ple-
 „ ne, si plena est; vel in tantum, quantum illa confert. Hinc ulsuenit ut ple-
 „ na indulgentia non omnibus, qui, exuto peccandi affectu, præscriptas condi-
 „ tiones ad amissum præstiterunt, ex æse cedat in plenam solutionem: quia
 „ non omnium eadem est debitorum ratio; neque eodem omnes studio pro vi-
 „ ribus egerunt, ut ea diminueretur: quarum rerum beneficii dispensator sem-
 „ per rationem habere censendus est. Ita docet S. Bonaventura. *Indulgentiæ*, in-
 „ quit, *quantum est ex potestate dantis, tantum valent, quantum promittunt. Non*
 „ *tamen cuilibet valent tantum, nec æqualiter omnibus; sed secundum existimatio-*
 „ *nem eius, quam habuit, vel habere debuit qui indulgentiam fecit: quam non*
 „ *oportuit exprimere, quia omnes fideles debent illud in corde præsupponere, quod*
 „ *dona & miserationes S. Spiritus donentur cum æquo libramine.* In IV. Sentent.
 „ dist. XX. quæst. VI. sub fine.

„ Idem colligitur e constitutionibus quibusdam summorum Pontificum, ubi ex-
 „ pressè pronuntiant hanc sibi esse intentionem. Liqueat in decreto Bonifacii VIII.
 „ quod incipit ANTIQUORUM, Extrav. de pœnit. & remissione, ubi promul-
 „ gando indulgentiam iubilæi universalis, *Unusquisque tamen plus merebitur, ait,*
 „ *& indulgentiam efficacius consequetur, qui Basilicas ipsas amplius & devotius*
 „ *frequentabit.* Et in statuto Innocentii IV. edito in primo Concilio Lugdunensi,
 „ quo plenam concedit indulgentiam iis qui sumptus conferent in bellum sa-
 „ crum, aitque, unumquemque lucrificaturum iuxta quantitatem subsidii, & de-
 „ votionis affectum. His autem satis indicant plenæ indulgentiæ quemque sic

„ri participem tum secundum modum operum pœnitentiæ quæ fecerit, tum
 „secundum piæ devotionis fervorem: atque ea ratione imminui debitum satis-
 „factionis.

„Cardinalis Baronius; vir sane magnus, & qui Ecclesiæ de indulgentiis sen-
 „tentiam apprime noverat, postquam indulgentiam a Gregorio VII. concessam
 „Episcopo Lincolnensi, ea lege, ne opera pœnitentiæ negligantur secundum
 „cuiusque facultatem, suis Annalibus ad A. MLXXXIII. N. LXXI. inseruisset,
 „ait, sanctum Pontificem hanc legem, seu conditionem adiecisse: *ut appareat*
 „*Sedis Apostolicæ indulgentias illis communicari qui, quantum suppetunt vires,*
 „*bene operari non pratermittunt; non autem ignavis, otiosis, ac negligentia tor-*
 „*pescentibus.* Eiusdem sententiæ fuit Cardinalis Caietanus, qui, citata formula
 „iam memorata, *Vere pœnitentibus*, qua Pontifices Romani uti solent, ait, *in-*
 „*dulgentias non consequi pœnitentes negligentes, sed pœnitentes sollicitos, qui so-*
 „*li sunt vere pœnitentes.* Deinde explicat huius doctrinæ utilitates; ad cuius
 „normam, ut observat, *solvuntur omnes quæstiones, tam de nimis largo Dei fo-*
 „*ro, quam de omittendis suffragiis pro plenarie absolutis in morte, quam de ad-*
 „*miratione sapientum, & oblocutionibus detrabentium: & excitantur fideles ad*
 „*pœnitentiæ opera.* Nec aliquid adimitur efficaciam indulgentiarum; sicut nibi
 „adimitur efficaciam sacramentorum, ex hoc quod oportet accedentes ad illa esse
 „bene dispositos, s. fructuosa sibi esse volunt. Soli siquidem indigni indulgentia,
 „ab illius fructu iuxta hunc dicendi modum excluduntur. Traç. x. de suscipien-
 „tibus indulgentias quæst. i.

„Ecclesia hodiedum indulgentiæ munera dispensat eadem qua olim mentis
 „intentione. Nam in iubilæo commendat opera ad satisfaciendum idonea, pu-
 „ta ieiunia, elemosynas, preces, & Ecclesiarum visitationes. In reliquis autem
 „plenis indulgentiis iubet ut præstiti & præscripto operibus, pœnitentiæ sacra-
 „mentum adeatur. Ita credentibus modum suggerit, quo indulgentiæ donum si-
 „bi comparent, sive ad supplendam satisfactionem dudum inchoatam, sive ad
 „eludendum pœnitentiæ neglectum; nempe faciendo opera pœnitentiæ, quæ in
 „Bullis pontificiis designantur, & vehementi dolore peccata sua detestando. Igi-
 „tur quum hæc opinio videatur menti Ecclesiæ magis consentanea, concludi-
 „mus cum S. Bonaventura, in IV. Sent. dist. xv. part. i. art. i. quæst. iiii. *Ideo*
 „*sanum consilium est quod homo semper pœniteat.*

„Idem placuit S. Thomæ: idque omnino vobis in cathedra confessionis am-
 „plectendum est, & sequendum. *Consilendum est*, inquit, *eis qui indulgentiam*
 „*consequuntur, ne propter hoc ab operibus pœnitentiæ iniunctis abstineant; ut et-*
 „*iam ex his remedium consequantur, quamvis a debitis pœnæ essent immunes;*
 „*& præcipue quia quandoque sunt plurimum debitores quàm credant.* In IV. Sent.
 „dist.

„dist. xx. quæst. 1. art. 3. quæstiuncula 1. ad 4. Cardinalis Bellarmini doctrina dog-
 „mati Doctoris Angelici plane accinit. *Omnino*, ait vir colendissimus, *sic acci-*
 „*piunt prudentes Christiani pontificias indulgentias, ut simul etiam studeant di-*
 „*gnos fructus ferre, ac pro suis peccatis Domino satisfacere*. Lib. I. de indul-
 „cap. xii. “

XXX. Sola auctoritas istius Cardinalis & Episcopi, iuncta auctoritati Sancto-
 rum, quos indicavi, prævalet sexcentis Casuistis. Ad illud commune axioma,
Indulgentiæ tantum valent, quantum sonant, obvia est responsio, si omnes condi-
 tiones necessariæ ad sint, nempe & auctoritas legitima in concedente, & dispositio
 in suscipiente.

§. V.

*Plures quæstiunculae de his qui indulgentias concedere,
 & suscipere valent.*

XXXI. Quæst. I. *Qui sunt indulgentiarum legitimi dispensatores?* Resp. Causa
 princeps indulgentiarum est Christus Dominus. In terris autem iu-
 re tum divino, tum canonico universalis indulgentiarum legitimus dispensator est
 summus Pontifex, cui in Petro dictum est: *Tibi dabo claves regni caelorum. Quod-*
cumque solveris in terra, erit solutum &c. Iure quoque canonico eidem asserta, &
 confirmata est potestas ista in Concilio Lateranensi IV. in quo Episcoporum au-
 ditoritati multum detractum est. *Quia per indiscretas & superfluas indulgentias* (in-
 quiunt Patres cap. lxxii.) *quas quidam Ecclesiarum Prælati facere non verentur, &*
claves Ecclesiæ contemnuntur, & pœnitentialis satisfactio enervatur; decernimus, ut
cum dedicatur Basilica, non excedatur indulgentia ultra annum &c. Refertur canon
 iste in cap. *Cum ex eo*, tit. *de pœnit.* Qua de re vide Fagnanum in dictum caput.
 Et in Concilio Constantiensi statutum est, ut suspectus de hæresi interrogetur,
utrum credat quod Papa omnibus Christianis vere contritis, ac confessis ex causa pia,
& iussa concedere possit indulgentias in remissionem peccatorum? Quas indulgentias
 concedere Archiepiscopi, & Episcopi possint, mea non interest discutere.

XXXII. Quæst. II. *Valent ne indulgentiæ sine legitima causa concessæ?* Resp. Finis
 concedendæ indulgentiæ est, inquit Clemens VI. in Extrav. *ut cunctorum fidelium*
augeatur devotio, fides splendeat, spes vigeat, caritas vehementius incalcescat. Conve-
 nit penes omnes, indulgentias sine causa concessas, non esse coram Deo ratas.
 Quoniam dispensatio in iis quæ iuris divini sunt, sine causa data, prorsus irrita
 est. Pœna autem temporalis, quæ post dimissam culpam superest, iure divino
 expianda est. Ergo sine legitima causa auferri nequit. Disputant in utramque

parrem Theologi; sed hanc controversiam dispicere mea non interest. Vide Bellarminum *Lib. I. de indulg. cap. xxi.*

XXXIII. Quæst. III. *Quanam sint opti indulgentiis suscipiendis?* Resp. Soli fideles baptizati, & culpæ mortalis expertes sunt indulgentiarum capaces. Prima pars patet: quia Ecclesia in non baptizatos iurisdictionem non habet. Secunda quoque pars est manifesta: quia indulgentiæ remittunt poenam temporalem: hæc autem poena remitti, quamdiu culpæ reatus manet, non potest. Quamobrem Pontifices summi non concedunt indulgentias nisi contritis, & confessis.

XXXIV. Quæst. IV. *Requiritur ne status gratiæ ad opera perficienda quæ in Bullis indulgentiarum iniunguntur?* Resp. Non est necesse ut singula opera in Bullis præscripta, fiant in statu gratiæ; dummodo impleantur animo poenitenti, & affectu ab omni peccato inordinati divulso. Et hoc patet ex veteri disciplina, secundum quam Episcopi lapsorum poenitentiam, lacrymas, & ieiunia prius probabant, & postea ad martyrum preces absolutionem impertiebantur. Requiritur tamen status gratiæ, saltem cum ultimum opus impletur: quia tunc indulgentia sortitur effectum suum. Hæc est communis opinio. Caietanus, & Navarrus aliter sentiunt: & S. Carolus *part. vii. Añ. Eccl. Mediolan.* consulit ut ante stationes confessio sacramentalis præmittatur. Spectandæ, ad hoc quod attinet, circumstantiæ. Nam si essent peccatores inveteratis flagitiis irretiti, tum prius deberent præmittere opera laboriosa, quibus se iuxta prudens Confessarii consilium disponderent, Deumque sibi propitium reddere studerent.

XXXV. Quæst. V. *Qui sunt in statu gratiæ, tenentur ne ad sacramentalem confessionem, ut fructum indulgentiæ assequantur?* Resp. P. Suarez *disp. lxi. sec. 3.* & alii docent, eum qui ante lubilæum rite confessus fuit, nec postea relapsus sit, non teneri ad novam confessionem. Verum, cum in Bullis indulgentiarum inserta hæc clausula sit, *contritis, & confessis*, communis sententia docet, præmittendam esse sacramentalem confessionem, quoties præfata clausula sit Bullis inserta. Et hæc est communis fidelium praxis.

XXXVI. Quæst. VI. *An si opera præscripta ad indulgentiam non solum in peccato, sed etiam cum peccato fiant, proficiat ad indulgentiam?* Resp. Adfirmat Leander *disp. xiv. quæst. xliii.* dummodo fiant cum intentione lucrandi indulgentiam, & in fine ultimi operis sit homo constitutus in gratia. Citat pro hac opinione Suarez, Henriquez, Fillucium, Dianam, & alios. Hæc opinio falsa, laxa, & spiritui Ecclesiæ adversa est.

XXXVII. Quæst. VII. *An quando in concessione indulgentiæ indeterminate & absolute præscribitur elemosyna, facienda sit secundum qualitatem personæ?* Resp. Negat ibidem *quæst. l.* Leander, & citat Suarez, Fillucium, Bonacinam, Dianam, & alios; aitque sufficere *quancumque elemosynam minimam & parvam etiam a divite per-*

persona datam ad lucrandas indulgentias. Hæc quoque opinio falsa & laxa est. Quando (inquit S. Thomas in Suppl. quæst. xxv. art. 2. ad 3.) datur indulgentia in-determinare ei qui dat auxilium ad fabricam Ecclesiæ, intelligitur tale auxilium quod sit conveniens ei qui auxilium dat : & secundum hoc plus vel minus de indulgentia consequitur. Heinc collige, S. Thomam docere, fideles assequi indulgentias plus minusve, prout magis aut minus operibus pietatis se disponunt.

XXXVIII. Quæst. VIII. *An ad lucrandas indulgentias sufficiat quacumque etiam minima & brevis oratio?* Resp. Adfirmant Bossius, Filliucius, Diana, quos citat, & sequitur Leander quæst. lxxv. aiuntque sat esse recitare ad singula altaria semel orationem dominicam, & angelicam. Hæc opiniuncula falsa est, & communi fidelium sensui adversa, destruitque disciplinam pœnitentiæ satisfactoriæ. Addit Leander quæst. lxxvi. sat esse fundere preces ex voto, vel ex præcepto pœnitentiæ debitas, quæ est laxitas adiecta laxitati. Innumeras alias quæstiunculas versant Casuistæ de visitantibus altaria extra, vel intra Ecclesiam, de visitantibus quinquies idem altare, cum aliquo capitis, aut corporis motu, & de sexcentis aliis, quæ piget referre. Passim enim laxitas serpit, & opera vere satisfactoria, si istorum plurium consisterent opiniones, in nihilum occiderent. Verum ex iis quæ dicta sunt, corrumpunt omnes laxæ opiniones nonnullorum Casuistarum.

XXXIX. Quæst. IX. *Possunt ne indulgentiæ extendi ad animas purgatorii?* Resp. Negant novatores Lutherani, & Calvinistæ post Albigeneses, & Valdenses. Sixtus IV. damnavit propositionem Petri Oxomenis, negantis indulgentias mortuis prod-esse. Catholicorum omnium sententia est, indulgentias extendi ad animas in purgatorio extantes.

XL. Indulgentiæ non conceduntur mortuis per modum iudicii, & absolutionis: quia Ecclesia exercere iudicium nequit in illos qui suæ iurisdictioni non subiacent, ut sunt mortui. Istis itaque conceduntur *per modum suffragii*. Nomine autem suffragii Theologi intelligunt subsidium ecclesiasticum, quod conferri potest aut merendo per opera, aut impetrando per orationes, aut satisfaciendo per tolerantiam adversitatum; ut communiter Auctores explicant.

XLI. Probatur autem indulgentias prodesse defunctis. Concilium Tridentinum licet hoc punctum non attigerit, tamen sess. xxii. de sacrificio Missæ cap. 11. & sess. vi. de iustif. can. xxx. definit, animas fidelium quæ in purgatorio detinentur, viventium suffragiis, & Missæ sacrificio iuvare posse. Si autem animæ mortuorum viventium eleemosynis, ieiuniis, & precibus iuvare queunt per modum impetrationis; quidni & per modum solutionis, ac satisfactionis? Veritatem hanc explicat S. Thomas in Suppl. quæst. lxxi. art. 10. *Dicendum, quod indulgentia alicui prodesse potest dupliciter: uno modo principaliter, alio modo secundario. Principaliter quidem prodest ei qui indulgentiam accipit, scilicet qui facit hoc pro quo indulgentia*

tia datur; ut qui visitat limina alicuius Sancti. Unde cum mortui non possint facere aliquid bonum pro quibus indulgentiæ dantur, eis directe indulgentiæ volere non possunt. Secundario autem, & indirecte presunt ei pro quo aliquis facit illud quod est indulgentiæ causa: quod quandoque contingere potest, quandoque autem non potest; secundum diversam indulgentiæ formam. Si enim sit talis indulgentiæ forma, Quicumque facit hoc, vel illud, habebit tantum de indulgentia, ille qui hoc facit; non potest fructum indulgentiæ in alium transferre: quia eius non est applicare ad aliquem intentionem Ecclesiæ, per quam communicantur communia suffragia, ex quibus indulgentiæ valent, ut iam supra dictum est. . . . Si autem indulgentia sub hac forma fiat, Quicumque fecerit hoc, vel illud, ipse, & pater eius, vel quicumque alius ei adiunctus, in purgatorio detentus, tantum de indulgentia habebit, talis indulgentia non solum vivo, sed etiam mortuo proderit. Non enim est aliqua ratio quare Ecclesia transferre possit communia merita, quibus indulgentiæ inniuntur, in vivos, & non in mortuos. Nec tamen sequitur quod Prælati Ecclesiæ possint pro suo arbitrio animas a purgatorio liberare: quia ad hoc ut indulgentiæ valeant, requiritur causa conveniens indulgentiæ faciendi, ut supra dictum est.

XLII. Accedit perpetua Ecclesiæ traditio, qua habetur, incruentum Missæ sacrificium pro defunctis oblatum semper fuisse. Tertullianus ipse narrat, Ecclesiam pro defunctis orare consuevit. Pro defunctis (inquit Lib. de coron. milit. cap. 111.) pro natalitiis oblationes annua die facimus. S. Augustinus ser. xxxii. de verb. Apost. docet. Orationibus sanctæ Ecclesiæ, & sacrificio saluari, & elemosinis quæ pro eorum spiritibus erogantur, non est dubitandum mortuos adiuvari, ut cum iis misericordius agatur a Domino quam eorum peccata meruerunt. Hoc enim a patribus traditum universa tenet Ecclesia. Quid desiderari luculentius potest?

XLIII. Disputant Theologi, prosint ne indulgentiæ defunctis ex iustitia, an ex misericordia? Et sententia mihi probabilior docet, indulgentias iisdem prodesse ex liberali Dei benignitate, & misericordia. Quoniam nullam habemus expressam promissionem aut pactum, quo Deus sese obtrinxerit ad acceptanda ex iustitia eiusmodi suffragia. Quærunť insuper nonnulli, utrum plenariam indulgentiam; quam sibi quis iniuncta opera adimplens applicavit, possit eandem numero pro defunctis offerre: & negantem sententiam veram omnino iudicamus: quoniam ex unica indulgentia semel alicui applicata nihil superest quod prodesse alteri possit.

XLIV. Quæst. X. Si pro anima defuncti offeratur sacrificium ad altare privilegiatum, evolat ne continuo anima in celum? Resp. Cardinalis Bellarminus Lib. I. de indulg. cap. xiv. ait, quætionem hanc esse omnium difficillimam. Quamvis enim dubitare non liceat, quin indulgentiæ prosint animabus purgatorii; non adest tamen certum fundamentum determinandi, quantum illis prosint; & an illico ac-

oblat-

oblatum est sacrificium, liberentur a purgatorio. Plures quidem adfirmant; at plures etiam negant. Et quia ego, quid verosimilius sit, ignoro, rem indecisam relinquo.

XLV. Quæst. XI. *Quotuplex sit indulgentia?* Resp. Multiplex est indulgentiarum species. Aliæ sunt indulgentiæ pro vivis, aliæ pro defunctis. Rursus aliæ temporariæ, quæ dantur ad definitum tempus; aliæ perpetuæ, nullo termino circumscriptæ. Tandem aliæ plenariæ, aliæ partiales. Istis pars, illis tota pœna remittitur.

XLVI. Indulgentiæ partiales, quæ ad plures dies, vel annos dantur, respectum habent ad antiquos canones pœnitentiales, qui tot dies, aut annos pœnitentiæ iniungebant. Quare Eftius in *1.º. dist. xx. s. x.* animadvertit, in indulgentiis quæ concedunt per tot dies, aut annos pœnæ remissionem, non esse referendam hanc pœnam ad illam quæ luenda esset in purgatorio, ac si indulgentia quadraginta dierum tolleretur pœnam quadraginta dierum alterius vitæ; sed ad pœnam quæ in hoc sæculo iuxta canonum pœnitentialium præscriptum sustinenda esset. Unde postea consequitur, indirecte hanc pœnæ remissionem extendi ad minuendam pœnam in purgatorio luendam. Quanto enim magis in hac vita minuitur debitum pœnæ temporalis, tanto quoque minor pœna remanet sustinenda in altera vita.

XLVII. Indulgentiæ plenariæ sunt duplicis generis. Aliæ absolute tales, quæ totam pœnam remittunt illis qui ad tantum beneficium suscipiendum dispositi & præparati sunt. Ante bellum sacrum contra Turcas, & Albigenes, plenarias & generales indulgentias vix concessas legimus, ut supra dixi. Quare Cardinalis Bellarminus *Lib. cit. cap. xii.* inquit, *veteres parcissimos fuisse in indulgentiis conferendis.* Neque heinc sequitur, improbandum esse (quod absit) usum indulgentiæ plenariæ, qui a tot sæculis obtinet in Ecclesia, quæ divino Spiritu directa libera- liore misericordia succurrere filiis suis consentaneum ducit.

XLVIII. Alia est indulgentia, quæ Iubilæum vocatur, a voce Hebraica *iobal*, quæ idem significat, ac remissio, seu libertas, qua Iudæi quolibet anno quinquagesimo possessiones suas recuperabant, si forte necessitate compulsi easdem vendidissent, ut habetur *Lev. cap. xxv.* servi quoque pristinam acquirebant libertatem. Bonifacius VIII. an. 1300. centesimo quoque anno recurrente celebrandum determinavit annum Iubilæum Christianorum. Clemens VI. an. 1350. illum reduxit ad annum quinquagesimum. Urbanus vero VI. an. 1389. decrevit quolibet anno trigésimo tertio recurrente celebrandum esse Iubilæum in memoriam 33. annorum, quos Christus duxisse in terris creditur. Tandem Paulus II. an. 1470. Iubilæum celebrandum statuit quolibet anno vigésimo quinto recurrente: & hunc ritum nunc Ecclesia observat. Indulgentia Iubilæi præter relaxationem totius pœnæ, communem omnibus indulgentiis plenariis, aliis fruitur privilegiis, ut eligendi

quemlibet Confessarium ex approbatis, qui abolvere valeat a censuris, & peccatis reservatis, votaue commutare in alia pia opera, excepto voto castitatis perpetuæ, & Religionis.

XLIX. Pontifices summi etiam extra annum sanctum, seu Iubilæum concedere indulgentias plenarias solent ad instar Iubilæi, & cum iisdem privilegiis ob publicas gravesque causas. Plura hic dicenda occurrerent de Iubilæo; cum innumeras pene quæstunculas Casuistæ instituunt. Verum plus iusto volumen excresceret, si ea omnia dispicere vellem quæ disputari ab illis solent. Idcirco eadem prætereo, præsertim quod plurima magis ad vitiligandum, quam ad docendos fideles normam, qua cum fructu suscipere indulgentias debent, inserviant.

§. VI.

M O N I T U M

circa praxim.

I. **M** Illis itaque disputationibus, quæ mentem torquent, pauca sub disputationis finem dicamus, quæ cor inflamment ad indulgentiarum fructum securius comparandum. Et ut ultima primis respondeant, spiritus pœnitentiæ idem nunc est in Ecclesia ac olim; licet austeritates externæ temperatæ & diminutæ sint. Ecclesia benigna clementique indulgentiarum concessione non eo tendit, ut socordiam, ignaviam, & nimiam Christianorum teneritudinem palpet, ut disciplinam pœnitentiæ relaxet; sed ut spiritum instauret & succendat. Quantum clementissima mater exterioris austeritatis remittit, tantum interioris devotionis, & divini amoris in se accendere filii debent, ne tantæ matris clementia abutantur ad vindictam & supplicium.

II. Animadvertit laudatus Bossuetus *loc. cit. p. 8.* eo nos ducere indulgentias debere, ut caritatem erga Deum, & proximum accendamus, quoniam huc lex revocatur universa. Eadem olim ac nunc misericordia, iustitia, & vindicta divina: eadem luxuriæ, avaritiæ, blasphemiarum, periurii, adulterii, & aliorum criminum malitia & enormitas: idem in peccantibus satisfaciendi debitum: eadem pœnarum pro iisdem adulteriis, fornicationibus, periuriis mensura. Diminutæ sunt exteriores afflictiones vigiliarum, ieiuniorum, cinerum, & humiliationum. Alterutrum ergo: aut compensandum solutionis pretium ardentiore caritatis interioris fervore, & aliarum virtutum modestiæ, castitatis, misericordiæ, humilitatis officiis: aut decoctiores dicendi hodierni pœnitentes sunt, larvati, & ficti. Eadem nunc ac olim infirmitas gravissima libidinis, superbæ, concupiscentiæ. Ergo eadem necessitas medicinæ aptæ & idoneæ his morbis sanandis.

III.

III. Expergiscimini filii hominum. *Usquequo gravi corde? ut quid diligitis vanitatem, & queritis mendacium?* Planior ne blandiorque hodie paradisi via quam tempore illo quo Christus sui sanguinis effusione illam resperfit? Usquequo clementia matris Ecclesie abutimini ad perniciem, damnationemque? Supplet illa impotentiam nostram; & quod reddere inopia nostra non valet, incredibili clementia thesauri sui divitiis solvit. At ideo ne nos liberat, ut ab iis omnibus reddendis quæ reddere paupertas nostra potest, immunes simus? An exemplum liberalitatis, clementiæ, & indulgentiæ matris erga nos non urget, non impellit nosmetipsos ad maiorem erga Deum cultum, obsequium, devotionem, & erga fratres nostros effusorem liberalitatem, amorem, & beneficentiam? Indulgentias plenarias nos a Christi Vicario libenter suscipimus; & contra, nos, quæ nobis a fratribus debentur, sævissima austeritate exigimus, illorumque inopiæ, & egestati opportunum impertiri subsidium recusamus? Ille ne dispositiones assequendis indulgentiis plenariis idoneæ?

IV. Audite Christi redargutionem adversus similes debitores. Parabola est aptissima ad explicandam hallucinationem Christianorum, qui, dum plenariam ingentium debitorum remissionem obtinere ab Ecclesia confidunt, socordiores fiunt in solvendo quod possunt, & severiores in exigendo quæ reddi sibi ab aliis nequeunt. Hoc autem pacto Christus *Matth. cap. xviii.* istos redarguit, contunditque. *Ideo assimilatum est regnum celorum homini regi, qui voluit rationem ponere cum servis suis. Et cum cœpisset rationem ponere, oblati sunt ei unus qui debebat ei decem millia talenta. Cum autem non haberet unde redderet, iussit eum dominus eius venumdari, & uxorem eius, & filios, & omnia quæ habebat, & reddi. Procidens autem servus ille, orabat eum, dicens: Patientiam habe in me, & omnia reddam tibi. Misertus autem dominus servi illius, dimisit eum, & debitum dimisit ei. Egressus autem servus ille intraivit unum de conservis suis qui debebat ei centum denarios: & tenens suffocabat eum, dicens: Redde quod debes. Et procidens conservus eius, rogabat eum, dicens: Patientiam habe in me, & omnia reddam tibi. Ille autem noluit; sed abiit, & misit eum in carcerem donec redderet debitum. Videntes autem conservi eius quæ fiebant, contristati sunt valde: & venerunt, & narraverunt domino suo omnia quæ facta fuerant. Tunc vocavit illum dominus suus, & ait illi: Serve nequam, omne debitum dimisi tibi, quoniam rogasti me: nonne ergo oportuit & te misereri conservi tui, sicut & ego tui misertus sum? Et iratus dominus eius tradidit eum tortoribus, quoadusque redderet universum debitum. Sic & Pater meus celestis faciet vobis, si non remiseritis unusquisque fratri suo de cordibus vestris.*

V. Dedicite ergo seducentem illam persuasionem, quod paucis precatiunculis aliquot *Pater*, & *Ave* possitis & remissionem peccatorum, quæ gravissimis flagitiis debentur, & vim roburque domandi efferas concupiscentiæ, avaritiæ, &

superbiæ bestias, assequi valeatis. Resipiscite tandem aliquando; & si clementissima mater Ecclesia afflictiones corporis temperat, ac delinit, tanto amplius ferveat in corde caritas in proximum, liberalitas, clementia, mansuetudo, ceteræque virtutes animi.

VI. Heinc collige, quam sint & Evangelio, & Ecclesiæ spiritui adversæ quorundam Casuistarum opiniones. In quo isti constituunt poenitentiam interiorem animi? In attritione formidolosa, in dolore ex solo gehennæ timore concepto, & divinæ caritatis prorsus vacuo. Quid de poenitentia exteriori docent? Aiunt, *benignas poenitencias plus prodesse quam rigidas, quod per benignas magis alliciantur fideles ad sacramenta poenitentiae, & Eucharistiæ*. Quia occasione belli sacri contra Turcas inducitur usus indulgentiarum, qui est modus satisfaciendi pro peccatis *UTILIOR AC CERTIOR quam observatio canonum poenitentialium*. Itaque iuxta laudatos iuniores, interior spiritus fervor deferbuit, & caritatis etiam imperfectæ necessitas a sacramento poenitentiae exclusa est. Spiritus languidissimus poenitentiae exterioris, indulgentiarum usu nutritur, paucis precatiunculus in ætarnam visitatione effulsit. Hic ne Christianismi spiritus? Hæc ne germana poenitentiae christianæ imago? Crudelis ergo tyrannidis arguendi sunt omnes Ecclesiæ Patres, immo Ecclesia ipsa, quæ & olim, & hodie ignorat benignas paucarum precum poenitencias efficacius conducere ad morum reformationem? Quod benignæ poenitentiae, & faciles absolutiones alliciant ad confessionem, & Eucharistiæ, nemo inficiabitur. At quod hic sit modus utilior, & certior Deo satisfaciendi pro peccatis, quod hic modus sit opportunior ad vitia eradicanda, ad sanandos inveteratos animæ morbos, & ad salvandos fideles, numquam concedam. Vide quæ supra dicta sunt adversus hunc modum *utiliorem & certiore*. Hæc nova benignitas quorundam Casuistarum ad frequentanda sacrilegia sæpe conducit, non ad sanctæ & cum fructu suscipienda sacramenta.

VII. Huic dissertationi finem imponat doctissimus Episcopus Bossuetus, qui *loc. cit. punct. 7. & seq.* suam concludit instructionem. Pauca ego latine reddita excerptam. „Doctrina Concilii Tridentini in adducto decreto facta est ut instaretur in praxi, xi tum poenitentiae, tum indulgentiarum priscus Ecclesiæ spiritus. Opus minime est
„texere curiosam indulgentiarum historiam, neque gradus indicare, quibus laxatus est vetus canonum vigor. Neque discutiendum est, subsistant ne aliquo
„modo in præsentia canones isti, & num Ecclesia in indulgentiis concedendis
„ad eosdem respiciat, ut Doctores communiter existimant. Indulgentiæ plenariæ oppositæ indulgentiis 7. annorum, 14. annorum, 20. annorum, 20. dierum. 40. dierum, aliisque similibus, indicare videntur, canones poenitenciales
„non esse penitus oblivioni traditos, cum ad illos in his indulgentiis respiciat.
„Verum, his scholarum quæstionibus missis, ut ea quæ ædificationi nostræ in-

„serviunt, meditemur, Concilium Tridentinum abunde nobis ostendit, Ecclesiam
 „ius conservare & intentionem habere exercendi suos sanctos rigores, & iniun-
 „gendi pœnitentias *convenientes & proportionatas*: pœnitentias quæ nos confor-
 „mes efficiant Christo crucifixo, & satisfaciendi pro nobis iustitiæ Patris sui:
 „pœnitentias quæ licentiæ frenum iniciant, & quæ non modo nobis adversus
 „viciosos habitus remedio sint, sed etiam Deo satisfactioni in vindictam & pu-
 „nitionem præteritorum criminum. En specimen paucis perstrictum doctrinæ
 „Concilii Tridentini *sess. xiv. cap. ii. & vii.* An hoc non sufficit, ut intelli-
 „gamus, perpetuum esse Ecclesiæ propositum continuandi vetustum ius quo præ-
 „dita est, & severe exercendi in pœnitentes iustitiam, quam Deus in eiusdem
 „manibus deposuit. Hæc Concilii doctrina virtute continet totam antiquorum
 „canonum austeritatem. Peccatorum quæ Christiani perpetrant, minor non est
 „gravitas: ingrati animi scelus in Spiritum sanctum, quem in baptismo susce-
 „perunt, haud est minus horrendum: Dei iustitia suas regulas non immutavit:
 „pravorum habituum inclinatio non est minus perniciofa, nec peccandi licentia
 „minus formidanda quam primis sæculis. Ecclesia in Concilio Tridentino has
 „omnes rationes confirmat tanto robore, ut nihil cedat iis quæ Patres adduxe-
 „re. Neque pœnitentia est secundus baptismus, nisi hoc pretio, &, ut Conci-
 „lium dicit, nisi sit *magnis nostris fletibus, & laboribus* sociata: neque erit ba-
 „ptismus laboriosus, qui nos ad pristinam morum puritatem, & integritatem
 „reducatur. Quod si vigor antiqui spiritus Christianismi toto suo robore consistit,
 „semper opus habemus indulgentia, & clementia Ecclesiæ. . . . Omnia in his
 „Concilii decretis redolent & pietatem, & antiquitatem; nec satis admirari va-
 „lemus sive sapientiam Ecclesiæ, sive eiusdem doctrinæ puritatem. Et principio
 „constat, sanctum Concilium omnia revocare ad veterem disciplinam in Eccle-
 „sia, & in Conciliis approbatam. Atqui spiritus antiquorum Conciliorum, &
 „præ aliis Nicæni, totus in eo est, ut iisdem indulgentias concedat qui spiritus
 „fervore delinitam corporis austeritatem compensant. Heinc consequi apparet,
 „eundem quoque esse hodie Ecclesiæ spiritum, ut scilicet fideles hunc spiritum
 „instaurantes, ardentius ament, dum plus accipiunt, quemadmodum Christus
 „proprio ore pronuntiavit. Secundo Concilium optat indulgentiarum moderatio-
 „nem, *ne nimia facilitate disciplina enervetur*. Et, ut ea prætereamus quæ Pa-
 „storum vigilantiam spectant, nihil validius occurrit ad impediendam hanc su-
 „nestam disciplinæ relaxationem, quam ut fideles indulgentiarum usu spiritus
 „fervorem Evangelio, & antiquitati consentaneum instaurent.“

LIBER SECUNDUS

DE MINISTRO SACRAMENTI
PŒNITENTIAE.

DISSERTATIO PRIMA.

CAPUT I.

*Quam sit sublimis Confessarii dignitas. De eiusdem
dotibus generatim differitur.*

II **M**E sub istius Tomi initium præfatum fuisse memini, omnes Theologiae morum tractatus ad pœnitentiæ sacramentum plus minusve viam sternere; nunc autem subdo, omnia quæ hæcenus de sacramento pœnitentiæ scripsi, huc tandem recidere, ut probus, fortis, doctus, prudensque Confessarius occurrat qui recte administrare tantum sacramentum didicerit. Si peritos in arte raros & paucos quælibet professio numerat; quot supputabit ars, artium, qualis est conscientiarum regimen, & animarum sanctificatio? Nulla in christiana Republica præstantior dignitas, nullum sublimius ministerium, nullus eminentior gradus in terra illo cui hæret peccata dimittendi facultas. *Quis est hic qui etiam peccata dimittit?* clamabant Iudæi. Infinitam Dei personam sustinet Confessarius, dum tribunal erigit, & aperit, ut iudicium in læsæ divinæ maiestatis reos formet, sententiamque aut absolutionis peccata dimittendo, aut condemnationis beneficium retinendo pronuntiet. Nemo qui post baptismum peccavit, ab hoc tribunali liber. Omnes catholicæ societatis potestates, ipsique Episcopi, Archiepiscopi, atque Pontifices summi profunda humilitate genua flectunt Confessario, secretiora conscientiaæ arcana eidem revelant, eiusque personam, tamquam vices Dei gerentem, venerantes, peccatorum remissionem corde contrito, oreque supplici efflagitant.

II. Confessarii patriæ christianæ patres, publicæ tranquillitatis conservatores, flagitiorum vindices, sanctitatis custodes, & instauratores strenui appellari iure valent. Hi enim civilem societatem atque felicitatem promonent, dum subditos obedire Principibus, iisdem tributa solvere, eorum parere legibus & mandatis cogunt: Principes in subditos, iustos, clementes, providosque efficiunt: inter cives

reciprocam benevolentiam & iustitiam promovent. Peccata aut subditorum in Principes, aut Principum in subditos, aut civium in cives plectunt, castigant; pœnasque pro illis infligunt. Concionatores, ceterique sacri ministri hortari voce, suadere eloquentiæ robore, & sanctioris vitæ exemplo allicere, invitare fideles ad sua obeunda munia valent; at Confessarii sub pœna carceris, & quidem perpetui, negando indignis, & obfirmatis legum transgressoribus absolutionis beneficium, adigere eos valent ad propria præstanda munera.

III. Si Dei vices in hoc ministerio gerunt, si Dei officium exercent peccata dimittendo; si curare infirmorum morbos, si debellare superbos, solari mœstos, coercere libidinosos, in ordinem redigere pervicaces debent: quæ sit oportet illorum vitæ sanctitas, pectoris fortitudo, qui zeli æstus, qui caritatis ardor, quæ mansuetudinis suavitas, quæ animi clementia, quæ spiritus libertas? Exprimant, sicut in ministerii altitudine, ita in morum sanctitate ipsius Christi personam necessum est. Refulgere isti debent, ut ministri vere divini. Nihil in hoc ministerio gerendo humani, nihil quod mundum aut temporalem felicitatem redeat, apparere debet. Si iudices sunt, & vindices iniquitatis & iniustitiæ, si sanctitatis magistri, si infirmitatis medici, si difficillimarum quæstionum definitores, si dissidiorum arbitri pacificatores; iustitiam, sanctitatem, prudentiam, dexteritatem, cumulatamque præferant doctrinam necessum est.

IV. Hæc pauca præludii loco perstringere operæ pretium existimavi, ut lector in libri limine quamdam altissimi ministerii sinceram formare imaginem valeat; atque hanc veritatem altius animo impressam habeat, videlicet ex Confessariorum prudentia, zelo, fortitudine, sanctitate, & doctrina, mundi reformationem, animarum salutem, humanæ societatis tranquillitatem, æternamque felicitatem summopere pendere.

V. Verum enimvero si tantis coruscare dotibus Confessarii debent, qua, amabo te, scientia & eruditione, quo animi candore, qua prudentia, qua gerendarum rerum dexteritate, qua invicta animi fortitudine ornati sint oportet illi qui docendi imbuendique Confessarios ipsos munus suscipiunt? Hæc ego, dum serio meditor, cor palpitat, pavet animus, totis artubus contremisco, atque auribus meis insonare videtur divinum oraculum: *Dixit autem peccatori Deus: Quare tu enarras iustitias meas, & assumis testamentum meum per os tuum?* Ut mihi, quoad possum, caveam, quotidie Christum IESUM cum in manibus ad altare tremebundus teneo atque adoro, (humillime utinam & digne) deprecor, ut mentis meæ dissipare tenebras, purgare a partium studio animum, suæque divina luce perfundere mentem meam velit, ne errem ipse, aliisque sim errandi causa, & magister. Rursus lectores meos tum in præfatione generali ad *Tom. I. in Deoel.* tum in ea quæ huic volumini præmissi, admonui, monitumque in eorum-

dem mentem revoco, ne scriptis meis plus fidei adhibeant quam quod rationum momenta evincunt. Nihil personæ meæ miserrimæ, nihil nominis mei auctoritati deferant, oro obtestorque. Si viderint doctrinam meam esse Scripturis divinis, Doctoribus sanctis, Ecclesiæ sensui conformem, illam amplectantur; si secus, reiiciant. Nolo ut auctoritatem personæ meæ umquam traducant in medium, qua opinioni alicui probabilitatem concilient; sed documenta tantum quæ promo, allegent. Doctrina enim Christi confirmari homunculi, qualem me esse scio, auctoritate dedignatur. Neque enim veritatis eorum quæ aut scripsi, aut scripturus sum, vadem apud Deum me constituere volo. Illud nunc a lectore peto efflagitoque, ut precibus suis errorum meorum veniam a clementissimo Christo IESU Redemptore nostro impetrare pro sua erga me caritate & benignitate non celsset. Dotes Confessarii peculiare, quas nunc explicandas aggregior, his versibus continentur.

*Sit probus, & fortis, Confessor, sique peritus,
Discretus, patiens, mitis, pius, atque fidelis.*

C A P U T II.

Spiritus fortitudinis, & libertatis, qua Confessarius exercere tenetur suum ministerium, omnia, siue temporale emolumentum, siue Magnatum & Principum aut plausum, aut contemptionem, siue populi ludibria despicari debet. Germani characteres, quibus Christus suos veros ministros a falsis distinguit.

I. **C**onfessarius homo Dei sit oportet, cum officium Dei exerceat, Deo sic infinita sua clementia disponente. Deus autem, ut Deus, super omnia resplendet, quia omnia ex nihilo omnipotentia sua eduxit. Hæc imago, quoad patitur humana conditio, referenda a Confessario est, ut scilicet super omnia erectus, omnia quæ in mundo sunt, contemnat. Hac fortitudine & libertate Paulus ad Philipenses *cap. 111.* animatus inflammatusque clamavit: *Veruntamen existimo omnia detrimentum esse propter eminentem scientiam Iesu Christi Domini mei, propter quem omnia detrimentum feci, & arbitror ut stercora, ut Christum lucrifaciam.* Nihil in terris erat quod allicere spem, quod inflare ambitionem, quod perterrefacere fortitudinem Pauli valeret. Heinc Cæsareæ catenis ligatus coram Præside Felice, & Drusilla eius uxore disputavit de iustitia, & castitate, & iudicio futuro; ut habetur *Act. xxiv.* Felicem, a quo iudicandus erat, redarguit,

guit, quod iniustitia immani provinciam opprimeret, ut refert Cornelius Tacitus *Lib. V. Hist.* Drusillam, prostrigati pudoris feminam, tribusque infandis coniugiis contaminatam, de castitate disputando increpuit. Nihil invictus Christi miles Præsidis aut favorem, aut sævitiam, nihil furentem effrenatissimæ feminæ iram moratus est; sed utrumque invicta libertate & exquisita prudentia correxit, atque futuri iudicii repræsentatione perterrefecit.

II. Confessarii ergo, & Concionatores non magnatum, non matronarum, non Principum aut favorem & gratiam querere, aut contemptionem & exilium pavere in divino obeundo ministerio debent. Sententiam supremi Magistri & Principis Christi Iesu pectore insculptam teneant. *Qui me erubuerit, & sermones meos, hunc Filius hominis erubescet, cum venerit in maiestate sua: Luc. cap. ix.* Et iterum *Matth. x. Omnis enim qui constebitur me coram hominibus, constebor & ego cum coram Patre meo, qui in cælis est. Qui autem negaverit me coram hominibus, negabo & ego cum coram Patre meo, qui in cælis est.*

III. Celsarunt a multis sæculis contra altissima Christi mysteria persecutiones; at succelsere bella, & quidem intestina, adversus sanctissima Christi præcepta, morumque integritatem. Prælia opinionum ardent, quæ humanis appetitionibus favent, plausum, & acclamationem populorum sibi conciliant. Nisi Dei ministri pro tribunali sedentes sortes sint & robusti, atque, ut Propheta ait, ænea fronte obarmati ad præliandum bellum Domini, actum de christiana lege est. Innumera sunt Patrum testimonia, quæ hanc fortitudinem Christi ministris inculcant.

IV. S. Augustinus *ser. 1. in Psal. lxxviii.* clamat. *Frontosus esto, quando audis opprobrium de Christo: prorsus esto frontosus. Quid times fronti tuæ, quam signo Crucis obarmasti?* Rursus in *Psal. xxxix.* fusiore oratione hanc fortitudinis & libertatis dotem inculcat. *Dicant ergo labia quod habet cor: hoc contra timorem habeat cor quod dicunt labia: hoc contra simulationem habeant labia quod credit cor. Aliquando enim timor est, & non audes dicere quod nosti, quod credis: aliquando simulatio est: dicis, & non habes in corde. Consentiant labia tua cor-di tuo.*

V. S. Gregorius Magnus *Epif. Lib. I. epif. v.* hoc fortitudinis & libertatis spiritus succensus, de semetipso inquit: *Nihil in hoc mundo appetens, nihil pertimescens videbar mihi in quodam rerum vertice stare, ita ut in me pene impletum crederem quod pollicente Domino ex Propheta didicissem: Sustollam te. Super enim ipsam altitudinem terra sustollitur qui & ipsa quæ alta & gloriosa presentis videntur sæculi, per mentis dispectum cœcat. Quæ sint terræ altitudines, quæ sagigia pertimescenda, clarius exponit *Lib. XXXI. Moral. cap. x.* ubi clamat: *Altitudines terræ sunt lucra mercium, blandimenta subditorum, divitiarum abundan-**

tia, honor, & sublimitas dignitatum : quæ, quisquis per ima adhuc desideria incendit, eo ipso alta æstimat, quo magna putat ; at si semel cor in cælestibus figitur, mox quam abiecta sint, cernitur, quæ alta videbantur.

VI. Quam necessaria hæc libertas, hæc fortitudo sit Confessariis, & Dei ministris ætate nostra, paucis ostendam. Vidisti, lector, propriis oculis, quo disciplina pœnitentiæ ab uno potissimum cum dimidio sæculo redacta sit. Finge sequentem casum. Aperit Confessarius sacrum tribunal, sedetque iudex, ut reos absolvat. Confluunt fulgidæ matronarum, magnatumque turbæ, quæ & in vestium splendore, & in incessu gravitate maiestatem quamdam spirant, sibi obsequium favoremque conciliant. Confessarius videt ad pedes suos provolutas, & prestratas tanti neminis personas, quæ & timorem incutere, & spem suscitare non levem possunt. Pomparum splendor oculos perstringit, favor & gratia humanitatem demulcent. Nonnumquam pœnitentes isti, & istæ, quo exteriori resurgunt apparatu, eo interius sordent sceleribus. Si Confessarius liberali manu, absolutionis beneficium dispensat, sibi & matronas, & magnates devincit, dulcemicitæ sœdus stringit, clientum affluentiam firmat & auget, videtque se in amplo templo, undique circumdatum & universali planctu acclamatum, ceu sapientem, prudentem, celeberrimumque ministrum, qui sociare mundum cum Evangelio suavi dexteritate didicit. E contrario si absolutionem denegat, continuo se despiciatum, desertam Ecclesiam suam, derelictum tribunal experitur. Cedo : si Confessarius amoris proprii lenociniis, si spei, & timori mundano, si humanitatis præstigiis obnoxius sit, quid de illo, quid de salute clientum ominandum ? Ut vero hos, intimos & extimos persecutores, sævissimos devincat, superet, debellet, quæ pectoris fortitudo, qui libertatis spiritus non requiritur ? Si gloriolæ amor, si plausus, si humani respectus, si occultissimæ ambitionis, fascinium mentem perstringit, perit Confessarius, æternum naufragantur pœnitentium turbæ.

VII. Persecutores, quos hæcenus indicavi, eo ætate nostra immaniores, sunt & potentiores, quo altius dominantur opiniones laxæ, benignitatis larva, incrustatæ, quæ theatrorum, comædiarumque frequentiam, quæ matronularum, & magnatum platonicos amores, quæ luxum, & pompas, ludos & cetera delirantis mundi oblectamenta, exquisitis commentis perhonestant. Ab adolescentia assueti pœnitentes isti sunt una copulare Ecclesiarum, & amasarum, sacramentorum, & comædiarum, frequentiam. Si Confessarium dissolvere hanc lucis & tenebrarum societatem, hoc monstruosum vanitatis & sanctitatis, sœdus voluerit, continuo audit *Rigorista, Tutorista, Iansenista* ; & tamquam inhumanus, conscientiarum carnifex, tamquam perridiculus reformator traducitur, contemnitur, diffamatur.

VIII. Primis Ecclesiæ sæculis Neronis, Domitiani, Diocletiani, ceterique effecti

rati

rati leones non ex insidiis, & per cuniculos, sed recta Christi milites aggrediebantur. Persecutionis causa manifesta erat. Aut Christo renuntiandum, aut idolis litandum. Nullus erat ambigendi locus. At ætate nostra martyrii causa occulta, ambigua, & utramque in partem de ea disputatur. Opiniones mundo & carni faventes suos habent patronos, suasque rationes, quæ tanto potentius menti arident, quanto benignius cupiditati indulgent. Accedit multitudinis auctoritas, quæ instar rapidi torrentis secum omnia abripit, ita ut, si fieri possit, in errorem inducantur electi ipsi.

IX. Hæc duo persecutionis genera distinguit Augustinus. Intestinus præstigiator propriæ gloriolæ, amor præstandi ceteris, & occupandi prima subsellia, delinit plus iusto, & attemperat Christi Theologiam hominibus; & Confessarios, sin minus expresse & palam, reipsa & subdole sic loquentes inducit, inquit *Lib. Pastor. cap. 111. S. Doctor. Securi estote. Deus neminem perdit. Tantummodo fidem christianam tenete. Non perdet ille quos redemit: non perdet pro quibus sanguinem suum fudit. Et si spectaculis volueritis oblectare animos vestros; ite, quid mali est? Nonne palam hæc talia loquuntur hodie? Quid mali præferunt oblectamenta theatrorum, comædiarum, saltationum? Ite, quid mali est? Persequitur S. Doctor. Magna est Dei misericordia, quæ totum ignoscat. Coronate vos rosis, antequam marcescant. . . . Hæc si dixerimus, forte congregabimus turbas ampliores: & si sint quidam (Rigoristæ) qui nos sentiunt hoc dicentes non recte sapere, PAUCOS offendimus, sed MULTITUDINEM conciliamus. Multitudo præfertim matronularum, magnatum, & cuiusque conditionis blandiloquos nostros, & benignos sermones amore proprio partos audit. Pauci evangelicæ legis gnari offenduntur; sed interim multitudo confluit, plaudit, nobisque acclamat. Viden', quam sit immanis, quam sæva, quam subdola, quam continua persecutio isthæc?*

X. Auctoritas postea multitudinis, consuetudo, & mos universalis tyrannus est Neronibus, Diocletianis, & Domitianis truculentior & sævior, qui continenter vociferatur, subdit in *Psal. lxxiii. Augustinus. Non enim cessat & modo serpens insusurrare, & dicere: Numquid vere damnaturus est Deus tantas turbas? Liberaturus est paucos? Quid est aliud quam facite contra præceptum, non morite moriemini? sed quomodo TUNC, sic & NUNC. Si feceris quod suggerit diabolus, & contempseris quæ præcipit Deus, veniet iudicii dies, & invenies verum quod minatus est Deus, & falsum quod pollicitus est diabolus. Rursus in Psal. xlii. refert S. Doctor hanc insidiosam persecutionem. Quam multi hoc faciunt, & quis non facit? Numquid omnes perditurus est Deus? O magna tentatio! o magna persecutio! clamat alibi Augustinus. Quomodo vincenda, quomodo superanda? Dilectores mundi (persequitur Augustinus in *Psal. cxxxvii.*)*

ali-

aliquando interrogant nos, & dicunt nobis, Exponite rationem . . . Quid respondemus? Audi responsum Augustini, quod continuo ibidem exhibet. Babyloniam te portat, Babyloniam te continet, Babyloniam te nutrit, Babyloniam de te loquitur. Non nosti capere, nisi quod fulget ad tempus: aeterna meditari ignoras, non capis quod interrogas. Verum insiluit, & fuit persecutor amor proprius. Si hoc pacto respondemus, despiciamur, deridemur, diffamamur tamquam Rigoristae, templa nostra vacua, confessionaria nostra deserta sunt. Magna tentatio! magna persecutio! Vere Fratres (pergit ibidem Augustinus) sic est. Sed incipite velle praedicare veritatem quantumcumque nobis, & videte, quam necesse sit ut tales patiamini irrisores, & exaltiores veritatis plenos falsitatis . . . Sed vide, quomodo verberis inter eos, ne, si amantur a te, & affectas amicitias eorum, & times talibus displicere, incipias te delebari Babyloniam, & obliviscaris Ierusalem. Hoc ergo timens, vide quid subiicias, vide quid sequatur . . . Si oblitus fuero tui, Ierusalem &c. Ecce inde erat civis ille qui Dominum interrogavit: Magister bone quid faciam, ut vitam aeternam consequar? . . . Et Dominus dixit illi quiddam de Canticis Sion, & noverat quod non caperet. Sed exemplum dedit nobis, quomodo multi quaerant quasi consilium ad vitam aeternam; & tamdiu nos laudant (N. B.) quamdiu respondemus quid quaerant. Sed cum inter istos obstrepentes verisimini, obstringite vos non eis velle placere, ne obliviscamini Ierusalem hic agentes in terra. Si oblitus fuero Ierusalem, obliviscatur me dextera mea.

XI. Audisti tremendam formidandamque persecutionis vim? audisti, qui sunt persecutores nostri, Neronibus, Diocletianis, Iulianis efferratiores, quia insidiis, & blanditiis pleniores? His insidiis diabolus seduxit parentes nostros; his insidiis tempore Augustini mundi plausus, terrenae gloriae splendor, turbarum acclamationes viros Dei seducere pertentabant. Quomodo tunc, sic & nunc, sic aetate nostra, in qua MODUS opimandi irrepsit evangelicae simplicitati, & sanctorum Patrum doctrinae adversus, modus qui est omnium laxitatum scaturigo, ut inquit Alexander VII. Et tamen, Cavete, a nonnullis, qui pro hoc opimandi modo veluti pro aris, & focus belligerant, inclamatur, cavete a Rigorismo, cavete a Rigoristis. Quam exclamationem, monitumque numquam neque in Scripturis divinis, neque in Patribus sanctis invenire potui. Contra vero: Cave a blandiloquis Prophetis, cave ab illis qui consuunt pulvillos sub omni cubito carnis, passim in Scripturis sanctis, & Patribus occurrunt. Pseudoprophetae semper dulcia pollicentur, inquit Hieronymus: & S. Ioannes Chrysostomus: Haec est pseudoprophetae nota, si ab omnibus hominibus benedicantur.

XII. Et ut hoc evincam, probo tertiam, quam proposui, argumenti mei partem, videlicet, characteres sinceros quibus Christus suos distinguit ministros, esse mundi & turbarum persecutiones; plausus vero, & acclamationes mundanorum ho-

hominum esse prærogativas pseudoprophetarum. Audiamus Christum Iesum *Matth. cap. v.* sic loquentem. *Beati estis, cum maledixerint vobis, & persecuti vos fuerint, & dixerint omne malum adversum vos mentientes, propter me. Gaudete, & exultate, quoniam merces vestra copiosa est in caelis.* Beatos Christus pronuntiat ministros suos Sacerdotes, quos mundani homines insectantur, propterea quod arctam Evangelii viam, & divinam doctrinam carni & sensui contrariam promonent, inculcant, defendunt. E contrario miseros illos declarat quibus filii sæculi plaudunt, benedicunt, quod opinionibus benignis & laxis demulceant illorum sensus, pruriantque auribus. *Vt, cum benedixerint vobis homines: secundum hæc enim faciebant pseudoprophetis patres eorum: Luc. vi.* Prædixit Christus, operarios suos a se missos in messem suam, omnibus sæculis, omni ætate passuros mundanorum hominum disteria, ludibria, persecutiones. Hæ sunt dotes, hi characteres, quibus Christi ministri distinguuntur. Gaudentes ibant Apostoli, quoniam digni habiti fuere propter Iesum contumelias pati. Acta omnium Sanctorum revolvantur: perrari occurrent qui veritatem Christi prædicantes, tela declinaverint persecutionum.

XIII. Quæ cum ita se habeant, quis ferret homunciones illos qui sæpe blaterant, non esse contradicendum laxis doctrinis, quæ omni sæculo habuere strenuos, prævalidos, atque potentes patronos, formidandos, pavendoque, quorum oppositores vix umquam in hoc mundi theatro propitiam experti sortem sunt? Qui talia eructant, ignorant prima Evangelii elementa, mundi præstigiis obsecantur, indigne nomen profitentur christianum. Eiusmodi dicta tolerari in Paganis possent: in Christianorum ore deliria sunt, ne dicam blasphemiarum. Dum prudentes apparere isti ambiunt, se dementes apud Deum, & apud viros vere christianos perridiculos se patefaciunt. Videndum, num causa quæ propugnatur, sit revera Christi causa, num doctrina quæ defenditur, sit evangelica, num opiniones quæ oppugnantur, sint æternæ Christianorum saluti exitiosæ. Videndum; num christiano spiritu, & iuxta exempla Scripturarum, & SS. Patrum normam propugnentur. Quando hæc omnia occurrant, deridenda est mundi potentia, floccificandæ hominum artes & insidiæ. Non in hoc sæculo, sed in futuro laborum præmium expectandum. Si Apostoli, si Martyres, si sancti Dei viri omnes istorum pseudoprudentum, & vanorum hominum consilia audissent, ubi resonaret Christi nomen, ubi resfulgeret religio christiana? *Ubi enim Spiritus Domini, ibi libertas*, inquit S. Paulus *II. Cor. cap. 111.* Paulus autem, inquit Chrysostomus *hom. 11. de laudibus Pauli*, tyrannos, ac populos spirantes furorem, esse veluti quosdam culices existimabat; mortem vero, & cruciatus quasi ludum putabat esse puerorum, dummodo propter Christum aliquid sustineret. Quid quod Paulus non præsidibus, non tyrannis modo, sed ipsi Petro Apostolorum Principi ex-

celso animo simulque humili ac modesto in faciem restitit? *Si tu, cum Iudeus sis, gentiliter vivis, & non iudaice: quomodo gentes cogis iudaizare?* Galat. 2.1. Verum infra de hoc sermo redibit.

C A P U T III.

De caritate seu probitate Confessarii; quibusve coniecturis hæc dignoscatur.

I. **A**xioma illud tritum & vulgare, *Nemo dat quod non habet*, tempestivum est, & quammaxime opportunum argumento nostro illustrando. Confessarius caritatis ignem accendere in suis pœnitentibus debet. Si ipse refrigescat, quomodo communicare ceteris calorem poterit? Iubet Deus ut proximum diligas sicut te ipsum; atque adeo ut aliorum salutem, quemadmodum tuæ, prospicias. Si tuam negligis salutem; numquid alienæ curam habebis? *Regula tui* (inquit Augustinus) *in proximum amoris ea est dilectio qua te ipsum prosequeris*. Audies frequenter nonnullos similia eructantes. Quamvis ille homo sit in sui ipsius regimine minus providus, mundo, & mundi oblectamentis, ludis, conviviis addictus; tamen, quæ ministerii sacri sunt, quæ ad officium atinent, exacte implet, gregem pascit, & munia Confessarii, Parochi, Episcopi adamussim exequitur. Sophismata hæc sunt crassæ ignorantiae, & cæcitatæ paradoxa. *Qui sibi nequam est, cui alii bonus erit?* inquit *Eccles. cap. xiv.* Quam veritatem optime illustrat S. Bernardus ad Brunonem Coloniensem epist. viii. *Horreo, fateor (sic enim tibi, ut mihi, loqui debeo quod sentio) borreo, inquam, confiderans, unde, & quo vocaris; præsertim cum nullum intercurreret pœnitentiæ tempus, per quod utcumque huiusmodi periculosissimus transitus fiat: & quidem rectus ordo requirit ut prius propriam, deinde alienas studeas curare conscientias. Primus quippe pietatis gradus est, de quo scriptum est: Misere animæ tuæ placens Deo. Ex hoc autem ad miserandum proximum, recto iam tramite caritas ordinata procedit: quippe quem ad sui quisque mensuram amare præcipitur. Quod si in hunc modum, quo te hactenus ipse amasti, & tibi committendos amaturus es, malo ego quidem tibi non committi, quam sic diligere. Si autem te prius diligere didicisses, & me forsitan scire amare.*

II. Hæc Christi caritas & probitas non modo ita fulgere in Confessario debet, ut a peccatis mortiferis abstineat, verum etiam ut affectum ad peccata venialia evellere studeat. Si enim pœnitentes suos per viam christianæ perfectionis ducat oportet; quomodo præstare id poterit, si ipse hanc viam ignoret? Quomodo dux belli ad repellendos hostes milites dirigere suos potest, si ipse præire nesciat?

Con-

Confessarius itaque quotidiano virtutum exercitio proficere in via Domini studeat, si defungi cum fructu suo ministerio velit. Egregie hoc argumentum illustrat S. Bernardus *ser. xviii. in Cantica*. *Quod tuum est, spargis, & perdis, si priusquam infundaris tu totus, semiplenus festines effundere. Quamobrem, si sapias, concham te exhibebis, non canalem: hic siquidem pene simul recipit & refundit; illa vero, donec expleatur, expectat, & sic quod superabundat, sine suo damno communicat. Verum canales multos hodie habemus in Ecclesia, conchas vero perpaucas. Tante caritatis sunt, per quos nobis fuenta caelestia emanant, ut ante effundere, quam infundi velint, loqui, quam audire, paratiores, & prompti docere, quam non didicerunt, & aliis praesse gestientes, qui seipsos regere nesciunt. Ego nullum ad salutem gradum pietatis illius gradui anteponendum existimo, quem sapiens posuit dicens: Misere animæ tuæ placens Deo. Quod si non habeo nisi parumper olei, quo ungar, putas tibi debeo dare, & remanere inanis? Servo illud mihi, & omnino, nisi ad Prophetæ iussionem, non profero. Si insisterint rogantes aliqui ex his qui forte existimant de me supra id quod vident in me, aut audiant aliquid ex me, respondebitur eis: Ne forte non sufficiat nobis, & vobis; ite potius ad vendentes, & emite vobis. Et nihilominus caste imitans illum de cuius plenitudine omnes accepimus, discite & tu non nisi de pleno effundere: nec manat ille in rivum, nec in lacum extenditur, donec suis satiatur aquis. Non pudeat concham non esse suo fonte profusorem. Quid, si non modo conchæ non essent, sed neque canales apti, & præparati ad dona Spiritus sancti suscipienda ministri Dei? Quid, si illi ipsi essent desideriorum carnalium, & humanarum appetitionum mancipia, gloriæ, dignitatum, & graduum cupidi? Sane nec conchæ, nec canales opportuni forent. Caritate ergo & probitate resplendeant Confessarii necessum est.*

III. Si aliquo gravi scelere irretiti essent, priusquam in sacro tribunali conscientiarum arbitri sedcant, sacra exomologesi suam purgare conscientiam studeant: alioquin tot peccata committerent, quot pœnitentes absolverent iuxta graviorum Theologorum placitum. Si necessitas urgeat audiendi confessiones, & Confessarii copia non adsit, tunc conteri debent. Probabiliter non pauci contendunt, sat esse contritionem, etiamsi confitendi opportunitas adsit. Modo difficillimam esse contritionem asserunt, modo facilem, prout conceptæ benignitati, quæ præventi sunt, conducere iudicant.

IV. Requiritur insuper, Sacerdotem nulla esse censura innodatum. Valide utique absolvit excommunicatus, suspensus, interdictus, nisi sit nominatim denunciatus, & notorius Clericorum percussor; ut definitum est cap. *Ad evitandum* in Concilio Constantiensi: gravissimum tamen crimen perpetrat qui censuris innodatus confessiones excipit, & pœnitentes absolvit.

CAPUT IV.

De prudentia Confessarii. Regulæ huiusce prudentiæ exercendæ.

I. SE ignorantes continentur plures absque pudore; nemo vero se imprudentem recognoscit; immo quisque sibi dedecori verteret imprudentem haberi. Et tamen tum scientiæ, tum artes omnes acquiri industria & diligentia ab omnibus fere plus vel minus valent; prudentia vero comparari minime potest, nisi singulari Dei providentia donatum ingenium sit huic virtuti comparandæ opportunum aptumque, nisi ab ipsa natura mentem, ut vulgo etiam dicitur *quadratam* sortitus homo sit. Hinc est, nullam mercem esse prudentia rariorem; & tamen, ut dixi, omnes istius thesauri ditissimos se iactant. Acute & opportune Seneca *epist.* lvi. scribit. *Si quis in theatro inberet coriarios omnes surgere, illi soli surgerent: similiter si fabros ferrarios, textores, aut alios generatim: si vero prudentes, aut iustos inbeant surgere, omnes illico surgerent.* Quoniam omnes se prudentes, nemo se imprudentem reputat. Quamquam acquiri prudentia, nisi mentis & naturæ fundus singularis insit, non possit; perficitur tamen plurimum experientia, diligentia, & studio. Prudentiæ perficiendæ necessaria est mens acuta, perspicax, & solida, quæ futura prævideat; memoria tenax, quæ præterita eventa præsentia habeat, quorum recognitione, & comparatione de futuris deliberare queat. Plures docti esse possunt, & non raro sunt imprudentes; at nemo retuso ingenio prudens esse valet. Nihilofecius quo homines esse ignorantiores solent, eo se prudentiores existimant. Prærogativam scientiæ plurimis cedunt; at prudentiæ dorem sibi intrepide arrogant. Distinguenda duplex prudentia esset. Una negativa, qua præditi illi sunt qui nihil aggrediuntur, nihil moliantur, & obmutescere solent, non pro temporum opportunitate, sed quia re ipsa inepti sunt, & mente spirituque destituti. Hoc vitio isti carent, quod non sint loquaces; & propterea cuiusdam prudentiæ speciem præferre videntur. Si integrum de prudentia volumen conflarem, nihil lector proficeret, nisi esset talentis ad id necessariis, nempe acuto ingenio, naturæ temperamento æquabili; animo moderato, affectuum dominio, aliisque dotibus, præditus.

II. Prudentia Confessarii necessaria non tam industria comparanda est, quam a Deo infundenda. Pro ea igitur obtinenda iuges preces, humilitatis cultus, caritatis officia requiruntur. Ab hac prudentia sæpe pœnitentium salus æterna pendet. Qui duos hostes efficere amicos contendit, magna sit dexteritate præditus: accessit est. Si minus circumspexerit, inimicitiam potius firmat quam benevolentiam.

lentiam substituat. Confessarius pacificator est peccatorum cum Deo. Si in hoc pacis negotio gerendo procurandoque minus cautus sit, nihil assequetur. Verbum unicum, aut plus iusto asperum, & extra tempus, aut elatiori voce prolatum, una oculorum revolutio, superciliorum contractio, gestus, motus, suspirium intempestivum, & similia confundere, deprimere, exasperare poenitentem, altissimum conversionis negotium destruere, aut impedire queunt. Sed hæc infra magis enucleabo, & ad praxim redigam. Pauca nunc regulas assignabo.

III. REGULA PRIMA est, ut Confessarius, antequam Dei tribunal ascendat, omnes carnis, mundi, spei, & timoris affectiones prorsus exuat, Dei armaturam, fortitudinis spiritum, & redundantis misericordiae evangelicæ, non humanæ, ornamentum induat, cum super throno non solum iræ, sed clementiæ & vindictæ simul sedere arbiter debeat. Evangelicæ doctrinæ spiritum, & medullam in mentem revocet. Evangelicas trutinas, non fallaces probabilitatis stateras, in manibus firmas teneat. Illud melius iudicet quod propius ad incorruptam Evangelii sanctimoniam accedit; illudque peius quod longius ab evangelica veritate abest. Id altius recogitet, eo sine se illuc conferre, ut peccatores in gratiam & amicitiam Dei restituat, efficiatque conformes imagini Filii sui.

IV. REGULA SECUNDA. Confessarius in primis exploret indolem, & qualitates poenitentis, & pro temperamenti diversitate alliciat, incitet, animet ad nudandam conscientiam, intimioresque recessus, & occultiora vulnera aperienda, omniaque manifestanda Dei vices gerenti. Si pudorem, & quamdam repugnantiam deprehenderit, solertia, dexteritate, & mansuetudine erigat, adiuvet, animos alliciat. Cum ad sextum decalogi mandatum ventum fuerit, linguam optime instructam adhibeat: verbis utatur quæ castimoniam oleant: caveat summopere ne ignoeratorum criminum notitiam inducat, aut quid curiosius interroget. In hoc negotio studeat summopere brevitati: in id incumbat, ut emolliat cor poenitentis, & pus, saniesque sponte sua esiliat, & continuo brevique manu vulnera claudet; ne aures & mentem tum loquentis, tum audientis inquinent. Temperabit, aut continuabit interrogationes suas, prout prudentia suggererit.

V. REGULA TERTIA. Dolorem expendat poenitentis, videatque, sit ne conceptus ex amore Dei super omnia. Si viderit poenitentes hoc amore carere, ad eum illos incitet, ac inflammet. His immensa Dei beneficia, & in primis mortem illam crudelissimam quam Iesus Christus pro nobis oppetiit, illis inferorum supplicia, extremi iudicii terrorem proponat: varia variis adhibeat incitamenta, stimulis diversis urgeat pro poenitentium diversitate. Alios terreat, alios animet. Incipiat, natura ipsa duce, ab imperfectioribus actibus, a timore suppliciorum ascendat ad spem; at non intercipiat iter, donec ad caritatem tandem pervenerit. Quod in peccatoris conversione locum habere duæ solæ theologicæ virtutes,

fides, & spes, secus caritas, debeant; res est quæ Scripturis sanctis omnino ad-
versa mihi videtur. Peccator per unum, per duos, per quatuor annos Deum
non amavit. Prima illius peccata omissionis sunt, non amasse Deum: positiva
crimina sunt Deum odisse eiusdem mandata conculcando: & peccator iste in Dei
amicitiam redire debet, quin Deum ex toto corde, & super omnia amet? An
tot omissionum pœnitere peccator sincere potest, nisi primum omnium Deum a-
mare incipiat? Per accidens hoc se habet, inquit Casuistæ Attritionarii, ad sa-
cramentum pœnitentiæ rite suscipiendum. Verum, missis his disputationibus, eo
industriam omnem suam Confessarius dirigat, ut hanc sinceram peccatoris con-
versionem perspectam, quoad fieri potest, habeat. Hanc vero vivam pœnitentiæ
plantam ex fructibus cognoscet, Instruet pœnitentes suos, veram conversionem
sitam haud esse vel in pectoris tusionibus, vel in criminum narratione, vanisque
pollicitationibus Sacerdoti factis. Nam & Pharisei, & Sadducei sanctitatem præ-
ferentes ad baptismum Ioannis suscipiendum accedebant; at fructus pœnitentiæ
dignos non edebant. Sed de hoc iterum sermo redibit.

VI. Duas recensitas regulas confirmo auctoritate S. Thomæ, qui in IV. dist.
xix. in Magistri textum hæc scribit. *Sacerdos debet perscrutari conscientiam pecca-*
toris in confessione, quasi medicus vulnus, & iudex causam: quia frequenter quæ
præ confusione consistens saceret, interrogatus revelat. Sed tamen in interrogationibus
faciendis tria sunt attendenda. Primo, ut quilibet peccator interrogetur de peccatis
quæ consueverunt in hominibus illius conditionis abundare: non enim oportet quod a
militæ quæretur de peccato Clericorum, aut Religiosorum, & e converso. Secundo, ut
non fiat explicita interrogatio de peccatis, nisi de illis quæ omnibus manifesta sunt:
de aliis autem adinventionibus peccatorum, ita debet a longinquo fieri interrogatio,
ut, si commisit, dicat, si non commisit, non addiscat. Tertio, ut de peccatis præci-
pue carnalibus non descendat nimis ad particulares circumstantias: quia huiusmodi
delectabilia, quanto magis in speciali considerantur, magis concupiscentiam nata sunt
movere. Et ideo potest contingere ut Confessor talia quærens & sibi, & consentienti no-
ceat; & sic quandoque deficiant in suo scrutinio scrutantes iniquitates.

VII. Similia docet S. Carolus Borromæus in instructionibus de sacramento pœ-
nitentiæ. Prudens cautusque erit in interrogationibus, ne rudibus præsertim, atque
utriusque sexus iunioribus ad novum & numquam antea attentatum scelus occasionem
aperiat, atque det: bi tamen de peccatis, quorum nullam in confessione mentionem
fecerunt, & in quibus probabiliter existimari possunt deliquisse, prudenti cautione in-
terrogandi erunt, ne aut pudore, aut ignorantia celent peccata.

VIII. REGULA QUARTA. Prudentia Confessarii in hoc maxime elucere de-
bet, quod patientia vere christiana, & mansuetudine evangelica suscipiat, audiat,
tractetque pœnitentes suos, Confessariis potissimum quadrat dictum Apostoli: Pa-

tien-

tientia vobis necessaria est. Si pœnitentes deprehendant ex gestu, verbo, motu, vultusque mutatione, tædio & fastidio affectum Confessarium, animos despondent, linguæ eorum steriles fiunt, & vix audent confessionem persequi; præsertim si crimina enormia, & nefanda sint. Ita ergo Sacerdos præsentiam personæ suæ componat, ut gravitas & lenitas, ut patientia & caritas, ut iustitia & clementia simul confederatæ resplendant. Hinc consequetur ut pœnitentes, Confessarium ita compositum spectantes, venerationem & confidentiam, reverentiam & fiduciam concipiant. Confessiones æquo animo (inquit S. Carolus in instruct. Confess.) audiant, nec pœnitentes inconfessos dimittant ex labore, quem fugiunt; nec egro eos audire quoquomodo significant: sed e contra efficiant ut pœnitentibus innotescat, sibi gratissimos esse pro eorum salute labores.

IX. Has dotes ut assequatur Confessarius, iugi, ferventique oratione implorare a Deo illas debet, quemadmodum se fecisse S. Ambrosius *Lib. II. de pœnit. cap. VIII.* testatur. *Sum, inquit, minimus omnium Episcoporum, & infimus merito. Tamen quis ego & laborem aliquem pro sancta Ecclesia tua suscepi, hunc fructum tuere; ne quem perditum vocasti ad Sacerdotium, eum Sacerdotem perire patiaris: ac primum, ut condolare norim peccatoribus affectu intimo. Hac enim summa virtus, quia scriptum est: Et non gaudebis super filiis Iuda in die perditionis eorum. Sed quotiescumque peccatum alicuius lapsi exponitur, compatiar: nec superbe increpem; sed lugeam, & desileam: ut dum alium fleo, me ipsum desileam dicens: Iustificata est magis Thamar quam ego. Fortasse adolescentula lapsa sit occasionibus, quæ delictorum fomites sunt, decepta, ac præcipitata sit: peccamus & seniores. Repugnat in nobis lex huius carnis legi mentis nostræ, & captivos nos trahit in peccata, ut faciamus quod nolumus. Illi de ætate suppetit excusatio, mihi iam nulla: illa enim debet discere, nos docere. Ergo iustificata est magis Thamar quam ego. Incusamus alicuius avaritiam: recordemur, si nihil ipsi avaro fecimus. Et si fecimus... dicamus singulis: Iustificata est magis Thamar quam ego. Si commoti fuerimus in quemquam graviter, leviozem causam laicus habet quam Episcopus, eo quod commotus egerit aliquid: retrahemus nobiscum, & dicamus: Iustificatus magis isto, qui vi commotionis agitur, quam ego.*

X. REGULA QUINTA. Cum benignitatis oleo, ne peccator desperet, coniungat prudens minuter severitatis acerum, ne plaga tabescens periculosior fiat. Postquam patientia, & mansuetudine peccata audivit, & salubria monita dedit, imponat satisfactionis pœnam, applicet curandis vulgneribus remedia, & pharmaca efficacia, & consentanea statui, ætati, valetudini, criminumque gravitati, passionum furori, aliisque circumstantiis plus & minus, prout evangelica suggerit prudentia. Si pœnitentes difficiles se præbent iugo satisfactionis subeundo a te prudenter imposito, dubitandi fundamentum adest de eorum dispositione, nisi

evidentes rationes allegent. Communiter ad veras, prudentesque satisfactiones poenitentes obtupestunt, easque recipere variis prætexitibus recusant, quod ob similia crimina ab aliis Confessariis minus peritis leves acceperint. Animo tuo hoc hæreat altius infixum : Confessarii plurimi deficiunt, utinam & non delinquant in nimia satisfactionum benignitate : pauci, & raro ætate nostra ob excessum peccant. Plura de satisfactione agens adduxi SS. Patrum testimonia. Unum & alterum nunc transcribo.

XI. S. Cyprianus *epif. lv.* hanc benignitatis, & iustæ vindictæ societatem fuisse describit, & *Lib. de lapsis* hæc inter plura alia habet. *Si iudicium nostrum voluerint experiri, veniant. Denique si qua illis excusatio, & defensio potest esse, videamus quem habeant satisfactionis suæ sensum, quem afferunt patientiæ fructum. Nec Ecclesia isthic alicui clauditur, nec Episcopus alicui denegatur. Patientia, & facilitas, & humanitas nostra venientibus præsto est. Opto omnes in Ecclesiam regredi : opto universos commilitones nostros intra Christi castra, & Dei patris domicilia concludi. Remitto omnia, multa dissimulo studio, & voto colligenda fraternitatis, etiam quæ in Deum commissa sunt, non pleno iudicio religionis examino, delictis plusquam oportet remittendis pene ipse delinquo. Amplector prompta, & plena devotione cum poenitentia revertentes, peccatum suum, satisfactione humili & simplici consistentes. Quod Cyprianus de se timebat, puto vix esse Confessarium, qui solidius formidare & exclamare non debeat: Delictis plusquam oportet remittendis pene ipse delinquo. Si enim S. Martyr, tanta divinæ lucis copia perfusus, quique tanta severitate, iuxta illius temporis disciplinam delicta puniebat, nimiam indulgentiæ & laxitatis criminem reformidabat; quantum verendum nobis est, qui vix centesimam poenæ partem imponimus pro iisdem criminibus? Numquid nos Cypriano doctiores? Numquid nos fulgentiore lumine illustrati? Sed audiamus ipsum Clerum Romanum, qui *epif. xxxi.* ad Cyprianum hæc scribit. *Absti ab Ecclesia Romana rigorem suum tam profana facilitate dimittere, & nervos severitatis eversa fidei maiestate dissolvere; ut tum adhuc non tantum iaceant, sed & cadant everforum fratrum ruina, perpetrata nimis remedia communionum, atque non profutura, præstentur, & nova per misericordiam falsam vulnera veteribus transgressionis vulneribus imprimantur, ut miseris ad conversionem maiorem eripiantur & poenitentia. Hæc & alia plurima, quæ infra referam, si animo a præiudiciis vacuo ineditatus fuisset P. Francohnus, forte non ita intrepide vociferatus fuisset: Cave a Rgorismo: cave a Rigorismo. Nam, ut alias dictum, & dicendum sæpius est, passim in Scripturis, passim in Patribus, in Conciliis omnibus e contrario exclamatur. *Væ qui consuunt pulvilles sub omni rubito manus, & cervicilia &c. Væ Prophetis insipientibus, qui dicunt, Pax pax, & non est pax. Popule meus, qui te beatum dicunt, ipsi te decipiunt. Propter pugillum bordei, & fragmen panis transicarunt animas quæ non vivunt.* Hæc,**

&

& sexcenta similia occurrunt in Scripturis divinis . Eodem zelo detonant Patres cuiusque ætatis. *Pulvillus quippe sub omni cubito manus ponere* (inquit S. Gregorius II. Part. Pastor. cap. ix.) *est blanda adulatione refovere. Quasi enim pulvillo cubitus, vel cervicalibus caput iacentis excipitur, eum correptionis duritia peccanti subtrahitur, eique mollietas favoris adhibetur, ut in errore mollior iaceat, quem nulla asperitas contradictionis pulsaret.*

XII. REGULA SEXTA. Confessarius pœnitentium familiaritatem declinet . Munera ab iisdem absolute non recipiat.

Munera, crede mihi, placent hominibusque, deosque.

Sed, missis ethnicis Poetis, Spiritus sanctus *Deut. cap. xvi.* inquit : *Non accipies personam, nec munera: quia munera excæcant oculos sapientum, & mutant verba iustorum.* Ut diximus sub initium, Confessarius personam Dei, & iurisdictionem, atque potestatem Dei exercet, dum peccata remittit . Nihil ergo in hoc sacro ministerio sive ante, sive post agere debet, quod illud humanum, & mundi illecebris inquinatum efficiat.

XIII. REGULA SEPTIMA. Prudentia Confessarii summopere elucere debet in seminarum confessione. Eva suis blanditiis Adam seduxit. Ad mulieres audiendas obarmet se Confessarius, & divinis præsidii se munit, ac si serpentis sibilos excipere deberet. Alitus, vox, suspiria, lacrymæ ipsæ seminarum veneficia & præstigia sunt, quæ magnetica quadam vi cor humanum inficiunt . Traçter Confessarius mulieres ea cautione & circumspectione qua illas tractaret, si peste, si lue immanissima infectæ forent. Recordetur, plures in ipso tribunali ex iudicibus reos æternæ mortis evasisse, & periisse . Nullam cum iisdem familiaritatem ineat : quia spiritu incipere, & in carnem desinere solet. Illa intima communicatio, & totius interioris animi manifestatio, qua semine Confessario vulnera sua exponunt, superat illam quæ cum maritis ipsis intercedit. Nisi tota in Deum ordinata sit, si quidquam humani immisceatur, omnia in corruptionem recident . Numquam Confessarius, infirmitatis causa excepta, illarum domos adeat , numquam & numquam, inquam, cum iisdem colloquia familiaria misceat, nisi de iis quæ ad animæ salutem necessaria sunt . In tribunali nec verbum de rebus quæ ad æternæ salutis negotium non attinent, habeatur. Graviter semper cum mulieribus præferat Confessarius, munuscula ab eisdem non accipiat. Numquam illas audiat, nisi precibus munitus, & Dei præsentia obarmatus . Sermones tempore breves sint. Praxis, inquit, & fere universalis contraria est . Non me latet. At non me latent etiam plura absurda. Consule tibi, & numquam severioris supercilii eum feminis adhibiti te pœnitebit ; familiaritatis vero pœnas dabis. Illud altius animo tuo insculptum hæreat . *Melior est iniquitas viri quam mulier benefaciens: Eccli. xxxi.* Muliercularum linguæ, lanquei sunt, quibus dæmon

ani-

animas cupit, & irretit, & non raro iugulat. Sis æneus, & ferreus: tenella mulierculæ verba te emollient. Sis pulvere aridior, sint casti pœnitentis tuæ, & aqua simpliciores mores; familiaria tamen cum illa colloquia lutum conflagunt. Lugubria historiarum monumenta lapsus gravium etiam virorum ex mulierum necessitudine spiritualis regiminis fūco testā perhibent. Heine Patres clamant: *Brevis & rigidus cum mulieribus sermo est habendus*. Factæ sunt mulieres propter virum; idcirco illius societate magnopere, & alloquiis gaudent: & quæ in mundo homine carent, illum in sacro templo reperire student. Mulieres devotæ Confessarios suos ardentiori dilectione prosequi solent quam uxores maritos. Heine illæ placendi Confessariis sollicitudines & zelotypiæ, ne aliæ apud ipsos favore & gratia magis præstent. Heine in Confessariis non paucis tam heroica pseudopatentia in audiendis illarum longissimis sermonibus, seu verius confabulationibus. Tempore quo Confessarius unius devotæ femellæ confessionem audit, viginti viros sanctificaret. Et tamen numquam illa contenta, semper conqueritur, te ab illa alieno esse animo; propterea tuis commodis, & honori inservit, ut existimari a te mereatur. Animæ revera christianæ in suis tentationibus, molestiis, & afflictionibus, orationis scutum sumentes ad Deum confugiunt, a quo lumen, & opem efflagrant: ab eo sperant propriarum infirmitatum levamen, tentationum victoriam, & perseverantiæ gratiam. Mulierculæ devotæ omnem suam fiduciam collocant in colloquiis cum Confessario. Millies eadem repetunt, quæ audiri, nisi aliquis intimus affectus, eo potentior, quo occultior, & pietatis larva contextus, molestiam devinceret, minime possent. Quo frequentiora sunt colloquia, eo reciproce dilectionis flamma ardentior erumpit, firmatur mutua adhesio, roboratur necessitudo, & verus caritatis spiritus in dies languet. Carne enim & spiritu invicem belligerantibus, numquam pars altera vincit, quia altera succumbat, & debilitetur. Vitia ipsa sibi perenne bellum gerunt. Abstinent a vanis solatiis, a mundi oblectamentis & præstigiis mulieres devotæ, quia affectus & adhesio ad Confessarium est vitium dominans, arque triumphans. Plura dicenda forent, nisi graviora instarent. Cum prudens Confessarius hanc ægritudinem deprehendit (& facillime deprehendere illam valet) continuo ad alium Confessarium devotam pœnitentem, quam sibi valde adhærescentem cognoscit, remittat. Nisi hoc uti separationis remedio velit, summopere verendum est ne & Confessario, & pœnitenti ea eveniant quæ parere utriusque sexus familiaritas consuevit.

CAPUT V.

De scientia Confessarii. Nonnulla P. La-Croix, Gobat, & aliorum axiomata, tamquam evangelicæ simplicitati contraria, refelluntur.

I. **A** Qua mihi hæret, & vix, unde orsa capere in negotio non minus implicato quam gravissimo debeam, lumen affulget. Confessarius iudex federe debet, ut crimina contra legem Dei patrata iudicet, vindicetque. Exacta ergo plus minusve, & quantum humanæ ferunt vires, legis istius scientia necessaria illi est. Ubinam lex ista? In Scripturis sanctis, in Evangelio, in apostolicis libris? Libros ergo istos diurna nocturnaue manu versare Confessarius, & doctrinæ capita in iisdem contenta, quæ mandata legis continent, callere alstringitur, antequam iudex sedeat ad sententiam fin istius legis transgressores pronuntiandam. Obvia hæc sunt. Quilibet artifex artis suæ regulas habere perspectas debet. Nemo in bello dux præficitur, nisi qui rei militaris gnarus fuerit. Neque hæc maiori explicatione egent.

II. Attente legi præcipuos Moralistas, qui præ ceteris hodie sunt in Confessariorum manibus, Lugo, Salmanticenses, Leandrum, Sporer, Viva, La-Croix, & alios, qui omnes de Confessarii scientia disputant. Istorum nemo ad legem in sacris codicibus addiscendam, ad Patres, ad Concilia te mittit. Omnes adfirmant requiri in Confessario scientiam, qua discernere sciat inter peccata mortalia & venialia in his quæ communiter occurrunt, inquit Salmanticenses *tract. VI. cap. XII. puncti. num. 4.* & citant Lugo, Granadum, Dicastillum, Antonium a Spiritu sancto, & alios similes. Similia docent Sporer, Viva, Leander, Bonacina, & communiter Casuistæ.

III. P. Claudius La-Croix, qui præ ceteris omnium Casuistarum opiniones collegit, *Lib. VI. part. II. num. 1788.* hæc scribit., „ Putant *Lamas*, & *Stoz* ad hoc munus (Confessarii) satis DOCTOS esse illos qui integram SUMMAM CA- „ SUUM diligenter *legerint*, vel attente AUDIERINT *explicari*. Quod si quis de „ seipso dubitet, sistat se examinatorebus ab Episcopo, vel Superiore constitutis : „ qui si eum satis scire iudicent, potest acquiescere, & cum fiducia in Deum ag- „ gredi functionem, quamvis omnium maximam, & gravissimam. *Stoz, Sporer.* “

IV. Quis legere hæc potest, quin commoveatur? Sat ergo erit legere *Summam Lamas*, quæ laxarum opinionum compendium est, vel eiusdem explicationem attente audire? Axioma adeo laxum est, ut, cum vel ipsis lectoribus admirationem ingesturum præviderit P. La-Croix, idcirco subdiderit : *Si quis de se ipso dubitet, sistat*

sistat se examinatribus &c. Et si approbatus fuerit, ascendat tribunal Dei, aggrediatur opus omnium maximum. At plurimæ casuum Summæ non verbum Dei, ad cuius amussim ferre iudicium debet Confessarius, sed hominum opiniones, & quidem non paucas laxissimas, & scandali plenas continent: quàmobrem eam Sanctorum scientiam non exhibent, quæ satis sit ad tantum ministerium rite relictæque exercendum.

V. Pergit idem P. Claudius La-Croix instruere Confessarium in scientia comparanda pro audiendis confessionibus: & hanc regulam subiicit ibidem num. 1791. pag. 284.

VI. *Reste notat GObat tract. vii. num. 321. Confessarium debere scire SENTENTIAS PLURES, quæ vere probabiles sunt, circa materias morales, eo quod sæpe, ubi non agitur de valore sacramenti, non possit, nec expediat pœnitentes dirigere SECUNDUM UNICAM DOCTRINAM; tam parum, quam medicus possit omnes unica medicina sanare; sed pro diversitate subiecti, & circumstantiarum debet has aut illas applicare; attamen observare debet hoc quod dixi num. 1737.* Hoc ultimo loco, ad quem te remittit P. La-Croix, luculentius explicat, se non de varietate remedium, sed de diversitate sententiarum loqui, ut mox clarius patefaciam. Mirificam nunc regulam expendamus. Crumenam ergo plurium sententiarum plenam habere Confessarius debet, & pro diversitate pœnitentium illas expendere. Non expedit pœnitentes dirigere secundum unicam doctrinam? Non unica ergo lex Dei, non unica doctrina Christi, non unicum Evangelium, non una fides, non unum baptisma? Siste gradum, & meditare quæ scribit P. Gobat *tract. vii. num. 321.* „Plurimum iuvat ad prudenter administrandum hoc „sacramentum habere in recenti memoria, & usu quasdam regulas, documen- „ta, seu APHORISMOS, sparsa hinc inde per libros sapientissimorum Theolo- „gorum. “ Quinam isti sapientissimi Theologi? Caramuel, Diana, Leander, Sanchez, Burgaber, Tamburinus, Escobar, Bonacina.

VII. Sed audiamus unum ex aphorismis quem P. Gobat *ibidem num. 325.* assignat. „Quandoquidem in Clypeo clem. iudicum ostendemus, esse moraliter se- „re certum, per se loquendo, licere utramlibet ex duabus opinionibus vere & „practice probabilibus sequi; & tamen certum est etiam quandoque ratione va- „riarum circumstantiarum incumbere Confessario obligationem una potius quam „altera utendi: *idecirco notent Confessarii* verissimam doctrinam P. Lessii, quam „tradit in præf. sui oper. de iur. & iust. *scilicet contrariorum opinionum prædico „probabilium cognitionem esse COMMODOSSIMAM, & fere necessariam conscientie „foro.* Quare non censo illis Confessarios sat bene suo officio fungi posse qui „sunt, ut dici solet, tantum unus sententiæ doctores. “

VIII. Duo hic docet P. Gobat, alterum verum, alterum falsum. Verum dicit,

cit, dum ait, crumenam *contrariorum opinionum prædixæ probabilium* plenam, esse COMMODISSIMAM. Quid enim commodius quam abundare variis monetis, seu opinionibus, & quidem *contrariis*, & iuxta personarum ac temporum circumstantias varias, modo unam, modo alteram expendere, prout commodius cadit?

IX. Alterum falsum est, nempe quod Confessarii qui reiecta hac *contrariorum opinionum* praxi, utuntur unica doctrina evangelica, vel quam iudicant Evangelio propinquiorem, non sat bene fungantur officio suo. Quid? An Christus Dominus severissime non præcepit sermonis simplicitatem: *est, est; non, non?* An Paulus cum ceteris Evangelistis, & Apostolis non præcipit ut idipsum sapiamus omnes? An Christus Dominus hanc opinionum prælia cavenda non iubet Matth. xxiv. *Videte ne quis vos seducat Audituri enim estis prælia, & opiniones prætorum. Videte ne turbemini. Oportet enim hæc fieri, sed nondum est finis.* Non ergo nobis opponant, quod reipsa obtinet hæc *contrariorum opinionum* praxis plurium Doctorum auctoritate firmata. *Oportet enim hæc fieri.* Verum sancta Romana Sedes suos fideles voce Alexandri VII. a periculo præservat, improbens *summam illam luxuriantiam ingeniorum licentiam in dies magis excrefcentem, per quam in rebus ad conscientiam pertinentibus MODUS opinandi irrepfit alienus omnino ab evangelica simplicitate, sanctorumque Patrum doctrina, & quem hæc pro vella regula fideles in praxi sequerentur, ingens eruptura esset christiane vite corruptela.*

X. Ea profundiori humilitate qua valeo, peto, an modus opinandi quem proponunt La-Croix, & Gobat, non sit ille ipse quem Alexander VII. execratur? Nam Confessarius *contrarias doctrinas* adhibere debet in ipsa sacramenti pœnitentiæ administratione. Et Confessarii qui hac opinionum contrarietate non utuntur, inepti sunt officio suo, iuxta P. Gobat, & La-Croix. Ergo omnes Apostoli; omnes Patres, omnes Sancti qui hanc *contrariorum opinionum praxim* secuti non sunt, immo eam penitus ignorarunt, non sat bene functi sunt officio suo? Ante hunc novum opinandi modum, omnium corruptelarum fontem, omnes sapientes cæcutiere? Sed ultra pergamus.

XI. Alius *aphorismus* quem ibidem exhibet P. Gobat, est huiusmodi. Quando Confessarius videt pœnitentem, *salutis suæ admodum studiosum, valdeque cupidum perfelle adimplendi vel in omnibus rebus, vel in certis quibusdam voluntatem divinam, communiter consultum est ut hic cum tali procedat secundum doctrinas tutiores, adeoque rigidiores: censetur enim ita tacite velle eiusmodi pœnitens. Et quidni huic optimæ opinioni laudabilissimæque voluntati acquiescat Confessarius? Scelestissimus esset Confessarius, ni acquiesceret huic laudabilissimo aphorismo, quo Christianos revera iustos & probos sibi conciliat. At istæ doctrinæ tutiores, & rigidiores sunt ne veræ? Immo verissimæ. Recte & bene.*

XII. Tertius aphorismus quem *ibidem* num. 326. porrigit Confessario P. Gobat ; eiusmodi est. „ Ita etiam propter eandem omnino rationem mitigandæ sunt , „ aut potius deferendæ opiniones severæ , quando ita expedit ad salutem pœnitentis. Et sicut idem Coninch num. 73. monet Confessarium numquam debere „ talem pœnitentiam iniungere quam credat pœnitentem non esse perfecturum ; „ ita nec Confessarius debet pœnitenti aliquam e probabilibus sententiis tamquam „ necessario sequendam proponere , si videat illum eam repudiaturum. Quare dubitandum non est quin Confessarius in lege caritatis possit quandoque impingere , dum *Catonianam* severitatem imitatur , insuper habita lenitate *Cæsariana* ; „ ut si præfracte neget absolutionem reo confesso , cum impertiri possit ex OPI- „ NIONE PROBABILI. “ Primum hæc doctrina absolute prolata P. Gobat damnata certo est ab Ecclesia ; sed excusandus Auctor est , ad hoc quod attinet , quia ante damnationem scripsit. Ideo P. La-Croix , qui post damnationem scripsit , adiecit particulam , *ubi non agitur de valore sacramentorum* . Addit quoque La-Croix *loc. cit.* cum eodem Gobat . *Medicus non potest omnes unica medicina sanare ; sed pro diversitate subiecti & circumstantiarum debet has aut illas applicare* . Duo omnino diversa confundunt hi Auctores . Remedia applicanda pro pœnitentium diversitate confunduntur cum diversitate sententiarum , quæ agunt de honestate vel malitia actionum . Unica Christi doctrina , ut ex Tridentino Concilio explicatum est , præscribit , ut pro pœnitentium facultate , statu , ætate , infirmitate &c. applicentur diversa remedia . Nemo de hoc ambigit , perperamque obruduntur ad incrustandam falsam , & , ut mitissime loquar , offensusculi plenam assignatam regulam de pluralitate doctrinarum de eiusdem actionis malitia & honestate . Spiritus ergo doctrinæ P. Gobat , & P. La-Croix est , ut Confessarius habeat *plures sententias* , & *non unicam doctrinam* circa idem omnino testamentum , circa eundem omnino contractum , circa eandem omnino actionem bonam , vel malam . Ne vero cavillari de more adversarii possint , me integre laxas opiniones Casuistarum non recensere , adverto P. La-Croix remittere Lectorem ad ea quæ *loc. cit.* docet num. 1737. Hic autem docet , Confessarium debere sequi opiniones illas quæ sunt pro valore sacramenti , deinde quæ sunt pro maiore utilitate pœnitentis : utiliores autem iudicant Probabilistæ quæ sunt benigniores . Præterea , inquit , *si possit , debet sequi tutiores : nam sine iusta causa velle se , aut pœnitentem exponere periculo erroris quantumvis materialis , est imprudentia* . Unde , *si pœnitens ostendat se paratum ad sequendum id quod est probabilius , vel tutius , tenetur Confessarius per se loquendo eum dirigere secundum opiniones probabiliores , & tutiores* . Quomodo autem Confessarius possit aut debeat SE ACCOMMODARE OPINIONI POENITENTIS , dixi Lib. I. art. 2. 443. Ibi autem docet , posse , & teneri Confessarium se accommodare opinioni pœnitentis etiam

etiam minus probabili, & contrariæ opinioni Confessarii probabiliori. Idem docet Gobat, & clarius.

XIII. Hæc omnia proferre debui, ne consuetam imposturam obtrudere quicumque audeat, me minus sincere transcribere opiniones laxas. Habes nunc pleno in lumine expositum spiritum Probabilismi. Confessarius, antequam ingrediatur *confessionale*, legat Dianam, Lamas, Stoz, La-Croix, Gobat, ubi super eadem omnino actione inveniet plures sententias contrarias, probabiliores, & minus probabiles, alias faventes legi Dei, alias faventes libertati, & cupiditati pœnitentis. Si pœnitentes voluerint sequi probabiliores, & tutiores, Confessarius tenebitur secundum easdem dirigere pœnitentes. Papæ! Hoc unum deesset malorum, quod etiam si pœnitentes vellent sequi quod probabilius & tutius est, Confessarii ab hac via securiori eisdem detruderent. Nemo hactenus id docere ausus est. Dicit tamen P. La-Croix, quod *per se loquendo* ad id Confessarius tenetur. Unde consequitur quod *per accidens* in aliquo casu possit Confessarius adducere pœnitentes, volentes sequi opiniones probabiliores & securiores, ne easdem sequantur. Si postea pœnitentes velint calcare viam blandiorem, & latiusculam, tum Confessarius, reiecta *Catoniana severitate*, inquit P. Gobat, adhibeat opiniones mitiores, minusque probabiles, genio pœnitentium accommodatas, dummodo sint praxice probabiles. Ut autem sint vere & praxice probabiles, sat est ut doceantur a pluribus, seu a sex, vel octo Casuistis. Quare merito notat Gobat debere Confessarium, in armariolo mentis suæ habere plures sententias contrarias, quia non potest dirigere pœnitentes secundum *unicam doctrinam*. Hæc doctrina Gobat, & La-Croix, est totus spiritus Probabilismi. Quid, si Confessarius esset curtæ memoriæ, non capientis plures sententias? Tunc iuxta P. Thomam Sanchez, aliosque Probabilistas, pœnitens circumeat civitatem, donec inveniat Confessarium vastæ memoriæ, qui habeat opinionem vere probabilem sibi faventem, quæ defendatur a Lamas, Stoz, Gormaz, Leandro, Diana, Camuele, Tamburino: sat enim est, ut propugnetur a sex, vel ab uno doctissimo. Si pœnitentes velint per arctam Christi viam ambulare, per hanc eos dirigat Confessarius. Si oppositam blandiorem latioreque calcare velint, huic se se accommodet Confessarius, dummodo fax minoris probabilitatis præcedat. Sileo plura, ne Casuistæ me tamquam declamatorem redarguant. Hæc omnia pio cordatoque lectori christiano meditanda relinquo.

XIV. Lubet huic rei finem imponere verbis sapientis Iesuitæ P. Michaelis Eliazalde, qui *Lib. VI. part. 11. quæst. xix. §. 2.* sic clamat. Numquam mirari certe satis possumus horum hominum inconsiderationem: qui hinc quidem clamant, veritatem inveniri non posse, nosque ideo lacerant, quia ad veritatem ipsam legum obligamus, eamque unicam conscientie regulam constituimus; aliunde vero ad omnia

tam

tam obviis, inventuque faciles habent sapientes, & prudentes, ad quos singulos nos remittant, cum vel pueris a principio Logicæ notum sit, sapientem sine cognitione veritatis non constare. Quare vel noscunt homines nunc aliquos qui in omnibus, vel plerisque saltem quæstionibus moralibus veritatem revera ipsam legum nostrarum norint, vel nullas similes agnoscunt. Si secundum, plane nugantur, dum ad sapientes nos mittunt, ipsis primum, & a fortiori nobis, & idiotis ignotos: & quod dicunt de veritate, hoc idem de sapientibus constituere deberent, eos scilicet latere, nec inveniri posse. Sin vero homines aliquos norunt qui in omnibus, vel plerisque quæstionibus moralibus veritatem ipsam directam legum norint, profecto ineptiunt, dum aiunt veritatem vel semper, vel saltem plerumque inveniri non posse; & nos carpunt, quia ad eam obligamus: quia cundo ad hos sibi tam notos, & obvios homines veritas invenitur. Quis, oro te, eo usque despiat, ut dicat, vinum inveniri non posse, venditores vero vini posse; divitias inveniri non posse, divites vero esse obvios, & patentes? At non minus, opinor, fatuum est, sapientes ponere, vel vocare, qui cognitione veritatis ipsius careant, quam qui divitiis careant, divites ponere, vel vocare . . .

Itaque modi prædicti exponendi scientiam Confessariorum, & Doctorum sunt insufficientissimi . . . Deinde hi modi opinandi de communi modo, de humano modo &c. humanum sapiunt; & is finis esse videtur, ut approbetur, & salvetur quidquid omnino, vel a plerisque communiter fit: quod aliud non est quam per consuetum tamquam per regulam docere, & philosophari contra scitum. Non dixit, Ego sum; sed ego sum veritas. Et iuxta illud Cypriani: Consensere iura peccatis, & cœpit esse licitum quod publicum est. Item iuxta illud sæpe usurpatum Augustini: An hoc omnes non faciunt? Et quis non facit? &c. Quasi dicas in præfenti: An omnes hoc modo confessiones non audiunt, & casus non resolvunt? Et quis non facit?

XV. Robusta, & urgens, atque sensibus accommodata doctissimi Iesuitæ argumentatio est. Dicunt Probabilistæ, veritatem, atque adeo Deum, qui veritas est, inveniri non posse. Deinde nos ad Stoz, ad Gormaz, ad Dianam, ceterosque Casuistas omnibus obvios, inventuque faciles remittunt. Sunt ne isti Doctores veritatis? Ais? AEque ergo facile veritas invenitur, ac veritatis Doctores. Inficiaris? Inveniuntur ergo Doctores sapientes sine veritate, divites sine divitiis, venditores vini sine vino, venditores auri absque auro? Sed iterum loquatur Cl. Iesuita Elizalde, qui sic ibidem persequitur.

XVI. „ Profecto modi illi philosophandi, declarandique Confessariorum, & Doctorum sufficientiam usurpari eodem pacto potuerunt Prophetarum, & Salvatoris tempore pro sufficientia Doctorum illorum, tamque durum, & odiosum
„ tunc fuisset plerosque illos magistros insufficientes dicere, quam modo. Cum

„ rursus iuxta Apostolum plurimi adulterarent verbum Dei, communis, & hu-
 „ manus modus tum videri potuisset, quod hi plurimi faciebant. Et si modo ad-
 „ essent, ne eorum tantam multitudinem insufficientem diceremus, & ad odium
 „ concitarem, is communis modus, & plurimum probandus veniret. Idem di-
 „ vinitissimus Apostolus coacervatos etiam magistros morum, & confusam multi-
 „ tudinem fore prædixit. Dicis causa fingamus, tempus illud advenisse. His sa-
 „ ne viis de communi modo, de humano modo, & similibus eorum sufficientia
 „ probari deberet: et si quis Timotheus contradiceret, & præterea etiam incre-
 „ paret, omnis ei doctrina, & patientia esset necessaria. Nam omnes hos coa-
 „ cervatos magistros, eorumque auscultatores, qui erunt plerique, ut supra dixi-
 „ mus, *haberet sibi valde infensos, & superbus ipse, ac intolerabilis videretur.*
 „ *Patet ergo ex his, & aliis obviis modis diſſis taxandi ſufficientiam Confessario-*
 „ *rum, & Doſſorum eſſe nimis humanos, & qui temporibus etiam periculosis, ac*
 „ *malorum magiſtrorum, quibus utique fortiter reſiſtendum erit, uſurpari queant.*
 „ *niſi aliis viis Confessariorum noſſorum, & Doſſorum, vel omnium, vel plerum-*
 „ *que ſufficientia declaretur, & ſtatuatur.* “

XVII. Paucis rem concludo. Contrariarum opinionum una sola vera est. Si
 hæc vera, altera necessario falsa. Duæ ergo doctrinæ oppositæ, quarum alte-
 ra vera, altera falsa est, in paradysum ducunt? Falsitas in paradysum ingreditur?
 Error cum Deo regnat? Confessarius habere debet contrarias doctrinas de
 eadem re? Sileo, & lacrymor, ne dicant me satyram scribere, dum simplicis-
 sima oratione historiam casuisticam sane lugubrem identidem texo. Paradoxa
 typis edita, dum ob oculos ponuntur, offendunt, & horrorem ingerunt, non
 scriptoris narratio.

§. I.

Unde suam haurire scientiam Confessarius debet?

I. **M**edicus primum omnium exactam anatomicam cognitionem totius con-
 formationis corporis humani sanandi, nec non & partium, quibus ad-
 mirabilis illa machina compacta est, comparare sibi debet. Quoniam in hac parti-
 tum inter se harmonia, & consensu sanitas viget, & ex earundem dissensione
 proficiscitur ægrotudo. Morbus qui exterius prodit, curari nequit, nisi radix &
 intima causa mali tollatur, omnesque corporeæ machinæ partes in naturalem
 harmoniam restituantur. Similiter Confessarius sciat primum necesse est, huma-
 næ naturæ infirmitatem per peccatum originale inductam, cordis humani affe-
 ctiones, vulnera, ulcera, secretosque recessus, desideria, appetitiones, quibus vel-

uri undarum fluctibus anima agitur. Sciat oportet infirmitatem prævalentem in universum genus humanum esse superbiam, unde bella, inimicitie, odia in Deum & proximum, & cetera scelera proficiuntur. Post exploret, quodnam in quolibet homine sit vitium, seu passio dominans. Latebras occultiores humani cordis penetrare discat. Hæc sunt veluti præambula, de quibus fufe pertracto *Tom. I. Appar. ad Theolog. christ. diff. 1.* quæ consulere poteris, ad scientiam Confessario necessariam comparandam.

II. Hanc hominum naturam vulneratam, sauciata, lepra & peste contaminatam curare, & veluti picturam deformem horrendamque restituere ad pristinum splendorem, videlicet ad Iesu Christi exemplar reformare, debet, ut ad *Rom. v. 11.* Apostolus docet. *Quos præcivit, & prædestinavit conformes fieri imaginis Filii sui, ut sit ipse primogenitus in multis fratribus.* Sicut pictor qui aliquam transcribit imaginem, exemplar ob oculos habeat necessum est; ita Confessarius qui reformare deturpatam corruptamque peccatorum imaginem vult, Christi IESU fulgentissimum exemplar præsens semper habere debet. Christi IESU ergo vitam, acta, leges, mandata, consilia serio meditetur. Ubi autem discere Confessarius debet hæc quæ recensui? In Summulis, in Medullis Lamas, Stoz, Zanardi, Bonacinæ, La-Croixii, & similium, si maxima istorum voluminum pars tota conflata est ex hominum opinionibus directe contrariis? Una autem est Christi doctrina. Scripturas sanctas, & præsertim Evangelia tota mentis indagine perferutari Confessarius debet. Pauca hic cursim indicabo, cum de hoc argumento fusiorem *cit. Tom. I. Appar. diff. 1.* sermonem habeam.

III. Sanctissimus Apostolus Paulus totus est in suadendo animarum rectoribus Scripturarum studio. Sufficiat mihi ea quæ *II. ad Timoth. cap. 11.* docet, referre. Prædicat primum errores, & flagitia novissimorum temporum, ad quæ nos celerrime properamus. Post ad Timotheum conversus inquit: *Tu autem assensus es meam doctrinam, institutionem, propositum &c. Tu vero permane in iis quæ didicisti, & credita sunt tibi, sciens a quo didiceris: & quia ab INFANTIA sacras litteras nosti, quæ te possunt instruere ad salutem per fidem quæ est in Christo Iesu. Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia. Ut perfectus sit homo Dei, ad omne opus bonum instructus.* Hominem Dei appellat Paulus Christianum, qui imagine exuta terrestri, cælestem præferre debet. Hanc autem imaginem penicillo non Casuistarum, sed Evangelistarum Christus delineavit. Hos ergo adire Confessarius tenetur.

IV. Theologi communiter asserunt, scientiam Confessario necessariam esse, qua inter lepram & lepram distinguat, sciatque quæ mortalia, quæ venialia peccata sint. *Hanc communissimam sententiam* (inquit P. Elizalde *Lib. VI. part. 11.* quæst.

quæst. XIX. §. 8.) ego de plano suscipio totam, modo ea historiam reflexam opinionem intelligendo, totam significatum non evertat. Casuistæ communiter, & præsertim P. La Croix, historiam opinionum probabilium in utramque partem texunt. Er hac historia casuistica Confessarii distinguere inter lepram & lepram solent. Hanc vero scientiam reflexam penitus ego improbo, subdit P. Elizalde, tamquam Scripturæ sanctæ repugnantem. Deus enim Deuter. cap. XVII. hæc præscribit. *Si difficile & ambiguum apud te iudicium esse perspexeris inter sanguinem & sanguinem, causam & causam, lepram & lepram: & iudicium intra portas tuas videris verba variari: surge, & ascende ad locum quem elegerit Dominus Deus tuus. Veniesque ad Sacerdotes Levitici generis, & ad iudicem, qui fuerit illo tempore: quæresque ab eis, qui indicabunt tibi iudicii veritatem. Et facies quodcumque dixerint, qui præsumt loco quem elegerit Dominus, & docuerint te iuxta LEGEM eius; sequerisque sententiam eorum: neque declinabis ad dexteram, neque ad sinistram.*

V. Laudatus P. Michael Elizalde plures, & more suo doctissimas animadvertiones in hunc textum adornat. Ne mihi succenseant Casuistæ, calamo utar huius celebratissimi Iesuitæ inquentis. „Hic est integer textus, tritus quidem, sed doctrinalissimus, ac Probabilistarum maxime vias & modos ... e medio tollens... „Textus quidem de cognitione legis magis in specie statuit, quo tamen a fortiori in causis fidei Orthodoxi uti passim solent. Non ergo ex solutiones adhiberi poterant, quibus admittis nihil ille adversus hæreticos valeat. Talis profecto foret NUGA illa de foro interno, & externo, quasi de hoc, non de illo accipiendus sit.“

VI. Paucis nunc perstringam quæ adversus Probabilismum seu historiam reflexarum opinionum opponit doctissimus Theologus. Iudicant Probabilistæ reflexivæ inter lepram & lepram beneficio opinionum oppositarum. Videmus ergo Doctorum istorum sententias, & verba variari, & a veritate declinare. Probabilistæ enim iuxta opiniones reflexas, quæ abstrahunt a veritate, iudicant inter lepram & lepram, inter peccatum & non peccatum: hi definiunt esse lepram; & hanc lepram alii vocant sanitatem. Idem homo secundum Probabilistas est leprosus & sanus, deformis & venustus; immo vi oppositarum opinionum iuxta Gobat, La-Croix, & ceteros Probabilistas lepra non est lepra, peccatum non est peccatum. Et eiu molli reflexæ contrariæ opiniones, a veritate abstrahentes, sunt supremi iudices in tribunali Probabilismi. Deus autem clamat: *Si iudicium inter portas tuas videris verba variari: surge, & ascende, quæresque ab eo iudicium VERITATIS*, non reflexæ Probabilitatis.

VII. At clamant, & vociferantur Probabilistæ, inquit P. Elizalde *ibidem* §. 9. „& vix non irrident dicentes: Num ergo singuli ituri Romam sunt, consuli-

Hh ij ca-

„ turique iudicem causarum doctrinæ fidei, & morum, quærendumque iudicium
 „ veritatis : & quasi absurdissimum hoc esset, conquiescunt . Ceterum hoc in
 „ primis non nobis, sed Domino opponant, cuius est sententia . Transferant de-
 „ inde hos suos questus ad causas fidei, atque in ore hæreticorum reponant .
 „ Num ergo etiam hæreticis in incepto suo permanere liceat, ne absurdum id
 „ consequatur, ut singuli Romam venire cogantur ? Age igitur, & tollamus
 „ semel iudicium in terris supremum, sicut causarum morum, ita etiam fi-
 „ dei. “

VIII. Verum, quomodo invenienda veritas sit in privatis morum controver-
 sis, quin semper recursus fiat ad supremum iudicem, fuso calamo patefacio
Tom. II. Appar. diss. 111. Huic tamen incommodo obnoxii ludæi erant. „ Rur-
 „ sus vero (pergit P. Elizalde) ipsi Romani Pontifices pro sua sollicitudine pa-
 „ storali hunc nobis laborem præcipiunt, & Bullæ constitutionesque quotidie pro-
 „ deunt, si discere vellemus; nec ita pridem, universis Christi fidelibus intimatus
 „ est mœror ille magnus Pastoris tunc in terra supremi ALEXANDRI VII. eo
 „ quod irrepressisset in genere *modus de moribus philosophandi ab evangelica simpli-*
 „ *citæ, & doctrinæ Sanctorum alienus.* Hæc plane universalissima denuntiatio
 „ satis esset, ut, si quidem Romam consulere adeo durum censent, Romam
 „ saltem audirent, caverentque, & sibi consulerent, ut facerent sane in re-
 „ bus mundi.

„ Sed vero voces quasdam, murmuraque audimus res has non considerantium;
 „ nec considerare volentium, & ut *vere dicam, quod sentio, scandalosa.* Et pri-
 „ mo quidem, quasi Doctores privati, non quæstiones, & commentarios scribe-
 „ rent, sed decreta, Bullas, constitutionesque expedirent, *dicere quidam non eru-*
 „ *bescunt, decreta esse Doctoris privati.* Alii aiunt; *opiniones morales damnatas*
 „ *tamquam ut minimum scandalosas, posse nihilominus esse veras.* Alii, qui *quid*
 „ *cathedra sit, & quid sit ex cathedra dicere, nesciunt, aiunt, Romanum Pontifi-*
 „ *cem ex cathedra locutum non esse.* Alii cum magnam illam probabilitatem opi-
 „ nionibus adimere non posse. Alii Senatum approbationem desiderari. *Quæ sane*
 „ *demonstrant rerum statum miserandum.* “

IX. Hæc Probabilistarum commenta nolui ego propriis exprimere verbis; sed
 operæ pretium existimavi eadem rescribere doctissimi Iesuitæ P. Elizalde. Sed;
 quod mirari nemo umquam satis poterit, subdit P. Elizalde, illud est quod, dum
 summi Pontifices damnant aliquas propositiones contra Iansenistas, Baianistas &c.
 summo obsequio excipiendas, improbanda vasa illa & captiosa commenta cla-
 mant, & iure quidem clamant. At cur id non præstant in causa propria? Hæc
 iustissima & tristissima lamentatio mea non est, sed P. Elizalde, qui sic pergit .
Hæc rursus loquuntur homines, qui, si quid simile adversus SUOS CONTRARIOS

EX SEDE ILLA PRODEAT, se viciſſe incunctanter exiſtimant, & pro ſummo ſcandalo habent, ſi ſimilia illi obloquantur. Hæc ergo dum conſidero, fateor me haud ita eſſe ſtolidum, qui ſperem, vi doctrinæ adverſus eos conſicere quidquam poſſe. Ibidem.

X. Hanc iuſtiſſimam querimoniam adverſus eos qui pontificia decreta, & conſtitutiones quæ ſibi favent, ſummo excipiunt plauſu; conſtitutiones vero quæ ſibi incommodant, non ſecus ac adverſarij captioſis commentis eludere conantur, sæpius repetit doctiſſimus Ieſuita. Vide teſtimonium Elizalde præf. ad Tom. I. in Decal. cap. xii. num. 8.

XI. Innumera ſunt omnium SS. Patrum teſtimonia, quæ Scripturarum ſtudium animarum rectoribus & doctoribus inculcant. S. Auguſtinus *Lib. de ſalut. docum. cap. ix.* hæc habet. *Omnis librorum Sanctorum ſeries ad noſtram ſalutem ſcripta eſt . . . Per illos nobis loquitur Deus ipſe, & Dominus noſter, & pia nobis voluntatis demonſtrat affectum. Recognoscamus, & recogitemus, quaſi honore nobis illius ſit legatio accipienda. Quid, ſi legatio a Rege nobis veniret? Numquid non mox, aliis curis poſſoſitis, prompta voluntate, & cum omni devotione litteras acciperemus, & legentes implere ſatageremus? Ecce de calo Rex Regum, & Dominus dominantium, immo & Redemptor noſter per Prophetas, & Apoſtolos dignatus eſt nobis dirigere litteras ſuas, non ut aliquod ſervitium ſibi neceſſarium demandet, ſed quæ ad ſalutem, & gloriam nobis prodeſſe poſſint, innotescant. Quid igitur de illis Confefſariis qui, cum ſuper his litteris ſanctis a Deo ad nos miſſis iudicium ferre debeant, his neglectis, ad huius aut illius Caſuiſtæ Summulas ſe referunt plenas pugnantium opinionum, quibus peccata teguntur. Feminae deformes refugiunt ſe ſiſtere ante lucida ſpecula, ne ſuas contemplantur maculas. Verum S. Auguſtinus ſer. ccxxxvii. de temp. clamat: Scriptura ſancta ſit tibi ſpeculum. Speculum hoc habet ſplendorem: non mendacem ſplendorem, non adulantem, nullius perſonam amantem.*

XII. Poſſem tranſcribere cuiuſcumque ſæculi Patrum teſtimonia; ſed brevitatis cauſſa unum aut alterum referam ex S. Bonaventura Doctore Seraphico, qui in prologo ſui Confefſionalis hæc ſcribit. *Cum ſecundum B. Gregorium cura paſtoralis ſit ars artium, regimen animarum, & occultiora ſint vulnera cogitationum quam viſcerum, HORRENDUM profeſſo eſt videre quosdam Sacerdotes noſtri temporis, qui ſacram Scripturam, in qua præſati regiminis ars SUFFICIENTISSIME traditur, & iura canonica, & ſcripta Doctorum, in quibus pleniffime declaratur, vel per torporem legere negligunt, vel per ignorantiam neſciunt: & tamen cordis medicos in audiendis confefſionibus ſe proſtiteri impudenter non metuunt.*

XIII. Quid plura? Sacri canones hanc eandem ſcientiam neceſſariam Confefſariis definiunt. *Diſt. xxxviii. cap. i.* his verbis. *Ignorantia mater cunctorum viti-*
Tom. IX. Hh iij tio.

tiorum, maxime in Sacerdotibus Dei vitanda est, qui docendi officium in populis susceperunt. Sacerdotes enim legere sacras Scripturas frequenter admonet Paulus Apostolus dicens ad Timotheum: Attende &c. Sciant igitur Sacerdotes Scripturas sanctas, & canones, ut omne opus eorum in prædicatione, & doctrina consistat.

XIV. Plurima omnium Patrum etiam postremæ ætatis testimonia prætereo. Conclusionem tantum rescribo P. Michaelis Elizalde loc. cit. §. 9. quæ est eiusmodi. „ Ecce ergo Probabilis, & Dominus per famulum suum Moysen sibi aperte contradicunt. Dominus scilicet dicit: *Si difficile* &c... Quid est, quæso; iudicum verba variari? Est, opinor, eos discordare, & dissidere, alios lepram, alios non lepram propter difficultatem censere. Quid vero tunc facto opus iuxta Dominum? *Surge, ascende, quæresque iudicium veritatis*. Vos vero quid dicitis? Iudices ecce variant, viri, ut loquimini, graves, prudentesque. Num vestra vox non est: Utrumque est probabile? Et inde per reflexas habemus mox securitatem, certitudinem, & evidentiam, quantum volumus. Quid est *surge*? Quid est *quæres iudicium veritatis*? An si hoc requiramus, nos non desipimus, mundumque turbamus? „ Hæc sunt communia Probabilistarum effata, hæc axiomata. *Sed ob Deus meus!* (concludit Elizalde.) *Tu, cuius verba in æternum stant, Surge, dixisti; ac ex variis discordantibusque iudicium verbis vivere prohibuisti: ipsa lex tua, quæ veritas est, requirenda est ex qua vivatur, & lepra, & non lepra dignoscatur.*

§. II.

Evangelicæ legis spiritum assequi potissimum Confessarius debet. Excusatio, qua obtruditur non omnia contineri in verbo Dei Scripturis, & traditione comprehenso.

I. Spiritus, & anima evangelicæ legis caritas est, ut Matth. xxii. habetur. **S** Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile huic: Diliges proximum tuum sicut te ipsum. In his duobus mandatis universa lex pendet, & Propheta. Quid, Confessarii, involvendis nonnullorum Casuistarum voluminibus mentem torquetis? In hoc totius legis exemplar animos intendite. Qui vim, & amplitudinem huius duplicis præcepti comprehendit, omnes fere legis quæstiones resolvit. Qui Deum diligit, illum cultu tum interno, tum externo colit, non blasphemis, non periuriis lædit; sed omnia il-

lius mandata servat. Qui proximum amat, non usuris, non iniuriis, non fraudibus, non dolis, non contumeliis, non calumniis circumvenit, opprimitque; sed e contrario æquitatem, iustitiam, liberalitatem, aliarumque virtutum officia in eundem exercet. Expende alterum evangelicum oraculum *Matth. vii.* quod primum confirmat. *Omnia ergo quæcumque vultis ut faciant vobis homines, & vos facite illis. Hac est enim lex & Prophetæ. Intrate per angustam portam, quia lata & spatiosa via est quæ ducit ad perditionem, & multi sunt qui intrant per eam. Quam angusta porta, & arcta via est quæ ducit ad vitam, & pauci sunt qui intrant per eam! Attendite a falsis Prophetis, qui veniunt ad vos in vestimentis ovium, intrinsecus autem sunt lupi rapaces.*

II. Confessarii qui altius animo impressas habent has divinas præceptiones; spiritum legis gustant, & universam legem penetrant. *Quod tibi non vis fieri, alteri ne feceris. Eadem mensura qua mensi fueritis, remetietur vobis. Quæ omnia eodem recidunt. Fusius hæc idem Evangelista cap. v. exponit. Diligite inimicos vestros, benefacite illis qui oderunt vos: orate pro persequentibus, & calumniantibus vos. . . Vade prius reconciliari fratri tuo. Qui viderit mulierem ad concupiscendam eam, iam mæchatus est eam in corde suo.*

III. Audiamus S. Paulum qui *I. Cor. xiii.* hæc loquitur. *Si linguis hominum loquar, & Angelorum, caritatem autem non habeam, factus sum velut æs sonans, aut cymbalum tinniens. . . Caritas patiens est, benigna est. Caritas non emulatur, non agit perperam, non inflatur. Non est ambitiosa: non querit quæ sua sunt, non irritatur, non cogitat malum. Non gaudet super iniquitate; congaudet autem veritati. Omnia suffert, omnia credit, omnia sperat, omnia sustinet.*

IV. Peto a te, lector, effragitoque ut mihi interroganti sincere respondeas, an, dum recitata divina oracula hic descripta legis, serioque animo recogitas, non commovere? An mentem tuam quodam cælesti lumine perfusam non experiris? Te aientem sentio. Heinc ego sic argumentor. Quid, si illa legeres in fonte? Quid, si humili reverentique animo sanctum volumen in manibus accipere: hac viva persuasione munitus, quod volumen istud divinum est, a Deo dictatum, Deique spiritu exaratum; & integra capita legeres? Recensita divina oracula, transcripta in hunc librum, multum virium amittunt, & energix: sunt veluti truncata, & propria maiestate ac granditate spoliata. Ecce? Quia in sua propria sede, in ipsis sanctissimis codicibus fulgent, coruscantque incredibili ornamento. Similitudines, parabolæ, & cetera, assa divina eloquia, quæ antecedunt, quæ comitantur, quæ subsequuntur, divina harmonia tot oraculorum, quorum unum aliud firmat & illustrat, tanta vi animum emolliunt, tanta luce mentem perfundunt, tanta maiestate superbiam humanæ sapientiæ depriment, & certa quadam divina & inexplicabili efficacitate cor penetrant, ut vix fieri

Hh iiij possit

possit quin doctior ex tali lectione, humili sinceroque animo peracta, evadas: Firmum animo tuo hæreat, potissimam omnium malorum, flagitiorum, & ipsius Atheismi radicem esse sanctarum Scripturarum neglectum.

V. Utique in libris sanctis non invenies casuum resolutiones plurimas, quas offendis in Diana, in Pasqualigo, in Tamburino, in La-Croix, aliisque: quia hæc sunt hominum opiniones, & prælia opinionum. Sed ibi Dei armaturam reperiēs, qua indutus hæc opinionum prælia in nihilum redigas. Tantam inde lucem hauries, ut omnes laxarum falsarumque opinionum tenebras dissipare queas, ut quid agendum, quid omittendum sit, certo definire ut plurimum valeas. Audi Deum Deuter. vi. dicentem. *Diliges Dominum Deum tuum ex toto corde tuo, ex tota anima tua, & ex tota fortitudine. Eruntque verba hæc, quæ ego præcipio tibi hodie, in corde tuo; & narrabis ea filiis tuis, & meditaberis in eis sedens in domo tua, & ambulans in itinere, dormiens, atque consurgens; & ligabis ea quasi signum in manu tua, eruntque & movebuntur inter oculos tuos, scribesque ea in limine & ostiis domus tuæ.* Quem sensum in animum tuum ingerunt hæc verba? Nonne continenter, quoad humana conditio fert, amandum esse Deum? Perge porro. Revolve plures Casuistas. Alii dicent, hoc præceptum per se vix umquam obligare; alii solum urgere in articulo mortis; alii quolibet quinquennio, alii triennio, alii biennio, alii semel tantum in anno. Cedo: nonne, solo recitato Dei oraculo, recogitans, quod verba illa sunt verba vitæ, quæ fallere nequeunt, omnes recensitas quæstiunculas casuisticas, ut deridendas & contemnendas, reiicias, pugnantisque cum Dei verbo definis? Quando tanta emphasi a Deo iubetur, ut diligantur inimici, & sustineantur iniuriæ, non continuo execraris opiniones illorum Casuistarum qui docent, propter alapam impactam, propter pomi rapinam occidi hominem licite posse, ne honor obnubiletur? Quid, si serio mediteris Dei Scripturam dicentem, *eruum oculum, abscindendam manum, abstinendum a specie mala*, & ea quæ ibi antecedunt & subsequuntur? An continuo non intelligis falsas esse & laxas opiniones illas casuisticas quæ licitas defendunt hodiernas choreas, promiscuas utriusque sexus conversationes, theatrorum comædiarumque frequentiam? An legens castimoniam matrimoniale præscriptam a Paulo, non perhorresces turpitudines illas quas ut licitas permittunt nonnulli?

VI. Integrum parallelum-universæ Theologiæ casuisticæ cum Scripturis sanctis instituere vellem, nisi prolixitas nimia a scopo præstituto me abstraheret. At ex iis quæ indicavi, prudens lector colliget, Casuistas non paucos super eadem lege mutuo pugnare, & opinionum prælia perpetua instituere. Quid ad te de his hominum pugnis?

VII. Legem sanctam ergo in suis fontibus consule, & meditare. Si ambiguum quidquam occurrerit super aliquo consecratio inde derivato, ad spiritum legis a-

nimum

nimum intende; & quod videris huic legis spiritui esse conformius, illud amplectere. Si Probabilistas audieris, oppositum te docebunt, nempe illam te eligere sententiam posse quæ minus legis spiritui, & magis libertati tuæ consentanea sit, ut per anfractus *Reflexarum*, ut vocant, ab eiusdem observatione immunem te efficiant. Quem opinandi modum legis simplicitati hostiliter adversari declaravit Romana Sedes voce Alexandri VII.

VIII. Opponunt. In lege non inveniuntur casus expressi, & decisi, sicut in Casuistis. Resp. Recte dicis, non inveniri in lege casus expressos & definitos, quemadmodum in Casuistis: quia aliter lex, aliter Casuistæ plures definiunt. Spiritus legis sanctæ, qui spiritus caritatis est, ut vidimus, eo totus tendit, ut cultum Dei, ut amorem Dei & proximi promoveat, ut per angustam & arctam viam deducat, & Christo Iesu te conformem reddat. Utrum spiritus Probabilismi nova sua & singulari benignitate huc te ducat, tu iudex esto.

IX. Quamquam autem in lege sancta non inveniuntur expressi casus innumeri quos interminabilis illa disputandi libido peperit, paritque in dies: regulæ tamen obviæ & manifestæ ibi occurrunt, quibus casus qui communiter occurrunt, resolvantur. Qui principia alicuius scientiæ optime callet, & profunde penetrat, omnia confectaria tenet, & conclusiones etiam remotissimas, quæ inde derivantur. Idcirco Patres omnes uno ore testantur, legem universam suam Deum in duobus caritatis præceptis constituisse, quæ sunt veluti duo generalia christianæ scientiæ principia, quibus exacte cognitis, cetera quæ opponi, quæ excogitari ab humano ingenio possunt, comprehenduntur, & definiuntur. Consule *Tom. I. Appar. diff. 11. & Tom. II. diff. 111.* ubi fuso calamo hæc omnia discussa ex unanimi Patrum doctrina invenies. Obiter hic transcribo quæ S. Thomas docet 1. 2. *quæst. c. art. 4. & 22. quæst. xlv. art. 2.* ubi hæc inter alia habet. *Unde qui perfecte cognosceret principia secundum totam suam virtutem, non opus haberet ut ei conclusiones seorsim proponerentur. In operabilibus autem, in quibus præcepta legis nos dirigunt, finis habet rationem principii. . . Dilectio autem Dei finis est, ad quem dilectio proximi ordinatur.* Quam doctrinam luculentius tradit ibidem *quæst. xxiii. art. 7. ad 2.* *Dicendum, quod cum finis se habeat in agibilibus sicut principium in speculabilibus; sicut non potest esse simpliciter vera iustitia, aut vera castitas, si desit ordinatio debita in finem, quæ est per caritatem, quantumcumque aliquis se recte circa alia habeat &c.* Caritas purgat animum ab omni peccato. & culpabili ignorantia eorum quæ sunt necessaria ad salutem; atque adeo rectum illum constituit erga Deum, erga se, erga proximum. Porro *qualis quisque est, talis finis videtur ei, & ea quæ ad finem sunt.* Qua de re vide *cit. dissert. 111. Tom. II.*

X. Clamant obstreperuntque iterum qui assueti ab incunabulis sunt Casuistarum studio, non omnia reperiri in Scriptura sancta quæ ad mores formandos requiruntur.

runtur. Quæ persuasio, supra quam dici potest, vana est, & periculi plenissima. An Filius Dei in mundum non venit, ut illuminaret omnes homines? An Spiritum sanctum non misit, ut doceret omnia quæ sunt ad salutem necessaria, eaque in tabulis cordium inscriberet Apostolorum, qui verbo aut scripto, aut tradito ad nos transmissere? Non omnia reperiuntur in lege necessaria ad Christianorum mores formandos? Christiani ergo xiv. & amplius sæculorum in tenebris iacuerunt, lumine ad salutem necessario destituti? Falleris, inquit. Sunt principia & mandata omnia in lege; sed obscura, implicata, & impervia: Casuistæ hæc omnia novo lumine illustrent, & insurgentes difficultates resolvunt. Ita ne vero? Ego meis verbis repellere nolo commentum istud, quod *monstrum monstrorum* appellat P. Michael Elizalde p. 3. *Lib. 8. quest. 8. §. 8. pag. 150.* „Apertis multis libris „Moralistarum notorie constat, pene nullum usum in eis esse doctrinæ sacræ, & „Sanctorum. . . Hi libri contrarietate, & contradictione pleni sunt: ex quo „proinde dimidia saltem pars falsa sit oportet. Sed nulla falsitas cum sana doctrina. . . conciliari potest.

„Dices iterum, in libro Dei, & doctrina Sanctorum deesse doctrinam necessariam salutis ad regendos populos, dirigendas conscientias. Verum ostensum est, „hanc doctrinam numquam magis quam fidem in Ecclesia defuisse, & MONSTRUM MONSTRORUM esse SE NUNC VENISSE ad dandam scientiam „salutis plebi eius. Ad hoc quippe ille venit qui illuminat omnem hominem venientem in hunc mundum, qui Ecclesiam ædificavit firmamentum, & columnam „veritatis, cuique depositum custodiendum credidit, quod baud dubie ille servavit. „Non hic doctrina, sed consideratione, & minime saltem gradu humilitatis opus „est.“

XI. Humilitas, inquam, requiritur, quæ est primum fundamentum christiani ædificii, cuius forma caritas est. Humilitas est veluti tessera, & prærogativa christianæ professionis, quæque in nobis Christi exemplar refert. *Discite a me, quia mitis sum, & humilis corde*, inquit Christus. In quæ verba hæc lib. de S. Virg. cap. 35. scribit S. Augustinus. Ille, ille, cui omnia tradidit Pater, & quem nemo agnoscit nisi Pater, & qui Patrem solus agnoscit, & cui volueris revelare, non dicit: *Discite a me mundum fabricare, aut mortuos resuscitare*: sed quia mitis sum, & humilis corde. O doctrinam salutarem! O Misterium, Dominumque mortalium quibus mors poculo superbiæ propinata, atque transfusa est. Noluit docere quod ipse esset. Noluit iubere quod ipse non faceret.

XII. En paucis delineatum christianæ legis exemplar, spiritumque expressum: Amor proprii boni initium fuit ruinæ humani generis. Caritatis amor, qui propria communia facit, qui omnia perficit, & sanctificat, est spiritus qui humanum genus vivificat. Superbia est illud originale peccatum, quod Deo principia-

rum

tum eripere pertentavit, & constitutum ordinem inturbavit. Humilitatis virtus antidotum unicum est superbiæ, quæ in omnibus peccato originali infectis dominatur, comprimendæ opportunum & necessarium. Qua de re consule *Tom. 1. Appar. Diff. I. & II.*

XIII. Hunc legis spiritum unde haurire poteris? Ubi depictum invenies? In nonnullis Casuistis recentioribus? Tute iudex esto. In libris quos spirituales seu asceticos vocant? Bene habet. Sed unde illi hunc haurere? Ex libris sanctis, ex doctrina SS. Patrum. Cur ergo & tu ad hos limpidissimos fontes digitum non intendis? Cedo: quis umquam rectus iudex, quis præclarus advocatus, qui iudicium super Principis lege ferre debeat, id præstabit, lege neglecta? Quis istorum contentus erit volvere leguleios, qui Casuistarum plurium more in Principum statuta opinionum centonem consarcinant? Quis, inquam, istorum adeo suæ professionis violator est, qui legem ipsam, qui statuta ipsa propriis oculis propriaque mente non expendat, ut cavillationes & sophismata leguleiorum deprehendere & refutare valeat? Et tu Dei Sacerdos, Dei vices gerens, & Dei officium exercens, & in legem eiusdem iudicium dicturus, legem in sanctis codicibus scriptam non meditaris, non expendis, sed eam negligis, & prætermittis? Eam addiscere in libris quorundam Casuistarum audes, ubi immensa opinionum, distinctionum, speculationum, & subtilitatum farragine involutam implicatamque offendes?

XIV. Unde, amabo te, interminabiles illæ lites, quæstiones, casuumque opinionones, quæ tot Casuistarum volumina implent? Ex ambiguitate, obscuritate, & difficultate legis divinæ, quæ fidei, & morum mysteria & præcepta ad salutem necessaria præscribit? Absit blasphemia tanta, quæ divinos Scriptores carpit, ac si ipsi ignorassent legem perspicuam, claram, & fidelium captui accommodatam tradere. Sunt utique in Scriptura santa plura obscura; verum hæc S. Mater Ecclesia nobis exponit. De hoc puncto vide *Tom. 1. Appar. Disput. 11.* Unde ergo? Ex hominum imbecillitate, ex universali morum corruptione. Plures quippe Casuistarum, videntes se reformare ad legis divinæ amissum corruptos hominum mores non posse, pio zelo salvandi omnes, legem ipsam delinire, temperare, inflectere, & ad communem ac prævalentem vivendi consuetudinem incredibili subtilitatum aggestu attemperare conati sunt. Non ergo ex legis obscuritate, sed ex praxi dominante contra legem frequenter eorum plures resolvunt, definiuntque casus, non pauci concludentes: *Sic prædicavi in confessionali.* Ex hac confessionalis praxi constata sunt plura opinionum volumina. contra legem, & consentanea praxi. Multi non se sistunt ante speculum Scripturarum sanctarum, ne illico meditentur actionum deformitatem. Adeunt Casuistarum plurium volumina, ut inveniant casuum resolutiones sibi faventes contra legem, ut inveniant opiniones quæ ostendant, legem non obligare. Hoc idem præstant litigatores. Ut bona usur-

ulsurpata contra legem retinere queant, advocatos quæritant, qui acutis commentis evincant legem non comprehendere talem casum.

XV. Præter divinas Scripturas opera danda est sacris canonibus, SS. Ecclesiæ Patribus, Synodis propriæ diœcesis, & præsertim Tridentinæ, ejusque catechismo, nec non summorum Pontificum decretis. Quando his præsidii muniti sunt Sacerdotes, tum poterunt Casuistarum volumina revolvere, & deprehendere, quid conforme, quid adversus legis divinæ spiritum doceatur. Verum si legem ignorant, quomodo iudicare, quid legi consentiat, quid repugnet, valebunt? Ne itaque suspiceris, me improbare omnium Casuistarum lectionem. Fatuus essem, si id audem. Id solum dico, primum Scripturas divinas, Patres, sacras Synodos, Episcoporum decreta esse investiganda. Post legantur etiam Casuistæ, quorum ego nec unum reiicio; sed solum tecordor legendos esse magna attentione, qua deprehendatur, num doctrinam doceant Evangelio, Patribus, & pontificiis constitutionibus conformem. Quilibet Casuista aliquid luminis asferre potest. Idcirco neque illos qui plures laxas & damnatas opiniones docuerunt, penitus reiicio; huc vero conatus mei pertinent, ne illorum opiniones absque severo examine adoptentur; sed ut illorum doctrinæ, quibus resolvunt casus peculiare, conferantur cum doctrina evangelica, & SS. Patrum, ut quod verum est, seligere valeas.

XVI. Neque suspiceris, difficilem & nimis laboriosam esse istius divinæ scientiæ acquisitionem. Da mihi Sacerdotem probum, optimi sensus, seu mentis quadratæ (& nisi hæc adsint, omnia superflua sunt) & evangelicæ legis studiosum : & hunc ut optimum, doctum, prudentemque Confessorem habeto, Scientia Confessarii eo præcipue spectat, ut sciat cor pœnitentis emollire, mentem illuminare; donumque habeat persuadendi, increpandi, & conformandi suos pœnitentes ad Christi JESU exemplar. Hæc autem scientia, non a quorundam Casuistarum libris, sed ab Evangelio hauritur. Christiani damnantur, quia observare recusant legem evangelicam, quia eiusdem spiritum ignorant. Sacerdos ille, qui sciat evangelicæ caritatis ignem in suis pœnitentibus accendere, doctus sapiensque Confessarius est. Si aliqui casus occurrant contra legem Dei, præcepta positiva Ecclesiæ, aliasque disciplinæ leges; poterit, ut dixi, consulere Casuistas, sed graviores. In manu tamen semper habeat lapidem lydium, seu amussim evangelicæ legis, & quod huic magis, non minus conformius viderit, seligat. De spiritu legis evangelicæ lege meum *Tom. II. Hist. Probabil. Diff. IV. cap. III.* ubi uberrime ex S. Thoma explicatur, in quo situs sit spiritus iste.

CAPUT VI.

Extrema laxitatis, & rigoris summo studio evitare Confessarius debet. Quam arduum, quam difficile sit inter extrema hæc medium tenere. Singulari Dei gratia opus est.

I. **N**ihil frequentius in ore omnium resonat quam extrema & rigoris, & laxitatis vitanda, mediumque tenendum. At nihil frequentius occurrit quam nos ipsos, qui extrema cavenda clamamus, in extrema impingere. Adversus animarum Pastores, laxitatis tabe infectos, vel nimio rigore crudeles, Deus Ezech. cap. xiiii. fuso sermone invehitur. *Vae qui consunt pulvillos sub omni cubito manus, & cervicalia sub capite universæ ætatis ad capiendas animas; & cum caperent animas populi mei, vivificabant animas eorum. Et violabant me ad populum meum propter pagillum bordei, & fragmen panis, ut interficiant animas quæ non moriuntur, & vivificarent animas quæ non vivunt, mentientes populo meo credenti mendaciis. Propter hæc dicit Dominus Deus: Ecce ego ad pulvillos vestros, quibus vos capitis animas volantes &c. . . . Et scietis quia ego Dominus. Pro eo quod mœrere fecistis cor iusti mendaciter, quem ego non contriviavi &c.*

II. In præfato capite Deus Pastores tum laxioris, tum æquo severioris doctrinæ improbat. Laxones longius increpat; rigidiores sub capitis sine carpit. Pro eo quod mœrere fecistis cor iusti mendaciter, quem ego non contriviavi. Salvator noster Phariseos, qui, neglecto spiritu legis, nempe caritate, hominum traditionibus populum opprimebant, graviter & severe redarguit Matth. xxiiii. *Alligant onera gravia & importabilia, & imponunt ea in humeros hominum.* In quem locum hæc scribit S. Ioannes Chrysostomus, seu Auctor operis imperfecti, hom. xlii. in Matth. *Tales sunt nunc etiam Sacerdotes, qui grave pondus venientibus ad pœnitentiam imponunt. Qui dicunt, & non faciunt. Et sic, dum pœna præsent fugitur, contemnitur pœna peccati futura. Sicut enim si fascem super humeros adolescentis, quem non potest baiulare, posueris, necesse est aut fascem abiciat, aut sub pondere confringatur: sic & homini cui grave pondus pœnitentiæ imponis, necesse est aut ut pœnitentiam suam reiiciat, aut suscipiens, dum sufficere non potest, scandalizatus amplius peccet.*

III. S. Ambrosius serm. v. in Psal. cxviii. Rigoristas perstringit. *Sunt etiam in nobis qui timorem Dei habent, sed non secundum scientiam, statuentes duriora præ-*

præcepta, quæ non possit humana conditio sustinere . . . quia non patiuntur natura, nec estimant possibilitatem.

IV. Sed heu heu ! quis est qui dignoscere inter hæc extrema medium valeat ? Quis sibi securus est, ne vel nimia remissione, & indulgentia, vel æquo districtiori severitate a medio recedat ? Quis ita Dei iura tueri valet, quin hominum imbecillitatem opprimat ; aut ita indulgeri hominum imbecillitati, quin Dei iura violet ? Nemo sane absque peculiari divinæ sapientiæ lumine, & Redemptoris nostri gratia ; qua & mens nostra illustretur, & animus veritatis amore accendatur . Quare qui Confessarii munus exercent, ferventi iugique oratione opus habent, ne, dum ignorantes docere volunt, veluti cæci cæcis ducatum præsent ; ne, dum erigere lapsos student, ipsi prolabantur ; ne denique perniciofa benignitate vulnera poenitentium obtrestantes ægritudinem foveant, & semetipsos vulnerent.

V. Heinc colliges, quanta hallucinatione teneantur illi qui in ipso suorum operum fronte testantur, se declinatis & rigoris, & laxitatis extremis, via media, seu regia incedere . Equis est qui id in animo non habeat ? Nemo unus . Causiistæ vel laxissimi hoc idem intendunt . Suas laxas opiniones, benignitatis & misericordiæ fucio illitas, per mediam viam ducere inter extrema rigoris & laxitatis contendunt . Rigoristæ vel sævas opiniones ab utroque extremo distitas defendunt.

VI. Quid ergo in re tam ardua, ac perdifficili opus est ? Nec enim aliquid prædicii assert exaggerare difficultatem vitandi tum scyllam, tum carybdim, nisi regulæ præbeantur, quibus hæc syrtes & scopuli reipsa declinentur . Primum Domino quisque cantet *misericordiam*, & *iudicium* ; idest, inquit S. Gregorius Magnus in Pastoralis, *infr ipsi iuste consolans misericordia, & sapiens disciplina, sicut in arca testamenti erat virga, & manna* . Necessaria est hæc misericordiæ & iustitiæ societas & harmoniæ, cuius exemplum nobis præbuit Christus Iesus, inquit *de Infl. Prælat. cap. 1.* S. Laurentius Iustinianus . *Hanc utique sententiam suo Dominus Iesus commendavit oraculo, cum de homine descendente ab Hierusalem in Hierico, & a latronibus vulnerato loquitur* . Transiens, inquit, quidam Samaritanus, misericordia motus, alligavit vulnera eius, vinum, & oleum infundens : *per vinum videlicet iustitiam, & per oleum misericordiam, & compassionem significans.*

VII. Hæc omnia veræ, & optimæ sunt ; at nimis universalia, & abstrusa . Ad quas regulas respicere Confessarii debent, ut ambos laxitatis, & rigoris excessus devitent ? Duas assigno, *Iansenismum*, & *Probabilismum* . S. Augustinus animadvertit, Manichæum, & Pelagium pugnantes errores docuisse, formidabatque ne fideles declinantes Manichæismum, laberentur in Pelagianismum . *Inter utrum-*

que sit cautus, ut sic declinet Manichæum, ne se inclinet in Pelagium. Rursumque ita se seiungat a Pelagio, ne se coniungat Manichæis: in Psal. cxviii. Idem ego consilium suggero in morum controversiis. Iansenismus nimio rigore addendo, Probabilismus nimia laxitate diminuendo legem Christi, a medio aberrant. Dominus autem clamat: Non addetis ad verbum quod vobis loquor, nec auferetis ex eo: Deut. iv. Iansenistæ impossibilia quædam Dei præcepta constituunt: invincibilem eorumdem ignorantiam non excusare a culpa, non sufficere iudicium probabile, & probabilissimum, quo operationes dirigantur; sed requiri semper evidens & absolute certum veritatis effutunt. Probabilistæ non pauci contrario extremo, ut mæx apparet imbecillitati, directe opposito adhærent. Hi non modo non requirunt iudicium proponens id quod propinquius legi divinæ accedit; sed hoc reicientes, tamquam rigorisum, sufficere minus verisimile, minus probabile aiunt: legem, hominum disputationibus in controversiam adductam, & dubiam effectam, de medio tollunt vi reflexarum. Illi ad impossibilia nos urgent; hi a possibili mandatorum observantia nos liberant. Illi addunt, isti adiungunt legi. Illi in desperationem, isti in præsumptionem nos impellunt. Illi nimium, isti parum nobis imponunt. Clamat autem S. Augustinus in Psal. cxviii. conc. xv. his verbis. Parum, & nimium duo sunt inter se contraria. Parum est quod minus est quam oportet; & nimium est quod plus est quam oportet. Horum in medio medus est, quod dicitur, Satis est: & utique utile est ut in vita, & in moribus non plus quam oportet, nihil omnino faciamus. Ab his igitur extremis desperationis, & præsumptionis, nimii terroris, & nimix securitatis recedendum est. Probabilistæ Iansenistis iure nimiam austeritatem, Iansenistæ Probabilistis nimiam laxitatem improperant. In simili causâ hæc trahi. lxxi. in Ioan. scribit S. Augustinus. Est quod invicem ex vobis alteri ex alteris admoneri utique debeatis. . . Errando in diversa itis: in medio est via quam relinquitis. Duplici, subdit Lib. II. contr. 11. epist. Pelag. cap. 11. contraria infirmitate laborant isti, dissimili voluntate, Iansenistæ mala & obfirmata, isti bona ob bonum finem, piamque intentionem deliniendi cæli viam. Morbis inter se contrariis utrique configunt, dissimili voluntate. Hæc extrema improbanda sunt, quia ambo contraria veritati. Media ergo Antiprobabilistarum via arripienda est, quæ inter extrema rigoris, & laxitatis, quod verisimilius, quod probabilius, quod propinquius est veritati, amplectendum docet. Tene medium, si non vis perdere modum. Locus medius tutus est, inquit S. Bernardus Lib. II. de consid. Lege Tom. II. Histor. Probabil. diff. v. cap. 11.

CAPUT VII.

Gravius semper fuit, & potissimum bodie est periculum, ne Confessarii declinent in Laxismi, quam Rigorismi extremum.

I. **P**rima & urgentissima ratio quæ nos omnes impellit ad laxandam legem Dei, est sagacissimus ille præstigiator, amor scilicet proprius, amor placendi hominibus, & mundo. Homines communiter maiori ex parte arctam viam crucis, & pœnitentiæ perhorrescunt. Illos Doctores, & Confessarios depereunt, inquirunt, extollunt qui placencia loquuntur, qui cervicalia mollia, & pulvillos blandos consuunt. Illos vero qui arctam Christi viam patefaciunt, ut Rigoristas, Tutoristas, Iansenistas, reformatores, mundi novatores insectantur, maledicis proscindunt, derident, exhibitant.

II. Secunda ratio est timor eiusmodi derisionum & censurarum: quas ut evitemus, & popularem æstimationem indipiscamur, sæpe sacerdotalem vigorem, & spiritum illum fortitudinis de quo supra locutus fui, amittimus; & malum cum multitudine Confessariorum, ac Doctorum blandiloquentium fœdus inire, quam propter veram maiorem Dei gloriam, proximorumque salutem aculeis frequentissimis contumeliæ, censuris, & sibilis derideri, & proscindi.

III. Tertium præstigium est insitum illud naturæ vehemens desiderium, quo omnes flagramus, habendi multitudinem pœnitentium, ob propriam, vel familiaris nostræ existimationem, decorem, & gloriam. Nec enim Christianorum multitudo minus viam salutis arctam quam Confessarios eiusdem viæ assertores perhorrescit. Cuiuscumque status, plebei & nobiles, magnates & pauperes, ceterique Christiani maiori ex parte volunt & inquirunt Doctores, & Confessarios blandiloquos, indulgentes, dulces, suavissimos. Istorum splendor, favor, gratia, patrocinium, humanitatem nostram totam commovent, mentem acuunt ad ungendam, dilatandam, insectandam, incrustandam Christi doctrinam. Nisi divinæ fortitudinis spiritu obarmati omnes simus, continuo labimur, & pulvillos molles consuimus. Diabolus nos hoc dilemmate adoritur. Aut amittendi magnates, matronæ, & totius mundi spes conculcanda; aut adhibendæ doctrinæ indulgentes, & benignæ, seu laxæ, & pro eisdem tamquam pro aris & focis nobis pugnandum est. Nisi in pectore nostro ardeat evangelicæ severitatis amor, & baptismalis professionis, qua mundo & auræ populari & sublimi renuntiavimus, studium; his diaboli, & mundi insidiis succumbimus.

IV. Quartum illicitum est naturalis, & tenerimus amor patris spiritualis in filios,

nos, & filias pœnitentes. Quemadmodum, experientia teste, parentes carnales frequentius indulgentiores quam æquo severiores erga filios sunt; ita longe frequentius nos parentes spirituales delinquimus nimia indulgentia quam rigoris excessu.

V. Quinta seductionis illecebra est naturalis commiseratio, & propensio conciliandi sibi pœnitentes, & timor eorundem turbandi, affligendi, & in desperationem trudendi.

VI. Sextum delinquendi periculum est operis facilitas, & iucunditas. Omnes ita a natura comparati sumus, ut iucundum nobis sit omnibus satisfacere, & neminem contristare. Has rationes fusius explicatas lege *Tom. II. Hist. Probab. diss. v. cap. iv.*

C A P U T VIII.

Sancti Ecclesie Patres cuiuscumque seculi inuesti acriter sunt præcipue contra nimiam indulgentiam & laxitatem Confessariorum, numquam vero aut raro contra nimiam severitatem.

I. Ignitæ S. Martyris Cypriani inuestivæ contra laxitatem Confessariorum *Lib. de lapsis*, celebres sunt. Aliquas supra rescripti, easque repetere iuvat. Cum scriptum sit: Qui vos felices dicunt, in errores vos mittunt, & semitas pedum vestrorum turbant: Qui peccantem blandimentis adulantibus palpat, peccandi fomitem subministrat, nec comprimit delicta illa, sed nutrit. . . oportet Dei Sacerdotem non obsequiis decipientibus fallere, sed remediis salutaribus providere. Imperitus est medicus qui tumentes vulnerum sinus manu parcente contrectat, & in altis recessibus visceram virus inclusum, dum servat, exaggerat. Aperiendum vulnus est, & secundum, & putaminibus amputatis, medela fortiore curandum. Vociferetur, & clamet licet, & conqueratur ager impatiens per dolorem, gratias agat postmodum, cum senserit sanitatem. Emergit enim, FRATRES DILECTISSIMI, NOVUM GENUS CLADIS. . . ACCESSIT SUB MISERICORDIÆ TITULO MALUM FALLENS, ET BLANDA PERNICIES. CONTRA EVANGELII VIGOREM, CONTRA DOMINI AC DEI LEGEM temeritate quorundam LAXATUR incautis communio (scu peccatorum remissio) irrita, & falsa pax, periculosa dantibus, nihil accipientibus profutura. . . Pacem putant esse, quam quidam verbis fallentibus venditant. Non est pax illa, sed bellum. . . Quid iniuriam beneficium vocant? Quid impietatem vocabulo pietatis appellant? Pluri-

ma alia quæ ibidem S. Cyprianus aduersus grassantem laxitatem scribit, prætereo.

II. S. Ambrosius in Psal. cxviii. *Consideremus etiam ne ipsum deteriorem faciamus cuius miseremur iniuste. Plerumque enim non coercere poenitentes maioris austeritatis est, quam si ulciscaris. Traduntur enim in passionem ignominiae, qui, cum aliquid inhoneſtum fecerint, nullum culpa pretium referunt. . . In Ipsa Ecclesia, ubi maxime misereri decet, teneri quam maxime debet forma iustitiae, ne quis a communionis consortio absens, brevi lacrymula atque ad tempus parata, vel etiam uberius fletibus communionem (seu absolutionem) quam plurimis debet postulare temporibus, facilitate Sacerdotis extorqueat. Nonne cum uni indulget indigno, plurimos facit ad prolapsionis contagium provocari? Facilius enim venia incentivum tribuit delinquendi.*

III. S. Ioannes Chrysostomus homil. iv. in II. ad Cor. inquit: *Nemo cum qui apud Corinthios stupri se crimine obstrinxerat, iam amabas quam Paulus, qui eum Satanae tradi iubeat. Nemo rursus tam eum oderat quam ii qui peccanti applaudebant, & obsequabantur. . . Eandem igitur erga eos qui peccant, rationem tene. Vinculis eum qui facinus improbum admisit, coerce, usquedum ipse Deum sibi propitium ac placidum reddiderit. Si vincula ipsi iniecero, Deus iam non vinciet; si autem in vinculis eum non tenevero, eiusmodi eum vincula manent, quæ frangi nullo modo queant. . . Proinde non est quod hanc rem crudelitatis, & savitiae esse arbitreris, sed summa clementia & benignitatis præstantissimaque medendi rationis, vel vulgaris erga peccatores salutem cura.*

IV. S. Leo Papa epist. lxxix. *Abiicienda prorsus pestifera hæc a pastoralis vigore patientia, quæ sibi met, peccatis aliorum parcendo, non parcat.*

V. Hormisdas Papa epist. ad univers. provinc. *Quæ est ista INIMICA BENIGNITAS? Palpare crimina, & vulnera eorum usque ad diem iudicii incurata servare? Vere dico, quia illi ipsi quibuscum PERICULOSA ET FALSA MISERICORDIA indulgere videmur, cum ante tribunal Christi pro tantis peccatis damnandi advenierint, contra nos ipsos causas daturi sunt, dicentes, quod, dum asperitatem lingua eorum expavimus, aut falsa blandimenta, & periculosas adulationes ipsorum libenter accepimus, nos eos, dum illis inutiliter indulgemus, in peccatis permanere, aut etiam ipsa peccata augere permiserimus. O pietas! o misericordia! Uni parcere, & omnes per exemplum malum in discrimen adducere. Non ita suadet sanctus, & beatissimus martyr Cyprianus, dicens: "Qui peccantem verbis adulantibus palpat, peccandi fomitem subministrat, nec perimit delicta illa, sed nutrit.*

VI. S. Isidorus Lib. II. Sent. cap. xlii. clamat. *Sunt qui poenitentibus securitatem cito pollicentur, quibus bene per Prophetam dicitur: Curabant contritionem*

filizæ populi mei cum ignominia dicent-s, Pax, & non erat pax. Cum ignominia igitur curat contritionem qui peccanti & non legitime penitenti promittit securitatem.

VII. S. Augustinus præ ceteris Patribus invehitur contra blandiloquos divinam legem inflectentes, & humanis appetitionibus aprantes, In Psal. xlviii. conc. 1. ubi inquit. Hoc est in hominibus magna, & usitata perversitas, quia cum debeant vivere ipsi secundum voluntatem Dei, Deum volunt vivere secundum voluntatem suam. Et cum ipsi nolint corrigi, illum volunt depravari: rectum non arbitrantur quod ille vult, sed quod ipsi volunt. Contra istos animat Dei ministros, ut fortes invictique se præbeant, respondeantque quæ sequuntur. Dilectores mundi aliquando interrogant nos, & dicunt nobis, exponite rationem . . . Quid respondebimus? Babylonia te portat, Babylonia te continet, Babylonia te nutrit, Babylonia de te loquitur. Non nosci capere, nisi quod fulget ad tempus, æterna meditari ignoras, non capis quod interrogas . . . Vere, fratres, sic est: incipite velle predicare veritatem, quantulumcumque noveritis, & videte quam necesse sit, ut tales patientini irrisores, & exaltiores veritatis plenos falsitatis.

VIII. Concilium Romanum VII. Admonemus omnes qui æternæ damnationis pœnas evadere, & veræ beatitudinis gloriam cupiunt intrare, ut a falsis sibi cavent penitentiis . . . Unde omnia inter vos hortamur, ut in accipiendis penitentiis, non ad illos curratis in quibus nec religiosa vita, nec est consulendi scientia, qui animas hominum magis ad interitum quam ad salutem ducunt, teste veritate, quæ dicit: Si cæcus cæcum ducat, ambo in foveam cadunt: sed ad eos qui religione, & Scripturarum doctrina instructi viam veritatis, & salutis vobis ostendere valeant.

IX. S. Gregorius VII. Lib. VII. epif. x. Ex imperitia, & negligentia Sacerdotum, quasi ex pestifera radice, innumera mala exorta sunt; adeo ut usque ad hæc nostra tempora, inter cetera quæ male pullulant vitia, falsa nihilominus penitentiz consuetudo invaluerit.

X. Concilium Lateranense II. can. xxi. Quia inter cetera unum est quod sanctam maxime conturbat Ecclesiam, falsa videlicet penitentia, Confratres nostros & Presbyteros admonemus, ne falsis penitentiis animas decipi, & in infernum detrabi patiantur.

XI. Concilium Rothomagense. Nimia facilitate, & frequentia indulgendi omnia graviora crimina ecclesiastica disciplina enervatur, & ad ea, aut maiora perpetranda crescit hominum audacia. Experientia testatur. Plurima alia antiquorum tum Patrum, tum Conciliorum dicta prætereo.

CAPUT IX.

Postremæ ætatis Sanctorum testimonia adversus Laxissimum Confessariorum. Vanum responsum P. La-Croix refellitur.

I. **S**ANCTORUM DOCTORUM qui nobis propinquiores sunt, testimonia maiorem vim ingerent, & efficacius patefacient, non *Rigorismum*, sed *Laxissimum* prævalere, & latius manare. Quare vigilantiores simus oportet, ut ab isto, quæ nos undique circumdat, quam ab illo, qui longius a regionibus nostris exulat, nobis caveamus.

II. S. Thomas de Villanova conc. vii. Dom. iv. Quadrag. hæc scribit. *Illum quæ a Domino vivificatus desiderio salutis a vitiorum sepulcro foras egreditur, vos, o Sacerdotes, solvite. . . Prius ergo vadat, & concubinam e domo expellat, pecuniam alienam restituat, contractus usurarios rumpat, famam proximi-lesam, prout potest, resarciat, mercenariorum labores, & pauperum debita solvat, offenso fratri reconcilietur, & veniam petat: & tunc ad Confessarium redeat, & absolvetur. Hic rectus est ordo: hic in Lazari suscitatione a Domino servatus est. Hunc ordinem ne transgrediaris.*

III. O medice, cur sætentem solvis? cur indigno veniam promittis? cur, cui absolutionis beneficium exhibeas, non discernis? Duas tibi Dominus claves dedit; unam discernendi, alteram iudicandi, absolvendi scilicet, & ligandi. Et tu sine discretionis examine, neminem ligas, omnes absolvis? Una tantum clave, neque integra quidem uteris, sed dimidiata.

IV. Heu! Heu! ventrem meum doleo. In domo Dei horrendum vidi. (Quid vidit, Rigorismum, an Laxissimum?) Pastores Domini sui oves iugulantes, medicos populi sui ægrotos occidentes, indices turpibus blandientes, censes fugitia palpantes, cæcos gregem Domini dirigentes. An non horrendum hoc? . . . Ob MISERI ANIMARUM NON CURATORES, SED INTERFECTORES, NON CONSULTORES, SED DECEPTORES! Quid respondebitis Domino pro grege quem vestris blanditiis decepistis, vestris consiliis iugulastis?

V. QUID ECCLESIAM DEI HODIE PERDIT, NISI CONFESSARIORUM BLANDIENS ADULATIO? . . . Væ miseris! . . . vulnera liniunt; vermen conscientia extinguunt, stimulum peccati auferunt, & securos peccatores ad inferna demittunt. Qui, si timorem populo incuterent, forsitan illum a vitiis revocassent. CUI COMPARABIMUS ADULATORES ISTOS? . . . similes sunt hominibus qui a ripa pereuntibus in flumine manum porrigunt, & violentia fluminis ipsi cum aliis

aliis demerguntur. Pondere namque peccatorum assentatores suos post se peccatores in præcipitia rapiunt, & secum ad inferna deducunt.

VI. Hæc contra Confessarios quosdam nostri temporis PIE IMPIOS, & IMPIE PIOS dicta sint, qui, ne confidentes aliquantulum contristent, illos in sua nequitia manere permittunt. At quanto melius esset ad modicum contristare quam in æternum damnare? . . . Non te pigeat, o Sacerdos, agros moribus ad poenitentiam contristare?

VII. S. Carolus Borromæus in *Instruct.* Part. II. cap. 1. inquit. Summopere cavendum est multis Confessariis ne in gravem reprehensionem inciderit eorum industria, cum de tanto numero confitentium tam exignam emendationem videmus in iis qui toties, & tam multis annis hoc sacramentum frequentarunt. Rursus subdit *Instruct.* Confess. cap. xii. Vel incuria, vel negligentia, vel alia de causa sæpe accidit quod absolutionis beneficium iis impertiantur qui revera indigni sunt; ac proinde in eisdem sæpe peccatis hærent, cum animarum suarum lamentabili ruina. Iterum in eadem *Instruct.* Confess. cap. xvii. Atque hic vigilandum est et diligentius, quo manifestum est hac in parte Confessarios incuria sua maximam præbere causam, cur in omnibus fere officiis, & exercitationibus publicis peccata gravissima inveniantur, & abusus intolerabiles. Item cap. xviii. invehitur contra eosdem Confessarios, qui absolvendi facilitate fovent luxum, pompas, & fastum. Hac tempestate, inquit, luxus vestium ad summum quem conscendere potuit verticem, videtur evasisse, magna ex parte culpa & negligentia Confessariorum, qui nullo . . . enim scrupulo eos absolvent.

VIII. S. Franciscus Salesius in constitutionibus suis synodalibus tit. 1. cap. v. hæc habet. Nihil perinde Ecclesiam dedecorat, nihil ita eius violat disciplinam, nihil ita fovet peccatores in somnolenta peccandi consuetudine, quam probrosus ille mos, quo quidam Presbyteri peccata relaxant, non tamquam iudices, qui prudenti, & gravi criminum discussione discernant, num pro eo possint pronuntiare; verum tamquam mancipia, quæ præcipiti, & adulanti indulgentia peccatoribus blandiuntur. De istis adulatoribus dicit Cyprianus, quod inducant in Ecclesiam dulcem cendilitatem, misericordia & clementia nomine palliatam. Eamque quam dant pacem (absolutionem) idem Cyprianus irritam esse, & falsam pacem offerre, dantibus periculosam, & nihil accipientibus profuturam . . . Nam si detur absolutio sine spe probabili quod pœnitens stabit promissis, SANGUIS CHRISTI profanationi exponitur, & Presbyteri iteratarum prolapsionum, & illorum malorum se reos constituunt quæ ex falsis nascuntur absolutionibus. QUBUS PERIT TUM PRESBYTERORUM, TUM POENITENTIUM INFINITA MULTITUDO. Rigorista ne S. Franciscus Salesius?

IX. Respondet P. Claudius La-Croix *Lit. II. part. II. num. 1741.* præfatos San-

Quos tenuisse rigorem, ubi circumstantiæ suadebant. Verum habet. Numquam enim adhibenda severitas est, nisi lege & necessitate cogente. Sed veritas facti est, hos sanctissimos viros invehos esse contra dominantem Confessariorum laxitatem. Repunit P. La-Croix, legendum esse P. Francolinum, qui exponit benignitatem horum Patrum. Mirabilis est industria La-Croix, qua lectores ab hac Sanctorum veritate abducere pertentat. Cum quid reponat ille non habeat, ad P. Francolinum lectores suos remittit: ad Francolinum, qui *Rigorismi* nos accusat, quod voluntatem constantem, & non vacillantem abstinendi a peccato mortali in poenitente necessariam asseramus. Ad Francolinum appellat, qui, ut mitissime loquar, nimium poenitentiae disciplinam laxare studuit, & Patrum testimonia arbitrariis responsis eludit? P. La-Croix subdit, S. Thomam de Villanova loqui de Confessariis qui *ex humano respectu tacent, & quarunt placere poenitentibus*. Scilicet, scilicet. Quis umquam dixit, S. Archiepiscopum declamare contra Confessarios qui spiritu Dei ardentes severam carni & sanguini evangelicam doctrinam in confessionalis adhibent hominum maledicta contemnentes? Non modo Casuistæ plures SS. Patrum doctrinam non producant in medium, & amplectendam lectoribus non proponunt; sed insuper ab aliis productam arbitrariis interpretamentis eam obscurant.

C A P U T X.

Quatuor sapientes, & doctissimi IESUITAE, Bellarminus, Elizalde, Camargo, De Albertis invehuntur contra laxitatem Confessariorum.

INnumera testimonia Cardinalium, Archiepiscoporum, & Episcoporum adversus Confessarios ignavos, laxos, & nimium faciles sacrorum mysteriorum dispensatores prætereo, ut invehivas exponam quatuor, quos proposui, sapientum Iesuitarum. Spero enim fore ut istorum testimonia opportuniora sint & validiora ad persuadendam veritatem, quam alioquin manibus contructamus.

§. I.

VEN. CARDINALIS BELLARMINUS
Soc. I.

II. **I**N concione viii. Dominicæ iv. Adventus hæc scribit. „ Multi reperiuntur hodie imperiti æconomi, qui nec munus, nec locum, nec gradum suum intelligunt. Et aliqui quidem se maiores, & aliqui minores esse se putant. . . Illi porro se ministros, & dispensatores non agnoscunt, qui, quasi non essent Domino rationem reddituri, summa facilitate omnibus manus imponunt, & tam contritos, quam non contritos, tam plene, & perfecte confitentur, quam peccata sua quadam confusa generalitate involventes, tam satisfacere paratos, quam non paratos, quasi propria potestate, & auctoritate absolvunt. Illi sua IMPERITIA ET SUPERBIA CORRUMPUNT POPULOS; & eis veram poenitentiam viam præcludunt. NEC ENIM ESSET HODIE TANÆ FACILITAS PECCANDI, SI NON ESSET TANÆ FACILITAS ABSOLVENDI. Veniunt homines onusti peccatis, & qui milles in eadem ceciderunt, & veniunt sæpe sine ullo signo doloris, vel pridie, vel ipso die summae celebritatis, & statim absolvi, & ad sanctorum mysteriorum communionem accedere volunt. Et nos IUDICES INCONSIDERATI, DISPENSATORES INFIDLES omnibus manum imponimus; omnibus dicimus: Ego te absolvo. Vade in pace. Sed vae nobis, cum Dominus rationem ponet cum servis suis. Servi sumus, dispensatores sumus, non domini sumus: causam Dei, non nostram agimus: offensas Dei, non nostras remittimus: bona Dei, non nostras dispensamus. Hinc videlicet B. Augustinus in epist. cxlviii. Nihil est, inquit, in hac vita, & maxime hoc tempore facit, & lætius, & hominibus acceptabilis Episcopi, & Presbyteri officio, si persundioris & adulterior res agatur; sed nihil apud Deum miserius, & tristius, & damnabilius. Et B. Ioannes Chrysostomus, Non temere, inquit, dico, sed ut affectus sum, ac sentio. Non arbitror inter Sacerdotes multos esse qui salvi fiant; sed multo plures, qui pereant. Unius enim animæ perditio tantam habet iacturam, ut nulla ratione possit estimari. . .

„ Ingređiantur qui eiusmodi sunt, aliquando cor suum; ibi profecto, si attendant, Deum ipsum sic loquentem audient: ego te exaltavi, & non Angelum aliquem, sed DEUM quendam inter homines esse te volui: ego te caput, & iudicem conservorum tuorum constitui: tibi omnia mea bona commisi, divitias, honorem, sponsam, meipsum, & quidquid aliud habere potui: tibi cre-

„didi claves regni cælorum, tibi SACRAMENTA, PRETIUM SANGUINIS
 „MEI, TIBI IPSUM CORPUS ET SANGUINEM MEUM, tibi animas ipsas
 „sponſas meas, pro quibus pati, & mori non recuſavi: denique honorem, &
 „gloriam meam per te, & a te, & in te honorari volui: & TU calce abieci.
 „ſi me, & qui lux mundi & ſal terra eſſe debuiffi, ita inſpiciens, & ſceleratus
 „factus es, UT PROPTER SPLENDOREM QUEMDAM (N. B.) SÆCULA-
 „REM CORONAM TUAM, & gloriam meam tanto dedecore, atque iniuria aff-
 „wceres, ut etiam MULIERCULIS ſervire non erubeſceres.“

III. Deinde laudais testimoniis Cypriani, Nazianzeni, Ambrosii, Theodoretii;
 ostendit, Confessarios & Pastores infideles sacramentorum dispensatores deriden-
 dam exponere catholicam religionem Lutheranis, & ceteris novatoribus. Dein-
 de concludit. *Semper errores verſantur in extremis; veritas in medio. Hæretici*
Sacerdotibus omnem poteſtatem, atque adeo ipſum miniſterium auferunt. Imperiti
Catholici non miniſtros eos, ſed dominos faciunt. Veritas eſt in medio. Sic nos
exiſtimet homo ut miniſtros Chriſti. Atque utinam hoc tempore non INFINITI
reperiuntur qui imptros illos Corinthios imitantur. Poſſim enim videbitis cun-
tas homines ad CONFESSIONEM, & licet neque dolorem peccatorum, neque de-
ſiderium ſatisfaciendi pro præteritis habeant, tamen omnino cupiant abſolvi: & ſi
CASU ALIQUO (N. B. Quia communiter inveniunt qui conſuunt pulvilloſ &c.)
Confessarium ſapientem inveniant, qui eis aperte dicat: Frater, ego hic ſedeo,
non ut Rex, ſed ut iudex, neque iudicare poſſum, niſi ſecundum allegata, & pro-
bata; & niſi meliorem animum in te videam, non expelles ut te abſolvam. Vade,
perſuadeas Deo, ſi potes, ut ſine vera pænitentia in gratiam ſuam te recipiat, &
debitum dimittat. . . Si, inquam, talem Confessarium fidelem & prudentem naſci
ſucrint, quærunt ſibi alium, & ſi poſſunt ſurdum aliquem, vel imperitum, & ab
ſo abſolutionem quoquo modo extorquent, & tum vere ſe liberos, & abſolutos pæ-
tant, cum ſint miſeri duplici vinculo colligati.

IV. Tandem concione 1x. in eadem Dominica, hoc ex pluribus quæ de pæniten-
 tia locutus eſt, intulit confeſſarium. *Quid hinc ſequitur, niſi ut quam PIU-*
RIMI TURMATIM in gebennam deſcendant, & non ſolum ex iis qui non conſi-
tentur. Vere dico vobis, dilatavit infernus animam ſuam, & deſcendunt ad eum
ſine numero. Huc animos intendant illi qui Eccleſias populo plenas, qui ſacra-
mentorum frequentiam ſpectantes, iactant tamquam auream ſæculi noſtri tel-
ſeram.

§. II.

P. MICHAEL ELIZALDE

Soc. I.

V. **C** Eleberrimus hic, atque sapientissimus Iesuita integro suo volumine, auro cedroque digno, lacrymabundus describit amplissimam, funestissimamque stragem, ex opinionum, & Confessoriorum plurium laxitate investam. *Lib. VI. quæst. xix. §. 1.* hæc habet. „ Supra etiam B. FRANCISCUM SALESIUM dedi, dicentem, secundum Ven. Ioannem de AVILA, ex MILLE VIX UNUM reperiri regendis animabus idoneum. Ipse vero ait ex DECEM MILLE LIBUS VIX UNUM talem reperiri . . . Sed dicis: hi quos allego, libri spirituales sunt, theologici non sunt; sed utrum verum dixerim, an non, abs te peto. Hi viri sunt qui scientiam Dei, & Sanctorum in terra tradiderunt. *Su- perest ut dicas, nec Deum scire Theologiam.*

VI. „ S. Thomas in IV. diff. xxiv. quæst. 1. art. 3. subdit: Si & non possent tot ministri inveniri, quot modo sunt; melius esset paucos ministros habere bonos quam multos malos, ut dicit B. Clemens: & scriptum est: *Multiplicasti gentem, sed non magnificasti latitiam.*

VII. „ Ibidem quæst. xx. §. 1. *Pseudoprophetarum NATIO, SEMPER SANE NUMEROSIOR*, placencia, unde benediceretur, locuta est. Prophetæ contra tristitia, timoremque Dei incutientia denuntiarunt, ex quo displicuerunt, & passi sunt. Satis certe alienis experimentis institimur, si discere vellemus &c.

„ Multi, vel non pauci hoc considerare videntur, utrum sacramentum hoc suscipiatur, ac frequenter etiam suscipiatur, supponuntque communem & fere omnium tam Confessoriorum, quam poenitentium praxim administrandi, & suscipiendi esse rectam. Hinc etiam nostras, vel aliorum securiores doctrinas iudicant, & taxant, dicentes eas non esse concordabiles cum illa praxi, & sic eas esse imprædicabiles, ac proinde inutiles, & veluti Platonis ideas: quod & religioni christianæ obiectum pridem fuit. Hæc autem oppugnatio ad hunc syllogismum est resolvenda. Praxis communis, & fere omnium sacramentum poenitentiae administrantium, & suscipientium est recta. Sed hæc, aut illa doctrina huic praxi non concordat. Ergo non est recta. Sane si maiorem propositionem nobis stabilirent . . . rem nobis facerent longe gratissimam &c.

„ Illud vero adversus eam nos continuo torquet . . . quod verissima sententia illa sit quam ex Evangelio, ex Sanctis, Theologisque, opinor, demonstrabi-
mus,

mus, ex adultis etiam Catholicis non plerisque, non plures, sed *pauciores* salvari. Sed si communis praxis sacramentum poenitentiae administrandi suscipiendique esset recta, idest valida, & iustificans; non pauciores, sed plures, & plerique omnes salventur: quod constat, quia plures, & plerique omnes, susceptis sacramentis, & aliquanto accuratius quam in integra valetudine, obeunt: & quamvis contingere possit, ut historiis quibuldam proditur, eos post adeptam etiam iustificationem iterum cadere, hoc tamen multis de causis perrarum est. Ergo communis & ordinaria praxis nun recta, sed. deficiens est, ac saepe deficit.

Ex nullitate porro sacramentorum in mortis periculo fit argumentum a fortiori ad nullitatem in sana valetudine: multo enim accuratius disponi poenitentes solent in eo periculo, Confessoresque impensius, & diutius illis rite disponendis incumbunt. Et tamen saepe fallit, & deficit praxis in mortis periculo. Ergo saepius in vita. Quo historia illa S. Francisci facit, qui ex viginti millibus iubei lucrandi gratia Assisum confluentibus, quatuor solum, vel quinq. lucratos fuisse, testatus fuit. . . Hoc itaque nos continuo torquet, qui fieri possit, fere omnes susceptis sacramentis obire, & tamen tam paucos salvari.

Theologi pene omnes, qui dictam paucitatem timentur, ut Molina, Montoia, Mendoza, A Lapide ad illud Matth. 11. *Pauci vero electi*, opponunt sibi hanc difficultatem: & respondent, sacramentum poenitentiae SAEPE nulliter suscipi, etiam ab infirmis, periclitantibus. Punctum ergo est hoc longe gravissimum, & quod velut principium moralis doctrinae Moralistae debent examinare. Haud enim pietas, sed crudelitas est, fideles huius, tanti periculi non commonere, & dicere, Pax, pax, ubi non est pax: quod moris non Prophetarum fuit, sed pseudoprophetarum: quemadmodum si ego interrogatus de securitate itineris, ubi plures pereunt, tuta omnia pollicerer, vix fera non essem.

§. III.

P. IGNATIUS DE CAMARGO

Soc. 1.

VIII. **D**octissimus hic Iesuita, non secus ac duo praecedentes, deplorat Confessariorum plurium laxitatem. *Lib. I. part. 1. contr. 3. artic. 4. num. 3.* Verumtamen hae omnia quae ex contraria sententia recentiorum immediate, ac legitime consequuntur, absurdissima plane sunt apud prudentes omnes & pios: quod quidem evidentius est quam ut a nobis debeat ostendi. Audiatur tantum BONAVENTURA in ipso ptologo, sui Confessionalis. *Cum secundum*

B. Gre.

„ B. Gregorium sit ars artium regimen animarum, & occultiora sint vulnera cogitatio-
 „ num quam viscerum; HORRENDUM profecto est videre quosdam Sacerdotes nostri
 „ temporis qui sacram Scripturam, in qua prefati regiminis ars sufficientissima tradi-
 „ tur, & iura canonica, & scripta Doctorum, in quibus plenissime declaratur, vel per
 „ torporem legere negligunt, vel per ignorantiam nesciunt: & tamen cordis medicos
 „ in audiendis confessionibus se profiteri impudenter non metuunt &c. Id ipsum quo-
 „ que confirmat & urget D. Thomas, eodem adducto etiam medicorum exem-
 „ plo. Vide, precor, an postulet laborem, & studium munus hoc regendi con-
 „ scientias. VAE NOSTRI TEMPORIS CONFESSARIIS INNUMERIS! VAE
 „ POENITENTIBUS AD IPSOS ACCEDENTIBUS, nisi hi summi Ecclesie Do-
 „ ctiores verbis inanibus nos decepturi!

§ IV.

P. ALBERTUS DE ALBERTIS.
Soc. I.

IX. **F**Ulius ceteris perdoctus P. Albertus de Albertis invehitur adversus Con-
 fessariorum plurium ignorantiam, & laxitatem *Paradox. Disput. 11. c.*
IX. num. 67. his verbis. „ Adeste Confessarii incliti: adeste Concionatores fervidi:
 „ adeste solliciti animarum Pastores: adeste insulata capita, Antysites, & Presi-
 „ des, Religiosi, atque Ecclesiastici universi. Vos ergo contestor omnes, vos, quos
 „ Dei amor urit, proximorumque ab æterno interitu retrahendorum cura saltem
 „ aliqua vos tangit. Vos qui fascinio soporati veteri corruptelæ nudati seminei pe-
 „ ctoris nullum hæcenus bellum intulistis. Eia, nunc tandem silentium minime
 „ tutum rumpite: iam inerti tolerantie modum ponite &c.
 „ Non pauci qui moralium quæstionum ARBITROS se constituunt, atque in-
 „ ter Theologos irreperere, & censeri cupiunt, sæpenumero; quamvis divinarum
 „ litterarum, priscorumque Patrum sententia perpicua in controversia aliqua ex
 „ adverso obliuiscitur, nihilominus, ut nescio quibus suis placitis, nullo fundamento
 „ etiam innixis, serviliter ancillantur, suæque dogmata, quæ semel imbibuerunt,
 „ perfractæ tueantur, vim plane apertam tam sacris codicibus, quam Patrum mo-
 „ numentis inferre, utroque torquere, eludere, insectare, luxare, ac traducere
 „ minime dubitant. Si quam etiam mundi corruptelam valde usitatam Scriptura
 „ sacrosancta, & Patres improbant, damnantque, ii omnem operam studiumque,
 „ quo hominum gratiam aucupentur, ejusdem corruptelæ patrocinio suscipiente im-
 „ pendunt: atque ut impendant, eandem Scripturam, & Patres ludibrio, quam re-
 „ ligioni habere malunt, ne dicam prodere.

„ Ab his vero, si quis forte rationem, cur alicui opinioni adhæreant, postulet,
 „ indignantur; si auctoritatem, rident; si Doctores, fremunt; suum ipsorum iu-
 „ dicium pro ratione, pro auctoritate, pro Doctoribus abunde sufficere arbitran-
 „ tes. In quos male ego metuo, ne effatum illud . . . *Quod volumus, sanctum*
 „ *est, quadret adamussim; honestumque, iustum, ac sanctum, simul ac iucun-*
 „ *dum, ac conducibile illis videtur, illico ab eis decernatur.*

„ Pugnant inter se iudicia hinc unius e Patribus sanctissimi gravissimique, vel
 „ plurium etiam ex eodem ordine, illinc recentioris Auctoris aut Doctoris, mu-
 „ tuoque in contentionem veniunt: affirmant illi *differtissime*; negat iste *rotundis-*
 „ *sime*; tametsi autem novus auctor, sæpe etiam non optinæ notæ, sed *proleta-*
 „ *rius* suam opinionem neque ulla insuper ratione, neque ullo documento, aut
 „ testimonio fulcit; nihilominus huic ita insipienti, indulgentique plus fidei quam
 „ sancto Patri exerte reclamanti asseverantique nonnullis tribuitur. Quo quid
 „ perversius, rogo, aut iniquius esse queat?

„ *Quid quod aliquas multi morales controversas ita subinde desuunt, ut non tam*
 „ *veritati quam personarum gratia VENALITER ANCILLARI videantur; non*
 „ *secus ac Iuriconsulti plerique auro cœdendi, iura legum non iustitiæ, vel aequitati,*
 „ *sed clientum cupiditati & lubentia attemperantes. Nam qui non rationis desecata*
 „ *præscripto ducuntur, sed cæca appetitionis impetu abducuntur, non solum verita-*
 „ *tem ipsam e tenebris minime eruunt, sed in meridie quoque licet clave micantem,*
 „ *multa POLITICORUM FUCORUM VULPINORUMQUE RESPECTUUM caligine*
 „ *obvolvère ac de serrarum orbe in cimmaria antra detrudere mire satagunt: quo-*
 „ *rum ingenium sapientiæ coryphæus Salomon Prov. 28. ad vivum hisce verbis*
 „ *expingit. Qui cognoscit in iudicio faciem, non bene facit: iste & pro buccella pa-*
 „ *nis deserit VERITATEM.* Hinc complures quoque viri, qui suismet dumtaxat
 „ oculis seipso contemplantes, magni etiam, ac nimio plus se æstimant, quo-
 „ niam ea quæ sunt omnium, & non Dei tantummodo sapiunt, doctrinam om-
 „ nem, quam tenent, HUMANIS RESPECTIBUS sœdè mancipant. Damna
 „ animarum non intelligunt, occasiones peccatorum non percipiunt, corruptelas
 „ morum nihil pendunt. Quid mirum? *Qui secundum carnem sunt, quæ carnis*
 „ *sunt, sapiunt, ut ex Apostolo Rom. 8. perspectum est.*

„ *Hæc videlicet CARNIS PRUDENTIA ipsissima est quæ in controversis conscien-*
 „ *tia examinandis, in animarum iudicio ferendo, IN FORO POLI GUBERNANDO*
 „ *faciem cognoscit: hæc quæ personas hominum intuetur: hæc quæ pro panis buccella*
 „ *VERITATEM deserit: hæc illa quæ multas opiniones vera probabilitatis expertes,*
 „ *veluti probabiles ac iustas, venditat: hæc illa quæ communibus, & certis Doctorum*
 „ *sententiis, sola auctoritate sine ratione inveteratam auctoritatem rationum pondere*
 „ *subnixam detrabere conatur: hæc illa quæ regiam viam exploratæ doctrinæ relin-*

„ *quens,*

„ quens, per avia & præcipitia levissime subtilitatis incedit: hæc illa quæ vires om-
 „ nes solertia, eruditionis, industriæ, ac studii ad opiniones carni, & sanguini favo-
 „ rabiles invehendas, muniendasque, ad oppositas vero animæ ac spiritui salutaris
 „ convellendas, & labefaciendas expromit. IN SCHOLA QUIPPE CARNIS PRU-
 „ DENTIA CARNIS, MAGISTRA, ET PATRONA CARNIS, QUID,
 „ QUÆSO, NISI CARNEM DOCEAT? In prælud. ad Paradox. num. 1. 2. 3.
 „ 4. 5. & 6.

„ Non possum! me hoc loco diutius continere, quin PORTENTUM INGENS,
 „ valdeque noxium intento, ostendam digito, simulque maiorem in modum ad-
 „ mirer (dicam ne, an indignetur?) a nemine fere id observari, sed ultro hospi-
 „ tio quoque tamquam *innocens* benigno recipi . . . Nam certum quoque est
 „ ab hisce iisdem mulieribus divina sacramenta obici, nec tamen a Confessariis
 „ communiter ullum scrupulum de huiusmodi ornatu ipsis iniici; sed easdem tam
 „ secure, tam facile, tam liberaliter, sine ulla mentione emendationis, perinde
 „ ac si omnia fulmina, quæ in eundem ornatum & sacri Doctores passim, &
 „ rationes ineluctabiles intorquent, MERÆ ESSENT FABULÆ ÆSOPI. Hoc
 „ enim vero piaculum perindignum perversumque valde est: in quod severe ani-
 „ madvertet Deus, qui tales Confessarios, & pœnitentes suo in iudicio multo ali-
 „ ter quam homines iudicabit &c.

„ O si Confessarii omnes hanc apostolicam spiritus libertatem imitarentur! O si
 „ nihil aliud sincere & pure quam Deum, & salutem animarum quærerent? . .
 „ Quam multæ rescipiscerent! Quam multæ incrementa lasciviæ exuerent! Quam
 „ multæ sancto Dei timore corriperebantur?

„ Audivi ego Mediolani in Templo Rosæ ex ore P. Campanæ celeberrimi ex
 „ Ordine Dominicano concionatoris in publica concione apophthegma de quodam
 „ Principe pulcherrimum, qui, cum Sacerdotem, quem sibi Confessarium cupiebat
 „ deligere, quæreret, aiebat illum ea conditione præditum velle, non qui time-
 „ ret Principem, sed qui Principi timorem incuteret. O aureum dictum, non
 „ quovis tantum Principe, sed Principum sapientissimo Salomone dignissimum!
 „ Qui Confessarii munere rite fungi vult, necesse omnino est ne quemquam aut ullum
 „ suorum, vel suarum pœnitentium metuat, nec vereatur ullum, ullamve . . . amit-
 „ tere, vel dimittere Quo virili animo imbutus Confessarius, humana spernens,
 „ faciem hominum formidare nescius, Deique gloriam, & animarum bonum
 „ dumtaxat spectans, pœnitentes, quæ monendæ sunt, libere monebit, a via
 „ perditionis revocabit, lethiferi ornatus luxum deponere iubebit, opportunis reme-
 „ diis imbecillos curabit.

„ At ubi ipse in metu est, ne detecta veritate, & paterna monitione adhibita pœ-
 „ nitentes alienet, atque hæc alium sibi Confessarium adoptent, in magno sane damna-
 „ tionis

tionis æternæ periculo tam Confessarius ipse, quam pœnitentes versantur Nam huiusmodi Confessarius ingenti discrimini semper obiectus est, ne huiusmodi anxio timore, qui totus ex aliqua caducæ rei cupiditate, quæstusque fillente, excæcante, illaqueante, veritatem quam aperire deberet, supprimit; occasionebus proximis interdiciere negligat; opinionibus, quæ vere probabiles non sunt, n̄tatur; non salutem pœnitentium, sed propria lucra, & commoda sectetur, atque ita propriam conscientiam illaqueet; quumque sub mortali admonere tenetur, ignave dissimulet, atque ita animam suam ipsemet perdat, unaque plurimas ALIORUM, atque ALIARUM, quibus dux ad salutem ipse debuerat, contra autem ipse eisdem ruinæ ac præcipitii factus est auctor: toties ideo perdendus, atque damnandus ipse, quoties mortifera sua adulatione, tergiversatione, ludificatione, unum, vel unam e suis pœnitentibus perditionis ac damnationis viam ingredi, & currere permisit, nec serio prohibuit. Paradox. mor. disp. 1. cap. ix. pag. 232.

CONSECTARIUM.

Non modo plures Casuistæ divinis Scripturis, & SS. Patrum doctrinis allicere & urgere Ch̄istianos non curant ad veram pœnitentiam, ad exactam evangelicæ legis observantiam; sed e contrario testimonia SS. Patrum, a graviôribus Theologis producta, extenuare, implicare, & enervare conantur. Quis illorum Ven. Cardinalis Bellarmini, S. Caroli, S. Thomæ, S. Francisci, & antiquorum PP. doctrinam quam supra rescripti, in libris casuisticis inseruit? Immo e contrario P. Croix *loc. cit. num. 1766.* & Bellarmini, & aliorum Sanctorum doctrinam, ab aliis in apricum expositam, suis blandis responsis, quæ brevitatibus gratia prætereo, extenuat & involvit. Hæc sunt facta obvia, manifesta, evidentia, quæ istorum Auctorum genium, inclinationem, studium, quo tendant, patefaciunt. Eos ergo Theologos morales legito qui sententias suas Scripturarum, Patrum, Conciliorum, & Catechismi Tridentini testimoniis confirmare student. Tu, lector, iudex esto, num quorundam Casuistarum lectio te ad devotionis fervorem, ad severam pœnitentiam, ad humilitatem, caritatem, divitiarum contemptionem, ad sanctum Dei timorem, & pavorem excitent, accendant, inflamment. Tu, inquam, iudex esto.

CAPUT XI.

Quam pauci sint Confessarii optimi. Quanta Christianorum obligatio eligendi Confessarium doctum, & probum. Confessarii gravius urgentur seligere librum sanioris Theologiae, cui impensius studeant.

I. **E**X hæcenus dictis compertum est, quam verum sit id quod auctoritate SS. Patrum docent Ven. Magister Avila, vix ex-mille, & S. Franciscus Salesius ex decem millibus unum Confessarium optimum, & omnibus dotibus instructum reperiri. Si ego talia ex me scriberem, quæ non intorquerent maledicta contra me mollioris Ethices patroni? At sic loquuntur viri Sancti & Ecclesie Doctores.

II. Heinc consequitur, omnes plus & minus obstringi ad seligendum Confessarium doctum probumque, si facultas adsit. Hoc gravissimum punctum non meis, sed sanctorum PP. verbis demonstro.

III. Origenes in Psal. xxxviii. hom. 11. hæc scribit. *Tantummodo circumspice diligentius, cui debeas confiteri peccatum tuum. Proba prius medicum, cui debeas causam languoris exponere, qui sciat infirmari cum infirmante, flere cum fiente.*

IV. S. Basilii in Reg. brev. inter. 229. inquit. *In peccatorum confessione eadem ratio est quæ in apertione vitiorum corporis. Ut igitur vitia corporis nequaquam quibuscumque homines temere aperiunt, sed iis tantummodo qui rationem, quæ ea curanda sunt, teneant; eodem modo etiam peccatorum confessio fieri debet. Rursus serm. de abdicatione sæculi hæc adiicit. Magna cura, & sollicitudine operam dato ut aliquem tibi virum invenias quem in ista, quam amplexus es, vite institutione certissimum ducem sequaris, qui probe sciat Deum requirentibus viam monstrare, qui virtutibus omnibus ornatus sit, cui facta sua idoneum caritatis erga Deum dederint testimonium, qui sacrarum litterarum scientiam habeat &c.*

V. S. Ioannes Chrysostomus, sive Auctor operis imperfecti hom. lv. in Matth. hæc habet. *Si vestem empturus unum gyras negotiatorem & alterum, & ubi meliores vestes inveneris, & pretio viliori, ab illo comparas: annon oportet populum circumire omnes Doctores, & inquirere, ubi sincere veritas christi venundetur, & ubi corrupta; ET VERIOREM eligere plusquam vestimentum? Intellexisti? Veriorem dicit, non minus veram, non minus probabilem. Et denuo Chrysostomus ipse in genuino opere, nempe in 11. Cor. cap. 7. hom. xlii. hæc addit. *Non igitur multorum opiniones habeamus, sed rec ipsas inquiremus. Quomodo autem non absurdum, propter pecunias aliis non credere, sed ipsas numerare, & supputare; pro**

pro rebus autem amplioribus aliorum sententiam sequi simpliciter; idest, nulla præmissa discussione, consilio, & examine.

VI. Hæc omnia hausta sunt ex ipsis Scripturis sanctis. Dicitur enim *Eccles. iv. Non confundaris confiteri peccata tua*, & *non subiciās te omni homini pro peccato*. Et evangelista Ioannes cap. iv. ait: *Carissimi, nolite omni spiritui credere; sed probate spiritus, si ex Deo sint: quoniam multi pseudoprophetae exierunt in mundum*. Et S. Paulus 11. ad Timoth. cap. iv. *Prædica verbum, in ista opportune, importune; argue, obsecra, increpa in omni patientia, & doctrina*. Erit enim tempus, cum sanam doctrinam non sustinebunt, sed ad sua desideria coarctabunt sibi magistros prurientes auribus; & a veritate quidem auditum avertent, ad fabulas autem convertentur.

VII. Tandem Tridentini Concilii Catechismus de pœnit. §. 36. quæstionem meam proponit his verbis. *Qualis cuique de sua salute sollicito diligendus sit confessionis minister?* Et dotibus optimi Confessarii enarratis, hæc adiicit. *Ex quo poterunt fideles intelligere, cuius maximo studio curandum esse ut cum sibi Sacerdotem deligat quem vitæ integritas, doctrina, & prudens studium commendant.*

VIII. Si Christiani gravi obligatione obstringuntur, præsertim divites, mercatores, iudices, nobiles, ministri, magnates, Principes eligendi Confessarium doctum probumque; quo maiori onere astringuntur Confessarii deligendi auctorem Sacramentorum Theologiæ doctum, sapientem, in Scripturis, Patribus, & sacris canonibus versatum? Placet transcribere perdocti P. Vincentii Contensonii verba, quibus *Lib. vi. diff. 111. cap. 11.* describit deceptionem multorum, qui perlectis Summulis Busembau, Bonacinæ, Bertini, & Bertualdi, aptos se putant conscientiarum arbitros. „ Iuxta modernos (inquit) Probabilistas, sicut quælibet opinio „ probabilis tuta est agendorum regula, ita quilibet de plebe doctus, quilibet Sa- „ cerdos post perlectum *Bertinum*, & *Bertualdum*, post exploratum compendium „ *Dianæ*, vel *Bonacinæ*, idoneus habetur regendis animabus dux; cum tamen res „ admodum periculosa, lubrica, ingentis cautionis, & divinæ prudentiæ, ac di- „ vinorum experientiæ sit, de conscientiæ latebris, de gravitate criminum, de cul- „ parum distinctione, de pœnitentiæ iniungendæ modo definite. Vidi non sine „ acerbissimo doloris sensu excipiendarum confessionum curam infirmis in- „ genis committi . . . Vidi, & delui illis sanandarum animarum provinciam mi- „ serissime demandari quibus vix claves ianue domus credere voluissent. O perversam „ verum estimationem! . . . Patres divini luminis abundantia præcellentes falsitatem „ timent similitudine veritatis indutam; formidant cornuere, & secum alios in eam- „ dem foveam trahere: & nemo Probabilistarum non se ad animarum curam pu- „ tat idoneum, probabilitate non minus, quam divina revelatione securum. *Væ pec-* „ catoribus in ejusmodi duces incurrentibus!“ Væ Confessariis, subdo ego, in la-
xioris

maioris doctrinæ libros incurrentibus. Quod ad me attinet, id testari possum, optimorum Auctorum lectioni, & studio magna ex parte, secundum Deum, salutem meam æternam, quam firmiter spero, me debere. Lectio Casuistarum plurimum, qui in manibus Confessoriorum communiter sunt, arida, disceptatrix, litigiosa, sophistica. Dei timorem non excitat, inter gravissima pericula securitatem spondet, sensibus & carni prurit, & adulatur benignitatis obtentu. Si Christiani vigilantes, & diligentes sint oportet in diligendo Confessario; qua vigilantia, quo studio satagere Confessarii debent ut optimos Christianæ Theologiæ libros sibi comparent, unde regendarum animarum regulas haurire optimas valeant? In memoriam revoca scientiam qua præditos esse debere Confessarios, diximus supra: & inde collige, num ex lectione plurium Casuistarum talem indipsi scientiam valeant. Lege plura de iis quæ dicta sunt in *Hist. Probabil. & Rigos. Tom. II. diss. v. cap. v.*

§. UNICUS.

Christiani, Confessoriorum suorum directionem sequentes, & Confessarii, opiniones Casuistarum plurimum amplectentes, damnari æternum possunt.

I. Gravissimum punctum odii, & invidiæ plenum paucis discutiam. Fuisse me illud versant P. Camargo, & P. Elizalde, Ego quoque tum in animadversionibus ad *Tom. I. Joannis Pontas*, tum in *Hist. Prob. & Rigos. Tom. II. diss. v. cap. v.* illud dispexi fusiore sermone. Pauca nunc delibo.

II. P. Ignatius de Camargo *Lib. I. contr. 4. artic. 6. num. 647.* communem Christianorum deceptionem refellit his verbis. Interim tamen Christiani plurimi vix non blasphemiam reputant asserere, quod possit quis peccare, ac perire, dum sequitur diælamen Theologi, aut Confessarii gravis & docti. Nihil hodie receptius; nec arguendum non vereor quod falsum referam; sed cogitatio ista non solum stultitia plena est, sed errorem involvit etiam in fide. Huc nempe ducit homines lucis filios errorum tenebras non timere, sed beatos se existimare, quamdiu probabiliter errant, ac sine conscientia remorsu pace illa damnabili, ac damnata, totiesque a Deo maledicta fruantes, per quam securi dormiant, sed pereunt. Heu popule meus! qui te beatum dicunt, ipsi te decipiunt, & viam gressuum tuorum dissipant. Stat ad iudicandum Dominus: *Isai. 111. Verum dolor nos abripit quo tempus ire prohibet.*

III. Quod errare Confessarii in suorum pœnitentium regimine valeant, quâ voluntatem habeant eisdem decipiendi, comperta sunt sanctarum Scripturarum

testimonia . Deus Ezech. xiii. hæc minatur . *Væ Prophetis insipientibus , qui sequuntur spiritum suum , & nihil vident . . . Vident vana , & divinant mendacium . . . & erit manus mea super Prophetas . . . eo quod deceiverint populum meum dicentes , Pax , & non est pax .* Eadem intonat per Isaiam cap. xxi. *Obstupescite , & admiramini . . . Miscuit vobis Dominus spiritum soporis , claudes oculos vestros , Prophetas , & Principes vestros , qui vident visiones , operies . . . Peribit enim sapientia a sapientibus eius , & intellectus prudentium eius abscondetur .* Eodem modo Ieremias cap. xxi. clamat . *Væ pastoribus qui disperdunt & lacerant gregem pascuæ meæ , dicit Dominus . . . Ecce ego visitabo vos super malitiam STUDIORUM VESTRORUM . . . Nolite audire verba Prophetarum , quæ prophetant vobis , & decipiunt vos .*

IV. Non dissimili obiurgatione Christus Dominus increpat novi fœderis Theologos . Inquit enim cap. xv. Matthæi : *Cæcus autem si cæco ducatum præstet , ambo in foveam cadunt .* S. Paulus Apostolus altius hæc omnia fidelibus inculcat I. ad Tim. cap. i. his verbis . *Aberrantes conversi sunt in vaniloquium , volentes esse legis Doctores , non intelligentes neque quæ loquuntur , neque de quibus affirmant . Scimus autem quia bona est lex , si quis ea legitime utatur .*

V. Quemadmodum Ecclesiæ Hebraicæ Doctores , Theologi , & Prophetæ firmiter credebant nec falli , nec fallere populum quem imbuiebant ; & tamen ipsa decipiebant , & decepti peribant ; sic Theologi novi fœderis constanti persuasione convicti sunt se nec decipi , nec decipere animas , quas sanandas suscipiunt ; & tamen non secus ac illi decipere & se , & gregem valent . Immo tam absunt a persuasione errandi , ut credant se sacrificium offerre Deo illa ipsa actione qua oves iugulant . *Venit hora ut omnis qui interficit vos , arbitretur se obsequium præstare Deo : ait Christus Dominus Ioan. xvi.*

VI. Errare Theologi possunt , & Confessarii , ut ex Scripturis sanctis ostensum est . Ergo perire æternum valent Christiani sub eorumdem regimine . Nisi falsæ Theologorum , & Confessariorum sententiæ animarum damnationem inferrent ; nec Ecclesia errores illorum proscriberet , nec apostolicos ministros mitteret ad populum illuminandum . Si medicus eo frueretur privilegio , quo sanare ægros non minus veneno quam pharmaco posset ; nec infirmus detrimentum reciperet , nec medicus porrigendo medicinæ loco venenum , peccaret . Similiter si æque opinionibus laxis & falsis Theologorum , & Confessariorum errantium , ac recte & sancte dirigentium , sanari & proficere fideles in via Domini possent ; nullum inter effectus erroris , & veritatis discrimen intercederet . At hæc monstra sunt & chimeræ ; cum Dominus clamet : *Si cæcus cæco ducatum præstet , ambo in foveam cadunt .* Quem textum sanctum sic Lib. *Past.* cap. x. exponit S. Augustinus . *Terret Dominus non solum cæcum ducentem , sed & cæcum sequentem . Ne-*
que

que enim ait, Cedit in fossam ducens, & non cedit sequens, sed cæcus cæcum ducens, ambo in fossam cadunt.

VII. Illi præsertim Christiani in pereundi periculo versantur qui data opera quærant Doctores blandiloquos, & Confessarios qui placentia loquantur: & similiter illi Confessarii damnationis discrimini obnoxii potissimum sunt, qui Casuistas laxiores revolvunt, ut opinionem laxiorem, suco benignæ probabilitatis delibutam, inveniant. De his quippe Paulus II. ad Tim. cap. iv. loquitur. *Erit enim tempus cum sanam doctrinam non sustinebunt, sed ad sua desideria concervabunt sibi magistros prurientes auribus, & a veritate quidem auditum avertent, ad fabulas autem convertentur. Quem textum his verbis declarat S. Anselmus. Acervum sibi congregabunt magistrorum, qui doceant eos ea quæ desiderant. . . Cupiunt audire verba quæ errores doceant, & ad delectationes alliciant, & fugiunt audire sermonem veritatis.* S. Thomas in commentariis in textum Apostoli inquit: *Loquimini nobis placentia, hoc est secundum sua desideria, quia unus vult audire unum, & alius vult audire alium; & sic querunt diversos magistros, seu Confessarios.*

VIII. Scribæ, & Pharisei, Doctores, & magistri Hebræorum doctrinæ, & probitatis fama resplendebant. Propterea ne excusatione dignus reputatus populus fuit? *Sine causa* (inquit Christus) *colunt me, docentes doctrinas, & mandata hominum:* Matth. xv. Mellifluis Doctor Bernardus *serm. xxxiii. in Cant.* lugebat clamabatque multis Christianis suo tempore obvenisse calamitatem cæcitatæ, & seductionis, qua involuti Iudæi erant. *Va generationi huic a fermento Phariseorum! . . . Serpit hodie putida tabes per omne corpus Ecclesiæ, & quo latius, eo desperatius, eoque periculosius, quo interius. . . Intestina, & insanabilis est plaga Ecclesiæ; & ideo in pace amaritudo eius amarissima. Sed in qua pace? Et pax est, & non est. Pax a paganis, pax ab hæreticis, sed non profecto a filiis. Sed eo malorum res ætate nostra devenit, ut vix SS. Patrum lamentationes referre valeamus. Et tamen veritas certissima est, in Scripturis sanctis revelata, eo mundum fore nequiores, quo seniores. Et nonnullos haud pudet auream appellare ætatem nostram, comparatam cum elapsis.*

IX. Cedo: Christiani, qui doctrinam Tertulliani, Origenis, Dioscori, Nestorii, Arii amplectebantur, salutem ne sunt assecuti? Populi qui sequuntur errores Lutheri, Calvini, aliorumque novatorum, numquid salvi sent? Errant illi in fide. Bene habet. At obscuriora sunt fidei mysteria quam morum præcepta. Excusabilior ergo videtur fidei quam morum error, si res absolute ipsetur. Utique nunc definiti sunt fidei articuli, secus morum controversiæ plures. Ceterum sicut in fidei arcanis, ita in morum quæstionibus errare Theologi privati possunt: & inexcusabilior est aberratio in morum controversiis, quo propin-

quiora sunt rationi humanæ morum præcepta. Quando aut ignorantia, aut bona fides excusare poenitentes, sequentes doctrinam Confessariorum, valeant, mox dicam.

X. Opponunt r. Confessarii illi habentur ut probi, ut docti, & in communi hominum existimatione resplendent. Suspiciari ne licet, velle semetiplos damnare, ut ceteros prodant? Caluistæ, quorum opera legimus, fuerunt Religiosi, & plures severioris instituti. Illorum libri approbati sunt. Resp. Eiusmodi sophismata his verbis diluit in *Psal. cxxv. S. Augustinus. Venturi sunt homines, & disturi tibi: Magnus ille vir; magnus ille homo*. . . Vide, quia lucet de illis aliqua flamma sermonis, & aliquis de ipsis ignis accenditur. . . Cum ergo laudati tibi fuerint isti montes, & cæperint tibi suadere ut venias ad ipsos, & ibi requiescas; responde: In Domino confido: quomodo dicitis animæ meæ: Transmigra in montes, sicut passer? Bonum est tibi ut evadas, sicut passer de muscipula venantium. Rursus in *Psal. cvi. Principes sunt, docti sunt, magni sunt, lapides pretiosi sunt. Quid adhuc disturus es? Numquid Angeli sunt? Et tamen si Angelus de cælo vobis annuntiaverit, præter quam accepistis, anathema sit: ad Galat. 1.*

XI. Nonne reperiuntur Theologi rigoristæ, severi, tutionistæ? Omnes Christiani vocati ad regnum sumus. Quid phanatici nonnulli passim ominantur mala? Sunt isti quodam furoris æstro abrepti. Audiant isti S. Augustinum *ser. xvi. de verb. Dom. hæc sibi obicientem, & resolventem. Qui diligunt sæculum, contradicunt. Quid insanis? Nimius es. Numquid alii Christiani non sunt? Quid repomit S. Doctor? Arripe aures. Ista stultitia est, dementia est. Isti sunt qui labijs Deum honorant, cor autem longe est, Christiani mali, & tepidi. Quot hodie vociferantur: Confessarii nostri docti sunt, prudentes sunt, zelo fervent, caritate splendent, morum probitate ædificant. Bene & recte. Quid inde? Sub horum regimine reformas ne mores tuos ad Christi & Sanctorum exemplar? Incumbis ne sincere in studium christianæ perfectionis, tuo statui necessariæ? Ais? Felicitati tuæ gaudeo, & plaudo Confessariis tuis. Negas? Confessarii tui, etiam si Platone doctiores essent, inepti sunt, decepti sunt, cæci sunt.*

XII. Ut igitur omnem nimii rigoris suspensionem amoveam, dico, bonam fidem, & ignorantiam excusare interdum poenitentes posse, quando scilicet isti spiritu veritatis ducti, & sincero desiderio reperiendi virum Dei, optimumque directorem, eam in hunc finem diligentiam adhibent quam in alio gravissimo negotio, puta in medico pro cura mortalis infirmitatis, in avvocato pro lite tractanda non negligerent. Tum enim excusari poenitentes istos probabile videtur. Ceterum oculis conspiciamus Christianos, & Christianas, qui theatra, comœdias, ludos, saltationes, conversationes promiscuas frequentant, luxum, pompas,

fastum, vanitates fovent, illecebris, deliciis, & omnibus insanientis mundi lenociniis operam dant, mercenariorum, artificum, mercatorum, operariorum debita non solvunt, sola voluntate, & intentione solvendi contenti. Confessores isti sibi deligunt magni nominis, præclaræ famæ, & ingenti pœnitentium affluentia circumdatos. Ab his absolutionem liberalissimè obtinent, quin aut debita solvant, aut luxum, pompas, theatra, ludos, ceteraque oblectamenta dimittant. Præclarum Concionatorem hæc mihi narrantem audiui. Ex concionibus meis plures & viri, & mulieres commoventur, cordis dolore tanguntur, deliberant abstinere a comœdiis, theatris, aliisque mundi præstigiis. Confessarios adeunt, quibus referant propriam conscientiam, nimium exagitata[m] ob talium spectaculorum frequentiam, & illecebrarum consuetudinem. Confessarii vero reponunt. Heus, mi boni, & bonæ? Comœdiæ, & theatra mores corrigit, & vitia carpunt; ut dicebant illi quos redarguit S. Augustinus Lib. Past. cap. 111. *Vivito ut vultis. Securi effoste: Deus neminem perdit: tantummodo vitam christianam tene-te. Non perdet ille quos redemit. Et si spectaculis volueritis oblectare animos vestros, ite: quid mali est? Et festa ista quæ celebrantur per universas civitates in lætitia convivantium, & publicis mensis seipfos, ut putant, iucundantium . . . ite, celebrate, magna est Dei misericordia, quæ totum ignoscat. Coronate vos vasis, antequam marcescant . . . Convivamini, implemini cibo & vino cum VESTRIS. Ad hoc enim data est illa creatura, ut ea perfruamini. Non impiis, & paganis eam dedit Deus, sed vobis eam dedit. Hæc si dixerimus, forte congregabimus turbas ampliores. Et si sunt quidam qui nos sentiunt hæc dicentes non re-âre sapere, paucos offendimus, sed multitudinem conciliamus.*

XIII. Quid iudicii profers in hos sive Confessarios, sive pœnitentes? Pauci offenduntur, inquit Augustinus, si laxa & placentia loquamur, quia pauci sunt electi: e contrario ampliores turbas nobis conciliamus, quia multi sunt qui per viant latam & spatiosam ambulare volunt. Quæ narrat Augustinus, manibus ætate nostra tangimus. Si Concionatores Christi doctrinam inculcant, si Christianorum conscientias emolliunt, vellicant, exagitant; Confessarii plures paleis & luto parietem liniunt, benigna atque perdulci probabilitate minori omnia honestant, atque sanctificant. Viden', quam merito clament sancti Dei viri. *Quid Ecclesiam Dei hodie perdit, nisi Confessariorum blandiens adulatio, delinens, demulcensque assentatio? Non esset tanta facilitas peccandi, si non esset tanta facilitas absolvendi.* Verum quoque est illud horrendum axioma typis editum, cuius & librum, & Auctorem sileo ad declinandam invidiam: *Facilius hodie peccata dimittuntur quam committantur.* Indue, christiane lector, rectam cogitandi rationem. Et post seriam meditationem colliges, exitium ruinamque plurimorum ex aliquorum Confessariorum præsertim aut ignorantia, aut præiudica-

tis opinionibus proficisci. Colliges, non tam verum, quam verissimum esse Sanctorum epiphonema, nempe vix ex mille unum Confessarium reperiri omnibus dotibus præditum. Cave ergo tibi, ne & alios, & teipsum in orbem detrudas.

C A P U T XII.

Quæstio singularis, quam P. Michael Elizalde proponit, discutitur. Expediat ne habere Confessarium amicum & stabilem, præsertim Magnatibus.

Hanc quæstionem dispiciendam proponit P. Elizalde *Lib. VI. part. II. quæst. XX. §. 12.* his verbis. *Atque hinc institui forte possunt quæstiones aliquæ prædictæ. Utrum præstet Confessarium habere: amicum & familiarem, an secus? Utrum munera a penitentibus offerri solita perturbare, invertereque possit iudicium rationis, ac debitam etiam integritatem, rectitudinemque inflectere?*

II. Historice, non theologicè hanc ego versabo quæstionem. Utriusque partis argumenta sincere narrabo, quin aliquid ipse definiam, Argumenti quippe altitudo angustos ingenio mei limites transiit. P. Elizalde primum erroneam persuasionem multorum, existimantium omnes Confessarios ita esse pares mungi obeundo, ut nihil referat unum præ alio eligere, convellit. Utrique omnes sunt pares, si potestatem, seu auctoritatem absolvendi & ligandi spectes; quemadmodum omnes medici, omnes iudices, omnes advocati &c. sunt æquales, quatenus omnes laurea doctoratus, omnes potestate exercendi propriam professionem insigniti sunt. Nemo autem in gravissimo sanando morbo, aut lite coram iudice oranda, quemlibet indifferenter seligit aut medicum, aut advocatum. *Fossissimum est, inquit P. Elizalde, quod multi viri etiam Principes, & Reges, ac primarii magistratus ex capite suo supponunt, vel sufficere sibi quemlibet quemadmodumlibet Confessorem, vel omnes esse pares, vel nihil interesse quem eligant. Foremur absolutionem quorumlibet validam æqualiter valere; nihilominus falsissimum est quod supponunt. Et cur id non supponui? . . . de uxore, de coquo, de Homo, de cursu, de veste, & omnibus? . . . Sciant ergo, & bene recognoscant, duas esse claves, potestatis alteram & alteram scientiæ, qua inter ligandos, solvendoque discernatur, & nisi simul ambabus seras calorum non aperiiri.*

III. Recenter ibidem legem regni ex Illustrissimo Arauxo pro Confessario Regis, qua constituitur, hunc debere in Scripturis esse veritatum, libertatè apostolica instructum, consiliandi arte peritum, & Ecclesiæ plenam anhelantem. Hoc, subdit, supponit lex illa regni, & superius sæpe probavimus: nec de hoc ego

magis dubito, quam cibum esse necessarium ad vivendum. Iure ergo & secundum Scripturas ipsas hæc qualitas in Confessario Regis requisita fuit: eademque de causa in Confessariis omnibus plus minus requiritur, & Rex, & ceteri ex Scripturis, & iuxta ipsas instituendi sunt. Nam non ioco, & dicis causa, sed vere diluam est, ea cuncta scripta esse ad nostram doctrinam, & salutem.

IV. Illorum Confessariorum infelicem sortem deplorat qui iudicium absolvendi formant ex Casuistarum illorum libris qui humanis opinionibus pleni, Scripturis sanctis vacui sunt. Sic enim pergit perdoctus Iesuita. „Plurimi in terris solvunt, & iudicium sacramentale peragunt, utendo tanquam regula libris, quibusdam, in quibus vix ullus usus est Scripturarum, nec inde haustæ doctrine Sanctorum, sed discursibus humanis fere ex integro constant. Post autem iudicium non his libris, sed Scripturis, & Epistolis de cælo ad nos missis, Unum de utrumque iudicium non concordat; & quod hic absolvitur, ibi damnatur: quia clavis scientiæ hic erravit. Quando vero qui mensurati illis libris aliis apparent boni, mensurati post libro Dei inveniuntur mali &c.“ Usurpat vocem mensurati propter similitudinem quam ibi adhibet, quæ peroptime rem explicat. Mensurarem ego pannum, inquit, & loco ulnæ, palmo uterer: mensurarem hoc pado v. g. centum ulnas, & mittens eas alio, dicerem me misisse centum; ibi vero eas ulnas mensurando vix inveniunt vigintiquinque. Eodem prorsus modo in nostro casu contingit. Ulnæ, & mensuræ Casuistarum plurium, & Confessariorum laxæ, amplæ. Absolvunt mille pœnitentes, qui ambulant per viam laram & spatiosam: mittuntur isti ad Dei tribunal, & ibi vix viginti quinque recte & valide absoluti inveniuntur. „Vellem ego (pergit Elizalde) quantis possem viribus persuadere & Confessoribus & pœnitentibus Scripturarum sanctarum necessitatem. Utinam ex eis, ut lex illa statuit, & Reges, & reliqui pœnitentes instituerentur?

„Hinc igitur pœnitentes omnes, maxime vero Reges, & maiores, qui ad iuvare Confessarios deberent ut eos libro (sancto) regerent & iudicaret, illum iuxta sensum matris Ecclesiæ & Sanctorum intelligendo. Adiurare item eos deberent, & plenissimam libertatem facere, ut ipsos, ubicumque ignoraverint, & erraverint, doceant legem sanctam Dei.“

V. Felicitas itaque Principum, Regum, magnatum, & pœnitentium omnium maior quam haberi in hoc mundo possit, est doctum, probum, & vere apostolicum Confessarium, nec spei, nec timori mundano obnoxium, invenire. Monet autem P. Elizalde eos qui ambiunt aut pro se, aut pro suis esse Confessarios Principum, Regum, & magnatum, reipsa indignos esse. Hæc sunt illius verba ibidem. *Quicumque autem CONFESSARIUS REGUM AUT PRO SE, AUT PRO SUIS AMBIRET, IDONEUS HOC IPSO NON ESSET, AC DIMITTI DEBE-*

RET. Quis, precor, iudex non continuo iuxta leges recusaretur qui apud partem
 & reum NEGOTIARETUR?

VI. Rationum momenta nunc prodenda sunt, quæ afferri in utramque partem solent super quæstione proposita a P. Michaeli Elizalde, quæ est sequens.

§. I.

Expediat ne Christianis, præsertim Magnatibus, & Dynastis habere Confessarium familiarem seu stabilem?

VII. PRO sententia adfirmante obviæ sunt rationes. Confessarius familiaris, & stabilis statum, indolem, inclinationes, & cetera plura pœnitentium comperta habet, quæ ignota sunt Confessario novo. Nonne divites omnes in curanda, & conservanda corporis sanitate medicos stables & familiares conducunt? Idem itaque præstandum in salutis animæ cura.

VIII. Accedit quod Confessarius familiaris, & stabilis temporis momenta correctioni, instructioni, & admonitioni faciendæ opportuna dignoscere, & iisdem uti cum profectu valet. In ipsa familiari conversatione, in ipsis diverticulis Confessor ordinarius & familiaris plura præstare, suggerere, inculcare potest quæ præstari a Confessario extraordinario, vago, & incerto nequeunt.

IX. Hæc sunt argumenta quæ adduci in favorem Confessarii familiaris, & stabilis solent. Et si sermo sit de pœnitentibus inferioris conditionis, qui nec lactare Confessorum spem, nec incutere timorem valent, vix in disputationem vocari potest, quod illis absolute habere Confessarium stabilem expediat; dummodo doctus sit, probus, & in Scripturis sanctis versatus. Difficultas itaque gravissima dispicienda spectat Magnates & Dynastas. Gravissima quippe argumenta occurrunt quæ illis non expedire Confessarium familiarem & stabilem evincunt.

X. P. Michael Elizalde plura allegat, unde eruitur istis morem hunc habendi Confessarii stabilis & familiaris non expedire, sed gravissimis obnoxium incommodis esse. Inquit enim *loc. cit. pag. 362. col. 2.* doctissimus hic Iesuita. *Cuncta deinde occupant DEPENDENTIAE, & AMOR, & SPES, & METUS, & DISPLICENDI PERICULA.* Quantis, quæso, modis hæc omnia in humanis iudiciis cauta sunt? Oporteret ergo multo magis caveantur in summa rerum. Alia rationum momenta quæ promi solent, eiusmodi sunt.

XI. Confessarius, inquit, Dynastarum, Magnatumque; si familiaris sit, & stabilis, alter Dynastes evadit. Quandoquidem animum talium Confessorum ob-

obscident & spes conciliandi sibi turbas ampliores, & implendi proprias Ecclesias & decorandi confessionalia, & timor e contrario amittendi poenitentium frequentiam: nec non vehementius adhuc illius animum aggrediuntur prætigia, quæ parere tale officium potest, imbecillitate humanæ naturæ spectata. Favor, & gratia Magnatum, timor exulandi ab aulis miseram humanam naturam circumstant: dedecus amittendi gradum, splendor, gloria, ambitio, & innumeræ aliæ passiones mentem Confessarii familiaris, & stabilis obnubilare, & in vera legis evangelicæ cognitione excæcare queunt: eam vero acuunt ad Theologiam delinendam, conformandamque cum politicis rationibus ad benigniorum opinionum usum adhibendum, & ad ea omnia inveniendâ quæ demulcere Magnatum aures & appetitiones valent. Ut hæc omnia fascinia & validissima prætigia Confessarius familiaris, & stabilis superet, ut de his omnibus triumphet, plenus divino spiritu, virtutibus evangelicis, potissimum humilitate, fortitudine, atque heroico zelo præditus sit necessum est. Opus est ut nihil mundum, nihil recedere ab aulis, nihil contemptionem & derisionem totius universi ducat. Tanta pollere fortitudine debet, ut sacramenta, ut absolutionem denegat, quando opus fuerit. Exempla ne in historiis occurrunt Confessariorum, aut Consultorum, qui Magnatibus absolutionem denegaverint, & ab aulis abierint? Unum & alterum indicabo.

XII. Diodorus Siculus narrat, *Demadem* Græcorum sapientibus, qui se se opponerant Apotheosi, quam Alexandro Magno Atheniensis Senatus decreverat, dixisse: *Videte igitur, ne, dum calum defenditis, terram amittatis*. Quoties mundanæ politicæ princeps diabolus Confessarios, iura Poli defendere cupientes, hoc epiphonemate aggreditur? Videte ne dum *calum defenditis, aulam amittatis*. Magna tentatio! Formidandum prætigium!

XIII. Narratur *cap. xviii.* Iudicum, Sacerdotem diis Michæ custodiendis præpositum forti animo primum resistisse, atque clamasse contra prædatores. *Quibus dicit Sacerdos, Quid facitis?* At prædones continuo ac Sacerdoti promiserunt se eum delecturos in patrem, in directorem, & in partem bonorum, eiusdem zeli flammæ extinxerunt. *Cui responderunt: Tace, & pone digitum super os tuum: venique nobiscum, ut habeamus TE PATREM, AC SACERDOTE. Quid tibi melius est, ut sis Sacerdos in domo unius viri, an in una tribu, & familia Israel? Quod cum audisset, acquievit sermonibus eorum; & tulit Ephod, & idola, ac sculpsit, & professus est cum eis.* Quid melius tibi est, inquit prætigiator amor proprius, ut sis Confessarius rusticorum, pauperum, plebeiorum, an in una tribu, & familia Israel, in aula, & familia Magnatum? Quantum porro perculi est ne continuo Theologia novam subeat faciem, blandiloquam, benignam, & acquiescentem sermonibus.

XIV. Quadringenti Prophetæ Regi Achabo bellum, anhelanti victoriam & triumphos sponponderunt. *Congregavit Rex Israel Prophetarum quadringentos viros, & dixit ad eos: In Ramoth Galaad ad bellandum ire debemus, an quiescere? At illi, ascende, inquit, & tradet Deus in manu Regis.* Prophetæ isti familiares Regis erant: idcirco Rex, veritus nimiam in amicis Prophetis indulgentiam, vocari iussit Confessarium, seu Consultorem, & Theologum extraordinarium, spei, & timoris expertem. Vocavit ergo Rex Israel unum de eunuchis: & dixit ei: *Voca cito Michæam . . . Nuntius autem qui ierat ad vocandum Michæam, ait illi: En verba omnium Prophetarum uno ore bona Regi annuntiant: quæso ergo te ut & sermo tuus ab eis non dissentiat, loquarisque prospera. . . Venit ergo ad Regem . . . Dixitque Rex: Iterum atque iterum te adiuro ut mihi non loquaris nisi quod verum est.* Audisti? Omnes aiunt, se veritatem scire. Cui Michæas: *Vidi universum Israel dispersum in montibus, sicut oves absque pastore. . . Et ait Rex Israel ad Iosaphat: Nonne dixi tibi, quod non prophetaret iste mihi quidquam boni, sed ea que mala sunt?* Heinc Michæas exulavit ab aula regia; non modo favorem & gratiam perdidit; sed etiam odium Regis in se concitavit. Ego odi eum, quia non propebat mihi bonum, sed malum omni tempore. 11. Paralip. cap. xviii.

XV. Næ prolixior sim, missis innumeris tum veteris, tum novi fœderis exemplis, unum quod de S. Raymundo de Pennafort in Breviario ad diem 23. Ianuarii habetur, narrabo. Iacobo Primo Aragonum Regi a Confessionibus factus Raymundus munus arduum evangelica libertate obiit. Cum enim Regem vesapo amore captum irrito conatu monitis ac precibus avocare tentasset, ex insula maiori Baleari, quo tunc aula convenerat, ingenti traiectionis maris prodigia secessit: Regemque miraculi celebritate perterritum vocavit ad penitentiam.

XVI. Hæc & innumera alia exempla quæ afferri in medium solent ab huiusmodi sententiæ patronis, evincunt, Confessorem familiarem, & stabilem vix posse absque miraculorum præsidio suum exacte obire munus, & omnes amoris proprii insidias, diaboli fraudes, mundi præstigia, spei illicia, timoris larvas superare, contemnere, proculcare.

XVII. Contra, si Magnates identidem ad se vocarent Michæas, Sacerdotes spiritu Dei plenos, scientia Scripturarum præstantes, eisque dotibus præditos, inquit celeberrimus Iesuita P. Albertus de Albertis, non qui timeant Principem, sed qui timorem Principi incutiant, plurima ex recensitis prævaricandi gravissimis periculis cessarent. Nullus tunc timor exulandi ab aula: nulla tentatio deliniendi Theologiam, & detorquendi legem ad genium penitentis: nulla spes continuandi ministerium, si lege sancitum esset ne ullus Confessarius esset familiaris & stabilis. Quare quisque liber a metu & a spe, ceu alter Michæas, veritatem sincere patefaceret, sive placentem, sive displicentem; cum nullus esset aditus ad officii perpetuitatem.

XVIII. Opponunt prioris sententiæ patroni, Si mos iste invehatur, peiora sequuntur incommoda. Nam tum Magnates circumventi ab aulicis, non Michæas spiritu divino præditos, & Scripturarum sanctarum scientia instructos, sed ignaros, indoctos, & ad aulicorum desideria propensos vocarent. Ministri enim imitarentur eunuchum Achabi Regis Israel. *Nuntius autem qui ierat ad vocandum Michæam, vis illi: Quæso ergo te ut & sermo tuus ab eis non dissensiat, loquarisque prospera.* Quilibet ministrorum curaret vocari Confessarium sibi benevolum, apertumque ad obsecundandum propriis rationibus. Et en absurda gravissima.

XIX. Respondent secundæ sententiæ fautores, recensita incommoda meras esse larvas, & umbras, si cum prioribus incommodis compararentur. Nam primo hæc omnia absurda evenire possunt in prima electione Confessarii familiaris & stabilis. Deinde obiecta absurda præsumunt, Magnates in negotio omnium gravissimo propriæ conscientię truncos, & statuas, ut neque diligentiam adhibeant, neque eligere sibi Confessarium sciant, Qua in hypothesi nulla est disputatio. Nam ostensum est, omnes Christianos, & præsertim superioris subfellii, in id toto incumbere studio debere, ut Confessarium sibi deligant probum, doctum, sapientem. Qui in hoc negligentes sunt, damnationi proximi sunt; quemadmodum qui infirmitate gravissima, & multis morbis implicatissima laborantes, deligere peritum, & quidem, quoad possunt, doctiorem medicum negligunt, vivere non curant.

XX. Disputant itaque Theologi de iis Magnatibus, & Dynastis quibus æternæ salutis negotium cordi est, quique eo sapientiore, eo doctiore, eo sanctiore indigent Confessario, quo sunt ipsi in altiori gradu, & dignitate constituti, atque adeo gravissimis, implicatissimis, & difficillimis controversiis dirimendis impliciti & circumdati. De his dissertant in utramque partem Theologi. Plures defendunt secundam sententiam, videlicet longe melius Magnates, Dynastias &c. propriæ æternæ salutis consilium, si, dum confiteri velint, deligant ipsi, magna præmissa diligentia, toties quoties Confessarium sanctitate, divina scientia, & apostolica libertate præditum, qui Magnates non-reformidet, sed timorem & pavorem incutere iisdem audeat. Audent autem Confessarii facillime, quando sciunt nullam adesse spem figendi in aula pedem, aucupandi gratiam & favorem, nullumque timorem amittendi fulgentissimum munus.

XXI. E contrario Confessor familiaris & stabilis, nisi singularissima gratia, & heroica fortitudine armatus sit, vix audet Magnates contristare, commovere, perterrefacere, ne terram amittat, si cælum defendere velit. Commoda quæ ex Confessario familiari, & stabili adduci solent, nempe quod agnoscat in se em. inclinationem, quod opportunas, obviasque occasiones habeat monendi, insinuandi, consulendi &c. nihili prorsus facienda sunt, si cum iis conferantur incommoda quæ

quæ inde proficiuntur; & si innumera bona expendantur quæ Confessarius non familiaris & stabilis, atque adeo humanorum respectuum vacuus, parere communiter potest.

XXII. Quid, si Confessarius familiaris & stabilis præiudicatis sententiis, & laxis opinionibus præoccupatus sit? Quid, si adversus saniores doctrinam, difficile cum Magnatum moribus considerandam, animatus sit? Quæ inde phænomena, quæ absurda timeri non possunt? Tragica nobis exempla historiarum perhibent. Quis Arianam hæresim fovit, & amplificavit? Quis Magnam Arianismum in exilium egit, nisi Eusebius Nicomediensis, qui, cum familiaris, & stabilis esset Constantinii Imperatoris consiliarius, eas suggerebat doctrinas quæ & ad promovendam hæresim Arianam, & ad corrumpendam catholicam doctrinam conferrent. Innumera alia cuiusque fere ætatis similia exempla referri possent.

§. II.

SENTENTIA MEDIA.

HActenus recensui utriusque opinionis extreme oppositæ rationum momenta. In præsens sententiam mediam, quam aliqui defendunt, narro. Advertunt hi Ecclesiam, Dei spiritu directam, consuescere Confessorem extraordinarium illorum poenitentium cœtibus qui Confessarium familiarem, & stabilem habent, pluries quotannis concedere. Similiter, inquirunt, Magnates semel vel bis quotannis Confessarium extraordinarium, sanctitate & doctrina celebrem, vocare debent, eidemque graviora conscientiarum negotia, methodum, & directionis formam, atque doctrinæ qualitatem, qua utitur Confessor familiaris, & stabilis, clare & distincte repræsentare. Hac via, inquirunt, omnia componunt. Negotium ceteroquin gravissimum extremam postulat diligentiam, sollicitudinem, & vigilantiam,

Auctoris Iudicium.

Quemadmodum sub initium dixi, ita nunc repeto, me nullum proferre super hac alioquin gravissima & momentosissima controversia velle iudicium. Historiam utriusque sententiæ recensui, & omnia sapientum iudicio subiicio. Usquedum beligeramus adversus scelera, ut aiunt, *in abstracto*, neminem offendimus. At quoties argumenta quæ ad hodiernam praxim, & modernos mores propius accedunt, pertractamus, tum vociferantur plures, nos invidentiæ, simuletatis, odii, calumniandi, infamandi spiritu eiusmodi puncta tractare. Idecirco, iudicium in hac causa meum penitus suspendo, utpote non necessarium. Ex iis enim quæ dixi

de

de dotibus Confessario necessariis, quisque suæ æternæ salutis sincere cupidus; pauper, & dives, Princeps, & subditus, Matronæ, & Magnates, colligere diligentiam necessariam in eligendo Confessario evidenter valent.

§. III.

MONITUM

P. Michaelis Elizalde *ad Confessarios, & pœnitentes.*

I. **L**ubet sub istius Dissertationis finem iterum atque iterum tum Confessarios, tum pœnitentes supplici precatione urgere, ut Dei verbo, in Scripturis sanctis expresso, sedulam navare operam velint, sub directione & interpretatione S. matris Ecclesiæ. Unica evangelica sententia maiori lumine perfundet mentem tuam, quam si plures Casuistarum Summas, & Summulas revolvas, ut alias dixi. Quot casus non resolves, si penitus hanc solam Christi brevissimam sententiam meditatus fueris? *Contendite intrare per angustam portam: quia multi, dico vobis, quarent intrare, & non poterunt:* Luc. c. xiiii. Si vel ipsi qui quærunt ingredi arctam paradisi viam, reipsa in eam non intrabunt; quid de iis dicendum qui non solum non adituntur per hanc angustam portam intrare & transire, sed habentis laxatis per viam latam & spatiosam perambulant? Quantum luminis tibi non infundet hæc altera sententia: *Nisi efficiamini sicut parvuli*, humilitate nempe, & cordis subiectione, *non intrabitis in regnum cælorum.*

II. Hæc & similia documenta aut exulant a libris plurium Casuistarum, aut variis commentis implicata & obscurata iacent, inquit percelebris Iesuita Elizalde p. III. Lib. VIII. q. vii. §. 2. his verbis. *Nuper percurri Summam moralem multorum voluminum . . . Quæsvi CHRISTUM ET NON ERAT. Quæsvi Summam PROPHETARUM, & legis, scilicet caritatem & dilectionem Dei; & proximi, ET NON ERAT. Quæsvi EVANGELIUM, ET NON ERAT. Quæsvi humilitatem, sine qua salvatur nemo, ET NON ERAT.* Et si Paulum, aliumve Apostolum, Sanctumque percurras, contraria omnino invenies . . . Ergo hæc doctrine nullum successione, nullum CONSANGUINITATIS, affinitatisve gradum inter se habere videntur. Ergo MODUS HIC OPINANDI omnino alienus est ab evangelicæ simplicitate, & sanctorum Patrum doctrina . . . Evangelium ergo simplex est, & omni duplicitati repugnat, & habet EST EST, NON NON. MODERNUS contra MORALISMUS duplex est, & BILINGUA ILLA PROBABILITATE utitur, & habet EST SIMUL, ET NON, cum sua regula sit CONTRARIARUM, & CONTRADICTIONARUM propositionum, sicque a simplicitate prorsus distat.

III

III. Quinam sunt isti libri pleni contrariis & contradictoriis opinionibus, quarum fucio eadem actio est, & non est peccatum, ducit, & non ducit in cælum, detrudit, & non detrudit ad inferum? Sunt libri præsertim illi qui omnium de eadem actione opinionum, quarum altera asserit esse peccatum, altera negat, seriem colligunt; & has opiniones collectas ex diversis Casuistis lectoribus proponunt, ut eas seligant quæ sibi magis arrident, & commodant. Nolo eos ego recensere. Recenseat illos sapientissimus Iesuita P. Michael Elizalde, qui est extra invidiæ iocus. Hæc ergo celeberrimus Theologus *Lib. P. q. XVII. §. 6.* habet, *SICUT ESCOBARIUS animam, & quasi totam, ut aiunt, QUINTAM ESSENTIAM Probabilissimè in lucem extraxit dicendo: EST, ET NON EST, LICET, ET NON LICET . . .* Ita PONTIUS (Ioannes) in conspectum dedit totam quidditatem Ignorantissimæ . . . Addit, conscientiam . . . rectam esse quæ distat absque ulla formidine, quod faciendum est, esse bonum, vel malum. Unde, si Calvinistæ conscientia absque formidine distet bonum esse conculcare Eucharistiam, erit recta Calvinistæ conscientia: a qua plane rectitudine liberet nos Deus. Hæc sunt Probabilissimæ consuetudines, de quibus suo loco.

IV. Monitum autem doctissimi Iesuitæ huc pertinet. Quemadmodum Casuistæ, qui vi Probabilissimæ docent, est, & non est usurarius contractus, est, & non est furctum, licet, & non licet occidere impingentem alapam, invexerunt opinandi modum alienum a simplicitate evangelica, & contrarium Patrum doctrinæ, neglexeruntque Augustinum, Ambrosium, Thomam, Bonaventuram, Carolum Borromæum, Thomam de Villanova, Bellarminum, quem summi facio, ceterosque veros Doctores; ita negligentur, & in angulis bibliothecarum relinquuntur Caramuel, Diana, Escobarius, Tamburinus, ceterique similes. An, si viverent Petrus, Paulus, Mattheus, Lucas, Augustinus, Ambrosius, illos non adires pro conscientiarum regimine? Vivunt autem in Evangeliiis, in Epistolis, in codicibus suis. Hæc sunt perdocti P. Elizalde III. *Part. Libro VIII. quest. VIII. §. 8. pag. 150.* verba. „ Hæc autem sit nostra brevissima atque requisissima sane responsio, „ cum his scilicet libris id faciendum esse quod per ipsos eorumque Auctores „ cum sanctis Patribus, Doctoribusque Ecclesiæ factum est . . . Nimis hoc „ loco offendi commoverique iure, vel iniuria multi possunt, iure non possunt. „ Iacuit diu AUGUSTINUS in foro conscientiarum regendarum . . . Tantum „ dem saltem iaceat DIANA, & ad forum eius loco redeat AUGUSTINUS. „ Si vel Ambrosius, vel Caramuel vivere oportet, quis non AMBROSIIUM præ „ habeat? Si populi vel ex CHRYSOSTOMO, vel GREGORIO, vel ex TAM „ BURINO, & ESCOBARIO regendi sint; si vita fidelibus ex alterutris insti „ tuenda: quis eos non præferat quos Doctores vitæ nostræ Ecclesiæ sancta ma „ ter, & magistra nostra nobis porrexit? Hæc clara sunt, & nulli iniuriæ fa „ „ cinus:

„ cimus : & si persecutionem propter iustitiam patiemur , beati a Domino habebimur. “

§ IV.

Gravi damnationis periculo se exponunt qui absque vocationis divine signis se se audiendis confessionibus ingerere student .

I. QUI a Deo ad tam excelsum, divinumque munus exercendum vocantur, gratis quoque donisque supernis instruuntur, quibus sicut & sancte exercere illud valeant. Contra, qui sponte illud assumunt, sicuti divina vocatione carent, ita Dei gratia, quæ vocatis conceditur, destituuntur. Et ecce patefactam originem & causam cur ex tanta Confessariorum multitudine pauci inveniantur pares ad hoc onus sustinendum. Non sunt a Deo vocati, sed ab amore proprio plures intrusi. Ergo donis carent, quibus onus digne sustineant.

II. Nemo itaque sibi assumat hunc honorem & pondus, nisi qui vocatur a Deo tamquam Aaron. Ars artium est regimen animarum, atque adeo difficillima, & periculorum plenissima. Quare qui sponte tantum suscipit onus, temeritate, & præsumptione non vacat, inquit S. Bernardus ser. x. in Cant. *Ad regimen animarum se se ingerere, quanta impudentia est!*

III. Severam a Confessario rationem Deus exigit. omnium animarum quarum audierit confessiones. In examen adducet absolutiones impertitas, profectum, animarum neglectum, correctionem omissam, remedia non opportune applicata. Severissime discutiet iudex tremendus opinionum usum, pulvillos adiectos ad capiendas animas. Quot ob hoc sanctum ministerium male peractum, alioquin sanctionis vitæ & disciplinæ, perierunt? Quoniam si cæcus cæco ducatum præstet, ambo in foveam cadunt, inquit Christus Dominus.

IV. Cardinali Berullo, sapientia & pietate celeberrimo, unius animæ cura difficilior amplissimi regni regimine visa est. Siquidem angustiarum, scopuli, syrtes undique circumstant. Si plus æquo remissior sis & benignior, periculo damnationis obnoxius es. Si iusto severior, & districtior sis, non minori subiaces naufragandi periculo. Quis autem inter hæc extrema ita veram insistere viam valet, ut neque ad dexteram, neque ad sinistram declinet? Quis iura Dei sic tueri valet, ut hominum imbecillitatem non opprimat? Quis hominum infirmitati ita providere, & consulere potest, ut in Dei iura non delinquat? Illinc amor placendi hominibus struit insidias, & ad laxa, benignitatis fuco delibata, impellit; hinc spiritus nimis severitatis, & singularitatis genius tenebras offundit. Deest huic for-

fortitudo evangelica; caret alter necessaria scientia. Doctus hic est; sed prudentia destitutus, a recta via desceſcit. Ne multa: tam pauci sunt huic provinciæ pares, ut S. Ioannes Chrysostomus *hom. ult. in epist. ad Hebræos* hæc scribat. *Quid dicemus infelicibus illis & miseris qui semetipsos ad alios regendos præcipitant, & se in tantorum suppliciorum abyssum iaciunt? Omnium, quos regis mulierum, puerorum, atque virorum tu rationem redditurus es. Tanto igni tuum subiicis caput. Miror, si potest salvari aliquis rector. Post tantam enim comminationem, quam negligentie videmus illatam; video aliquos etiam concurrere, & præcipitare semetipsos tantæ molis, ac tantæ regiminis difficultati. Si enim qui necessitate compelluntur nullum poterunt adhibere refugium; neque ullam excusationem reperient, quando res male traxerint, & quando negligenter rem gesserint suam. Num & Aaron necessitate compulsus est, & tamen in periculum venit. Sed & Moyses pericula sæpius sustinuit, qui regimen illud sæpe recusaverat. Et Saul, cui alius commissus est principatus, postquam recusavit, in pericula incidit, qui male sui regiminis administravit officium. Quanto ergo amplius qui cum studio, & ambitione petunt principatus, & semetipsos præcipitant, severius punientur? . . . Oportet ergo timere, & tremere & propter conscientiam, & propter molem, & magnitudinem curæ. Et neque, dum quis ad principatum trahitur, semel recusare; neque, dum non trahitur quispiam, semetipsum debet præcipitare: sed considerantes tantæ dignitatis amplitudinem, oportet effugere: comprehensos autem obsequium, & reverentiam oportet ostendere: nihil immoderate faciendum est; sed antequam fiat, si præsenſeris, fugere, ac secedere, persuasus tibi ipſi, quod ad illam rem sumendam indignus exiſtas; comprehensus autem similiter reverentiam exhibeas. Ubique ingenuitatem, & modestiam debes ostendere. Quod hic scribit, opere complevit Doctor sanctissimus.*

V. Sola igitur Dei gratia aptos tanto muneri defungendo nos reddere valet. Hæc gratia ferventi & iugi oratione imploranda est. Qui a Deo vocati ad tantum ministerium sunt, firmam concipere spem debent, se illam affecuturos. E contrario, qui hanc dignitatem ambiunt, pavere & contremiscere debent.

VI. Unde noscam signa vocationis? inquires. Si a superiore, te infcio, delectus fueris: si divinarum Scripturarum studio operam dederis, & ea præſliteris, & affectus fueris quæ sancti Doctores necessaria existimant. An illos vocatos a Deo dixeris quos vides aliquam *summulam*, aliquod *compendium casuisticum* revolventes, ut aliquorum casuum decisiones memoriæ commendent? Qui hoc ministerium percipiunt, ne otio, inquirunt, diffuant, ut aliquid operentur, ut *Confessarii nominentur*? Qui manusculis alliciunt examinatores, aut alios, qui suffragia dare possunt, illosque promovere ad regimen animarum obtinendum? Væ, væ & ambientibus, & consentientibus.

VII. Quid de illis superioribus dicendum qui ineptos promovent ? Ecclesia, inquit, Confessariis indiget . Revera hic, aut ille semidoctus est, parvæque prudentia præditus ; at necessitas urget ut exponatur pro confessionibus audiendis . Alii turbantur, nisi promoveantur . Hi ne a Deo vocati ? Hi ne sustinendo muneri pares ? Quid ergo miramur, si ex millibus unum aptum agnoscant viri sancti ? Quis non videt, eiusmodi intrusos in sanctum ministerium gravissimo damnationis periculo obnoxios, a quo sane immunes non sunt superiores, examinatores, suffragatores minus vigiles, & exporrecti . Verum iterum sermo de hoc redibit in expositione sacramenti Ordinis.



DISSERTATIO II.

DE JURISDICTIONE MINISTRI
SACRAMENTI POENITENTIAE.

CAPUT I.

Solus ne Sacerdos est sacramenti poenitentiae minister ?

I. **L**Utherus iis omnibus absolvendi facultatem concessit qui Pastoris officium assumunt, diabolo etiam, si hominis specie in Ecclesiam irreperet: & novatores communiter negant, solis Sacerdotibus factam a Christo esse facultatem absolvendi. Valdenses laicis sancte viventibus hanc absolvendi tribuunt potestatem, quam cum Albigenis, & Hussitis adimunt Sacerdotibus improbis. Concilium Constantiense proscripsit hunc Ioannis VVicleffi errorem: *laicum, si vir frugi fuerit, clavium potestatem a Christo accepisse*. Communiter novatores asserunt, peccata post baptismum dimitti per praedicationem Evangelii, prout fidem excitat. Unde inferunt solvendi potestatem penes eos esse qui promissa in Evangelio contenta annuntiant etiam per iocum.

II. Omnes errores istos damnavit Concilium Tridentinum sess. xiv. Nam can. ix. hæc definit. *Si quis dixerit, absolutionem sacramentalem Sacerdotis non esse actum iudiciale, sed nudum ministerium pronuntiandi, & declarandi remissa esse peccata confitenti, modo tantum credat se esse absolutum, aut Sacerdos non serio, sed ioco absolvat; aut dixerit, non requiri confessionem poenitentis, ut Sacerdos eum absolvere possit; anathema sit.*

III. Rursus can. x. *Si quis dixerit, Sacerdotes qui in peccato mortali sunt, potestatem ligandi, & solvendi non habere; aut non solos Sacerdotes esse ministros absolutionis, sed omnibus, & singulis Christi fidelibus esse dictum: Quaecumque ligaveritis &c. quorum verborum virtute quilibet absolvere possit peccata, publica quidem per correptionem dumtaxat, si correptus acquieverit; secreta vero per spontaneam confessionem; anathema sit.*

IV. Igitur dogma fidei est, solos Episcopos, & Sacerdotes posse sacramentum poenitentiae administrare. Constat ex Ioan. cap. xx. *Accipite Spiritum sanctum: quorum remiseritis peccata remittuntur eis; & quorum retinueritis, retenta sunt.* Quæ verba perpetua Ecclesiae traditio ad solos Apostolos, eorumque successores, exclusis laicis, pertinere declaravit. S. Cyprianus *Lib. de lapsis* docet, per Sacer-

dotæ

notes dari lapsis dolentibus ac deprecantibus pacem. S. Basilii in Reg. brev. num. 228. ait, *Sacerdotibus aperienda peccata esse, quia illis credita est dispensatio divinorum mysteriorum.* S. Ambrosius Lib. I. de penit. cap. 11. ubi sermonem habet de absolvendi a peccatis potestate, ait: *Ius hoc solis permixtum est Sacerdotibus* Idem docent ceteri Patres. Quare iure Synodus Tridentina sess. xiv. cap. vi. declaravit. Circa ministerium huius sacramenti declarat S. Synodus, falsas esse, & a veritate Evangelii penitus alienas doctrinas omnes, quæ ad alios quovis homines, præter Episcopos, & Sacerdotes, clavigerum ministerium perniciose extendunt: putantes verba illa Domini: Quæcumque alligaveritis super terram &c. ad omnes Christi fideles indifferenter, & promiscue, contra institutionem huius sacramenti, ita fuisse dicta, ut quivis potestatem habeat remittendi peccata.

V. S. Thomas in Suppl. quæst. xix. artic. 3. & quæst. viii. artic. 1. hanc promittit rationem. Gratia quæ in sacramento datur, a capite in membra descendit: & ideo solus ille minister est sacramentorum qui habet ministerium super corpus Christi verum: quod solius Sacerdotis est, qui consecrare Eucharistiam potest: & ideo cum in sacramento penitentiae gratia conferatur, solus Sacerdos minister est huius sacramenti.

VI. Opponunt illud Iacobi v. *Confitemini ergo alterutrum peccata vestra, & orate pro invicem, ut salvemini.* Resp. Varia sunt Auditorum responsa. Alii intelligent præfata verba hunc sensum habere. *Confitemini alterutrum homines hominibus, non quibuslibet, sed Presbyteris;* ut colligitur ex verbis immediate antecedentibus. *Infirmatur quis in vobis, inducat Presbyteros Ecclesie: & orent super eum &c. Confitemini alterutrum peccata vestra.* Venerabilis Beda hunc locum interpretatur de culpis venialibus. Alii dicunt, S. Iacobum velle ut omnes candide fateantur propria peccata, nemoque proterve eadem excuset.

VII. Utrumque præfata verba exponantur, nemo Catholicorum heinc colligit, alios præter Sacerdotes absolvere a peccatis posse. Olim in mortis articulo fideles, non habentes copiam Sacerdotis, confitebantur alicui laicorum adstantium, ut refert Magister in IV. dist. xvii. in quem locum S. Thomas in Suppl. quæst. viii. artic. 2. ad 1. inquit: *Confessio ex defectu Sacerdotis laico facta sacramentalis est quodammodo, quamvis non sit sacramentum perfectum: quia deest ei quod est ex parte Sacerdotis.* Et ad 3. *Ideo oportet quod iterum confiteatur Sacerdoti, cum copiam habere potuerit, & præcipue quia, ut dictum est, sacramentum penitentiae perfectum non fuit.* Dicitur sacramentum quodammodo, ratione nempe materię, in peccatorum confessione sitæ. Sed deest id quod est ex parte Sacerdotis, nempe absolutio.

VIII. Insistunt. S. Cyprianus epist. xix. permittit Diaconis, absente Presbytero, ut penitentes absolvant. *Occurrendum, inquit, puto fratribus nostris, ut qui li-*

bellos a Martyribus acceperunt, si incommodo aliquo, aut infirmitatis periculo occupati fuerint, non expellent præsentiam nostram, quin apud Presbyterum præsentem quemcumque, vel si Presbyter repertus non fuerit, & urgere exitus cæperit, apud Diaconum quoque exomologesim (confessionem) facere delicti sui possint, ut, manu eis in poenitentiam imposita, veniant ad Dominum in pace, quam dari Martyres litteris ad nos factis desideraverunt.

IX. S. Cyprianus permittit Diaconis in laudato testimonio absolvere poenitentes a poenis canonicis, pro quarum remissione libellos supplices Martyres porrigebant, eosque communioni Ecclesiæ restituere. Minime vero Diaconis permittit absolvere sacramentaliter a peccatis. In præfata siquidem epistola sermonem habet Cyprianus de lapsis publice poenitentibus; & cum ipse absens esset, scribit, ut, si desit Presbyter, Diaconus eorum exomologesim, seu confessionem recipiat, & manum eis imponat: quoniam, licet impositio manus Diaconi peccata non remittat, eos tamen Ecclesiæ reconciliat. Quare inquit S. Thomas *loc. cit. q. 48. viii. artic. 2.* quamvis qui non est Sacerdos, sacramentum efficere non possit, ut faciat id quod ex parte Sacerdotis est, absolutionem scilicet; defectum tamen summus Sacerdos supplet, admissa hypothesi, quod poenitens revera contritus sit, & desiderio sincero ardeat suscipiendi sacramentum. Ordinavit itaque Cyprianus ut ea omnia fierent quæ præstari humana industria possent; quemadmodum peragebant illi qui laicis confitebantur. Quæ expositio eiusdem Cypriani verbis in *Lib. de lapsis* confirmatur, ubi inquit: *Constentur singuli delictum suum, dum adhuc, qui deliquit, in sæculo est, dum admitti confessio eius potest, dum satisfactio, & remissio facta per Sacerdotem apud Dominum grata est.* Confessio, in extrema necessitate facta Diacono, sacramentalis non erat.

X. P. Claudius La-Croix *Lib. VI. part. 11. num. 1483.* inquit. Quamvis sententia communior & probabilior sit quod laicus, absente Clerico, ne quidem in articulo mortis valide absolvat a censuris; quia tamen oppositum probabiliter tenent graves Auctores, quos referunt *Diana*, & *Moya*, eo quod putent, piam matrem Ecclesiam, quæ id etiam laico delegare potest, pro eo articulo nolle eum quem poenitet, privari beneficiis sepulturæ, & communibus suffragiis; hinc infert Sanchez, laicum teneri pro tali casu absolvere a censuris. Hactenus La-Croix. Hæc sunt pia commenta Probabilissimi, falsa alioquin & arbitraria. Sed graves Auctores probabiliter hoc docent. Qui sunt hi graves Auctores? *Diana*, *Moya*, & similes. De pietate matris Ecclesiæ infra sermo erit.

CAPUT. II.

Præter ordinis potestatem requiritur in Sacerdote iurisdictionis, a priori potestate distincta, ut valide absolvat.

I. **D**uplicem in Sacerdote potestatem distinguunt Theologi omnes. Alteram ordinis, quæ per ordinationem confertur his verbis: *Accipite Spiritum sanctum: quorum remisistis peccata &c.* Et hanc solis Sacerdotibus conferri consensum est cap. præced.

II. Potestas iurisdictionis est facultas regendi animas subiectas, & gubernandi populum. Et hæc duplex est. Altera ordinaria, quæ annexa officio & dignitati est: altera delegata, quæ ex commissione habetur.

III. Præter potestatem ordinis requiri in Sacerdote potestatem iurisdictionis, a priori potestate distinctam, ut valida sit absolutio, convenit penes omnes Catholicos: & id declaratum in Tridentino habemus sess. xiv. cap. vii. his verbis. *Quoniam igitur natura, & ratio iudicii illud exposcit, ut sententia in subditos duentaxat feratur; persuasam semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert in quem ordinariam, aut subdelegatam non habet iurisdictionem.*

IV. Duo hic Concilium definit. Primum persuasum semper in Ecclesia fuisse; necessario requiri hanc iurisdictionis facultatem. Idque cuique, in disciplina ecclesiastica, & sacra traditione versato, notum est. Alterum, absolutionem datam a Sacerdote absque hac iurisdictione, vel ordinaria, vel delegata, esse nullam. Quæ duo extra controversiæ aleam posita sunt.

V. Oppones. Quilibet Sacerdos in ordinatione accipit potestatem absolvendi a peccatis, quemadmodum consecrandi corpus Christi. Ergo nihil aliud requiritur. Resp. Distinguunt communiter Theologi. Accipit potestatem radicalem, & inchoatam, concedunt; completam, negant: quemadmodum, si Rex institueret iudices, quin designaret subditos, in quos iudicium exercere possent. Quæ distinctio vera est in sensu quo illam explicant. Nam ideo incompletam, radicalem, & inchoatam vocant, quia deest iurisdiclio in subditos, circa quos reduci in actum illa potestas queat. Ceterum nihil prohibet quominus dicamus, potestatem illam completam perfectamque esse in suo genere, quatenus includit completam facultatem, quantum est ex parte Sacerdotis rite ordinati, remittendi peccata. Et sic dici completa potest in actu primo. Verum, ut in actu se-

cundum prodeat, oportet ut eidem Sacerdoti subiciantur subditi, in quos iudicium exerceri possit. Ecclesia itaque approbando Sacerdotem ad audiendas confessiones, non confert additamentum potestatis remittendi peccata: quia hæc potestas est a Christo Domino, qui eam confert limitatam, restrictam, & dependentem a consensu Ecclesiæ, quæ approbando Sacerdotem ad confessiones, removet impedimentum, designat subditos subiectos huic potestati plus & minus, prout expediens iudicat. Restringere enim potest hanc potestatem, & quantum ad loca, & quantum ad personas, & ad tempus, ut mox dicemus. Ne multa: quocumque modo hæc duplex potestas, divina, & ecclesiastica explicetur, convenit penes omnes Catholicos, Sacerdotem nec licite, nec valide absolvere posse peenitentes, nisi ad id immunus approbatus ab Ecclesia sit. Verum ex consensu perpetuo Ecclesiæ in articulo mortis omnes Sacerdotes valent ab omnibus peccatis, & censuris absolvere, inquit *sess. xiv. cap. vii.* Concilium Tridentinum, *Ne hac ipsa occasione aliquis pereat, in eadem Ecclesia Dei custoditum semper fuit ut nulla sit reservatio in articulo mortis: atque adeo omnes Sacerdotes quoslibet penitentes a quibusvis peccatis, & censuris absolvere possunt.*

VI. Insistunt. Sacerdotes eam accipiunt in ordinatione sua potestatem absolvendi quam acceperunt ipsi Apostoli. Atqui Apostoli vi verborum istorum: *Accipite Spiritum sanctum; quorum remiseritis &c.* acceperunt iurisdictionem completam, quin opus fuerit alia iurisdictione. Ergo &c. Resp. Negatur minor propositio. Siquidem Apostoli, præter potestatem illis verbis significatam, *Quorum remiseritis peccata &c.* indiguere speciali missione: *Sicut misi me Pater, & ego mitto vos &c.* Accedit quod paritas Apostolorum cum ceteris Sacerdotibus in pluribus deficit. Sed in re aperta non est diutius immorandum.

C A P U T III.

Nullus Sacerdos sive regularis, sive secularis audire confessiones potest secularium absque approbatione Episcopi.

I. **A**pprobationem Episcopi necessariam esse Sacerdotibus omnibus, tam secularibus, quam regularibus, ut valide excipiant secularium confessiones, fatentur omnes. Hæc Episcopi approbatio est testimonium authenticum, quo Episcopus fidem facit, se talem Sacerdotem approbasse, & deputasse ad audiendas in sua diocesi confessiones. Licet approbatio hæc sit actus intellectus, quo iudicatur Sacerdos idoneus; & iurisdictionis collatio sit actus voluntatis; tamen communiter reipsa conferuntur hæc duo. Nihilominus Episcopus potest

est approbare Sacerdotem, tamquam idoneum; & simul iurisdictionem ad tempus, iusta occurrente causa, denegare.

II. Concilium Tridentinum sess. xxiii. de Reform. cap. xv. hæc habet. *Decernit sancta Synodus, nullum, etiam Regularem, posse confessiones secularium, etiam Sacerdotum, audire, nec ad id idoneum reputari, nisi aut parochiale beneficium aut ab Episcopis per examen, si illis videbitur esse necessarium, aut alias idoneus indicetur, & approbationem, quæ gratis detur, obineat, privilegiis, & consuetudine quacumque, etiam immemorabili, non obstantibus. Quibus ultimis verbis revocantur omnia privilegia, & consuetudines contrariæ. Hinc colliges, falsam & laxam esse opinionem Henriquez, & Lamas, qui docent, Doctorem Licentiatum in Theologia, aut in iure canonico esse ipso iure approbatum. Nam Concilium expresse decernit, nullum posse absque approbatione audire confessiones secularium.*

III. Pius IV. Romanus Pontifex in Bulla, cuius initium, *In Principis Apostolorum*, emanata an. 1565. omnia Regularium privilegia ad terminos restrinxit Tridentini Concilii. *Omnia illa, inquit, & singula privilegia, exemptiones, immunitates, facultates, dispensationes, indulta, confessionalia, Mare Magnum, & aliæ gratiæ in his omnibus, & singulis, in quibus illa statutis, & decretis Concilii Tridentini contrariantur, ipso iure revocata, cassata, & annullata, ac ad prædicti Concilii terminos, atque limites redunda sint, & esse censeantur.*

IV. Urbanus quoque VIII. in Bulla quæ incipit, *Cum sicut accipimus*, data 1628. hæc statuit. *Omnia, & singula indulta huiusmodi audiendi secularium confessiones absque Ordinarii examine, & approbatione, quibusvis Collegiis, Capitulis, apostolica auctoritate . . . concessa, tenore presentium cassamus, revocamus, tollimus, abrogamus, & annullamus.*

§. UNICUS.

Nonnullæ difficultates de approbatione Regularium.

I. **Q**uamvis omnes fateantur, Regulares Episcopi approbatione indigere; tamen de more plures instituuntur quæstiunculæ, quas paucis perstringam. Convenit penes omnes, Prælatos regulares posse approbare Confessarios pro audiendis tuorum Fratrum regularium confessionibus. Difficultates discutiendæ spectant secularium confessiones.

II. Quæst. I. *Utrum Regularis presentatus Episcopo, & iniuste reiectus, iurisdictionem acquirat, & valide absolvat?* Resp. Adfirmabant olim communiter ex vi privilegii concessi in Clementina *Dubium de sepulturis*. Et huic privilegio non

derogasse Concilium Tridentinum probabile iudicant, inquit P. Sporer de *Confess. approb. num. 673. præter alios Layman, & Castropalaus*. Sed hæc sententia falsa est, damnata ab Alexandro VII. prop. 12. *Satisfacit præcepto annuæ confessionis qui confitetur Regulari Episcopo præsentato, sed ab eo iniuste reprobato*.

III. Quæst. II. *Utrum Regularis approbatus ab Episcopo unius diocesis, sit approbatus pro aliis diocesis?* Resp. Adfirmabant olim virtutis privilegium. Verum Clerus Gallicanus damnavit an. 1656. hanc prop. nam. 3. *Regulares Ordinum mendicantium, semel approbati ab uno Episcopo ad confessiones audiendas in sua diocesi, habentur pro approbatis in aliis diocesis, nec nova Episcoporum indigent approbatione*. Et summus Pontifex Alexander VII. eandem propositionem in decreto ad Henricum Andegavensem reprobavit, *tamquam falsam, & salutis animarum perniciosam*. Nec iuvat antiqua privilegia allegare.

IV. Quæst. III. *An Regulares approbati ad audiendas Confessiones secularium, sint approbati ad confessiones Monialium?* Resp. Adfirmabant olim de Monialibus Regularibus subiectis. Sed hæc opinio antiquata est post constitutionem Gregorii XV. editam an. 1621. cuius initium est, *Inscrutabili Dei providentia*, in qua num. 5. habetur *Confessores vero sive regulares, sive seculares, quomodocumque exempti, tam ordinarii, quam extraordinarii, ad confessiones Monialium etiam subiectarum audiendas, nullatenus deputari valeant, nisi prius ab Episcopo diocesano idonei iudicentur, & approbationem, quæ gratis concedatur, obtineant*. Post hanc constitutionem, Regulares approbati pro audiendis confessionibus unius Monasterii, non possunt confessiones Monialium alterius Monasterii audire absque nova Episcopi approbatione. Et quoties multiplicantur casus deputationis, toties approbandi ab Episcopis sunt. Quia de re lege declarationes post constitutionem Gregorianam Tom. III. Bull. pag. 297.

V. Quæst. IV. *Utrum Regulares subire examen Episcoporum teneantur pro audiendis confessionibus?* Resp. Dubio procul subire examen hoc tenentur, si id Episcopis expediens visum fuerit. Hæc sunt Concilii Tridentini verba: *Per examen; si illis videbitur necessarium*. Quamquam igitur Regulares aliqui & doctrinæ estimatione præstent, & laurea decorati, aut publici Doctoris munere fungantur; non propterea ab onere subeundi examinis immunes sunt, si id Episcopis expediens visum fuerit. Hoc itaque absolute verum est. Subdit tamen Concilium: *Aut alias idoneus iudicetur*: quibus verbis indicatur, Episcopos prudentes esse debere, & cuique suum tribuere honorem. BENEDICTUS XIV. feliciter regnans; dum episcopale munus implebat, viros doctos pro approbatione ad confessiones illum adeuntes examinatos aliorum Sacerdotum inferioris subfellii constituebat; ut eisdem coram se examine exploraret. Et hoc sapienti consilio iura episcopalia facta tecta custodiebat, & simul sapientum virorum honori consulebat.

VI. Dictum alibi repetendum est, Episcopos curare debere ut examinatores potissimum super Scriptura sancta Sacerdotes approbandos pro confessionibus audiendis explorent. Scio hunc morem non obtinere; at certum est, Confessarios esse iudices penitentium ad normam legis evangelicæ, non ad amussim opinionum Casuistarum. Consule *Tom. I. Appar. diff. 11.*

VII. Quæst. V. *An Regulares, approbati ab Episcopo absque præsentatione Superiorum regularium, ipsique inficis, vel repugnantibus, valide absolvant penitentes seculares?* Resp. Casuistæ in duas divisi partes sunt. Invalide, nedum illicite, hos Confessarios absolvere, docent plures etiam ex Probabilistis, Henriquez, Fagundez, Castropalaus, Rodriquez, Portel, & alii. Valide e contrario, sed illicite istos absolvere, defendunt Nugnus, Salas, Angles, La-Cruz, Villalobosius; Diana, Antonius a Spiritu sancto, & alii, quos citant, & sequuntur Salmanticenses *trad. vi. cap. xi. punct. 7. num. 109.* distinguunt duplicem iurisdictionem in Regularibus: alteram habitam ab Episcopo; & vi huius docent posse talem Confessarium regularem absolvere valide, quemadmodum absolvere potest Confessarius non regularis: alteram habitam a summo Pontifice vi privilegiorum; & vi huius iurisdictionis docent non posse, inconsultis propriis Prælati, absolvere a casibus reservatis summo Pontifici, quemadmodum possunt Regulares approbati, & præsentati a suis Prælati. Hæc distinctio videtur arbitraria. Nam communis sententia docet, Regulares habere iurisdictionem a Pontifice dependenter a voluntate suorum Prælatorum, & ab approbatione Episcoporum. Natalis ab Alexandro *regul. xv.* docet & ipse valide istos absolvere, sed illicite.

VIII. In hac opinionum varietate quodnam iudicium a me expectas? Nullum dabo. Dicam solum in hac opinionum diversitate tutiorem partem esse eligendam. Ut igitur Regulares & sacramentorum valori, & suæ conscientie consulant, caveant ne, inconsultis superioribus, Episcopis se præsentent, aut post præsentationem & approbationem confessiones audiant.

IX. Disputant pariter Casuistæ, num eiusmodi Regulares, qui, inconsultis propriis Prælati, audiunt confessiones sæcularium cum approbatione Episcopi, peccant mortaliter. Alii adfirmant, negant alii. Salmanticenses *loc. cit. num. 110.* cum aliis distinguunt. Si constitutiones ordinis, vel Prælati id prohibent sub præcepto, vel censura, peccant mortaliter; si non adsit talis prohibitio, peccant venialiter. Verum hæc quoque distinctio solido fundamento caret. Nam hæc transgressio est contra votum obedientie in re omnium gravissima. Neque comparari cum transgressionibus ullo modo valet quæ violant constitutiones monasticam disciplinam spectantes; ut sunt transgressionibus silentii, abstinentie, & similibus. Ego certe eximere eos non auderem a peccato mortifero qui in re

adeo gravi obedientiam debitam Prælati violarent. Hæc enim transgressio directè violat obedientiam.

X. P. Patritius Sporer *num. 682.* ex Tamburino docet, solum peccare mortaliter, quando Superior positive prohiberet subito Regulari audire confessiones sæcularium; secus ad *summum* peccabit venialiter. Gratis hoc asseri nobis videtur. Similiter non audeam pro certo asserere quod ibidem ex Layman docet idem Sporer, nempe posse Episcopum, invito Superiore regulari, iurisdictionem conferre Sacerdoti regulari ad audiendas confessiones in sua diocesi. Quoniam non potest Episcopus efficere ut Regularis aliquid accipiat contra votum suum obedientiæ. Illam iurisdictionem acciperet contra votum obedientiæ. Ergo nulla, nedum illicita videtur. Id tamen certe adfirmare non audeo. Illud vero extra controversiam est, talem Regularem, approbatum invitis Superioribus, non frui privilegio Regularium, seu iurisdictione concessa a Papa; cum hæc pendeat a Superiorum consensu. Verum casus isti rari sunt: idcirco longiorem non posulant discussionem.

XI. Quæst. VI. *An Regulares approbati in una diocesi valeant absolvere fideles ad ipsos ex aliis diocesisbus venientes?* Resp. Sententia affirmativa communis est, & consuetudo obtinet universalis, Episcopis scientibus, & consentientibus. In diocesi, itaque in qua approbati Regulares sunt, omnium undecumque advenientium confessiones audire possunt. P. Sporer allegat facultatem concessam a Gregorio XIII. Patribus Societatis, & per communicationem reliquis Mendicantibus, qua isti semel approbati ab uno Episcopo possint iter agentes audire confessiones fidelium in locis in quibus commodus ad Episcopum non patet accessus, seu in quibus non existit Episcopus. Ergo *approbatio*, (inquit P. Sporer) *quam ab Episcopo accipiunt Regulares, & superveniens iurisdiclio simpliciter & præcise ad eandem unam diocesim non coarctatur.* Commentitia hæc nobis videntur. Nec P. Sporer allegat verba Gregorii XIII. sed absolute rem definit. P. Claudius La-Croix *num. 1513.* aperte asserit. *Non audeam sententiam illam sequi.* Nec novam compen. Privil. Societatis V. Confessio §. 2. videtur satis fidere isti privilegio. Hoc satis est ut tamquam arbitrium relictiamus: privilegium, quod universis Mendicantibus per communicationem extensum asserit P. Sporer.

XII. Quæst. VII. *An Superiores regulares indigeant Episcopi approbatione?* Resp. Plures refert de Lugo, qui docent, Superiores regulares, puta Provinciales, Priores, Rectores, Guardianos, non indigere Episcopi approbatione, sed esse veluti Prælatos curam animarum habentes. Hæc sententia penitus falsa est. Siquidem Concilium Tridentinum, & constitutio Clementis X. *Superni magni Patris-familias*, quam integram producit La-Croix, neminem Regularem excipiunt.

XIII. Quæst. VIII. *Regulares possunt ne absolvere sine approbatione Episcopi sæculares?*

laras in eorum domibus? Resp. Si sæculares non sint de familia, idest non continuo ibi commorentur, & non fruuntur mensa, necessaria est Episcopi approbatio; secus, si sint de familia. Quando Episcopi approbant Regulares ad audiendas in propria diœcesi confessiones, sæcularium, frustra repugnant Parochi; cum & ipsi Episcopi subditi sint.

XIV. Quæst. IX. *Regulares iter agentes, qui habent licentiam a suis Superioribus confitendi, possunt ne in locis, ubi desunt Confessarii proprii Ordinis, eligere sibi in Confessarium simplicem Sacerdotem non approbatum?* Resp. Suarez, Tamburinus, & multi alii adfirmant. Negat Valquez cum aliis. In hac materia semper tutior pars est eligenda, cum de valore sacramentorum agatur. Idcirco eligendum Sacerdotem approbatum censeo. Cur, quæso, discrimini te committere audes, cum sacerdotes approbati obvii sint? Ut privilegio fruaris? Non videtur ratio solida; cum privilegium istud in disputationem a Theologis adducatur. Non me lætet, communioem esse oppositam sententiam; sed mihi tutior amplectenda videtur.

XV. Constitutiones. O. P. mandant ut Fratres itinerantes, deficientibus Confessariis Ord. nostri, confiteantur Confessariis approbatis ab Episcopo, sive sæcularibus, sive regularibus. Vide plura apud Fontana. *V. Confessor*. Nec enim vacat expendere plures casus huc spectantes, cum sint expressi in nostris constitutionibus, & in ipso Fontana *loc. cit.*

C A P U T IV.

De iurisdictione ordinaria, & delegata.

I. Iurisdictio, de qua nunc sermo est, dicitur ius ferendi sententiam sacramentalem in pœnitentem confessum. Duplex est: ordinaria, & delegata. Ordinaria illa est quæ alicui competit ratione sui officii, idest curæ animarum, quarum est Pastor. Eiusmodi sunt Papa, Episcopus, Abbas, Parochus, Vicarius perpetuus Episcopi, Vicarius capitularis, Summus pœnitentiarius, Cardinalis in Ecclesia sui Tituli, Vicarii generales Papæ, Legati a latere in provincia suæ legationis. Inter Regulares Generales, Provinciales, Superiores locales habent iurisdictionem respectu subditorum quorum sunt Pastores immediati. Hi omnes veniunt nomine Ordinarii, & nomine proprii Sacerdotis. Hinc Papa non habet Ordinarium, cum sit Pastor supremus. Ordinarius Episcopi est Papa, & Parochi est Episcopus. Archiepiscopus habet iurisdictionem ordinariam absolvendi sacramentaliter, dum visitat diœcesim Episcopi suffraganei.

II. Iurisdictio delegata illa est quæ alicui Sacerdoti confertur, non ratione cu-

re animarum, sed ex voluntate illius qui habet iurisdictionem ordinariam, & legitime delegare eam valet. Tum autem legitime eam committere non potest, quando est suspensus, vel excommunicatus non toleratus: quia tunc omni destitutus est iurisdictione. Quamobrem nec approbare ad confessiones valet.

III. Quæst. I. *Qui habent potestatem ordinariam, possunt ne eam delegare?* Resp. Adfirmant omnes, & patet cap. *Cum Episcopus* in 6. quia delegatio est actus proprius potestatis ordinariæ. Excipiuntur Parochi, qui iurisdictionem in proprias oves delegare nequeunt Sacerdoti non approbato a proprio Episcopo, ut patet ex Tridentino sess. xxii. cap. xv. de Resor. Unus autem Parochus alteri Parocho potest delegare iurisdictionem in proprias oves: quia eo ipso quod sit Parochus, est ab Episcopo approbatus.

IV. Quæst. II. *An quilibet Sacerdos sine ulla approbatione habeat iurisdictionem remittendi venialia, aut mortalia rite confessæ?* Resp. Adfirmant plures. Salmanticenses tract. vi. cap. xi. punc. 2. n. 8. & 15. „ Primo quilibet Sacerdos iurisdictionem habet in foro pœnitentiæ super peccata venialia tantum . . . Secundo id quod ex iurisdictione cuiuslibet Sacerdotis super peccata venialia tantum ex Ecclesiæ concessione diximus, extendendum est ad mortalia iam legitime confessæ, & absoluta. Henriquez, Suarez, Granados, Layman, Leander. “

V. Hanc opinionem improbavit quantum ad primam partem Innocentius XI. in suo circa frequentem communionem decreto, dato Romæ 12. Februarii anno 1679. ubi sub initium refert abusum hunc, quo quis conficatur peccata venialia simplici Sacerdoti non approbato ab Episcopo, aut Ordinario. Deinde sub finem hæc adiecit. *Non permittant, ut venialium confessio fiat simplici Sacerdoti non approbato ab Episcopo, aut Ordinario. Si Parochi, & Confessarii etiam regulares, aut quicumque alii Sacerdotes secus egerint, sciant Deo Optimo Maximo se rationem esse reddituros, neque defuturam Episcoporum, & Ordinariorum iustam, ac rigorosam animadversionem in contrasacientes etiam Regulares, etiam Societatis IESU facultate ipsi Episcopis, & Ordinariis per hoc decretum per Sedem Apostolicam specialiter tributa.*

VI. P. Claudius La-Croix n. 1553. Inquit, „ Quoad venialia quilibet Sacerdos habet iurisdictionem in Religioso Societatis IESU. Suarez. Et hoc declaravit Mutius Generalis anno 1633. quamvis Claudius Generalis dissuadeat. “

VII. Nisi in rescripto decreto Innocentii XI. expresse comprehensi essent etiam Patres Societatis, posset La-Croix opponere privilegium, Iesuitas non intelligi comprehensos, quando illorum non fit expressa mentio. Et tamen decretum non ignoravit hic Auctor, cum illud integrum referat.

VIII. P. Dominicus Viva q. 8. a. 1. n. vii. „ Innoc. XI. an. 1679. voluit ut Episcopi non permittant venialium confessionem fieri simplici Sacerdoti non ap-

„ pro-

„ probato ab Episcopo, aut Ordinario... Puto tamen cum Carden. & aliis apud
 „ *Croix*, quod non sit invalida, & quod non exponeretur periculo frustrationis
 „ sacramentum: cum enim probabile sit iurisdictionem conferri Sacerdoti imme-
 „ diate a Christo Domino: & cum iurisdictione probabili valide conferatur sacra-
 „ mentum pœnitentiæ, ut dicemus quæsito nono; idcirco valide confertur sacra-
 „ mentum a simplici Sacerdote absolvente dumtaxat a venialibus, aut a mortali-
 „ bus alias absolutis. “

IX: Tria hic summi momenti capita examinanda occurrunt. Primum, quod non obstante prohibitione *Innocentii XI.* possint simplices Sacerdotes validam impertiri absolutionem. Alterum, quod est cum primo annexum, nempe simplices Sacerdotes habere hanc iurisdictionem a Christo domino immediate, & independentem a Romano Pontifice, & a qualibet Ecclesiæ potestate. Hoc tamen docet *P. Viva probabiliter*. At continuo subdit tertium caput momentosum, nempe cum iurisdictione probabili valide administrari sacramentum. Fatentur omnes, iurisdictionem esse absolute necessariam ad sacramenti valorem. Fatetur ipse *P. Viva* cum ceteris omnibus, Sacerdotem absque iurisdictione invalide absolvere. Porro *Innocentius XI.* reprobavit usum opinionis probabilis relicta tutiore, cum de sacramenti valore agitur. Sed de hoc tertio puncto fusius infra. Duo priora paucis discutiamus. Unde colligit *P. Viva*, Sacerdotes habere a Christo Domino iurisdictionem in venialia? Non sane ex alio textu, quam ex hoc: *Quorum remiseritis &c.* Verum hinc colligunt omnes Catholici, iurisdictionem seu potestatem remittendi mortalia, limitatam tamen, & subiectam approbationi Episcopi, vel Ordinariorum. Si *P. Viva* cum paucis aliis Probabilistis ex hoc textu colligit, simplices Sacerdotes iurisdictionem a Christo Domino habere in venialia independentem ab ipso Pontifice summo, nedum ab Ordinario; quidni inferri poterit, talem iurisdictionem simplicem Sacerdotem habere a Christo Domino in mortalia? Ubi in textu sancto discriminis vola? Ubi in traditione diversitatis vestigium?

X. Reponet *P. Viva*, se hæc asserere *probabiliter*, non absolute. Peregrinie. Et propterea nos asserimus, Probabilissimum omnia invadere. Unde istius *probabilitatis* origo? Unde fundamentum? Ex auctoritate paucorum Probabilistarum. At hi Probabilistæ unde hauserunt probabile esse, Sacerdotes simplices a Christo Domino habere iurisdictionem in venialia, & in mortalia confessi independentem a iurisdictione Ecclesiæ? Unde hoc, nisi a proprio opinandi modo?

XI. Nunc paucis rem perstringo, & dico, tum illicitam, tum invalidam fore absolutionem datam a simplici Sacerdote a venialibus, & mortalibus confessis: quia nullibi constat Sacerdotes habere hanc iurisdictionem a Christo Domino. Neque constat eos illam habere ab Ecclesia; immo Ecclesia voce *Innocentii XI.* prohibet eiusmodi absolutiones. Accedit sæpe difficillimum esse discernere inter veniale,

niale, & mortale : & quilibet Sacerdos , maxime Probabilista , iudicabit veniale quod reipsa est mortale : a quo etiam absolvet . Et ecce horrenda absurda ex hoc novo opinandi modo per universam Theologiam grassari .

XII. Sed ecce aliam laxam opinionem ex præfato opinandi modo proficiscentem . Salmanticenses *trakt. vi. cap. xi. punct. 2. n. 16.* „ Rogabis primo, an, si „ contingat quempiam bona fide consistentem de solis venialibus alicui simpliciter Sacerdoti, habere fortasse occultum, & invincibiliter oblitum aliquod mortale, ad „ huc confessio, & absolutio valeat, qua indirecte etiam mortalia remittentur ? „ Negat Candidus . . . Affirmant tamen *probabiliter*, in casu posito adhuc confessionem, & absolutionem valere, qua indirecte etiam mortalia remittentur, cum „ onere tamen confitendi mortalia invincibiliter oblita legitimo Confessario, cum „ postea venerint in memoriam, & aderit tempus præcepti confessionis . *Suarez, Granados, Leander, Henric &c.* “

XIII. Observandus progressus est . Primo dicunt ; posse simplicem Sacerdotem absolvere a venialibus . Post a mortalibus confessis . Deinde a mortalibus invincibiliter oblitis . Quarto tandem a mortalibus bona fide confessis . Quærit enim *Leander trakt. V. dif. xi. q. 14.* „ An saltem possit omnis Sacerdos nullo modo expositus valide absolvere pœnitentem qui bona fide confitetur peccata venialia, & mortalia simul ? . . . Probabilius respondeo posse in utroque casu valide absolvi, vere a mortalibus : licet certior factus pœnitens, quod Sacerdos ille non habeat iurisdictionem super mortalia, teneatur iterum confiteri . “

XIV. Hæc omnia laxa sunt, falsa, & improbata ab Innocentio XI. Nec est quod fusius eadem refellam, cum natura sua præferant & falsitatem, & iurisdictionis perturbationem, & plura alia absurda .

XV. Quæst. III. *Utrum omnis Sacerdos in articulo mortis habeat iurisdictionem absolvendi a peccatis, & a censuris ?* Resp. Articulus mortis est, cum ex morbo aut vulnere mortem instare, moraliter certum iudicatur . Periculum mortis dicunt esse quando probabilis certitudo adest mortis imminens . Quamquam aliqui hæc duo distinguant ; tamen in hac materia articulum mortis & periculum mortis pro eodem accipiunt Sylvester, Navarrus, Medina, Paludanus, Adrianus, Suarez, Vasquez, Nugnus, Lugo, Coninch, & plurimi alii, quos citant & sequuntur Salmanticenses *trakt. vi. c. xi. punct. 2. n. 24.* & hæc sententia mihi probatur . Tum quia licet metaphysice hæc duo distingui per intellectum valeant ; tamen in praxi vix discerni possunt . Et reipsa in præfata materia pro eodem accipi ab Ecclesia, colligunt præfati Auctores ex *cap. Si quis suadente, 17. q. 4.* & ex *cap. Eos qui*, de sent. excom. in 6. Tum quia hæc iurisdicatio est directe in favorem pœnitentis ad evadendam æternam damnationem . Illud tamen advertas velim : periculum istud grave sit oportet, & quod vix distingui certo possit

fit a mortis articulo. Quod monitum eo spectat, ne novæ benignitatis pretextu plus iusto extendatur hæc iuri sdictio simplicium Sacerdotum, coarctata ad solum articulum, seu periculum proximum mortis. Quibus præmissis,

XVI. Omnes Sacerdotes simplices non approbati, excommunicati vitandi, apostatæ, hæretici, degradati absolvere quoscunque fideles posse a quibuscunque peccatis & censuris in articulo, seu proximo periculo mortis, docent plures. Sed de hoc infra *cap. vi. §. 2. quæst. 14.*

XVII. In mortis articulo, si addit Sacerdos approbatus, non potest simplex Sacerdos non approbatus absolutionem impertiri: quia tum nulla est necessitas, cui tantum consulere intendit Ecclesia; quidquid in oppositum pauci doceant. Omnes tamen excipiunt casus in quibus simplex Sacerdos iam incepisset confessionem, quando legitimam habebat iurisdictionem, quæ non expirat, nec interruptur per adventum Sacerdotis approbati. Similiter quando is qui approbatus est, nollet audire confessionem, posset simplex Sacerdos absolvere &c. Quamvis Sacerdos approbatus sit alterius diocesis, præferri debet simplici Sacerdoti.

XVIII. Delegatur etiam iurisdictione Mendicantibus ab Ordinario approbatis vi privilegiorum ad omnes casus, & censuras Papæ reservatas, exceptis casibus Bullæ cœnæ, & sex aliis a Clemente VIII. extra Urbem, & intra Italiam reservatis. Delegatur quoque indirecte iurisdictione, quando alicui facultas conceditur vel a iure, vel a consuetudine eligendi sibi Confessarium. Quilibet fidelis obtinere a summo Pontifice potest facultatem eligendi sibi Confessarium, diocesanus ab Episcopo, parochianus a suo Parocho, & Regularis a suo Superiore. A iure Episcopi habent ut queant eligere simplicem Sacerdotem, illumque approbare ad suam, & fidelium suæ diocesis confessiones audiendas. Parochi nequeunt etiam ex propriis parochianis eligere sibi in Confessarium Sacerdotem simplicem. Quapropter damnata est propositio hæc 16. ab Alexandro VII. *Qui beneficium curatum habent, possunt sibi eligere in Confessarium Sacerdotem simplicem non approbatum.* Idem dicendum potiori iure de ceteris Prælati Episcopis inferioribus. Ex consuetudine, seu ex tacita Papæ concessione Imperatores, Reges, Legati a latere facultatem habent eligendi sibi Confessarium. Lugo, & alii docent, hæc eadem facultate Cardinales præditos esse, immo istos posse familiæ suæ impertiri facultatem eligendi sibi Confessarium: quod an verum sit, me latet.

XIX. Quæst. IV. *Qui habet iurisdictionem ordinariam, aut delegatam, potest ne illam exercere in aliena diocesi cum propriis subditis?* Resp. Adfirmant communiter iuniores, dummodo formula delegationis non limitet pro tali loco, & diocesi, ut communiter fieri solet. Quoniam, inquirunt, sola iurisdictione contentiosa, quæ

quæ strepitum iudiciale annexam habet, clauditur intra proprium territorium ; secus iurisdicção sacramentalis voluntaria, quæ spectat personas, & non locum . Ad Bullam Clementis X. *Superna* respondent, ibidem prohiberi, ne Regulares approbati in hac diœcesi, queant in altera diœcesi absolvere illius diœcesis subditos; minime vero vetari, ne ceteri habentes iurisdiccionem aut delegatam, aut ordinariam, possint subditos propriæ diœcesis, in qua sunt approbati, absolvere in aliena diœcesi. Ita docet P. Viva cum pluribus aliis. Verum attendendum est quid consuetudo legitima obtineat. Nam si consuetudo obtinet ut Parochus proprios parochianos confiteri valeat in aliena diœcesi, non repugnantibus Episcopis, aut Parochis, sed tacite consentientibus, standum eidem consuetudini firmatæ tacito consensu mutuo Pastorum est.

XX. Quæst. V. *Quisnam sit proprius minister vagorum, & peregrinorum, & eorum qui habent domicilium in duplici parochia?* Resp. Vagi dicuntur qui non habent proprium domicilium; & istorum Parochus est ille sub quo reperiuntur tempore confessionis. Qui peregrinantur, & iter agentes, quamvis proprium domicilium, & Parochum habeant, possunt confiteri vel Parocho loci, ad quem perveniunt, vel cuilibet Confessario ex approbatis. Et hoc ex consuetudine & consensu tacito suorum Pastorum patet; dummodo tamen in fraudem, & ex industria non discesserint a proprio domicilio, ut alibi confiterentur. Qui habent duplex domicilium in duplici parochia, possunt utrique Parocho confiteri. Qui maiori anni parte habitant in aliquo loco, licet alibi domicilium habeant, possunt eiusdem loci Parocho confiteri.

XXI. Quæst. VI. *An iurisdicção acquiritur sola consuetudine?* Resp. Negativa sententia communis est, nisi accedat consensus saltem tacitus superioris. Nec sufficit consensus præsumptus, vel interpretativus, quem daret, aut certo creditur daturus superior, si interrogaretur; neque sufficit ratihabitio de futuro danda; sed necessarius est consensus de præsentem existens, & signo aliquo expressus & manifestatus; & hoc consensu tacito Ordinariorum possunt existentes extra propriam parochiam confiteri cuicumque Confessori approbato. Parochi aut Sacellani approbati valent audire alienorum parochianorum ad se confluentium confessiones.

XXII. Quæst. VII. *Quandonam iurisdicção Confessarii amittatur, vel impediatur?* Resp. Confessarius excommunicatus non toleratus omnem amittit iurisdiccionem, solumque in articulo mortis absolvere potest. Excommunicatus toleratus valide, quamvis illicite, absolvit. Parochum excommunicatum non toleratum, quamdiu non est parochia privatus, posse concedere alteri, ut matrimonio assistat, secus delegare iurisdiccionem audiendi confessiones, docent plures: quia assistere matrimonio non est iurisdiccionis, sed testimonii actio; delegatio vero iurisdiccionis

nis est actio iurisdictionis, quam nec valide, nec licite exercere valet. Hanc opinionem, ad primam partem quod attinet, falsam reputo. Assistere matrimonio non iurisdictionis, sed testimonii actio est? Omnes ergo, sicut possunt esse testes, poterunt esse matrimonii ministri: quod est absurdum.

XXIII. Quando Confessarius absolvit excommunicatum, sub gravi culpa debet præmittere absolutionem a censuris, antequam absolvat a peccatis; sicuti præmittenda est absolutio a suspensione, & interdicto.

XXIV. Quæst. VIII. *An Episcopi limitare possint iurisdictionem ad tempus, ad personas, ad casus determinatos?* Resp. Duplex distinguenda limitatio est. Altera, quæ modum exequendi iurisdictionem spectat; puta, ut confessiones audiantur in templo, post solis ortum, & non post solis occasum &c. Quo in casu si Confessarius violet hanc præscriptionem, valide, sed illicite absolvit. Altera limitatio spectat substantiam iurisdictionis; ut quando limitatur ad confessiones virorum, & non mulierum, ad hos, & non ad illos casus: quo in casu absolutio invalida foret, si exerceretur ultra casus præscriptos. Porro eas limitationes præscribere iure valet Episcopus quas, partium studio seposito, in Domino iudicaverit necessarias. Absque enim iusta & rationabili causa, posita habilitate. Confessarii, nequit iurisdictionem coarctare. Idque respectu Regularium aperte declaravit Clemens X. in citata constitutione *Superna*, ubi inquit, *illos Religiosos: qui ad confessiones audiendas idonei generaliter reperti sunt, absque limitatione temporis, ceterorumque locorum, aut generis personarum in diocesi propria admit- tendos; quoad ceteros vero, qui non adeo idonei reperiuntur, si petierint se ad- mittere, arbitrio Ordinariorum relinqui, ipsos cum limitata facultate approbare, & admittere.* Si tamen Episcopus etiam absque iusta causa limitaret, limitatio con- sisteret, & invalidas efficeret absolutiones datas contra limitationem; sicuti quan- do absque iusta causa reprobaret, ut dictum est supra.

XXV. Quæst. IX. *An iurisdic- tio morte concedentis expiret?* Resp. Communis sententia docet, iurisdictionem in hoc foro delegatam in generali a summo Pon- tifice non desinere per eius mortem, sed persistere: idque Auctores colligunt ex praxi in Pœnitentiariis, & in Regularibus a summo Pontifice delegatis. Idque constat ex cap. *Si super gratia*, de officio delegati in 6.

XXVI. Disputant vero in utramque partem de delegatione concessa ab infe- rioribus Prælatis, ut ab Episcopo, a Parocho. Expirare asserunt plures, quan- do res sit integra, ut si confessio incepta non sit. Communius alii negant, do- centque continuare, donec vel labatur tempus præfinitum, vel revocetur a suc- cessore. Hoc colligunt ex praxi. Quoniam, defuncto Episcopo, & cessante Præ- lato regulari a suo officio, Confessarii in suo munere perseverant audiendi con- fessiones, non modo incepras, sed etiam novas. Accedit regula communiter ad-

probata, quod gratia iam concessa non expiret finita concedentis iurisdictione. Nec consistit paritas de Vicario generali Episcopi, qui, mortuo Episcopo, caret potestate: quia hic unum cum Episcopo tribunal efficit; Confessarius vero delegatus tribunal aperit a delegante distinctum. Similiter si delegans removeatur ab officio, si privetur, si ipse cedat, aut renuntiet, delegatus non amittit iurisdictionem, donec revocetur a superiore succedente in iurisdictionis administrationem.

XXVII. Quæst. X. *An delegatus possit subdelegare?* Resp. Afirmat Sanchez Lib. III. de matrim. disput. xxxii. quem citat, & sequitur P. Viva quæst. viii. artic. 1. num. 13. ubi laudat Bordonium, Peyerinum, Dianam, Navarrum, & alios, qui docent, Confessarium qui accepit potestatem ab Episcopo absolventi a reservatis, posse in casu occurrenti hanc facultatem subdelegare alteri. Hæc opinio mihi non probatur: quia delegatio est personalis concessa huic personæ, & non alteri. Ergo qui illam accepit, non potest eamdem alteri communicare.

XXVIII. Quæst. XI. *An error communis, deficiente titulo colorato, sit satis ut iurisdiclio conferatur?* Resp. Aliquis est simplex Sacerdos carens omni iurisdictione. Illum ut Pastorem, aut Confessarium habent omnes alicuius loci fideles. Hic est error communis de iurisdictione illius Sacerdotis. Si autem Sacerdos simplex obtineat ab Episcopo beneficium parochiale, verum ob aliquod impedimentum canonicum, puta excommunicationem, aut simoniam; aliudve obstaculum invalide obtineat, & possidet beneficium parochiale; vi huius ab omnibus habetur ut Parochus, vel Curatus. Hic est error communis, coniunctus cum titulo colorato. Possidet enim titulum, nempe collationem beneficii parochialis collati a legitimo Superiore, nempe ab Episcopo. Sed quia invalide beneficium collatum fuit, possidet quidem titulum, non tamen verum, sed falsum & apparentem, ideo coloratum nuncupatum. Qui vero beneficium non obtinet, sed falsis litteris se Parochum fingit, nullum titulum, nec coloratum habet.

XXIX. Communis sententia docet, communem errorem coniunctum cum titulo colorato, quo aliquis habetur ut Parochus, aut Curatus, satis esse ad iurisdictionem, qua talis possit valide absolvere, & alia sacramenta administrare: quia ob publicam utilitatem Ecclesia in hoc casu collati invalide beneficii confert reipso iurisdictionem; ut communis Theologorum, & Canonistarum sententia docet.

XXX. Quid, si desit titulus coloratus, & adsit solus error communis? Etiam tum sufficientem iurisdictionem adesse ad valide absolvendum, defendunt nonnulli Probabilistæ. P. Dominicus Viva quæst. viii. artic. 1. num. 16. „ Respondeo

„ iurisdictionem conferri, non solum quando errori communi adiungitur titulus
 „ coloratus . . . Sed etiam *probabiliter*, si error communis non coniungatur cum
 „ titulo colorato; puta, si Sacerdos non habens iurisdictionem, bona, *vel* mala
 „ fide exponat se confessionali ad confessiones audiendas, communiter censetur
 „ Confessarius approbatus. Ita Dana, Molfesius . . . Debet autem hic error es-
 „ se probabilis, *non vero supinus, aut crassus*. “

XXXI. Hæc opinio & falsa & laxa mihi videtur: neque enim præsumi Ecclesię consensus rationabiliter potest. Quando adest titulus coloratus, nempe quando Sacerdos subit examen coram Episcopo, quando obtinet in conspectu hominum beneficium, & ut Parochus ab omnibus tam solidis fundamentis habetur, sapienter & provide S. Mater Ecclesia confert iurisdictionem. At Sacerdotes iniqui exponunt se in tribunali fide mala ad confessiones excipiendas: & istis Ecclesia iurisdictionem confert ob utilitatem fidelium? Ita ne vero? An non vides, heinc maiora, & horrendiora consequi absurda quam sit utilitas pœnitentium? Nam, admisa hac doctrina & persuasione in populo christiano, quod validæ sint confessiones, & absolutiones talium fictorum Confessariorum, iam aperitur ianua omnibus iniquis & sceleratis Sacerdotibus fingendi se Confessarios, disseminandi errores, hæreses, & seducendi populum christianum. Siquidem, ut credantur Confessarii, sat est, inquit P. Viva; ut error non sit *supinus, aut crassus*; sed probabilis. Quid autem facilius hoc errore probabili, contrario errori supino, & crasso? Nam nemo præsumitur malus, nisi probetur. Ergo quociens fideles vident Sacerdotem sedentem in tribunali, præsumere debent esse Confessarium, licet non sit; & error communiter semper probabilis erit, & non supinus. Utilitas ergo pœnitentium, quæ obruditur pro fundamento iurisdictionis ab Ecclesia collatæ, inepta res est, si conferatur cum universali damno, & perturbatione ministerii, & scandalis, atque absurdis, quæ sequerentur, si consisteret præfata opinio P. Viva, & aliorum. Titulus coloratus perquam rarus est. Errores isti communes non supini, sed probabiles frequentissimi forent, semel admisa doctrina, quod eiusmodi confessiones, & absolutiones validæ essent.

C A P U T V.

*De iurisdictione dubia, & probabili. Opiniones
Probabilistarum reiciuntur.*

I. **P**robabilismus, ut sæpius dixi, & ut experientia manifesta eorum quæ scripsimus, constat, veluti fermentum per universam massam serpit: & quamquam a re sacramentaria illum exterminaverit Ecclesia, nihilominus fucus & distinctiunculis obiectus, non secus ac antea, fere grassatur. Plures celebres Probabilistæ defendunt, in administratione sacramentorum licitum usum iurisdictionis *probabilis*. P. Viva, & P. La-Croix fusius ceteris eam sententiam confirmare student; quorum ego argumenta paucis expendam, &, obsequio erga Auctores servato, pro viribus labefactare curabo. Animadvertendum principio est, P. Viva expresse defendere licitum usum iurisdictionis probabilis, quando haberi certa potest; atque adeo extra casum necessitatis. Et in expositione *prop. 1. Innoc. XI. & quæst. 111. art. 2. de Iubil. & in Curs. Theolog. quæst. VII. art. 2.* acriter defendit, iurisdictionem probabilem sufficere, licet possit haberi certa, ad validam absolutionem. Eandem opinionem, licet ambigue, ut infra dicam, defendit P. Claudius La-Croix *Lib. VI. part. 1. num. 110. & seq.* & plures Probabilistæ, quos numerat.

II. Ego propugno, hanc opinionem aperte damnatam esse in hac *prop. 1. Innocentii XI. Non est illicitum in sacramentis conferendis sequi opinionem probabilem de valore sacramenti, veluti tutiore; nisi vetet lex, conventio, aut periculum gravis damni incurrendi. Hinc sententia probabilis tantum utendum non est in collatione baptismi, ordinis sacerdotalis, aut episcopalis.*

III. Primum omnium refero opinionem propriis verbis quibus illam defendit P. Dominicus Viva in *Curs. Theolog. quæst. VII. artic. 2. num. 1. & 2.* „Videtur „non licere conficere sacramentum pœnitentiæ cum iurisdictione probabili, sal- „tem quando potest haberi iurdictio certa. Nihilominus censeo licitum esse „absolvere cum iurisdictione probabili. . . Hinc sequitur ab Innocentio XI. in „prima ex eius proscriptis thesibus non esse damnatam hanc sententiam, QUIA „DEBUISSET APERTE ILLAM DAMNARE, si voluisset, quod non solum in „iis quæ pertinent ad materiam, & formam sacramenti, sed etiam in iis quæ „pertinent ad iurisdictionem, sequamur opinionem tutiorem, omitta probabili, „ut multi viri docti censent.“

§. I.

Recensita sententia P. Viva, La-Croix, & aliorum Probabilistarum, qui defendunt, licitum esse administrare sacramentum pœnitentiæ cum iurisdictione probabili, continetur in propos. 1. Innocentii XI.

I. **D**ebuisset, inquit P. Viva, Ven. Innocentius XI. aperte damnare opinionem de iurisdictione probabili, si voluisset, quod non solum in iis quæ pertinent ad materiam, & formam, sed etiam in iis quæ pertinent ad iurisdictionem, sequamur opinionem tutiorem. Pulchre, & venuste. Cedo: in propositione damnata sit ne mentio materiæ, & formæ? Altum de hoc silentium. Indefinita est propositio, omnemque comprehendit opinionem de valore sacramenti. Cur restringitur ad solam formam, & materiam, si propositio neque materiæ, neque formæ, neque iurisdictionis, neque attritionis, neque alicuius opinionis determinatæ meminit; sed omnem absolute comprehendit opinionem agentem de valore sacramenti. Insistit P. Viva, si Pontifex summus voluisset, ut sequeremur opinionem tutiorem in iis quæ pertinent ad iurisdictionem, *debuisset aperte illam damnare*. Ita ne vero? Nihil ergo damnavit Pontifex? Illusoria ergo est propositio pontificia. Evinco. Nullam Pontifex peculiarem opinionem sive respectu formæ, sive respectu materiæ aperte damnavit. Nihil ergo damnavit. Iuxta P. Viva, Pontifex non damnavit opinionem probabilem de iurisdictione. Cur? quia *aperte illam non damnavit*. Sed neque aperte damnavit aut opinionem de materia, aut opinionem de forma sacramentorum. Ergo, si consistit ratiocinium P. Viva, nullam opinionem damnavit Pontifex, quia nullius particularis aperte meminit. Alterutrum ergo. Aut Pontifex damnavit omnem opinionem probabilem agentem de re quæ ad valorem sacramenti pertinet, aut nullam. Non secundum: ergo primum. Atqui iurdictio, fatentibus omnibus, etiam P. Viva, ad valorem pertinet sacramenti. Ergo opinio probabilis de iurisdictione, relicta tutiore, est damnata in 1. *propos.* Innocentii XI. quæ indefinita est, quæque nullius determinatæ opinionis, sive ad formam, sive ad materiam, sive iurisdictionem attinentis, aperte meminit; sed omnem quæ valorem sacramenti spectat, comprehendit. Patet, ne aliqua ad effugium rima?

¶ II. Patet quam maxime, reponit adversarius. In proscrip̃ta thesi damnatur dumtaxat usus opinionis minus tutæ, quæ adversatur iuri divino, secus illius quæ opponitur solum iuri ecclesiastico. Hæc doctrina P. Viva falsa est, & ab ipsis

Probabilistis improbata. Quis hoc asserit? Alter benignissimus Probabilista P. Claudius La-Croix, qui *Lib. VI. part. 111. num. 37. pag. 359. quæst. 3. hæc habet.* „*Quid notandum sit in materia de matrimonio circa propos. 1. damnatam ab In-* „*noc. XI. &c. Ex damnatione illius propositionis sequitur illicitum esse contra-* „*here matrimonium sequendo opinionem tantum probabilem de illius valore,* „*relictâ tutiore, quæ ad valorem præterea requirit aliquid, quod non observa-* „*tur, nisi accedat aliquid ex quo valor talis matrimonii reddatur sufficienter* „*certus. Quamvis enim Filguera explicans hanc propositionem damnatam, putet* „*non prohiberi praxim illius in rebus quæ non sunt de iure divino, sed tantum* „*de iure ecclesiastico, uti sunt multa in materia matrimonii; sententia tamen illa* „*reiiicitur AB OMNIBUS. Et ratio est, quia finis damnationis erat, ne sacra-* „*mentum exponeretur periculo nullitatis, cui exponitur, quando aliquid omitti-* „*tur quod ad valorem requiritur ETIAM DE IURE TANTUM ECCLESIASTI-* „*CO.*“

III. Doctrina itaque P. Viva, teste ipso P. La-Croix, reiiicitur *ab omnibus* ut falsa, ne dicam, ut nimium audax. Romana Sedes indefinite proscrit usum opinionis probabilis in iis quæ ad valorem sacramentorum attinent. Et novissimi Doctores continuo machæra probabilistica medietatem damnationis averruncant? Nam licet P. La-Croix veritate coactus falsus sit, vetitum damnatumque esse usum opinionis probabilis relictâ tutiore, dum de valore sacramentorum agitur, sive a iure divino, sive a iure ecclesiastico valor pendeat; tamen manifestis antilogiis semetipsum confodiens, & ipse usum Probabilismi damnati in re sacramentaria consuetis distinctiuncularum emplastris illitum propugnat. Theologia probabilistica versatilis, & ductilis in utramque partem est, & numquam fere sibi constat. Sacramentorum valor & a materia, & a forma, quæ iure divino præscribuntur, & a iurisdictione, quæ ab Ecclesia impertitur, pendet. Finis damnatæ thesisi eo spectat, ne frustrationis periculo exponatur sacramentum. Exponitur autem, inquit P. La-Croix, quando id omittitur quod etiam *vi iuris ecclesiastici* tutius est. Sed audiamus obiectiones.

IV. Opponit 2. P. Viva. „Non est probabile centum triginta Doctores, a Go- „*bat* relatos, in re tanti momenti esse deceptos, & indignis censura.“ Primum P. Viva fallitur, & fallit lectores suos. P. Gobat saltem in editione Monachii, qua ego utor, *trad. VII. num. 112.* non numerat hos centum & triginta Doctores. Ait utique plurimos & sapientissimos DD. hanc opinionem docere. Quinam hi *sapientissimi Doctores*? Ioannes Sanchez, damnatus ob nimiam laxitatem, Diana, Tamburinus. Ceterum non modo non citat 130. sed nec 100. immo continuo subdit P. Gobat *num. 114.* oppositam esse probabilem, & peccare per se loquendo illos qui, hac omissa, illa utuntur.

V. Verum, ut luculentius pateat, quanta adhibenda fides sit Auctoribus istis, in medium veniant ipsa verba P. *Georgii Gobat*, qui loco citato a P. Viva, nempe *trad. VII. num. 115. & 116. pag. 539.* hæc scribit. „ Hinc infero, peccare per se loquendo, saltem contra caritatem illum Confessarium qui absolvit penitentem sequendo opinionem de sua iurisdictione minus tutam, si opposita sit probabilis, nisi prudenter (N. B.) credat talem absolutionem esse NON INGRATAM ipsi penitenti, aut alia peculiaris ratio suadeat scelerationem mitioris. Atque ita sentiunt *Marchant, Bardi, Ioannes Sanchez, Ovidius* contra plures alios. Ratio est, quia nequit adferri causa cur ex omnium sententia delinquat graviter contra caritatem proximo debitam, qui in ceteris sacramentis administrandis utitur MATERIA, AUT FORMA probabiliter ineptis, dum potest adhibere certo idoneas, & non etiam delinquat in hoc nostro casu. Dixi autem per se loquendo-tum peccari: nam per accidens fit ut Deus talem administrationem non reputer in peccatum, quia scilicet permulti DD. probabilissime negant intervenire ullum hic delictum. Atqui non peccat coram Deo exercens actionem, quam probabilissima sententia negat esse peccaminosam, seu asserit esse licitam, omnibus consideratis, sicuti auctoritate sexaginta quinque DOCTORUM, firmavi in Clypeo Clement. Iudic. . . quibus alios addere possem. Unde sequitur singulariter non peccare qui absolvit a casu quem alii contra alios probabiliter censent non esse reservatum: aut qui audit confessiones, aliquibus contra alios censensibus, non esse excommunicatum &c. Etenim permulti excusant hos omnes a peccato. “

VI. Si dixerò, in ipsam rem sacramentariam intrusum esse a permultis Casuistis purum, putumque Pyrrhonismum, an veritatis manifestæ confinia transiliam? Venusta simul & horrida sunt quæ P. Gobat promittit lucem. Peccat ergo Sacerdos saltem contra caritatem sequens opinionem minus tutam, si opposita sit probabilis, nisi credat talem absolutionem esse (N. B.) non ingrati ipsi penitenti; aut alia peculiaris ratio suadeat scelerationem mitioris. Peregrege, & mirifice. Equivocum est, cui non ingrata erit absolutio? Immo quo scelestiores erunt, eo illis erit gravior & acceptior absolutio. Non modo illis non ingrata, sed pergrata, & quammaxime gratissima erit. Quid tum? Confessarii tunc tutissime poterunt absolvere a casu quem alii contra alios probabiliter censent non esse reservatum: poterunt absolvere penitentes aliquibus contra alios censensibus non esse indispósitos, non esse obstrictos ad deferendam occasionem proximam, ad debita solvenda, ad restituenda aliena. Ecce hoc? Quia permulti excusant hos omnes a peccato. Hæc sunt Theologiæ probabilisticæ robusta ratiocinia.

VII. Redeat nunc in medium argumentatio P. Viva. Non est probabile centum virginum Doctores a Gobat relatos in re tanti momenti esse deceptos. P. Gobat nu-

merat dumtaxat *sexaginta quinque Doctores*, quibus alios se posse addere ait, sed non addit. Et Tò *alias* extendit P. Viva licentia Probabilissimi usque ad *centum triginta*. Sed hæc levia sunt. Non est probabile hos Doctores fuisse deceptos? Frustranea ergo sunt, & straminea Romanæ Sedis Decreta, lata ab Alexandro VII. & Ven. Innocentio XI. contra centum & amplius propositiones damnatas. Nam permulti Doctores laudati a P. Gobat illas docuerunt. Aut decepti sunt isti Doctores; aut decepti sunt Romani Pontifices. Quid hiscis? Doctores relati a P. Gobat, sin omnes, saltem plures, propugnabant licitum esse usum opinionis probabilis respectu ipsius materiæ, & formæ sacramentariæ, 'nedum respectu iurisdictionis. Et probabile est eos non fuisse deceptos? Quid de aliis gravioribus erroribus dicam, quos docuisse permultos Doctores istos certo scimus; quosque damnatis Romana sedes? Et ne quidquam per exaggerationem dictum appareat, lege quæ immediate subiicit Doctor Gobat *ibidem num. 118. pag. 539. & 540. „ At est ne illa nostra generalis doctrina vera, etiam casu: quo aliqua opinio habetur pro probabilis, non communiter a doctis, sed tantum ab aliquo privato? Respon-* det contra Salas, & Averfam *affirmative* P. Tamburinus *loc. cit. 98. num. 9.* cum Verricelli. Vera ne est etiam tunc, quando probabilitas versatur circa *solum factum*: ut quando est probabile Episcopum dedisse mihi facultatem absolvendis a reservatis, cum tamen necogitarit quidem? Respondent *idem Tamburinus & Verricelli* post *Miscardum* contra Averfam, ac Salas *rursum affirmative* ob paritatem rationis cum probabilitate iuris. Ego nequeo negare probabilitatem illis duobus responsis assertivis, abstinere tamen ab absoluta approbatione " Vin meliora.

VIII. Heinc evidenter constat, vanissimam esse argutationem P. Viva, & Doctores allegatos a P. Gobat esse deceptos & in hac, & in plurimis aliis sententiis a S. Sede damnatis. Hæc quoque ultima opinio, quam ex Tamburino, & Verricelli refert P. Gobat, cuius probabilitatem negare non audent, damnata est a S. Sede. Constat denique, quam inconsiderate modernos Casuistas citare Doctores probabilistas, qui scribere ante Alexandrum VII. & Ven. Innocentium XI. ad confirmanda interpretamenta, quibus isti extenuare & eludere damnatas theses solent.

IX. P. Claudius La-Croix, qui *Lib. vi. part. III. num. 38.* falsus est, ut vidimus supra, non esse licitum usum opinionis probabilis, quando agitur de valore sacramenti, sive valor pendeat a iure divino, sive a iure ecclesiastico; nihilominus eodem *Lib. vi. part. I. 2117.* defendit, licitum esse usum iurisdictionis probabilis: quia ita docent Illung, Stoz, Verricelli, Tamburinus, Diana, & alii periculati Doctores. Ad oppositionem vero factam a Garzia, referente graviores Theologos, & decisiones Cardinalium contra talem opinionem, respondet. *Auctores illi, & decisiones negant sententia illi certitudinem, præscindendo a consuetudine operandi* *secun-*

secundum hanc vel illam probabilem. Nos autem dicimus, tales sententias reddi certas, accedente circumstantia consuetudinis. Probabilistæ executioni demandant opiniones probabiles, hoc fulti discursu. Illi sic prædicant in confessionali. Hæc praxis inducit consuetudinem. Hæc consuetudo efficit certas & tutas opiniones probabiles etiam in re sacramentaria. Ad tam peregrina paradoxa nihil repono.

X. Opponit 3. P. Viva. Certum est quemcumque Sacerdotem habere iurisdictionem in venialia. Ergo si quis constituitur tali Sacerdoti habenti iurisdictionem probabilem addendo aliquod veniale, supra quod habet iurisdictionem certam, non exponitur sacramentum periculo frustrationis.

XI. Resp. Argumentatio isthæc non est præcedentibus robustior. Unde eruit P. Viva, certum esse simplicem Sacerdotem habere iurisdictionem in venialia: Innocentius XI. prohibuit usum huiusce opinionis, ut supra vidimus. Prohibuit, reponit P. Viva, exercitium; at non declaravit confessionem venialium factam simplici Sacerdoti esse invalidam. Quid inde? Propterea ne certum est esse validam? Præterea numquid licite nunc absolvere valet simplex Sacerdos a venialibus? Absit. Ergo iuridictio in venialia nullo modo nunc licitum reddere potest usum iurisdictionis probabilis in mortalia: & tamen non modo validum, verum etiam licitum defendit P. Viva usum iurisdictionis probabilis.

XII. Opponit 4. P. Viva, & argumentatur a priori. „ Quando iuridictio est „ probabilis, eo ipso est certa, supplente Ecclesia eius defectum, si adesset. At „ qui quando iuridictio est certa, sine dubio licitum est absolvere; nec exponi „ tur sacramentum periculo frustrationis. Ergo licitum est absolvere cum iuridicti „ one probabili. Probatur maior. Quia in tantum non esset certa, in quantum „ graves Doctores dicunt non supplere defectum iurisdictionis ab Ecclesia, quando „ quis absolvit cum iuridictione probabili, omissa certa. Sed hoc, quod ab his as „ feritur, est falsum, tum quia non est probabile quod Pontifex propter bonum „ publicum nolit supplere defectum iurisdictionis in tali casu &c. “

XIII. Ut ab ultimis verbis incipiam; permittat nobis Cl. Auctor, ut, qua ipse, eadem & nos libertate loquamur. Falsum est quod graves Doctores nostræ sententiæ asserunt? Eito. At falsum nos quoque dicimus esse quod cum aliis Probabilistis defendit P. Viva. Dubia ergo, & in utramque partem disputabilis manet controversia. Nonne iuxta omnes Probabilistæ Doctores graves efficiunt opinionem probabilem? Doctores graves negant consensum Ecclesiæ in nostræ casu. Ergo probabile est non consentire Ecclesiæ. Ergo falsum est quod adversarius defendit, certum esse Ecclesiæ consentire; immo Ecclesia damnavit usum opinionis probabilis relicta tutiore, cum de sacramenti valore agitur. Ergo damnata est opinio P. Vivæ. Sed ultra pergamus.

XIV. Consensus Ecclesiæ suppletis defectum iurisdictionis probabilis, quando haberi

haberi certa potest, falsus, commentitius, & penitus chimæricus est. Evinceo. Ecclesia viva voce Innocentii XI. iubet ut inter opiniones probabiles tractantes de valore sacramentorum eligamus tutiorem, & damnat usum probabilis relicta tutiore. Factum istud tam certum est, quam certum est Innocentium XI. damnavisse propositionem 1. Unde, quæso, eruere consensum Ecclesiæ catholicæ debemus? Nonne ex eiusdem Pastorum, & cum primis Romani Pontificis voce? Romanus Pontifex Innocentius XI. damnat absolute & universe usum opinionis probabilis relicta tutiore, cum de valore sacramenti agitur: & reperitur Theologus qui ausit docere, Ecclesiam consentire in usum opinionis probabilis, illo ipso tempore quo hunc usum Ecclesia improbat, proscribit, exterminat?}

XV. Insistit adversarius. Quando error communis habetur, Ecclesia supplet defectum. Hoc quoque falsum esse diximus, nisi adesset titulus coloratus: quoin casu omnes Theologi id fatentur, nullumque est dissidium inter eos in hoc puncto.

XVI. Oppones. Opinionem P. Viva communiter defendunt Probabilistæ. Nam Salmanticenses. Scholastici tom. XII. p. 2. tract. XXIV. disp. XII. dub. 7. §. 1. propugnant hanc eandem opinionem, & in eiusdem præsidium citant Sanchez, Turrianum, Malderum, Lessum, Granadum, Lugo, Aversa, Martinez, Villalobosum, Reginaldum, Palaum, Basilium, Henriquez, Dianam, Dicastrum, Bonaspei, Antonium a Spiritu sancto, Gabriel Hoces, Elvas, Torrecillam, Correllam, Lumbier, Filguera, Lastra, Verricelli, Moya, Suarez. Resp. Hic est Probabilistarum mos, infarcire prolixum Casuistarum catalogum, ut a multitudine præsidium nanciscantur. Omnes citati auctores, exceptis tribus, aut quatuor, scripserunt antedecretum Innocentii XI. Ergo perperam a Salmanticensibus laudantur. Accedit quod præfati Auctores Probabilistæ sunt, & probabilismi præiudiciis occupati, docuerunt usum iurisdictionis probabilis licitum esse in sacramentis conferendis: quam doctrinam nos Antiprobabilistæ damnatam contendimus in 1. prop. Innocentii XI. Auctoritas ergo Probabilistarum in hac materia nullius proflus momenti est.

XVII. Insistit P. Franciscus Fegelli Par. I. cap. II. num. 21. pag. 14. „ Praxis „ & usus omnium Confessariorum obtinuit, ut impendant absolutionem cum iurisdictione probabili. Ergo, ne tot eorum actus sint irriti cum maximo pœnitentium damno, recte iudicatur Ecclesiam certissime conferre iurisdictionem, si antea non dabatur. “ Vanissima argutatio. Praxis obtinet: Ergo Ecclesia approbat. Fallit imperitos P. Fegelli, dum asserit omnes Confessarios absolvere cum iurisdictione probabili. Omnes Confessarii & Theologi antiprobabilistæ oppositum docent.

XVIII. P. Claudius La-Croix, ut iam animadverti, Lib. VI. part. 1. num. 117. inquit: Quandocumque datur opinio probabilis, v. g. pro iurisdictione, vel absentia

tia impedimenti, communissima sententia est cum *Suarez, Con. Filii Regis. Less' Bonat. Diana, Aversa*, quod etiam tum suppleat, vel dispenset Ecclesia &c. Et hoc in praxi tutum, aut moraliter certum esse dicunt *Sanchez, Vernicel* &c. Sed iniuste & inconsiderate P. Croix laudat istos Auctores, qui ante decretum Innocentii XI. scripserunt, ut iam modo animadverti: & non raro Auctor iste, & pluri alii Probabilistæ citant Auctores qui scripsere ante decreta Alexandri VII. & Innocentii XI. ut illorum auctoritate confirmet commenta, quibus eluduntur propositiones damnatæ, quas plures ex citatis Casuistis docuere. P. tamen La-Croix *loc. cit. par. 1. num. 1571.* videtur hanc opinionem aliquo modo restringere ad casus alicuius necessitatis; sed sua probabilitate *practica positiva* certa, de more rem implicat. Unum est quod non adeo aperte, ut P. Viva, hanc laxam opinionem propugnat.

XIX. Insistit iterum P. Viva. *Moraliter certum videtur quod Ecclesia MATER BENIGNISSIMA velit supplere defectum* &c. Hoc commentum non meis, sed P. Elizalde verbis diluere volo.

§. II.

P. Michael Elizalde *sophisma, a benignissima pietate matris Ecclesie repetitum, solida doctrina convellit.*

I. **Q**uamquam Ecclesia sit benignissima mater; nihilominus voce Pastoris summi Innocentii XI. improbavit usum opinionis probabilis; relicta tutiore, cum de valore sacramentorum agitur. Quamobrem penitus profligatum iam est commentum, ab hac materna Ecclesie benignitate arcessitum. Verum quia Probabilistæ passim obtrudunt in pluribus controversiis gravissimis sophisma, ab hac matris Ecclesie benignitate derivatum; ideo lubet P. Michaelis Elizalde doctissimi Iesuitæ verbis illud iterum explodere. Inquit ergo P. Elizalde *Part. II. Lib. V. quest. xv. §. 2. pag. 110. & seq.*

II. „ Primum itaque fundamentum, quod ad plures opiniones struendas assumitur, est *pietas matris Ecclesie*, quam *piam matrem* semel, iterum, perpetuo, & quidem verissime recantant. Inferunt. Non est ergo de intentione *pie matris*, hostili, ut loquuntur, vinculo bonas animas illaqueare, eas quippe animas in quibus nulla fraus est, neque contemptus &c.

„ Si in rebus tantis liceret verbis ludere, dicerem, hoc totum, quod ad tam multas opiniones condendas assumitur, in hoc solo fundari, quod nomen *Ecclesie* feminei generis sit, *Deus* vero masculini, & Ecclesia ipsa mater, &

„ Deus

„ Deus pater . Ex quibus , quoniam feminæ , maxime autem matres erga filios
 „ mitissimæ esse solent , & sæpe etiam indulgentiores quam par esset , nescio
 „ quis fucus , similisque indulgentia irrepsisse vobis videatur .

„ His itaque contemptis . . . absurdissimum est quod in hæc & similibus opi-
 „ nionibus ex pietate Ecclesiæ deductis præcipue assumitur . Præcipuum enim
 „ illud est , quod mater Ecclesia magis pia quam pater Deus censeatur . Nam
 „ si pietior non sit , inepte ex eius pietate arguitur . Ecclesiam porro magis
 „ piam non esse quam Deum patrem . . . non probandum , sed per se notum
 „ est . . . Quid plura ? Si ex pietate sane legislatoris obligationes aut tollen-
 „ dæ , aut emolliendæ forent , tam pius est , & misericors Dominus , ut omnes
 „ una obligationes tolli de medio possint . Inconsiderate ergo hoc ex loco ar-
 „ guitur .

„ Rursus inconsideratum est ex pietate contra leges , earumque vim , & ob-
 „ ligationem arguere , quasi auferendo obligationes , & leges , peccata per con-
 „ sequentiam tollantur , & hoc sit pietas . Etenim si hæc pietas esset , in Deo
 „ non defuisset . Non ergo dixisset , *Non mæchaberis* , ex quo infinitus quidam
 „ numerus peccatorum sequatur ; & uno verbo nullam legem tulisset ; & sic
 „ peccatum omne cessasset : nam ubi non est lex , nec prævaricatio . Non ergo
 „ mater Ecclesia , quoniam pia est , & utique est , non vult nos obligare ; sed
 „ pia potius mater patrem pium , misericordemque , a quo regitur , atque eius
 „ sapientiam sequitur .

„ Iterum : inepta est hæc argumentatio . Ecclesia pia mater est . Non vult
 „ ergo difficiles leges condere . Nam de facto condidit multas , continentiam
 „ Clericorum , Quadragesimam , Officium quotidianum &c. Et quid difficilius est ,
 „ quam quod coniux qui impedimentum aliquod iuris ecclesiastici contraxit ,
 „ dormire cum uxore possit , reddere etiam , petere autem minime possit ?
 „ Ergo inepta est ea argumentatio . *Ecclesia pia mater est : ergo non vult nos*
 „ *stricte obligare , aut ignorantes ex negligentia comprehendere* &c.

„ Ex quibus denuo cernitur , pietatem in eum scopum philosophantium , ut
 „ obligationes tollendo , peccata impediant , esse contrariam pietati matris Eccle-
 „ siæ , & patris Dei . Nam si hunc philosophandi morem Deus , & Ecclesia in
 „ ferendis legibus secuti essent , & non contrarium ; nihil saltem difficile præce-
 „ pissent , nec ex eo sequeretur multiplicatio peccatorum : at non hunc morem
 „ secuti sunt , sed contrarium ; atque multa difficilia præceperunt , *etsi probe sci-*
 „ *rent multa inde peccata secutura esse* . Ergo pietas illa contraria potius est &
 „ Deo , & Ecclesiæ . Pietas ergo non hæc est , sed peccata vitare servando le-
 „ ges , & præcepta , eorumque vim retinendo , & robur ; atque ad hoc alios do-
 „ ctrina , & exemplo , & modis omnibus invando . . . Ergo licet Ecclesia pia

„ mater sit, potest vel obligare negligentes, & ex negligentia ignorantes, sicut
 „ pius pater, & amicus, & sponsus Deus. Ubi omitto alia, contra istas adeo
 „ voluntarias assumptiones. Nam potius quoniam Ecclesia pietissima mater no-
 „ stra est, nec in odium nostrum, sed in maximum bonum, utque nos bonos
 „ filios suos efficiat, leges, & præcepta constituit, sequitur, nos teneri, non qui-
 „ dem ut olosa refugere, sed amare, diligere, scire, custodireque piæ adeo ma-
 „ tris voluntatem, & præcepta; & scriptum est: *Sapiens non odit mandata*: &
 „ degeneres ii filii sunt qui eam negligunt, aut scire non magis curant, quam
 „ si novercæ alicuius, aut nos non valde diligentis decreta quædam forent. Vel
 „ ergo Ecclesia dura quædam mater est, vel pia? Si dura; male arguunt. Sin-
 „ autem pia est, ut certissime est; turpissimi nos sumus, si eam non multum
 „ diligamus, & tamquam obsequentissimi filii omnem voluntatem eius non et-
 „ iam diligamus: qui autem diligit, diligens est. Ergo ex pietate tanta matris
 „ nostræ obligatio magis nostra sequitur, crescitque. Illæ autem matres quæ
 „ nimis filiis indulgent, non piæ, sed crudeles magis sunt; nec huiusmodi est
 „ mater nostra.

§. III.

*Iterum exploditur Probabilistarum opinio de licito usu
 iurisdictionis probabilis.*

I. **O**peræ pretium existimavi verbis doctissimi Iesuitæ Elizalde profligare po-
 tissimum Probabilistarum argumentum a pietate matris Ecclesiæ repeti-
 tum. Nunc veram sententiam paucis confirmo. Et ut a pietate matris Ecclesiæ
 incipiam, pietas hæc filiis succurrit in necessariis, ut eorum saluti periclitanti
 præsidium offerat: & ideo, necessitate extrema urgente, iure præsumitur illam
 consentire, & conferre iurisdictionem Sacerdoti. Quare dum adest titulus colo-
 ratus cum errore communi, omnes Theologi adfirmant, Ecclesiam conferre in-
 dulgentiam: & hoc Ecclesiæ ipsi compertum est. Verum pietas sanctæ matris
 Ecclesiæ non eo pertinet, ut suas leges laxet, easque hominum opiniunculis sub-
 mittat ad fovendam istorum opinandi libertatem. Hæc enim de sanctæ matris
 Ecclesiæ pietate præsumptio commentitia est, & eiusdem pietati omnino repa-
 gnans: quia eius pietas vult ut suæ leges, quoad fieri potest, servantur. Patet
 aditus ad iurisdictionem certam suscipiendam. Ergo pietas matris Ecclesiæ vult
 ut filii sui obediant. Ergo chimærica est, & pietati matris Ecclesiæ iniuriosa
 præsumptio quam Probabilistæ comminiscuntur de illius consensu.

II. Accedit, Ecclesiam voce Innocentii XI. ut iam dictum est, damnaſſe ab-

solute & universe usum cuiusque opinionis probabilis, dum agitur de valore sacramentorum. Ergo perperam eiusdem consensus præsumitur. Nec est quod limites damnationem ad usum opinionis probabilis respectu materiæ & formæ: quia horum defectum supplere Ecclesia nequit, cum sint institutionis divinæ: quoniam effugium istud vānissimum est. Utique Ecclesia supplere defectum materiæ & formæ in sacramentis nequit; supplere vero potest defectum iurisdictionis. At non propterea Pontifex summus limitavit propositionem damnatam ad usum materiæ & formæ; sed indefinite & absolute propositionem proscripsit. Nullum ergo fundamentum certum adest præsumendi Ecclesiam supplere defectum iurisdictionis probabilis, cum patet aditus ad habendam iurisdictionem certam. Quid plura? Non modo adest fundamentum certum, sed neque probabile talis præsumptionis.

¶ II. Opponunt Probabilistæ, & præsertim P. La-Croix, gravissimos Auctores, ut Suarez, Filliucium, Reginaldum, Lessum, Coninch, Bonacinam, Dianam, & alios, quos citat P. Gobat, defendere usum iurisdictionis probabilis. Ergo hæc opinio est probabilis. Resp. Nego consequentiam. Nam præfati Auctores scripserunt, antequam Innocentius XI. damnaret hanc opinionem. Ideo & excusatione digni sunt, & illorum auctoritas nullius est in hac causa momenti. *Lege Tom. X. dissert. iv. cap. vi. §. 3.* ubi plures sacri canones adducuntur, qui, examinato Probabilismo, tutiora in matrimonii sacramento amplectenda iubent: referuntur testimonia S. Gregorii Magni, Lucii III. Innocentii III. SS. Thomæ, Bonaventuræ, Antonini, & aliorum, qui omnes una voce testantur non modo Ecclesiam non consentire in usum opinionis probabilis, relicta tutiore, sed contra elata sacrorum canonum voce dissentire, & constantissime repugnare. Ibi evidentius palam fiet, hunc Ecclesiæ consensum in iurisdictionem probabilem, quem pro ingenio confingunt Probabilistæ, esse meram chimæram pluries probatam.

C A P U T VI.

De casuum reservatione.

I. **C**oncilium Tridentinum *sess. xiv. cap. vii.* inquit. SS. Patribus nostris vñ sum est ad disciplinam summopere necessarium, ut atrociora quedam, & graviora crimina non a quibusvis, sed a summis dumtaxat Sacerdotibus, absolverentur. Potestas hæc reservandi atrociora scelera a nemine in discrimen adducitur. Si enim potestas iurisdictionis, aut animarum cura ab Episcopo confertur; consequitur illum posse hanc iurisdictionem certis limitibus coarctare. Hæc au-

tem

tem reservatio non solum illicitam, verum etiam invalidam reddit absolutionem ab eiusmodi peccatis reservatis; sicuti invalida esset absolutio a quocumque peccato, si absolute deesset iurisdicção. Illi ergo omnes reservare peccata possunt qui conferunt iurisdicçãois potestatem. Hi autem sunt primum Romanus Pontifex, qui potest respectu universæ Ecclesiæ peccata reservare, dein Episcopi respectu inferiorum Presbyterorum, & tandem Superiores regulares respectu suorum subditorum.

II. Quæst. I. *Reservari ne peccata venialia possunt?* Resp. Reipsa peccata venialia non reservantur, nec mortalia rite confessa. Neque eiusmodi peccata sunt reservata. Si tamen potestas iurisdicçãois attendatur, reservari possunt; cum ad hæc quoque venialia sacramentaliter remittenda necessaria sit potestas iurisdicçãois, ut supra dictum est. Verum hæc reservatio inutilis esset; cum possint venialia absque sacramento deleri.

III. Quæst. II. *An reservari peccata mortalia interna queant?* Resp. Adfirmant graviores Theologi, Soto, Suarez, Sylvius, Vasquez, & alii: quia hæc peccata mortalia reipsa subiiciuntur foro interiori Ecclesiæ, & iudiciali sententia remittuntur. Ergo quemadmodum subiiciuntur iurisdicçãoi ecclesiasticæ, ita etiam possunt subesse reservationi. Nec est eadem ratio de censura: quia hæc subditur foro externo contentioso. Eiusmodi tamen reservatio expediens minime est. Nec hæcenus aut Romanus Pontifex, aut Episcopus aliquis eiusmodi interna peccata mortalia reservavit. Hinc iuxta communem sententiam omnes Confessarii absolvere valent ab hæresi, vel occisione mere mentali.

IV. Quæst. III. *Quinam sunt casus reservati Romano Pontifici?* Resp. Qui continentur in Bulla *Cane Domini*, sunt Romano Pontifici reservati. Hi autem sunt sequentes.

1. „ Hæretici cuiuscumque sectæ, eorumdem receptatores, fautores, defensores, eorumdem libros hæresim continentes, vel de religione tractantes scienter legentes, retinentes, imprimentes, defendentes: & schismatici.
2. „ Appellantes ab ordinationibus, seu mandatis Romani Pontificis ad futurum Concilium, eorumque fautores.
3. „ Piratæ, cursari, ac latrunculi maritimi discurrentes mare Romani Pontificis, præcipue a monte Argentario usque ad Terracinam, ac eorum fautores, receptatores, & defensores.
4. „ Naufragorum Christianorum cuiuscumque generis bona, etiam in littoribus inventa, surripientes.
5. „ Imponentes nova pedagía, & gabellas, vel eas augentes, præterquam in casibus a iure, seu ex speciali Sedis Apostolicæ licentia permissis.
6. „ Falsificantes litteras apostolicas, aut falso fabricantes.

7. „ Deferentes arma , aut alia ufui bellico idonea ad Turcas , & alios chri-
 „ stiani nominis inimicos , vel hæreticos , per sanctæ Sedis sententiam expresse ,
 „ & nominatim declaratos : vel ad christianæ Reipublicæ , aut catholicæ reli-
 „ gionis statum pertinentia in eiusdem damnum illis annuntiantes.

8. „ Impedientes eos qui victualia , & alia necessaria Romam convehunt.

9. „ Ad Sedem Apostolicam venientes , vel ab ea recedentes sua , vel alio-
 „ rum opera lædentes , vel sine iurisdictione vexantes in Curia Romana com-
 „ morantes.

10. „ Romipetas & peregrinos , etiam in urbe morantes , vel recedentes , læ-
 „ dentes , & in his dantes auxilium , consilium , vel favorem.

11. „ Interficientes , mutilantes , vulnerantes , percutientes , capientes , carce-
 „ rantes , detinentes , vel hostiliter insequentes S. R. E. Cardinales , Patriarchas ,
 „ Archiepiscopos , Episcopos , Sedisque Apostolicæ Legatos , vel Nuntios , aut eos
 „ a suis diocæsis , territoriis , terris , seu dominiis eicientes ; nec non ea man-
 „ dantes , vel rata habentes ; seu præstantes in eis auxilium , consilium , vel fa-
 „ vorem .

12. „ Occidentes , quovis modo percutientes , aut bonis spoliantes , per se , vel
 „ per alios , eos qui pro negotiis suis ad Romanam Curiam recurrunt , aut eo-
 „ rumdem advocatos , procuratores , agentes , auditores , vel iudices super dictis
 „ causis deputatos .

13. „ Appellantes a gravamine , vel futura executione litterarum apostolica-
 „ rum , ad laicam potestatem .

14. „ Executionem litterarum apostolicarum , aut aliarum expeditionum impe-
 „ dientes , & prohibentes ad gratias impetrandas accedentes .

15. „ Iudices sæculares , qui ecclesiasticas personas trahunt ad sua tribunalia ,
 „ quique ecclesiasticam libertatem tollunt , aut in aliquo perturbant .

16. „ Impedientes Prælatos , ne sua iurisdictione utantur , quique illorum , &
 „ delegatorum iudicia eludentes , ad curiam sæcularem recurrunt , aut contra il-
 „ los decernunt , atque in his præstantes auxilium .

17. „ Usurpantes iurisdictiones , fructus , redditus , & proventus ad Sedem Apo-
 „ stolicam , & quascumque ecclesiasticas personas ratione Ecclesiarum , Monaste-
 „ riorum , & aliorum beneficiorum ecclesiasticorum pertinentes , vel ea seque-
 „ strantes .

18. „ Imponentes decimas , & alia onera personis ecclesiasticis , Ecclesiis , Mo-
 „ nasteriis , aut eorum fructibus .

19. „ Iudices , & quilibet ministri , aut executores sæculares , quomodolibet
 „ se interponentes in causis capitalibus , seu criminalibus contra personas eccle-
 „ siasticas .

20. „ Occupantes , invadentes , aut detinentes bona , aut terras Ecclesiæ Romanæ immediate , vel mediate subiecta , & illius iurisdictionem usurpantes . “

V. Item ex speciali mandato Clementis VIII. sacra Congregatio Episcoporum , & Regularium an. 1602. die 26. Novembris reservavit casus sequentes. 1. *Violationis immunitatis ecclesiastica in terminis constitutionis fel. record. Greg. XIV. cuius initium* , Cum alias nonnulli. 2. *Violationis clausuræ Monialium ad malum finem*. 3. *Provocantium & pugnantium in duello iuxta decretum sacri Concilii Tridentini , & constitutionem fel. record. Greg. XIII. incipientem* , Ad tollendum . 4. *Inicentium violentas manus in Clericos iuxta canonem* , Si quis suadente &c. 5. *Simonia realis scienter contracta* . 6. *Confidentia beneficialis* . Secundum Clement. *Religiosi de privileg.* Regulares incurrunt excommunicationem Sedi Apostolicæ reservatam , qui *sine licentia parochialis Presbyteri* Clericis , aut laicis sacramentum extremæ unctionis , vel Eucharistiæ administrant , aut matrimonia solemnizant . Illius tamen excommunicationis nulla sit mentio in præfato decreto Clementino . Alii quoque Pontifices reservarunt sibi nonnullos alios casus . Tandem excommunicationem summo Pontifici reservatam incurrit qui confessionem audit complicit in aliquo peccato turpi atque inhonesto , contra sextum Decalogi præceptum commissio . BENEDICTUS XIV. feliciter regnans in sua constitutione quæ incipit , *Sacramentum penitentiae* , edita an. 1741. omni facultate , & iurisdictione absolvendi ab hoc peccato Confessarios privat , etiam tempore iubilæi . Deinde idem Pontifex summus anno 1745. edidit alteram constitutionem , cuius initium est , *Apostolici muneris partes* , qua præcedentem confirmat , roborat , & præcipit ut integre , penitus , & inviolabiliter observetur . Declaravit tamen in mortis articulo Sacerdotibus interdictum non esse consentientem personam complicitem audire , illamque rite dispositam absolvere ; dummodo tamen non adsit aliquis alius sacerdos . Qui si haberi possit , quamvis simplex , & non approbatus , iste , non conficius criminis , debeat personæ complicitis in periculo mortis constitutæ confessionem excipere . Si vero talis circumstantia occurreret quæ sine gravi scandalo , vel infamia non permetteret alium Sacerdotem vocari , tunc perinde est ac si omnis alius Sacerdos decederet , & Confessarius socius criminis absolvere complicitem valet . Eiusmodi tamen Sacerdos criminis socius gravis inobedientiæ reus adversus prædictam constitutionem , & pœnis in eadem contentis obnoxius esset , si scandali , & infamiæ pericula sibi ultro confingeret . Immo tenetur Sacerdos criminis conficius omnem adhibere industriam ut alius Sacerdos absque periculo scandali , vel infamiæ accedere possit ad talem confessionem audiendam . Alioquin si Sacerdos flagitii conficius , absque gravi necessitate , neglectaque industria removendi impedimenta , ut alius Sacerdos accedat , complicitis confessionem au-

dierit, valida quidem absolutio erit, si ex parte pœnitentis requisitæ dispositiones adfuerint; sed ipse latam in præfata constitutione excommunicationem se noverit incursum.

VI. Qui in his casibus, quibus annexa est excommunicatio, indulto apostolico absolvit a culpa, absolvit quoque a censura. Præfati casus etiam tempore lubilæi reservari intelliguntur, nisi expresse sint excepti. BENEDICTUS XIV. in sua Bulla data an. 1744. cuius initium est, *Apostolica indulta*, declaravit quod in quocumque indulto apostolico, in quo conceditur facultas eligendi sibi Confessarium ex approbatis ab Ordinario, a quo absolvi possit a criminibus, aut censuris reservatis, debeat idem Confessarius approbatus esse ab Episcopo diœcesano, & ab Ordinario illius loci in quo administratum est confessionis sacramentum. Quare non sufficit approbatio Episcopi qui olim fuit, sed nunc non est eiusdem loci Ordinarius. Et hoc intelligendum est de omnibus Confessariis tam sæcularibus, quam Regularibus. Si plura cupis, lege Benedictinam constitutionem, in qua omnia perspicue declarantur.

VII. De casibus quos reservare sibi Episcopi valent, non est nostrum ferre iudicium. Ea crimina reservare solent quæ magnopere Ecclesiæ disciplinam lædunt, scandalumque ingerunt. Sacra Congregatio Cardinalium, Concilii Tridentini interpretum, anno. 1601. hæc præscribit. „ Non enim passim, sed, „ cum id videtur communi bono expedire, atrociorum & graviorum tantum absolutionem sibi reservare debent, quorum reservatio ad christianam disciplinam „ retinendam conferat, & in ædificationem, non autem in destructionem cedat: „ ne aliqui sacramenti pœnitentiæ, ministrorum coarctata potestate, sacrosanctæ matris Ecclesiæ piæ menti contrarius sublequatur effectus. “

VIII. Gersonius Cancellarius Parisiensis in epistola ad quemdam Episcopum de moderatione casuum reservandorum hæc scribit. *Pastoralis auctoritas in casibus reservandis, sicut & alia qualibet potestas, data est in ædificationem Ecclesiæ, non in destructionem, sicut dicit Apostolus, & in favorem populi christiani pro salute, non pro questu, aut simili commodo consequendo.* Constat autem certissime per plures expertos in confessionibus audiendis tempore isto, quod reservatio stricta quorundam casuum, præsertim in gravioribus, & occultis speciebus peccati carnalis, retrahit innumeros a confessione talium peccatorum, sicut sunt pueri, & puellæ, & mulieres verecundissimæ, & rurales idiotæ, a quibus vix potest extrahi confessio talium peccatorum, quantumcumque Confessor sit sollicitus, humilis, morosus, & discretus. Quod si remittantur ad Prælatum, vel Pœnitentiarium de longinquo, vel in publico, refugiunt, & horrent, expertumque est milites, quod non vadunt. Sed nec ducenti, nec trecenti sufficerent aliquando in una diœcesi ad tales casus plane audiendos, absolvendosque. Denique quid prodest & obest plurimum addere

verecundiam super verecundiam, onera gravia super onera, & difficultatem confitendi talia peccata super difficultatem, quæ tanta est, ut vix credi posset? Et hoc præcipue, quando peccatum secretum est. Si diceret: Talis, si non revelabit, damnabitur: fateamur quidem; sed obviandum esset huic damnationi omnibus modis potius quam addenda sit occasio. Nunquid requiritur sanguinis locus, idest damnatio, ab illis qui occasionem dederunt, præcipue Prælati maioribus? Sic certe & isti satisfaciunt, præ isto usque ad ultimum quadrantem cunctis in eandem damnationem, cum sint Prælati ad salvandum gregem Domini positi, & pasendum, non occidendum, aut scandalizandum. Expertum est itaque quod hic terror reservationis nullos, aut paucissimos cohibet sic peccare; innumeros autem sic retrahit confiteri propter dihas causas, & etiam alias: quoniam mulieres præcipue tali modo retrahuntur: primo timentes notari a maritis, cum tales Confessores adeant, qui, cum sint zelotypi, statim sinistram contra uxores suas sumerent occasionem, unde surgerent iurgia, lites, discordiæ, & amoris interruptio, & cetera, quæ peiora parerent mala, utinam non sæpius mortem &c.

IX. Plura alia ibidem habet piissimus Cancellarius. Verum Episcopi, & ceteri Superiores summa prudentia ætate nostra, & moderatione casus reservant, & facillime Confessariis facultatem impertiunt absolvendi.

§. I.

Quinam subiecti sint casuum reservationi. An ignorantia excuset. Laxa P. Viva opinio refellitur. Sint ne reservata peccata dubia.

I. **O**mnes subditi Superioris reservantis subiecti sunt reservationi, nisi Superior aliquos excipiat. Alicubi expresse excipiuntur pueri, & puellæ a reservatis in materia luxuriæ ante annum 14. Disputant Auctores, num absolute impuberes exempti sint. Alii adfirmant, negant alii. Impuberes subiecti sunt censuris: quidni & reservationi? Quare hac de re Episcopus consulendus est, eiusque voluntas exquirenda.

II. Quæst. I. Incurritur ne reservatio ab eo qui illam ignorat, aut, dum adhuc peccat, ad eam non advertit? Resp. P. Dominicus Viva in *Curs. Theolog. quæst. ix. art. 3. num. 2.* hæc disputat & resolvit. Quæritur secundo, an ignorantes reservationem illam incurrant? Et idem quæritur de non advertentibus ad illam dum *ACTU* peccant. Post multa sic concludit. „Quare a primo ad ultimum nec reservationem, neque excommunicationem incurrunt qui illas ignorant: & quia „communiter Doctores inadvertentiam actualem, & oblivionem æquiparant igno-

Nn ij „ ran-

„ rantiæ invincibili , & inculpabili , inde fit quod non advertens ad pœnam sive
 „ reservationis, sive censuræ, illam non incurrat, non secus ac si ignoraret. Unde
 „ Sanchez Lib. IV. cap. 22. docet, quod si quis, verbi gratia, in pœnam periurii
 „ vovisset ieiunare, quoties mentitur, si deinde mentiatu advertens ad votum
 „ non mentiendi, non vero ad pœnam impositam ieiunandi, peccaret quidem;
 „ sed non teneretur ieiunare, ex hoc scilicet principio, quod pœna extraordina-
 „ ria, & medicinalis non incurratur ab eo qui illam ignorat, AUT NON AD-
 „ VERTIT ad illam. “

III. Ne Adversarii consuetam recanere imposturam valeant, me videlicet trun-
 catos textus exscribere, adverto lectorem, P. Viva post propositam quæstionem
 multa dissertare in utramque partem, quæ mox in examen vocabo: & tandem
 concludit verbis a me sinceritate summa transcriptis.

IV. Laudata doctrina P. Viva evertit, & ab imis diruit omnem reservationem.
 Vix est qui impotenti libidine peccandi abreptus advertat sive ad reservationem,
 sive ad excommunicationem. Qui ergo ira perciti occidunt Sacerdotes, qui luxu-
 riz igne ardentem violant & clausuram, & Moniales, nec reservationem, nec
 excommunicationem contrahunt: quia dum occidunt, dum fornicantur, non ad-
 vertunt ad reservationem? Hæc ne doctrina sana? Hæc ne doctrina laxitatis ex-
 pers?

V. Convenit communiter penes Theologos, censuram ignoratam non contrahi:
 quia hæc lata est in contumaces. Contumacia autem sine cognitione haberi ne-
 quit. Reservatio autem non est pœna lata in contumaces; sed est subtractio po-
 testatis absolvendi a certis peccatis, salva potestate absolvendi ab aliis. Quæ re-
 servatio spectat bonum commune Ecclesiæ; ut expresse docet Concilium Triden-
 tinum sess. XIV. cap. 7. ubi inquit: *Magnopere vero ad christiani populi disciplinam
 pertinere sanctissimis Patribus nostris visum, ut atrociora quedam & graviora cri-
 mina, non a quibusvis, sed a summis dumtaxat Sacerdotibus absolverentur.* Sub fi-
 nem capituli aperte declarat, Sacerdotes nihil posse in casibus reservatis.

VI. Iuniores nonnulli distinguunt reservationem pœnalem a medicinali. Hanc,
 secus illam, incurri ab ignorantibus docent: Sed hæc distinctio sutilis omino est
 & vana. Omnis quippe casuum reservatio & medicinalis, & pœnalis est. P. Do-
 minicus Viva loc. cit. refert tres opiniones. Prima asserit; incurri reservationem
 ab ignorante illam, negat secunda. In praxi sequendam primam censet P. Viva;
 sed consueto Probabilissimi scuto munitus, probabilem esse etiam secundam defen-
 dit, prout limitatur a Iosepho de Ianuario. Tandem fuso calamo propugnat, re-
 servationem non contrahi ab eo qui eandem ignorat, & evincere conatur pati-
 tate excommunicationis, quæ ab ignorante non contrahitur. Sed hæc paritas ine-
 pta est; cum excommunicatio lata sit in contumaces. Quare, missis pluribus
 argu-

argutationibus, quas ex hac paritate conficit hic Auctor, rationem veræ, & communis sententiæ paucis expono.

VII. Reservatio est subtractio iurisdictionis in Confessario, ut Tridentinum, & communiter Theologi docent. Numquid ignorantia pœnitentis confert iurisdictionem Confessario, quam eidem subtraxit Episcopus? Numquid pœnitens, bona fide accedens ad simplicem Sacerdotem non approbatum a Superiore, valide ab eodem absolvitur? Porro quemadmodum simplex Sacerdos nullam in mortalia habet iurisdictionem; sic Sacerdos approbatus ab Episcopo omni caret iurisdictione in peccata reservata. Tandem Confessarius ignorans casum reservatum non propterea ab eodem valide absolvit. Ignorantia Confessarii non impedit quominus casus sit reservatus, nec efficit ut Confessarius valide ab hoc casu absolvat. Ergo similiter ignorantia pœnitentis non tollit quin Confessarius careat potestate in peccata reservata.

VIII. P. Viva, ut ab hoc argumento, quod Achillem communis sententiæ appellat, quoquomodo sese expediat, ad suam paritatem de excommunicatione recurrit. Sed discriminis rationem inter excommunicationem latam in contumaces; & reservationem subtrahentem iurisdictionem Confessario in reservata, iam supra dedimus. Tandem addit, se non asserere, ignorantiam pœnitentis conferre iurisdictionem Confessario; sed solum docere, quod ignorantia pœnitentis impediatur quominus per legem reservationis restringatur in Confessario iurdictio in reservata.

IX. Verum hæc responsio pura putaque cavillatio est, & verborum ludus. Limitatio enim iurisdictionis in reservata absoluta est, nulloque modo pendet ab ignorantia sive Confessarii, sive pœnitentis: & commentum P. Viva prorsus in re gravissima, qualis est iurisdictionis potestas, arbitrium est. Quare vel ipse P. Claudius La-Croix *Lib. vi. par. II. num. 1608.* licet benignissimus Auctor, docet absolute tenendum esse cum communissima, incurri reservationem ab eo qui illam ignorat. Ergo, iudice ipso P. La-Croix, opinio P. Viva est contra communissimam, & quidem in re sacramentaria, in qua agitur de valore sacramenti. Merito ergo inter laxas illam recensui, & præsertim quod P. Viva contendat, solum defectum *advertentiæ* ad reservationem, dum quis actu peccat, satis esse ad tollendam reservationem.

X. P. Patritius Sporer *Part. III. cap. vi sec. 1. §. 3. num. 735.* „ Quintanad-
„ venas rotunde scribens: Ignorantia reservationis sive iuris, sive facti, *etiamsi sit*
„ *vincibilis, excusat a reservatione.* Et sane sequitur manifeste ex dictis, Si enim
„ dubium de reservatione ab ea excusat, multo magis excusabit ignorantia re-
„ servationis *etiam vincibilis.* “ Etiam ignorantia *vincibilis* excusat ab incurrenda
reservatione? Hæc opinio laxissima, nedum laxa videtur. Addit ibidem P. Sporer, hanc opinionem esse satis probabilem, immo verissimam, si restringatur ad

casus in pœnam delicti, quales sunt qui habent annexam excommunicationem. Fatetur tamen repugnare iudicium Superiorum ecclesiasticorum respectu illorum casuum qui reservantur ob rectam gubernationem. Auctor iste cum quibusdam aliis iunioribus putat, casus aliquos reservari ob solam pœnam. Quæ suppositio mihi falsa est. Omnia quippe delicta atrociora, & graviora reservantur ob bonum commune Ecclesiæ. Quare non minus laxa & arbitraria mihi videtur opinio quam ibidem subiicit P. Sporer. „ Bene observat Gobat, merito censens, „ Confessarium regularem non fore fidelem suo Prælato, si nactus pœnitentem „ implicitum peccato reservato, sed reservationis ignarum; non dicat expresse: „ Te quidem absolvo hac vice (*scilicet ex probabili opinione DD.*, & benigna interpretatione mentis Superioris, ne bona fide procedens idem peccatum mortale „ bis debeas confiteri) scito imposterum te a me non posse absolvi sine expressa „ voluntate Superioris. Quod ipsum consulere soleo Parochis, & Vicariis, de reservatis casibus episcopalibus sollicitis. “ *loc. cit.*

XI. Recensitam opinionem falsam, laxam, & omni solido fundamento destitutam reputo. Cur, quælo, pro prima vice absolvere Confessarius valet, quando Superior absolute reservat? Quia probabiliter Doctores id asserunt. At quinam hi Doctores? Nonnulli Casuistæ. Quodnam istius probabilitatis fundamentum? Iurisdic-
tio tæta pendet ab Episcopo, & Superiore reservante, qui possunt & pro prima, & pro secunda vice impertiri facultatem absolvendi, prout ipsi expediens iudicaverint.

XII. Quæst. II. *Quenam peccata externa cadant sub reservatione?* Resp. dixi iam supra, neque peccata venialia, neque peccata mortalia interna reipsa reservari. Reservantur ergo peccata externa. Porro adfirmant communiter Auctores, peccata externa, ut sint reipsa reservata, debere esse talia in toto rigore. Si reservatur Sodomia, requiritur ut sit commixtio duorum eiusdem sexus, & effusio seminis intra vas. Si reservatur peccatum scribendi epistolas obscenas ad Moniales, si epistolæ scriptæ non perveniant in manus Monialium, casus non est reservatus: quia opus externum non est completum. Requiritur quoque ut ipsa actio externa sit graviter vitiosa; puta, si reservetur peccatum contra castitatem, oportet ut actio exterior sit mortalis, ut tangere mamillas mulieris; contra, si interiori impudico amore deperires mulierem; exterius vero aliquod suspirium dumtaxat emitteres, aut tangeres eiusdem vestes, casus non esset reservatus: quia actio exterior levis est. Si reservatur homicidium, non est reservata percussio animo occidendi: & si reservatur percussio gravis, non est reservata percussio levis peracta animo graviter vulnerandi. Heinc excommunicationem non incurrit qui leviter Clericum percutit, licet intentio sit graviter percutiendi.

XIII. Quando reservatur casus, effectu secuto, ut procuratio abortus, homicidium

dium &c. Si effectus non sequatur, casus non est reservatus. Quid, si quis venenum mortiferum propinet, vulneretque mortaliter hominem, & , antequam effectus sequatur, delinquens confiteatur? Tum casum non esse reservatum communiter adfirmant. Quid post effectum, nempe abortum, vel mortem vulnerati secutam? P. Dominicus Viva *quest. 9. a. 2. num. 3.* refert Lugo *dis. xvi. num. 253.* adfirmantem; tunc necessariam esse absolutionem Superioris. Verum addit P. Viva, alios Auctores communiter negare, quia pœnitens iam absolutus fuit a tali culpa. Probabiliorem ego reputo opinionem de Lugo. Quoniam, cum reservatio sit annexa effectui secuto, quando pœnitens absolvitur ante adventum effectus; non absolvitur a peccato reservato. Tum enim evadit reservatum peccatum, cum ponitur effectus. At insistant adversarii. Sublata culpa, tollitur omnis reservatio. Verum habet. Sed negatur simplicem Confessarium habere facultatem absolvendi a propinatione veni, ab vulnere mortali reservato posito effectus adventu. Posita enim tali actione, suspensa manet Confessarii iurisdictio, usque dum talis actio suum effectum sortiatur. Si vero ante effectus adventum absolvat, obstringere pœnitentem debet, ut, effectu secuto, se præsentet ad tribunal pœnitentiae pro absolutione a reservatione, seu a peccato reservato. Alioquin omnes procurantes abortum per propinationem veneni possent frustraneam reddere reservationem. Cum enim eiusmodi effectus non continuo sequatur veneni propinationem, possent propinatores veneni statim adire Confessarios, & absolutionem petere. Quare mihi probabilius, & tutius est ut eiusmodi delinquentes, effectu secuto, iterum constentur illis Confessariis qui valent a reservatis absolvere.

XIV. Quæst. III. *An peccata intelligantur reservata, quando dubitatur de illorum reservatione?* Resp. Dubium esse potest, an peccatum fuerit commissum, vel an sit mortale, aut veniale, vel an includatur in lege reservante. P. Viva *quest. ix. art. 2. num. 4.* absolute respondet negative, & citat pro sua opinione Suarez, Leandrum, & alios. Hanc opinionem defendunt quoque Salmanticenses *trakt. vi. cap. 13. punct. 2. num. 15.* Quoniam, inquit, reservatio est odiosa, ideo stricto in sensu interpretanda.

XV. Distinguendum est duplex dubium. Alterum iuris, alterum facti. Dubium iuris esset, si quis ignoraret tabellam casuum reservatorum. Si quis dubitaret, sit nec ne hoc peccatum, aut illud reservatum. Tunc dubitaret de iurisdictione: atque adeo non posset absolvere. Quia quando constat peccatum esse materiam reservationis, & dubitatur, an Superior illud reservaverit, dubitatur de iurisdictione. Cum iurisdictione autem dubia absolvere Confessarius nequit, ut supra demonstratum est. Porro Clemens VIII. prohibuit omnibus Confessariis etiam privilegiatis in Italia degentibus, ne quis eorum sub prætextu privilegiorum ab ullo ex casibus clare, vel DUBIE in Bulla in Coena Domini &c. contentis, vel alias quo-

modocumque Sedi Apostolica reservatis, vel reservandis absolvat. Ex quibus infer-
tur, in peccatis omnibus Sedi Apostolicæ reservatis includi etiam casus dubios. Et
in Extravag. *Perleſis* declaratur, percussione Clerici esse reservatam Papæ,
etiam quando dubitatur, num sit levis vel gravis. In dubio autem facti commu-
niter Auctores docent, posse simplicem Confessarium absolvere. Peccatum ebie-
tatis est reservatum; sed dubitas, an fuerit vera ebrietas: commisiſti peccatum
quod certum est esse reservatum, sed dubitas, an cum sufficienti advertentia, &
necessario consensu illud patrueris; tunc posse simplicem Confessarium ab eius-
modi peccatis dubiis absolvere, plurimi docent; cum dubium sit facti; & Supe-
riores, quando volunt reservare talia peccata dubia, id clare exprimunt; &
quammaxime consentaneum est ut summa perspicuitate eiusmodi reservationes
fiant. Quandoquidem Casuistæ plures valde faciles sunt ad dilatandam iurisdic-
tionem Confessariorum.

XVI. Quæst. IV. *An qui ab inferiore Sacerdote absolvitur a peccato dubio in materia reservata, liberetur a reservatione, licet postea constet esse certum?* Resp. Adfirmant Salmanticenses *tract. vi. cap. 13. punct. 2. num. 16.* & citant Lugo, Di-
castillum, Antonium a Spiritu sancto, & alios. Hæc opinio mihi falsa est. Nam inferior Confessarius nulla iurisdictione præditus est in peccata reservata. Pecca-
tum de quo disputatur, certo commissum est. Ergo reservatum certo est. Quod
pœnitens dubitet, dum confitetur, se commisisse peccatum illud, non tollit quin
reipsa peccatum commissum reservatum sit. Ergo quando certo eidem constat,
peccatum a se patratum esse, denuo illud confiteri debet, ut fatentur, laudati
Salmanticenses. Confiteri igitur debet Confessario habenti iurisdictionem in tale pec-
catum. Prior enim Confessarius nullam habebat iurisdictionem absolvendi ab hoc
peccato, ut supponitur, Ergo pœnitens absolutus minime fuit.

XVII. Si Superiores irrationabiliter reservarent peccata, peccarent, & quidem
graviter, ut supra ex Gersonio adverti; valeret tamen reservatio. Contendunt
tamen plures, nullam fore reservationem imprudentem, qua Episcopi plus iusto
limitarent iurisdictionem Parochorum: quia, inquiunt, nequeunt Episcopi pro li-
bito limitare iurisdictionem Parochorum; sicuti pro libito eosdem remove ab of-
ficio nequeunt. Hæc sententia mihi falsa est. Quoniam iurisdic-
tio Parochorum subiecta Episcopis est, ut Concilium Tridentinum declaravit *sess. xiv. cap. 7.* Nec
Parochi iudices sunt muneris episcopalis. Quare si Episcopi imprudenter se gere-
rent, nimiumque limitarent in destructionem, non in ædificationem fidelium iu-
risdictionem Parochorum, hi ad Superiores appellare deberent, numquam vero se
constituere iudices iniustæ reservationis episcopalis. Alioquin lata via pateret in-
numeris absurdis.

XVIII. Ne multa: quoties dubitatur de iurisdictione, tutior pars est eligenda.

Ref.

Respondet P. Viva *loc. cit.* num 5. hanc regulam consilii esse, non præcepti. Verum interpretatio hæc, quam passim Probabilistæ obtudunt, falsa & laxa est. Consilium ergo erit tutiorem doctrinam sequi in materia præsertim sacramentali? Hac distinctione probabilistica eludi & decreta pontificia, & graviores Moralis christianæ regulæ solent. Idcirco reiicienda omnino est. Plura ibidem docet P. Viva de peccatis dubie reservatis, quæ falsa prorsus existimo, & laxa.

§. II.

Quinam absolvere a reservatis casibus valent, & quomodo.

I. **C**onvenit penes omnes, eum a reservatis absolvere posse qui ordinariam, aut delegatam habet iurisdictionem. Iurisdictione autem ordinaria ille præditus est in reservata qui peccata sibi reservat. Qui enim potest sibi reservare, potest quoque absolvere. Item qui est reservante superior in iurisdictione, dummodo sit Sacerdos, absolvere a peccatis, quæ inferior reservavit, potest. Quare Pontifex absolvere a peccatis valet quæ reservant Episcopi in universo catholico orbe. Provinciales absolvere a peccatis, quæ sibi reservant Superiores locales, & Generales ab iis delictis quæ sibi reservant Provinciales, valent. Archiepiscopus absolvere a reservatis a suffraganeo Episcopo potest solum quando eiusdem diocesis visitat. Extra visitationem nequit: quia, licet sit dignitate superior, non tamen superior est in foro Sacramentali; cum non habeat in diocesim suffraganei immediatam iurisdictionem extra actualem visitationem. Vicarius generalis Episcopi, qui cum Episcopo unum Tribunal constituit, & Vicarius capitularis possunt a reservatis absolvere. Sede enim vacante Capitulum succedit Episcopo.

II. Extra controversiam quoque est, absolvere a reservatis posse eum qui habet iurisdictionem delegatam a Superiore. Dupliciter autem delegari, iurdictio valet. Primo directe, quando nempe ab Ordinario delegatur iurdictio huic aut illi Confessario in reservata. Secundo indirecte, quando superior reservator imperitur alicui pœnitenti, ut eligat sibi aliquem Confessarium, a quo absolvatur. a reservatis. Tunc enim, quando pœnitens hac facultate præditus eligit sibi in Confessarium Petrum, aut Paulum, huic Confessario indirecte conceditur facultas absolvendi a reservatis.

III. Pontifex Summus potest sibi eligere in Confessarium quemcumque Sacerdotem, cui auctoritatem tribuit. Similiter Episcopus potest eligere in Confessarium in sua diocesi quemlibet Sacerdotem, a quo absolvatur a reservatis quæ ipse Episcopus sibi reservavit. Extra diocesim vero nequit, nisi suum subditum, elige-

re in Confessarium. Similiter Prælati regularis potest eligere sibi in Confessarium Sacerdotem subditum, a quo absolvatur a peccatis quæ ipse sibi referavit.

IV. Quæst. I. *An peregrinus, veniens bona fide ex alia diœcesi, possit absolvi a reservatis?* Resp. Triplici in sensu intelligi quæstio potest. 1. Si casus sit in utraque diœcesi reservatus. 2. Si casus sit reservatus in diœcesi a qua discedit, non vero in ea ad quam accedit. 3. Si casus sit reservatus in diœcesi, in qua fieri confessio debet, secus in ea a qua discessit. In primo casu communis sententia docet non posse absolvi nisi a Confessario prædito iurisdictione in reservata. In secundo sensu reservati peccati in loco discessus, secus in loco adventus, docent aliqui non posse absolvi, nisi ab habente in reservata iurisdictionem. Sed communior, & mihi probabilior opinio affirmat; dummodo bona fide, seclusa fraude, peregrinus in tali diœcesi, in qua peccatum non est reservatum, reperiatur. Idque constanti & manifesta consuetudine patet. Neque Confessarii solliciti sunt inquirere; an pœnitens sit nec ne peregrinus ex alia diœcesi; sed an peccata quæ audiunt, sint reservata in propria, non in aliena diœcesi. In tertio tandem sensu, in quo nempe peccatum sit reservatum in loco, ubi peregrinus confitetur, absolvi nequit a simplici Confessario. Si enim peregrinus sentit commodum obtinendi absolutionem ab iis peccatis quæ erant in sua diœcesi reservata, æquum est ut sustineat onus reservationis illius diœcesis, in qua confitetur. Et hæc sententia communis est. Si Parochus simul cum suo parochiano discedat a propria diœcesi, in qua non erat reservatio talis peccati, docet Lugo disp. xx. num. 73. quem citant Salmaticenses num. 27. posse Parochum suum parochianum absolvere: quam opinionem defendit etiam Gennetus; addit tamen tutius esse petere licentiam ab Episcopo. Et hoc mihi videtur probabilius: quia Parochus subiectus est legibus talis diœcesis: & cum agatur de iurisdictione, tutior pars est eligenda.

V. P. Vtræ quæst. ix. art. 3. num. 3. refert opinionem Dianæ docentis, quod si diœcesanus committat peccatum extra propriam diœcesim, ubi non est reservatum, possit deinde absolvi in propria diœcesi, in qua est reservatum. Nec eam improbat. Sed opinio hæc & falsa, & laxa est. Addit Diana ex Baunio, Bordonio, & Bonacina, committentem peccatum reservatum intra Monasterium exemptum non subiacere reservationi. Quæ opinio evidenter falsa est, & nimium laxa.

VI. Quæst. II. *A quibus casibus absolvi Episcopi valent?* Resp. Concilium Tridentinum Episcopis tribuit facultatem sess. xxiv. cap. 6. sequentem. *Liceat Episcopis in quibuscumque casibus occultis, etiam Sedi Apostolicæ reservatis, delinquentes quoscumque sibi subditos in diœcesi sua per seipsos, aut Vicarium ad id specialiter depu-*

deputandum, in foro conscientie gratis absolvere, imposita pœnitentia saluari. Idem & in hæresi crimine in eodem foro conscientie eis tantum, non eorum Vicariis, sit permissum.

VIII. Nomine Episcopi venire etiam Abbates, & alios Prælatos habentes iurisdictionem quasi episcopalem, & diocesim propriam, docent Castropalaus, Henriquez, & alii Probabilistæ cum Leandro *trad. 1. de excom. disp. xvii. quest. xlv.* Sed hanc opinionem iure improbant Sylvester, Toletus, Suarez, Garzias, Bonacina, Barbosa, & alii plures, qui potiori iure negant, nomine Episcopi intelligi Prælatos regulares.

VIII. Quæst. III. *An facultas a Tridentino concessa Episcopis absolvendi ab hæresi occulta revocata sit per Bullam Cœnæ?* Resp. Multi & graves Theologi Navarrus, Vega, Ledesma, Henriquez, & alii negarunt hanc facultatem revocatam esse. Verum hæc sententia proscripta est ab Alexandro VII. num. 3. *Sententia asserens Bullam Cœnæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, an. 1619. die 18. Iulii in Consistorio Sacræ Congregationis Emin. Card. visa, & tolerata est.* Quare nunc certum est ab hæresi occulta neque ipsos Episcopos absolvere posse. Certum quoque est Prælatos regulares non posse absolvere ab hæresi occulta sæculares, ut constat ex 4. propos. damnata ab eodem Alexandro VII. *Prælati Regulares possunt in foro conscientie absolvere quoscunque sæculares ab hæresi occulta, & ab excommunicatione propter eam incursum.* Non modo sæculares, sed neque subditos suos valent Prælati regulares absolvere ab hæresi occulta, aliisque casibus contentis in Bulla Cœnæ, quia Clemens VIII. & Urbanus VIII. expresse prohibuerunt Regularibus absolutionem a casibus in Bulla Cœnæ. Igitur Prælati regulares iure ordinario, inquantum scilicet sunt Pastores ordinarii, possunt vi sui muneris subditos suos ab omnibus culpis, censuris, & pœnis ecclesiasticis absolvere, & in iis omnibus dispensare in quibus possunt Episcopi cum subditis suis; quia Prælati regularibus iurisdictionio quasi episcopalis competit. Tandem nequeunt Regulares absolvere sibi non subditos a casibus Episcopis reservatis, ut ex dictis constat, & contraria doctrina damnata est ab Alexandro VII. in hac 12. propos. *Mendicantes possunt absolvere a casibus Episcopis reservatis, non obtenta ad id Episcoporum facultate.* Possem hic transcribere decreta Clementis VIII. an. 1601. & Urbani VIII. an. 1628. quibus admittitur Regularibus potestas absolvendi a casibus, Episcopis, & Sedi Apostolicæ reservatis, & revocantur privilegia quæ antea illis concessa erant; sed brevitatis gratia illa prætereo. Id solum moneo, ne lector fidem habeat non paucis Casuistis, quorum meminit P. Viva in explicatione *prop. 12.* damnatæ ab Alexandro VII. Quoniam isti plus æquo amplificunt Regularium potestatem.

IX. Quæst. IV. *An Superior auditis reservatis valeat absolvere pœnitentem sacramentaliter, cumque ad inferiorem Confessarium remittere pro absolutione a ceteris peccatis mortalibus?* Resp. Communis sententia negat: quia integritas materialis confessionis est de iure divino, a qua sola extrema necessitas excusare valet. Superior ergo, nisi audire confessionem velit integram, auferat reservationem, & delinquentem ad inferiorem remittat Confessarium.

X. Quæst. V. *An Confessarius, carens potestate in reservata, possit directe absolvere a non reservatis, & indirecte a reservatis?* Resp. Adfirmarunt ex veteribus plures, S. Antoninus, Caietanus, Soto, aliique; sed communis sententia recentiorum negat extra casum necessitatis fieri id posse. Quandoquidem confessio sacramentalis iure divino debet esse integra. Caret autem integritate sacramentali, quoties omnia peccata quæ memoriæ occurrunt, non subiiciuntur clavibus Ecclesiæ. In hoc autem casu non subiicerentur clavibus Ecclesiæ; cum talis Confessarius dictis clavibus, seu potestate absolvendi a reservatis careat. Ergo nequit sive non reservata, sive reservata dimittere. In necessitatis, vero casu id præstare valet. Quia reservatio in ædificationem est, non in destructionem. Quare si quis absque vel infamia, vel gravi scandalo non posset omittere celebrationem Missæ, vel differre confessionem; tum posset Confessarius absolvere pœnitentem vere dispositum cum onere adeundi Superiorem tempore opportuno. Hunc necessitatis articulum excepisse Superiorem merito præsumitur. Quemadmodum enim tempore præsumitur benignitas matris Ecclesiæ, necessitate subblata; ita merito præsumitur illam non admississe suis ministris facultatem absolvendi a reservatis, necessitate urgente.

XI. Quæst. VI. *Confessarius carens potestate in reservata valide ne absolvit a non reservatis?* Resp. Invalida prorsus est talis absolutio. Quamobrem pœnitens tenetur integre sua peccata tam reservata, quam non reservata iterum confiteri Sacerdoti habenti potestatem in reservata. Hoc aperte colligitur ex Concilio Tridentino sess. XIV. cap. VII. ubi docet, nullius esse momenti absolutionem Sacerdotis destituti iurisdictione in pœnitentem. Atqui Confessarius non habet iurisdictionem in pœnitentem ligatum reservatione. Ergo nulla est eiusdem absolutio. Nec est quod opponas, hunc Confessarium approbatum iurisdictione præditum esse in non reservata: quoniam dum quis ligatus est reservatis, absolute subiectus non est Confessario inferiori; atque adeo nullam in eum exercere iurisdictionem valet. Accedit Clementem VIII. & Urbanum VIII. nullas omnino declarasse eiusmodi absolutiones. Ergo integre confiteri pœnitens debet sua peccata omnia Confessori habenti iurisdictionem in reservata.

XII. Quæst. VII. *Qui invincibiliter ignorat peccatum reservatum, aut si Confessarius non advertat esse reservatum, absolvitur ne ille indirecte ab hoc peccato reser-*

servato? Resp. Dictum est supra, contrahi reservationem etiam ab ignorante illam, tenerique Confessarium pœnitentem admonere reservationis, illumque ad Superiorem remittere, aut impetrare facultatem absolvendi a tali peccato. Modo autem inquiritur, num quando pœnitens post diligens examen peccati reservati non recordatur, aut Confessarius non advertit tale peccatum esse reservatum, valide absolvatur indirecte ab eiusmodi peccato? Si negetur, talis pœnitens damnabitur propter reservationem: quoniam contingere potest ut pœnitens semper usque ad mortem utatur eodem Confessario, qui non advertat peccatum esse reservatum; nec pœnitens eiusdem recorderetur, etiam diligentia examinis adhibita. Responso patet ex dictis. In casu necessitatis Superiores non reservare merito præsumuntur. Quænam autem maior necessitas quam inculcata oblitio? Integritas materialis confessionis iuris divini est. Et tamen peccata inculpate oblita per absolutionem indirecte remittuntur. Porro si Deus ipse sic peccatoribus vere contritis indulget, quis dubitare iure valet, talem quoque esse mentem & intentionem Superioris peccata reservantis, ut scilicet velit Confessarium quemlibet approbatum posse absolvere a peccato reservato, quod inculpate memoria excidit, aut quod Confessarius non advertit?

XIII. Dices. Si pœnitens bona fide confiteatur aut non Sacerdoti, aut Sacerdoti non approbato, irrita est absolutio; nec bona fides, in qua pœnitens usque ad mortem perseverat, eum a damnatione liberat. Respondeo: si pœnitens bona fide incedit, & sincere pœniteat, Deus insigni sua clementia aut perfectam contritionem tali pœnitenti infundet, aut eum illuminabit ut Confessarium approbatum adeat.

XIV. Quæst. VIII. *Qui ex ignorantia inculpabili omittit manifestare Superiori unum ex pluribus peccatis reservatis, esset ne talis peccati oblitio sublata reservatio?* Resp. Adfirmant plurimi recentiores. Sed distinguendum est. Si Superior aliquibus indicibus manifestaverit se auferre omnem reservationem, nulla remanet reservatio. Si constet Superiorem nequidem cogitasse de aliis peccatis, præter ea quæ eidem exposita fuere, nulla occurrere solida ratio videtur cur dicamus, peccatum non manifestatum exemptum esse a reservatione. Et cum agatur de iurisdictione, tutior pars est eligenda.

XV. Quoniam vero tempore Iubilæi summus Pontifex aufert omnem reservationem, qui ea omnia præstitit quæ præscribuntur in Bulla Iubilæi, si ex oblivione inculpabili omisit confiteri aliquod peccatum reservatum, potest deinde a quolibet Sacerdote approbato absolvi. Similiter qui confitetur Confessario habenti potestatem in reservata, si inculpate oblitiscatur alicuius reservati, communiter Auctores docent, eum posse absolvi a quocumque Confessario a tali peccato: quia Confessarius intendit absolvere pœnitentem, & uti tota sua iurisdictione, qua re-

ipso

ipsa valet tollere omnem reservationem cuiuscumque peccati : ergo reipsa illam tollit . Tamen ad maiorem securitatem , si poenitens possit , adeat Confessarium habentem potestatem in reservata .

XVI. Quæst. IX. *Qui facit confessionem irritam vel tempore Iubilæi, vel Superiori, exemptus ne est a reservatione ?* Resp. Adfirmant plures ; Sed istorum opinio nullo , ut mihi videtur , solido fundamento nititur . Et primum de absolutione tempore Iubilæi data pater . Quia indulgentia Iubilæi conceditur tantum vere poenitentibus . Quando autem confessio irrita est , nulla adest vera poenitentia . Ergo neque absolutio . Superior quoque ordinarius non tollit reservationem , nisi aut sacramentaliter absolvendo , aut remittendo ad inferiorem Sacerdotem , cui delegat iurisdictionem . Porro Superior sacramentaliter non absolvit , quando sacramentum est irritum . Delegatus quoque nihil potest in reservata extra sacramentum . Ergo quoties sacramentum est nullum , peccata reservata manent , Aliqui distinguunt inter confessionem invalidam , & sacrilegam ; sed hæc distinctio præsertim in casu nostro mihi commentitia est .

XVII. Quæst. X. *Qui confessus est animo lucrandi Iubilæum, post mutat animum, recusatque opera implere, si in ea confessione inculpabili oblivione omittat aliquod reservatum, potest ne a quolibet Sacerdote absolvi ?* Resp. Adfirmant Sanchez, Viva, & alii, quos ipsi citant ; sed contraria sententia , quam defendit Vasquez , mihi probabilior est . Quia Pontifex aufert reservationem respectu illorum qui reipsa intendunt lucrari Iubilæum . Ergo qui sponte recusat assequi Iubilæum , eo ipso renuntiat quoque privilegio reservationis . Ergo , ut possit absolvi a peccato inculpabiliter oblito , necessaria est nova facultas absolvendi a tali peccato reservato . Qui directe absolvitur ab aliquo reservato tempore Iubilæi , deinde post absolutionem mutat animum , & omittit ea opera implere quæ præscripta sunt ad Iubilæum lucrandum , peccat ne mortaliter ? Affirmat Suarez laudatus a P. Viva : quia deficit in re gravi , ad quam se obligavit . Sed P. Viva de more oppositam opinionem laxam amplectitur , quam defendunt Lugo , Sanchez , Henriquez , & alii . Quia , inquiunt , non deficit hic poenitens in pacto utili promissario , sed utili ipsi poenitenti . Hæc ratio inepta omnino est . Poenitens ergo qui omittit gravem poenitentiam impositam a Confessario , non peccat mortaliter , quia non deficit in pacto utili promissario , sed utili poenitenti ? Commenta hæc sunt prorsus absona . Quare sententia Doctoris eximii mihi vera est . Similiter falsam reputo aliam opinionem , quam defendit ibidem P. Viva cum Lugo , nempe eum qui absque confessione lucratur Iubilæum , quia nullius peccati mortalis est cognoscens , si deinde recordetur peccati reservati , posse absolvi a quocumque Confessario . Quia reservatio solum tollitur per absolutionem impertitam ei qui contrito animo intendit lucrari Iubilæum .

XVIII. Quæst. XI. *Si tempore Iubilæi differatur absolutio pœnitenti indispositio, si post elapsum tempus Iubilæi hic incidat in reservatum novum peccatum, potest ne absolvi virtute Iubilæi?* Resp. Communis sententia negat: quia licet prorogetur iurisdicção relate ad peccata commissa, antequam desinat Iubilæum; minime tamen prorogatur respectu peccatorum, quæ post elapsum Iubilæi tempus patrantur. Absolvi quoque potest a peccato ante Iubilæum commissio, & inculpate oblioto virtute iurisdiccionis concessæ tempore Iubilæi.

XIX. Quæst. XII. *Tenetur ne Superior concedere petenti sive per se, sive per alium facultatem qua possit absolvi a reservatis?* Resp. Hoc a Superioris prudentia pendet. Tenetur, quoties ex denegatione prævideret grave damnum pœnitentis. Quandoquidem cum Superior medicus sit, & pastor, ex caritate, & iustitia debet opportuna remedia porrigere ægrotis suis. Ergo quoties prudenter intelligit necessariam esse concessionem ad evitandam spiritualem ruinam, aut grave malum petentis, debet reservationem auferre; cum hæc sit non in destructionem, sed in ædificationem. Non astringitur eam concedere; immo debet eam denegare, quoties concessio cederet in damnum spirituale petentis. Facilem tamen absolute loquendo se præbere Superior debet in eiusmodi concessionibus. Nec a peccato immunis esset, si difficilem se ostenderet: quia (inquit S. Thomas in IV. dist. xvii. quæst. 111. artic. 3. quæstiunc. 4. ad 6.) *multi sunt adeo infirmi, quod potius sine confessione morentur, quam ut tale peccatum tali Sacerdoti confitentur.* Semper Superior præ oculis habere debet reservationem, & iurisdiccionem datam ei esse propter bonum spirituale pœnitentis.

XX. Quæst. XIII. *Qui habet facultatem absolvendi a casibus reservatis summo Pontifici, habet ne facultatem absolvendi a censuris?* Resp. Omnes casus reservati summis Pontificibus habent annexam censuram. Quare qui habent facultatem absolvendi a casibus, possunt quoque absolvere a censuris. Plures Auctores docent Romanam Sedem non reservare sibi casus, nisi propter censuram. Quæ doctrina mihi vera non videtur. Utique nulli sunt casus reservati Romanæ Sedi qui annexam censuram non habeant; ac non inde consequitur, casus reservatos esse propter solam censuram. Siquidem communis, & mihi vera sententia docet casus papales reservatos esse & ratione censuræ, & ratione culpæ. Nam Pontifices hanc distinctionem non indicant, sed illimitate reservant. Ergo arbitraria est præfata distinctio, & limitatio. Ita docet vel ipse Leander *trac. v. disput. xii. quæst. xiv.* ubi citat S. Thomam, Gabrielem, Maiorem, Sotum, Navarrum, Suarez, Vasquez, Lugo, Fillucium, & alios plures. Si quis ob ignorantiam, vel gravem timorem &c. non incurreret censuram, exemptus ne a reservatione esset? Affirmant plurimi, inter quos vel ipse Palserinus *Tom. II. quæst. clvii. artic. 1. num. 580.* Verum hæc opinio mihi non arridet. Nam communis sententia do-

docet, utrumque reservari, & censuram, & peccatum. Porro peccati reservatio contrahitur etiam ab ignorante, ut dixi supra. Ergo non est cur dicamus, non contracta ob ignorantiam, vel aliam causam censura, peccatum non esse reservatum. Ita mihi videtur, salvo meliori iudicio. Accedit quod citati Auctores doceant, in casibus Episcopo reservatis, si annexa iisdem censura sit reservata, illum qui ob ignorantiam non contraheret censuram, esse nihilominus obnoxium reservationi peccati. Cur idem dicendum non est etiam in casibus pontificiis? Quia, inquit, opposita consuetudo obtinet. At videndum, num hæc consuetudo probata sit. In hac materia tutior pars est eligenda.

XXI. Quæst. XIV. *Utrum quilibet Sacerdos, etiam non approbatus, vel excommunicatus absolvere possit in articulo mortis; & an absolutus, si convalescat, teneatur adire Superiorem?* Resp. Iam dictum supra est, in articulo mortis nullam esse reservationem; & quemlibet Sacerdotem etiam non approbatum, in defectu tamen approbati, posse absolvere ægrotum in articulo, seu periculo (pro eodem enim accipiuntur periculum & articulus) mortis. Disputant Auctores, num moribundus absolvi ab excommunicato non tolerato, vel hæretico Sacerdote in defectum alterius possit? Adfirmant multi. Verum mihi opposita sententia probabilior est. Fagnanus in cap. *Non est vobis*, de spons. ait, S. Congregationem Concilii Tridentini Interpretum declarasse decretum eiusdem Concilii intelligendum esse de Sacerdotibus in unitate Ecclesiæ viventibus, quales sane non sunt excommunicati non tolerati, hæretici, & schismatici. Hoc etiam aperte docet præter multos alios S. Raymundus Lib. III. §. 16. ubi dissuadet fidelibus hanc confessionem, maxime ob periculum subversionis. Quare iure præsumitur Ecclesiam nolle iisdem, qui præcisi ab unitate sua sunt, iurisdictionem impertire. Et hæc videtur hodie communior sententia, quamvis opposita non sit improbabilis.

XXII. Ad secundam partem quod attinet, si nulla sit casibus reservatis annexa censura, communis sententia docet, moribundum absolutum non teneri ad Superiorem, si convalescit, recurrere: quoniam, ut ex dictis patet, omnis Sacerdos in tali articulo est approbatus pro quolibet casu etiam reservato, a quo directè absolvit. Nulla ergo occurrit ratio cur debeat sic absolutus Superiorem adire. E contrario qui absolutus est indirectè in altero necessitatis casu ob scandalum, vel infamiam vitandam, tenetur ad Superiorem recurrere. Quid, si casui reservato sit annexa censura? Etiam hoc in casu plures negant, nisi Confessarius hoc onus imponat, ut, si convalescant, compareant coram Superiore. Clemens III. in cap. *Quod de his*, hæc habet. *Ab his in forma sacramenti exigi consuevit, ut resumptis viribus, & opportunitate concessa. R. manam Ecclesiam in propria persona debeant visitare.* Bonifacius VIII. in VI. Lib. V. tit. 11. de sent. excomm. statuit, moribundum, si convalescit, obstringi adire Superiorem sub pœna reincidentię. in-

quens:

quiens: Decernimus, ne sic censura illudant ecclesiastica, in eandem sententiam reincidente ipso iure. S. Thomas in Suppl. quæst. VIII. art. 6. ad 2. hæc habet. Dicendum, quod non oportet eum recurrere ad proprium Sacerdotem, ut iterum a peccatis solvatur, a quibus in articulo mortis absolutus est, sed ut innotescat ei quod sit absolutus. Nec similiter oportet quod absolutus ab excommunicatione ad iudicem vadat, qui alias absolvere potuisset, absolutionem petens, sed satisfactionem offerens.

XXIII. Quæst. XV. Quid agere Sacerdos debeat qui potestate destitutus per inadvertentiam absolvit a reservatis? Resp. S. Antoninus I. Part. tit. XVI. cap. IV. hoc præbet responsum. Nota, quod quicumque absolvit aliquem ab aliquo peccato in casu in quo non potest, sive quia reservatus est Episcopo, sive quia nullam habet potestatem, aut auctoritatem, quamvis graviter peccet, præcipue quando absolvit scienter, vel etiam ex ignorantia iuris crassa; non tamen censuram aliquam, seu excommunicationem ex hoc incurrit, sive sit Clericus secularis, sive Religiosus, dictum absolvens; sed tenetur illum quem sic absolvit, advisare de errore suo, si cognoscit, vel potest invenire. Ille tamen quoad Deum excusatur, dum hoc ignorat.

XXIV. Agendum hic esset de casibus quos Prælati regulares sibi reservare possunt. Ex decreto Clementis VIII. 1593. die 26. Maii, & ex constitutione XXVIII. Urbani VIII. Superiores regulares reservare sibi possunt sequentes casus. 1. Apostasia a Religione habitu dimisso, aut retento. 2. Veneficia, incantationes, & sacrilegia. 3. Nocturna ac furtiva e Conventu egressio. 4. Proprietas contra votum pauperatis, quæ sit peccatum mortale. 5. Iuramentum falsum in iudicio legitimum. 6. Procuratio, auxilium, seu consilium ad abortum faciendum post animatum fetum, etiam non secuto effectu. 7. Falsificatio manuum, aut sigilli Conventus. 8. Furtum de rebus Monasterii, quod sit mortale. 9. Lapsus carnis voluntarius opere consummatus. 10. Occiso, seu vulneratio, seu gravis percussio cuiuscumque personæ. 11. Malitiosum impedimentum, vel retardatio, vel apertio litterarum a Superioribus ad inferiores, vel ab inferioribus ad Superiores. Præter hos nequeunt Prælati regulares alios sibi reservare casus.

XXV. Plura hic disputant Auctores de facultate Regularium absolviendi ab eiusmodi casibus. Ex indicatis Pontificum decretis Superiores regulares deputare debent in quocumque Conventu duos, aut tres, aut plures Confessarios doctos, prudentes, & caritate præditos, qui absolvant a non reservatis, & quibus etiam reservatorum absolutio committatur, quando casus occurrerit. Hi Confessarii deputati possunt una vice absolvere a reservatis, etiam petita, & non obtenta a Superioribus facultate; ut clare in citatis decretis habetur. Disputant iuniores, num etiam Confessarii non deputati a Prælato pro reservatis, valeant una vice absolvere, petita, & non obtenta facultate a Superiore. Alii negant, adfirmant alii. Verum consulenda est cuiuscumque Religionis disciplina, & consuetudo.

XXVI. Innumeras alias quæstiunculas de casibus reservatis instituunt iuniores ; præsertim Diana, Leander, La-Croix, & alii, & iuxta Probabilismæ principia in hæc etiam iurisdictionis materia plura resolvunt, quæ laxiora videntur. Ut Confessarii sibi, & aliis caveant, hæc duo servanda propono. Primum, quando necessitas gravissima urget, in favorem poenitentis iurisdictionem extendat : quia merito præsumitur, tunc S. matrem Ecclesiam reipsa non limitasse iurisdictionem ; cum omnis reservatio sit in bonum, & ædificationem fidelium. Nec verum reputo quod communiter iuniores docent, reservationem esse odiosam, idcirco absolute & intra, & extra necessitatem restringendam. Falsum, inquam, hoc principium reputo. Quamobrem secundo assero, extra necessitatis casum tutiorem partem seligendam esse : & in dubiis aut Superiorem consule, aut absolutionem suspendito. Iurisdictio pertinet ad valorem sacramenti. Ergo quando de eadem dubitatur, tutiora sequi debemus. S. mater Ecclesia benignissima est : ideo, necessitate urgente, eiusdem benignitate utimur. At simul iusta, & filiorum correctionis cupidissima est ; & propterea reservationis remedium extra necessitatis casum applicari desiderat.



DISSERTATIO IIIA

DE ABSOLUTIONE SACRAMENTALI IMPERTIENDA, DIFFERENDA, ET DENEGANDA.

C A P U T I.

Quenam absolutionis forma, deprecatoria, an indicativa, obtinuerit olim in Ecclesia? Quæ nunc adhibetur in Ecclesia Latina, indicativa est. Eiusdem verba, & sensus exponuntur.

I. **A**ctum agerem, si discutere ex instituto vellem propositam questionem, tum quod eam Theologi celeberrimi pleno in lumine exposuerint; tum quod ad mores formandos nihil conducatur. Formam deprecatoriam olim usque ad medium sæculum XII. obtinuisse, & etiamnum obtinere apud Græcos, docent plures gravissimi Auctores, præsertim Ioannes Morinus *Lib. VIII. de administratione sacram. penitent. cap. VII. & seqq.* Edmundus Martene *Lib. I. de antiq. Rit. quest. IX. Vitalis quest. VI. art. 1. Turnely quest. IX. art. 1.* Alii hoc negant pugnantque pro forma indicativa. Quare a vero abludit quod asserit Cardinalis Gotti *quest. VII. dub. 2.* celeberrimus alioquin Theologus, nempe Ecclesiam Græcam absolutionem sacramentalem verbis deprecativis expressisse olim, & etiam modo exprimere, *certum omnibus esse.* Siquidem Gonet *disp. XII.* Nicolai, Baronius, Launoium, & Morinum refutare student.

II. Tempore S. Thomæ fuerunt nonnulli qui contendebant formam indicativam esse nullam, sed deprecatoriam esse necessariam: quam opinionem refellit Angelicus *opuscul. XII. cap. II.* his verbis. *Patet ex dictis Salvatoris, quod habens claves absolvit. Præsumptuosum ergo est, ne dicam erroneum, ut Sacerdos dicere non possit, Ego te absolvo, quem Dominus absolvere constituitur. Ad hoc etiam est communis consuetudo tali forma utentium, cui aliquem contrariari, non parvæ presumptionis est. . . . Nec hoc convenienter solum dicere potest, sed & necessarium esse vidatur: quia sacramenta novæ legis efficiunt id quod figunt. In sacramento autem penitentiæ verba Scripturæ, quæ maxime sectanda sunt, non faciunt mentionem de aliqua deprecatione, sed magis ipsa verbo indicativo utitur.*

Non enim dicit: Quaecumque petieritis esse solvenda, erunt soluta; sed quaecumque solveritis. Si ergo illa tantum dicuntur esse solvenda quae habens claves solverit; qui autem petit aliquid esse solvendum, non solvit: miror, quae temeritate aliquis afferat esse solutum, quem habens claves non significat se solvere, sed solum rogat esse solvendum.

III. Ad primam itaque quaestionis propositae partem, quae factum spectat, mihi illorum sententia arridet quae defendit aperte, hactenus demonstratum non esse, olim viguisse sive apud Latinos, sive apud Graecos formam deprecativam. Monumenta enim quae pro hoc absolutionis deprecativae usu afferuntur, non sunt ita luculenta quae probabilem non excipiant interpretationem; ut legenti Auditori qui factum istud discutit, patebit.

IV. Missa itaque hac historica facti quaestione, videndum, quae forma, nunc necessario usurpanda sit. Porro formam indicativam, quam suo tempore S. Thomas propugnavit, posteriori tempore probavit Ecclesia. Siquidem Concilium Tridentinum sess. XIV. cap. 111. haec statuit. *Docet S. Synodus, sacramenti poenitentiae formam, in qua praecipue ipse vis sita est, in illis ministris verbis posita esse: Ego te absolvo &c. Quibus quidem de Ecclesia sanctae more praeteritae laudabiliter adiunguntur: ad ipsius tamen formae essentiam nequaquam spectant, neque ad ipsius sacramenti administrationem sunt necessariae.* Hoc idem prius definitum fuerat in Concilio Florentino in decreto pro Armenorum instructione.

V. Quæst. I. *Quibus verbis constet forma absolutionis sacramentalis?* Resp. Penes omnes certum est, haec verba, *Absolvo te* ad formae essentiam pertinere. Disputant vero Theologi, num pronomen *Ego* ad essentiam pertineat. Existimant plures illud includi in hoc verbo *absolvo*. E contrario pronomen *TE* necessario exprimendum est. Lugo disput. XX. 111. num. 26. putat sufficere, si dicat Sacerdos, *Absolvo a peccatis tuis*. Verum opinionem hanc falsam reputo. Missis itaque arbitrariis disputationibus, usurpanda sunt verba in Concilio Tridentino praescripta, *Ego te absolvo*. Tam Florentinum Concilium, quam Tridentinum post recensita verba addunt *&c.* quae sigla indicant, cetera quoque verba a *peccatis tuis* in nomine Patris &c. ad essentiam formae pertinere. Verum Catechismus Tridentini Part. II. §. 14. inquit: *Est autem forma: Ego te absolvo: omisso &c.* Hinc communior Theologorum sententia defendit, verba quae sequuntur; nempe *a peccatis tuis* &c. non pertinere ad essentiam formae; idque perspicue colligi videtur ex laudato Catechismo, qui *loc. cit.* sic persequitur. *Est autem forma, Ego te absolvo, quam non solum ex illis verbis licet colligere: Quaecumque solveritis super terram, erunt soluta & in caelis: sed ex eadem Christi Domini doctrina ab Apostolis tradita accepimus. Ac quoniam sacramenta id significant quod efficiunt, & illa verba, Ego te absolvo, ostendunt peccatorum remissionem*

tionem huius sacramenti administratione effici; planum est hanc esse penitentia perfectam formam.

VI. Quamvis tamen solis recensitis a Concilio, & Catechismo verbis constet forma essentialis; non propterea licite Sacerdos omitteret cetera verba, quæ communiter usurpantur in Ecclesia: immo reus gravis peccati foret, si pronuntiare negligeret sequentia verba, *a peccatis tuis &c.* Forma itaque vera, qua Catholici omnes utuntur, inquit Cardinalis Bellarminus *Lib. I. de penit. cap. xv.* hæc est. *Ego te absolvo ab omnibus peccatis tuis in nomine Patris, & Filii, & Spiritus sancti. Amen.*

VII. Quid dicendum de his formulis: *Ego tibi peccata dimitto: Remittuntur tibi peccata tua: Condono tibi omnia peccata tua?* Ratas, & validas habent communiter Theologi eiusmodi formulas, cum sint æquivalentes illi quæ præscripta est in Conciliis. Peccaret tamen, & quidem gravissime, Sacerdos qui absolutionem exprimeret aliis verbis ab iis quæ in Sacramentariis, & Ritualibus Ecclesie Latinæ præscripta sunt, quæque omnes Sacerdotes catholici usurpant.

VIII. Quæst. II. *Quis sit horum verborum sensus*, Ego te absolvo? Resp. Hæc verba non declarant peccata iam esse a Deo dimissa; sed ipse Sacerdos eadem pronuntians auctoritate a Christo accepta dimittit. Et hoc definivit Concilium Tridentinum *sess. xiv. can. ix.* his verbis. *Si quis dixerit, absolutionem sacramentalem Sacerdotis non esse actum iudiciale, sed nudum ministerium pronuntiandi, & declarandi remissa esse peccata confitenti . . . anathema sit.* Quandoquidem illam potestatem discipulis suis Christus Dominus communicavit quam ipse a Patre accepit: *Sicut misit me Pater, & ego mitto vos. Accipite Spiritum sanctum: quorum remiseritis peccata, remittuntur eis &c.* Ioan. xx. Porro Christus Dominus non solum declaravit peccata esse remissa, sed revera illa remisit. Ipse enim paralytico, & peccatrici mulieri dixit: *Remittuntur tibi peccata tua.* Ergo similiter illius Apostoli, & istorum successores vere peccata dimittunt.

IX. Opponunt, solum Deum peccata dimittere, animam contritione & caritate vivificari. Responsum iam est supra, Deum iure potestatis peccata dimittere, Sacerdotes vero ministerio & munere Spiritus sancti. Contritione vivificantur animæ aliquando per Spiritum moventem, aliquando per Spiritum cohabitantem, semper tamen inclusio confessionis, & sacramentalis absolutionis voto.

X. Non solum Confessarius exacte pronuntiare absolutionis formam ab omnibus Catholicis usurpata debet, sed etiam ritum servare quem præscribit Ecclesia. Quamvis igitur preces quæ absolutioni præmittuntur, nempe, *Dominus noster Iesus Christus &c.* ad substantiam formæ non pertineant; nequeunt tamen absque culpa prætermitti, nisi necessitas urgeat, ac mortis periculum. Aliæ

preces, *misereatur*, & *indulgentiam*, & quæ formam subsequuntur, *Possio Domini nostri* &c. in frequentioribus & brevioribus confessionibus ex Rituali Romano mitti possunt; at consultius semper erit totum ritum exacte servare, rationabili causa sublata. Narrat Natalis ab Alexandro *Lib. II. cap. VII.* in quibusdam Ritualibus hanc reperiri formulam, *Absolve te ab omnibus peccatis tuis contritis, confessis, & oblitis*. Sed hæc ultima tria vocabula superflua sunt. Nam cum pœnitens ea omnia quæ post diligentem discussionem memoriæ occurrunt, confitetur, etiam alia inculpate oblita intelliguntur inclusa. Quæ vero negligentia culpabili obliviscitur, & de quibus contritionem non habet pœnitens, nullo modo dimittuntur. Missis itaque peculiaribus formulis, ea adhibeatur quæ communis in Ecclesia est.

XI. Quæst. III. *Licetum ne est formæ absolutionis conditionem adicere?* Resp. Convenit penes omnes, conditionem appositam de præsentī, vel de præterito, v. g. *Si capax es, si nondum es absolutus*, non evertere valorem sacramenti: quia, conditione posita, forma absoluta evadit, suumque sortitur effectum. Videndum autem, num aliquando expediat hanc adicere conditionem. Omnes adfirmant absolute, omni sublata conditione, pronuntiandam communiter esse. Difficultas est, num in aliquo necessitatis casu possit conditio apponi. Sub conditione conferri baptismum posse, necessitate urgente, diximus supra: quia documenta valida occurrunt talis usus, qui obtinere cœpit sæculo VII. alicubi, & sæculo XII. probatus fuit ab Alexandro III. & tempore Gregorii IX. inserta est iuri canonico ablutio conditionalis. Et Clemens VIII. iussit ut Episcopi Latini confirmantes baptizatos a Presbyteris Græcis sibiomet subiectis eandem adhiberent. Verum his documentis solum probatur usus formæ conditionalis in sacramento baptismi ministrando. De eiusdem vero usu in sacramento pœnitentiæ altum silentium penes antiquos. Nihilominus, si dubitetur, an pœnitens vivens sit, vel an Sacerdos protulerit absolutionis verba, permulti etiam graviores Theologi docent dandam esse absolutionem sub conditione hac: *Si tu es capax, vel si non es absolutus, ego te absolvo* &c. Si aliquando licita est absolutio conditionalis, certe casus moribundi dubie viventis ille est in quo licita expediat eiusmodi absolutio. Quando Sacerdos dubitat, protulerit ne absolutionis verba; tum facile induci pœnitens valet, ut contritionem de confessis peccatis innovet, & tum absolutio absoluta impertiri potest.

XII. Calvisiæ, ut mea præfert opinio, nimis facile, ne dicam laxè, adiciendam hanc conditionem docent. P. Sporer *Part. III. cap. V. quæst. 11. §. 4. num. 622.* impertiendam absolutionem sub conditione docet 1. quando Confessarius prudenter dubitat, sit ne pœnitens recte dispositus. 2. quando dubitat, an pueri rudes

des sint rationis usu præditi. 3. quando pœnitens adfert sola dubia peccata in materia mortali, nec ullum certum explicare potest. 4. quando Confessarius dubitat, an habeat iurisdictionem in hunc pœnitentem, vel in eius peccata.

XIII. In his 4. casibus absolutionem conditionalem illicitam, otiosam, & reverentiæ sacramento debitæ contrariam existimo, atque absurdorum plenissimam. Et principio conditio quæ necessario præcedere debet, frustra & otiose apponitur. Dolor autem, seu contritio de peccatis necessario præire absolutioni debet. Quare illicite Sacerdos agit, si dicat: *Ego te absolvo si habeas verum dolorem, vel voluntatem restituendi; si ego habeo potestatem absolvendi* &c. Quando Confessarius dubitat, num pœnitens sit rite dispositus, num scilicet habeat verum dolorem, aut verum propositum, dubitat de materia necessaria ad absolutionem. Porro numquid licitum est uti materia dubia in conferendis sacramentis extra necessitatis casum? Quænam autem in casibus propositis gravis necessitas? Neque enim pœnitens aut pueri rudes sunt in periculo mortis, ut supponitur. Ergo peccat Sacerdos utens materia dubia in recensitis casibus, cum nulla urgeat necessitas.

XIV. Quod autem eiusmodi praxis absolutionis conditionalis in dictis, & similibus casibus sit absurdorum plenissima, res evidens est. Nam quando Confessarius dubitat, sit ne pœnitens dispositus, sint ne pueri ratione præditi, cur in id non incumbit Confessarius ut pœnitens disponatur; cur non sagit ut signa veri doloris exploret; cur absolutionem non differt, donec ex operibus, & certis signis colligat dispositionem, aut indispositionem pœnitentis; cur adhortationibus, consiliis, & regulis moratæ vitæ pœnitentes adultos non probant Confessarii; cur pueros non erudiunt, usquedum certam materiam, & exploratum rationis usum dignoscant? Cur hæc media negligunt? Quia, inquit, magna est pœnitentium affluentia. Si hæc omnia præstanda forent, plurimi dimitti absque confessione deberent. Quare & ut sacramenti dignitati, & propriæ conscientiæ provideatur, adhibetur absolutio conditionalis; & sic plurimorum pœnitentium confessiones audiuntur; contra, si absolutiones suspendimus, oriuntur murmura, & censuræ Rigorismi in Confessarios feruntur. Utinam studium laboris vitandi, & timor aut displicendi hominibus, aut minuendæ pœnitentium affluentiae in causa quandoque non essent cur novus iste absolutionis conditionalis usus usurpetur. Absolvuntur pœnitentes dubie dispositi absolutione condinata. Quot heinc sacrilegia? Quot heinc repetita scelera? Eiusmodi pœnitentes, hunc absolutionis conditionalis ritum ignorantes, se revera absolutos credunt. Quid heinc? Animos ad peccandum resumunt: horrorem peccandi deponunt: credunt ad veram pœnitentiam sufficere narrationem criminum, cum videant tam facile se absolvi. Magno in errore, & pereundi discrimine versantur,

ut ego quidem vereor, Confessarii qui extra necessitatis, puta mortis, aut dubie frenetici casum, absolutionem conditionalem adhibent.

XV. Conditionem de futuro communiter Theologi improbant, aientes hanc vim sacramenti evertere. Leonardus Vanroy *cap. III. quæst. 4.* & nonnulli alii Lovanienses, sanioris alioquin doctrinæ assertores, docent conditionem de futuro enervare quidem vim sacramenti, quando absolvens non statim, sed solum quando conditio ponetur, sacramentum confectum & administratum intendit: quia quando v. g. restitutio fiet, neque materia, neque forma existet. Ceterum, si Sacerdos hic, & nunc sacramentum conficere, & gratiam conferre intendit, supposita conditionis futuratione, tunc conditionem non impedire valorem absolutionis contendunt.

XVI. Præfata doctrina falsa est, & omni solido fundamento destituta. Siquidem quando Sacerdos hic & nunc intendit sacramentum conficere, atque sit in pœnitente necessaria dispositio, nempe dolor, & propositum sincerum restituendi; etiam si postea ab hoc proposito resiliret, & restitutio non fieret, revera sacramentum esset administratum, & pœnitens reipsa absolutus esset. Nam quando adest materia, & forma, atque ministri intentio conficiendi sacramentum, in Sacerdotis potestate haud est suspendere sacramenti effectum, ut communiter Theologi docent. Si vero in pœnitente desit sincerum propositum restituendi, & dolor necessarius; iam sacramentum est nullum ex defectu materiæ. Ergo ineptissima est conditionis adiectio.

C A P U T II.

De absolutione impertienda pœnitenti absenti. Quid hac de re Lominicani tum antiqui, tum recentiores, quid Iesuitæ, præsertim Doctor eximius P. Franciscus Suarez, ante, & post decretum Clementis VIII. docuerint.

§ I.

Scribendi necessitas.

I. **C**onstanti animo hanc Dominicanos inter & Iesuitas percelebrem, & diu utrimque magna animorum contentione agitatam controversiam alto obvolvère silentio decreveram: & quamquam viderem insignes Dominicanos, Petrum

trum Duffay, Vincentium Bironium, Ioannem Baptistam Gonet, Didacum, Alvarez, Hiacyntum Coquetium, Franciscum Avilam, Candidum, Nunnum, pluresque alios celebratissimos Dominicanos, ut impostores & fabulatores, a Theophilo Raynaujo, a Matthæo Moya, ab Honorato Fabri, & a plurimis aliis traductos; immo quamvis P. Gaspar Ioseph Gagna in suo opere fabularum plenissimo, edito contra meam *Hist. Probabilismi, & Rigorismi* memetiptum tamquam mendacii & fœtidæ calumniæ (*marcia calunnia*) redarguat, & inauditis ludibriis benignissime laceſſat atque proſcindat; non propterea a concepto proposito vel tantillum recesseram. Verum res ultro progressa hisce ipsis diebus est. Silentio quippe meo, atque patientia nimis impotenter abusi nonnulli P. Gagna affecti sunt. Siquidem non contenti insigniores Dominicanos, & meipsum maledictis typis editis lacerasse, volumen in folio Docturis eximii P. SUAREZ, sub proprio pallio absconditum, elapsis diebus per civitatem deferrebant, legendumque summis etiam viris præbebant, ut eiusdem lectione luculentissime evincerent, me testimonia P. Suarez adulterasse in citata *Probabilismi & Rigorismi Historia*, & iniuria summa Doctorem eximium affecisse. Quid heinc? Quid? Audi argumentationem. Si, inquiunt, evidenter constat, auctorem historię Probabilismi detruncasse testimonia sapientissimi P. Suarez; potiori iure inferitur, opiniones Casuistarum adulteratas, & exquisito artificio transformatas suo versuto calamo in ceteris suis operibus imperito vulgo porrigere, ut summam benigno Probabilismo, & Probabilistis invidiam conſet. Candide fateor, me talia audientem commotum, & ad hanc veritatis historiam texendam compulsum sensisse. Ecce igitur paucis pateſactam causam quæ me prorsus repugnantem coegit, ut silentium severa mihi lege impositum abrumperem. Si enim hæc furda aure prætereo, mea Christiana Theologia, quam in dies edo, & in qua saniores doctrinam a laxis non paucorum Casuistarum opinionibus asserere pro modulo meo studeo, in nihilum decideret ob has impoſturas, quas nonnulli disseminant, me videlicet truncare, vel transformare Casuistarum sententias, ac si non essent adeo natura sua non paucæ deformes, ut vix possint deformiores effici calamo meo. Nemo igitur non videt, quam gravis, quam urgens sit necessitas defendendi tum plurimos Ordinis mei Theologos a gravissimis, ut videbimus, notis iisdem iniustis, tum partus meos, quicumque tandem illi sint, ab indicatis impoſturis sane gravissimis. Necessitate itaque extrema coactus controversiam propositam pleno in lumine constituiam tanta animi moderatione, ut dum memetipsum, & insigniores Thomisticæ Scholæ Theologos vindicandos suscipio, nihil obsequii, nihil officii, & reverentiæ erga illustres adversarios remissurus sim. Nihil partium studio tribuam. Si Scriptores Dominicanos in aliquo vel leviori puncto a veritate aberrasse deprehendero, sincerissime manifestabo. Si e contrario plura narraturus sim, quæ forte ad falsi-

vam adversariorum non sapient, id vertere authenticis documentis, non mihi debent. P. Danielelem Bartoli scripsisse memini, saluberrimum documentum, quo consulebat suis, ne provocarent adversarios, nisi ea audire vellent quæ audire magnopere nollent. Unum ego in antecessum a lectore enixe oro flagitroque, ut materiam subiectam calamo a stilo quo eam narraturus sum, distinguere velit. Si paradoxa, & quidem inaudita, propriis Auctorum verbis in apricum traduxero, si horridula illa apparuerint; non stilo, sed materiæ quæ narratur, totum quod displicet, adscribi iure debet. Sunt enim nonnulli qui, dum propria commenta in suo iusto, & nativo prospectu disposita vident, continuo clamant contra Historici stilum, eumque maledicum, declamatorium, atque satyricum appellant. Sed falluntur, & fallunt apertissime. Talia quippe scripserunt Casuistæ non pauci, quæ, si stilo etiam aureo, vel argenteo, saccharo & melle illito describerentur, nihilofecius lectores commoverent. Perdiscant ergo tandem aliquando nonnulli proprium coercere calamum, & a monstrosis paradoxis abstinere, nisi velint illa sibi opponi nativis depicta coloribus. Istiusmodi ne futura sint quæ ego infra simplici, & mitissima oratione descripturus sum, æqui rerum æstimatores iudicabunt.

§. II.

Status controversiæ.

DUO sunt præsentis disputationis argumenta. Doctrinam unum, facti historiam alterum spectat. Primum in hoc situm est, utrum sacramentum pœnitentiæ consummari inter absentes possit in sensu aut *copulativo*, aut *distributivo* seu *divisivo*. In altero differtatur, quid de hac controversia docuerint antiqui Thomistæ, & quid Patres Societatis elabente sæculo XVI. Et ut ab hoc puncto historico, quod est præcipuum caput discutiendum, orsa capiam, P. Fagundes *Lib. II. in 2. Eccles. præcep. cap. 10.* scribit, sententiã, adfirmantem licitam epistolarem confessionem inter absentes, ortam esse in Ordine S. Dominici, ibidem adlevisse, & in eiusdem sinu extinctam, atque sepultam fuisse: & hoc confirmat cum aliis P. Theophylus Raynaudus *Tom. XX. dissert. pro Francisco Suarez de absolutione epistolari*; idque communiter docent Iesuitæ. Ipse vero P. Suarez *Tom. IV. in III. part. disp. XIX. sec. 3.* narrat, hanc sententiã ex Thomistis docuisse S. Antoninum, Sylvestrum, Margaritæ Confessorum Auctorem, Armillam, Tabienam, Raynerium, Petrum de Tarantasia, qui fuit Pontifex summus Innocentius V. Petrum de Soto, Dominicum Soto, & Turrecrematam Cardinalem.

II. Contra Dominicani Theologi contendunt, Thomistarum neminem præfatam do-

docuisse sententiam. P. Petrus Dufay in suo de pœnitentia tractatu testatur, sententiam de licita absolutione epistolari, quam aliqui antiqui docuerant, iam obliteratam, & fere extinctam, in lucem revocasse in Hispania aliquos ex Patribus Societatis. Isti, subdit Dufay, hanc sententiam non modo in privatis suis Collegiis Vallisoleti, Salmanticæ, Compluti tamquam veriorē docuerunt; verum etiam aliqui ex ipsis eam typis prodidit, ut Henricus Henriquez in sua Summa morali, quæ ob hanc causam proscripta fuit, donec corrigeretur, Emanuel Sa in suis Aphorismis, qui similiter expurgati fuere Romæ a Magistro Sacri Palatii. Narrationem P. Dufay fuso calamo propugnat P. Vincentius Baronius *Tom. I. Theolog. moral. disp. 1. sec. 3.* & post ipsum P. Gonet *disp. xii. a. 4.* contenduntque, ex antiquis Thomistis neminem defendisse absolutionem epistolarem; sed iidem affirmant fuisse eiusmodi opinionem a PP. Fagundez, Suarez, Raynaulo, Moya, Fabri, aliisque Iesuitis.

III. Ad hoc primum punctum quod attinet, ut, misso partium studio, & ea, quam initio sponendi, sinceritate loquar, dico, aliquos Dominicanos antiquos, nempe Petrum de Palude, S. Antonium, Petrum soto propugnasse licitum usum absolutionis epistolari absentī datæ. Heinc Baronium, Gonetum, & alios recentiores Thomistas id negantes, aut non satis accurate antiquos istos Scriptores expendisse, aut domestico affectui aliquid indulgisse. Verum tamen est, S. Antonium obiter ex aliorum sententia, & veluti ambigentem fuisse locutum. Turrecremata similiter ambigue scribit. Verum hæc levia, & nullius fere momenti.

IV. Ad secundum, quod est præsentis disputationis unicum punctum, accedamus. Elabente sæculo XVI. Dominicani omnes, doctrinam S. Thomæ, & alterius Thomæ, nempe Caietani, propugnantes, contra sententiam de absolutione epistolari, a quibusdam tum temporis e sepulcro, in quo extincta iacebat, ad cathedras, ad suggestum ipsum traductam, investi sunt, eamque omni argumentorum genere labefactare studuerunt. Factum istud extra disputationis aleam constitutum est, cuius tot sunt testes, quot Scriptores. Unum omni exceptione maiorem laudare sufficiat, ipsum Doctorem eximium P. Franciscum Suarez, qui *Tom. IV. in III. Part. disp. xix. sec. 3.* ubi post citatos n. 2. antiquos aliquos Thomistas, hæc num. 9. de modernis scribit. *Moderni autem Thomistæ defendunt hanc sententiam (non posse inter absentes &c.) Caietanus . . Victoria . . Soto . . Ledesma . . Cano.*

V. Porro hoc eodem tempore aliquos Theologos Iesuitas antiquatam sententiam de licita absolutione epistolari exfultasse, propugnandamque suscepisse, certum est. Eam quippe docuit Henricus Henriquez in sua *Summa morali*, quam propterea fuisse proscriptam, donec emendaretur, testatur Ioannes Baptista Possevinus Mantuanus *Lib. Offic. Curati, cap. xv.* Post Henriquez eandem sententiam propugna-

pugnavit Emanuel Sa in suis Aphorismis editis Antverpiæ an. 1599. Hoc testatur vel ipse Theophylus Raynaudus *cit. Tom. xx. diff. de epis. conf. cap. 11. pag. 192.* his verbis. *Manuel Sa in editionibus integris anterioribus Romana anni 1600. V. Absolutio n. 9. & V. Confessio num. 14.* Cur dicit in editionibus integris anterioribus Romana an. 1600. ? Quia ab hac editione Magister Sacri Palatii expunxit talem opinionem de absolutione epistolari. Quam correctionem Dominicanorum livori in suos tribuit P. Raynaudus, qui propterea frequenter in Magistrum Sacri Palatii debacchatur præsertim de *immunit. Cyriac.* Hanc eandem sententiam, ut probabilem, defendit Doctor eximius P. Suarez, ut mox ostensurus sum.

VI. Dominicani, cum viderent doctrinam de absolutione epistolari imperiita absensibus in dies propagari, & e publico suggestu etiam Matriti prædicari, eam ad summum Pontificem Clementem VIII. damnandam detulerunt. Quis hoc asserit? Præter innumeros testes ipse P. Theophylus Raynaudus *loc. cit. cap. v. pag. 201.* ubi hæc habet. „ Quandoquidem vero hætenus ex Pontificum oraculis argumentati sumus; in hac meta non est prætereundum testimonium CLEMENTIS VIII. „ *eni Pontifici Thomistæ auctores, ac incentores fuisse DECRETI contra confessiones per litteras, Alvarez, Nugnus, Coquetius, Fey, & passim ceteri affecte triumphantantes profitentur.* „ Dominicanorum votis faustus successit eventus. Nam reipsa Clemens VIII. sententiam a citatis lesuicis propugnata damnavit sequenti decreto.

VII. „ Die 20. mensis Junii anno a Nativitate Domini N. I. C. in generali „ Congregatione S. R. & universalis Inquisitionis, habita in Palatio Quirinali coram SS. D. N. Clemente divina providentia Papa VIII.

„ Proposita questione, utrum liceat per litteras, seu internuntium Confessario „ absenti peccata sacramentaliter confiteri, & ab eodem absente absolutionem „ obtinere? Sanctissimus D. N. auditis votis Patrum Theologorum, & re cum Illustrissimis & Reverendissimis DD. Cardinalibus mature, ac diligenter considerata, hanc propositionem, scilicet licere per litteras, seu internuntium Confessario absenti peccata sacramentaliter confiteri, & ab eodem absente absolutionem „ obtinere, ad minus veri falsam, temerariam, & scandalosam damnavit, ac prohibuit; præcepitque ne deinceps ista propositio publicis, privatisque lectionibus, „ concionibus, & congressibus doceatur, neve umquam tamquam aliquo casu probabilis defendatur, imprimatur, aut ad praxim quovis modo deducatur. Quod „ si quis illam docuerit, defenderit, imprimi fecerit, aut etiam de ea disputative „ tract. verit, nisi forsan impugnando, vel ad praxim seu directe, vel indirecte „ deduxerit, præter excommunicationem latæ sententiæ, quam ipso facto incurrat, & a qua non possit, præterquam in articulo mortis, ab alio, quacumque „ etiam

„ etiam dignitate fulgenti , & S. R. Ecclesiæ maiori Pœnitentiario , nisi a pro
 „ tempore existente Romano Pontifice absolvi , aliis etiam pœnis arbitrio insti-
 „ gendis subiaceat .

§. III.

Interpretationes P. Francisci Suarez in hoc Clementis VIII. decretum .

I. **A**Dversarii, inquit P. Ioannes Baptista Gonetus *disp. xii. num. 55.* viden-
 tes se hoc Pontificis decreto perstringi, suamque de epistolari confessione
 damnari sententiam , ut *vini* eius declinarent, duplicem excogitarunt explicatio-
 nem. Alii dixerunt, opinionem de absentis confessione & absolutione , ut illicitam
 quidem, secus ut invalidam, fuisse a Clemente VIII. proscriptam . P. Fran-
 ciscus Suarez *Tom. iv. in xii. part. disp. 21. sec. 4.* interpretatur, Clementem
 VIII. suo decreto prohibuisse propositionem *collectivè* , & *complexivè* seu copulati-
 ve , non *divisive* , & seiunctim acceptam . Hæc sunt verba Doctoris eximii *loc. cit.*
 „ Existimo tamen, non fuisse mentem Sanctissimi de hac opinione tractare ,
 „ sed solum de illa quæ dicit, sacramentum pœnitentiæ posse perfici, ac consum-
 „ mari inter absentes: atque illam particulam *ET* non esse *divisive* , sed *comple-*
 „ *xive* sumendam ; præcipue illud damnaſſe propter eos qui dicebant , absolutio-
 „ nem posse dari in absentia . Moveor tum ex circumstantiis litteræ . Nam , si
 „ aliud voluisset potius, id explicuisset per particulam *VEL* . Item hoc clare in-
 „ dicat illud singulare signum demonstrativum , *hanc propositionem* : nam ex eo
 „ constat , solam hypotheticam propositionem per modum unius damnari . Tum
 „ præterea , quia illa erat controversia , de qua tractabatur . Tum denique quia
 „ sola illa opinio est aliena ab usu Ecclesiæ: hæc autem est illi, & decretis con-
 „ formis . Nihilominus declarationem hanc eiusdem Pontificis censuræ subiectio,
 „ sicut cetera omnia quæ tam in hoc , quam in ceteris operibus meis continen-
 „ tur. “

II. Integrum testimonium transcribere volui, ut compertum esset, P. Suarez non
 minus doctrina, & eruditione, quam modestia & obsequio erga sanctam Sedem re-
 fulgere. Errare ille potuit, sicuti ceteri mortales etiam sapientissimi & probissimi ; at
 error imbecillitatis humanæ est, non voluntatis. Quamobrem si quæ ad deciden-
 dam hanc controversiam tamdiu agitatam producturus sum , doctrinæ P. Saurez
 contraria apparebunt, non propterea quidquam existimationis & officii erga præ-
 clarissimum Theologum diminutum velim . Quemadmodum non minus resplen-
 dent Dominicani Petrus de Tarantasia, seu Innocentius V. Petrus Paludanus Pa-
 triar-

ttiarcha Ierofolymitanus, Cardinalis Turrecremata, S. Antoninus, Petrus Soto, quod docuerint, ut refert ipse P. Suarez, licitam confessionem epistolarem, quam postea damnavit Clemens VIII. ita neque Doctori eximio quidquam doctrinæ, & probitatis famæ decrevit, quod doctrinam, & interpretationem a summis Pontificibus proscriptam propugnauerit ut probabilem. Sed hæc obiter, & officii causa. Ad rem.

§. IV.

Decreta summi Pontificis Pauli V. adversus interpretationem P. Suarez in Clementinum decretum.

I. **T**Ria sequentia decreta a Congregatione S. Officii sub Paulo V. Pontifice summo emanarunt contra interpretationem P. Suarez in Clementinum decretum.

„ Il. Fer. 5. die 14. Iulii 1605. in Congregatione generali S. Officii, habita coram san. mem. Paulo Papa V. proposita causa P. Francisci Suarez Iesuitæ, & consideratis iis quæ scripsit Tom. IV. in III. Parr. S. Thomæ sect. 4. disp. 21. interpretanda decretum fel. record. Clementis Papæ VIII. factum die 20. Iunii 1602. quo damnavit hanc propositionem, videlicet, *Licere per litteras, seu internuntium Confessario absenti peccata sacramentaliter confiteri, & ab eodem absente absolutionem obtinere*: ac etiam mature discussis his quæ idem P. Suarez adduxit in defensionem suæ interpretationis, auditis votis Illustrissim. DD. Cardinalium, Sanctissimus decrevit dictam interpretationem P. Suarez ad supradictum decretum non subsistere, & ideo amovendam esse ab eius libro iuxta decreta alias facta a felic. record. Clemente Papa VIII.

„ Fer. 4. die 20. Iulii 1605. In Congregatione coram Illustriss. & RR. DD. Cardinalibus generalibus Inquisitoribus &c. Ex libro P. Francisci Suarez Iesuitæ disp. xxiii. sec. 1. num. 12. amoveantur infra scripta verba, videlicet *Atque ex hac resolutione.. usque ibi.. in absentia Confessoris*; prout adnotavit Illustrissimus D. Cardinalis de Monopulo. Idem P. Suarez corrigat suum librum, & antequam evulget, ostendat huic Congregationi.

„ Fer. 5. die 18. Augusti 1605. In Congregatione generali S. Officii Sanctissimus decrevit ex Tom. IV. P. Suarez Iesuitæ in III. Part. D. Thomæ disp. xxi. de confessione, Sectionem quartam cui titulus est, *Utrum de necessitate confessionis sit ut penitens Sacerdoti præsentem immediate & per se ipsum revelet peccata sua*, totam esse amovendam, nec aliam eius loco subrogandam.

III. Hæc tria decreta referuntur non solum a P. Gonetto Dominicano *loc. cit.*

sed

sed etiam a P. Ioanne Baptista Gormaz Soc. I. *disp. v. sec. 1. §. 2. num. 242.* Ego quoque coactus ab epistolis probabilisticis P. Pauli Segneri eadem retuli *Tom. II. Hist. Probabil. & Rigoris. diff. 11. pag. 346. 1. edit.* collata cum Autographis S. Officii, curante P. Magistro Salas O. P. Theologo Casanatenſi, occasione diffidii inter Dominicanos, & Iesuitas Insulæ Maioricæ super authentica horum decretorum veritate.

IV. Præter hæc tria decreta, duo alia emanarunt contra eandem interpretationem P. Suarez. Primum sub ipso Clemente VIII. die ultima Iulii 1603. cuius initium est, *In generali Congregatione &c.* Alterum ser. 2. die 24. Ianuarii 1622. cuius initium est, *In Palatio &c.* Ambo infra dabo.

§. V.

Nodus difficultatis circa opinionem, quam ante & post decretum Clementinum docuit P. Suarez. Responsa Amici, Moya, La-Croix, Gormaz, Ray-naudi. & Viva.

I. **O**Mnes Theologi Societatis contendunt, Doctorem eximium Patrem Suarez ante decretum Clementis VIII. ut falsam reieciſſe ſententiam de confessione inter abſentes peracta. Idque argumento, quod ineluctabile hætenus apparuit, evincunt, testimonio nempe ipsius P. Suarez, qui *Tom. IV. in III. Part. disp. xix. sec. 3. num. 7.* hæc ſcribit. *Hanc igitur poſtერიorem ſententiam veram cenſeo, quam anno 1588. Compluti publice docui, & iterum in prima leſione huius inſignis Academia Conimbricenſis anno 1598. nimirum ſignificationem huius formæ proprie & in rigore non verificari in ordine ad perſonam abſentem, & ideo reſpectu illius nec perficere ſacramentum, nec ſuum effectum operari.* Ita omnes editiones quæ nunc præ manibus habemus. Heinc Theologi Soc. ad incitas, ultimæque anguſtias redigunt Dominicanos, Alvarez, Duſay, Avilam, Baronium, Coquetium, Gonettum, eoſque, tamquam impoſturæ, calumnizque Doctori eximio impaſſæ fontes, redarguunt.

II. Contra clamant Thomiſtæ. P. Suarez decretum Clementis VIII. interpretationeſt in favorem opinionis damnatæ; cum, ut vidimus ſ. præcedenti, doceat damnatam opinionem intelligendam eſſe *complexive*, non *diviſive*. Quam interpretationem tria (& ut infra dicam quinque) decreta pontificia improbant, & expungendam ab eiufdem Lomo præcipiunt. Quid? Ante decretum Clementinum Suarez improbavit opinionem de confessione epistolari, ut falſam: & poſtquam Clemens VIII. eandem opinionem damnavit, Suarez ipſe ita deſignare, & tem-

temperare opinionis a se prius improbatæ damnationem studuit , ut contra se quinque Romanæ Sedis decreta extorserit? Absolute falsa iudicata fuit a P. Suarez præfata opinio : & hanc ipsam opinionem , postquam fuit censura pontificia proscripta , partim veram , & partim falsam defendendam suscepit? Quid ad hæc? Ex una parte urget testimonium P. Suarez supra rescriptum . Ex altera non minus premit & stringit eiusdem interpretatio , qua decretum pontificium extenuare curavit . Nonne iuxta omnes prudentiæ & sensus communis regulas debuisset Doctor eximius interpretari decretum contra opinionem quam ille prius improbaverat? Quis umquam ab orbe condito interpretatus est iudicis sententiam sibi faventem in favorem adversarii? Credat vel Iudæus Appella , non ego . Falleris ; inquit . Quznam contrarietas est quod P. Suarez ante decretum Clementinum improbaverit opinionem *complexive* , & post decretum eam defenderit *divisive*? Ita potuisset fieri , nec ipse repugno ; sed an reipsa ita evenerit , disquirendum est . In medium igitur promamus responsa quibus doctrinam quam post Clementis VIII. decretum docuit P. Suarez , in tuto collocare Theologi Soc. I. nituntur . Hæc viam sternent ad nodum penitus rescindendum , demonstrandumque quid ante decretum , quid post decretum P. Suarez docuerit .

III. Mirifica , & supra quam dici potest , peregrina sunt effugia quæ eruditi adversarii excogitarunt contra tria laudata pontificia decreta , ut fartam testam custodiant interpretationem P. Suarez . Illa rescribam propriis ipsorum verbis .

IV. P. Franciscus Amicus *Tom. VIII. disp. xi. sec. iv. num. 62.* hæc scribit . „ Ex „ his sequitur , propositionem Pontificis intelligi *coniundive* , ut non liceat per „ litteras simul confiteri , & absolvi , non *disiundive* quoad confessionem damtaxat . Atque hoc voluit tantum P. Suarez , cum Bullam Clementis explicavit : „ neque ob aliam causam Pontifex integram sectionem ex ipso tomo delendam „ præcepit , nisi quia nolebat , ut ipso vivente , eius Bulla declararetur . “

V. Næ istud egregium responsum ! Aut vera est interpretatio Suareziana , aut falsa . Si vera ; Clemens VIII. Pontifex sanctissimus noluit vivens audire veritatem , veramque sui decreti interpretationem ? Sic tanto Pontifici illuditur ? Sæ falsa ; cur adversus Pontificis decretum propugnatur ?

VI. P. Matthæus Moya in *Qq. select. trad. 111. disp. vi. quest. 11. num. 11.* hæc scribit . „ Alii vero inquit , Pontificem non damnasse propositionem illam in „ sensu *divisivo* utramque eius partem determinate attingentem , sed in *copulativo* , propter absolutionem absentis . Hanc expositionem adhibuit primus P. Suarez „ *Tom. IV. in III. Part. disp. xxi. sec. 4. quem secuti sunt Fillucius , Villalobos , „ Becanus , & tamquam probabilem eos citans admittit Diana . . . Castropalao pro „ se referens Cerolam , Valentiam , & Reginaldum &c.*

„ Num. 12. Dices , præfatam expositionem iussu Clementis VIII. & Pauli V.

„ eius

„ eius suecessoris expunctam fuisse in P. Suarez : ergo & in reliquis , qui post
 „ ipsum scripserunt , expungenda est , non defendenda. RESPONDEO , Clementis
 „ decretum non ob illius falsitatem , sed ob aliud diversum motivum prodiisse : quo
 „ proinde lapsu temporis cessante , expositio primo adhibita invaluit , & in NOVIS
 „ EDITIONIBUS (N. B.) FUIT RESTITUTA. Quodam fuerit? Non conve-
 „ niunt DOCTORES. Quidam censent expositionem illam eo expungi mandatam ,
 „ quod Pontifex ægre tulerit nostrum Suarium ipsius decretum , statim eo vivente
 „ interpretatum fuisse. Ita cum aliis Bardi in Selec. &c. . . Nihilominus Pau-
 „ lum V. OB OBSERVANTIAM suo antecessori debitam , anno 1605. Clementis
 „ decretum executioni mandari iussisse.“

VII. Crescit oratio. Si Iansenistæ similia obtruderent ad eludendas pontificias constitutiones , an non omnes Catholici iure & merito exclamarem : Quid homines miseri adversus Romanam Sedem oblatratis? Quid summos Pontifices publicis typis infamare coram universa Ecclesia conamini? Summus Pontifex Paulus V. ob observantiam (seu ob respectum civilem , humanumque) suo antecessori debitam , Clementis decretum executioni mandari iussit? Quid , Iansenistæ , paucis verbis crimina multiplicatis? Decreta pontificia , solemnī ritu pro morum reformatione edita , humanorum , atque politicorum respectuum fuligine tinguntur? Aut iustum erat Clementinum decretum , aut secus. Si primum ; iure illud executioni mandari iussit Paulus V. Si secundum ; duplicem ergo perpetravit culpam summus Pontifex Paulus V. quod iniuste decretum iniustum probaverit , & executioni demandandum iusserit. Ecce? Ob observantiam suo antecessori debitam. Sicce ergo uno carbone duo summi præclarissimi Pontifices destigantur? Hæc & acutiora zeli tela pro sancta Romana Sede defendenda iacularem in Iansenistas pontificiis decretis reluctantes. Hæc ne retorquenda sunt in Amicum , in Moyam , in Bardi , aliosque? Absit ut id ego faciam. An faciendum sit , iudicent sapientes. Quid enim profunt declamationes , si interpretatio P. Suarez , iussu Clementis VIII. & Pauli V. expuncta , in NOVIS EDITIONIBUS FUIT RESTITUTA? inquit P. Moya cum aliis. Ob quod motivum? Non conveniunt Doctores. Huc recidunt omnia. Quod scripsit P. Suarez , scripsit , & consistat , æternumque stet necessum est. Emanant a Romana Sede decreta contra id quod scripsit : De Doctores interpretabuntur. Et quamquam Doctores non conveniant , nihil refert.

VIII. P. Claudius La-Croix Lib. IV. part. 11. num. 1195. hæc habet . „ Qui autem longiorem voluerit historiam controversiæ olim habitæ inter Dominicanos , & Iesuitas , legat Gormaz a num. 232. ubi fuse contendit , hoc quod sacra Inquisitio voluerit ex tractatu P. Suarez de pæn. d. 21. amoveri sec. 4. in qua quærebatur , an liceret confiteri absenti , non ideo esse factum , quia confessio numquam valeret inter absentes , sed quia rō Confessio sæpe significat totum (com-

decretum inconcussa perstat: & quamvis Clemens VIII. ipse oppositum decernat; nihil refert. AEmulorum opera id extortum fuit, mustitantium, non decere, vivente Clemente, eiusdem decreto appingi Doctorem interpretationem. Paulus V. obnoxius erat Clementi ob acceptam Purpuram; ideo decrevit interpretationem non subsistere: at non decrevit non subsistere secundum se sumptam, sed prout adiunctam decreto Clementis: quia Paulus V. noluit hanc coniunctionem ob acceptam a Clemente Purpuram. Tandem decreta Pauli V. licet ipsa quoque in suo gradu & ordine venerabilia, ut ibidem Raynaudus præmittit, tamen sunt inferioris notæ, in quibus aliquid humanum, ac etiam error intervenire potest: nec plus habent ponderis quam sententia Doctoris privati, ut docet Laurentius de Peyraris, & omnes æqui consentiunt, uno dempto Fratre Gravina Ordin. Predicatorum, qui per potentissimam adulationem effusivit talia decreta esse certa. Maneat ergo stabile firmumque: Quidquid Suarez dixit, verum est. Conticescant ergo omnes, sacrosque tandem aliquando submittant. Qui plura cupit, legat integram citatam dissertationem P. Reynaudi, ubi plura inveniet contra fabulamenta (ut illius verbis utar) crassa Coquetii, Nugni, Alvarez, & aliorum æmulorum.

XX. P. Dominicus Viva in Appendice ad Trutinam §. 10. ita de hac controversia scribit. Nonnulli per iniuriam hanc sententiam de usu licito confessionis, aut absolutionis in absentia in sensu diviso ausi sunt appingere eximio Doctori. Sibi eam appinxit ipse Doctor eximius, & eam illi appingunt Moya, Raymundus, Lugo, & ceteri omnes: & facti veritas est compertissima. Perperam cum P. Gormaz illuc intrudit P. Viva controversiam de absolutione impertienda moribundo sensibus destituto; ut alias animadverti.

§. VI.

Interpretamenta P. Gasparis Iosephi Gagna in hac causa.

R P. Ioseph Gagna ultimus in arenam descendit Suarezianam causam oraturus in illo volumine quod edidit adversus meam *Historiam Probabilismi & Rigorismi*. Improperia, scommata, derisiones, & imposturas, quibus volumen illud scatet, christiana patientia dissimulo, atque contemno. Illius tamen errata, mirifica commenta, & laxas opiniones adversus sanam doctrinam refellere, occasione data, non prætermittam.

II. In præfato volumine quod inscribitur, *Lettere d'Eugenio Apologista*, integram epistolam tertiam, quæ implet 66. paginas, stilo adeo implexo, strigoso, & tot nugis pleno exaratam, ut lectorem reiiciat, defensionem Suarezianæ controversiæ impendit.

dit. Dominicanos Dufay , Davilam, Gonettum, Baronium, alioſque fabularum, calumniarum, & falſitatum reos urbaniffime traducit. Ubique, veluti ſpoliis adverſariorum onuſtus, triumphos & victoriam elatis cothurnis canit, & Dominicanos proſtratos deridet atque ſibilat. Nihil tamen novi ipſe promit; ſed ſola interpretamenta Honorati Fabri, Moya, Amici, Raynaudi, Gormaz tranſcribit. Lingua vernacula, qua ipſe uſus eſt, eadem referam, ne ſi illa latine reddam, mihi conſuetam fraudis notam impingat.

III. Principio me redarguit P. Gagna, quod hoc de argumento, ſupra quam dici poteſt, peſſime ſcripſerim, calumniamque ſcœtentem & intolerabilem impoſuerim Doctori eximio: hæc quippe ſcribit P. Gagna pag. 145. & ſeq., Il P. Lettore „ Concina qui appunto ha ſcritto alla peggio. Replico che in queſto luogo eſſo „ ha aggravato il P. Suarez con una *marcia calunnia*: ed aggiungo di più, che „ un Dominicano Scrittore alquanto più cauto, più critico, e più moderato di „ lui ſi farebbe anche per *decoro dell'Ordine ſuo* tenuto le cento miglia lontano „ dall'azzardare il piè in queſto ſeminato, in cui eſſo ha avuto il coraggio d' „ inoltrarſi coranto. Ma che volete? Il P. Concina facilmente non ha il ſecondo in genere d'intrepidezza. Egli forſe ſi è immaginato, che la ſua opera „ ſcritta in Italiana favella, più che da altrui letta farebbe ſtata dalle *donne*, e „ dai *ſcioli*, che non hanno veduto mai nè pure i cartoni nè del Suarez, nè „ degli antichi Scrittori Domenicani. “ Pag. 147. „ Quando, diſſi, egli ha ciò „ ſcritto, o avea letto quell'Autore in *fonte* là dov'è tratta di queſti argomenti, „ o nò. Se nò; e ſe nello ſcrivere tutto il ſuddetto ſi è laſciato guidare ſu la „ ſemplice relazione e fede altrui, che razza di critica [*giova ripeterlo*] è ella „ mai la ſua? E perchè promette egli di volerſi dare *diſſertazioni teologiche critiche*? Se sì; che razza di ſincerità ha egli mai? E come ci dite dunque, che „ in riſerire, e riprovare le opinioni laſſe de' Geſuiti uſata egli ha mai ſempre „ tutta la moderazione, la cautela, la carità, l'eſattezza, e quanto volete voi? „ Nò, mio riverito Signore, il P. Suarez non l'ha mai inſegnata quella dannata opinione, ed è *calunnia intollerabile l'addoſſargliela*.

IV. Quamvis tot maledictis laceſſitus, tam furenter provocatus a P. Gagna eſſem, ut in arenam hanc deſcenderem; nihilofecius, ut ſuperius dixi, paci, & ſilentio litare decreveram. Similium enim Scriptorum iniurias patienter ferre, & devorare a pluribus annis didici. Quod novis ſtimulis & calcaribus preſſus nunc facti veritatem pandam, ſibi, ſuiſque nonnullis aſſecſis adſcribere P. Gagna, ubique ovans, & triumphabundus debet, illud uſurpans: *Tute tibi intriſſi, tibi omne eſt exedendum*. Mihi improperat pag. 153. quod ſcripſerim, *ſeſſionem quartam Suarezianam non fuiſſe in editione Veneta operum P. Suarez an. 1603. expunctam*. Quid? elatis cothurnis clamat P. Gagna, decreta Pauli V. emanarunt anno 1605.

& sectio illa expungenda erat anno 1603. *Ultimo sforzo critico del P. Lettore Coni-*
cina, deridens, & subfannans vociferatur P. Gagna. Sed, ut sua Reverentia di-
 fcat tandem aliquando, si fieri potest, supercilium paullulum demittere, sciat Cle-
 mentem VIII. an. 1603. præcepisse ut sectio illa expungeretur; sed, antequam
 prodiret Clementinum decretum, editio *Tom. IV. in III. Part. S. Thome* incepta;
 & folium dictæ sectionis impressum erat. Editores vero, ut parerent Clementino
 decreto, impressum folium decerperunt. Ego vero, dum scripsi Historiam Proba-
 bilissimi, legi *pag. 286.* citati *Tom. IV.* cuius ultimum verbum *supereſt* respondet pa-
 ginæ immediate sequenti, cuius similiter primum verbum est *supereſt*. Hinc exi-
 stimavi sectionem extractam non fuisse, præsertim quod obiter & per transennam
 istius controversiæ memini. Nunc vero ex instituto locum illum investigans, de-
 prehendi post *cit. pag. 286.* continuo succedere numerum marginalem 289. Indi-
 cem ad finem Tomi adiectum adii, & reipsa in *disp. XXI.* tres tantum sectiones
 numerantur, quarta omiſſa: quia index post publicatum Clementinum decretum
 editus fuit. Tomus iste servatur in bibliotheca istius Veneti Collegii nostri, cui-
 que ostendendus. In hac novissima Veneta editione nondum ad umbilicum per-
 ducta operum P. Suarez, sectio olim expuncta, restituta est, ut novum habeatur
 erga pontificia decreta obsequii monumentum. Sed hæc levia sunt.

V. Ad incitas redactus P. Gagna respondendi laudatis decretis Pauli V. hæc
 scribit *pag. 165.*, „Chi lo vuole indovinare giusto giusto? Molti e gravi Teologi
 „ adoperati si sono per additarcela, e non tutti s' accordano a dir lo stesso.
 „ Teofilo Raynaudo nella diss. menzionata dal Signore Eugenio dice varie cose
 „ su questo argomento. Altre moltissime ne dice il Moia nella prima parte del-
 „ le questioni scelte *tratt. III. disp. VI. quest. II.* Il Cardinale de Lugo scrive le
 „ sue nel *Tom. III. alla sezione 4. della disputaione 17.* Coninch entra altresì in
 „ questo argomento nell'opuscolo *de absoluteione moribundi.* V'entra il Viva nell'
 „ appendice posta sul fine della *Trutina*, che ha per titolo, *de confessione, & ab-*
 „ *solutione in absentia*: e il La Croix nel Tomo secondo dove tratta *de confesſio-*
 „ *ne.* Questi indicano alcuni fonti, onde attingere la verità di più fatti storici a
 „ favore del Suarez.“

VI. Multi ergo & graves *Doctores* vires exerutte, ut tantum referarent arca-
 num, & mutuo dissident? Varia promit Theophylus Raynaudus. Plurima Moya.
 Cardinalis de Lugo sua perhibet. Coninch quoque argumentum dispicit. Viva, &
 La-Croix fontes indignant, unde plures historicæ notitiæ hauriri valent in favo-
 rem Suarez. Subdit P. Gagna: *Alcuni se ne possono leggere nella vita del medesimo*
Suarez. Hic est fons limpidissimus, unde trahi solutio arcani potest. At hæc tan-
 manifesta multorum graviumque Theologorum discordia causam Suarezianam af-
 flicta, & penitus corruentem evincit. *Tò Doctores non conveniunt*, ut fatetur
 etiam

etiam Moya, aliquod sane mysterium portendit. Sed audiamus quod ipse P. Gagna subdit ibidem. „ Intanto io ve la dirò, come la sento univernamente a varj „ gravi Autori. L'interpretazione del Suarez sembra ripudiata dal S. Pontefice „ non tanto in odio di lui, quanto di coloro i quali insegnato hanno, poterli dal „ Sacerdote assente mandare dietro al penitente lontano la sacramentale assolu- „ zione: o ciò facciasi per via di lettere, o per mezzo del messaggiero, o in al- „ tra delle guise adottate da *Paludano*, da *Silvestro*, da *Soto*, e altri di quei buoni „ e santi vecchi, i quali (*humanum dico propter infirmitatem*) a tempi suoi giudica- „ rono vera l'opinione, data poi da Clemente per falsa, e temeraria, e scandalosa. „ Eccovi la ragione di quanto dico. Con tutto il *non subsistere* della Suareziana „ spiegazione, è ella forse proscritta, o vietata la pratica della sentenza di questo „ Teologo circa l'assoluzione del moribondo? Nulla di meno: anzi udite bene „ Andate a leggere la già ricordata disputa *de penitentia* del Cardinale de Lu- „ go. Troverete ivi riportata un'autentica dichiarazione di Papa Clemente, con „ cui il S. Padre all'Arcivescovo Armacano Pier Lombardo Primate d'Ibernia pro- „ testa di non aver mai inteso di proibire quell'opinione che è l'insegnata, e la „ difesa dal Suarez . . . Sicchè l'esserli riprovata, e voluta soppressa *quella be- „ nedetta spiegazione*, non è, torno a dire, in odio dell'opinione di Suarez. Di „ quale dunque? Pensateci, e ripensateci, esser non può in odio di verun'altra, „ se non di quella, con cui s'insegnava poterli dal Sacerdote assolvere sacramen- „ talmente il penitente lontano. Questa, a dir vero, data la spiegazione del Sua- „ rez, avrebbe tuttavia potuto in qualche modo reggersi in piè, siccome almeno „ non condannata. L'errore fulminato (avriano potuto continuar a dire i di lei „ difensori) per testimonianza dell'esimio Dottor Suarez non è se non questo: „ che sia lecito questo complesso di cose: cioè che il penitente da lontano si ac- „ cusi, e che il Confessore da lontano l'assolva: questo vuol dire, che quella „ particella *et* debba prenderli *complexive*, *et non divisive*. Or non è questo, che „ noi insegniamo. Noi diciamo soltanto una parte di tal complesso: diciamo che „ solamente dal Confessore il quale udito abbia co' propri orecchi la confessione „ del penitente, può questi esser assoluto in lontananza. Suarez dice, che le par- „ ti prese da sè a suo giudizio non sono dannate. Dannata dunque non è stata „ questa nostra, e n'abbiamo per mallevadore un'uomo sì rispettabile, quant'è „ l'esimio Suarez. Così dire avrebbero potuto quei Teologi: ed' ecco di nuovo „ con ciò in piedi l'antico errore. Or questo è che tollerar non poteva il Vica- „ rio di Gesù Cristo: e perciò con apostolica provvidenza dichiarò: *interpretatio- „ nem P. Suarez non subsistere*. E per togliere ogni rischio, che giammai più in „ avvenire cercasse l'errore suddetto, quasi onorato suo asilo, la *spiegazione di „ Suarez*, si volle per soprappiù, che la sezione, dove questo Teologo l'avea „ infe-

„ inferita , cassata fosse , ed eliminata dal libro : *ideo amovendam esse ab eius li-*
 „ *bro* : la quale economica disposizione , a ben mirarla , torna in credito di *Sua-*
 „ *rez* , giudicato da Paolo V. Teologo di tal peso , che fin a tanto , che della di
 „ lui dottrina in questo genere fosse restato vestigio , correvasi rischio , che a pal-
 „ liarsi , e comparire meno deforme , se ne sarebbe valuto l'errore . “

VII. Plura , & quidem mutuo pugnancia hic infarcit P. Gagna , quæ prius dis-
 cordantes Doctores , Fabri , Gormaz , Raynaudus , Amicus , Coninch , & alii tra-
 didere . Quid prodit *ad benedicta spiegazione* ? Quomodo benedicta explicatio , si
 improbata quatuor decretis pontificiis ? Si vera est interpretatio Suareziana , falsa
 ergo sunt , & iniusta decreta pontificia , quæ declarant *benedictam interpretationem*
non subsistere . Si veridicus & infons Suarez est , iniustitiæ arguendi forent Ponti-
 fices summi , Clemens VIII. & Paulus V. quod vel suspicari scelus est . At inter-
 pretatio , inquit P. Gagna , non in odium Suarez , sed in odium Paludani , Sylve-
 stri , Soto , & aliorum *bonorum & sanctorum* senum (*ed altri di quei buoni e*
santi vecchi) præscripta fuit . Papæ ! Paludanus , Sylvester , Soto , & alii boni san-
 cti senes docuerunt errorem de absolutione mittenda absenti . P. Suarez , antequam
 prodiret primum decretum Clementinum , improbavit talem errorem . Quid factum
 est ? Quatuor decreta pontificia a S. Sede emanarunt contra ipsum Suarez . ob
 impugnata falsam , & defensam veram doctrinam ? Clarius . Hæc decreta sunt
 contra Suarez ; at non in odium Suarez , sed in odium illorum *bonorum & sancto-*
rum senum . Quid plura ? Ne error absolutionis absenti impertiendæ asylum repe-
 riri in sana doctrina P. Suarez posset , summus Pontifex expungendam voluit *bene-*
dictam interpretationem &c. *Quæ apostolica providentia , & æconomica deliberatio ,*
si serio perpendatur , in gloriam eiusdem Suarez recidit , concludit P. Gagna . Dii
 meliora ! Quatuor decreta pontificia , quæ improbant interpretationem *benedictam* ,
 sunt quatuor elogia eiusdem Suarez , quæque illius doctrinam confirmant ; quam-
 quam , ne multi ansam arriperent credendi integrum sacramentum consummari
 inter absentes posse , illam expungendam decreverint Pontifices . Si hæc ratiocina-
 tio consisteret , prohibenda doctrina Augustini esset , quia eadem turpiter abutuntur
 Iansenistæ . Ipsam Scripturam sanctam in pravos sensus detorquent hæretici . Ergo
 ne prohibenda ? Interpretatio Suareziana legitima est , sanamque continet doctri-
 nam : & repetitis Pontificum decretis de medio tollenda iubetur ? Hæc lepidula
 paradoxa digna sunt tanto Scriptore . Plurima alia commenta , fabellas , scomma-
 ta , quæ interlocutorum ore pronuntiat , scribillaque P. Gaspar Ioseph Gagna ;
 prætereo .

§. VII.

Universa controversia paucis perstringitur.

I. **T**homistæ, elabente sæculo xvi, ut testatur P. Suarez, improbarunt sententiam defendentem sacramentum pœnitentiæ consummari inter absentem posse. Perrus Dufay Auctor synchronus testatur, P. Suarez illam propugnasse ut probabilem: & quia auctoritas Doctoris eximii magni pœnderis erat, veriti Thomistæ ne latius talis probabilitas manaret, illam proseribendam denuntiarunt Clementi VIII. Decretum Clementis VIII. intelligendum esse *complexive*, non *divisive*, interpretatus est P. Suarez: quam interpretationem reiecit ipse Clemens VIII. & postea Paulus V.

II. Theologi Societatis contra negant, Doctorem eximium defendisse ante decretum Clementinum, ut probabilem, damnatam sententiam; & Dominicanos; Dufay, Coquetium, Davilam, Nugnum, Alvarez, Baronium, & Gonettum, ceterosque id narrantes, ut fabulatores, & imposturæ, ac calumniæ reos arguunt. Immo propugnant, P. Suarezium oppositam sententiam semper docuisse. Et reipsa omnia exemplaria P. Suarez cuiuscumque editionis, quæ obvia sunt, id testantur. Ergo iniuria summa Thomistæ damnatam opinionem adscribunt Doctori eximio. At instant Thomistæ: Qui fieri potuisset ut P. Suarez interpretaretur decretum contra propriam doctrinam in favorem damnatæ sententiæ? Antequam damnaretur, absolute illam reiecit: & postquam damnata fuit, eam in sensu diviso, ut probabilem, defendit? Et ut illam defenderet, quatuor contra se decreta pontificia extorsit? Ut heinc evaderent adversarii, distinctiones, effugia, commenta, quæ hæcenus narraui, excogitarunt. Iudicent nunc æqui rerum æstimatores, num in hac controversia aliquid arcani latet. Porro, ne diutius lector suspensus hæreat, arcanum refero, & nodum penitus dissolvo.

§. VIII.

Controversia dirimitur. P. Suarez ante decretum Clementis VIII. docuit, probabilem esse opinionem postea proscriptam. Idcirco interpretatus est decretum pontificium in favorem opinionis a se probabilis prius exstimatæ.

I. **S**i quod proposui, authenticis documentis demonstravero, causa finita est, & omnia conciliantur. Porro, ut id evincam, non adducam testimonia Do-
mini-

aut aliorum ope valet. Horum documentorum beneficio omnes evanescunt difficultates. Hactenus *Doctores non convenere*. Equomodo convenire Doctores poterant; si & doctrinam a duobus Pontificibus improbatam, & factum basilice falsum acriter defendebant? Discordia semper fuit aut soror, aut filia falsitatis. Conveniant nunc necessum est. Discordiæ sublatae sunt, manifestata mysteria, referata arcana. Percipi olim nullo modo poterat, quomodo P. Suarez interpretatus fuerit decretum Clementis VIII. in favorem *confessionis epistolæ*, si ante decretum hanc opinionem absolute improbaverat. Hoc arcanum modo evanuit. Mutatum folium est; sed mutata non fuit animi affectio erga probabilitatem talis opinionis. Ante decretum Clementis VIII. defendebatur ut probabilis absolute, seu *complexive*. Post decretum defenditur ut probabilis *divisive*. Et contra hanc interpretationem *complexive*, & *divisive* prodierunt quinque, præter primum, pontificia decreta, quæ etiam *divisive* improbant confessionem epistolarem, atque moribundi casum declarant ab controversia hac disparatum esse. Et ecce terminatam celebrem controversiam, utinam desinant & dissidia.

§. IX.

CONSECTARIUM.

I. **E**Cce, lector cordate, quam verum sit id quod initio animadverti, nonnullos scilicet adversariorum tam absona, peregrina, & inaudita paradoxa publicis typis in lucem edere, quæ, etiam si aureo, mellitiorque stylo repræsententur, lectorum tamen animos vellicant, commovent, offendunt. Quis enim vero iusto Apostolicæ Sedis defendendæ zelo succensus, commotum se non sentiet, dum videt, manibusque tangit, quinque decreta pontificia iniuriis commentis proscindi? Duo Pontifices summi repetitis decretis expungendam interpretationem Suarezianam imperant: & interpretatio Suareziana restituta est, & pluries edita, & ab omnibus legitur. Et quamvis *Doctores discordent* in defendenda dicta Suareziana interpretatione; modo omnes tamen citati conveniunt, manusque sibi mutuas porrigunt, ut constantissime propugnent, nihil in ea interpretatione reperiri cur' debeat expungi: & ideo restituta est. Huc laudati omnes conspirant, Lugo, & Aversa exceptis. Quorsum? Quia *permanet verum quicquid Suarez dixit, quamvis propter honorem Clementis non placuerit dici*. Hoc est principium, & finis. Non est ergo quod stilum nostrum carpant, si pro veritate, & sanctæ Romanæ Sedis decore pugnantes falsa & inconsiderata commenta nativis coloribus depingamus. Quoniam non stilus, ut dixi, sed commenta absona, quæ adversarii evulgant, offendunt, & displicent. Hæc tollantur, & continuo oratio suavis ac benigna evadet.

II. Eorum quæ de cripſi, noviffimum lectorum oculis ſubiicio exemplum. Dum hæc ſcribo, producit *epiſtola Doctōris Sorbonici ad Amicum Belgam*, qua damnatæ Bibliothecæ Ianſenianæ pontificium decretum incredibili audacia laceſſitur. *Epiſtolam hanc perdoctus Philalethes Romanus elegantiffima epiſtola ad Theologum Lovaniſem de iuſta Bibliothecæ Ianſenianæ proſcriptione pro meritis proſtigavit.* Graviffima rationum momenta cur ſit Bibliotheca iſthæc gravi cenſura confixa, perſpicue enucleat: Reverendiſſimum Ricchinium *Sac. Congreg. Ind.* a ſecretis, virum doctrina, eruditione, morumque honeſtate clariſſimum, a putidiſſimis calumniis aſſerit, eiufdemque in hac cauſâ innocentiam media in luce exponit. Quamobrem actum agerem, ſi quid ego adverſus hunc Doctōris Sorbonici epiſtolarem ſetum obſcuriſſimum reponerem. Duo dumtaxat obiter adnotabo. Unum, quod larvatus Sorbonicus veſtigii Raynaudi in proſcindendis tum pontificiis decretis, tum Dominicanis exacte inſiſtat. Conſeras velim lector cum iis quæ ſupra ex Raynaudo, Moya, aliisque recensui, hæc quæ Sorbonicus Doctōr ſcribillat. *Notabitur Romæ? Legetur ergo.* Næ iſtud cæcæ obedientiæ, cuius meminit ipſe Sorbonicus, epiphonema præclarum! *Atque id* (pergit Sorbonicus) *in Ieſuitarum cauſa eo maiori cum veritate dicemus, quod exploratum habemus, quam præpotens Romæ Dominicanorum auctoritas ſit, quantaque hi in Ieſuitis rabie ferantur.* Sunt ſere ipſa Raynaudi verba hiſ diebus a Sorbonico adoptata. Alterum, calumniam mihi impaſſam ſpectat. Proſcribenda Doctōr Sorbonicus *offurit paradoxa P. Concina Ieſuitis; & celeberrimo P. Manſio inſenſiſſima.* Ieſuitis inſenſiſſima præſata paradoxa: Ut calumniæ atrocitas pateat, en quæ Auctor in citatis paradoxis *cap. 1. ſ. 1.* ſub ipſius operis initium ſcribit. „Innanzichè entrare in queſta narrativa, debbo avvertire i miei cortefi leggitori a non confondere gli errori, e traſporti di alcuni privati Geſuiti *con la inſigne e ſanto della Chieſa tutta benemerita Compagnia.* Non v'ha Religione, non v'ha comunità in queſto mondo, dice Agoſtino, che non abbia *ſuoi fiſſos*. . . Si vedrà in effetto, che la narrativa ella è neceſſaria: non è diretta a diſcreditare nè pure i privati rei, non che la inclita innocente Religione, di cui ſono membri, ma a preſervare i Criſtiani meno periti dai loro errori.“

III. Qua igitur fronte paradoxorum liber inſenſiſſimus Ieſuitis traducitur, ſi in eodem Ieſuitæ a duorum, vel trium Ieſuitarum erratis defenduntur, & propugnantur? Perſonatus Sorbonicus Ieſuitis eſt inſenſiſſimus, atque iniurioſiſſimus, cum quorundam ſubditorum lapſus univerſæ Societati aſſingere non erubeſcat. Si Apologiſtæ celeberrimæ Societatis iure ac merito redarguunt Paſchalem, Venedochium, ceterosque, qui aliquorum Ieſuitarum laxas opiniones univerſæ Societati adſcribere non ſunt veriti; nonne iure longe potiori damnanda eſt iniuſticia, & impoſtura huius aut illius Ieſuitæ, qui, ut propriæ curiculæ caveant, pro-

propriis errores Iesuitis indefinite tribuere arte versuta student? Quorsum? Non profecto eo fine, ut Societati detrahant, quemadmodum Paschalis, & Vendrochius, sed ut splendore Societatis eiusdem suas opiniones falsas illustrent; & sub potentis matris clypeo propria commenta impune & audacter tueri valeant. Quoties unius & alterius Iesuitæ errata explodimus, continuo vociferantur in vulgus universam infamari Societatem. Factum istud lippis, & tonsoribus notum est. Cedo: versutior ne excogitari iniustitia, & impostura potest? Quid? Si Iesuita aliquis doctrinam contra fidem, non secus ac contra mores, obfirmate defenderet, atque in hæresim incideret: hæretica ne universa Societas esset? An ab hæresi talis Iesuitæ profliganda abstinere deberemus, ne Societatis splendor obtenebresceret? Quis umquam, nisi insanus, unius privati hominis lapsus regerere in ipsam communitatem ausus est? Et Doctor Sorbonicus Iesuitis insensibilissima paradoxa asserit: quia in iisdem refelluntur unius & alterius Iesuitæ scripta, & acta nota *notorietate iuris & facti*; cum in ipsa urbe Roma pro tribunali damnata sint, atque Auctor salutarium monitorum (*Avvisi Salutevoli*) publica pœnitentia correptus? Istius novi & recentissimi exempli idcirco memini, ut a præmendis vestigiis, quibus institit Sorbonicus, Raynaudi, & Moya, ceteri abstineant. Heinc colliget lector, iniuria summa nonnullos carpere stilum meum, cum totum, quod ipsis displicet, materiæ, quam in dies porrigere non desistunt, & ad eam tractandam adiectis calcaribus cogunt, vertere omnino debeant.

IV. Vix huic paragrapho finem imposueram, cum altera Doctoris Sorbonici *epistola* e tenebris erupit, cuius sola epigraphes, non calamum ad confutationem acuit, sed animum ad lugendum, & mentem ad tremendissima iudicia Dei serio meditanda invitat, atque impellit. Epistolæ inscriptio eiusmodi est. *Dilectis Sorbonici ad Reverendissimum Riccibinium gratiarum actio, quod epistolam Sorbonicam nomine Sacre Congregationis. prescribendo, egregie confirmaverit*. Ex quo cœtu talia prodeunt? Quis talia satur? Lutherus ne, an Calvinus? Baianistæ, an Ianсениstæ? Sed in ipsum tenebrosum epistolæ corpus oculos coniiciamus.

V. Quapropter (pergit Sorbonicus) gratias tibi ago maximas, quod epistolam „ in dicto argumento confirmaveris, palamque feceris, quod iure optimo Germa- „ nia, Polonia, Hungaria, Gallia, Hispania, Lusitania, Italia etiam fere omnis „ decreta hæc vestra, sive Inquisitionis, sive Indicis, sive Magistrî sacri Palatii „ nomen (illis) affigatis, in iis præcipue quæ factiones vestras tangunt, non a „ postolica, sed dominicana decreta & vocent, & reipsa existiment.”

VI. Ven. Cardinalis Bellarminus in aureo suo *de gemitu columbæ* opusculo *Lib. II. cap. vi.* his verbis nos ad columbæ gemitum invitat. „ Quæ autem SS. Patres „ Nazianzenus, Chrysostomus, Hieronymus, & Augustinus de Monachis sui tem- „ poris dicunt, possumus nos etiam dicere de primordiis omnium Ordinum reli-

„gioforum. Nam & sancti Benedicti, & sancti Dominici, & sancti Francisci,
 „& omnium aliorum Sanctorum qui religiosos Ordines instituerunt, filii & ne-
 „potes per multos annos ita sancte, pie, perfecteque vixerunt, ut vel omnes,
 „vel eorum pars maxima insigni sanctitate floruerint. Postea tamen multiplica-
 „ri cœperunt Regulares sine numero, & multi non a Deo vocati ad statum
 „perfectionis, sed aliis rationibus adducti Monasteria repleverunt, & impletum
 „est illud Isaiæ ix. *Multiplicasti gentem, & non magnificasti latitiam*. Inde nata
 „sunt scandala gravia, & multiplicia omnibus nota, quæ materiam uberem præ-
 „bent columbæ gemendi & plangendi relaxationem, ne dicam corruptionem
 „Ordinum religiosorum.“

VII. Quid si hodieum nobiscum vitam degeret præstantissimus BELLARMI-
 NUS? Quas amarissimas lacrymas non effunderet? Quos novos gemituum fontes
 aperiret? Enimvero quandonam aethioris gemitus argumenta? Quandonam scan-
 dala tam horrenda? Quandonam publicis typis prodit scriptum adeo virulentum,
 adeo seditiosum, adeo expudoratum in prima Romanæ Ecclesiæ lumina, in Pur-
 puratos Patres, in ipsum sapientissimum Pontificem Maximum? An heinc schis-
 mata, & hæreses omnes sua orsa non arcessunt? An Calvinus ministrorum par-
 tium studium non obtrudit, ut conciliaria decreta eludat? Sic enim in *prefat. ad*
Antidorum in Concilium Tridentinum, non secus ac Sorbonicus debacchatur.
 „Vestrum est axioma: qualicumque sit cœtus cui nomen universalis Concilii
 „imponitis, illic Spiritum sanctum præsidere, ut nihil inde manare queat nisi
 „cæleste, ac divinum. Interea famelicos & venalis linguæ Monachos præficitis, quos
 „spiritus iste vester, quem fingitis, auscultet . . . Cur non aperte fatentur, quod
 „res est? Monachos decem aut viginti, quorum conductas habent operas, decreta con-
 „sarcinare, Papam censorio stilo confodere, si quid non arridet, cetera comproba-
 „re: nihil aliud Concilio reliquum quam onus promulgandi.“

VIII. Nemo non videt, quam sint & Calvini, & Doctoris Sorbonici simillima axio-
 mata. Si Principum, Regum, Imperatorum, Pontificum decreta a ministrorum no-
 mine appellanda, æstimanda, atque adeo contemnenda sunt, actum conclamatum-
 que de supremis potestatibus est. Familiare semper fuit seditiosis & perduellibus in
 supremas potestates per ministrorum latus tela iaculare. Quo ministri iustitiam &
 bonum commune valentius promovent, eo sunt scelestis infestiores.

IX. Aliud acerbissimi gemitus, & ululatus argumentum porrigit Sorbonicus,
 Ministrum pontificium alloquens. Qui te diligunt, inquit, sperabant fore ut, ve-
 hementissime pœniteret, & *Danielis Concinae* nescio cuius domesticum exemplar secu-
 tus publicam RETRACTATIONEM emitteres. Quot in uno facinore scelera? E-
 xemplar imitationis proponit *Retractionem* a supremo sacrosanctæ Romanæ In-
 quisitionis tribunali proscriptam? Domesticum exemplar vocat, quod a suis consi-
 mi-

milibus exaratum, evulgatum, atque post ipsam damnationem. iterato typis Lucensibus editum, & propriis manibus turpi nundinatione divenditum? Unum verum, quod fletus in aurem tuam dico, o Sorbonice, ausculta. Unde prodierit infamis illa *Retractatio* universæ Reipublicæ Litterariæ compertum est. Nomen & cognomen Auctoris, qui illam scripsit, & aliorum, qui discipulis illam dictarunt in scholis; typographi qui illam impressi; editoris qui illam repetitis typis Lucensibus post damnationem evulgavit, & plura alia eiusmodi abscondita hætenus retinimus, & ut Sorbonæ tuæ honori consuleremus, & ut moderationis nostræ novum exhiberemus testimonium. Verum si tu, o Sorbonice, aut tui similes, scandala in Ecclesia IESU Christi multiplicare perrexeritis, non deerunt, crede mihi, qui carnalis prudentiæ, & mundanæ, politicæ ratiunculis spretis, sed Dei spiritu, & fortitudine evangelica obarmati murum se opposituri sint pro domo Dei, & dicta arcana patefaciant.

X. Uberiorem vero nobis lacrymarum materiam porrigit quod Doctor iste Sorbonicus in dies audacius insolescens a sua Sorbona non vapulet, non plectatur publice, non eiciatur. Plangentes, & ululantes servi IESU Christi ultro citroque sciscitabantur: Undenam tanta insultandi ipsis supremis potestatibus inaudita protervitas? Ex fiducia, inquebant aliqui, in patronorum præsidio. At qui, malum, reperiri poterunt, reponēbant alii, qui delinquenti ad seditionem & perduellionem adeo effrenate provocanti patrocinari velint? Undenam ergo? Ex divina, concludere omnes, iustitia, quæ & cæcitatē plaga percutit superbiam, & talium scandalorum permissione omnes nos ad planctum & gemitum excitat, ut placare succensum divinæ iustitiæ furem corde contrito & humiliato satagamus, ne post hucusque patrata, futura, quæ portendunt; eveniant. *Imploremus* (igitur concludit Bellarminus Lib. II. cap. v. pag. 205.) *Hieremiæ lacrymas, & dicamus: Quomodo obscuratum est aurum, mutatus est color optimus?*

§. X.

Defenditur P. Suarez contra Viva; La-Croix, Gormaz, Raynaudum, Fabrum, Amicum. Confessio epistolæ in sensu etiam divisivo improbata est decretis pontificiis. Expungenda itaque est sectio restituta. Confessarii monentur de improbabilitate talis opinionis, ne eadem utantur.

- I. Quid P. Suarez defenderit ut probabilem ante decretum Clementis VIII. confessionem epistolarem, prudentum nemo mirari debet: tum quod qui
Tom. IX. Qq iij li.

libet mortalis errori obnoxius est : tum quod P. Suarez pro se habebat auctoritatem antiquorum Thomistarum, & quidem magni nominis, ut sunt Petrus de Taranasia Pontifex summus, Paludanus, S. Antoninus, Petrus Soto, alique. Hos ego aliquid humani passos esse, & talem opinionem docuisse candide fateor, nec subscribo P. Vincentio Baronio, & P. Joanni Baptistæ Gonet, ad hoc quod attinet. Hæc mea sincera confessio, quam firm a partium studio alienus, evincit. Simul tamen assero, Dufay, Nugnum, Alvarez, Davilam, Baronium, Gonetum, aliosque Dominicanos & sanam doctrinam, & historicam veritatem contra P. Suarez, aliosque inclityæ Societatis Theologos defendisse. Altius quippe animo meo insidet præclarum monitum sapientissimi Magistri CANO *Lib. VII. cap. 111.* iniquiens : *Proposuit enim veri rependi causa, & contra nostros, & pro alienis etiam dicere, & cum res postulat, utrosque, nullius accepta persona, reprehendere.*

II. Excusandus similiter est P. Suarez, quod interpretatus sit primum decretum Clementis VIII. in favorem opinionis quam prius ut probabilent defenderat, maxime propter auctoritatem Thomistarum. Nonne communiter adversarii clamant se defendere Probabilissimum propter auctoritatem antiquorum Thomistarum? Quid ergo mirum, si idem præstitit & P. Suarez? Verum quod adversarii velint sequi paucos Dominicanos antiquos errantes, & nolint nunc sequi integrum Dominicanorum Ordinem contra Probabilissimum, & contra confessionem epistolarem, quinque pontificiis decretis improbatam, strenue pugnantem, hoc admirationem ingerit extremam.

III. Præfata omnia excusanda iudico in Doctore eximio P. Suarez, quem magni semper feci & faciam, & vix umquam sine laudis præfatione nominavi : nec in eiusdem nævos ego sponte inquisivi umquam, quidquid nonnulli garriant; sed necessitate, & quidem extrema, coactus aliquos patefeci. Quid plura? Ipsum P. Suarez cum Camargo, & Morino a laxa Probabilissimi doctrina vindicare studui contra recentiores, qui Probabilissimam eundem volunt. Excuso, inquam, illum in iis quæ nunc recensui; at simul dico illum errasse. Quid? Erravit Innocentius V. erravit Paludanus, erravit Cardinalis Turrecremata, erravit S. Antoninus, erravit Petrus Soto : & unus P. Suarez non erravit? Sed quid dico Suarez? Nolunt aliqui, vel ipsum Busembaum, vel ipsum Stoz, aut Burgaber errasse. Quod quam prudens sit consilium, ceteri iudicent.

IV. Addo, hoc unum excusatione dignum non videri imbecillitati meæ, quod, ut promiserat P. Suarez in sua interpretatione, quam supra rescripti, non paruerit pontificiis decretis, talem interpretationem expungendam iubentibus. Quid? Non paruit? Quis hoc dicit? P. Moya, P. Gormaz, cuius verba supra dedi, & iterum sub oculos revoco : sic enim *cite dis. v. sec. 1. §. 2. num. 143.* loquitur P.

Gor.

Gormaz. *Ceterum cum, deficiente fine legis, lex deficiat &c.* Quapropter, cum antequam e vivis discessisset eximius Doctor, iterum ejus opera typis data essent Lugduni anno 1613. *TOTA ea doctrina, INTEGRA* sed. IV. disp. XXI. in totum restituta fuit. Decreta Clementis VIII. & Pauli V. totam sectionem expungendam imperarunt. Expuncta reipsa fuit; sed in sequenti editione tota restituta.

V. Non levia videntur hæc; sed graviora sunt quæ inde sequuntur. Doctrina P. Suarez de confessione epistolari *divisive* accepta, & a successoribus propugnata prævalere cœpit: & propterea *sectio tota* restituta fuit. Quis hoc dicit? Recita. P. Moya *tract.* 111. *de sacr. pœnit. disp.* VI. *quæst.* 11. *num.* 12. *pag.* 257. *Respondeo, Clementis decretum non ob illius falsitatem, sed ob aliud longe diversum motivum prædiisse: quo proinde lapsu temporis cessante, expositio primo adhibita INVALUIT, & in novis editionibus fuit restituta. Quodnam fuerit, non conveniunt Doctores.* Non conveniunt Doctores, quodnam fuerit motivum prohibitionis; sed conveniunt, quod *sectio & doctrina, quinque pontificiis decretis improbatæ, sit restituta.*

VI. Porro hoc maxime mihi, & bonis omnibus displicet, quod scilicet opinio toties a S. Sede Apostolica reiecta invaluerit, invaleatque. Quare monendos Confessarios duxi, ne auctoritate sive P. Suarez, sive Moya, sive Amici, sive Raynaudi, sive La-Croix, sive aliorum decepti, talem opinionem de confessione epistolari pœnitentis absentis sequantur. Quoniam, sive *complexive* accipiat, nempe cum & confessio scripta mittitur ad Confessarium, & Confessarius mittit scripto absolutionem ad pœnitentem, quo in sensu opinio damnata est primo decreto Clementis VIII. sive *divisive*, quando scilicet pœnitens mittit per epistolam sua peccata ad Confessarium, qui postea adeat pœnitentem, eumque præsentem absolvat; vel contra Confessarius audiat a pœnitente præsentem sua peccata, & postea per epistolam mittat absolutionem: in quolibet horum sensuum doctrina est improbatæ quatuor decretis pontificiis, uno, nempe secundo ipsius Clementis, & tribus Pauli V.

VII. Non potuit itaque absque & iniuria Sedis Apostolicæ, ut ego quidem arbitror, & mecum arbitrabuntur sapientes omnes, & absque detrimento sanæ doctrinæ restitui *sectio* Suareziana, quæ expungi iure deberet. Ceterum, ad hoc quod attinet, num scilicet expungenda nunc sit & ob decorẽ S. Sedis Apostolicæ, cuius quinque decreta videntur delusa, & ob veritatis defensionem; illi quorum interest, viderint. Siquidem quod in præfata *sectione* contineatur doctrina falsa, non solum evincunt quinque decreta pontificia, non solum id hætenus demonstrarunt Theologi Dominicani; sed adfirmant vel ipsi duo percelebres Theologi Iesuitæ, Averfa, & Cardinalis de Lugo, qui *disp.* XVI. *scr.* 4. *num.* 65. hæc scribit. „Hæc interpretatio reiecta fuit primum ab ipso Clemente (cuius decre-

„tum dedi) & postea a Paulo V. die 4. Iulii an. 1555. declarante in Congrega-
 „tione S. Officii, prædictam interpretationem non subsistere. Et quidem ex ipsius
 „decreti verbis, & eius intentione apparet, mentem Pontificis non fuisse solum
 „copulativam prohibere: alioquin posset, salvo eodem decreto, aliquis adhuc dicere,
 „posse absolutionem absenti conferri, dummodo in præsentia confessio præcessisset;
 „quod tamen nemo concedet: quia Pontifex utrumque abusum voluit de medio
 „tollerere; quod facere non poterat, si solum sensum copulativum prohiberet:
 „immo tunc neutrum abusum abstulisset: singula enim seorsim fierent, modo
 „hoc, modo illud.“ Similia docet P. Gabriel Aversa *quest. x. de poenit. sec. 17. §.*
Huc autem. Ergo expungenda est sectio Suareziana.

VIII. Displicet hæc duorum Sociorum secessio P. Theophylo Raynaudo *cit. diff. cap. ix. pag. 211.* iniquitati: *Abiiciunt bastam Cardinalis de Lugo Disp. 8cc. & Aversa . . . qui ob hæc posteriora decreta censent aliter esse interpretandum decretum Clementis quam Suarez sit interpretatus.* Hæstia profecto abiicienda est in veritatis refulgentis conspectu: alioquin contra veritatem Doctores non conveniunt, & regnum dividitur. Utinam hac in re consilium Cardinalis de Lugo secuti ceteri fuissent. Sed bellum successit, & tandem aliquando documenta allata sunt, quæ finem controversiæ imponunt, & discrepantes Doctores in dulce amicitiaæ sœdus consociant. Faxit Deus ut votis meis eventus respondeat.

C A P U T III.

Nonnullæ aliæ quæstionculæ de absolutionis forma pronuntianda, & repetenda.

I. **A**bsolutio sacramentalis vocalis sit necessum est, verbis scilicet prolata, non nutibus, aut scripto data. Idque ex apostolica traditione, ex Conciliis Florentino, & Tridentino evidenter patet.

II. Quæst. I. *Quanam præsentia pœnitentis requiritur, ut impendi absolutio possit?* Resp. non esse semper necessariam præsentiam physicam, qua pœnitens pedibus Confessarii procumbat; sed sat esse potest præsentia moralis. At non una est Theologorum sententia, in qua distantia hæc moralis præsentia sita sit. Communiter docent, illam præsentiam sufficere ad absolutionem impertiendam quæ sufficere solet inter homines ad colloquendum voce altiori invicem in communi sermone. Aliqui volunt satis esse, si Sacerdos videat pœnitentem, aut aliquo sensu eundem percipiat. Sed hæc opinio, ut nimis laxa, communiter improbat. Heinc enim sequeretur posse Confessarium residentem in uno perampli templi angulo absolvere pœnitentem extantem in altera extrema templi parte: quod est apertum absurdum.

III. Quæst. II. *An Sacerdos qui e fenestra videt aut naufragantem, aut vulneratum animam agere, possit eum absolvere?* Resp. Si tempus desit, quo Sacerdos descendere, & adire moribundos istos valeat, & mortis articulus urgeat, potest eos absolvere; dummodo nimia distantia non sit, sed ea quæ sufficit ad communem colloctionem voce elata. In hoc casu, si opus fuerit, adhiberi absolutio condicionalis poterit.

IV. Si Sacerdos videat plures naufragantes, poterit unica absolutione illos absolvere, dummodo cetera adsint; sicuti diximus, posse plures simul baptizare. Disputant Casuistæ, num Confessarius, qui interlocutionibus distractus, omisit absolvere moribundum confessum, & post discessum a domo moribundi recordatur omisissæ absolutionis, & in distantia 20. passuum se obvertit versus illam domum, & absolutionem pronuntiat, valide absolvat? Communiter docent, nullam esse absolutionem ob defectum moralis præsentis.

V. Quæst. III. *Quomodo se gerere Confessarius debet, quando oblitus est pœnitentem absolvere?* Resp. Si pœnitens a confessionali discesserit, & parum distet, ita ut moraliter præsens sit Confessario, eum absolvi posse, docent communiter Auctores, quando revocari commode nequit. Ut mea tamen præfert opinio, Confessarius hoc in casu omnem adhibere diligentiam debet, ut pœnitentem revocet, eumque moneat absolutionis oblitus, & ad absolutionem suscipiendam disponat. Si vero id nullo modo fieri possit, distet opinioni subscriberem. Si enim Confessarius e fenestra absolvere moribundum parum distantem potest; cur non poterit absolvere pœnitentem quem dispositum iudicavit, & moraliter præsentem habet? Heinc si pœnitentem, antequam integram absolutionem pronunties, discedere contingat, persequi absolutionem debes. Semper tamen, dum potest, monendus est pœnitens, ut demisso animo, & procumbens integram absolutionem suscipiat. Si pœnitens omnino discessit, ita ut moraliter præsens amplius non fuerit, debes diligentiam adhibere, ut monere possis, tuamque oblivionem fateri, & absolutionem impetiri. Verum hæc perraro accidunt: ideo prætereunda. Si oblitus fueris absolvere ab excommunicatione & censura; etiam absentem, si opus fuerit, absolvere poteris, dummodo facultate præditus sis.

VI. Quæst. IV. *Quandonam danda est absolutio?* Resp. Absolutio danda est statim post confessionem completam: quia absolutio est ultima sententia iudicii sacramentalis. Præmittere tamen, quando opus fuerit, admonitiones, & exhortationes Confessarius debet. Simultas enim materis, & formæ, moralis, non physica; semper pro conficiendis sacramentis requiritur. Causæ excusantes ab integritate confessionis supra explicatæ sunt diff. 11.

VII. Quæst. V. *Quandonam repetenda absolutio est?* Resp. Quando pœnitens in eadem confessione post primam absolutionem recordatur alicuius peccati mortalis, illud-

illudque confitetur, repetenda absolutio est. Item quando nova mortalis circumstantia, seu graviter aggravans, & quando numerus maior peccatorum mortalium a pœnitente exponitur: est enim tum nova materia necessaria; ideo contritio, & absolutio repeti debet. Animadvertendum tamen, num pœnitens bona fide egerit priorem confessionem. Nam si culpabiliter oblitus est alicuius peccati mortalis, aut mortalis circumstantiæ, tum confessio integra repetenda est. Quando Confessarius prudenter dubitat se a solutionem protulisse, debet, ut dictum supra est, disponere pœnitentem, ut instauret contritionem, eaque absoluta absolutionem impertiri. Iuniores hoc in casu confugiunt ad absolutionem conditionalem. Verum usus istius conditionatæ absolutionis extra necessitatis casum mihi non probatur, ut alias dixi. Quando Confessarius dubitat se distractum pronuntiasse absolutionem, non debet eam repetere: quia distractio etiam voluntaria non impedit absolutionis valorem, dum intentio adsit absolvendi; peccaret tamen qui voluntarie distractus absolutionem impertiret. Num mortaliter? Tamburinus, Gobat, Sporer non audent te culpæ mortalis damnare: & ego non audeo te liberare a gravi culpa. Sat est te scire certo peccare, dum voluntarie distractus absolvis. Confines istius maliæ mihi ignota sunt: ideo absque periculo nequeo certo adfirmare, vel certo negare te peccaturum mortaliter. Quid ergo? Quid? Cavendum tibi est a voluntaria distractione.

VIII. Fatentur omnes, peccatum mortale esse genere suo, repetere absolutionem in eadem confessione super eadem peccata, nisi adsit rationabilis repetitionis causa. Vix tamen crediderim aliquem repertum iri qui in hoc genere mortaliter peccet. Nam quis est qui absque causa repetere absolutionem velit? Quando autem Confessarius anxius est, protulerit ne absolutionem, & angustiis exagitur; quis gravis culpæ eum damnaverit, si deliberet absolutionem impertiri ad maiorem securitatem? Certe minus malum est absolutionem repetere quando repetenda non esset, quam omittere quando impetitienda foret. Quando igitur bona fide, ut ab angustiis se liberet Confessarius, absolutionem repetit, non infert iniuriam sacramento. Ad summum peccare venialiter posset ob levitatem animi. Diligentia tamen adhibenda est & vigilantia in tanti sacramenti administratione.

IX. Absolutioni a peccatis præmittenda est absolutio a censuris. Qui hunc ordinem voluntatiæ præteriret, peccaret mortaliter contra præceptum Ecclesiæ in re gravi. In articulo mortis dicere poteris: *Ego absolvo te a censuris, & peccatis*. Si pœnitens manifestaret peccata, & occultaret censuras; peccaret, & eius confessio invalida esset ob defectum dispositionis. Si tamen suas ignoraret censuras, valida esset absolutio a peccatis: & solum manifestare censuras teneretur, cum recordaretur. Quando Confessarius potestate præditus in censuras intendit absolvere pœnitentem, ignarum censurarum, ab omni censura, etiam si postea has cen-

suras

furas dignoscat, eum non teneri illas manifestare, permulti docent: quia iam ab eisdem absolutus est. Tutius tamen est ut poenitens, quando recordatur, eas manifestet: & in re sacramentaria tutiora, dum de valore sacramentorum agitur, semper amplectenda sunt; siue valor a forma & materia, siue a iurisdictione pendeat. De absolutione moribundi vide supra *diff. 11. cap. xi.*

C A P U T IV.

Vera peccatoris conversi idea, quam concipere Confessarius debet, ut absolutionem sacramentalem impertiri possit.

I FAcillima haecenus de absolutione disputavi: quæ sequuntur, gravissima sunt; & summopere expendenda. Omnes testantur ad validam absolutionem impertiendam requiri ut poenitens absolvendus detestetur peccatum; ut ab amore creaturæ conversus sit ad amorem Creatoris; ut eius cor vacuum omnino sit affectu erga quodcumque peccatum grave. Hanc conversionis ideam perspectam habere Confessarius debet, antequam reum absolvat. Unde hanc ille christianæ conversionis imaginem colligere poterit? Ex libris quorundam Casuistarum? Nequaquam. Unde ergo? Ex libris sanctis, unde omnes Theologi suas eruere præceptiones debent. Libro superiore *diff. 111. cap. xiii.* exposui imaginem iustificationis christianæ. In præsentia ex Scripturis, & ex SS. Ecclesiæ Patribus, atque præclarissimis ultimæ ætatis Theologis, distinctis ss. depingam christianæ conversionis argumenta & signa, quæ considerare Confessarius debet, antequam absolutionem impertiat. Unum a lectore iure peto & enixe flagito, ut in gravissima causa excusare prolixitatem velit, memor communis axiomatis: *Numquam nimis quod numquam satis.*

§. I.

Imago veræ conversionis a peccato ad Deum ex Scripturis sanctis, ut absolutionem sacramentalem impertiri Confessarius valeat.

ILLis dumtaxat peccatoribus Deus veniam spondet qui toto corde ad illum convertuntur, ut *Deut. cap. 10.* habetur. Cum quæseris Dominum... invenies eum; si tamen toto corde quæseris eum, & tota tribulatione animæ tuæ. Rursus *cap. xxx.* Cum ergo... ductus poenitudine cordis tui, in universis gentibus in quas disper-

dispergit te Dominus Deus tuus, reversus fueris ad eum, & obediens eius imperiis, sicut ego hodie præcipio tibi, cum filiis tuis in toto corde tuo, & in tota anima tua; reducet Dominus Deus tuus captivitatem tuam, ac miserebitur tui. Iterum III. Reg. cap. VIII. Si reversi fuerint ad te in universo corde suo, & in tota anima sua... exaudies in calo... & propitiaberis populo tuo, qui peccavit tibi, & omnibus iniquitatibus eorum, quibus prævaricati sunt in te. Tandem Joel. cap. II. Convertimini ad me in toto corde vestro, in ieiunio, & in fletu, & in planctu, & scindite corda vestra. Propheta Isaias cap. I. Lavamini, mundi estote, auferte malum cogitationum vestrarum ab oculis meis, quiescite agere perverse, discite bene facere, querite iudicium, subvenite oppresso, iudicate pupillo; defendite viduam. Ieremias Propheta cap. IV. Circumcidimini Domino, & auferte præputium cordium vestrorum... Super hoc accingite vos ciliciis, plangite, & ululate. Rursus Ezechiel Propheta cap. XLIII. Proiците a vobis omnes prævaricationes vestras, in quibus prævaricati estis, & facite vobis cor novum, & spiritum novum.

II. Pauca adiiciamus ex Apostolo Paulo ad Rom. cap. VI. Quid ergo dicemus? Permanebimus in peccato, ut gratia abundet? Absit. Qui ergo mortui sumus peccato, quomodo adhuc vivimus in illo? An ignoratis quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem, ut quomodo Christus surrexit a mortuis per gloriam Patris, ita & nos in novitate vite ambulemus... Hoc scientes, quia vetus homo noster simul crucifixus est, ut destruat corpus peccati, & ultra non serviamus peccato. Qui enim mortuus est, iustificatus est a peccato... Scientes, quod Christus resurgens ex mortuis iam non moritur, mors illi ultra non dominabitur... Ita & vos existimate mortuos quidem esse peccato, viventes autem Deo in Christo Iesu Domino nostro... Non ergo regnet peccatum in vestro mortali corpore, ut obediat concupiscentiis vestris. Sed neque exhibeatis membra vestra arma iniquitatis peccato; sed exhibete vos Deo, tamquam ex mortuis viventes, & membra vestra arma iustitiæ Deo... Sicut enim exhibuistis membra vestra servire immunditie & iniquitati ad iniquitatem; ita nunc exhibete membra vestra servire iustitiæ in sanctificationem.

III. En imaginem, non casuisticis fucis adumbratam, sed Prophetarum; & Apostolorum penicillo formatam, in quam animum serio intendere Confessarius debet, ut colligere heine valeat, num eiusmodi lineamenta & characteres in animo poenitentis absolvendi appareant. Habes hic plenam, & integram cordis, & animi totius mutationem. Hæc autem vera, & integra animi mutatio foras erumpit, fructus parit, & in ipsa membra corporis, scelerum socii & complices, severe animadvertit. Oculos lascivos lacrymis affligit, vultum sibiio delibutum ad

capiendas animas mœstitia & pallore comprimit, & cetera membra, quæ immunditiei, luxuriæ, ebrietati, crapulæ indulgere, ciliciis, ieiuniis, & disciplinis torquet, cruciat, deprimit. Pompas, luxum, fastum in mœstitiæ, doloris, planctus, & ululatus apparatus transmutat. Hæc sunt argumenta conversionis peccatoris absolvendi. Hæc signa sinceræ conversionis, quæ præire absolutioni sacramentali debent. Nullus hic tergiversationi locus, nulla ad effugium latebra occurrit. Ad istius conversionis exemplar oculos convertere o Sacerdos debes, ut deprehendere queas, num in peccatore absolvendo præter propter appareant præfata conversionis sinceræ signa. Tu ex lectione plurium Casuistarum imaginem christianæ conversionis peccatoris absolvendi forsitan diversam præconceptam in mente, altiusque animo infixam habes. Verum iudicium absolutionis sacramentalis non ad vagam, & fallacem hominum regulam, sed ad normam, quam tibi Scripturæ sanctæ descriptam perhibent, formæ astringeris. Supremus enim iudex Christus Dominus rationem a te decepti gregis exiget, & iudicium tremendum in te pronuntiabit, non iuxta Moralistarum opiniones, sed secundum Scripturas sanctas, quas tibi scrutandas meditandasque porrexit. Lege quæ alibi scripsi de vera peccatoris iustificacione.

§ II.

*Ex sanctis Ecclesiæ Doctõribus plena pœnitentis
absolvendi conversio explicatur.*

I. **O**Mnes pœnitentes testantur Confessario, se toto corde, totaque anima peccatum detestari; & post dies paucos illa ipsa amplectuntur. Hanc illorum ementitam voluntatem, & conversionem sic carpit *Lib. VIII. Confess. cap. ix.* S. Augustinus. Unde hoc monstrum? & quare istud? Imperat animus corpori, & paret statim: imperat animus sibi, & resistit. Imperat animus ut moveatur manus, & tanta est facilitas, ut vix a servitio discernatur imperium. Et animus, animus est; manus autem corpus est. Imperat animus ut velit animus, nec alter est, nec facit tamen. Unde hoc monstrum? & quare istud? Imperat, inquam, ut velit, qui non imperaret, nisi vellet; & non fit quod imperat. Sed non ex toto corde vult: ergo non ex toto imperat. Nam in tantum imperat, in quantum vult: & in tantum non fit quod imperat, in quantum non vult. Quoniam voluntas imperat, ut fit voluntas, nec alia, sed ipsa. Non utique plena imperat, ideo non est quod imperat. Nam si plena esset, nec imperaret ut esset, quia iam esset. Non igitur monstrum parum velle, parum nolle; sed ægritudo animi est, quia non totus assur-

affurgit veritate sublevatus, consuetudine pręgravatus. Et ideo sunt duę voluntates, quia una earum tota non est, & hoc adest alteri quod deest alteri.

II. Acutam S. Augustini argumentationem confirmat communis hominum sensus in singulis humanę vitę officiis. Quis dixerit. eum plene & ex toto corde velle qui id non exequitur quod se velle testatur, si in potestate ipsius sit ut fiat? Duo quippe ad executionem promissi requiruntur, potestas, & voluntas. Quodnam in peccatore deest? An potestas? Absit hoc asserere, clamant omnes Theologi catholici, & maxime probabilistę, qui etiam obcęcatis & induratis semper auxilia sufficientia prompta concedunt. Adest ergo potestas. Et non fit quod se velle facere pęnitentes aiunt? Ergo deest voluntas. Ergo ficta & larvata est, quam ementiuntur, voluntas. Quamobrem scite S. Thomas 1. 2. *quest. xx. art. 4.* docet. *Non est perfecta voluntas, nisi sit talis quę data opportunitate operetur.* An miles pleno corde anhelans gloriam omnia non pręstat huic fini assequendo consentanea? An avarus aliquid eorum negligit quę comparandis divitiis necessaria iudicat? An infirmus vel amariora medicamina non deglutit, cum plena voluntate sanitatem desiderat? Si itaque peccatores toto corde, plenaque voluntate reformare mores suos vellent, nihil eorum omitterent quę huic fini assequendo conducunt. Pręsertim quod maiori ardore, & potentiori conatu, & diligentiori studio velle emendationem suam per mandatorum observantiam debeant, quam miles gloriam, quam avarus aurum, quam infirmus sanitatem.

III. Caveas ergo, o Confessari, fidem pęnitenti adhibere, qui, cum possit se se emendare, recusat ab iis abstinere quę cum emendatione pugnant. Experientia diuturna didicit, ludos, comędias, amicitias, illecebras muliercularum esse suorum relapsuum causam. Hęc abrumpere iniquitatis fœdera negligit. Ergo ex toto corde non vult emendationem. Habent, inquis, pęnitentes plenam se se emendandi voluntatem, dum confitentur; sed postea humanę ægritudinis inconstantia eandem mutant.

IV. Hęc est vanissima hallucinatio, eo perniciosior, quō frequentior. Plenam & constantem deliberationem humanam mutari posse nemo inficiatur. At hoc raro accidit, ut omnes iusti testantur. Cedo: cur contingit avaros, lutores, libidinosos raro mutari? Quia, respondet Propheta Psal. lxxii. *transferunt in affectum cordis*: quia voluntas fornicandi, divitias acquirendi, easque in ludos expendendi, plena est, & dominatur in eosdem. Cur veri iusti, casti, sinceri, ingenui raro labuntur, raro aut numquam mentiuntur, raro aut numquam fornicantur? Quia voluntas illorum plena est, integra, & constans. Ergo voluntas pęnitentium, quam plenam, dum confitentur, ostentant, quamque frequenter & frequentissime mutant, non est voluntas plena & firma, sed debilis, infirma, & mera velleitas, ex mero servili timore extorta, & amore virtutis, iustitię,

&

& Dei penitus vacua. Cur Iudæi inconstantes fuere in Dei obsequio? *Cito defecerunt* (inquit David Psal. cv.) *obliti sunt operum eius, & non sustinuerunt consilium eius.* Quia ex mero timore, minime ex amore, Deo inserviebant. Imbecillis est humana natura, fragilis, mutabilis. At gratia Dei, & debita vigilantia robusta, & dominans evadit. Quid fragilitatem obtrudis, clamat *hom. xxviii. inter l. nunc ser. xvii. S. Augustinus? Vitrum, etsi fragile est, tamen servatum diu durat. Invenies calices ab avis, & proavis, in quibus bibunt nepotes. Tanta fragilitas custodita est per annos.* Urgeo iterum. Numquid in solo æternæ salutis negotio inconstans & mutabilis homo est? Cur in aliis quibuslibet negotiis raro recedit ab eo quod sincere & toto corde concepit, & deliberate promisit, nisi promissæ rationes mutantur, vel circumstantiæ? Quia licet mutabilis, & imbecillis sit, tamen quando tota voluntate, plenoque animo vult, revera id præstat quod toto corde promisit. In solo unico gravissimoque æternæ salutis negotio pleno corde promittit, non homini, sed Deo morum emendationem; & post paucos dies mendax, perfidus, rebellis evadit? Quænam tam subitæ, & frequentis mutationis causa? Potestatis defectus? Absit. Mutatio circumstantiarum, aut finis? Minime. Nam idem Deus, qui prohibet, idem infernus, idem paradiscus, eadem scelerum malitia, eadem emendationis sanctitas. Quid quod in hoc negotio unico præ ceteris prompta adsunt divina auxilia, & sacramentum ipsum pœnitentiæ gratiam sanantem, & roborantem confert? Ergo evidens est, pœnitentes frequenter relabentes in eadem scelera, ideo non emendari, quia toto corde, & plena voluntate nolunt emendationem. Ergo imprudenter Confessarii fidem pœnitentium dictis adhibent, cum illorum frequentes relapsus fallacia eiusmodi promissæ evincant. Prona natura est ad voluptates, ad illecebras, ad delicias; repugnat vero virtuti, & rebus cælestibus. Esto. Et tamen ab his omnibus abstinent homines mundani, ut uni soli passioni inserviant. Quæ non sustinet miles, ut gloriam assequatur mendacem? quæ non perfert mercator, ut ditescat? quæ non patitur luxuriosus, ut brutescat; lusor, ut victor evadat? Et regnum cælorum, quod vim patitur, indipsi absque labore, & dolore contendis? O stultorum omnium stultissimus, si id credis!

§. III.

*Pauci ex peccatoribus recidiuis, & consuetudinariis re-
vera detestantur peccatum. Pauci exequi media
volunt ad veram conversionem necessaria.*

I. **U**T pœnitens convenienti odio prosequatur peccatum, peccati malitiam meditari debet. Qui fornicatur, qui peierat, qui polluitur, Deum ultimum finem & principium omnium bonorum vilissimæ creaturæ, immo momentaneæ brutali voluptati postponit, suumque Deum reipsa in horrido vitio constituit. Audiamus Tertullianum de pœnit. cap. v. ubi hæc habet. *Non leviter in Dominum peccat qui cum amulo eius diabolo pœnitentia renuntiasset, & hoc nomine illum Domino subiecisset, rursus eundem regressu suo erigit. . . . Nonne, quod dicere quoque periculosum est, sed ad ædificationem proferendum est, diabolum Domino præponit? Comparationem enim videtur egisse, qui utrumque cognoveris, & iudicato pronuntiasset, cum meliorem cuius se rursus esse maluerit.* Per peccatum mortale a Deo recedit peccator, fœdus in baptismo cum Iesu Christo initum frangit, æternam repudiat hereditatem, ut spurcis huius mundi voluptatibus ad pauca fruatur momenta. Apostolus Paulus Hebr. cap. x. declarat, peccatorem Filium Dei concubare, redemptionis sanguinem contemnere, & gratiæ contumeliam inferre. *Quanto magis putatis deteriora mereri supplicia qui Filium Dei concubaverit, & sanguinem testamenti pollutum duxerit, in quo sanctificatus est, & Spiritui gratia contumeliam fecerit?* Porro, ut peccator in pristinam cum Deo amicitiam redeat, pœnitentia, quæ fructus edat, delere contractam peccati maculam debet. *Facite fructus dignos pœnitentiæ,* inquit Matth. III. Quos fructus enumerat Paulus II. Cor. vii. his verbis. *Ecce enim hoc ipsum secundum Deum contristari vos, quantam in vobis operatur sollicitudinem; sed defensionem, sed indignationem, sed simorem, sed desiderium, sed emulationem, sed vindictam.*

II. Cum interna peccatoris conversio ignota Confessariis sit, ad hæc veræ conversionis, & pœnitentiæ christianæ signa convertere serio oculos debent, antequam sententiam absolutionis pronuntient. *Pœnitere* (inquit S. Augustinus sive Auctor de ver. & fal. pœnit. cap. xix.) est pœnam tenere, ut semper puniat in se ulciscendo quod commisit peccando. . . . Pœnitentia est vindicta semper puniens in se quod dolet commisisse.

III. Sed ipsius Tridentini Concilii sess. xiv. cap. ii. verba sub oculos revocemus. *Plenam & integram peccatorum omnium remissionem consequentes, (per baptismum) ad quam tamen novitatem, & integritatem, per sacramentum pœnitentiæ*

tia sine magnis nostris fletibus, & laboribus, divina id exigente iustitia, pervenire nequaquam possumus; ut merito pœnitentia laboriosus quidam baptismus a sanctis Patribus dictus fuerit.

IV. Piissimus, atque doctissimus Episcopus Atrebatensis in sua *instru. cap. 11.* hæc inter plura docet. „ Quisquis animum advertere voluerit, non poterit non „ deprehendere . . . paucissimas esse inter Christianos pœnitentias, quæ notas „ præferant quas hic exigit (*Synodus Tridentina*) ut veræ sint: adcoque plera- „ que earum quibus hoc nomen tribuitur, non esse nisi pœnitentiarum species, „ & phantasmata. Proinde dici posse, numquam in Ecclesia fuisse tam paucos „ veros pœnitentes, etsi numquam fuerint & confessiones magis iteratæ, & ab- „ solutiones frequentiores.

„ Verum si a pœnitentibus convertamus oculos ad illorum *Directores*, qui ipsis „ sacramentum reconciliationis, & gratiæ . . . administrant; potest ne non ob- „ servari pari admiratione, & dolore, quam pauci ministerio suo fideles sint; „ cum certe difficillimum sit, aut potius omnino impossibile, verba Concilii, „ quæ iam recitata sunt, cum ignava illa ac molli innumerorum Confessoriorum „ *directione conciliare*? A quibus utique peccatores in sacramento pœnitentiæ du- „ cuntur *per viam suavem, gratam, inter medias voluptates & delicias sæculi*, „ nullo iniuncto labore. Nam illorum pœnitentia, cum absque laboribus sit, ve- „ ra pœnitentia non est: & qui illos per vias istas ducunt, *cæci sunt, & duces* „ *cæcorum* . . . qui aut metu forte displicendi, aut ignava spe commodi, scien- „ tes, & volentes illos perdunt. “

V. Sequentia Concilii Tridentini verba (*loc. cit. cap. viii.*) in medium promit sapientissimus Episcopus. Sane & divine iustitiæ ratio exigere videtur ut aliter ab eo in gratiam recipiantur qui ante baptismum per ignorantiam deliquerint, aliter vero qui semel a peccati & dæmonis servitute liberati, & accepto Spiritus sancti dono, scienter templum Dei violare, & Spiritum sanctum contristare non formidaverint. Et divinam clementiam decet, ne ita nobis absque ulla satisfactione peccata dimittantur, ut, occasione accepta, peccata leviora putantes, velut iniurii, & contumeliosi Spiritui sancto, in graviora labamur, thesaurizantes nobis iram in die iræ. Deinde sic pergit. „ Decet insuper ut intelligat peccator, iuxta S. Augusti- „ nam, ludum non esse Deum contemnere, & creaturam ipsi præferre. Decet „ iuxta S. Gregorium, ut ultro renuntiando voluptatibus licitis, repararet iniqui- „ tatem, qua se infeliciter tradidit illicitis. Hæc absque dubio dispositio est, qua „ culpam reparare debet verus, & sanctus pœnitens, & ad quam eum ducere „ deberet bonus *Director*. Verum, etsi istam agendi rationem exigit divina iustitia, non continuo exigit commodum *Directoris*, qui timet pœnitentem suum a „ se alienum reddere: non eam exigit naturæ propensio, non teneritudo sæculi. “

„ Novatiani (pergit Episcopus) quos iniqui & immoderati rigoris spiritus ab
 „ Ecclesia separavit, cum olim quererentur de indulgentia, quam peccatoribus
 „ vere se convertere volentibus Ecclesia exhibebat, dando eis, quorumcumque
 „ criminum rei forent, pœnitentiam, modo eam explendam fusciperent, ac de-
 „ inde, ubi eam expleverant, veniam concedendo: Novatiani, inquam, dice-
 „ bant probari crimina, dum ita facile remittebantur: *qui sepius, aiebant, re-*
 „ *medium criminis monstrat, crimen ostendit.* Respondebat illis Ecclesiæ nomine
 „ S. Episcopus Pacianus epif. III. *Fortasse paterer hoc credi, si pœnitentia delicta*
 „ *putarentur, cui tantus labor impenditur, cui carnis interitus imperatur, cui*
 „ *iuges lacrymæ, cui gemitus sempiterni:* inde ostendens periculum non esse, ne
 „ pœnitens tam dure habitus, ad peccatum redeat, iterumque se subeundis pœ-
 „ nis illis, & laboribus subiiciat. Concludebat enim: *Volet ergo ille sanatus ite-*
 „ *rum secari, rursus exuri?*

„ Quid hoc sæculo obiectioni illi respondere possent qui in iniquo se fundantes
 „ abusu, eam rationem tenent quæ iuxta sanctum illum Præsulem, si in Eccle-
 „ sia stabilita foret, essetque menti illius conformis, iustas esse probaret illorum
 „ hæreticorum querelas, quas ipse tam diserte verbis mox relatis condemnat?
 „ Sed quo non progreditur cæcitas, dum proprio commodo favet, & cupiditati
 „ blanditur? Scimus, fratres mei, nec possumus non cum horrore dicere, sci-
 „ mus, peccatores, postea vere compunctos, quæstos fuisse, se pro satisfactione
 „ criminum enormium, quæ plurium annorum pœnitentia primis sæculis casti-
 „ gata fuissent, accepisse pœnitentias tam leves, ut referre pudeat, quales sunt
 „ quinquies *Pater*, & quinquies *Ave*, aut decades aliquas Rosarii; ita ut arbi-
 „ trati minime se per pœnitentias criminibus suis tam parum congruas, Deo
 „ satisfecisse, alios Directores intelligentiores quæsierint, qui aliis ipsos viis du-
 „ cerent, sola illis religione persuadente, vias istas, vias Ecclesiæ esse non
 „ posse.

„ An non liceret mihi hic exclamare cum Cypriano deplorante abusum simi-
 „ lem, qui per diœcesim illius diffundebatur? . . . *Emerfit, fratres carissimi, no-*
 „ *vum genus cladis, & quasi parum persecutionis procella sævierit, accessit ad*
 „ *cumulum sub misericordiæ titulo malum fallens, & blanda perniciēs.* Contra
 „ *Evangelii vigorem, contra Domini ac Dei legem temeritate quorundam laxatur*
 „ *incautis communicatio. Irrita, & falsa pax, periculosa dantibus, & nihil acci-*
 „ *pientibus profutura.*“

VI. Quæ piissimus hic Episcopus absurda & corruptelas deplorat, in dies Con-
 fessarii, sanioris doctrinæ assertores, experiuntur. Quot pœnitentes ipse audi-
 sic aientes? Si ceteri Confessarii, quos hæctenus adivimus, adeo faciles non fuif-
 sent in absolutione impertienda; si vulnera toties repetita conscientię nostrę no-

bis

bis exaggerassent; si severiores imposuissent pœnitentias; si causas nostrorum relapsuum, illecebras nempe, oblectamenta, amicitias promiscuas, severius interfecassent; si absolutionem suspendissent, aut distulissent: forsitan ad hoc malorum extremum delapsi non essemus.

VII. Qui sincera pœnitentia, & vero dolore cordis tacti sunt, ita odio prosequuntur scelera, ut ea omnia execrentur quæ ad peccandum impellunt. Et quia concupiscentia, caro, & sensus ad peccandum continenter urgent; ideo in proprium corpus, & sensus severe animadvertunt. Tertullianus *Lib. I. de pœnit.* false, & acriter irridet, sibilatque pœnitentes illos laxatos qui pro commissis delictis subire corporis incommoda reformidant. Num ergo, inquit, in coccino, & in Tyrio pro delictis supplicare nos concedet? Cedo acum crinibus distinguendis, & pulverem dentibus elimandis, & bisulcum aliquid ferri, vel æris unguib; resposinandis: si quid filii nitoris, si quid coacti ruboris in labia, aut genas urgeat. Præterea exquirite balneos latiores hortulani, maritimæ recessus. Adiucio ad sumptum, conquirito altitium enormem saginam, defecato senescuse vini. Cumque quis interrogaverit cuiam ea largiaris; Deliqui, dicito, in Deum, & periclitor in æternum perire. Itaque nunc pendeo, & maceror, & exerceor, ut Deum reconciliem mihi, quem aliquando lesi. Postquam deridendos propinavit Tertullianus illos qui mediis in deliciis pœnitentiam iactarent, iterum eos aggreditur exemplo illorum quos Magistratum aliquem ambientes neque pudet, neque piget incommodis animæ, & corporis. . . & contumeliis omnibus eniti in causa votorum suorum. Quas non ignobilitates vestium afficiant? Quæ atria nocturnis, & diurnis salutationibus non occupant? Ad omnem occursum maioris cuiuscumque personæ decrecentes, nullis conviviis celebres, nullis congregationibus congreges, sed exules a libertatis & lætitiæ felicitate. Idque totum propter unius anni volaticum gaudium. Nos, quod securum, & virgarum petitio sustinet, in periculo æternitatis tolerare dubitamus? Et castigationem visus, atque cultus, offenso Deo, præstare cessabimus? Qui ista recusant, hi sunt de quibus Scriptura commemorat: Væ illis qui delicta sua velut procero fune nectunt. Si tu, qui talis es, de exomologesi retractas, gehennam in corde considera, quam tibi exomologesi extinguit, & pœnæ potius magnitudinem imaginare, ut de remedii adeptione non dubites.

VIII. Similia scribit S. Cyprianus *Lib. de lapsis* inquit: Lamentari eum putamus ex toto corde, ieiuniis, fletibus, planctibus (sicut admonet ipse Dominus) Dominum deprecari, qui ex primo criminis die lavacra quotidie celebrat, qui epulis affluentibus passus, & sagina largiore discentus cruditates suas postridie ruit, nec cibos, & potus suos cum pauperum necessitate communicat? Quis bilis, & letus incedit, quando mortem suam desit? . . . An ille ingemiscit, &

Rr ij plan-

plangit cui vacat cultum pretiosæ vestis induere, nec indumentum Christi, quod perdidit, cogitare? Accipere pretiosa ornamenta, & monilia elaborata, nec divini & cælestis ornatus damna deslere? . . . Si quem de tuis caris mortalitatis exitu perdidisses, ingemisceres dolenter, & fletes facie inculta, veste mutata, neglecto capillo, vultu nubilo, ore deiecto, indicia mæroris ostenderes. Animam tuam misere perdidisti, spiritualiter mortua supervivere hic tibi, & ipsa ambulans funus tuum portare cœpisti, & non acriter plangis, non ingiter ingemiscis? Non te vel pudore criminis, vel continuatione lamentationis abscondis? Ecce adhuc peiora peccandi vulnera: ecce maiora delicta peccasse, nec satisfacere.

IX. S. Ambrosius Lib. II. de pœnit. cap. vi. hæc habet. Audiant qui agunt pœnitentiam, quomodo agere debeant, quo studio, quo affectu, qua mentis intentione, qua intimatorum concussione viscerum, qua cordis conversione. „Vide, inquit, Domine quia tribulor, venter meus turbatus est a fletu meo. Conversum est cor meum in me. “Cognovisti intentionem meam, fidem mentis, cognosce & habitum corporis. „Sederunt, inquit, in terra, tacuerunt seniores filiæ Sion, & imposuerunt terram super caput suum, præcinxerunt se cilicio, deduxerunt in terram Principes, Virgines Ierusalem defecerunt in lacrymis, oculi mei caligaverunt, turbatus est venter meus, effusa est in terra gloria mea. “Sic flevis & Ninive populus. Item cap. x. An quisquam illam pœnitentiam putat, ubi acquirenda ambitio dignitatis, ubi vini effusio, ubi ipsius copula coniugalis usus? Renuntiandum sæculo est, somno ipsi minus indulgendum quam natura postulat. . . Unde bene Dominus ait: „Qui vult post me venire, abneget semetipsum, & tollat crucem suam, & sequatur me. “

X. S. Gregorius Magnus (sive alius Auctor) Lib. VI. in I. Reg. cap. 11. hæc inter cetera scribit. Quid prodest confiteri flagitia, si confessionis vocem non sequitur afflictio pœnitentiæ? Tunc namque bene conversum peccatorem cernimus, cum digna afflictionis austeritate delere nititur quod loquendo confitetur. Unde & Dominus arborem foliis decoram, sed fructu sterilem maledixit, quia confessionis ornamentum non recipit sine fructu afflictionis.

XI. Similia Augustinus, Hieronymus, & ceteri Patres omnes scribunt. Cedo: an, dum hæc Scripturarum, & Patrum sanctorum testimonia serio meditaris, non te commotum sentis? E contrario, dum Casuistarum plurium volumina revolvis, nihil horum offendis; sed meras verborum pugnas, & arbitrarias distinctiones, & phantasmata propria, quibus blandam, & delicatam efficere pœnitentiam student. His plurium Casuistarum, & Confessoriorum opiniunculis, & praxi blandiente præventi & decepti peccatores plurimi, post gravissima, & repetita flagitia, nolunt reipsa suscipere media, & pharmaca necessaria ad cavendos relapsus. Porro qui exequi media recusant quæ ad veram conversionem ne-

cess-

cessaria esse & Scripturæ sanctæ, & Patres omnes testantur, revera conversionem ipsam sincere nōlunt. Media autem quæ tum ad comparandam veram conversionem, divina gratia præeunte, disponunt, tum ad acquisitam custodiendam requiruntur, sunt cum primis abstinentia, & secessio exacta a mundi oblectamentis, & præstigiis, quæ ad peccata viam olim aperuere: deinde gemitus, lacrymæ, afflictio, tribulatio, preces, eleemosynæ, ieiunia, sanctorum librorum lectio, & seria æternitatis meditatio, perpetua pugna cum carne & appetitionibus, & continua violentia atque abnegatio sui ipsius. Hæc sunt & Scripturarum, & SS. Patrum omnium documenta. Porro quot sunt, sive viri, sive mulieres, quæ post inveteratam consuetudinem procandi, fornicandi, adulterandi sive oculis, sive corpore, frequentandi theatra, comœdias, choreas, congressus amasiorum, & amasiarum, quæ sub prætextu dilectionis platonice subtiliter fornicantur, inquit Cyprianus: quot, inquam, sunt qui pompis, luxui, deliciis, oblectamentisque consuetis nuntium remittere velint? Quot sunt qui ieiunia, lacrymas, eleemosynas, pœnitentium & gementium vestes induere, & flagellis carnem rebellem, & petulcā concupiscentiam coercere, & pravās inclinationes ex consuetudine peccandi relictas, suoque pondere ad nova perpetranda peccata impellentes, abolere pro virili parte velint? Quot hi sunt? Experientia ipsa testis est. Confessarii ipsi iudices sint. Ergo, antequam Confessarii absolutionem istiusmodi pœnitentibus impertiant, experiri illorum sinceram pœnitendi voluntatem debent. Manifesta & omnibus pervia experientia constat, paucos esse quī argumenta & fructus sinceræ conversionis perhibeant. Ergo Confessarii non dispensatores, sed dilapidatores thesaurorum Dei sunt, dum istis indiscriminatio, & non præmisso eorundem voluntatis experimento absolutionem impertiunt. Finem huic paragrapho imponat Concilium Tridentinum *sess. vi. cap. xxi.* ubi ait, vel ipsos iustos, revera ad Deum sincera pœnitentia conversos, non posse in observantia mandatorum Dei perseverare, nisi cum timore & tremore salutem suam operentur in laboribus, in vigiliis, in eleemosynis, in orationibus, & oblationibus, in ieiuniis, & castitate: formidare enim debent, scientes quod in spem gloriæ, & nondum in gloriam venati sunt, de pugna quæ superest cum carne, cum mundo, cum diabolo, in qua victores esse non possunt, nisi cum Dei gratia Apostolo obtemperent dicenti: „Debitores sumus, non carni, ut secundum carnem vivamus: si enim secundum carnem vixeritis, moriemini; si autem spiritu facta carnis mortificaveritis, vivetis.“ Hæc, o Confessarii, serio, & profunde meditemini.

§. IV.

Peccatores gravissimum scelerum fontes, & præsertim consuetudinarii, facileque relabentes in fornicationes, in pollutiones voluntarias, & id genus crimina, communiter repente & brevi temporis intervallo non convertuntur.

I. **Q**uemlibet peccatorem vel scelestissimum posse divina gratia momento converti, & sanctum fieri, fatentur omnes, & patet in Matthæo, in Latrone, in Saulo, & in illis tribus millibus quos uno sermone S. Petrus convertit. Verum tamen Deus sua absoluta potestate, & singulari providentia, magnæque miseratione possit, & interdum velit vel iniquissimos peccatores repente & momento perfecte convertere; nihilominus iuxta suum ordinariæ providentiæ cursum, modumque, hæc singularissima dona subito non largitur, immo hæc dona extraordinaria speciem prodigii, & quasi miraculi præferunt. Communiter enim ordo gratiæ naturæ ordinem imitatur, in quo res non subito, sed sensim & pedetentim ad suam integritatem perveniunt. Hæc explicat ipse Salvator noster divinus Marc. iv. inquiens: *Sic est regnum Dei, quemadmodum si homo iaciat sementem in terram, & dormiat, & exurgat nocte & die, & semen germinet, & increseat, dum nescit ille. Ultra enim terra fructificat, primum herbam, deinde spicam, deinde plenum frumentum in spica: & cum produxerit fructus, statim mittit falcem, quoniam adest messis.* Simili modo peccatoris præsepii magni & inveterati conversio paullatim, & gradatim formatur; & tandem ad plenitudinem pervenit. Ad plenam enim conversionem, totius hominis & interioris, & exterioris mutatio necessaria est. Requiritur enim, inquit S. Ambrosius Lib. II. de pœnit. cap. x. ut homo seipsum abneget, & totus mutetur, sicut quemdam adolescentem fabulæ ferunt post amores meretricios peregre profectum, & abolito amore, regressum, postea vetri occurrisse dilectæ: quæ ubi se non interpellatam mirata, putaverit non recognitam, rursus occurrens dixerit, *Ego sum; responderit ille, sed ego non sum.*

II. Hæc consuetudinarii & inveterati peccatoris conversio non fit absque magna, & acri colluctatione partem superiorem inter & inferiorem, absque conatu & molimine. Amor mundi, sensuum, & carnalium appetitionum præsidio munitus, & a multo tempore in anima dominans, & absolutum imperium exercens non eiicitur, non evellitur, nisi post magnam, & laboriosissimam luctam. An corpus inveterato morbo laborans cito sanatur? An nigræ sabrorum manus una ablu-

ablutione albedinem & nitorem assequuntur? S. Augustinus in *Psal. vi.* fuso sermone hanc luctam & intestinum bellum explicat, inquit. *Laboravi in gemitu meo. Lavabo per singulas noctes lectum meum*, per lectum intelligens voluptatem corporis, & omnem delectationem secularem. Quam delectationem lacrymis lavat qui se ab illa conatur expedire. Videt enim se damnare carnales concupiscentias, & tamen delectatione tenetur infirmitas, & in ea libenter iacet, unde surgere nisi sanatus animus non potest. . . . Quis non intelligit animam luctantem cum morbis suis? . . . Post laborem, & gemitum, & imbres creberrimos lacrymarum, in illa temporum varietate effusus, quia inane non potest esse quod tam vehementer rogatur ab eo qui fons est omnium misericordiarum. . . post tantas difficultates exauditam se piam animam significans. . . adiungit: Discedite a me qui operamini iniquitatem: quoniam exaudivit Dominus vocem fletus mei. . . Invenit ergo se ligatum difficultatibus cupiditatum, & non posse viam propter compedes ambulare. Inclusum se sentit difficultate vitiorum, & tamquam muro impossibilitatis erecto, portisque clausis, qua evadat, ut recte vivat, non invenit. . . Exclamat ad Dominum. Liberat Dominus de necessitatibus, rumpit vincula iniquitatis, constituit in operatione equitatis. . . Potuit hoc Dominus sine difficultate prestare. Sed si hoc sine difficultate haberemus, largitorem huius boni non agnosceremus. Si enim primitus cum vellet, posset, & non sentiret adversum se obnitentes cupiditates, nec vinculis suis gravata anima collideretur; suis viribus tribueret quod se posse sentiret.

III. Et ne erronea persuasio mentes hominum occupet, hanc gravissimam & laboriosissimam difficultatem plenæ conversionis peccatoris inveterati, & consuetudinarii facilem esse, exemplum propriæ conversionis S. Doctor proponit. Difficultates, pugnas, conflictus, conatus enarrat quos ipse sustinuit, antequam, debellata concupiscentiâ, pravisque consuetudinibus devictis, plena conversione Deo adhæreretur. Siquidem *Lib. VIII.* Confess. a *cap. i.* usque ad *xii.* suam luctam pugnamque exponit. *Cap. i.* inquit: Mibi enim displicebat quod agebam in sæculo: & me non delectabant, sicut antea, bonor, & pecunia præ dulcedine tua, & decore domus tuæ. Sed adhuc tenaciter colligabar ex femina. Deinde *cap. v.* post colloquium habitum cum Simpliciano, auditamque Victorini conversionem, bellum ardentius, & acriorem pugnam describit. Sed ubi mihi homo tuus Simplicianus de *Philorino* ista narravit, exarsi ad imitandum. . . . Cui rei ego suspirabam ligatus, non ferro alieno, sed mea ferrea voluntate. Velle meum tenebat inimicus, & inde mihi catenam fecerat, & constrinxerat me. Quippe ex voluntate perversa facta est libido: & dum servitur libidini, facta est consuetudo: & dum consuetudini non resistitur, facta est necessitas. Quibus quæsi ansulis quibusdam sibi innoxis (inde catenam appellavi) tenebat me obstrictum dura servitus. Voluntas autem nova, quæ mihi esse cœperat, ut te gratis colerem, fruique vellem, Deus sola certa iucunditas, nondum erat

idonea ad superandam priorem vetustate roboratam. Ita due voluntates meae, una vetus, alia nova, illa carnalis, illa spiritualis, configebant inter se, atque discordando dissipabant animam meam.

Sic intelligebam meo ipso experimento id quod legeram, quomodo caro concupiscit adversus spiritum, & spiritus adversus carnem. . . . Sed tamen consuetudo adversus me pugnacior ex me facta erat: quoniam volens, quo nollem, perveneram. . . . Ego autem adhuc terra obligatus militare tibi recusabam; & impedimentis omnibus sic timebam expediri, quemadmodum impediri timendum est. Ita sarcina saeculi, velut somno assolet, dukiter premebar, & cogitationes quibus meditabar in te, similes erant conatibus expergisci volentium; qui tamen superati soporis altitudine remerguntur. . . . Certum habebam, esse melius tuae caritati me dedere quam meae cupiditati cedere.

Sed illud placebat, & vincebat; hoc libebat, & vinciebat. Non enim erat quod tibi responderem, dicenti mihi: Surge qui dormis, & exurge a mortuis; & illuminabit te Christus: & undique ostendenti vera te dicere, non erat omnino quod responderem veritate convictus, nisi tantum verba lenta, & somnolenta: Modo, ecce modo, sine paululum. Sed Modo, & Modo non habebant modum: & Sine paululum, in longum ibat. Frustra condelebar legi tuae secundum interiorem hominem, cum lex alia in membris meis repugnaret legi mentis meae, & captivum me duceret in legem peccati, quod in membris meis erat. Lex enim peccati est violentia consuetudinis, qua trahitur, & tenetur etiam invitus animus, eo merito quo in eam volens illabatur. Miserum ergo me, quis liberaret de corpore mortis huius, nisi gratia tua, per Iesum Christum Dominum nostrum?

IV. Pulcherrima est, & mirum in modum vivida similitudo qua Doctor sanctus voluntatem peccatoris comparat voluntati hominis alto sopore demersi. Excitatur, & respondet, *Modo*; & continuo somno se dat. Rursus excitatur, & respondet, *Sine paululum*. Iterum stimulatus dicit, *Modo modo surgam*; & continuo in soporem remergitur. Haec aptissima imago peccatoris consuetudinarii divinam vocationem suscipientis, & reiicientis. Pergit cap. vii. Quibus sententiarum verberibus non flagellavi animam meam, ut sequeretur me conantem post te ire? Et renitebatur. Rursus cap. viii. In illa grandi rixa interioris domus meae, quam fortiter excitaveram. . . . ego fremebam spiritu, indignans turbulentissima indignatione, quod non irem in placitum & pactum tecum, Deus meus, in quod eundum esse, omnia ossa mea clamabant. . . . Tam multa ergo feci, ubi non hoc erat velle quod posse, & non faciebam quod & incomparabili affectu amplius mihi placebat, & mox ut velle possem. . . . Ipsum velle, iam facere erat, & tamen non fiebat.

V. Cap. ix. monstrum illud exaggerat animi sibi imperantis, & sibi non obediens, cuius verba supra rescripti. Tandem post tot conflictus, colluctationes, cunctationes, & bella intestina suam plenam victoriam, seu conversionem sub

ficu

ficu peractam narrat. Ne autem quispiam credat, hæc tam immania bella, & turbulentos conflictus contigisse soli Augustino, subdit magnus Pater, communiter peccatores omnes consuetudinarios, & inveteratos similes præter propter experiri conflictus. *Quidquid* (inquit in Psal. cv. i.) *loquor, agnoveris in te, noli cogitando quasi remanere in te, & putare quod in te solo contingit; sed crede ista contingere in omnibus, aut prope in omnibus qui veniunt ad hunc populum, & de manu inimicorum pretioso sanguine redimuntur.*

VI. Plura rationum momenta præter ipsam experientiam Theologi assignant, quæ evincunt, repentinam communiter non esse eiusmodi peccatorum conversionem. Nemo quippe siye in bono, siye in malo repente fit summus; sed communiter in qualibet mutatione, inquit S. Thomas 2. 2. *quest. xiv. art. 4. ad 1.* ordinatus transitus est ab imperfecto ad perfectum. Accedit quod Deus infinita sua providentia gradatim distribuit eiusmodi peccatoribus convertendis cælestia lumina, & auxilia, ut malorum succedentium, difficultatum, & ærummarum experimento discant, quam malum sit peccatum, & ut cautius vigilantiusque sanitatem illam custodiant quam tanta poenarum, conflictuum, lacrymarum, & afflictionum severitate, & tam perdifficili victoria assecuti sunt. *Quod enim* (inquit S. Augustinus in Psal. vi. i.) *facile sanatur, non multum cavetur. Ex difficultate autem sanationis erit diligentior custodia receptæ sanitatis.*

VII. Aliorum Patrum testimonia pauca perstringam. Omnes uno ore testantur, difficillimam esse, & non nisi post lacrymas, ieiunia, preces, elemosynas, & multorum conflictuum victoriam plenam & integram, qualis esse debet, contingere peccatorum inveteratorum, & recidivantium conversionem: idque evincunt ceteri Ecclesiæ Patres, quemadmodum Augustinus, tum experientia, tum divinis Scripturis. *Perversi* (inquit Eccl. i. i.) *difficile corriguntur.* Ieremias vero cap. xlii. subdit: *Si mutare potest Æthiops pellem suam, aut pardus varietates suas, & vos poteritis bene facere, cum didiceritis malum.* Rursus cap. xxx. *Insanabilis fractura tua, pessima plaga tua. . . Curationum utilitas non est tibi. . . Propter multitudinem iniquitatis tuæ, & propter dura peccata tua feci hæc tibi.* Christus Dominus exemplum huius difficillimæ conversionis perhibuit Ioan. xi. in resuscitatione Lazari, figura peccatoris consuetudinarii. *Infremuit spiritu, & turbavit seipsum. Et lacrymatus est Iesus. Iesus rursus fremens in semetipso voce magna clamavit: Lazare veni foras.* Cur hoc? Quia, inquit S. Augustinus cum ceteris Patribus *tract. xlix.* in Ioanem, *difficile surgit quem moles consuetudinis premit.* Quid produnt illa Luc. xviii. verba: *Facilius est camelum per foramen acus transire quam divitem intrare in regnum cælorum?* Quid produnt hæc alia Matth. xxi. *Cum immundus spiritus exierit ab homine, ambulat per loca arida, quærens requiem, & non invenit. Tunc dicit: Revertar in domum meam, unde exivi. . . Tunc vadit, & assumit septem alios spiri-*

ritus secum nequiores se, & intrantes habitant ibi : & sunt novissima hominis illius peiora prioribus. Quid tandem produnt hæc formidanda Apostoli Pauli ad Hebr. vi. verba ? Impossibile est eos qui semel illuminati sunt, gustaverunt etiam donum cælestis, & participes facti sunt Spiritus sancti, gustaverunt nihilominus bonum Dei verbum, virtutesque sæculi venturi, & prolapsi sunt ; rursus renovari ad pœnitentiam Terra enim sæpe venientem super se bibens imbrem . . . proferens autem spinas, & tribulos, reproba est, & maledictio proxima : cuius consummatio in combustionem. Iterum cap. x. Voluntarie enim peccantibus nobis post acceptam notitiam veritatis iam non relinquitur pro peccatis hostia ; terribilis autem quædam expectatio iudicii, & ignis æmulatio, quæ consumptura est adversarios . . . Irritam quis faciens legem Moysis, sine ulla miseratione, duobus vel tribus testibus moritur : quanto magis putatis deteriora mereri supplicia qui Filium Dei conculcaverit, & sanguinem testamenti pollutum duxerit, in quo sanctificatus est, & Spiritui gratiæ contumeliam fecerit ? Impossibilitatem Apostoli alibi exposui pro re pervalde difficili, ut interpretatur S. Thomas. Alias exhibent plures Patres interpretationes.

VIII. Opportuna est S. Thomæ Villanovani expositio conc. v. in Domin. iv. Advent. & conc. iiii. in Domin. iiii. Quadrage. ubi hæc habet : Postquam Deus ex sua misericordia liberavit aliquem a servitute peccati, eripiens eum de potestate tenebrarum, & transferens in regnum Filii dilectionis suæ, nimis magna malitia est . . . iterum se subiicere servituti peccati. Et quidem, antequam nosceret peccati servitutem, & iustitiæ pacem, nihil mirum. Sed postquam novit utrumque statum, commutare iustitiæ delicias pro sensibus peccatorum . . . peccatum est dignum omni supplicio, indignum misericordia. Exemplum. Si quis pater filium maximis sumptibus eriperet de potestate Turcarum, & ille se iterum obiceret servituti, quis miserebitur eius ? Quis non dicat : Moriatur stultus in sua servitute, ex quo sic voluit ? Unde Apostolus ostendens, quam difficulter huiusmodi pœniteant, ait : Impossibile est eos &c. Impossibile, idest valde difficile, propter malitiam, propter contemptum, propter ingratitudinem . . . Propter malitiam : noverant enim iam miseriam servitutis peccati ; nec possunt allegare ignorantiam. Propter contemptum : quia experti utrumque statum, delicias iustitiæ pro voluptatibus commutarunt. Propter ingratitudinem : quia liberati misericorditer, & potenter, neglexerunt. Propterea iusto Dei iudicio deserti traduntur in reprobum sensum, & quasi contemptores contemnuntur, & sunt pessimi. Nam sicut ait Evangelium, non redeunt ad illud peccatum solum, sed etiam ad septem alia peiora, quibus indurant : & sunt novissima illius peiora peioribus. Sic Iudas, qui aliquo tempore malus fuit, & vocatus ad Apostolatam, aliquo tempore resipuit : quia deinde rediit ad priorem avaritiam, habuit finem quem scitis. Isti . . . similes sunt illis quos Dominus in manu valida eduxit de servitute Pharaonis, & postquam gustaverunt manna, desiderabant cepas, & pepones, & allia, & ollas Aegypti, & optabant redire

in *Ægyptum* : quibus iuravi [inquit] in ira mea, si introibunt in requiem meam. Sic isti liberati a servitute peccati, gustaverunt bonum Dei verbum, & delicias seculi venturi, & commutaverunt pro cepis, & aliis voluptatum carnalium, reprobi, & indigni celestis patriæ.

IX. Similia docent omnes Patres, quia omnes ex eodem sanctarum Scripturarum fonte suam hauserunt doctrinam. Iulianus *Lib. I. serm. XIX.* inquit : *Perdifficile anima ad ea, quibus excidit, bona regreditur : & perægre a malis, quibus asuevit, egreditur.*

X. S. Cyprianus *Lib. de lapsis* hæc inter plurima scribit. *Putas ne Dominum cito placari, quem verbis perfidis abnuisti, cui patrimonium præponere maluisti, cuius templum sacrilega contagione violasti? Putas ne cum facile misereri tui quem TUUM non esse didicisti? Orare oportet impensus, diem luctu transigere, vigiliis noctes ac fleatibus ducere . . . stratos solo adherere, in cinere & cilicio volutari &c.*

XI. S. Ioannes Chrysostomus *hom. lxxxvii.* in *Mæth.* *Cum semel quasi vinolentia, vel infano furore oppressa sit ratio, difficillimum est respiscere, nisi generosissima sit anima quæ opprimitur.*

XII. S. Gregorius Magnus *Lib. IV. cap. xii.* in *III. Reg. & Lib. II. Moral. cap. v.* *Sæpe nonnulli a pravis actibus exire cupiunt; sed quia eorundem actuum pondere premuntur, in male consuetudinis carcere inclusi, a semetipsis exire non possant.*

XIII. S. Laurentius Iulianianus *Lib. II. de spirit. resur.* *Tot quippe funibus tenetur adstrictus, quot sceleribus prægravatur : tantisque spiritualibus compeditus est vinculis, quanto caducis rebus inmoderato inheret affectu. Captivatur itaque consuetudine delinquendi, retrahitur a sensualitate, quæ pœnitentiæ iugo colla subiicere recusat. Repellitur suasionibus demonum, visibilibus detinetur amore.*

XIV. S. Bernardus *ser. lxxx.* in *Cantic.* *Præmitur iugo voluntariæ servitutis, & est quidem pro necessitate miserabilis, pro voluntate inexcusabilis. Et rursus serm. de triph. miser. In gravioribus, & quæ ad mortem peccata sunt . . . difficilis prorsus est, & soli divinæ virtuti possibilis susceptum semel peccati iugum a cervicibus excutere. Quoniam qui facit peccatum, servus est peccati, nec est eum liberari, nisi in manu forti.*

XV. S. Thomas *lect. i.* in *cap. vi.* ad *Hebr.* *Sicut in corporalibus nullus status est ita periculosus, sicut recidunt; ita in spiritualibus, qui post gratiam cadit in peccatum, difficilior surgit ad bonum. Et in cap. vi.* *Epist. ad Rom.* *Consuetudo peccati quamdam necessitatem inducit ad peccandum.*

XVI. Ex quibus omnibus colligitur, peccatoribus inveteratis & consuetudinariis impertiendam non esse absolutionem, nisi prius propriam conversionem plenam, & sinceram esse, operum argumentis, precibus, lacrymis, ieiuniis ostendant.

CAPUT V.

Theologi ultimæ ætatis, sanctitate & doctrina celeberrimi, SS. Franciscus Xaverius, Thomas Villanovanus, Carolus Borromæus, Cardinalis Bellarminus, Cardinalis Aguirre, Cardinalis Denhoff, & alii docent, probandos esse piorum operum exercitio peccatores frequenter relabentes, & consuetudine peccandi ligatos, antequam absolvantur.

I. **A**Dversus ea quæ ex divinis Scripturis, & antiquis Ecclesiæ Patribus adducta sunt, & plurima quæ adduci possent, quæque brevitatis causa præterii, reponere forsitan Casuistæ plures non verentur, Patres locutos esse pro pœnitentibus suorum temporum, secus pro nostræ ætatis hominibus. Insolens responsum apparebit; & tamen non ita pridem typis publicis in lucem prodit. Porro, ut tam inauditum paradoxon refellam, operæ pretium existimavi testimonia rescribere ultimæ ætatis Theologorum, qui singulari sanctitate, & doctrina Ecclesiam catholicam illustrarunt, quique explorandam pœnitentium recidivantium conversionem ex eorundem piis operibus docent.

§. I.

S. FRANCISCUS XAVERIUS S. I.
Indiarum Apostolus.

II. **H**onoratus Turfelinus *Lib. VI. cap. xvii.* hæc de S. Francisco Xaverio scribit. *Si quando locupletes atque opulenti negotiatores, magistratus, ac præfides vitæ solutioris ad confessionem accederent, ante omnia censebat, eos esse sedulo admonendos, ut sumpto spatio bidui, triduive, intentius anteaquam vitam suam inquirentes, delicta omnia, si diffiderent memoriæ, mandarent litteris, DOLORISQUE SENSUM, CONTRITIONEM ADEO SUPPLICITER peterent &c. Neque tamen a confessione absolvendos ILLICO, sed postquam ea quæ deberent, persolverint. Itaque Patri Gaspari de talibus hominibus præcepit in hunc modum. CONFESSIONEM NON CONTINUO SEQUETUR ABSOLUTIO; sed biduum triduumve dabitur eorum pectoribus, certarum rerum meditatione præparandis; ut interim primo ANIMORUM MACULAS VOLUNTARIIS ELUANT POENIS; secundo, si*
quid

quid debent, restituant; tertio simulates, si quas habent, deponant; quarto redeant cum inimicis in gratiam; quinto a libidinis consuetudine; sexto & a ceteris flagitiis, quibus impliciti sunt, expediantur. HAEC OMNIA ABSOLUTIONEM PRÆCURRANT RECTIUS QUAM SEQUANTUR. Namque istiusmodi homines in ipsa confessione promittunt se cuncta facturos; post absolutionem fidei datæ immemores promissa irrita cadere patiuntur. PROINDE ELABORANDUM EST UT ABSOLVENDI REPRÆSENTENT QUOD PRÆSTARE DEBENT ABSOLUTI. Quis dixerit, non pluris esse faciendam hanc tanti Apostoli, qui sanctitate, & miraculorum gloria non modo inclytam IESU Societatem, sed universam Ecclesiam illustravit, doctrinam, quam centum Casuistarum contrarias opiniunculas?

§. II.

S. THOMAS VILLANOVANUS
Augustinianus.

III. **H**AEc in concione ser. vi. Dom. iv. Quadragesimæ scribit. PRIUS vadat, & contubinam a domo pellat, pecuniam alienam restituat, contrañus usurarios rumpat, famam proximi lesam, prout potest, resarciat, mercenariorum labores, & pauperum DEBITA solvat, offenso reconcilietur, & veniam petat: ET TUNC AD CONFESSARIUM REDEAT, ET ABSOLVATUR. HUNC ORDINEM NE TRANSGREDIARIS. Væ qui consuunt pulvillos sub omnī cubito manus &c. Quid Ecclesiam hodie perdit, nisi Confessariorum & Pastorum blandiens adulatio? Væ miseris animarum &c. Plura ex hoc sanctissimo Episcopo alibi transcripsi.

§. III.

S. CAROLUS BORROMÆUS.

IV. **H**Anc eandem doctrinam tradit S. Carolus Borromæus tum in tractatu de ratione administrandi sacramenti poenitentiae, tum in instructione Confessariorum, quorum meminit P. Antonius Possevinus celebris S. I. Scriptor Bibliothecæ selectæ sec. 1. Lib. III. cap. xxiii. ubi hæc habet. *Est præterea consilium absolutionem differre, donec EVIDENS appareat emendatio in iis qui, tametsi dicant, ac polliceantur quod se eximent a peccato, tamen Confessario probabilem faciunt metum, ne contrarium contingat.*

V. Porro S. Archiepiscopus Carolus Borromæus *loc. cit.* & præsertim in Instruct.
Con-

Confess. plurima de differenda absolutione præscribit. Pauca ex multis transcribo. Nec etiam eos absolvat qui in vestium splendore, & superfluo ornatu corporis mortaliter peccant. Et quia hodie sæculi pompæ & vanitates ad summum creverunt, potissimum ex culpa, & negligentia Confessariorum, qui ab hoc peccato pœnitentes suos inconsideratius absolvunt, & nullum fortassis ea de re scrupulum ipsis movent; aliquos hic casus designare placuit, in quibus mortaliter peccat cui cordi est nimius ille luxus; ut iuxta præscriptas regulas se gerant in illorum absolutione.

VI. Alia exempla indicat illorum quibus differenda absolutio est, inquiens: Cuiusmodi sunt præsertim iuvenes, otio ut plurimum dediti, qui maiorem vitæ suæ partem insumunt in ludis, comessationibus, ebrietatibus, & impudiciis, blasphemi, detractores, turpiloquio addicti, innumerisque id genus vitiiis, qui semel tantum, quotannis sub finem quadragesimæ sese Sacerdoti sistunt ad confessionem; sicut & universi omnes, qui per plures annos in eisdem peccatis perseverant, abiecto omni correctionis studio. Plura alia huius SS. Cardinalis infra dabo.

§. IV.

VEN. CARDINALIS BELLARMINUS
Soc. I.

VII. **P**lurima de hoc argumento in diversis concionibus scribit Ven. hic Cardinalis, cuius nunc beatificationis causa feliciter, & faustis auspiciis agitur. *Con. VIII. Dom. IV. Adventus hæc habet. Multi hodie reperiuntur imperiti economi, qui nec munus, nec locum, nec gradum suum intelligunt . . . Illi postremo se ministros & dispensatores non agnoscunt qui, quasi non essent Domino rationem reddituri, summa facilitate omnibus manum imponunt, & tam contritos, quam non contritos, tam plene & perfecte confitentes, quam peccata confusa quadam generalitate involventes, tam satisfacere paratos, quam non paratos quasi propria potestate; & auctoritate ABSOLVUNT. ISTI SUA IMPERITIA, ET, SUPERBIA CORRUMPUNT POPULOS, ET EIS VERÆ POENITENTIÆ VIAM PRÆCLUDUNT.* Nec enim esset hodie tanta facilitas peccandi, si non esset tanta facilitas absolvendi. Veniunt homines onusti peccatis, & qui milles in eadem ceciderunt, & veniunt sæpe sine ullo signo doloris vel pridie, vel ipso die summæ celebritatis; & statim absolvi, & ad sanctorum mysteriorum communionem accedere volunt. Et nos iudices inconsiderati, dispensatores infideles manum imponimus, omnibus dicimus: Ego te absolvo: Vade in pace. Sed vobis, cum Dominus rationem ponet cum servis suis.

VIII. Post multa & gravia adversus hanc funestissimam corruptelam absolutionis

nis

nis impertiendæ imparatis, explicat doctissimus Cardinalis quæ peragenda sunt ab istiusmodi peccatoribus frequenter relabentibus, antequam absolvantur. Deus enim (subdit ibidem) duo baptismata instituit, unum aquæ frigida, vel potius tepida; ac temperata; alterum aquæ ferventis. Percipite, quæso, rem istam. Hoc enim est caput præcipuum totius controversiæ inter Catholicos & Lutheranos. Priori baptismo lavantur ii qui veniunt ex infidelitate: & tunc Deus mitissime, & liberalissime agit, & omnia simul dimittit, culpas videlicet, & pœnas, tam æternas, quam temporales... At vero cum homines iam priori baptismo absoluti, negligenter, & dissolute vivant, & Deo ingrati, iterum maculas contrahunt, tum Deus restringit nonnihil manum, & Sacerdotibus dicit: Si rursus ad vos pro medicina peccatorum venerint homines isti quos semel lavistis, non amplius eos lavabitis baptismo aquæ frigida; sed adhibete balneum ferventis aquæ, & eorum pellem diligenter excoquite, ut alias sint prudentiores, & maiori diligentia caveant flagitia. Hoc est sacramentum pœnitentiæ, Auditores, baptismus laboriosus, baptismus lacrymarum, balneum aquæ ferventis, quod requirit gemitus, contritionem, lamenta, fructus dignos pœnitentiæ, preces, elemosynas, & alia id genus opera.

At hæretici quidem rem istam non intelligentes, neque considerantes baptismi, & pœnitentiæ discrimen, sed in utroque Deum æque liberaliter agere sibi persuadentes, nescio quam sibi fingunt respicientiam, & vitæ mutationem suavem, ac delicatam, quæ nullam habeat contritionem, & satisfactionem pro peccatis præteritis.

IX. Cavendum itaque ne Lutheranorum doctrinæ accedamus, dum blandam, suavem, & delicatam propugnantes ætatis nostræ disciplinam, Iansenistarum, seu Rigoristarum loco habemus illos qui hanc piissimi Purpurati doctrinam, & disciplinam servandam inculcant. Nam subdit continuo Bellarminus, hanc esse viam Regiam, quam Ecclesia catholica tenet, & quam semper Patres, ac Doctores orthodoxi, ac probati docuerunt. Audite Cyprianum &c. Audite B. Gregorium &c. Audite Theodoretum &c.... Sed quid opus est tam multis testimoniis hominum, cum ipse Spiritus sanctus in Scripturis sanctis semper cum pœnitentia plantum amarum, cordis contritionem, cinerem; & cilicium, ieiunia, & elemosynas coniungat?

Quare Auditores optimi, si bonam, si utilem, si salutarem confessionem facere vultis, si vere cum Deo in gratiam redire, & eius amicitia, ac benevolentia frui desideratis, balneum istud calidum magno animo ingredi debetis, & primum diu, & multum in amaritudine animæ peccata præterita recogitare; deinde ea largis & diuturnis imbribus lacrymarum obluere; tum Sacerdotem probum, & eruditum adire, qui non solum absolvere, sed etiam consolari, docere, increpare, monere, remedia morbis, & aegritudinibus accommodata adhibere sciat.... Aspera tibi videntur? Cogita durio rem & asperio rem esse gebennam. Animum intende, lector, non modo

modo in doctrinam, verum etiam in testimonium Bellarmini, adfirmantis hanc esse doctrinam *Ecclesie catholicae, quam semper Patres & Doctores orthodoxi docuerunt*. Quis hæc cum legerit, fidem adhibebit Tamburinis, Gobatis, Escobariis, Caramuelibus, Dianis, Leandro, Bonacinis, & sexcentis aliis Casuistis, manifeste opposita axiomata propugnantibus, ut mox infra palam fiet? Plura alia essent ex hoc præclarissimo Cardinali, in Ecclesie catholicae doctrina veratissimo, pro qua tam strenue, tam sapienter, tam feliciter adversus novatores pugnavit, & triumphavit, transcribenda; sed illa supra rescripti *diff. I.*

§. V.

CARDINALIS DE AGUIRRE
Ord. S. Bened.

X. **I**Nter numerosissimam multitudinem Sanctorum & Doctorum, quibus non intercisit tot sæculorum serie abundavit semper celeberrimus BENEDICTINUS ORDO, hac postrema ætate per plurimos alios, & quidem doctissimos atque probatissimos Purpuratis summopere resplendent Cardinalis de Aguirre, qui in Concilium Toletanum III. *Diff. VIII.* de institutione sacrorum canonum *excurs. 2.* hæc docet.

XI. „ In præfenti autem inherentes non modo Conciliis, canonibus, & Patribus supra laudatis, nec solum gravissimis Cardinalibus, Episcopis, & Theologis „ horum temporum, sed etiam rationi manifestæ, fundatæ in doctrina fidei, & „ experimento frequenti, dicimus, maxime oportere ut gravium peccatorum rei, „ præsertim relapsi, antequam confiteantur, *vel ut minimum ANTEQUAM AB-* „ SOLVANTUR, præmittant aliquo tempore, iuxta numerum & qualitatem scelerum, fructus dignos veræ pœnitentiæ interioris, exteriorisque, licet longe „ breviores quam peccatis eorum respondeant iuxta sacros canones Licet „ enim Deus potestate absoluta, aut providentia singulari, vel miseratione magna possit hominem gravium scelerum reum subito ad ingentem contritionem „ movere efficaciter, & perfecte ad se convertere; nihilominus iuxta cursum ordinarium eam insignia & præstantissima dona non largitur subito, sed gradatim, ac „ media impetratione facta per opera pœnalia in oratione, elemosyna, ieiunio, „ & fletu, & planctu, aliisque mortificationibus corporis & animæ. Per eos actus „ divino auxilio exhibitos paullatim impetrat peccator maiora & uberiora auxilia ad dilectionem Dei, & contritionem, in eo gradu doloris, ac detestationis de peccatis, ut simul cum sacramento pœnitentiæ in re suscepto, aut eius „ voto in perfecta contritione clauso sufficiant ad impetrandam peccatorum veniam &c.

„ Quapropter vel hac solum ratione concludenti , quamvis aliunde non essent tot
 „ urgentia Scripturæ , Conciliorum , ac Patrum testimonia , OPORTET OMNINO
 „ UT QUILIBET homines criminibus maculati , & præsertim relapsi , aut recidivi ,
 „ antequam confiteri incipiant , AUT SALTEM ANTEQUAM ABSOLVANTUR ,
 „ PRÆMITTANT per aliquod tempus eiusmodi dispositiones pœnales ad impe-
 „ trandum auxilia Dei opportuna ; ut tandem iis obtentis , & habita ingenti omnium
 „ peccatorum contritione , profecta ex vero amore Dei super omnia , & ceteris re-
 „ quisitis , assequantur illorum veniam , & reddantur idonei ad sacram communionem
 „ opportune recipiendam &c.

„ Quid quod vel Moscovitæ , barbari licet , ac schismatici , hoc ipso sæculo , an-
 „ tequam confiteantur , sese per octo dies continuos austero , & rigido ieiunio af-
 „ fligunt , nihil aliud sumentes quam panem induratum , & vilem acidumque po-
 „ tum , ut proinde viscerum dolores , & invaletudinem contrahant : testante id
 „ de visu & habitatione cum iis diuturna Adamo OLECRIO Lib. III. itineris
 „ Perfici cap. xxx.

„ Ex toto huius dissertationis contextu constat , quam nimium delicati , & digni
 „ reprehensione quicumque peccatis mortiferis inquinati (de his enim locuti fuimus ,
 „ & adhuc loquimur , ne quis imperitus ballucinetur) ac nonnumquam plurimis
 „ & gravissimis , non se præparant ad illa constituenda ieiuniis , orationibus , eleemo-
 „ synis , aliisque pœnitentiæ veræ operibus , ac mortificationibus per aliquod tempus
 „ ad impetrandam misericordiam , & auxilia opportuna , quibus toto corde conver-
 „ tantur ad Deum , ut salutarem fructum sacramentorum recipiant ; sed statim post
 „ fectam , aut præproperam confessionem absolvi volunt . Constat similiter , quam in-
 „ iuste , & impudenter ii criminantur Confessarios (quamvis doctos , pios , ac
 „ notæ prudentiæ) nolentes absolutionem impendere statim , sed illam differre ,
 „ donec ea pœnalia opera exhibeantur per aliquot hebdomadas , vel dies saltem ,
 „ iuxta prudens eorum iudicium . Neque enim pro omnibus idem tempus exigi
 „ debet , nec requirendæ sunt satisfactiones æque pœnales pro inæqualibus pecca-
 „ tis secundum gravitatem & numerum .

„ Iniustissima plane est eorum querela , & quæ horrore esset toti antiquitati
 „ christianæ , si contingeret tunc audire quemquam vociferantem , & conquerentem
 „ de satisfactione sibi iniuncta ante , aut post absolutionem , quæ nec secundum
 „ durationem temporis , neque secundum acerbitatem æquat centesimam partem
 „ eius pœnæ quam imponebant canones illi veteres Dei spiritu conditi , & totius
 „ mundi reverentia consecrati , ut loquitur S. Leo Papa . Atqui satisfactiones im-
 „ poni solitæ hoc tempore , ante , aut post absolutionem pro gravibus peccatis
 „ (etiam ab iis Confessariis qui rigidi habentur , & crudelitatis incusari solent
 „ tamquam conscientiarum carnifices) non æquant ne centesimam quidem partem

„eius pœnitentiæ quam imponebant canones illis, nec penes durationem; nec
 „secundum acerbitatem, ut patebit consideranti. Iniquissima eiusmodi impiorum,
 „& pseudopœnitentium querela est. “

XII. Plurima documenta, & rationum momenta, quæ doctissimus Purpuratus
 allegat in *excursu* 2. prætereo. Pauca transcribo ex iis plurimis quæ habet in
excursu 3.

„Oportet (inquit) nunc explanare, & confirmare aliquando amplius ea quæ dixi-
 „mus *excursu* superiore de *absolutione* interdum differenda quibusdam peccatori-
 „bus gravium scelerum reis, præsertim relapsis, aut duris corde, de quorum ve-
 „ra conversione, & firmo emendationis proposito prudenter dubitatur; immo &
 „de hortandis iis, aut etiam constringendis quandoque, ut præmittant non qui-
 „dem totam pœnitentiam iuxta antiquos canones debitam (ut censuisse videtur
 „Petrus de Osma supra reiectus) nec quia censeamus satisfactionem in re pro
 „peccatis ex institutione divina per se ac generatim exhiberi debere, antequam
 „conferatur absolutio (hoc enim reiecit Alexander VIII. in prop. 15. inter 31.
 „damnatas) sed solum partem aliquam dignorum pœnitentiæ fructuum, antequam
 „absolvantur. Nimirum sæpe ita exigit nimia fragilitas, aut pessima conditio con-
 „fitentis. Insuper ea opera pœnalia non solum deserviunt ad placandam indi-
 „gnationem Dei, & vindicandum scelera in ipsum commissa, impetrandumque
 „auxilia opportuna perfectæ conversionis; sed etiam ut *Confessarius* habeat mora-
 „lem quamdam certitudinem de sufficienti dispositione pœnitentis, ac requisitis con-
 „venientibus ad remissionem, sive absolutionem accipiendam . . . Porro doctrinam
 „prædictam veluti certam, & communem in sensu explanato, legere est passim
 „apud cordatos quoslibet Theologos antiquos & recentes. Plurimorum generatim
 „fidem facit, eosque sequitur D. Cardinalis de Lugo. “

XIII. Tandem post plurimorum Theologorum producta testimonia concludit.
 „In Concilio Pragensi provinciali anni 1605. postea recuso an. 1650. iussu Do-
 „mini Archiepiscopi de Harrach titulo de pœnitentia ita admonetur Confessarius.
 „Quos in graviora crimina frequenter ex prava consuetudine incidisse animadvertit,
 „iis AD ALIQUOT DIES, ATQUE ADEO MENSES, PROUT MORBI GRAVI-
 „TAS EXEGERIT ABSOLUTIONEM DIFFERAT; ita tamen ut illos sanare, non
 „autem in desperationem, aut confusionem inducere pie prudenterque procuret.
 „Quod fere monitum nos iam præmisimus supra. Mitto plurimos alios Theolo-
 „gos magni nominis ita loquentes; quorum quilibet non dubitavit dicere, hoc
 „uno remedio differendi prudenter absolutionem, & interea impellendi peccatores ad
 „exhibendum aliquandiu opera veræ pœnitentiæ, sperari posse ingentem fructum in Ec-
 „clesia, & correctionem morum in plerisque hominibus gravium scelerum reis, ac præ-
 „sertim relapsis. “

§. VI.

CARDINALIS DENHOFFIUS.

XIV. **C**eleberrima est, & in varias linguas versa, *Instructio pastoralis* Cardinalis Denhoffii Episcopi Cæsenaensis ad suum Clerum. Ex epistola, quam huic Pastoralis præmittit, pauca delibo.

XV. „ Ad succurrendum in hac tanta calamitate populo, e peccati tenebris ad admirabile lumen gratiæ vocato, nullum invenimus remedium efficacius quam ut accurate doceamus, qua ratione in foro pœnitentiæ vos gerere debeatis. . . . Vos admonemus, quod tametsi Ecclesia, conditis in ultimo generali Concilio decretis, seu canonibus manifeste nobis testata sit, se per omnes temporum ætates eundem in hac re servare spiritum; nihilominus sparsæ sunt per orbem opiniones quædam menti illius adversantes, quas veluti latentes scopulos quosdam portum obsidentes sollicite evitare oportet &c.

„ Idcirco vobis in hoc opere tutas monstramus semitas, quibus incedentes efficiatis ut animæ cum Deo redeant in gratiam, a qua exciderant, & in recuperata confirmentur: ne salutem peccatorum resipiscentium periculo exponatis, & ut Jesu Christi Redemptoris nostri gratiæ, qua liberamur, magnam apud omnes concilietis reverentiam, & existimationem. Bona fide illis utamini, memores ab administratione sacramenti pœnitentiæ vestram quoque æternam maxime dependere salutem. . . . Est profecto quod timeatis a divina iustitia pro perditione tot animarum, quæ alioquin salvæ evasisent: quandoquidem verum sit multos Sacerdotes futuros non fuisse de numero damnandorum, nisi fuissent de numero Confessariorum. “

XVI. Ex iis quæ in ampla Instructione habet per insignis hic Cardinalis; unum & alterum dumtaxat transcribam monitum. Inquit §. 9. oportere ut pœnitentes sese præparent precibus, humilibus, ac piis operibus, & repetitis actibus virtutum, quæ vitiis dominantibus adversentur. Id verum esse agnoscit D. Bernardus, & mirifice rem illustrat. „ Sicut sunt peccata minima, sunt mediocria, sunt & magna. Magnus ergo peccator magna misericordia opus habet, ut, ubi abundavit delictum, superabundet & gratia. Idcirco Rex David post adulterii flagitium Deum rogat: *Miserere mei Deus secundum magnam misericordiam tuam.* Hanc autem misericordiam magnam non largitur Deus magnis peccatoribus sine præcedenti luctu gemituque, nec sine multa pœnitentiæ exercitatione, flagitante hac æconomiam iustitia Dei, ut e Tridentino Concilio sumus edocli. “ Ad quam tamen „ novitatem, inquit, & integritatem per sacramentum pœnitentiæ sine magnis

„ nostris fletibus, & laboribus, divina id exigente iustitia, pervenire nequaquam possumus. “ *Et sane rationi prorsus est consentaneum ut ad impetranda a Deo magnæ misericordiæ beneficia, cuiusmodi sunt copiosa gratiæ opitulantis auxilia, quibus omnino, & peculiariter opus est ad conversionem peccatoris, qui diutina vitiorum consuetudine languescit, longe maior etiam præcedat apparatus pœnitentiæ; quam si quis nuper admodum in crimen aliquod infortunio sit prolapsus.*

At præter divinam iustitiam, quæ id postulat, ipsa quoque vitia consuetudini adherentia, quæ vehementer ad peccandum stimulant, aliquo plane temporis spatio oppugnanda sunt ante absolutionem; ut Sacerdos, dum eam impendit pœnitenti, sit morali modo certus hunc esse ab illis iam satis liberatum: quod tum deum credere possit, quum viderit frequentiam delictorum ex consuetudine profluentium per præcedentia pœnitentiæ exercitia ad hanc rem idonea, notabiliter esse diminutam.

XVII. Subdit §. 12. Si recens est consuetudo, cum & hæc tamen veluti funis sit ex multiplicatis peccandi actibus contortus, qui miserum & infelicem reum fortiter ligatum tenet, dicente Psalmographo: Funes peccatorum circumplexi sunt me: etiam hic consulendum erit ut plusculum temporis, quo rumpi possit, illi detur. Ita & docuit, & fecit magnus Indiarum Apostolus S. Franciscus Xaverius . . . Neque arbitremini, exhortationes vestras, quæ exiguo tempore inter confitendum cursim, & velut in transitu fiunt, supplere posse erga homines prava consuetudine implicatos quod deest præparationi, quæ per exercitationes pœnitentiæ præcedere debet: cum eiusmodi non solum mortui iaceant, sed etiam sub grandi perversæ consuetudinis lapide sepulti; adeo ut gratia auxilio minime vulgari, & quasi miraculo opus sit ut e tali profundo subito eruantur. Cum autem putandum non sit, consistentes id auxilium nactos esse ob subitarum conversionum raritatem, id erit vobis amplectendum, quo nec sacramentum, nec salus pœnitentis in periculum veniat: quia præsto sunt remedia lege communi adhibenda, nempe ut iustum temporis spatium pœnitenti assignetis; quo se ad impetrandum absolutionis beneficium præparet, id agendo quod innuit Concilium Tridentinum sess. XIV. de pœnit. cap. 2. scilicet, ut tempus aliquod exigat gemitibus ex animi dolore profectis, & operibus pœnitentiæ supra descriptis.

XVIII. Hæc pauca delibasse sufficiat ex plurimis quæ ibidem docet Cardinalis Denhoffius.

C A P U T VI.

Omnes Concionatores, & sacri Missionarii e suggestu doctrinam hactenus explicatam docent. Ergo opposita plurimum Casuistarum doctrina falsa est.

I. **C** Apite superiore paucorum ex celebrioribus ultimæ ætatis nostræ Theologorum testimonia retuli brevitatís studio. Ceterum innumeros alios allegare potuissém ad confirmandam doctrinam menti & spiritui Ecclesiæ omnino consentaneam, & unanimi consensu SS. Patrum probatam. In præsens auctoritatem omnium ætatis nostræ Concinatorum recordari lubet. Revolvantur omnes libri qui *Quadragesimales* nuncupantur, in omnibus ubi sermo est de pravis peccantium habitibus, occasione proxima, consuetudine, atque frequenti in eadem crimina relapsu, de pœnitentiæ protractæ difficultate, doctrina superiori capite tradita invenietur altius exaggerata. Quodnam argumentum robustiori eloquentiæ vi Concinatores amplificant, urgent, inculcant, quam difficillimam peccatoris aut consuetudinarii, aut frequenter relabentis, aut diu permanentis in scelerè conversionem? Hanc contingere non posse clamant, nisi lacrymis, ieiuniis, precibus, eleemosynis, vigiliis, & laboriosis operibus præviis. Instantaneam non esse, sed gradatim & pedetentim fieri hanc conversionem monent. Paucos ex his peccatoribus consuetudines, pravosque peccandi habitus exuere, a via mala recedere, ad Deum sincere converti, novamque christianam vitam assumere concludunt, & innumeris Scripturarum, SS. Patrum, rationumque momentis, & funestissimis exemplis hanc doctrinam confirmant. P. Claudius de la Colombiere Soc. I. Concinator celeberrimus, & divino spiritu fervens, ut ex eiusdem concionibus, & sublimissimo, quod edidit, voto apparet, *serm. lxxii.* adversus eos qui ieiunia quadragesimalia violant, & nihilominus in Paschate & continentur, & communicant, his verbis latine redditus eos alloquitur. „ Vos, auditores, „ persuadere mihi contenditis pœnitentiam vestram veram esse? Adeo falsam illam ego existimo, ut vobiscum Redemptoris sanguinem profanare vererer, si „ vos absolverem, antequam vos, *elapsis festis, quadraginta dierum ieiuniis ad „ pœnitentiam disponerem*, ut hoc experimento colligerem, num revera vos violatæ Quadragesimæ pœniteat. “ Hactenus Concinator hic ferventissimus. Rigorista ne P. de la Colombiere? Decepit ne auditores suos hac doctrina? Si ob violatam Quadragesimam aliam Quadragesimam servandam imponeret, qua pœnitentia affligeret adulteros, & fornicatores consuetudinarios? Quid ad hæc Casuistæ benigni?

II. Auditores, dum eiusmodi conciones audiunt, impallescent, commoventur, lacrymantur, & perterriti discunt. Accedunt ad Confessarios, doctrinis Casuistarum præventos, & vix manifestatis illis ipsis peccatis quæ præter propter plurium annorum intervallo confessi semper sunt, absolutionem obtinent, & exsiccatæ lacrymis, pulsoque pavore, & terrore ex concione concepto hilares & læti se iustos reputant, & post paucos dies in eadem relabuntur flagitia. Luxum, pompas, fastum, & paganicam vestiendi formam, quam *MODA* vulgo appellant, & cetera mundi oblectamenta, in quæ tanto ardoris zelo investiti Concionatores sunt, resumunt ut antea. Intimos conscientiæ morsus & latratus, quos excitarunt Concionatores, patefaciunt Confessariis & Casuistis suis, quorum non pauci respondere solent: *Prædicatores concionatorie, oratorie, figurate, emphatice declamant, exaggerantque*. Cum hæc audiunt mæsti pœnitentes, lætantur, triumphant, & sin expresse & directe, certe reipsa, & sub cuiusdam hypocritæ velo animos resumunt, viresque instaurant ad arripiendas vias suas malas.

III. Hæc universo mundo comperta sunt, nempe Concionatores omnes difficilimam, & raram esse peccatorum *recidivantium, habituatorum, & consuetudinariorum* conversionem e suggestu enuntiare, exaggerare, & invictis argumentis demonstrare. Nihilominus consuetudinarii, & pravis habitibus irretiti communiter absolvuntur a pluribus & pluribus Confessariis, continuo ac facti sunt peccata sua, si pectus tundant, si lacrymas fundant, spondeantque emendationem, quam tot annis antea sponderunt absque fructu. Vix unum & alterum in centum reperies ex his peccatoribus qui communiter, ut dixi, non absolvantur a pluribus Confessariis. Et hoc factum adeo verum exploratumque est, ut si quandoque eiusmodi peccatores incidant in aliquos Confessarios doctos, cordatos, & probos, qui differre absolutionem velint, illos ut crudeles, rigoristas, & carnifices conscientiarum traducant, & infestentur.

IV. Quibus adhærendum, quorum præferenda doctrina est, Casuistarum, aut Concionatorum? Concionatores argumenta sua hauriunt ex Scripturis sanctis, ex Patribus, & Conciliis. Concionatoribus coniunguntur omnes ad unum libri quos *spirituales & asceticos* appellamus. Auctores isti magna sunt auctoritate præditi, utpote & morum probitate ornati, & cælesti lumine perfuncti. Accedit quod isti solam Scripturæ divinæ, & SS. Patrum doctrinam explicant. Itaque tum ab auctoritate, tum a rationum momentis eruitur, oppositam plurium Casuistarum doctrinam, & praxim omni destitutam esse vera probabilitate. Hæc serio meditentur Confessarii, & missis plurimis Casuistis, qui abusum fovent impertiendæ absolutionis sacramentalis quibuslibet peccatoribus *recidivantibus*, dummodo ore dicant se dolere, spondeantque emendationem, doctrinam Ecclesiæ in tot Conciliis,

liis, & præsertim in Tridentino explicatam, & tot sanctorum virorum testimoniis munitam amplectantur.

V. Unum nunc deplorandum amaris lacrymis est, nempe dissidium, & tam aperta contrarietas verbi Dei Prædicatores inter, & Confessores. Aliam ne doctrinam pro *pulpito*, seu pro *suggestu*, aliam doctrinam pro *confessionario*, Evangelia Christi tradunt? Unde, quæso, tam aperta, & omnibus pervia oppositio? Plura hac de re scribit numquam sine laudis præfatione memorandus P. Michael Elizalde Iesuita *Lib. VI. quæst. vi. §. 6.* Pauca transcribere lubet. „ At sacris Con-
„ cionatoribus id propositum est sibi *ex libris Dei, & per libros maxime Sancto-*
„ *rum* causam esse agendam. Ex his ergo ipsis, & per hos ipsos, non per o-
„ mnino alios, & Theologus, & Confessor, & consultor directorque conscientiæ
„ uti deberent: ex qua plane concordia fructus ingentes colligerentur. Ut ita-
„ que in sacris concionibus vix alii libri audiuntur: Augustini, Hieronymi,
„ Chrysostomi, Gregorii, ac similes perpetuo teruntur: hi noti, hi domestici,
„ familiaresque sunt. . . Cum. porro alii in templis proferuntur, ex aliis vero
„ dein vivitur, fiet plane ut Sanctorum doctrina in templis maneat, haud vero
„ transeat ad mores.

„ Ubi illud perpetuo quærere soleo, utrum quæ ex Scripturis, & Sanctis in
„ templis esserunt, vera sint, aut falsa? Si falsa, quod absit, nec quidem in
„ templis esse ingerenda. Sin vero vera sint, ut utique sunt; ergo etiam in
„ schola, & in libro morali, & ubique vera sunt. Fieri ergo nequit ut aliud
„ sit verum templorum; & non hoc, *sed aliud sit verum librorum moralium*:
„ & uno modo ex suggestibus sacris instituendi simus de via salutis, & profus
„ alio alibi.

„ Dixi eadem in eundem finem media a Concionatore, & Theologo morali
„ esse adhibenda; non alia & alia: nam cum utraque poni simul nequeant, al-
„ terutra omittentur, ut plerumque sane contingit: quemadmodum si alter mihi
„ dicat, Vallisolerum nonnisi equo, aut nonnisi hac via esse eundem; alter
„ vero aut cursu, aut alia via eundem doceat; alterutrum omitatur necesse
„ est. Et fane ex Missionariorum, aliorumque similium doctrinis pauci sunt
„ qui vivant &c.

„ A principio plane non fuit sic. Neque enim Apostolorum in primis tempo-
„ re, alia ipsi in concionibus dabant; & alia deinde Theologi, ex quorum di-
„ ctis esse vivendum supererat: aut alia ipsi tamquam magistri sermonum, &
„ verbi Dei annuntiabant; & alia deinde tamquam Theologi epistolis suis, aut
„ verbo edocebant. Neque Martyrum tempore, nec ætate Doctorum fuit ista
„ sacrorum Oratorum, Theologorumque divisio; ut alii quidem Theologi es-
„ sent, & alii dein verbi Dei annuntiatores: & alia & alia utrique docerent:

Sf iij „ &

„ & Theologorum esset doctrinam tradere ; Concionatorum vero *nescio quid a-*
liud : & hi quidem ex Scripturis ; illi autem aliunde differerent , causasque
 „ terminarent , atque ad hos ex illis appellaretur . “

VI. Sed heu ! Adeo invaluit gravissimus abusus iste , alios pro concionibus ;
 alios pro moribus formandis habendi libros , aliamque pro munere concionandi ;
 & aliam pro audiendis confessionibus comparandi doctrinam , ut candidati unum
 examen pro munere Concionatoris , aliud pro officio Confessarii sustineant . Et
 quamquam hoc duplex examen honestari aliqua ratione valeat ; nemo tamen
 corruptelam hanc immanissimam probabit , videlicet aliam e suggestu , aliam in
 confessionali tradendi doctrinam . Et tamen quot Concionatores , quot apostolici
 ministri , seu *Missionarii* , ut vocantur , tempore sacrarum missionum , e suggestu
 ardentissimo zelo declamant , detonantque adversus peccatores recidivos , consue-
 tudinarios , & pœnitentiam procrastinantes ; & , ut superius dixi , omni argumen-
 torum genere evincunt extremam difficultatem evellendi depravatos inveteratos-
 que habitus , mutandi arreptam vivendi consuetudinem ? Quæ non adducunt ar-
 gumenta adversus falsam moribundorum pœnitentiam ? Clamant , inclamantque ,
 moraliter possibilem non esse veram pœnitentiam in illa extrema lucta . Cur ?
 Quia transitus iste de extremo vitiorum ad extremum virtutum evangelicarum
 paucis momentis , sublato miraculo , non fit . Reperta flagitia & continuata
 mentis cæcitatem , cordis duritiem , & obstinationem parere , Dei furem ac-
 cendere , divinam vindictam provocare , obstacula divinæ misericordiæ , & qua-
 si vim inferre , sexcentis Scripturarum , & SS. Patrum testimoniis probant , de-
 monstrantque .

VII. Quid postea ? Ex iis ipsis Missionariis non pauci , e suggestibus ad confes-
 sionalia transeuntes , quasi aliud munus exercerent , aliam omnino contrariam do-
 ctrinam usurpant . Plura & plura hominum millia absolunt , & ad sacrosanctam
 communionem admittunt spatio trium quatuorve hebdomadum . Inveteratos per-
 iures , feneratores , blasphemos , fornicatores , iuvenes , puellasque mutuo se impu-
 dico amore prosequentes , vindicatores , maledicos , lutores , & cuiusque status ,
 professionis , & artis absolunt , & indulgentia plenaria eosdem ornant viginti
 dierum intervallo , vix uni inveterato peccatori convertendo opportuno . Et cum
 plura hominum millia sacramento pœnitentiæ expiaverint , sacraque communio-
 ne paverint , tum ingentis messis secundam reputant apostolicam missionem :
 Quot autem ex tot hominum , & mulierum , iuvenum , & puellarum millibus
 sincere in Deum conversi ? Tot , quot illi ipsi sacri Missionarii , e suggestibus Dei
 verbum prædicantes , annuntiarunt convertendos : quot illi ipsi ex peccatoribus ;
 periuriis , impudiciis , ludis , profanis amoribus , iniustitiis , mendaciis , fraudibus ;
 dolis , senoribus assuetis annuntiaverunt sincere & plene inter paucos dies con-

vertendos? Páucos, paucos. Et quoniam doctrina ex cathedra evangelica prædicata, & ex Scripturis, & SS. Patribus hausta vera est; ideo pauci reipsa sincere & vere convertuntur. Ex representatione fornacis gehennalis, ex tremenda imagine æternitatis, iudicii universalis terribis depicta coloribus a Missionariis, auditores perterriti, & timore quodam servili correpti, lacrymabundi alii, alii siccis oculis Missionarios in confessionali sedentes adeunt, dicunt dolere sibi, spondentque in posterum se amplius non peccaturos; & communiter omnes absolvuntur. Experientia ipsa omnibus luculenta testis est, quam confirmo sequenti facto. Parochus quidam doctus, & morum probitate ornatus, atque curæ gregis sui zelo flagrantissimus, audiens quosdam Missionarios e suggestu apostolico pectore declamare adversus peccatores 'consuetudinarios', eorumque larvatam pœnitentiam, inclamantes difficillimam esse istorum conversionem, hanc paucis diebus fieri non posse, sed necessario requiri ut præcedant ieiunia, elemosynæ, iuges preces, lacrymæ, gemitus, & alia laboriosa pietatis opera, exultabat quod tam sana doctrina oves sibi concredite pascerebantur. Quid postea? Ingrediuntur *confessionalia* Parochus, & Missionarii, sedentque horis pluribus. Parochus vix decem pœnitentium confessiones excepit illo intervallo quo Missionarius plusquam centum absolutos dimisit. Expleto ministerio Parochus, qui propriis oculis universalem hanc absolutionum dispensationem prospectavit, Missionarium adit, eumque allocutus est. *Manu?* Quid est hoc? Tu e suggestu invictis rationum momentis ostendisti, non esse peccatores frequenter relabentes absolvendos, nisi prius probentur, nisi prius exhibeant sinceræ conversionis signa: & tu eo intervallo quo ego vix decem pœnitentes expedire potui, plusquam centum iudicatos, & absolutos dimisisti? *Manu?* Quid est hoc? Respondit intrepide Missionarius. *Aliud est pulpitu, aliud confessionarium. Una res est suggestus, alia res est tribunal pœnitentiæ.* Obmutuit Parochus, & tum intellexit, aliam esse quorundam Concionatorum, & Caluistarum Theologiam. Quid heinc? Negligendæ ne conciones, & missiones? Absit. Hoc est verum apostolicum ministerium. Corruptelæ, quæ omnem professionem, tametsi sanctissimam, comitantur, corrigendæ & eliminandæ sunt. Doctrinam quam Missionarii e suggestu tanto ardore, & tot argumentis munitam prædicant, in confessionali executioni demandent, ut tot insignes & sancti Missionarii reipsa faciunt. At, inquirunt, tempus missionibus in hoc aut illo loco peragendis destinatum tribus quatuorve septimanis concluditur; quo spatio elapso abeundum est. Quid heinc? Absolvendi ne propterea omnes accedentes ad *confessionale*, tametsi pluries eadem flagitia perpetrata confessi fuerint? Nequaquam. Desperantes ne, & impœnitentes relinquendi? Ne quidem. Quid ergo agendum? Id quod præcipiunt Scripturæ, Patres, Concilia, & præsertim Tridentinum, Revocanda nempe in memoriam est,

& altius animis inculcanda doctrina e suggestu prædicata, ut lacrymis, gemitibus, ieiuniis, vigiliisque se se disponant ad plenam conversionem. At proficisci, & abire Missionarii debent. Esto. Instruantur pœnitentes peregrinationum quas olim pœnitentes veri suscipiebant, ut ad absolutionem obtinendam se se disponerent. Imponatur iissem, ut postquam laboriosis operibus se præparaverint, iter suscipiant; & ad locum quo profecti sunt Missionarii, accedant, quo ibi exhibitis plenæ conversionis argumentis absolutionis beneficium assequantur. At iter istud perincommodum illis est. Verum habet. Sed neque millesima pars est pœnitentiæ quæ iisdem debetur, & quæ olim imponebatur. At plures sunt patresfamilias, mulieres, puellæ, filiisfamilias, artifices, operarii, qui has peregrinationes, vel itinera arripere nequeunt. Verum est. At plurimi sunt qui possent, si revera essent contriti, & sincero desiderio flagrant se in Deum convertendi. Istis onus tale imponatur; ceteris omnibus methodus vitæ ducendæ, & pœnitentiæ peragendæ, qua se disponant ad veram confessionem, & validam absolutionem obtinendam, præscribatur; & instruantur, ut suis Parochis, aliisque probatis Confessariis tempore præscripto confiteantur.

VIII. Difficillima hæc sunt, & pauci ad praxim eadem redigent, paucique in missionibus confiterentur, hac servata methodo. Fateor: quia pauci sunt electi. At saltem millena sacrilegia evitarentur, & occasio subtraheretur, ne in errorem inducerentur, si fieri posset, etiam electi. Scandalum enim gravissimum interdum pati civitates, & loca sacrarum missionum possunt. Vident inveteratos avaros, feneratores, adulteros, periuros, blasphemos, impudicos, ambitiosos tempore missionum indiscriminatim absolvi, & ad sacra altaria communicaturos accedere. Peractis sacris missionibus vident eosdem consueta crimina patrare, & antiquam vivendi formam tenere. Quid heinc? Secum colluctantur, pugnant, & quasi in fide nutant, vacillantque. Doctrinæ e suggestu a Missionariis prædicatæ, & doctrinæ in confessionali executioni demandatæ menti occurrunt. Pugnam & contrarietatem inter has doctrinas meditantur, & secum ipsis belligerant. Plures confirmantur in iniquitate, & ex facilitate veniæ, atque absolutionum, peccandi animos, & incentiva sumunt delinquendi; ut Cyprianus, Ambrosius, & Patres omnes clamant, & experientia ipsa vociferatur. Gloriantur interdum, & veluti triumphabundi discedunt sacri Missionarii, quod integrum fere populum loci in quo missionem egerunt, absolverint, sacra Eucharistia resece- rint, & plenaria indulgentia donaverint. At Seraphicus Patriarcha Franciscus lumine divino perfusus lacrymatur, quod ex viginti & amplius millibus hominum quatuor tantum affectu Assisi essent plenariam indulgentiam. Ostentant plures, & iactabundi clamant, sæculum nostrum aureum esse, quod nunquam fuerit tanta sacramentorum frequentia. At contra viri Dei, & servi Iesu Christi

lugent, quod numquam fuerit tanta morum dissolutio, quod numquam tam sacrilege profanata sacramenta fuerint, quod numquam tam aperte consenserint iura peccatis, & licitum non modo esse cœperit, ut lacrymatur Cyprianus, sed evaserit, & altas radices egerit, quod publicum est. Lubet huic capiti finem imponere verbis quæ habet doctissimus atque morum integritate probatissimus *Guido de Seve de Roebecouart Episcopus Atrebatensis* in sua pastoralis amplissima Instruktionē III. cap. 1.

IX. „ Non absque ratione, fratres mei, in 2. nostra epistola pastorali axioma primo, ac ceterorum omnium fundamento, posuimus grandem hanc & gravem Christianismi veritatem: tenendam esse viam arctam, si quis velit ad salutem pervenire. Videtur enimvero quod axioma istud ignoretur, vel non satis serio ad primam illam ac fundamentalem religionis nostræ veritatem attendatur, si tot Christiani longissimo tempore, non deserta via lata sæculi, ad sacramenta accedunt; tot etiam Confessarii, qui eos in vitiis suis fovent directione adeo ignava & molli, ut quamquam peccatores isti baptismi sui innocentiam servassent tam fideliter, ac eam per crimina sua amiserunt insiditer, deberent eos tamquam Christianos ad vias duriores ac molestiores constringere. *Neque enim vita delectiarum & voluptatis est Christianismus* . . . Idcirco tamquam veritas constans, eaque fidei asseverari potest, Christianos qui spatiosas mundi vias ambulant, quorum vita in mediis sæculi deliciis, corde numquam ab eis avulso, agitur, qui cupiditatibus toti addicti sunt, quorum unus scopus est, una cura, unum in mundo negotium, aut avaritiæ, aut ambitioni, aut voluptatibus suis satisfacere, quos sæculo, & regulis ipsius plenos conspiciamus, qui, dum semper laborant, semper otiantur, quia numquam, vel parum laborant Deo . . . *Domicella* mundi e. g. quæ seipsa occupatur dies totos, ut hominibus placeat, quæ modo mundano, & immodesto se vestit; quæ, dum modum (*la Moda* ut aiunt) habet veluti speciem quamdam religionis, collo, & humeris nudis laqueos tendit innumerorum hominum castitati; cuius cor mundo plenum est, numquam Deo; quæ templum non ingreditur, nisi ut maiori illic pompa, & graviori crimine immodestiam suam oculis Dei ostentet, ipsique Christo Iesu in altaribus nostris quodammodo insultet: mulier, inquam, ista semper in gaudio, in voluptatibus, in deliciis, est ne in via arcta? Minime sane. Est ergo in via perditionis. Numquid confitentur? *Sepissime*. Non ergo suos eam novit Confessarius? *Versatur cum illa frequenter*. Numquid hæc agendi ratio in mundo communis est, at simul prorsus damnanda? Quot in hac effigie cognoscere licet? qui in perniciem suam currunt, dum forte Confessarius tantum caritatis non habet, ut eos admoneat timore displicendi; aut non tantum firmitatis, ut post inutilia monita cogat eos ne-

„ gau-

gando sacramentum (quo nocentiores sunt) vitam mutare. Quot mercatores, qui quavis arte semper lucrantur? Quot operarii iniquitatis inter eos qui vel debent administrare, vel curare administrari iustitiam, ut iudices, advocati, procuratores? Quot Sacerdotes in vita omnino otiosa? Quot Religiosi, qui, postquam se a sæculo separarunt, in viam mundi spatiosam redeunt per negotia, & artes, quibus, insciis sæpe Superioribus, se se immiscunt. . . . Quot apud mundum honesti, qui alias non habent regulas quam sæculi, semper in comestationibus, nec tamen ebrii; semper circa fortunam suam occupati, desiderio immoderato, & ambitione, quæ limites non habet, nec tamen iniusti; semper in voluptatibus, quas non damnat mundus, nec tamen impudici? Hi omnes incedunt ne per viam arctam? Numquid incedunt per viam spatiosam, ac proinde per viam perditionis? Hi omnes numquam aut debito conscientie, aut Ecclesiæ præceptis de confessione & communione annua satisfaciunt? Nulla interim mutatio. Unde hoc? An quod prælice convitti non sumus, tenendam esse viam arctam, ut veniatur ad cælum? An quod hæc veritas salutis sterilis maneant in mente, nec ad cor usque transeat? An quod nec ad mentem forte perveniat? An quod excæcet ipsa cupiditas? An quod verum sentiat in ignorantia? An quod forte Directores, & Confessarii veritatem illam ignorent, & sint duces cæci, qui aliis ducatum præstant? An quod obliviscantur, aut negligant pœnitentes suos de hoc instruere; aut pœnitentes monita ipsorum contemnunt? Quæ breviter est origo illius cæcitatæ, qua tantum non eversum est **FUNDAMENTUM CHRISTIANISMI, STABILITAMQUE SPECIEM QUAMDAM HÆRESEOS IN RE MORALI PERICULOSIOREM** (si dicere liceat) Christianis quam quæ ad fidem spectat? Cum tam frequens sit impugnari in Ecclesia huiusmodi veritates practicas, quam est rarum (apud Catholicos) illic impugnari eas quæ in sola hærent speculatione. Aliunde sæculum nostrum suppeditat exempla, de quibus non ingemiscere non possumus. Et omnes errores isti, quibus **MORALIS RESTERSA EST**, & e quibus aliqui in ipsa principia, & legem naturæ impingunt, ex quo fonte alio scaturisse poterant, nisi quod ignoraretur tum magnum illud principium de necessitate ingrediendi viam arctam, tum indispensabile præceptum, quo tenetur Christianus naturæ suæ sensa, ac desideria oppugnare; simul quod parum animadverteretur, quorum se debitorem constituerit in baptismo?

Porro cum ignorantia illa non aliunde nascatur, quam quod istiusmodi malorum dogmatum auctores, qui in caput suum Sedis Apostolicæ, & plurimorum Episcoporum fulmina, & anathemata provocarunt, consulere pro suis de-
cisionibus non soleant sacras litteras, aut SS. Patres, aut Concilia, quæ apud ipsos tam raro citata invenies, quam illic frequenter videbis ingentes quorundam

„Theo.

„Theologorum ultimi sæculi catervas: putamus ad veritatem illam solidius stabiliendam, constituendamque extra omnem controversiam, debere nos eam sacris literis, Patribus, & ultimi Concilii auctoritate fulcire; confidimusque fore ut fideles, dum intelligent, quid status Christiani exigat a iustis, se submittant legibus quas Ecclesia pœnitentibus, & peccatoribus præscripsit.“

C A P U T VII.

Plures quæstiones casuisticæ de absolutione impertienda; vel differenda peccatoribus relabentibus, consuetudinariis, & in occasione proxima versantibus.

I. **D**octrinam Scripturarum, SS. Patrum, & insignium ultimæ ætatis Theologorum præmittere operæ pretium existimavi, ut lectores, hac sanæ doctrinæ lectione præventi, iudicare, & feligere, vel improbare valeant plurimum recentiorum Casuistarum opiniones. Sed primum omnium doctrina de occasione proxima præmittenda est.

§. I.

De occasione proxima. Variæ recentiorum distinctiunculæ. Has P. Michael Elizalde false deridendas exhibet.

I. **L**ibro superiore *diff. 11. cap. xiii.* ubi exposui propositum necessarium ad contritionem, sermo fuit de occasione. At quia materia hæc implicata est, eiusque notitia summe necessaria; idcirco lubet iterum clarius eandem explicare.

II. Plures recentiores Casuistæ definiunt *occasionem proximam esse in qua homo fere semper peccat*: quæ sane definitio mihi haudquaquam probatur; immo eam tamquam æquivocam, & sensibus falsis, atque periculis obnoxiam reiicio. Ex data quippe definitione consequitur, occasionem aliquam definere esse proximam, dum in ea frequentius non peccatur quam peccetur; tametsi frequenter peccetur. Nam si quis e. g. quotidie conversaretur cum muliere, dum nonnisi bis terve in hebdomada peccaret, dici iuxta datam finitionem deberet, hunc non versari in occasione proxima; propterea quod minus frequenter peccet quam quod peccet; atque adeo falsum sit eum peccare *fere semper*.

III. Reiecta itaque recensita finitione, existimo occasionem proximam describi pos-

posse, esse illam in qua quis frequenter peccat, aut quæ natura sua; vel illius qui in ea versatur, conditione spectata, proxime ad peccandum inducit. Distinguendæ porro sunt duæ occasionis proximæ species. Altera est proxima per se, & natura sua; ut locus infamis, vel mulieris profligati pudoris commercium; altera, quæ est proxima tantum per accidens; ut ingressus tabernæ ebrioso, ut mercatura homini avaro, militia iuveni effrenato, officium medici homini inepto, officium iudicis homini aut ignorant, aut ad iniuste iudicandum valde propenso. Eiusmodi occasiones proximæ per accidens vocantur: quia proximæ non sunt relate ad omnes, sed solum ad quosdam; quibus tamen desinerent esse tales, si isti revera converterentur. S. Carolus Borromæus in *Instruct. pœnit.* enumerat plures occasiones istius secundi generis. Sic (inquit) plerisque sunt hodie; seculi nostri vitio, bellum, negotiatio; magistratus; advocatorum, procuratorumque professio. Qua in re vigilare eo maius operæ pretium est, quod Confessariorum hac in parte INCURIA in omnibus artibus, & professionibus regnent plures abusus; gravissimæque peccata, sine quibus iam videtur a multis ne iustissimas quidem professiones exerceri posse. Sic v. g. in magistratum, & aliorum officiorum institutione, ea solemniter sepe sacramento promittuntur quæ numquam observantur. Apud iurisperitos, advocatos, & procuratores clientum improbitati, & iniustitiæ contra propriam conscientiam servitur. In militia, duello, & aliis, homicidiis, alia, blasphemis, rapinis, & impudiciis peccari solet. Mercatores usuras palam exercent, pro sinceris fucatas merces plerumque proponunt, pretiis longe iusto maioribus omnia vendunt, frequentia sunt apud eos periuria, fraudesque in solvendis pedagogis, aliisque. Plurima alia in artificibus, & mercatoribus non paucis reprehendenda occurrere solent, videlicet opificia male confecta, sive fraude, sive malitia, sive imperitia. Deinde festis diebus laborant, & famulos occupatos tenent, & divinum cultum negligunt. Propter quæ crimina, quæ variis fucis honestant, raro valide continentur non pauci.

IV. Occasio proxima insuper alia voluntaria, alia involuntaria. Voluntaria est quam quis sponte libereque eligit, & a qua tum physice, tum moraliter separare se potest; ut herus, qui peccat cum muliere, quam penes se habet, quamque dimittere libere valet. Involuntaria est a qua quis separari nequit: eaque duplex est: alia involuntaria physice, a qua nullo modo se quis separare potest, cuiusmodi sunt damnati ad carceres, ac triremes &c. Occasio proxima involuntaria moraliter dupliciter rursus consideratur. Alia quæ deferri non potest absque peccato vel semper, vel ad tempus; ut maritus & uxor, quando sibi mutuo occasio proxima peccandi sunt. Mutuo tamen consensu debent sibi consulere, & ea adhibere remedia quæ opportuna sunt ad occasionem criminofam auferendam. Alia est occasio proxima involuntaria moraliter, quæ deferri absque gra-

gravi damno nequit. In istiusmodi occasionibus versantur mercatores, milites, iudices, advocati, & ceteri omnes quibus proprius status est occasio proxima peccandi; quem statum si desererent, ad mendicitatem reducerentur. Hæc involuntariæ occasionis proximæ species origo fuit, & est plurimarum opinionum laxarum, quas infra expendam.

V. Distingui etiam solet occasio proxima in eam quam quis contraxit per habitus pravos, seu peccandi frequentiam, quæ intra ipsum peccatorem est; & in illam quæ extra peccantem est, cuiusmodi sunt omnes occasiones exteriores. Distingui occasio a periculo solet; sed pro eodem communiter accipitur. Dividi etiam solet periculum seu occasio in materiale, & formale. Occasio seu periculum proximum materiale suapte natura, & secundum circumstantias extrinsecas est conjunctum cum peccato; tametsi non coniungatur ob peculiarem conditionem personæ. Periculum vero formale proximum, seu occasio formalis proxima est, quæ, omnibus tum extrinsecis, tum intrinsecis circumstantiis spectatis, coniungitur cum peccato. Tandem distinguunt recentiores periculum, seu occasionem in certam, & probabilem; in gravem, & levem: quæ pariter distinctione plurium laxarum opinionum origo est. Periculum formale certum tunc esse aiunt, quando quis certo sibi persuasum habet in tali occasione seu periculo consistitum se peccaturum. Probabilem occasionem vocant, quando quis probabiliter, seu, ut ipsi aiunt, prudenter timet se in tali occasione lapsurum; simul tamen etiam probabiliter sperat se non lapsurum: & hæc probabilistica distinctio altera laxarum opinionum scaturigo est. Periculum leve est, quando quis leviter timet, aut suspicatur se lapsurum. De periculo, seu occasione remota nihil dicendum occurrit. Has omnes distinctiones recensere volui, non quod necessarias iudicem, sed ut colligat lector, quanta distinctiuncularum diversitate ipsius occasionis & periculi natura implicetur. Nec propterea inficior variam esse & occasionis, & periculi naturam, cum experientia hoc manifestum sit. Illud tantum in antecessum animadverto, in constituendo periculo seu occasione proxima peccandi duo spectanda esse, periculi seu occasionis naturam, & hominis statum, cuiusque vel lapsus, vel morum integritatem.

VI. Sed P. Michaellem Elizalde *Lib. VIII. quæst. xv. §. 3.* audiamus. Sunt etiam (inquit) qui de periculis tamquam de opinionibus probabilibus imperitissime philosophantur, dicendo alia esse magis, alia minus, alia æque probabilia. Illa æque probabilia aiunt in quibus toties plus minusve peccatur, & toties non; illa pericula magis probabilia in quibus pluries; illa minus in quibus non toties, sæpe tamen delinquitur. Resolvunt tamen iuxta viam opinionum probabilium, nullum horum discriminum nos generi vitare: quia in eis omnibus oppositum quoque, id est ne peccaturum non esse, est probabile. Ergo grave fundamentum sequor, prudenterque periculum adco.

Con-

Consecutio, & logica optima est ex VIA PROBABILIUM; sed quæ una viam illam (paradisi) evertat, & INFERNUM IMPLEAT. Quis enim sibi plene confians fateatur, hære iuveni domum illam adire in qua vel ipse, vel similes, & inslar sui adcentes toties, vel etiam pluries labuntur, caduntque? Tatet hoc dici non posse ex p. 1. esseque sorti, vel casui animam committere: quod scelus est. Ac postremo, ne in re absona conterenda moremur, hoc uno verbo est, ad nulum periculum vitandum obligare, sed dumtaxat ad vitandam necessitatem peccandi: nam post ea probabilia pericula sequitur necessitas; & quæ infra necessitatem existunt, aiunt esse utrimque probabilia. At nulla probabilia vitare teneor: ergo nulla pericula, sed solum necessitatem. Necessitas autem periculum non est. Et de propria periculi ratione est contingentia aliqua in oppositum, & nemo non fatuus ignem ad supam applicatum videns dicit, periculum esse ne comburat: & ita in aliis necessariis. O HOMINES!

VII. Hac exclamatione talia opinionum commenta primum improbat P. Elizalde, deinde ex ipsius Probabilismi principiis eadem profligat. Nam iuxta communem hominum sensum periculum grave & magnum peccandi mortaliter vitandum est. Sed omne periculum probabile grave & magnum periculum est. Siquidem iuxta Probabilistas omnis opinio vere probabilis gravi magnoque nititur fundamento; Auctoresque opinionis probabilis graves Doctores appellant. Ergo omne periculum probabile vitandum est. Transcribo verba P. Elizalde. Atque ad hominem nullo negotio demonstratur. Nam aiunt omnem conclusionem, opinionemque probabilem magno gravique niti fundamento: estque proinde opinio ipsa gravis, graviterque fundata: & Auctores etiam graves propterea dicere consueverunt. Ergo & omne periculum probabile est grave, & magne contingentis subest. Tenemur porro gravia, & magna pericula vitare. Ergo. At instant Probabilistæ. Si periculum peccandi magnum est, quia probabile est; etiam spes non labendi magna est, quia probabilis est. Ergo liberum cuique est alterutrum extremum eligere. Consequentia, subdit P. Elizalde, in via Probabilismi vera est. Sed via hæc a paradiso abducit, & infernum implet. Via hæc forti & fortuito ludo animas Christi IESU sanguine redemptas committit. Verum de his iterum paullo infra.

§. II.

*Propositiones de occasione proxima ab Ecclesia damnatæ
veluti antiævangelicæ , paucis declarantur .*

I. **A**lexander VII. sequentem propositionem, quæ est 41. damnavit. *Non est obligandus concubinarium ad eiiciendam concubinam, si hæc nimis utilis esset ad oblectamentum concubinarium, vulgo Regalo; dum deficiente illa nimis ægre ageret vitam, & aliæ epulæ tædio magno concubinarium afficerent, & alia famula nimis difficile inveniretur.*

II. Ven. Innocentius XI. sequentes propositiones de occasione proxima. damnavit.

60. *Pœnitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, non est neganda, nec differenda absolutio, dummodo ore proferat se dolere, & proponere emendationem.*

61. *Potest aliquando absolvi qui in proxima occasione peccandi versatur, quam potest, & non vult omittere, quinimmo directe, & ex proposito querit, aut ei se ingerit.*

62. *Proxima occasio peccandi non est fugienda, quando causa aliqua utilis, aut honesta non fugiendi occurrit.*

63. *Licetum est querere directe occasionem proximam peccandi pro bono spirituali, vel temporali nostro, vel proximi.*

III. Quam sint recensitæ propositiones directe Evangelio oppositæ, patet ex iis quæ supra dicta sunt. Cursim sub oculos textus evangelicos revoco. Matth. 7. hæc habentur. *Si oculus tuus dexter scandalizat te, erue eum, & proiice abs te . . . Expedit enim tibi ut pereat unum membrorum tuorum quam totum corpus tuum mittatur in gehennam. Et si dextera manus tua scandalizat te, abscinde eam, & proiice abs te . Expedit enim tibi ut pereat unum membrorum tuorum quam totum corpus tuum eat in gehennam.* Quisnam horum germanus sensus? Rescindenda amicitiarum, societatum, conversationum vincula, renuntiandum illecebris, oblectamentis, coniunctis, parentibus ipsis, quando ex istis peccandi, animamque perdendi occasio nascitur. Hæc est omnium Patrum interpretatio, & res ipsa patet.

IV. Ex recensitis proscriptionibus hostiliter cum Evangelio pugnantibus collige, cuius pastilli sit Theologia illorum recentiorum qui easdem invexerunt, & propugnarunt. Et tamen illi ipsi eas docuerunt quorum libri manibus teruntur, & quorum doctrina Confessarii utuntur. Nam licet damnatas theses absolute improbant; tamen alias doctrinas quæ ex eodem principio, & opinandi modo

proficiſcuntur, ambabus manibus ſuſcipiunt, & illas ipſas damnatas theſes una diſtinctiuncula adiecta eludunt.

§. III.

P. Dominici Viva *interpretationes in theſim* 41. *Alexandri VIII diſcuntur*. Doct̃or eximius P. Suarez a laxa doctrina vindicatur adverſus Leandrum, & Viva.

I. **S**upra Tom. IV. in Decal. Lib. VIII. diſſ. 1. cap. i. pag. 360. reſcripſi interpretationem P. Dominici Viva in *propoſ.* 41. Alexandri VII. Sed quia proluxa erat, nonnulla omiſi ibi, quæ ad rem non pertinebant, interiectis tamen ſignis, quibus monitus lector eſſet; aliqua omiſſa eſſe. Hac licet diligentia adhibita, nihilominus nonnulli, quorum nomini parco, & a iuſta correptione ſuperſedeo, fretus illorum probitate, qua illi ipſi ſemetipſos corrigent, abſtinebuntque impoſterum ab exponenda peccandi & quidem graviter periculo propria anima, ut partium ſtudio indulgeant: nonnulli, inquam, auſi ſunt inveteratam rancidamque cantiunculam, qua aurito gregi a tot annis imponitur, recanere, me ſcilicet minus ſincere, fideque mala truncatam exhibuiſſe dictam interpretationem. Quare, ut aliquo tangantur pudore, & ſi fieri poteſt, tandem aliquando ab eiufmodi impoſturis abſtineant, integram, opportunitate data, interpretationem illam reſcribo.

II. Itaque P. Dominicus Viva in ſua trutina in *prop.* 41. Alexandri VII. num. 16. hæc ſcribit. „ Dubitatur hic, an poſſit abſolvi qui in occasione peccandi proxima verſatus eſt, antequam illam tollat; præſertim ſi in alia confeſſione id promiſit, & deinde non ſtetit promiſſis. Nonnulli cum Con. diſp. vii. de pœnit. num. 133. Fill. Azor. Sanch. putant, abſolvi non poſſe extra caſum neceſſitatis; immo Cardenas diſſ. xl. cap. v. art. 4. num. 108. putat, id colligi ex propoſ. 61. Innoc. XI. ubi damnatur, quod abſolvi poſſit qui in proxima occaſione peccandi verſatur, quam poteſt, & non vult omittere. Et ratio videtur eſſe, quia qui ad ſacramentum pœnitentiæ accedit, antequam occaſionem illam tollat, cenſetur eam nolle elucere, atque adeo ſine debito propoſito efficaci non peccandi de cetero accedere, quandoquidem in hoc ipſo quod occaſio peccandi non tollatur, quando poteſt tolli, peccatur. Neque obſtat quod dicat, habere propoſitum tollendi. Nam ſi ſolum proponit illam tollere de futuro, & non ſtatim tollit, eo ipſo vult de præſenti in ea occaſione manere, atque adeo

„ pec.

„ peccat; sicut qui appropinquante leone proponit fugere, & non statim fugit,
 „ censetur velle in periculo mortis manere.

„ Communis tamen cum Suar. *dis. xxxii. sec. 3.* Tabiena, & aliis censent,
 „ posse huiusmodi pœnitentem absolvi semel ac iterum, si appareant hic & nunc
 „ vera signa doloris, & propositi efficacis tollendi statim occasionem proximam.
 „ Immo Corduba, Caiet. & alii putant, quod possit etiam tertia, & quarta vice
 „ absolvi; esto sæpe expediat absolutionem differre, quousque proxima illa occa-
 „ sio tollatur. Debet tamen omnino absolvi, etiam ante separationem ab illa,
 „ tum si instet mortis periculum, tum si, dilata absolutione, credatur non habi-
 „ turus ille opportunitatem redeundi, aut ex alia causa non rediturus. Ratio
 „ cur videatur posse prima, & secunda vice absolvi, est, quia potuit pœnitens
 „ aut immediate ante, aut audiendo concionem, aut audiendo ipsius Confessarii
 „ admonitiones, excitari ad verum, & efficax propositum non peccandi; in quo
 „ casu est sufficienter dispositus. Sic passim absolvuntur pœnitentes per hoc quod
 „ proponant restituere, quamvis ante confessionem non restituerint, prout pote-
 „ rant: quia ex admonitionibus Confessarii potest hic & nunc confurgere ve-
 „ rum propositum restituendi, quod ante confessionem vel erat debile, vel pu-
 „ tabatur sufficiens; esto per aliquod tempus opportunum restitutio esset differen-
 „ da: ergo hoc idem fieri potest in eo qui tenetur proximam occasionem tolle-
 „ re. Neque ex propositione illa 61. Innoc. XI. eruitur, quod absolvi non pos-
 „ sit. Nam qui proponit occasionem statim tollere, non potest dici, quod illam
 „ velit de præsentis; sicut nec dicitur velle periculum mortis qui appropinquan-
 „ te leone proponit fugere statim ac potest. Cautè tamen in hoc procedendum,
 „ eo quod passim huiusmodi propositum non est efficax in eo qui potuit antece-
 „ denter occasionem peccandi tollere, & nondum sustulit.

III. Conferat nunc lector hanc integram interpretationem cum illa quam *loc. cit.* retuli, & videbit, nihil, quod ad rem & intentum pertineret, omissum fuisse. Fulse consutavi *loc. cit. pag. 392.* hanc doctrinam, quam, salvo erga doctum piumque virum P. Viva officio, nimium laxam, & in thesi a Ven. Innocentio XI. damnata inclusam reputo, ut ibidem dixi. Igitur, ut Auctor noster evincat posse sæpe & iterum concubinarium,* de quo sermo est in præscripta ab Alexandro VII. thesi, seu peccatorem existentem in occasione proxima absolvi, exemplum obtrudit debitorum, qui *passim*, inquit, *absolvuntur per hoc quod proponant restituere, quamvis ante confessionem non restituerint, prout poterant.* Passim sane, & utinam non passim, absolvuntur debitores, quamvis ante confessionem non restituerint, prout poterant, a Confessariis indoctis, imperitis, aut laxis opinionibus præventis. Absolvuntur. Numquid valide? Numquid sæpius non sacrilege? Verba Indiarum Apostoli supra relata sub oculos iterum redeant. *Confessionem non*

*continuo sequetur absolutio . . . Si quid debent, restituant. Simulantes, si quas habent, deponant, redeant cum inimicis in gratiam, a libidinis consuetudine, & a ceteris flagitiis, quibus impliciti sunt, expellantur. Hæc omnia absolutionem præcurrant. An non magis facienda est istius Orientis Apostoli auctoritas quam Leandri, Tamburini, Escobarii, Dianæ, aliorumque commenta? Audiat P. Viva alium Italiæ nostræ, & Occidentis celeberrimum Apostolorum successorem, S. Carolum Borromæum, qui in Concilio I. Mediolanensi hæc præscribit. Caveant Confessarii ne ante debitam satisfactionem illos absolvant quibus, cum facultas adfuit aliena restituendi, vel legata quæ ad pias causas facta sunt, persolvendi, illisque, ut id facerent, superiori . . . confessione præceptum sit, præstare tamen neglexerunt. Latius hæc inculcat S. Archiepiscopus in *Instru. Confess.* An innumera alia Conciliorum decreta huc transcribenda sunt, ut laxam doctrinam convellam? Iterum de hoc infra sermo redibit. Lugent mercenarii, artifices, mercatores ob exhibitam laxam doctrinam, quæ crudelem avarorum hominum dilationem fovet in persolvendis debitis. Pluribus enim non minus est occasio proxima detentio alienæ pecuniæ quam aliis mulierum familiaris conversatio. Scriptura ipsa divina damnat rescriptam doctrinam: *Non morabitur opus mercenarii tui apud te usque mane: Lev. xix.* Iterum *Tob. iv.* *Quicumque tibi aliquid operatus fuerit, STATIM ei mercedem restitue: & merces mercenarii tui apud te omnino non maneat.**

IV. Doctrina P. Viva includitur in *prop. 61.* damnata ab Innocentio XI. *Potest ALIQUANDO absolvi qui in proxima occasione peccandi versatur, quam potest, & non vult dimittere, quinimmo directe, & ex proposito querit, aut ei se ingerit.* Hæc propositio damnata non asserit absolvendum toties quoties, aut sæpius, aut bis terve, quaterve, sed aliquando versantem in occasione proxima. Hæc autem doctrina damnata est. Ergo iuxta decretum Ecclesiæ numquam absolvendus iste est nisi prius, cum possit, occasionem dimittat. Et Auctor noster docet, hunc absolvi posse *prima & secunda vice?* Cur hoc? Quia, ait ille, qui proponit occasionem statim tollere, non potest dici, quod illam velit de præsentī. Ita ne vero? An Auctores damnatæ thesīs docebant absolvendum esse illum qui de præsentī vellet occasionem? Quis inter Catholicos adeo insanivit, ut docuerit absolvendum esse eum qui de præsentī vellet peccati occasionem? An damnatæ thesīs Auctores non requirebant propositum de præsentī dimittendæ occasionis, ut eundem absolvere possent? Qui proponit occasionem statim tollere, non potest dici, quod illam velit de præsentī? Hac admissa doctrina, frustraneum prorsus est, & in nihilum occidit decretum pontificium. Ratio cur videatur, inquit P. Viva, posse *prima & secunda vice* absolvi, est, quia pœnitens aut immediate ante, aut audiendo concionem, aut audienda ipsius Confessarii admonitiones excitari ad verum, & efficax propositum non peccandi: in quo casu est sufficienter dispositus. Hæc omnia possibilia esse ne-

mo inficias iverit. Sed hæc ipsissima commenta allegabant Auctores damnatæ thesis. Possibilitas ne, ut sic loquar, propositi efficacia solidum fundamentum est, cui nixus Confessarius prudenter iudicet, talem pœnitentem versantem in occasione proxima esse sufficienter dispositum? Si hæc contritionis & propositi possibilitas sufficiens sit ut absolvi peccatores valeant, qui erunt illi concubinarij, & scelesti homines qui absolvi non possint? Concludit Auctor citatus: *Caute tamen in hoc procedendum, eo quod passim huiusmodi propositum non est efficax in eo qui potuit antecederet occasionem peccandi tollere, & nondum sustulit.* Nonne prudens atque blanda moderatio? Caute ergo procedendum est? Hòc unum profecto deerat quod eiusmodi peccatoribus incaute etiam, & absque ullo discrimine impertienda absolutio esset. Sed cur caute incedendum? Quia *passim* propositum in istis non præsumitur efficax. Quid amplius dicebant Auctores damnatæ thesis, quantum ad eiusdem primam partem? *Potest aliquando absolvi.* Neque ipsi ergo dicebant, *passim* præsumi posse efficax propositum, sed *aliquando*. Auctor vero noster defendit pro prima & secunda vice absolvi posse. Ecceur? Quia propositum istud possibile est: quia potest pœnitens ad illud excitari. Peregrege. At potest etiam & tertia, & quarta, & sexta, & decima &c. excitari ad hoc propositum. Sed quid ultra provehor? Pauca quæ dixi, satis superque, nisi me omnia fallant, evincunt tum laxitatem doctrinæ descriptæ, tum inconsiderantiam, ut mitissime loquar, illorum qui minus sincere rescriptam a me fuisse præfatam doctrinam calumniati sunt. Ipsi, præiudiciis positis, iudices sint, num aliquid omissum a me fuerit, quod temperare doctrinæ laxitatem valeat, consulantque conscientiæ suæ, num retractare imposturam apud imperitum vulgus disseminatam obstringantur. Sciant tamen, me hæc omnia nihil morari. Ipse viderint, quantum sit criminis invidiam constare veritati, & sanæ doctrinæ; & quæ hinc mala proficiscantur.

V. Ut suam P. Viva confirmet doctrinam, allegat auctoritatem Doctoris eximii P. SUAREZ, Tabienæ, & Caietani, iniquens: *Communius tamen cum Suar. disp. xxxii. sec. 3. Tabiena, & aliis censent, posse huiusmodi pœnitentem absolvi semel & iterum . . . Immo Corduba, Caietanus, & alii putant, quod possit etiam tertia & quarta vice absolvi.* Et hanc laxissimam Cordubæ, & Caietani doctrinam non refellit P. Viva, sed illam lectoribus, & Confessariis proponit? Doctores isti gravissimi sunt, efficiuntque iuxta Probabilitas opinionem probabilem. Illam ergo adhibebunt Confessarii minus docti, quod non videant oppugnatam. Si Corduba, & Caietanus docuerunt hanc doctrinam, excusatione digni sunt, quod tanto tempore ante damnatas theses ab Alexandro VII. & Innocentio XI. scripserint. At numquid excusatione dignus est P. Viva, proponens Confessariis opiniones antiquorum Theologorum, quas postea Romana Sedes proscripsit?

VI. Verum enim vero, quid, si neque Tabiena, neque Caietanus, neque Do-

Quor eximius P. Suarez docerent id quod narrat P. Viva? Ad duos Dominicanos, *Tabienam*, & *Caietanum*, quod attinet, nec verbum ego reponam. More meo, si talem doctrinam docuerunt, illam improbo non minus ac si illam docuissent *Tamburinus*, *La-Croix*, *Diana*, & *Sporer*. Id dumtaxat rescribam quod *P. Milante* Episcopus *Stabienfis* docet *Tom. II. exerc. in prop. damn. ab Innoc. XI.* Hæc autem *exercit. 36. in prop. 62. pag. 47.* scribit. „ *P. Dominicus Viva* refert, *N. Ta-*
 „ *biena* docuisse, quod pœnitentes qui sunt impliciti occasione proxima peccandi,
 „ possint absolvi *semel & iterum*, si adhuc retenta occasione peccandi, v. g. con-
 „ cubina, vera dent signa doloris, & propositi efficacis tollendi occasionem pro-
 „ ximam. Refert insuper, quod *N. Cardinalis Caietanus* docuerit, id genus pœ-
 „ nitentes posse absolvi etiam tertia & quarta vice. Sed ubinam hoc doceant
 „ *Tabiena*, & *Caietanus*, non dicit. Eorum opera lustravi; nec verbum de hac
 „ re apud eos reperi; quin potius oppositum directe ab eis traditum.“ Quid ad hæc defensores P. Viva? Hic est ille *P. Milante* quem ipsi doctissimum sapien-
 tissimumque appellant, cuiusque auctoritatem pro facta testâ custodienda peculia-
 ri crumena monastica centies ad ravim usque contra me concrepantibus buccis
 allegarunt. Verum, ut dixi, doctrinam *Tabienæ*, & *Caietani* ab imposturis vin-
 dicare nolo. Id solum moneo, ut lector recogitet, quam necessarium sit citare
 loca, sicut ego probavi in *præf. ad Tom. I.* ubi Auctores docent opiniones quæ illis
 tribuuntur: alioquin quisque poterit pro arbitrio, quidquid sibi libuerit, imponere.

VII. Brevissime vindicandum assumo eximium Doctorem *P. SUAREZ*, quem in suæ laxæ doctrinæ patrocinium citat *P. Viva*, & locum designat nempe *disp. xxxi. sec. 3.* Attente legi integram hanc tertiam sectionem Doctoris eximii, & nec verbum reperi quod faveat laxæ doctrinæ *P. Viva*. Erravit ergo *P. Viva* in hac citatione; excusari tamen ab errore potest, quia suspicari licet, eum non legisse in fonte *P. Suarez*; sed illam citationem exscripsisse a *P. Leandro* SS. Sacramento, laxarum opinionum collectore, qui *trad. v. de sacram. pœnit. disp. vii. quæst. xxxv. pag. 165.* reipsa citat pro hac laxa opinione *P. Suarez disp. xxxi. sec. 3.* & ibidem citat etiam *Tabienam*, *Cordubam*, *Caietanum*, sicuti eos citat *P. Viva*, qui frequenter laxas *Leandri* opiniones amplectitur. Ex his coniecturis probabile est *P. Viva* legisse *Suarez* non in operibus *Suarez*, sed in operibus *P. Leandri*. Verum, ut ut de hoc sit, quod levioris momenti est, ad vindicias accedamus Doctoris eximii.

VIII. Porro non modo doctissimus *Suarez* non faveat laxæ opinioni *P. Viva*, sed ibidem sectione proxime antecedenti, nempe 2. num. 3. potius oppositum docet. En illius verba „ Tota ergo difficultas ad hoc revocatur, quando ex confessione
 „ resultat specialis obligatio restituendi, vel relinquendi occasionem in futurum.
 „ Circa quod primum observandum est, non semper debere Confessorem cogere

„ pœ-

„ pœnitentem, priusquam illum absolvat, ut id exequatur quod facere tenetur ;
 „ idest ut restituat &c. quia hæc obligatio non semper urget pro statim ; & quia
 „ satis est ut pœnitens credatur habere firmum propositum suam obligationem
 „ implendi, cui credendum est, præsertim si tunc primum incidit in eam occasionem,
 „ seu obligationem implendi, & non est inventus infidelis, vel inconstans in similibus
 „ propositis, neque ex aliis coniecturis potest talis suspicio probabiliter concipi .
 „ Neque oportet ab illo iuramentum, aut aliam cautionem exigere, nisi in casu
 „ bus a iure expressis, ut notavit Navarrus cap. xxvi. num. 2. Silv. Confess. 3.
 „ quæst. xii. & Antoninus III. Part. tit. xiv. cap. xix. §. 19. Aliquando vero oportet
 „ remittere pœnitentem, & illum non absolvere, donec suam obligationem
 „ impleat, PRAESERTIM quando iterum atque iterum illam confessus est, &
 „ implere promisit, neque implevit : quia alias relinquetur in morali occasione
 „ peccandi : & eius propositum moraliter non potest iudicari efficax, quandoquidem
 „ convincitur esse in magna mora, & posse, & non facere. Quapropter oportet
 „ portet Confessores in hoc esse cautos & constantes, ne graventur peccatis alienis,
 „ nis, quod notavit CAIETANUS verb. Restitutio cap. vi. & ANTONINUS
 „ III. Part. tit. ii. cap. vii. & NAVARRUS cap. xvii. n. 54. & cap. xxvi. n. 5.

IX. Ex doctrina hæstenu rescripta quisque prudens inferet, Doctorem eximium Suarez non modo non favere, sed potius obesse laxæ opinioni P. Viva. Et hæc quidem docuit P. Suarez medium sæculum, antequam Innocentius XI. damnaret doctrinam quam suis distinctiunculis eludit P. Viva. Quid quod, si etiam ambigua foret P. Suarez doctrina, in sanum sensum contrarium damnatæ opinioni exponenda esset? Verum unus affectus interdum vincit alterum, & amor erga blandam doctrinam interdum prævalet obsequio erga P. Suarez. Verum quia P. Suarez sinceritate summa citat locum in quo Caietanus suam doctrinam exponit, deliberavi, contra propositum iam supra conceptum, expendere factum istud, & videre, num revera doceat Caietanus id quod illum docere rotunde narrat P. Viva. Adii ergo locum Caietani indicatum a P. Suarez, nempe *Summalam*. Verbo *Restitutio* cap. vi. quærit : Quando restitutio fieri debet? *Certum est oportere fieri statim*. Deinde post plura sic concludit. *Et ne præceptum hoc de statim restituendo, confitentes & Confessores reos simul involvat, non sunt absolvendi pœnites, antequam CUM EFFECTU restituant, si in alia confessione absoluti neglexerunt restituere*. *Dicentibus enim : Hac vice, Pater, restituiam vere &c. responderi debet, Credo tibi . . . & propterea modo in illa bona dispositione vade ad restituendum : & postea absolveris*, Cum hac Caietani doctrina conferantur ea quæ eidem impingit P. Viva nullo indicato loco : Caietanus, & alii putant, quod possit etiam tertia & quarta vice absolvi. Deinde P. Viva id tamquam communem doctrinam obtrudit. Sic passim absolvuntur pœnites per hoc quod proponant restituere, quamvis ante confessionem non restituerint, prout

poterant. Si Caietanus docet, non esse absolvendos debitores, antequam cum effectu restituant, si in alia confessione semel absoluti neglexerint restituere; numquid docebit absolvendum concubinarium pro tertia & quarta vice? Verum, quia incepti, vel nolens coactus sum explodere imposturam a P. Viva impactam Caietano, qui verbo *Concubinatus* hæc docet. *Concubinatus non solum includit peccatum mortale fornicationis, sed addit statum peccati mortalis. Et propterea ad sui VERAM POENITENTIAM exigit non solum omissionem actus carnalis, sed RECESSUM A TALI STATU.* Nec verbum ibi aliud Caietanus habet. Caietanus ad veram poenitentiam concubinarij duo requirit, nempe *omissionem actus carnalis, & recessum a tali statu.* Ergo falsa est poenitentia concubinarij non recedentis ab eiusmodi statu. Iudicent nunc æqui rerum aestimatores, quid dicendum sit de P. Viva, qui intrepide narrat, Caietanum docere absolvi concubinarium posse pro tertia & quarta vice, antequam talem statum deferat. Si similia a me imposita fuissent vel Busembau, vel Gobatio, nedum amplissimo & sapientissimo Cardinali Caietano, qui sane Suarezio inferior non est, evolarent folia per universum orbem, meque tamquam solemnem falsatorem &c. traducerent. Excuso tamen ergo Patrem Viva, qui sicut Suarez, ita & Caietanum non in fonte proprio, sed in lacuna Leandri legit: & hoc familiare est Casuistis non paucis, qui mutuo fide bona, & tacito consensu se transcribunt. Verum satis mihi nunc est vindicasse Doctorem eximium Suarez a nota laxitatis eidem impacta a P. Viva, ut videant, & confundantur illi quos evulgare non pudet, me expiscari tanti Doctoris nævos, ut eosdem in publicum efferam, Quæ calumnia eo est atrocior, quo maiori obsequio prosequor doctissimum Suarez, quem semper magni feci, & vix umquam sine laudis præfatione nomino. Si aliquando aliquam eiusdem opinionem refello, id coactus præsto, quia Probabilistæ non pauci eiusdem auctoritatem opponunt, illum Probabilismi patronum & defensorem volunt, & frequenter ad laxas opiniones confirmandas allegant. In hos ergo, non adversus me defensorem eximii Doctoris, invehantur. At de hoc plusquam satis.

§. IV.

Plurium Casuistarum Leandri, Hurtado, Tambirini, Gobat, Sporer, La-Croix, & aliorum opiniones laxæ, Evangelio, Patribus, Conciliis, & Ecclesie decretis adversæ, refelluntur.

- I. **P** Leander a SS. Sacramento colligit, & propugnat laxiores Moralistarum opiniones in qualibet fere materia. Quare principio ex hoc Auctore plures de absolutione impertienda opiniones proponam, & refellam,

II. Quæst. I. *An possit absolvi concubinarium, usque dum expellat concubinam?* Resp. P. Leander *trakt. v. disp. vii. quæst. xxxv.* hæc scribit. „ Probabilius respon-
 „ deo, posse licite semel ac iterum absolvi concubinarium, antequam eiiciat con-
 „ cubinam, dummodo denuo proponat Confessario firmiter illam e domo eiicere...
 „ Ratio est, quia ex secunda, immo ex tertia aut quarta promissione facta de
 „ eiicienda concubina, aut alia occasione proxima non sumitur iudicium *græce de*
 „ *defectu dispositionis pœnitentis.* Ergo licite potest absolvi.“ Expende, lector, ratio-
 nem quam promittit hic benignissimus Probabilista; & inde collige indolem recentis,
 Theologiæ benignæ. Ex hoc Auctore suam transcriptit sententiam P. Viva; non
 advertens hunc Auctorem scripsisse ante damnatas theses.

III. Quæst. II. *An possit absolvi concubinarium, non eiecta e domo concubina, quod nequeat absque magno detrimento sue vite, honoris, vel pecunie?* Resp. P. Leander *quæst. xxxvi.* „ Probabilius respondeo, posse absolvi, immo & debere
 „ toties, quoties vere pœnituerit, & non solum quando adest aliqua emendatio,
 „ verum etiam quando nullus apparet profectus; dummodo, ut diximus, talis con-
 „ cubinarium dolorem habeat de peccatis, & verum propositum de illis cavendis
 „ in futurum &c. . . . Probatur nostra responsio: quia adhuc post experientiam
 „ illam nullius profectus potest stare dolor verus, & propositum requisitum abs-
 „ que voluntate auferendi illam occasionem cum tanto detrimento. Ergo potest
 „ absolvi pœnitens Sic Vivaldus, Sanctius, Diana: & novissime & doctis-
 „ sime (ut solet) De Lugo *disp. xiv. num. 152. & 156.* Hurtado, Candidus,
 „ Bonacina, Sa, Layman, Baunius &c. “ Vides, quomodo hi Probabilistæ con-
 ciliant cum retentione occasionis propositum emendationis? Vides, quomodo
 eam propugnant *doctissime* primores Probabilistæ? Sed damnata est, & antievan-
 gelica.

IV. Quæst. III. *An possit absolvi concubinarium, non eiecta e domo concubina, eo quod famam amitteret, si concubinam expelleret?* Resp. P. Leander *quæst. xxxvii.*
 „ Probabilius respondeo, posse absolvi ipsum, immo & ipsam, si eadem nota in-
 „ famiæ incurreretur, aut absque gravi damno, aut scandalo eam eiicere non
 „ posset . . . Sic Sanctius, Lugo, Bonacina, Candidus. “ Hæc opinio filia est præ-
 cedentis, & ab Ecclesia damnata.

V. Quæst. IV. *An possit absolvi, non eiecta concubina, concubinarium qui dista femina dedit mutuo v. g. centum aureos, & credit se illos esse amissurum, si domo illam expellat?* Resp. P. Leander *quæst. xxxix.* „ Probabilius respondeo, posse
 „ absolvi ipsum, sicut & ipsam feminam, casu quo non recuperaturus esset cen-
 „ tum aureos sibi debitos, si illam e domo eiiceret, dummodo proponat amplius
 „ non peccare. Quia nemo tenetur vitare occasionem proximam cum magno suo
 „ detrimento etiam temporali. Sic Sanctius, Lugo, Bonacina. “ Evangelium Christi
 „ cla-

clamat: *Quid prodest homini, si mundum universum lucretur, anima vero sua detrimentum patiat?* Et iuniores Casuistæ citati ad evitandam iacturam centum aureorum non dimittendam concubinam defendunt. Hi sunt Doctores temporum?

VI. Quæst. V. *An absolvi possit pœnitens qui adhuc post repetitam monitionem modo cum una, modo cum altera fornicatur?* Resp. P. Leander quæst. xlv. „ Respondeo, posse *toties quoties* ad confessionem cum dolore, & proposito non „ peccandi accedat, dummodo nullam feminam alibi retineat, aut aliat. Sic Bagnacina, Sa, Lublinus, Trullenchus. „ Concubinarium propriis expensis alere domi, [vel alibi concubinam astringitur, & cum eadem [sola peccat. Hic autem peccator absque tot incommodis potest modo cum una, modo cum altera coire, idest multiplicare scandala, plures seducere feminas; & nihilominus *toties quoties* accedit ad confessionem cum dolore, absolvendus erit. Dolor iste chimæricus est. Hæc doctrina in proscriptis thesibus continetur, & ab omnibus improbanda est.

VII. Quæst. VI. *An possit absolvi Confessarius qui ex devotione excipit confessiones, in quibus audiendis crebro voluntarie polluitur?* Resp. P. Leander quæst. xlv. „ Adfirmat Iosephus ab Orto in specul. Paroch. cap. 10. & Castropalao apud „ Dianam, docentes, posse talem Confessarium absolvi, dummodo cum dolore, „ & proposito non peccandi accedat. „ Hæc opinio falsa, laxa, & scandali plena est. Adiectio doloris & propositi mera est chimæra; sicut & illa devotio excipiendo confessiones, in quibus voluntarie, & quidem crebro, polluitur Confessarius iste.

VIII. Quæst. VII. *An possit absolvi medicus, vel chirurgus qui in medendis feminis sæpe peccant, si propositum cessandi a curatione non habeant?* Resp. P. Leander quæst. xlviii. „ Probabilius respondeo, posse absolvi, quantumvis nequeant suum deferere officium, dummodo pœniteant, & proponant amplius „ non consentire. Patet ex dictis. „ Ex dictis scilicet patet falsitas & laxitas huiusce venefici antecedentis, nempe laxitatis. Aut emendare se, aut relinquere artes suas debent medici, chirurgi; & idem esset de advocatis, iudicibus, ceterisque, quando professiones propriæ essent illis occasio proxima peccandi.

IX. Quæst. VIII. *An possit absolvi hospita sine proposito non recipiendi hospitem quocum pluries peccavit, quando absque magno scandalo, aut detrimento non posset cum hospitio suo prohibere?* Resp. P. Leander quæst. lv. „ Probabilius respondendo, posse absolvi, dummodo promittat, ac proponat, numquam se solam „ cum eo solo in aliquo cubiculo separato versaturam, & se præteriti ex animo „ pœnitere, etiamsi confessa fuisset, proposuissetque numquam se amplius cum eo „ peccaturam. Sic Navar. & alii DD. quibus adde Stephanum Baunium sic dicentem. *Sequitur ex dictis, absolvi posse feminam quæ domi suæ virum excipit, cum quo sæpe peccat, si eum honeste inde non potest eiicere; aut causam* „ ba-

„habet cum retinendi, dummodo firmiter proponat se cum eo amplius non peccaturam.“

X. Plurima alia similibus opinionum portenta, & monstrosa paradoxa transcribere possem ex hoc celebri inter novæ benignitatis Casuistas P. Leandro a SS. Sacramento. Sed transcribenda sunt aliqua etiam ex aliis Casuistis. Nota, quomodo omnes isti Doctores semper requirunt verum dolorem, & propositum non peccandi.

XI. Quæst. IX. *Absolvendi ne sunt comædi, cantatrices, & saltatrices?* Resp. Nisi isti prius relinquant artem suam, quæ, ut hodie exercetur, spectatis omnibus, reipsa mala est, & scandalorum plena, non sunt absolvendi. Patres omnes eiusmodi theatra improbant, tamquam consistorium impudicitæ, ut inquit Tertullianus. Innumeri sunt canones contra & agentes, & frequentantes spectacula. S. Thomas, qui iniuria summa a quibusdam in favorem spectaculorum adduci solet, aperte illa improbat in *IV. dist. xvi. quæst. xvi. art. 2. quæst. 2. in cor.* ubi inquit: *Dicendum, quod huiusmodi spectacula, si sint rerum turpium, & ad peccatum provocantium, studiosa eorum inspectio peccatum est, & quandoque in eis tanta potest libido adhiberi, ut sit etiam mortale. Unde a tali inspectione omnes se arcere debent.*

XII. Quod histriones, & comædi absolvi non debeant, nisi prius artem deserant, neque in controversiam vocari a Theologo christiano debet. De Christianis, qui hodierna theatra frequentant, disputari forte a quibusdam posset. Verum ego post diuturnum studium neminem theatra adire permetterem, neque absolverem, nisi ab hodiernis theatris abstinere vellet. Frequentantes enim theatra alunt, & sustentant comædos, quorum ars infamis est. Ergo peccant! Quam rationem inculcat ex Augustino *tract. c. in Ioan. S. Thomas. Si quis autem superflua in tales consumunt, vel etiam (N. B.) illos histriones, qui illicitis ludis utuntur, peccant, quasi eos in peccato foventes. Unde Augustinus dicit super Ioannem, quod donare res suas histrionibus vitium est immane.* loc. cit. Multa quæ opponere concupiscentiæ advocati solent, facillime diluuntur.

XIII. Plura paradoxa laxitatis docent hac de re Moralistæ non pauci. P. Thomas Hurtado *tract. 1. cap. v. resol. 8. num. 70.* hæc scribit, „Quare ars histrionica
„secundum se non est illicita, sicut nec tabellionatus, & aliæ similes, in quibus
„difficile quis evadit peccatum; & tamen non tenentur eam dimittere, antequam
„absolvantur; sed, si habeant propositum non peccandi, & dolorem de præteritis,
„possunt septuagies septies absolvi. Quod enim histriones ex cohabitatione
„cum mulieribus sint fere semper in occasione concubinationis, & adulteriorum, for-
„nicationumve, cum mulieres istæ semper fere sint malæ, & inordinatæ vitæ,
„nihil obstat, quominus possint absolvi, si, dum ad confessionem sacramenta-
„lem

„lem accedunt, habeant illa quæ supra Nav. & alii requirebant. “
 „Hæc sunt axiomata evangelicæ puritatis quæ typis edunt non pauci Casuistæ.”

XIV. Laxius hac de re scribit P. Marcus Vidal in sua *Arca vitali* pag. 38. num. 33. ubi hæc habet. „Quinta conclusio. Adstantes & assistentes comœdiis notabiliter turpibus, & provocantibus ad venerem dictis vel factis, per gestus, & nutus turpiter expressis, ob solam animi recreationem, & curiositatem, absque tamen probabili periculo propriæ spiritualis ruinæ, ac sine prava intentione, & malo fine, non sunt condemnandi, tamquam rei letalis culpæ. “ Citat Bonaciam, Filliucium, Sanchez, Dianam, & alios. Monstra pugnancia inducit hic benignus Probabilista. Supponit comœdias esse notabiliter turpes, & provocantes ad venerem; simulque addit, quod spectentur absque propriæ spiritualis salutis probabili periculo, & ob solam animi recreationem, & curiositatem. Paradoxa hæc sunt quæ mutuo pugnant, nec egent confutatione. Sed insistit P. Marcus Vidal *ibidem* num. 43. „Quia hic & nunc ubique fere omnes fideles assistunt comœdiis, & illas audiunt, etiamsi fiant turpes & obscenæ, cum sint representatæ per verba impudica, & gestus, & nutus indecentes: & nihilominus Confessarii prudentes ac docti id illis permittunt, & absolvent a peccatis, etiamsi propositum non habeant pœnitentes se abstinendi imposterum ab auditu, & aspectu talium comœdiarum turpium; dummodo tamen absit probabile periculum lapsus in mortale peccatum, tum ratione scandali gravis, tum etiam delectationis venerem. Ergo, cum prudenter condemnare non possimus omnes Confessarios tamquam imprudentes, indoctos, & prave conscientiæ, debemus absolute asserere, simpliciter, & per se loquendo non esse crimen letale assistere comœdiis turpibus, & obscenis graviter provocantibus ad venerem, sublato tamen periculo consensus in delectationem venerem. “ Hoc est axioma probabilisticum. Doctores moderni, Confessores prudentes & docti absolvent frequentantes comœdias turpes, & graviter provocantes ad venerem. Ergo licet frequentare comœdias istas ob curiositatem. Conditionem chimæricam adiciunt, ut fucum faciant, dum aiunt, dummodo absit periculum. Res turpes, & natura sua graviter ad venerem provocantes insitum periculum habent. Quid ergo garriunt, Dummodo absit periculum?

XV. Quæst. X. *An liceat adire occasionem, in qua probabile est te lapsurum?* Resp. Adfirmant Probabilistarum aliqui, suo probabilistico axioma fulti: *Qui probabiliter operatur, prudenter operatur.* Si probabile est, inquiunt, te lapsurum, probabile eo ipso etiam est te non lapsurum. Ergo prudenter adire periculum poteris, in quo probabile tantum est te succubiturum tentationi. Incredibilia paradoxa hæc videntur; tamen sunt Probabilissimi legitima consectaria. Et ne videar Probabilismo invidiam creare, en quæ scribit P. Georgius Gobat *tract. vii. cas. 16. num. 525. pag. 595.* „Quando enim est dumtaxat solum probabile te succubi-

„cubiturum tentationi, certe etiam probabile est te non succubiturum. *Atqui sicut in pluribus aliis materiis fas tibi est ex utralibet sententiarum speculative probabiliū deducere conclusionem TIBI GRATAM*; ita licebit hic argumentari. Occurrunt mihi graves tentationes, ob quas vir prudens sapienter iudicare potest, me lapsurum in novum crimen mortale, si accessero hanc domum. Vices versa sunt aliæ rationes etiam graves, ob quas alius æque prudens pronuntiaret, me non lapsurum. Ergo possum sine nota temeritatis & imprudentiæ me committere illi occasione, certo non commissurus, si liquido scirem, me in illa admissurum istud grave peccatum. Adeoque fas est per se loquendo committere se periculo probabili peccandi mortaliter. “

XVI. Hoc principio probabilistico posito, confectaria tanto principio digna elicit P. Gobat *ibidem num. 530. pag. 596.* „ Si concubinarius nequeat dimittere suam concubinam sine iactura centum aureorum, seu ducatorum, poterit Confessarius pro re nata amplecti sententiam *Ioannis Sanchez, vel Oviedi* paullo ante relata. “ Amplificat P. Gobat opinionem Ioannis Sanchez, cum iacturam centum aureorum extendat ad centum etiam ducatorum. Aliud etiam confectarium deducit non minus detestandum *ibid. num. 532.* Audi. „ Si ipsa est ita effrons, ut dimissa pro palatura sit concubinatum occultum, retinere eam volenti patrocina buntur plerique ex citatis; sed utique muniendus erit peculiariū propostis, & aliis mediis: sicut patrocina buntur, si ipsa sit eius ancilla, & nequeat aliam adipisci absque pari periculo; cum tamen haud possit ullo modo carere ancilla omni. “ Subdit *ibidem* P. Gobat, Si illa concubina sit tantum aliquantulum necessaria rei domesticæ, & tamen perditæ ametur a concubinario, tum nec Ioannes Sanchez inficiabitur non posse absolvi. Hæc doctrina notanda est propter ea quæ mox descripturus sum. Plura alia laxitatis paradoxa P. Gobat nunc prætereo.

XVII. P. Paulus Layman *Lib. V. tract. vi. cap. 4. num. 9.* „ Excipe. Nisi propter pinquum periculum, seu occasio mortaliter peccandi, sine gravi incommodo corporis, famæ, vel fortunarum tolli non possit: tunc consilium quidem est minorem illam iacturam maiori bono securitatis animæ posthabere, sed non præceptum. Quare absolvendi sunt qui officio, negotiatione, domo, in qua peccandi periculum propinque imminet, discedere nolunt, quia sine maxima difficultate non possunt, interim parati adhibere peccatorum remedia, præsertim ea quæ a Confessario ipsis præscribuntur, ut docent Sa, Henriquez &c. . . Ratio est, quia occasio peccandi in se peccatum non est, neque necessitatem infert, aut animi libertatem auferit: quare cum ea consistere potest peccatorum detestatio, & absolutum propositum adhibendi operam, & conatum ut impossibilem peccata vitentur, quamvis interim adiunctus sit timor, aut existimatio voluntatem aliquando immutatam iri, ut supra dixi: Deinde sic ratiocinor. Vel præceptum „ decli-

„declinandi occasiones peccati affirmativum est; & tunc manifesto liquet non obli-
 „gare in tali necessitate. Vel si contendas, negativum esse præceptum non ad-
 „eundi periculum, aut in eo non perisillendi: *tum respondeo*, intelligendum esse
 „præceptum, ne quis ultro, ac voluntarie in peccandi periculum se coniiciat,
 „aut in eo persistat.“

XVIII. Hic est totus succus Probabilismi, & propositionum damnatarum. His
 rationibus quas allegat P. Layman, usi sunt Ioannes Sanchez, Leander, Cara-
 muel, Gobat, & ceteri auctores propositionum damnatarum. Subdit Illustrator
 posterioris editionis Laymani. „Hæc doctrina *non videtur* repugnare cum propo-
 „sitione 26. damnata. *Proxima octavo peccandi non est fugienda, quando causa*
 „*aliqua utilis, aut honesta non fugiendi occurrit.* Ratio est, quia Auctor requirit
 „non quamcumque, sed gravem causam, sicut significat per particulas illas *sine*
 „*gravi incommodo.* Attendendum igitur est, quod causa sit valde gravis, ne sen-
 „tentia subeat suspicionem propositionis damnatæ.“ Vel ipse Ioannes Sanchez
 „ut testatur P. Gobat, negavit absolvendum non esse peccatorem qui ob *aliqua-*
lem causam non vult recedere ab occasione mortaliter peccandi. Quis est qui
 „*valde grave* incommodum non experiatur in recedendo ab occasione peccandi;
 „quam magnopere diligit? An avari, seneratores, debitores morosi, amasii sine
 „difficultate valde gravi dimittere occasiones peccandi sibi maxime dilectas pos-
 „sunt? Doctrina Laymani continetur & in propost. 62. Innocentii XI. & in 41.
 „Alexandri VII. sicut doctrina Interpretis Laymani. En quam verum sit, una aut
 „altera vocula, vel distinguicula nonnullos Casuistas eludere pontificia decreta.

XIX. Quæst. XI. *An, quando occasio proxima coniuncta est cum periculo forma-*
li peccandi, teneatur quisque eam vitare cum iactura omnium bonorum, famæ, &
etiam vitæ? Resp. Sermo est de occasione proxima quæ nullis remediis fieri re-
 „mota possit, sed quæ sit coniuncta cum periculo formali, & deferri nequeat abs-
 „que gravissimo detrimento iacturæ omnium bonorum, famæ, & etiam vitæ. Dis-
 „putatur, num in casu in quo omnia remedia sint inutilia, deferenda hæc occa-
 „sio coniuncta cum periculo formali peccandi sit. P. Claudius La-Croix *Lib. V.*
num. 261. pro sententia negante refert Auctores, quos ipse vocat gravissimos,
 „nempe *Ioan. Sanchez, Casropalaum, Tamburinum, Gobat, Honorat. Fabri, Stez,*
Burgaber, Lugo, Vindic. & alios. Plures ex his Auctoribus docent, non dese-
 „rendam occasionem non solum quando imminet iactura vitæ, sed etiam quando
 „amittendi essent centum vel aurei, vel ducati, vel aliud grave detrimentum.
 „Porro hæc negans opinio directe pugnat cum Iesu Christi Evangelio Matth. vi.
 „*Quid prodest homini, si universum mundum lucretur, animæ vero suæ detrimen-*
 „*tum patiatur?* Aut quam dabit homo commutationem pro anima sua? Rursus
 „Evangelista Marcus cap. ix. *Si scandalizaverit te manus tua, abscinde illam. Be-*

num est tibi debilem introire in vitam, quam duas manus habentem ire in gehennam, in ignem inextinguibilem, ubi vermis eorum non moritur . . . Si pes tuus scandalizat te, amputa illum. Bonum est tibi claudum introire in vitam æternam, quam duos pedes habentem mitti in gehennam ignis inextinguibilis . . . Quod si oculus tuus scandalizat te, eiice eum. Bonum est tibi luscum introire in regnum Dei, quam duos oculos habentem mitti in gehennam ignis. Iterum Matth. cap. 18. Veni enim separare hominem adversus patrem suum, & filiam adversus matrem suam, & nurum adversus socrum suam. Et inimici hominis domestici eius. Qui amat patrem, aut matrem plusquam me, non est me dignus; & qui amat filium aut filiam super me, non est me dignus.

XX. Cedo: si Christus venit separare filium a patre, filiamque a matre, fratrem a sorore, sororem a fratre; quandonam hæc separatio contingere evidentius, & certius debet, nisi cum filius habitare cum sorore, cum matre, cum ancilla nequit, nisi Christum Iesum offendendo, rursus crucifigendo, & factis negando? Expertus est filiusfamilias omnia remedia, ut occasionem proximam cum sorore, cum ancilla &c. efficeret remotam, amoveretque periculum formale peccandi. Omnia inefficacia, & frustranea expertus est. Occasio proxima, & quidem efficaciter seducens, persistit. Si recedit, iacturam omnium bonorum, & famæ, immo ipsius vitæ incurrit. Fac hæc omnia evenire, quæ rarissime contingunt, quamvis eadem novi Casuistæ passim obtrudant. Respondeant ergo. Quandonam opportunius habere locum potest oraculum Christi: *Veni separare filium a patre, & filiam a matre? Qui amat patrem, & matrem plusquam me, non est me dignus?* Qui renuit se ab occasione proxima descripta separare, ne relinquit familiam, patrem, & matrem, ne amittat bona; an non diligit patrem, & matrem, & bona temporalia, & seipsum plusquam Deum? An non ex illis est de quibus Christus ait: *Qui me erubuerit coram hominibus, & ego erubescam eum coram Patre meo?*

XXI. Quis prudens, doctusque, & præiudiciorum vacuus non videt, ex ipso Evangelio decisam esse hanc controversiam, quam tanto ardoris æstu disputant recentiores Probabilistæ? Verum nihil est tam exploratum luculentumque quod Probabilissimi subtilissimis distinctiunculis eludi non queat. Ne gratis hæc asserere videar, audi quæ sequuntur.

XXII. De Lugo *disp. xiv. sect. 10. num. 152.* „ Sic ergo poterit filiusfamilias ab-
 „ solvi, quamvis maneat domi serva, cum qua solet peccare, quam tamen ipse
 „ expellere non potest, nec facile, aut decenter fiet: & a fortiori, si cum fra-
 „ tre, vel sorore habet occasionem peccandi, a quorum convictu seiungi non
 „ potest absque gravi detrimento; debet tamen adhibere alia remedia faciliora
 „ quæ potest &c. . . .

„ Con-

„ Contrà hanc tamen *communem* doctrinam occurrere videtur difficultas : quia ,
 „ si scires ex divina revelatione te dammandum , si talem domum intrabis , de-
 „ bes utique etiam cum gravissimo detrimento ingressum illius domus omnino
 „ fugere ex obligatione *saltem caritatis erga te ipsum* , qua debes velle & pro-
 „ curare tibi bonum salutis æternæ cum iactura etiam omnium bonorum tem-
 „ poralium . *Quid enim prodest tibi , si universum mundum lucreris , animæ vero*
 „ *tua detrimentum patiaris ?* Maius autem malum est peccatum mortale quam
 „ infernus ipse , & carentia beatitudinis æternæ . Ergo ex eadem obligatione ca-
 „ ritatis erga te ipsum debes procurare vitare illud malum , etiam cum gravissi-
 „ mo detrimento , & cum iactura cuiuscumque alterius boni . Si ergo perseveran-
 „ tia occasionis proximæ affert secum fere certam ruinam , & lapsum in pecca-
 „ tum mortale , non poteris licite perseverare in occasione proxima , etiamsi abs-
 „ que detrimento temporali non possis illam relinquere .

„ Hoc argumentum , si aliquid probat , probaret etiam , maiorem esse obliga-
 „ tionem vitandi occasionem proximam peccati venialis etiam cum maximo de-
 „ trimento quam vitandi infernum : quia maius malum est peccatum veniale
 „ quam carentia beatitudinis , aut quam ipse infernus . Occurrendum ergo est
 „ huic difficultati ex doctrina tradita *dis. v. sect. 3.* ubi ad non dissimilem obie-
 „ ctionem diximus , *peccatum quidem esse maius malum , hoc est minus volubile per*
 „ *voluntatem activam , & practicam ; non vero per voluntatem speculativam &*
 „ *permissivam . Nam licet debeam potius non velle peccare quam non velle mor-*
 „ *tem , vel infernum ; non tamen debeo magis non permittere peccatum quam mor-*
 „ *tem , vel infernum : quia peccatum non refundit tantam malitiam in voluntatem*
 „ *sui permissivam , quam in voluntatem causativam .*“

XXIII. Integram , licet prolixam , doctrinam rescribere volui , ne clamitetur
 de more , truncatum esse textum . Quam hostiliter cum Evangelio hæc doctri-
 na pugnet , iudicent docti . Hoc verborum involucri Iesu Christi oracula elu-
 duntur ? Peccatum est maius malum , hoc est *minus volubile per voluntatem activam , & practicam , non vero per voluntatem speculativam , & permissivam* . Intellexistis ? Fateor me vix intelligere . Si quid tamen capio , dicere ausim , de-
 mentes fuisse tot sæculorum Christianos , qui exilia , proscriptiones , bonorum
 confiscationes invicto animo pertulere , ut occasione Christum Iesum offendendi ,
 vel denegandi se se subducerent . Potuissent recensita doctrina instructi dicere ,
 esse quidem peccatum *minus volubile per voluntatem activam , & practicam , non*
tamen per voluntatem speculativam , & permissivam . Potuissent dicere , se se thus
 adolere idolo , gustare cibamina , non voluntate activa , & practica , sed volunta-
 te speculativa , & permissiva . Etiamne voluntatem ipsam speculativam effecit
 Probabilissimus ? Peccatum non refundit tantam malitiam in voluntatem sui per-
 missi-

missivam quam in voluntatem *causativam* ? Esto. Tantam malitiam non contrahet filiusfamilias, qui eicere ancillam nequit, quantam herus, qui expellere illam potest; at peccat tamen mortaliter & filiusfamilias eandem recognoscens, & cum eadem commorans, quando sibi occasio proxima est. *Voluntate activa & practica, voluntate speculativa, permissiva, & causativa* implicantur luculentissima Iesu Christi documenta ? *Quid prodest homini &c. Si oculus tuus scandalizat &c. Veni separare hominem a patre &c. Qui diligit patrem plusquam me &c.* Sed quid longius refello doctrinam, quæ sua nimia & inaudita laxitate lectorem, ut mihi videtur, offendit ?

XXIV. Aliam doctrinam æque laxam tradit idem Lugo ibidem num. 156. pag. 255. „ An qui sæpius absolutus propter grave detrimentum quod sequeretur ex „ remotione occasionis proximæ, *eodem tamen modo semper relabitur, nec in eo* „ *ulla correctio reperitur*, cogendus sit subire illud detrimentum, & relinquere „ occasionem illam proximam ? Affirmare videntur Suarez, Grassius, Reginaldus „ &c. . . . Oppositam sententiam docent Vivaldus, Ioan. Sancius, & alii Theo- „ logi. Quæ sententia in rigore verior videtur per se loquendo . . . Quia scilicet „ adhuc post experientiam illam nullius profectus (ait num. 158.) potest stare „ dolor verus, & propositum requisitum absque voluntate auferendi occasionem „ cum tanto detrimento. Ergo potest absolvi pœnitens. Antecedens probatur. „ Quia sicut prima vice potuit absolvi, eo quod cum tanto detrimento non te- „ nebatur auferre occasionem illam; sic propter idem detrimentum, quod per- „ severat, excusatur tempore sequenti ab auferenda occasione . . . Sicut ergo „ (num. 159.) potest stare dolor & propositum requisitum cum certitudinæ illa „ morali de lapsu futuro, non ita frequenti; *cur non poterit stare cum certitu-* „ *dine morali de lapsu futuro sequenti ?* „ Argumentatur *ibid.* Lugo contra Do- „ ctorem eximium P. Suarez, & alios, qui docent, absolvi posse pœnitentem, „ quando signa aliqua emendationis perhibet, & non ita frequenter labatur. Quid- „ ni ergo, infert Lugo, absolvi poterit *cum certitudine morali de lapsu futuro fre-* „ *quenti ?* An hæc Logica cum Morali christiana componi valeat, ceteri viderint. Plura alia similiter laxa ibi docet Lugo cum *Ioanne Sanchez*, cuius opus, ob horrendam laxitatem damnatum est. Excusandus est Lugo, sicut & plures alii, qui scripserunt ante theses ab Ecclesia proscriptas, quarum plures decerpæ fuere ex *Ioanne Sanchez*, a pluribus tamen aliis propugnabuntur.

XXV. Laudatus P. La-Croix, qui *loc. cit.* recenset utramque opinionem, & primam affirmantem, quam defendunt *Lugo, Ioan. Sanchez, Castropalaus, Tamburinus, Gobat, Burgaber, Stoz*, & alii, absolvendum nempe esse talem peccatorem; & secundam negantem esse absolvendum. Num. 261. inquit: *Hæc 2. sententia admodum rigida est, attamen videtur vera . . . Qui primam benigniorem*

sententiam vult defendere, legat vindicias Gobat. En limpidiſſimum fontem, ad quem te remittit. Has vindicias Gobatianas numquam videre potui; ſed ſat eſt mihi legere Patrem Gobat, ut inde concipere harum vindiciarum imaginem poſſim. Sententia quæ in Evangelio docetur, admodum rigida eſt; attamen videtur vera. At quamvis videatur vera, cum ſit admodum rigida, qui vult benigniorem contrariam ſententiam ſequi, legat vindicias P. Gobat. Confeſſarios remittit P. La-Croix ad hunc Doctorem, qui docet, *iuvenes plebeios, & puellas indutas, & extas poſſe ſimul cubare in eodem leſto.* Verba ſupra reſcripſi. Vindiciæ Gobatianæ vindicant ne a laxitate hanc caſſiſſimam doctrinam?

XXVI. P. Thomas Tamburinus *Lib. III. meth. exp. conf. cap. 111. ſ. 3.* tranſcribit laxas opiniones Ioan. Sanchez, & de Lugo totidem fere verbis. Idcirco illas conſutare prætereo, ſatiſque eſt monuiſſe lectorem, ut ab eiſdem ſibi caveat.

XXVII. Quæſt. XII. *Absolvendi ne ſunt recidivi, quoties ſponte accedunt ad confeſſionem?* Reſp. Recidivi, ſi vera emendationis ſigna exhibeant, abſolvendi proculdubio ſunt. At difficultas vertitur in aſſignandis eiſmodi emendationis ſignis. Recentiores Probabiliſtæ non pauci defendunt, tum recidivum emendationis ſignum perhibere, quando ſponte & libere conſtitetur. P. Layman *Lib. V. tract. vi. cap. iv. num. 11.* „Qui eſt recidivus, ſi aſſert aliquod ſignum emendationis, eſt SEMPER abſolvendus. Signa autem ſunt vel rarius peccare, vel „aliquis maior dolor ex vero animo conceptus, vel IPSUM SPONTE CONFI- „TERI, in his qui non urgentur a præceptore, patre, pedagogo, conſuetudine, ne congregatorum ad conſitendum &c. Tunc enim habetur ſignum emendationis, „ſecus non item.“ Placet quod docet Layman, inquit Tamburinus. Revera mirum eſſet, niſi Tamburino placeret doctrina P. Layman adeo benigna, & mihi laxiſſima. Spontanea & libera confeſſio in recidivis eſt ſignum emendationis ita efficaciſſima, ut ſemper abſolvi debeant. Omnes ergo peccatores qui non ſint maniſeſti concubinarii, neque in occasione proxima conſtituti, neque in continuo peccato mortali verſentur, ſed frequenter labantur, ſemper abſolvendi ſunt, propterea quod ſponte confeſcantur? Verum quod lacrymas extorquet, eſt, quod multorum praxi hodiernæ reſpondet doctrina laxa.

§. V.

Doctrina P. Claudii La-Croix de frequenti relapsu cum vero dolore, & proposito, tamquam falsa & laxa reiicitur.

I. **C**ommuniter, & iuxta prudentem christianam existimationem frequens relapsus est signum & argumentum valde probabile falsam esse talium recidivorum poenitentiam. P. Claudius La Croix *Lib. VI. part. 11. num. 1729.* inquit : „ *Frequentem relapsum esse signum, quod defuerit dolor, aut propositum, tenent „ Iansenistæ, & Rigoristæ plurimi cum Opstraedt in Pastore bono : sed certum „ est, id non esse universaliter verum.* “ Si hæc P. La-Croix assertio consisteret ; Iansenismus, & Rigorismus esset in divina Scriptura, in Patribus ; & Concionatores ætatis nostræ, non plurimi, sed omnes essent & Iansenistæ, & Rigoristæ. Legatur inter ceteros P. Paulus Segneri in suo celebri sane opere *Christ. Instrucl. Part. III. ser. xxi.* ubi vel in ipso exordio hæc habet. *Dubito però io, che quando noi diamo a costoro il nome di recidivi, facciam loro un onore non meritato . . . Non dee dirsi, che costoro ritornino ad essere peccatori dopo la confessione, poichè per essa non divennero giusti. Questa è una verità importantissima, e però conviene che io ve la faccia toccar con mano.* Legatur integer illius sermo, legantur omnes libri concionatorii, & spirituales, & audiantur omnes Concionatores e suggestu hanc veritatem ardenti zelo inculcantes, videlicet frequentem relapsum esse communiter & universaliter (quidquid per accidens in aliquo casu contingere possit : moralia enim moraliter tractanda sunt) argumentum ficti doloris.

II. P. La-Croix hanc gravissimam veritatem implicat, obscurat, & fucum imperitis facere videtur. Duas enim assertiones *ibidem num. 1730.* adiicit : *Frequens relapsus est quandoque signum, quod defuerit dolor, aut propositum.* Deinde statim *num. 1731.* addit : *Frequens relapsus non semper est signum, quod defuerit dolor, vel propositum.*

III. Ambæ hæc duæ propositiones veritatem moralem obscurant, & imperitorum deceptioni viam aperiunt. Et ad secundam quod attinet, quis nisi demens dixerit, frequentem relapsum esse *semper* argumentum falsæ confessionis ? Secreta cordium nos latent, & externa signa non semper indicant quod intus latet. Perperam ergo, ut mitissime loquar, P. La-Croix obtrudit *id semper*. Quandoquidem sicut ineptiret qui propugnaret frequentem relapsum esse *semper*, accepto hoc *semper* in toto rigore, argumentum falsæ poenitentiz ; sic aberrat P. La-Croix in altera assertionem, qua dicit : *Frequens relapsus est quandoque signum, quod defue-*

rit dolor. Hæc duo *semper*, & *quandoque* in hac materia sunt duo extrema æque falsa, & æque pernicioſa. Quid ergo dicendum? Respondeo primum cum omnibus Theologis, *moralia moraliter accipienda eſſe*. Hinc infero, *frequentem* relapſum, iuxta divinas Scripturas, SS. PP. Concilia, & gravioreſ Theologos, *frequentem*, *communiter*, & ut plurimum eſſe ſignum ſciti doloris, & propoſiti; quamvis interdum hæc regula admittat exceptiones, nempe quod aliquando cum frequenti relapſu poſſit componi vera converſio. Dico itaque, falſam, laxam, Scripturis, Patribus, gravioribus Theologis, & ipſi experientiæ adverſam eſſe doctrinam P. La-Croix, qui aſſerit *frequentem relapſum* eſſe dumtaxat *quandoque* ſignum falſi doloris, & propoſiti. Sed audiamus rationum momenta quæ allegat Auſtor noſter. Verum, antequam illius rationes refero, iterum moneo leſtorem, ſermonem nunc eſſe de *frequenti relapſu*. Hunc frequentem relapſum in ſua probanda ſententia proponit Auſtor, quamvis poſtea in decurſu ſolius relapſus mentionem faciat. Nam quod aliquis relapſus absolute acceptus non ſit communiter ſignum falſæ pœnitentiæ, extra controverſiam eſt, ut iam dixi. Controverſia ergo eſt de *relapſu frequenti in peccata mortalia ſive antiqua, ſive nova*.

IV. Opponit P. La-Croix 1. Frequens relapſus eſt tantum ſignum, quod voluntas facta ſit inſtans, quod facillime fit. 2. Poſſe eſſe verus & prædominans amor Dei, quamvis ſtatim poſt ſequatur lapſus; ut patet in *Angelis, primis parentibus, item in S. Petro*. 3. „Non eſt maior obligatio vitandi peccata „antiqua quam nova: ad omnia enim debet ſe æqualiter extendere propoſitum: immo facilius eſt vitare nova quam antiqua: quia conſuetudo, & habitus vitioſi magis impellunt ad antiqua. *Sed en eo quod quis aſſerat NOVA „nemo prudenter indicat, quod defuerit dolor, vel propoſitum in priori confeſſione. Ergo neque ex eo quod aſſerat antiqua.*“ 4. Quamvis multi Patres, ſpecialim S. Auguſtinus, & Gregorius, item S. Bernardus, & Albertus M. videantur dicere, quod relapſus ſit ſignum, quod præcedens pœnitentia non fuerit vera; tamen Raynaudus in *Heter. Tom. XV. parſ. 1. punc. 4.* recte oſtendit, *banc non fuiſſe eorum mentem, ſed tantum voluiſſe eſſe ſignum inſtantis, & mutata voluntatis*.

V. Hæc totidem fere verbis reſcribere placuit. Nullus dubito quin leſtor ex ſola leſione commoveri debeat. Imbecillitati meæ horrorem hæc ingerunt. Inferunt enim, Scripturas, SS. PP. Concilia, & omnes Concionatores e publico ſuggeſtu fideles decipere. Sed ad rem.

VI. Respondeo ad 1. frequentem relapſum non modo eſſe ſignum inſtantis voluntatis, verum etiam oſtendit, gratiam Dei non fuiſſe ſuſceptam. Voluntas humana natura ſua ad peccata prona eſt; at gratia divina roborata, & firmata de peccato triumphat. S. Thomas III. Part. *quæſt. lxx. art. 4.* inquit: *Minima gra-*

tia

ria potest resistere cuilibet concupiscentia, & vitare omne peccatum mortale, quod committitur in transgressione mandatorum legis: minima enim caritas plus diligit Deum quam cupiditas millia auri & argenti. Accedit quod gratia sacramenti pœnitentiæ addit peculiares vires, & singularia subsidia confert, subdit S. Thomas III. Part. quæst. lxxi. art. 2. inquires: Gratia sacramentalis addit super gratiam communiter dictam quoddam divinum auxilium ad consequendum sacramenti finem. Et sigillatim de pœnitentia hæc ibidem quæst. lxxxix. art. 2. ad 2. adiicit. Pœnitentia, quantum est de se, habet virtutem reparandi defectus ad perfectum, & etiam promovendi in ulteriorem statum. Argumentatio itaque P. La-Croix, ab inconstantia voluntatis humanæ repetita, a principiis Theologiæ christianæ ablutit. Nam nos Theologi christiani loquimur de voluntate humana per gratiam sacramentalem erecta, sanata, & roborata. Voluntas humana natura sua inconstans, & mutabilis est; at gratia Christi, auxilia, atque validissima præsidia sacramentalia eidem conferunt robur, constantiam, & firmitudinem. Alterutrum ergo. Aut peccatores frequenter relabentes gratiam reipsa non suscipiunt: & tum falsa est illorum pœnitentia. Aut si suscipiunt, frequenter non relabuntur. Rursus. Aut gratia sacramentalis confert præfatas dotes; aut secus. Secundum hæresis est. Ergo verum primum. Ergo qui reipsa sunt veri pœnitentes, frequenter non relabuntur. Argumentatio P. La-Croix evertit non modo pœnitentiæ disciplinam, sed ipsam humanam societatem. Quis iure reprehendere homines poterit, si promissa frequenter violent? Mercatores non semel & bis, sed frequenter datam fidem frangunt. Decepti ad tribunal vocant mendaces istos homines. Hi reponunt: An ignoratis hominis voluntatem esse inconstantem, mutabilemque? Sincere promissimus; sed ob voluntatis inconstantiam promissa non implevimus. Propterea ne mendacii arguimur? Iusta ne excusatio isthæc? Quis dixerit puellam esse pudicam quæ frequenter polluitur? Quis dixerit hominem esse sincerum qui frequenter mentitur? Quis dixerit uxorem esse fidelem marito quæ frequenter adulteria perpetrat? Quis dixerit hominem esse sobrium, & temperantem qui frequenter ebrius est? Contra argutationem huiusce Auctoris quadrat illud Redemptoris oraculum: *Filii huius sæculi prudentiores sunt filiis lucis*. Quis imprudentissimum non reputaret mercatorem qui aureos nummos ut genuinos acciperet ab illis emptoribus quos frequenter deprehendit obtulisse adulterinos? Quis, inquam, imprudentissimum non reputaret, nisi nummos istos ad lydiæ lapidis tactum exigeret, ut hinc deprehenderet, sint ne genuini, an adulterini? Quis non irrideret, si reponeret: Inconstans est humana voluntas & mutabilis: licet frequenter emptores labantur in hanc fraudem, inde tamen inferri nequit, & nunc velle adulterinam monetam offerre? Si imprudens, ne dicam satius, esset mercator iste; assorum esto iudicium, quam

sint imprudenter Confessarii illi qui genuinum dolorem, & sincerum propositum reputant illorum pœnitentium qui fidem solemnî ritu Deo datam, non casu aliquo sortuito, & vehementi insolitaque tentatione pulsante, sed frequenter infringunt. *Propositum* (inquit S. Thomas in Psalm. xlviii.) *optime manifestatur per operationem.*

VII. Ad secundum respondeo, fieri utique posse ut homo post iustificationem statim labatur; ut patet scilicet in Angelis malis, in primis parentibus, in S. Petro. Hæresis Calviniana est, iustificationem christianam esse inamissibilem. Sed addo, perperam hæc, ne quid plus dicam, obtrudi ad inferendum, frequentem relapsum non esse fidei doloris, & adulterini propositi signum. An sanctissimum Apostolorum Principem inter frequenter recidivos constituet P. La-Croix, ut laxam opinionem confirmet? Nolo longius argutationem ex lapsu S. Petri, Adami, & malorum Angelorum repetitam improbare, ne quid durius calamo excidat.

VIII. Responsio ad 3. sophistica lacrymis potius quam verbis danda esset. Non est maior obligatio vitandi peccata antiqua quam nova? Quis Catholicorum hoc umquam in disputationem vocavit? *Sed ex eo quod quis afferat nova, NEMO prudenter iudicat, quod defuerit dolor, vel propositum in priori confessione. Ergo neque ex eo quod afferat antiqua.* Ambæ propositiones & falsæ sunt, & scandali plenæ. Supra ex S. Paulo, & Scripturis sanctis palam feci, iustificationem christianam suapte natura constantem & firmam esse contra quodcumque peccatum mortale. Ex eo quod quis nova peccata mortalia afferat, nemo prudenter iudicat, quod defecerit dolor, vel propositum in priori confessione? Hæc paradoxa in Christi Theologia legere contigit? Nova peccata perpetrata non sunt fidei & doloris, & propositi signa? An peccata mortalia, cuiuscumque generis sint, non pugnant hostiliter cum iustificatione christiana? Auctor ipse fatetur, facilius vitari nova peccata posse: quoniam ad antiqua magis impellunt habitus vitiosi, assuesfactio, & altius radicatæ propensiones & consuetudines. Ergo nova peccata alterius generis maiorem in peccante malitiam præferunt; & evidentius larvatum dolorem & fictum propositum iuxta prudentem cogitandi modum indicant. Et Auctor asserere audent, quod nemo prudenter iudicat defuisse dolorem, & verum propositum. Immo communiter, & ut plurimum, nemo prudenter iudicat adfuisse. Quis reconciliatur cum inimico, proponit nunquam imposterum se illum offensurum: & continuo novas alterius generis iniurias eidem iterum atque iterum intentat. Hæc ne germana reconciliatio? Nemo prudenter iudicat, insinceram fictamque fuisse reconciliationem istam? Damtaxat novus opinandi modus hanc prudentem cogitandi, & iudicandi regulam invehere potuit. Et tamen ex hoc falso principio peiorem Auctor infert consequen-

quentiam. Ergo neque ex eo quod afferat antiqua. An ergo, ut securius absolvatur, & luculentius ostendat, sincerum fuisse dolorem, robustumque propositum, afferat pœnitens & nova & antiqua scelera? Imbecillitas mea nequit efficacius similes argutationes profligare, quam eas sapientum iudicio subiiciendo.

IX. Ad 4. oppositionem. Quamvis multi Patres videantur dicere, quod relapsus sit signum fidei pœnitentiæ præcedentis; tamen Raynaudus in *Heter. Tom. XV. part. 1. sec. 1. punc. 4.* RECTE ostendit, banc non fuisse eorum mentem. Quid in hoc gravissimo argumento contra luculentissima Patrum, non multorum modo, sed omnium testimonia Theophylus Raynaudus? Is ne arcana aliqua & inaudita distinctione eludet Patrum testimonia manifestissima, quæ a Conciliis, a Theologis, ab omnibus Concionatoribus adhibentur ad evincendum, ut plurimum fidam esse recidivorum pœnitentiam? Etiam si Raynaudus aliquo arbitrario commento eludere tentaret Patrum testimonia; ideone eidem standum? Sed Auctor noster ait: Raynaudus recte ostendit, banc non fuisse eorum mentem. Recte ostendit? Ecce adducta in medium non est in argumento momentosissimo una saltem ex his rectis ostensionibus? præsertim cum talis interpretatio inaudita sit, & hætenus Theologis incognita. Sicut supra in controversia de confessione epistolari remittit lectorem ad P. Gormaz; ita nunc remittit ad Raynaudum. Discendæ veritatis gratia legi Gormaz, quem errantem inveni. Nunc legere volui citatum Tom. XV. Raynaudi, qui loc. cit. nempe sec. 1. punc. 4. pag. 65. refert testimonia S. Gregorii, citat Petrum Blesensem, alia Augustini, & Gregorii testimonia complectentem. Refert testimonia Fulgentii, Chrysostomi, Bernardi. Pag. 66. addit: Suffragari denique videntur omnes Patres, quorum illud est veluti effatum, ad novam pœnitentiam exigi novam vitam, utique destinatione saltem, & propositio firmo, quod factio æquiparatur. Hoc vero confirmat auctoritate Augustini, & Gregorii, & refert S. Augustini verba ex *serm. xxviii.* & *xl.* inquitis, „Tundentes pectora, & hæc eadem facientes, aliud non præstant quam peccati pavementationem: necesse est subsequi emendationem, & abstinentiam a recidivo, quæ cum (non) subsequitur, videtur patentibus signis deprehendi inanis propositi firmi emendationis, sine quo detestatio peccati ludicra est, & figmentum potius, vanumque pœnitentiæ simulacrum, quam vera pœnitentia.“

X. Hætenus de SS. Patribus P. Raynaudus: deinde ipse persequitur continuo num. 15. suam disputationem his verbis. „Ego hac in re ultra do, ad veram peccati detestationem exigi propositum saltem virtuale, sive inclusum in detestatione efficaci. Formalem vero propositum non exigam ad veritatem pœnitentiæ, ac detestationis, attigi supra contra Sotum, Canum, atque Valentiam, adde & BELLARMINUM Lib. II. de pœnit. cap. 11. . . . Caducitas au-

„tem propositi; & relapsus eam consequens, non est argumentum inanitatis „propositi, *quandiu viguit, quale conceptum erat*; sed tantum est indicium humanæ mutabilitatis, qua numquam in eodem statu permanemus. “Dii meliora! Est constans propositum, robustumque pro *tunc*; sed non pro *post*. Sed homines, qui scrutari hominum corda nequeunt, cum vident promissa passim frangi, mendacia fuisse promissa, prudentissime inferunt. Falleris. Sat est quod promiserint: quia voluntas humana mutationi obnoxia est. Dispeream, si sic arguarent Casuistæ, quando contingeret, ipsos mercatores agere, & commercia inire.

XI. Hæc P. Theophylus Raynaudus. Nec verbum; nec iota aliud ibi habet; quo Patrum testimonia exponat, vel interpretetur. Sed contra omnes SS. Patres cervicem erigit, inquiens: *Ego hac in re ultra do &c.* Quare mirum non est, si infurget contra Sotum, Cano, Valentiam, & *Ven. Bellarminum*; quando unus Bellarminus præstat mille Raynaudis. Sed hæc obiter. Ad id quod caput est, revertamur. Igitur P. La-Croix videns Patrum testimonia esse ineluctabilia, se recipit ad patrociniū Raynaudi, qui, etiamsi aliquo commento arbitrario, revera Raynaudo non insueto, Patrum testimonia eludere pertentaret, non propterea audiendus foret. Sinciput enim Raynaudi non Dominicani modo, verum etiam Iesuitæ experti sunt. Quid nunc dicendum, cum nullam nec rectam, nec distortam Patrum interpretationem perhibeat Raynaudus, sed illorum testimonia referat, & prætereat? Et cum hæc ita se habeant, ut quisque propriis oculis periculum facere valet, P. La-Croix audet scribere: *Tamen Raynaudus recte ostendit, hanc non fuisse eorum mentem*? Si talia ab aliis scriberentur vel de minimo Casuista, continuo orbis terrarum resonaret his vocibus: Sic imponitur imperitis? Ubi sinceritas? Ubi bona fides? In re adeo gravissima, in qua de æterna animarum salute agitur, Patrum testimonia flocci sunt? Verum ego hæc omnia mitto: & optassem summopere ut P. La-Croix loco Raynaudi *Ven. Bellarminum* legisset, eiusque doctrinam hoc de argumento amplexus fuisset. Mirares! Testimonia Ven. Bellarmini contra recidivos, & Confessarios absolventes recidivos obsequio summo referunt sapientissimi Cardinales & Episcopi, Aguirre, Denhoff, Grimaldi, Le-Camus, Attrebatensis, & innumeri alii celeberrimi Theologi. Quis vero Casuistarum Ven. Bellarmini testimonia refert? An La-Croix, an Viva, an Tamburinus, an Burghaber, an Catalanus, an Escobarius, an alii? Nemo unus, quatenus mihi legere licuit. P. La Croix duo Bellarmini testimonia num. 1766. describit. Quorum? Ut confirmet suas opiniones? Minime gentium. Sed sibi illa opponit, & consuetis distinctionculis eludit. Et tamen, si dixero, Bellarminum, cuius sanctitatem spero fore ut solemni cultu Catholici omnes brevi adoraturi sint, splendorem esse & ornamentum, non modo Inclytæ

Societatis Iesu, verum etiam universæ Ecclesiæ, & quo superiorem Theologum in Societate, sicut doctorum hominum fecundissima, ego non agnosco, a veritate non aberravero. Hæc in Venerabilis Bellarmini iustissimam commendationem, ut animi mei obsequium erga tanti viri doctrinam, & erga Inclytam Societatem, cuius est filius, patefacerem, quemadmodum ubique, occasione data, semper præstiti, æternumque præstabo. Verum o tempora! o mores! Quamvis Bellarminum, & ceteros sapientiores Societatis Scriptores debitis præconiis extollam, eorumque doctrinam saniozem propugnem; non propterea devotus Societatis amicus audio; sed quod laxa quorundam Casuistarum paradoxa refellam, hostis, & quidem insensissimus traducor, ut iam animadverti in *Testimonio* pro Societate IESU inserto præfationi in *Tom. I. in Decal.* At est Deus in Israel, qui hæc iudicaturus sit. A iusto diverticulo in semitam regredior.

XII. P. La-Croix obiicit sibi ibidem textum evangelicum: *Ex fructibus eorum cognoscetis eos.* Ergo, ubi fit relapsus, non fuit dolor efficax. Quid responsi præbet? Audi. *Non fuit dolor efficax inconstanter; nego; constanter, concedo. Sed nego requiri efficaciam constantem.* Et sermo est de relapsu frequenti. Non ergo audiendus est Paulus Apostolus *I. Cor. xv.* clamans: *Itaque, fratres mei dilecti, stabiles estote, & immobiles?* Non ergo audiendus idem Paulus iterum *II. Cor. v. 11.* inclamans: *Quæ secundum Deum tristitia est, pœnitentiam in salutem stabilem operatur?* Et rursus ad *Coloss. cap. 1.* *Nunc autem reconciliavit in corpore carnis eius per mortem exhibere vos sanctos, & immaculatos, & irreprehensibiles coram ipso, si tamen permanetis in fide fundati, & stabiles, & immobiles.* Quid produnt hæc Evangelistæ Lucæ verba: *Constantes esto?* Act. xxiii. Quid significant hæc alia: *Stabunt iusti in magna constantia?* Sed quid longius persequor lugendum commentum, & cavillationes, quibus forte dicturi erunt, hæc ad perfectionem, non ad substantiam pœnitentiæ requiri?

XIII. Obiicit sibi 2. Secundum SS. PP. vera pœnitentia est mala præterita plangere, & plangenda iterum non committere. Ergo, ubi fit relapsus, non fuit vera pœnitentia. Quid ad hæc respondet? En eiusdem verba. *Ista est vera pœnitentia necessaria ad sacramentum, nego. Necessaria ad perseverantiam finalem concedo. . . Patres enim verbis illis significant pœnitentiam, qua perseveramus usque ad finem, & tandem salvamur. Non autem illam qua iustificemur in sacramento.* A Raynaudo ne tale commentum? At si pœnitentes frequenter relabuntur in scelera, resurgunt, & recidunt, quomodo perseverant usque ad finem? Refugit calamus hæc paradoxa refellere. Ut cavillationi locus ocludatur, semper recolendum est, disputationem nunc esse de *frequenti relapsu*. Quo fundamento peccatores frequenter recidivi sperare donum illud specialissimum perseverantiæ possunt, si frequenter relabuntur in scelera?

XIV. Instat sibi iterum ibi P. La-Croix . Iuxta SS. PP. qui iterum committitenda, est potius irritor quam pœnitens. Ad hanc instantiam respondet cum S. Thoma III. Part. quæst. lxxxiv. art. 10. ad 4. ubi inquit : *Quod autem postea aliquis peccat vel actu, vel proposito, non excludit quin prima pœnitentia vera fuerit . Numquam enim veritas prioris actus excluditur per actum contrarium subsequentem . Sicut enim vere cucurrit qui postea sedet ; ita vere pœnituit qui postea peccat . Ut heinc colligas , quanta sit fides adhibenda nonnullis Casuistis , scias oportet , hic S. Thomam disputare contra Novatianos : & in titulo articuli proponit , Utrum sacramentum pœnitentiæ debeat iterari ? Et respondet in cor. art. Dicendum , quod circa pœnitentiam quidam erraverunt ; dicentes , non posse hominem per pœnitentiam secundo consequi veniam peccatorum . Quorum quidam , scilicet Novatiani , hoc intantum extenderunt , ut dicerent , post primam pœnitentiam , quæ agitur in baptismo , peccantem non posse per pœnitentiam iterato restituui . Alii vero fuerunt hæretici . . . qui post baptismum dicebant quidem esse utilem pœnitentiam , non tamen pluries , sed semel tantum . Docet ergo S. Thomas cum omnibus Catholicis , relapsum non tollere quin prior pœnitentia , & confessio vera fuerit . Docet iterandum esse sacramentum pœnitentiæ , & relapsum non posse reddere frustraneam pœnitentiam priorem , quæ reipsa vera fuit . Quomodo enim actus posterior tollere priorem valet ? At numquid hæc est disputatio nostra ? In præsentia disputatur , num frequentes relapsus tale iudicium præbeant , ut Confessarii prudenter iudicare valeant , priorem pœnitentiam non fuisse veram ; atque adeo differendam esse absolutionem , donec per opera pia & laboriosa , & per abstinentiam a peccatis mortiferis argumenta præbeant sinceri doloris , & constantis propositi . Causa ista gravissima non vanis distinctiunculis , & cavillationibus , sed Scripturarum , & PP. regulis discutienda est .*

XV. Prætereo examen aliorum quæ ibidem docet P. La-Croix , qui , ut Iansenistas , & Rigidistas , traducit Theologos docentes , frequentem relapsum esse falsæ pœnitentiæ grave indicium . Si nos , vicem rependeremus appellantes laxones , & palpones illos qui oppositum docent ; nos severe increparent , & formidanda minarentur . Sed nos , laxas & perniciosas reputamus plurimas illorum opiniones ; at pro certo habemus , pio animo faciliorem efficiendi paradisi viam easdem excogitatas fuisse . Quod sæpe repetimus , ut intelligant , nos officio & obsequio Auctores colere illo ipso tempore quo opiniones quæ laxæ & exitiosæ æternæ Christianorum saluti nobis videntur , profigare nitimur .

CAPUT VIII.

Rigorismus in tribus thesibus proscriptis ab Alexandro VIII. contentus, exploditur.

I. **A**lexander Papa VIII. sequentes tres theses proscripsit. 16. *Ordinem præmittendi satisfactionem absolutioni induxit non politia, nec institutio Ecclesiæ, sed ipsa Christi lex & præscriptio, natura rei idipsum quodammodo dicente.*

17. *Per illam praxim mox absolvendi ordo penitentia est inversus.*

18. *Consuetudo moderna quoad administrationem penitentia, etiam si eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed pro abusu.*

II. Omnes istæ tres theses eodem fere recidunt. Primam ex his tribus propugnavit Petrus Oxomenfis, ut narrat Natalis ab Alexandro in *Hist. Eccl. secul. xi. art. 7.* Hunc errorem damnavit primum Alphonsus Carillus Archiepiscopus Toletanus, & postea Sixtus Papa IV. Damnatum errorem renoverunt nonnulli in Belgio, & aliqui in Gallia, ut referunt & Natalis ab Alexandro *Lib. II. de penit. reg. 3.* & Hyacinthus Graveson in *Hist. Eccl. secul. xvi. colloq. 6.* Quid simile docuit Quesnellus in damnatis thesibus 87. & 88.

III. P. Dominicus Viva duas primas theses assingere Guillelmo Estio præclarissimo, doctissimoque Theologo non dubitavit in sua *Trutina num. 1.* Sed Estium ab hac impostura vindicat P. Thomas Milante *exercit. x. in propos. Alexandri VIII.* Non adeo raro errat P. Viva in adscribendis falsis, & erroneis opinionibus Theologis qui illas minime docuerunt: quia forte Auctores in fonte non legit. Hæc corrigere illi deberent qui blaterant, me truncatas referre laxas Casuistarum opiniones.

IV. Falsitas proscriptarum thesium ex se patet. Quoniam nullibi lex occurrit qua Christus Dominus præcipiat præmittendam esse satisfactionem absolutioni sacramentali. Ordo iste unice ab Ecclesiæ disciplina pendet, ut alias dictum est. Satisfactio, non ad essentiam sacramenti, sicut confessio, & contritio, sed ad integritatem tantum pertinet, ut declaravit Concilium Tridentinum *sess. xiv. cap. 11.* Quid quod non modo Christus Dominus nullam tulit legem præmittendi ante absolutionem satisfactionem, sed documenta luculentissima in suo Evangelio reliquit, quæ oppositum evincunt? Siquidem ipse mulierem peccatricem, quæ plurimum dilexit, & lacrymarum imbre abluit scelera sua, absolutam in pace acturum dimisit. Matthæum, & Zachæum corde contritos in discipulos confestim susce-

suscipit. Latronem in cruce pendentem, animoque de peccatis dolentem, & eius divinitatem consentientem, protinus de æterna beatitudine certiore fecit inquiens: *Hodie mecum eris in paradiso*. Paralytico peccata dimisit, quin præviâ satisfactionem imposuerit. Tandem sacramentum pœnitentiæ institutum est ad normam iudicii forensis, in quo post absolutionem rei, multa exequenda imponitur. Similiter natura, & essentia sacramenti consistit, dum ante executionem operum pœnalia absolutio imperitur.

V. Ad essentiam itaque sacramenti attinet, ut nonnisi rite dispositis, & vere contritis absolutio peccatorum impertiatur. Quod vero satisfactio, quæ est pars tantum integralis sacramenti, ante, vel post perfolvatur, ad disciplinam pertinet Ecclesiæ, quæ pro temporum diversitate illam mutare iure potuit. Ergo sicut effrenata temeritate non vacaret qui primæ ætatis Ecclesiæ disciplinam carperet; ita incredibilis audaciæ rei sunt Auctores secundæ & tertiæ thesibus, quos præsentem Ecclesiæ disciplinam vellicare non pudet. Quæ opponere ex Cypriano, & aliis Patribus solent, nimis futilia sunt, ut refutari debeant. Patres enim sui temporis disciplinam Ecclesiæ commendant. Præ oculis ergo semper habenda est doctrina S. Thomæ, qui 2. 2. *quæst.* x. art. 12. docet: *Ecclesiæ consuetudo semper est in omnibus æmulanda*.

VI. Hinc colligere licet, quam turpius hallucinentur nonnulli recentes Casuistæ, qui ex narratis thesibus gravissimam inferunt corruptelam, videlicet omnibus sponte accedentibus, tametsi inveteratis, habituatis, & frequenter relabentibus, absolutionis beneficium impendendum docent. Nec istos pudet, hanc esse disciplinam Ecclesiæ asserere: & Rigorismi calumniam imponere oppositum docentibus. Confundunt turpissimam corruptelam, & sacrilegum abutum cum Ecclesiæ consuetudine. Disciplina hodierna Ecclesiæ est, ut rite dispositis & sincere contritis absolutio impertatur, quin necesse sit pœnalia operum satisfactionem præmittere. Sed difficultas vertitur in discernendis & dignoscendis optime dispositis, & vere contritis, a fictis & simulatis pœnitentibus. Ex fructuum qualitate, bonæ a malis plantis distinguuntur. Abusus & quidem gravissimus, non Ecclesiæ disciplina, est, ad sacra mysteria habituatos, inveteratosque peccatores admittere, nisi signa emendationis moraliter certa præcedant, quibus sacri ministri dignoscere valeant, quinam sint bene dispositi, & ex toto corde contriti. Advertant Benignistæ, trium thesium proscriptarum Rigorismum non in Merbesio, non in Gennetto, non in Pontasio, non in Besombio, non in Natali ab Alexandro, aut in alicuius catholici Theologi libris, qui manibus Confessariorum terantur, reperiri. Quamobrem gravissimam ipsi inferunt Ecclesiæ perniciem, quando iniuria summa Theologis catholicis, qui pro sana doctrina pugnant, notam teterriam *Rigorismi* impingunt. Recogitent e contrario, *Laxismum* & proscriptum, & pro-

proscribendum, contra quem calamum acuius, in non paucis Casuistarum libris, quos Confessarii ut magistros legunt, extare.

VII. P. Dominicus Viva ex postrema thesi proscripta in sua *Trut. in propoq.* 18. *Alexand. VIII. num.* 20. duo falsa obrudit, & testimonium mutilum S. Thomæ refert. Primo docet, in primitiva Ecclesia solos Clericos ad sacram cœnam quotidie consuevisse accedere. Secundo negat, in primitiva Ecclesia accessisse ad sacram communionem sine confessione venialium culpæ. P. Thomas Milante *exercit. x. in propoq.* 18. *Alexand. VIII.* in utraque sententia aberrare P. Viva omni argumentorum genere evincit, & S. Thomam vindicat. Controversias istas tanti non facio, ut operæ pretium existimem, easdem ad exactam crism revocare. Easdem pro dignitate dispexit præfatus P. Milante, qui pro se allegat doctissimos viros Mabillonium, Morinum, Martenium, Thomassinum, Duhamelium, Boilaum, Natalem ab Alexandro, aliosque illustres Scriptores. Itaque si plura hac de re cupis, ipsum legito.

C A P U T IX.

De officio Confessarii tum in examine, tum in absolutione pœnitentium.

Integra dissertatione superiori dotes, & prærogativas Confessarii exposui. In præsentia regulæ praxim ipsam spectantes tradendæ sunt. Prolixitatis forte accusabor. Verum, spectata argumenti gravitate, difficultate, & necessitate, nulla fere prolixitas superflua est. Perpendenda sunt verba Concilii Lateranensis X. celebrati sub Innocentio II. an. 1139. ubi *cap. xxii.* hæc habet. *Sane, quia inter cetera unum est quod sanctam maxime perturbat Ecclesiam, falsa videlicet pœnitentia, Confratres nostros, & Presbyteros admonemus ne falsis pœnitentiis laicorum animas decipi, & in infernum pertrahi patiantur &c.* Casuistæ plurimi contra exultantes & lætantes clamant, nihil hodie magis resurgere in Ecclesia catholica quam sacramentorum frequentiam, veramque pœnitentiam, nostrumque sæculum aureum esse. At vos, Confessarii, Ecclesiæ, non quorundam Casuistarum vocem audite; & ad Conciliorum regulas, & documenta praxim vestram exigit.

§. I.

*Quam adhibere diligentiam Confessarius in pœnitentium
examinè, & in eorumdem christiana dispositione
procuranda debeat.*

I. **P**rovinciam difficillimam exornandam suscipio, de qua quidquid dixerim ; minus dixero. Multa confundunt : pauca non satis instruunt. Dixi supra, Confessarium qui absque speciali vocatione in hoc se intrudit ministerium ; periculo non levi damnationis se exponere. In præsentia addo. Nisi Confessarius fortitus sit ingenium acutum, mentem sagacem, prudentem, penetrantem, circumspectam, qua discernere statum pœnitentis, circumstantias, opportunitates interrogationum faciendarum ; superflue sunt & vanæ regulæ omnes quæ præscribi ab Auctoribus solent. Siquidem, cum debitum interrogandi, examinandi, & discutiendi pœnitentium conscientias a circumstantiarum diversitate pendeat, vix aliqua certa & fixa designari regula valet. Aliquas tamen describam.

II. Confessarius, ut alias dictum est, sustinet officium iudicis, doctoris, & medici : ut iudex absolvit, ut medicus remedia opportuna applicat, ut doctor docet, instruit, examinat. De his dotibus satis superque supra actum est. Nunc de Confessario ut doctore sigillatim aliqua discutienda sunt, quæ propius proximæ spectant.

III. Confessarius itaque confessiones excepturus primum omnium pœnitentem benedicat, hanc precem pronuntiando : *Dominus sit in corde tuo, & in labiis tuis, ut sancte confitearis. In nomine Patris, & Filii, & Spiritus sancti. Amen.* Si pœnitens ignotus sit, tempus exquirat a quo confessus fuerit. Ex modo quo pœnitens exponit sua peccata, colliget, quomodo interrogandus, iuvandus, instruendusque sit. Si aliena narret, illum moneat, ut sua, non aliena pandat crimina. Si minus honeste flagitia exponit, castam loquendi formam illum doceat. Ex temporis diuturnitate maiori, aut minori protractæ confessionis, interrogabit, num serio suam expenderit conscientiam, num disponere animam suam studuerit ad tantum sacramentum suscipiendum.

IV. Et quia ab hac dispositione magnopere pendet plena & sincera peccatorum manifestatio ; idcirco inprimis Confessarius curare debet ut pœnitentis cor, & animum vere emolliat, atque ad gratiam accipiendam præparet. At qua via, inquis, disponendus peccator est ? Hanc aperuit Tridentinum Concilium *sess. vi. cap. v. & vi.* Inquit enim *cap. v.* ubi agitur de necessitate præparationis ad iustificationem in adultis. *Declarat præterea, ipsius iustificationis exordium in*
adult.

adultis a Deo per Christum Iesum, præveniente gratia, sumendum esse &c. Deinde cap. vi. cuius titulus est, *Modus iustificationis*, hanc præscribit methodum. Disponuntur autem ad ipsam iustitiam, dum excitati divina gratia, & adiuti, fidem ex auditu concipientes, libere moventur in Deum, credentes vera esse quæ divinitus revelata, & promissa sunt. Atque illud in primis, a Deo iustificari impium per gratiam eius, per redemptionem, quæ est in Christo Iesu; & dum peccatores se esse intelligentes a divina iustitiæ timore, quo utiliter concutiantur, ad considerandam Dei misericordiam se se convertendo, in spem eriguntur, fidentes Deum sibi propter Christum propitium fore, illumque tamquam omnis iustitiæ fontem diligere incipiunt: ac propterea moventur adversus peccata per odium aliquod, & detestationem, hoc est per eam pœnitentiam quam ante baptismum agi oportet. Denique dum proponunt suscipere baptismum, inchoare novam vitam, & servare divina mandata. De hac dispositione scriptum est: Accedentem ad Deum oportet credere &c.

V. Quæ hic præscribit Concilium pro præparatione adulti ad baptismum, potiori iure applicari possunt præparationi ad sacramentum pœnitentiæ, quæ est secundum, & quidem laboriosius baptismum: nam illud est aquæ frigidæ, istud aquæ calidæ, & ferventioris, idest amarioris gemitus, & acerbioris contritionis; cum peccata post primum baptismum commissa graviores malitiam, & quamdam perfidiæ speciem contineant, ut sapienter observat Ven. Cardinalis Bellarminus con. viii. Dom. iv. Adv. his verbis. At vero cum homines iam priori baptismate absoluti, negligenter, & dissolute vivant, & Deo ingrati iterum maculas contrahunt; cum Deus restringit nonnihil manum, & Sacerdotibus dicit: Si rursus ad vos pro medicina peccatorum venerint homines isti, quos semel lavistis, non amplius eos lavabitis baptismum aquæ frigidæ, sed adhibete balneum aquæ ferventis, & eorum pellem diligenter excoquise. . . Hoc est pœnitentiæ sacramentum, auditores, baptismus laboriosus, baptismus lacrymarum, balneum aquæ ferventis, quod requirit gemitus, contritionem, lamenta, fructus dignos pœnitentiæ &c.

VI. Primum omnium igitur altius insculptam habere animo debet sacer minister, confessiones audieturus, doctrinam supra fusius explicatam; nempe, iustificationem impij maximum esse Dei opus, quod iuxta communem providentiæ ordinem paucis momentis communiter non peragitur. Hoc autem excellentissimum opus a fide in Deum initium capit: Esti (inquit Petrus Soto lec. viii.) ad pœnitentiam, & detestationem peccati possit nonnumquam ratio humana movere; sed quæ hinc proficiscitur, non est vera pœnitentia: carnis & sanguinis nominari potest, non spiritus. . . Vera autem pœnitentia non incipit nisi a fide: quia inde oritur omnis motus in Deum. Crediderunt viri Niniuite in Dominum; & prædicaverunt ieiunium. Hanc fidei cogitationem sequi timor pœnarum solet, qui in pec-

peccatoribus stimulus magnus est ad pœnitentiam . Diu tamen huic timori hærendum non est, tum ob periculum desperationis, tum ob periculum ne fatiat animum servilem Christiano indignum, cum clamet Paulus : *Non accepistis spiritum servitutis in timore*. Cito ergo erigi sursum animus debet, & in spem ingredi, cum David dicens : *Quare tristis es anima mea, & quare conturbas me ? Spera in Deo, quoniam adhuc confitebor illi*. Et cum Ioele : *Convertimini ad Dominum Deum vestrum, quia benignus est, & præstabilis super malitia*. Amori spei succedit amor caritatis, qua Deum tamquam omnis iustitiæ fontem diligere incipit . Peccator enim, considerans immensam illam clementiam, qua Deus, quemadmodum miseretur pater filiorum, remittit peccata, facillime divinæ caritatis scintillulas accensas experitur, optimumque parentem Deum super omnia ob infinitam suam bonitatem amat . Hæc est methodus brevissima, qua iuxta Tridentinum præparare pœnitentes suos, cum opus fuerit, Confessarii ad pœnitentiam debent.

VII. Si hoc affectuti fuerint ministri Dei, ut corda pœnitentium reipsa, præeunte fide, intrinsecus dolore vero emolliant, & amore erga Deum succendant; continuo, quin communiter interrogationibus, & discussionibus opus sit, peccata cum omnibus circumstantiis fere sponte sua prodibunt. Illico ac in corde hominis ardere ignis contritionis incipit, omnia scelerum monstra, non secus ac ursi ab igne materiali, fugam arripiunt . Antidotum istud contritionis expellit prorsus vitiorum venenum plus & minus prout ardentior & acrior dolor est . Primum itaque omnium Dei minister peccatoris ad confessionem accedentis cor & animum aggreditur, hunc obsideat, hunc undique tundat, percutiatque . Si gravioribus sceleribus oppressum deprehenderit pœnitentem, biduum triduumve proemolliendo corde designabit : docebit illum in actibus fidei, spei, doloris, & amoris se se exercere . Si obtinueritis, o Confessarii, quod revera mens pœnitentium illustretur, & cor emolliatur; pœnitentes seipsis evoment totum vitiorum venenum usque ad ultimam guttam, quin communiter, ut dixi, opus sit interrogationibus . Immo sicuti qui accipiunt theriacam, sive antidotum ad evomendum venenum, replicant antidotum, & vomitum, paventes, ne quidquam veneni latitet in corpore; sic pœnitentes sincere contriti non modo omnia scelera evomunt, sed morosi communiter sunt, & Confessariis infesti ob nimiam discussionem, & scrupulosam cuiusque minimæ circumstantiæ manifestationem, & repetitionem . Ipsi pœnitentes vere contriti sollicitant pulsantque Confessarium, ut interroget, ut discutiat illorum conscientiam . Totum ergo negotium huc recidit, ut Confessarii eurent sinceram pœnitentis contritionem . Hoc fundamento iacto, splendidissimum iustificationis ædificium prospere & felicissime assurgit .

VIII. Hinc colliges, quam verum sit quod communiter dicitur . Præteritis sæculis

culis viri Dei multorum confessiones audiebant, absoluebant absque, tanta discussione, absque tot regulis a Casuistis præscriptis pro pœnitentium examine : & tamen plures illorum Confessariorum nec valde docti, nec valde acuti erant. Verum habet. Quoniam viri illi Dei non folia plantæ veneficæ venabantur, sed ad radicem securim applicabant, ut statim tota planta folia, & veneficos fructus exueret. Cor peccatoris ipsi aggrediebantur : & cum ipsi amore Dei arderent, facile flammæ divini ignis in pœnitentibus accendebant. Da mihi Confessarium vere pium prudentemque, & a Deo ad illud ministerium vocatum : & ego tibi omnia prospera spondeo.

IX. Duo inter cetera præ oculis semper habere debet Confessarius. 1. Iustificationem impij esse maximum opus Dei, baptisma laboriosum aquæ ferventis, quæ veterem pellem excoquat, excorietque : & hanc tanti operis dignitatem, & summam difficultatem in primis pœnitentibus manifestare, suadere, inculcare efficaciter debet. 2. Multos esse vocatos, paucos vero electos. Pœnitentium pauci sunt vere contriti. Tu astringeris omnium conversionem anhelare, & pro virili procurare; at reipsa paucos lucraberis. Cave ergo ne thesaurum dominici sanguinis prodigas. Hæc duo tibi altius menti insige.

X. Catervatim currunt homines ad confessionem, non secus ac ad aliquam solemnitatem; & videntes communiter negotium paucis expediri, perfunctorie tantum opus peragunt. Quot sunt qui opus iustificationis, ut sublime, ut difficile, concipiant? Quot sunt qui veros fidei, & spei actus, ut Tridentinum docet, præmittant? Quot sunt qui fidem excitent, qua credant remissionem criminum ex meritis Christi Iesu fieri? qui diligere Deum studeant? qui deliberate, & constanter proponant emendationem? Hæc omnia, reponunt Casuistæ plures, *virtualliter* continentur in dolore servili, in attritione formidolosa. O homines! Sed vos, Confessarii, cavete ab his doctrinis, & Concilii Tridentini doctrinam in disponendis pœnitentibus adhibete. Innumeræ sunt confessiones sacrilegæ ob præfatorum actuum defectum. Non me latet, ut alias dixi, contritionem esse adeo ferventem posse, ut pœnitens dolore absorptus non cogitet de his actibus, implicitosque habeat. Hæc in iustis contingere interdum solent, in peccatoribus vero perraro. Id quod communiter evenit, spectandum est.

XI. Sedulo igitur Confessarii instruant suos pœnitentes, opus iustificationis esse opus infinitæ redemptionis : & quemadmodum ipsi peccantes rursus crucifixerunt Filium Dei; ita ille eisdem iustificans infinitum sanguinis sui pretium donat, & applicat. Peccati malitiam, pœnarum atrocitatem, æternitatis durationem, æternæ gloriæ iacturam, Dei clementiam, misericordiam, & immensam bonitatem ob oculos ponant. Et pro pœnitentium diversitate modo unam, modo alteram ex his considerationibus amplificent, inculcent, exaggerent.

XII. At perpendant Confessarii, quemlibet professorem debere se aptum reddere ad suam artem exercendam. Porro, ut Confessarii exercere valeant apte hoc munus disponendi pœnitentes suos ad grande iustificacionis opus, necessum est ut ipsi in divinis meditationibus versati sint, ut cor animumque habeant Dei amore æstuantem. Ut orator moveat auditores, ipse se commotum persuasumque ostendere debet, inquit vel ipse ethnicus Cicero. Verba enim extrinsecus sonantia aërem verberant, & pœnitentium aures tidunt, si Confessarii animus sterilis, frigidus, & quod absit, vitii sordeat. Sacerdotes ergo qui hoc munus exercent, diligentius, & ferventius orare, meditari, & sanctas Scripturas scrutari tenentur, ut se ad Dei vices sustinendas in remittendis peccatis præparent: sic enim erunt benigni, mansueti, patientes, ut annuntient verbum Dei. De hac benignitate evangelica, non casuistica, mansuetudine, & patientia Confessariorum dictum iam supra est, & infra sermo recurret. His præactis, aliqua sigillatim dicam.

XIII. Quæst. I. *Quid observare Confessarius debet in interrogatione pœnitentium?* Resp. Plurima Auctores docent. Ego paucis rem expediam. Principio Confessarius statum pœnitentis, servi, domini, uxorati, patrisfamilias, iudicis, advocati, medici, magnatis, Principis, rustici, adolescentis &c. inquirat. Si advertat, peccata quæ communiter talem statum comitari solent, seu patrari a personis eiusdem status, non manifestari; tum matura prudentia & dexteritate interrogare incipiat, prout congruum existimaverit. Extrema caveat. Humani respectus non claudant os, linguamque non cohibeat in interrogatione magnatum, & Principum. Curiositas numquam impellat ad superfluas interrogationes. Ab importunis quoque, & nimium frequentibus interrogationibus abstinendum diligenter est. Pro multis interrogationibus supplebit affabilitas, hilaritas, temperata modestia, & humili gravitate, qua Confessarius alliciat pœnitentem ad cor plene aperiendum, & qua ostendat pœnitenti se magnopere percipere illius conversionem, & sanctificationem, totumque se consecratum esse eiusdem animæ curæ & sanitati, quam ardentem suspirat. Dum pœnitentes hæc signa deprehendunt in Confessariis, animos sumunt, & cor eorum amplificatur, & ex abundantia cordis os loquitur.

XIV. Quæst. II. *Quid observare debeat Confessarius in interrogatione peccatorum carnalium?* Resp. Omnes docent, magna opus esse cautione in hac putida materia, quæ suo contagio inquinat & interrogantem, & audientem. Cavendum etiam est ne putredo intus lateat, & iaceat. Caveat Confessarius, inquit S. Thomas, ne interrogando instruat nescientem. Verbis modestis utatur. Exquiret a juvenibus, a puellis &c. an custodierint sensus suos, oculos, aures, linguam: tum aut silere, aut progredi poterit. Si audierit fuisse aspectus liberos, verba minus honesta, colloquia prava; tum transiet ad cogitationes, desideria &c. Si hæc fa-

teant

teantur, tum dextere eos circumveniet, ut patefaciant, num fuerint tactus, aut peiora.

XV. Dum puellæ confitentur lapsum virginittis, sunt ne interrogandæ de circumstantia virginittis, aut de gradu incestus? Negant plures Probabilistæ, quod probabile esse doceant, priorem circumstantiam non mutare speciem; nec gradus incestus differre specie, & raro incestum esse in primo gradu. Ita cum aliis docet P. La-Croix *num.* 1749. Sed hanc doctrinam alibi refutavi ut falsam. Temperatæ sint, & cautissimæ interrogationes de his circumstantiis, de peccatis coniugum &c. at necessariæ omittendæ non sunt, nisi aliquæ rationabiles causæ occurrant. Verum semper redit quod dixi. Cor contritum, & humiliatum omnia evomit. Quando coniuges aliquod indicium præbent mollietis &c. suadeatur, quam modestus sit oporteat matrimonii usus, quam sancte custodire, & communicare sibi mutuo corpora sua coniugati debeant. Hæ suasiones, & monitiones cor animumque ita delinire, & compungere solent, ut, si quid abominationis est, statim erumpat. Hinc Propheta Ezechieli inquit Deus cap. viii. *Fede parietem*. Quid inde? *Et cum sedissem parietem, apparuit osium unum*, ait Propheta. Quando durities, seu paries cordis doloris contritione apertus est, tum videbis, subdit Propheta, abominationes pessimas, si fuerint.

XVI. Duo contingere in pœnitente possunt, quæ impediunt confessionis integritatem, malitia, & verecundia. Quæ obstacula facile superabit Confessarius, si eiusmodi pœnitentibus immensam Dei misericordiam in remittendis criminibus exaltabit, ostendet, ardentiore amore & desiderio Deum illorum omnium salutem quam illos ipsos percipere. Mortuus enim ipse est, ut illos salvos faceret; illi vero nec gravia sustinuerunt hæc tormenta, ut animas proprias salvas facerent. Ne multa: regulæ fixæ pro his casibus designari nequeunt. Dexteritate, & quasi dixerim astutia Confessarii opus est. *Diligens inquisitor* (ait Augustinus, sive Auctor de vera & falsa pœnit.) *est subtilis investigator sapienter, & quasi astute interrogat a pœnitente quod forsitan ignorat, vel præ verecundia vellet occultare*.

XVII. Interroget Confessarius præsertim circa primum & maximum mandatum amandi Deum, num frequenter adimplere hoc primum præceptum studuerit, cuius transgressionem multi vix sibi vitio vertunt. Si pœnitentes rudes sint; & in rudium classe, non rustici modo & plebei, sed civiles etiam, & qui cultiores vestium saltem splendore apparent, sola istius primi & maximi mandati explicatione instruentur, ut sua manifestent crimina detractionis, blasphemiarum, periuriorum, contumeliarum, & similium criminum. Si opus fuerit, cum præsertim pœnitentes sint plebei & ignari, rogabit Confessarius, num exacte calleant Decalogum; & dum præcepta recitabunt, prudenter sobrieque interrogabit, num contra hoc aut illud quidquam deliquerint. Idem præstabit circa cognitionem symboli. Ea mysteria quæ omnes scire tenentur necessitate vel medi-

dii, vel præcepti, explicata sunt *Tom. I. in Decalog.* quin eadem repetere debemus.

XVIII. Quæst. III. *Utrum Confessarius interrogare valeat de socio criminis ?* Resp. Supra *diff. 111. cap. x. quæst. vi.* palam feci, teneri pœnitentem manifestare complicem, occultato nomine, & habitatione, quando adire Confessarium nequit qui complicem ignoret. Si pœnitens ad hoc obstringitur, ut integritas confessionis servetur; etiam Confessarius iure tenetur ad interrogandum, posito quod pœnitens aut ignoranter, aut ob aliam causam complicem occultet. Advertendum tamen, sapientissimum Pontificem BENEDICTUM XIV. feliciter regnantem duo edidisse diplomata ad coercendam Confessariorum curiositatem, occasione abusus qui in regno Lusitanæ irreperat. Primum emanavit 7. Iulii 1745. cuius initium est, *Suprema omnium Ecclesiarum &c.* Alterum prodit 4. nonas Iunii 1746. estque constitutio, in qua confirmantur, & roborantur priores litteræ apostolicæ, cuius initium est, *Ubi primum de perversa &c.* Ambo hæc diplomata integra exhibeo *Tom. I. Apparatus &c.*

XIX. Antequam refero id quod Pontifex summus prohibuit, pauca præmitto. Confessarius neque nomen, neque habitationem pœnitentis, neque alias qualitates non necessarias absque rationabili causa inquirere licite potest. Quando pœnitentes absque necessitate complicem pandunt ob simplicitatem & ignorantiam, non peccant; sed monendi ut in posterum fileant. Manifestare pœnitens complicem valet non modo ob confessionis integritatem, verum etiam ad consilium petendum, quo valeat, puta, consuetudinem abrumpere, ad propriæ famæ providendum: quia propriæ famæ custodia potior est quam tutela alterius famæ: Nomen complicitis quocumque modo revelatum, sive iusto, sive iniusto titulo, sub sigillo confessionis custodire Confessarius astringitur. Graviter Sacerdos peccat qui absque necessitate blandis artificiis, aliave via extorquet complicitis nomen a pœnitente. Neque id præstare absque peccato potest prætextu vel titulo complicitis corrigendi, admonendi &c. Quibus delibatis, quæ prohibuit Pontifex summus, narranda sunt.

XX. Primum detestatur proximi illorum Confessariorum qui a pœnitentibus socii huiusmodi, seu complicitis nomen exquirunt; atque ad illum sibi revelandum non inducere modo suadendo conantur, sed, quod detestabilis est, denunciata quoque, nisi revelent, absolutionis sacramentalis negatione, prorsus adigunt, atque compellunt; immo etiam complicitis eiusdem nedum nomen, sed habitationis insuper locum sibi exigunt designari. Quibus verbis proscribitur abusus exquirendi complicem absque iusto titulo. Et quoniam inter causas iustas Confessarii Lusitani nonnulli complicitis correctionem allegabant, hunc determinatum casum Pontifex proscripsit sequentibus verbis. *Quam illi quidem intolerandam imprudentiam, tum procurandæ complicitis cor-*

vestitionis, aliorumque bonorum colligendorum specioso prætectu colorare, tum emendicatis quibusdam Doctorem opinionibus defendere non dubitarent, cum revera opiniones huiusmodi, vel falsas & erroneas sequendo, vel veras & sanas male applicando, tam suis, quam pœnitentium animabus consciscerent &c.

XXI. Pontifex itaque sapientissimus nullam omnino notam inussit sententiæ defendenti, licere pœnitenti sponte manifestare complicem ad sui, vel complicitis utilitatem, immo & facultatem Confessario permittit utendi huiusmodi revelatione sponte facta ad complicitis correctionem. Abusum dumtaxat Pontifex summus proscripsit illorum Confessariorum qui blanditiis, aut minis extorquere a pœnitente complicitis revelationem prætectu corrigendi complicitis, aliorumve bonorum audent. Ceterum possunt, & pro circumstantiarum diversitate debent Confessarii interrogare, ut pœnitentium conscientis consulant, etiam si ex interrogatione consequatur complicitis manifestatio. Confessarius audiens ancillam in proxima versari occasione, interrogare iure potest, num occasio proxima sit domestica, an extranea, quamvis herus notus ei sit, & domus. Nam si occasio proxima domestica sit, & remedia non occurrant, sicut communiter non occurrunt, quibus evadat remota, præcipere Confessarius debet ut ancilla recedat a tali domo, missis excusationibus inveniendi aliud famulatitium, denigrandæ famæ, scandali, & similibus, quæ obrudere plures Casuistæ solent, ut ex supradictis patet. Audiendum enim Evangelium est: *Si oculus tuus scandalizat te, erue eum*. Nam perquam raro ex separatione, frequentissime autem ex permanfione & scandalum, & infamia, & animæ iactura oriuntur. Similiter si filiusfamilias consiteatur, se esse in occasione proxima domestica, poterit Confessarius a pœnitente sponte rogatus patrem adire, & prudenter monere eum non peccati perpetrati, sed periculi, ut ancillam opportune dimittat. Quid, si pœnitens sponte roget Confessarium, ut complicem corrigit? Quamvis casus iste non sit a laudato Pontifice proscriptus, tamen mihi probabilior, & prudentior sententia est, ne Confessarius, etiam sponte a pœnitente rogatus, assumat hoc onus. Sacramentum pœnitentiæ institutum est in bonum & utilitatem pœnitentis. Quare de iis solum quæ salutem pœnitentis spectant, interrogare, consulere, iubere Confessarius debet. Si casu complex consiteatur, pandatque peccatum suum; tum Confessarius suo defungatur munere. Ceterum, usque dum peccata occulta sunt, relinqui occulta debent, nec sacramentum pœnitentiæ via est per quam manifestari debeant. Sigillum sacramentale tam delicatum est, ut ab omni suspitione custodiendum sit. Caveant ergo Confessarii ne ipsi licentiam petant a pœnitentibus corrigendi complicem, aut manifestandi illum superioribus aliis, ut corrigant. Immo nec sponte rogatus a pœnitente tale onus suscipiat Confessarius; sed unice in sanandum incumbat pœnitentem, qui resistere tentationibus, insidiis, & aggressibus potest, & debet.

XXII. De altero diplomate nec verbum dicam. Spectat enim edictum Inquisitionis Generalis Lusitanæ, quo urgebantur pœnitentes ad denuntiandos tribunali Inquisitionis dictos Confessarios extorquentes a pœnitentibus complicum nomina. Contra quod edictum iure & merito doctiores, & sapientiores Episcopi Lusitani reclamaverunt, summumque Pontificem huiusce novitatis certiores fecerunt: conquestique sunt læsa ab Inquisitore episcopalia iura. Ut hæc dissidia sedaret Pontifex summus, præsatam constitutionem edidit, qua nullum declaravit Inquisitionis edictum. Si plura cupis, lege opusculum Cl. Muratorii, quod inscriptum est, *Lusitanæ Ecclesiæ Religio*.

XXIII. Quando Confessarius scit, pœnitentem aliquod commisisse peccatum, illudque reticeat, immo neget illud se patrasse, neque prudenter præsumere valet alteri esse confessum; absolvere eum non debet; sed omni studio curet ut hominem ad meliorem frugem revocet. Similiter si prævideat ex oblivione sive culpabili, sive inculpabili omisisse aliquod peccatum, debet de illo interrogare. Quid, si Confessarius dubitet, an priores Confessarii recte examinaverint pœnitentes? Probabilistæ communiter docent, præsumendum esse in favorem Confessariorum: quia pro illis stat possessio, quando clare non constat oppositum. Tu, missa hac probabilistica doctrina, collige ex circumstantiis, quid agendum sit. Si probabiliterprehendas truncatas fuisse confessiones, atque adeo nullas; reficiendas cura. Plura alia de hoc Confessariorum debito examinandi pœnitentes dicenda forent; at dicta sufficiunt Confessario experrecto. Confessarii minus peritis integra volumina non sufficerent. Illud in memoriam revoco, examen istud non debere esse litigiosum, & instar illius quod fit in humano foro. In hoc examine bona fides, sinceritas, candor animi locum habent. Quo sincerior est confessio, eo maior est indulgentia. Integritas confessionis a cordis vera compunctione præsertim pendet, ut fufius supra dictum est. Caveat Confessarius ne ob aliquod insolitum monstruosumque scelus, vel ob multitudinem criminum aliquod exterius admirationis vel commotionis signum præferat; sed omnia audiat ad patientiam, & gravitatem compositus.

§. II.

Confessarius tenetur docere, & monere pœnitentes eorum quæ ignorant sive vincibiliter, sive invincibiliter. Læxæ De Lugo, Tamburini, Viva, & aliorum Moralistarum opiniones refelluntur. Quam sit diversa pulpiti doctrina ab ea quæ a nonnullis pro confessionali docetur.

I. **C**onfessorem munus doctoris sustinere docent omnes, atque adeo debere, instruere pœnitentes in iis quæ necessaria sunt ad sacramentum pœnitentiæ. Quare si ignoret mysteria Trinitatis, Incarnationis &c. Confessarii est pœnitentem talem instruere, ut iam dictum est, & concedunt omnes. Quare, ne actum agam, hæc omnia prætereo, & ad graviora accedo.

II. Quæst. I. *An quando pœnitens laborat ignorantia invincibili sive iuris, sive facti, teneatur Confessarius eundem admonere, & instruere?* Resp. Hanc gravem quæstionem fuso calamo pertracto Tom. II. Apparatus ad Theol. Christi. diff. 1. cap. xv. adversus Probabilistas. Eum locum consule, ut plenam controversiæ assequaris notitiam. Hic obiter pauca delibabo.

III. Adfirmant omnes, etiam Probabilistæ, obstrictum Confessarium esse ad monendum, instruendumque pœnitentem laborantem ignorantia graviter culpabili. De inculpabili disputatio est. Probabilistæ hanc præmittunt distinctionem. Si prudenter speretur pœnitentis profectus & utilitas, illuminandus pœnitens est, erigendusque a tali ignorantia. Si secus, non est monendus. Hæc docet P. Dominicus Viva in *Curf. Theol. Part. VI. quæst. viii. art. 5. num. 4* „ Si speratur quod pœnitens „ advertens v. g. matrimonium esse invalidum, aut contractum, quem putat ius- „ tum, esse iniustum &c. sublaturus sit ea peccata materialia, tenetur Confessa- „ rius ignorantiam detegere, propter bonum pœnitentis, ne sic contra legem Dei „ peccet etiam materialiter. Quod si non speretur profectus, sed potius timeatur „ quod peccatum materiale deinceps sit futurum peccatum formale; v. g. si „ sciens matrimonium esse invalidum, non facile tunc abstineret a cognoscenda „ illa quam coniugem putabat; in tali casu ignorantia non est amovenda, iuxta „ illud August. in cap. *Si quis* &c. . . . Idemque docet Tamburinus ex Pelliza- „ rio, quando quis BONA FIDE EST IN OCCASIONE PROXIMA, nec spera- „ tur emendatio; vel quando quis bona fide non restituit alienum. Etenim revelatio „ veritatis noceret pœnitenti, si deinde cum culpa formali remaneret in occasione „ proxima, aut retineret alienum. Nec hoc prodesset ei cui alienum restituendum

est: quia supponimus non dari spem quod restituatur, si bona fides illi tollatur. " Legant Aristarchi nostri P. Viva, ut videant, sit ne sincere & integre rescriptus textus.

IV. Oro efflagitoque, ut, salvo erga pium doctumque Auctorem officio, obsequioque, ea promere sincere & libere quæ imbellicitati meæ vera videntur, valeam. Hæc doctrina, ut mihi videtur, non modo falsa & laxa est, sed ex illa horrenda consequi absurda iudico, nempe universum Evangelium everti, & fusdeque principia evangelicæ prædicationis evolvi. Quis alienum possidet bona fide: contractum fenebrem iustum existimat: ille bona fide versatur in occasione proxima: isti bona fide procrastinant, differunt debitorum solutiones. Et minister evangelicus poenitentes istos, ad confessionem accedentes, admonere non tenetur? immo ignorantia non est amovenda, non debet amoveri? Cur? Ne revelatio veritatis noceat poenitenti. O tempora! o mores! Sic exclamant Iansenistæ, inquit nonnulli. Sed Evangelistæ quid docent? *Euntes docete omnes gentes.* Plurimos transgressuros Evangelium prædicatum, & ob eiusmodi transgressiones gravius peccaturos, & severius damnandos, Evangelia Christi perhibent. Ergo inconsiderate Apostoli, & ministri Dei doctrinam Christi prædicarunt, cum tot ex peccatoribus materialibus effecerint formales? Auferendæ apostolicæ missiones, ne tot infideles fiant peccatores formales? Quid plura? Inconsiderate ne Filius Dei in terras descendit, cum innumeri populi heinc evaserint peccatores formales, & eiusdem Filii Dei crucifixores? Audi ipsius Christi oraculum. *Si non venissem, & LOCUTUS non fuisset eis, peccatum non haberent. Nunc autem excusationem non habent de peccato suo.* Ioan. xv. Quid quod difficilius erat credere mysteria illa divina quæ Christus revelavit, quam credere perseverantiam in occasione proxima, retentionem rei alienæ, contractum fenebrem esse peccata? Quoniam hæc crimina adversantur hostiliter ipsi lumini naturali; præfata autem mysteria sunt supra rationem, captumque humanum. Quid ad hæc Probabilistæ? An non est evidens rescriptæ doctrinæ falsitas, & horror? An non sunt evidentiæ absurda, & quidem horrendissima?

V. Reponent fortasse, aliud esse annuntiare veritatem e *suggestu*, aliud e *confessionali*. Audio. Sed quodnam est discrimen istud? Quia, dum e suggestu ministri apostolici prædicant, plures sunt auditores, & plurium, aut alicuius profectus speratur. Confessarius uni, & quidem secrete, loquitur. Quando itaque istius emendatio futura non prævidetur, relinquendus est, ut sua bona fide peccet materialiter, polluat materialiter, furetur materialiter, feneretur materialiter, differat debitorum solutionem, & alienum retineat materialiter.

VI. Antequam eiusmodi paradoxæ, sane mihi monstruosa, convellam, lubet illa ipsa rescribere verbis Lugo, immo Tamburini, qui more suo elegantius, & clarius eadem

eadem ex Lugo proponit, & monita Confessariis mirifica porrigit. Principio distinguit ignorantiam quæ est in favorem pœnitentis, ab ignorantia quæ est contra pœnitentem. Si pœnitens putat esse mortale quod non est, dicitur ignorantia contra pœnitentem: & hæc est amovenda. En eiusdem verba *Lib. III. Meth. cap. 1v. num. 3.*, „Prima regula ex Sanchez *Lib. II. de Matr. disp. xxxviii. num. 53.* Si talis ignorantia est contra pœnitentem; v. g. si ipse crederet esse mortale quod huiusmodi non est; debet ea amoveri a Confessario. . . . Secunda regula. Si ignorantia inculpabilis quæcumque, sive facti, sive iuris, & sive iuris divini, sive humani, non est contra pœnitentem (idest quando pœnitens non putat esse mortale quod tale est) & nihil pœnitens interrogat de hoc Confessarium, distinguendum est. Si enim Confessarius prævidet pœnitentem, ignorantia ablata, non difficulter relicturum quod reipsa peccatum est, tenetur ex Sanchez *disp. cit. num. 6.* veritatem aperire propter bonum pœnitentis, ne & pœnitens peccet contra legem Dei etiam *materialiter*. At si prævidet non relicturum, potius taceat, ne in maius malum illud coniiciat. Idem esse dicendum; quando quis est in occasione proxima, & non speretur emendatio, docet Pellizarius *tract. de Monial. cap. x. sec. 3. num. 191.* „Pellizarius primum, ex Pellizario Tamburinus, ex Tamburino P. Viva, & sic successive laxitas propagatur. Unam & alteram quæstiunculam proponere ex de Lugo iuvat, prius quam penitus tales opiniones refellam.

VII. Quæst. II. *Quid dicendum de opinione Lugo, qui ait, non esse a Confessario monendum bonæ fidei possessorem alienæ hereditatis?* Resp. Lugo *disp. xxii. sect. 2. num. 26.* „Limitant aliqui primo supra dictam doctrinam, ut Confessarius teneatur docere pœnitentem, quando eius ignorantia redundat in detrimentum proximi; v. g. si bona fide possideat hereditatem, quam Confessarius novit ad alium pertinere; si exerceat contractum usurarium, quem invincibiliter ignoret esse talem. Sed Sanchez, & alii MELIUS dicunt, etiam in hoc casu DEBERE TACERE, quando non sperat profectum; cum eadem sit ratio, & nihil profuturum sit creditori quod Confessarius aperiat veritatem. „Et hic pœnitens possessor alienæ hereditatis, qui non prævidetur dispositus ad restitutionem, si suæ ignorantie admonetur, prævidetur dispositus ad sacramentum pœnitentiæ? At de hoc infra.

VIII. Persequitur idem de Lugo ibi *num. 27.* „Addit Sanchez *num. 10.* hæc omnia procedere, etiam si Confessarius speret pœnitentem libenter monitionem suscipiturum; sed tamen videt remedium esse difficillimum, ut scandalum. & infamia notabilis sequatur. „Et quem latet difficillimum esse vomitum alienæ hereditatis diu possessæ? Quid scandali, quid infamiæ obtruditur in restituenda hereditate, in rescindendo contractu feneratio? Hæc locum habere dumtaxat possunt in separatione matrimonij contracti; de quo infra.

IX. Idem Lugo *ibi*, „ Hinc sequitur idem dicendum, quando pœnitens sub peccato mortali tenetur ad aliquid adeo difficile, ut non credatur tunc æquo animo recepturus, & alia vice melius suscepturus iudicetur: poterit etiam tunc relinqui in sua bona fide, quæ a peccato excusat, & admonitio servari in meliorem opportunitatem, ne deterritus abstineat a confessione, & maius detrimentum patiat. “ Non perpetratur ergo sacrilegium qui confitetur, non paratus relinquere aliquod peccatum mortale? Quid tu pacem interrumpas? Potest esse aliquid adeo difficile, quod ardentissimo amore prosequatur pœnitens iste: & si nunc admoneatur, prævidetur ut deterritus abeat absque confessione. At nonne expedit confessionem omittere quam eam sacrilege perficere? Verum de hoc infra.

X. Quæst. III. *Quid si Confessarius interrogetur a pœnitente, ut veritatem pandat?* Resp. Idem Lugo *ibi* num. 29. „ Quid vero, si pœnitens interroget Confessarium, vel Doctorem de re illa? Respondetur, tunc debere veritatem aperire.... Addit vero Sanchez cum aliquibus: quando pœnitens non cum dubio, sed ex scrupulo interrogaret, posse Confessarium tacere, vel respondere, quod (N. B.) *deponere scrupulum*: quia scrupulus non impedit bonam fidem, nec ignorantiam invincibilem, quæ illum excusat. Hoc tamen non videtur consequenter dici: quia etiamsi pœnitens ex scrupulo interroget, non potest Confessarius affirmare licitum quod est illicitum: ergo nec poterit tacere.... *Possit quidem Confessarius in illo casu fingere se non audivisse, vel non attendisse, vel oblitum fuisse respondere, ut sic remaneat in bona fide, quam prius habebat, non tamen ipsius auctoritate confirmata.* “ Qui ergo fingit se non audivisse, vel non attendisse, non tacet? Et qui interrogatus tacet, non præsumitur consentire? Sed hæc intempestiva nunc sunt.

XI. Transcribit has omnes opiniones P. Thomas Tamburinus *Lib. III. Meth. cap. IV. num. 7.* „ Unde etiam inferitur *ibid.* idem esse dicendum, quando pœnitens sub peccato mortali tenetur ad aliquid adeo difficile, ut non credatur tunc æquo animo recepturus, & alia vice melius suscepturus esse iudicetur: poterit etiam tunc prudens Confessarius relinquere illum in sua bona fide, quæ a peccato excusat; & monitiones in tempus opportunius differre, ne scilicet territus pœnitens a confessione se abstineat, maiusque detrimentum patiat. HOC NOTETUR PERMAXIME PRO CONFESSARIIS MERCATORUM, ET PRINCIPUM. “

XII. Hanc propositionem Tamburini alibi retuli; sed quia hic propriam habet sedem, eandem rescripsi propter monitum profecto mirificum adiectum, cuius non meminit Lugo, nec alius quispiam quem ego legerim.

XIII. Paucis perstringitur doctrina præfatarum opinionum. Ille versatur in occasione

casione proxima dilectissimæ feminæ, quam impotenti amore deperit. Ignorat invincibiliter se obstrictum ad separationem esse: iste possidet opulentam hereditatem alienam, credens bona fide esse suam: illi contractus usurarios exercent, debitorum & mercedum solutionem in menses & annos differunt, fide bona conservandi proprium statum. Confessarius cognoscit hereditatem esse alienam, contractus esse usurarios, lugere mercenarios, inclamare mercatores contra debitores morosos. Scit illum versari in occasione proxima. Accedunt ad confessionale penitentes isti: de his criminibus non se accusant, quia sunt in bona fide. Confessarius prævidet nullam futuram emendationem; idest, illum non discessurum a dilecta amasia, hunc non restitutum hereditatem, illum non soluturum creditores, & mercenarios; & ne *terrefacti abeant absque confessione*, illos relinquit in sua bona fide, & invincibili ignorantia, eosque absolvit, atque ad sumendum sacrosanctum Christi Iesu corpus admittit. Immo etiamsi penitens prævideatur libenter suscepturus admonitionem, si tamen difficillimum sit relinquere aliquid de se mortale peccatum, potest in opportunius tempus instructio protrahi.

XIV. Aut ego nihil capio, & nihil sapio, vel demens sum; aut descripta doctrina ab imis suffodit evangelicæ doctrinæ fundamenta prima, evertit penitentiae christianæ disciplinam, & scandalum hæreticis, nedum Catholicis, ingerit. Iam indicavi, nec Filium Dei debuisse in terram descendere, nec Apostolos, nec Martyres, nec Confessores, nec Missionarios ad infideles Christi Evangelium debuisse prædicare. Pressius nunc causam urgebo. Deus *Ezechiel. xxxiii.* hæc præscribit. *Et tu fili hominis, speculatorem dedi te domui Israel. Audiens ergo ex ore meo sermonem, annuntiabis eis ex me. Si me dicente ad impium: Impie, morte morieris: non fueris locutus, ut se custodiat impius a via sua: ipse impius in iniquitate sua morietur, sanguinem autem eius de manu tua requiram. Si autem annuntiante te ad impium, ut a viis suis convertatur, non fuerit conversus a via sua: ipse in iniquitate sua morietur; porro tu animam tuam liberaſti.* Immo animam perdidit, repositisset Casuista, qui ex impio materiali constitui impium formalem. Prævidit Deus, impium non auditurum Prophetam; & tamen, si tacuisset, sanguinem & animam impii de manu Prophetæ requisivisset.

XV. Luculentis, & ineluctabilibus rationum momentis ostenditur, quam sit falsa, laxa, & ut mihi videtur, horroris plena præfata doctrina. Et principio, quis Confessario revelavit, bonam fidem retinentis alienum, perseverantis in occasione proxima, iniuste negotiantis esse invincibilem? Nam vel ipsi penitentes definire certo nequeunt, sit ne vincibilis, aut invincibilis propria ignorantia. Ex coniecturis, reponis, colligo esse invincibilem istorum ignorantiam. Bene habet. At coniecturæ istæ sunt ne adeo ineluctabiles, ut os tuum claudere debeant? Unde constat, penitentes eiusmodi nullo modo esse suscepturos correctionem? Quodnam lu-

men cæleste affulget, quo tu prævideas istorum cordis duritiem, & mentis cæcitate, ut nolint intelligere, ut bene agant?

XVI. Verum plenam adhibeo Auctoribus citatis fidem. In eorum ergo hypothefi eos ad incitas, & ultimas angustias sic redigo. Prævides, penitentes tuos non restituros alienum, non discessuros ab occasione proxima, non relicturos contractus iniustos. Cedo: aut ista prævidentia est tantum moraliter certa, aut tantum probabilis? Si tantum probabilis est illorum reluctatio; omittere revelationem veritatis nequis. Si autem moraliter certus es, eiusmodi peccatores non excepturos tuam veritatis, & quidem gravissimæ, revelationem: ergo sunt peccatores cæci; rebelles lumini, & obstinati in viis suis pessimis. Ergo *Si cæcus cæco ducatum præstet, ambo in foveam cadunt*, cæcus ductus, & cæcus ducens. Pateat ne aliqua ad evadendum latebra? Si probabiliter profectum speras; peccas gravissime, dum taces. Si nulla adsit probabilis spes profectus; sacrilegus es, quia absolvis obstinatos, & rebelles lumini, atque Spiritui sancto resistere paratos, te iudice. Clarius argumentationem expono. Iuxta doctrinam omnium Catholicorum, in Concilio Tridentino confirmatam, ut penitens dispositus sit ad sacramentum penitentię, habere propositum efficax, & firmum debet servandi omnia mandata Dei. Næ isti propositum sincerum, firmum, & efficax habent servandi omnia mandata Dei, si ita firmiter dispositi sint, ut neque scire eadem mandata velint? Absolvitis, o Confessarii, penitentes, quos certo moraliter scitis, tali affectos esse pravissima dispositione, ut neque addiscere Dei legem velint? O homines, homines, quo malorum prolapsi sumus? Absolvuntur, inquit, *ne deteriti abstineant a confessione*. Mascula sane, & perrobusta ratio.

XVII. Cedo: occur Confessarius revelare veritatem non debet? Ex caritate, inquit, erga penitentes, quibus veritatis revelatio esset perniciofa, quod veritate cognita non abscederent ab occasione proxima, non restituerent, non omitterent usuras. Heine clamant, nos caritatem violare, dum aliquorum Casuistarum laxas opiniones deridendas propinamus. Verum ego hanc elicio consequentiam. Ergo penitentes titulo caritatis erga semetipsos amare propriam ignorantiam debent, & negligere scientiam legis, ne ex peccatoribus materialibus evadant formales? Si silentium Confessariorum est fructus caritatis erga penitentes; potiori iure penitentes caritatem erga semetipsos exercent, dum nolunt legem Dei addiscere, ne illam *formaliter* transgrediantur. Ad hanc forte doctrinam animum intendit P. Filippinus, dum suum Tomum conslavit, inscriptum *De privilegiis ignorantia*. Sed quid argumentis profligare pergo doctrinam quæ seipsa horrorem ingerit?

XVIII. Postquam hæc scripseram, legi Leandrum *trad. v. disp. xi. quæst. cxxix.* ubi hæc docet. „ Respondeo, non teneri auferre (*ignorantiam invincibilem*) sed potius „ teneri tacere, quando *probabiliter* existimat suam monitionem non profuturam.

„ Sic

„ Sic Sanchez *loc. cit.* per hæc verba. Si penitens possidet *primogenium*, quod Confessarius novit iniuste possidere, & credit nihil profuturam monitionem, quia „ est difficillimum relinquere illud; vel videt penitentem teneri restituere, & „ ignorantia invincibili excusari, monitumque non restitutum; *tenetur tacere*. Sic „ Sanchez, qui bene addit, hæc omnia procedere, etiamsi Confessarius credat, „ libenter monitionem suscepturum; sed videt remedium esse difficillimum, ut si „ scandalum, & infamia notabilis illi sequatur. “ Quamquam ergo probabile tantum sit penitentem non suscepturum admonitionem, Confessarius non modo potest, sed *tenetur tacere*? Probabilistæ absolyunt cum iurisdictione probabilis: & non possunt neque monere penitentem cum spe probabili profectus? Nam si probabilis tantum est admonitionis contemptus, necessario consequitur probabilem quoque esse profectum.

XIX. Quæro nunc a cordatis, doctis, piis lectoribus ut iudicium suum proferant super hoc casu. Si Concionator e publico suggestu, seu e cathedra evangelica in amplo templo, populi frequentia repleto, has quas descripsi opiniones deprædicaret, & forti eloquentia persuadere conaretur; an populus christianus extremum non subiret scandalum? An plures zelo divinæ legis succensi & commoti non declamarent contra ipsum Concionatorem? En itaque quam verum sit; doctrinam pulpiti in pluribus toto cælo differre a doctrina morali pro confessionali, ut toties clamat piissimus, & doctissimus servus Iesu Christi P. Michael Elizalde, præsertim *Lib. VI. quæst. vi.* & alibi. Percurrantur omnes libri quadragesimales, agentes de occasione proxima, de recidivis, de differenda penitentia, de choreis, de debito amandi frequenter Deum, de penitentia corporali, & de aliis pluribus christianæ Theologiæ capitibus: & nisi doctrina Concionatorum omnium, ex Scripturis, & Patribus hausta, toto cælo discrepans inventa fuerit a plurium Casuistarum morali doctrina, ab aliis Casuistis, non a divinis Scripturis accepta, palinodiam promptam spondeo.

XX. Hic agendum esset de auferenda ignorantia coniugum super aliquo impedimento ecclesiastico. Verum hanc controversiam lato calamo discutio *cit. Tom. II. Appar. diff. 1. cap. iv.* qui prope dies exhibit in lucem. Illuc te remitto, ne actum agam. Si aliquis esset casus in quo silere Confessarius deberet, hic esset unicus. Verum an & in hoc casu licitum sit illius silentium, vide ibi.

§. III.

Utrum Confessarii se accommodare opinionibus pœnitentium, relictis propriis, possint, & debeant.

Doctrina Probabilistarum refellitur.

I. **C**onfessarius in tribunali pœnitentiæ vices Dei sustinet : iudicis personam gerit, & doctoris. Ut doctor, monere, docere, instruere debet, ut iam dictum est; ut iudex, definire, absolvere, & ligare, prout in Domino iudicaverit, tenetur. Quis umquam in animum sibi induisset, ut crederet Theologos aliquos in disputationem vocaturos, utrum iudex iste, relictæ propria doctrina, sententia, & iudicio, possit se conformare doctrinæ, opinioni, & iudicio rei pœnitentis? Quid? clamant Christiani omnes. Confessarius iudicat hanc doctrinam esse falsam; & reus pœnitens defendit esse veram : & Confessarius, neglecta propria sententia, adhærebit in ferendo iudicio rei pœnitentis opinioni? Confessarius iudicat suam opinionem esse verosimiliorem : hoc agnoscit & pœnitens flagitiosus, opinionem Confessarii esse probabiliorem, & scit se secundum illam operantem probabilius in paradysum ascensurum, & contra illam agentem probabilius in infernum lapsurum; at habet & ipse opinionem minus probabilem contra legem Dei, sed faventem propriæ libertati, propriis contractibus, negotiationi, & oblectamenti. Petit ut Confessarius absolutionem sibi impertiat secundum hanc opinionem minus probabilem. Confessarius potest ne obsecundare pœnitenti isti? Quis hoc dixerit? S. Bonaventura *Confessional. cap. iv.* exclamans, & inclamans ait : *O inauditum philosophandi genus! Iudex sententiam ferre debet ad arbitrium rei, & reus iudicis iudicio obtemperare non tenetur?*

II. Verum, antequam ultra provehor, lubet primum absolute contra Probabilistas causam agere : deinde casus particulares expendam. Probabilistæ absolute & regulariter loquendo docent, Confessarium posse opinionem probabilem pœnitentis sequi, propria relictæ. Et ne ipsis imponere videar, illorum doctrinam in medium assero. P. Dominicus Viva in *Curs. quæst. vii. art. 2. num. 6.* „ Resp. „ cum Lugo *Lib. I. resp. mor. dub. 26.* quod si diversitas opinionum se teneat „ ex parte Confessarii, poterit Confessarius, quam maluerit, sequi; v. g. si una „ opinio doceat posse Confessarium absolvere in talibus circumstantiis; altera doceat non posse : una doceat haberi IURISDICTIONEM a Confessario; altera „ non haberi . . . poterit profecto Confessarius regulariter loquendo sequi opinionem quam MALUERIT : & sic iuxta opinionem negantem poterit absolutionem negare; esto aliquando ex caritate teneatur sequi opinionem favorabilem.

„ pœnitenti, puta si pœnitens sit in mortis articulo, nec sit alius Confessarius. “
 „ Quod si diversitas opinionum se teneat ex parte pœnitentis; puta, si una o-
 „ pinio doceat, pœnitentem teneri ad restitutionem, & removendam talem occasionem,
 „ ac acceptandam talem pœnitentiã; altera opinio doceat non teneri: NON POT-
 „ EST ABSOLUTIO NEGARI, si pœnitens sequatur opinionem SIBI FAVO-
 „ RABILEM, dummodo probabilem; etiam si Confessarius sit in opinione con-
 „ traria. Ratio est, quia quando pœnitens est rite dispositus, & peccata manife-
 „ stavit Confessario, etiam si voluntario, habet ius ad absolutionem. Atqui, quan-
 „ do sequitur opinionem probabilem, est rite dispositus. Ergo TENETUR tunc
 „ Confessarius absolutionem impertiri.“

III. Quam hæc rescripta doctrina directe & hostiliter pugnet cum Scripturis sanctis, non ego, sed Paulus Apostolus ad Rom. xv. declarabit. *Quaecumque enim scripta sunt, ad nostram doctrinam scripta sunt . . . Deus autem patientia & solatii det vobis IDIPSUM sapere . . . ut unanimes uno ore honorificetis Deum.* Rursus II. Cor. xiii. *De cetero, fratres, gaudete, perfecti estote, exhortamini; IDEM sapite.* Et iterum ad Philip. ii. *Implete gaudium meum, ut IDEM sapiatis, eandem caritatem habentes, unanimes idipsum sentientes.* An implere gaudium tuum, o Paule, velint qui de eadem omnino re pugnantia docent, tu de cælo iudex esto. Sed pergit Apostolus ibi cap. xiii. *Verumtamen ad quod pervenimus, ut IDEM sapiamus, & in eadem permaneamus regula: & denuo cap. iv. Rogo . . . deprecor IDIPSUM sapere in Domino.* Rogat Paulus ut idem sapiamus omnes homines: & ætate nostra eo res devenit, ut idem omnino homo, idem prorsus Theologus & Casuista diversa, contraria, opposita sapiat, doceatque, & quidem ex ipso altissimo sacrosancto tribunali pœnitentiæ, ubi vices Dei, qui est veritas una, implet? Sed, antequam alia Scripturarum testimonia proferam, audiamus alios celebriores Casuistas.

IV. P. Layman *Lib. I. tract. i. cap. v. §. 2. num. 9.* „ Doctor alteri consulenti
 „ consilium dare potest, non solum ex propria, sed etiam ex opposita probabi-
 „ li aliorum sententia, si forte (N. B.) hæc illi FAVORABILIOR, SEU EX-
 „ OPTATIOR SIT. Qua de re Vasquez, Sanchez . . . Sayrus, Lopez. Immo ar-
 „ bitror nihil a ratione alienum fore, si Doctor consultus significet consulenti
 „ opinionem a quibusdam viris doctis tamquam probabilem defendi, quam pro-
 „ inde sequi ipsi liceat; quamvis idem Doctor eiusmodi sententiam speculative
 „ FALSAM esse CERTO sibi (N. B.) persuadeat, ut proinde ipsemet in praxi
 „ eam sequi non possit. Cum enim consulens in re dubia ius habeat se confor-
 „ mandi opinioni quæ a quibusdam viris doctis defenditur, nihil obstante quod
 „ alii contradicant, & speculative sententiam improbabilem iudicent, hoc ipsum
 „ ius consulenti Doctor indicare non prohibetur. Atque hinc existit quod vir
 „ do-

„doctus diverſis ſecundum (N. B.) oppoſitas probabiles ſententias, *oppoſita conſilia* dare poſſit, ſervata tamen *diſcretione ac prudentia*.“ Hoc unum deſuiſſet ut etiam ſine diſcretione & prudentia hæc oppoſita conſilia evulgarentur. Reſpectus habendus eſt, ne homines conſulentes advertant hanc contradiſtinctionem conſiliorum ſuper eadem re, & quod illi debeant, iſti non debeant reſtituere; iſti debeant, illi non debeant recedere ab occasione æqualiter proxima.

V. Hinc eſt quod P. Gobat *traſſ. vii. num. 321.* docet, debere Confeſſarium ſcire plures ſententias, ut poſſit pro re nata oppoſita conſilia præbere. Poſſem plurium aliorum Probabiliſtarum reſcribere ſimiles opiniones, quas brevitatis gratia prætereo. Reſumo nunc Scripturarum teſtimonia. Chriſtus Dominus *Matth. xxiv.* contraria opinionum portenta futura prædixit, & contra eadem nos munivit. *Multi enim venient in nomine meo dicentis: Ego ſum Chriſtus, & multos ſeducunt. Audituri enim eſtis prælia, & opiniones præſtorum. Videte ne turbemini.* Iterum *Marc. xiii.* Cum audieritis autem bella, & opiniones bellorum, ne timueritis: oportet hæc fieri; ſed nondum finis. Non poſſunt hæc ad ſola extrema mundi tempora reiici, cum aperte dicatur: *Sed nondum finis*. An quæ narravi opinionum prælia, formidanda non ſunt? An unica non eſt Chriſti doctrina, quæ utique pro perſonarum, circumſtantiarum, & temporum varietate diverſa applicat remedia? De hoc enim nulla eſt diſputatio. Verum quod ſuper eodem omnino puncto reſtitutionis, iuriſdictionis, occaſionis, uſuræ &c. Confeſſarius conſultor animarum poſſit, quam mavult, ſeligere, & modo ſecundum unam, modo ſecundum alteram contraria præbere conſilia, imbecillitati meæ adeo portentofum apparet, ut veluti ſtupore quodam correptus, & in admirationem actus, verba mihi, quibus ſenſa mea exprimere valeam, deſint. *Proverb. xx.* hæc habentur. *Pondus, & pondus, menſura, & menſura, utrumque abominabile eſt apud Deum:* & rurus ibidem: *Abominatio eſt apud Dominum pondus: & pondus: ſtatera dolofa non eſt bona.* Opinionum pondera, de quibus nunc ſermo eſt, oppoſita ſunt, alia maiora, alia minora: nam opiniones aliæ magis, aliæ minus probabiles. Porro rurus in Scriptura Deus per Michæam *cap. vi.* deteſtatur pondera minora. *Menſura minor iræ plena.* Numquid iuſtificabo ſtateram impiam, & ſacelli pondera dolofa, in quibus divites eius repleti ſunt iniquitate, & habitantes in ea loquebantur mendacium, & lingua eorum fraudulenta in ore eorum? Multitudinis frequentiam, ad ſe alliciebant horum ponderum diverſitate; & lingua fraudulenta excantabant plebem: ideo divites, inquit Prophetæ, & celebres evaſerant. Sed illorum fraudulenta conſilia iram divinam provocarunt contra eos. Quare & nunc cavendum eſt ne his contrariis opinionum menſuris, & ponderibus & populus decipiatur, & iræ divinæ furor ſuccendatur.

VI. Paucis ſpiritum & animam, ut ſic loquar, harum opinionum expendamus.

mus. Si *diversitas opinionum*, inquit P. Viva, *se teneat ex parte Confessarii, poterit Confessarius, quam maluerit, sequi*. Quam maluerit? Ita sane. Pro arbitrio ergo poterit Confessarius suos pœnitentes alios absolvere, alios non absolvere, & consequenter alios in gehennam detrudere, alios ad paradysum mittere. Ecquidni? Audi. Verbi gratia, si una opinio doceat, posse Confessarium absolvere in TALIBUS circumstantiis; altera doceat non posse: una doceat haberi iurisdictionem a Confessario; altera non haberi: poterit profecto Confessarius, regulariter loquendo, sequi opinionem quam maluerit. Sunt ne truncata? sunt ne ambigua verba isthæc? Etiam in re sacramentaria poterit Confessarius sequi quam maluerit opinionem? Iurisdicção necessaria est ad valorem sacramenti. Consentit ne Ecclesia concedere iurisdictionem secundum unam opinionem casuisticam, & secundum alteram repugnat? Si enim quam maluerit ex contrariis opinionibus de iurisdictione Confessarius eligere valet; profecto pugnantem voluntatem, nempe concedentem, & negantem, præsumere in Ecclesia debet: quod non est leve absurdum.

VII. Quamquam tamen Confessarius eligere quam maluerit opinionem absolute & regulariter loquendo valeat; nihilominus ex caritate in articulo mortis debet eligere favorabilem pœnitenti. Extra necessitatis extremæ casum eligere quam mavult, potest. Quid heinc inferat Tamburinus, mox dicam. Quid, quando varietas opinionum se tenet ex parte pœnitentium? Illa opinio docet, non restituendum, non recedendum ab occasione proxima; altera ait. Quid tum? Pœnitentes experrecti, mercatores, & magnates legunt Tamburinum, Dianam, Escobarium, La-Croix, in quibus in qualibet fere materia catalogum opinionum contrariarum reperiunt. Accedit debitor Petrus opinione sibi favorabili eximente a restitutione. Accedit creditor Paulus contraria opinione sibi favorabili, qua urget premitque debitorem Petrum, ut solvat. Accedit amasia opinione, ex lumine naturali hauستا, quæ obligationem se se separandi ab amasio ostendit. Accedit amasius, opinione casuistica contraria imbutus, quæ non obligat ad separationem. Omnes isti absolvuntur a Confessario. Discedunt ab Ecclesia, & in circulis, in plateis, in conversationibus narrant quæ evenerunt illa die. Te ne Confessarius absolvit? Utique. Quid? Mihi negavit absolutionem. Quid pœnitentiæ tibi dedit? Ieiunia quatuor, elemosynas, & hospitalium visitationem. Acceptasti ne talem pœnitentiam? Ecquomodo non? Ego nolui eam acceptare. Noluisti? Et te absolvit? Certe. An non sumus in delicto, in circumstantiis pares? Scilicet. Quæ ergo tantæ diversitatis causa, ut tu absolutus in paradysum abeas; ego sine absolutione in orcum descendam? Revela arcanum. Ecce. Tu non legisti Dianam, nec Tamburinum, nec Escobar, nec La-Croix, docentes impertiendam esse absolutionem. Ego legi: representavi opinionem meam Confessario *vere probabilem*, quia eam defendunt plures Doctores

gravissimi, Alcozer, Sporer, Burgaber, Diana, Leander, Lugo, & alii. Confessarius debuit me absolvere : quia sequentibus opinionem vere probabilem nequeunt Confessarii absolutionem denegare . Summas tibi ago grâcias . Imposterum , antequam ad confessionale accedam , omnes Casuistas revolvere volo , donec veniam opinionem vere probabilem mihi favorabilem ; & hac munitus vel munita Confessarium adibo . Et si pœnitentiam molestam gravemque imponet , si me ad restitutionem urgebit , ad recedendum ab occasione , intrepide respondebo , & simul obsequenter : Non teneor : nolo . Sed , antequam tanto me committam discrimini , quæso te , ne me decipere velis . Verum ne est quod narras ? Verum . En verba , quæ supra dedi . *Si una opinio doceat pœnitentem teneri ad restitutionem , ad removendam (N. B.) talem occasionem , acceptandam talem pœnitentiam ; altera opinio doceat , non teneri : non potest (N. B.) absolutio negari , si pœnitens sequatur opinionem FAVORABLEM , dummodo probabilem , etiamsi Confessarius sit in opinione contraria .* Intellexistis ? Intellexi ; & usque ad cineres tibi obsequiosus ero , quod tantum mihi arcanum referasti : & modo modo pergo ad bibliopolam , plures empturus Casuistas , legendos , antequam confessurus accedam . Tu me prope beasti . Tu . . . Siste calamum . Satyram ne scribis ? Utinam tenuitati meæ datum esset gravius , vehementius , fortiusque labeſtare hæc opinionum paradoxa , quæ , ut mihi videtur , scandalum hæreticis , perniciem funestam Catholicis ingerunt . Consideret prudens lector , opiniones istas adeo sensui communi adversari , & a simplicitate evangelica , atque SS. PP. doctrina adeo abhorre-
 re , ut a sæculo fere prænuntiaverit Alexander VII. fore ut , nisi , quoad fieri potest , proſtigentur , extrema malorum immineant . Opiniones istæ non modo falsæ , & laxæ , sed supra quam dici potest perridiculæ sunt . Nequeunt efficacius refelli quam si sub proprio aspectu deridendæ , & detestandæ exponantur . Numquid vel verbum ego dixi quod ex ipsis opinionibus sponte sua & necessario non fluat ? Auctores illas docuere , novo opinandi modo , zeloque succurrendi omnibus præventi ; sed , ut nos existimamus , errarunt . Perpende decretum Alexandri VII. perpende quæ ex P. Terillo rescripti supra in præfat. Quo posito , an non sunt efficaciori quo fieri modo potest refellendæ ob periculum ne Casuistarum auctoritas diminuat , fama que obscureretur ? Quis id asserere ausus fuerit ? Nonne typis publicis tales opiniones publicarunt ? Omnium ergo oppugnationibus sponte eas subiecerunt . Numquid permittenda est æterna Christianorum damnatio , ne auctoritati Casuistarum , voluntarie scribentium talia paradoxa , præiudicium inferatur ? Numquid advocatus omittet sub teterrimo aspectu depingere adversarii iniustam causam ob timorem eundem infamandi , dummodo nihil dicat extra causam ? Proſtigandæ , deridendæ , improbandæ sunt eiusmodi opiniones , tum ne alii Casuistæ easdem reproducere audeant ; tum ad obstruenda ora hæreticorum ,

obla-

oblattrantium contra Ecclesiæ catholicæ puram & immaculatam doctrinam. Quid plura? An occulta pandimus? An libri casuistici non patent omnibus latinam linguam callentibus? Hæc ob temporum calamitatem repetere ad ravim usque cogimur.

VIII. Quid, si in foro, si in tribunali, ubi lites civiles deciduntur, tales obtinerent opiniones? Quid tum esset de humana societate? Quæ scelera, quæ latrocinia, quæ oppressiones, turbæ, homicidia, venalitates non inundarent orbem? An iudex non est Confessarius pro tribunali sedens? Audiamus P. Tamburinum. Ille, ut ostendi *Tom. VII.* disputat, num Probabilissimus sit vendibilis: & admissa rescripta doctrina, iure ac merito adfirmat. Nam Confessarii iudices possunt quam malunt opinionem ex duabus eligere. Ergo, ut eligant favorem reo, pretium exigere valent vi præfatæ doctrinæ, quando alia non obstarent. Et reipsa Diana, & alii Probabilistæ docuerunt, iudicem posse accipere munera, ut una potius quam altera opinione utatur. Vide *cit. Tom. VII.* Missis ergo rescriptis opinionibus seipsis horridis, caveamus, quoad fieri potest, opinionum prælia, & idipsum sapiamus omnes, ut sanctæ Scripturæ docent.

IX. Occurrit ne umquam casus aliquis in quo Confessarius conformari possit pœnitentis opinioni? Fusc de hoc disputat celeberrimus Iesuita P. Tyrſus Gonzalez Præpositus Generalis Soc. Iesu *disp. xv. cap. ix.* Paucis rem perstringo. Ego numquam contra propriam opinionem, quam post diligens examen veram, aut verosimiliorem iudico, absolutionem impertirem pœnitenti, opinione contraria persuaso. Distinguunt plures Confessarium ordinarium, Parochum nempe seu Curatum, a Confessario delegato, & libero. Sed hæc distinctio in hac controverſia vana est. Distinguitur Parochus a delegato, quod ille ex iustitia, secus iste, teneatur audire subditorum confessiones. Ceterum, quando pro tribunali sedent, tenentur æquo modo absolvere, vel non absolvere pœnitentes rite dispositos. Omnes Antiprobabilistæ negant, Confessarium absolvere posse pœnitentem, cuius opinio minus probabilis est, in conspectu contrariæ probabilioris, quam defendit Confessarius. Quid, si pœnitens sit valde doctus, & probus, & Confessarius minus doctus? Pœnitens iste habet opinionem, quam iudicat probabiliorē, & verosimiliorem. Confessarius minus doctus præventus est opinione contraria, quæ pœnitenti minus probabilis est, immo falsa. Hoc in casu, si Confessarius deprehendat pœnitentem doctum non duci pravo affectu, poterit, inquit P. Gonzalez, proprium iudicium deponere, & doctrinam probabiliorē pœnitentis assumere, suamque facere, & illum absolvere. Si & ipse deprehenderem meam opinionem esse minus probabilem, illam deponerem, & contrariam probabiliorē meam facerem. Propterea numquam ego contra proprium iudicium, & sententiam absolverem pœnitentem, me illius, contra propriam, opinioni conformando. Caute tamen, immo cautissime procedendum. Si opiniones Confessarii, & pœnitentis ambigæ essent, & utrinque urgerent valida rationum momenta; tunc impen-

fius controversiam investigarem. Sed raro occurrunt, aut si occurrunt, facile resolvuntur. Communiter pœnitentes minus probabiles, & laxas opiniones amplectuntur, & iuxta eas vellent absolvi; quod faciendum nullo modo est.

C A P U T X.

De officio Confessarii tum in concedenda, tum in differenda absolutione sacramentali.

I. **C**onfessarius omnes pœnitentes rite dispositos absolvere tenetur, pœnitentia pro criminum gravitate, & pœnitentium qualitate imposita.

II. Quæst. I. *Dum Confessarius absolutionem impertit, tenetur ne actu scire, & præsentia habere omnia & singula mortalia peccata manifestata a pœnitente?* Resp. Confessarius, dum audit confessionem, attente reflectere debet ad singula peccata mortalia, ad diuturnitatem temporis &c. ut bene dignoscere valeat statum pœnitentis. Præcipue advertere ad illius dominantem passionem debet, & ad vulnera quæ profundius in anima pœnitentis dominantur, ut diximus. Ceterum non est necesse ut dum absolutionem proferre debet, actu perspecta habeat singula peccata mortifera pœnitentis. Si hoc requireretur, quid esset de tot Confessariis qui tanta præditi non sunt memoria? Quid quod. neque Confessarii docti; & bona memoria ornati frequenter scirent singula peccata memoriter recitare, quæ peccatores inveterati, consuetudinarii, alique similes manifestant; cum & propter multitudinem, & propter varias circumstantias superent communem memoriæ captum? Sat ergo est ut Confessarius statum pœnitentis exploratum habeat; eiusque peccata præter propter præsentia habeat humano modo, ut queat & convenientes pœnitentias, & opportuna remedia præscribere. Neque necesse est ut de singulis peccatis disquirat, sint ne mortalia, an venialia: quia plura sunt quæ mala esse scimus, limites vero malitiæ ignoramus, & propterea remittuntur, supposita dispositione pœnitentis, qualia sunt in conspectu Dei. Cavendum semper ne sacramentum impar humanis humeris reddatur, sive ex parte pœnitentis, sive ex parte Confessarii: & præsertim cavendam a nimia subtilitate, & morositate in dispiciendis iis quæ neque ad sacramenti valorem, neque ad pœnitentis conversionem attinent. Sunt homines qui dici possunt *maximi* in minimis, & *minimi* in maximis.

III. Quæst. II. *Quomodo se gerere Confessarius debet in puerorum confessione?* Resp. Multa & varia Casuistæ docent. Omnes fatentur, perdifficilem esse puerorum confessionem, & absolutionem ob defectum rationis, & maturæ deliberationis. Communiter docent, instruendos esse in divina lege. Non sine profectu eos confiteri docebis, audiesque illorum confessiones, quamvis aptos non iudices pro absolutione. Exercendi sunt in actibus fidei, spei, & caritatis. Manifestanda, & meditanda iisdem proponantur puncta novissima, eosdem genitos, redemptos,

propterea infinito pretio, ut Deum ament, eidem inserviant legis mandata exequendo. Quando dubitatur de eorum dispositione ad absolutionem, vel propter rationis defectum, vel propter dolorem, absolvi posse sub conditione, docent Gobae, La-Croix, pluresque alii. Verum praxis hæc nova est, & improbanda. Absolutionis sub conditione usum in casu tantum extremæ necessitatis supra admisi. Nulla autem extra mortis articulum gravis, aut extrema necessitas est absolvendi eiusmodi pueros: quia si dubitetur de sufficienti rationis usu, differatur absolutio, usquedum illum assequantur, ut indicatum supra est. Illorum examen instituet Sacerdos de iis quæ in illa ætate patrari solent. Regulæ assignari nequeunt. Prudens Sacerdos ex sermonis, vultus, gestus, pudoris, aliorumque id genus signis colliget & rationis usum, & doloris, atque propositi naturam. Si viderit eos devotos in templo, obsequentes parentibus, obedientes mandatis, serio animo accedentes ad confessionem, eamque dolentes perficere, colligere poterit eos aptos esse confessioni. Muniendi sunt contra mendacia, propria illius ætatis. S. Carolus Borromæus in *Instruct. Conf.* laudabilem esse ait consuetudinem, ut pueri quinque aut sex annos nati accedant ad confessionem. Non melius forte laborem, & patientiam impendat Confessarius, quam in hac puerorum instructione assidua, benigna, prudentique. Facilius istos a peccato præservabit, quam a peccato revocabit vitiosos. Hac assidua instructio & fructus, & præmiū secunda esse solet. Semina virtutum in illa ætate radices agere solent, & fructum in tempore producent. Improbus labor est, & tædium magnum; sed præmium & mercedem cogita.

IV. Quæst. III. *Quid in adolescentum absolutione observare Confessarius debet?*

Resp. Si puerorum confessio difficilis, facilis certe non est iuvenum. In hac enim ætate natura foras erumpere incipit; & mutuo adolescentes se se inficere solent, non secus ac peste laborantes. Curandum summopere est ut præserventur a contagio: quia si semel desciderint, habitumque vitiosum contraxerint, difficillime emendabuntur. Præservandi, quoad fieri potest, a sociis: quia bonum in paucis; & communiter adolescentes invicem, ut dixi, se se depravare solent. Cautum & prudens sit illorum examen, ne discant quod ignorant. In id potissimum incumbat Dei minister, ut solida fundamenta christianæ religionis altius animo sibi imprimant. Deum præferendum, diligendumque super omnia facile addiscunt, & facile ipsis suadet. Sed explicandum, & ipsa praxi ostendendum, quid sit Deum super omnia diligere. Qui enim revera Deum diligunt, eiusdem legem exacte servant. Declarandum iisdem est, neminem fieri posse salvum, nisi vitam suam conformet ad Christi Iesu exemplum. Hoc exemplar semper præ oculis habendum insinuet, ut sint patientes, mortificati, humiles, modesti, & cælum unice anhelantes; quemadmodum viatores, & peregrini patriam,

navigantes portum desiderant. Caducitatem, brevitatemque vitæ, mortis certitudinem, & alia plura, quæ lumen cæleste suggeret, explicabit. Si eos viderit ad alios Confessarios declinare, studeat, inquit S. Carolus Borromæus in *Instruct. pastor. part. II. §. 6.* prudenter ad suum ordinarium revocare.

V. Quæst. IV. *Quid advertere Confessarius debeat in absolvendis rusticis, rudibusque?* Resp. Magna opus est caritate, & patientia in rudium confessione. Hoc scimus omnes, inquis. An ne omnes reipsa eam exercent, aut exercere didicerunt? Videndum num sciant mysteria necessaria alibi explicata, quid sit poenitentiae sacramentum, quæ dispositiones requirantur. Instructio rudium a sensibilibioribus auspicanda, puta ab inferni æternitate, a flammarum incendio: post exponatur æterni regni felicitas, quam ut nobis donaret, Deus misit Filium suum, qui mortem appetit, ut nos tanti regni efficeret possessores. In actibus fidei exercentur, spei, amorisque divini, similitudinibus amoris mundani eos excitando. Quos quippe in mundo amant, non offendunt, propter illorum amorem tolerant incommoda gravia, & plurima patiuntur &c. Istorum peccata carnalia solent esse pollutiones, cogitationes, prava desideria, blasphemiae, imprecationes, furta, superstitiones. Explorabit prudens Confessarius, quodnam vitium dominetur in suæ nationis rudibus, ut inde capiat suæ directionis regulam.

VI. Sunt istorum plures, inquis, adeo stupidi, & veluti statuae, ut nihil aut doloris, aut propositi extundi ab illis possit. Peccatis carent, nihil materiarum perhibent; sed neque dolorem, aut propositum indicant. Sunt veluti animales homines. Quid cum istis agendum? Isti undique exagitandi, perterrefaciendi, alliciendi, sine absolutione dimittendi, assignato tempore quo orare, dolere, lacrymari debeant, quod tanta obducti cæcitate sint, ut ignorent propriam Christianismi professionem. Tu didicisti artem colendi agros, educandi animalia, regendi currus, gubernandi familiam: & tuæ christianæ professionis prima elementa ignoras, peccata tua neque manifestare, neque de iisdem dolere didicisti? Et tamen ad hæc omnia cognoscenda lumen Deus tibi, & cuique infundit. An ignoras Christum Dominum mortuum esse, ut te illuminaret, & salvum faceret? Hæc ignoras, quia forte occultissimo aliquo peccato obsideris: peccator enim servus est diaboli &c. An non reformidas Dei vindictam? Hæc tua infensata stoliditas in unico æternæ salutis tuæ negotio supplicium est divini furoris. Cito respice, te excita, nisi temeritatis, & cæcitatæ tuæ æternas dare poenas velis. Aliunde si doles te Deum offendisse, si lumen ab eo enixe implorabis, quo dignoscere miseras animæ tuæ valeas, obtinebis. Cedo, hominum infelicitas: si aliqua temporali calamitate premereris, scireque divitem aliquem paratum ad subsidium ferendum, an ignorares illum adire, supplicare, precari; & te

opem

opem præstaret, an iniuriis, & contumeliis illum afficeret; vel omnibus grati animi argumentis tibi illum devincire non studeret? Hæc, & alia longe uberiora, quæ Deus suggeret, intonare plus & minus prudens Confessarius poterit. Iam plurimi in sua stupida ignorantia perseverant ob negligentiam, vel nimiam facilitatem Confessariorum, qui tales stupidos ad sacramenta admittunt. Quando experientia constat, ex pluribus confessionibus istos nihil profecisse, dimittendi absque absolutione sunt: si enim gratiam receperint sacramentalem, sterilis sane hæc non fuisset. Semper tamen caritate summa tractandi sunt, & spei christianæ filo devinciendi. Exploranda naturalis sagacitas, vel hebetudo; & iuxta indolis aut stupidæ, aut experientæ conditionem instructio moderanda est, & iugi precatione divinum auxilium implorandum.

VII. Quæst. V. *Quomodo se gerere Confessarius debet in absolvendis iudicibus, advocatis, & mercatoribus?* Resp. Iudices, si careant necessaria scientia ad iudicandum, non sunt absolvendi. Equis iudicare valet, habeat nec ne iudex scientiam necessariam? Ex signis erui id non difficile poterit. Propriæ conscientiæ scrutinium, & iudicium non leve esse argumentum potest. Si ob imperitiâ graviter culpabilem falsa iudicia proferunt, ad refarciendam partem læsam tenentur: si lites procrastinant, si ex affectu iudicent, peccant, & ad restitutionem tenentur. Hæc crimina communia sunt advocatis, notariis, aliisque fori ministris. Præterea isti pluribus aliis fraudibus sunt obnoxii, quas si explicare omnes vellem, Tomum conflarem. Mercatores severe excutiendi sunt, antequam absolvantur, circa pondera minus æqua, mendacia, fraudes, quibus vicia mercium tegunt, iniusta pretia, præsertim dum credito vendunt. Si deprehenderis, has professiones aliquibus esse occasiones proximas peccandi, ne absolvas illos, nisi professiones dimittant, quando ex applicatis remediis nihil profecerunt. Sic definivit Concilium Lateranense sub Innocentio II. *can. xxix. his verbis. Falsa etiam sit pœnitentia cum pœnitens ab officio vel curiali, vel negotiali non recedit, quod sine peccato agi nulla ratione prævalet.* Hoc ipsum statuit Concilium Romanum V. sub Gregorio VII. an. 1078. celebratum cap. vii. *Quicumque miles, vel negotiator, vel alicui officio deditus, quod sine peccato exerceri non potest, si culpis gravioribus irretitus ad pœnitentiam venerit, cognoscat se veram pœnitentiam non posse peragere, nisi arma deponat, ulteriusque non ferat, nisi consilio religionum Episcoporum pro defendenda iustitia; vel negotium relinquat, vel officium deserat.* Ne vero Casuistæ reponant, antiquorum Patrum dicta ætati nostræ non congruere, audiant S. Carolum Borromæum IV. Part. *Ab. in Instru. Confess.* sic loquentem. *Sunt alia peccandi occasiones, quæ suapte natura quidem tales non sunt, sed hominum quorundam ratione, velut pleraque res per se licitæ; in quibus si pœnitens hæreat, ut antea fecit, merito iisdem rursus criminibus implicandus videatur. Tales plerisque sunt tempo-*

rum iniquitate ac vitio militia, mercatura, magistratus, causidicorum, & procuratorum munia, aliaque eiusmodi; in quibus qui sæpe mortaliter peccare consuevit, blasphemis, furtis, iniquis iudiciis, calumniis, odiis, fraudibus, periuriis, aliisque similibus culpis, exploratum habet, si in eadem professione permaneat, easdem sibi peccandi occasiones eventuras: neque vero credendum plus sibi virium ad peccatum vitandum fore quam prius habuerit, ideoque in eadem peccata prolapsurum. Quamobrem eiusmodi homines aut vitæ rationes sibi adeo periculosas deponere debent, aut certe in eisdem non versari, nisi de pii, prudentisque Sacerdotis consilio, qui neminem sic affectum absolvere debet, ut probabile censeat in eadem peccata recasurum, si in eisdem occasionebus perseveret; sed certum temporis spatium sumere ad emendationem explorandam. Atque hic eo magis evigilandum est, excubandumque animo, quod Confessariorum culpa, & incuria factum videmus ut in plevisque artibus, & professionibus innumera corruptela, & gravissima delicta passim vigent, sine quibus res aliquin iustissime iam a paucis admodum fastidari posse videantur.

VIII. Quæst. VI. Quomodo se gerere debeat Confessarius in absolvendis patribusfamilias, filiisque familias? Resp. Officia & onera gravissima patrumfamilias educandi filios, eosque a vitiis, periculis, occasionebus, pravis sociis custodiendi, fusc explicui in IV. Decalogi mandatum, quæ legere poteris, ut rite istos absolvere valeas. Ex optima filiorum educatione reformatio mundi pendet. Facile plantæ teneræ diriguntur, insectantur, & conservantur. Adultæ, distortæ, incurvatæ vix absque miraculo ad rectam formam revocantur. Si explicare defectus, & crimina patrumfamilias vellem, nimis prolixus forem. Lege *loc. cit.* in quo invenies & peccata consueta filiorumfamilias, furta, impudicitias, parentum contemptus &c.

IX. Quæst. VII. Utrum Confessarius absolvere debeat tum viros, tum feminas vanas, nimia vestium pompa ornatas? Resp. Sæculum nostrum aureum plures appellat: quod uno in sensu verum habet; at in sensu ab illis intento non modo falsum, sed manifesta dementia est. Aureum est sæculum nostrum, quod aurum ambulat vias publicas, templa ingreditur, ad altaria accedit. Resplendet in parietibus, in scamnis, in equorum, mulorum, mularumque frenis, in virorum pileis, indumentis, & potissimum in muliercularum vestibus. Ut absolvere mulieres, vanas pompas sectantes, Confessarius valeat, legat *Tom. II. in Decal. diss. 1x. cap. 1x. & x.* ubi fusc rem istam explicui. Nunc pauca rescribam ex S. Carolo Borromæo, qui in *Inst. Confess.* hæc inter plura habet. *Nec etiam absolvat qui in vestium splendore, aut superfluo corporis ornatu mortaliter peccant. Et quia hodie sæculi pompe & vanitates ad summum creverunt, potissimum EX CULPA CONFESSARIORUM* (infamavit ne Confessarios, & Casuistas S. Carolus?) *qui ab*
hæc

hoc peccato pœnitentes suos inconsideratius (N. B.) absolunt, & nullum fortassis ea de re scrupulum ipsis movent ; aliquos hic casus designare placuit , in quibus mortaliter peccat cui cordi est nimius ille luxus ; ut iuxta præscriptas regulas se gerant in illorum absolutione. Casus autem paucis perstringam , & sunt sequentes . Peccant mortaliter qui hoc nimio vestium ornatu utuntur , ut alios ad peccatum pelliciant , aut occasione illius violent , vel causa aliis sunt cur violent præcepta Dei , vel Ecclesiæ ; ut si die festo laborarent , vel occasionem aliis darent laborandi , aut Sacro non assistendi . Quot mulierculæ vanissimæ plures horas ipsæ , & ancillæ non expendunt diebus festis in hoc plusquam paganico ornatu ? Quot uxores non sollicitant maritos ad nimios sumptus , quos ut faciant , debita contrahunt , contractus usurarios exercent , eleemosynas negligunt , mercedem non solvunt , creditoribus non satisfaciunt , legata pia non implent , familiæ patrimonium dilapidant , filiorum causam produnt , filiabus non provident , & innumera flagitia perpetrant ? In his casibus nimius luxus peccatum mortale est . Quare tum mariti sæpe feminores , ut sic loquar , quam feminæ , tum uxores sunt ob has nimias pompas in statu peccati mortalis . Et quamvis pompæ non excedant proprium statum , si tamen lasciviam inspirent , vel si probabiliter dubitetur , inquit S. Carolus , ex hac pomparum occasione non defuturos qui amorem impudicum concipiant , aut in animo suo ipsi & ipsæ nutrant , a peccato mortali non sunt immunes . Quid , si ornatus ipse obcœnitatem prodat , & nimiam impudentiam , ut non paucæ vestitus formæ hodiernæ (vulgo *mode*) reipsa præferunt ? In his casibus peccatum , immo scelera plurima grassantur . Hæc omnia honestari prætextu dignitatis , status , consuetudinisque solent . At Deus non irridetur . Professionem baptismatis recordentur , qua solemni ritu his omnibus renuntiaverunt . Consultant ergo Confessarii & suæ , & pœnitentis conscientiæ . Plura legè *loc. cit.*

X. Quæst. VIII. *Quomodo se gerere Confessarius debet in absolvendis viris , & feminis quæ hodiernas conversationes frequentant ?* Resp. Hanc ætate nostra infectam corruptelam , seu humani generis pestem *Tom. IV. in Decalogum* , & alibi profligare studui . Nunç inculcare Confessariis sat erit ut istis omnibus absolutionem , nisi desistant , omnino denegent . Quid ? Si absolutio denegatur istis , desertæ evadunt continuo templa nostra . At si absolutionem impenderis , tu cum tuis pœnitentibus orem implebis . Nulla facienda distinctio est ? Innumeræ sunt cavillationes , quibus putida inextricari corruptela solet ; at omnia sunt carnis , & dæmonis præstigia . Excepta necessitate , vel honesta convenientia civilis commercii , viri a mulierum , & mulieres a virorum conversatione abstinere debent . Sermo enim nunc est , ut omnibus cavillationibus locus præcludatur , de familiari virorum & mulierum conversatione , quæ nunc in praxi obtinet , omnibus inspectis circumstantiis . S. Augustinus in *Psal. I.* acriter insectatur excusationes quas ob-

trude-

trudere isti solent, exemplo Prophetæ David. *Audiunt male viventes, & querunt sibi patrocinia peccandi: attendunt, unde defendant quod committere paraverunt, non unde caveant quod non commiserunt: & dicunt sibi: Si David, cur non ego? Inde anima iniquior, quæ, cum propterea fecerit, quia David fecit, ideo peius, quam David fecit. . . . Alii vero audientes salubriter, in casu fortes metiuntur infirmitatem suam, & quod damnat Deus, devitare cupientes, ab aspectu securo (im. puro) abstinent oculos. Non eosdem figunt in pulchritudine carnis alienæ, nec se ipsos faciunt de perversa simplicitate securos. Non dicunt: Bono animo attendi, benigne attendi, de caritate diu aspexi. Proponunt enim sibi casum David, & ad hoc illum magnum vident cecidisse, ut parvi nolint videre, unde possint cadere. Repri-
munt enim oculos a petulantia, non se facile adiungunt, non miscent se mulieribus alienis, non levant oculos faciles ad aliena mœnia, ad aliena solaria. De longe enim vidit David illam in qua captus est. Mulier longe, libido prope. Alibi erat quod videret, in illo, unde caderet. Attendenda est ergo hæc infirmitas carnis. Dam-
Christiani continentur carnis flagitia, ut eadem excusent, naturæ infirmitatem, concupiscentiæ impotentem propensionem allegant. Fatentur se imbecilles, fragiles, libidinis igne æstuantes; ut vero tamquam honestam, & innoxiam propu-
gnent intimam, familiarem, nocturnam diurnamque conversationem cum suis ma-
tronulis, quibus intervium, & quas tantum non adorant, se robustos, mar-
mores, æneisque iactant. En quam mendaces sint filii hominum. Infirmi sunt, ut
peccata excusent. Mendaces, vassi, & robusti, ut causas, quæ ad peccandum in-
ducunt, servitutis & obsequii nomine colorent, & defendant. Sed alibi istorum pa-
radoxa labefactavi. Interim caveant, & iterum caveant Confessarii, istis & illis
absolutionem impertiri, nisi prius hæc putida subtilis luxuriæ vincula penitus ab-
rumpant. Corruptela in dies grassatur, & frequentia sacramentorum simul auge-
tur: multiplicantur morbi, & medicinæ; & morborum pestilentia iam medicina-
rum efficacitatem impediunt. Consensere iura peccatis, & cœpit licitum esse quod
publicum est.*

. XI. Quæst. IX. *Quas regulas servare tenentur Confessarii in absolvendis feminis devotis?* Resp. Iam dictum est supra, Confessarios debere mulieres omnes tractare
cecu personas peste, & quidem contagiosissima laborantes, quæ facillime communi-
catur, venenumque undique versum transfundit. Audi, o Confessari, Augustinum
ser. ccl. de temp. ubi inquit: *Nec samen quo sanctiores, minus cavendæ: crede mi-
hi: Episcopus sum, in Domino loquor, non mentior: cedros Libani, idest magnos Ec-
clesiæ Prælatos, sub hac specie corruisse memini, de quorum casu non magis præsu-
mebam quam Ambrosii, & Hieronymi. Regulas quas S. Hieronymus epist. ad Ne-
pot. præscribit, exacte observato. Nec Davide sanctior, nec Salomone esse potes sa-
pientior. Memento, quod paradisi colonum de possessione sua mulier eieceris. . . .*
Poenitentia.

iculose tibi ministrat, cuius vultum frequenter attendis. Si propter officium clericatus vidua a te visitatur, aut virgo, numquam domum solus introas, tales habeto socios, quorum contubernio non infameris. Si lector, si acoluthus, si psalter te sequitur, non ormentur veste, sed moribus: nec calamistro crispent comas, sed pudicitiam habitu polliceantur. . . . Caveto omnes suspiciones: & quidquid probabiliter fingi potest, ne fingatur, ante devota. Crebra munuscula, & sudariola, & fasciolas, & vestes ori applicitas, & oblatos, ac degustatos cibos, blandasque, & dulces litterulas sanctus amor non habet. Mel meum, lumen meum, meum desiderium, omnes delicias, & lepores, & risu dignas urbanitates, & ceteras ineptias amatorum in comediis erubescimus, in seculi hominibus detestamur: quanto magis in Monachis, & in Clericis, quorum & Sacerdotium proposito, & propositum ornatur Sacerdotio? Nec hoc dico, quod aut in te, aut in sanctis viris ista formidem; sed quod in omni proposito, in omni gradu, & sexu & boni & mali reperiantur, malorumque condemnatio laus bonorum sit. Cavendum ergo nobis ne omnes, sive huius, sive illius sexus, cœtus, instituti reputemus falli nescios, & in gratia confirmatos, ne errent, ne decipiant sub specie sanctitatis. Meliores regulas quam eas quas hic præscribit Doctor maximus, assignare nequeo.

XII. Quæst. X. *Differenda ne est aliquando absolutio?* Resp. Omnes tum Rigo-ristæ, tum Laxistæ adfirmant, quando vel utilitas pœnitentium postulat, vel necessitas consulendi sacramento ad id urget. Nulla super hoc controversia. Regula generalis omnibus probatur. Similiter omnes adfirmant, suspendendam esse absolutionem 1. quando deest in Confessario iurisdic- tio absolvendi a reservatis. 2. quando pœnitens non est sufficienter instructus; cum Innocentius. XI. damnaverit hanc thesim: *Absolutionis capax est homo, quantumvis laboret ignorantia mysteriorum fidei.* 3. quando prudenter constat deesse dolorem in pœnitente. 4. quando pœnitens est in occasione proxima, & nulla signa perhibeat emendationis. Has regulas generales omnes admittunt. Verum postea in earundem applicatione multas invexerunt distinctiunculas, quibus in praxi a pluribus Confessariis absolvantur & recidivi, & consuetudinarii, & versantes in occasione proxima. Quare alias practicas quæstiunculas resolvam.

XIII. Quæst. XI. *Confessarius potest ne absolvere consuetudinarios, & recidivos prima vice, etsi nulla præcefferit emendatio?* Resp. P. Claudius La-Croix Lib. VI. part. 11. num. 1819. respondet, quandoque Confessarium posse differre absolutionem: quia quandoque non potest prudenter credi consuetudinario. Postea continuo num. 1820. subdit. „ Confessarius potest absolvere consuetudinarium prima „ vice, qua se accusat de peccatis suæ consuetudinis, licet nulla adhuc emendatio „ præcefferit, dummodo eam serio proponat, præcipue si ultro, nemine cogente, ad „ confessionem venerit, uti habet communissima contra Huigens, Gabrielem, Op-

traedt, & alios Rigoſiſtas. Ratio eſt, quia ſic conſiſtens eſt rite diſpoſitus, & dat ſpem emendationis.“ Nihil ad me de Huigens, de Optraedt, aliisque. Sed Contra opiniones diſputo æquo aut laxiores, aut rigidiores. Hæc propositio non eſt limitata particula quandoque, ſed abſoluta eſt. Et ratio, qua fulcitur, ſimiliter abſoluta eſt, & univerſalis: nempe: *Si ultro, nemine cogente, ad confeſſionem venerit, eſt rite diſpoſitus.* Cedo: quodnam diſcrimen eſt inter hanc proſitionem P. La-Croix, & theſim 60. damnatam ab Innocentio XI. ? *Pœnitenti habenti conſuetudinem peccandi contra legem Dei, naturæ, aut Eccleſiæ, eſſi emendationis ſpes nulla appareat, nec eſt neganda, nec differenda abſolutio, dummodo ore proferat, ſe dolere, & proponere emendationem.* Eſſi emendationis ſpes nulla appareat, dicit proſitio damnata. Licet nulla adhuc emendatio præceſſerit, inquit La-Croix. Quid hic diſcriminis: an inter præceſſerit, & appareat? Diſcrimen eſt, ſubdis, inter eſſi nulla emendationis ſpes appareat, & inter emendationem quæ præceſſerit. La-Croix excludit emendationem præcedentem, non ſpem emendationis futuræ. Recte, & bene. At in quo collocat La-Croix hanc ſpem emendationis futuræ? En illius verba: *Dummodo tam ſerio proponat, PRÆCIPUE ſi ultro, nemine cogente, ad confeſſionem venerit.* Proſitio damnata ait: *Dummodo ore proferat ſe dolere, & proponere emendationem.* Auctores laxiſtæ damnatæ theſis, quorum nomina nunc prætereo, non loquuntur de peccatoribus, qui iocandi cauſa, ſed qui ſerio proponunt emendationem. Eſt aliud diſcrimen, inquires. Quodnam? Theſis, proſcripta abſolute, La-Croix prima vice docet abſolvendum conſuetudinarium Diſcrimen iſtud facillime eludent conſuetudinarii doctrina ipſius La-Croix, & aliorum Probabiliſtarum, aſſerentium, non teneri conſuetudinarium patefacere ſuam conſuetudinem. Ergo poſt primam vicem tacebit conſuetudinem ſuam, ne cogatur bis, inquiunt Benigniſtæ, eadem peccata conſiteri. Ne multa. Laxitas theſis La-Croix in hoc ſita eſt, quod præcipue ſpontanea, ſeu ultroque confeſſio, nemine cogente facta, ſit abſolute argumentum declarans pœnitentem eſſe rite diſpoſitum, ut conceptis verbis propugnat idem La-Croix. Hæc enim doctrina, ut mihi videtur, & ſalvo meliori iudicio, laxa eſt: & proſitio La-Croix, ſi non eſt ſoror, ſaltem eſt, ut meæ imbecillitati apparet, theſis damnatæ conſobrina. Uno aut altero verbo differt: at ſi ſubſtantiam ſpectes, parum aut nihil diſtare videtur. Declaratur ſpiritus laxitatis. Omnes Chriſtiani, niſi ſiant atheiſtæ, vel ſceleſtiſſimi, communiter conſcientiæ remordentis latratus experiuntur. Catervatim, inquit Ven. Bellarminus, onuſti ſcleribus currunt ad confeſſionem, ut hos latratus placent, ut dentes vermſ mordentis aliquantulum extundant. Putant enim viſibili more decepti, vitam Chriſtianorum ſitam eſſe in hac ſacramentorum, & relapſuum viciffitudine, & perpetuo circulo. Sponte ergo communiter omnes, vel inveterati peccatores chriſtiani ad confeſſionem accedunt: & tamen certum eſt iſtos magna in

in parte indispósitos accedere. Ergo non laxitas modo, sed error manifestus videtur, quod *præcipue* ultronea confessio indicet, peccatorem esse *rite dispositum* ad sacramentum pœnitentiæ. Et tamen La Croix hanc suam opinionem vocat *communissimam* contra *Rigoristas*, qui, si vocarent præfatæ opinionis auctores Laxistas, statim querelas multiplicarent. Verum audiamus magnum Pontificem S. Gregorium (sive alium, venerabilem præfecto, Auctorem) *Lib. VI. in cap. xv. Lib. I. Reg.* præfatam opinionem improbantem. Saul Samuelem rogat, ut obtinendæ peccati sui veniæ a Deo causam in se suscipiat. Renuit Samuel. *Et illa Prophetæ constantia* (subdit citatus Auctor) *quidam nimis clementes huius temporis Sacerdotes arguuntur, qui conversatione infirmi sunt, temeritate fortes.* Deinde ad pœnitentes spontaneos stilum convertit post pauca ibidem. *Qui etiam SPONTE ad confitendum veniunt, sed pro quibus se accusant, non ipsi lugent, sed pœnitere alios obsecrant. Fide sola salvari æstimant, per pœnitentiam reverti abieci non curant.* Innumera Patrum testimonia, nisi brevitatis causa impediret, adducere possem, quæ recensitam La-Croix, & aliorum laxam doctrinam improbant.

XIV. Quæst. XII. *Utrum Confessarius possit absolvere eos qui frequenter relabuntur in flagitia molitiei, & pollutionis?* Resp. Omnes fatentur, peccati istius emendationem esse difficillimam, propter intimam occasionem. Aliunde adeo universale est crimen istud, ut eo magna damnandorum pars inquinata sit. Quid ergo agendum? Aqua hæret. Omnes docent vitanda esse extrema severitatis, & auitatis. Notum est hoc atque compertum. At quænam est via recta inter hæc duo extrema? Nemo designat, & vix designari potest. P. Sporer *Part. III. cap. 11. sec. 4. §. 3. num. 330.* docet, absolvendos esse huiusmodi recidivos *toties quoties* serio proponunt in posterum emendationem; dummodo Confessarius prudenter credat; eos *vere proponere.* At in hoc sita difficultas est, quomodo Confessarius credere prudenter queat, istos *vere dolere, & proponere* emendationem, si cum iisdem peccatis redeunt. Respondet continuo. *Quia redire cum iisdem peccatis de se non est signum deesse verum dolorem, & propositum emendationis; certe non magis quam si rediret cum aliis novis diversis peccatis; sed solum est signum fragilitatis humanæ in tali homine.* Hanc inauditam doctrinam, a diversis novis peccatis repetitam, quam post Sporer propagavit La Croix, supra refelli. Qui frequenter confitetur, & frequenter relabitur in nova diversi generis peccata, obtrunditur tamquam principium certum impertiendæ absolutionis? Et heinc argute inferunt recentiores; Ergo recidivi, frequenter relabentes in eadem consueta peccata, absolvendi sunt. Næ ista robusta argumentatio? Hodie Petrus confitetur furtum: sequenti hebdomada confitetur adulteria: post pollutiones: in alia confessione fornicationes: in alia sodomias: in alia blasphemias: in alia periuria: in alia calumnias: universam denique peccatorum provinciam percurrit: numquam relabitur in vetera, sem-

per nova, sed diversa peccata mortalia adfert. Peccator iste, inquit iuniores nostri, absolvendus est. Quidni ergo, si in eadem relabatur flagitia? præsertim quia habitus vitiosi, & consuetudines pravæ vehementer inclinant; & impellunt in eadem crimina. Primum, inquit, verum est. Ergo & secundum. Somnia videntur ista; & tamen clamant hanc esse *communissimam sententiam*. Sit communissima inter Probabilistas, mihi videtur ab omnibus Scripturis & Patribus improbari, & cum ipso communi sensu pugnare. Addit citatus P. Sporer *num. 331.* ex P. Gobat, & aliis, aliquam imminutionem peccatorum satis esse ut Confessarius possit prudenter impertire absolutionem. Quam regulam absolute ut falsam relicio.

XV. Quid ergo agendum? Quid? Si dixero eiusmodi absolvendos non esse; Rigorista audiam. Si dixero absolvendos, & meam, & aliorum animas prodo. Varia assignant Auctores remedia. Sacramentorum frequentiam omnes suadent. Saluberrimum & efficax remedium. Si hac confessionis frequentia sanare miseros istos vales, remedium promptum est, & facile. Addenda ieiunia, preces, meditationes mortis, inferni, passionis Christi, invocatio Sanctorum, & præsertim Protectoris, & B. Virginis. Addunt, si vides eiusmodi poenitentes hæc omnia exequi, & numerum peccatorum diminueri, tunc absolve eos. Quando, inquit P. Sporer ex P. Gobat, *notatur aliquis profectus, seu aliqua imminutio peccatorum, habenda est patientia. Ipsa enim imminutio peccatorum est signum propositi.* Habenda sane est patientia. Hæc enim necessaria est, inquit Apostolus. *Simus ergo: omnino finis erga hos miseros misericordes.* In quo sita est misericordia isthæc? In facili absolutionis concessione. Annuo, si absolutio eos curat. At si non curantur, saltem imminuuntur peccata: & hoc satis est ut absolvere eos prudenter possis. Ita ne vero?

XVI. Si id quod sentio, promere mihi licet, hanc iuniorum doctrinam falsam evincit experientia. Istorum misericordia augeat, non curat vulnera. Præfata remedia si infirmum curarent; quis, nisi demens, illorum applicationem improbareret? At si remedia hæc minuunt tantum, minime vero morbum expellunt, inapte applicantur. Quid blasphemias? Sacramentorum frequentia inepta? Sacramentorum frequentia sanctissima: sacramenta efficacissima sunt. De fide est, poenitentiam sacramentalem peccata expellere, animam sanctificare, vires contra peccatum augere; Eucharistiam veluti cælesti pinguedine iustificatum Christianum saginare, roborare, Dei amorem accendere, spiritum impuritatis extinguere. Ergo qui cum his divinissimis sacramentis pollutionis, & mollietis flagitia negant consocianda, detrahunt sacramentorum efficacitati, dignitati, & sanctitati? Hæc peccatorum imminutio in istis communiter artificium est amoris proprii, & diaboli, qui, ut hæc misera carnis mancipia in perpetuo sacrilegiorum, &

& pollutionum circulo detineat, libenter permittit numerum pollutionum diminui, dummodo perpetui sint libidinum servi.

XVII. Quid, si isti polluti, Sacerdotes essent, qui quotidie celebrarent? Istis ne sacramentorum frequentia opportunum remedium? Si absolutionem negas, illi celebrare coguntur: neque absque scandalo, & infamia omittere Missam possunt. Quid ergo agendum? Facile est aliorum curationis methodum improbare. Tu assigna meliorem.

XVIII. Post seriam meditationem, & cum Confessariis consultationes didici, miseros istos aut cito curari, ut clarius mox dicam; aut communiter, præcisa aliqua extraordinaria gratia, vel status mutatione, numquam ferme curari. Lenitas & benignitas, qua iuniores pedetentim curandum morbum istum continent, communiter insanabilem efficiunt plagam. Bestia hæc adeo fera & immanis est, ut mansuetudine & benignitate crudelior atque truculentior fiat. Quæ expertus sum, narro. Methodum iuniorum & ipse executioni demandavi. Remedia indicata præscripsi, & falsa illa atque crudelissima benignitate & misericordia deceptus, absolutionem sæpius impertii, quod interdum diminuta viderem peccata, quod spectarem lacrymas, & pectoris tunctiones. At benignitatis atque lenitatis adhibita me semper pœnituit. Quid ergo agendum? Paucis, quæ mihi verisimiliora videntur, exponam.

XIX. Absolute sub ipsum initium omnino, & inquam omnino, severus esto. Absolutionem denega. Morbi sævitiam, infernum apertum, imminentem divinæ vindictæ furem ea qua vales eloquentia expone, exaggera, inculca huiusmodi peccatori. Eum hoc pacto alloquere. Quid miser ageres medio in mari constitutus, furentibus undis, cælo tonante, & fulminante, tempestate sævius exagitante, & naufragio iam iam imminente: quid, inquam, ageres? An, si evadendi aliqua spes esset, merces non proiiceres, pecunias, vestes ipsas non exueres, ut nudus portum obtineres? In simili & funestiori tempestate versaris. Nisi eo omnium virium conatu quo uteris in declinando illo imminente, & præsentaneo corporis naufragio, utaris in expellenda lepra ista sætidissima, qua anima, & corpus tuum marcescunt, actum de salute tua est. Desperationis ergo laqueo me iugulas? Immo tu miser desperare de salute tua obstinate vis, quia tanta obrutus peste expellere eam recusas. Certum, & quidem de fide est, te posse, si vis, morbum superare. Dicam ergo cum Christo Domino Ioan.v. *Vis sanus fieri?* Cælum ego & paradysum apertum tibi spondeo. Omnia quæ hætenus perpetrasti flagitia dimittere paratus sum, dummodo velis ab iisdem abstinere. At numquam promissionibus tuis fidem adhibebo, nisi emendatio præcedat. *Qui facit te sine te, non salvabit te sine te.*

XX. Quæst. XIII. *In quo sita sit benignitas cum eiusmodi peccatoribus adhibenda?*

da ? Num falsa sit nonnullorum iuniorum benignitas ? Resp. En , o Confessari ; in quo sita est benignitas, lenitas, & misericordia tua cum eiusmodi aliisque penitentibus adhibenda. Te illorum salutis cupidissimum ostendito. Summa patientia, & mansuetudine pestis contagionem, damnationis æternæ gravissimum periculum declara. Insta opportune, importune : argue, obsecra, increpa, tolera, susline, colloquia, perorationes, supplicationes multiplica, preces funde, & alia pietatis opera pro iisdem, quoad potes, exerce. Ne inculcare cesses, diluvio universali genus humanum perissee præcipue propter peccata carnis. Siquidem *omnis caro corruerat viam suam*. Ideo Deus tactus dolore cordis intrinsecus ; *Delebo*, inquit, *hominem, quem creavi, a facie terræ* : Gen. vi. Quamquam carnis flagitia non sint omnium gravissima gravitate theologica ; sunt tamen omnium exitiosissima, sætidissima, turpissima, & damnatorum, damnandorumque fertilissima. *Et ideo* (inquit S. Thomas 2. 2. quæst. xv. art. 3.) *ex luxuria oritur cæcitas mentis, quæ quasi totaliter spiritualium bonorum cognitionem, excludit*. Voluptas hæc cum sit omnium vehementissima, quæ universos corporis sensus commovet, & ad similitudinem terræmotus partes concitat omnes, rationem penitus absorbet. Hoc vitio, inquit S. Augustinus serm. clxi. *totus homo absorbetur ab ipso & in ipso corpore, ut iam dici non possit ipse animus suus esse, sed simul totus homo dici possit, quod caro sit*. . . Quia maiore libidinis ardore, quo superior nullus est, voluptas iphus corporis tenet servum, efficitque captivum. Heinc difficillime oritur istorum conversio, iuxta illud Osee v. *Non dabunt cogitationes suas, ut revertantur ad Deum suum : quia spiritus fornicationum in medio eorum, & Dominum non cognoverunt*. Sed S. Paulum tonantem ad Rom. i. audi, *Propterea tradidit illos Deus in desideria cordis eorum, in immunditiam... Tradidit illos Deus in passionem ignominie. Tradidit illos Deus in reprobum sensum, ut faciant quæ non conveniunt. Repletos omni iniquitate, malitia, fornicatione &c.* Et rursus ad Ephes. iv. *Tenebris obscuratum habentes intellectum... qui desperantes semetipsos tradiderunt impudicie in operationem immunditie omnis*. Non ergo Confessarii docti & pii, denegantes absolutionem, ad desperandum illos impellunt. Sed illi ipsi, quia vires exerere, carnem consistare, sensus crucifigere reculant, desperantes semetipsos tradunt impudicie, & in operationem immunditie. Experientia intelliges, illos qui hæc flagitia perpetrant, sive laici sint, sive Religiosi, vitam ducere mollem, gulæ, otio, recreationibus indulgere, tepidos in Dei servitio, curiosos, loquaces, & propriæ professionis transgressores. Frequentibus istorum relapsibus voluntas debilitatur, obtenebrescit rationis lumen, carnis inclinatio roboratur, Dei auxilia magis magisque subtrahuntur, & dæmonis imperium in dies crudelius sævit in peccatorem. Accedunt miseri ad Confessarium, vellentque absolutionum repetitione sanari. *Sæpe nonnulli* (inquit S. Gre-

gorius Lib. XI. Moral. cap. v.) a pravis adibus exire cupiunt; sed quia eorandem actuum pondere premuntur, in male consuetudinis carcere inclusi, a semetipsis exire non possunt.

XXI. Revolve omnes Patres, & universam XII. sæculorum disciplinam, & nullo inveniēs sanctissimos illos Patres, divinæ sapientiæ lumine perfusos, immunos hos peccatores frequenter relabentes frequentia absolutionum, & Eucharistiæ curasse. Quare omnino falsam existimo iuniorum plurimorum methodum, qua docetur, absolvendos hos esse, præsertim quando aliquo modo minuitur flagitiorum numerus. Hæc, ut ego quidem sentio, curandi ratio bestiam libidinis ferociorem reddit. Devotiunculæ, precatiunculæ, & alia remedia, quæ indicavi, minus apta sunt. Lenitas, & benignitas quorundam iuniorum, suadentium sacramentorum frequentiam, tamen frequenter relabantur peccatores isti, humana est, a pio utique animo proficiens, sed ad finem, ut experientia patet, minus opportuna. Scias, frequentissime peccatores istos per unam & alteram hebdomadam, immo per mensem abstinere a pollutionibus, ut absolutionem obtineant: ea obtenta cito relabuntur, nec continuo ad Confessarium redeunt, ut sanentur; sed in confidentiam futuræ confessionis pollutiones, & flagitia multiplicant. Vellet ipsi hæc duo una considerare, voluptates mollietiei, & frequentiam sacramentorum. Vellent libidinis dulcedinem putidissimam gustare & regulare, simulque sacramentorum frequentia aculeos conscientiæ obtundere. Utinam curari frequentia absolutionum possent. Si tanti tu es, ut hac medicina applicatione valeas hos infirmos sanare, tibi herbam porrigo, fasces submitto, atque doctrinæ tuæ utroque pollice subscribo. Verum communis experientia oppositum docet, & rationum momenta luculentissima id evincunt.

XXII. Ediffere ergo, quid agendum. Primum suspensio absolutionis: post universalis, fortis, magnanima, robusta, & integra vitæ, morumque mutatio. Resolutio atque deliberatio vehementissima, atque adeo fortissima, quæ vix sermone explicari valet, requiritur. Securis ad radicem applicanda est. Necessaria est corruptæ massæ immutatio. Conatus illos adhibere debent quos exercerent ad evitandum naufragium, & flammaram ardentium fornacem, ut supra dixi. Remedium efficax in hoc vertitur, ut persuasum istis sit, numquam se se emendaturos, nisi difficillimo, & violento labore, gemitu, planctu, cinere, & cilicio. Interroga pœnitentem. An non abstineres a pollutione integro anno, si hoc elapso evaderes ex paupere ditissimus dominus, & Princeps? Si certus fores vel thesauri, vel principatus acquirendi, dubio procul ieiunares a turpi vitio. Similiter, si persuasi isti firmiter essent, se in infernum lapsuros, nisi cito emendarentur, dubio procul abstinerent a vitio. Sed quia miseri decipiuntur, se posse confociare & relapsus, & sacramenta, cum videant reipsa communem hanc pra-

xim, ideo revera non emendantur. Oh quot emendantur, si viderent communiter Confessarios denegantes absolutionem consuetudinariis, & frequenter relabentibus! At quia oppositam obtinere praxim sciunt, ex ipsa frequentia sacramentorum animos ad peccandum sumunt. Cur priscis sæculis perrara erant adulteria, pollutiones, fornicationes? Quia videbant eiusmodi delinquentes modo quatuor, modo septem, modo decem annorum intervallo cinere asperfos, ciliciis, & disciplinis subactos, gemebundos, ululantes ante Ecclesiæ fores, ieiunius macidos, sacramentis interdictos. Tanto pœnarum apparatu perterrefacti execrabantur momentaneam voluptatem, quæ tanta in hac vita, & atrociora atque æterna in altera supplicia parit. Plus movere solent hos miseros homines levissimæ præsentis vitæ pœnæ, quas vident & sentiunt, quam infernales, quas non vident, & remotissimas putant. E contrario quia ab infantia nunc vident, peccatores consuetudinarios in quocumque vitiorum genere absolvi, sacramenta frequentare, quin a peccatis suis abstineant, ex facilitate absolutionum animos sumunt ad peccandum.

XXIII. Si vis itaque, o Confessari, lucrari istorum aliquos, esto misericorditer severus in deneganda absolutione: esto eloquens, zelo ardens in suadenda vicina damnatione, nisi emendentur. Sed hæc omnia præsta maiori quâ vales patientia, mansuetudine, atque lenitate. Doceas illos, regnum cælorum vim pati, & violentos illud assequi. Altius, quod dixi, illorum animis infige, nempe difficillimam esse morbi curam: & quod nisi ipsi totas vires exerant, nisi concipiant hoc esse summum, unicum, & gravissimum negotium aggrediendum omni possibili conatu; nisi renovare universos mores, novamque instituire vivendi methodum fortiter, & magnanimiter velint; numquam ab hac peste se se liberabunt. Contra si hæc omnia, quæ sane illorum vires non excedunt, agere velint, paratissus patet, misericordia divina veniam spondet, prospera omnia evenient. Si videas istos serio revera agere, sordes exuere, putorem evomere; tunc, evulsis pravis humoribus, validissimas sacramentorum medicinas applica: erga Sanctos, & præcipue B. Virginem puritatis matrem devotionibus munito, & ceteris indicatis remediis plus minusve obarmato. Sed repeto, absolutionem denega, usque dum emendentur. Revolve totam XII. sæculorum antiquitatem, & nullibi invenies, absolutionum facilitate eiusmodi peccatores curatos, sed ieiuniorum, ciliciorum, precum, meditationum severitate emendatos.

XXIV. Duo addo. Primum. Paucos ex iis lucraberis, quia pauci sunt electi. Alterum. Quælibet regula suas habet appendices. Communiter, & ut plurimum doctrinam datam veram puto. In praxi tamen temperanda est pro circumstantiarum diversitate. Numquam ex parte tua ad desperationem aliquem adiges. Quod ut evites, semper blando, sed robusto & efficaci sermone peccatorem al-

loquere : benignissime , nedum benigne , illum excipe , tracta , dimitte . Numquam esset loquendi finis , si ea omnia quæ huc pertinent , dicere vellem . Sed pauca quæ dixi , sat erunt . Et ut errandi periculum declines , si vides bina , vel trina absolutione te posse infirmum curare , esto in misericordia dives . Emendatio peccatoris securior omnibus regulis est norma vel impertiendi , vel denegandi absolutionem . Et de hoc satis .

XXV. Quæst. XIV. *Utrum suspendere Confessarius debeat absolutionem periuris , & blasphemis consuetudinariis ?* Resp. Opinionum paradoxa quæ plures iuniores invexere ad honestanda periuria , & blasphemias , fuscè descripsi *Tom. IV. in Decal. diff. VII. cap. VI.* ubi regulas tradidi , quomodo se Confessarius gerere debeat cum eiusmodi recidivis . Ne actum agam , vide dicta ibidem .

XXVI. Quæst. XV. *Quomodo se gerere debeat Confessarius cum debitoribus morosis , seu solutionem , & restitutionem procrastinantibus ?* Resp. Licet pluries dictum sit , hos non esse absolvendos , nisi prius , cum possint , solvant , & restituant ; tamen iterum monendum esse Confessarium duxi , ne excusationibus & prætextibus , quos allegare isti solent , fidem adhibeat . Dilatio solutionis & restitutionis occasio est , & quidem valida & fortiter alliciens . Quo maior erit dilatio , eo erit restitutio difficilior . Severitas in hoc negotio est summa clementia & erga pœnitentis animam , & erga creditores . Benignitæ plures facilitate absolvendi eiusmodi debitores procrastinantes , crudeles sunt tum in pœnitentes , tum in creditores , opifices , mercatores , & mercenarios . Obvia est doctrina S. Augustini *episc. CLII.* ad Macedonium . *Pessimum hominum genus commemoras , cui pœnitendi medicina omnino non prodest . Si enim res aliena , propter quam peccatum est , cum reddi possit , non redditur ; non agitur pœnitentia , sed fingitur . Si autem veraciter agitur , non remittitur peccatum , nisi restituatur ablatum ; sed ; ut dixi , cum restitui potest . Communiter qui possunt , non solvunt , quia potentes sunt . Inferiores coguntur ad solutionem , & pauperibus nemo suam fidei pecuniam , aut bona . S. Carolus Borromæus in Synodo I. Mediolanensi . Caveant Confessores ne ante debitam satisfactionem illos absolvant quibus cum facultas adit aliena restituendi , vel legata quæ ad pias causas facta sunt , persolvendi , illisque , ut id facerent , superiori confessione præceptum sit , præstare tamen neglexerunt , exceptis iis qui periculose ægrotant ; quos tamen monent , ut quæ debent quamprimum solvant . Plurima hic essent rescribenda Synodorum decreta , quæ vetant absolvi eiusmodi debitores . Sed hæc satis sint .*

XXVII. Quæst. XVI. *Quomodo se gerere debet Confessarius cum iis qui solum peccata venialia consentunt , si dubitas de eorum dolore , & proposito ?* Resp. Etiam de hoc supra locuti sumus . Quare paucis rem expediemus . Duo sunt hominum genera qui materiam necessariam communiter non afferunt . Plures rustici ,

& iusti homines. Primi sæpe ob ignorantiam crimina sua patefacere nesciunt; atque adeo dolorem verum non concipiunt. Isti caritate, & patienti benignitate instruendi a Confessario sunt. Difficile est quod prudens & experrectus Confessarius non inveniatur in istis materiam, de qua concipere dolorem facile nequeant. Omissiones amandi & colendi Deum, ingratitude ad tanta illius beneficia, abusus tot gratiarum, occulta superbia, iræ, imprecationes, & innumera alia sunt; quæ materia veri doloris, & propositi necessarii ad absolutionem esse queunt. Iusti, qui peccata venialia continentur, aliquod aut mortale præteritum, aut veniale peculiare, & inter hæc gravius, confiteri debent, ut securius dolorem concipiant. Si revera iusti sunt, non est communiter ambigendum, quin dolorem verum, propositumque necessarium habeant. P. Natalis ab Alexandro *Lib. II. art. 7. reg. 20.* contendit, iustos qui sola venialia continentur absque necessaria contritione, dummodo ad sacramentum accedant animo se se exercendi in actibus religionis, & obtinendæ sacramentalis absolutionis, non committere sacrilegium. Primum ego hypotheseos hanc vix admittere possum: qui enim revera iusti sunt, non accedunt ad sacramentum absque vero dolore. Verum, hypotheseos admissa, sententia P. Natalis mihi non probatur. Sacramentum enim poenitentiae exigit verum dolorem, tamquam materiam necessariam, sine qua sacramentum non fit. Ergo profanatur, dum absolutio, necessaria materia deficiente, impertitur. At, inquit P. Natalis, inter prodesse, & letaliter obesse, medium intercedit, nec prodesse, nec obesse, vel etiam parum prodesse. Hæc regula non videtur huic quæstioni quadrare. Nam aut fit sacramentum, aut secus. Si primum; prodest. Si secundum, obest, & quidem letaliter; cum sacramentum frustretur. Ceterum, ut dixi, in praxi vix talia contingunt, & aliunde nobis hæc occulta sunt. Omnes ergo curent, antequam accedant ad hoc sacramentum, implorare a Deo verum dolorem, & constans propositum. Numquid clementissimus Deus iustis ipsis enixe precantibus donum istud denegabit?

XXVIII. Quæst. XVII. *Quomodo se gerere debeat Confessarius in præscribenda confessione generali?* Resp. De iterandis confessionibus dictum supra est *diff. 111. cap. xii.* Brevissime nunc dico, Confessarium etiam in hoc, sicuti in aliis, cavere extrema debere. Sinceri poenitentes plus iusto repetere confessiones generales vellent. Poenitentes larvati numquam generalem confessionem facere curant: quia peccandi consuetudinem relinquere nollent. Regula certa & præcisa pro eiusmodi confessionibus generalibus designari nequit. Recidivi habitibus pravis, vel consuetudine peccandi irretiti, inducendi communiter sunt ad generalem confessionem totius vitæ. Quid, si in medio vitiosæ vitæ generaliter confessi fuerint, & postea relapsi eandem viam malam arripuerint? Facienda ne tunc ab initio vitæ pravæ generalis confessio? Id ex circumstantiis iudicabit prudens.

Con-

Confessarius . Non leve fundamentum suspicandi est nullam fuisse generalem confessionem, post quam non aliquando ex inopinata gravi tentatione, vel occasione, sed frequenter pœnitens relapsus est, & præter propter eandem pravam peccandi consuetudinem persecutus fuit . Spontanea confessio non est signum sinceræ conversionis, ut docent communiter Probabilistæ plurimi . Quare diligenter advertat Sacerdos ad vitæ tenorem, & ad omnes circumstantias, ut prudenter definire valeat, necessaria nec ne sit confessio generalis . Facta semel generali confessione, si pœnitens conversus sincere fuerit, non repetatur, præsertim si pœnitens dubiis, & scrupulis exagretur . Quia tunc generalis confessio non minuit, sed auget scrupulos.

C A P U T XI.

Diluuntur nonnulla Benignistarum sophismata, & aliqua axiomata pro evangelico pœnitentium regimine assignantur.

I. **F**Use disputatum est de impertienda, de suspendenda, de differenda absolute . Numquid satis ? Non sane, si gravitas negotii, si abusus spectentur absolvendi indignos . Iuniores plurimi exaggerant clementiam, benignitatem, misericordiam erga consuetudinarios : vociferantur contra Rigoristas, qui docent non esse istos absolvendos, nisi ex fructibus pœnitentiæ prudenter deprehendantur contriti . Clamant : Cave a Rigoristis, cave a Rigorismo . Buccinant, Rigorismum usquequaque grassari . Quam sint eiusmodi voces falsæ, testis est universus populus christianus, qui videt, & palpat, Laxissimum, non Rigorismum inundare, & dominari . Quæ ex eiusmodi partium studio consequantur absurda, & damna, solus Deus, qui omnia iudicaturus est, comprehendit.

§. I.

Diluuntur sophismata contra dilationem absolvendi frequenter recidivos, & consuetudinarios.

II. **O**pponunt 1. Sacerdotes probi, & docti perquam raro dimittunt peccatores recidivos frequenter relabentes, & consuetudinarios onustos flagitiis absque absolute . Numquid damnabis istorum praxim ? Ergo raro differenda absolute est . Resp. Hoc sophisma, a communi praxi & multitudine repetitum, fuit semper, inquit Augustinus, magna tentatio . Numquid omnes non faciunt ? Numquid perditurus est Deus tot turbas ? Et S. Bonaventura de usu clav. part. 1.

cap. iv. inquit : *Si autem cogitas, quia tota die contrarium fieri videmus, respondeo : Tanto peius . Et qui hos canones non servant, gravissime peccant .* S. Thomas de Villanova : *Quid Ecclesiam Dei hodie perdit, nisi Confessariorum blandiens adulatio, delinens, demulcensque assentatio ?* Similia ex Ven. Bellarmino supra referpsi . Miror P. Claudium La-Croix ausum fuisse horum Sanctorum testimonia deludere vanissimis commentis . Inquit enim Lib. VI. part. 11. num. 1741. & seqq. *Loquitur (S. Thomas) de illis qui ex respectu humano tacent, & querunt placere pœnitentibus non arguentes, quando, & quomodo deberent .* Dupio procul de istis loquitur . Neque enim in mentem alicuius venit, S. Thomam, & Bellarminum loqui de Confessariis doctis, probis, zelo Dei flagrantibus, qui omnia ad maiorem Dei gloriam operantur . At quis Confessariorum, quis Casuistarum docuit umquam, absolvendos omnes sponte, & serio confitentes, ut placeant omnibus, & ob humanos respectus ? Nemo unus docet, & credit ob tales fines sacramenta administranda esse ; sed omnes opinionum benignitate, & novo opinandi modo præventi, certo credunt, sic agendum esse ad maiorem Dei gloriam, & ad implendum paradysum . Et ideo clamant : *Hodie facilius peccata dimittuntur quam committantur .*

III. Opponunt 2. Si negetur, aut differatur absolutio, pœnitentes turbantur : Confessariorum autem est consolari, & tranquillitate donare mœstos . Resp. S. Paulus gaudebat se contristasse Corinthios ad pœnitentiam . *Quæ enim secundum Deum tristitia est, pœnitentiam in salutem stabilem operatur :* II. Cor. vii. Melius est ut turbentur, & disponantur gemitibus, & fletibus ad veram pœnitentiam, quam expectantur æternam conturbationem impœnitentibus imminentem, de quibus Sap. v. dicitur : *Turbabuntur timore horribili .* Contra hanc tranquillitatem clamat Lib. de lapsis S. Cyprianus : *Irrita, & falsa pax, periculosa dantibus, nihil accipientibus profutura .*

IV. Opponunt 3. Quando pœnitentes sponte accedunt ad confessionem, sincero desiderio ambiunt absolutionem, & Dei gratiam recipere . Ergo absolvendi sunt . Resp. Pœnitentes magna in parte putant se a criminibus absolutos esse, quoties confitentur ; quemadmodum rei in foro exteriori absolvuntur a iudice pro tribunali sedente . Quare verum est istos desiderare absolutionem a Confessario, sicut omnes scelesti cupiunt absolvi a iudice . Sed simul cum absolutione a præteritis criminibus volunt futura committere . Omnes peccatores etiam obstinati duo pugnancia cupiunt, peccare, & salvari . Vanissimum igitur est pœnitentix indicium, spontanea confessio, & desiderium absolutionis, nisi alia graviora argumenta appareant . De his S. Ambrosius Lib. II. de pœnit. cap. ix. inquit : *Hi non tam se solvere cupiunt, quam Sacerdotem ligare . Suam enim conscientiam non exuunt, Sacerdotis induunt .*

V. Opponunt 4. Scandala oriuntur ex dilatione, & denegatione absolutionis. Nam adstantes, dum vident pœnitentem aut non absolvi, aut non accedere ad communionem, arguunt esse indignum absolutione. Vitanda autem est infamia & scandalum. Resp. Infamia hæc imaginaria est, & chimærica. Mirum, quod hæc obrudere audeant. Scandalum patitur christianus populus, quod videat amasios, & amasias perseverantes in reciproco impudico amore, simulque frequentare sacramenta, & vi novi Benignissimi absolvi. Scandalum patitur Christianismus, quod videat corruptelas numquam reicindi post tot absolutiones. Verum de hoc alibi dictum est. Innocentius III. *Lib. IV. de myst. Missæ cap. XIII.* inquit: *Peccator debet potius eligere ut abstinendo reddatur suspectus, quam communicando manducet indignus.*

VI. Opponunt 5. Evenire potest ut pœnitentes dimissi absque absolutione interim moriantur, æternumque pereant. Resp. Qui sunt quos metus iste pulsar, quique istius versutæ formidinis prætextu extorquere a Confessario absolutionem vellet? Sûnt illi qui non per hebdomadas, & menses, sed per annos & iustra vitam prorsus ethnicam duxerunt, qui in medio flagitiorum, & impuritarum cœno læto animo volutati sunt, quin ullo Dei, mortisque pavore tangerentur. Quem latet, timorem hunc spectrum diaboli esse, quo miseris unam, quæ superest, ad Deum sincere sese convertendi, viam præcludat? Vaferrimus hostis timorem eripit, ut in scelera compellat miseros; post, timorem incutit, ne scelera dignis pœnitentiæ fructibus eluantur; quemadmodum sæpe ad pudenda perpetranda animos adiecit, & deinde pudorem opponit, ne commissa turpia manifestentur. Ceterum, ut excusationis istius, aliquin communis & frequentis, levitatem ostendam, peto: nonne diuturna experientia constat, præcocem illam absolutionem, quam tantopere flagitant, non aliud præstituram, nisi ut pauculis diebus flagitiorum cursum abrum pant, rursus resumpturi per menses, & annos? Quo vero saluberrima absolutionis dilatio pertinet? Ut inveterata vulnera tua congruis remediis ad sanitatem disponat, ut criminum radices altius animo tuo defixæ severioris pœnitentiæ machæra præcidantur. Mortem obire absque absolutione pertimescis, si quousque tu dignis christianæ pœnitentiæ operibus ad illam suscipiendam te præparaveris, protrahatur? Recogita miser, quam sit christiana professione indigna hallucinatio tua. Numquid temerario fortunæ casu accidit mors tua? Numquid Deus suprema sua voluntate, æternisque providentiæ suæ legibus vitam, mortemque tuam non moderatur, non regit? Porro si infinita illius benignitas tibi vitam servavit illo ipso tempore quo istius vitæ beneficio ad peccandum abutebaris; numquid vitæ usuram tibi subtrahet, cum ipsius gratiæ impulsu reliquum vitæ tempus flagitiis tuis descendis, expiandisque consecraveris? Quid? Clamat Paulus: divina patientia in mediis criminibus, & per impœnitentiam thesaurum iræ coacervan-

tem, ut ad poenitentiam te adduceret, pertulit; & cum evangelicæ poenitentiae viam ingressus fueris, te funestæ morti deferet? Tu vero, o Confessari, sic hunc poenitentem alloquere. Laudo, quod timeas ne non absolutus moriaris. Quid inde? Ideo ne ego improvida absolutionis facilitate sacrilegiorum tuorum particeps factus, eidem me damnationis periculo committam? Tu, ne absolutione destitutus moriari, times: & ego reformido ne, me absolvente in terris, a Deo in cælo condemneris: timeo ne fallacem tibi pacem ingeram, quæ altius te vitiorum somno demergat, & memetipsum criminibus irretiam, dum degeneri clementia ea palpo, & foveo, quæ non nisi ærumnis, & laboribus, ut Tridentinum monet, elui possunt. Audi Cyprianum sic *epist. 11.* fantem. *Quis enim non mortuus vivificari properet? Quis non ad salutem suam festinet? Sed præpositum est præceptum tenere, & vel properantes, vel ignorantes instruere, ne qui ovium pastores esse debent, lanii fiant: ea enim concedere quæ in perniciem vertant, decipere est: nec erigitur sic lapsus, sed per Dei offensam magis pellitur ad ruinam.* Tandem, ut istius fraudulentæ timoris fascinum penitus excutiam, nonne Sacerdos omnis poenitentem, cuius absolutionem distulit, morte repentina impendente oppressum, etiam si iterare confessionem nequeat, absolvere valet? Deinde concedamus, contingere perraro posse ut inopinata morte absolutionis expers corripiatur. Cedo: poenitens cui absolutionem differs, aut ficto, aut sincero animo poenitentiae operibus dat operam? Si primum, indignus absolutione est, iusteque repellendus. Si autem vero dolore criminum ac vehementi permotus, gemitibus, lacrymis, precibus, eleemosynis expiare scelera conatur, etiam si ante absolutionem, quam votis omnibus exoptat, morte repentina decedat, numquid diffidendum de eiusdem salute est? Ecclesia semper in Christi pace defunctos habuit qui in poenitentiae stadio diem obiere extremum, & pro iisdem sacrificia Deo obulit, ut Concilium Carthaginense IV. *can. lxxix.* declarat. *Pœnitentes qui attente leges poenitentiae exequuntur, si in casu, in itinere, vel in mari mortui fuerint, ubi eis subveniri non possit, memoria eorum in orationibus, & oblationibus commendetur.* Plurimos aliorum Conciliorum canones prætereo. Postremum sanctissimi tot sæculorum Patres; qui puriori sapientiæ divinæ lumine persusi fuere, vanissimum istius repentinæ mortis metus terribilementum contemnentes, absolutionis beneficium recidivis inveteratisque peccatoribus, non per aliquot aut hebdomadas, aut menses, sed per annos procrastinabant. Hæc Confessarii, missis plurium recentiorum Casuistarum ineptis opinionationibus, serio recogitent, & altius animo illud Augustini effatum sibi defigant: *Si cito rediret homo ad pristinam beatitudinem, ludus illi esset peccando cadere in mortem.*

VII. Opponunt 6. Tribunal poenitentiae sedes est misericordiae. *Quacumque hora ingemueris peccator, salvus eris.* Et Christus Dominus non septies, sed septuagies septies.

sepius remittenda esse peccata ait. Ergo absolvendi omnes sunt. Resp. In universa Scriptura non reperitur textus primus, sed solum Ezech. xxxiii. dicitur: Impietas impii non nocebit ei, in quacunque die conversus fuerit ab impietate sua. Videndum igitur, num peccatores revera conversi sint ab iniquitate. Quando frequenter diuturno tempore in mortalia scelera relabuntur, se non esse conversos indicant. Ideo probandi sunt, ut prudenter absolvi valeant. Ad aliud testimonium, quod de condonandis iniuriis nobis illatis opponitur, dicimus utique septuagies sepius, idest absque numero absolvendos pœnitentes esse, dummodo sint dispositi. Si reputari dispositi deberent eo ipso quod sponte accedunt ad confessionem, & cupiunt absolutionem, absolvi deberent omnes consuetudinarii, versantes in occasione proxima, concubinarij, omnesque vel obstinatissimi; quod neque Benignitæ admittunt. Tribunal pœnitentiæ sedes misericordiæ est pro omnibus illis qui illam volunt. At nisi ipsi sincere deponant peccandi voluntatem, fructus huiusce misericordiæ suscipere nequeunt.

VIII. Opponunt 7. Experientia compertum est, pœnitentium qui absque absolutione dimittuntur, paucos redire. Si absoluti fuissent, fortassis veniam obtinuissent. Ergo minus malum est absolvere quam differre. Resp. Digna tanto argumento consequentia. Experientia compertum est, eiusmodi pœnitentes dimissos absque absolutione, sed sanctis adhortationibus (uti fieri semper debet) excitatos ad veram pœnitentiam non reverti? Ergo manifesta experientia constat istos omnes esse fictos pœnitentes, & irrisores, ut inquit Augustinus, veræ pœnitentiæ. Si enim sincero pœnitendi desiderio flagrarent, ad Confessarium redirent. Sed non revertuntur, aut quia ficti pœnitentes sunt, aut quia continuo inveniunt Benignitæ, qui illos absolvunt: & hæc est communior non reditus causa: & hoc est illud horrendum quod in domo Dei se vidisse, post Ieremiam, lugeat S. Thomas Villanovanus.

IX. Opponunt 8. Si ad absolutionem, veramque pœnitentiam requireretur notabilis emendatio, & rarus relapsus, pauci forent absolutione digni, & maiori ex parte essent repellendi. Heinc Christiani destituti essent efficacissimo sacramentorum remedio, & desperationi traditi laxarent impotentius peccatis habenas. Heinc est quod docti & prudentes Confessarii communiter omnes absolvunt, paucissimis exceptis, ne sacramentorum frequentia in desuetudinem abeat. Resp. Ut ab ultimis incipiam, Confessarii qui communiter absolvunt, recidivos frequenter relabentes, & consuetudinarios, in causa sunt cur isti non emendantur, ut Patres, & Concilia testantur. Si enim omnes Confessarii secundum Ecclesiæ leges, ut tenentur, agerent, homines vitiosi pœnitentiæ innagem formarent diversam omnino ab ea quam hodie effinxerunt. Quia Christiani ab infantia videre peccatores afluiscunt sacramenta frequentare, & totam vitam ducere in perpetuo confes-

num,

num, & relapsuum circulo, sibi persuadent, poenitentiam christianam sitam esse in hac sacramentorum, & relapsuum frequenti & fere continuata vicissitudine. Peccata horrorem amittere, & vera poenitentiae christianae imago apud ipsos perit. Quod si contra ab infantia videre incepissent exclusos a sacramentis qui mores non reformat, qui publica periuriorum, blasphemiarum, ludorum, comœdiarum, fornicationum scandala non remouent, & a frequentia peccandi non abstinere; aut a peccatis abstinerent, aut a sacramentis. Et cum professio christiana consistere absque sacramentis nequeat; ideo a peccatis abstinerent, ut frequentare sacramenta possent. Porro quod plurimi Confessarii, degeneri benignitate decepti, absoluant contra & leges, & spiritum Ecclesiae eiusmodi frequenter relabentes; ideo ne alii Confessarii sœuere tantam corruptelam possunt? In mentem sœpe revocanda & Conciliorum, & PP. axiomata. Concilium Lateranense: *Sane inter cetera unum est quod sanctam maxime perturbat Ecclesiam, falsa videlicet poenitentia.* Concilium Rothomagensis: *Nimia facilitate, & frequentia indulgendi omnia graviora crimina, ecclesiastica disciplina enervatur* &c. Quid, si quæ Clerus Romanus ad Cyprianum scripsit, & Cypriani testimonia huc transcriberem? Sed ea dedi supra.

X. Opponunt 9. Doctrina hæc de dilatione absolutionis Iansenistis triumphandæ materiam porrigit, & Rigorismum promovendi; nam & ipsi a sæculo & amplius hanc promoverunt doctrinam contra benignos Casuistas. Resp. Lutherus occasionem dedit corrigendi plures quorundam Ecclesiasticorum abusus, & scandala, reformati disciplinam in non paucis punctis collapsam. Ergo propugnanda, & observanda non est disciplinæ reformatio, ne Lutheranis triumphî occasio detur? Quis crederet talia obtrudi paradoxa potuisse? Deferenda ne veritas est, propterea quod & hæretici ipsi talem defendunt veritatem? Paradoxon est adeo portentosum, ut indicari, non confutari mereatur. Et tamen (quis crederet?) Casuistæ nonnulli, ut in *Appar.* ex Episcopis Hispanis animadverto, laxas opiniones fuco benignitatis illitas defendunt, ut longius recedant a Iansenistis. Hæc autem persuasio est, supra quam dici potest, perniciofa. Communiter cuiusque fere ætatis, ut alias ex S. Augustino adverti, hæretici ansam oblatriandi adversus Ecclesiam catholicam ex relaxata morum disciplina arripuerunt. Secura via obstruendi ora & Iansenistis, & Lutheranis est morum sanctitas, est doctrinæ, non fidei modo, sed etiam morum, integritas & veritas. Quid iuvaret liberare a gehenna fideles ob peccata contra fidem, si in orcum ruerent ob scelera contra mores? Quid clamitant *Rigorismum in dies crescere*? Sileo nunc Auctorum nomina. Ubinam Rigorismus iste vel in Italia, vel in Hispania, vel in Germania? Si praxis spectetur, an non grassatur, an non inundat Laxismus? Si libri legantur; in quo Catholicorum libro Rigorismus damnatus, aut damnandus reperitur ex iis

qui Catholicorum manibus teruntur? Prodatur in medium immanis iste Rigorismus; &, quod ad me attinet, acius & fortius, pro modulo meo, quam Laxismus, profligabo? Quid ergo imperitis lectoribus imponitur, in dies crescere Rigorismus: quia communiter omnes docti, & a partium studio liberi detestantur Probabilismus, & quæ inde necessario consequuntur absurda? Verum de hoc alibi fufius.

XI. Opponunt 10. Ecclesia scit praxim satis universalem, & valde communem absolvendi fere omnes accedentes ad confessionale; & tamen non reclamât. Quid quod ipsa Ecclesia annuam in Paschate confessionem præcipit? Resp. Hæc sunt robusta argumenta, quibus propugnatur illa quæ appellatur benignitas. Nolo meis, sed P. Elizalde celeberrimi Iesuitæ *Lib. VI. quæst. xx. §. 2.* verbis hoc refellere paradoxon. „ Respondeo (inquit) per instantiam . „ Nam Deus etiam imponit præcepta, quæ præscit esse frangenda; & tamen „ nullitatem sciendo, nemo sacramentum administrare potest. Ecclesia itaque „ non nulliter confiteri, sed confiteri iubet, & Deus bene confiteri. Quod „ si nulla, vel sacrilega fiat confessio; *pœnitenti, vel Confessori, vel utrique* „ *hoc tribuitur, non Ecclesie, neque Deo.* “ Fateor, me non parum mirari ausum non paucorum iuniorum qui sic sentiant, *Hæc est praxis totius Ecclesie*, dum de absolvendis recidivis frequenter relabentibus sermonem habent. Quid? Disciplinam quam plures laxioris Ethices Casuistæ propugnant, vocare illos haud pudet praxim totius Ecclesie? Non advertunt occasionem, quam Lutheranis, Calvinianis, & Iansenianis detrahendi sanctæ, & immaculatæ Ecclesie catholicæ disciplinæ præbent, dum Caramuelis, Dianæ, Escobarîi, Tamburini, Zanardi, Sporerii, La-Croisii, Viva, Pasqualigi, aliorumque similium opinioniones Romanæ Ecclesie disciplinam appellare audent? Ecclesia continenter in suis Conciliis clamat, inclamatque contra & falsam laicorum pœnitentiam, & præcocem Confessariorum absolvendi facilitatem: & isti præproperum absolvendi morem disciplinam Ecclesie appellant?

§. II.

Nonnulla axiomata ex probatissimis Auctoribus decerpta.

I.

Viam arctam aperte Scriptura docet. Viam arctam semper oppugnarunt homines mundani. En duas doctrinas, & duas traditiones diversas. Verum quæ divina est, nos iustos efficiet, non quæ humana. Facile igitur eligere, quæ ducit ad vitam, potes.

I L.

Tanta est sæculi perversitas, ut fatuus haberetur Christianus qui nonnisi Evangelii idiomate loqueretur, qui persecutiones diceret beatitudinem, paupertatem bonorum maximum, contemptum, rem summe utilem, & in rebus adversis cum amicis suis gauderet.

I I I.

Magnum discrimen statuendum est inter illud quod Ecclesia sola benignitate tolerat, quod fert cum dolore, & quod non invita permittit.

I V.

Severitas nimia pro lege, benignitas nimia pro libertate: extrema duo opposita, ambo cavenda. Iusta vel severitate, vel benignitate utatur Confessarius, prout expediens saluti pœnitentis iudicaverit. Rigor sæpe est remedium necessarium, sine quo peccatores carnales vix salutem assequuntur. Putida vulnera absque igne & ferro communiter non sanantur. Ut inter hæc extrema rectam viam teneas, divinum lumen est implorandum. Omnes clamant, declinanda esse extrema, & pauci sunt qui declinent.

V.

Cavendum pro hodiernæ Ecclesiæ usu habere relaxationem investam ab opinandi modo, quem in christianam Theologiam irrepsisse deplorat Alexander VII. Mitigata quidem fuit Ecclesiæ disciplina, sed non destructa. Spiritus pœnitentiæ idem semper fuit, est, eritque.

V I.

Viam quantumvis rectam, iustamque teneas, difficile evitabis censuram, dum veras pœnitentiæ regulas prædicabis, dum adhærebis soli doctrinæ Ecclesiæ, in Conciliis, & SS. Patribus expressæ, dum intrepide, & modeste abusus illi oppositos, & directores qui ab ea desectunt, damnabis. Pro auditorum genio, vel nimium latus eris, vel nimium rigidus. Præiudicia frequenter sola consuluntur, & in iudicando persona attenditur. At si nuda placeret veritas, etiam ex inimici ore susciperetur: nec zelus prudens & moderatus pro pœnitentia, ut sæpe fit, haberetur pro Rigorismo.

V I I.

Præceptum Christi est veritatis sive fidei, sive morum, coram hominibus manifestandæ, omni humano respectu proculcato. Si magnum scelus est in conspectu infidelis tyranni furentis, & ad bestias, ad patibula, ad dirissima tormenta damnantis, fidei doctrinam negare; quanto horrendius crimen est coram ipsis catholicis fratribus erubescere evangelicam morum doctrinam, & ob auram popularem, ob politicas rationes silere, obmutescere, canes mutos agere?

VIII.

Magna tentatio est consuetudinis prævalentis, & multitudinis auctoritas. Conferre iura peccatis, & cœpit licitum esse quod publicum est. Multitudine laxæ morum regulæ defenduntur. *Væ tibi* (exclamat Augustinus Lib. I. Confess. cap. xyi.) *flumen moris humani ! Quis resistet tibi ? Quamdiu non seccaberis ? Quousque volves Evæ filios in mare magnum & formidolosum, quod vix transeunt qui lignum conscenderint ? . . . Quis autem penulatorum Magistrorum audiat aure sobria ex eodem pulvere hominem clamantem & dicentem : Fingeat hæc Homerus, & humana ad deos transferebat ? Divina mallet ad nos. Sed verius dicitur, quod fingeat hæc quidem ille, sed hominibus flagitiosis divina retribuendo, ne flagitia putarentur, & ut quisquis ea fecisset, non homines perditos, sed caelestes deos videretur imitatus. Et tamen, o flumen tartareum, iactantur in te filii hominum cum mercedibus, ut hæc discant : & magna res agitur, cum hoc agitur publice, in foro, in conspectu legum.*

IX.

Abiiciendum, quantum fieri potest, omnique conatu, factionis nomen, & parvum studium. Plures pereunt, quod, inconsulta veritatis causa, ex genio unam præ altera partem defendendam præferendamque suscipiant. Viti adhærendum est, inquit Paulus. *Ego autem Christi*. Sub hoc duce militiaſt agimus omnes. Istius Magistri discipuli omnes sumus. Qua, & quo ivit Dominus, ire debent & servi. Christiani a Christianis non distinguuntur novis nominibus.

X.

Quatuor novercæ veræ prudentiæ (inquit Cicero Christianorum, Ludovicus Granatenſis Lib. II. *duc. pecc. part. 11.*) evitentur, quæ sunt præcipitatio, affectus, pertinacia, vana ineptia. Præcipitatio namque non deliberat : affectus excæcat : pertinacia bonis consiliis portam occludit : vana ineptia quamcumque deliberationem ingreditur, eam sine fructu dissolvit. Extrema fugiamus. Virtus enim, & veritas medium tenent. Numquam igitur omnia simul sunt reprehendenda, numquam omnia simul probanda, numquam omnia negare, numquam omnia credere, numquam omnia non credere debemus. Numquam ob delictum paucorum damnandi multi, numquam ob sanctitatem aliquorum omnes iustificandi sunt.

XI.

Casistæ qui Scripturarum, & Patrum vestigiis insistant, legendi sunt. Propterea quod opiniones laxas docent, non idcirco despiciendæ sunt illorum veræ opiniones. Sæpe utiliter legi possunt, si separetur pretiosum a vili. Semper etiam, ubi errant, excusanda, & in bonum finem interpretanda est illorum mens. Idcirco præsumendum est illos ipsos improbare proprias laxas opiniones velle, quæ

quæ prudenter, & gravi fundamento iudicantur Christianorum moribus perniciosæ. Manifesta hallucinatio est, existimare lædi eorum famam, dum ipsorum opiniones a vero deficientes corriguntur. Extremam cladem vel nolentes Ecclesiæ inferunt qui pro eorundem opinionibus revera laxi pugnare. Nihil iniquius quam errorem quorundam privatorum adscribere communitati, quæ eorum sententias damnat. Nihil dementius quam damnare Casuistas omnes, propterea quod nonnulli errarunt.

X I I.

Sicuti cuicumque privato vetitum est ferre censuras in libros, aut opiniones in quas Ecclesia suum non pronuntiavit iudicium; ita singulis licet quaslibet opiniones, vel libros qui a veritate sive fidei, sive morum declinare iudicantur, re-fellere, & Ecclesiæ iudicio deferre, ac subiicere.

X I I I.

Dum Evangelium aperte loquitur, nihil opus est Casuistis. Sæpe consuluntur Casuistæ, ut aliqui reperiantur qui aperta Evangelii testimonia contraria carni & sanguini, aliquo interpretamento delibuta inflectant, & accommodent propriis cupiditatibus; quemadmodum litigantes sæpe consulunt advocatos plures, ut aliquem tandem inveniant qui sibi saveat. Audi Augustinum (serm. xlii. de verb. Dom.) *Multi a nobis consilia mala petunt, consilia mentiendi, circumveniendi, putantes, quod placeant talia nobis. Sed in nomine Christi, si Domino placet quod dicimus, nullus talis nos tentavit, & invenit quod volebat in nobis. Quæ periuria, mendaciæ, & fraudes vanis restrictionum mentalium commentis hodie a quibusdam non honestantur?*

X I V.

Omnes in hac regula conveniunt. Confessarius tum solum absolutionem impertiat, quando prudenter iudicat pœnitentes esse rite dispositos. Nihil verius. At plures Casuistæ docent, tunc Confessarium prudenter iudicare rite dispositos pœnitentes, quoties isti sponte accedant ad confessionem, & ore serio testentur se dolere, & propositum habere non peccandi; quamvis nulla præcesserit emendatio, & frequentes relapsus ostendant fictum illorum dolorem, & mendax propositum. Praxis non differendi istis absolutionem contraria est doctrinæ Ecclesiæ; idcirco improbanda.

X V.

Confessarius non est dominus, sed dispensator sacramenti. Debet ergo illud administrare secundum regulas Ecclesiæ, descriptas in decretis Synodorum, & Episcoporum, in Patribus, in Scripturis. Plures Casuistæ legi possunt; at semper præ oculis habendæ sunt regulæ ecclesiasticæ, contra quas nihil valent Casuistæ. Si peccatores insurgant adversus Confessarium officio suo fidelem, eum-

que

que traducant tamquam Rigoristam, Iansenistam, phanaticum; nec miretur, nec absterreatur. Audi Cyprianum *Lib. de lapsis* sic fantem. *O tuam nimiam furiose dementiam! Irascaris ei qui abs te avertere iram Dei nititur: ei minaris qui pro te Domini misericordiam deprecatur; qui vulnus tuum sentit, quod ipse non sentis; qui pro te lacrymas fundit, quas ipse forsitan non fundis. Oneras adhuc crimen, & cumulas.*

X V L.

Tribunal pœnitentiæ thronus est misericordiæ. Neminem illorum quibus impertire absolutionem Confessarius nequit, aspere & superciliose dimittat; sed omni patientia, & benignitate, blando sermone, & rationum momentis persuasum efficere studeat, & conetur, se absolutionem suspendere, & disserre, quia sic confessarius postulat vera illius infirmitatis cura. Si oppositum ageret, & propriam, & illius animam proderet, sacrilegiumque perpetraret. Nullum non moveat lapidem, quo persuadeat hanc esse servandam methodum. Omnes Confessarii rudes, aut negligentes, & qui non ministrant sacramentum pœnitentiæ, nisi ex mera consuetudine, ipsi indigni sunt absolutione. Confessarius qui audit confessionem talium Confessariorum, debet eos examinare, & propriæ, & illorum animæ consulere.

X V I I.

Error est opinionem laxam & commodam existimare pœnitenti quamaxime faventem. Ea sola maxime favet quæ ipsum securius, & citius a peccato revocat. Christiano nihil favet quod ipsum a Deo suo abducit. Neque opinio æquo rigidior habenda est tuta. Ea sola tuta quæ vera; & eo tutior, quo verior.

X V I I I.

Non facile credimus homini in eadem re in qua datam fidem sefellit. Si bis verba dedit, non credimus tertio absque cautione sufficienti; aut saltem nisi cogat gravis, & singularis causa. In rebus ad Deum spectantibus non minor adhibeatur prudentia quam quæ adhibetur a filiis sæculi in rebus mundanis. Si non minus amaretur sanguis Christi quam propria utilitas, aut pecunia; profecto non exponeretur profanationi facilitate tam temeraria. Futilis excusatio: si absolutionem non dederò, alius dabit. Dum certo iniusta est, nonne præstat ut alius quam tu sacrilegium committat? Hic peccator tibi sæpius confessus fuit immane facinus: nunc melius dispositum censes? Videtur ne magis compunctus? Brevis dilatio ostendet.

X I X.

Medici opportunam medicinæ applicationem dignoscunt ex sanitatis effectu. Medicina pœnitentiæ suapte natura efficacissima est. Si pluries applicata non faciat, signum moraliter certum est, ægroti indispositionem impedire effectum.

Quem.

Quemadmodum Ecclesia sæpe absolvit quos non absolvit Deus, quia eam decipiunt; ita contra interdum vera contritio nonnullis coram Deo absolvit quos Ecclesia pro aliquo tempore ligatos tenet: quia prius decepta prudenter suspectas habet illorum pollicitationes, & nequit occulta cordis penetrare, ut cognoscat interiorum conversionem.

X X.

Iustificatio christiana suapte natura stabilis, constans, & firma est. Qui revera conversi sunt, *per se*, ut sic loquar, & communiter non relabuntur in aliquod peccatum mortale, sed tantum *per accidens*, idest ob aliquam inopinatam tentationem, occasionemve non quæsitam. Contra ficti poenitentes *per se*, nempe communiter, in peccata, sive eiusdem, sive diversi generis, mortalia relabuntur. *Per accidens* abstinere, vel ut absolutionem eripiant Confessario, vel quia occasiones non sunt adeo frequentes. Augent, aut minuunt scelorum numerum pro circumstantiarum ætatis, & status diversitate. At præter propter semper eadem oberrant corda.

X X I.

Prudentia humana non credit, hominem momento ab uno ad aliud extremum transire: multo minus id credit prudentia christiana, in Scripturis, & Conciliis versata. Quo magis inveteratus est morbus, eo est adhienda cura diligentior, & severior.

X X I I.

Finem imponat his regulis Ven. Cardinalis Bellarminus *opusculi* ad Episc. Thean. Nepotem suum. *Si quis velit in tuto salutem suam collocare, is omnino debet certam veritatem inquirere, & non respicere quid multi hoc tempore dicant, aut faciant. Et si rei certitudo non possit ad liquidum apparere, debet omnino tutiorem partem sequi, & nulla ratione, nullius imperio, nulla utilitate temporali proposita, ad minus tutam declinare. Agitur enim de summa rei, cum de salute æterna tractatur; & facillimum est conscientiam erroneam aliorum exemplo induere.*

C A P U T XII.

De sigillo confessionis.

I. **S**igillum confessionis est gravissima obligatio non manifestandi sive directe, sive indirecte ea quæ sunt in confessione audita.

II. Quæst. I. *Quo iure confessionis secretum custodiendum est?* Resp. Triplici, naturali, divino, & ecclesiastico, ut communiter docent omnes. Sacerdos qui hoc secretum revelaret, peccaret contra legem naturalem, quæ iubet sub secre-

to

to commissa custodiri. Peccaret contra legem divinam præcipientem confessionem. Si enim Sacerdoti liceret pandere quod sacramentaliter audit, usus confessionis cessaret. Peccaret denique contra legem Ecclesiæ, quæ in Concilio Lateranensi IV. can. *Omnis utriusque sexus*, hæc decernit. *Caveat omnino Sacerdos ne verbo, aut signo, aut alio quovis modo aliquatenus prodatur peccatorem . . . Qui peccatum in pœnitentiali iudicio sibi detectum præsumpserit revelare, non solum a sacerdotali officio deponendum decernimus, verum etiam ad agendam perpetuam pœnitentiam in arctum Monasterium detrudendum.* Quæ pœna non incurritur ipso facto, nec ipso iure imponitur, sed postquam reus convictus est, ut docet Navarrus, & alii, quos citat Leander *quest. xc.* Gravissimum ergo scelus perpetraret contra dicta tria iura qui sigillum sacramentale læderet.

III. Quæst. II. *Ex qua confessione oritur sigilli huiusce obligatio?* Resp. Ex sola, & omni confessione sacramentali, qua pœnitens bona fide sua peccata Sacerdoti manifestat ad obtinendam absolutionem; tametsi ob defectum vel dispositionis in pœnitente, vel iurisdictionis in Sacerdote absolutio non concedatur. Si quis confiteretur alicui se fingenti Sacerdotem, is obstringeretur custodire sigillum.

IV. Si quis vero fingeret confessionem, & sub confessionis larva aut sollicitaret ad turpia, aut iniuriis afficeret Sacerdotem, vel aliquod crimen Sacerdotis ministerio pertentaret; nullum heinc oriretur sigillum. Similiter quando aliquid communicatur sub sigillo confessionis, etiamsi flexis genibus præmittatur *Confiteor*, non inde oritur sigillum sacramentale, sed tantum naturale; quod magis, & minus obstringit iuxta diversitatem materiæ. Si quis confiteretur laico, is teneretur ad sigillum naturale, secus ad sacramentale: quoniam hic error, utpote iuris, nequit subicere laicum tali obligationi. Contra, si quis confiteretur laico fingenti se Sacerdotem; tum is esset, ut dictum est, obnoxius sigillo sacramentali: quia error est meri facti, & pœnitens invincibili ignorantia existimavit esse Sacerdotem.

V. Quæst. III. *Quando quis confitetur absque proposito recipiendi absolutionem, oritur ne sigilli obligatio?* Resp. Adfirmant communiter Auctores; quia ea esset confessio inchoata; dummodo non sit facta per iocum, neque ob malum finem, sed serio. Quare si quis ex malitia, vel vérecundia occultaret aliquod peccatum, sciens sacrilegium se committere; Confessarius obstrictus esset secreto sacramentali. Confessio peccatorum serio facta suapte natura ordinata est ad absolutionem; quamvis postea per accidens, vel ob indispositionem pœnitentis, vel ob alias causas absolutio non impertiatur.

VI. Quæst. IV. *Quam gravis sit sigilli custodia, & an liceat aliquo in casu illud revelare?* Resp. Dictum est supra, sigillum istud triplici iure præscribi. Qui

illud frangeret, tria peccata committeret. Primum contra iustitiam, alterum contra fidelitatem, tertium contra reverentiam debitam sacramento. Et hoc tertium semper est mortale sacrilegium; quamvis malitia opposita iustitiæ, aut fidelitati possit esse levis, si leve sit incommodum pœnitentis. Istius sigilli obligatio adeo gravis est, ut in nullo prorsus casu sive privato, sive publico liceat illud aperire; etiamsi periclitaretur universus orbis, & subeunda esset mors.

VII. Quæst. V. *Quenam sit huius sigilli materia?* Resp. Omnia peccata in confessione manifestata sive mortalia, sive venialia. Disputant iuniores, num Confessarius possit dicere, se audisse aliquod veniale in genere: & quia qui sacramentum suscipit, saltem aliquod veniale confiteatur oportet; idcirco communiter adfirmant. Sed eiusmodi disputationes superflue sunt. Illud est certum, nullum veniale in specie manifestatum in confessione revelari posse. Neque ipsam pœnitentiam gravem impositam revelare licet. Gravem autem pœnitentiam appellat Diana coronulam B. V. secus unum *Miserere*. Summa ergo vigilantia omnia quæ ad confessionem pertinent, sunt alto custodienda silentio. Qui de ea loquuntur, vix tam cauti esse possunt, quin in aliquo delinquant. Si Confessarius diceret, Petrum esse confessum venialia, si ex tali loquendi modo suspicio oriretur, alios pœnitentes confessos esse mortalia, frangeret sigillum, inquit Auctores. Sed hæc vix contingere possunt.

VIII. Quæst. VI. *Potest ne Confessarius loqui de auditis in confessione ex licentia pœnitentis?* Resp. Certum est, pœnitentem posse impertiri facultatem Confessario revelandi ea quæ in confessione dixit; cum sigillum sit in favorem pœnitentis, qui cedere iuri suo valet. Quare sicut potest pœnitens seipso manifestare sua crimina; ita facultatem impertiri Confessario potest. Aliquando pœnitens tenetur hanc facultatem concedere, ut ad avergendum malum imminens Reipublicæ, aut alteri. Et si recusat, deneganda est ei absolutio; dummodo tamen reipsa certo teneatur ad manifestandum vel per se, vel per alium tale malum. Ut vero Confessarius loqui possit ex licentia pœnitentis de auditis in confessione, requiritur, ut licentia sit expressa, voluntaria, libera; nec sufficit ullo modo interpretativa, vel præsumpta. Nec sat est ut teneatur concedere, nisi illam reipsa concedat, & quidem spontaneæ, ac libere. Immo si Confessarius deprehendat, pœnitentem, aliquo humano respectu ductum, talem licentiam concedere, acceptare eam non debet: omnia quippe summo studio evitari debent quæ odiosam reddere confessionem possunt.

IX. Quæst. VII. *Peccata publica cadunt ne sub confessionis sigillo?* Resp. Quæcumque peccata sive publica, sive privata, in confessione manifestata eodem secreto custodiantur oportet. Quare si Confessarius audivit confessionem hominis damnati ad mortem propter furta, homicidia &c. nequit revelare talia crimina,

na, cum dolore ab eodem in confessione manifestata. Si tamen Confessarius aliunde novit hæc crimina, potest de eisdem loqui, quemadmodum ceteri illi solum vetitum est uti notitia habita in confessione. Hinc Parochus potest, & debet suum parochianum, quem novit publicum usurarium, vel concubinarium, revocare a communione; quamquam ad hoc cavendum eidem Parocho confiteatur. Quia tunc utitur notitia publica: & aliunde nullum foret scandalum, cum crimen publicum sit.

X. Ut paucis plura perstringam, omnia peccata sive gravia, sive levia, omnes tentationes, desideria, cogitationes, cupiditates, circumstantiæ, sive mutantes, sive non mutantes speciem, omnia denique quæ poenitens exponit ad plenioris suæ conscientię specificationem, sub secreto sacramenti cadunt. Quare si poenitens morosus, & scrupulosus sit in suo conscientię statu exponendo, non potest Sacerdos hoc revelare: quia odiosa heinc redderetur confessio. Distinguendum tamen est. Nam si re ipsa publice constaret, talem esse scrupulis exagiatum, aut spurium, blasphemum &c. tum defectus isti publici non caderent sub sigillo. Confessarium tamen numquam silentii, sæpe sermonis poenitebit. Spectandæ etiam circumstantiæ sunt. Peccata complicitis sub sigillo cadunt. Similiter obiectum proprii peccati, v. g. si frater confiteatur, se venenum propinasse sorori gravidæ ex iniquo concubitu; quamvis soror non sit complex peccati fratris, non potest tamen revelari peccatum sororis, quæ est obiectum peccati fratris, qui venenum dedit. Cadunt quoque sub sigillo peccata de quibus dubitatur, audita nec ne sint in confessione: quia semper in dubiis præsumendum est pro sigillo.

XI. Quæst. VIII. *Quid respondere debet Sacerdos rogatus, an confessus fuerit meretricem, concubinam &c.* Resp. Reponere debet, se audisse illius confessionem, suoque officio functum esse. Si responderet, se illam non absolvisse, sigillum frangeret. Quare linguam cohibeat, & dato generali responso deludat interrogantem. Si meretrix confessa, sed non absoluta, peteret a Confessario schedulam, seu testimonium factæ confessionis, quid agere Sacerdos debet? Negandam esse schedam, seu testimonium, docent Lugo, Bonacina, Viva, & alii. Adfirmant Fagundez, Diana cum aliis, concedendam. Hæc secunda opinio mihi probatur. Adfirmant Lugo, & Viva, Confessarium respondentem se non absolvisse meretricem, cuius audivit confessionem, violare sigillum. Atqui, dum schedam factæ confessionis negat petenti, facto declarat, se illam non absolvisse. Confessio enim facta est, ut supponitur. Ergo ideo negat testimonium, quia absolutio data non fuit. Hæc autem est aperta sigilli violatio. Cedo: cur denegari debet eiusmodi testimonium? Quia meretrix non fuit absoluta? Si hæc ratio consisteret, nullum esset sigillum, nisi quando absolutio impertitur: quod est manifestus error. Neque Confessarius dando schedam cooperatur occultationi peccati: quia scheda confessionis

non est testimonium absolutionis. Hanc opinionem reputo veram, & oppositam Lugo, Viva, Leandri &c.^o falsam.

XII. Quæst. IX. *Frangit ne sigillum qui de auditis in confessione loquitur, nullam personam notando?* Resp. Quando ex circumstantiis nulla suspicio oriri possit aliquius personæ, nulla est secreti fractio. Semper tamen cautus sit oportet Confessarius in silentio servando de auditis in confessione.

XIII. Quæst. X. *Confessarius qui diceret, in tali oppido, communitate, collegio; conventu, Religione perpetrari gravia crimina, violaret ne sigillum?* Resp. Proculdubio sigillum violaret Confessarius qui de hoc aut illo oppido, de hac aut illa civitate enormia crimina revelaret iis qui malam de tali civitate concipere opinionem possent. Quod potissimum locum habet de parvo oppido, civitate &c. Si civitas ampla & populosa esset, & iam constaret talia & talia crimina in ea perpetrari, non crederem sigillum violari: quia nulla suspicio, aut scandalum timeri posset. Quod dico, non ut sint minus cauti etiam in hoc Confessarii; sed ne plus iusto arctetur secretum. Qui de hoc aut illo conventu, vel collegio crimen auditum in confessione revelaret, secretum frangeret: quia infamaret talem cœtum, collegium, communitatem. Quid; si Confessarius diceret, se audiisse peccatum perpetratum a Religioso huius aut illius Ordinis? Cum in qualibet professione aliqui fidei & mali sint, non videtur in tali casu contingere secreti violationem. Nec communiter scandalum oritur; nec Ordo aliquo modo infamatur ex hoc quod sciatur, ex tanta Religiosorum multitudine aliquem esse criminofum. Hoc absolute verum iudico: ceterum spectandæ sunt circumstantiæ. Nam si Religio aliqua singulari existimationis fama resplenderet, & manifestatio criminis etiam in genere, nullius sive personæ, sive conventus, sive collegii mentione facta, infamiae, aut nocuenti notam Religioni inferret; tum sigillum violaretur. Ex quibus omnibus semper inferitur, silentium in Confessario de auditis in confessione debere esse summum. Utique non est sigilli custodia plus iusto arctanda; at etiam verum est, silentium numquam, absolute loquendo, esse noxium; & locutionem periculis non vacare. Quare prudenter aget, si neque Religionem in communi nominabit. Ad quid enim hæc manifestatio? Quis honestus finis? Ergo silentium servetur: semper enim aderit aliquis defectus, ut minimum incautæ locutionis. Quod si animus adesset detrahendi tali Religioni, aut re ipsa talis Religio etiam in communi nominata aliquid detrimenti pateretur; dubio procul sigillum læderetur. Cautus igitur Confessarius sit, abstineatque semper a nominanda Religione, civitate, communitate &c.

XIV. Quæst. XI. *Potest ne Confessarius loqui cum suo pœnitente de auditis in confessione extra confessionem?* Resp. Negant omnes. Ad hoc enim requiritur expressa licentia ipsius pœnitentis: quam non debet Confessarius petere, si vel prudenter suspi-

suspiceretur pœnitentem ægro animo, & ex quodam respectu humano illum talem facultatem concessurum. In tali enim casu confessio redderetur odiosa ipsi pœnitenti. Talis facultas, ut dictum est, debet esse expressa. Est autem expressa, si ipse pœnitens sponte prius loqui incipiat. Intra confessionem vero potest Confessarius loqui cum pœnitente etiam de auditis ab illo in priori confessione, ad monendum, corrigendum, instruendumque ipsum pœnitentem. Licitum etiam est Confessario continuo post datam absolutionem monere, corrigere pœnitentem, si oblitus id facere neglexisset in confessione. Quia licet impertita absolutione peractum sacramentum sit, si essentia spectetur; tamen iudicium sacramentale, & quidem in bonum pœnitentis, adhuc perseverare intelligitur.

XV. Quæst. XII. *Confessarius potest ne loqui cum pœnitente de aliquo defectu præcedentis confessionis, si pœnitens repugnet?* Resp. Confessarius in priori confessione defectum commisit. Oblitus nempe est monere pœnitentem de re aliqua necessaria; aut ab aliquo reservato ipsum absolvit absque iurisdictione. Disputant, num Confessarius, etiam renuente pœnitente, valeat illum alloqui extra confessionem? Adfirmant Suarez, Layman, Nunnus, Turrianus, & alii, quos referunt Salmanticenses *trakt. vi. cap. xiv. punct. 3. num. 44.* quia ea locutio intra, non extra confessionem reputanda est. Negant Valentia, Lugo, Bonacina, Sylvius, Reginaldus, Fagundez, & alii, quos referunt, & sequuntur laudari Salmanticenses: quia talis locutio nullo modo est cum præcedenti confessione coniuncta. Et hæc secunda opinio videtur vera. At lis facile dirimitur, & defectus reparatur, si dicatur, Confessarium debere a pœnitente loquendi facultatem petere, eamque, si negotium grave fuerit, omnibus modis procurare. Quod si pœnitens refugiat concedere, ipse semetipsum condemnat, proditque quam sit sincerus & verus pœnitens.

XVI. Quæst. XIII. *An Confessarius uti possit notitia habita in confessione ad anteriorem gubernationem?* Resp. Omnes docent, Confessarium frangere sigillum, si quidquam gerat, unde alii aut arguere, aut suspicari possint pœnitentis crimen. Adfirmant quoque, nihil ex notitia confessionis agere Confessarium posse absque læsione sigilli, quod ruborem, pudorem, vel quamcumque molestiam inferat pœnitenti. Sicut enim non licet Confessario quidquam verbis proferre ex cognitione confessionis in præiudicium pœnitentis; ita multo minus factis, vel signis licite id agere potest. Quapropter nequit pœnitentem dimovere ex præfata notitia ab officio, privare Eucharistia, ordinibus &c.

XVII. Clemens VIII. an. 1594. prohibuit Regularibus omnibus ne hac confessionis notitia utantur ad gubernationem, & regimen Religionis. Quod decretum confirmatum fuit ab Urbano VIII. *const. 26.* ubi hæc habentur. *Tam Superiores pro tempore existentes, quam Confessarii, qui postea ad Superioris gradum fuerint pro-*

moti, caveant diligentissime ne ea notitia quam de aliorum peccatis habuerunt, ad exteriorem gubernationem utantur.

XVIII. Heinc infertur 1. non posse Confessarium a sacrificio abstinere, fugere, quando cognovit in confessione ab aliquo criminis socio parari sibi insidias, venenum vino infusum &c. si delicti complices, & participes conicerent ab aliquo sociorum revelatum in confessione fuisse crimen: quapropter in hunc iram converterent. 2. Nequit Confessarius denegare sacramenta Eucharistiæ, vel matrimonii pœnitenti, coram vel uno teste postulanti, etiãsi absolutionem eidem denegaverit, noveritque ex sola confessione impedimentum dirimens. 3. Non potest sacris interdicare Sacerdotem subditum, aut reicere canonicè electum propter crimina in confessione detecta, neque vitare excommunicatum propter occisionem Clerici in confessione manifestatam.

XIX. Quæst. XIV. *Confessarius scit e sola confessione, cum cui ille confitetur peccata sua, non esse Sacerdotem, debet ne in posterum abstinere a confessione illi facienda?*
Resp. Lugo *disp. xxiii. num. 105.* merito advertit casum esse metaphysicum. Nam stultus esset qui mihi fateretur, se non esse Sacerdotem; simulque vellet ut ego illi confiterer peccata mea. Quare melius resolvitur nequit casus iste, quam si dicatur esse metaphysicus. Ceterum Lugo, & Dicastillo apud Salmanticenses *loc. cit. num. 55.* docent, continuanda esse confessionem sub tali ficto Sacerdote, quando ex omissione confessionis fictus Sacerdos aliquod detrimentum subiret. Addunt tamen, tunc sat esse facere confessionem simulatam. At simulatio sacramenti non est licita: idcirco sistendum videtur in prima responsione, casum nempe esse chimericum. Duo certa sunt. Primum, sigillum confessionis numquam aut directe, aut indirecte lædi licite posse. Alterum, sigillum istud non esse iniquitatis vinculum. Quid igitur agendum, quando ex non usu talis scientiæ deberet Confessarius aliquid agere quod esset intrinsece malum? Tunc usum talis scientiæ esse licitum docet P. Claudius La-Croix *Lib. VI. part. 11. num. 1978.* Maritus v. g. invita uxore, suscepit sacerdotium. In articulo mortis uxoris confessionem audiens, intelligit matrimonium suum ab initio fuisse invalidum: si fictitia, uxor convalesceret, non posset maritus ei petenti reddere debitum, quamvis ipsa adverteret, cum negare debitum propter scientiam confessionis: quoniam talis redditio debiti esset fornicatio intrinsecus mala. Deus autem, ut sigillum servetur, non potest velle illud quod est intrinsece malum. Ex hac doctrina necessario sequitur, aliquo in casu licitam esse sigilli revelationem: quod non videtur admittendum. Ex altera parte urget ratio P. La-Croix. Quid ergo dicendum? Mihi aqua hæret. Nec aliud suppetit responsum, nisi ad divinam providentiam pertinere, ne similem casum permittat, Duo hæc Deus vult. Sigillum in omni casu illatum. Quod est intrinsecus malum, numquam agendum. Ergo numquam permittet ut homo

homo

homo cogatur ad alterutrum. Idcirco casum chimæricum reputo. Ita mihi videtur, salvo meliori iudicio. Et casus isti, qui nunquam contingunt, proponi non deberent; cum vix humana imbecillitas solve illos valeat, quin in aliquem scopulum impingat. Hæc responsio terga dat. Quid, si Deus id permitteret? Dicerem, Confessarium maritum debere petere ab uxore facultatem loquendi cum ea, si convalesceret, de hoc gravissimo negotio, ut sic absque violatione sigilli posset illam inducere ad matrimonium rescindendum. Si renueret dare hanc facultatem, ne matrimonium rescinderetur; non esset absolvenda. Quid? In articulo mortis non esset absolvenda? Nequaquam, si esset indisposita, velletque in concubinato vivere. Quid, si absque absolutione convalesceret, velletque in concubinato vivere? Iam vides hæc esse arbitraria commenta, quæ vix in Christiani mentem cadere possunt. In hypothesi tamen dico, ad clementissimum Deum recurrendum esse, qui numquam permittit innocentem tentari supra id quod potest; & sic numquam permittit quod Sacerdos iste aut sigillum violet, aut fornicetur.

XX. Episcopus apud se decreverat conferre beneficium Sacerdoti optimæ famæ. Audita eiusdem confessione, cognovit hominem flagitiosissimum. Denegare ne illi beneficium potest? Adfirmant Sambovius *Tom. III. cas. 18. Natalis ab Alexandro Lib. II. reg. 56.* Quia, inquiunt, multis aliis rationibus moveri quis potest ad denegandum suffragium, & beneficium, quam ex peccato cognito in confessione, nempe ex defectu scientiæ, induitriæ, ætatis &c. Hanc quoque sententiam docuit S. Thomas *quodlib. v. quæst. vii. art. 13.* ubi hæc habet. *Si ergo amorio subit; ab administratione possit inducere ad manifestandum peccatum in confessione auditum, vel ad aliquam probabilem suspicionem habendam de ipso, nullo modo Prælati deberet ab administratione amovere. . . . Si vero per amotionem ab administratione, peccatum nullatenus manifestaretur, deberet hoc facere cum debita cautela.* Hoc idem docet in *Suppl. quæst. xi. art. 1.* & hanc eandem doctrinam defendunt S. Bonaventura in *IV. dist. xxi. quæst. 1. art. 2.* Halensis *Part. IV. quæst. lxxiv. art. 1. ad. 9.* Gabriel in *IV. dist. xxi. quæst. unic.* Paludanus in *IV. quæst. xxi. art. 3.* Et hanc sententiam Suarez *disp. xxxiii. sec. 7.* vocat communem. S. Antoninus *III. Part. tit. vi. cap. xxii.* hæc scribit. *Qui liberam electionem habet, licet per solam confessionem sciat aliquem indignum ad prælaturam ad quam eligitur, quem alius putabat dignum, non debet eligere ex conscientia sibi distante: quia eligendo scienter dignum, vel indignum, negotium geritur inter ipsum & Deum. Unde potest etiam ex his quæ scit ut Deus, iudicare in proposito.*

XXI. Difficultas eo recidit, ut Confessarius prudenter se gerat in hoc negotio. Et quia solidum timendi fundamentum occurrit ne Sacerdos se habeat ita prudenter, quin aliquam violandi secreti pœnitentibus suspensionem ingerat; ideo Clemens VIII. prohibuit ne hæc notitia Regulares utantur ad exteriorem gubernationem.

Quod decretum omnes Regulares comprehendit, ut Doctor eximius P. Suarez *disp. xxiii. sec. 7.* animadvertit, inquit: *Cum indistincte loquatur, non est quod a nobis limitetur, sed simpliciter obsequetur.* Et celeberrimus Præpositus generalis Inclytæ Soc. I. P. Claudius Aquaviva prohibuit ne quisquam eiusdem Soc. publice, aut privatim oppositum doceat. An qui Regulares non sunt, parere Clementino decreto debeant, ad Episcopos attinet determinare. Præ oculis habeant hanc propositionem, ex decreto S. Cong. S. Officii, seu generalis Inquisitionis, auctoritate Innocentii XI. an. 1682. Romæ prohibitam. *Scientia ex confessione acquisita uti licet, modo fiat sine directa, aut indirecta revelatione, & gravamine pœnitentis, nisi aliud multo gravius ex non usu sequatur, in cuius comparatione prius merito contemnatur. Addita deinde explicatione, sive limitatione, quod sit intelligenda de usu scientiæ confessione acquisitæ cum gravamine pœnitentis, seclusa quacumque revelatione, atque in casu quo multo gravius gravamen eiusdem pœnitentis ex non usu sequeretur: hanc dictam propositionem, quatenus admittit usum dictæ scientiæ cum gravamine pœnitentis etiam cum dictâ explicatione, sive limitatione, presenti decreto prohibens &c.*

XXII. Omnis itaque usus scientiæ habitæ ex confessione nunc vetitus est; tum ob rationem datam, tum quod si pœnitentes scirent, Confessarios uti posse notitia acquisita vi confessionis, avocarentur a confessione: atque adeo confessio odiosa illis redderetur, & permolesta. Nec obest, nullam hic contingere læsionem sigilli; nullumque peccatum sive directe, sive indirecte revelari: quia sigillum confessionis obligat ad ea omnia vitanda quæ & difficiliorem, & odiosam confessionem reddere valent pœnitentibus. Ne multa: Confessarius, quæ scit in confessione, non scit ut homo, sed ut vices Dei gerens. Si Deus, qui offensus est, disponit ut occulta remaneant peccatoris scelera, si ipse tacet, & dissimulat, dissimulet quoque, & toleret Confessarius quæ in Dei tribunali scit. Quoniam, admissa libertate utendi notitia habita in confessione ad exteriorem gubernationem, plura sequerentur absurda, ob imperitorum minus cautum usum. Idcirco Clemens VIII. & Urbanus VIII. prohibuerunt Regularibus usum talis scientiæ ad exteriorem gubernationem. Semp̃or habendum præ oculis est illud axioma: *Ex confessione scitum est quasi nescitum.* Duo Confessarii eiusdem pœnitentis nequeunt invicem, absque licentia pœnitentis, loqui de illius peccatis auditis in confessione.

XXIII. Plures iuniores docent, Confessarium vigilantius posse custodire res suas, quando ex confessione intellexit furta sibi facta, vel facienda. Item posse admonere Superiorem ut invigilet diligentius super gregem vel subditos suos, quando ex confessione cognovit imminere gravia pericula seductionis: item, quando ex confessione scit occidendum Regem, posse in genere monere, ut sibi caveat. Posse Superiorem claudere ostium, per quod ex confessione scit aliquem subditorum
exire

exiſte ad peccandum; poſſe fugere paratas ſibi ad mortem inſidias, abſtinere a Sacramento, ut declinet ſumere paratum venenum. Verum ex iis quæ dixi, conſtat hæc absolute non licere, ſi hinc ſequatur ſigilli læſio; ſed Deo committenda eſſe. Eodem quippe modo ſe gerere in his, & ſimilibus debet Sacerdos, ac ſi illa penitus ignoraret, quando ex ſola confeſſione ea dignoſcit, & nulla alia exterior cauſa occurrit, vi cuius poſſit præſata mala declinare. Non eſt tamen difficile, quod rationes occurrant, vi quarum poſſit Confeſſarius vitare eiufmodi mala abſque ſecreti læſione, & quin confeſſionem odioſam reddat. Duo ergo præſtare Confeſſarius tenetur, & ſecretum cuſtodire, & confeſſionem odioſam non reddere. Quando hæc duo conſiſtunt, poteſt Confeſſarius uti notitia confeſſionis tum ad reſormandos proprios mores, tum ad ſervandam propriam vitam.

XXIV. Quæſt. XV. *Quomodo ſe gerere Confeſſarius debet, quando interrogatur de auditis in confeſſione?* Reſp. Si Confeſſarius absolute interrogetur, poteſt absolute reſpondere ſe nescire, etiam iuramento adiecto, ut docet S. Thomas in IV. diſt. XXI. quæſt. III. art. 1. ad 3. inquiens: *Homo non adducitur in teſtimonium, niſi ut homo: & ideo abſque læſione conſcientiæ poteſt iurare ſe nescire quod ſcit tantum ut Deus.* Idem docet S. Antoninus III. Part. tit. XVII. cap. XXI. Quoniam hoc in caſu præſumitur, interrogatorem petere teſtimonium a Confeſſario de iis quæ ſcit ut homo, & extra confeſſionem. Perſuaſum epim eſt Chriſtianis omnibus, non poſſe Confeſſarium quidquam pandere eorum quæ in confeſſione audit.

XXV. Quid, ſi iniquus interrogator impudenter peteret ut ea proderet quæ ut Confeſſarius ſcit? Probabiliſtæ communiter defendunt, & tunc reſpondere poſſe, ſe nescire. Et duabus viis a mendacio purgare ſtudent tale reſponſum. Alii, inquit P. La-Croix num. 1986. ut Tannerus, & Stoz, dicunt, Confeſſarium tunc uti *vocibus pure materialiter, tamquam ſonis non ſignificativis, volendo per illas nihil ſignificare*: & hac doctrina alii Probabiliſtæ utuntur, ut evicant, mendacia mercatorum, aliorumque non eſſe mendacia: quia voces in talibus circumſtantiis nihil ſignificent. Alii conſugiunt ad circumſtantias, quæ indicant, Confeſſarium nescire, ut liceat manifeſtare. Hæc & ſimilia commenta ſuſe proſligavi Tom. III. in Decal. diſt. III. Reſpondere ergo intrepide Sacerdos Chriſti debet præſato modo interrogatus, petitionem indignam eſſe atque iniquam. Immo hac ſola via sæpe cuſtodiri ſecretum ſacramentale poteſt. Quid quando Confeſſarius rogatur, num pœnitens confeſſus ſit peccatum notorium? Si neget, pœnitentem infamat, quod integre confeſſus non ſit. Si adſirmet, revelat ſigillum. Reliquum ergo eſt ut reſponat, interrogationem eſſe ineptam, iniuſtam, & dedecere hominem chriſtianum. Similiter reſpondere debet, quando rogatur, num abſolverit talem aut talem pœnitentem. Hæc doctrina bona eſt, inquit P. Croix num. 1982. ſi omnes illa uterentur; ſed cum plerique quandoque negent, ideo ſuggerit modos iam recen-

recensitos, & improbatos. Quod plerique eadem doctrina non utantur, idcirco ne deferenda est? præsertim cum vel ipsi Probabilistæ eadem aliquando uti cogantur. Si mater exquirat, num filia, quæ immediate ante se confessa est, manifestaverit flagitium quod certo scit eam commississe; quid respondebit? Si neget *voce materiali*, & *sonis non significativis*, sacrilegam declarat filiam: si adfirmet, secretum violat. Omnibus igitur inspectis, illa doctrina præferenda est quæ & veritati, & praxi conformior est. Atqui sæpe vel ipsi Probabilistæ renuntiare coguntur suis vocibus materialibus, & restrictionibus, atque nostra uti doctrina. Ergo hæc semper adhibenda, quoties ab audacibus hominibus Confessarii interrogantur ut Confessarii de auditis in confessione. Si vero Confessarii interrogentur ut ceteri homines, quamvis sciant delictum ut Confessarii, respondere absolute valent, ut S. Thomas docet, se nescire.

XXVI. Quæst. XVI. *Que in foro externo servanda, dum de lesione sigilli lites occurrunt?* Resp. In dubio semper præsumendum est, Confessarium non fregisse secretum: tum quia nemo præsumitur malus, nisi probetur: tum quia experientia compertum est, Sacerdotes, licet in alia etiam enormia scelera labantur, perquam raro violare sigillum istud, divina providentia impediente, ne tam necessarium sacramentum in odium veniat Christianorum. Confessarius qui aliquid peccatum manifestat pœnitentis sui, vel ut se defendat, vel quia interrogatur, probare debet se vel extra confessionem, vel ex consensu pœnitentis illud manifestasse. Si pœnitens neget se consensisse, & Confessarius adfirmet, pro Confessario stat præsumptio. Si tamen delicti manifestatio esset in gravè dedecus, & detrimentum pœnitentis, pro hoc contra Confessarium præsumi deberet: quia communiter nemo consentit in propriam infamiam.

XXVII. Ex his iterum atque iterum collige, quam cautus & circumspectus sit oportet Confessarius in secreto custodiendo, quod lædi vel locutione, vel etiam imprudenti silentio potest. Quæ extrema ut vitentur, numquam de auditis in confessione loquendum est, potissimum coram sæcularibus, qui sæpe scandalum patiuntur. Cautissimus sit oportet in petenda licentia, & oblatam non accipiat, nisi in bonum, & directionem pœnitentis, nullatenus in correctionem complicitis; sed curet ut pœnitens corrigat, vel alterius quam Confessarii ministerio utatur. Communicaturus infirmum non interroget Confessarium, num absolverit, ne periculo violandi sigilli ipsum exponat, sed an audierit illius confessionem.

XXVIII. Obvii sunt casus a quibus custodire linguam suam Sacerdos debeat. *Primus quem hodie confessus sum, narravit adulterium &c. Hodie mulier, Sacerdos, mercator &c. confessus est hoc scelus.* Eiusmodi circumstantiæ possunt in suspicionem adducere pœnitentem; & periculum occurrit ne aliquis ex his signis deprehendat pœnitentem. Quando occasio occurrit loquendi de pluribus pœnitentibus, caven-

cavendum ne unus laudetur, & de aliis fileatur: quia tum laus unius posset esse aliorum accusatio. Quando tamen laudatur unus absque respectu ad alios, nullum est periculum. Qui manifestat talem pœnitentem declinasse proprium Confessarium, & sibi in abscondito confessum esse; similiter qui dicit talem clanculum confessum esse extraordinario Confessario; nisi rationes exteriores & circumstantiæ adsint sic loquendi, sigillum periculo exponit: sicut qui gestus, motus peculiare, & significantes ageret, frangeret sigillum, quando ex gestibus & nutibus videns posset sinistram concipere suspicionem. Sigillum quoque læderet qui diceret, confessionem talis pœnitentis fuisse valde longam, scriptamque plura folia implevisse, quando pœnitens clam confessus est, nolletque ab aliis id resciri: secus si confessio facta in loco publico esset. Ut paucis omnia perstringam, Confessarius cautissimus sit in loquendo de auditis in confessione, ut dictum est alias, & dicendum sæpius est. Declinandum tamen est aliud extremum, ne plus iusto sigillum ardeatur. Eorum quæ dicta sunt, aliqua ex circumstantiis pendent: quia aliquando est, & aliquando non est violandi sigilli periculum. Idcirco plura pendent ex prudentia Confessarii, qui nisi sit experrectus, & circumspectus, & silendo, & loquendo pro circumstantiarum varietate lædere secretum valet. Silentium tamen est ordinarium, & validius remedium.

XXIX. Quæst. XVII. *Quinam tenentur ad secretum sacramentale?* Resp. Primum Confessarii omnes, non solum legitimi, sed etiam qui a pœnitente fide bona tales reputantur. Quare qui fingens se Sacerdotem, audit confessiones, sigillo sacramentali obnoxius est. Interpretes quoque, quorum ope pœnitentes manifestant peccata sua, ad sigillum sacramentale obstringuntur: quoniam licet interpres non se teneat ex parte Confessarii, tamen partem habet in hoc sacramento,

XXX. Sigillo sacramentali tenentur adstantes, quando absque eorum præsentia fieri confessio nequit; ut in communi naufragio, vel peste fieri contingit. Similiter qui audiunt aut casu, aut industria peccatum confitentis sacramentaliter. Consiliarii, quibus ex necessitate manifestatur persona pœnitens, ut instructio capiatur pro confessione. Superiores a quibus facultas petitur pro reservatis, sigillo ligantur. Qui linguæ ignarus petit ab alio, quomodo exprimi in confessione tale peccatum possit, is sigillum servare tenetur; sicut & ille cui quis impotens ad scribendum distaret peccata sua, postea tali scriptura confessorus. Si pœnitens ob maiorem confusionem publice confiteri peccata sua vellet coram omnibus, nulla esset in audientibus secreti sacramentalis obligatio. Qui legeret schedam continentem peccata scripta pro confessione faciendâ, secundum multos non esset obstrictus sigillo sacramentali: adfirmant plures alii. Nihil certi statui potest, nisi quod is sigillo naturali ligatus esset, & gravissime peccaret contra

contra iustitiam, si manifestaret aliis peccata scripta. Omnes qui audirent peccata a Confessario vel ebrio, vel dormiente, vel stulto, vel iniquo; manifestante peccata in confessione audita, ad secretum obstringerentur. Pœnitentes non tenentur custodire sub secreto confessionis quæ audiunt a Confessario.

XXXI. De pœnis constitutis contra violatores sigilli dictum est. Sed plures pœnæ ab arbitrio iudicum pendent. Disputant Auctores, quomodo procedi contra fractores sigilli debeat. Aliqui exigunt pœnitentis consensum: quia, nisi pœnitens consentiat, propalaretur illo invito peccatum. Alii docent, invito pœnitente, institui iudicium posse. Verum hoc pendet ex circumstantiarum varietate, & nulla assignari regula certa potest. Tribunalia habent suas regulas, quas iuxta casuum diversitatem adhibent, & moderantur.

C A P U T XIII.

De sollicitatione.

I. **P**Lura diplomata ediderunt Romani Pontifices Paulus IV. ann. 1561. Pius IV. 1564. Clemens VIII. 1592. Paulus V. 1608. Gregorius XV. 1621. adversus Confessarios sollicitantes, onusque imposuere eosdem denuntiandi ad sacra Inquisitionis tribunal. Verum sat mihi est huc transcribere constitutionem, quam sapientissimus Pontifex BENEDICTUS XIV. feliciter regnans edidit anno 1741. in qua omnia quæ desiderari possunt, habentur summa perspicuitate distinctis ss. exposita.

BENEDICTUS EPISCOPUS &c.

„ Sacramentum pœnitentiæ, quam secundam post naufragium deperditæ gratiæ tabulam sancti Patres apte nuncuparunt, Nos licet immerentes ad universi dominici gregis curam superna dispositione vocati, omne studium, & passivalem sollicitudinem adhibere tenemur, ne quod post amissam baptismi innocentiam datum est divina benignitate perfugium, per dæmonum fraudem, & hominum Dei beneficiis perverse utentium malitiam, naufragis, ac miseris peccatoribus luctuosum evadat exitium; & quod in salutem, & curationem animarum a Deo, qui dives est in misericordia, institutum est, execrabili scelerum quorundam Sacerdotum improbitate, in earum perniciem, atque interitum vertatur.

„ *f. 1.* Dudum quidem a fel. record. Gregorio Papa XV. Prædecessore nostro
„ per

per suas litteras in forma Brevium sub datum Romæ apud Sanctam Mariam
 Maiorem die xxx. Augusti MDCXXII. Pontificatus sui anno secundo, sapien-
 ter provifum fuit contra quoscumque Sacerdotes audiendis confessionibus depu-
 tatos, ad turpia, & inhonestâ sollicitantes; & deinceps successivis temporibus,
 ad earum litterarum interpretationem, ac declarationem, plura subinde a Con-
 gregatione Venerabilium Fratrum nostrorum sanctæ Romanæ Ecclesiæ Cardina-
 lium adversus hæreticam pravitatem generalium Inquisitorum sub die xi. men-
 sis Februarii anno Domini MDCLXI. prodierunt decreta, & a rec. mem. Ale-
 xandrò PP. VII. pariter Prædecessore nostro in Congregatione generali S. R.
 univ. Inquisitionis die xxiv. Septemb. MDCLXV. coram eo habita, inter
 alias ab evangelica veritate, & sanctorum Patrum doctrina aliénas & dissonas
 propositiones, sexta videlicet, & septima, huc revocandæ, damnatæ, & prohi-
 bitæ fuerunt. Nos itaque mature perpendentes, quanti momenti sit ad æter-
 nam animarum salutem ea ubique exacte observari, & quanti ad infirmas
 oves curandas, & decorem sanctæ Ecclesiæ Dei retinendum, interfit ne aliqui
 Sacerdotes, pœnitentiæ sacramento nefarie abutentes, pœnitentibus pro cura-
 tione vulnus, pro pane lapidem, pro pisce serpentem, pro medicina venenum
 porrigant, sed animo secum recalescentes, se a Christo Domino præfides, & iu-
 dices animarum constitutos, ea sanctitate quæ sublimitati, ac dignitati mune-
 ris convenit, tam venerandum sacramentum administrent: motu proprio, &
 ex certa scientia, ac matura deliberatione nostra, præfatas litteras huiusmo-
 di, ac omnia, & singula decreta prædicta ad illarum interpretationem, & de-
 clarationem emanata, apostolica auctoritate tenore præsentium approbamus,
 & confirmamus, illisque omnibus, & singulis inviolabilis apostolicæ firmita-
 tis robor adiiciamus; atque etiam, quatenus opus sit, denuo committimus, &
 mandamus omnibus hæreticæ pravitatis Inquisitoribus, & locorum Ordinariis
 omnium regnorum, provinciarum, civitatum, dominiorum, & locorum uni-
 versis Orbis christiani, in suis respectivè diocesis, ut diligenter, omnique hu-
 mano respectu postposito, inquirent, & procedant contra omnes, & singulos
 Sacerdotes tam sæculares, quam regulares quomodolibet exemptos, ac Sedis
 Apostolicæ immediate subiectos, quorumcumque Ordinum, Institutum, So-
 cietatum, & Congregationum, & cuiuscumque dignitatis, & præminentie,
 aut quovis privilegio, & indulto munitos, qui aliquem pœnitentem, quæcum-
 que persona illa sit, vel in actu sacramentalis confessionis, vel ante, vel im-
 mediate post confessionem, vel occasione, aut prætextu confessionis, vel et-
 iam extra occasionem confessionis in confessionalî, sive in alio loco ad confes-
 siones audiendas destinato, aut electo, cum simulatione audiendi ibidem con-
 fessionem, ad inhonestâ, & turpia sollicitare, vel provocare, sive verbis, si-

„ve signis, sive nutibus, sive tactu, sive per scripturam, aut tunc, aut post
 „legendam, tentaverint, aut cum eis illicitos, & inhonestos sermones vel tra-
 „ctatus temerario ausu habuerint. Et quos in aliquo ex huiusmodi nefariis ex-
 „cessibus culpabiles repperint, in eos pro criminum qualitate, & circumstan-
 „tiis, severe animadvertant, per condignas poenas, iuxta memoratam Gregorii
 „Prædecessoris nostri constitutionem, quam hic de verbo ad verbum pro infer-
 „ta haberi volumus: dantes etiam, si opus sit, & rursus concedentes faculta-
 „tem, ne delictum tam enorme, & Ecclesiæ Dei iniuriosum remaneat, ob pro-
 „bationum defectum, impunitum, iam alias in præfata constitutione tributam,
 „procedendi cum testibus etiam singularibus, dummodo præsumptiones, indicia,
 „& alia adminicula concurrant.

„§. 2. Meminerint præterea omnes, & singuli Sacerdotes, ad confessiones au-
 „diendas constituti, teneri se ac obligari, suos poenitentes, quos noverint fuisse
 „se ab aliis, ut supra, sollicitatos, sedulo monere, iuxta occurrentium casuum
 „circumstantias, de obligatione denunciandi Inquisitoribus, sive locorum Ordini-
 „nariis prædictis, personam quæ sollicitationem comunerit, etiam si Sacerdos sit
 „qui iurisdictione ad absolutionem valide impertiendam careat, aut sollicitatio
 „inter Confessarium & poenitentem mutua fuerit, sive sollicitationi poenitens
 „consenserit, sive consensum minime præstiterit, vel longum tempus post ipsam
 „sollicitationem iam effluerit, aut sollicitatio a Confessario, non pro se ipso,
 „sed pro alia persona peracta fuerit. Caveant insuper diligenter Confessarii, ne
 „poenitentibus quos noverint iam ab alio sollicitatos, sacramentalem absolutio-
 „nem impertiant, nisi prius denuntiationem prædictam ad effectum perducen-
 „tes, delinquentem indicaverint competenti iudici; vel saltem se, cum primum
 „poterunt, delaturos spondeant, ac promittant.

„§. 3. Et quoniam improbi quidam homines reperiuntur qui vel odio, vel
 „ira, vel alia indigna causa commoti, vel aliorum impiis suasionibus, aut pro-
 „missis, aut blanditiis, aut minis, aut alio quovis modo incitati, tremendo Dei
 „iudicio posthabito, & Ecclesiæ auctoritate contempta, innoxios Sacerdotes apud
 „ecclesiasticos iudices falso sollicitationis insimulant: ut igitur tam nefaria au-
 „dacia, & tam detestabile facinus metu magnitudinis poenæ coerceatur, quæ
 „cumque persona quæ execrabili huiusmodi flagitio se inquinaverit, vel per se
 „ipsam innocentes Confessarios impie calumniando, vel scelestè procurando ut
 „id ab aliis fiat, a quocumque Sacerdote quovis privilegio, auctoritate, & di-
 „gnitate munito, præterquam a Nobis, nostrisque Successoribus, nisi in fine vi-
 „tæ, & excepto mortis articulo, ipse absolutionis obtinendæ, quam Nobis &
 „successoribus prædictis reservamus, perpetuo careat.

„§. 4. Demum magnopere cupientes, a sacerdotalis iudicii, & sacri tribunalis

sanctitate omnem turpitudinis occasionem, & sacramentorum contemptum, & Ecclesiæ injuriam longe submovere, & tam exitiosa huiusmodi mala prorsus eliminare, & quantum in Domino possumus, animarum periculis occurrere, quas sacrilegi quidam, dæmonis potius, quam Dei ministri, loco eas per sacramentum Creatori suo ac nostro reconciliandi, maiori peccatorum mole onerantes, in profundum iniquitatis barathrum nefaste submergunt, nonnullorum Venerabilium Fratrum nostrorum sanctæ Romanæ Ecclesiæ Cardinalium, & aliquorum in Theologia Magistrorum consilio desuper adhibito, accedentibus quoque iteratis plurium Episcoporum supplicationibus, hac nostra in perpetuum valitura sanctione, quemadmodum a pluribus Episcopis per synodales suas constitutiones iam factum esse novimus, omnibus, & singulis Sacerdotibus, tam sæcularibus, quam regularibus cuiuscumque ordinis, ac dignitatis, tametsi alioquin ad confessiones excipiendas approbatis, & quovis privilegio, & indulto, etiam speciali expressione, & specialissima nota, & mentione digno suffultis, auctoritate apostolica, & nostræ potestatis plenitudine interdici- mus & prohibemus ne aliquis eorum extra casum extremæ necessitatis, nimis- rum in ipsius mortis articulo, & deficiente tunc quocumque alio Sacerdote, qui Confessarii munus obire possit, confessionem sacramentalem personæ comp- plicis in peccato turpi, atque inhonesto, contra sextum Decalogi præceptum commissio, excipere audeat, sublata propterea illi ipso iure quacumque aucto- ritate, & iurisdictione ad qualemcumque personam ab huiusmodi culpa absol- vendam; adeo quidem, ut absolutio, si quam impertierit, nulla, atque irrita omnino sit, tamquam impertita a Sacerdote qui iurisdictione, ac facultate ad valide absolvendum necessaria privatus existit; quam ei per præsentem has no- stras adimere intendimus. Et nihilominus, si quis Confessarius secus facere au- sus fuerit, maioris quoque excommunicationis pœnam, a qua absolviendi po- testatem Nobis solis, nostrisque Successoribus duntaxat reservamus, ipso facto incurrat.

§. 5. Declarantes etiam, & decernentes, quod nec etiam in vim cuiuscum- que Iubilæi, aut etiam Bullæ quæ appellatur Cruciatæ sanctæ, aut alterius cu- iuslibet indulti, confessionem dicti complicis huiusmodi quisquam valeat exci- pere, eique sacramentalem absolutionem elargiri; cum ad hunc effectum, & in hoc casu, nullus Confessarius, utpote qui in huiusmodi peccati, & pœni- tentis genere, iurisdictione, ut præfertur, careat, & absolviendi facultate a Nobis privatus existat, habendus sit pro Confessario legitimo, & approbato Non obstantibus constitutionibus, & ordinationibus apostolicis, præsertim quæ nuncupantur Cruciatæ sanctæ, vel Iubilæi universalis, & plenarii, necnon quibusvis Ecclesiarum, & Monasteriorum, & Ordinum quorumlibet, quorum

„ ipsi

„ ipsi Sacerdotes fuerint, etiam iuramento, confirmatione apostolica, vel quavis
 „ firmitate alia roboratis, statutis, & consuetudinibus, privilegiis quoque, indul-
 „ tis, & litteris apostolicis sub quibuscumque tenoribus, & formis, ac cum qui-
 „ busvis clausulis, & decretis, etiam moru proprio, aut alias quomodolibet con-
 „ cessis, etiam iteratis vicibus approbatis, & innovatis: quibus omnibus, eorum
 „ tenores præsentibus pro expressis habentes, hac vice dumtaxat specialiter, &
 „ expresse derogamus, ceterisque contrariis quibuscumque.

„ §. 6. Volumus demum ac præcipimus ut omnes locorum Ordinarii, tam
 „ præsentibus, quam futuri pro tempore existentes, in approbatione Confessario-
 „ rum, tam prædictam constitutionem Gregorii Prædecessoris, quam præsentem
 „ hanc nostram, ab omnibus Sacerdotibus approbandis attente legi, & accurate
 „ observari curent, moneantque eos in Domino atque hortentur, ut sacrum mi-
 „ nisterium ipsorum fidei commissum summa animi innocentia, morum purita-
 „ te, iudicii integritate peragant, exhibeantque semetipsos ut ministros Christi,
 „ & dispensatores mysteriorum Dei: memores præterea sint, se locum tenere,
 „ ac vices obire summi atque æterni Sacerdotis, qui sanctus, innocens, impol-
 „ lutus, per Spiritum sanctum semetipsum obtulit immaculatum Deo, ut emun-
 „ daret conscientiam nostram ab operibus mortuis, ad serviendum Deo viventi.
 „ Sedulo igitur studeant diligenterque caveant, ne querentibus & pulsantibus
 „ eorum culpa cælum claudatur; ne deperditæ oves ad ovile dominicum redi-
 „ re properantes, eorum manibus ferarum dentibus dilaniandæ tradantur; ne
 „ prodigi filii egentes, & saucii, ad cælestem patrem revertentes, nefaria eo-
 „ rum improbitate, gravioribus peccatorum vulneribus, dum adhuc in via
 „ sunt, confodiantur.

„ §. 7. Ut autem præsentibus litteræ ad omnium notitiam facilius deveniant,
 „ & nemo illarum ignorantiam allegare valeat, volumus illas, seu earum exem-
 „ pla ad valvas Ecclesiæ Lateranensis, & Basilicæ Principis Apostolorum, nec-
 „ non Cancellariæ Apostolicæ, Curieque Generalis in Monte Citatorio, ac in
 „ Acie Campi Floræ de Urbe, ut moris est, affigi & publicari; sicque publica-
 „ tas, & affixas, omnes, & singulos, quos illæ concernunt, perinde arctare, &
 „ afficere, ac si unicuique eorum nominatim, & personaliter intimatæ fuissent:
 „ utque ipsarum præsentium litterarum transumptis, seu exemplis, etiam im-
 „ pressis, manu alicuius notarii publici subscriptis, & sigillo alicuius personæ in
 „ ecclesiastica dignitate constitutæ munitis, eadem pro suis fides, tam in iudi-
 „ cio, quam extra illud, ubique adhibeatur, quæ ipsis præsentibus adhiberetur,
 „ si forent exhibitæ, vel offensæ.

„ §. 8. Nulli ergo omnino hominum liceat paginam hanc nostræ voluntatis,
 „ sanctionis, præcepti, mandati, & derogationis infringere, vel ei ausu temera-

rio contraire . Si quis autem hoc attentare præsumperit , indignationem omnipotentis Dei , ac beatorum Petri , & Pauli Apostolorum eius se noverit incursurum . Datum Romæ apud sanctam Mariam Maiorem anno incarnationis dominicæ millesimo septingentesimo quadragesimo primo , Kalendis Iunii , Pontificatus nostri anno 1.

§. U N I C U S .

Nonnullæ quæstiunculae resolvuntur.

I. Cardinalis Cozza in dubiis selectis , P. Felix Potestas , aliique innumeras quæstiones hac de re instituunt . Paucas ego , quæ pro Confessoriorum instructione satis sint , discutiam . Nam Confessarii qui attente legerint rescriptam BENEDICTI XIV. constitutionem , habent omnia quæ pro resolvendis casibus occurrentibus necessaria sunt . Nihilominus maioris explicationis gratia nonnullas quæstiunculas , ceteroquin communes , & obvias , discipiam .

II. Quæst. I. *Denuntiari ne debent Confessarii sollicitantes masculos ad turpia ?* Resp. Cardinalis Cozza refert Paulum V. 1612. declarasse , eiusmodi sollicitantes denuntiandos esse vi constitutionis Pii IV. & colligitur ex hac constitutione in illis verbis , *aliquem penitentem* . Pœnitens autem est tam femina , quam masculus . Comprehenduntur etiam qui sollicitaverint sive pro se , sive pro aliis ad turpia ; ut habetur §. 2.

III. Quæst. II. *Denuntiandus ne est Confessarius qui chartam provocantem ad venerem mulieri consentienti legendam tradit ?* Resp. Negarunt olim Cæsuitarum aliqui , qui , ut obligationem denuntiandi efficacius eluderent , docuerunt etiam nullam esse denuntiandi obligationem , si sollicitatus confiteatur sollicitanti : quas duas opiniones proscripsit Alexander VII. in his duabus propositionibus . 6. *Confessarius qui in sacramentali confessione tribuit penitenti chartam postea legendam , in qua ad venerem incitat , non censetur sollicitasse in confessione , ac proinde non est denuntiandus* . 7. *Modus evadendi obligationem denuntiandæ sollicitationis est , si sollicitatus confiteatur cum sollicitante : hic potest ipsum absolvere absque onere denuntiandi* . Priorem opinionem docuit P. Thomas Hurtado , plurium laxarum opinionum Auctor . Illam probabilem existimavit P. Castropalaus , inquit Leander tract. v. disp. xiiii. quæst. xv. Pro eadem refert P. Viva in *Trat. num. 1* . Aca- cium de Velasco .

IV. Quæst. III. *Sacerdotes qui fingunt se Confessarios , cum non sint , denuntiari ne debent , si sollicitent ad turpia ?* Resp. Affirmativa responsio colligitur ex §. 1. & 2. rescriptæ constitutionis : ubi omnes Sacerdotes absque limitatione compre-

hënduntur, siue simplices sint, omnique iurisdictione destituti, siue approbati, si confessionem simulantes, prætextu & occasione confessionis ad turpia sollicitaverint.

V. Quæst. IV. *Denuntiandi ne sunt laici, vel Clerici, fingentes se Sacerdotes, si sollicitent ad turpia?* Resp. Communis responsio est negativa. Nihil quippe siue in hac adducta constitutione, siue in aliis præcedentium Pontificum quidquam statutum est contra laicos, vel Clericos. Leges autem istæ, cum sint mere pœnales, extendi ad eos qui comprehensi non sunt, minime debent. Quare si Confessarius sollicitaret per Clericum, aut laicum sub larva confessionis, hi non essent vi constitutionum de sollicitatione denuntiandi; essent tamen denuntiandi vi aliarum constitutionum tribunali Inquisitionis; ut advertit P. Felix Potestas *Part. III. cap. 11. quæst. 11. num. 490.*

VI. Quæst. V. *Quem sensum præferunt hæc verba: In actu sacramentalis confessionis, vel ante, vel immediate post?* Resp. Duo sunt propositionis membra. Primum comprehendit spatium ab initio usque ad terminum confessionis. Qui hoc tempore sollicitat, in actu confessionis sacramentalis sollicitat. De hoc dissidium nullum. Disputant vero Auctores, quid præcise significet sollicitare aut *immediate ante*, vel *immediate post*. Missis non paucis distinctiunculis, & subtilibus disputationibus, verba hæc accipienda sunt, non physice, sed moraliter iuxta prudentum existimationem. *Immediate ante* significat, si quis mulierem paratam ad confessionem, aut confessionem petentem, quamque post accessuram noverit, provocaret ad turpia, sollicitaret *immediate ante* confessionem; licet aliquod temporis spatium interflueret, antequam cõfiteretur. *Immediate post* sollicitaret, si, peracta confessione, vel mulieri chartam ad turpia incitantem legendam traderet in Ecclesia, aut verbis obscœnis provocaret. Quid, si ad mulieris domum accederet, ibique, vel in itinere eam sollicitaret? Esset ne denuntiandus? Negant Leander *loc. cit. quæst. xxviii.* Felix Potestas *loc. cit. cap. vi. quæst. 11. num. 502.* citatque Castropalaum, Dianam, & alios. Sed hæc opinio mihi falsa est, & opposita vera, estque communior. Iuxta quippe prudentum existimationem *immediate post* sollicitat qui, cum primum potest, & parvo elapso tempore pravum consilium exequitur. Verum hoc mox clarius patebit.

VII. Quæst. VI. *Quid produnt hæc verba: Vel occasione, vel prætextu confessionis?* Resp. Occasio, & prætextus duo sunt distincta atque diversa, ut communiter Auctores docent. Occasione confessionis quis sollicitare dicitur, qui reipsa ex ipsa vera confessione anam sollicitandi ad turpia arripuit. Prætextus vero confessionis tunc est, quando quis simulat, & fingit confessionem, ut inde provocare ad venerem valeat. Variis modis nefarius Confessor sollicitare pœnitentem valet confessionis occasione. 1. expressa & manifesta impudentia. 2. dum intelligit pœnitentem:

tentem luxuriæ flagitia confitentem, & ad venerem proclivem, miseram infirmam, dum sanitatem quærit, ad mortem seducere pertentat verbis, signis, gestibus, suspiriis, aliisque indicis quæ ad libidinem concitent. Hi iuxta omnes denuntiandi sunt. 3. cum ex notitia propensionis ad venerem, & facilis futuri consensu in confessione acquisita, occasionem nanciscitur incitandi ad venerem mulierem cuius excepit confessionem. Advertunt tamen Auctores, non teneri personam sollicitatam ad denuntiandum Confessarium ex hoc capite, nisi gravia, & solida habeat indicia, quod Confessarius sollicitet ex notitia in confessione acquisita. Indicia hæc sunt. Si brevi post confessionem tempore Confessarius illam adeat: si in confessione peccata carnalia, suamque ad luxuriam propensionem poenitens patefecerit: si nulla inter utrosque prius præcesserat familiaritas, immo mutuo ignoti sibi essent, & occasione confessionis iniretur amicitie socius. Si desint hæc indicia, iudicandum est non occasione confessionis, sed ex aliis causis inductum esse ad eam sollicitandam; atque adeo cessat onus denuntiationis. Indicia hæc non tam attendenda sunt ex temporis brevitate, quam ex aliis coniecturis. Nam astuti seductores, ut declinent denuntiationis poenam, possunt aliquot dies differre pravi consilii executionem, ut seducere mulierem, quam libidinis febris laborantem agnovere in confessione, impune valeant. Quare si mulier in confessione luxuriæ peste se inquinatam manifestavit, post a Confessario incitetur sive verbis, sive nutibus, sive aliis signis ad turpia; fundamentum communiter adest prudenter suspicandi, occasione confessionis inductum Confessarium esse ad sollicitationem. Attendendæ tamen sunt aliæ circumstantiæ. Et quoniam, ut in constitutione dicitur, crimen hoc est, supra quam dicit potest, immanissimum: ideo, quando indicia adlunt, licet non adeo evidentia, standum pro denuntiatione est. Neque enim lex ista mere poenalis est, sed mixta. Spectat quippe gregis conservationem a lupis rapacibus, qui sub pastoris, & quidem actu pascentis oves, larva, mortali veneficio iugulare easdem crudelissime perrentant.

VIII. Prætextu confessionis sollicitat Confessarius qui mulierem invitat ad confessionem, eamque in Ecclesiæ ianua expectat, ibique, nulla confessionis mentione facta, ad venerem incitat. Mulier, præmissa conventionione de peccato carnis patrando cum Sacerdote, illum domum vocat, & ut domesticos deludat propter executionis difficultatem, ægotam se fingit, & prætextu confessionis simul commiscetur. Est ne Confessarius denuntiandus? Negant Diana, & Leander *loc. cit. quæst. xxiv.* Sed vera sententia adfirmat, cum prætextus confessionis manifestus sit. Similiter denuntiandus esset, si absque conventionione mulier illum vocaret ad confessionem faciendam, atque sollicitaret, remque simul haberent.

IX. Mulier accedit ad confessionarium, dicens se velle crastina die confiteri: illam tunc sollicitat Confessarius extra confessionale, & quin confessionem simu-

let. Negant Leander, & Castropalaus hunc esse denunciandum. Sed probabilior; immo mihi vera, est sententia adfirmans, cum occasione confessionis sequenti die faciendæ sollicitatio contingat; ut advertit P. Felix Potestas. Similiter esset denunciandus, ut ego quidem arbitror, Confessarius qui mulieri accedenti ad confessionale dissuaderet confessionem hac prava intentione, ut illum postea incitaret ad turpia; quamvis tunc nullo modo incitaret, sed postea aut in Ecclesia, aut in itinere, aut domi eam ad venerem provocaret.

X. Quæst. VII. *Est ne denunciandus qui extra occasionem confessionis, nec confessionem simulans, in confessionalis sollicitat?* Resp. Negat Leander quæst. xxx. cum aliis; sed vera sententia adfirmat, & patet ex pontificiis constitutionibus. Similiter est denunciandus, dum confessiones audiens nubibus, & signis adstantes mulieres, locum confitendi exspectantes, incitat ad venerem.

XI. Quæst. VIII. *An sit denunciandus qui in quocumque loco confessionibus audiendis deputato concitat ad turpia?* Resp. Præter confessionale, quod est ordinarius confessionis locus, duo alia loca pro confessionibus audiendis numerantur ab Auditoribus. In Religiosorum domibus sunt cellulæ quædam, aut capellæ, in quibus confessiones excipiuntur. Hic est secundus locus in constitutionibus pontificiis expressus illis verbis: *Aut in loco quocumque, ubi confessiones sacramentales audiantur.* Qui in his locis pueros ad turpia sollicitarent, essent denunciandi. Tertius locus est ille quem sibi eligit Confessarius in quocumque terræ spatio, sive in Ecclesia, sive domi, sive in platea, sive in agro, in monte, in mari &c. sit constitutus, & est expressus in illis verbis: *Sive ad confessionem audiendam electo.* Igitur qui in primo loco, seu in confessionalis sollicitant, sunt denunciandi, etiam si nec audiant, nec simulent confessionem. Qui in aliis duobus locis provocant ad turpia, tunc denunciari debent, quando aut confessiones audiunt, aut audire fingunt.

XII. Quæst. IX. *Denuntiandus ne est, non modo qui ad inhonestam, sed etiam qui ad alicuius crimina sollicitat?* Resp. Communis est Theologorum sententia, constitutiones pontificias contra sollicitantes ad inhonestam & turpia comprehendere dumtaxat actus venereos, ad quos sive verbis, sive signis, sive nubibus, sive tactibus, sive per scripturam Sacerdotes incitant sive feminas, sive masculos. Qui vero ad alia crimina, puta furtum, homicidium &c. in confessione sollicitarent, ex aliis decretis, adversus suspectos de hæresi latis, essent Inquisitionis tribunali obnoxii, immo iuxta multos denunciandi. Qui tamen eos denunciare omitterent, non incurrerent poenas latis in hac constitutione contra non denuntiantes inflictas.

XIII. Quæst. X. *Requiritur ne, actus quibus incitatur ad turpia, esse mortales, ut sollicitatus teneatur ad denunciandum?* Resp. Plures, quos citat Leander quæst. xix. contendunt, non esse onus denunciandi Sacerdotem qui verbis, nubibus, aut signis.

gnis leviter lascivis incitaret mulierem ad venerem. Sed vel ipse Leander, laxarum opinionum collector, improbat præfatam opinionem. Quia licet tales actus, signa, nutus, verba possint esse natura sua venialia; ex circumstantia tamen loci, & administrationis sacramenti sunt mortalia, & quidem gravissima. Neque ad onus denunciandi requiritur quod sequatur effectus intentus a sollicitante, & quod sollicitata persona consentiat; sed sat est quod Sacerdos attentaverit; ut patet ex constitutione: *Sollicitare, vel provocare tentaverint*.

XIV. Quæst. XI. *Sunt ne denunciandi qui turpes sermones habent in diſtis locis cum pœnitentibus?* Resp. Adfirmat communis, & vera sententia: & constat evidenter ex clausula constitutionis: *Aut cum eis illicitos, & inhonestos sermones, si-ve tractatus habuerint*. Quare præter sollicitare, & provocare comprehenduntur etiam sermones inhonesti sine provocatione. Plurimos casus super horum turpium sermonum varietate Auctores instituunt, & præcipue P. Felix Potestas. Disputant, an, si Confessarius laudet mulieris pulchritudinem: si dicat: Vellem tecum nubere, si essem sæcularis: memor esto mei, quia te ex toto corde diligo: mea filia: corculum meum &c. Sed istos, & plurimos alios similes casus discutere nolo, ne otio abutar. Innumeri enim sunt modi quos humanum ingenium excogitare valet: neque tot possunt recenseri, & resolvi, quin plures & plures concipere homines valeant. Regulæ generales altius animo insigendæ sunt, quibus iuxta circumstantiarum diversitatem possint Confessarii experienti casus peculiare decidere: præsertim dum non occurrit gravis difficultas, quæ peculiarem discussionem exigit. Prætereo quoque plures ex his putidis casibus, quos calamus scribere refugit.

XV. Quæst. XII. *An sollicitantes pro aliis, vel per alias personas, sint denunciandi?* Resp. Resolutio adfirmans habetur in ipsis pontificiis constitutionibus: *Aut sollicitatio a Confessario, non pro se ipso, sed pro alia persona peracta fuerit*. Quare si Confessarius adeo nequam esset, ut lenonem ageret sub pastoris veste, &, ut aliis inserviret, occasione, aut prætextu confessionis pœnitentes ad turpia peragenda etiam cum alio irritaret, aut suaderet, multo magis si doceret eiusmodi non esse peccata; denunciandus proculdubio foret, sicut & quando non seipso immediate, sed per alias personas sollicitaret.

XVI. Quæst. XIII. *An quando verba sunt dubia, vel femina non consentit, aut Confessarius sollicitatus a femina sit denunciandus?* Resp. Ad 1. adfirmat Diana cum aliis: negat Bordonius, inquit P. Potestas num. 576. Communiter dubia in meliorem partem sunt interpretanda. Et præsertim quando Confessarius est notæ probitatis, nisi signa iuxta prudentum existimationem ad venerem determinate incitent, non videtur denunciandus. Cuilibet etiam cautissimo Confessario excidere e lingua. valent aliqua dubia verba, & signa aliqua dubia. Ideo ne continuo de-

nun-

nuntiandus? Cavendum semper, ne dum iniquorum pravitās coercendā curatur; innocentum, & proborum hominum fama maculetur, & prodatur. Ad 2. siue consentiat, siue dissentiat mulier sollicitata, tenetur denunciare. Immo hæc nullo modo astringitur pandere suum consensum; nec de eo a tribunali interrogari potest. Delictum enim sollicitationis ad tribunal attinet solum ut a Confessario proficiscitur. Ad 3. Confessarius sollicitatus consentiensque dubio procul est denunciandus, non ratione clausulæ provocantis, & sollicitantis, sed ob alteram clausulam, nempe decimam Bullæ Gregorii confirmatæ in rescripta constitutione, quod actus inhonestos egerit confessionis prætextu. Quid, si Confessarius vocatus a muliere, fingente domi se esse infirmam, pro confessione faciendā sollicitatus sit ad turpia, & resistat: at minis, additis a furente muliere, tandem cedat? Alii adfirmant, alii negant esse denunciandum. Alii respondent mitius esse puniendum: quod verum existimo, nec cogendum ad abiurandum. At non propterea non est denunciandus.

XVII. Quæst. XIV. *An persona sollicitata non præmissa correctione fraterna, sub mortali teneatur denunciare Sacerdotem sollicitantem?* Resp. Quamvis in omnibus aliis delictis privatis, quando prudenter speratur emendatio, præmittenda sit fraterna correctio; tamen, quando delicta sunt directe contra bonum publicum, ut sunt præsertim hæreses, neglecta correctione fraterna, denuncianda sunt, ut docet S. Thomas 2. 2. quæst. xxxi. art. 7. Accedit quod quamvis in delictis eiusmodi præmitti correctio possit, quando firmiter, inquit Angelicus, speraretur emendatio; nihilominus delicta sollicitationis, non præmissa correctione, denuncianda esse decrevit Congregatio S. Officii coram Alexandro VII. die 8. Julii anno 1660. per hæc verba: *Etiam si nulla fraterna correctio, vel alia admonitio præmissa fuerit, omnino teneri* &c. ad denunciandum. Quod autem persona sollicitata teneatur sub gravi culpa denunciare Sacerdotem sollicitantem, docent omnes, cum obligatio sit de re gravissima.

XVIII. Quæst. XV. *An non solum persona sollicitata, sed etiam alii teneantur denunciare sollicitantem?* Resp. Non solum pœnitentes sollicitati, sed etiam qui vel casu viderunt Confessarium sollicitantem, vel audierunt aut immediate ab ipso sollicitante, aut ab ipsa persona sollicitata; nisi tamen hæc, quæ est principalis, implere velit onus suum.

XIX. Quæst. XVI. *Tenetur ne persona sollicitata per se ipsam denunciare aut Inquisitori, aut Episcopo sollicitantem?* Resp. Absolute pœnitentes sollicitati tenentur per se ipsos denunciare; cum obligatio sit personalis: & qui per epistolam denuntiant, proprium nomen & cognomen scribere debent. Si mulieres nobiles, aut puellæ non audeant aut tribunal Inquisitionis, aut Episcopum adire, id agere valent per internuntium, nempe per Confessarium. Illud tribunal, siue Inqui-

sitio-

sitionis, sive Episcopi, eligatur pro denuntiatione facienda, quod executioni & remedio applicando facilius conducit. Ad pœnas quod attinet contra calumniatores, sive falsos denuntiatores, qui innoxiiis Sacerdotibus tantum impingere scelus auderent, lege constitutionem BENEDICTI XIV. supra adductam.

XX. Fufe de sacramento pœnitentiæ disputatum; at pro materiæ vastitate, & difficultatum multitudine vix satis. Unum tamen sub huiusce operis finem obiter moneo, seu in memoriam revoco. Nisi Confessarii propriam conscientiam vineam sedulo purgaverint; nisi ex eadem vepres, tribulos, urticas, & spinas evellerint; nisi proprios inordinatos animi motus moderari, superbiam, ambitionem, inanem gloriam reprimere, mundi oblectamentis renuntiare didicerint; nisi ipsi casti, temperantes, mortificati, humiles fuerint; nisi interiorem hominem reformaverint: frustra ex librorum lectione artem regendi alienas animas addiscere; frustra alienos agros excolere tentabunt. Et hæc de sacramento pœnitentiæ dicta sufficiant. Omnia quæ veritatem propugnant, in maiorem Dei & IESU CHRISTI Salvatoris nostri gloriam cedant. Si quid erratum est, oret lector ut Deus pro sua infinita misericordia remittere dignetur. Amen.

FINIS TOMI NONI.



I N D E X

R E R U M , E T V E R B O R U M

Quæ in hoc Tomo continentur.

A

Absolutio concedenda moribundo qui confessionem petiit, etsi adveniente Confessario nulum signum edat. *pag. 344. num. 1.* & quando pectus tundit, licet ob amissam loquelam nequeat confiteri. *ibid. num. 2.* An danda moribundo qui nec confessionem petiit, nec signum pœnitentiæ exhibet, si pie & christiane vixerit. *pag. 345. num. 3. & seqq.* Num in casu subitæ destitutionis sensuum requiratur signum certum pœnitentiæ, vel sufficiat probabile, vel etiâ dubium. *pag. 347. num. 11.* Num danda absolutio iis qui male vixerunt, & in ipso actuali peccato sensibus destituuntur. *pag. 349. num. 15.* Absolutio a censuris præmittenda absolutioni a peccatis. *pag. 345. num. 23. & pag. 618. num. 19.* Absolutionis forma deprecatoria a olim in usu fuerit. *pag. 379. num. 1. & seq.* Modo obtinet forma indicativa. *pag. 380. num. 4.* Quibus verbis constet. *ibid. num. 5.* An pronomen *Ego* sit de essentia. *ibid. An illud Te. ibid.* An cetera verba a peccatis tuis. *ibid.* Verba quæ formæ essentiam non ingrediuntur, an omittere sit peccatum. *pag. 381. num. 6.* Quid sentiendum de aliis formis verbis differensibus, sed eundem sensum reddentibus. *ibid. num. 7.* Sensus verborum absolutionis quinam sit. *ibid. n. 8.* An preces quæ formam absolutionis præcedunt, omitti possint absque peccato. *ibid. num. 10.* An licitum sit absolutionem dare sub conditione. *pag. 382. num. 11.* Num saltem in circum-

Tom. IX.

stantiis assignatis a P. Sporer. *ibid. num. 12. & seqq.* Num liceat absolutionem impertiri sub conditione defuturo. *pag. 384. num. 15. & seq.* An opinio docens absolutionem dari posse per epistolam, exordium sumperit in Ordine S. Dominici. *pag. 386. num. 1. & seqq.* A quibus ex eodem Ordine impugnata fuerit. *pag. 387. num. 4.* Quomodo, & per quos iterum revixerit. *ibid. num. 5.* Eam damnandam detulere Dominicani ad Clementem VIII. *pag. 388. num. 6.* Qui eam damnavit decreto suo. *ibid. num. 7.* Huius decreti interpretatio facta a P. Suarez. *pag. 389. num. 1. & seqq.* Decreta Pauli V. adversus interpretationem Suarezianam. *pag. 390. num. 1. V. Suarez.* Absolutio danda est præsentis. *pag. 616. num. 2.* Num naufraganti, vel vulnerato absenti. *pag. 617. num. 3.* Quomodo se gerere debeat Confessarius oblitus dare absolutionem. *ibid. num. 4.* Absolutio quando danda. *ibid. num. 5.* Peccatores magnis sceleribus obstricti, & longa peccandi consuetudine irretiti quando sint absolvendi. *pag. 635. n. 16. V. Converso.* An absolvendi qui in occasione proxima versantur. *pag. 653. n. 1. & seqq. V. Occaso.* Absolutio est deneganda comedis, cantatricibus, & saltatricibus, nisi artem relinquunt. *pag. 667. numer. 11. & seqq.* Laxe Casuistarum opinionones. *ibid. num. 13.* Num concedenda Christianis theatra adeuntibus. *ibid. num. 12.* Num recidivis. *pag. 674. num. 27.* An viris & feminis nimia vestium pompa ornatis. *pag. 712. n. 9.* Num eisdem hodiernas conversationes frequentantibus. *pag. 713. num. 10.* Absolu-

C c c

- solutio an aliquando differenda. *pag.*
 715. *num.* 12. Num danda ignorantibus mysteria fidei. *ibid.* Opposita opinio damnata ab Innoc. XI. *ibid.* An concedenda consuetudinariis, & recidivis saltem prima vice, etsi nulla præcesserit emendatio. *ibid.* *num.* 13. An illis qui frequenter relabuntur in peccata mollietis & pollutionis. *pag.*
 717. *num.* 14. An saltem aliqua immunitio peccatorum satis sit ut Confessarius prudenter possit illis absolutionem impertiri. *ibid.* Remedia adhibenda ad istorum curationem. *pag.*
 719. *num.* 18. & *seq.* An differenda periuris, & blasphemis consuetudinariis. *pag.* 723. *num.* 25. An usus Confessariorum etiam piorum raro dimittendi peccatores recidivos & consuetudinarios absque absolutione sit ratio sufficiens non differendi illis absolutionem. *pag.* 725. *num.* 2. Num turbatio prænitentis ob dilatam absolutionem latis sit ut prudenter possit statim absolvi. *pag.* 726. *num.* 3. An voluntarius accessus ad confessionem, & sincerum desiderium recipiendi gratiam Dei sufficiat ad consuetudinarios statim absolvendos. *ibid.* *num.* 4. An saltem periculum ne dimissi sine absolutione moriantur, & in æternum pereant, movere debeat prudentem Confessarium ad absolutionem non differendam. *pag.* 727. *num.* 6. Num quia doctrina de absolutionis dilatione materiam suppeditat Iansenistis triumphandi, & Rigorismum promovendi, ideo sit deferenda. *pag.* 730. *num.* 10. An silentium Ecclesiæ scientis praxim pene universalem & communem absolvendi omnes accedentes ad confessionem sit huius praxis approbatio. *pag.* 731. *num.* 11. V. *Confessarius*.
 Accessus spontaneus ad Confessionale laxè traducitur a Francolino, aliisque Casuistis tamquam argumentum sufficientis doloris, & dispositionis ad absolutionem. *pag.* 24. *num.* 8. Refellitur. *pag.* 726. *num.* 4.
 Albertus de Albertis S. I. Theologus præstantissimus invenitur adversus Confessariorum ignorantiam; & laxitatem. *pag.* 507. *num.* 9. & *seqq.*
 Alexander VII. S. P. quid circa contritionem attritionis & contritionis in sacramento pœnitentiæ decreverit. *pag.* 83. *num.* 1. & *seqq.*
 Amor duplex, amicitiae, & concupiscentiæ. *pag.* 143. *num.* 1. & *pag.* 175. *num.* 1. Amor initialis necessarium ad sacramentum pœnitentiæ. *pag.* 144. *num.* 1. Huius amoris necessitas ex Scripturis. *ibid.* *num.* 2. & *seqq.* Ex Tridentino. *pag.* 145. *num.* 1. & *seqq.* Amor initialis caritatis est, & non spei. *pag.* 151. *num.* 14. Eandem necessitatem amoris initialis docent Augustinus, ceterique Patres. *pag.* 152. *num.* 1. & *seqq.* Adstruit plunbus in locis S. Thomas. *pag.* 154. *num.* 1. & *seqq.* Confirmant theologicæ rationes ex Scriptura, Patribus, & doctrina S. Thomæ desumptis. *pag.* 158. *num.* 1. & *seqq.* Præceptum diligendi Deum maxime urget quando recuperanda est gratia & amicitia Dei. *ibid.* *num.* 2. Necessitatem amoris Dei in sacramento pœnitentiæ agnovere Theologi ante Concilium Tridentinum. *pag.* 166. *num.* 1. & *seqq.* & qui Concilio interfuerunt. *pag.* 167. *num.* 5. Confirmarunt plurimi Concilium subsecuti Theologi. *ibid.* *num.* 7. & *seqq.* & præstantissimi Cardinales. *pag.* 168. *num.* 11. & *seqq.* Clerus Gallicanus. *pag.* 172. *num.* 24. & Universitas Parisiensis. *pag.* 173. *num.* 27. & *seqq.* & Universitas Lovanienfis. *ibid.* *num.* 30. & *seqq.* Amor caritatis non statim fervet, nec firmitatem assequitur, sed gradatim proficit. *pag.* 175. *num.* 3. & *pag.* 116. *num.* 2. & *seqq.* Amor initialis a caritate prodit. *pag.* 192. *num.* 18. ad Deum convertit affective, non effectively. *pag.* 193. *num.* 19. Cur non iustificet sine sacramento. *ibid.* V. *Contritio*.
 Attritio nomen ante XIII. sæculum nunquam usurpatum. *pag.* 64. *num.* 14. Attritio alia servilis & formidolosa, alia amoris initialis. *pag.* 72. *num.* 1. Attritionis formidolosæ defensores amore spei exigunt. *ibid.* *num.* 2. & *pag.*

pag. 73. num. 3. Tridentinum Concilium non definit, attritionem servilem in sacramento poenitentiae sufficere ad iustificacionem. pag. 75. num. 1. & seqq. An saltem opinioni eius sufficientiam propugnanti faverit. pag. 80. num. 1. & seqq. Attritio servilis, iuxta Theologos Concilii Tridentini, est materia dubia sacramenti poenitentiae. pag. 95. num. 1. & seqq. Eius sufficientiam ut a Concilio definitam non agnoscere Theologi ipsam proximè subsequuti. pag. 100. num. 1. & seqq. Periculosus usus attritionis servilis in sacramento poenitentiae. pag. 108. num. 4. & seqq. Attritionis servilis opinio quando, & ubi inceperit. pag. 109. n. 1. & seqq. Gemina soror Probabilismi. pag. 110. num. 3. Quando decrementum acceperit. pag. 111. num. 6. Attritio ex formidine poenitentiae concepta utilis est ad iustificacionem. pag. 131. num. 5. & seqq. & pag. 136. num. 1. & seqq. Est supernaturalis. pag. 132. num. 9. Non excludit voluntatem peccandi. ibid. num. 1. & seqq. Imago peccatoris ad Deum revertentis per attritionem servilem. pag. 160. num. 3. & seqq. Opinio quae attritionem servilem sufficientem agnoscit ad iustificacionem in sacramento, præceptum caritatis evacuat. pag. 175. num. 1. & seqq. Evinctur damnata in prop. 1. proscripta ab Innoc. XI. pluribus argumentis. pag. 199. num. 1. & seqq. & pag. 209. n. 1. & seqq. & pag. 222. num. 1. & seqq. Eam esse moraliter certam, evidenter falsum esse demonstratur. pag. 206. n. 2. & seqq.

Audientes, Poenitentes secundi gradus. pag. 363. num. 3.

S. Augustinus docet, timorem poenarum voluntatem peccandi non excludere. pag. 133. num. 1. & seqq.

Axiomata plura vere evangelica ex probatissimis Auctoribus decerpta. pag. 731. & seqq.

B

Bellarminus (Robertus S. R. E. Cardinalis S. I.) quanti merito faciendus.

pag. 334. num. 27. Amorem caritatis inchoatum requirit in poenitentibus. pag. 169. num. 19. Falso citatur a Francolino. pag. 170. num. 20. Docet indulgentias dari diligentibus, negligentibus negari. pag. 412. num. 10. Opinionem negantem debitum confitendi peccata dubia tribuit Martino Luthero. pag. 334. num. 27. Gemit, & plorat super laxatam poenitentiarum disciplinam. pag. 416. num. 10. Quid sentiat de indulgentia altaris privilegiati pro defunctis. pag. 452. num. 44. Contra nimiam Confessariorum laxitatem invenitur. pag. 503. num. 2. & seqq. In suo aureo libro de gemitu Columbæ relaxationes Ordinum Religiosorum detestatur. pag. 611. num. 7. & seqq. Peccatorum conversionem probandam docet antequam absolvantur. pag. 638. n. 7. Modum docet quo tractandi sunt peccatores ad poenitentiam accedentes. pag. 687. num. 5.

Benedicti XIV. Pontificis sapientissimi monitum plures continens saluberrimas doctrinas pro Confessariis. in præf. pag. xxix. & seqq. Non faverit opinioni de sufficientia attritionis servilis. pag. 197. num. 2. & seqq. Plura scribit in aureo libro de Synodo circa scientiam canonum poenitentialium. pag. 365. num. 1. Quanta prudentia Confessariorum examen instituerit. pag. 536. num. 5. Omnem iurisdictionem ademit Confessariis absolvendi suos complices in peccato turpi. pag. 561. n. 5. Nonnulla alia edidit prudentissima decreta in eadem materia. ibid. & pag. 562. num. 6. Quid sanciverit duobus decretis ad compellendam Confessariorum curiositatem. pag. 691. num. 8. & seqq. Eius Bulla circa sollicitantes in confessione, & complices in materia turpi. pag. 748. num. 1. & seqq. Quam sapienter prospexerit famæ & conscientiæ Confessariorum contra falsos delatores de sollicitatione. pag. 750. §. 3.

Benignitas nimia Confessariorum in causa est cur plurimi damnantur. pag. 1. Benignitatem in sacramento poenitentiae omnes desiderant. pag. 2. Quænam

Ccc ij sit

fit benignitas adhibenda erga peccatores frequenter relabentes in peccata molliiæ & pollutionis. *pag. 719. n. 2. V. Confessarius.*

Bibliotheca Iansenistica iure merito proscripta. *pag. 610. num. 2. Male defensa a Sorbonico. pag. 611. num. 5.*

Bonacina (Martinus) laxè docet, committentem peccatum Episcopo referatum in aliquo monasterio ab Ordinarii iurisdictione exempto non subiacere reservationi. *pag. 570. num. 5. Refellitur. ibid.*

Bossuetus (Iacobus Benignus Episcopus Meldensis) monet, cavendum a Probabilismo, & ab opinione excludente a sacramento poenitentiae necessitatem amoris initialis. *pag. 211. num. 5. Rationem reddit cur poenitentes tam facile in peccata relabuntur. pag. 229. Instruit oves suas de modo indulgentias acquirendi. pag. 442. num. 15. & seqq. & pag. 456. num. 7.*

Busembaum (Hermannus) laxas tradit regulas pro scrupulosis. *pag. 337. num. 40. Refellitur. ibid.*

C

Camargo (Ignatius) S. I. Theologus præstantissimus Confessariorum laxitatem deplorat. *pag. 506. num. 8. docet, Christianos suorum Confessariorum directionem, & Confessarios Casuistarum placita sequentes posse in æternum perire. pag. 513. num. 1.*

Canones collecti a S. Carolo Borromæo, qui Poenitentiales dicuntur. *pag. 367. Quid statuant contra violatores primi præcepti Decalogi. pag. 368. contra violatores secundi præcepti. pag. 369. contra tertii. pag. 371. contra quarti. pag. 372. contra quinti. ibid. Canones contra homicidas. pag. 376. contra violatores sexti præcepti. pag. 378. contra septimi. pag. 379. contra octavi. pag. 382. contra noni. pag. 383. contra decimi. ibid. Canones poenitentiales de septem peccatis capitalibus. ibid. Alii de gula, & ebrietate. pag. 384. Idem de aliis peccatis. ibid. Declarationes circa præfatos canones. pag.*

385. Canonum poenitentialium scientia perutilis. pag. 365. num. 1. & seqq. Cardenas (Ioannes) laudatur, quia Probabilissimum rectè coercuit & restrinxit. pag. 54. num. 8. Docet, hominem post peccatum statim teneri ad poenitentiam. ibid.

Caritas alia perfecta, alia imperfecta. *pag. 143. num. 1. Caritatis evangelice notio, & prærogativæ. pag. 184. n. 26. V. Amor. Atroctio. Contritio. Dolor.*

S. Carolus Borromæus docet, poenitentes debere conteri propter Deum. *pag. 168. num. 11. Canones poenitentiales collegit per decem præcepta distributos. pag. 366. num. 4. Eiusdem doctrina practica de modo iniungendi satisfactorias poenitentias. pag. 397. Quam prudentiam in Confessariis requirat. pag. 470. num. 7. Docet quomodo se gerere debeant Confessarii erga peccatores consuetudinarios. pag. 637. n. 4. Laudabilem dicit consuetudinem ducendi pueros quinquennes vel sexennes ad Confessarium. pag. 709. num. 3.*

Catechismus Concilii Tridentini doctrinam tradit de caritate non semper iustificante. *pag. 118. num. 3. & seqq. Docet, circumstantias notabiliter aggravantes esse in confessione aperiendas. pag. 307. num. 1.*

Circumstantiæ quæ peccatum afficiunt, quot. *pag. 291. num. 1. Num sint aperiendæ circumstantiæ speciem mutant, quando peccans ad eas non advertit. ibid. num. 2. Regulares an exprimere teneantur circumstantiam voti solemnitis, quando sunt sacris Ordinibus initiati. pag. 292. num. 4. Circumstantia Novitii, vel Novitiae in aliqua Religione est manifestanda, quando peccatum commissum est cum illis in materia turpi contra castitatem. pag. 293. num. 5. Sponsialium circumstantia aperienda, si sponsi simul carnaliter peccent. ibid. num. 6. Amissio virginitatis num sit patefacienda respectu virginis. ibid. num. 8. & pag. 691. num. 15. Filiatio spiritualis quoque est dicenda a Confessario qui cum filia spirituali carnaliter peccavit. pag. 294. num. 19. & pag. 319. num. 11.*

num. 7. Quando dignitas personæ quæ peccavit, circumstantiam afferat in confessione exprimendam. pag. 294. num. 11. & seqq. Circumstantia impotentia in eunucho, vel frigido exponenda. pag. 295. num. 14. Scientia, vel ignorantia an manifestanda. *ibid.* n. 15. Consuetudo peccandi est dicenda Confessario etiam non interroganti. pag. 296. num. 16. & seqq. Contraria opinio videtur damnata in propositione 38. Innoc. XI. pag. 299. num. 23. Circumstantia notabiliter aggravantes in confessione aperiendæ. pag. 306. n. 1. & seqq. Opposita opinio quam absurda. pag. 314. num. 20. Circumstantia obiecti, & scandalii quando manifestanda. pag. 318. num. 2. & seqq. Loci in quibus casibus dicenda. pag. 321. n. 24. Quando aperienda circumstantia quibus auxiliis. pag. 323. num. 20. & seqq. Finis num & quando edicenda. *ibid.* num. 23. Temporis num & quando exponenda. pag. 324. num. 24. & seqq. Diei festivi. *ibid.* num. 28. Circumstantia Eucharistiæ eodem die sumptæ num manifestanda. pag. 325. n. 29. Personæ complices in peccato an manifestanda. pag. 341. num. 6. & seqq. an etiam ob solam utilitatem ipsius pœnitentis, vel complices. pag. 343. num. 10. & pag. 692. num. 18. & seqq. Quid circa hoc sapientissime decreverit Benedictus XIV. pag. 692. num. 18. & seqq.

Concilium Tridentinum non definivit, attritionem servilem sufficere ad iustificationem in sacramento pœnitentiæ. pag. 75. num. 1. & seqq. Nec doctrinæ eius sufficientiam adstruendi favet. pag. 80. num. 1. & seqq. V. *Attritio*. Docere videtur, non omnem contritionem, licet sit dolor de peccato ob offensam Deo illatam, semper peccati maculam abstergere. pag. 117. num. 1. & seqq. Præcipit omnibus Sacerdotibus sibi conscis gravis culpæ, ut Missæ celebrationi confessionem præmittant, si copiam habeant Confessarii. pag. 118. num. 2. V. *Contritio*. Amoris initialis necessitatem in sacramento pœnitentiæ insinuat. pag.

145. num. 1. & seqq. Eius decretum a cavillationibus Francolini, & Turnely vindicatur. pag. 146. num. 1. & seqq. & pag. 148. num. 7. & seqq. Quid circa indulgentias docuerit. pag. 436. num. 1. Statuit, nullum Sacerdotem sive sæcularem, sive Regularem posse confessiones audire, nisi sit ab Episcopo approbatus. pag. 534. num. 1. & seqq. V. *Iurisdiclio*. Casuum reservationem necessariam ad disciplinam Ecclesiasticam declarat. pag. 558. n. 1.

Confessarius triplici fungitur officio. pag. 1. num. 1. & pag. 686. num. 2. Ex Confessariorum nimia absolvendi facilitate turmatim animæ in gehennam prolabantur. pag. 1. num. 1. Sancti nimiam reprehendunt in Confessariis laxitatem, numquam nimiam severitatem in absolvendo. *ibid.* Confessarii raro æquo severiores, frequentissime æquo laxiores in pœnitentiis iniungendis. pag. 427. num. 35. Sanctorum Patrum cuiusque sæculi querimonie sunt adversus Confessarios non rigidos, sed laxos. *ibid.* num. 37. & seqq. Confessarii sublimis dignitas. pag. 458. num. 1. & seqq. Dotes generatim proponuntur. pag. 459. num. 8. & seqq. & pag. 686. num. 1. Fortitudo relucere debet in Confessariis. pag. 460. num. 1. & seqq. Qualem in eo exposuissent sancti Patres. pag. 461. num. 4. & seqq. Quam necessaria ut munus suum recte obteat. pag. 462. num. 6. Quas persecutiones invicto animo sustinere debeat. *ibid.* num. 7. & seqq. Caritas & probitas relucere debent in Confessario. pag. 466. num. 1. & seqq. Accedere debet ad tribunal sine conscientia peccati letalis. pag. 467. num. 3. nec ulla censura inodatus. *ibid.* num. 4. Prudentia Confessario maxime necessaria. pag. 468. num. 1. Regulæ huius prudentiæ. pag. 468. num. 2. & seqq. Exuere debet omnes mundanas affectiones. pag. 496. num. 3. Indolem explorat pœnitentis, & eius qualitates. *ibid.* num. 4. Doloris perpendat originem, & qualitatem. *ibid.* num. 5. Summa patientia & mansuetudine suos excipiat & tractet pœnitentes. pag. 470. num.

num. 8. Has virtutes iugi oratione imploret. *pag. 471. num. 9.* Oleum & vinum infundat vulneribus poenitentium. *ibid. num. 10.* Familiaritatem illorum devitet, & munera non accipiat. *pag. 473. num. 12.* Summa prudentia uti debet in mulierum confessione. *ibid. num. 13.* Scientia pollere debet hausta ex Scripturis, Patribus, & Conciliis. *pag. 475. num. 1. & seqq.* Non sufficit illa quæ assignatur a P. La-Croix. *ibid. num. 3. & pag. 478. n. 12.* Scire debet naturæ infirmitatem, & cordis affectiones. *pag. 481. num. 1. & seqq.* Discernere inter lepram & lepram, & quomodo. *pag. 482. num. 4. & seqq.* Scripturæ sanctæ studium ipsi necessarium. *pag. 485. num. 11.* Caritatem, quæ spiritus legis est, assequi debet. *pag. 486. num. 1. & seqq.* Legem Dei scrupuli in suis fontibus. *pag. 488. num. 7.* In Scripturis sanctis ethi non reperiantur casuum resolutiones, principia tamen & regulæ inveniuntur, quæ omnia dubia resolvantur. *ibid. num. 5. & pag. 489. num. 8. & seqq.* In Casuistis lites, & quæstiones interminabiles solum reperiet, & cur. *pag. 491. num. 13. & seqq.* Sientia factorum canonum etiam necessaria Confessariis. *pag. 492. num. 15.*

Confessarius nimium rigorem, & nimiam benignitatem debet declinare. *pag. 492. num. 1.* Confessarius laxitati addictos sacræ Scripturæ reprehendunt. *ibid. num. 2. & seqq.* Quam difficile sit medium tenere inter extrema rigoris, & laxitatis. *pag. 494. num. 4. & seqq.* Excessus laxitatis, & rigoris indicatur. *ibid. num. 7.* Gravius periculum est ne Confessarii in Laxissimum quam in Rigorissimum declinent. *pag. 496. n. 1. & seqq.* Sancti Patres cuiusque sæculi contra nimiam indulgentiam, raro contra nimium rigorem declamarunt. *pag. 497. num. 1. & seqq.* Idem præstiterunt etiam Sancti posteriorum sæculorum. *pag. 500. num. 1. & seqq.* & præstantiores Theologi. *pag. 502. num. 1. & seqq.* Confessariorum optimorum quanta sit paucitas. *pag. 511. num. 1.* Confessarium summa cura e-

ligendum, monent sancti Patres, & Doctores. *ibid. num. 2. & seqq.* Nobiles, mercatores, magnates, Principes præcipue in hac electione vigilare tenentur. *pag. 512. num. 8.* Confessarii gravius urgentur librum sanioris Theologiæ feligere, cui impensis studeant. *pag. 512. num. 8.* Poenitentes Confessariorum directionem sequentes, & Confessarii Casuistarum placita amplectentes perire in æternum possunt. *pag. 513. num. 1. & seqq.* In hoc discrimine versantur præsertim Christiani blandiloquos directores quærentes. *pag. 515. num. 7.* Confessarium amicum, & stabilem num habere expediat præcipue Magnatibus. *pag. 518. num. 1. & seqq.* Quo sensu Confessarii omnes pares sint. *ibid. num. 2.* Infelices Confessarii illi qui iudicium abolitionis ex Casuistarum libris pronuntiant. *pag. 519. num. 4.* Confessarii Magnatum quantis periculis subsint deficienti in suo munere. *pag. 520. num. 9. & seqq. & pag. 523. num. 21.*

Confessarii munus nemo sibi assumat, nisi a Deo vocatus. *pag. 527. num. 2.* Quam sit arduum & difficile. *ibid. num. 4.* Gravi damnationis periculo se exponunt qui non vocati hoc munus suscipiunt. *ibid. num. 1. & 3.* Veræ vocationis signa. *pag. 528. num. 6.* Confessarius quomodo excipere debeat poenitentem. *pag. 686. num. 3.* Quomodo illum disponere & præparare ad gratiam accipiendam. *ibid. num. 4. & seqq.* Fructus huius præparationis. *pag. 688. num. 7.* Præteritis sæculis quomodo viri Dei confessiones exciperent. *ibid. num. 8.* Duo præ oculis a Confessario semper habenda. *pag. 689. n. 9.* De quibus instruere teneatur poenitentes. *ibid. num. 11.* Versutus esse debet Confessarius in divinis meditationibus, & cor habere Dei amore æstuans. *pag. 690. num. 12.* Quid observare debeat in interrogatione poenitentium. *ibid. num. 13.* Cautela adhibenda in interrogatione de peccatis carnalibus. *ibid. numer. 14. & seqq.* Duo obstacula integritatem confessionis impediencia quomodo a Confessario

rio superanda . pag. 691. num. 16. De quibus præsertim pœnitentes interrogandi . *ibid.* num. 17. An interrogare possit de socio criminis . pag. 692. n. 18. & seqq. Quid agere debeat cum pœnitente negante peccatum quod ipse Confessarius novit ab illo commissum, nec alteri confessum . pag. 694. num. 23. Pœnitentem ignorantia graviter culpabili laborantem tenetur instruere . pag. 695. num. 3. An vero etiam laborantem ignorantia invincibili . *ibid.* num. 2. Casuistarum portentosæ laxitates . *ibid.* An teneatur Confessarius propria relicta opinione aliam probabilem pœnitentis amplecti . pag. 702. num. 1. & seq. Laxissima doctrina PP. Layman, & Gobat . pag. 703. num. 4. refellitur . pag. 704. num. 5. & seq. Num aliquando occurrere possit casus in quo Confessarius queat se conformare opinioni pœnitentis . pag. 707. num. 9. An dum absolutionem impertitur, omnia & singula peccata mortalia a pœnitente exposita actu scire, & præsentia habere habeat . pag. 708. num. 1. Quomodo se gerere debeat in confessione puerorum . *ibid.* num. 2. Quid in adolescentum confessionibus excipiendis observare teneatur . pag. 709. num. 4. Quid advertere in absolvendis rusticis & rudibus . pag. 710. num. 5. & seq. Quomodo se gerere in absolvendis iudicibus, advocatis, mercatoribus . pag. 711. num. 7. Quomodo erga patres filiosque familias . pag. 712. num. 8. An absolvere possit tum viros, tum mulieres nimia vestium pompa ornatas . *ibid.* num. 9. Quomodo erga viros & feminas hodiernas convertentes frequentantes . pag. 703. n. 10. Quas regulas servare debeat circa feminas devotas . pag. 714. num. 11. Quomodo se gerere erga debitores solutiones & restitutiones procrastinantes . pag. 723. num. 26. Quomodo cum iis qui sola confitentur venialia, si dubitet de eorum dolore & proposito . *ibid.* num. 26. Opinio Natalis Alexandri rejicitur . *ibid.* Quomodo in præscribenda confessione generali . pag. 724. n. 28. Sigillum servare debet . pag. 726. n. 2.

V. Sigillum. Minister. Absolutio. Iurisdidio.

Confessio quotuplex . pag. 267. num. 1. Confessionis peccatorum definitio . *ibid.* num. 2. Instituta fuit a Christo Domino . pag. 269. num. 1. & seqq. Non recentior inventa ab Innoc. III. pag. 273. num. 14. nec sublata a Nestario . *ibid.* num. 15. Necessaria est necessitate medii ad salutem . *ibid.* num. 16. Num hanc necessitatem inficiati sint aliqui Theologi catholici . pag. 274. num. 17. & seq. An aliquando fuerit in usu confessio publica . pag. 275. num. 21. Non pertinet ad essentiam confessionis ut secreto fiat . pag. 276. num. 22. Quinam adstringantur divino præcepto confessionis . *ibid.* num. 23. V. Præceptum. Quænam sint conditiones confessionis . pag. 280. num. 1. & seq. Quando mentiri in confessione sit mortale peccatum . pag. 281. num. 4. & seqq. Num sit grave peccatum negare Confessario petenti aliquid veniale revera commissum . *ibid.* num. 6. Confessionis integritas quotuplex . pag. 283. num. 1. Integritas formalis est absolute necessaria ad valorem sacramenti . *ibid.* num. 2. & seq. Num habeatur hæc integritas quando cui non constet de peccatorum numero exprimit verisimilem plus minusve . pag. 288. num. 15. Qui confessus est se decies circiter peccasse, & postea deprehendit duodecies, an teneatur hæc duo peccata expresse confiteri . *ibid.* n. 16. Quid importat *ly plus minusve* . *ibid.* num. 17. & seqq. Num in diuturna consuetudine peccandi satis sit tempus status vitiosi pandere, non exposito peccatorum numero . *ibid.* num. 19. Nonnullæ regulæ circa integritatem confessionis . pag. 289. num. 20. & seqq. An præter peccatum etiam effectus peccati sit in confessione aperiendus . pag. 290. num. 23. V. Circumstantiæ. Peccatum. Ab integritate confessionis excusat impotentia physica . pag. 339. num. 1. quot ex capitis vi oriatur . *ibid.* etiam impotentia moralis . *ibid.* num. 2. quando hæc locum habeat . *ibid.* Magna populi frequentia ratione alicuius

- solemnitatis, vel indulgentiæ non excusat ab integritate confessionis . pag. 343. num. 3. Casus reservatio non excusat ab integritate confessionis, etsi Superiorem non possis adire. *ibid.* n. 4. Num detur confessio valida, sed informis. pag. 350. num. 1. *Idem* seqq. Quibus in casibus iteranda confessio. pag. 351. num. 5. *Idem* seqq. Confessio an heri possit inter abentes sive modo divisivo, sive copulativo. pag. 384. num. 1. *Idem* seqq. Num opinio de confessione epistolari exordium sumplerit apud Dominicanos. pag. 387. num. 3. V. *Suarez. Absolutio.*
- Confiscentes, Pœnitentes quarti gradus. pag. 364. num. 5.
- Contritio generatim sumpta quænam sit. pag. 46. num. 2. Propositum includit non peccandi de cetero. pag. 47. n. 3. Eius proprietates quænam. *ibid.* n. 5. *Idem* seqq. Quomodo magna & vehemens esse debeat. pag. 48. num. 7. Necesse non est ut foras erumpat per gemitus, & lacrymas. pag. 49. num. 8. Contritio alia perfecta, alia imperfecta. pag. 63. num. 1. Utriusque natura exponitur. pag. 64. num. 2. *Idem* seqq. An specie differant ab invicem. *ibid.* num. 5. An contritio debeat ad singula peccata extendi. pag. 66. num. 7. An etiam ad venialium remissionem in sacramento pœnitentiæ requiratur. *ibid.* num. 8. *Idem* seqq. An opinio quæ contritionem in sacramento pœnitentiæ ut necessariam requirit, damnata sit. pag. 73. num. 5. Contritio quæ sit dolor de peccato ob offensam Deo illatam, non semper iustificat ante sacramentum, sed ad iustificationem disponit. pag. 114. num. 1. *Idem* seqq. Nec qualiscumque contritio peccati maculam abstergit. pag. 117. num. 1. *Idem* seqq. & pag. 192. num. 18. Quomodo contritio sacramenti pœnitentiæ efficacitatem non impediatur. pag. 186. num. 3. *Idem* seqq. Quomodo sacræ Litteræ contritioni generatim acceptæ vim tribuant iustificandi. pag. 188. num. 7. *Idem* seqq. Contritionis præceptum quando obliget. pag. 50. num. 1. V. *Præceptum.*
- Conversio peccatoris quænam ex sacris Scripturis. pag. 619. num. 1. *Idem* seqq. ex S. Augustino, & Patribus. pag. 621. num. 1. *Idem* seqq. Conversiones recidivorum, & in consuetudine peccandi versantium falsæ. pag. 622. num. 4. Signa veræ contritionis in illis non apparent. pag. 625. num. 4. *Idem* seqq. Quantum veræ conversioni obstat Confessoriorum praxis nimis blanda. pag. 628. num. 11. Conversio peccatorum qui magnis detinentur sceleribus, vel longa peccandi consuetudine, communiter nec repente nec brevi evenit. pag. 630. num. 1. *Idem* seqq. Id evincitur ex Augustino. pag. 631. num. 3. *Idem* seqq. Confirmant alii Patres. pag. 633. n. 7. Ratio theologica suadet. *ibid.* num. 6. Peccatorum conversionem probandam piorum operum exercitio ante absolutionem, docent ultimæ ætatis Scriptores doctrina & pietate celeberrimi. pag. 637. num. 3. S. Carolus Borromæus. *ibid.* num. 4. *Idem* seqq. Ven. Bellarminus. pag. 638. num. 7. *Idem* seqq. Cardinalis de Aguirre. pag. 640. num. 10. *Idem* seqq. Cardinalis Denhoffus. pag. 643. num. 14. *Idem* seqq. Concionatores eandem doctrinam publice prædicant. pag. 645. num. 10. *Idem* seqq.
- Croix (P. Claudius La) laxissime docet, effectum peccati non esse in confessione aperiendum. pag. 10. num. 20. refellitur. pag. 290. num. 23. *Idem* seqq. non esse aperienda in confessione peccata quæ ex consuetudine mortaliter mala procedunt, etiam ipsa consuetudine non retractata. pag. 12. num. 25. refellitur. pag. 300. num. 26. *Idem* seqq. Laxe docet, non teneri pœnitentem confiteri qualitatem personæ quam veneret, etsi abique desiderio aspexit. pag. 13. num. 29. refellitur. pag. 319. num. 4. Qui sine desiderio, sed impudice teminam attraxit, satis esse, si in confessione dicat se turpiter attigisse, nihil dicendo de parte. pag. 13. num. 30. refellitur. pag. 319. num. 5. Qui fornicatus est cum tribus diversis, vel ter cum una, non teneri dicere in confessione an una, vel plures fuerint mulieres, an meretrices.

vel aliæ . pag. 13. num. 31. refellitur . pag. 319. num. 6. Laxe docet probabilis esse, si ratio spectetur, non teneri Sacerdotem fornicarium aperire in confessione circumstantiam filię spiritualis cum qua peccavit . pag. 13. num. 32. refellitur . pag. 320. num. 8. Ineptas assert rationes relaxandi veteris disciplinę rigorem in sacramento pœnitentię . pag. 16. num. 43. refelluntur . pag. 404. num. 2. & seqq. Laxe docet, ad munus Confessarii satis doctos eos habendos qui integram aliquam summam casuum aut diligenter legerint, aut audierint explicari . pag. 17. num. 47. refellitur . pag. 475. num. 3. Laxissime docet, Confessarium scire debere plures sententias vere probabiles, cum non expedit pœnitentes dirigere secundum unam doctrinam . pag. 17. num. 48. refellitur . pag. 476. num. 5. & seqq. Quam belle decretum Alexandri VII. interpretetur . pag. 84. num. 1. Quomodo evincat opinionem docentem attritionem formidolosam non comprehendendi in damnatione propositionis primę proscriptę ab Innoc. XI. pag. 200. n. 1. refellitur . pag. 201. num. 2. & pag. 214. num. 8. & seqq. Falso docet, opinionem de sufficientia attritionis in sacramento pœnitentię esse moraliter certam . pag. 206. num. 5. refellitur . pag. 207. num. 9. & seqq. Falso docet, probabiliorem esse opinionem asserentem sufficere propositum implicitum, & non requiri explicitum . pag. 238. num. 14. Laxe docet, solum probabilius requiri in confessione propositum universale . pag. 259. num. 10. refellitur . *ibid.* consuetudinem peccandi non esse per se in confessione aperiendam . pag. 296. num. 16. refellitur . pag. 297. num. 17. & seqq. Putat probabile non esse sacrilegium furari rem in loco sacro, nisi sit ibi deposita, vel commodata Ecclesię . pag. 322. num. 17. Similiter pollutionem occultam, immo copulam illicitam occultam in Ecclesia commissam putat non esse sacrilegium . *ibid.* num. 19. Laxius docet, oscula, tactus &c. libidinosos et-

Tom. IX.

iam publice habita in Ecclesia non induere rationem sacrilegii . pag. 323. num. 20. Opinionem affirmantem peccata negative dubia non esse necessario in confessione aperienda, censet, spectata auctoritate, opposita probabiliozem . pag. 333. num. 23. refellitur . *ibid.* num. 24. & seqq. Nonnulla congerit Sanctorum dicta quę benignitatem suadent, omnis iis quę iustum rigorem inculcant . pag. 409. n. 2. & seqq. Probabile putat licere pœnitenti eadem peccata iterum confiteri tacendo priorem confessionem, ut mitiorem pœnitentiam accipiat . pag. 434. num. 21. refellitur . *ibid.* Docet Confessarium posse & debere se accommodare opinioni pœnitentis . pag. 478. num. 12. refellitur . *ibid.* Probabile putat quod laicus possit absente Clerico a censuris absolvere . pag. 532. num. 10. Falso asserit, esse doctrinam iansenisticam, & rigoristicam affirmare quod frequentes relapsus sunt signa defuisse dolorem aut propositum . pag. 675. num. 1. refellitur . *ibid.* num. 2. Laxe docet, frequentem relapsum solum quandoque esse signum, quod defuerit dolor . *ibid.* Portentosa argumenta quibus laxam fulcit opinionem . pag. 676. num. 4. refelluntur . *ibid.* num. 5. & seqq. Falso Theophilum Raynaudum citat . pag. 679. num. 9. & seqq. Laxe negat requiri in pœnitentis proposito efficaciam constantem . pag. 681. refellitur . *ibid.* Perperam citat D. Thomam . pag. 682. num. 14. Laxe docet, prima vice absolvendos consuetudinarios, & recidivos, etsi nulla præcesserit emendatio . pag. 715. num. 13. refellitur . *ibid.* Quę opinio videtur admodum affinis propositioni 60. ab Innoc. XI. damnata . *ibid.*

D

Disciplina antiqua Ecclesię in satisfactionibus & pœnitentiis iniungendis . pag. 361. num. 1. & seqq. Quenam invecta fuerit occasione schismatis Novatiani . pag. 363. n. 1. & seqq. Quan-

D d d do

do rigor huius disciplinæ relaxari cœperit in utraque Ecclesia Latina & Græca . pag. 364. num. 7. & seqq. Disciplina exterior etsi mutata, idem tamen spiritus in Ecclesia perseverat . pag. 386. num. 1. & seqq. V. *Canones Satisfactio*.

Doctrina Concionatorum, & Missionariorum ex sacro suggestu quam diversa ab illa Casuistarum in libris, & in confessionali . pag. 645. n. 1. & seqq. & pag. 648. n. 7. & seqq. Quibus magis adherendum . pag. 646. n. 4. Quam desidia hæc diversitas . pag. 647. n. 5. Quantum detrimenti asserat . pag. 650. num. 8.

Dolor in contritione, vel attritione an formalis esse debeat & explicitus . pag. 65. n. 6. Debet elici a pœnitente cum intentione confitendi . pag. 232. num. 2. An præcedere debeat confessionem, vel solum absolutionem . *ibid.* num. 3. Debet esse moraliter præsens . pag. 233. num. 4. Num unus doloris actus sit materia sufficiens plurium absolutionum . pag. 234. num. 5. An in confessione venialium requiratur dolor . pag. 235. num. 6. & pag. 723. num. 27. An extendi debeat ad omnia venialia in confessione exposita . pag. 235. num. 7. Non sufficit dolor ob aliquod malum temporale, etiam ut a Deo inflictum . *ibid.* num. 9. & seqq. Dolor præcipue inculcandus circa peccata quæ magis amantur a pœnitente . pag. 237. num. 13. & seqq.

E

Elizalde (P. Michael) Soc. Iesu doctissimus Theologus, veritatem solum tamquam unicam conscientię regulam statuit . pag. 477. num. 14. Scientiam casuisticam improbat . pag. 482. num. 4. & seqq. Mendacem Probabilitatum stateram reprehendit . pag. 484. num. 9. In Scriptura, & apud SS. Patres docet reperiri doctrinam ad dirigendas conscientias . pag. 489. num. 10. & seqq. Scientię defectum in Confessoris deplorat . pag. 479. num. 14. &

pag. 482. n. 4. & seqq. Nimiam Confessoriorum laxitatem detestatur . pag. 505. n. 5. & seqq. Docet, pœnitentes suorum Confessoriorum directionem sequentes, & Confessarios Casuistarum placita amplectentes petire in æternum posse . pag. 513. num. 1. & seqq. Erudite ac pie quæstionem tractat num expediat habere Confessarium amicum, & stabilem, præsertim Magnatibus . pag. 518. num. 1. & seqq. Plura allegat quibus ostendit non expedire . pag. 520. num. 10. Confessoriorum illorum sortem deplorat qui iudicium absolutionis ex Casuistarum libris efformant . pag. 519. n. 4. Piissimum eiusdem monitum ad Confessarios . pag. 525. n. 2. Probabilissimum aperte improbat . pag. 526. num. 3. Viam cæli evertere, & infernum implere asserit . pag. 655. num. 6. Refellit sophistica Probabilistarum desumptum ex benignitate sanctæ matris Ecclesiæ . pag. 555. num. 2. & seqq. Desert oppositionem doctrinæ inter Concionatores ex sacro suggestu, & Casuistas in libris & in confessionali . pag. 647. num. 5.

Episcopi in Confessarium assumere possunt simplicem Sacerdotem . pag. 443. n. 18. Sed extra diœcesim suam non nisi sibi subditum . pag. 569. num. 3. A quibus casibus possint absolvere . pag. 570. num. 6. An Episcopi nomine veniant Abbates, & Prælati Regulares . pag. 571. num. 7. Facultas a Tridentino concessa Episcopis absolventi ab hæresi est revocata per Bullam Cœnæ Domini . *ibid.* num. 8. Opposita opinio damnata ab Alexandro VII. *ibid.*

Examen conscientię quæ diligentia peragendum . pag. 284. num. 4. Monita ad hoc valde opportuna . *ibid.* num. 5. & seqq.

F

Feggellus (P. Franciscus) falsissime docet, praxim & usum omnium Confessoriorum obtinere ut impendant absolutionem cum iurisdictione probabilis, & recte iudicari, Ecclesiam iurisdic-

ditionem conferre, si antea non datur. pag. 18. num. 54. refellitur. pag. 553. num. 12. & seq.

Flentes dicebantur Pœnitentes primi gradus. pag. 363. num. 2.

Francolinus (P. Balthasar) Rigorismum Ecclesiam Dei depopulantem tetriscoloribus pingit. In præf. pag. 13. num. 2. & seqq. Rigorismum hunc Catholicis tribuit. *ibid.* pag. 17. num. 9. Sed quam immerito. pag. 18. num. 10. Ostenditur potius a Laxismo cavendum quam a Rigorismo. pag. 19. num. 11. Iniuste Catholicorum doctrinas cum erroribus Montanistarum, & Iansenistarum confundit. pag. 21. num. 12. Quam facile sit a Rigorismo declinare, & quam difficile a Laxismo. pag. 23. num. 14. Plures Genneti, Merbesii, & Iuvenini propositiones tamquam plus æquo rigidiores falso traducit. pag. 23. & seqq. Cur acri stilo scripserit, rationem reddit. pag. 70. num. 5. Cardinalis Pallavicini auctoritatem eludere conatur. pag. 78. num. 1. & seqq. Exordium doctrinæ de contritione requisita in sacramento. pœnitentiæ repetit ex Donatistis, & Pelagianis. pag. 91. num. 1. eiusdem incrementum tribuit Luthero, & Calvino. *ibid.* num. 2. propagationem Iansenistis. pag. 93. n. 7. Sibi aperte tamen contradicit. *ibid.* Omnes Theologos amorem initialem in sacramento pœnitentiæ requirentes nullius auctoritatis pronuntiat. pag. 94. num. 9. & seqq. Navarrum oscitanter, & falso allegat. pag. 101. num. 6. Suspectam Toleti retractationem in medium producit. pag. 102. num. 8. Huius mutationis fuitiles rationes allegat. *ibid.* Inapte Suarezii testimonium sibi non favens conatur exponere. pag. 104. num. 11. Quomodo. Catechismus Romanum interpretetur. pag. 120. num. 6. Decretum Tridentini de necessitate amoris initialis quomodo exponat. pag. 146. n. 1. & seqq. Falso asserit, S. Thomam non requirere caritatem, sive contritionem in adulto baptismum suscipiente. pag. 147. num. 5. & seqq. Male Bellarminum citat. pag. 170. num. 20. & seqq. Rigo-

ristas depingit. pag. 251. num. 10. Rigorismi censuram inurit Genneto, quia in sacramento pœnitentiæ propositum exigit firmum & constans. pag. 256. num. 4. Plura absurda ex hac Genneti doctrina sequi ostendit. *ibid.* num. 5. refellitur. *ibid.* num. 6. Ineptas allegat rationes cur relaxatus sit rigor antiquæ disciplinæ in pœnitentis iniungendis. pag. 404. num. 1. & seqq. refellitur. *ibid.* Patrum testimonia, quibus iustum rigorem inculcant, eludere conatur. pag. 502. num. 9.

G

Gagna (P. Gaspar Iosephus) notam putidi calumniatoris Auctori impingit. pag. 585. num. 1. refellitur. *ibid.* & seqq.

Gennetus (Franciscus) ut Rigorista a Francolino immerito traducitur. pag. 27. num. 1. & seqq.

Gobat (P. Georgius) laxè docet, probabiliter nullum extare per se præceptum contritionis eliciendæ extra articulum mortis. pag. 6. num. 5. refellitur. pag. 53. num. 8. Laxissime docet, non denegandam abolutionem plebeiis iuvenibus cubantibus indutis & exutis cum puellis in eodem lecto, & nolentibus proponere separationem. pag. 9. num. 16. refellitur. pag. 262. num. 17. nullam oriri obligationem citius confitendi in eo qui differendo confessionem usque ad mortem, vel ad Pascha, certus est se multorum criminum obliturum. pag. 10. num. 18. refellitur. pag. 278. num. 31. & seqq. non esse in confessione apcriendam circumstantiam mutantem speciem, nisi pœnitens quando peccavit, de illa saltem dubitaverit. pag. 11. n. 21. refellitur. pag. 291. num. 3. magnam pœnitentium frequentiam ratione alicuius solemnitatis, vel indulgentiæ exulare ab integritate confessionis. pag. 340. num. 3. damnata est hæc opinio ab Innocentio XI. *ibid.* non debere Confessarium proponere pœnitenti aliquam ex probabilibus lententis

tamquam necessario sequendam, si videat ab ipso repudiandam. *pag. 478. num. 12.* Festive docet, peccare saltem contra caritatem Confessarium qui absolvit pœnitentem sequendo opinionem minus tutam de sua iurisdictione, nisi forte credat talem absolutionem non futuram ingratam pœnitenti. *pag. 551. num. 5. refellitur. ibid. num. 6.* Laxe docet, licere uti opinione probabili, etiamsi hæc communiter non reputetur probabilis, sed solum ab aliquo Doctore. *pag. 552. n. 7.* etiam quando probabilitas versatur solum circa aliquod factum. *ibid. refellitur. ibid. num. 8.* Laxam tradit doctrinam circa occasionem proximam. *pag. 668. num. 15.* Laxiora inde deducit confessoria. *pag. 669. num. 16.*

Gormaz (P. Ioannes Baptista) laxè docet, regulariter non esse dimittendum sine absolutione illum qui actualiter peccando subito sensibus destituitur, nullumque externum exhibet pœnitentiæ signum. *pag. 15. num. 42. refellitur. pag. 349. num. 16.* Male Suarezium descendit. *pag. 594. num. 11.* Falso docet, obligationem decretorum Pauli V. cessasse. *ibid. num. 9. & pag. 614. num. 4.*

H

Henriquez (P. Henricus) laxè docet, præceptum contritionis non obligare accipientes sacramentum pœnitentiæ cum attritione. *pag. 8. num. 10. refellitur. pag. 112. num. 7. & seqq.* Antiquatam sententiam de confessione epistolari extumulavit. *pag. 587. num. 5.* Hæretici nonnulli pœnitentiæ sacramentum negarunt. *pag. 35. num. 2. & seqq.* Hurtado (P. Thomas) laxè docet, non esse necessarium in confessione propositum universale abstinendi ab omnibus peccatis. *pag. 259. num. 10. refellitur. ibid.* Laxissime docet, artem histrionicam similemque non esse illicitam, sed eas exercentes absolvi posse septuagies septies, si habeant propositum non peccandi, & dolorem de

præteritis. *pag. 667. num. 13.* Docet, Confessarium dantem in confessione pœnitenti chartam postea legendam, in qua ad venerem incitat, non censi sollicitasse in confessione, proinde non esse denuntiandum. *pag. 753. num. 3.* Quæ opinio damnata est ab Alexandro VII. *ibid.*

I

Iesuitæ sapientiores & doctissimi nimiam Confessoriorum laxitatem deplorant. *pag. 502. num. 1. & seqq.* Vide De Albertis. Bellarminus. Camargo. Elizalde. Societas Iesu.

Ignorantia, & bona fides quando pœnitentes directionem suorum Confessoriorum sequentes excusent. *pag. 516. num. 12. & seqq.* Ignorantiam a suo pœnitente quando expellere teneatur Confessorius. *pag. 695. num. 2. & seqq.*

Indulgentiæ usus non est modus utilior & certior satisfaciendi pro peccatis. *pag. 405. num. 4. & pag. 456. num. 6.* Indulgentiæ acquisitio non eximit ab onere acceptandi satisfactionem sacramentalem, præsertim ut medicinalem. *pag. 407. num. 7.* Quomodo indulgentiis Ecclesia adiuvet pœnitentes, non faveat otiosos. *pag. 411. num. 9. & pag. 412. num. 11.* Quid circa indulgentias statuit Tridentinum Concilium. *pag. 436. num. 1.* Indulgentiarum impugnatores quinam. *pag. 437. num. 2.* Quid intelligatur indulgentiæ nomine. *ibid. num. 3.* Exat in Ecclesia facultas largiendi Indulgentias. *pag. 438. num. 1. & seqq.* Indulgentiarum usus utilis fidelibus. *pag. 439. num. 10.* An indulgentiæ pœnas remittant non solum iniunctas, sed etiam iniungendas. *ibid. num. 11.* Indulgentiæ conceduntur in supplementum infirmitatis. *pag. 440. n. 13.* Quibus profint indulgentiæ iuxta Caietanum. *pag. 441. num. 14.* Parum profunt iis qui pro viribus Deo negligunt satisfacere. *pag. 443. num. 20.* Cur Ecclesia hodie facilis sit in plenariis indulgentiis concedendis. *ibid. num. 21.* Per indulgentias non eximuntur fideles

les ab operibus satisfactoriis. *pag. 445. num. 24.* Quomodo indulgentiæ plenariæ totam poenam remittant. *ibid. num. 25.* Quomodo superflue non sint plures indulgentiæ plenariæ. *pag. 446. num. 27.* Cardinalis Denhoff instructio circa indulgentias. *ibid. num. 29. & seqq.* Quinam sint indulgentiarum legitimi dispensatores. *pag. 449. num. 31.* Num valeant concessæ sine iusta causa. *ibid. num. 32.* Quinam apti sint indulgentiis lucrandis. *pag. 430. num. 33.* An requiratur status gratiæ dum implentur opera in Bullis iniuncta. *ibid. num. 34.* An qui sunt in gratia, teneantur ad sacramentalem confessionem ut indulgentias lucentur. *ibid. num. 35.* Num si pietatis opera iniuncta ad indulgentiam non solum in peccato, sed cum peccato fiant, prosint ad eius acquisitionem. *ibid. num. 36.* Num quando pro acquisitione præscribitur elemosyna, hæc facienda sit secundum qualitatem personæ. *ibid. num. 37.* Num sufficiat quæcumque etiam brevis & minima precatricula ad lucrandam indulgentiam. *pag. 451. num. 38.* Indulgentiæ extendi possunt etiam ad defunctorum animas adiuvandas. *ibid. num. 39.* Quomodo illis prosint. *ibid. num. 40.* An si pro anima defuncti celebretur Missa ad altare privilegiatum, statim a poena liberetur. *pag. 452. num. 44.* Quotuplex sit indulgentia. *pag. 453. num. 45. & seqq.* Quænam sit indulgentia Iubilæi. *ibid. num. 48.* V. *Reservatio.* Monitum pro indulgentiis cum fructu lucrandis. *pag. 454. num. 1. & seqq.*

Iurisdicctio quid importet. *pag. 533. num. 2.* requiritur in ministro sacramenti poenitentię præter potestatem Ordinis. *ibid. num. 3.* Quomodo in consecratione Sacerdotum eis conferatur iurisdicctio. *ibid. num. 5. & seqq.* Nullus Sacerdos sive sæcularis, sive Regularis audire potest confessiones, nisi sit ab Ordinario approbatus. *pag. 534. num. 1. & seqq.* Regularis Episcopo præsentatus, & ab eo iniuste repulsus iurisdicctio non acquirit. *pag. 535. num. 3.* Opposita opinio damnata. *pag.*

536. num. 2. Approbatus ab uno Episcopo pro una diœcesi, non est approbatus pro aliis diœcesibus. *ibid. num. 3.* Opposita opinio ut falsæ & salutis animarum perniciofa traducitur ab Alexandro VII. *ibid.* Approbati ad confessiones sæcularium audiendas non censentur approbati pro Monialibus. *ibid. num. 4.* Opposita opinio antiquata. *ibid.* Regulares tenentur Episcoporum examen subire. *ibid. num. 5.* An valide possint confessiones audire approbati ab Episcopo, sed sine præsentatione superioris, immo ipso incio, vel repugnante. *pag. 537. num. 7. & seqq.* Num etiam licite. *ibid. num. 9.* Approbati in una diœcesi audire possunt confessiones fidelium ex alia diœcesi venientium. *pag. 538. num. 9.* Prælati Regularium indigent Episcopi approbatione ad sæcularium confessiones excipiendas. *ibid. num. 10.* An Regulares sine Episcopi approbatione audire possint confessiones sæcularium in eorum domibus commorantium. *ibid. num. 13.* Regulares iter agentes nequeunt sibi eligere in Confessarium simplicem Sacerdotem, ne quidem si desit copia Confessarii proprii Ordinis. *ibid. num. 14.* Quid circa F. F. Prædicatores statutum sit. *pag. 539. num. 15.*

Iurisdicctio alia ordinaria, alia delegata. *ibid. num. 1.* Delegata quænam sit. *ibid. num. 2.* An qui ordinam habet iurisdicctioem, eam possit delegare. *pag. 540. num. 3.* Sacerdos non approbatus ad confessiones iurisdicctioem non habet absolvendi a folis venialibus, vel a mortalibus alias rite confessis. *ibid. num. 4. & pag. 553. num. 11.* Opposita opinio reprobat a Innoc. XI. *pag. 540. num. 5.* Quid de Religiosis Societatis Iesu sentiat La-Croix. *ibid. num. 6.* Quilibet Sacerdos iurisdicctioem habet absolvendi constitutos in articulo mortis ab omnibus peccatis, & censuris. *pag. 542. num. 15.* An etiam si sit hæreticus, degradatus, suspensus. *pag. 543. num. 16.* & *pag. 576. num. 21.* Si adsit in mortis articulo Sacerdos approbatus, nequit non

non approbatus absolutionem impartiri . pag. 543. num. 17. Regulares vi privilegiorum quam habeant iurisdictionem . *ibid.* num. 18. Episcopi possunt sibi eligere Confessarium simplicem Sacerdotem . *ibid.* extra suam diocesim tamen non nisi suum subditum . pag. 569. num. 3. Parochi nequeunt sibi Confessorem eligere . pag. 543. num. 18. Opposita opinio damnata ab Alex. VII. *ibid.* Num qui iurisdictionem sive ordinariam, sive delegatam habent, ea uti possunt in aliena diocesi cum suis subditis . *ibid.* num. 19. Quis sit vagorum, & peregrinorum proprius Parochus . pag. 544. num. 20. An iurisdiclio acquiratur sola consuetudine . *ibid.* num. 21. Quando amittatur, vel impediatur . *ibid.* num. 22. An Episcopi limitare possint iurisdictionem ad tempus, ad loca, ad personas . pag. 545. num. 24. An expiret iurisdiclio morte concedentis . *ibid.* n. 25. & *segg.* An delegatus possit subdelegare . pag. 546. num. 27. An error communis deficiente titulo colorato iurisdictionem conferat . *ibid.* num. 28. & *segg.* Non licet uti iurisdictione probabili . pag. 548. num. 1. & *segg.* & pag. 557. num. 1. & *segg.* Opposita opinio videtur proscripta ab Innoc. XI. in proposit. prima pag. 549. num. 1. & *segg.* Nec Ecclesia supplet in hoc casu defectum iurisdictionis . pag. 553. num. 12. & *segg.* Resellitur argumentum desumptum ex benignitate sanctæ matris Ecclesiæ . pag. 555. num. 1. & *segg.* V. *Reservatio casuum*.

Iustificatio nis imago genuina a Patribus Tridentinis traditur . pag. 150. num. 12. Iustificatio nec inamissibilis est, nec impossibilis . pag. 239. num. 1. Est opus omnium præstantissimum . pag. 240. num. 1. Stabilis, firma, & perpetua esse debet iustificatio christiana . pag. 241. num. 2. & *segg.* Hæc firmitas & constantia christianæ iustificationis pluribus argumentis confirmatur . pag. 247. num. 1. & *segg.* Difficile est iustificationem semel amissam recuperare . pag. 243. num. 6. & *segg.* Cur pleræque iustificationes fidæ sint & apparentes.

tantum . pag. 249. num. 4. & *segg.* An ad iustificationem requirantur actus expressi fidei & spei . pag. 266. n. 29. Iuveninus (Gaspar) ut Rigidista immerito traducitur a Francolino . pag. 26. num. 1. & *segg.*

L

Leander a SS. Sacramento laxè docet ; volentes recipere alia sacramenta præter Eucharistiam certissime non teneri ad confessionem, etsi letali culpa inquinatos, cum nullum ex ter præceptum hoc imponens . pag. 10. num. 9. resellitur . pag. 279. num. 33. & *segg.* nec illum qui peccat mortaliter eo die quo Eucharistiam sumpsit, teneri aperire in confessione hanc temporis circumstantiam . pag. 14. num. 26. resellitur . pag. 325. num. 29. Laxe docet, non esse necessario explicandum in confessione effectum peccati, puta mortem ex veneno propinato . pag. 14. num. 27. resellitur . pag. 325. num. 30. & *segg.* Falso adfirmat, simplicem Sacerdotem posse valide absolovere penitentem bona fide illi confitentem peccata venialia & mortalia . pag. 17. num. 51. resellitur . pag. 542. num. 13. Laxe docet, quando adest periculum oblivionis unius vel multorum peccatorum, non urgere præceptum confessionis etiam ante annum . pag. 278. num. 31. resellitur . *ibid.* Regularem sacris Ordinibus initiatum non teneri aperire in confessione circumstantiam voti solemnitis . pag. 292. num. 4. penitentem disferre posse penitentem sibi a Confessario iniunctam per integrum annum . pag. 432. num. 13. resellitur . pag. 433. num. 14. opera pro indulgentiis lucrands præscripta prodesse ad indulgentiam, etsi in peccato, vel cum peccato fiant . pag. 450. num. 36. sufficere minimam eleemosynam etiam in divite ad lucrandam indulgentiam, quando inderminate præscribitur . *ibid.* num. 37. Idem adfirmat etiam de brevi & minima precatiuncula . pag. 451. num. 38. concubina-

binarium semel ac iterum absolvi posse etiam antequam concubinam expellat. *pag. 665. num. 2. refellitur. ibid.* Laxissime docet, posse absolvi toties quoties, etiam quando nullus appareret profectus, si concubinam eicere nequeat sine magno detrimento vitæ, honoris, vel pecuniæ. *ibid. num. 3. refellitur. ibid.* posse absolvi concubinarium & concubinam simul commorantes, si prior secundam dimittere credat se amissurum centum aureos huic mutuo datos. *ibid. num. 5. posse absolvi concubinarium non eiecta domo concubina, eo quod famam amitteret, si expelleret. ibid. num. 4. refellitur. ibid.* absolvi posse toties quoties pœnitentem qui post repetitam monitionem modo cum una, modo cum altera fornicatur. *pag. 666. num. 6. refellitur. ibid.* posse absolvi Confessarium qui ex devotione audit confessiones, in quibus audiendis crebro voluntarie polluitur. *ibid. num. 7. refellitur. ibid.* absolvendos medicos, & chirurgos qui occasione medendi feminas læpe peccant, etsi propositum non habeant cessandi ab exercitio artis. *ibid. num. 8. refellitur. ibid.* posse absolvi hospitam pluries cum suo hospite peccantem etiam sine proposito eum non amplius recipiendi, quando absque scandalo, & detrimento nequit prohibere. *ibid. num. 9. refellitur. ibid.*

Libelli pœnitentiales nonnulli abrogati a Concilio Cabilonensi. *pag. 364. n. 9.*

Lugo (Cardinalis de) laxè docet, in articulo mortis sufficere attritionem cum sacramento. *pag. 7. num. 8. refellitur. pag. 62. num. 15. & seqq.* Fallo asserit, sententiam docentem non sufficere attritionem cum sacramento, non esse probabilem, immo ab aliquibus censura notatam. *pag. 7. num. 9. Opinionem probabilem esse veram universaliter, atque adeo in articulo mortis. ibid. refellitur. pag. 62. num. 16. & seqq.* Laxe docet, pœnitentem non teneri aperire in confessione consuetudinem peccandi. *pag. 11. num. 23. refellitur. pag. 298. num. 21. & seqq.*

peccata ob pravam consuetudinem patrata non esse peccata in se, sed solum in causa. *pag. 11. num. 24. refellitur. pag. 299. num. 24. & seqq.* circumstantiam scandalì quod quis alteri præbet dum illum ad peccandum invitat, probabiliter non esse circumstantiam in confessione exprimendam. *pag. 13. num. 33. refellitur. pag. 320. num. 9. Caute legendus hic Auctor. ibid.* Laxe docet, Confessarium obligare non posse pœnitentem lucrantem plenariam indulgentiam ad satisfactionem aliquam, neque ut medicinalem. *pag. 407. num. 7. Laudat hodiernam praxim imponendi leves pœnitentias pro gravissimis peccatis. pag. 414. num. 3. refellitur. ibid. num. 4. & seqq.* Laxe docet, Sacerdotem non approbatum pro confessionibus posse absolvere pœnitentem sibi bona fide venialia simul & mortalia consistentem. *pag. 541. num. 13. refellitur. ibid. num. 14. Quam bene intellexit decretum Clementis VIII. de confessione epistolari. pag. 615. num. 7. Laxam doctrinam tradit de occasione proxima retinenda etiam cum periculo spiritalis ruinæ. pag. 671. num. 22. & seqq. refellitur. pag. 672. num. 23. & seqq.* aliam non minus laxam de illo qui in occasione proxima constitutus semper relabitur, & in quo nulla emendatio reperitur. *pag. 673. num. 24. refellitur. ibid.* Laxe docet, non expellendam per Confessarium a pœnitente ignorantiam invincibilem, qua bona fide possidet hereditatem alterius, vel exercet contractum usurarium, quando non speratur profectus. *pag. 697. num. 7. Immo etsi profectus speretur, sed remedium appareat diutissimum. ibid. num. 7. Laxius docet, huiusmodi pœnitenti interroganti posse Confessarium simulando se non audivisse, nullum dare responsum. pag. 698. num. 10. Hæ laxiores opiniones refelluntur. pag. 698. a num. 13. usque ad 20.*

M

Materia remota sacramenti pœnitentiæ sunt peccata post baptismum commissa . pag. 43. num. 1. Proxima sunt actus pœnitentis . pag. 46. num. 1. Vide *Contritio* . *Confessio* . *Satisfactio* . Materia sigilli sacramentalis quænam . pag. 738. num. 7. Vide *Sigillum* .

Merbesius (P. Bonus) ut Rigorista a Francolino immerito traducitur . pag. 23. num. 1. & seqq. laudatur a Cardinali Aguirre . pag. 26. num. 19.

Merita per peccatum sequens mortificata num per pœnitentiam reviviscant, & quo gradu . pag. 34. num. 19.

Minister sacramenti pœnitentiæ non est omnis homo . pag. 530. n. 1. & seqq. sed soli Sacerdotes & Episcopi . *ibid.* num. 4. An aliquando Diaconis hoc concessum ministerium . pag. 531. n. 8. Laici an aliquando a censuris queant absolvi . pag. 532. num. 10. Præter Ordinis potestatem requiritur in ministro etiam potestas iurisdictionis . pag. 533. num. 1. & seqq. Vide *Confessarius* . *Iurisdictionis* .

Monitum Auctoris circa laxas opiniones a se relatas . *In præf.* pag. 24. Aliud eiusdem cum protestatione . *ibid.* pag. 27. Tertium eiusdem circa Auctores a se citatos . *ibid.* pag. 29. Monitum SS. Pontificis BENEDICTI XIV. ad Confessarios . *ibid.* Monitum, cur Christiani hodierni tam cito in peccata relabantur . pag. 223. num. 1. Aliud ad Confessarios circa modum se gerendi erga pœnitentes rudes, qui Dei summe boni amore neciunt concipere . pag. 230. num. 1. Monitum circa doctrinas quas rigidiores appellant Laxistæ . pag. 257. num. 8. Monitum anticatharticum . pag. 365. Monitum ad Confessarios, ut remedia opportuna vulneribus peccantium requirant . pag. 400. num. 11. Aliud, ut caveant a laxis doctrinis circa pœnitentias peccatoribus iniungendas . pag. 408. num. 1. Monitum sapientissimi P. Michaelis Elizalde Soc. Iesu ad Con-

fessarios, & pœnitentes . pag. 525. n. 1. & seqq.

N

Natalis Alexandri opinio de iustis solaventalia consentientibus absque necessario dolore, refellitur . pag. 724. num. 27.

O

Occasio peccandi quotuplex . pag. 260. num. 13. Occasiones peccatorum vitandi propositum concipere debent vere pœnitentes . pag. 261. num. 14. & seqq. Quænam sit occasio proxima . pag. 262. num. 18. & pag. 653. num. 1. & seqq. An sit vitanda, vel sufficiat propositum in ea non peccandi . pag. 263. num. 19. & seqq. Quomodo se gerere debeant constituti in occasione proxima necessaria . pag. 265. num. 27. Occasio proxima duplex, voluntaria, & necessaria . pag. 654. num. 4. Propositiones de occasione proxima a Pontificibus damnatæ . pag. 657. num. 1. & seqq. Laxa interpretatio P. Viva . pag. 658. num. 1. & seqq. Laxa regula P. Gobat circa occasionem proximam . pag. 668. num. 15. An sit de præcepto, vel solum de consilio relinquere occasionem proximam peccandi, quando relinquere nequit sine gravi incommodo . pag. 669. num. 17. & seqq. Laxa opinio Lavmani circa hoc . *ibid.* num. 18. An quando occasio proxima coniuncta est cum periculo formali peccandi, teneatur quisque eam vitare cum iactura omnium bonorum, famæ, & etiam vitæ . pag. 670. num. 19. & seqq.

P

Pallavicinus (Sfortia Cardinalis) aperte testatur, nihil definitum in Concilio Tridentino circa necessitatem attritionis, vel contritionis in sacramen-

mento pœnitentiæ. *pag. 75. num. 1. & seqq.* Exponit quo sensu Patres intellexerint verba decreti sexti sessionis sextæ. *pag. 184. num. 24.* Quid ipse senserit. *pag. 168. num. 13.*

Peccatum per pœnitentiam dimissum num redeat per sequens peccatum. *pag. 34. num. 18.* Nullum est adeo enorme, ut sit irremissibile. *pag. 43. num. 3. & seqq.* Quodnam sit peccatum in Spiritum sanctum quod irremissibile dicitur in Scripturis. *pag. 44. num. 5. & seqq.* Peccatum veniale non remittitur per sacramentum pœnitentiæ, nisi adit dolor requisitus. *pag. 67. num. 10.* Peccata quotupliciter dubia esse possint. *pag. 326. num. 1.* Num peccatum certo commissum, sed de quo dubitatur an sit in confessione manifestatum, sit iterum Confessario manifestandum. *pag. 327. num. 3. & seqq.* Peccata quæ probabiliter putas a te non commissa, sed simul probabiliter, immo probabilius putas commissa, num debeas in confessione exponere. *pag. 328. num. 9. & seqq.* Peccata positive dubia sunt patefacienda ut dubia. *pag. 329. num. 12.* & etiam quæ negative dubia sunt. *pag. 331. num. 19.* Peccatum prius expositum ut dubium, si deprehendatur ut certum, iterum est in confessione explicandum. *pag. 337. num. 39.* Vide *Confessio. Circumstantiæ.*

Pœnitentia (sacramentum) quomodo definiatur. *pag. 35. num. 1.* Est verum novæ legis sacramentum. *pag. 37. n. 1. & seqq.* Quando a Christo institutum. *pag. 40. num. 1.* Necessarium est omnibus lapsis post baptismum. *pag. 40. num. 2.* Est a baptizato plane distinctum. *pag. 41. num. 4.* Potest iterari. *pag. 42. num. 7.* Constat materia & forma. V. *Materia. Absolutio.* Quænam disciplina servanda in pœnitentiis iniungendis. *pag. 413. num. 1. & seqq.* Pœnitentiâ publica num in præsens expediat. *pag. 389. num. 1. & seqq.* V. *Satisfactio.*

Pœnitentia (virtus) generatim accepta quid sit. *pag. 28. num. 1.* Tria significat. *ibid. num. 2.* Quid necessario im-

Tom. IX.

portet. *ibid. num. 4.* Quotuplex sit. *pag. 29. num. 5.* Fuit quovis tempore necessaria necessitate mediæ & præcepti divini lapsis in peccata. *pag. 30. num. 9. & seqq.* Quot gradibus ad eam perveniatur. *pag. 31. num. 12.* Pœnitentiæ effectus quinam sint. *pag. 33. num. 17.* Pœnitentia cur a Christo in sacramentorum numero collocata. *pag. 40. num. 3.* Diu non differenda. *pag. 61. num. 14.* V. *Attritio. Contritio.*

Pœnitescentes cur tam facile in peccata relabantur. *pag. 228. num. 1. & seqq.* An elicere debeant dolorem de peccatis cum intentione confitendi. *pag. 232. num. 2.* Pœnitentium varii gradus instituti occasione schismatis Novatiani. *pag. 363. num. 1. & seqq.*

Præceptum contritionis quando obliget. *pag. 50. num. 2.* Num singulis diebus ieiis. *pag. 51. num. 3.* Num solum in articulo mortis, & quando suscipiendum est sacramentum aliquod. *ibid. & pag. 55. num. 2. & pag. 62. num. 15.* Num statim ac homo peccavit. *pag. 51. num. 4. & seqq.* An præceptum contritionis ex caritate conceptæ deserit in lege evangelica. *pag. 56. num. 6.* Quoties hoc præceptum per se obliget. *pag. 58. num. 8.* Quoties per accidens. *pag. 59. num. 9.*

Præceptum confessionis quos obliget. *pag. 276. num. 23.* Quando obliget per se, aut per accidens *ibid. num. 24.* An constituti in articulo mortis hoc præcepto adstringantur, etsi nullius peccati sibi concilii sint. *pag. 277. num. 26.* An obliget per se extra mortis periculum. *ibid. num. 27.* Num obliget statim ac peccatum commissum est. *ibid. num. 29.* Num quando adest periculum oblivionis, alicuius, vel multorum peccatorum letalium, teneatur quis citius ante annum confiteri. *pag. 278. num. 31.* Num urgeat præceptum divinum confessionis quando recipienda sunt alia sacramenta præter Eucharistiam. *pag. 279. num. 33. & seqq.* Probabilissimus ab Episcopis & Clero Gallicæ acerrime impugnatus. *pag. 110. num. 4.* Damnatus etiam in pluribus materiis ab Innoc. XI. *pag. 112. num. 9.*

Ecc

Suas

Suas exerit vires præsertim circa debitum vitandi occasiones proximas. *pag. 261. num. 14. & seqq.* Probabilissimi locus topicus qualis sit. *pag. 306. n. 13.* Verum & falsum amice complectitur. *pag. 318. num. 2.* Fodina est distinctiuncularum ad veritatem obscurandam. *pag. 328. num. 8.* velut fermentum per totam Moralis massam serpit. *pag. 548. num. 1.* Versatilis est, & ductilis in utramque partem. *pag. 550. num. 3.*
 Propositiones damnatæ ab Alexandro VII. in ordine ad sacramentum pœnitentiæ. *pag. 3.* aliæ de eadem materia ab Innoc. XI. *pag. 4.* aliæ ab Alex. VIII. de eadem materia. *ibid.* aliæ circa præceptum dilectionis Dei. *pag. 50. n. 2.* aliæ circa caritatem, ex Baio desumptæ. *pag. 89. num. 1.* aliæ eiusdem circa effectum baptismi & pœnitentiæ. *pag. 114. num. 3.* alia circa necessitatem confitendi aliquam circumstantiam. *pag. 321. num. 15.* alia de iudice iudicante iuxta opinionem probabilem. *pag. 327. num. 7.* alia quæ dimidiatam confessionem damnat. *pag. 340. num. 3.* aliæ nimis rigidæ quæ onus implendi satisfactionem ante absolutionem imponunt, damnatæ a Sixto IV. & Alex. VIII. *pag. 396. num. 15. & pag. 683. num. 1.* alia quæ concedit pœnitenti ut per alium iniunctæ sibi pœnitentiæ satisfaciatur. *pag. 433. n. 15.* alia quæ licitam dicit confessionem factam apud Regularem ab Ordinario iniuste reprobatur. *pag. 536. num. 2.* alia quæ facultatem afferebat Parochis, & habentibus Beneficium curatum eligendi sibi Confessarium non approbatum. *pag. 543. num. 18.* alia quæ afferebat Episcopis facultatem absolvendi ab hæresi occulta. *pag. 571. num. 8.* aliæ faventes consuetudinariis, & constitutis in occasione proxima. *pag. 657. num. 1. & seqq. & pag. 715. num. 13.* alia quæ absolutionem concedendam asserit ignorantibus mysteria fidei. *pag. 715. num. 12.* Propositiones in favorem sollicitantium damnatæ ab Alexandro VII. *pag. 753. num. 3.*
 Propositiones damnatæ a Clero Gallicano. *pag. 172. num. 24.* A sacra Facul-

tate Parisiensi. *pag. 173. num. 29.* Propositiones damnatæ a Facultate Lovaniensi. *ibid. num. 30.*

Propositiones laxæ. *pag. 5. num. 1. & seqq. & pag. 261. num. 14.* Vide *La-Croix De Lugo. Fegellus. Francolinus. Gubas. Gormaz. Hurtado. Henriquez. Leander. Sanchez. Sporer. Vidal. Viva. Salmanticenses. Tamburinus. Torrecilla.*

Propositiones quænam sint tutæ, & rutiliores, & quid agendum in earum concursu. *pag. 221. num. 9.*

Propositum in confessione necessarium quodnam sit. *pag. 254. num. 1.* quot condiciones habere debeat. *pag. 255. num. 2.* An sufficiens propositum habeat qui certo scit se relapsurum. *ibid. num. 3.* An esse debeat universale. *pag. 259. num. 9.* Efficax sit oportet. *pag. 260. num. 11.* Debet se extendere etiam ad occasiones peccandi vitandas. *pag. 262. num. 18. & seqq.*

Q

Querimonie sanctorum Patrum adversus Confessarios in pœnitentiis iniungendis nimium indulgentes. *pag. 361. num. 4. & seqq. & pag. 427. num. 27. & seqq.*

Quietistarum error circa caritatem. *pag. 185. num. 28.*

R

Recidivis an concedenda absolutio. *pag. 674. num. 27.* Laxa Laymani hac de re opinio. *ibid.*

Regulares an sæcularium confessiones audire possint absque approbatione Episcoporum. *pag. 534. num. 1.* Etiam iniuste reiecti iurisdictionem non acquirunt. *pag. 535. num. 2.* Opposita opinio damnata. *ibid.* Regularis approbatus pro una diocesi non censetur approbatus etiam pro aliis diocesibus. *pag. 536. num. 3.* Nec approbatus ad audiendas confessiones sæcularium censetur approbatus etiam pro Monialibus.

bus. *ibid.* num. 4. Tenetur subire examen Episcoporum. *ibid.* num. 5. An approbatus ab Episcopo sine licentia, vel etiam invito suo Superiore valide confessiones audiat. *pag.* 537. num. 7. An peccet mortaliter. *ibid.* num. 9. An approbati in una diœcesi audire possint confessiones fidelium ex aliis diœcesibus advenientium. *pag.* 538. num. 11. An Regularium superiores indigeant Episcopi approbatione pro audiendis sæcularium confessionibus. *ibid.* num. 12. An queant Regulares sine Episcopi approbatione audire confessiones sæcularium in earum domibus commorantium. *ibid.* num. 13. An iter agentes qui licentiam habent a suis superioribus confitendi, possint in locis ubi desunt Confessarii proprii Ordinis, eligere sibi in Confessarium simplicem Sacerdotem non approbatum. *pag.* 539. num. 14. Quid circa F. F. Prædicatores statutum sit. *ibid.* num. 15. Incurrunt excommunicationem, si sine licentia Parochi extremam unctionem, vel Viaticum sæcularibus ministrant, vel matrimonia solemnizant. *pag.* 56. n. 5. Nequeunt absolvere a casibus ab Episcopis reservatis. *pag.* 57. num. 8. Vide *Iurisdiclio*. *Reservatio*. Relapsus frequens an solum secundum Rigoristas & Iansenistas sit signum quod desuerit dolor, aut propositum. *pag.* 675. num. 1. An solum quandoque sit signum præfatæ deficientiæ. *ibid.* num. 2. & *seq.* Iuxta SS. Patres est indicium hætæ pœnitentiæ. *pag.* 679. num. 9. Quid hac de re scribat Theophilus Raynaudus. *ibid.* num. 10.

Reservatio casuum ut necessaria ad disciplinam agnoscitur a Tridentina Synodo. *pag.* 558. num. 1. non solum illicitam, sed & invalidam reddit absolutionem. *ibid.* An reservari queant peccata venialia. *pag.* 559. num. 2. An peccata mere interna. *ibid.* num. 3. Casus reservati summo Pontifici in Bulla Cœnæ quinam. *ibid.* num. 4. Alii reservati a Clemente VIII. & ab aliis Pontificibus. *pag.* 561. num. 5. Qui facultate apostolica a præfatis casibus absolvit, absolvit etiam a censura illis

annexa. *pag.* 562. num. 6. & *pag.* 575. num. 20. Observatio adhibenda in casuum reservatione. *pag.* 562. num. 7. & *seq.* Quinam subsint reservationi casuum. *pag.* 563. num. 1. Ignorantia, vel inadvertentia reservationis non excusat a reservatione. *ibid.* num. 2. & *seqq.* Cur ignorantia excommunicationis ab excommunicatione excuset. *pag.* 564. num. 5. Distinctio reservationis in pœnalem, & medicinalem sutilis. *ibid.* num. 6. Quænam externa peccata sub reservatione cadant. *pag.* 566. num. 12. & *seqq.* An qui ab inferiore Confessario absolvitur a peccato dubio reservato, si postea certum deprehendat, liberetur a reservatione. *pag.* 568. num. 16. Reservatio imprudens etsi illicita, valida tamen est. *ibid.* num. 17. & *seqq.* An veniens bona fide ab alia diœcesi, in qua eius peccatum reservatum est, in aliam in qua non est reservatum, possit a quolibet Confessario absolvi. *pag.* 570. num. 4. A quibus casibus Episcopi possint absolvere. *ibid.* num. 6. Vide *Episcopi*. Prælati Regulares nequeunt absolvere sæculares ab hæresi occulta. *pag.* 571. num. 8. Opposita opinio damnata ab Alexandro VII. *ibid.* Nec etiam Religiosos sibi subditos. *ibid.* Regulares nequeunt absolvere a casibus ab Episcopis reservatis. *ibid.* Opposita opinio damnata ab Alexandro VII. An Superior auditis reservationis possit ab eis sacramentaliter absolvere, remittendo pœnitentem ad alium Confessarium pro absolutione a ceteris. *pag.* 572. num. 9. An qui caret potestate in reservata, possit directe absolvere a non reservatis, & indirecte a reservatis. *ibid.* num. 10. An saltem possit absolvere a solis non reservatis. *ibid.* num. 17. An si quis invincibiliter ignorat peccatum esse reservatum, aut Confessarius ad reservationem non advertat, censeatur indirecte a reservato absolutus. *ibid.* num. 12. Qui ex ignorantia inculpabili omittit manifestare superiori unum ex pluribus peccatis reservatis, num etiam respectu illius censeatur ablata reservatio. *pag.* 573

Eec ij num

num. 13. Num qui tempore Iubilæi, vel Superiori confitetur, sed confessione nulla, liberetur a reservatione. pag. 574. num. 16. An qui confitetur animo lucrandi Iubilæum, & postea animum mutans cetera omittit opera, si forte in ea confessione alicuius reservati oblitus sit, possit postea a quolibet confessario absolvi. *ibid.* num. 17. Si tempore Iubilæi differatur absolutio pœnitenti indisposito, qui post Iubilæi tempus in reservata incidat, num possit absolvi virtute Iubilæi. pag. 575. num. 8. An teneatur Superior concedere facultatem qua absolvatur a reservatis petenti sive per se, sive per alium. *ibid.* num. 19. Casus papales an reservati sint solum ob censuram, adeo ut si quis ob metum, vel ignorantiam a censura excusetur, nec reservationi subiaceat. *ibid.* num. 20. Utrum quilibet Sacerdos, etiam non approbatus, vel excommunicatus, a reservatis queat absolvere in articulo mortis. pag. 577. num. 21. An absolutus, si convalescat, teneatur se præsentare Superiori. *ibid.* num. 22. Quid agere debeat Confessarius qui potestate destitutus in reservata per inadvertentiam absolvit a reservatis. pag. 577. num. 23. Quinam sint casus quos sibi reservare possunt Regulares. *ibid.* num. 24. Quanam facultate donati sint Confessores Regulares absolvendi ab his casibus a Superiore reservatis. *ibid.* num. 25. Regulæ duæ servandæ a Confessariis circa absolutionem a reservatis. pag. 578. num. 24.

Retractatio Auctoris circa nonnulla quæ dixerat in animadversionibus ad Pontasium. pag. 348. num. 14. Retractatio solemnitis, libellus infamis a sacra Congregatione S. Officii proscriptus. pag. 612. num. 9. & seqq.

Rigorismus iniuste tribuitur Iuvenino, Merbesio, Genneto a P. Francolino. pag. 23. num. 1. & seqq. iniuste tribuitur sententiæ exigenti contritionem in sacramento pœnitentiæ. pag. 124. n. 1. & seqq. Rigorismi notam quam inepte passim obtrudant recentiores. pag. 127. num. 8. & seqq. Rigorismus merito

damnatus in tribus propositionibus ab Alexandro VIII. pag. 683. num. 1. & seqq. Falsitas proscriptarum thesium ostenditur. *ibid.* num. 4. & seqq. Casuistarum hallucinatio ex damnatione præfatarum thesium. pag. 684. num. 6.

S

Salmanticenses (Carmelitæ) laxè docent, pœnitentem non teneri respondere Confessario interroganti de aliqua circumstantia notabiliter aggravante. pag. 12. num. 27. refellitur hæc opinio. pag. 309. num. 6. & seqq. Confessionem venialium factam simpliciter Sacerdoti validam esse, immo etiam mortalis alicuius occulti, aut invincibiliter obliti. pag. 17. num. 30. refellitur. pag. 540. num. 4. & seqq. & pag. 541. num. 11. Optimam tradunt doctrinam de attritione in communi inspecta. pag. 114. num. 1. Certitudinem opinionis assentientis attritionem formidolosam sufficere in sacramento pœnitentiæ ut imaginariam reiiciunt. pag. 213. num. 3. & seqq. Qua viæ eam opinionem a damnatione primæ propositionis Innocentii XI. subducere conentur. pag. 216. num. 1. Inauditum paradoxon ab ipsis excogitatum in favorem sententiæ adstruentis sufficientiam attritionis formidolosæ ad iustificacionem in sacramento. *ibid.* num. 2. & seqq. Absurda quæ ex illo consequuntur. pag. 218. num. 1. & seqq. Falso adfirmant, S. Thomam docere circumstantias notabiliter aggravantes non esse necessariæ in confessione aperiendas. pag. 302. num. 3. Inanis interpretatio qua eludunt auctoritatem Catechismi Concilii Tridentini, & Ritualis Romani. pag. 308. num. 3. Nonnulla eorum subterfugia, ut laxam opinionem defendant, refelluntur. pag. 310. num. 10 & seqq. & pag. 313 n. 17. & pag. 316. num. 24. & seqq. Falso docent, non peccare mortaliter omittemtem pœnitentiam levem sibi a Confessario iniunctam pro peccatis etiam mortalibus alias confessis. pag. 432. num.

num. 9. Laxe docent, posse administrari sacramentum pœnitentiæ cum iurisdictione probabili. pag. 554. num. 16. refelluntur. *ibid.* num. 17.

Sanchez (P. Ioannes) laxissime docuit, Confessario etiam interroganti necessario aperiendam non esse consuetudinem peccandi. pag. 298. num. 22. Dam-nata hæc propositio ab Innocentio XI. *ibid.*

Sanchez (P. Thomas) laxè docet, licitum esse in sacramentis sequi opinionem minus probabilem relicta probabiliori. pag. 105. num. 16. Optime docet, esse mortale in articulo mortis sacramentum pœnitentiæ cum sola attritione vel fulcipere, vel ministrare. *ibid.*

Satisfactio sacramentalis quænam. pag. 354. num. 3. Necessaria est in delictorum vindictam. pag. 355. num. 4. & seqq. Quibus operibus peragatur. pag. 356. num. 8. & seqq. Excusationes Christianorum quibus a pœnali satisfactione se subducunt, disluntur. pag. 357. num. 12. An pertineat satisfactio ad essentiam sacramenti pœnitentiæ. pag. 358. num. 1. An valeat in peccato mortali. *ibid.* num. 2. Num satisfacere possit unus pro altero. pag. 359. num. 4. Utrum satisfieri possit pro pœna uni peccato debita, & non alteri. pag. 360. num. 5. Quinam sint satisfactionis fructus. *ibid.* num. 6. Quænam fuerit satisfactionis disciplina in antiqua Ecclesia, primo ex S. Paulo ostenditur. pag. 361. num. 1. & seqq. ex Hermæ, & Eusebio. *ibid.* num. 3. ex Tertulliano. *ibid.* num. 4. ex S. Cypriano. pag. 362. num. 5. Varii pœnitentiam gradus. pag. 363. num. 1. & seqq. Quantum temporis in unoquoque gradu infumebant. pag. 364. num. 6. Quando desierit hæc disciplina in Græca, & Latina Ecclesia. *ibid.* num. 7. Disciplina mutata est; idem tamen pœnitentiæ & satisfactionis spiritus in Ecclesia perseverat. pag. 386. num. 1. & seqq. Num publica pœnitentia in præiens expediat. pag. 389. num. 1. Quando præscribenda iuxta Tridentinum Concilium. pag. 390. num. 5. Eius doctrina

de publica pœnitentia aliquando iniungenda quot & quanti viri summa cura promoverint. pag. 391. num. 8. & seqq. Quoruplex sit satisfactionis genus. pag. 392. num. 1. & seqq. Medice-nalis satisfactionis & pœnitentiæ necessitas. *ibid.* num. 3. Quid observandum a Confessario in pœnitentiis ne dicinilibus iniungendis. pag. 393. num. 5. & seqq. Regulæ ex S. Thoma desumptæ & servandæ in satisfactione imponenda. pag. 395. num. 12. An satisfactio a Confessario imposita sit implenda ante absolutionem. pag. 396. num. 15. Propositiones hac de re damnatæ. *ibid.* Norma iniungendi satisfactiones a S. Carolo Borromæo tradita. pag. 397. num. 2. & seqq. Alia a Cardinali Aguirre. pag. 401. num. 1. & seqq. Regulæ pro satisfactionibus iniungendis. pag. 418. num. 14. Regula prima generalis: *ibid.* Secunda pro Nobilibus. *ibid.* num. 15. & seqq. defenditur a nota Rigorismi. pag. 419. num. 16. ab obiectis viadicatur. pag. 420. num. 17. & seqq. Praxis iniungendi leves pœnitentias pro gravissimis sceleribus scaturigo potissima tot peccatorum. pag. 421. num. 20. & seqq. Tertia regula pro mercatoribus, advocatis, similibusque. pag. 424. num. 25. Quarta pro plebeis, inferiorique conditionis hominibus. *ibid.* num. 28. Quinta pro mulieribus. pag. 425. num. 30. Regula sexta: benignitatis servandæ in satisfactionibus imponendis. pag. 426. num. 32. Satisfactionem impositam acceptare tenentur pœnitentes. pag. 429. num. 1. & seqq. & pag. 430. num. 5. & seqq. An pœnitens possit absque gravi culpa ante absolutionem declinare sententiam huius Confessarii, & alium mitiorem adire. pag. 430. num. 6. An omittens pœnitentiam impositam pro mortalibus peccet mortaliter. pag. 431. num. 9. Quid si pœnitentia sit levis. *ibid.* & pag. 432. num. 10. Quo tempore impositam satisfactionem implere teneatur pœnitens. *ibid.* num. 13. Satisfactionem sibi impositam pœnitens nequit propria auctoritate mutare, nec implere per alium. pag. 433.

num.

num. 15. Eam Confessarius mutare valet, sed audita prius confessione. *ibid.* num. 16. & pag. 434. num. 19. Nequit Confessarius inferior commutare pœnitentiam a superiore impositam ob reservata. pag. 433. num. 16. Nec extra confessionem pœnitentiam a se, vel ab alio impositam. *ibid.* num. 17. Facta commutatione an pœnitensquam maluerit possit implere. pag. 434. n. 18. An liceat pœnitenti adire alium Confessarium, & eadem peccata repetere, reticendo priorem confessionem, ut mitiorem pœnitentiam accipiat. *ibid.* num. 21. Causæ excusantes ab implenda satisfactione quænam. pag. 435. num. 33. An satisfactio sit suspecta, quia a Mendicantibus imposita. pag. 436. num. 34.

Sigillum confessionis quid sit, pag. 736. num. 1. Quo iure obliget. *ibid.* num. 2. Sigilli obligatio ex qua confessione oriatur. pag. 737. num. 3. Num ex confessione malitiose simulata. *ibid.* num. 4. An ex confessione facta sine animo suscipiendi absolutionem. *ibid.* num. 5. Quam gravis sit obligatio custodiendi sigillum, & an aliquo in casu illud infringere liceat. *ibid.* num. 6. Quænam sit sigilli materia. pag. 738. num. 7. An possit Confessarius loqui de auditis in confessione de licentia pœnitentis. *ibid.* num. 8. & pag. 739. num. 11. Num peccata publica subsint sigillo confessionis. pag. 738. num. 9. Quid respondendum requirenti a Confessario num confessus fuerit meretricem, concubinam &c. pag. 739. num. 11. An dare debeat meretrici sine absolutione dimissæ schedulam seu testimonium confessionis peractæ, si illud petat. *ibid.* Num sigillum violet qui de auditis in confessione loquitur nullam personam designando. pag. 740. num. 12. An qui diceret in tali Oppido, Communitate, Collegio, Religione &c. gravia crimina patrari. *ibid.* num. 13. Num possit Confessarius loqui cum suo pœnitente de auditis in confessione extra confessionem. *ibid.* num. 14. An possit cum illo loqui saltem de aliquo defectu præcedentis confessionis, si pœnitens re-

pugnet. pag. 741. num. 15. Num uti possit notitia confessionis ad exteriorem gubernationem. *ibid.* num. 16. Quid Regularibus veterit Clemens VIII. *ibid.* num. 17. & pag. 743. n. 21. An si Confessarius sciat, illum apud quem consuevit confiteri, non esse Sacerdotem, possit & debeat imposturum abstinere a confessione apud illum facienda. pag. 742. num. 19. Alius casus metaphysicus, sed sane difficilis. *ibid.* An Episcopus qui apud se decreverat beneficium conferre Sacerdoti optimæ famæ, si audita eius confessione deprehendat esse flagitiosissimum, possit illi beneficium denegare. pag. 743. num. 20. & seqq. Quomodo se gerere debeat Confessarius interrogatus de auditis in confessione. pag. 745. num. 24. An in eo casu verba suam significationem amittant. *ibid.* num. 25. Quænam observanda in exteriori foro, si de sigilli violatione lis moveatur. pag. 746. num. 26. Cautus & circumscriptus debet esse Confessarius. *ibid.* num. 27. Cavere debet a quibusdam enuntiatiombus, etsi generalibus, incautis tamen & imprudentibus. *ibid.* num. 28. Quinam teneantur ad sacramentale sigillum. pag. 747. num. 29. An simulans se Confessarium. *ibid.* An interpretes, & adstantes. *ibid.* num. 30. An qui schedam peccata continentem inveniret, & legeret. *ibid.* Pœna violatoris sigilli quænam. pag. 737. num. 2. & pag. 748. num. 3.

Societas Iesu vetat laxas opiniones a suis doceri. pag. 331. num. 20. & seqq. Decreto sapienter inhibuit ne quis doceret, posse absolvi moribundum qui nullum dat, vel dedit signum contritionis. pag. 350. num. 18. Quam belle prudens hoc decretum explicet P. Gobat. *ibid.* Ab imposturis Sorbonici defensoris Bibliothecæ Iansenianæ vindicator Societas. pag. 610. num. 2. & seqq.

Sollicitatio. Decretum sapientissimi Pontificis Benedicti XIV. contra sollicitantes complectens cetera omnia Pontificum præcedentium. pag. 748. num. 1. & seqq. Denuntiari debent sollicitantes mas-

mafculos ad turpia . pag. 753. num. 2. Et qui non pro fe, fed pro aliis follicitant. *ibid.* & pag. 757. num. 10. Qui chartam provocantem ad venerem mulieri confitentem legendam tradunt. pag. 753. num. 3. Oppofita opinio damnata ab Alexandro VII. *ibid.* Non evitant obligationem denuntiandi follicitati per hoc quod apud follicitantem confiteantur. *ibid.* Oppofita opinio damnata. *ibid.* An qui fe fingit Confefſarium, cum non fit, pariter fit denuntiandus fi follicitet ad turpia. *ibid.* num. 4. Num laicus fimulans fe Confefſarium fit denuntiandus, fi follicitet. pag. 754. num. 5. Quem ſenſum præferant illa verba in *actu ſacramentali confefſionis*, vel ante, vel immediate poſt. *ibid.* num. 6. Quid ſignificent alia verba vel occasione, vel pretextu confefſionis. *ibid.* num. 7. Varii caſus reſolvuntur. pag. 755. num. 8. & ſeqq. An denuntiandus qui in confefſionali extra confefſionis occaſionem, vel ſimulationem follicitat. pag. 756. num. 10. An qui in quocumque loco ad confefſiones deputato follicitat. *ibid.* num. 11. Quænam ſint hæc loca. *ibid.* An denuntiandi qui ad alia crimina præter inhoneſta follicitant. *ibid.* n. 12. An neceſſe ſit ut actus quibus pœnitens incitatur ad turpia, ſint mortales ut follicitatus ad denuntiationem teneatur. *ibid.* num. 13. An denuntiandi miſcentes turpes ſermones cum pœnitentibus. pag. 757. num. 14. An quando verba ſunt dubia, vel femina non conſenſit, vel ipſe Confefſarius eſt follicitatus urgeat onus denuntiandi. *ibid.* num. 16. An omiſſa correptione fraterna teneatur pœnitens follicitantem denuntiare. pag. 758. num. 17. Decretum S. Officii circa hoc. *ibid.* An non ſolum perſona follicitata, ſed etiam alii ſcientes teneantur follicitantem denuntiare. *ibid.* num. 18. Num pœnitens per ſe, non per alium teneatur follicitantem denuntiare. *ibid.* num. 19. Pœnæ ſtatutz a ſapientiſſimo Pontifice Benedicto XIV. contra falſos denuntiatores. pag. 750. ſ. 3.

Spörer (P. Patritius) laxè docet, præ-

ceptum contritionis nec in articulo mortis obligare, ſed ſufficere attritionem cum ſacramento. pag. 5. num. 2. reſellitur. pag. 56. num. 5. Laxiſime docet, præceptum contritionis ex caritate conceptæ deſiſſe in lege evangelica ſuppoſito ſacramentorum uſu. pag. 5. num. 3. reſellitur. pag. 56. n. 6. Præceptum contritionis per ſe obligare ſolum in articulo mortis, & nunquam ante, quia cum ſit pœnale & oneroſum, non eſt extendendum, ſed reſtringendum. pag. 6. num. 4. reſellitur. pag. 58. num. 7. Laxe docet, poſſe aliquem dolere, & firmum propoſitum concipere abſtinendi a peccatis, & eſſe bene diſpoſitum, etſi certò credat ſe iterum peccaturum. pag. 9. n. 14. reſellitur. pag. 255. num. 3. Excufari Confefſarium, ſi nullam, vel leviſſimam pœnitentiam iniungat volenti lucrari plenariam indulgentiam. pag. 16. num. 44. reſellitur. pag. 407. num. 6. Nullum eſſe dimittendum ſine abſolutione qui recuſet acceptare pœnitentiam impoſitam, dummodo leviſſimam ſubire velit, puta tunſionem pectoris. pag. 16. num. 46. reſellitur. pag. 430. num. 5. Ignorantiam etiam vincibilem reſervationis excuſare a reſervatione. pag. 19. num. 56. reſellitur. pag. 565. num. 10. Non cogendum ad deferendam occaſionem proximam illum qui in ea conſtitutus aliquoties cadit. pag. 9. num. 15. reſellitur. pag. 261. num. 15. Abſolvendos non deſerentes occaſiones proximæ, dummodo proponant peccata vitare. pag. 263. num. 19. reſellitur. *ibid.* Temere docet, approbationem & iuriſdictionem quam ab uno Epifcopo accipiunt Regulares, non coarctari ſimpliciter & præciſe ad unam & eandem diœceſim. pag. 538. num. 11. reſellitur. *ibid.* Laxe docet, ignorantiam invincibilem reſervationis a reſervatione excuſare. pag. 565. num. 10. reſellitur. *ibid.* Aliam laxam tradit de eadem re doctrinam. pag. 566. num. 10. Plures caſus aſſignat, in quibus licitum putat uſum abſolutionis conditionalis. pag. 582. n.

12. refellitur . *pag. 538. num. 11. & seqq.* Relabentes frequenter in peccata mollitiei , & pollutionis laxissime docet esse toties quoties absolvendos . *pag. 717. num. 14.* Portentosam huius laxitatis rationem assignat . *ibid.* refellitur . *ibid.*

Suarez (P. Franciscus) Soc. Iesu Theologus præstantissimus a nota contradictionis eximitur . *pag. 104. num. 12.* aperte testatur opinionem de sufficientia attritionis servilis in sacramento poenitentiae nec esse valde antiquam , nec multum communem . *pag. 167. n. 6.* Scribit , aliquos antiquiores Dominicanos docuisse opinionem de confessione epistolari . *pag. 586. num. 1.* sed addit a-recentioribus Dominicanis postea impugnatam . *pag. 587. num. 4.* Quomodo decretum Clementis VIII. eam opinionem damnantis sit interpretatus . *pag. 589. num. 1.* Decreta quæ circa hanc interpretationem a Paulo V. emanarunt . *pag. 590. num. 1. & seqq.* An ante Clementis decretum opinionem hanc impugnaverit Suarezius . *pag. 591. num. 1.* Si ante impugnavit , quomodo post decretum defenderit . *ibid. num. 2.* Effugia quibus Societatis Theologi contra tria decreta Pauli V. defendere conantur interpretationem Suarezianam . *pag. 592. n. 3.* Effugium P. Francisci Amici . *ibid. num. 4.* refellitur . *ibid. n. 5.* Aliud P. Matthæi Moya . *ibid. num. 6.* refellitur . *pag. 593. num. 7.* Tertium P. Claudii La-Croix . *ibid. num. 8.* refellitur . *pag. 544. num. 9.* Quartum P. Gormaz . *ibid. num. 10.* refellitur . *ibid. num. 11.* Quintum Theophili Raynaudii . *pag. 595. num. 12. & seqq.* refellitur . *pag. 597. num. 19.* Sextum P. Iosephi Gagna . *pag. 598. num. 1. & seqq.* refellitur . *pag. 602. num. 7.* Ante decretum Clementis VIII. opinionem de confessione epistolari ut probabilem propugnauerat P. Suarez . *pag. 603. n. 1.* Evincitur testimonio Theologorum . *ibid.* ineluctabili producto monumento demonstratur . *pag. 604. num. 2. & seqq.* Aliud decretum circa doctrinam Suarezii . *pag. 607. num. 4.* Postremum

decretum de eadem materia . *pag. 608. num. 6.* Conciliatur discordia quæ apparet inter doctrinam P. Suarez ante decretum Clementis VIII. & post illud . *ibid. num. 7.* Ex dictis confectarium eruitur . *pag. 609. num. 1.* Quomodo excusandus Suarezius . *pag. 614. num. 1. & seqq.* A P. Viva falso citatus tamquam patronus laxæ opinionis defenditur . *pag. 662. num. 8.*

Substradii, Pœnitentes tertii gradus . *pag. 363. num. 4.*

T

Tamburinus (P. Thomas) laxè docet , attritionem conceptam etiam ex timore alicuius mali temporalis ut a Deo inflicti probabilissime sufficere in sacramento poenitentiae . *pag. 8. num. 12.* refellitur . *pag. 235. num. 10.* Laxissime docet , non inculcandum doloris actum circa peculiare aliquod crimen , cui valde addictus sit poenitens , nam erit periculum ne illud ex animo detestetur . *pag. 8. num. 13.* refellitur . *pag. 236. num. 12. & seqq.* Laxe docet , non esse in confessione necessario aperendam circumstantiam consanguinitatis , vel affinitatis , nec gradum feminæ cum qua peccavit . *pag. 12. num. 26.* refellitur . *pag. 301. num. 29.* Falso docet , non requiri in confessione propositum formale & explicitum , sed sufficere implicitum . *pag. 237. num. 15.* refellitur . *ibid.* Laxe docet non esse sine abolutione dimittendum poenitentem recusantem acceptare poenitentiam , quia paratum se faretur solvere in purgatorio . *pag. 431. num. 7.* refellitur . *ibid.* Laxissimas tradit regulas de ignorantia non expellenda per Confessarum a suo poenitente . *pag. 696. num. 6. & pag. 698. num. 11.* refellitur . *ibid. num. 13. & seqq.*

Terillus (P. Antonius) Soc. Iesu Theologus insignis invecum in Ecclesiam a quamplurimis Theologis Laxissimum conqueritur , in præf. *pag. xxiv.* Theologi Concilii Tridentini testantur attritionem servilem esse materiam du-

biam

biam sacramenti pœnitentiæ. pag. 95. num. 1. & seqq. Theologi Concilium proxime subsecuti non agnoverunt tamquam definitum a Concilio, attritionem fervilem sufficere in sacramento pœnitentiæ, sed dubitanter locuti sunt. pag. 100. num. 1. & seqq. Theologi recentiores quomodo fallantur, & fallant in adituenda sufficientia attritionis servilis. pag. 107. num. 1. & seqq. Thesaurus Ecclesiæ quid sit, & quæ illius bona. pag. 437. n. 4. Vide *Indulgentia*. Timor triplex. p. 130. n. 1. Divinus duplex, servilis, & castus. ib. n. 2. Duo in eo distinguenda. p. 131. n. 4. Vide *Attritio*. Torrecilla (P. Martinus) laxè docet, etiam post damnationem propositionis 57. Innoc. XI. sufficere in sacramento pœnitentiæ attritionem naturalem, dummodo putetur supernaturalis. pag. 20. num. 59. In confessione de solis venialibus non requiri dolorem, nec attritionem, sed sufficere si pœnitens accedat cum desiderio & voluntate confitendi. pag. 20. num. 60. refellitur. pag. 235. n. 6. Peccata sive positive, sive negative dubia non esse necessario in confessione apérienda. pag. 20. num. 61. refellitur. pag. 328. n. 9. Laxissime docet, non esse grave peccatum simulare in confessione peccata gravia nunquam manifestata quasi longe ante commissa. pag. 20. n. 62. Laxe docet, omittentem confiteri letale, quod ex ignorantia vincibile tale non putabat, non teneri confessionem repetere, sed satis esse si omisissum peccatum confiteatur. pag. 20. num. 63. Generatim rudes, & ignorantes ad confessionem admittendos, etsi nullum examen præmiserint. pag. 21. num. 64. refellitur. pag. 286. num. 12. Confessarium posse pœnitentem absolvere, etsi certo sciat in peccato mortali esse, quod nec interrogatus confitetur. pag. 21. num. 65. refellitur. pag. 694. num. 23. In tribus casibus simplicem Sacerdotem ab Ordinario non approbatum posse pœnitentem absolvere. 1. si confiteatur de solis venialibus. 2. si de mortalibus alias confessus. 3. in articulo mortis etiam præsentem Parocho, vel alio Sacerdote approbato. pag. 21. num. 66. refellitur. pag. 542. num. 13.

Tom. IX.

Falso docet, quemlibet Sacerdotem approbatum vi Bullæ Cruciatæ posse toties quoties absolvere a casibus occultis reservatis in Bulla Cœnæ, hæresi excepta. pag. 21. num. 67. Parochos esse eligibiles in Confessarios vi Cruciatæ, vel Iubilæi non solum in tota diœcesi, sed & in aliena. ibid. num. 68. Regulares privilegio Bullæ Cruciatæ uti posse, ut independentes a suis Prælati a quolibet Confessario absolvi possint etiam a casibus in suo Ordine reservatis. ibid. n. 69. Regulares approbatos probabiliter posse vi suorum privilegiorum absolvere a casibus occultis Bullæ Cœnæ, excepta hæresi. ibid. num. 70. Sacerdotem saltem Regularem limitate approbatum pro certis personis, vel pro aliquo loco, vi Bullæ Cruciatæ, vel Iubilæi eligi posse illimitate a quibusvis in Confessarium. ibid. num. 71. Sacerdotem approbatum pro determinato tempore, eo elapso, vi Cruciatæ, vel Iubilæi esse eligibilem in Confessarium; idque præferunt locum habere quando limitatio apposita fuit mala vel libera voluntate Ordinarii. ibid. num. 72. Nullam aliam esse censendam rationem sufficientem revocandi approbationem semel concessam Regularibus, nisi quia Regularis scandalose vivat, errores seminet, omnimode infordeat, vel mente captus sit. pag. 22. num. 74. Regularem ab Episcopo approbatum, etiam si diœcesim mutet, semper & ubique approbationem illi durare, & solummodo confessione iurisdictionis illius Episcopi ad cuius diœcesim transit, indigere. ibid. num. 75. refellitur. pag. 536. n. 3. Regulares ab Episcopo semel approbati nequeunt ab eodem, seu ab eius successore novo examini subiici, immo nec Sacerdotes sæculares, nisi licentia illis concessa fuerit absque examine, vel si examen præceperit alia iusta interveniente causa. pag. 22. num. 76. Regulares approbatos ab Ordinario suo ad audiendas confessiones Religiosorum ubi non est recepta constitutio Gregorii XV. *Inscrutabilis* posse ex vi talis approbationis audire confessiones Monialium etiam quæ Episcopo subiiciuntur, & ubi

F f f est

est recepta, idipsum virtute Cruciatæ possant. *ibid.* n. 77. Episcopum in suo ingressu præcipientem ut Confessarii omnes tam sæculares, quam Regulares examini se præsentent, & transacto termino præhinito cessent a confessionibus, non solum iniuste, sed & nulliter procedere. *ibid.* num. 78. Omnes Regulares, adhuc & Religiosi Equites S. Iacobi, & pariter Moniales virtute suorum privilegiorum posse confiteri cum quolibet Sacerdote simplici etiam ad annum præceptum implendum, ut minimumque hoc non venire damnatum in prop. 13, ab Alexandro VII. damnata. *ibid.* n. 79.

- S. Thomas Aquinas caritatem inchoatam a caritate perfecta distinguit. *pag.* 120. n. 1. & *segg.* Non tamen secundum essentiam, sed secundum statum. *pag.* 121. n. 4. Imperfectam docet non iustificare peccatorem. *pag.* 122. num. 5. & *segg.* Nonnulla eius testimonia, quæ in oppositum proferuntur, explicantur. *pag.* 123. n. 8. & *segg.* Docet timorem prænarum non excludere omnem voluntatem peccandi. *pag.* 135. num. 1. & *segg.* Eius Summa magno in pretio habita a PP. Tridentinis. *pag.* 147. num. 6. Necessitatem caritatis, seu contritionis imperfectæ in sacramento poenitentiae luculenter adstruit. *pag.* 154. num. 1. & *segg.* Ideam exhibet christianæ poenitentiae. *pag.* 155. num. 5. & *segg.* Quomodo minimæ caritati Dei dilectionem super omnia tribuat. *pag.* 189. num. 10. & *segg.* Ostendit caritatem effectum non impedire sacramenti poenitentiae. *pag.* 591. n. 13. & *segg.* Docet, habitum & consuetudinem peccandi non minuire, sed augere malitiam peccati. *pag.* 297. n. 18. & *segg.* Nequaquam docet, circumstantias notabiliter aggravantes non esse in confessione necessario aperiendas. *pag.* 303. num. 4. & *segg.*

Turnely (Honoratus) ingenue fatetur, Tridentinum Concilium nihil definisse circa necessitatem attritionis servilis, vel caritatis imperfectæ ad iustificationem in sacramento poenitentiae. *pag.* 148. n. 8. Exponit tamen decreta Concilii in favorem attritionis. *pag.* 149. num. 10. & *pag.* 181. n. 22. eius doctrina ad examen vocatur. *pag.* 197. n. 10. & *segg.* ostendi-

tur non solum caritatis, sed & spei præceptum sua doctrina abrogare. *p.* 181. n. 21.

V

Via media ad salutem postremis temporibus invecita. *pag.* 249. num. 5. quam perniciofa animabus. *pag.* 251. num. 9.

Vidal (Marcus) laxissime docet, astantes & assistentes comœdiis notabiliter turpibus, & provocantibus ad venerem, ob solam recreationem & curiositatem, absque periculo probabili propriæ ruinæ, & sine prava intentione & fine, non esse reos letalis peccati. *pag.* 668. num. 14. refellitur. *ibidem.*

Viva (P. Dominicus) laxè docet, sufficere ad poenitentiam propositum virtuale non amplius peccandi, nec requiri formale, & sufficere attritionem supernaturalem ex metu poenarum temporalium. *pag.* 5. num. 1. refellitur. *pag.* 235. num. 9. & *segg.* & *pag.* 238. num. 17. Peccatorem qui nequit aliquo anno ex deficientia Confessarii confiteri, non teneri nec ad contritionem eliciendam. *pag.* 6. n. 6. refellitur. *pag.* 59. n. 10. & *segg.* Iugum Christi dici non posse suave, & onus eius leve, si necessaria esset in nova lege contritio cum confessione. *p.* 8. n. 11. refellitur. *p.* 264. n. 8. Posse absolvi adolescentes qui versantur cum seminis, etsi aliquando in tali occasione peccent mortaliter consensu, tactu, & etiam copula: quia talis occasio eis est remota. *p.* 10. n. 17. refellitur. *p.* 264. n. 24. & *segg.* Laxissime docet, consuetudinem peccandi non esse per se aperiendam in confessione. *pag.* 11. n. 22. refellitur. *pag.* 296. n. 16. Laxe docet, sufficere in confessione dicere: *Toties sum morose delectatus de copula illicita*: non explicando speciem obiecti: & idem docet de delectatione homicidii. *pag.* 12. num. 28. refellitur. *pag.* 318. num. 2. & *segg.* Qui certus est de peccato mortali commissio, & dubitat num illud confessus sit, non teneri ad illud confitendum. *pag.* 14. num. 28. refellitur. *pag.* 327. n. 3. non teneri poenitentem peccata dubia clavibus subicere. *pag.* 14. num. 29. refellitur. *pag.* 330. num. 17. Portentosa assert argumenta, quæis

queis præfatam laxam opinionem probabilem ostendat. *pag. 15. n. 40. retunduntur. pag. 332. n. 22. & seqq.* Lucrantem indulgentiam non teneri ad acceptandam poenitentiam etiam si datam in medicinam. *pag. 16. n. 45. refellitur. pag. 407. num. 7. & seqq.* Confessionem veniam factam Sacerdoti non approbato ab Ordinario probabiliter validam esse: quia licet id vetitum sit ab Innocentio XI. probabile tamen est iurisdictionem immediate conferri Sacerdoti a Christo. *pag. 17. num. 49. refellitur. pag. 540. n. 8. & seqq.* Iurisdictionem conferri etiam errore communi sine titulo colorato. *pag. 18. num. 52. refellitur. pag. 546. num. 30.* Licere absolvere cum iurisdictione probabili. *pag. 18. num. 53. refellitur. pag. 549. num. 1. & seqq.* Incepta argumenta quibus laxam opinionem fulcire conatur. *ibid. n. 2. & seqq.* Inadvertentiam actualem, vel ignorantiam a reservatione, vel ab excommunicatione peccato annexa excusare. *pag. 18. num. 5. refellitur. pag. 563. num. 2. & seqq.* Posse absolvi semel ac iterum poenitentem versantem in occasione proxima voluntaria peccandi, etsi promiserit eam dimittere, nec promissa steterit, dummodo appareant hic & nunc signa doloris & propositi. *pag. 19. num. 58. refellitur. pag. 263. num. 19. & seqq.* Falso & intemperanter censura notat sententiam exigentem amorem initialem caritatis in sacramento poenitentiae. *pag. 86. num. 1. & seqq.* Toleti retractionem suspectæ fidei producit, & anacronismo magis reddit suspectam. *pag. 102. num. 8.* Falso asserit opinionem de sufficientia attritionis serviles in sacramento poenitentiae esse moraliter certam. *pag. 206. num. 3. & seqq. refellitur. pag. 207. num. 3. & seqq.* Quomodo eludat decretum Alexandri VII. *pag. 209. num. 13.* Laxam tradit regulam pro conscientiae examine. *pag. 286. num. 12.* Laxe docet, non esse sacrilegium furari rem in loco sacro, nisi ibi posita sit ad custodiam, vel commodata Ecclesiae. *pag. 321. n. 16.* Laxius docet, dubitantem possive an tale peccatum commiserit,

etsi rationes probabiliores habeat pro affirmatione, adhuc non teneri illud in confessione aperire. *pag. 329. num. 10. & seqq. refellitur. pag. 329. n. 10. & seqq.*

Caute legendus hic Auctor. *pag. 332. n. 22.* Laxe defendit, licitum esse dimidiare confessionem, si longo tempore esset differenda confessio. *pag. 341. num. 5.* Nonnulla congerit Sanctorum dicta quæ benignitati favent. *pag. 409. num. 2.* Laxe docet, regulam iuris, *In dubiis tutior pars est eligenda*, esse consilii, non præcepti. *pag. 568. n. 18. refellitur. ibid.* Refert, nec improbat laxam Dianæ opinionem docentis, poenitentem committentem peccatum extra diocesim, ubi non est reservatum, posse absolvi a quolibet Confessario in propria diocesi, ubi est reservatum. *pag. 570. num. 5.* Plures Casuistas citat plus æquo Regularium potestatem amplificantes. *pag. 571. num. 8.* Laxe docet, etiam post 41. propositionem ab Alexandro VII. damnatam concubinarium posse semel vel bis, & secundum aliquos etiam tertia & quarta vice absolvi antequam concubinam eiiciat. *pag. 658. num. 1. & seqq. refellitur. pag. 659. num. 3. & seqq.* Falso pro hac opinione citat Fabianam, & Caietanum. *pag. 661. n. 6.* Falso etiam allegat Doctorem eximium Suarezium. *pag. 662. num. 3.* Falso propositiones 16. & 17. ab Alexandro VIII. damnatas affingit Gulielmo Estio. *pag. 683. num. 3.* Laxissimas docet opiniones de ignorantia non expellenda per Confessarium a suo poenitente. *pag. 695. num. 3. refellitur. pag. 698. n. 13. & seqq.* Laxe docet, posse Confessarium propria relicta opinione probabilem poenitentis amplecti. *pag. 702. num. 2. refellitur. pag. 703. num. 3.*

X

Xaverius (S. Franciscus) Soc. Iesu quam prudenter se gereret cum magnis peccatoribus. *pag. 636. num. 2.* Quanti facienda sit eius auctoritas. *pag. 659. num. 3.*

D E C L A R A N D A.

PAG. XXI. in *præfat. lin. 28.* Quarum nec unam docet, quatenus mihi constat, Morinus, Merbesius, Iuveninus, Gennetus &c. Ad Iuveninum quod attinet, declaro, id intelligendum dumtaxat esse in iis quæ de re morali idem Iuveninus docet, de qua ibi unice disputatur in commentitio Rigorismo refellendo. De alijs vero argumentis quæ Iuveninus tractat, meum ibi non erat investigare, aut ad criticen revocare.

Pag. 660. num. IV. *lin. 28.* An Auctores damnatæ thesise docebant, absolvendum esse illum qui de præsentii vellet occasionem? Quis inter Catholicos adeo insanivit, ut docuerit, absolvendum esse eum qui de præsentii vellet occasionem? = *Corrige.* Auctores propos. 61. proscriptæ ab Innocentio XI. quæ sequuntur docuere. *Quin immo directe & ex proposito querit, aut ei se ingerit.* Casuistarum itaque aliqui ita desipere, ut propugnaverint, absolvendum esse eum qui in præsentia vellet occasionem, aut eidem se ingerat.

	Errata	corrigi sic.
Pag. VI. <i>lin.</i>	8. in <i>Dedicat. in longum tempus</i>	in <i>ultimum tempus</i>
XXXIV.	10. in <i>Præf. quo omnia</i>	quo fere omnia
5.	28. <i>Lib. II. diff. 12. de contrit. cap. VIIII. num. 5. quæst. 2.</i>	<i>Lib. I. diff. 1. de penitent. (ita semper legendum loco de contrit.) cap. VIIII. n. 5. quæst. 2.</i>
16.	3. Vide <i>loc. cit. num. 7.</i>	Vide <i>loc. cit. cap. IX. num. 7.</i>
16.	6. Vide <i>infra loc. cit. n. 16. & seq.</i>	Vide <i>infra loc. cit. cap. X. num. 16.</i>
17.	4. Vide <i>loc. cit. cap. VIIII.</i>	Vide <i>infra loc. cit. cap. X.</i>
36.	28. perfricte negat	pertracte negat
82.	31. probabilis amplius	probabilis amplius non sit
84.	10. attritionis initialis	amoris initialis
92.	6. Ex b quins	Ex quibus
211.	26. proutis in laxiora	proutis in laxiora
230.	23. n cives	in cives
250.	23. enibus suis,	senibus suis
273.	17. fater	fateri
308.	18. negans debitum interrogandi	negans ius interrogandi
335.	Ante titulum <i>Diluuntur sophismata casuistica</i> apponatur	CAPUT VIII.
566.	17. At quinam h	At quinam hi
567.	23. a propinatione veni	a propinatione venenl
ib.	30. Distinguendum	Distinguendum
571.	4. VIII.	VII.
593.	24. dedigrantur	denigrantur
597.	28. non subsisteres	non subsistere
679.	36. Formalem vero propositum	Formale vero propositum
726.	8. Dupio procul	Dubio procul.

Ad pag. 534. Tomi VIII.

lin. 1. pro Benedictus XIV. lege Benedictus XIII. & lin. 2. pro anno 1745. lege anno 1743. item lin. 6. post verba Sacrificium celebrare, adde sive celebrari facere.



